

禪宗金書





禪宗全書

史傳部九

(9)

藍吉富 主編

北京圖書館出版社



解題

一、五家正宗贊

編譯組

全書四卷。宋·希叟紹曇撰。成書於宋寶祐二年（西元一二五四年）作者輯錄臨濟、曹洞、雲門、潯仰、法眼等禪宗五家重要禪師之事蹟，敘述其師承與禪風。文末並加贊語，故名「五家正宗贊」。

本書敘事甚爲簡略，傳記部份亦欠週詳，唯偏重於敘述五家的禪風。全書內容大略如次：

卷一：收錄從達磨大師至雪峯禪師間十二位高僧之傳略。

卷二：收載臨濟宗二十六位禪師之傳略。

卷三：收載曹洞宗十四位禪師之傳略。

卷四：收載雲門、潯仰、法眼等三宗之二十二禪師傳略。

二、定應大師布袋和尚傳

編譯組

元、天台國清禪寺住持無夢沙門曇噩撰，一卷。又名「布袋和尚傳」、「彌勒傳」。布袋和

尚，唐，明州奉化人，名契此，又號長汀子。傳說常以杖背負布袋入市乞食。當時人認為他是彌勒佛的化身，到處圖其形像。我國一般寺廟所供奉的大肚彌勒，相傳就是他的造像，與印度所傳之彌勒像不同。

本書主要在集錄布袋和尚的傳記與語錄。並附有：(1)顯芳洲外史。(2)布袋老僧小序，居士沈一貫撰。(3)序，居士包士瀛。(4)布袋和尚後序，沙門廣如撰。(5)跋，居士戴銘案王氏。(6)重刻彌勒傳略記，僧惠智撰。

本書之成書年代不詳，清·道光二十七年（西元一八四七）由明州岳林寺性德刊行。

三、禪宗正派

編譯組

全書十卷。明，南岳下二十六世嘉興府真如寺如登禪師撰。成書於明·弘治二年（西元一四八九年）。又名「敍古啓明讀禪宗正脈法」、「禪宗正脈法」，作者鑑於「五燈會元」浩繁難讀，故將其縮減改編成十卷。又依神夢而定名為「禪宗正脈」。

全書編纂方式完全根據「五燈會元」，分為正系與傍出一類。凡在機緣下附有「評」字者，即為圓悟禪師的評唱，附有「頌」字者，即出自「禪宗頌古聯珠通集」。此外，冠有「增收」二字者，則是根據「頌古通集」、「碧巖集」、「人天眼目」等書所補足的機緣。

本書自「五燈會元」中抄錄從佛祖起一千二百四十四人的機緣、語錄等。卷一收錄西天佛祖、東土六祖、四祖五祖六祖的旁出。卷二至卷十收錄南岳至其下十七世及青原至其下十六世諸

師。此外，卷首載有弘治二年自撰的引、敍古啓明讀禪宗正脈法、弘治三年的鄒幹序文，以及萬曆三十三年與公敍文。

四、教外別傳

編譯組

全書十六卷。明·郭凝之（黎眉居士）編。主要輯錄西天東土諸祖的機緣語要，以舉揚祖師宗乘，使知五家本源、流派宗風。所收人物，依篇目所列，大略如下：

卷一：釋迦牟尼佛。

卷二：西天二十七祖。

卷三：東土初祖菩提達磨至六祖慧能，計六人。

卷四：四祖牛頭傍出、五祖神秀傍出、六祖大鑑傍出，計二十八人（內有八人無機緣而未錄）。

卷五：南嶽懷讓至南嶽下二世龐蘊居士，計六十一人（內有一人無機緣而未錄）。

卷六：南嶽下三世黃檗希運至五世陳尊宿法嗣陳操尚書，計四十六人（內有四人無機緣而未錄）。

卷七：南嶽下二世天王道悟至九世圓通緣德，計三十人（內有二人無機緣而未錄）。

卷八至卷十：（臨濟宗）南嶽下四世臨濟義玄至十七世（臨濟下十三世）華藏有權，計二百三十八人。

卷十一：（滄仰宗）南嶽下三世滄山靈祐至七世郢州繼徹，計二十人。

卷十二：（雲門宗）南嶽下六世雲門文偃至十三世衛州王大夫，計六十六人。

卷十三：（法眼宗）南嶽下八世清涼文益至十一世淨土惟正，計二十六人。

卷十四：六祖法嗣青原行思至青原下六世郢州桐泉，計五十六人（內有三人無機緣而未錄）。

卷十五：（曹洞宗）青原下四世洞山良价至十五世雪竇智鑑，計七十二人。

卷十六：過去六佛、西天東土應化聖賢二十四人、未詳法嗣十二人、亡名古宿二十六則、亡名宰官七則、亡名行者五則、亡名道婆五則，以及宋世玉音、太宗、徽宗、孝宗三帝。

總計收錄了四百一十人三十八則的機緣語要。

目次

解題	一
壹、五家正宗贊	三
原書目錄	四
序	四
卷一	四
善提達磨大師——雪峯真覺禪師	二二
卷二（臨濟宗）	五三
臨濟慧照禪師——密菴傑禪師	五三
卷三（曹洞宗）	六九
洞山悟本禪師——自得暉禪師	六九
卷四（雲門宗、滄仰宗、法眼宗）	九七
雲門匡真禪師——永明智覺禪師	九七
貳、定應大師布袋和尚傳	九七

叁、禪宗正脈

序

原書目錄

卷一

釋迦牟尼佛——圭峯密

卷二

南嶽讓——長慶巖

卷三

文殊菩薩——婦人

卷四

天皇悟——奉先同

卷五（滙仰宗、法眼宗）

瀉山祐——靈隱珊

卷六（臨濟宗）

臨濟玄——冶父川

卷七（曹洞宗）

洞山价——雪竇鑑

卷八（雲門宗）

一一一
一一三
一一八
一二八
一五八
一九五
二二六
二五八
二九一
三二六
三六二

雲門偃——光孝深

卷九（臨濟宗）

四〇一

黃龍南——噴庵鑑

卷十（臨濟宗）

四三三

楊岐會——德山涓

肆、教外別傳

四七七

序

四七九

原書目錄

四八一

卷一

四九八

釋迦牟尼佛

卷二（西天祖師）

五〇八

一祖摩訶迦葉尊者——二十七祖般若多羅尊者

卷三（東土祖師）

五二四

初祖菩提達摩大師——六祖慧能禪師

卷四

五三八

牛頭山法融禪師——耽源應真禪師

卷五

五五三

南嶽懷讓禪師——龐蘊居士

卷六.....五八五

黃檗希運禪師——陳操尚書

卷七.....六一七

天王道悟禪師——圓通緣德禪師

卷八.....六五六

臨濟義玄禪師——文公楊億居士

卷九.....六八九

楊岐方會禪師——懷玉用宣禪師

卷十.....七二五

徑山宗杲禪師——華藏有權禪師

卷十一.....七五三

瀉山靈祐禪師——郢州繼徹禪師

卷十二.....七七一

雲門文偃禪師——衛州王大夫

卷十三.....七九一

清涼文益禪師——淨土惟正禪師

卷十四.....七九九

青原行思禪師——郢州桐泉禪師

卷十五.....八三二

洞山良价禪師——雪竇智鑑禪師

卷十六.....八六三

毗婆尸佛——孝宗皇帝

五家正宗贊

宋・希叟紹曇 撰



洞山初禪師

智門祚禪師

雪竇明覺禪師

洞山聰禪師

雲居舜禪師

大覺璉禪師

天衣懷禪師

圓照本禪師

圓通秀禪師

大通本禪師

雪峯慧禪師

月堂昌禪師

漚仰宗

漚山大圓禪師

仰山智通禪師

南塔湧禪師

芭蕉清禪師

芭蕉徹禪師

法眼宗

清涼法眼禪師

天台韶國師

永明智覺禪師

目錄終

◆康字原本
字體不明或
處字缺

五家正宗贊并序

游聖人之門者難爲言此特闢門見女子軟紅輕
襪踏地怕痛之論又烏足爲參學法衲僧家千聖
頂額警轉玄樞翻鐵面皮爺也不識示一機如大
火聚出一言如生鐵鐵無備近傍處無備咬嚼處
針砭古今活必死疾又何聖可稱何門可游何言
可思終日言而盡道言滿天下無口過或褒或貶
或抑或揚曲盡其奧褒非勸節貶非窮鄉抑非療
人揚非舉善息黥補劓截鶴續鳧倒用橫施著著
有出身之路肯桎梏籠檻分甘爲淺丈夫哉愚生
也魯瘦藤挑月破笠包雲奔走江湖幾五十載雖
透關眼未甚明至理言未甚的然於古人不怡好
處略窺涯涘試將五彩繡轍太虛似不量其力也
前謂褒貶抑揚當俟金鑄刮膜出語驚群者重爲
點發雖然翠巖眉毛寧免拖地

寶祐甲寅西蜀北丘紹曇百拜書于靈鷲放山室

初祖菩提達磨大師

師南印度香至王之子姓刹帝利本名菩提多羅因二十七祖般若多羅尊者行化至本國其王施無價寶珠時王有三子尊者欲試其所得以所施珠問三王子曰此珠圓明有能及此否師曰此是世寶未足爲上於諸寶中法寶爲上此是世光未足爲上於諸光中智光爲上此是世明未足爲上於諸明中心明爲上此珠光明不能自照要假智光光辨於此既辨此已卽知是珠既知是珠卽明其實若明其實寶不自寶若辨其珠珠不自珠珠不自珠者要假智珠而辨世珠寶不自寶者要假智寶以明法寶然則師有其道其實卽現衆生有道心寶亦然尊者歎其辯慧改號菩提達磨及香至厭世之後遂出家矣師降六宗一曰有相二曰無相三曰定慧四曰戒行五曰無得六曰寂靜後值異見王輕毀三寶有弟子宗勝潛至王所廣說法要往返徵詰師懸知宗勝義墮遽告波羅提曰汝可速救羅提稟云願假神力言已雲生足下至王前默然而住時王正問宗勝忽見羅提乘雲而至愕然忘其問答曰乘空之者是正是邪答曰

我非邪正而來正邪王心若正我無邪正王雖驚異而慢心方熾卽擯宗勝令出羅提曰王既有道何擯沙門我雖無解願王致問王怒而問曰何者是佛答曰見性是佛王曰師見性不答曰我見佛性王曰性在何處答曰性在作用王曰是何作用我今不見答曰今見作用王自不見王曰於我有不答曰王若作用無有不是王若不用體亦難見王曰若當用時幾處出現答曰若出現時當有其八王曰其八出現當爲我說羅提說偈曰在胎爲身處世爲人在眼曰見在耳曰聞在鼻辨香在口談論在手執捉在足運奔遍現俱該沙界收攝在一微塵識者知是佛性不識喚作精魂王聞偈已心卽開悟乃悔謝前非咨詢法要師一曰曰吾觀赤縣神州有大根器遂踰海越漢爲法求人初至見梁武帝帝問如何是聖諦第一義師曰廓然無聖帝曰對朕者誰師曰不識帝不契遂折蘆渡江至少林面壁九年得二祖於深雪中曾謂曰外息諸緣內心無喘心如牆壁可以入道後傳衣付偈曰吾本來茲土傳法救迷情一花開五葉結果

自然成流支光統數加藥害至第六度遂不救識曰
江槎分玉浪管炬開金鎖五口相共行九十無彼我
師知緣盡欲返天竺令弟子各言其志道副得皮總
持得肉道育得骨二祖得髓師入滅後葬于熊耳後
宋雲使西域還遇師於葱嶺見師手携隻履而返歸
奏帝開墳果見空棺隻履存焉

贊曰

隆準龍顏 碧瞳天相

棄金輪爲聖道出家

辨寶珠與阿師相抗

足生雲 驅弟子除異見之邪

舌翻瀾 聽合國起六宗之謗

神洲赤縣接大乘根

東土西天示衲僧樣

廓然無聖 逆龍鱗一葦橫江

寂爾觀心 坐鬼窟九年摸象

一花開五葉 放庭雪沒人腰

毒藥作醍醐 笑江槎分玉浪

如牆如壁 幾曾當教外別傳
分髓分皮 正好喫手中痛棒
詐死亡携隻履歸惜大唐國一時人開眼被胡兒
欺誑

曹溪六祖大鑑禪師

師諱慧能新州人俗姓盧家貧樵采以給一日負樵
至市聞客誦金剛經至應無所住而生其心處悚然
問客曰此何法也得於何人客曰此名金剛經得於
黃梅忍大師師遂白其母至黃梅謁五祖祖曰汝自
何來曰嶺南祖曰欲須何事曰惟求作佛祖祖曰嶺南
人無佛性若爲作佛曰人有南北佛性豈然祖異之
乃曰著槽廠去師禮而退遂負石舂米後聞人舉北
秀頌曰身似菩提樹心如明鏡臺時時勤拂拭莫使
惹塵埃師即倩人書偈其傍曰菩提本無樹明鏡亦
非臺本來無一物何處惹塵埃祖因付衣鉢潛至大
庾嶺明上座逐之師以衣置於石上曰此衣表信可
力爭耶明日我來求法非爲衣也師曰不思善不思
惡正恁麼時如何是明上座父母未生以前本來面

目明大悟師於儀鳳元年丙子正月八日居南海遇
印宗法師於法性寺講經聞二僧辨風幡一云風動
一云幡動爭之不已師曰可容俗流輒預高論否直
以風幡非動動自心耳印宗聞之遂與拔剌韶州刺
史韋據請於大梵寺轉法輪并受無相心地戒門人
紀錄目爲壇經南嶽讓和尚因嵩山安和尚啓發之
乃直詣參師師問曰什麼處來岳曰嵩山來師曰什
麼物怎麼來曰說似一物即不中師曰還假修證否
曰修證即不無污染即不得師曰即此不污染諸佛
之所護念汝既如是吾亦如是青原和尚參師問曰
當何所務即不落階級師曰汝曾作什麼來原曰聖
諦亦不爲師曰落何階級原曰聖諦尚不爲何階級
之有師深肯之師將順寂欲往新州衆曰師從此去
早晚却回師曰葉落歸根來時無口又說偈曰心地
含諸種普雨悉皆生頓悟花情已菩提果自成
贊曰

震旦心宗 嶺南靈種

一字不識書 採薪勤母奉

一五五五五五五

卷一（菩提達磨大師——雪峯真覺禪師）

四五五五五

0907

黃梅確頭和嶽搗出 石墜覺腰輕
新州市上平地樹翻 擔折知柴重
鯉魚眼睛光轉轉 嘆明上座爲衣鉢爭
毒地口氣冷水冰 斥印宗僧非風幡動
污染即不得 蕩南岳家財一物無
聖諦尚不爲 鼓青原波浪千尋湧
開作家爐竈 村獃撥收幾塊精金
說成帙壇經 臭皮囊盛許多骨董
葉落歸根來時無口 死歟難翻
地含諸種普雨皆生 開眼說夢
千古曹溪鏡樣清非劈箭截流機浸殺底塔作何
用

江西馬祖禪師

師諱道一漢州什邡人姓馬氏容兒奇異虎視牛行
得法南岳後歸蜀鄉人喧迎之溪邊婆子云將謂有
何奇特元是馬簸箕家小子師遂曰勸君莫還鄉還
鄉道不成溪邊老婆子喚我舊時名再返江西西天
二十七祖般若多羅識云金鷄啼一聲一粒粟供養十

方羅漢僧六祖謂南嶽云爾後出一馬駒踏殺天下人。去在石臺爲獵時從師菴前過師見問曰汝是何人。曰獵者。師曰汝解射不。曰解。射師曰汝一箭射幾箇。曰一箭射一箇。師曰汝不解射。曰和尙解射不。師曰解。射曰一箭射幾箇。師曰一箭射一群。曰彼此生命何用射他。一群師曰汝既知如是。何不射。曰若教某甲自射。直是無下手處。師曰者漢曠劫無明一時頓息。遂擲弓箭。投師出家。師與百丈行次見水鴨。師問水鴨子在何處。丈曰飛過去也。師遂捏丈鼻。丈作痛聲。師曰又道飛過去也。丈乃有省。遂歸寮中大哭。同事問曰有何事。丈曰汝去問和尙。同事往方丈問曰不知海侍者有何事而哭。令某甲來問。和尙師曰汝自去問他。同事歸問丈。大笑。同事曰適來哭而今笑。丈曰適來哭而今笑。龐居士參次問云不與萬法爲侶者是什麼人。師云待汝一口吸盡西江水。卽向汝道。士於此有省。師與百丈南泉智藏。既月次師曰正恁麼時如何。藏曰正好修行。丈曰正好供養。南泉拂袖便行。師曰經歸藏。禪歸海。唯有普願獨超。

物外後示寂于泐潭

贊曰

虎視牛行 虬髯鐵面

滅菩提達磨之心宗

應般若多羅之懸議

金雞解噴一粒粟 禍孽潛萌

馬駒踏殺天下人 惡聲難掩

射鹿印石臺無明蕩除

過鴨將百丈鼻頭捏轉

吸江口 壓殺龐公

翫月樓 坑埋普願

八十四人阿轆轤

七千餘里走區區

赤手逗曹溪正脉

卽心得臨濟克家

稽首真空大法王

由太虎閃電

南嶽石頭禪師

成團如破鑪脊上蒼蠅
被人喚馬簸箕家小因

古今分宗派滔滔
兒孫上傳燈寥寥

無得而稱焉擬覓踪

師諱青原諱希遷端州人姓陳氏在俗時每厭鄉洞民多淫祀輒奪牛毀祠而歸鄉老不能禁師參青原原令馳書與南嶽曰汝達書了速回吾有箇鉗斧子與汝住山去師至彼未呈書便問不慕諸聖不重已靈時如何讓日子問太高生何不向下問師曰寧可永劫沈淪不求諸聖解脫讓便休師回原問日子去未久送書達不師曰信亦不通書亦不達去時蒙和尚許箇鉗斧子便請原垂一足師禮拜異日問曹溪大師還識和尚否原曰汝還識吾否師曰識又爭能識原曰衆角雖多一麟足矣師一日夢與六祖乘一龜游泳深池覺原之曰靈龜智也池聖海也吾與祖師同乘靈智游於聖海也師天寶間之衡山南寺之東有石狀如臺乃結菴其上時號石頭和尚鄧隱峯辭馬祖祖問甚處去峯曰石頭去祖曰石頭路滑峯曰竿木隨身逢場作戲便行到師處繞禪床一匝振錫一下乃問是何宗旨師曰蒼天峯無語却回舉似祖祖曰更去問待他有答汝便噓兩聲峯再去如前問師噓兩聲峯又無語回舉似祖祖云向汝道

石頭路滑藥山一日在石上坐師見問曰汝在者裏作什麼山曰一物不爲師曰恁麼則閑坐也山曰閑坐卽爲也師曰汝道不爲不爲箇什麼山曰千聖亦不識師乃以偈歎之曰從來共住不知名任運相將只麼行自古上賢猶不識造次之流豈可明僧問如何是禪答曰碌磚如何是道答曰木頭師著參同契草菴歌行於世贊曰

端州生緣 曹溪得度

驚鼻蛇毒要傷人 破鏡鳥心專食母

厭洞民多淫祀 毀叢祠奪牛歸

與嶽僧通信書 挾鉗斧住山去

衆角雖多一麟足 又爭能識得青原

深池同載一龜游 竟何曾夢見六祖

臨機多滑路 推隱峯束手墮懸崖

共住不知名 對藥山熟睡饒譚語

貼身死計 磐石坐生雲

信口答禪 碌磚拋似雨

青松下閑謳一曲 草庵歌不落宮商
亂山中狂叫數聲 參同契是何言句
惜曹溪旁出一枝到情忘義斷時生五逆孫繼不
孝子

南泉願禪師

師諱普願鄭州人姓王氏初見馬祖契悟後住南泉
上堂曰王老師自少養一頭水牯牛擬向溪東牧不
免食他國王水草擬向溪西牧亦不免食他國王水
草不如隨分納些些總不見得山下有一菴主人謂
曰近日南泉和尚出世何不去禮拜曰非但南泉出
世直饒千佛出與我亦不去師聞乃令趙州去勸州
去便設禮主不顧州從西過東從東過西主亦不顧
州曰草賊大敗遂拽下簾子便歸舉似師師曰我從
來疑著者漢師一日到莊莊主預備油糴迎奉師曰
老僧居常出入不與人知何得排辦如此主曰昨夜
土地報道和尚今日來師曰王老師修行無力被鬼
神覷見時有僧問既是大善知識爲什麼却被鬼神
覷見師曰土地前更下一分飯一日兩堂首座爭錯

兒來白師師持刀提起貓兒曰道得即救取貓兒道
不得即斬却二俱無對師便斬之至晚趙州自外歸
師舉前話示之趙州脫鞋安頭上便出師曰子若在
救得貓兒示衆曰王老師賣身去也阿誰買時有僧
出衆曰某甲買師曰不作貴不作賤汝作麼生買僧
無對僧問師居丈室將何指南師曰昨夜三更失却
牛天明起來失却火師在山作務次僧問南泉路向
甚處去師拈起鎌子云我者鎌子三十錢買得僧曰
不問茅鎌子南泉路向甚處去師曰我使得正快陸
亘大夫與人雙陸次見師陸指骰子曰怎麼不怎麼
信彩去時如何師拈起骰子云臭骨頭十八陸又問
弟子家中有一片石或時坐或時臥如今擬鑄作佛
得不師曰得陸曰莫不得不師曰不得師住菴時一
僧到師問道我上山作務待齋時作飯自喫了送一
分上來少時其僧自作喫了一時打破家生就師床
臥師待不來歸見僧牀上臥師亦就邊臥僧便起去
師後曰我往住菴時有箇伶俐道者至今不見消
息陸亘一日向師道鑿法師也奇怪解道天地與我

同根萬物與我一體師指庭前花曰大夫時人見此
一株花如夢相似陸岡測師問座主曰與我講經得
麼座曰某甲與和尚講經和尚與某甲說禪始得師
曰不可將金彈子博銀彈子去上堂曰諸和尚子王
老師十八上解作活計如今有解作活計者麼出來
共汝商量也須是住山人始得良久顧視大眾合掌
曰珍重無事各自修行一日甘贊行者來設粥云請
和尚念誦師云甘贊行者設粥請大眾爲狸奴白牯
念摩訶般若波羅蜜贊禮拜便出去師到厨內打破
鍋子

贊曰

咄這王老師 遍地栽荊棘

牧牯牛東西溪上 索頭在手未會放牧

斬貓兒上下堂前 暗地絆繩難分曲直

亂拋骰子 臭骨頭十八點喝成

錯指路頭 茅籬子三十錢買得

不作責不作賤 賣渾身誰肯商量

失却火失却牛 居丈室有何奇特

被鬼神覷見了 莊上喫片油糍
與趙州相見來 鎮州出大蘿蔔
一株花如夢相似 孰云天地同根
十八歲活計做成 難使兒孫取則
許陸亘開鑄坐石 逐惡隨邪
爲甘贊打破粥鍋 開門放賊
佛出世亦不去 聾頭庵生未免狐疑
飯飽後恣睡 靈利道者不知消息
將金彈子換銀彈子長處無多哽要做阿鞞鞞善
知識

百丈大智禪師

師嗣馬祖諱懷海福州人姓王氏師再參祖侍立次
祖目視繩床角拂子師曰卽此用離此用祖曰汝向
後開兩片皮將何爲人師取拂子豎起祖曰卽此用
離此用師掛拂子舊處祖震威一喝師便禮拜後檀
信請於洪州新吳界住大雄山居處巖巒峻峻故號
百丈師處之末期月參玄之士四方羣集鴻山黃蘗
當其首一日師謂衆曰佛法不是小事老僧曾被馬

大師一喝直得三日耳聾黃蘗聞不覺吐舌師曰子已後莫承嗣馬祖去麼蘗云不然今日因和尚舉得見馬祖大機大用然且不識馬祖若嗣馬祖已後喪我兒孫師曰見與師齊滅師半德見過於師方堪傳授子甚有超師之見蘗便禮拜師每上堂有一老人隨衆聽法一日衆退唯老人不去師問汝是何人老曰某非人也於過去迦葉佛時曾住此山因學人問大修行人還落因果也無某云不落因果遂五百生墮野狐身今請和尚代一轉責脫野狐身師曰爾問老曰大修行人還落因果也無師曰不昧因果老於言下大悟作禮曰某已脫野狐身住在山後敢乞依亡僧津送師令維那白槌告衆食後送亡僧食後師領衆至山後巖下以杖挑出一死狐乃依法火葬司馬頭陀自湖南來見師云瀉山奇絕可聚千五百衆師曰老僧欲住可乎陀云非和尚所住師曰何也陀曰和尚是骨人彼是肉山設居之徒不盈千師曰吾衆中莫有人住得不陀曰待歷觀之師令侍者喚第一座來師曰此人如何陀令警欵行數步曰此人不

可又令喚典座來陀曰此正是瀉山主也師是夜召祐入室囑曰吾化緣在此瀉山勝境汝當居之嗣續吾宗廣度後學時華林聞之曰某甲忝居上首祐公何得住持師曰若能對衆下得一轉語出格當與住持卽指淨瓶問曰不得喚作淨瓶汝喚作什麼華曰不可喚作木揆師不肯乃問祐祐踢倒淨瓶師咲云第一座輪却山子也祐遂往焉師作清規贊曰

出格胚臍 鈞陶巧匠

瘦骨稜稜玉削成 碧眸閃閃星流樣

脫野狐不昧因果 知歷代贊幾何罵幾何

鬪水鴨落盡便宜 走歸家哭一上笑一上

淨瓶踢倒 放山子荷鑊入千峯

拂子拈來 恠馬師平地埋青嶂

一生鼻頭痛 刻骨冤不易消融

三日耳朶聾 入心毒卒難洗蕩

共游惡業蛟龍窟 子黃蘗友龐公

同奪生獐虎兕胎 兄南泉弟知藏

清規井井 深掘陷人坑

華胄繩繩 密布縵天網

策奇勛不減叔孫通與老臊胡作萬古城池阿誰近傍

趙州真際禪師

師嗣南泉諱從諗曹州人姓郝氏一日問南泉曰如何是道泉曰平常心是道師曰還可趣向也無曰擬向卽乖師曰不擬爭知是道曰道不屬知不屬不知知是妄覺不知是無記若真達不疑之道猶如太虛廓然虛豁豈可強是非耶師於言下悟理有僧游五臺問婆子曰臺山路向甚處去婆曰鶩直去僧便去婆曰好箇師僧又恁麼去後僧舉似師師曰待我去勘破明日便去問臺山路向甚處去婆曰鶩直去師便去婆曰好箇師僧又恁麼去師歸謂僧曰臺山婆子爲汝勘破了也僧問久響趙州石橋到來只見略約師曰汝只見略約不見石橋曰如何是石橋師曰度驢度馬一日真定帥王公携諸子入院師坐而問曰大王會麼王曰不會師曰自小持齋身已老見人

無力下禪床王尤加禮重僧問狗子還有佛性也無師曰無僧云一切衆生皆有佛性狗子因甚却無師曰爲伊有業識在師到黃蘗蘗見來便閉方丈門師乃把火於法堂叫云救火救火蘗開門捉住曰道道師曰賊過後張弓到萊蕪執主文法堂上從東過西蕪曰作什麼師曰探水蕪曰我者裏一滴也無探箇什麼師以丈倚壁便行僧問如何是祖師西來意師曰庭前栢樹子後法眼問覺鐵嘴問趙州有栢樹子話是否覺曰先師無此語莫謗先師好僧問雪峯古澗寒泉時如何峯曰瞪目不見底曰飲者如何曰不從口入師聞曰不可從鼻孔裏入僧便問古澗寒泉時如何師曰苦曰飲者如何曰死僧舉似雪峯遙望作禮曰趙州古佛從此不答語嚴陽問一物不將來時如何師曰放下著曰既是一物不將來放下箇什麼曰放不下擔取去嚴有省

贊曰

禪在口皮邊 換盡衲僧眼

中南泉毒 太虛寥廓豈強是非

死雪峯心 古澗寒泉分明剖判

見大王不下床接 表吾宗尊法有人

勘庵主拽下簾歸 知王老疑著者漢

茱萸採水 靠丈立生根

黃蘗救焚 開門驚落膽

狗子無佛性 露刃劒冷銜含霜

臺山勘破婆 葛藤椿一刀截斷

覺鐵臂謂先師無此語 費口分疎

嚴尊者問一物不將來 全肩荷擔

架略約非惟度馬度驢亘百世援沈迷使平步摩

訶衍岸

黃蘗斷際禪師

師嗣百丈諱希運闍人初游天台逢一僧與之言笑如舊識熟視之目光射人乃偕行澗水暴漲植杖而止其僧率師同度師曰兄自度彼即褰衣躡足履波如地回顧師曰渡來渡來師咄曰者自了漢吾早知當所汝脛僧嘆曰真大乘法器我所不及言訖不見百丈一日問師甚處去來師曰大雄山下采菌子來

丈曰還見大虫麼師便作虎聲丈拈斧作斫勢師打丈一摑丈吟吟而笑便歸上堂曰大雄山下有一大虫汝等諸人也須好看百丈老漢今日親遣一口師在南泉作首座一日持鉢向南泉位坐泉入堂見謂師曰首座幾時行道師曰威音已前泉云猶是王老師兒孫在師遂過第二位師辭泉門送提起師笠曰長老身材沒量大笠子太小生師曰雖然大千世界總在裏許泉曰王老師豐師戴笠便行師在鹽官殿上禮佛次時唐宣宗爲沙彌問云不著佛求不著法求不著僧求長老禮拜當何所爲師曰不著佛求不著法求不著僧求常禮如是事彌日用禮奚爲師掌彌彌曰太麤生師曰者裏是什麼所在說麤說細隨後又掌及宗即位乃封爲蘄行沙門裴相國諫之曰三掌爲陛下斷三際易爲斷際師曾有六人新到五人作禮中有一人提起坐具作一圓相師曰我聞有一隻獵犬甚惡僧曰尋羚羊聲來師曰羚羊無聲到彌尋僧曰尋羚羊跡來師曰羚羊無跡到彌尋曰尋羚羊蹤來曰羚羊無蹤到彌尋曰恁麼則死羚羊也

師便休去明日陞堂曰昨日尋羚羊僧出來僧便出
師曰昨日公案未了老僧休去爾作麼生僧無語師
曰將謂是本色衲子元來是義學沙門打出示衆云
汝等諸人盡是噇酒糟漢恁麼行脚何處有今日還
知大唐國裏無禪師麼時有僧出云只如諸方匡徒
願衆又作麼生師曰不道無禪只是無師師俗居貧
母老聞師住黃蘗特來相見師不顧母爲飢寒至大
義渡頭失脚斃死後果生天夢師曰我當時若受汝
一粒米當墮地獄寧有今日再拜而去師一日捏拳
云天下老和尚總在者裡我若放一線道從汝七經
八橫若不放過不消一捏問不消一捏時如何師曰
普裴相國捧一尊佛跪前曰請師安名師喚曰裴休
休曰諾師曰與汝安名竟千頃南參師師曰未現三
界影像時如何南曰卽今豈是有耶師曰有無且置
卽今如何南曰非古今師曰吾之法眼已在汝躬師
曰且當人事宜不能體會得但知學言語向皮袋裏
安著到處稱我會禪還替得生死麼輕忽老宿入地
獄如箭

贊曰

羸行沙門 略無拘檢

掌大唐天子 面似血紅

打臨濟斯兒 棒如雨點

大雄山下突出虎 未具爪牙

大義渡頭擲殺娘 不分恩怨

在威音已前行道爭坐位 平地喫交

聞百丈三日耳聾驚吐舌 和根翻轉

羚羊絕蹤跡 軒知獵犬難尋

淵水漲波濤 却被胡僧欺騙

小笠藏大千世界 甚處著王老師

麤拳捏天下師僧 有時通一絲線

謂千頃南法眼在汝 剛要鬼分賊

與裴相國古佛安名 白遭渠污染

噇酒糟漢還知大唐國裏無禪師麼輕忽老僧入

地獄如箭

睦州陳尊宿

師諱道蹤俗姓陳江南李王之裔因游開元寺禮佛

見僧如故歸白父母願求出家許之受具游方契旨於黃蘗後爲四衆請住觀音寺常百餘衆學者咨扣隨問遠答詞語峻嶮無以嬰其鋒由是諸方以尊宿稱之嘗首座黃蘗時臨濟方入衆師目爲大器指見藥問佛法大旨藥三度賜棒雲門初參師師肩門拶折雲脚乃云秦時轆轤鑽雲大悟仍指見雪峰師後歸開元以母老無親奉居閑房日織蒲鞋鬻米供奉故號陳蒲鞋巢寇至境師標大履於城門巢盡力不能舉歎曰睦州有大聖人舍城而去遂免擾師問座主講什麼經曰涅槃經曰問一段義得麼曰得師以脚踢空中吹一吹曰是什麼義曰經中無此義曰脫空謾語漢五百力士揭石義却道無有一秀才訪師稱會二十四家書師以拄杖空中點一點曰會麼才問測曰又道會二十四家書永字八法也不識僧參次師問汝是新到否曰是曰且放下葛藤會麼曰不會曰擔枷陳狀自領出去僧便去師曰來來我實問汝甚處來曰江西師曰勸潭和尚在汝背後怕爾亂道見麼僧無語師應機多云擔板漢門牆峻嶮少有

許可後接陳操尙書一人
贊曰

者漢一生擔板 肯被它人移換

斷佛祖命脉 不假鉏刀

換衲僧眼睛 只消泥彈

指臨濟參黃蘗 生地入竹筒

接雲門嗣雪峰 烏龜生鵝卵

五百力士揭石義 將脚尖虛處踢翻

二十四家破體書 以主杖空中點看

叱新到放下江西爛葛藤

沒巴鼻拋出秦時轆轤鑽

閑房養母 破蒲鞋能直幾文錢

古寺藏身 潑家私當甚破漆碗

當門懸大履 虛得聖人名

分座振頰綱 瞎却人天眼

氣衝牛斗薄諸方將死雀就地彈用盡機關末後

只接得箇俗漢

德山見性禪師

師諱宣鑑嗣龍潭簡州人性周氏初講金剛經名冠成都時稱周金剛嘗與同學曰一毛吞海海性無虧纖芥投針鋒利不動學與無學惟我知焉聞南方禪席頗盛師氣不平乃曰出家兒干劫學佛細行萬劫學佛威儀不得成佛南方魔子敢言直指人心見性成佛當破其窟宅滅其種類以報佛恩遂負青龍鈔出蜀至澧陽路上見一婆子賣餅因息肩買點心婆指擔曰者是什麼文字曰青龍疏鈔曰講何經曰金剛經曰我有一問若答得卽與點心答不得且別處去經中道過去心不可得現在心不可得未來心不可得未審上座點那箇心師無語徑往龍潭曰久嚮龍潭及乎到來潭又不見龍又不現潭曰子親到龍潭師無對遂止息焉一夕侍立次潭曰更深何不下去珍重便出却回曰外面黑潭點紙燭度與師接得潭便吹滅師大悟便禮拜潭曰子見箇什麼師曰從今向去更不疑天下老和尚舌頭至來日潭陞座謂衆曰可中有箇漢牙如劍樹口似血盆一棒打不回頭他日向孤峯頂上立吾道去在師遂將疏鈔堆法

堂前舉火云窮諸玄辯若一毫置於太虛竭世樞機似一滴投於巨壑遂焚之於是禮辭直抵瀉山挾複子上法堂從東過西從西過東顧視方丈曰有麼有麼山坐不願師曰無無便出至門首乃曰雖然也不得草草遂具威儀再入相見纔跨門提起坐具曰和尚山擬取拂子師便喝拂袖而出至晚問首座今日新到在不座曰當時背却法堂著草鞋出去也山曰此子已後向孤峯頂上盤結草菴呵佛罵祖去在師一日齋遲自托鉢過堂時雪峰爲典座曰鐘未鳴鼓未響托鉢甚處去師便歸方丈峰舉似岩頭頭曰大小德山未會末後句師聞令侍者請巖至謂曰汝不肯老僧那巖密啓其意次日上堂便與尋常不同巖於僧堂前撫掌曰且喜堂頭老漢會末後句雖然也只得三年後三年果遷化示衆曰汝但無心於事無事於心自然虛而靈空而妙若毫端許言之本末者皆爲自欺何故毫釐繫念三途業因暫爾情生萬劫羈鎖聖名凡號總是虛聲殊相劣形皆爲妄色汝欲求之得無累乎及其厭之又成大患終無所益雪峯

問師從上宗乘事某甲還有分也無師曰道甚麼峯
有省廓侍者問從上諸聖向甚處去師曰作麼作麼
廓曰勅點飛龍馬改驚出頭來師休去來日浴出廓
度湯與師師撫背云昨日公案如何廓曰者老漢今
日方始覺地師休去師一日同瓦棺入山斫木師將
一碗水與棺棺接得便喫師曰會麼棺曰不會師又
將一碗水與棺棺接得又喫師曰會麼棺曰不會師
曰何不成禪取不會底棺曰不會又成禪箇什麼師
曰子大似箇鐵檝師隔江見高亭云不審師乃搖扇
搖之高亭開悟使橫移而去師凡住院拆却佛殿獨
存法堂而已
贊曰

擔鈔走南方 擔減諸魔子

逢臭老婆點出三心

看小當仁啞無一語

龍潭吹滅紙燭 破蕩家財

德嶠盤結草菴 呵罵佛祖

到瀉山背著草鞋出 活弄目前機

問嚴頭不肯老僧那 會得末後句
虛而靈空而妙 逢人拋擲爛泥團
毛吞海芥投針 對衆拗折金剛杵
驚鼻蛇毒因宗來車入心
飛龍馬驟向作麼中馳步
斫木要瓦棺成禪便休
搖扇喜高亭橫移而去
誠所謂拆佛殿咬猪狗不近人情底老尊慈想不
是花歸地戀繁華央庠底座主

嚴頭產禪師

師諱全養嗣德山泉州人姓柯氏一日參由方路門
便問是凡是聖山便喝師禮拜有僧舉似洞山山曰
若不是養公大難承當師曰洞山老人不識好惡錯
下名言我當時一手擡一手撮一日與雪峰欽山聚
話次見一碗水欽曰水清月現峰曰水清月不現師
踢而去師與雪峰同辭德山山問甚處去師曰暫離
和尚去山曰子他後作麼生師曰不忘和尚日子憑
何有此說師曰豈不聞智與師齊滅師半德智過於

師方堪傳授曰如是如是善自護持師在鄂州巖頭值沙汰於湖邊作渡子兩岸各掛一板有人過渡打板一下師曰阿誰曰要過那邊去師乃舞棹迎之一日因婆子抱一子來乃曰呈繞舞棹即不問且道婆子手中兒甚處得來師便打婆曰婆生七子六箇不遇知音只者一箇也不消得便拋向水中師後菴于洞庭臥龍山徒侶臻集僧問無師還有出身處也無師曰聲前古義爛上堂云吾嘗究涅槃經七八年於中有一兩段義似衲僧說話又云休休時有僧出作禮云請和尚爲衆舉師遂云吾教意如●字三點第一向東方下一點點開諸菩薩眼第二向西方下一點點諸菩薩命根第三向上方下一點點開諸菩薩頂門此是經中第一段義吾教意如摩醯首羅壁開面門豎亞一隻眼此是第二段義吾教意如塗毒鼓擊一聲遠近聞者俱喪此是第三段義時小巖上座問如何是塗毒鼓師以兩手按膝亞身曰韓信臨朝底巖無對羅山謁石霜問去住不寧時如何霜曰直須盡却山不愜意乃參師問同前語曰從他去住管

他作麼遂服膺一日又問曰和尚豈不是三十年前在洞山而不肯洞山曰是又曰和尚豈不是嗣德山而不肯德山曰是曰不肯德山則不問只如洞山有何虧缺師良久曰洞山好佛只是無光山禮拜師問僧甚處來曰西京來師曰黃巢過後還收得劍麼曰收得師近前引頸云因僧曰師頭落也師呵呵大笑僧後到雪峰峰問甚處來曰巖頭來曰巖頭有何言句僧舉前話峰打三十棒趁出僧問如何是道曰破草鞋拋向湖邊著僧問古帆未掛時如何曰小魚吞大魚曰掛後如何曰後園驢喫草瑞巖問如何是本常理師云動也曰動時如何曰不是本常理巖沈思師曰肯則未脫根塵不肯則永沈生死巖於言下頓悟後凡有問佛問法問禪問道皆作噓聲一日謂衆曰老漢去時大叫一聲了去一日賊大至責以無供饋遂刺刀焉師神色自若大叫一聲而終聞數十里唐光啓三年四月八也

贊曰

智過師 誰信備

遭一喝大難承當 用一嚇全沒巴鼻

橫點頭三十載 謂洞山佛無光

施塗毒一兩聲 聽韓信臨朝底

舞棹洞庭湖畔 引吳老婆拋却兒

阻雪鰲山店頭 呵魔頭僧去打睡

聲前古義爛 謾當機籌

後園驢喫草 是何宗旨

劍從收後嬰鋒去 錯付者僧頭

鐘未鳴時托鉢回 密啓先師意

問大道端倪處 急須下草鞋

與同行共話閒 可惜踢翻碗水

謂羅山從他去住 未有不寧時

肯瑞巖未脫根塵 不是本常理

生平脫洒視生死如游戲園林末後大叫一聲聞

數十里

雪峯真覺禪師

師諱義存泉州曾氏子出嶺首謁鹽官三到投子九

上洞山因緣不契後參德山遂悟於言下師辭洞山

山問子向甚麼處去師云歸嶺去山云當時從甚路

出師云飛猿嶺出山云今從甚路去師云飛猿嶺去山

云有一人不從飛猿嶺去子還識麼師云不識山云

爲甚麼不識師云他無面目山云子既不識爭知無

面目師無對師同巖頭到澧州鰲山店阻雪頭唯打

睡師一向坐禪一日喚巖曰師兄起來巖曰作麼師

曰今生不著便共文遠箇漢行脚到處被佗帶累師

兄如今又只管打睡巖喝云瞌睡去每日恰似七村

裏土地他時後日魔魅人家男女去在師點胸云某

甲這裏未穩在巖曰將謂爾他後向孤峯頂上盤結

草庵呵佛罵祖去在猶作者箇語話師曰我實未穩

在巖曰若實如此據汝見處一一通來是處與爾證

明不是處與爾割却師曰我初到鹽官聞舉色空義

得箇入處巖曰此去三十年切忌舉著師曰又因洞

山過水悟道頌有箇省處巖曰若恁麼自救也不了

師云某甲因問德山從上宗乘中事學人還有分也

無山打一棒云道甚麼我當下如桶底脫相似被巖

頭震威一喝云豈不聞道從門入者不是家珍師曰

如何卽是巖曰他後若欲播揚大教須一一從自己胸襟流出將來與我蓋天蓋地去師於言下大悟連聲叫曰師兄今日始是鰲山成道師行脚時參烏石觀纔敲門觀問誰曰鳳凰兒曰來作麼曰來啗老觀觀便開門搗住曰道道師擬議觀托開閉却門師住院後示衆曰我當時若入得老觀門備者一隊唾酒糟漢向甚處摸索上堂南山有一條鰲鼻蛇汝等諸人切須好看時長慶出云今日堂中大人喪身失命雲門以拄杖攬向面前作怕勢僧舉似玄沙沙云須是稜兄始得然雖如是我卽不然僧云和尚作麼生沙云用南山作麼上堂盡大地撮來如粟米粒大拋向面前漆桶不會打鼓普請看玄沙一日謂師曰某甲如今大用去和尚作麼生師將三箇木毬一時輓出沙作斫碑勢師曰備親在靈山方得如此沙曰也是自家事闍師施銀交床僧問和尚受大王如此供養將何報答師以手托地曰輕打我師象骨巖接人後欲往松山建寺安衆問大師借庵基尼不肯因與坐禪約曰未滿七日出定者輸尼至六日開眼師

遂奪其基建寺師親書碑於磨院云山前竟日無狼虎磨下終年絕雀兒至今虎雀絕無贊曰

得處頗辛勤 用時無巧妙

入飛猿嶺不識一人

生蠱毒鄉寧無少過

焦磚打著連底凍 就德山點發不假多談

赤眼撞著火柴頭 與巖頭同行只消一箇

鰲山店頭成道 半夜發狂

象骨巖下踈跟 全身放倒

圓木毬輓出 玄沙火急作牌

鰲鼻地攬來 雲門郎忙打草

開門輕擬議 被老觀搗住非鳳凰兒

打鼓普請看 盡大地撮來如粟粒大

千七百人善知識 盡從杓頭上舀來

五六十里雪峯山 只向蒲團頭奪了

松山小塔卵石子 亂疊幾層

古澗寒泉牛蹄澗 能深多少

山前竟日無_二恨子_一 且聽老僧行
磨下終年絕_二雀兒_一 不愁齋米耗
一生受大王供養何以報恩手托地疾呼輕打我
輕打我

五家正宗贊卷第一

金補入已下
首尾六箇迴

五家正宗贊卷第二

臨濟宗

臨濟慧照禪師

師諱義玄曹州邢氏子初在黃蘗隨衆參侍時堂中
第一座勉令問話因上方丈問如何是佛法的大
意黃蘗打如是三問三遭打遂告辭座曰承激勸問
話唯蒙和尚賜棒且往諸方去座曰汝須辭和尚始
得座却往堂頭告曰問話僧雖後生甚是如法若來
辭方便接取來日上辭蘗令往高安參大愚師到大
愚愚問甚處來曰黃蘗來曰黃蘗有何言教曰某甲

三度問佛法的的大意三度被打未審有什麼過曰
黃蘗恁麼老婆爲汝得徹困更來者裏問有過無過
師云元來黃蘗佛法無多子愚把住曰者尿牀鬼子
適來問有過無過而今却道黃蘗佛法無多子汝見
箇什麼道理便恁麼道師於愚肋下築三拳愚拓開
曰汝師黃蘗非干我事師回蘗見便問來來去去有
甚了期師曰只爲老婆心切蘗曰大愚饒舌待見痛
與一頓師曰說什麼待見即今便打蘗曰者風顛漢
却來者裏捋虎鬚師便喝蘗令參堂去徑山五百衆
每日行道念觀音無一人參請山作書與蘗具言其
事蘗令師去師到徑山裝腰直上法堂山纔舉頭師
便喝山擬開口師拂袖便行尋有僧問山適來者僧
有甚言句便喝和尚山云者僧從黃蘗來爾要知自
去問他是時五百衆太半分散洛浦爲侍者不契辭
去師後云可中有箇赤梢鯉搖頭擺尾向南方去不
知淹殺誰家鸞鵲裏師臨終時云吾滅後汝等勿得
滅吾正法眼藏三聖曰爭敢滅和尚正法眼藏師曰
向後忽有人問汝向伊道什麼聖便喝師曰誰知吾

正法眼藏向者瞎驢邊滅

贊曰

廣厦梁 清廟器

刮霜面 冷談逼人

伏獸威 腥風捲地

見睦州始學跳籠薦牆

掌黃葉便解攪行奪市

報冤六十棒 向大愚肋下築拳

喝散五百僧 使徑山胸中短氣

展三玄戈甲 遍地觸骸寒

示四種科棟 平地波濤起

炎天飛雪雹 單明向上機籌

赤脚驟冰殘 自是一般標致

惜正法眼藏 滅向三聖瞎驢邊

知赤梢鯉魚 淹殺誰家蠢麤裏

贊之者拔舌泥犁

毀之者洋銅沸尿

遺風餘烈繼百世猶有存焉求慈膠續絃則遠之

遠矣

契化獎禪師

師諱存獎魏州人初見臨濟濟令師爲侍者濟問新到甚處來曰變城曰有事相借問得麼曰新戒不會曰打破大唐國寬箇不會人難得參堂去師問適來新到是成禪伊那濟曰我誰管爾成禪不成禪師曰和尚卽解將死雀就地彈不解將一轉語蓋覆却濟曰爾又作麼生師曰請和尚作新到濟遂曰新戒不會師曰却是老僧罪過濟曰爾語藏鋒師擬議濟便打至晚濟又曰我今日問新到是將死雀就地彈就窠裏打及爾出得語又喝起向青雲裏打師曰草賊大敗濟使打師後到三聖請爲首座常曰我向南方行脚一遭柱丈頭不曾撥著一箇會佛法底聖聞得因曰爾具什麼眼師便喝聖曰須是爾始得大覺聞乃云作麼生得風吹入大覺門來師後到大覺請爲院主一日覺喚曰我聞爾道向南方行脚一遭拄丈頭不曾撥著一箇會佛法底爾道什麼眼師便喝覺拈棒師擬議覺便打師又喝覺又打次日師從法堂過

覺召院主我直下不疑。爾昨日兩喝。備試說看。師曰：我於三聖師兄處得箇實主句。總被師兄折倒了也。與某甲箇安樂法門。覺曰：者瞎漢來者裏。納敗缺卸。下禱衣。痛打一頓。師於言下。薦得臨濟先師在黃蘗處喫棒底道理。後開堂拈香云：此一炷香。若爲三聖三聖爲我。太孤若爲大覺大覺爲我。太賒不知供養我臨濟先師。坐居三峯時。師問曰：權借一問。以爲影草。時如何。居無對。師曰：想和尚答者。話不得。不如禮拜了。渠後二十年。居云：如今思量當時。不消道箇何必後。遣化主到師處。師曰：和尚住三峯時。老僧問伊話。答不得。如今道得也。未主舉前話。師曰：與化則不然。爭知道箇不必。僧問師曰：四方八面來時如何。師曰：打中間底。僧作禮。師曰：與化今日赴箇村齋中。路遇一陣卒風暴雨。却去古厝裏避得過。示衆曰：我聞長廊下也喝。後架也喝。諸子莫盲喝。亂喝。直饒饒喝得興化上三十三天。却撲下來一點氣也。無待興化蘇息起來。款款地向。備道未在何故。我未曾向紫羅帳裏撒真珠。與饒諸人在虛空裏胡喝。作什麼。師

謂克賓維那曰：汝不久當爲唱導之師。賓曰：不入者。保社師曰：會了不入。不會不入。賓曰：總不恁麼。師便打。乃白衆云：克賓維那法戰不勝。罰錢五貫。設饋飯一堂。仍不得喫飯。即趕出院。師見同參來。纔上法堂。師便喝。僧亦喝。行三兩步。師又喝。僧亦喝。師近前拈棒。僧又喝。師云：饒看者。瞎漢猶作主在。僧擬議。師便打。直打下法堂。時有僧問者。僧有甚觸忤和尚。師云：是伊適來也有權。也有實。也有照。也有用。及乎將手向伊面前橫兩橫。便去不得。似者般漢。不打更待何時。僧問：寶劍知師藏已久。今日當場略借看。師曰：不借。曰：爲什麼不借。師曰：不是張華。眼徒窺射斗光。曰：用者如何。師曰：橫身當宇宙。誰是出頭人。同光帝闕師朕收中原。獲一寶。未有人酬價。師云：借陛下寶看。帝以手引。頭脚示之。師云：君王之寶。誰敢酬價。帝大悅。賜衣號不受。乃賜馬。師驟馬忽驚墜地。傷足。遇拐子行。問僧曰：還識老僧否。曰：爭得不識。和尚師曰：誤脚法師說得行不得。贊曰：

臨濟的兒 三聖首座

熱喝似雷奔

麤膽如天大

皮下無血

見大覺喫棒薦得先師

板齒生毛

到雲居借一問以爲影草

赴村齋遇暴風卒雨

古廟裏誰云驢得渾身

向南方探虎穴魔宮

拄杖頭未曾撥著一箇

揚聲止喝

紫羅帳裡撒明珠

有眼無筋

幘頭腳邊辨君王寶

勘同行將手橫面門兩上

死伎已窮

打克賓出院罰饌飯一堂

欺人不少

借寶劍當場看

光射斗窺遇生盲

將死雀就地彈

語藏鋒功難補過

對龍顏乘御馬雖得一場榮蹶雙脚窮祖道盡力

行之不到

南院願禪師

師嗣興化河北人法諱慧願俗名寶應師上堂曰諸

方只具啐啄同時眼不具啐啄同時用僧便問如何

是啐啄同時用師曰作家不啐啄啐啄同時矣曰此

未是學人問處曰汝問處作麼生曰失師便打僧不

肯示衆云亦肉團上壁立千仞時有僧出問亦肉團

上壁立千仞豈不是和尚語師云是僧便掀倒禪床

師云爾看者瞎漢亂做僧擬議師便打趁出院僧問

二王相見時如何曰十字街頭吹尺八又問從上諸

聖向甚處去曰不上天堂則入地獄曰和尚又作麼

生曰還知寶應落處麼僧擬議師打一拂師問僧近

離甚處曰襄州曰是什麼物怎麼來曰和尚試道看

曰適來禮拜底曰錯曰禮拜底錯箇什麼曰再犯不

容曰三十年弄馬騎今被驢撲瞎漢參堂去僧問人

逢碧眼時如何曰鬼爭漆桶僧問古殿重興時如何

曰明堂瓦插簷僧曰怎麼則莊嚴畢備去也曰斬草

蛇頭落僧問警喜警嘆時如何曰傾湫倒嶽僧問如

何是無縫塔曰七花八裂曰如何是塔中人曰頭不

梳面不洗僧問祖意教意是同是別曰黃尚書李僕

射曰意旨如何曰牛頭向北馬頭南師問僧近離甚

處曰龍興曰發足莫離葉縣也無僧便喝曰好好問

汝又發惡作麼僧曰喚作惡發得麼師却喝曰爾既惡發我也惡發近前來我也沒量罪過爾也沒量罪過瞎漢參堂去

贊曰

一語定綱宗 作家不啐啄

興化的子 永蘗胸懷

臨濟親孫 麟龍頭角

赤肉團上壁立千仞 掀禪床棒打瞎驢

十字街頭相見二王 吹尺八聲亂雅樂

諸聖甚處去 謾云入地獄不上天堂

何物恁麼來 灼然弄馬騎今被驢撲

一機一境 換斗移星

瞥喜瞥瞋 傾瀉倒嶽

頭不梳面不洗 塔中人描畫未全真

馬向北牛向南 祖教意搏量俱是錯

從游老作 與廓侍者一再同參

弄出小家 隨龍興僧迦相發惡

殢千聖眼擬覓蹤由白日青天風雷雨雹

風穴沼禪師

師諱延沼餘杭劉氏子初遊講肆習止觀弃去謁鏡清清問近離甚處曰自離東來曰還過小江也無曰大舸獨颺空小江無可濟曰鏡水秦山鳥飛不度且莫道聽途說曰滄溟尚怯鯨鱗勢列漢飛帆渡五湖清豎拂子云爭奈者箇何曰者箇是什麼曰果然不識曰出沒卷舒與師同用曰杓卜聽虛聲熟睡饒瞞語曰澤廣藏山理能伏豹曰赦罪放愆速須出去曰出去即得便去北遊襄河依止華嚴嚴問曰我有牧牛歌輒請闍梨和師曰羯鼓掉鞭牛豹跳遠村梅樹觜慮都後見南院院問師南方一棒作麼商量曰作奇特商量却問此間一棒作麼商量院橫按拄杖云棒下無生忍臨機不見師師於言下大悟出世風穴嗣南院僧問古曲無音韻如何和得齊曰木鷄啼子夜獨狗吠天明僧問如何是和家風曰鶴有九皋難翥翼馬無千里謾追風示衆云若是上流各有證據者略赴箇程限未證據者各自英雄當處出生隨處滅盡如爆龜紋爆即成兆不爆成鈍欲爆不爆直

下便捏鄧州牧請就衙陞座云祖師心印狀似鐵牛之機去卽印住住卽印破只如不去不住印卽是不印卽是時有盧陂長老出問某甲有鐵牛之機請師不搭印曰慣釣鯨鯢澄亘浸却嗟蛙步驟泥沙陂佇思師喝曰長老何不進語陂擬議師打一拂云還記得話頭麼試舉看陂擬開口師又打一拂牧主曰佛法與王法一般師曰見什麼主曰當斷不斷返招其亂師便下座僧問如何是佛曰如何不是佛曰未曉立言請師直指曰家住海門東扶桑最先照僧問有無俱無去時如何曰三月懶遊花下路一家愁閉雨中門僧問語默涉離微如何通不犯曰嘗憶江南三月裏鷓鴣啼處百花香

贊曰

卯金刀 眞跳竈

習天台止觀 幼泳蹄浴

究少室單傳 直趨閻奧

棒下無生忍 中南院毒苦人心

杓卜聽虛聲 抗鏡清理能伏豹

芻犬吠明木雞啼夜 調古曲音韻不成
老鶴翥翼病馬追風 話家風狼藉不少
管窺生滅處 爆龜紋鈍兆未分明
蠡測祖師心 鐵牛機去住難印破
近海扶桑最先照 直指事要且瞞時
遠村梅樹背廬都 牧牛歌難爲廣和
有無俱坐斷 一家愁閉雨中門
語默涉離微 三月亂啼花下鳥
玄中玄妙中妙瀟洒浙僧更無兩箇

首山念禪師

師嗣風穴諱省念萊州秋氏子師與眞圓頭同上問訊穴穴問眞曰作麼生是世尊不說說眞曰鶻鴒樹上啼穴曰汝作許多癡福作麼何不體究言句却問師師曰動容揚古路不墮悄然機穴謂眞曰汝何不看法華下語一日白兆楚至汝州宣化穴令師往傳語纔相見提起坐具便問展卽是不展卽是兆曰自家看取師便喝兆曰我曾親見知識來未嘗輒取恁麼造次曰草賊大敗兆曰來日若見風穴和尚待

一舉似曰一任一任不得忘却師回先舉似穴穴
 曰今日又被備收下一員草賊曰好手不彰名兆次
 日纔相見便舉前話穴曰非但昨日今日和賊捉敗
 因此名著師示衆云佛法付囑國王大臣有力檀那
 令燈燈相續不斷大眾且道續箇什麼良久云須是
 迦葉師兄始得時有僧出問靈山一會何異今日曰
 墮坑落壑曰爲什麼如此曰瞎問如何是和尙家風
 曰一言截斷千江口萬仞峯前始得立曰如何是佛
 法大意曰楚王城畔汝水東流上堂曰若論此事實
 不掛一元字脚便下座僧問如何是梵音相曰驢鳴
 犬吠曰如何是佛曰新婦騎驢阿家牽曰未審此語
 甚句中收曰三玄收不得四句豈能該曰此意如何
 曰天長地久日月齊明上堂曰第一句下薦得堪與
 佛祖爲師第二句薦得堪與人天爲師第三句下薦
 得自救不了僧問如何是徑截一路曰或在山間或
 在樹下問從上諸聖向甚處行履曰牽犁拽杷問如
 何是道曰爐中有火無心撥處處縱橫任意遊如何
 是道中人道坐看煙霞秀不與白雲齊

贊曰

戲海蒼龍 空群良馬

喫鳥喙藥 和骨換來

將止啼金 盡情拋舍

動容揚古路 被風穴掘窖深埋

好手不彰名 將白兆和賊捉敗

潑家風郎當不少 千江口萬峯前

徑截路迂回轉多 或山間或樹下

和音勃窣瞎 推靈山一會落壑墮坑

惡毒未忘懷 驅從上諸聖牽犁拽杷

驢鳴犬吠梵音相 誰敢願聞

地久天長眞佛身 保未徹在

雖將三句驗天下衲僧我且問爾新婦騎驢阿家

牽是阿語話

汾陽昭禪師

師諱善昭太原人俗姓俞初謁首山遇上堂出問馬
 祖陞堂百丈卷席意旨如何山曰龍袖拂開全體現
 曰師意如何山曰象王行處絕狐蹤師於言下大悟

示衆凡一句語須具三玄門每一玄門須具三要路
有照有時或先照後用或先用後照或照用同時或
照用不同時或先照後用且要共備商量或先照後
照也須是箇人始得或照用同時備又作麼生當鑑
或照用不同時備又作麼生湊泊示衆云汾陽有三
訣禪僧難辨別更擬問如何拄杖驚頭喚僧問如何
是接初機句曰汝是行脚僧如何是辨禪僧句曰西
方日出卯如何是正令行句曰千里持來呈舊面如
何是定乾坤句曰北俱盧洲長粳米食者無喜亦無
嘆僧問如何是賓中賓曰合掌庵前問世尊如何是
賓中主曰對面無儔侶如何是主中賓曰陳雲橫海
上拔劍攪龍門如何是主中主曰三頭六臂擎天地
忿怒那吒撲帝鍾僧問如何是學人著力處曰嘉州
打大像如何是學人轉身處曰陝府灌鐵牛如何是
學人親切處曰西河弄師子北地苦寒師罷夜多有
異比丘振錫而至謂師曰會中有大士六人奈何不
說法言訖墜空而去師記以偈曰胡僧金錫光請法
到汾陽六人成大器勸請爲敷揚

贊曰

孤高絕世 靜退離倫

寶鼎芝房清廟之瑞

瑞林瓊樹滄海之珍

大象經行絕孤蹤 頓明言外旨

吹毛拔出攪龍門 誰識主中賓

發箭鋒機 三玄門擊開有照有用

立乾坤句 長粳米喫著無喜無嘆

西河弄師子大欠爪牙 道親切不親切

陝府灌鐵牛用盡氣力 要轉身難轉身

賊機關謂千聖不知 辨禪僧有三訣

鬼脚跡被胡僧覷破 成大器只六人

與葉縣過從 同抗無異土

逐慈明怒罵 餓飯祭閑神

電捲風旋參七十二員善知識到拖泥帶水處最

苦是十智同真

葉縣省禪師

師嗣首山諱歸省冀州賈氏子師到首山山舉竹篋

問曰喚作竹筴則觸不喚作竹筴則背喚作什麼師
擊竹筴拗作兩截擲地曰是什麼山曰瞎師便作禮
僧問法海一滴蒙師指向上宗乘事若何曰高祖殿
前髮噲怒須知萬里絕煙塵僧問維摩丈室不以日
月爲明日眉分八字曰未審意旨如何曰雙耳垂肩
僧問如何是清淨法身曰廁坑籌子問如何是毗盧
主曰僧舞夏臘俗列耆年問如何是深深處曰猫有
軟血之功虎有起屍之德曰莫便是也無曰確搗東
南磨推西北示衆云宗師血脉或凡或聖龍樹馬鳴
天堂地獄饒湯爐炭牛頭獄卒森羅萬象日月星辰
他方此界有情無情以手畫一畫云俱入此宗此宗
門中亦能殺人亦能活人殺人須是殺人刀活人須
是活人句作麼生是殺人刀活人句道得底出來對
衆道看若道不得卽孤負平生師面目嚴冷衆所敬
畏天衣懷浮山遠二人至欲求住正值雪寒師將水
灌且過其餘皆怒去唯二人整衣得坐至晚師到呵
曰爾更不去我打爾遠近前曰某數千里特來參和
尙禪豈以一杓水潑便去若打殺也不去師笑曰爾

兩箇要參禪却去掛搭續請遠充典座事見武庫茲
不具載
贊曰

項鐵重千斤 倔強無人敵

分首山活業自支撐

將臨濟家私盡根藉

清淨身 廁籌子倒用橫拈

觸背機 潑竹筴胡拋亂擲

高祖殿前髮噲怒 把宗風凌辱太多

維摩丈室日月明 當意旨人信不及

毗盧師法身主疆分疎 僧排夏臘俗列耆年

起屍德軟血功錯註解 確搗東南磨推西北

黃蘗肚腸霜冷面 潑天衣凍使成冰

煉銅肝膽鐵爲心 逼浮山走得上壁

沒巴鼻弄出惡情悰活人句殺人刀晴空裏轟箇

霹靂

浮山圓鑒禪師

師諱法遠號圓鑒嗣葉縣鄭州人王氏子上堂云諸

佛出世建立化門不離三身智眼亦如摩醯首羅三目圓伊三點何故一隻眼水澄不通縹素難辨一隻眼大地全該十方通暢一隻眼高低一顧萬類齊瞻雖然如是若是本色禪僧驚路相逢別具正眼始得所以道三世諸佛不知有狸奴白牯却知有且道知有箇什麼良久深秋簾幕千家雨落日樓臺一笛風五祖演和尚遊方參師師曰子來晚吾老矣可依白雲吾雖未識見渠頃臨濟三頓棒話甚諦當演遂往見雲得旨師接青華嚴以所授大陽衣履付之令續洞上宗偈曰須彌立太虛日月附而轉群峯漸倚他白雲方改變少林風起叢曹溪洞簾捲金鳳宿龍巢宸蒼豈車輶初歐陽文忠公聞師奇逸見師未有以異之因與客菴師坐旁公収菴請師因菴說法師即令搥鼓上堂曰若論此事如兩家著菴相似何謂也敵手知音當機不讓若是綴五饒三又通一路始得有一般底只解閉門作活不會奪角衝關硬節與虎口齊彭局破後徒勞遑幹所以道肥邊易得瘦肚難求思行即往往失粘心靈乃時時頭撞休誇國手護

說神仙羸局踰籌即不問且道黑白未分時一著落在甚處良久云從前十九路迷悟幾多人公加嘆久之師退休於會聖巖叙佛祖奧義作九帶曰若據圓極法門本具十數今此九帶已爲諸人說了更有一帶還見麼若也見得分明却請出來說看說得分明許汝通前九帶圓明道眼若見不親切說不相應惟依吾語而爲已解則名謗法諸人到此如何衆無語師叱去之師少時與達觀顯薛大頭七八人入蜀見香林遠和尚於水晶宮探雲門宗旨幾遭橫逆以智得脫衆以師曉吏事故號遠錄公師晚年得資侍者甚喜之凡接人皆委資矣

贊曰

活禪僧 只一箇

口饑時將佛祖吞 脚到處把叢林攪

鳴蟄龍匣吹毛劍 威行萬國之中

出老蚌胎明月珠 光透八紘之表

指老東山奪白雲正傳之印 已不欲施於人

逼青華殿受明安密付之衣 殃及個遍在我

禪值一局基密排盤裏 樓路上衝關
 摩醯三隻眼靈亞頂門 髑髏前失照
 探雲門宗旨 破草鞋踏斷蜀山雲
 苦索縣家風 竊鎗匙擅開香積鎮
 梁秋殿嶼千家雨 三世諸佛未許揮槍
 落日樓臺一笛風 白牯狸奴討甚分曉
 橫拖九帶 葛藤窠裏出頭來
 休罷萬機 會聖巖中高枕臥
 少時喜願贏得錢公名 年老成魔引資侍者全身
 入草

慈明圓禪師

師諱楚國嗣汾陽全州李氏子少爲書生母賢令出
 家與谷泉瑯琊等見汾陽悟旨後同大愚數輩辭陽
 相讓不肯爲參頭陽示偈曰天無頭吉州城畔展戈
 矛將軍正馬林下過員州城裏聞歌歌師曰某甲何
 人敢當此記斯遂爲首辭去後住福嚴黃龍見師以
 氣自負師痛叱之畢趙州勘婆話問龍龍無對至數
 日方省呈頌曰傑出叢林是趙州老婆勘破沒來由

而今四海清如鏡行人真以路爲歸仍於掌中書有
 字師見謂曰好則好矣中有一字不是龍遂開掌示
 之師印可楊岐參次問龜鳥語喃喃辭雲入亂峯時
 如何師曰我行荒草裏汝又入深村岐曰官不容針
 更借一問師便喝岐曰好喝師又喝岐亦喝師連喝
 兩喝師見泉大道來問曰片雲橫谷口遊人何處來
 泉顧視云夜來何處火燒出古人墳師云未在更道
 泉作虎聲師打一坐具泉便推師就坐師作虎聲泉
 曰我見七十餘員善知識今日方遇作家時真點胸
 爲善侍者折難自金鑾還師呵曰解夏未一月乃已
 至此破壞叢林有何忙事真曰大事未透脫耳師曰
 汝以何爲佛法要切真曰無雲生嶺上有月落波心
 師詎曰面皺齒豁猶作此見解真曰願爲決之師曰
 汝問我真理前話師曰無雲生嶺上有月落波心真
 遂契悟師因同人至上堂曰颶風涼風景同人訪寂
 寥寒茶山上水燒鼎洞中樵珍重楊李二公與師爲
 法友問答見師本傳
 贊曰

未出母胎時 已具超方志

厭儒冠 弄東魯書 入祖室 扣西來意

隨緣放曠 千尋浪戲容吞舟之魚

大智洞明 九曲珠穿賴引絲之鱗

竄身軍伍 見汾陽於塞草叢中

勘證老婆 享黃龍於南金爐裏

骨董箱荷斯文重寄 一縷繫千鈞

將軍馬展城畔戈矛 隻身嬰萬騎

深村荒草 與楊岐同轍不同途

野火古墳 聽谷泉自倒還自起

鷹搏猓頂 殺氣蒸雲

虎踞霜華 腥風捲地

掃癡兒狂見解 有波心月無嶺頭雲

謝同人訪寂寥 燒洞中樵爇山上水

祖庭秋晚尋思要公侯捍城且擒下楊翰林李都

尉

楊岐會禪師

師諱方會生冷氏袁州宜春人也慈明住南原時師

往參依及遷石霜師俱自請作監寺明飯罷必山行

師闢其出未遠即趨鼓集衆明遽還曰作什麼師曰

晚參明遂示衆叢林因號晚參後出世纔陞座僧便

出師曰漁翁未擲釣隱鱗衝浪來僧便喝師云不信

道僧撫掌歸衆師云消得龍王多少風僧問如何是

佛師云三脚驢子弄蹄行曰莫只者便是麼師云湖

南長老示衆罷下座九峯勤把住曰且喜得箇同參

師曰同參底事作麼生曰楊岐牽犁九峯拽杷曰正

與麼時楊岐在前九峯在前勤擬議師拓開曰將謂

同參元來不是自是名聞諸方上堂曰楊岐乍住屋

壁疎滿床盡布雪真珠縮却頂暗嗟吁良久云翻憶

古人樹下居慶舟峯贊師曰會如玉人治瑤瑛硃硃

棄耳故光明盛大克世其家者蓋碧落碑無價本

贊曰

神機顯悟 逸氣軒渠

問道引亂峯喃喃幽鳥

垂釣釣衝浪鱖鰲游魚

逼慈明晚參 裴裳過鼓

與九峯合作 拽把扶犁

跨三脚驢 驟步踏象龍之頂

住單丁院 滿床撒冰雪之珠

栗棘蓬要白雲齧吞吐

折脚鎗付保寧勇提持

斤削鏗鏘 擬匠石之去墁堊

鉗鑊妙密 如玉人之治璠璵

故少室單傳全歸掌握視後人不揣竊衣沽譽得

不愧於師乎

黃龍南禪師

師諱慧南嗣慈明信州章氏子懷玉山受度初受勸
潭印證領徒遊方以氣自負偶會雲峯悅同游西山
夜話間因問勸潭所授之旨師言其要悅曰勸潭所
授如藥汞銀徒可玩入煨卽流矣公欲決明此事須
見慈明始得師怒以枕投之悅不與語師默計之曰
悅師翠巖令我見明縱有所得於悅何有黎明遂行
至中路聞慈明不事事遂不往寓止福嚴賢命師掌
書記俄賢卒郡守以明繼之師曰悅令我見渠今坐

此以待明至望見心容俱肅及晚參痛叱諸方邪解
師乃曰大丈夫爲此事求決擇豈可置疑胸中懷香
求指示明日書記領徒行脚有事可坐而商確令侍
者進湯師固辭明日書記學雲門禪必善其旨如曰
放洞山三頓棒合喫不合喫師曰合喫明色莊而言
聞棒聲便言合喫從旦至暮聞鶉鳴鶉噪鐘魚鼓板
之聲亦應喫棒喫棒何時當已哉師面熱汗下後乃
悟旨師住黃龍以佛手驢脚生緣勸學學者號黃龍
三關角虎慈明也人贊曰石霜角虎眼光搖百步之
威書云明月之珠夜光之璧以暗投之則人莫不按
劍而視之

贊曰

懷玉山受經 故紙堆鑽出

塞天地壯膽氣沖沖

滿江湖匾頭名藉藉

擲枕头打雲峯悅 恠汞銀入煨卽流

指胸次扣慈明圓 愧痛棒聞聲合喫

與會監寺栗棘蓬 十載同參

搭澄散聖冬瓜印 半生受屈

坐通衢而驚物 遺簪墮珥探之意消

立三關以驗人 佛手驢脚近之魂失

奪角虎眼 光搖百步之威

奮黃龍鼻 衝起九困之蟄

夫是之謂臨濟克世其家照古照今兮明月之珠
夜光之璧

寶覺心禪師

師諱祖心嗣黃龍南雄人姓鄔氏幼習儒業年十九
亡母禱之復明出家獻詩得度初謁雪峰留二年
次依黃龍四年無入處一日傾湯沃手有省而機未
發後止石霜讀傳燈至僧問多福如何是多福一叢
竹福曰一莖兩莖斜僧曰不會福曰三莖四莖曲頓
見二師睡手處後龍入滅師繼住持室中多舉拳曰
喚作拳頭則觸不喚作拳頭則背衆少有契者張無
盡見師有頌曰久嚮黃龍山裏龍到來只見住山翁
須知背觸拳頭外別有靈犀一點通當時諸方莫不
歎服大慧云山僧後來見得惜乎無盡已死彼云須

知背觸拳頭外別有靈犀一點通若將此頌要見晦
堂不亦遠乎靈源贊云三關逆摧超立機於驚嶺一
拳垂示露赤體於龍峯聞時富貴見後貧窮年老浩
歌歸去樂從教人喚住山翁魯直聞而笑曰無盡言
靈犀一點此嘉苴爲虛空安耳穴靈源作贊分雪之
是寫一字不著畫山谷參師次問曰夫子道以我爲
隱乎吾無隱乎爾如何谷屢說皆不許一日偶同閑
行天香滿院師問谷曰還聞桂花香乎谷曰聞師曰
吾無隱乎爾谷遂有省死心參次師舉拳頭話令參
經二年方得旨然尙談辯無所抵牾師患之與語至
銳處師遽曰住住說食豈能飽人乎心窘乃曰某甲
到此弓折箭盡望和尙慈悲指箇安樂處師曰一塵
飛而翳天一芥墮而覆地安樂處政忌上座許多骨
董直須死却無量劫來偷心乃可心趨出默坐下板
會知事打行者聞杖聲忽大悟趨見師忘納一履即
自謂曰天下人皆是學得底某是悟得底師笑曰選
佛得甲科何可當也草堂參次師舉風幡話問堂迥
無人處時有貓在旁師因指曰子見彼欲捕鼠乎雙

目瞪視而不瞬四足踞地而不動諸根順向首尾一直事無不中子能如是心無異緣六根自靜默然而究竟不失一堂於言下大悟靈源參師因闍立沙語倦而經行步促遺履俯取之大悟以告師師曰從緣入者永無退失山谷曰黃龍子孫若揭日月又曰衆角雖多一麟足矣

贊曰

本色住山翁 一竿分背觸

通方眼歡曙又重明

充棟書弄捐無再續

窮斷臂安心密傳之旨 赤手沃湯

透佛手驢脚驗布之關 峻機嚙鉄

活埋山谷了 巖前桂香散邇遐

親見多福來 庭際竹莖分斜曲

塵飛天竊難掃去 閑骨董切忌礙膺

貓捕鼠巧盡拙生 窮伎倆誰能捏目

從緣入無失 殺靈源鈍鐵勝吹毛

選佛得甲科 藥死心砒霜未是毒

缺冷照午夜碧潭之月 玉斧巧修成
斷清彈陽春白雪之絃 鸞膠親接續
黃龍子孫若揭日月難以數知衆角雖多得此一麟儘足

白雲端禪師

師諱守端衡州葛氏子依茶陵郁山主剃度初見楊岐問曰聞汝受業師過橋契欄有省作偈甚奇能記否師即誦曰我有神珠一顆久被塵勞關鎖今朝塵盡光生照破山河萬朵岐大笑起去師愕然終夕不寐詰旦復咨之岐云子見昨日打夜孤麼曰見岐曰汝一籌不及渠師大駭曰何謂岐曰他愛人笑爾怕人笑師有省後出世受岐衣傳于子孫示衆曰如我按指海印發光拈拄杖云山河大地水鳥樹林情與無情盡向拄杖頭上作大師子吼演說摩訶大般若且道南嶽說箇什麼法門南嶽說洞上五位修行君臣父子各得其宜莫守寒岩異草青坐著白雲宗不妙天台說臨濟三玄三要四料揀一喝分賓主照用一時行要會箇中意日午打三更廬山出來道個

兩箇漢正在葛藤窠裏不見道欲得不招無間業莫
謗如來正法輪此三箇見解若上衲僧秤子秤一箇
重八兩一箇重半斤一箇不直半文錢但願春風齊
著力一時吹入我門來卓拄丈下座示衆云若端的
得一回汗出便向一莖草上現瓊樓玉殿若未端的
得一回汗出縱有瓊樓玉殿却被一莖草蓋却作麼
生得汗出去自有二雙窮相手未嘗容易舞三臺郭
功甫見師問曰牛純乎曰純矣師叱之甫拱而立師
曰純乎純乎南泉大瀾無異此也仍贈偈曰牛來山
中水足草足牛出山去東觸西觸又上堂曰上大人
丘乙巳化三千七十士爾小生八九子佳作仁可知
禮也甫有省師頌臨濟三頓棒曰一拳拳倒黃鶴樓
一踢踢翻鸚鵡洲有意氣時添意氣不風流處也風
流浮山聞得大喜指五祖見師祖到問南泉摩尼珠
話師叱之祖領悟師令祖作磨頭人非祖師喚祖
問祖曰然師掌之令退祖曰候結算次日到方丈某
甲有與婦人買酒肉錢剩得三百貫送還常住師大
驚始信謗也保寧二上足處凝處清參師疑爲侍者

師有膈氣病凝常煨蘆菹以備不時之需師作傳大
士講經因緣偈曰大士何曾解講經誌公方便且相
成一揮案上俱無取直得梁王努眼時謂凝曰努底
是什麼此一句乃爲凝說老婆禪凝住天柱清住太
平有機辯五祖畏敬之清謂凝曰吾弟禪乃是爲老
和尚煨芦菹換得底叢林傳爲口實
贊曰

弱冠尋師 早年住院

得處沒癩痕 用時無汙染

勦除魔壘 袖中藏雪刃光焰焰生

勘辦衲僧 水上捺胡芦機轉轉轉

吞栗棘塞斷娘生口 懷楊岐毒恨卒難消

舉青氈還與舊主翁 知圓通客情不易遣

拋金鈎九江曲 可憐生認紫爲鯨

開飯店白雲深 放蕩顧和麤糲麪

葛藤窠裏 斥三箇漢說南嶽天台

毛孔汗中 指一莖草現瓊樓玉殿

跨驢踏斷溪橋去 被村山主掩彩多年

此白牛安眠露地休 喜窮官人打成一片

頌臨濟三頓棒 少遇知音

投摩尼五色珠 多逢按劍

買酒肉餘剩錢物 信演閨梨遭謗無根

煨芦菔換得底禪 使凝侍者慚惶滿面

最無端是受他人屈胸之衣致萬古叢林惡風相

扇

保寧勇禪師

師諱仁勇四明竺氏子少習天竺教更衣謁雪竇
熟視之呵曰央庠座主師氣不平發憤下山望雪竇
山大展三拜誓曰我此生行脚參禪名不過如雪竇
斷不歸鄉徑往見楊岐悟旨出世保寧道播叢林果
如師言師呈雲蓋頌頌云拈將柳栗路縱橫大地清
風颯颯生北斗柄斜輕撥轉大唐人眼直須盲上堂
云一是一二是三是四是四數目甚分明上下
依資次依資次有何事以拄杖畫一畫云大眾一時
亂却六十甲子了也立春上堂立春日打春牛一棒
兩棒千頭萬頭雪花深覆辨不得頂門有眼徒悠悠

拍手云囉囉哩惱亂春風卒未休上堂風鳴條雨破

塊曉來枕上鶯聲碎蝦蟇蚯蚓一時鳴妙德空生都

不會都不會三箇成群四箇作隊窈窕窈窕颯颯颯

颯向南北東西折得梨花李花一佩兩佩牧童頌曰

西風浩浩楚天秋索寞無人野渡頭沙鳥晚來俱散

盡鳴呷歸去倒騎牛答陳遷秀才曰胡孫兒子最惺

惺愛弄千年鬼眼睛懊惱不知能要相有時來我頂

頭行

贊曰

家四明 住保寧

鬼眼睛逢人拈弄 窮伎倆到處旋呈

棒打春牛 深覆雪花難可辨

杖挑北斗 大唐人眼直須盲

曉枕上幽鳥吟殘 折梨花一佩兩佩

野渡頭沙禽散盡 聽鳴呷三聲四聲

指達磨老臊胡 著草鞋從他肚裏過

罵陳遷胡孫子 能要相來我頂額行

杜撰巡官 花甲子指輪上一時亂了

央庠座主 天台教脚跟下十字縱橫

行闊步與雪竇高蹤並駕

奮空拳把楊岐破屋支撐

水銀無假阿魏無真無人過價打與會兄

真淨文禪師

師諱克文嗣黃龍關西鄭氏子師在潯山夜間誦雲
門語僧問佛法如水中月是否門云清波無透路師
有省以氣自負諸方目爲飽參少有嬰其鋒者聞積
翠道喧宇宙徑往見之凡入室下語翠皆不許師怒
發乃曰我自有悟處渠不識我語遂行至翠巖見順
和尚順問甚處來曰積翠順曰甚處人曰關西順曰
汝師是誰曰北塔順聞乃哭師問其故順曰昔訥師
叔久參渠不會渠說話及某參得禪欲見渠渠已死
乃問還識新黃蘗否曰識順曰如何曰甚好順曰渠
下得一轉語便住黃蘗佛法未夢見在師於言下頓
見積翠用處因悔欲再見不能得遂白順順曰何妨
我當作書與積翠令子歸師遂回積翠翠見便問甚
處來師曰翠巖翠曰賴遇老僧不在師曰甚處去翠

曰天台普請南嶽遊山師曰某甲得恁麼自在翠曰
脚下鞋甚處得來師曰廬山七百五十文唱得翠曰
何曾得自在師曰何曾不自在翠駭之宛率悅在道
吾首衆一日領數衲子謁雲蓋智智與語未及數句
盡知所蘊智乃笑悅求入室智問曾見洞山文和尚
否曰關西子沒頭腦拖一條布裙作屎臭氣有甚長
處智曰首座但向屎臭氣處參取悅從教往洞山依
止未久深領要旨佛眼辭五祖至歸宗參師後祖謂
圓悟曰真淨波瀾闊弄大旗手段遠到彼未必相契
未數日有書祇悟曰比到歸宗偶然漏網聞雲居清
首座作晦堂真贊有曰聞時富貴見後貧窮頗疑著
他及相見果契合踰年復還祖山衆請秉拂却說心
說性祖曰遠兄如此說禪也莫管他無盡見宛率舉
清素侍者末後何事遽罷相過歸宗夜話及此師輒
怒曰是何嘔血禿丁脫空謾語豈可信受遂不終語
無盡居荊溪覺範往見之盡與語曰惜乎真淨不知
此也範曰相公只知清素末後句及真淨真藥現前
而不能覺盡驚曰果有此耶曰疑則別參盡於言下

頓見師用處遂炷香望歸宗悔謝東山一日得師提唱讀之甚喜謂圓悟曰慚愧末法中有此真善知識師遊方時與二僧偕行至谷隱薛大頭處問三人同行必有一智如何是一智二僧無語師立下肩應聲便喝薛舉拳作相撲勢師云不勞再勸薛拽杖趣出薛見石門慈照

贊曰

生緣關表 顯脫儒冠

走諸方氣常自負 窮直指心未能安

吞雲夢入九於胸中 曾無芥蒂

漲蜀江八千於舌上 儘有波瀾

問雙鞋子甚處來 積翠南溪擲擲路活

拖條布裙作屎臭氣 兜率悅嗅著體觸乾

一生弄大旗 策元勳於龍蛇陣上

三關挫驢脚 馳十影於驢馬群間

末後句教無盡疑則別參 點行真藥

一轉語住黃蘗未曾夢見 打破疑團

老東山背後贊揚 逢人頻合掌

薛大頭面前遭喝 無地著慚顏

鵝毛本毒 虎體元班

妙處欲言言不及月移花影上欄干

五祖演禪師

師諱法演嗣白雲絳州鄧氏子初在成都聽講時舉西天外道立義問佛弟子云菩薩成道時神與智冥理與境會不分能證所證畢竟以何爲證弟子義墮乃不鳴鐘鼓從後門出入返搭袈裟三藏至再集外道釋云如人飲水冷暖自知道乃伏徵諸法師云冷暖國可知未審自知之理如何衆皆杜口中有云汝欲明此須見南方明佛心宗者師遂南來至興元經時逗留受業師聞得乃附書曰汝出將變復入蓋覺師遂發行至浮山理此義問山曰如來有密語迦葉不覆藏師乃釋疑山因指見白雲師到因問摩尼珠話大悟作投機頌曰山前一片閑田地叉手叮嚀問祖翁幾度賣來還自買爲憐松竹引清風雲印可之示衆云大凡參學如俊鶻打鷄兒纔泊地便飛去若有蹲坐即不堪小參有云某十有餘年海上參尋見

數人尊宿自謂了當及到浮山圓鑒會下直是開口
不得後到白雲門下咬破一箇鐵酸賺直得百味具
足且道賺子一句作麼生道乃云花發鷄冠媚早秋
誰人能染紫絲頭有時風動頻相倚似向堦前鬪不
休聞角偈曰幽幽寒角發孤城十里山頭漸杳冥一
種是聲無限量有堪聽有不堪聽圓悟爲侍者偶陳
提刑問道師云提刑曾讀小艷詩否頻呼小玉元無
事只要檀郎認得聲刑不契悟聞得有省師握手還
寮云我侍者參得禪了也畢瓦鼓歌接無爲泰至輪
玄武處泰有省

贊曰

般若鋒 智慧炬

生緣左縣蒲許村 聽講成都大慈寺

問自知之理 塞斷義虎咽喉

究直指之心 輟入瞎驢行伍

如醬蟲入齏瓮 到熟處果難忘

似俊鶻打鷄兒 纔泊地便飛去

到白雲撼碎南泉摩尼珠

見圓鑒會得如來有密語

愛山前田地 松竹引清風

打格外鄉談 陽平撒白雨

鳥檻角聲傳梅引 暗損愁腸

鷄冠花紫染絲頭 錯爲賺子

乞兒得席 巡察誇侍者會禪

皓玉無瑕 磨院同婦人歌舞

鐵酸賺百味完全 一任活衲僧吞吐

到頭誰解知甜苦

圓悟勤禪師

師諱克勤嗣東山彭州駱氏子初聽講成都范蜀公
作詩勸令行脚有云成都本是繁華國打住只因花
酒惑遂出蜀依參東山無入處與佛鑑辭去山曰汝
到浙中被熱病打方憶我在師至金山大病鑑在定
慧亦病作書相約病愈復歸東山前後悟旨師一日
同勲遠侍東山夜坐欲歸月黑山令各下一轉語勲
曰彩鳳舞丹霄遠曰鐵蛇橫古路師曰看脚下山曰
滅吾宗者克勤耳師後歸住昭覺聞南堂遺俗師憶

之聞人言在城中賣香師令童子到彼買香待他將度香便問如何是祖師西來意看他有何言句即記歸童依教到彼便問堂舉香云者一包香只賣五文童回舉似師師云者漢只在遂親勸再爲僧師舉住大隋繼住昭覺大慈參次師一日上堂舉雲門諸佛出身處東山水上行話拈云我即不然忽有人問如何是諸佛出身處即向他道薰風自南來殿閣生微涼慧有省後作首座秉拂次日一村僧上問昨夜首座提唱如何師以指夾鼻一下來鼓衆大笑慧即上方丈辭去師云首座昨夜三世諸佛被汝罵六代祖師被汝罵我只輕夾鼻偏便去不得慧不覺汗下師在夾山拈雪竇語號碧巖集三國誌曰生子當如孫仲謀景升諸郎豚犬耳金鴨者師乃於小玉聲發明頌石蟬乃師示寂之時葬于錦江

贊曰

食牛氣宇 翹鶴精神

范蜀公勸離濯錦繁華國

老東山詛作江南熟病人

小玉聲中 認驢鞍橋做阿爺下領

薰風句裏 捉鼠黏兒當自己家親

教童子買香 挽靜南堂珠還合浦

舉青林搬土 放遠佛眼劍壓龍津

提唱碧巖 拖泥帶水

作興昭覺 憂玉鏗金

看脚下 已受滅宗之記

夾鼻頭 寧無抵牾之心

金鴨香消 醉扶歸笙歌叢裏

石蟬花發 笑經行錦繡江濱

天祐斯文生孫仲謀於臨濟十一世經景升諸郎

龍馳虎驟難尾於芳塵

南堂靜禪師

師諱元靜嗣五祖閬州人姓趙氏師在祖塔祖舉即

心即佛睦州擔板南泉斬貓趙州狗子話編辟之所

對了無滯礙又舉子胡狗話答稍遲山遠轉面曰不

是師曰不是却如何山曰此不是和前面都不是師

曰望和尚慈悲指示山曰看他道子胡一隻狗上取

人頭下取人脚入門者好看纔見僧入便云看狗汝
向子胡道看狗處下得一轉語教子胡結舌老僧鉗
口便是了當處師嗜喫雞衆惡之山知一日入室師
藏鷄於袖中山舉話詰之師袖出雞作啼聲山乃笑
師住大隋舊有龍居方丈寢室累代不敢近師至欲
臥主首白師不顧竟去臥見龍臥床上師以手推曰
老畜生留老僧半榻就臥及醒龍不見從此不來矣
葉縣有一法嗣住漢州方水作偈示衆曰方水潭中
驚鼻蛇擬心相向便擒擲誰人拔得蛇頭出二百年
無人下語師舉三句了著語云方水潭中驚鼻蛇僧
問如何是奪人不奪境曰活捉魔王鼻孔穿如何是
人境俱不奪曰白日騎牛穿市過愚丘靜參次師舉
香巖枯木龍吟話往返徵詰靜悟師曰莫守寒巖異
草青坐却白雲宗不妙靜曰直須揮劍若不揮劍漁
父栖巢師矍然曰者小厮兒珍重便行回石頭世爲
石匠不識字慕出家求人口授法華默誦之投師供
洒掃一日令取石回手執鎚擊石而誦經不輟師謂
曰今日磴磴明日磴磴生死到來作麼折合回楞然

釋其器禮拜求究竟法因隨至方丈令罷誦經看趙
州勘婆話回久之鑿石石堅盡力一鎚瞥見火光有
悟呈頌曰用盡工夫渾無巴鼻火光迸散元在者裏
師曰子徹矣復呈頌曰三軍不動旗閃爍老婆正是
魔王脚趙州無柄鐵掃帚掃盡煙塵風颯颯師頷之
遂爲僧後出世嗣師縉雲先生作石頭語錄序有云
五祖晚得南堂髓暴生獠凌跨勤遠天遁地窄投老
大隋回石頭以運鎚攻石之手仰擊堅高出力既麗
一鎚便透晚坐釣魚山中乖崖峭壁十倍其師狼毒
砒霜不容下口師超放不群故東山創南堂以居之
因此得名

贊曰

出格野盤僧 天生沒意智

活捉魔王鼻孔穿 故將百丈叢林廢

反目睨母 陰風如猛虎出林

村氣逼人 白日騎黃牛入市

方水蛇拔頭不出 用盡力無計可施

子胡狗出語較遲 和前面一齊不是

旃檀雜牛糞 者包香只賣五文

峭壁與乖崖 看斯兒略呈小伎

煮雞噉 滿口腥臊

伴龍眠 通身泥水

一鉤冷掛松梢月 暢揮林峯幾許襟懷

教陣香飄花信風 宴牡丹屏甚生標致

橫揮寶劍 靜愚丘電影翻空

颺下鐵鎚 回石頭金聲擲地

聖凡情盡佛眼竟無蹤恠不得蒲許鄧師翫別起

一寮安置

佛鑒懃禪師

師諱慧懃嗣五祖舒州汪氏子初參五祖每以唯此
一事實餘二卽非真昧之有省以祖不印可辭去後
再歸值祖上堂一僧出問僧問趙州如何是和尙家
風州曰老僧耳聾何不高聲問僧再問州曰爾問我
家風我却識爾家風了也師乃大悟卽上方丈求印
可祖曰森羅及萬象一法之所印師禮拜祖令掌翰
墨師與圓悟語次舉仰山鎮海明珠因緣至無理可

伸處悟微曰既云取得泊索此珠又道無言可對無
理可伸師不能答次日忽省謂悟曰東寺只索一顆
仰山傾出一栲栳悟深肯之初住太平次住鍾山上
堂至道無難唯嫌揀擇桃花紅李花白誰道融融只
一色燕子語黃鸝鳴誰道關關只一聲不透祖師關
楸子錯認山河作眼睛僧問聞和尙親見五祖是否
師云鐵牛醫碎黃金草祖忌上堂去年今日時紅爐
片雪飛今日去年時曹娥讀夜碑末後一句子佛眼
莫能窺白蓮峯頂上紅日遠須彌鳥喙珊瑚樹鯨吞
麗水犀太平基業在千古襄陽岐頌達磨見梁王因
緣曰始鳴阿闍一聲鐘日午蒼龍睡正濃再擊鳳凰
臺上鼓夜半祥鸞未飛舞帝基鞏固如盤石胡僧枉
費平生力回首少林歸去來落花滿地春狼藉頌定
上座參臨濟因緣曰掣雷之機遇趙州爲人須到結
交頭掌中擎出香山子直上高高十二樓

贊曰

淮甸雲深 龍眠山小

麟鳳子脫殼出來 山川秀盡情奪了

胸中戈甲森萬騎 氣肅秋風

舌底笙簧調五音 語如春鳥

羨蘇臺九句藥 恨殺東山

鳴阿閣一聲鐘 迷逢達磨

森羅影裏 渡家風幾曾識得來

聲色堆頭 祖師關何嘗透得過

單明末後句 海鯨吞麗水之犀

親見先師來 鐵牛齧黃金之草

爲人須切 香山子看趙州擎上幾層樓

見義勇爲 鎮海珠代仰山傾出一楞乾

室中機峻人難湊 雲臺將盡被生擒

筆底耕深我自豐 翰苑人專工摘藻

碧油幢下坐建太平基到鍾山梁寶公握手呵呵

大咲

佛眼遠禪師

師諱清遠嗣五祖邛州李氏子幼爲書生在祖會下
常以氣自負每問祖祖輒曰我不會我不如爾又曰
爾自會得好久無所入乃問曰和尚門牆高峻某甲

不能入座下誰可親近乞指示祖曰元禮首座見處
與我一般師卽扣之時寒禮方近火師陳所求禮卽
引師耳行且語曰我不會我不如爾爾自會得好師
曰爾求開爰而乃相戲豈可爲人法耶禮曰爾若悟
去方知今日曲折師慚急歸知客寮夜坐沈吟間覺
寒撥火大悟頓見二老用處乃曰深深撥有些子生
平事只如此遂點燈讀傳燈至破竈墮因緣洞符所
證頌曰切切幽鳥啼披衣終夜坐撥火悟平生竊謂
歸破墮事敝人自迷曲談誰能和念之永不忘門闥
少人過圓悟聞師悟旨五更扣門師遂舉所得悟云
只如青林搬土話道鐵輪天子裏中勅知客作麼生
會師曰帝釋宮中放赦書悟曰且喜兄有活人句後
雪堂頭曰我不會兮不如爾堪笑千花生確著善財
謾向百城遊何曾蹈著自家底佛鑑頌文殊普賢起
佛見法見因緣曰彩雲影裏仙人現手把紅羅扇遮
面急須著眼看仙人莫看仙人手中扇師聞甚喜悟
曰此頌一切處用得住龍門時一僧被蛇咬室中舉
云既是龍門僧因甚被蛇咬衆下語皆不契高庵悟

云果然現大人相師領之圓悟在昭覺聞得乃歎曰
龍門有此子東山之道未寂寥也師有三自省傳於
世
贊曰

默而神 語而當

天生骨有靈 聖養胎無恙

業窮東魯 忝曾就孔夫子受經

旨寬西來 苦嘗被老東山無狀

會不會急歸打坐 撥火覓浮漚

到未到普請喫茶 晴甌翻雪浪

仙人手裏紅羅扇 喜佛鑑要看底著眼宜親

帝釋宮中宣赦書 劫青林必死人盡情疎放

龍門萬仞 晴空轟燒尾之雷

取水千尋 截流產噴香之象

碓生花 許雪堂引善財遊

蛇咬僧 聽高庵現大人相

說心說性不用管他寫三自省一篇爲萬古叢林

參禪底榜樣

大慧杲禪師

師諱宗杲嗣圓悟宣州奚氏子初參湛堂爲侍者堂
病革師日和尙此疾若不起某甲去依附誰堂曰勤
巴子甚好我雖不識渠子若見之必能了大事後往
見悟得旨師爲堂見無盡求塔銘龍安照書爲紹介
見盡有云金剛眼睛在相公筆頭上盡曰怎麼則某
與他點出光明令照天照地去也師進前揖曰先師
多幸謝相公塔銘盡大笑師在徑山因頌曰神臂弓
一發透過千重甲衲僧門下看當甚具皮襖時朝廷
方作神臂弓素相以師與張九成竊議大師兼以譏
諷朝廷遂竄衡州次梅州前後十七年放還再住徑
山自梅州返至福州張參政以洋嶼延之一夏打發
十三人龜山光爲首趙巨濟參次謂曰老僧去後若
有別人教備禪云者箇公案如何參那箇因緣如何
會便俗熱尿潑將去記取師聞應庵金輪提唱甚喜
乃曰楊岐正脉在此老矣遂將正傳衣并頌寄之曰
坐斷金輪第一峯千妖百怪盡潛蹤年來又得眞消
息報道楊岐正脉通

贊曰

花木瓜 包家虎

狐狸屏跡陰木生風

雪霜憑凌春陽煦燠

金剛眼睛筆頭點出 因龍安竈倒無盡翁

薰風殿閣勾下活埋 恨湛堂指見勤巴子

掀翻烏石嶺 黑竹篴亂撞胡揮

撥亂五峯雲 折拄杖東撐西拄

雲門揭示 誑譚閭闔

悅老重來 欺瞞佛祖

如猛將會相殺 奪賊馬騎便行

有別人教僮禪 谷熱尿潑將去

貶竄衡梅十七載 臭皮襪香透梵天

伸冤洋嶼十三人 塗毒鼓聲喧寰宇

不將佛法當人情把楊岐正傳衣分付金輪華姪

處法王法令合如此

虎丘隆禪師

師諱紹隆嗣圓悟和州人也初見長蘆信得其大略

有傳圓悟語至者師閱之嘆曰想醉生液雖未澆腸
沃胃且使人發快第恨未聆警歎耳遂去見悟一日
入室悟問曰見見之時見非是見見猶離見見不能
及舉拳云還見麼曰見曰頭上安頭師脫然契悟悟
叱曰見箇什麼曰竹密不妨流水過悟肯之後爲藏
主人曰隆藏主柔易若此何能爲悟曰睡虎也上堂
曰凡有展托盡落今時不展不托墮坑落塹直饒風
吹不入雨打不著點檢將來自救不了豈不見道直
似寒潭月影靜夜鐘聲隨扣擊以無虧觸波瀾而不
散此猶是生死岸頭事拈拄杖畫一畫云畫斷生法
師多年葛藤點頭石不覺撫掌大笑且道笑箇什麼
腦後見腮莫與往來上堂曰目前無法萬象森然意
在目前突出難辨不是目前法觸處逢渠非耳目之
所到不離見聞覺知雖然如是也須蹈著向上關樞
子始得所以道羅籠不肯住呼喚不回頭佛祖不安
排至今無處所如是則不勞歛念樓閣門開寸步不
移百城俱到驀拈拄杖畫云路逢死地莫打殺無底
籃子盛將歸僧問如何是大道真源曰和泥合水曰

便怎麼去時如何曰截斷草鞋跟有二慕道如渴驥
奔泉應機似怒猊抉石有三醯雞處鷄中自得其樂
費長房每見一先生懸壺於肆上長房謁之遂同入
壺中乃真神仙境也

贊曰

襟懷秋冷 笑語春溫

垂棘壁櫃藏待價

走盤珠影落無痕

慕少室密傳心 渴驥驟奔岩下水

味碧巖無義語 醯雞自樂鷄中天

路長踏斷草鞋跟 源尋大道

竹密不妨流水過 見豎麤拳

拈起麤纒藜 點頭石咲葛藤盡斷

演出一大藏 瞋睡虎被貫紫紫纏

深池劍氣冷含霜 斬癡頑橫磨石上

古洞桃花紅簇錦 與嬌兒話別風前

路逢死蛇 無底籃盛歸何用

春喧百鳥 曲闌干徒倚無言

東山龍鳳 臨濟兒孫

玉壺塵不染別是一乾坤

應庵華禪師

師諱曇華嗣虎丘蘄州江氏子初參方遇首座入室
師近前座云來作什麼師云取首座頭座云後生年
少作者般語話嘔血去在師云某甲不嘔血首座嘔
血去在座後果如師言師在水南遂處作侍者入室
次南提住云侍者待與汝商量箇公案師曰盡大地
是箇公案商量箇什麼南機鍵師拂袖而去後見虎
丘作維那欲命充首座時座下多悟會中有耆宿言
師後生師聞作偈曰江上青山殊未老屋頭春色放
教遲人言獨裏桃花嫩未必人間有此枝遂去後示
衆云三十三州七十僧驢腮馬額得人憎諸方若具
羅籠手今日無因到淨明上堂五百力士揭石義萬
仞崖前撒手行十方世界一團鐵盧空背上白毛生
直饒拈却膩脂帽子脫却燈臭布衫向報恩門下正
好喫棒何故半夜起來屈膝坐毛頭星現衲僧前上
堂若作一句商量喫粥喫飯阿誰不會不作一句商

量屎坑裏蟲子笑殺閻梨膏拈拄杖云拄杖子罪犯
彌天貶向二鐵圍山且道薦福還有過也無卓一下
云遲一刻僧問昔有僧問雲門如何是清淨法身門
云花藥欄此意如何曰深沙努眼睛僧問只者是埋
沒自己只者不是辜負先聖去此二途和泥合水處
請師道曰玉筍撐虎口僧問呈機舞棹即不問且道
婆娑手中兒子甚處得來巖頭扣船舷三下未審意
旨如何曰焦磚打著連底凍曰當時若問和尚如何
對他曰一棒打殺曰者老和尚大似買帽相頭去也
曰爾向甚處見巖頭曰割曰杜撰禪和曰婆生七子
六箇不遇知音只者一箇也不消得便拋向水中又
且如何曰少賣弄曰巖頭不覺吐舌意作麼生曰樂
則同權僧提起坐具云但識取者箇曰放下著南書
記在師會中頌狗子話曰狗子無佛性羅睺星入命
不是打殺人被入打殺定師肯之虎丘忌拈香云平
生沒興撞著者無意智老和尚做盡伎倆湊泊不得
從此卸却干戈隨分著衣喫飯二十年來坐曲录木
懸羊頭賣狗肉知他有甚憑據雖然一年一度燒香

日千古令人恨轉深
贊曰

斬錫人 鬼怕見

虛空背生出白毛 古墓中深藏暗箭

斫取頭去 與首座熱血相噴

拂袖便行 笑水南機思遲鈍

拋孩兒漢陽渡 樂則同歡

貶拄杖鐵圍山 過應難免

拈折玉筍 彊把巖前虎口撐

題落韻詩 謾云洞裏桃花嫩

夜叉心菩薩面 說南書記劒刃上行

正法眼破沙盆 引傑侍者草窠裏覓

七十僧驢腮馬額 薄諸方不具手羅籠

二十載狗肉羊頭 憶先師便吞酸發恨

通楊岐正脉 金輪峯影落千江

繼宏智芳塵 狎鷗池光生八面

超宗異目誠不負佛日品題致後生源深而流遠

已庵顏禪師

師諱道顓嗣大慧東川鮑氏子久參圓悟在金山因一渦風亂令僧自殺以智不死虜去後方得脫悟歸寂復依大慧首衆徑山無著未爲僧憲館方丈師常叱之慧曰彼雖婦人大有長處師不諾慧抑令相見師不覆曰這報著曰首座作佛法相見世法相見座云佛法相見著云却去左右請師入師至帳前見著寸絲不對仰臥於床師指曰者裏是什麼去處著曰三世諸佛六代祖師天下老和尚皆從此中出師曰還許老僧入否著曰者裏不度驢度馬師無語著曰與首座相見了也遂轉身覷裏師懷懼而出慧曰却不是老畜生無見識也師有愧慧入室舉南泉住庵上山作務一僧至令做飯喫因緣師云珊瑚枕上兩而淚半是思君半恨君慧令侍者收牌曰只者一轉語報佛恩足矣初住東林後歸鄉住雲頂僧問如何是佛曰誌公和尚如何是法曰黃絹幼婦外孫姪曰如何是僧曰釣魚船上謝三郎示衆有曰飭籠不亂攪匙老鼠不咬餌算韓子蒼與師避寇詩云昔與二子居明心避賊夜走南山陰天寒更蹈沮洳徑月黑

錯到楊梅林涉險登危四三里少復前行過溪水平明乞火野人家十日深藏巖穴裏聞俱嘆我裝費空蜀僧轉墮妖氛中人言性命脫針孔枕憂傷人衰疾同春風酣酣柳邊寺相對夢中論夢事莫嫌薄飯一莖齋郡國而今無鼓鞀

贊曰

麟龍頭角 弓冶箕裘

項鐵三百斤 逸群偃蹇

額點數點墨 出格風流

圓悟室彩畫已成 只欠一回點眼

浮玉山見機而作 不消三搭回頭

錦繡帷前一斷魂 返還婦人之毒手

珊瑚枕上兩行淚 難逃菴主之機籌

出語無稽 詩老鼠不咬餌算

臨機奔軼 騎駿馬直撞烟樓

踏斷虎溪橋 斥遠法師活埋蓮社

行窮蠻瘴路 隨果風子遠窺梅州

掃蕩殺氣社稷一戎衣 凌烟勲業

揮戈佛日風塵三尺劍 借筋機謀

沮洳徑楊梅林 早憶南山避寇

牛頭山雲頂寺 晚思西蜀歸休

若更問老漢爲僧端的謝三郎未必在漁舟

懶庵需禪師

師諱鼎需嗣大慧福州林氏子本習儒業因入寺見遺教經看數版有省欲出家母以親迎近難之師曰天桃紅杏一時分付春風翠竹黃花此去永爲伴侶辭親祝髮一錫湖湘徧參名宿心無所緣身無所依結菴於光峯絕頂後見大慧一日問曰內不放出外不放入正恁麼時如何師擬開口慧拈竹筴劈脊連打三下師大悟慧印以偈曰頂門豎亞摩醯眼肘後斜懸奪命符瞎却眼卸却符趙州東壁挂葫蘆上堂懶翁懶中懶最懶懶說禪亦不重自己亦不重先賢又誰管備地又誰管備天物外逍遙無箇事日高三丈猶更眠上堂句中意意中句須彌峰于巨川句割意意割句烈士發乎狂矢任侍牙如劍樹口似血盆徒逞詞鋒虛張意氣所以淨名杜口早涉繁詞摩竭

掩關已揚家醜自餘瓦棺老漢巖頭大師向光峯頂上拏風鼓浪翫弄神變腳跟下好與三十棒且道過在什麼處良久云機調不是韓光作莫把胸襟當等閑至節上堂二十五日已前群陰消伏泥龍閉戶二十五日已後一陽來復鐵樹開花正當二十五日塵中醉客騎驢騎馬前街後街迤相慶賀物外閑人褙帔蒙頭圍爐打坐風蕭蕭雨蕭蕭冷冰冰誰管備張先生季道士胡達磨木菴參次師舉外道問佛不問有言不問無言因緣云不得向良久處會隨後喝菴作禮曰不因今日事爭奈目前機師印之透分菴主偈曰江頭風急浪花飛南北相逢不展眉獨有分禪英俊手等閑奪得錦標歸

贊曰

鐵硯磨穿 心猶奔競

杜文章久爾隨邪 遺教經驀然打正

春風一度桃杏花 分付已周

紅日三竿煙雲枕 撼搖不醒

內不放出外不放入 喫竹筴於洋嶼菴頭

身無所依心無所緣 結茅庵於光峯頂上

盲人摸地 頂門眼歡瞎摩醯

邪鬼貼身 肘後符難爲奪命

須彌聳川烈士發矢 刻意句浪得其名

泥龍閉戶鐵樹開花 筭陰陽從來不定

奪得錦標去 從分禪蘭藕拾花針

喪盡目前機 引木菴良馬窺鞭影

蒙頭打坐徧界覓無蹤全不思胡達磨李道士張

先生無人管領

密庵傑禪師

師諱咸傑詞應菴福州鄭氏子母夢廬山僧入屋而

生下髮徧扣諸方後見應菴菴室中間如何是正法

眼曰破沙盆菴肯之未幾辭省親菴以偈送曰大徹

投機句當陽鄭頂門相從今四載徵詰洞無痕雖未

付鉢袋氣宇吞乾坤却把正法眼喚作破沙盆此行

將省覲切忌便蹉跟吾有末後著待歸要汝遵上堂

世尊不說說拗曲作直迦葉不聞聞望空啓告馬祖

卽心卽佛懸羊頭賣狗肉趙州勘菴主貴賤賣分

文不直只如文殊是七佛之師因甚出女子定不得

天河月暈魚生子樹葉風微鹿養茸上堂舉婆燒菴

話拈云者公案叢林中少有拈提者傑上座裂破面

門不免納敗缺一上也要諸方點檢乃召大眾云者

婆子洞房深穩水泄不通向枯木上糝花寒灰中發

燄箇僧孤身迥迥慣入洪波等閑坐斷潑天潮到底

身無涓滴水子細檢點將來敲枷打鎖卽不無若是

佛法未夢見在烏巨怎麼提唱畢竟意在何處良久

云一把柳絲収不得和煙搭在玉闌干師接松源破

菴出世烏巨終于天章

贊曰

枳林生錦荔 榕樹出旌幢

廬山僧夢見 何面目

蠱毒水沾著 爛心肝

向上路與千聖共行 入泥犁獄慚愧慚愧

破沙盆準分文不直 換正法眼大難大難

拈女出定髣髴楊州 鹿養茸微風生從樹葉

判婆燒菴依稀越國 柳垂絲和煙搭在欄干

喝松源兩耳聾 錦包特石

殺破庵全心死 鐵裹泥團

做冷泉百日主人 勝郭汾陽中書之考

屹鄧江中流砥柱 回覺隰州既倒之瀾

大徹投機廓頂門初無奇特信知道江南兩浙秋

熱春寒

臨濟至此十四世共二十六人

五家正宗贊卷第二

五家正宗贊卷第三

曹洞宗

洞山悟本禪師

師諱良价嗣雲巖越州諸暨人姓俞氏初謁忠國師問無情說法不契後到潯山山間聞闍梨會問國師無情說法是否師云是潯云試舉看師舉了潯云我者裏也有些子只是罕遇其人師云便請潯以拂子

點一點師云請和尚爲某甲說潯云父母所生口終不爲子說師云此間莫有同年慕道者麼潯令見雲巖師辭直造雲巖請益前話巖云不見彌陀經云水鳥樹林悉皆念佛念法師因有省作偈曰也大奇也大奇無情說法不思議若將耳聽終難會眼處聞聲方得知一日問巖某甲有餘習未盡巖云汝曾作甚麼來曰聖諦亦不爲曰還得歡喜地也未曰歡喜即不無如糞堆頭拾得一顆明珠師辭岩問百年後忽有人問還邈得和尚真如何祇對巖良久云只者是師沈吟巖云价闍梨承當箇事大須審細師猶涉疑後因過水觀影方得頓悟作偈云切忌從他覓迢迢與我疎我今獨自往處處得逢渠渠今正是我我今不是渠應須恁麼會方得契如示衆云末法時代人多乾慧若要辨驗真偽有三種滲漏一見滲漏機不隨位墜在毒海二情滲漏習常向背見處偏枯三語滲漏體妙失宗機昧終始曹山辭次師授山先雲巖所付寶鏡三昧五位顯訣畢山再拜而去北院通參次師上堂云坐斷主人翁不落第二見通出衆云

須知有一人不合伴師云猶是第二見通便掀倒禪
床師云老兄作麼生通云待某甲舌頭爛卽向和尚
道後辭師入嶺師曰飛猿嶺峻好看通沉吟師云通
閣梨何不入嶺去通有省更不入嶺欽山參師師問
其處來曰大慈來曰還見大慈麼曰見曰色前見色
後見曰非前後見師默置後山對衆省過舉前話乃
曰離師太早不盡師意師頌曰枯木花開劫外春倒
騎玉象趁麒麟而今高隱千峯外月皎風清好日辰
贊曰

雲巖跳竈兒 不與諸塵對

輓入蘆花鞭白馬 難覓蹤由

倒騎玉象趁麒麟 單明向背

水鳥樹林何曾說法 徒自歎奇

牆壁瓦礫爲汝發機 灼然不會

糞堆頭拾得明珠顯 習氣未除

水影邊邈得先師真 失錢遭罪

金針玉線 暗通錦縫之千重

石女木人 密付寶鏡之三昧

今具證真

何不入嶺去 聽通閣梨不肯道爛了舌休
還見大慈麼 覺遷欽山早離師似乎心悔
錮鎔著生鐵 見情滲漏破綻轉多
安排用盡心 徧正君臣憲章無計
外 千里持書不到家看金鳳宿龍巢斜月掛夜明簾

曹山元證禪師

師諱就章嗣洞山泉州黃氏子初謁洞山依止數載
乃辭山山問什麼處去曰不變異處去曰不變異豈
有去耶曰去亦不變異遂辭去止于曹山學徒雲集
僧問佛未出世時如何曰曹山不如出世後如何曰
不如曹山僧問如何是枯木裏龍吟曰血脉不斷如
何是觸髅裏眼睛曰乾不盡乃作偈曰枯木龍吟員
見道觸髅無識眼初明喜識盡時消息盡當人那辨
濁中清僧問清稅孤貧乞師拯濟師召稅閣梨稅應
諾曰青原白家三盞酒喫了猶道未沾唇僧問抱璞
投師乞師雕琢曰不雕琢曰爲什麼不雕琢曰須知
曹山好手僧問如何是和尙眷屬曰白髮連頭戴頂

上一枝花師有三種墮一披毛戴角二不斷聲色三
不受食有稠布襴問披毛戴角是什麼墮是類墮不
斷聲色是什麼墮是墮墮不受食是什麼墮是尊貴

贊曰

寶鏡光寒 觸體眼活

接武關門墻 宗綱歸掌握

墮身尊貴 彩鳳啼來玉樹花

立法森嚴 金鳥啄破琉璃殼

白家酒唇沾未著 幾曾清稅孤貧

荆山璞懷抱相投 不輕與者僧雕琢

萬機俱掃蕩 佛亦不如

一位鎮長存 人皆道錯

示五圓相 潑家生拈出惡情悰

戴一枝花 惡眷屬粧成誰覩著

曹山高矗 摩雲恠石露稜稜

洞水逆流 衝浪錦鱗活鱖鱖

不變異處掉臂獨行故鳥道通玄無人湊泊

雲居宏覺禪師

師諱道膺嗣洞山幽州玉田王氏子師謁洞山山問
其處來曰翠微來曰翠微有何言句示徒曰翠微供
養羅漢某甲問供養羅漢還來否曰你每日瞞箇什
麼山曰實有此語否曰有曰不虛參見作家來一日
山問甚處來曰踏山來曰那箇山堪住曰那箇山不
堪住曰恁麼則國內山盡被闍梨占却曰不然曰恁
麼則子得箇入路曰無路曰若無路爭得與老僧相
見曰若有路則與和尚隔生也山乃曰子已後千人
萬人把不住南泉問僧講什麼經曰彌勒下生經曰
彌勒幾時下生曰見在天宮當來下生曰天上無彌
勒地下無彌勒師舉問山未審誰與安名山被問禪
床震動乃曰膺闍梨吾在雲巖曾問老人直得火爐
震動今被子一問直得通身汗下師養于三峰經旬
不赴堂山問子近日何不赴堂曰每日自有天神送
食曰將謂汝是箇人猶作者箇見解汝晚間來師晚
至山召膺闍梨師應諾曰不思善不思惡是什麼師
回庵宴坐天神不來矣後登歐阜就樹縛屋而居號

雲居示衆曰：如人將三貫錢買箇獵犬，只解尋得有蹤跡，底忽遇羚羊掛角，莫道蹤跡氣息，亦無僧便問羚羊未掛角時如何？六六三十六掛角後如何？六六三十六僧作禮師云：會麼？云：不會。云：豈不見道絕蹤跡？示衆云：得者不輕微，明者不賤用。識者不咨嗟，解者無厭惡。從天降下，則貧窮；從地湧出，則富貴。門裏出身，易身裏出門。難動則埋身，千丈不動則當處生苗。一言迴脫，獨拔當時言語，不要多多，則無用處。示衆有云：體得底人心，若臘月扇口邊，直得釀出，不是強爲任運。如此又云：不見古人道學處，不立盡是流俗。閨閣中物，捨不得俱爲滲漏，併盡一切事，始得無過。如人頭頭上明物，物上通只喚作了事，人終不喚作尊貴。將知尊貴一路，自別不見道。從門入者，非實捧上不成。龍知麼？僧問：有人衣錦入來，見師後爲甚寸絲不掛？曰：直待琉璃殿上行，撲倒也須粉碎。師令侍者送袴與一庵主。主曰：自有娘生袴，不受再令送去。問娘未生時著箇甚麼？主無語。後遷化，燒得舍利，持以似師。師曰：直饒出得八斛四斗，不如當初下取。

一轉語好僧問：山河大地從何而有？曰：從妄想而有。曰：與某甲想出一錠金，得麼？師休去。佛曰：空參次問二龍爭珠，誰是得者？曰：卸却業身來與子相見。曰：已卸業身，曰：珠在甚處？空無語。遂投誠入室。師示寂，主首白師：誰可繼席？曰：堂中簡時簡密，受師印人無知者，以臘高爲第一座。衆不曉師意，謂令揀擇欲命第二座住持，且備禮先請簡簡，不讓即自持道具入。方丈衆不愜簡察其情，乃弃去。其夜安樂樹神號泣，及旦衆奔至參莊，悔過哀請歸衆。聞空中連聲唱曰：和尚來也。

贊曰

參見作家來 出語人驚恐

幽州江口不是生緣

天上雲居從渠賣弄

踏山有闍梨入路 幾曾與和尚隔生

是誰與彌勒安名 不到得禪床震動

羚羊絕氣息 軒知獵犬難尋

庵主沒機關 爭得天神送供

寸絲不掛 琉璃殿上輕著脚撲倒人

千丈埋身 貧富門頭大開眼說出夢

娘生袴休拈出 下得一轉語方可持論

妄想心難掃除 想出一鉅金堪作何用

口邊生醅 臘月扇子正好揮搖

學處不立 閨閣中物徒勞寶重

卸業身與佛日相見 龍奮迅奪明珠

爛破院令首座住持 鬼號咷爭漆桶

從門入者捧上不成龍點檢將來也是方木逗圓孔

同安丕禪師

師嗣雲居諱道丕洪州人師看經次見僧來參遂以袖蓋頭僧作弔慰勢師放下袖提起經云會麼僧以袖蓋頭師云蒼天蒼天僧問如何是點額魚曰不透波瀾曰慚耻時如何曰終不仰面曰恁麼則不變其身也曰是也青雲事作麼生僧問如何是和尙家風曰金雞抱子歸霄漢玉兔懷胎入紫微曰忽遇客來將何祇待曰金果早朝猿摘去玉花晚後鳳啼來僧參次師問甚處來曰湖南曰還知同安者裏風雲體

參差疑

道花檻璫麼曰知曰非公境界僧便喝師曰短取樵人徒誇書劍僧擬進語師曰劍甲未施賊身已敗僧問纔有言詮盡落今時不落言詮請師直說曰木人解語非干舌石女拋梭豈亂絲僧問依經解義三世佛冤離經一字卽同魔說此理如何曰孤峯迥秀不掛煙蘿片月行空白雲自在僧問佛未出世時如何曰藕絲繁大象曰出世後如何曰鐵鎖鎖石牛僧問如何是異類中人曰露地藏白牛長空吞日月贊曰

奔軼絕塵 了無羈絆

徧正位中來 聖凡情已泮

青雲有何事 點額魚已透波瀾

家風不要論 金雞子豈歸霄漢

非公境界親遭喝 樵人短販書劍徒誇

不落言詮直說來 石女拋梭機絲夢亂

彩鳳啼花霜猿摘果 待賓客未見真情

孤峯迥秀片月行空 辨佛魔元無正眼

瞞肝答佛未出世 截流象繫藕絲頭

依佛說異類中人 露地牛藏芳草岸

鴛鴦繡罷金針冷 綿密誰知

鸞鳳巢空玉帳寒 森嚴難犯

捋人要是弔慰僧衣袖蓋頭蒼天蒼天賊過後張

弓已晚

同安志禪師

師諱觀志嗣同安不洪州人不將示寂上堂云多子塔前宗子秀五老峯前事若何如是三問未有對者末後師出曰夜明簾外排班立萬里歌謠道太平不日須是者瞎漢始得遂示寂僧問二機不到如何提唱師曰徧處不逢立中不失僧問凡有言句盡落今時學人上來請師直指師曰目前不現句後不迷曰向上事如何曰迥然不換標準即乖

贊曰

鶴夢寒松 鶯啼幽谷

不墮正徧 寧分背觸

多子塔前宗子秀

咲先師露金柳雙趺

夜明簾外立班齊

還瞎驢豎頂門三日

徧處不逢立中不失 二機不到處轉見紛拏

目前不現句後不迷 直指本來心翻成迂曲

寶殿無人孤月冷 聽清彈南風阜物之琴

宸苔封路彩雲深 看妙琢垂棘無瑕之玉

出梁山破家種 蒼龍子彩鳳雛豈當的傳

繼曹洞五位宗 青山父白雲兒是何昭穆

迥然不換標準即乖向上事海底摸金針然妙挾

正中拈出來花簇簇錦簇簇

梁山觀禪師

師諱緣觀嗣同安志朗州人僧問如何是和尙家風曰益陽水急魚行澁白鹿松高鳥泊難問師唱誰家曲宗風嗣阿誰曰龍生龍子鳳生鳳兒問如何是西來意曰葱嶺不傳唐土信胡人謾說太平歌問如何是學人自己曰寰中天子塞外將軍曰便怎麼去時如何曰朗月懸空室中暗坐問如何是衲衣下事曰密問如何是正法眼曰南華裏曰為什麼在南華裏曰爲汝問正法眼上堂垂鈎四海只釣獐龍格外立機爲尋知己座下有一園頭人謂曰何不出來問一

兩轉語曰我若出問須教者老和尚下禪床立人恠
之一日出問家賊難防時如何曰識得不爲冤曰識
得後如何曰貶向無生國裏曰莫便是他安身立命
處也無曰死水不藏龍曰如何是活水裏龍曰興波
不作浪曰忽遇傾瀉倒嶽來時如何師下禪床把住
曰闍梨莫教濕却老僧袈裟角衆遂服之大陽玄參
次問如何是無相道場師指觀音云者箇是吳道子
畫玄擬進語師急索曰者箇是有相如何是無相底
玄乃悟旨於言下拜起而侍師曰何不道取一句曰
道卽不辭恐上紙筆師笑曰此語上碑去在玄呈偈
曰我昔初機學道迷萬水千山覓見知明今辨古終
難會直說無心轉更疑蒙師點出秦時鏡照見父母
未生時如今覺了何所得夜放烏雞帶雪飛師稱洞
上之宗可倚有偈曰梁山一曲歌格外人難和十載
訪知音未嘗逢一箇
贊曰

益陽水急 白鹿松高

鶴睡清飛月晚 魚行細擲金梭

死水不藏龍 貶家賊向無生國
鄭音空亂雅 引胡人唱太平歌
衲衣事在密用中 拈來多破綻
正法眼指南華裏 用出幾誦訛
裏中天子塞外將軍 與學人塗糊自己
格外玄機鉤頭絲線 釣得龍活葬洪波
一語許大陽上碑 令人惡心不少
十載在梁山唱曲 臨風掩耳應多
妙盡功亡 揮玉斧夜修月殿
環虛橫泯 駕仙槎曉渡星河
更問亡僧遷化紅爐焰上無絲線豎拽橫拖

大陽玄禪師

師諱警玄嗣梁山江夏張氏子仲父爲沙門號智通
住持金陵崇孝往依爲師聽圓覺了義弃去謁梁山
悟自上堂云巖峨萬仞鳥道難通劔刃輕水憑誰踐
履宗乘妙句語路難陳不二法門淨名杜口所以達
磨九年面壁始遇知音大陽今日也無端珍重僧問
如何是和尙家風曰滿瓶傾不出大地沒飢人上堂

云撒手那邊千聖外祖堂少室長根芽驚倚雪巢猶
自可更看白鳥入蘆花上堂諸禪德須明平常無生
句妙玄無私句體明無盡句第一句通一路第二句
無賓主第三句兼帶去一句道得師子嘯呻二句道
得師子返擲三句道得師子踞地縱也周徧十方擒
也一時坐斷正恁麼時作麼生通箇消息大衆證明
若通不得來朝更獻楚王看時有僧出問如何是平
常無生句曰白雲覆青山青山頂不露如何是妙玄
無私句曰寶殿無人不侍立不種梧桐免鳳來如何
是體明無盡句曰手指空時天地轉回頭石馬出妙
籠如何是師子嘯呻曰終無回顧意爭肯落平常如
何是師子返擲曰周旋往返全歸父繁興大用體無
虧如何是師子踞地曰迥絕去來機古今無變異上
堂夜半烏雞抱鵲卵天明起來生老鸛鵲毛鷹背驚
鷂身却與烏鷄爲侶伴高入煙雲低飛柳岸向晚歸
來子細看依稀恰似雲中鴈僧問如何是透法身句
曰大洋海底紅塵起須彌頂上水橫流師年八十嘆
無繼其法者作偈并皮履布履寄還錄公使求法器

勸
處
處
更

傳續之曰楊廣山前草憑君待價煒異苗蕃茂處深
密固靈根其尾云得法者潛衆十年方可闡揚遠拜
而受師嘗釋曹山三種語須明得轉位始得一日作
水牯牛是隨類墮是沙門轉身語是異類中事若不
曉此意即有所滯直是要伊一念無私即有出身之
躋二曰不受食是尊貴墮須知那邊了却來者邊行
履若不虛此位即坐在尊貴三曰不斷聲色是隨處
墮以不明聲色故隨處墮須向聲色裏有出身之路
作麼生是聲色外一句曰聲不自聲色不自色故云
不斷指掌當指何掌也浮山贊師真曰黑狗爛銀蹄
白象崑崙騎於斯二無碍木馬火中嘶
贊曰

惡毒種 寧馨兒

漢陽渡頭奪胎而出

智通寺裏穎脫無羈

掀翻圓覺場 跳入言詮不及處

打破秦時鏡 照見父母未生時

語路信難陳 宗乘句和灰合土

滿瓶傾不出 大地人忍饑吞飢

千聖外撒手經行 入蘆花笑騎白馬去

寶殿中無人侍立 種梧桐寧免鳳凰栖

消息既通 惜師子爪牙未具

機緣不契 致青山父子相違

須彌頂上水橫流 透法身疑團未破

楊廣山頭苗茂盛 供死款老淚交垂

苦老梁山抑遏太多 烏雞生鵝卵

被遠錄公塗糊不少 黑狗欄銀蹄

壁色堆頭強說有出身之路非央庠座主誰受你

破皮履潑禪衣

投子青禪師

師諱義青嗣大陽青社李氏子初習百法論嘆曰三
祇逾遠自困何益入洛聽華嚴義若貫珠講至諸林
菩薩兩卽心自性猛省曰法離文字寧可講乎棄去
謁浮山於會聖巖山夢得俊鷹畜之既覺而師至山
以爲吝徵留三年山問曰外道問佛不問有言不問
無言世尊默然如何師擬進語山掩其口於是師悟

拜起山曰汝妙悟玄機耶曰設有妙悟也須吐却時
資侍者在旁曰青華嚴今日如病得汗師回顧曰合
取狗口汝更切切我即便嘔山以大陽皮履布覆付
師代吾續洞上宗上堂宗乘若舉凡聖絕蹤樓閣門
開別尸相見設使捲簾悟去豈免旁觀春遇桃花重
增病眼所以古人道向上一路千聖不傳諸仁者既
是不傳爲甚鐵牛走過新羅國喝曰達者須知暗裏
驚僧問師唱誰家曲宗風嗣阿誰曰威音前一箭射
過兩重山上堂默沈陰界語墮深坑擬著則天地懸
殊棄之則千生萬劫洪波浩渺白浪滔天鎮海明珠
在誰取掌良久卓主丈云百雜碎示衆云若論此事
如鸞鳳冲霄不留其跡羚羊掛角那覓其蹤金龍不
守於寒潭兎豈栖於蟾影其或主賓若立須威音世
外搖頭問答言陳乃玄妙路旁爲唱若能如是猶在
半途更乃凝眸不勞相見師叙五位君臣曰夫長空
一色星月何分大地無偏榮枯自異是以法無異法
何迷悟而可及心不自心假言象而提唱其言也偏
圓正到象帶叶通其法也不落是非豈關萬象幽旨

既融於水月宗源派混於金河不墮虛凝回途復妙
師舉大陽點出秦時鏡語頌曰偏中正夜半天明羞
自影朦朧霧色辨河分混然不落秦時鏡
贊曰

嶽降英靈天生碣斗

習因明未透網羅究華嚴重增枷杻

入浮山不祥夢折翅鷹何用爲

追洞下已墜風蹶蹄狗卒難醫救

金鳳借龍巢宿豈知陷會聖重圍

良馬見鞭影行初不待世尊良久

卽心自性佛亦強名

妙悟玄機我卽便嘔

鐵牛走過新羅國向上路于聖不傳

石女輕彎月子弓兩重山一箭射透

撼鎮海珠百雜碎語默不到處未會轉身

添秦時鏡一重光明暗未分前豈容出手

玉兔豈栖蟾影甚處得者消息來

金龍不守寒潭者漢別尋條路走

雖分章偏正不墮虛凝到轉位回功極則處何曾
知有

芙蓉楷禪師

師嗣投子諱道楷沂州雌氏子初參投子問佛祖言
句如家常茶飯離此之外別有爲人言句也無曰汝
道寰中天子勅還假禹湯堯舜也無師擬酬之子以
拂子據師口曰汝發意來早有二十棒也師卽開悟
再拜便行子曰且來闔梨師不顧曰汝到不疑之地
耶師卽掩耳一日侍子遊園子以拄杖付師曰理合
與麼曰與和尚提鞋挈杖不爲分外曰有同行在曰
那一人不受教子休去至晚子謂曰早來說話未盡
曰更請舉看曰卯生日戌生月師卽點燈來曰上來
下去總不徒然曰在左右理合如此曰奴兒婢子誰
家屋裏無曰和尚尊年缺他不可曰與麼慙慙曰報
恩有分上堂晝入祇陀之苑皓月當天夜登靈鷲之
山太陽溢目鳥鴉似雪孤鴈成群鐵狗吠而凌霄泥
牛闔而入海正當恁麼時十方共聚彼我何分古佛
場中祖師門下大家出一隻手接待往來知識諸仁

者且道成得箇什麼邊事良久云賸我無影樹留與
後人看僧問胡家曲子不墮五音韻出青霄請師吹
唱曰木鷄啼夜半鐵鳳叫天明曰恁麼則一句曲合
千古韻滿堂雲水盡知音曰無舌童子能繼和曰作
家宗師人天眼目曰禁取兩片皮去大觀初京尹李
孝壽奏師道行卓冠叢林宜有褒顯上賜紫衣號定
照禪師內侍持勅命至師謝恩竟乃陳已志出家時
嘗有重誓不爲名利專誠學道用資九族荷違願心
當弃身命父母以此聽許出家今若不守本志竊冒
寵光則佛法下衰矣於是修表力辭降旨京尹堅令
受之師確守不回以拒命坐罪奉旨收付有司有司
知師忠誠問有疾乎師曰平日有疾今實無曰言有
疾於法免罪師曰已悉厚意但妄非所安恬然受刑
而行從之者如歸市抵潯州獄屋而居學者愈親明
年冬勅令自便庵于芙蓉四衆雲集大闡洞宗示衆
山僧行業無取忝主山門豈可坐費常住頓忘先聖
付囑今者輒傲古人爲住持體例與諸人議定更不
下山不赴齋不發化主惟將本院莊課一年所得均

作三百六十分日取一分更不隨人添減可以備飯
則做飯不足則作粥又不足則作米湯新到相見茶
湯而已更不煎點惟置一茶堂自去取用務要省緣
專一辨道師放還後有司欲爲去黥師曰先帝遺墨
豈可去耶帝謂此老終身偃蹇靈源贊師有曰嚴天
大雪始見松筠媚草天花亦成造化苟竊世榮實孤
恩者贊曰

倔強老尊慈 脊梁生鐵鑄

寰中勅 不假堯舜禹湯

洞下宗 寧分偏正回互

真到不疑田地 快將一雙耳掩休

纔說作家宗師 好禁兩片皮出去

胡家曲子無音韻 苦休言夜半木雞啼

祖師門下絕功勳 徒出手賸我無影樹

同行不受教 謾教伊擎杖提鞋

來去總徒然 誰家無奴兒婢子

石女拋梭木人開錦 滾箕裘的是家傳

泥牛入海鐵狗凌霄 爛葛藤偏能路布

翩翩形影過川去 松筠操幾傲雪霜

濟濟威儀漢節回 芙蓉花親承雨露

粥足飯足 三百六十日合火話家私

僧耶俗耶 三萬六千場對床論夢事

垂垂白髮守先帝遺墨猶新視媚草天花成造化

苟竊世榮汗顏如雨

丹霞淳禪師

師嗣芙蓉諱子淳劍州賈氏子師上堂舉德山云我
宗無語句亦無一法與人德山怎麼說話只知入草
求人不覺通身泥水子細看來只具一隻眼丹霞則
不然我宗有語句金刀剪不開深深玄妙旨石女夜
懷胎示衆舉肇法師云乾坤之內宇宙之間中有一
寶秘在形山肇法師怎麼道只解指蹤話跡且不能
指示於人丹霞今日劈開宇宙打破形山爲諸人拈
出具眼者辨取卓一下還見麼驚鷗立雪非同色明
月蘆花不似他上堂寶月流輝澄潭有影水無蘆月
之意月無分照之心水月兩忘方可稱斷所以道昇
天底事直須臾却十成底事直須去却擲地金聲不

須回顧若能如是始解異類中行諸人到者裏還相
委悉麼良久云當行不舉人間步披毛戴角混泥塵
上堂亭亭日午猶虧半寂寂三更尙未圓六戶不曾
知曉意往來常在月明前僧問牛頭未見四祖時如
何曰金菊乍開蜂競採曰見後如何曰苗枯花謝了
無依真歇參次師問如何是空劫已前自己歇擬對
師曰備開在且去一日登鉢孟峯忽悟歸侍立師掌
曰將謂備知有歇忻然拜之翌日上堂日照孤峯翠
月臨溪水寒祖師玄妙訣莫向寸心安便下座歇直
前曰今日陞座更謾某甲不得也師曰你試舉我今
日陞座底看歇良久師曰將謂你嘗地歇便出宏智
參次師問如何是空劫已前自己智曰井底蝦蟇吞
却月三更不借夜明簾師曰未在更道智擬議師打
一拂子云又道不借智於言下大悟

贊曰

明珠生蚌腹 野鶴在雞群

燒木佛遺風未泯 賦鴈鳥家譜親聞

點發心光花蠟燭 鄧州道地

慘舒殺氣劍門關 樓閣連雲

玉女懷胎恰半更 玄妙旨難分深淺

驚鴻立雪非同色 形山實不虛分文

水月兩忘 昇天底固當闕下

塵泥既混 異類中莫惜殷勤

兔魄未分時 軒知道六戶不知曉

牛頭相見後 可憐生百花亂落繽紛

暗藏金梭織古洞機絲 輕輕鳴杆

細排玉線開曹山綿縫 簇簇成紋

威音王已前 收了甚塵毫光耀一掌

夜明簾不借 擒覺夫子筆陣掃千軍

等閑道一句正中妙挾縱金刀剪破綿密處依然

不墮功勳

真歇了禪師

師諱清了左縣人俗姓雍初見丹霞悟旨後謁長蘆
照照一見器之命爲侍者踰年分座未幾照稱疾退
閑師命繼席學者如歸拈香時照付衣與師望拈出
及見爲照照令左右扯去衣師預備布伽梨於袖遂

搭示衆拄杖云看看三千大千世界一切搖動雲
門大師卽得雪峯門下卽不然卓拄杖云三千大千
世界向什麼處去還會麼不得重梅兩秧苗爭得青
上堂上絕峯頂過獨木橋焉直怎麼行猶是時人脚
高脚低處若見得徹不出戶身偏十方未入門常在
屋裏其或未然趁涼搬一轉柴好上堂窮微喪本體
妙失宗一句截流淵立及盡是以金針密處不露鋒
銚玉線通時潛舒異彩雖然如是猶是交互雙明且
道巧拙不到作麼生相委良久云雲霧秀處青陰合
巖樹高低翠鎖深上堂幻化空身卽法身遂作舞云
見麼見麼怎麼見得過橋村酒美又作舞云見麼見
麼怎麼不見隔岸野花香上堂苦封古徑不墮虛凝
霧鎖寒林肯彰風要鉤針穩密孰云漁父栖巢怎麼
承當自是平常快活還有具透關眼底麼直饒聞早
便歸去爭似從來不出門上堂轉功就位是向去底
人玉蘊荆山貴轉位就功是却來底人紅爐片雪春
功位俱轉通身不滯撒手亡依石女夜登樓密室無
人掃上堂久默斯要不務速說釋迦老子待要欺幽

賣弄爭奈未出母胎時已被人顛破且道顛破箇什
麼護雪峯不得

贊曰

真正左綿人 親見丹霞老

胸陂瑩徹量汪汪 萬頃無痕

心月孤圓影團圓 千江分照

人前辨主 把布伽梨當面換來

鬧裏翻身 將鉢盂峯一脚踢倒

芍藥花開菩薩面 玉欄藏古洞之春

綠楊聲盡木人眉 寶鏡照曹家之曉

得重梅雨 采閑卓幾下杖休

過獨木橋 越涼撥一轉柴好

巖樹翠深雪竊青合 截流句巧拙難分

過橋酒美隔岸花香 見法身即當不少

虛凝不墮泥牛吼月 古徑任苔封

撒手亡依石女登樓 密室無人掃

兒星香餌好 引龍潮赤梢鯉鱖吞鉤

些子藥頭靈 禁南山靈鼻地深深寶草

轉功就位轉位就功盡底掀翻黃面老瞿曇未出
母胎時已被阿師顛破

宏智覺禪師

師諱正覺嗣丹霞隱州李氏子母夢正臺僧解環環
右臂乃孕及生右臂起一環上堂心不能緣口不能
議直饒退步荷擔切忌當頭觸諱風月寒清古渡頭
夜船撥轉琉璃地上堂黃閣簾垂誰傳家信紫羅帳
合暗撒眞珠正恁麼時視聽有所不到言詮有所不
及如何通箇消息去夢回夜色依稀曉笑指家風爛
慢春上堂僧問如何是向去底人曰白雲投壑盡青
嶂倚空高曰如何是却來底人曰滿頭白髮離巖谷
半夜穿雲入市廛曰如何是不來不去底人曰石女
喚回三果夢木人坐斷六門機乃云句裏明宗即易
宗中辨的即難良久云還會麼凍雞未報家林曉隱
隱行人遇雪山辭世云夢幻空花六十七年白鳥煙
沒秋水連天

贊曰

精進幢 慈悲種

隰州古佛 未解放光

五臺老僧 何曾入夢

紫芝眉宇黃金骨 天上麒麟

黃葉襟懷錦繡腸 僧中鸞鳳

不墮尊貴 三世何用爲國王

若事清吟 一詩未見追唐宋

琉璃殿滑船輕撥 尙帶玄微

黃閣簾垂信不通 猶存向奉

二十里松濤翻霽月 沒絃琴時發清彈

一百尺樓影蘸清池 不辜功全彰妙用

風斤巧琢連城壁 瑩徹了無痕

燭火輕然照渚岸 虛凝曾不動

青嶂空高白雲投壑 應來機暗却者僧眼睛

白鳥煙沒秋水連天 供死歎笑破他人鼻孔

擊開秦華儘容伊逗出河源吞三世佛雖是死地

也要活弄

天童王禪師

師嗣曼歇諱宗王和州人也上堂云劫前運步世外

橫身妙契不可以意到眞證不可以言傳直得虛靜

歛氛白雲向寒巖而斷靈光破暗明月隨夜船而來

正恁麼時作麼生履踐偏正不曾離本位縱橫那涉

語因緣僧問如何是道曰十字街頭休祈願雪竇

入海山發明後乃曰威音王已前無師自證威音王

已後無師自證者卽邪魔外道出山聞空中語云鄭

行山肉身菩薩至長蘆見師求印證師肯之

贊曰

參軍俊逸 開府清新

一葦亭九成儀鳳 新豐洞五色祥麟

大道虛凝 十字街頭徒勞斫額

玄微銷鑠 威音世外正好橫身

眞證不可以言傳 言滿天下無口過

妙契豈容以意到 意窮萬有絕根塵

暗燭靈光 夜船載娟娟之月

氛消虛靜 寒巖斷片片之雲

縱橫那涉語因緣 犀水潑鴛鴦難藏影迹

偏正不曾離本位 枯椿繫癩馬徒死心神

錦縫輕開 花噴香蝶眠清曉

機絲不動 柳含烟爲纖芳春

有眼無筋錯印證 鄭行山肉身菩薩致飛雪千丈

伸冤苦壁撼叢林

自得禪禪師

師嗣宏智諱慧暉會稽張氏子上堂集知風穴知雨
甜者甜兮苦者苦不須計較作思量五五從來二十
五萬般施設到平常此是叢林飽參句諸人還委悉
麼野老不知堯舜德擊打鼓祭江神上堂云皮膚
脫落絕方隔明了身心一物無妙入道實深靜處玉
人端取白牛車妙明田地達者還稀識情不到唯證
乃知白雲兒靈靈自照青山父卓卓常存機分頂後
光智契劫前眼所以道新豐路兮峻仍敲新豐洞兮
湛然沃登者登兮不動搖遊者遊兮莫勿速亭堂雖
有到人稀林泉不長尋常木諸禪德向上一著尊貴
難明琉璃殿上不稱尊寶象龕前還合併正與麼時
針線貫通真宗不墜合作麼生施設滿頭白髮離巖
谷半夜穿雲入市塵師有六牛圖一日始聞知識示

誨即起信心信心既萌永爲道本故牛首上一點白
一念信爲本千生入道因自隣迷覺性隨處染埃塵
野草時時綠狂花日日新思家無計得但覺淚沾巾
二日信心既發念念揩磨忽示發明心生歡喜最初
入頭故頭全白問訊者牛兒知非何太遲拋家經幾
劫逐妄許多時念念歸無念思思絕所思入頭從此
始次第證無爲三日既有發明漸漸熏煉智慧明靜
未能純一將白半身看牧養春秋將成露地牛出羣
荒草去向近雪山遊正念雖歸一邪思尙混流聲惹
心迹盡六處不能取四日更無妄念唯一真心清淨
湛然通身明白六處不能該優曇火裏開了然無系
屬明淨絕纖埃繩索將無人牛安在哉迢迢空劫
外佛祖莫能猜五日心法雙忘人牛俱泯永超象外
唯一空空是名大解脫門佛祖命脉人牛消息盡古
路絕知音霧捲千巖靜苔生三徑深心空無所有情
盡不當今把釣公何在磻溪鎖綠陰六日命根斷處
絕後還甦隨類受身逢場作戲只改舊時人不改舊
時行履處妙盡復窮通還歸六道中塵塵皆佛事處

處是家風皓玉泥中異精金火裏逢優游無間路隨
類且漂蓬

贊曰

石火電光 雷霆一默

若耶溪沙裏精金 苧羅山棘中蘼蔔

見真歇插花裝老婦 寧識羞慚

被宏智嚼飯餒嬰孩 敢言自得

踏翻明暗路 眼睛頭偏地蒺藜

剗斷離微根 脚跟下參天荆棘

十成尊貴 駕香車豈輾宸苔

一路平常 祭江神不知舜力

烟霽寒沙孤鷺立 野溪頭雪正模糊

凍消枯木老龍吟 竹戶外春無消息

道裏深靜處 腦後光劫前眼猶是金塵

情識未融時 青山父白雲兒總成家賊

正偏兼到 十洲花寧免凋殘

收放未全 六牛圖有何奇特

長庚門下掃蕩發生涯信神駒有汗血之功金雞

抱司晨之德

洞山至此十一世共十四人

五家正宗贊卷第三

五家正宗贊卷第四

雲門宗

雲門匡眞禪師

師嗣雪峯諱文偃秀州人俗姓張空王寺受業聽四分律棄見睦州州纔見便掩門移折師足曰秦時轆轤師大悟州指見雪峯師至峯莊見僧問上座上
山去那僧曰是師曰寄一則語問堂頭和尚不得道
是別人語僧曰諾師曰上座到寺見和尚上堂衆集
便出握腕立地曰者老漢頂上鐵枷何不脫却其僧
依師教峯見者僧與麼道便下座攔胸把住曰速道
速道僧無語峯拓開曰不是汝語僧曰是某語峯曰
侍者將繩棒來僧曰不是某語是莊上一浙中上座

教某來道峯曰大衆去莊上迎取五百人善知識來
師次日上山峯一見便曰因甚得到與麼師以手拭
目移出峯奇之靈樹二十年不請首座一日師至即
命之不辭就職劉王每入寺樹不接王欲檢其過樹
已知之遂入寂王至衆言之王曰有何言句衆曰和
尚去時封一合子待王至自開王開見一小帖云人
天眼目堂中首座王即命師繼席前世之因劉王乃
繫香人入寺涕唾僧堂中樹爲堂司偶而叱之曰如
睡面上爭之不休師諫之而去師有頤鑑一字關紅
旗橫骨宗旨臨示寂遺表曰困風霜於十七年間涉
南北於數千里外

贊曰

菰蒲生異材 浩氣吞雲漢

出空王寺 無心繫四分葛藤轡

跨睦州門 折脚悟秦時轆轤鎖

果經霜熟 軒知靈樹明窓下安排

金繞指柔 更入雪嶠洪爐中烹煨

見劉王憶僧堂睡面未乾

友玄沙笑漁舟通身紅爛

放洞山三頓棒 徹底老婆心

豎雲門一字關 瞎却宗師眼

水上紅旗立未收 暗中橫骨抽何限

雖十七年困風霜於逆旅途間

然數百世策奇勛於瘴煙城畔

僧鳳兮人龍繫誰奏九成攪重淵使來儀奮飛於祖

庭秋晚

香林遠禪師

師嗣雲門諱澄遠漢州人姓上官師爲侍者將紙衣
錄門語句後歸蜀於水晶宮接待往來茶湯僧問美
味醍醐爲甚變成毒藥曰導江紙貴僧問如何是室
內一椀燈曰三人證龜成鳖僧問如何是衲衣下事
曰臘月火燒山僧問如何是香林一脉泉曰念無間
斷曰飲者如何曰隨方斗秤師謂衆曰老僧四十年
方打成一片將示寂辭知府宋公瑄曰老僧行脚去
通判曰者僧風狂八十歲行脚去那裏宋曰大善知
識去住自由遠錄公探雲門宗入蜀見師人面山

贊曰

頂峭五峯 眼生三角

韶石象龍羣裏 奪得犀牛

岷峨山水窟中 奮飛鸞鷟

紙衣錄他人語句 認魚目作明珠

沙瓶煮待客湯茶 翻醒翻成毒藥

水晶宮冷香浮篆 倚圓蒲宴霽月光風

人面山高翠列屏 尾瘦筇訪青猿野鶴

證龜成蟹 室內燈滅却光明

臘火燒山 衣下事恐難提擡

四十年打成一片 明皎皎暗昏昏

八十歲行脚諸方 峭巍巍活潑潑

探鑒嘆宗旨 引遠錄公走得脚皮穿

起落賴門風 聽祚智門喫些辛苦著

香林一脉泉間斷多時若要隨方斗秤上自宜斟酌

洞山初禪師

師嗣雲門諱守初鳳翔傳氏子初參雲門門日近離

甚處曰查渡曰夏在甚處曰湖南報慈曰幾時離彼

曰八月二十五日放汝三頓棒次日師上問訊曰昨

蒙和尚放三頓棒不知過在甚麼處曰飯袋子江西

湖南便怎麼去師大悟遂曰他後向無人烟處卓箇

庵子不畜一粒米不種一莖菜接待十方往來盡與

他抽釘拔楔拈却炙脂帽脫却鶻鼻衫教伊洒洒地

作箇無事衲僧去豈不快哉門云儂身如椰子大開

得許大口示衆云言無展事語不投機承言者喪滯

句者迷還得麼儂衲僧分上到者裡須具擇法眼始

得只如洞山怎麼道也有一場過且道過在什麼處

僧問文殊普賢來參時如何曰趨向水牯牛欄裏著

曰和尚入地獄如箭射曰全憑子力問師登師子座

請師唱道情曰晴乾開水道無事設曹司曰怎麼則

謝師指示曰賣鞋老婆脚趂趣問離却心機意識請

師一句曰道士著黃覓裏坐問大衆雲臻請師撮其

樞要略舉大綱曰水上浮漚呈五色海底蝦蟇叫月

明問蓮花未出水時如何曰楚山頭倒卓曰出水後

如何曰漢水正東流問如何是佛曰麻三斤問僧甚

處來日汝州曰此去多少曰七百里曰踏破幾緇草

鞋曰三編曰甚處得錢買曰打笠子曰參堂去僧應

喏

贊曰

問世賢 眞法器

離報慈未出常情 見雲門方始瞥地

鳳生萬壑 虎豹子氣已食牛

電掣傾城 龍馬駒足應展驥

視渾身如椰子 能有幾長

開大口似紡車 略無少愧

於先師會中問有何過 合喫幾藤條

向無人烟處接待往來 不啻一粒米

酒粧公子面 把黃頭碧眼倒卓屎坑頭

花插美人頭 將文殊普賢趁向牛欄裏

賣鞋老婆脚趂趂 唱道情蠻子打鄉談

著覓道士坐崑堆 雜意識波斯入關市

大海浮漚蝦蟇叫月 錯稱提韶石綱宗

楚山倒卓漢水東流 謾塗糊蓮花出水

問僧此去路多少 踏破幾緇草鞋

答佛亂撮麻三斤 渾沒星兒臭氣

言無展事語不投機說道理卽不無望少室門風

白雲萬里

智門祚禪師

師嗣香林諱光祚隨州人上堂云山僧記得在母胎

時有一則語今日舉似大眾諸人不得作道理商量

還有人商量得麼僧問金剛眼中著得箇甚麼曰一

把沙曰爲甚麼如此曰非公境界問荷花未出水時

如何曰蓮花曰出水後如何曰荷葉上堂云汝等諸

人橫擔拄杖出一叢林入一叢林僞道叢林有幾種

或有旃檀叢林旃檀圍繞或有荊棘叢林荊棘圍繞

或有荊棘叢林旃檀圍繞或有旃檀叢林荊棘圍繞

只如四種叢林是汝諸人在阿那箇叢林安身立命

若無安身立命處虛踏破草鞋闍羅王徵僞草鞋錢

有日在上堂東家李四婆西家來乞火門外立少時

嗔他停滯我惡發走歸家虛心屋裏坐可憐羣小兒

終日受飢餓有眼不點睛空鎖鑊鑊破僧問如何是

般若鉢曰蚌含明月曰如何是般若用曰兔子懷胎問如何是佛曰踏破草鞋赤脚走如何是佛向上事曰拄杖頭上挑日月問曹溪路上還有俗談也無曰六祖是盧行者問古鏡未磨時如何曰也只是箇銅片日磨後如何曰且收取雪竇見師問曰不起一念云何有過師召竇近前來竇纔近前師以拂子蘸口打竇擬開口師又打竇大悟贊曰

舌本瀾翻 胸襟無物

滄海親生翫月犀 香林放出遼天鶴

母胎中一則語 鋒鋦簇簇誰肯商量

金剛眼一把砂 翳膜重重如何洗刮

荷葉蓮花後先出水 不當截流機

旃檀荆棘圍繞叢林 活貶無生國

少時立門外 知李四婆來乞丙丁童

一念未生前 要顯闍梨痛喫龜毛拂

兔子懷胎蚌含明月 將般若體用沈埋

鯉魚喫棒雨似傾盆 把韶石家財籍沒

拄杖頭邊挑日月 老瞿曇的的被揶揄
曹溪路上有俗談 盧行者惺惺成涵湑
拈出古鏡將謂是一片頑銅放下手元來却是箇木屑

雪竇明覺禪師

師嗣智門諱重顯遂州人姓李氏初住翠峯次住雪竇法道大行遂號雲門中興舊嘗典賓大陽與客論栢樹子話時韓大伯倚旁匿笑客去師謂曰汝何笑耶韓曰笑知客有定古今舌無定古今眼師曰豈有說乎對以偈曰一兔橫身當古路蒼鷹一見便生擒後來獵犬無靈驗空向枯椿舊處尋師異之乃結爲友李殷院嘗訪福嚴嚴雅禪師時師爲藏主與李論話間忽道士秀才至李曰三教中那教最尊師起側立李曰有口何不道師曰對夫子難言李曰休休便起師曰適來造次師頌大龍堅固法身公案問曾不知答還不會月冷風高古巖寒檜堪候路逢達道人將語默對手把白玉鞭驅珠盡擊碎不擊碎增瑕類國有憲章三千條罪頌忠國師無縫塔公案無縫塔

見還難澄潭不許蒼龍蟠層落落影團團千古萬古
 與人看自贊上下三指彼此七馬拈花未曾微笑何
 也石謂玉兮器必分水凌虛兮月非下不知誰是旁
 觀者送重郢禪者春雨如膏春雲如鶴忽此忽彼乍
 休乍作枯菱離離維風太遲幽石片片遠空亦危一
 花五葉兮不相似獨運孤明兮還自知還自知歷魏
 遊梁徒爾爲晦跡自貽圖畫當年愛洞庭波心七十
 二峯青如今高臥思前事添得盧公倚石屏
 贊曰

隋侯照乘珠 趙國連城璧

奪岷峨秀 形眉宇精華

分涇渭流 在心源絡繹

披剝萬象 擅蘇翰林擒錦繡之才

褒貶五宗 富魯司寇作春秋之筆

與遂府鉢盂安柄 笑黃梅半夜未是的傳

見冷泉尿撒放光 信韶石一言所供詣實

白玉鞭擊驪珠不增瑕類 光皎皎冷如灰

無縫塔要澄潭不臥蒼龍 影團團黑似漆

無定古今眼 被韓太伯蒼鷹當路生擒
 立分儒釋尊 使李殿院老虎通身汗出
 多子塔前不曾拈花微笑 三指七馬何用掛唇
 少林雪裏初無斷臂安心 五葉一花徒勞指的
 住翠峯好住雪竇好 狗舐熱油鑊
 說祖師禪說文字禪 蝸篆新泥壁
 噴飛雪一千餘丈成瀑布 流出胸襟
 愛洞庭七十二峯和石屏 收歸圖籍
 高風逸韻古來今只許一人如北斗泰山仰之彌
 高望之不及

洞山聰禪師

師嗣文殊真諱曉韶州杜氏子初見文殊示衆云
 直釣釣龍曲釣釣蝦蟇蚯蚓還有龍麼良久云勞
 而無功乃有省師在雲居作燈頭見僧說泗洲大聖
 近在楊州出現有設問曰卽是泗洲大聖爲什麼却
 向楊州出現師曰君子愛財取之有道後僧舉似蓮
 華峯祥庵主主大驚曰雲門兒孫猶在中夜望雲居
 拜之上堂舉寒山云井底生紅塵高峯起白浪石女

生石兒龜毛寸寸長若要學菩提但看此模樣良久云還知落處也無若也不知落處看看菩提入僧堂去也久立僧問達磨未傳心地印釋迦未解髻中珠此時若問西來意還有西來意也無曰六月雨淋漓寬其萬姓心曰恁麼則雲散家月春來處處花曰脚跟下到金剛水際是多少僧無語乃曰祖師西來特唱此事自是上座不薦所以從門入者不是家珍認影迷頭豈非大錯既是祖師西來特唱此事又何必更對衆切切珍重上堂晨雞報曉靈粥後天便明燈籠猶瞌睡露柱却惺惺復曰惺惺直是惺惺歷歷直是歷歷明朝後日莫認奴作郎珍重示衆天晴蓋却屋趁閑刈却禾輪納王粗了鼓腹自高歌僧問德山入門便棒猶是起模畫樣臨濟入門便喝未免捏目生花離此二途未審洞山如何爲人師曰天晴久無雨近日有雲騰曰他日若有人問洞山宗旨教學人如何舉似曰園蔬枯槁甚擔水潑菠稜僧問如何是離聲色句曰南瞻部洲北鬱單越曰恁麼則學人知恩不昧也日四大海深多少師一日不安上堂辭

衆述法身頌曰參禪學道莫茫茫問透法身北斗藏余今老倒庭巖甚見人無力得商量唯有鑊頭知我道種松時復上金剛言訖而寂贊曰

絕羅籠 沒巴鼻

立玄關於新豐洞前

闡化機於筠陽城裏

就文殊鉤頭脫去 入獐龍窟宅誰敢保明伊

答泗洲轉語顚頂 作雲門兒孫未暇打得偏

和塵磨古鏡 黃鶴樓前鸚鵡洲

入水見長人 瞎驢脚下金剛際

學菩提看石女生兒

辨奴郎要燈籠瞌睡

蓋屋輪官都了辨 唱歌鼓腹恣樂昇平

參禪學道莫商量 荷鑊栽松且圖遊戲

翻身藏北斗 未是良謀

擔水潑菠稜 錯明宗旨

離聲色句謾云北鬱單越南瞻部洲直饒謾得者

僧難養自己

雪后拜禪師

師諱曉舜，潤州人。姓胡氏，初參洞山。一日，武昌行乞，首謁劉居士。士高行爲時所敬，意所與，莫不從之。師時年少，不知其飽參，頗易之。士曰：「老漢有一問，若相契，則開疏；如不契，請還山。」遂問：「古鏡未磨時如何？」曰：「黑似漆。」磨後如何？曰：「照天照地。」士長揖曰：「且請上人還山。」拂袖入宅。師懷懼，而回山問師言其事。山曰：「備問我與備道師理。」前問山曰：「此去漢陽不遠。」師進後，語山曰：「黃鶴樓前鸚鵡洲，師有省。」師住廬山，栖賢、槐都官守南康，因私忿民，其衣大覺，礎曾入師室。聞師還俗，遣人取至淨因，以正寢居之。覺處偏室，仁宗數召覺入內，竟不言師事。偶一日，嘉王取旨出淨因，飯僧見覺侍師旁，甚恭。回奏仁宗，召對便殿。見之，歎曰：「道韻奇偉。」真山林達士於扇上，書曰：「賜曉舜依舊爲僧。」特旨再住栖賢，仍賜紫衣銀鉢。師退栖賢時，以二力昇輦至羅漢寺。二力曰：「既不是我院長，老不能遠去，弃輦而回。」師再住，令人先慰二夫曰：

「爾當時做得是，但安心不必疑。」師入院上堂，曰：「無端被諸枉道，迨半年有餘，作俗人。今日再歸三峽寺，幾多惱喜？幾多嘆上堂，舉夾山道開市門頭，議取天子百草頭上薦，取老僧雲居，即不然。婦搖機，軋軋兒弄口，喝喝師常，議天衣說葛藤，禪一曰：「懷遷化師於法堂上，曰：「且喜葛藤簪子倒了也。」秀圓通在會中作維那，每見呵罵，謂同列曰：「我須與者老漢理會。」上及夜參，又罵秀，厲聲出衆曰：「豈不見圓覺經中道師遠日久，立大衆伏，惟珍重，便歸方丈。」秀曰：「者老漢通身是眼，罵得懷和尙也。」上堂，諸方有弄蛇頭、撥虎尾、跳大海、劒刃裏藏身、雲居者，裏寒天熱水洗腳，夜間脫襪打睡，早朝旋繫行纏，風吹籬倒，喚人夫劈篋縛起上堂，唯一堅密身。一切塵中現，蝦蟇蚯蚓各有窟穴，烏鵲鳩鵲亦有窠巢，正當與麼時，爲甚麼人說法？良久云：「方以類聚，物以羣分。」上堂，雲居不會禪，洗脚上床眠，冬瓜直籠，個瓠子曲彎，彎師一日舉鹽官和尙，喚侍者將犀牛扇子來，因緣拈曰：「三伏當時正須扇子爲侍者，不了事，雖然如是，鹽官太絮，何不大家。」

割捨侍者當時若見鹽官道。扇子既破還我犀牛兒。
來便向道已。隨在檣檣堆頭了也。

贊曰

艱棘中來 靈明不昧

凌霄漢深院脩筠 傲雪霜古殿寒楹

身歸三峽寺 添五老幾多嘖

脚踏鸚鵡洲 撲古鏡百雜碎

婦搖機軋軋 鬧市頭識天子未眞

兒弄口喝喝 百草上薦老僧不會

通身是眼 喜天衣懷倒了葛藤椿

平地生堆 笑槐都官枉入民衣罪

洗脚脫襪打睡 初無出格生涯

喚人劈篋縛籬 也是尋常家計

鳥鵲巢窠蝦蟇窟穴 堅密身出現塵中

冬瓜籠侗瓠子曲彎 祖師禪迥超言外

弄蛇頭撥虎尾 聽諸方劒刃裏露影藏身

破扇子潑犀牛 謂鹽官糞堆頭成團作塊

道韻奇偉得山林遶土之名合浦珠還走蛟盤了

無瑕類

大覺蓮禪師

師嗣渤潭諱懷蓮潭州陳氏子母夢僧伽而生因小
字泗洲師造渤潭法席投機印可師事之十餘年去
遊廬山掌記圓通訥處仁宗召訥訥奏師代有旨
住淨因召對化成殿問佛法大意稱旨賜大覺後遣
中使問曰才去豎拂人立難當師以頌回奏曰有節
非千竹三星繞月宮一人居日下弗與衆人同帝覽
大悅又召對便殿賜羅扇題元寂頌與師問答詩頌
書以賜之凡十七篇至和中乞歸老山中進頌曰六
載皇都唱祖機兩曾金殿奉天威青山隱去忻何得
滿篋唯將御頌歸帝和頌不允宣諭曰山卽如如體
也將安歸乎再住京國且與佛法師再進頌謝曰中
使宣傳出禁園再令臣住此禪扉青山未許藏千拙
白髮將何補萬機霄露恩輝方湛湛林泉情味苦依
依堯仁況是如天闊應任孤雲自在飛帝賜龍腦鉢
師謝恩了捧鉢曰吾法以壞色衣以瓦鐵器此鉢非
法遂焚之中使回奏上加歎不已僧問聖君御頌親

頒賜和尚將何報此恩師以手托地曰怎麼則一人有慶兆民賴之曰半尋拄杖攪黃河開堂僧問諸佛出世利濟羣生倪座師登將何拯濟曰山高水闊曰花發無根樹魚跳萬仞峯曰新羅國裏曰慈舟不棹清波上劒峽徒勞放木鷄曰脫却衣裳臥荆棘曰人將語試曰慣得其便僧撫掌曰更踣跳上堂文殊寶劒得者爲尊乃拈拄杖曰淨因今日怎麼直得千聖路絕雖然如是猶是矛盾相攻不犯鋒鋦如何運用良久曰野蒿自發空臨水江燕初歸不見人參治平中上疏乞歸進頌曰千簇雲山萬壑流歸心終老此峯頭餘生願祝無疆壽一炷清香滿石樓英宗留之不可詔許自便師渡江留金山西湖四明守以育王迎至韶九峯作勸請疏四明人相與出力建閣藏所賜詩頌榜曰宸奎東坡知杭以書問師曰承要作宸奎閣碑謹以撰成衰朽廢學不知堪上石否見參寥說師出京英廟賜手詔其略曰任性住持者不知果有否如有切請錄示全文欲添此一節師終藏而不出逮委順後獲於篋笥師以佛國白造蒙堂處之後

世叢林因取法焉師住育王作逸老堂贊曰

家近博桑國 波斯耳帶環

謂漳泉匾頭 灼然心毒

說泗洲入夢 莫被人謾

羅萬象於胸中 風雷陟順

吐片言於舌上 錦繡爛班

拔澄散聖虎頭關 笑収虎尾

焚銀瑤使龍腦鉢 喜動龍顏

拈將拄杖攪黃河 報恩有分

脫却衣裳臥荆棘 濟物何慳

尊道德不忘韋布之交 讓舜老夫身居正寢

爲佛法代赴紫泥之詔 使訥圓通名播塵寰

江燕初歸不見人 文殊劒鋒鈍太露

野蒿自發空臨水 千聖路踏斷應難

錦帳鋪花 得蘇內翰雄文壯觀宸奎閣

雲錐脫穎 爲韶九峯一疏來住育王山

屋縛歎根椽 令大地人蒙居養正

雲披三事禱 學住山翁逸老投閑

就梅影肱枕胡床 研額望明月

破竹陰屨穿苔徑 倚檻看狂瀾

青出藍青於藍欲窮端的意幽鳥語綿蠻

天衣懷禪師

師諱義懷嗣雪竇永嘉陳氏子世以漁爲業母夢星
隕于屋除及產多吉祥兒稚坐父船尾漁得魚付師
貫師不忍私投江中父怒答詬甘甜之不以介意長
遊京師依景德寺爲童行天聖中試經得度謁金鑾
善業縣省皆不契由洛抵龍門復至都下欲繼宗風
意有未決忽遇言法華撫師背曰雲門臨濟去東遊
至姑蘇禮明覺於翠峯入室次覺曰怎麼也不得不
怎麼也不得怎麼不怎麼總不得師擬議覺打出如
是者數四尋爲水頭因汲水檐折忽悟作投機頌曰
一二三四五六七萬仞峯前獨足立奪得驪龍頷下
珠一言勘破維摩詰覺拈几稱善出世鐵佛上堂譬
如鴈過長空影沈寒水鴈無遺蹤之意水無留影之
心若能如是方解異類中行不用續鳧截鶴夷岳盈

壑放行也百醜千拙取來也拳拳拳用之則敢與
八大龍王鬪富不用都不直半文錢參次住平江薦
福接冲本秀夫後榜方丈曰烹金爐楊無爲贊曰冲
本秀夫四碧眼胡中間坐者烹金之爐上堂夫爲宗
師須是驅耕夫之牛奪飢人之食遇賤即貴遇貴即
賤驅耕夫之牛令他苗稼豐登奪飢人之食令他永
絕飢虛遇賤即貴握土成金遇貴即賤變金爲土老
僧亦不驅耕夫之牛亦不奪飢人之食何謂耕夫之
牛我何用飢人之食復何喰我也不握土成金也不
變金作土何也金是金土是土玉是玉石是石僧是
僧俗是俗古今天地古今日月古今山河古今人倫
雖然如此打破大散關幾箇迷達磨上堂須彌頂
上不扣金鐘畢鉢巖前無人聚會山僧倒騎佛殿諸
人返著草鞋朝遊檀特暮到羅浮拄杖針筒自家取
取上堂夜來寒霜凜冽黃河凍結陝府鐵牛腰折盡
道女媧煉石補天爭奈西天一缺如今欲與他補却
又恐大地人無出氣處且留者一竅與大地人出氣
參僧問牛頭未見四祖時如何曰長江無六月日見

後如何日一年一度春上堂蜀魄連宵叫鷓鴣終夜啼圓通門大啓何事隔雲泥辭世日紅日照樽桑寒雲封華嶽三更過鐵圍撈折驪龍角瑠璃雙磬月分破翡翠十峯雲掃開乃天衣境也

贊曰

笑花正眼 立雪元樞

早往京師試經 駕三車自鞭穀鯨

長就翠峯養聖 奏九成日樂鷄鵠

巨口吞鈎 颺下知幾赤梢鯉

精金躍冶 不祥是四碧眼胡

寒水一匳清 印長空沈鴈影

匾擔兩頭折 扶驪領奪明珠

眼有瞳人 初不在握土成金驅耕奪食

身行異類 又何須夷嶽盈壑截鶴續鳧

徹骨貧窮 敢與龍王鬪富

一言勘破 豈容摩詰名模

教人返著鞋 暮到羅浮朝遊檀特

被僧輕掩背 急尋明覺遠到姑蘇

今延經延

半夜霜寒 結黃河凍陝府鐵牛腰折

一年春到 引牛頭見四祖枯木花敷

鷓鴣啼夜蜀魄吟霄 圓通門大啓扇鑰

翡翠掃雲琉璃分月 天衣境巧畫成圖

出林師子 歷塊神駒

走過鐵圍尋不得趙州東壁掛葫蘆

圓照本禪師

師嗣天衣諱宗本常州管氏子初見天衣室中問師

卽心是佛時如何師曰殺人放火有甚麼難於是名

顯元豐間李漕使復圭命師開法瑞光法席日盛杭

州守陳公襄以承天興教二剎命師擇居蘇人留之

益甚又以淨慈堅請移文諭道俗曰借師三年爲此

邦植福不敢久占道俗始從元豐五年神宗下詔闢

相國寺六十四院爲八禪二律六召師爲慧林第一

祖旣至遣使問勞翌日召對廷和殿問道賜坐師卽

跏趺帝問卿受業何寺奏曰承天永安帝大悅賜茶

卽舉盞長吸又蕩撼之帝喜其真喻以方輿禪宗宜

善開導奏曰陛下知有此道如日照臨臣豈敢自怠

卽辭退帝目送之謂左右曰眞福慧僧也僧問如何是祖師西來意曰韓信臨朝底曰中下之流如何領會曰伏屍萬里曰早知今日事悔不愼當初曰三皇塚上草離離上堂頭圓像天足方似地古兒稜厖丈夫意氣趨倒須彌踏翻海水帝釋與龍王無著身處乃拈拄杖曰却來拄杖上回避咄任汝神通變化究竟須歸者裏卓拄杖一下元祐元年以老求歸得旨任便雲遊州郡不得抑令住持擊鼓辭衆曰本是無家客那堪任便遊順風加櫓棹船子下楊州旣出都城王公大臣送者車騎相屬師臨別誨之曰歲月不可把翫老病不與人期唯勤修勿怠是真相爲聞者莫不流涕其眞慈善導感人如此晚居蘇之靈巖示寂後門弟子塔全身於寺之左

贊曰

眞福慧僧 稟丈夫氣

倚烏藤古貌稜稜 發清談春風臺臺

到南泉不疑地 攀噲踏鴻門

窮少室蓋觴源 韓信臨朝底

蹈翻大海 聽龍王改宅他方
踢倒須彌 使帝釋容身無地
圓照堂前光皎皎 揭示祖師心
三皇塚上草離離 漏洩東君意
垂一機指人活路 大用雷奔
借三年植福此邦 惡聲鼎沸
一錫晚歸林下 輦寺無心宿斷雲
七絃高掛壁間 裏臺有月飄秋水
卽心卽佛殺人放火有甚麼難到船子下楊州因甚麼感人流涕

圓通秀禪師

師嗣天衣諱法秀秦州人俗姓辛母夢老僧投宿乃有娠先是麥積山有老僧與應乾寺魯和尚善每欲從魯遊方魯老之旣去乃曰他日當尋我竹鋪坡前俄有兒生其所往觀之兒爲一笑三歲願隨魯歸十九試經得度勵志講肄習圓覺華嚴妙入精義聞無爲鐵佛懷禪師法席盛徑往參禮懷問座主講甚麼經曰華嚴曰華嚴以何爲宗曰法界爲宗曰法界以

何爲宗曰以心爲宗曰心以何爲宗師無語懷曰毫

釐有差天地懸隔汝當自看必有發明後聞僧舉白

兆問報慈云情生智隔想變體殊情未生時如何慈

云隔忽悟直到方丈陳所證懷曰汝眞法器吾宗異

日在汝行矣師服勤八年懷推爲導首出世四面後

住本山上堂少林九年冷坐却被神光覷破如今玉

石難分只得麻纏紙裏還會麼笑我者多哂我者少

示衆山僧不會解說大都應箇時節相喚喫碗湯茶

亦無祖師妙訣禪人若也未相諳踏著秤鎚硬似鐵

上堂寒雨細朔風高吹砂走石拔木鳴條諸人盡知

有且道風作何色若識得去許備具眼若也不識莫

恠相謾僧問不離生死而得涅槃不出魔界而入佛

界師曰赤土塗牛嬾曰謝師答話曰備話頭道什麼

僧擬議師便喝師嚴冷叢林號爲鐵面李伯時畫馬

入神師勸曰當想入馬腹中矣李有省因令改畫觀

音李從之山谷好作艷詞人爭傳之師呵之谷笑曰

又當置我於馬腹中耶師曰公作艷詞以蕩人心不

止馬腹正恐生泥犁中耳谷驚愕乃止

贊曰

驂羈束 何千予

麥積山夢裏飄身 竹鋪坡笑中含毒

頂門眼正 等天地若浮漚

魏闕心遊 以江湖爲桎梏

悟報慈情生智隔 冷汗通身

指華嚴法界心宗 狂花眩目

立中自得 幾星沙善解玉連環

妙處不傳 一蟻絲巧穿珠九曲

赤土塗牛嬾 入佛魔命若懸絲

生鐵裹面皮 辨龍蛇機如嚼鐵

金鎚影動輪掌上 圭角稜稜

寶劍光寒挂眉間 鋒鈍簇簇

畫神駒得妙處入馬腹 喚醒李龍眠

作艷詞惑亂人陷泥犁 霍殺黃山谷

烹天衣紅爐裏 未辨金鎗

坐少林深雪中 難分石玉

巧說不會應時節喫碗湯茶又何曾雨解吹砂風

能拔木

大通本禪師

師諱善本嗣圓照穎人董仲舒之後弱冠博極群書
無仕宦意往京師試經得度參圓照於瑞光悟旨出
世雙林次住淨慈神考聞其名有詔住上都慧林賜
大通號上堂曰上不見天下不見地畱塞虛空無處
回避爲君明破卽不中且向南山看驚鼻擲拄杖下
座僧問寶塔元無縫如何指示人曰煙霞生背面星
月透簷楹曰如何是塔中人曰竟日不知清世事終
年坐斷白雲鄉曰向上更有事也無曰太無厭生上
堂僧問若論此事譬如兩家著碁學人上來請師一
著曰早輸了也曰錯曰是曰近前無路也師卓拄杖
一下曰爭奈者箇何曰只如黑白未分時又作麼生
曰且饒一著僧問百尺竿頭如何進步曰嶮曰便恁
麼去又作麼生曰百雜碎僧問九夏勞勞卽不問從
今向去事如何曰光剃頭淨洗鉢曰謝師指示曰滴
水難消
贊曰

併息諸緣 單明自己

仰面不見天 低頭不見地

優入聖域 透雲門胡餅之機

博綜羣經 抱仲舒絳帷之志

烟霞生背面 無縫塔勉強名模

黑白未分時 一局碁顛預指示

百尺竿頭輕進步 嶮似懸崖

九夏堂中光剃頭 難消滴水

直鉤有香餌 入滄海釣金鰲

兩眼沒瞳人 向南山看驚鼻

竟日不知清世事 髑髏識未全灰

長年坐斷白雲鄉 聖凡心猶欠洗

碧梧陰合 穩慧林祥鳳之巢

白雨聲喧 奮南宕老龍之臂

沒巴鼻處拋出八棱槌畱塞虛空使大地人無處

回避

雪峰慧禪師

師諱思慧嗣大通錢塘人俞氏子上堂布大教網提

人天魚護聖不似老胡拖泥帶水只是見兔放鷹遇
 聲發箭乃高聲召大眾曰中上座昔日藥山早晚不
 參動經旬月一日大眾纔集山便歸方丈諸禪德彼
 時佛法早已淡薄論來猶較些子如今每日鳴鐘陞
 堂切切怛怛地問者口似紡車答者舌如霹靂總似
 今日靈山慧命殆若懸絲少室家風危如累卵又安
 得箇慨然有志扶豎宗乘底褫子出來喝散大眾非
 唯耳邊靜辨當使正法久住豈不偉哉如或捧上不
 成龍山僧倒行此令以拄杖一時趁散上堂南詢諸
 友踏破草鞋絕學無爲坐消日月凡情易脫聖解難
 忘但有纖毫皆成滲漏可中爲道似地擎山應物現
 形如驢覷井縱無計較途轍已成若論相應轉沒交
 涉勉諸仁者莫錯用心各自歸堂更求何事上堂一
 法若通萬緣方透拈拄杖曰者裏悟了提拄杖海上
 橫行若到雲居山頭爲我傳語雪峯和尚咄上堂一
 切法無差雲門胡餅趙州茶黃鶴樓前吹玉笛江城
 五月落梅花慚愧太原字上座五更聞畫角天曉弄
 琵琶喝一喝僧問古殿無燈時如何曰東壁打西壁

上堂云眼睫橫亘十方眉毛上透青天天下徹黃泉且
 道鼻孔在什麼處良久云割
 贊曰

雲門八世孫 亘把門牆關

垂一機平地上波濤

示一境嶮崖中妙密

羅籠打鳳 藕絲網密布縵天

獵兔射鰲 蒿枝箭硬教中的

口似紡車舌如霹靂 雪峯門下掘窖深埋

身如累卵命若懸絲 靈鷲山前挺胸呌屈

學無爲坐消日月 渡水覓魚蹤

詢諸友踏破草鞋 過山尋蟻跡

萬緣未透 徒勞拈拄杖海上橫行

一法無差 且聽落梅花江城狼籍

笑嵩山滿庭立雪 小魚吞大魚

住破院古殿無燈 東壁打西壁

聖解凡情絕纖毫無滲漏 途轍上轉見岐分

眉毛眼睫五十方透青天 鼻孔中元無氣出

徹骨風流 無人企及

錢塘江上弄琵琶 黃鶴樓前吹玉笛

千峯萬峯鎖寒碧

月堂昌禪師

師嗣雪峯慧諱道昌寶溪吳氏子上堂云未透祖師
關千難與萬難既透祖師關千難與萬難未透時難
則且置既透了因甚却難放下笨籬難得價動他杓
柄也無端上堂云與我相似共我無緣打翻藥鉢傾
出爐煙還丹一粒分明在流落人間是幾年師住玉
几冷泉塔于南山真歇和尚住徑山時行化寶溪到
師家中見乃母歇以手摸其腹人訝之歇曰我重婆
子者裏出一員古佛
贊曰

寶溪寶 非常寶

鯨吞水露出珊瑚枝

龍躍淵打失驪珠顚

辨真贗 撞著瞎波斯

較重輕 迷逢胡達磨

鋪陳玉几瞿曇舍利 寂寂無聞

拋擲冷泉靈鷲山王 忙忙尋討

祖師關寒光射透 見笨籬杓柄脫體現成

大還丹冷燄一揮 把藥鉢爐烟盡情傾倒

當場定價 壓隋侯照乘不直分文

韞櫝藏諸 唉趙國連城甘爲死貨

老娘肚裏苦他人捫摸 愛同古佛放光

無星秤子等銖兩分明 不被先師謾了

白玉鞭擊碎覓無蹤聽千古萬古南宕山前草離

離日杲杲

雲門至此九世共一十四人

馮仰宗

馮山大圓禪師

師諱靈祐嗣百丈福州趙氏子初參百丈侍立次夜
深丈曰看爐中有火否師撥之曰無丈起身深撥得
少火舉而示之曰汝道無者箇豐師大悟禮謝陳所
見丈曰此是暫時跋路耳經云欲識佛性義當觀時
節因緣時節既至如迷忽悟如忘忽憶方省已物不

從他得故祖師云悟了同未悟無心亦無法只是無
 處妄凡聖等心本來心法元自具足汝今既爾善自
 護持師摘茶次謂仰山曰終日摘茶只聞子聲不見
 子形仰撼茶樹師曰子只得其用不得其體仰曰未
 審和尚如何師良久仰白和尚只得其體不得其用
 師曰放子三十棒雲巖來師問汝久在藥山是否
 巖曰是師曰如何是藥山大人相巖曰涅槃後有師
 曰如何是涅槃後有巖曰水洒不著巖却問師百丈
 大人相如何師曰巍巍堂堂煒煒煌煌聲前非聲色
 後非色蚊子上鐵牛無偏下背處劉鐵磨來師曰老
 特牛汝來也磨曰來日臺山大會齋和尚還去麼師
 乃放身作臥勢磨便出去師睡次見仰山來師便面
 壁仰曰和尚何得如此師起曰我適來得一夢爾試
 爲我原看仰度一盃水師便洗面少頃香嚴至師曰
 我適來得一夢寂子爲我原了汝更爲原看嚴點一
 盞茶來師曰二子神通過於鷲子師泥壁次李軍容
 具公裳至師背後端笏而立師回首見便側泥盤作
 接泥勢李轉笏作進泥勢師拋泥盤同歸方丈僧問

不作瀉山一頂笠無由得到莫窠村如何是瀉山一
 頂笠師喚曰近前來僧近前師與一踏上堂老僧百
 年後向山下檀越家作一頭水牯牛左脅書五字曰
 瀉山僧某甲當恁麼時喚作瀉山僧又是水牯牛喚
 作水牯牛又是瀉山僧畢竟喚作什麼仰作禮而退
 仰山夏末問訊師師曰子一夏不見上來在下面作
 何所務曰某甲在下面鋤得一片畬下得一籬粟師
 曰子今夏不虛過仰却問師和尚一夏作得箇甚麼
 師曰日中一食夜後一寢仰曰和尚今夏亦不虛過
 道了乃吐舌師曰寂子何得自傷已命
 贊曰

蠱毒家 滅胡種

心無半點淳 肉有千斤重

被大雄挾火 活換眼睛

引寂子撼茶 全彰體用

轉身猶不會 徒然要軍容進泥

瞌睡幾曾醒 偏強使香嚴原夢

鋤畬兒下得一籬粟 怪九旬不見上來

做笠僧行到莫窠村 喫一踏不勝皇恐

書名脅左 誰云不是大瀉僧

放臥身時 我疑去捉臺山供

先師大人相 衆皆知煒煒煌煌

本色住山翁 初不在籠籠侗侗

別立玄風闡化機 雖古路斷碑橫惜未紀斯文之

正統

仰山智通禪師

師諱慧寂嗣潯山韶州葉氏子師辭親遊方日人有戲之者於師扇上題曰寂子去行脚諸魔使誰滅師續曰龍生蛇腹中借他十箇月人皆異之蓋師出屠門諸魔或曰猪毛初參耽源已悟玄旨源謂師曰國師當時傳得六代祖師圓相共九十七箇授與老僧曰吾滅三十年南方有二沙彌到來大興此教次第傳授毋令斷絕我今付汝汝當奉持遂將本付師師一覽便火却源一日問師前來諸相甚宜秘惜曰當時看了便燒却也源曰吾此法門無人能會唯先師及諸祖諸大聖人方可委悉子何得燒之師曰某甲

一覽便知其意但用得不可執本也源曰雖然如此於子即得後人信之不及師曰和尚若要重錄不難即重集一本上呈且無遺失源曰然師參潯山次師問如何是真佛住處潯曰以思無思之妙返思靈燄之無窮思盡還源性相常住事理不二真佛如如師大悟自此執侍十五年師爲直歲作務歸潯問甚麼處來師曰田中來潯曰田中多少人師插鋤叉手而立潯曰今日南山大有人刈茅師拔鋤便行一日隨潯遊山到磐石上坐師侍立忽鴉銜一紅柿落在面前潯拾得與師師接洗了度與潯潯云子甚處得來師曰此是和尙道德所感潯曰子也不得無分即分半與師潯問師忽有人問汝作麼生祇對師曰東寺師叔若在某甲不致寂寥潯曰放汝一箇不祇對罪師曰生之與殺只在一言潯曰不孤汝見別有一人不肯師曰阿誰潯指露柱云者箇師曰道什麼潯亦曰道什麼師曰白鼠推遷銀臺不變師夢入彌勒內院堂中諸位皆足惟第二座空師就坐有一尊者白毚曰今當第二座說法師起白毚曰摩訶衍法離四

句絕百非諦聽諦聽衆皆散去及覺舉似瀉瀉曰子
已入聖位師便禮拜香嚴有發明偈瀉聞得曰此子
微矣師曰此是心機意識著述得成待某甲親自勘
過師後問嚴見和尚贊師弟發明頌備試舉看嚴乃
舉師曰此是宿習記持而來若有正悟別更說看嚴
又舉去年貧未是貧語師曰如來禪許吾弟會祖師
禪未夢見在嚴又曰我有一機瞬目視伊若人不
會別喚沙彌師報瀉曰且喜閑師弟會祖師禪也南塔
湧謁臨濟後歸侍師師曰汝來作什麼湧曰禮覲和
尚師曰還見和尚麼湧曰見師曰和尚何似驢湧曰
某甲見和尚亦不似佛師曰若不似佛似箇什麼湧
曰若有所似與驢何別師大驚曰凡聖兩忘情盡體
露吾以此驗人已二十年無決了者子保任之師每
指謂人曰此子肉身佛也

贊曰

鎮海珠 毒龍团

十月借蛇腹出生 一顆落蛟盤圓轉

近前叉手 單傳向上之機鋒

思盡還源 拶出無窮之靈焰

兜率第二座說法 白槌處嚇得魂飛

南山大有人刈茅 拔鋏去何曾夢見

道德所感 烏鴉銜柿盤石坐分

生殺在言 白鼠推遷銀臺不變

焚却諸圓相 使耽源懊惱尊懷

遇著小釋迦 被胡僧塗糊當面

喚沙彌印香嚴會得祖師禪

何似驢引南塔拔出吹毛劍

得人憎處只許他家父子知然萬古徽猷縱佛手
亦難掩

南塔湧禪師

師諱光湧嗣仰山豐城人章氏子母乳之夕神光照
室廡馬皆驚因以光湧名之少俊敏依仰山剃度發
明大事僧問文殊是七佛之師文殊還有師否師曰
遇緣卽有曰如何是文殊師師豎起拂子僧曰莫只
者便是麼師放下拂子問如何是妙用一句師曰水
到渠成問眞佛住在何處師曰言下無相也不在別

處清化付參次問從何而來曰鄂州曰鄂州使君名
什麼曰化下不敢相觸曰此地通不畏曰大丈夫何
必相試師驟然而笑遂印可集雲峯下大禪佛傳燈
具載

贊曰

光騰乳室 劍隱豐城

電翻空淵龍起蟄 駒墮地厖馬羣驚

謁臨濟生死猶昨夢

見仰山凡聖兩忘情

忽爾大驚 怪人前指謂肉身佛

驟然而笑 知化下敢觸使君名

獨露真常 雲收月現

全彰體用 水到渠成

南塔影中文殊師 錯豎拂子

集雲峯下大禪佛 悞喚師兄

一再次覽東平鏡 塵埃滿面

二十年咲驗人眼 歡睹無睛

言下無相則固是不在別處然真佛所住窮伎倆

到底難明

芭蕉清禪師

師諱慧清嗣南塔新羅人也師謂衆曰我十八上到
仰山見南塔上堂曰汝等諸人若是箇漢從娘肚裏
局出來便作師子吼解好麼我於言下歇得身心便
住五載示衆云你有拄杖子我與你拄杖子你無拄
杖子我奪却你拄杖子僧問如何是提婆宗師曰赤
幡在左問如何是達磨西來意師曰獨自恹恹暗渡
江問賊來須打客來須看忽遇客賊俱來時如何師
曰屋裏有繡破草鞋曰只如破草鞋還堪受用也無
師曰汝若將去前凶後不吉上堂如人行次忽遇前
面萬丈懸崖背後野火來逼兩畔荊棘林若向前則
墮坑落塹若退後則野火燒身若轉側又被荊棘林
礙當恁麼時作麼生免得若也免得合有出身之路
若也免不了墮身死漢僧問不問二頭三首請師直
指本來面目師默然正坐問如何是吹毛劍曰進前
三步曰用者如何曰退後三步問北斗裏藏身時如
何曰九九八十一曰會麼曰不會曰一二三四五問

古佛未出興時如何日千年茄子根日出興後如何
日金剛努眼睛承天確在師會下發明後僧問衆罪
如霜露慧日能消除時如何確曰庭臺深夜雨樓閣
靜時鐘曰爲什麼因緣會遇時果報還自受確曰管
筆能書片舌解語
贊曰

脚頭未跨船舷參徧大唐諸祖

豎提婆宗奪外道赤旛回

答西來意貶達磨渡江去

拄杖子一生與奪未嘗敲出玉麒麟

娘肚裏十月出生幾曾吼作金師子

前凶後不吉破草鞋難得受用時

退火進深坑荆棘林那有出身路

新羅人難辨語當的帝都丁

北斗裏穩藏身一二三四五

兩口一無舌看臨溪打開石鎖兩頭搖

雜毒深入心致承天吐出庭臺深夜雨

默然正坐本來面不在二頭

用者如何吹毛劍豈拘三步

青出於藍青於藍信爲仰兒孫鸞翔鳳舞

芭蕉徹禪師

師諱繼微嗣芭蕉清廣西人也初謁風穴穴問如何
是正法眼曰泥彈子穴異之後參芭蕉見上堂有云
兩口一無舌卽是吾宗旨豁然大悟僧問如何是深
深處曰石人開石戶石鎖兩頭搖問如何是臨溪境
曰有山有水問寂寂無依時如何曰未是納僧分上
事曰如何是納僧分上事曰要行便行要坐便坐問
有一人不合生死不證涅槃師還提攜否曰不提攜曰
爲什麼不提攜曰臨溪粗識好惡示衆曰昔日如來
於波羅奈國梵王請轉法輪如來不已而巳有屈宗
風隨機逗教遂有三乘名字流傳於天上人間至今
光揚不墜若據祖宗門下天地懸殊上上根機頓超
不異作麼生是混融一句還有人道得麼若也道得
有參學眼若道不得天寬地窄示衆眼中無翳空裏
無花水長船高泥多佛大莫將問來我也無答會麼
問在答處答在問處偶云芭蕉的旨不掛唇齒木童

唱和石女側耳

贊曰

人面蛇 利刃蜜

閑行坐自要誇張 識好惡人信不及

泥彈子作正法眼 豈知老風穴綿裹瘼瘵

茄子根應古佛機 不學先芭蕉錦包特石

混融句地窄天寬 臨溪境山深水碧

遇衲僧問涅槃生死 要提携且待驢年

斥瞿曇說頓漸偏圓 屈宗風卒無了日

西來意 貼肉衫汗透千重

宗門事 脚跟下泥深三尺

木童唱和石人側耳 潑宗旨誰肯挂唇

眼中沒翳空裡無花 閑言語不勞拈出

人皆謂溪山五世到師寂爾無傳殊不知萬仞門

牆擬登者銀山鐵壁

溪仰宗至此五世

法眼宗

清涼法眼禪師

師諱文益餘杭魯氏子祝髮詣開元覺律師受具戒

及覺盛化四明師往習毗尼工文章覺奇之目爲吾

門之游夏也師以立機一發難務俱捐振錫南還抵

福州初見長慶無所契悟與進修輩擬之湖外既發

值雨少憩城西地藏入堂見藏坐地爐問師此行何

之曰行脚去曰行脚事作麼生曰不知曰不知最親

三人附火因舉肇論至天地與我同根處藏又曰山

河大地與自己是同是別修曰同藏豎兩指熟視之

兩箇便起去雨霽辭行藏送之間曰上座尋常說三

界唯心乃指庭下石曰且道此石在心內在心外師

曰在心內曰行脚人著甚來由安塊石在心頭耶師

窘無以對遂放包俱求決擇近月餘呈見解說道理

藏曰佛法不是恁麼曰某甲到此辭窮理絕也藏曰

若論佛法一切見成師大悟出世臨川崇壽一香爲

藏拈僧子方者問曰公久親長慶乃嗣地藏何哉師

曰以不解長慶說萬象之中獨露身故方舉拂子示

之師曰撥萬象不撥萬象方曰不撥萬象師曰獨露

身囑方曰撥萬象師曰萬象之中囑方於是悟旨一

僧參次師指簾二僧齊去捲師曰一得一失示衆云盡十方世界皎皎地無一絲頭若有一絲頭卽是一絲頭金陵報恩則初參青峯問如何是學人自己峯曰丙丁童子來求火不契見師師問甚處來曰青峯師曰青峯有何言句則舉前話師曰上座作麼生會則曰丙丁屬火而更求火如將自己求自己師曰與麼會又爭得則曰某甲只恁麼未審和尚如何師曰你問我與你道則理前問師曰丙丁童子來求火則乃悟僧問如何是學人一卷經師曰題目分明師與李王論道次因看牡丹王命作頌卽曰擁毳對芳叢由來趣不同髮從今日白花是去年紅艷冶隨朝露馨香逐晚風何須待零落然後始知空王聞開悟師有偈曰幽鳥語如篁柳搖金線長雲歸山谷靜風送杏花香永日蕭然坐澄心萬慮忘欲言言不及林下好商量言百法明門乃唯識綱宗也

贊曰

幼發立機 遍行尋訪

小乘根拋棄覺闍梨

惡冤家撞著琛和尚

安片石寸心內 當機擊碎猶涉廉纖

露全身萬象中 盡力扶持依然鹵莽

指二僧捲簾去 得失未分明

勘童子求火來 是非難定當

如篁語幽鳥 山林意別是風標

擁毳對芳叢 牡丹詩竊誰體樣

是曹源一滴水 蟲禦木偶爾成文

同學人一卷經 蠅鑽紙全無趣向

唯心唯識 石頭城路列千差

無法無人 通玄峯雲橫疊嶂

盡十方世界皎皎地無一絲頭到者裏百法明門

只宜取抗

天台韶國師

師諱德韶嗣法眼處州龍泉陳氏子幼依龍歸寺得度十八受具去謁龍牙問雄雄之尊因甚麼親近不得牙曰如火與火師曰忽遇水來又作麼生牙曰汝不會我語又問天不蓋地不載此理如何牙曰合如

是師不論旨再請誨牙曰道者汝向後自會去師後於通玄峯澡浴忽省遂焚香望龍牙禮拜曰當時若說向我今日決定罵也見疎山問百匝千重是何人境界山曰左撻芒繩縛鬼子曰不落古今請師說曰不說曰爲甚不說曰箇中不辨有無曰師今善說山駭之如是參五十四員知識後謁法眼眼一見深器之師倦於參請但隨衆而已一日眼上堂僧問如何是曹源一滴水眼曰是曹源一滴水師大悟於座下遂白眼眼曰汝向後當爲國王所師致祖道光大吾不如也自是諸方異唱古今玄鍵與之決擇不留微跡乾祐元年忠懿王嗣位遣使迎之申弟子禮示衆古聖方便猶若河沙祖師道非風幡動仁者心動斯乃無上心印至妙法門我輩稱祖師門下客合作麼生會祖師意若言風幡不動汝心妄動若言不撥風幡就風幡處通取若言風幡動處是甚麼若言附物明心不須認物若言色即是空若言非風幡動應須妙會與祖師意旨了沒交涉既不許如是會諸上座便合知悉者裏悟去何法門而不明雖百千諸佛方

便一時洞了若不如此設經塵劫空自勞神無有是處住通玄峯有偈云通玄峯頂不是人間心外無法滿目青山眼聞乃曰只此一偈可起吾宗示衆古人道若入一法不成法身若剩一法不成法身若有一法不成法身若無一法不成法身此是般若之真宗也又曰夫一切問答如針鋒相投無絲毫參差事無不通理無不備良由一切語言一切三昧橫豎深淺隱顯去來是諸佛實相門只貴如今一時最取珍重又曰言發非聲色前不物始會天下太平大王長壽久立僧問古德道登天不借梯遍地無行路如何是登天不借梯師曰不遺絲髮地曰如何是遍地無行路師曰適來向徧道什麼問法眼實印和尚親傳未審今日一會分付何人師曰鼙鼓一頭打兩頭鳴問古者道敲打虛空鳴鼓殼石人木人齊應諾六月降雪紛紛此是如來大圓覺如何是敲打虛空底師曰崑崙兒著鐵袴打一棒行一步曰怎麼則石人木人齊應諾師曰徧遠聞麼問飲光持釋迦丈六衣在雞足山待彌勒下生將丈六之衣披千尺之身應

量恰好只如彌迦身長丈六彌勒身長千尺爲復是
 身解短耶衣解長耶師曰汝却會明拂袖而出師曰
 小兒子山僧若答汝話不得當有因果汝若不是吾
 當見之明歸七日嘔血浮光和尚勸曰汝速去懺悔
 明至万丈悲泣曰願和尚慈悲許某甲懺悔曰如人
 倒地因地而起不曾教汝起倒明又曰若許某甲懺
 悔終身給侍師爲出語曰佛佛道齊宛爾高低釋迦
 彌勒如印印泥有傳天台教義寂者乃螺溪是屢言
 于師曰智者之教年紀漫遠慮多散失今新羅國其
 本甚備自非和尚慈力其孰能致之乎師聞于王遣
 使航海傳寫備足而回迄今盛行于世矣
 贊曰

心法雙忘 乾坤獨步

登天不借梯 遍地無行路

機翻石火 燦破石頭城

掌握龍泉 笑出龍歸寺

天蓋地載 苦龍牙疊將餒飯祭閑神

百匝千重 被疎山左撻芒繩縛鬼子

去來隱顯明諸佛實相 要且顛頂
 欠利有無說般若真宗 不妨莽鹵
 是曹源一滴水 悟玄機將豌豆作真珠
 指通玄滿目山 起吾宗變甜瓜成苦瓠
 祖師門下客 辨風幡帶水拖泥
 大王長壽人 外聲色拋沙撒土
 得法眼親傳寶印 鞞皮鼓兩頭鳴
 應木人敲打虛空 崑崙兒著鐵袴
 念南嶽天台教乘磨滅 往新羅國繕寫歸
 論釋迦彌勒身衣短長 令與教僧嘔血去
 諸方異唱古今玄鍵決擇不留蹤不謬爲一國之
 師名喧寰宇

永明智覺禪師

師諱延壽嗣韶國師餘杭王氏子自幼知敬佛乘既
 冠不茹葷酒日惟一食持法華七行俱下感羣羊跪
 聽年二十八爲華亭鎮將屬翠巖參禪師遷止龍冊
 大闡玄化師遂求出家請于朝文穆王從其志禮參
 爲師執勞供衆身惟一布裙後往天台天柱峯九旬

習定有鳥類斥鷃巢于衣衾中暨謁國師一見深器
之密授玄旨仍謂師曰汝與元帥有緣他日大作佛
事情吾不及見耳初住雪竇上堂雪竇者裏迅瀑千
尋不停纖粟奇巖萬仞無立足處汝等諸人向甚麼
處進步僧問雪竇一徑如何履踐曰步步寒華結言
徹底冰又偈曰孤猿叫落中巖月野客吟殘半夜
燈此景此時誰得意白雲深處坐禪僧建隆元年忠懿
王請入靈隱爲第一世明年請住永明爲第二世僧
問如何是永明旨曰更添香著曰謝師指示曰且喜
沒交涉有偈曰欲識永明旨門前一湖水日照光明
生風來波浪起僧問學人久在永明爲什麼不會永
明家風曰不會處會取曰不會處如何會曰牛胎生
象子碧海起紅塵師著宗鏡錄一百卷播於海外高
麗國王覽師言教遣使責書敘弟子禮又遣僧三十
六人問道皆承印記前後歸本國各化一方以開寶
八年十二月二十六日示寂淨慈塔于大慈山

贊曰

一出頭來 風標迥別

●新羅

奔華亭鎮將 腰佩寶刀
依龍翻老僧 身被布衲
誦法華七行俱下 感群羊跪聽座隅
習大定三月方回 有斥鷃巢衲衣衾
天台得片言悟旨 念念幻緣空
乳峯指一路通玄 步步寒花結
迅瀑千尋不停纖粟 採水丈痕深
奇巖萬仞迥絕躋攀 望崖心路絕
牛胎生象子 垂示太分明
碧海起紅塵 家風重滿洩
枕蓆床喚回清夢 野客吟殘半夜燈
倚蒲團坐斷白雲 孤猿叫落中巖月
著宗鏡一百餘卷 點鐵成金
印高麗三十六僧 證龜作蟹
潛行密用佛眼亦難窺眞精進幢慧日峯前亘百
世光明燦發
法眼至此三世師雖印高麗三十六僧然
傳燈不載名字機緣茲不及贅

正宗識終

小師 居涇 焚香拜手稽首謹書于乳峯

布袋和尚傳

元・無夢曇詒 撰

題

我不識彌勒何許人。現示何世明州人傳言這胖和尚。喫酒喫肉布袋自隨。生大輕慢。以紙包屎物示人。云這是彌勒內院的。這是兜率陀天的。意氣薰布惑亂。此方女男前莆田令好沒來。緣與渠往來容通消息。當時幸不遇我。遇我則問渠是甚麼待他。放下布袋叉手向前便驀頭一棒。他問過在甚麼處。又與一棒。日打破布袋了。管教渠無言可答。且教他那十七八個小孩子都哭啼叫腦痛痛去也。咄。芳洲外史題

布袋老僧小序

聖人觀衆生心。是般若智。生死海是涅槃城。昧而不知。速須道破。念慈氏受釋尊之記。當末世開度生之方。緣是降兜率遊四明。觸處建光明幢。逢人施甘露。味以布袋爲佛事。以小子現童眞四儀。神變莫測。六時妙化無窮。登禪窟者死偷心於絕解之處。活神機於難辯之時。是故拈花悟旨。響應千古。笑談垂手。針芥相投。俾放下布袋默契玄宗。政不待言。思而得者。

教外別傳之旨也。噫。余以爲補處老僧。贊千百載之刺語耳。

居士沈一貫拜撰

序

吾聞聖賢之道。當人自具。豈假緣求。祇因塵勞自閉。彼岸自迷。平白地屈陷於生死之中。飄泊於輪迴之際。且阿逸多氏。釋尊授記。佛乘囑付。佛事故修。途萬品。總攝一宗。卽妄顯眞。就事明理。納諸佛法。卽於袋中。運無量神通於掌內。直欲將諸人無始劫來業識。因緣今日要於和盤翻轉。截却生死根源。徹悟無生性智。卽達全體彌陀。惟心淨土。只爭迷悟一著耳。故傳云。卽個心心。心是佛。十方世界最靈物。縱橫妙用。可憐生。一切不如心。眞實誠哉斯語也。

甬上達眞居士包士瀛百登讀彌勒傳與常寂和尚談禪得趣。輒撰數言。書於瑤光第一閣。

明州 定應大師布袋和尚傳

大師不知何許人也。五季梁時。見於明州奉化縣。蹙類蟠腹。形裁腰脇。世莫知其族氏名字。常自稱契此。若長汀子。布袋和尚。則以人之所見稱也。日夕寢食。無常處。而岳林寺則其所歸宿。云每以錫杖布袋自隨。且有十八小兒。護逐之。然亦不知小兒何從來也。行聚落田野間。見醯醢魚菹物。輒乞入口。餘以投袋中。至闌闔處。開袋。盡取撒下。謂衆云。看看復一一拈起。問人云。你道這箇是甚麼。如是良久。納袋中。荷而去。常以紙包屎物。示人云。這個是彌勒內院的。有時云。這箇是兜率院天的。有僧徐行其前。師撫其背。僧回首云。作甚麼。師展手云。乞我一文錢。僧云。道得則與師放下布袋。叉手立。師一日居稠人中。僧問云。和尚在這裡作甚麼。師云。待箇人來。僧云。我。師探懷出一橘。與之。其僧擬接。師縮手云。汝不是這箇人。師偶立街市上。僧問云。在這裡作甚麼。師云。化緣。僧云。十字街頭。化甚麼緣。師云。十字街頭。正好化緣。僧擬

議師荷布袋大咲而去。白鹿和尚問云。如何是布袋師放下布袋。叉手立。問云。如何是布袋下事。師荷布袋。便行。保福和尚問。如何是祖師西來的的意。師放下布袋而立。問云。只如此。更有在師荷布袋而行。或新成一則於市中。師唱於則前。曰。募緣。遭到不得。於此大小二事。師分衛所至。輒遮挽。不得去。酒廬屠肆。皆恣其飲啖。不厭惡。謂能使所貨倍售。而獲利多也。遇雨晨起。曳高齒木屐。豎股臥大橋上。是日必晴。遇晴。繫草屨疾走。是日必雨。師嘗以蒿草。徧植田畝中。明年官有增稅課役。丁夫之令。百姓逃亡。田疇至蕪。忍師嘗飯田家。其娘怒。詈其夫曰。農忙時。又何暇憶此風和尚耶。師即傾其飯。桑下而去。已而飯在釜中。涓尋曰。責求懺悔。夏浴溪水中。脫衣置岸上。羣童戲。欽衣走。師裸逐之。岸人聚觀。竊見其陰藏。蓋童真也。有陸生者。善畫。肖師像于寺庫院壁。師過之。唾不已。師之在閩中。有陳居士者。館過甚謹。及游兩浙。與之別。居士問曰。和尚何姓。何年月日生。法蘊幾何。師云。你莫道我姓李。二月八日生。只這布袋與虛空齊年。

居士因謂師曰和尚此去若有人問只恁麼對不可墮他人是非師答以偈曰是非憎愛世偏多仔細思量奈我何寬却肚皮常忍辱放開決日暗消磨若逢知己須依分縱遇冤家也共和要使此心無絪碍自然證得六波羅又問和尚有法號否師又答以偈曰我有一布袋虛空無絪礙打開遍十方八時觀自在又問有行李否答以偈曰一鉢千家飯孤身萬里遊觀人青眼在問路白雲頭又問弟子愚魯如何得見佛性以偈答曰卽箇心心是佛十方世界最靈物縱橫妙用可憐生一切不如心真實又曰和尚此去須止宿寺舍莫依族舍而住答以偈曰我有三寶堂裡空無色相不高亦不低無遮亦無障學者體不如求者難得樣智者解安排千古無一匠四門四果生十方盡供養居士異之復作禮曰願和尚再留齋宿以盡弟子恭敬之意是夕師復書一偈於居士之門曰吾有一軀佛世人皆不識不塑亦不裝不雕亦不刻無一塊泥土無一點彩色工畫畫不成賊偷偷不得體相本自然清淨常皎潔雖然是一軀分身千百

億至四明與郡人蔣宗霸遊出處飲食相往來尤密教其念摩訶般若波羅蜜多爲日課世因呼宗霸爲摩訶居士一日與浴長汀溪中使摩訶揩背忽見師背有四目炯然光粲摩訶驚駭作禮曰和尚是佛也師曰勿說吾與汝相聚三四載矣可謂有大因緣吾當去汝汝勿憂也遂到摩訶家徐謂之曰汝欲富貴乎摩訶曰富貴安能久遠但願子孫久遠可也師卽以布袋一隻內有無數小者并一箱一繩以授摩訶曰吾以此物與汝別乃汝後代事也摩訶受已不解其意數日師復來曰汝解吾意否摩訶曰弟子不解師曰蓋欲令汝子孫如所遺物也貞明三年三月三日示寂于岳林寺廡下磐石上師無恙時鎮亭長以師不事事遇則每加詬辱且奪其袋焚之明日師荷袋去來如舊如此三奪三仍舊雖亭長亦心異之至是買棺使殮以贖懺其過昇者雖衆不能舉別有童氏素敬師以棺易之昇不加衆而輕舉若羽於是邦人設大會建塔於封山之原其山皆巖石石之窪穴皆大師遺跡也有卓錫處有置鉢處置鉢之穴其深

師摩訶

師摩訶

淺小大如其也既滅之謂曰四聖待相見也處以居畜東吳以羅往曰我已知之初興化軍黃後又遇於福不來則開以曰彌勒真彌識後書九字是彌勒佛也真跡明年晉於宜春而遺摹刻於岳林莆田裔孫所

其鉢而水常盈其中雖大旱不少涸可異年會越師遣人使蜀回至棧道見師識有蔣摩訶者幸為我寄聲使加保愛以摩訶方築菴於踔跨山十二盤之高峻黃犬自衛每米盡則繫百錢犬頸上出來二十里無所間及蜀使致師命摩訶即設齋會親友沐浴跌坐而逝晉天福田縣令王仁照遇大師於江南天興寺州官舍出懷中圓封書戒王曰我七日看王如誠開圓封無他語止一偈也偈勒化身千百億時時示世人世人俱不云不得狀吾相此即是真至是乃知師宋熙寧二年莆田裔孫鑄尚能寶藏其安劉繼業摹其偈文兼寫大師像刻石其九字元豐四年沙門宗尚得其本始寺後三年溫陵人呂振監明州市舶出藏九字真本俾住持如恂刊於偈後恂師意命去之乃移偈於石并九字刻之以幻相非大

以傳焉盧釋祇者嘗令此縣尤敬慕之使人圖其像迎八縣署供養即風雨隨至祈禱殊有驗因香火至今又有人見之東陽道中持一履屨之曰我昔誤持此以來汝今可持之以歸後開壙視之果僅一履存焉師所作偈頌頗多茲姑錄一二以警世云騰騰自在無所為閒閒究竟出家兒若觀目前真大道不見纖毫也大奇萬法何殊心何異何勞更用尋經義心王本自絕多知智者只明無學地非聖非凡復若乎不強分別聖情孤無價心珠本圓淨凡是異相妄空呼人能弘道道分明無量清高稱道情攜錫若登故國路莫愁諸處不聞聲已而有術士謂人曰二百年後布袋和尚所居岳林寺道場復興與宋紹興間住持圓明迺東林照覺之嗣子福州陳居士之裔孫既新封山塔亭馮斯道等又施四圍山地增廣其基忽發異光掘之獲黃色淨瓶六環錫杖制度奇古觀者太息有司上其事元符開元戊寅六月九日敕賜今證崇寧三年住持曇振勸鄉人董氏建閣於寺之後鄉人任氏塑師像於閣上既而董氏以為我建閣而置

任氏像卽自裝一像置其上。移任氏像於閣下有術者曰董氏像止六十年。運任氏像過六十年。運始發耳。逮紹興間。寺經回祿。而閣與俱燬。燼董氏之像。時有饒道者。然一臂化緣。與沙門行中重建閣。乃迎任氏像置其上。偃指而數術者之言。果信然。嘉泰初。閣勢欲壓。一夕風雨驟作。雷電交至。遲明屹然中正。而題拱間。悉綴鱗甲。萍藻跡。淮海肇禪師碑其事。以詫神明扶助之功焉。逮皇元閣崩於至元十九年九月九日。大師遺像獨不壞。巍然相好出瓦礫中。几上立像亦復能躍。至於後園。藁林竹間。近遠士庶停業罷市。作禮觀瞻。感歎十八年住山梵中。遶材嗣構。五間規模壯麗。觀者偉之。復以奉安任氏所刻之像。此其跡也。若夫本者則徧塵刹。以皆存歷劫而不朽。正報既然。依報亦爾。微大師吾誰與歸。

前天台國清禪寺住持無夢沙門曇噩撰

布袋和尚後序

恭聞法身無相。具含諸數之形。覺性無生。何妨起滅。

之念一切世界如虛。五蘊身心不實。以其不實如虛。故世界卽毗盧法界。蘊心卽圓覺妙心。歷劫無生。萬古無滅。廓爾深奧。湛寂靈明。斯一切如來與諸衆生同證菩提之極果也。特其未悟天真。妄就幻相。沉迷苦海。自取輪迴。佛雖滅度。契經三寶。充滿人寰。信樂精持。如佛在世。智淺障深。對面千里。故聖人不得不降御人間。度諸凡類。古稱四明三佛地者。過去維衛佛。示現啞女相。以柔和智德而感化釋迦如來。流布舍利。特放光現瑞而利生三佛傳載之詳矣。惟彌勒世尊。紹釋迦佛位。依法式度生。觀因果經云。釋尊接迦葉佛之道統。恒居兜率陀天。號曰護明菩薩。應期降誕。轉大法輪。洪濟萬類。普利河沙。曾記彌勒賢劫佛之第五。故稱補處。非補瞿曇佛位。亦補釋尊天宮。仍居兜率陀天。號曰慈氏菩薩。雖居兜率宮。化身十方界。慈憫大千國土九界衆生。或修六度萬行。或縱三毒四倒。或造地獄深因。或植人天小果。由是作大吽囍亭毒。普化一於六朝。蕭梁時降跡義烏。爲傳大士建道場於雙林。有雙林語錄。垂世一於唐末僖宗。

朝偶現於四明爲布袋僧袒腹含笑隱德如癡竟不知其何許人也。儀形不恭。飾處世少範。規第吐詞。蓋天蓋地。布武非聖。非凡實而不虛。混而不鑿。恒以十八童子環遶如戲。爲諸根塵淨智互現神通。常持布袋示佛宗猷。包攝無量密因。運出無緣妙用。凡見世間縱心綴業。極意貪圖者。師以隨方調順。展轉啓明。令彼處仁守義。達妄卽眞。或分衛處視其爭食利路。沉醉愛河者。師以和言異語。解其腐鑊。指向要關。稱彼機宜。直譚覺慧。勉其尅勵。屢習銷鑠。邪風人人被法沾恩。恰似綠楊春意。遇道流時。唯善知識要須了悟自己。圓覺靈明。靈明廓爾。無礙無礙。不動眞如。眞如綿密。無間無間。周遍圓融。圓融解脫。自在自在。無可不可。信口譚玄。超情絕解。沃斯旨者。個個心開智淨。宛同果日。麗天師遊北上。見屠兒宰畜。諫曰。一切畜生是造業人果。報貪道無財能救願諸長者。饒此生靈。教彼活命。蠢動含靈。具佛性仁者。應須慈眼看。非惟慈悲利物之德。更植菩提長壽之曰。復值宰牛者。曰。殺牛之人。號羅刹。殺他自殺。誰驚惶。刀山斧砢。

●曰疑問

●食法寶

●答疑師

暨鐵煎何劫何時。獲解脫。曾問如何降伏安心。師曰。心是何物。徒勞調伏。妄本無根。放下無跡。諸緣擾攘。一眞寧寂。如如法界。體堂堂。砍不破。穿不透。不黑。師指流俗僧曰。汝本是佛。何滯凡情。當鏗劇諸緣。滌蕩塵習。力究心體。無生須達。妙明眞性。果獲無礙圓通。便是出塵羅漢。否則屈殺丈夫也。師受田家齋問道。答曰。牛捏青苗。種福田。低頭便見水中天。六根清淨。方成稻退步。原來是向前。師於大橋上夜坐。忽有強人窺探。師曰。貧道無財。君亦無妄。何貪財利。自蔽妙明。歷劫生來。被貪所誤。枉受輪迴。汝何不省。暗懷攘竊。無端造罪。何不反思。自心未遇境緣。貪無所起。則知一念不生。是汝眞性。卽汝安身立命之處。立刻究明。無生之旨。已是蹉過若干好時節矣。偈曰。由貪淪墮世波中。捨却貪。噴禮大雄直。截凡情。無所得。圓明寂照汝。心宗師出街衢見市人。擠擠嘆曰。奔南走北。欲何爲。日歲光陰頃刻。衰自性靈知須急。悟莫教平地陷風雷。又曰。趨利求名。空自忙。利名二字。陷人坑。疾須返照娘生面。一片靈心是覺王。鄉人問師答何常。

持布袋答曰。包納乾坤。日意趣若何。師答以偈。圓覺靈明超太虛。目前萬物不差殊。十方法界都包盡。惟有真如也太迂。僧問。如何是頓漸法門。師曰。汝心卽正智。何須問次。第聖凡都不到空花。映日飛師受關主。齋問曰。今日出關何時。八關若有出入。卽非禪關。若無出入。誰號禪關。有無一致。出入齊觀。無爲直指。菩提涅槃。偈曰。關非內外絕中央。禪思宏深體大方。究理窮玄消息盡。更有何法許參詳。問師如何化導。答以偈曰。肩挑明月橫街去。把定乾坤莫放渠。遇聖遇凡俱坐斷。寂光勝地可安居。師於寺前佇立。衆僧問師久立何爲。師曰。我在此時。個同參釋迦未生的人。衆唉曰。釋尊說法利生滅度久矣。師曰。汝等徒知佛之滅度。焉知佛之未生。苟知未生。定知無死。只知無死二字。衲子家珍。當諦信不疑。皎然非物。爾我皆如也。否則虛生浪死。偈曰。無生無死佛家風。不墮古今莫定踪。觸處圓明常湛寂。龍華鷄足兩無從。僧問。如何是道。師曰。碧水映孤峰。寒潭迎皎月。爾我不知宗。須彌足底越。師見行者担柴運水至。問曰。汝水若

還清汝身。被水溺汝。柴若還燥。汝身被火燎。燎溺病同途。大夢原未覺。汝能鞭起懸空靈覺心。反覆看渠非深奧。神光獨耀性真常。現成公案。方知道。便能穩坐毗盧頂上。吹清調師爲講主。曰。大道無名。大闢無聲。大悟無道。大真無外。大覺無妄。大似無我。大寂無定。大用無爲。大法無乘。座主果能了却。聖凡情。吾將布袋連底傾。師遊化諸方。內秘般若沖玄之正智。韜晦聖乘外示落魄不問之中流。似同凡類。適僧俗會於蘭若。時問道師曰。當絕攀緣。體會覺性。性本常住。永無生滅。以無生性中。示現生滅之法。以生滅性中。全體涅槃。真如汝自不審。認假爲真。執著世諦。甘受輪迴空遭塗炭。猶未惺悟。若能回首。則非旋機破胆。不越一念洞見真源。故余觀師隨機答話。喚醒迷途。備彈雪嶺宗風。直示西來大意。是故道人處凡世而無染道羣迷而無礙的指。萬法生無所生。究竟寂滅。滅無所滅。寂滅尙不存何言。可指示斯乃最上禪宗。達摩骨髓。又誰可得而擬議者哉。卽如傳大士初見梁武帝時。問曰。如何是道。對曰。卽心是道。國主未降

殿時未起念。先太智妙明輝。今耀古充塞太虛。萬古無生。永劫無滅。非聖非凡。無縛無脫。斯是妙湛心體。心外無別道道。外無別心。故曰。卽心是道。帝問曰。師事誰也。對曰。師無所師。事無所事。從無所從。復告王曰。國主是救世菩薩。應以無著爲宗。虛懷爲本。無相爲因。涅槃爲果。其爲國也。以正法治世。仁德化民。任賢去奸。勝殘去殺。兵戈息而部伍寧。天位雄而太平著。斯國主天機神妙。踐祚恒如。貧道之所至望也。劉中丞見聖駕到大士不起座。問曰。如何不臣天子。不友諸侯。答曰。敬中無敬。性不敬。無不敬。心貧道若動身。則法地動。一切法不安矣。聖主請大士講經。大士登座默然良久。撫尺下座。太子問曰。如何。不論義對。曰。語默皆佛事。復何言也。復告王曰。貧道有如意寶珠。清淨解脫。照徹十方國主。若能受者。疾至菩提。蓋一切諸法。不有不無。凡所有相同。歸實際。世間幻化。莫不歸空。百川萬流。咸歸於海。世出世法。莫過眞如。實無生滅。故無涅槃。三世平等。十方清淨。以清淨平等之法。饒益有情。同登覺岸。如是妙法度世。名大慈。

悲主也。大士甫見經藏於雙林。俾諸衆等推揆轉運。令初地凡夫當爲轉經功德緣。於成佛正。因天下龍藏祖法於此也。忽一日見定光金粟釋迦從東方來。寶光異香。集大士身。唱言。當代釋迦說法坐龍華勝會。明指又殊。垂普愍慧集。卽觀音輔揚秘密之淳風。大施醫王之良劑。有回天轉地之功。起死超生之法。須彌盡漢奚妨。日月之鑿天肉眼。凡夫妄分明暗之相。石壁橫空不礙大士之過地拱高。孚祖自悔。憍慢之心。甫擊木槌。闕內閣門悉啓。拈起布袋兜率內院齊來。大爐鑪前多鈍鐵。良醫門下饒病人。一粒眞丹點鐵成金。一言法語。草凡成聖。是故帶水拖泥之禪。度生急務。舍垢和光之德利物。先鋒八方湖海是圓覺道場。總一家之受用。十類衆生具眞如妙性。同一子之眷情。發義天之秘奧。廣被迷途。開心地之玄宗。普收利鈍。故師示衆云。萬像森羅。纖塵不立。一眞法界。百行紛紜。如如至理。動靜皆禪。一念契眞。倏登彼岸。斯乃布袋和尚雙林大士兩地同敷阿逸多氏之慈風也。何傳大士自稱當來解脫善慧大士。何布袋。

老人往復二十餘年。韜光晦德。不知所由。雖然。隱顯難量。順逆莫測。觀其拈一物示衆云。這是兜率陀天的師。從北還持一文錢示衆云。這是龍華會裡的分明。指示人人。自不察耳。蓋素鄙其禮貌疎闊。衆皆忽之。故絕唱之詞。多不傳世。世卒無有能識之者。迨師滅度數年。而寄書蔣摩訶。有偈云。彌勒真彌勒。化身千百億。時時示世人。世人俱不識。乃始知其爲彌勒化現也。師若不道破。畢竟無能識。是以如意摩尼現。誰人識。本真惟有蔣摩訶。慇懃奉事。以後蜀使寄聲。踟躕而逝。亦非凡情可測。觀二師先後出世。僧俗權機。任彼讚毀。信疑總屬龍華。得度因緣。故此隨緣導利。衆生應機。隨汰佛性。對面彌勒。誰能甄別。故曰。現凡脩聖道。果地集凡。因當說無所說。常度無度人。法印無來去。宗途絕故新。余故憶其玄言要旨。實不下於雙林。後數百年。大元佛懿大禪師曇噩傳其故事。因觀師於閩中。陳居士盤桓問答。展轉啓明。句句法雷。獅吼令人頓開心地。不一而足。讀之不覺汗下。廣如性質。凡愚埋頭煅煉。禪宗一著。未破腦後。一錘未

明如喪考妣。何暇他論。因遷重建岳林寺之兩禪德。復刊彌勒傳。力徵余再叙布袋宗。由固辭弗獲。輒稽之別傳語錄。凡屬布袋語彙。而載之代爲慈氏一言。或通則不妨無言。而言言之無礙。師歟。岳林寺也以神通力。願不煩擾檀那。惟開鑿聖智。對迦羅越人云。此古刹廢極。欲重建精藍。衆皆單從者。蓋先感其預容禍福之兆。人得受利於趨避之益。故歎善哉。師往閩中。化檀越一袋之木。此間井中取之。無竭。衆皆驚異。遂某也。捨工某也。助糧某也。德惠不約而至。巍巍勝跡。萬萬工程。大雄殿之千佛閣。兜率宮後兩退居。經藏鐘樓對峙。浮屠寶塔凌空。四時焚修不懈。晨昏鐘鼓分明。叢林德業頗稱盛矣。師東遊海濱。觀斥鹵灣之坦塗。對鄉人云。此處我欲成田。衆笑其癡。師以絮囊沙覆壘。成塘沙堤。如石以擁海潮。仍設三磧。以禦旱潦。塘內成田二千餘畝。每歲收穫。供給僧徒。餘贖命放生。至今沙堤永固。無泐退。設聖蹟。安如泰山。相期於龍華會。裏合稱朕田之美矣。師於南畔封山。指點隱跡之處。至於朱梁均王貞明二年三月三日。對

衆云明年今日我取彌勒菓供養大衆果於次年。是日跏趺盤石上泊然而逝。衆方歎訝憶之正合是識。結龕爲窆。塔波賜額爲定應塔。少俟熟脫之機而出世。播揚定慧之宗。而攝持絲絲是八百年來福田。博被善果。崇登不特一方之頂禮。有加卽六字之仰瞻。弗替然寺之興廢。必待其人不恒其一。誰隆舊觀。自本南和尚繼興之後。幾三百年。非惟梵刹傾頽。抑亦聖容衰落。獨有龍目井安然如故。萬曆間本寺住持南禪師。糾寺僧萬金。萬全共出衣資。重新大殿。稍稍落成。寥寥數禩。今守愚和尚法緣明慈。協力募資。矢心興建。航海於閩。延木爲事。回胃大海涼波。忽罹強賊。枉械守愚。挺然不懷生死界之露宿風餐。綠林自化。感夢梵僧。驚疑釋放。其杉木更被官兵所獲。竟以與販誣之桎。結法緣解道。雖遭塗炭。居然幻化。視之頃間。吏部戴大檀書抵常道。審豁解。纏守愚亦脫難而至。幸完璧歸鄉。恣其樹立。豈非慈氏菩薩冥加威力所致也。世稱戴吏部布袋後身。號龍華居士。善蹈覺路。冥合宗乘。眞阿蘭若之屏翰也。迄今數年大

雄殿之崇麗。千佛閣之崢嶸。俾然香散花翹。勤頂禮者。往心整肅。正眼豁開。天真佛性。當體自明。人人證本地風光。更從何處覓佛也。余復告曰。大用繁興時。不干寂滅定。莊嚴佛淨土。覺性自無生。導引迷塗者。願令最上乘滿目。菩提道端居不動尊。子明一著子何參布袋僧。

沙門 廣如 撰

補處慈風。充滿人寰。應期降跡。大轉法輪。宏濟萬類。普度群生。在雙林爲傳大士。在岳林爲布袋僧。往來二十餘年。袒胸微笑。隱德如痴。舉世人莫識其繇矣。癸亥夏。楷庵老人。大暢玄風。於行道之際。拉銘同往。雲間遨遊。峰泖募願。聞遠助贊。重鐫茲傳。適超果方丈。遇周易垂先生。談及斯舉。欣然序其事。乃知前代沙門。墨蹟廣如二公。俱從圓覺靈明處。寫出無數奇緣。幻跡於兜率宮中。大家團圓一笑。却也自在。

剡上壁城居士戴銘案王氏敬跋并書

重刻彌勒傳略記

夫遊天下名山者莫不記字中之聖跡也。如余之遊者。遊於造化之內。而不能如莊子遊於造化之外者。也。如余之觀者。觀於形骸之內。而不能如童子觀於形骸之外者也。即此二者不備。又何能重開樓閣。覆見彌勒之真耶。觀夫彌勒道場之所及目。羣公衙署之所貫耳者。渺之有也。方今燦爛乎塔分三座上。中下之宛然。彷彿乎寺列千尊。南北東之依舊。稽雙林大士不受千金之賜。牧剡水僧人豈擔一文之賒。依他遊戲。十七八箇笑笑嘻嘻。隨我神通。三四五雙哭哭啼啼。撥海成田。聲震千里之外。聚沙作剎。名標四境之中。煥然玉綴。高出重霄。俄然清泉下臨。無際生臥。橋頭心隨流水。緣到海死。坐石邊性順寒冰。覺至槃携錫杖。以示人齊物論之莫側。放布袋以警已括有篇之何窮。降兜率以權封山。會龍華而實雞足。兩地雙樹一乘。獨顯然傳之板向藏書坊。遭時毀化。遇難傾消。性公慮其失傳於斯。捐刊以待將來之補。公命序之余。勉應之。及觀其傳。諸大老序之詳矣。余又

◆圓莊測

何強臆膜之談。而索獅弦之論耶。且大師云。不得狀吾相此。卽是真。這此一相一真。他也明明指出。但須當人自別。不假緣證。故文殊云。執相迷真。對面千里。丹經云。辛苦兩三年。快活千萬劫。是因覺迷相。差露出萬般像狀。幸仰大悲廣說。方便立三乘之教典。設四諦之規章。說有說空。以至說默。惟明迷覺二字。截斷生死根源。庶免覆萌之患。頌曰

佛與衆生本同源 始因迷覺續念遷

常覺不迷源是佛 常迷不覺已沉淪

覺先迷後衆生類 覺後迷先聲聞證

去來現在理會者 端坐龍華待吾到

雪山寺僧 惠智 謹撰

布袋和尚傳

明州奉化布袋和尚不知何許人自稱契此未詳氏

族形裁臘

鳥罪 殷奴罪 切切

蹙額蹙腹出語無定寢臥隨

處常以杖荷一袋囊并破席凡供身之具盡貯囊中

入鄞肆聚落見物則乞或醃醢魚蔬纔接入口分少

許投囊中時號長汀子一日有僧在師前行師乃拂

其背僧回首師曰乞我一文錢曰道得即與汝一文

師放下布袋叉手而立白鹿和尚問如何是布袋師

便放下布袋曰如何是布袋下事師負之而去先保

福和尚問如何是佛法大意師放下布袋叉手福曰

爲祇如此爲更有向上事師負之而去師在街衢立

有僧問和尚在這裏作甚麼師曰等箇人曰來也來

也歸宗柔和和尚別曰歸去來師曰汝不是這箇人曰

如何是這箇人師曰乞我一文錢師有歌曰祇箇心

心心是佛十方世界最靈物縱橫妙用可憐生一切

不如心眞實騰騰自在無所爲閑閑究竟出家兒若

觀目前眞大道不見纖毫也大奇萬法何殊心何異

何勞更用尋經義心王本自絕多知智者祇明無學

平或作手

謂疑語

來或作求

地非聖非凡復若平不疆分別聖情孤無價心珠本

圓淨凡是異相妄空呼人能弘道道分明無量清高

稱道情携錫若登故國路莫愁請處不聞聲又有偈

曰是非憎愛世偏多子細思量奈我何寬却肚腸須

忍辱豁開心地任從他若逢知己須依分縱遇冤家

也共和若能了此心頭事自然證得六波羅我有一

布袋虛空無罣礙展開徧十方入時觀自在吾有三

寶堂裏空無色相不高亦不低無遮亦無障學者體

不如來者難得樣智慧解安排千中無一匠四門四

果生十方盡供養吾有一軀佛世人皆不識不塑亦

不裝不雕亦不刻無一滴灰泥無一點彩色人盡盡

不成賊偷偷不得體相本自然清淨非拂拭雖然是

一軀分身千百億又有偈曰一鉢千家飯孤身萬里

遊青目觀人少問路白雲頭梁貞明三年丙子三月

師將示滅於岳林寺東廊下端坐磐石而說偈曰彌

勒眞彌勒分身千百億時時示時人時人自不識偈

畢安然而化其後復現于他州亦負布袋而行四衆

競圖其像

禪宗正脈

明・如
登
撰

禪宗正脉序

有大聖人中天印度日能仁氏乃往古昔然燈所記賢劫次補四十九年開示演化接物利生悲濟無量仁慈普覆聲教所被微塵刹海而雙林息照布瑟波印於飲光少室單傳摩訶衍基於達磨此正法眼藏教外別傳禪宗之所自也已而六傳至曹溪而支分派別洋溢汎濫徧滿天下不有文字紀錄事緣又何以知其投鍼立趣激電迅機開示妙明之眞性哉此吳僧道原傳燈錄之所有作而

有宋眞宗皇帝詔翰林學士楊億之所有敘而總裁也後斯轍者曰廣燈續燈聯燈普燈雖各詳略不同亦無非所以明此一大事也宋時有僧濟者患五燈之浩瀚作五燈會元以惠來學甚盛心也然而後人猶以未易通究爲病者是其中間機緣語句峻險者壁立萬仞淺近者鼻孔半邊或入海而算沙或追羊而感岐此

國朝嘉興府僧如香禪宗正脉之所有作也香蚤

參空谷禪師於虎林得旨卽輟光環渚於嘉禾之眞如四海象龍望風嚮慕而參禮者戶屨常滿而慨夫五燈之機緣峻險日上根之人當頭便領十日並照中下之徒銀山鍊壁絲毫萬里用是抄錄簡集由某佛以至某人之嗣凡幾世幾百人爲幾卷俾人人通曉以爲證悟之因復夢神教題曰禪宗正脉刻梓流通猗歟盛哉書或飛錫踵門以敘文爲請嘻余耄矣豈足以叙此書之文哉然而仰惟

佛法自漢永平東被眞丹禪宗一宗徧滿寰宇佛祖以下得其傳者自一燈以至無盡燈焉迄今逮二千祀代有

金輪深信體解作興驪動振耀金湯際我

大明

太祖高皇帝聖神文武統御華夷樹剎建幢

天章御製躋斯民於仁壽之域措天下於雍熙之

治

太宗文皇帝繼體守成欽明文思光被四表

聖治無爲製詞贊詠佛日光輝欽惟

皇上嗣登大寶聖哲溫恭厲精圖治四海會同

佛聖再來佛法外護天人叶贊率土昇平白髮禮

臣乞骸歸老受

恩莫報弗違寧居間得一覽禪宗正脈大爲慶幸

異時必有以是帙肩塵

睿覽若景德之傳燈錄者矣第不知奉

詔總裁刪定而彙叙引者爲誰也臣雖老矣猶能

欣戴拱嘿以俟其美音

大明弘治三年歲在庚戌除夕前一日

賜進士階榮祿大夫正治上卿太子少保禮部尙書

奉

勅致仕前兼左春坊左庶子八十二翁杭郡鄒幹撰

禪宗正脈叙

原夫三界惱熱灼諸火之易燃一物長靈亘億劫而弗滅欲求作佛莫切證心心本圓成性原妙覺恒河沙數總具如來萬徑千蹊悉歸定慧若心外求佛何

◆至以疑倒
○靈隱誌

異爨塵以爲糜性外探宗真顛吹砂而作飯能使菩提融徹摩尼朗曜明宗衍派啓迪沙門難矣然我釋迦文佛迨夫達摩祖師方軌弘宣既著明於西域分鐮顯說亦漸移於東土闡無三之教開不二之門禪悅彌彰宗風大普導示衆惑遏絕諸妄萬塗叢歸一繇般若由是有爲仰瀟眼雲門至以曹洞靈濟之五宗各自成佛作祖有一世二世以至數世十世百世之法嗣亦自授派傳支燈燈繼續鉢鉢相承聆此師傳參他僧旨譬持明鏡遇物可以鑑形若投良劑隨方因之療疾家操智炬燭衆生於迷途人駕慈航渡群品於覺海此禪宗正脈之所以作也夫禪而曰宗妙心珠之悟證脈而曰正去徃道之外邪公案分明階級剖別剪經文之蕪蔓斷文字之葛藤廣取頓漸之妙言獨宏問答之奧義誠禪域之南車宗門之武庫者也如巖上人摹寫赫蹏鬚其瓶鉢鏤梨棗募彼金錢數載拮据一朝卒業實心懽喜質問愚蒙蒙也慈波空蕩苦海易沈印證未窺乎真如希仰猶累於塵垢若夫尊南爲聖嗤北爲愚背北向南大悟

萬曆乙巳初秋閏郡徐燉興公序

禪宗正脉引

景泰庚午。吾參學空谷禪師于脩吉山。山在杭西湖上。先是師積稔緣化吾郡。夜話山房。獲親爐韞。一日問師如何。是露柱師良久曰。此是說不得底。自會去。厥後成化庚寅。師還化。其年吾四十六。亦病革。再甦。自惟失怙間。始專心淨土。勸人念佛。數以米一粒。一聲積二百斛供衆三年。印圖若干萬。相涉十有五年。迄今未既也。頃在杭時。嘗閱五燈會元。弗果終帙。今偶獲展讀。謂是空谷先師親加點句者。何幸遇之感。悸交至。第以此書機緣峻險。蕭帙浩繁。粵有上根當頭便領。十日並照。所謂高暉之臨幽谷。長風之游太虛者也。自餘中下之流。銀山鍊壁。絲毫萬里。鈍置已躬。妄生知解。以爲成立。爲此發心抄錄。簡集以便觀覽。或者謂余手風。

絕筆已四十年。龍鍾耄老。不堪筆硯。余皆不應。丙午仲冬一之日。始晝則抄錄。夜則檢閱。至唐杜鴻謁無住禪師庭樹鷄鳴時。遂有省。所謂得個入頭。非悟也。由是益堅其志。自言若無先師存日提激。何有今日事哉。復自念言。蔣集果符佛意。集成當以何名。是夜若聞神語曰。禪門正脉。覺而異之。先佛有言。汝以緣心聽法。此法亦緣。以此觀之神。卽是我。我卽是神。夢與非夢。二而一也。矧惟會元佛祖命脉。今日禪宗正脉。有以夫。於是謹述用心顛末如此。或者又曰。蔣集弗傳。與無集等。亟命同服。與聖德海繕寫成帙。募彼悉檀。捐金繡梓。用廣其傳云爾。時維

大明弘治歲次己酉冬十一月旦嘉禾如彥謹識

敘古啓明讀禪宗正脉法

達磨西來

馬祖大師示衆其路云達磨西來傳上乘一心之法令汝等開悟又引楞伽經以印衆生心地

非無知解

歸宗和尚曰。從上古德。不是無知解。他高尙之士。不同常流。今時不能自成自立。虛度時光。湧泉云。見解言語。總要知通。若識不盡。敢保輪迴去在。爲何如此。蓋爲識漏未盡。汝但盡却。今時始得成立。

有事商量

趙州和尚曰。兄弟莫久立。有事商量。無事向衣鉢下坐。窮理好。黃龍南禪師告慈明曰。此心未穩。乞爲指示。慈明曰。既如是。則坐而商量。

深究洪規

薦福古禪師嘗參大光玄福。嚴雅無有可其意者。由是終日默然。深究先德洪規。一日覽雲門語。忽然發悟。

得個入頭

大慧禪師曰。山僧十三歲出家。早知有此事。雖在村院裏。常要買諸家語錄看。雖理會未得。然便喜雲門睦州說話。汝等未得個入頭。須得個入頭。既得箇入頭。不得孤負老僧云。云。明明向汝道。尙自不會。豈況

蓋覆將來

漸有開廓

空谷和尚問師之省處。與我說爲末世之標格。空曰。某謁南極古拙。及衆知識。皆令參趙州無字。久而無省。偶見五燈會元中。祖師活機。用心。漸有開廓。古人機用。我已識之矣。又問人天眼目。碧巖集可看否。空曰。可也。

法在汝邊

淨名云。此法卽見聞覺知。學不得。若離見聞覺知。亦不得。到這裏。須知有一條活路。若識得這活路。法在汝邊。

遲速不同

老宿云。這一片田地。分付來多時也。我立地待汝。攬去。古塔主云。利根者。晝時解脫。鈍根者。或三五年。還不過十年。若不悟去。老僧與你入拔舌地獄。參

常習坐禪

馬祖在衡岳山。常習坐禪。南嶽嘗以磨鉢作鏡而諭之。乃曰。若執坐相。非達其理。祖師云。執之失度。必入

邪路放之自在。體無去住。妙喜曰。我只要你行亦禪。坐亦禪。語默動靜。體安然。諸方說靜了。方悟。我是悟了。方靜。不敢相瞞。未悟時。心識紛飛。悟了。方貼貼地。不明大理。

德山和尚云。若不明大理。饒你去佛肚裏過來。只是能行底屎。概不曾遇著好人。便即認得六根門頭。光影向口裏說取。露布是隱言。妙句光彩。尖新。奈你自家無分仁者。是別人涕唾圓通云。道眼若未明。有甚麼用處。無事切須尋究。玄沙云。道眼不明。生死根源不破。

工夫之說

幻住和尚云。前代諸尊宿。初不曾有做工夫之說。惟是單提此事。俾之言下領悟。又云。古人於參學此道。用心處。謂做工夫。斯說最切當。而學者例於此說。

問處求證

佛眼云。昔人因迷而問。故問處求證。入得一言半語。將爲事究明。令徹去。不似今人胡亂問。越口答。取咲達者。

簡集之意

吾以五燈會元浩繁難讀。多有機緣峻險。壁立萬仞。上根吐舌。中下罔措。用是唯取顯明簡直者。使人易曉。去取無定。簡集成編。且如會元本集中牛頭山法融禪師若干人。則總題四祖大醫禪師。旁出法嗣于其前。今正脉中各以四祖旁出。標干上。他可類推。上堂示衆。甚有切於人者。輒以愚意略加標首。如史鑑。然以便尋討。

去繁就簡

是集一依五燈會元。並不敢有所更改也。間有生緣神異參謁問話繁者。不敢備錄。然亦有束而簡之之處。

體會機緣

看機緣。須看他師家問處。學者答處。如何。卽是如何。則不是自有入處。既得入處。烏有峻險。簡直顯明者哉。

隨宜參用

凡機緣上安評字。則指圓悟禪師評唱。若安頌字。則

頌古聯珠有此或機緣頌古有及會元無出者意句
圓妙則增收如香鶴望俊流當立大志亦草率不得
須將諸祖頌古通集碧巖集人天眼目彼此尋究相
助顯發

古今例同

或曰五燈會元是佛祖心髓孰敢妄分優劣而去取
無定耶曰子豈不見五燈是五家之作今爲會元哉
碧巖集祖師機緣唯取一百則禪宗頌古聯珠通集
四百餘人前人頌之集之豈不知有一千七百人善
知識耶譬彼病革矣當求速効之方可也余之簡集
無他每見同學懼繁弗覽正恐大法湮微故強爲是
編俾易覽易精而得入悟門者則不以我爲非歟正
魯庵所謂知我罪我其唯此集矣

敘古啓明讀法終

禪宗正脈目錄

第一卷

釋迦牟尼佛

摩訶迦葉尊者

阿難尊者

優波鞠多尊者

佛陀難提尊者

脇尊者

富那夜奢尊者

龍樹尊者

迦那提婆尊者

僧迦難提尊者

鳩摩羅多尊者

闍夜多尊者

鶴勒尊者

師子尊者

般若多羅尊者

慧可大祖禪師

菩提達磨大師

道信大賢禪師

僧榮鑑智禪師

慧能大鑒禪師

弘忍大滿禪師

慧能大鑒禪師

牛頭融

世二牛頭融

鍾山瑾

世五牛頭威

世六牛頭忠

安國挺

天柱慧

鶴林素

世七佛國則

徑山欽

世八

雲居智

鳥窠林

世一北宗秀

嵩嶽安

蒙山明

世二

降魔藏

壽州樹

福先儉

破竈墮

嵩嶽三

五祖旁出

四祖旁出

東土祖師

西天佛祖

世三終南政

嵩山極

世四保唐住

世一西域嶺多

韶州海

吉州誠

區擔了

洪州達

壽州通

江西徹

信州常

廣州道

永嘉覺

司空淨

婺州榮

河北隍

南陽忠

荷澤會

世二耽源真

蒙山寶

世五圭峰密

會元二卷終

第二卷

南嶽讓

世一馬祖一

世二百丈海

南泉願

鹽官安

歸宗常

大梅常

佛光滿

五洩默

盤山積

麻谷徹

東寺會

西堂藏

章敬暉

大珠海

百丈政

勸潭會

杉山堅

石鞏藏

北蘭讓

南源明

中邑恩

勸潭興

汾州業

大同澄

鵝湖義

伏牛在

興善寬

三角印

魯祖雲

芙蓉毓

紫玉通

鄧隱峰

西園藏

楊岐叔

馬頭藏

華林覺

濠谿

佛隄

烏白

石臼

本谿

石林

亮座主

百靈

金牛

利山

乳源

松山

則川

打地

秀谿

裨樹

水潦

浮杯

龍山

龐蘊

會元三卷終

世三黃檗運

長慶安

大慈中

平田岸

石霜性空

古靈贊

和安通

百丈涅槃

趙州諗

長安岑

榮萸和尚

子湖蹤

白馬照

雲際祖

香嚴端

靈鷲閑

蘇州西禪

陸亘大夫

甘贊行者

關南常

雙嶺真

徑山宗

芙蓉訓

大茅

五臺通

天龍

白居易

普化和尚

壽州遂

薯山超

虔州微

薦福辨

古隄和尚

公畿

祕魔巖

祇林

黃州安

世四陳尊宿

千頃南

烏石觀

羅漢徹

裴相國

大隨真

靈樹敏

靈雲勤

壽山解

淶水

嚴陽信

光孝覺

國清奉

大陳朗

多福

雪竇通

石梯

浮石

關南吾

末山尼 俱胝和尚世五 陳操尚書 長慶獻
會元四卷終

第三卷

歷代高僧

文殊菩薩 天親菩薩 維摩大士 善財童子

須菩提 舍利弗 賓頭盧 秦跋陀

寶誌公 善慧大士 南嶽慧思 豐干禪師

寒山子 拾得子 明州布袋 法華志言

天台顓已上按會元二卷
末今見此卷首

青原思世一 石頭遷世二 藥山儼 丹霞然

大顓通 長髯曠 京兆利 招提朗

鳳翔佛陀 大同濟世三 道吾智 雲巖晟

船子誠 百鑪哲 高沙彌 李翱

翠微學 孝義空 僊天 三平忠

馬頰空 本生 石室世四 石霜諸

漸源興 深清 神山密 幽谿

夾山會 清平遵 投子同 道場訥

白雲約 聚山仁 會元五卷終

世五 大光誨 九峯虔 湧泉欣 雲蓋元

南際一 覆船荐 肥田伏 鹿苑暉

石柱 南嶽秦 潭州蓋 龍翔閣

張拙 洛浦安 黃山輪 韶山普

上藍超 太原湖 天蓋幽 三角珪

投子溫 牛頭微 盤山二世 九峻慧

觀音俊 濠州明世六 谷山緣 勸潭茂

同安察 禾山殷 勸潭牟 六通紹

雲蓋罕 瑞巖 百巖 大嶺

禾山陰 柘溪實 青峰楚 烏牙賓

永安靜 鄧州度 永安悟 木平道

崇福志 鷲嶺本世七 大安古 烏牙朗

開山畫 青峰勉 太宗皇帝 孝宗皇帝

郁山主 先淨照 東山頂 雲幽惲

樓子 天竺悟 嵩律師 老宿

二菴主 老宿 官人 燒庵婆

陳道婆 婦人 會元六卷終

第四卷

世二 天皇悟 世三 龍潭信 世四 德山鑒 勸潭賢峰

會元共十五

五觀支 南極染 大安幹 雙谿田

米嶺和尚 雙峰古 世六 資福寶 芭蕉清

清化愆 黃連初 世七 資福鑒 芭蕉徹

承天確 會元九卷終

法眼宗

世八 清涼益 世九 天台韶 清涼飲 靈隱尊

歸宗柔 百丈恒 永明潛 報恩明

報慈言 崇壽稠 報恩安 雲居錫

正勤奉 羅漢依 章義欽 報恩逸

報恩遂 羅漢仁 黃山匡 報恩則

淨德筠 高麗炬 寶塔藏 般若遵

歸宗真 棲賢圓 新興齊 古賢謹

興福勳 世十 永明壽 五雲逢 報恩安

紫凝勤 普門辨 光慶安 華嚴達

九曲祥 開化明 瑞鹿安 龍華居

齊雲臻 瑞鹿先 興教壽 永安原

雲居齊 羅漢昭 報恩智 支提隆

棲賢湜 千光省 崇福祥 雲居能

南嶽

歸宗誠 世十一 瑞岩海 靈隱本 堯峰暹

聖壽昇 興教一 西余柔 定山素

淨土政 世十二 靈隱珊 會元十卷終

第六卷

臨濟宗

世四 臨濟玄 世五 興化獎 寶壽沼 三聖然

魏府覺 灌谿閑 紙衣符 定州崔

幽州譚空 歷村和尚 米倉和尚 齊鑒禪師

雲山和尚 虎谿庵主 桐峰庵主 杉洋庵主

定上座 世六 南院顒 廓侍者 西院明

寶壽二世 大悲和尚 水陸和尚 澄心德

魯祖教 鎮州譚空 際上座 世七 風穴沼

穎橋安 興陽靜 世八 首山念 廣慧真

靈泉和尚 世九 汾陽昭 葉縣省 神鼎誼

谷隱聰 廣慧璉 三交嵩 仁王評

鹿門昭 王隨丞相 會元十一卷終

世十 石霜圓 琅瑯覺 大愚芝 法華舉

芭蕉泉 天聖泰 浮山遠 寶應昭

青原

第七卷

曹洞宗

會元十二卷終

大乘果	金山穎	仁壽珍	永慶普
李遵最	英公夏竦	華嚴隆	楊大年
一十翠巖真	蔣山元	大寧寬	道吾真
廣法源	靈隱章	定慧信	泐潭月
白鹿端	眞如方	長水璿	雲峰悅
淨因臻	定林琛	本覺珠	華嚴孜
琅瑯銳	興陽隱	石佛忠	淨住說
李端愿	西余端	世十二	大潯詰
興化清	世十三	泐潭祥	光孝蘭
慶善能	慶善隆	世十四	淨因戒
鴻昇福	香山淵	景淳如藏	世十五
會元十二卷終		治父川	
第七卷			
曹洞宗			
世四	洞山价	世五	曹山寂
青林虔	高安仁	雲居膺	疎山仁
華嚴靜	九峯滿	白馬儒	龍牙遁
京兆峴	幽棲幽	北院通	洞山全
	越州乾峰	吉州和山	

世七

天童啓	欽山邃	世六	洞山延	金峰志
鹿門眞	曹山霞	曹山慧	曹山炬	
育王通	同安丕	歸宗憚	嵇山章	
雲居嶽	佛日空	永光眞	朱谿謙	
雲居簡	新羅雲住	護國澄	靈泉仁	
疎山證	百丈安	黃檗慧	伏龍璘	
京兆三相	廣德延	石門蘊	龍光謹	
石藏炬	重雲暉	瑞龍璋	報恩嶼	
含珠哲	紫陵一	同安威	會元十	五卷終
上藍慶	天池隆	益州眞	佛手因	
龜洋忠	同安志	智門欽	薦福思	
大陽堅	五峯紹	廣德義	廣德周	
石門徹	紫陵微	興元浪	世八	普寧顯
梁山觀	普淨覺	雲頂敷	石門遠	
北禪感	石門筠	世九	大陽玄	藥山昱
羅紋珍	道吾詮	南禪聰	世十	投子青
興陽剖	福嚴承	羅浮如	白馬喜	
雲門運	梁山翼	世十一	芙蓉楷	大洪恩

洞山雲 福應文^{十二世} 丹霞淳 枯木成

寶峰照 石門易 天寧誦 天寧璉

梅山已 普賢秀 鹿門燈 資聖南

洞山微 高世則 大洪遂^{十三世} 長蘆了

天童覺 大洪預 尼慧光 圓通止

智通深 華藥朋 尼佛通^{十四世} 雪竇宗

善權智 自得暉 石窓恭 光孝徹

大洪爲 長蘆琳 慧力悟 雪峰深

慧日安 吉祥實^{十五世} 雪竇鑑 會元十^{四卷終}

第八卷

雲門宗

^{六世}雪門偃 ^{七世}白雲祥 德山密 巴陵鑒

雙泉寬 香林遠 洞山初 泐潭謙

奉先深 披雲寂 舜峰韶 般若柔

薦福古 雙峰欽 資福詮 黃雲元

龍境倫 大容謹 華嚴慧 黃檗濟

谷山豐 洞山稟 北禪寂 淨源眞

大梵圓 藥山光 奉國海 雲門球

佛陀遠 慈雲深 化城鑒 護國和尚

西禪欽 覺華照 延長山 黃龍贊

雲門朗 纂子山^{八世} 韶州大歷 寶華和尚

月華月 樂淨臣 後白雲 文珠眞

南臺勤 德山晏 乾明普 中梁崇

黃龍愿 普安道 泐潭散聖 五祖戒

福昌善 建福同 智門祚 福嚴雅

開福賢 了山盛 蓮華祥 德山遠

開先照 金陵天寶 法雲善 藍田眞

雪峰欽 西峰谿^{九世} 洞山聰 石霜誠

泐潭澄 雲盖頤 上方嶽 育王坦

金山新 雪竇顯 雲盖鵬 彰法泗

北禪賢 芳上座 開先暹 資聖勤

鹿苑圭^{十世} 雲居舜 佛日嵩 許太守

育王璉 承天簡 九峰韶 西塔殊

雲居億 滔首座 玉泉皓 雲居祥

國慶宗 天聖道 會元十五卷終

天衣懷 承天宗 南明慎 君山昇

洞庭金	曾脩撰	圓通訥	法昌遇
廣因要	雲居元	智海逸	天章楚
十蔣山泉	慈雲慧	歸宗通	天宮徽
福昌信	慧林本	法雲秀	慧林冲
長蘆夫	佛日才	天鉢元	棲賢遷
淨衆言	三祖會	澄照慈	崇德澄
定慧雲	報本存	開聖棲	衡山禮
雲門侃	太平坦	佛足祥	明因贊
楊傑侍郎	慧日堯	中際蓮	百丈悟
善權泰	崇福基	大中隆	劉僉判
二十趙清獻公	法雲本	金山寧	資壽巖
本覺一	投子顒	地藏恩	靈曜良
香山泳	靈泉一	石佛通	法雲白
僊巖純	慈濟聰	白兆圭	福巖初
德山鎔	香積旻	瑞相來	眞空一
華嚴明	永泰航	壽聖邦	長蘆蹟
夾山齡	元豐滿	善勝悟	招提湛
三十淨慈明	雪峰慧	資福明	雪峰璿

南嶽

延慶復	道場顏	天竺諫	普濟淳
尼法海	富弼丞相	尼文照	萬年幽
慈受深	萬壽環	天衣哲	智者銓
報恩然	雪峰演	王大夫	觀音和尚
四十淨慈象	靈隱淳	淨慈昌	徑山一
金山心	香巖壁	國清印	萬杉堅
五十中元妙	玉泉達	光孝深	會元十 六卷終
第九卷			
臨濟宗			
一十黃龍南	十二晦堂心	照覺總	眞淨文
雲居祐	黃檗勝	祐聖宿	開元琦
仰山偉	福嚴感	雲蓋智	報本元
隆慶閑	三祖宗	泐潭英	保寧環
雪峰圓	四祖演	清隱源	廉泉秀
靈鷲覺	積翠永	歸宗芝	十三死心新
靈源清	草堂清	青原信	夾山純
雙巖化	龜山津	保福權	護國新
黃龍明	道吾圓	黃太史	王觀文

吳秘書	湧潭乾	開先璞	象田卿
裴親瑞	慧力昌	圓上座	蘇內翰
兜率悅	法雲杲	湛堂準	淨覺本
報慈英	寶華鑑	九峯廣	黃檗全
覺範洪	超化靜	石頭志	雙谿印

會元十七卷終

羅漢南	慈雲隆	大滄瑋	福嚴演
昭覺白	薦福英	尊勝明	慧日明
道場如	寶壽樂	廣慧杲	永安正
光孝爽	法輪添	育王曇	眞如香
月珠鑑	萬壽念	蘇參政 ^{十四世}	禾山方
崇覺空	九頂泉	性空普	空室通
佛心才	法輪端	長鑒卓	黃龍霞
雪巢一	雪峰空	正法明	祖庵主
戲魚靜	龍牙密	東禪密	天童交
圓通旻	和庵主	慈氏仙	雪竇持
石佛益	疎山常	兜率照	張無盡
西蜀鑾	典牛游	九仙清	覺海因

南嶽

德山瓊	中巖能	雲頂印	信相顯
大滄智 ^{十五世}	胡安國	普賢素	鼓山洵
鼓山珍	育王謙	道場慧	顯寧智
烏回範	德山初	報恩常	夢菴信
默庵道	光孝慈	雪峰忠	蓬萊圓
范左丞	吳樞密	彭諫議	盧中丞
都左司	宣秘禮	塗毒策 ^{十六世}	心閑賁
天童朴	高麗坦然	龍華本	東山言
懶庵樞 ^{十六世}	在庵賢	咦庵鑑	會元十八卷終

第十卷

臨濟宗

一十楊岐會 ^{十二世}	白雲端	保寧勇	孫北部
三十五祖演	雲蓋本	保福殊	郭功甫
壽聖淵	上方益 ^{十四世}	圓悟勤	佛鑑懃
龍門遠	開福寧	大隨靜	無爲泰
五福自	九頂素	禮首座	融藏主
承天賢	俞道婆 ^{十五世}	徑山杲	虎丘隆
佛智裕	佛性泰	此庵元	南峰辯

靈隱遠	鴻福文	華藏民	昭覺元
中竺仁	象耳覺	華嚴覺	明因玩
虎丘淨	天寧思	君山覺	寶華顯
東山覺	徐樞密	趙令矜	李彌遜
范縣君	文殊道	南華昌	龍牙才
蓬萊卿	佛珣燈	渤潭明	寶藏本
祥符海	淨衆璨	會元十九卷終	
龍翔珪	高庵悟	牧庵忠	烏巨行
白楊順	雲居如	歸宗賢	道場辯
奇首座	尼慧溫	馮給事	月庵果
石頭回	護聖靜	南巖勝	梁山遠
能仁悟	莫尙書	王龍圖 _{世十六}	教忠光
已庵頤	懶庵需	蒙庵岳	此庵淨
開善謙	佛照光	遜庵演	無用全
玉泉懿	薦福本	靈巖性	蔣山直
誰庵演	光孝遠	最庵印	竹原元
尼妙道	尼妙總	張無垢	李漢老
劉彥脩	吳偉明	黃彥節	計妙真

應庵華	清涼旦	水庵一	無庵全
慧通旦	靈巖安	簡堂機	或庵體
湛堂深	錢端禮	全庵已	疎山本
曾內翰	葛知府	徑山印	楚安方
文殊業	稠庵贊	潘待制	隨庵緣
且庵仁	萬年閑	中際能	普雲圓
退庵休	圓極岑	覺報清	何山然
信相脩	窮谷璉	大瀉行	老衲證
山堂淳	復庵封	野庵璿	蓬庵會
中庵空	遜庵珠 _{世十七}	肯堂充	智者慈
木庵永	龍翔雅	劍門分	密庵傑
南書記	李侍郎	伊庵權	三峰印
德山涓	會元二十卷終		

禪宗正脉目錄終

禪宗正脈卷第一

佛祖

賢劫第四

女子出定

勝義諦

釋迦牟尼佛頌初生下。乃一手指天一手指地。周行七步。目顧四方。曰。天上天下。唯吾獨尊。後雲門云。我棒打殺與狗子喫。評頌世尊。一日陞座。大眾集定。文殊白。椎曰。諦觀佛法。法王法。如是世尊。便下座。○世尊昔因文殊至諸佛集處。值諸佛各還本處。唯有一女人近彼佛坐。入於三昧。文殊乃白佛云。何此人得近佛坐。而我不得佛告。文殊。汝但覺此女。令從三昧起。汝自問之。文殊。還女人三匝。鳴指一下。乃托至梵天。盡其神力。而不能出世尊曰。假使百千文殊。亦出此女人定。不得下方過四十二恒河沙國土。有罔明菩薩。能出此女人定。須與罔明大士。從地湧出。作禮。世尊。世尊。勅罔明出。罔明却至女子前。鳴指一下。女子於是從定而出。頌世尊。因波斯匿王問勝義諦。中有世俗諦否。若言無。智不應。二若言有。智不應。一二之義。其義云何。佛言。大王。汝於過去。龍光佛法。

定法不定法

普眼三度入定

文殊三處過夏

梵志義隱斬首

中曾問此義。我今無說。汝今無聽。無說無聽。是名爲一義。二義。頌世尊。因外道問。昨日說何法。曰。說定法。外道曰。今日說何法。曰。不定法。外道曰。昨日說定法。今日何說不定法。世尊曰。昨日定。今日不定。頌世尊。因五通仙人問。世尊。有六通。我有五通。如何是那一通。佛召五通仙人。五通應諾。佛曰。那一通。你問我。頌世尊。因普眼菩薩欲見普賢。不可得見。乃至三度入定。徧觀三千大千世界。覓普賢。不可得見。而來自白佛。佛曰。汝但於靜三昧中起一念。便見普賢。普眼於是纔起一念。便見普賢。向空中乘六牙白象。頌世尊。因自恣曰。文殊三處過夏。迦葉欲白椎。擯出纔拈椎。乃見百千萬億文殊。迦葉盡其神力。椎不能舉。世尊遂問迦葉。汝擬擯那箇文殊。迦葉無對。頌世尊。因長爪梵志索論義。預約曰。我義若墮。我自斬首。世尊曰。汝義以何爲宗。志曰。我以一物不受爲宗。世尊曰。是見受否。志拂袖而去。行至中路。乃省謂弟子曰。我當回去。斬首以謝世尊。弟子曰。人天衆前。幸當得勝。何以斬首。志曰。我寧於有智人前。斬首。不於無智人前。得

阿難持鉢

楚志學花藏

勝乃歎曰我義兩處負墮是見若受負門處墮是見不受負門處細一切人天二乘皆不知我義墮處唯有世尊諸大菩薩知我義墮回至世尊前曰我義兩處負墮故當斬首以謝世尊曰我法中無如是事汝當回心向道於是同五百徒衆一時投佛出家證阿羅漢頌世尊因有外道問不問有言不問無言世尊良久外道讚歎曰世尊大慈大悲開我迷雲令我得入乃作禮而去阿難白佛外道得何道理稱讚而去世尊曰如世良馬見鞭影而行頌世尊一日勅阿難食時將至汝當入城持鉢阿難應諾世尊曰汝既持鉢須依過去七佛儀式阿難便問如何是過去七佛儀式世尊召阿難阿難應諾世尊曰持鉢去○世尊因有比丘問我於世尊法中見處卽有證處未是世尊當何所示世尊曰比丘某甲當何所示是汝此問頌世尊因黑氏梵志運神力以左右手擎合歡梧桐花兩株來供養佛佛召仙人梵志應諾佛曰放下著梵志遂放下左手一株花佛又召仙人放下著梵志又放下右手一株花佛又召仙人放下著梵志曰世

五百比丘未
得法忍

布髮掩泥

七賢女遊屍
陀林

尊我今兩手皆空。更教放下箇甚麼。佛曰。吾非教汝放捨其花。汝當放捨外六塵內六根中六識。一時捨却。無可捨處。是汝免生死處。梵志於言下悟。無生忍。頌世尊因靈山會上五百比丘得四禪定具五神通。未得法忍。以宿命智通各各自見過去殺父害母及諸重罪於自心內各各懷疑於甚深法不能證入。於是文殊承佛神力。遂手握利劍持逼如來世尊。乃謂文殊曰。住住。不應作逆。勿得害吾。吾必被害。爲善被害。文殊師利爾從本已來。無有我人。但以內心見有我人。內心起時。我必被害。卽名爲害。於是五百比丘同讚歎曰。文殊大智士。深達法源底。自手握利劍持逼如來身。如劍佛亦爾。一相無有二。無相無所生。是中云何殺。頌世尊敲髑髏問著婆生。何道曰。生人又道。敲一生何道曰。生天。又敲一耆闍。問頌世尊因地。布髮掩泥獻花於然燈。然燈見布髮處。遂約退衆。乃指地曰。此一方地宜建一梵刹。時衆中有一賢于長者。持標於指處插曰。建梵刹竟。時諸天散花讚曰。庶子有大智矣。頌世尊因七賢女遊屍陀林一女指屍。

城東老母

多子塔前付法

曰屍在這裏人向甚處去一女曰作麼作麼諸姊諦觀各各契悟感帝釋散花曰惟願聖姊有何所須我當終身供給女曰我家四事七珍悉皆具足唯要三般物一要無根樹一株二要無陰陽地一片三要叫不響山谷一所帝釋曰一切所須我悉有之若三般物我實無得女曰汝若無此爭解濟人帝釋罔措遂同往白佛佛言憍尸迦我諸弟子大阿羅漢不解此義唯有諸大菩薩乃解此義頌城東有一老母與佛同生而不欲見佛每見佛來即便回避雖然如此回顧東西總皆是佛遂以手掩面於十指掌中亦總是佛頌殃崛摩羅因持鉢至一長者門其家婦人正值產難子母未分長者曰瞿曇弟子汝爲至聖當有何法能免產難殃崛語長者曰我乍入道未知此法待我回問世尊却來相報及返具事白佛佛告殃崛汝速去報言我自從賢聖法來未曾殺生殃崛奉佛語疾往告之其婦得聞當時分娩頌世尊至多子塔前命摩訶迦葉分座令坐以僧伽黎圍之遂告曰吾以正法眼藏密付於汝汝當護持傳付將來頌世尊臨

西天祖師

西天祖師

西天祖師

入涅槃文殊大士請佛再轉法輪世尊咄曰文殊吾四十九年住世未曾說一字汝請吾再轉法輪是吾曾轉法輪邪頌世尊於涅槃會上以手摩胃告衆曰汝等善觀吾紫磨金色之身瞻仰取足勿令後悔若謂吾滅度非吾弟子若謂吾不滅度亦非吾弟子時萬億衆悉皆契悟一祖摩訶迦葉尊者頌見世尊在靈山會上拈花示衆是時衆皆默然唯迦葉破顏微笑世尊曰吾有正法眼藏涅槃妙心實相無相微妙法門不立文字教外別傳付囑摩訶迦葉頌古稱異二祖阿難尊者頌一日問迦葉曰師兄世尊傳金襴袈裟外別傳箇甚麼迦葉召阿難阿難應諾迦葉曰倒却門前刹竿著四祖優波毬多尊者在世化導證果最多每度一人以一籌置於石室其室縱十八肘廣十二肘充滿其間最後有一長者子名曰香衆來禮尊者志求出家尊者問曰汝身出家心出家答曰我來出家非爲身心尊者曰不爲身心復誰出家答曰入出家者無我

我故無我。我故即心不生。滅心不生。滅即是常道。諸佛亦常。心無形相。其體亦然。尊者曰。汝當大悟。心自通達。宜依佛法。僧紹隆聖種。

西天祖師

八祖佛陀難提尊者頌九祖伏馱密多問祖曰。父母非我親。誰是最親者。諸佛非我道。誰是最道者。祖以偈答曰。汝言與心親。父母非可比。汝行與道合。諸佛心即是。外求有相佛。與汝不相似。欲識汝本心。非合亦非離。

西天祖師

十祖脇尊者頌至一林中有富那夜奢合掌前立。祖問汝從何來。奢曰。我心非往。祖曰。汝何處住。曰。我心非止。祖曰。汝不定邪。曰。諸佛亦然。祖曰。汝非諸佛。曰。諸佛亦非。祖知是法器。即與剃度。付法說偈曰。真體自然真。因真說有理。領得真真法。無行亦無止。

西天祖師

十一祖富那夜奢尊者尋詣波羅奈國有馬鳴大士。迎而作禮。問曰。我欲識佛何者。即是祖曰。汝欲識佛。不識者是。曰。佛既不識。焉知是乎。祖曰。既不識佛。焉知不是。曰。此是鋸義。祖曰。彼是木義。祖問鋸義者何。曰。與師平出。馬鳴却問木義者何。祖曰。汝被我解。馬

鳴豁然省悟。

西天祖師

佛性體相

十四祖龍樹尊者至南印度。彼國之人多信福業。祖爲說法。通相謂曰。人有福業。世間第一。徒言佛性。誰能觀之。祖曰。汝欲見佛性。先須除我慢。彼人曰。佛性大小。祖曰。非大非小。非廣非狹。無福無報。不死不生。彼聞理勝。悉回初心。祖復於座上現自在身。如滿月輪。一切衆唯聞法音。不覩祖相。彼衆中有長者子名迦那提婆。謂衆曰。識此相否。衆曰。目所未覩。安敢辨識。提婆曰。此是尊者現佛性體相。以示我等。何以知之。蓋以無相三昧。形如滿月。佛性之義。廓然虛明。言訖。輪相即隱。復居本座。而說偈言。身現圓月相。以表諸佛體。說法無其形。用辨非聲色。彼衆聞偈。頓悟無生。

西天祖師

園樹生耳

十五祖迦那提婆尊者頌謁龍樹大士。將及門。龍樹知是智人。先遣侍者以滿鉢水置於座前。尊者觀之。即以一針投之。而進。欣然契會。○祖至迦毗羅國。彼有長者曰。梵摩淨德。一日園樹生耳。如菌味甚美。唯長者與第二子羅睺羅多取而食之。取已。隨長盡而

復生自除親屬皆不能見祖知其宿因遂至其家長者。迺問其故。祖曰。汝昔曾供養一比丘。然此比丘道眼未明。以虛妄信。施故報爲木蘭。唯汝與子精誠供養。得以享之餘。卽否矣。又問長者年多少。答曰。七十有九。祖乃說偈曰。入道不通理。復身還信。施汝年八十一。此樹不生耳。長者聞偈已。彌加歎伏。且曰。弟子衰老。不能事師。願捨次子。隨師出家。

西天祖師

十七祖僧伽難提尊者。行化至摩提國。見山舍一童子。持圓鑑直造祖前。祖問汝幾歲。邪曰。百歲。祖曰。汝年尙幼。何言百歲。童子曰。我不會理。正百歲耳。祖曰。汝善機邪。童子曰。佛言。若人生百歲。不會諸佛機。未若生一日而得決了之。祖曰。汝手中者當何所表。童子曰。諸佛大圓鑑。內外無瑕翳。兩人同得見。心眼皆相似。彼父母聞子語。卽捨令出家。祖携至本處。授具戒。訖名伽耶舍多。他時聞風吹殿鈴聲。祖問曰。鈴鳴邪。風鳴邪。舍多曰。非風鈴鳴。我心鳴耳。祖曰。心從誰乎。舍多曰。俱寂靜。故祖曰。善哉。善哉。繼吾道者。非子而誰。卽付法眼。

殿鈴鳴

西天祖師

善惡報有三時

業從惑生

西天祖師

離一作羅

十九祖鳩摩羅多尊者。至中天竺國。有大士名闍夜多。問曰。我家父母素信三寶。而常縈疾病。凡所營作。皆不如意。而我隣家。久爲旃陀羅行。而身常勇健。所作和合。彼何幸而我何辜。祖曰。何足疑乎。且善惡之報。有三時焉。凡人但見仁夭暴壽。逆吉義凶。便謂亡因果。虛罪福。殊不知影響相隨。毫釐靡忒。縱經百千萬劫。亦不磨滅。時闍夜多聞是語已。頓釋所疑。祖曰。汝雖已信三業。而未明業從惑生。惑因識有。識依不覺。不覺依心。心本清淨。無生滅。無造作。無報應。無勝負。寂寂然。靈靈然。汝若入此法門。可與諸佛同矣。一切善惡。有爲無爲。皆如夢幻。闍夜多承言。領旨。卽發宿慧。祖乃付法眼。偈曰。性上本無生。爲對求人說。於法既無得。何懷決不決。又云。此是妙音。如來見性之句。汝宜傳布後學。

二十祖闍夜多尊者。北天竺國人也。智慧淵沖。化導無量。後至離閼城。敷揚頓教。彼有學衆。唯尙辯論。爲之首者。名婆修盤頭。此云常一時不臥。六時禮佛。清淨無欲。爲衆所歸。祖將欲度之。先問彼衆曰。此偏行

苦行

經念即斷

過慢

頭陀能脩梵行可得佛道乎衆曰我師精進何故不可祖曰汝師與道遠矣設苦行歷於塵劫皆虛妄之本也衆曰尊者蘊何德行而譏我師祖曰我不求道亦不顛倒我不禮佛亦不輕慢我不長坐亦不懈怠我不一食亦不雜食我不知足亦不貪欲心無所希名之曰道時徧行聞已發無漏智歡喜讚歎祖又語彼衆曰會吾語否吾所以然者爲其求道心切夫絃急即斷故吾不贊令其住安樂地入諸佛智復告徧行曰吾適對衆抑挫仁者得無惱於衷乎徧行曰我憶念七劫前生常安樂國師於智者月淨記我非久當證斯陀含果時有大光明菩薩出世我以老故策杖禮謁師叱我曰重子輕父一何鄙哉時我自謂無過請師示之師曰汝禮大光明菩薩以杖倚壁畫佛面以此過慢遂失二果我責躬悔過以來聞諸惡言如風如響況今獲飲無上甘露而返生熱惱邪惟願大慈以妙道垂誨祖曰汝久植衆德當繼吾宗聽吾偈曰言下合無生同於法界性若能如是解通達事理竟

四天祖師

四天祖師

張伏五家

二十三祖鶴勒尊者年七歲遊行聚落觀民間淫祀乃入廟叱之曰汝妄與禍福幻惑於人歲費牲牢傷害斯甚言訖廟貌忽然而壞由是鄉黨謂之聖子○有師子歸依尊者而問曰我欲求道當用何心祖曰汝欲求道無所用心曰既無用心誰作佛事祖曰汝若有用卽非功德汝若無作卽是佛事經云我所作功德而無我所故師子聞是語已卽入佛慧二十四祖師子尊者自得法遊乃至罽賓國有波利迦者本習禪觀故有禪定知見執相捨相不語之五衆祖詰而化之四衆皆默然心服唯禪定師達磨達者聞四衆被責憤憤而來祖曰仁者習定何當來此既至于此胡云習定彼曰我雖來此心亦不亂定隨人習豈有處所祖曰仁者既來其習亦至既無處所豈在人習彼曰定習人故非人習定我當來此其定常習祖曰人非習定定習人故當自來時其定誰習彼曰如淨明珠內外無翳定若通達必當如此祖曰定若通達一似明珠今見仁者非珠之徒彼曰其珠明徹內外悉定我心不亂猶若此淨祖曰其珠無內

師子頭落處
實得證

外仁者何能定穢物非動搖此定不是淨達磨達蒙
師開悟心地朗然祖既攝五衆名聞遐邇頌因屬賓
國王秉劍至尊者所問曰師得蘊空否祖曰已得蘊
空王曰離生死否祖曰已離生死王曰既離生死可
施我頭祖曰身非我有何怪於頭王即揮刃斷尊者
首白乳涌高數尺王之右臂旋亦墮地

王請寶

西天祖師

二十七祖般若多羅尊者東印度人也行化至南印
度彼王名香至崇奉佛乘尊重供養度越倫等又施

東土初祖

三王子辨珠

無價寶珠時王有三子曰月淨多羅曰功德多羅曰
菩提多羅其季開士也祖欲試其所得乃以所施珠
問三王子曰此珠圓明有能及否第一王子第二王
子皆曰此珠七寶中尊固無踰也非尊者道力孰能
受之第三王子曰此是世寶未足爲上於諸寶中法
寶爲上此是世光未足爲上於諸光中智光爲上此
是世明未足爲上於諸明中心明爲上此諸光明不
能自照要假智光光辨於此既辨此已即知是珠既
知是珠即明其寶若明其寶寶不自寶若辨其珠珠
不自珠珠不自珠者要假智珠而辨世珠寶不自寶

般若多羅預
囑

者要假智寶以明法寶然則師有其道其實即現衆
生有道心寶亦然祖歎其辨慧乃復問曰於諸物中
何物無相曰於諸物中不起無相又問於諸物中何
物最高曰於諸物中人我最高又問於諸物中何物
最大曰於諸物中法性最大頌祖因東印度國王請
祖齋次王乃問諸人盡轉經唯師爲甚不轉祖曰貧
道出息不隨衆緣入息不屏蘊界常轉如是經百千
萬億卷非但一卷兩卷

菩提達磨大師者南天竺國香至王第三子也姓利
帝利本名菩提多羅後遇二十七祖般若多羅至本
國受王供養知師密跡因試令與二兄辨所施寶珠
發明心要既而尊者謂曰汝於諸法已得通量夫達
磨者通大之義也宜名達磨因改號菩提達磨祖乃
告尊者曰我既得法當往何國而作佛事願垂開示
者曰汝雖得法未可遠遊且止南天待吾滅後六十
七載當往震旦設大法藥直接上根慎勿速行衰於
日下祖恭稟教義服勤左右垂四十年未嘗廢闕迨
尊者順世遂演化本國時有二師一名佛大先二名

佛大勝多支離業與

分後六宗

異見王輕毀三寶

佛性出現

佛大勝多本與祖同學佛陀跋陀小乘禪觀佛大先
 既遇般若多羅尊者捨小趣大與祖並化時號二甘
 露門矣而佛大勝多更分徒而為六宗第一有相宗
 第二無相宗第三定慧宗第四戒行宗第五無得宗
 第六寂靜宗各封已解別展化源聚落崢嶸徒眾甚
 盛祖喟然嘆曰彼之一師已陷牛跡況復支離繁興
 而分六宗我若不除永纏邪見言已微現神力至有
 相宗乃至寂靜宗所彼各尊者聞師指誨豁然開悟
 既而六眾咸誓歸依由是化被南天聲馳五印經六
 十載度無量眾頌後值異見王輕毀三寶因問波羅
 提尊者無相宗首何者是佛者曰見性是佛王曰師見性
 否曰我見佛性王曰性在何處曰性在作用王曰是
 何作用我今不見曰今現作用王自不見王曰於我
 有否曰王若作用無有不是王若不用體亦難見王
 曰若當用時幾處出現曰若出現時當有其八王曰
 其八出現當為我說波羅提即說偈曰在胎為身處
 世為人在眼曰見在耳曰聞在鼻辨香在口談論在
 手執捉在足運奔徧現俱該沙界收攝在一微塵識

武帝詔至金

少林面談

者知是佛性不識喚作精魂王聞偈已心即開悟悔
 謝前非○祖念震旦緣熟行化時至遂沉重溘凡三
 周寒暑造于南海實梁普通七年庚子歲九月二寸
 一日也廣州刺史蕭昂具主禮迎接表聞 武帝帝
 覽奏遣使賁詔迎請十月一日至金陵帝問曰朕即
 位已來造寺寫經度僧不可勝紀有何功德祖曰並
 無功德帝曰何以無功德祖曰此但人天小果有漏
 之因如影隨形雖有非實帝曰如何是真功德祖曰
 淨智妙圓體自空寂如是功德不以世求評頌帝又
 問如何是聖諦第一義祖曰廓然無聖帝曰對朕者
 誰祖曰不識帝不領悟頌古上云師遂折蘆渡江至魏後帝舉問詰公公曰陛下
 識此人否曰不識詰曰此是觀音大士傳佛心印曰
 當遣使詔之詰曰莫道陛下詔盡國人去他亦不回
 祖知機不契潛回江北屆于洛陽當魏孝明帝正光
 元年也寓止于嵩山少林寺面壁而坐終日默然人
 莫之測謂之壁觀婆羅門頃時有僧神光者近聞達
 磨大士住止少林至人不遙當造玄境乃往彼晨夕
 參承祖常端坐面壁莫聞誨勸光自惟曰昔人求道
 敲骨取髓刺血濟饑布髮掩泥投崖飼虎古尚若此

神光立雪

斷臂

安心

三拜得髓

我又何人其年十二月九日夜天大雨雪光堅立不動遲明積雪過膝祖憫而問曰汝久立雪中當求何事光悲淚曰惟願和尚慈悲開甘露門廣度羣品祖曰諸佛無上妙道曠劫精勤難行能行非忍而忍豈以小德小智輕心慢心欲冀真乘徒勞勤苦光聞祖誨勵潛取利刀自斷左臂置于祖前祖知是法器乃曰諸佛最初求道爲法忘形汝今斷臂吾前求亦可在祖遂因與易名曰慧可乃曰諸佛法印可得聞乎祖曰諸佛法印匪從人得可曰我心未寧乞師與安祖曰將心來與汝安可良久曰覓心了不可得祖曰我與汝安心竟願越九年欲返天竺命門人曰時將至矣汝等盍各言所得乎時有道副對曰如我所見不執文字不離文字而爲道用祖曰汝得吾皮尼總持曰我今所解如慶喜見阿閼佛國一見更不再見祖曰汝得吾肉道育曰四大本空五陰非有而我見處無一法可得祖曰汝得吾骨最後慧可禮拜依位而立祖曰汝得吾髓○乃顧慧可而告之曰昔如來以正法眼付迦葉大士展轉囑累而至於我我今付

集慶西歸

◆汝慧法

五度中華

楞伽經

汝汝當護持并授汝袈裟以爲法信各有所表宜可知矣可曰請師指陳祖曰內傳法印以契證心外付袈裟以定宗旨後代澆薄疑慮競生云吾西天之人言汝此方之子憑何得法以何證之汝今受此衣法却後難生但出此衣并吾法偈用以表明其化無礙至吾滅後二百年衣止不傳法周沙界明道者多行道者少說理者多通理者少潛符密證千萬有餘汝當闡揚勿輕未悟一念回機便同本得聽吾偈曰吾本來茲土傳法救迷情一華開五葉結果自然成祖又曰吾有楞伽經四卷亦用付汝即是如來心地要門令諸衆生開示悟入吾自到此凡五度中毒我嘗自出而試之置石石裂緣吾本離南印來此東土見赤縣神州有大乘氣象遂踰海越漠爲汝求人際會未諸如愚若訥今得汝傳授吾意已終○別記云祖九年爲二祖說法極致外息諸緣內心無喘心如牆壁可以入道慧可種種說心性皆未契理祖祖遮其非不爲說無念心體可忽曰我已息諸緣祖曰莫成斷滅去否可曰不成斷滅祖曰此是諸佛所傳心體更無疑也言已端居而逝領葬熊耳山起塔於定林寺後三歲魏宋雲奉使西域回過祖於葱嶺見手携隻履翩翩

周武帝破
滅佛法

獨逝雲間師何往。祖曰：西天去。雲歸具說其事。及門人啓墳。唯空棺一隻。草履存焉。舉朝爲之驚嘆。奉詔取遺履於少林寺供養。○初梁武遇祖。因緣未契。及聞化行魏邦。遂欲自撰師碑而未暇也。後聞宋雲事。乃成之。代宗謚圓覺大師。塔曰空觀。

東土二祖

信心銘

慧可大師得法傳衣事跡。達磨章具之矣。自少林託化。西歸大師。繼闡玄風。博求法嗣。頌至北齊。天平二年。有一居士年踰四十。不言名氏。聿來設禮。而問祖曰：弟子身纏風恙。請和尚懺罪。祖曰：將罪來。與汝懺。

不識玄旨

羅忘心滅

士良久曰：覓罪不可得。祖曰：與汝懺。罪竟宜依佛法。僧住士曰：今見和尚已知是僧。未審何名。佛法祖曰：是心是佛。是心是法。法佛無二。僧寶亦然。士曰：今日始知罪性不在內。不在外。不在中間。如其心然。佛法無二也。祖深器之。卽爲剃髮。云：是吾寶也。宜名僧璨。於光福寺受具。自茲疾漸愈。執侍經二載。祖乃告曰：菩提達磨遠自竺乾。以正法眼藏并信衣密付於吾。吾今授汝。汝當守護。無令斷絕。

東土三祖

僧璨大師初以白衣謁二祖。既受度。傳法隱于舒州。

之皖公山。屬後周武帝破滅佛法。祖往來太湖縣司空山。居無常處。積十餘載。時人無能知者。頌至隋開皇十二年壬子歲。有沙彌道信。年始十四。來禮祖曰：願和尚慈悲。乞與解脫法門。祖曰：誰縛汝？曰：無人縛。祖曰：何更求解脫乎？信於言下大悟。服勞九載。祖屢試以玄微。知其緣熟。乃付衣法。○祖信心銘曰：至道無難。唯嫌揀擇。但莫憎愛。洞然明白。毫釐有差。天地懸隔。欲得現前。莫存順逆。違順相爭。是爲心病。不識玄旨。徒勞念靜。圓同太虛。無欠無餘。良由取舍。所以不如。莫逐有緣。勿住空忍。一種平懷。泯然自盡。止動歸止。止更彌動。唯滯兩邊。寧知一種。一種不通。兩處失功。遣有沒。有從空背。空多言多慮。轉不相應。絕言絕慮。無處不通。歸根得旨。隨照失宗。須臾返照。勝却前空。前空轉變。皆由妄見。不用求真。唯須息見。二見不住。慎莫追尋。纔有是非。紛然失心。二由一。有一亦莫守。一心不生。萬法無咎。無咎無法。不生不心。能由境滅。境逐能沈。境由能境。能由境能。欲知兩段元是一空。一空同兩。齊含萬象。不見精麤。寧有偏黨。大道

愚入自誇

體寬無易無難小見狐疑轉急轉遲執之失度必入邪路放之自然體無去住任性合道逍遙絕惱緊念乖真昏沉不好不好勞神何用踈親欲取一乘勿惡六塵六塵不惡還同正覺智者無爲愚人自縛法無異法妄自愛著將心用心豈非大錯迷生寂亂悟無好惡一切二邊良由斟酌夢幻空花何勞把捉得失是非一時放却眼若不睡諸夢自除心若不異萬法一如一如體立兀爾忘緣萬法齊觀歸復自然泯其所以不可方比止動無動動止無止兩既不成一何有爾究竟窮極不存軌則契心平等所作俱息狐疑淨盡正信調直一切不留無可記憶虛明自照不勞心力非思量處識情難測真如法界無他無自要急相應唯言不二不二皆同無不包容十方智者皆入此宗宗非促延一念萬年無在不在十方目前極小同大忘絕境界極大同小不見邊表有卽是無無卽是有若不如是必不須守一卽一切一切卽一但能如是何慮不畢信心不二不二信心言語道斷非去來今

東土四祖

橫出一枝

三却天書

東土五祖

道信大師生而超異幼慕空宗諸解脫門宛如宿習既嗣祖風攝心無寐脇不至席者僅六十年後住破山頭學侶雲臻一日往黃梅縣路逢一小兒骨相奇秀異乎常童祖問曰子何姓答曰姓卽有不是常姓祖曰是何姓答曰是佛性祖曰汝無姓邪答曰性空故無祖默識其法器卽俾侍者至其母所乞令出家母以宿緣故殊無難色遂捨爲弟子以至付法傳衣一日告衆曰吾武德中游廬山登絕頂望破頭山見紫雲如蓋下有白氣橫分六道汝等會否衆皆默然弘忍曰莫是和尙他後橫出一枝佛法否祖曰善後貞觀癸卯歲太宗嚮師道味欲瞻風彩詔赴京祖上表遜謝前後三返竟以疾辭第四度命使曰如果不起卽取首來使至山諭旨祖乃引頸就刃神色儼然使異之回以狀聞帝彌加欽慕就賜珍繒以遂其志弘忍大師蘄州黃梅人也頌先爲破頭山中栽松道者嘗請於四祖曰法道可得聞乎祖曰汝已老脫有聞其能廣化邪儻若再來吾尙可遲汝迺去行水邊

機密通寄

盧居士來參

入確坊服勞
杵曰

神秀偈

見一女子浣衣揖曰寄宿得否女曰我有父兄可往求之曰諾我即敢行女首肯之遂回棨而去女周氏季子也歸輒孕父母大惡逐之女無所歸日傭紡里中夕止於衆館之下已而生一子以爲不祥因拋濁港中明日見之泝流而上氣體鮮明大驚遂舉之成童隨母乞食里人呼爲無姓兒逢一智者歎曰此子缺七種相不逮如來後遇信大師得法嗣化於破頭山○咸亨中有一居士姓盧名慧能自新州來參謁祖問曰汝自何來盧曰嶺南祖曰欲須何事盧曰唯求作佛祖曰嶺南人無佛性若爲得佛盧曰人即有南北佛性豈然祖知是異人乃訶曰著槽廠去盧禮足而退便入確坊服勞於杵白之間晝夜不息經八月祖知付授時至遂告衆曰正法難解不可徒記吾言持爲已任汝等各自隨意述一偈若語意冥符則衣法皆付時會下七百餘僧上座神秀者學通內外衆所宗仰咸推稱曰若非尊秀曠敢當之神秀竊聆衆譽不復思惟乃於廊壁書一偈曰身是菩提樹心如明鏡臺時時勤拂拭莫使惹塵埃祖因經行忽見

盧和偈

三鼓入空密
示心宗

今以上經脫
今字

此偈知是神秀所述乃讚歎曰後代依此修行亦得勝果各令念誦盧在確坊忽聆誦偈乃問同學是何章句同學曰汝不知和尚求法嗣令各述心偈此則秀上座所述和尚深加歎賞必將付法傳衣也盧曰其偈云何同學爲誦盧良久曰美則美矣了則未了同學訶曰庸流何知勿發狂言盧曰子不信邪願以一偈和之同學不答相視而笑盧至夜密告一童子引至廊下盧自秉燭請別駕張日用於秀偈之側寫一偈曰菩提本無樹明鏡亦非臺本來無一物何處惹塵埃祖後見此偈曰此是誰作亦未見性衆聞斯語遂不之顧逮夜祖潛詣確坊問曰米白也未盧曰白也未有篩祖於確以杖三擊之盧即以三鼓入室祖告曰諸佛出世爲一大事故隨機大小而引導之遂有十地三乘頓漸等旨以爲教門然以無上微妙祕密圓明真實正法眼藏付于上首大迦葉尊者展轉傳授二十八世至達磨屈于此土得可大師承襲以至于今以法寶及所傳袈裟用付於汝善自保護無令斷絕聽吾偈曰有情來下種因地果還生無情

臨受衣法南

既無種無性亦無生。盧行者跪受衣法。啓曰。法則既受。衣付何人。祖曰。昔達磨初至。人未之信。故傳衣以明得法。今信心已熟。衣乃爭端。止於汝身。不復傳也。且當遠隱。俟時行化。所謂受衣之人。命如懸絲也。盧曰。當隱何所。祖曰。逢懷卽止。遇會且藏。盧禮足已。捧衣而出。是夜南邁。大衆莫知。

東土六祖

印宗微風旛

慧能大師造黃梅之東山。忍大師一見默而識之。頌後傳衣法。令隱于懷集。四會之間。屆南海。遇印宗法師於法性寺。講涅槃經。祖寓止廊廡間。暮夜風颺。剎旛聞。二僧對論。一曰。旛動。一曰。風動。往復酬答。曾未契理。祖曰。可容俗流。輒預高論否。直以風旛非動。動自心耳。印宗竊聆此語。竦然異之。明日邀祖入室。徵風旛之義。祖具以理告。印宗不覺起立曰。行者定非常人。師爲是誰。祖更無所隱。直敘得法。因由於是。印宗執弟子之禮。請授禪要。乃告四衆曰。印宗具足凡夫。今遇肉身菩薩。乃指座下。盧居士曰。卽此是也。因請出所傳信衣。悉令瞻禮。會諸名德爲之剃髮。就法性寺。智光律師授滿分戒。後返曹谿。雨大法雨。學者

中宗通詳簡
馳語諸祖辭

道由心悟

二乘小見大
乘見解

不下千數。○中宗神龍元年。降詔云。朕請安秀二師。宮中供養。萬機之暇。每究一乘二師。並推讓曰。南方有能禪師。密受忍大師衣法。可就彼問。令遣內侍薛簡。馳詔迎請。願師慈念。速赴上京。祖上表辭疾。願終林麓。簡曰。京城禪德。皆云欲得會道。必須坐禪習定。若不因禪定而得解脫者。未之有也。未審師所說法。如何。祖曰。道由心悟。豈在坐也。經云。若見如來。若坐若臥。是行邪道。何故無所從來。亦無所去。若無生滅。是如來清淨禪。諸法空寂。是如來清淨坐。究竟無證。豈況坐邪。簡曰。弟子回主上必問。願和尚慈悲指示。心要。祖曰。道無明暗。明暗是代謝之義。明暗無盡。亦是有盡。相待立名。故經云。法無有比。無相待故。簡曰。明喻智慧。暗況煩惱。修道之人。儻不以智慧照破煩惱。無始生死。憑何出離。祖曰。煩惱卽是菩提。無二無別。若以智慧照煩惱者。此是二乘小見。羊鹿等機。大智上根。悉不如是。簡曰。如何是大乘見解。祖曰。明與無明。其性無二。無二之性。卽是實性。實性者。處凡愚而不滅。在賢聖而不增。住煩惱而不亂。居禪定而不

心外無建立

一相三昧

一行三昧

至此不傳衣

寂不斷不常不來不去不在中間及其內外不生不滅性相如如常住不遷名之曰道。簡曰師說不生不滅何異外道。祖曰外道所說不生不滅者將滅止生以生顯滅滅猶不滅生說無生我說不生不滅者本自無生今亦無滅所以不同外道。汝若欲知心要但一切善惡都莫思量自然得入清淨心體湛然常寂妙用恒沙。簡蒙指教豁然大悟。禮辭歸闕。○祖一日謂衆曰汝等諸人自心是佛更莫狐疑外無一物而能建立皆是本心生萬種法。故經云心生種種法生心滅種種法滅。若欲成就種智須達一相三昧一行三昧。若於一切處而不住相彼相中不生憎愛亦無取捨不念利益成壞等事安閒恬靜虛融澹泊此名一相三昧。若於一切處行住坐臥純一直心不動道場真成淨土。名一行三昧。若人具二三昧如地有種能含藏長養成就其實一相一行亦復如是。我今說法猶如時雨溥潤大地。汝等佛性譬諸種子遇茲霑洽悉得發生。承吾旨者決獲菩提依吾行者定證妙果。○先天元年告諸四衆曰吾忝受忍大師衣法今

切訓

卷二 已下異本

四祖旁出

百鳥銜花

爲汝等說法不付其衣蓋汝等信根淳熟決定無疑堪任大事聽吾偈曰心地含諸種普雨悉皆生。頓悟華情已菩提果自成。說偈已復曰其法無二其心亦然其道清淨亦無諸相。汝等慎勿觀淨及空其心此心本淨無可取捨各自努力隨緣好去。嘗有僧舉臥輪禪師偈曰臥輪有伎倆能斷百思想對境心不起。菩提日日長。祖聞之曰此偈未明心要若依而行之是加繫縛因示偈曰慧能沒伎倆不斷百思想對境心數起菩提作麼長。祖說法利生經四十載門人記錄目爲壇經盛行于世。 會元一卷終

旁出

牛頭山法融禪師年十九學通經史尋閱大部般若曉達真空忽一日歎曰儒道世典非究竟法般若正觀出世舟航遂隱茅山投師落髮。頌後入牛頭山幽棲寺北巖之石室有百鳥銜花之異。唐貞觀中四祖遙觀氣象知彼山有奇異之人乃躬自尋訪問寺僧此間有道人否曰出家兒那箇不是道人祖曰阿那箇是道人僧無對別僧曰此去山中十里許有一懶

觀心

石上雲佛字

真要

任心自在

融見人不起亦不合掌。莫是道人麼？祖遂入山見師。端坐自若。曾無所顧。祖問曰：「在此作甚麼？」師曰：「觀心。」祖曰：「觀是何人？心是何物？」師無對。便起作禮。曰：「大德高棲何所？」祖曰：「貧道不決所止。或東或西。」師曰：「還識道信禪師否？」祖曰：「何以問他？」師曰：「鬱德滋久。冀欲禮謁。」祖曰：「道信禪師貧道是也。」師曰：「因何降此？」祖曰：「特來相訪。莫更有宴息之處否？」師指後面曰：「別有小庵。」遂引祖至庵。所遶庵唯見虎狼之類。祖乃舉兩手作怖勢。師曰：「猶有這箇在。」祖曰：「這箇是甚麼？」師無語。少選。祖却於師宴坐石上。書一佛字。師觀之。竦然。祖曰：「猶有這箇在。」師未曉。乃稽首請說。真要。祖曰：「夫百千法門。同歸方寸。河沙妙德。總在心源。一切戒門。定門。慧門。神通變化。悉自具足。不離汝心。一切煩惱業障。本來空寂。一切因果。皆如夢幻。無三界可出。無菩提可求。人與非人。性相平等。大道虛曠。絕思絕慮。如是之法。汝今已得。更無闕少。與佛何殊？更無別法。汝但任心自在。莫作觀行。亦莫澄心。莫起貪瞋。莫懷愁慮。蕩蕩無礙。任意縱橫。不作諸善。不作諸惡。行住坐臥。」

頓教法門

牛頭頤

觸目遇緣。總是佛之妙用。快樂無憂。故名爲佛。師曰：「心既具足。何者是佛？何者是心？」祖曰：「非心。不問佛。問佛。非不心。」師曰：「既不許作觀行。於境起時。心如何對治？」祖曰：「境緣無好醜。好醜起於心。心若不強。名妄情從何起？妄情既不起。真心任徧。知汝但隨心自在。無復對治。卽名常住。法身無有變異。吾受璨大師頓教法門。今付於汝。汝今諦受。吾言只住此山。向後當有五人達者。紹汝緣化。祖付法訖。遂返雙峰。終老師自是法席大盛。○唐永徽中。徒衆乏糧。師往丹陽緣化。去山八十里。躬負米一石八斗。朝往暮還。供僧三百二時不闕三年。牛頭智嚴禪師。一日宴坐。觀異僧身長丈餘。神姿爽拔。詞氣清朗。謂師曰：「卿八十生出家。宜加精進。言訖不見。嘗在谷中入定。山水暴漲。師怡然不動。其水自退。師後謁融禪師。發明大事。融謂師曰：「吾受信大師真訣。所得都亡。設有一法勝過涅槃。吾說亦如夢幻。夫一塵飛而翳天。一芥墮而覆地。汝今已過此見。吾復何云？」

嗣牛頭威

鍾山曇曜禪師初謁融禪師融目而奇之乃告之曰色聲爲無生之鴆毒受想是主人之坑穽子知之乎師默而審之大悟玄旨尋晦迹鍾山多歷年所茅庵瓦岳以終老焉

嗣牛頭持

牛頭智威禪師謁法持禪師傳授正法自爾江左學徒皆奔走門下有慧忠者目爲法器師嘗有偈示曰余本性虛無緣妄生人我如何息妄情還歸空處坐忠答曰虛妄是實體人我何所存妄情不須息卽汎般若船師知其了悟乃付以院事隨緣化導

嗣牛頭威

牛頭慧忠禪師平生一衲不易器用唯一鑑嘗有供僧穀兩廩盜者窺伺虎爲守之縣令張遜者至山頂謁問師有何徒弟師曰有三五人遜曰如何得見師敲禪牀有三虎哮吼而出遜驚怖而退師有安心偈曰人法雙淨善惡兩忘直心眞實菩提道場

嗣牛頭威

安國玄挺禪師初參威禪師侍立次有講華嚴僧問眞性緣起其義云何威良久師遽答曰大德正與一念問時是眞性中緣起其僧言下大悟

嗣牛頭威

天柱崇慧禪師僧問達磨未來此土時還有佛法也

無師曰未來且置卽今事作麼生曰某甲不會乞師指示師曰萬古長空一朝風月僧無語師復曰闍黎

會麼曰不會師曰自己分上作麼生干他達磨來與未來作麼他家來大似賣卜漢見汝不會爲汝雖破卦文纔生吉凶若作汝分上一切自看僧曰如何是解卜底人師曰汝自出門時便不中也○問亡僧遷

化向甚麼處去也師曰隔嶽峯高長積翠舒江明月色光輝○問如何是大通智勝佛師曰曠大劫來未曾墮滯不是大通智勝佛是甚麼曰爲甚麼佛法不

現前師曰只爲汝不會所以佛不現前汝若會去亦無佛可成○問如何是西來意師曰白猿抱子來青

嶂蜂蝶銜花綠蕊問

鶴林玄素禪師一日有屠者禮謁願就所居辦供師欣然而往衆皆見訝師曰佛法平等賢愚一致但可

度者吾就度之復何差別之有頌有僧扣門師問是甚麼人曰是僧師曰非但是僧佛來亦不著曰爲甚麼不著師曰無汝棲泊處

佛國惟則禪師初謁忠禪師大悟玄旨乃曰天地無

佛國惟則禪師初謁忠禪師大悟玄旨乃曰天地無

佛國惟則禪師初謁忠禪師大悟玄旨乃曰天地無

物也是我無物也。雖無物也而未嘗無物也。如此則聖人如夢。百姓如夢。孰為死生哉。至人以此能獨照。能為萬物主。吾知之矣。

性即佛

徑山道欽禪師。初服膺儒教。年二十八。遇素禪師。謂之曰。觀子神氣溫粹。真法寶也。師感悟。因求為弟子。素躬與落髮。乃戒之曰。汝乘流而行。逢徑即止。師遂南邁。抵臨安。見東北一山。因問樵者。樵曰。此徑山也。乃駐錫焉。○僧問。如何是道。師曰。山上有鯉魚。海底有蓬塵。頌馬祖。令人送書到書中。作一圓相。師發緘於圓相中。著一點。却封回。忠國師問乃云。欽。師猶被馬師惑。○崔趙

性偏一切處

公問弟子。今欲出家。得否。師曰。出家乃大丈夫事。非將相之所能為。公於是省頌。唐大曆三年。代宗詔至闕下。親加瞻禮。一日。同忠國師在內庭坐。次見帝駕來。師起立。帝曰。師何以起。師曰。檀越何得向四威儀中。見貧道。帝悅。謂國師曰。欲錫欽師一名。國師欣然奉詔。乃賜號國一焉。

極究竟處

雲居智禪師。嘗有華嚴院僧。繼宗問。見性成佛。其義云何。師曰。清淨之性。本來湛然。無有動搖。不屬有無。

四大病

淨穢長短。取捨體自。儵然如是。明見乃名見性。性即佛。佛即性。故曰。見性成佛。曰。性既清淨。不屬有無。因何有見。師曰。見無所見。曰。既無所見。何更有見。師曰。見處亦無。曰。如是見時。是誰之見。師曰。無有能見者。曰。究竟其理。如何。師曰。汝知否。妄計為有。即有能所。乃得名迷。隨見生解。便墮生死。明見之人。即不然。終日見未嘗見。求名處。體相不可得。能所俱絕。名為見性。曰。此性偏一切處。否。師曰。無處不偏。曰。凡夫具否。師曰。上言無見。不偏。豈凡夫而不具乎。曰。因何諸佛菩薩。不被生死所拘。而凡夫獨繫此苦。何曾得偏。師曰。凡夫於清淨性中。計有能所。即墮生死。諸佛大士。善知清淨性中。不屬有無。即能所不立。曰。若如是說。即有能了不了。人師曰。了。尚不可得。豈有能了人乎。曰。至理如何。師曰。我以要言之。汝即應念清淨性中。無有凡聖。亦無了不了。人凡之與聖。二俱是名。若隨名生解。即墮生死。若知假名不實。即無有當名者。又曰。此是極究竟處。若云我能了。彼不能了。即是大病。見有淨穢。凡聖亦是大病。作無凡聖解。又屬撥無。因

果見有清淨性可棲止亦大病作不棲止解亦大病然清淨性中雖無動搖具不壞方便應用及與慈運悲如是與運之處即全清淨之性可謂見性成佛矣繼宗踊躍禮謝而退

鳥窠道林禪師頌詣長安西明寺復禮法師學華嚴經起信論禮示以真妄頌俾修禪那師問曰初云何觀云何用心禮久而無言師三禮而退屬代宗詔國一禪師至闕師乃謁之遂得正法歸於西湖見秦望山有長松枝葉繁茂盤屈如蓋遂棲止其上故以爲名有侍者會通忽一日欲辭去師問曰汝今何往對曰會通爲法出家和尚不垂慈誨今往諸方學佛法去師曰若是佛法吾此間亦有少許曰如何是和尙佛法師於身上拈起布毛吹之通遂領悟玄旨頌白居易侍鄭問如何是佛法大意師曰諸惡莫作衆善奉行白曰三歲孩兒也解甚麼道師曰三歲孩兒難道得八十老人行不得

北宗神秀禪師少親儒業博綜多聞俄捨愛出家尋師訪道遇五祖坐禪爲務乃歎伏曰此真吾師也誓

心苦節以燃汲自役而求其道祖默議之深加器重○師示衆曰一切佛法自心本有將心外求捨父逃走嵩嶽慧安國師唐貞觀中至黃梅謁忍祖遂得心要○有坦然懷讓二僧來參問曰如何是祖師西來意師曰何不問自己意曰如何是自己意師曰當觀密作用曰如何是密作用師以目開合示之然於言下知歸讓乃即謁曹谿○武后徵至輦下待以師禮與秀禪師同加欽重后嘗問師甲子多少師曰不記后曰何不記邪師曰生死之身其若循環無起盡焉用記爲況此心流注中間無間見漚起滅者乃妄想耳從初識至動相滅時亦只如此何年月而可記乎后聞稽顙信受

蒙山道明禪師頌聞五祖密付衣法與盧行者即率同志數十人躡跡追逐至大庾嶺師最先見餘輩未及盧見師奔至即擲衣鉢於盤石曰此衣表信可力爭邪任君將去師遂舉之如山不動踟躕悚慄乃曰我來求法非爲衣也願行者開示於我盧曰不思善不思惡正恁麼時阿那箇是明上座本來面目師當

返照自己面目

下大悟。徧體汗流。泣禮數拜。問曰。上來密語密意。外還更別有意旨否。盧曰。我今與汝說者。卽非密也。汝若返照自己面目。密却在汝邊。師曰。某甲雖在黃梅。隨衆實未省自己面目。今蒙指授入處。如人飲水。冷暖自知。今行者卽是某甲師也。盧曰。汝若如是。則吾與汝同師。黃梅善自護持。

嗣北宗秀

壽州道樹禪師。年將五十出家。遇秀禪師。言下知微。乃卜壽州三峯山結庵而居。常有野人服色素朴。言譚詭異。於言笑外。化作佛形。及菩薩羅漢天仙等形。或放神光。或呈聲響。師之學徒觀之。皆不能測。如此涉十年後。寂無形影。師告衆曰。野人作多色伎倆。眩惑於人。只消老僧不見不聞。伊伎倆有窮。吾不見不聞無盡。

嗣嵩嶽安

降魔藏禪師。遇北宗盛化。便是握衣。秀問曰。汝名降魔。此無山精水怪。汝翻作魔邪。師曰。有佛有魔。秀曰。汝若是魔。必住不思議境界。師曰。是佛亦空。何境界之有。

嗣嵩嶽安

福先仁儉禪師。自嵩山罷。問放曠郊鄺。謂之騰騰和。

嗣嵩嶽安

靈神生天

恁麼甚

本有之性

尙有了元歌行于世

破竈墮和尙。頌隱居嵩嶽山塢。有廟甚靈。殿中唯安一竈。遠近祭祀。不輟烹殺物命。甚多。師一日領侍僧入廟。以杖敲竈三下。曰。咄。此竈只是泥瓦合成。聖從何來。靈從何起。恁麼烹宰物命。又打三下。竈乃傾破。墮落須臾。有一人青衣。戴冠設拜。師曰。是恁麼人。曰。我本此廟竈神。久受業報。今日蒙師說無生法。得脫此處。生在天中。特來致謝。師曰。是汝本有之性。非吾強言。神再禮而沒。少選侍僧問曰。某等久侍和尚。不蒙示誨。竈神得甚麼徑旨。便得生天。師曰。我只向伊道是泥瓦合成。別也無道理。爲伊侍僧無言。師曰。會麼。僧曰。不會。師曰。本有之性。爲甚麼不會。侍僧等乃禮拜。師曰。墮也。墮也。破也。破也。後義豐禪師舉似安國師。安歎曰。此子會盡物我。一如可謂如朗月處空。無不見者。難構伊語。脉豐問曰。未審甚麼人構得他。語脉安曰。不知者。時號爲破竈墮。○僧問物物無形時如何。師曰。禮卽唯汝。非我不禮。卽唯我。非汝其僧乃禮謝。師曰。本有之物。物非物也。所以道心能。

轉物即同如來

嗣嵩山安

神五不能

佛三不能

嗣嵩山安

嵩嶽元珪禪師謁安國師頓悟玄旨遂卜廬於嶽之
龐塢一日有嶽神乞戒師即爲張座付五戒已神乃
曰我神通亞佛師曰汝神通十句五能五不能佛則
十句七能三不能神竦然避席跪啓曰可得聞乎師
曰汝能戾上帝東天行而西七曜乎曰不能師曰汝
能奪地祇融五嶽而結四海乎曰不能師曰是謂五
不能也佛能空一切相成萬法智而不能即滅定業
佛能知羣有性窮億劫事而不能化導無緣佛能度
無量有情而不能盡衆生界是爲三不能也定業亦
不牢久無緣亦是一期衆生界本無增減且無一人
能主其法有法無主是謂無法無法無主是謂無心
如我解佛亦無神通也但能以無心通達一切法爾
神曰我誠淺昧未聞空義師所授戒我當奉行
終南山惟政禪師頌唐文宗好嗜蛤蜊汾海官吏先
時通進人亦勞止一日御饌中有蟹不張者帝以其
異即焚香禱之乃開見菩薩形儀梵相具足帝遂貯
以金粟檀香合覆以美錦賜興善寺令衆僧瞻禮因

唐文宗詔

嗣破庵

無相法師
杜鴻漸問

問羣臣斯何祥也或奏太一山惟政禪師深明佛法
博通強記乞 詔問之帝即頒詔師至帝問其事師
曰臣聞物無虛應此乃啓陛下之信心耳故契經云
應以此身得度者即現此身而爲說法帝曰菩薩身
已現且未聞說法師曰陛下觀此爲常邪非常邪信
邪非信邪帝曰希奇之事朕深信焉師曰陛下已聞
說法竟皇情悅豫得未曾有詔天下寺院各立觀音
像以答殊休

嵩山峻極禪師頌僧問如何修善行人師曰擔枷帶
鎖曰如何是作惡行人師曰修禪入定曰某甲淺機
請師直指師曰汝問我惡惡不從善汝問我善善不
從惡僧良久師曰會麼曰不會師曰惡人無善念善
人無惡心所以道善惡如浮雲俱無起滅處僧於言
下大悟後破竈墮聞學乃曰此子會盡諸法無生
保唐無住禪師唐相國杜鴻漸問曰弟子聞金和尚
說無憶無念莫妄三句法門是否師曰然公曰此三
句是一是三師曰無憶名戒無念名定莫妄名慧一
心不生具戒定慧非一非三也公曰後句妄字莫是

庭樹鳴

從心之忘乎。曰從女者是也。公曰有據否。師曰法句經云若起精進心是妄非精進若能心不妄精進無有涯公聞疑情盪然公又問師還以三句示人否。師曰初心學人還令息念澄停識浪水清影現悟無念體寂然現前無念亦不立也。○于時庭樹鳴。公問師聞否。師曰聞。公曰又問師聞否。師曰聞。公曰去無聲云何言聞。師乃普告大眾曰佛世難值正法難聞各各諦聽。聞無有聞非聞聞性本來不生何曾有滅有聲之時是聲塵自生無聲之時是聲塵自滅而此聞性不隨聲生不隨聲滅。悟此聞性則免聲塵之所轉。當知聞無生滅聞無去來公與僚屬大眾稽首又問何名第一義。第一義者從何次第得入。師曰第一義無有次第亦無出入世諦一切有第一義即無諸法無性性說名第一義。佛言有法名俗諦無性第一義。公曰如師開示實不可思議。

六祖旁出

西域崛多三藏於六祖言下契悟後遊五臺見一僧結庵靜坐師問曰孤坐奚爲。曰觀靜。師曰觀者何人靜者何物。其僧作禮問曰此理如何。師曰汝何不自

六祖旁出

不悟自屬

六祖旁出

解讀

觀自靜彼僧茫然。師曰汝出誰門。邪曰秀禪師。師曰我西域異道最下種者不墮此見。兀然空坐於道何益。

韶州法海禪師初見六祖問曰即心即佛願垂指喻。祖曰前念不生即心後念不滅即佛。成一切相即心離一切相即佛。吾若具說窮劫不盡。聽吾偈曰即心名慧即佛乃定。定慧等持意中清淨悟此法門由汝習性用本無生雙修是正師信受以偈贊曰即心元是佛不悟而自屈我知定慧因雙修離諸物。吉州志誠禪師初參秀禪師後往曹谿質疑六祖曰汝師若爲示衆。師曰嘗指誨大眾令住心觀靜長坐不臥。祖曰住心觀靜是病非禪長坐拘身於理何益。聽吾偈曰生來坐不臥死去臥不坐元是臭骨頭何爲立功過。師曰未審大師以何誨人。祖曰吾若言有法與人即爲誑汝。但且隨方解縛假名三昧聽吾偈曰一切無心自性戒一切無礙自性慧不增不減自金剛身去身來本三昧師聞偈悔謝即誓依歸乃呈偈曰五蘊幻身幻何究竟回還真如法還不淨。

六祖旁出

匾擔山曉了禪師有忽雷澄禪師撰塔碑其略曰師住匾擔山號曉了六祖之嫡嗣也師得無心之心了無相之相無相者森羅眩目無心者分別熾然絕一言一響響莫可傳傳之行矣言莫可窮窮之非矣師得無無之無不無於無也吾今以有有之有不有於有也不有之有去來非增不無之無涅槃非滅嗚呼師住世兮曹谿明師寂滅兮法舟傾師譚無說兮寰宇盈師示迷徒兮了義乘匾擔山色垂茲色空谷猶留曉了名

六祖旁出

誦法華經不知宗趣

洪州法達禪師念法華經三千部後禮拜六祖曰惟願和尚大慈略說經中義理祖曰汝念此經以何爲宗師曰學人愚鈍從來但依文誦念豈知宗趣祖曰汝試爲吾念一徧吾當爲汝解說師卽高聲念經至方便品祖曰止此經元來以因緣出世爲宗縱說多種譬喻亦無越於此何者因緣唯一大事一大事卽佛知見也汝慎勿錯解經意見他道開示悟入自是佛之知見我輩無分若作此解乃是謗經毀佛也彼旣是佛已具知見何用更開汝今當信佛知見者只

摩牛愛尾

六祖旁出

看楞伽經不會三身四智

汝自心更無別體蓋爲一切衆生自蔽光明貪愛塵境外緣內擾甘受驅馳便勞他從三昧起種種苦口勸令寢息莫向外求與佛無二故云開佛知見汝但勞勞執念謂爲功課者何異摩牛愛尾也師曰若然者但得解義不勞誦經也祖曰經有何過豈障汝念只爲迷悟在人損益由汝聽吾偈曰心迷法華轉心悟轉法華誦久不明已與義作讐家無念念卽正有念念成邪有無俱不計長御白牛車云云師從此領旨亦不輟誦持

壽州智通禪師初看楞伽經約千餘徧而不會三身四智禮拜六祖求解其義祖曰三身者清淨法身汝之性也圓滿報身汝之智也千百億化身汝之行也若離本性別說三身卽名有身無智若悟三身無有自性卽名四智菩提聽吾偈曰自性具三身發明成四智不離見聞緣超然登佛地吾今爲汝說諦信永無迷莫學馳求者終日說菩提師曰四智之義可得聞乎祖曰旣會三身便明四智何更問邪若離三身別譚四智此名有智無身也卽此有智還成無智復

說偈曰大圓鏡智性清淨平等性智心無病妙觀察

智見非功成所作智同圓鏡五八六七果因轉但用

名言無實性若於轉處不留情繁興永處那伽定

轉識

爲智者教中云轉前五識爲成所作智轉第六識爲妙觀察智轉第七識爲平等性智轉第八識爲大圓鏡智雖六七因中轉五八果上轉師禮謝以偈贊曰三身但轉其名而不轉其體也

元我體四智本心明身智融無礙應物任隨形起修

皆妄動守住匪真精妙智因師曉終亡汙染名

六祖旁出

江西志微禪師一日遠來禮覲六祖問曰弟子嘗覽

覺祖經未曉常無常義

涅槃經未曉常無常義乞和尚慈悲略爲宣說祖曰

無常者卽佛性也有常者卽善惡一切諸法分別心

也曰和尚所說大遠經文祖曰吾傳佛心印安敢違

於佛經曰經說佛性是常和尚却言無常善惡諸法

乃至菩提心皆是無常和尚却言是常此卽相違令

學人轉加疑惑祖曰涅槃經吾昔者聽尼無盡藏讀

誦一徧便爲講說無一字一義不合經文乃至爲汝

委曲開示

終無二說曰學人識量淺昧願和尚委曲開示祖曰

汝知否佛性若常更說甚麼善惡諸法乃至窮劫無

有一人發菩提心者故吾說無常正是佛說真常之

依言背義

六祖旁出

道也又一切諸法若無常心者卽物物皆有自性容

受生死而真常性有不徧之處故吾說常者正是佛

說真無常義也佛比爲凡夫外道執於邪常諸二乘

人於常計無常共成八倒故於涅槃了義教中破彼

偏見而顯說真常真樂真我真淨汝今依言背義以

斷滅無常及確定死常而錯解佛之圓妙最後微言

縱覽千徧有何所益行昌忽如醉醒乃說偈曰因守

無常心佛演有常性不知方便者猶春池拾磔我今

不施功佛性而現前非師相授與我亦無所得祖曰

汝今徹也宜名志微師禮謝而去師姓張名行昌

信州智常禪師一日參六祖祖問汝從何來欲求何

事師曰學人近禮大通和尚蒙示見性成佛之義未

決狐疑至吉州遇人指迷令投和尚伏願垂慈攝受

祖曰彼有何言句汝試舉看吾與汝證明師曰初到

彼三月未蒙開示以爲法切故於中夜獨入方丈禮

拜哀請大通乃曰汝見虛空否對曰見彼曰汝見虛

空有相貌否對曰虛空無形有何相貌彼曰汝之本

性猶如虛空返觀自性了無一物可見是名正見無

切忌存無見
守空知

六祖旁出

覽涅槃經未
明大意

一物可知是名真知。無有青黃長短。但見本源清淨。覺體圓明。卽名見性成佛。亦名極樂世界。亦名如來。知見學人。雖聞此說。猶未決了。乞和尚垂誨。令無疑滯。祖曰。彼師所說。猶存見知。故令汝未了。吾今示汝一偈曰。不見一法存無見。大似浮雲遮日面。不知一法守空知。還似太虛生閃電。此之知見。瞥然興錯認。何曾解方便。汝當一念自知。非自己靈光常顯現。師聞偈已。心意豁然。乃述一偈曰。無端起知解。著相求菩提。情存一念悟。寧越昔時迷。自性覺源邊。隨照枉遷流。不入祖師室。茫然趣兩頭。

廣州志道禪師初參六祖。問曰。學人自出家。覽涅槃經。僅十餘載。未明大意。願和尚垂誨。祖曰。汝何處未了。對曰。諸行無常。是生滅法。生滅滅已。寂滅爲樂。於此疑惑。祖曰。汝作麼生疑。對曰。一切衆生。皆有一身。謂色身。法身也。色身無常有生有滅。法身有常無知。無覺。經云。生滅滅已。寂滅爲樂。者。未審是何身寂滅。何身受樂。若色身者。色身滅時。四大分散。全是苦苦。不可言樂。若法身寂滅。卽同草木瓦石。誰當受樂。又

蓮五蘊爲自
體相

其要義

法性是生滅之體。五蘊是生滅之用。一體五用。生滅是常生。則從體起用。滅則攝用歸體。若聽更生。卽有情之類。不斷不滅。若不聽更生。則永歸寂滅。同於無情之物。如是則一切諸法。被涅槃之所禁伏。尙不得生。何樂之有。祖曰。汝是釋子。何習外道斷常邪見。而議最上乘法。據汝所解。而色身外別有法身。離生滅求於寂滅。又推涅槃常樂。言有身受者。斯乃執客生。死耽著世樂。汝今當知。佛爲一切迷人。認五蘊和合爲自體相。分別一切法爲外塵相。好生惡死。念念遷流。不知夢幻虛假。枉受輪迴。以常樂涅槃。翻爲苦相。終日馳求。佛慙此故。乃示涅槃真樂。剎那無有生相。剎那無有滅相。更無生滅可滅。是則寂滅現前。當現前之時。亦無現前之量。乃謂常樂。此樂無有受者。亦無不受者。豈有一體五用之名。何況更言涅槃禁伏諸法。令永不生。斯乃謗佛毀法。聽吾偈曰。無上大涅槃。圓明常寂照。凡愚謂之死。外道執爲斷。諸求二乘人。目以無爲作。盡屬情所計。六十二見本。妄立虛假名。何爲真實義。唯有過量人。通達無取捨。以知五蘊

法及以蘊中我外現衆色象一一音聲相平等如夢幻不起凡見不作涅槃解二邊三際斷常應諸根用而不起用想分別一切法不起分別想劫火燒海底風鼓山相擊眞常寂滅樂涅槃相如是吾今強言說令汝捨邪見汝勿隨言解許汝知少分師聞偈踊躍作禮而退

六祖旁出

永嘉眞覺禪師頌徧探三藏精天台止觀圓妙法門於四威儀中常冥禪觀後因左谿朗禪師激勵與東陽策禪師同詣曹谿初到振錫繞祖三匝卓然而立祖曰夫沙門者具三千威儀八萬細行大德自何方而來生大我慢師曰生死事大無常迅速祖曰何不體取無生了無速乎師曰體卽無生了本無速祖曰如是如是于時大衆無不愕然師方具威儀參禮須臾告辭祖曰返太速乎師曰本自非動豈有速邪祖曰誰知非動師曰仁者自生分別祖曰汝甚得無生之意師曰無生豈有意邪祖曰無意誰當分別師曰分別亦非意祖歎曰善哉善哉少留一宿時謂一宿覺矣師著證道歌永嘉集

一覺覺

六祖旁出
唐玄宗詔師
校書宗官

四大無主

司空山本淨禪師頌唐玄宗詔師到京勅住白蓮亭而後召兩街名僧碩學赴內道場與師闡揚佛理時有遠禪師抗聲謂師曰今對聖上校量宗旨應須直問直答不假繁詞只如禪師所見以何爲道師曰無心是道遠曰道因心有何得言無心是道師曰道本無名因心名道心名若有道不虛然窮心旣無道憑何立二俱虛妄總是假名遠曰禪師見有身心是道已否師曰山僧身心本來是道遠曰適言無心是道今又言身心是道豈不相違師曰無心是道心泯道無心道一如故言無心是道身心本來是道道亦本是身心身心本既是空道亦窮源無有遠曰觀禪師形質甚小却會此理師曰大德只見山僧相不見山僧無相見相者是大德所見經云凡所有相皆是虛妄若見諸相非相卽見其道若以相爲實窮劫不能見道遠曰今請禪師於相上說於無相師曰淨名經云四大無主身亦無我無我所見與道相應大德若以四大有主是我若有我見窮劫不可會道也遠聞語失色逡巡避席師有偈曰四大無主復如水遇曲

窮本不有

六祖旁出

逢直無彼此淨穢兩處不生心。墮決何曾有二意。觸境但似水無心。在世縱橫有何事。復云一大如是。四大亦然。若明四大無主。即悟無心。若乃無心自然契道。○志明禪師問。若言無心。是道。瓦礫無心。亦應是道。又曰。身心本來是道。四生十類皆有身心。亦應是道。師曰。大德若作見聞覺知解。會與道懸殊。即是求見聞覺知之者。非是求道之人。經云。無眼耳鼻舌身意。六根尚無見聞覺知。憑何而立。窮本不有何處存心。焉得不同草不瓦礫。明杜口而退。師有偈曰。見聞覺知無障礙。馨香味觸常三昧。如鳥空中只麼飛。無取無捨無憎愛。若會應處本無心。始得名為觀自在。

次有禪師近臣問答文繁不備

婺州立策禪師遊方時。居于河朔。有隍禪師者。曾謁黃梅。自謂正受師知。隍所得未真。往問曰。汝坐於此。作麼。隍曰。入定。師曰。汝言入定。有心邪。無心邪。若有心者。一切蠢動之類。皆應得定。若無心者。一切草木之流。亦合得定。曰。我正入定時。則不見有有無之心。師曰。既不見有有無之心。即是常定。何有出入。若有

生
禪性無住無

六祖旁出

六祖旁出

開闢異端

出入則非大定。隍無語良久。問師。嗣誰。師曰。我師曹谿。六祖曰。六祖以何為禪。定。師曰。我師云。夫妙湛圓寂。體用如如。五陰本空。六塵非有。不出不入。不定不亂。禪性無住。離住禪寂。禪性無生。離生禪想。心如虛空。亦無虛空之量。隍聞此說。遂造于曹谿。請決疑竅。而祖意與師冥符。隍始開悟。

河北智隍禪師。頃始參五祖。雖嘗咨決。而循乎漸行。乃往河北。結庵長坐。積二十餘載。不見情容。後遇策禪師。激勵遂往。參六祖。祖愍其遠來。便垂開決。師於言下豁然契悟。前二十年所得心。都無影響。

南陽慧忠國師。頃一日喚侍者。者應諾如是。三召三應。師曰。將謂吾孤負汝。却是汝孤負吾。僧問趙州國師喚侍者意作麼。生州云。如人暗裏書字。字雖不成。文彩已彰。○上堂。禪宗學者。應遵佛語。一乘了義。契自心源。不了義者。互不相許。如獅子

身中蟲。夫為人師。若涉名利。別開異端。則自他何益。如世大匠。斤斧不傷其手。香象所負。非驢能堪。○僧問。若為得成佛。去。師曰。佛與衆生。一時放却。當處解脫。曰。作麼。生得相應。去。師曰。善惡不思。自見佛性。曰。

修萬行

南方知識示人

若爲得證法身師曰越毗盧之境界曰清淨法身作麼生得師曰不著佛求耳曰阿那箇是佛師曰卽心是佛曰心有煩惱否師曰煩惱自離曰豈不斷邪師曰斷煩惱者卽名二乘煩惱不生名大涅槃曰坐禪看靜此復若爲師曰不垢不淨寧用起心而看淨相

○問見十方虛空是法身否師曰以想求取之是顛倒見○問卽心是佛可修萬行否師曰諸聖皆具二嚴豈撥無因果邪又曰我今答汝窮劫不盡言多去道遠矣所以道說法有所得斯則野干鳴說法無所得是名師子吼頌上堂青蘿黃緣直上寒松之頂白雲淡泞出沒太虛之中萬法本閒而人自闕頌見紹興師章

○師問僧近離甚處曰南方師曰南方知識以何法示人曰南方知識祇道一朝風火散後如蛇退皮如龍換骨本爾眞性宛然無壞師曰苦哉苦哉南方知識說法半生半滅曰南方知識卽如是未審和尚此間說何法師曰我此間身心一如身外無餘曰和尚何得將泡幻之身同於法體師曰你爲甚麼入於邪道曰甚麼處是某入於邪道處師曰不見教中道若

唐憲宗問

唐代宗

六祖旁出

以色見我以音聲求我是人行邪道不能見如來○有人問如何是解脫師曰諸法不相到當處解脫曰恁麼卽斷去也師曰向汝道諸法不相到斷甚麼○師問本淨禪師汝已後見奇特言語如何淨曰無一念心愛師曰是汝屋裡事評頌唐肅宗問如何是十身調御師乃起立曰會麼帝曰不會師曰與老僧過淨瓶來帝又問曰如何是無諍三昧師曰檀越踰毗盧頂上行帝曰此意如何師曰莫認自己清淨法身帝又問師都不視之曰朕是大唐天子師何以殊不顧視師曰還見虛空麼帝曰見師曰他還眨眼視陛下否評唱頌古稱異覽者審焉評頌師以化緣將畢涅槃時至乃辭代宗代宗曰師滅度後弟子將何所記師曰告檀越造取一所無縫塔帝曰就師請取塔樣師良久曰會麼帝曰不會師曰貧道去後有侍者應眞却知此事乞詔問之師遷化後帝詔應眞問此意如何眞述偈曰湘之南潭之北中有黃金充一國無影樹下合同船琉璃殿上無知識應眞後住耽源山荷澤神會禪師年十四爲沙彌謁六祖祖曰知識遠

來大艱辛將本來否若有本則合識主試說看師曰
以無住爲本見即是主祖曰這沙彌爭合取次語便
打師於杖下思惟曰大善知識歷劫難逢今既得遇
豈惜身命自此給侍頌他日祖告衆曰吾有一物無
頭無尾無名無字無背無面諸人還識否師乃出曰
是諸佛之本源乃神會之佛性祖曰向汝道無名無
字汝便喚作本源佛性師禮拜而退祖曰此子向後
設有把茆蓋頭也只成得箇知解宗徒法眼云古人授記人終不歸曹谿閱大藏經於內六處有疑問於六祖第一
問戒定慧曰所用戒何物定從何處修慧因何處起
所見不通流祖曰定卽定其心將戒戒其行性中常
慧照自見自知深 第二問本無今有何物本有
今無無何物諸經不見有何義真似騎驢覓驢祖
曰前念惡業本無後念善生今有念念常行善行後
代人天不久汝今正聽吾言吾卽本無今有 第三
問將生滅却滅將滅滅却生不了生滅義所見似驪
盲祖曰將生滅却滅令人不執性將滅滅却生令人

方定南頓北

嗣南頓北

心離境未卽離一邊自除生滅病 第四問先頓而
後漸先漸而後頓不悟頓漸人心裏常迷悶祖曰聽
法頓中漸悟法漸中頓脩行頓中漸證果漸中頓
漸是常因悟中不迷悶 第五問先定後慧先慧後
定定慧後初何生爲正祖曰常生清淨心中而有
慧於境上無心慧中而有定定慧等無先雙修自心
正 第六問先佛而後法先法而後佛佛法本根源
起從何處出祖曰說卽先佛而後法聽卽先法而後
佛若論佛法本根源一切衆生心裏出○祖滅後二
十年闍曹谿頓旨沉廢於荊吳嵩嶽漸門盛行于秦
洛師入京天寶四年方定兩宗南能頓宗北秀漸教乃著顯宗
記盛行于世
耽源應真禪師爲國師侍者時一日國師在法堂中
師入來國師乃放下一足師見便出良久却回國師
曰適來意作麼生師曰向阿誰說卽得國師曰我問
你師曰甚麼處見某甲頌師又問百年後有人問極
則事如何國師曰幸自可憐生須要覓箇護身符子
作麼○麻谷問十二面觀音豈不是聖師曰是麻谷

與師一摺師曰想汝未到此境

蒙山光寶禪師初謁荷澤澤謂之曰汝名光寶名以

定體寶即已有光非外來縱汝意用而無少乏長夜

蒙照而無間歇汝還信否師曰信則信矣未審光之

與寶同邪異邪澤曰光即寶寶即光何有同異之名

手師曰眼耳緣聲色時為復抗行為有回互澤曰抗

互且置汝指何法為聲色之體乎師曰如師所說即

無有聲色可得澤曰汝若了聲色體空亦信眼耳諸

根及與凡與聖平等如幻抗行回互其理昭然師由

是領悟禮辭而去

圭峰宗密禪師大和中徵入內賜紫衣帝累問法要

朝士歸慕唯相國裴公休深入堂奧受教為外護師

以禪教學者互相非毀遂著禪源諸詮寫錄諸家所

述詮表禪門根源道理文字句偈集為一藏或云一百卷

以貽後代○其都序略曰禪是天竺之語具云禪那

此云思惟修亦云靜慮皆定慧之通稱也源者是一

切衆生本覺真性亦名佛性亦名心地悟之名慧修

之名定定慧通名為禪此性是禪之本源故名禪源

禪理禪行

亦名禪那理行者此之本原是禪理忘情契之是禪

行故云理行然今所集諸家述作多譚禪理少說禪

行故且以禪源題之今時有人但目真性為禪者是

不達理行之旨又不辯華竺之音也然非離真性別

有禪體但衆生迷真合塵即名散亂背塵合真方名

禪定若直論本性即非真非妄無背無合無定無亂

誰言禪乎況此真性非唯是禪門之源亦是萬法之

源故名法性亦是衆生迷悟之源故名如來藏藏識

出楞伽經亦是諸佛萬德之源故名佛性涅槃經亦是菩薩

萬行之源故名心地出梵經萬行不出六波羅蜜禪者

但是六中之一當其第五豈可都目真性為一禪行

哉然禪定一行最為神妙能發起性上無漏智慧一

切妙用萬行萬德乃至神通光明皆從定發故三乘

人欲求聖道必須修禪離此無門離此無路至於念

佛求生淨土亦修十六觀禪及念佛三昧般舟三昧

等也又真性即不垢不淨凡聖無差禪門則有淺有

深階級殊等謂帶異計欣上厭下而修者是外道禪

正信因果亦以欣厭而修者是凡夫禪悟我空偏真

達磨入山

之理而修者是小乘禪悟我法二空所顯真理而修者是大乘禪上四類皆有四色四空之異也若頓悟自心本來清淨

元無煩惱無漏智性本自具足此心即佛畢竟無異依此而修者是最上乘禪亦名如來清淨禪亦名一

行三昧亦名真如三昧此是一切三昧根本若能念

念修習自然漸得百千三昧達磨門下展轉相傳者

是此禪也達磨未到古來諸家所解皆是前四禪八

天台止觀

定諸高僧修之皆得功用南嶽天台令依三諦之理

修三止三觀教義雖最圓妙然其趣入門戶次第亦

只是前之諸禪行相唯達磨所傳者頓同佛體迥異

應無所

諸門故宗習者難得其旨得即成聖疾證菩提失即

成邪速入塗炭先祖草昧防失故且人傳一人後代

已有所憑故任千燈千照洎乎法久成弊錯謬者多

故經論學人疑謗亦衆原夫佛說頓教漸教禪開頓

門漸門二教二門各相符契今講者偏彰漸義禪者

偏播頓宗禪講相逢胡越之隔宗密不知宿生何作

主徒自覺
心心一作人

熏得此心自未解脫欲解他縛爲法亡於驅命惑心

切於神情亦如淨名經云若自有縛能解他縛無每有是處然欲罷不能故是宿習難改故

捨衆入山

諸教修心

樂休序

承襲爲戶牖

歎人與法差法爲人病故別撰經律論疏大開戒定

慧門顯頓悟資於漸修證師說符於佛意意既本末

而委示文乃浩博而難尋汎學雖多秉志者少況迹

涉名相誰辯金鑰徒自疲勞未見機感雖佛說悲增

是行而自慮愛見難防遂捨衆入山習定均慧前後

息慮相繼十年微細習情起滅彰於靜慧差別法義

羅列現於空心虛隙日光纖埃擾擾清潭水底影像

昭昭豈比夫空守默之癡禪但尋文之狂慧者也然

本因了自心而辯諸教故懇情於心宗又因辯諸教

而解修心故虔誠於教義教也者諸佛菩薩所集經

論也禪也者諸善知識所述句偈也但佛經開張羅

大千八部之衆禪偈撮略就此方一類之機羅衆則

莽蕩難依就機則指的易用今之纂集意在斯焉○

裴休爲之序曰諸宗門中皆有達人然各安所集通

少局多故數十年來師法益壞以承稟爲戶牖各自

開張以經論爲干戈互相攻擊情隨函矢而遷變法

逐人我以高低是非紛拏莫能辨析則向者世尊菩

薩諸方教宗適足以起諍後人憎煩惱病何利益之

有我圭峰大師久而嘆曰吾丁此時不可以默矣於

是以如來三種教義印禪宗三種法門鎔餅盤釵釧

爲一金攪酥酪醍醐爲一味振綱領而舉者皆順據

會要而來者同趣尙恐學者之難明也又復直示宗

源之本末眞妄之和合空性之隱顯法義之差殊頓

漸之異同遮表之回互權實之深淺通局之是非若

吾師者捧佛日而委曲回照疑障盡除順佛心而橫

亘大悲窮劫蒙益則世尊爲闡教之主吾師爲會教

之人本末相符遠近相照可謂畢一代時教之能事

矣或曰自如來未嘗大都而通之今一旦違宗趣而

不守廢關防而不據無乃乖祕藏密契之道乎答曰

如來初離別說三乘後乃垂爲一道故涅槃經迦葉

菩薩曰諸佛有密語無密藏世尊讚之曰如來之言

開發顯露清淨無翳愚人不解謂之祕藏智者了達

則不名藏此其證也故王道與則外戶不閉而守在

戎夷佛道備則諸法總持而防在魔外不當復執情

攘臂於其間也

會元二卷終

禪宗正脈卷第二

●吳本卷三

禪宗正脈卷第二

六祖法嗣

南嶽

南嶽懷讓禪師頌謁嵩山安和尚安啓發之乃直指
諸曹谿參六祖祖問甚麼處來曰嵩山來祖曰甚麼
物恁麼來師無語遂經八載忽然有省乃白祖曰某
甲有箇會處祖曰作麼生師曰說似一物即不中祖
曰還假修證否師曰修證則不無汙染即不得祖曰
祇此不汙染諸佛之所護念汝既如是吾亦如是西
天般若多羅識汝足下出一馬駒踏殺天下人病在
汝心不須速說師執侍左右一十五年○開元中有
沙門道一在衡嶽山常習坐禪師知是法器往問曰
大德坐禪圖甚麼一日圖作佛師乃取一轆於彼菴
前石上磨一日磨作甚麼師曰磨作鏡一日磨轆豈
得成鏡邪師曰磨轆旣不成鏡坐禪豈得作佛一日
如何卽是師曰如牛駕車車若不行打車卽是打牛
卽是○師又曰汝學坐禪爲學坐佛若學坐禪禪非
坐臥若學坐佛佛非定相於無住法不應取捨汝若

常習坐禪

戒教生

坐佛卽是殺佛。若執坐相。非達其理。一聞示誨。如飲醍醐。禮拜問曰。如何用心。卽合無相三昧。師曰。汝學心地法門。如下種子。我說法要。譬彼天澤。汝緣合故。當見其道。又問道非色相。云何能見。師曰。心地法眼。能見吾道。無相三昧。亦復然矣。一曰。有成壞否。師曰。若以成壞聚散而見道者。非見道也。頌僧問。如鏡鑄像。像成後未審光向甚麼處去。師曰。如大德爲童子時。相貌何在。曰。祇如像成後。爲甚麼不鑑照。師曰。雖然不鑑照。護他一點不得。頌後馬大師闡化於江西。師問衆曰。道一爲衆說法否。衆曰。已爲衆說法。師曰。總未見人持箇消息來。衆無對。因遣一僧去。囑曰。待伊上堂時。但問作麼生。伊道底。言語記將來。僧去。一如師旨。回謂師曰。馬祖云。自從胡亂後。三十年不曾少鹽醬。師然之。

江西馬祖道一禪師。頌一日謂衆曰。汝等諸人。各信自心是佛。此心卽是佛心。達磨大師從南天竺國來。至中華傳上乘一心之法。令汝等開悟。又引楞伽經文。以印衆生心地。恐汝顛倒。不自信此一心之法。各

心生名色

止小兒啼

三人數月

各有之故。楞伽經以佛語心爲宗。無門爲法門。夫求法者。應無所求。心外無別佛。佛外無別心。不取善。不捨惡。淨穢兩邊俱不依怙。達罪性空。念念不可得。無自性。故故三界唯心。森羅萬象。一法之所印。凡所見色。皆是見心。心不自心。因色故有。汝但隨時言說。卽事卽理。都無所礙。菩提道果。亦復如是。於心所生。卽名爲色。知色空。故生卽不生。若了此意。乃隨時著衣喫飯。長養聖胎。任運過時。更有何事。汝受吾教。聽吾偈曰。心地隨時說。菩提亦祇寧。事理俱無礙。當生卽不生。僧問。和尚爲甚麼說卽心卽佛。師曰。爲止小兒啼。曰。啼止時。如何。師曰。非心非佛。曰。除此二種人來。如何。指示師曰。向伊道。不是物。曰。忽遇其中人來時。如何。師曰。且教伊體會大道。頌一夕西堂百丈南泉。隨侍翫月。次師問。正恁麼時。如何。堂曰。正好供養。丈曰。正好修行。泉拂袖便行。師曰。經入藏。禪歸海。唯有普願獨超物外。○師問百丈。汝以何法示人。丈豎起拂子。師曰。祇這箇爲當。別有文。拋下拂子。○僧問。如何是西來意。師便打。曰。我不打汝。諸方笑我。也頌鄧

石頭路滑

隱峯辭師師曰甚麼處去曰石頭去師曰石頭路滑日竿木隨身逢場作戲便去纔見石頭即繞禪床一匝振錫一聲問是何宗旨石頭曰蒼天蒼天峯無語却回舉似師師曰汝更去問待他有答汝便噓兩聲峯又去依前問石頭乃噓兩聲峯又無語回舉似師師曰向汝道石頭路滑○洪州廉使問曰喫酒肉即是不喫即是師曰若喫是中丞祿不喫是中丞福師入室弟子一百二十九人各爲一方宗主轉化無窮評頌師示疾院主問和尚近日尊候如何師曰日面佛月面佛○龐居士問不昧本來人請師高著眼師直下覲士曰一等沒絃琴唯師彈得妙師直上覲士禮拜師歸方丈士隨後曰適來弄巧成拙

嗣馬祖一

野鴨飛過

百丈懷海禪師卅歲離塵三學該練屬大寂闡化江西乃領心依附與西堂智藏南泉普願同號入室時三大士爲角立焉評頌師侍馬祖行次見一羣野鴨飛過祖曰是甚麼師曰野鴨子祖曰甚麼處去也師曰飛過去也祖遂把師鼻搗負痛失聲祖曰又道飛過去也師於言下有省○次日馬祖陞堂衆纔集師出

一喝三日耳

黃檗吐舌

併却咽喉唇

卷却席祖便下座師隨至方丈祖曰我適來未曾說話汝爲甚便卷却席師曰昨夜被和尚搗得鼻頭痛祖曰汝昨日向甚麼處留心師曰鼻頭今日又不痛也祖曰汝深明昨日事師作禮而退頌師再參侍立次祖目視繩床角拂子師曰即此用離此用祖曰汝向後開兩片皮將何爲人師取拂子豎起祖曰即此用離此用師挂拂子於舊處祖振威一喝師直得三日耳聾自此雷音將震檀信請於洪州新吳界住大雄山以居處巖巒峻極故號百丈既處之未朞月參立之賓四方鑒至潯山黃檗當其首焉一日師謂衆曰佛法不是小事老僧曾被馬大師一喝直得三日耳聾黃檗聞舉不覺吐舌師曰子已後莫承嗣馬祖去麼檗曰不然今日因和尚舉得見馬祖大機之用然且不識馬祖若嗣馬祖已後喪我兒孫師曰如是如是見與師齊滅師半德見過於師方堪傳授子甚有超師之見檗便禮拜評頌潯山五峯雲巖侍立次師問潯山併却咽喉唇作麼生道山曰却請和尚道師曰不辭向汝道恐已後喪我兒孫又問五峯峯曰

和尚也須併却師曰無人處祈願望汝又問雲巖巖曰和尚有也未師曰喪我兒孫願上堂有一老人隨衆聽法衆退唯老人不去師問汝是何人曰某莽人也於過去迦葉佛時曾住此山因學人問大修行人還落因果也無某云不落因果遂五百生墮野狐身今請和尚代一轉語責脫野狐身師曰汝問老人曰大修行人還落因果也無師曰不昧因果老人於言下大悟作禮曰某已脫野狐身住在山後敢乞依亡僧津送師令維那白椎告衆食後送亡僧大衆聚議一衆皆安涅槃堂又無病人何故如是食後師領衆至山後巖下以杖挑出一死野狐乃依法火葬師至晚上堂舉前因緣黃藥便問古人錯祇對一轉語墮五百生野狐身轉轉不錯合作個甚麼師曰近前來向汝道藥近前打師一掌師拍手笑曰將謂胡鬚赤更有赤鬚胡滿山學問仰山仰曰黃藥常用此機滿山學問仰山仰曰黃藥常用此機通溪曰如是如是評頌僧問如何是奇特事師曰獨坐大雄峯僧禮拜師便打○上堂靈光獨耀迥脫根塵體露真常不拘文字心性無染本自圓成但離妄

頓悟法要

歇一切攀緣

透過聲色

緣卽如如佛僧問如何是佛師曰汝是阿誰曰某甲師曰汝識某甲否曰分明個師乃舉起拂子曰汝還見麼曰見師乃不語頌普請鐺地次忽有一僧聞鼓鳴舉起鐺頭大笑便歸師曰俊哉此是觀音入理之門師歸院乃喚其僧問適來見甚麼道理便恁麼曰適來肚飢聞鼓聲歸喫飯師乃笑○問依經解義三世佛冤離經一字如同魔說時如何師曰固守動靜悟法要師曰汝等先歇諸緣休息萬事善與不善世出世間一切諸法莫記憶莫緣念放捨身心令其自在心如木石無所辨別心無所行心地若空慧日自現如雲開日出相似但歇一切攀緣貪嗔愛取垢淨情盡對五欲八風不動不被見聞覺知所縛不被諸境所惑自然具足神通妙用是解脫人對一切境心無靜亂不攝不散透過一切聲色無有滯礙名爲道人善惡是非俱不運用亦不愛一法亦不捨一法名爲大乘人不被一切善惡空有垢淨有爲無爲世出世間福德智慧之所拘繫名爲佛慧是非好醜是理

努力究取

樂識所引無
自由分

非理諸知見情盡不能繫縛處處自在名為初發心
菩薩便登佛地○問如今受戒身口清淨已具諸善
得解脫否師曰少分解脫未得心解脫亦未得一切
處解脫曰如何是心解脫及一切處解脫師曰不求
佛法僧乃至不求福智知解等垢淨情盡亦不守此
無求為是亦不住盡處亦不欣天堂畏地獄縛脫無
礙即身心及一切處皆名解脫汝莫言有少分戒身
口意淨便以為了不知河沙戒定慧門無漏解脫都
未涉一毫在努力向前須猛死取莫待耳聾眼暗面
皺髮白老苦及身悲愛纏綿眼中流淚心裏惺惺一
無所據不知去處到甚麼時節整理脚手不得也縱
有福智名聞利養都不相救為心眼未開唯念諸境
不知返照復不見佛道一生所有善惡業緣悉現於
前或忻或怖六道五蘊俱時現前盡數數好舍宅舟
船車輦光明顯赫皆從自心貪愛所現一切惡境皆
變成殊勝之境但隨貪愛重處業識所引隨著受生
都無自由分龍畜良賤亦總未定○問如何得自由
分師曰如今得即得或對五欲八風情無取捨慳嫉

觀經若教鑒
覺自性

墮塞人

透過三句○

先立理後隨
智

貪愛我所情盡垢淨俱亡如日月在空不緣而照心
心如木石念念如救頭然亦如香象渡河截流而過
更無疑滯此人天堂地獄所不能攝也夫讀經看教
語言皆須宛轉歸就自己但是一切言教祇明如今
鑒覺自性但不被一切有無諸境轉是汝導師能照
破一切有無諸境是金剛慧即有自由獨立分若不
能怎麼會得縱然誦得十二韋陀典祇成增上慢却
是誇佛不是修行但離一切聲色亦不住於離亦不
住於知解是修行讀經看教若准世間是好事若向
明理人邊數此是墮塞人十地之人脫不去流入生
死河但是三乘教皆治貪瞋等病祇如今念念若有
貪瞋等病先須治之不用求覓義句知解知解屬貪
貪變成病祇如今但離一切有無諸法亦離於離透
過三句外自然與佛無差既自是佛何慮佛不解語
祇恐不是佛被有無諸法縛不得自由以理未立先
有福智被福智載去如賤使貴不如先立理後有福
智若要福智臨時作得撮土成金撮金成土變海水
為酥酪破須彌為微塵攝四大海水入一毛孔於一

下堂句

義作無量義於無量義作一義伏惟尊重○師有時說法竟大衆下堂乃召之大衆回首師曰是甚麼山藥目之爲百○師凡作務執勞必先於衆主者不忍密收作具而請息之師曰吾無德爭合勞於人既徧求作具不獲而亦忘食故有一日不作一日不食之語流布寰宇矣

圖圖一

南泉普願禪師初習相部舊章究毗尼篇聚次遊諸講肆歷聽楞伽華嚴入中百門觀精鍊玄義後扣大寂之室頓然忘筌得遊戲三昧一日爲衆僧行粥次馬祖問桶裏是甚麼師曰這老漢合取口作甚麼語話祖便休自餘同參之流無敢詰問○上堂然燈佛道了也若心相所思出生諸法虛假不實何以故心尙無有云何出生諸法猶如形影分別虛空如人取聲安置篋中亦如吹網欲令氣滿故老宿云不是心不是佛不是物且教你兄弟行履據說十地菩薩住首楞嚴三昧得諸佛祕密法藏自然得一切禪定解脫神通妙用至一切世界普現色身或示現成等正覺轉大法輪入涅槃使無量入毛孔演一句經無量

所知義

水牯牛

與衆更番

異類中行

劫其義不盡教化無量億千衆生證無生法忍尙喚作所知愚極微細所知愚與道全乖大難大難珍重頌上堂曰王老師自小養一頭水牯牛擬向溪東牧不免食他國王水草擬向溪西牧亦不免食他國王水草不如隨分納些些總不見得○師有書與茶黃曰理隨事變寬廓非外事得理融寂寥非內僧達書了便問黃如何是寬廓非外黃曰問一答百也無妨曰如何是寂寥非內黃曰觀對聲色不是好手僧又問長沙沙瞪目視之僧又進後語沙乃閉目示之僧又問趙州州作喫飯勢僧又進後語州以手作拭口勢後僧舉似師師曰此三人不謬爲吾弟子頌上堂道個如如早似變了也今時師僧須向異類中行歸宗曰雖行畜生行不得畜生報師曰孟八郎漢又怎麼去也頌上堂文殊普賢昨夜三更相打每人與二十棒趨出院去也趙州曰和尚棒教誰喫師曰且道王老師過在甚麼處州禮拜而出頌師有時曰江西馬祖說卽心卽佛王老師不恁麼道不是心不是佛不是物恁麼道還有過麼趙州禮拜而出時有一僧隨

南泉新義

三人同行

問趙州曰。上座禮拜。便出。意作麼生。州曰。汝却問取和尚。僧乃問。適來論上座。意作麼生。師曰。他却領得老僧意旨。頌師問黃檗。定慧等學。明見佛性。此理如何。檗曰。十二時中。不依倚一物。師曰。莫是長老見處麼。檗曰。不敢。師曰。漿水錢。且置。草鞋錢。教阿誰還。評頌師因東西兩堂爭貓兒。師遇之。白衆曰。道得。則教取貓兒。道不得。即斬却也。衆無對。師便斬之。趙州自外歸。師舉前語示之。州乃脫履安頭上而出。師曰。子若在。即教得貓兒也。頌有僧問。訊叉手而立。師曰。太俗生。其僧便合掌。師曰。太僧生。僧無對。評頌師與歸宗麻谷同去參禮南陽國師。師於路上畫一圓相曰。道得。即去。宗便於圓相中坐。谷作女人拜。師曰。恁麼則不去也。宗曰。是甚麼心行。師乃相喚。便回。更不去。禮國師。頌師在山上作務。僧問南泉。路向甚麼處去。師拈起鎌子曰。我這箇鎌子。三十錢買得。曰。不問。弗鎌子。南泉路向甚麼處去。師曰。我使得正快。○僧問。卽心是佛。又不得。非心非佛。又不得。師意如何。師曰。大德。且信。卽心是佛。便了。更說甚麼。得與不得。祇如

打破案

陸豈大夫

師將願書

大德喫飯了。從東廊上。西廊下。不可總問人得與不得也。頌師住庵時。有一僧到庵。師向伊道。我上山去作務。待齋時。作飯。自喫了。送一分上來。少時。其僧自作飯喫了。却一時打破家事。就床臥。師待不見來。便歸庵。見僧臥。師亦就伊邊臥。僧便起去。師住後。曰。我往前住庵時。有箇靈利道者。直至如今。不見。頌陸豈大夫問弟子家中。有一片石。或時坐。或時臥。如今擬鑄作佛。還得否。師曰。得。陸曰。莫不得否。師曰。不得。頌師因至莊所。莊主預備迎奉。師曰。老僧居常出入。不與人知。何得排辦如此。莊主曰。昨夜土地報道。和尚今日來。師曰。王老師修行無力。被鬼神覷見。侍者便問和尚。既是善知識。爲甚麼被鬼神覷見。師曰。土地前更下一分飯。玄覺云。甚麼處是土地。前更下一分飯。頌第一座問和尚百年後。向甚麼處去。師曰。山下作一頭水牯牛去。座曰。某甲隨和尚去。還得也。無師曰。汝若隨我。卽須銜取一莖草來。頌師與魯祖杉山歸宗四人離馬祖處去。各住菴於路分袂處。師挿下拄杖曰。道得也。被這個礙道。不得也。被這個礙。歸宗拽拄杖打師一下。

曰只是這個王老師說甚麼礙與不礙魯祖曰只此一句大播天下。宗曰還有不播者麼。祖曰有。宗曰作麼生。是不播者。祖作掌勢。增收。

鹽官齊安國師頌僧問如何是本身盧舍那。師曰與老僧過淨瓶來。僧將淨瓶至。師曰却安舊處。著僧送至本處。復來詰問。師曰古佛過去久矣。○有講僧來

參師。問座主蘊何事業。對曰講華嚴經。師曰有幾種法界。曰廣說則重重無盡。略說有四種。師豎起拂子

曰。這個是第幾種法界。主沉吟。師曰思而知慮而解。是鬼家活計。曰下孤燈。果然失照。頌僧問大梅如何

是西來意。大梅曰西來無意。師聞乃曰一個棺材兩個死漢。立沙云。隱官是作家。評頌師一日喚侍者曰將犀牛扇

子來者曰破也。師曰扇子既破還我犀牛兒來者無對。投子代云不辭將出。恐頭角不全。

歸宗智常禪師上堂從上古德不是無知解他高尙之士不同常流今時不能自成自立虛度時光諸子

莫錯用心無人替汝亦無汝用心處莫就他覓從前祇是依他解發言皆滯光不透脫祇爲目前有物頌

僧問如何是立旨師曰無人能會曰向者如何師曰

有向即乖曰不向者如何師曰誰求立旨又曰去無

汝用心處曰豈無方便門令學人得入師曰觀音妙

智力能救世間苦曰如何是觀音妙智力師敲鼎蓋

三下曰子還聞否曰聞師曰我何不聞僧無語師以

棒趁下○師嘗與南泉同行後忽一日相別煎茶次

南泉問曰從來與師兄商量語句彼此已知此後或

有人問畢竟事作麼生師曰這一片地大好卓庵泉

曰卓庵且置畢竟事作麼生師乃打翻茶鉢便起泉

曰師兄喫茶了普願未喫茶師曰作這個語話滴水

也難消頌師刺草次有講僧來參忽有一蛇過師以

鉏斷之僧曰久嚮歸宗元來是個龜行沙門師曰你

龜我龜曰如何是龜師豎起鉏頭曰如何是細師作

斬蛇勢曰與麼則依而行之師曰依而行之且置你

甚處見我斬蛇僧無對頌僧辭師問甚麼處去曰諸

方學五味禪去師曰諸方有五味禪我這裡祇有一

味禪曰如何是一味禪師便打僧曰會也會也師曰

道道僧擬開口師又打僧後到黃檗舉前話檗上堂

江州刺史李渤問話

曰馬大師出八十四人善知識問著個個屬渡渡地祇有歸宗較些子頌江州刺史李渤問教中所言須彌納芥子渤即不疑芥子納須彌莫是妄談否師曰人傳使君讀萬卷書籍還是否曰然師曰摩頂至踵如椰子大萬卷書向何處著李俛首而已○李異日又問一大藏教明得個甚麼邊事師舉拳示之曰還會麼曰不會師曰這個措大拳頭也不識曰請師指示師曰遇人即途中授與不遇即世諦流布師以目有重瞳遂將藥手按摩以致兩目俱赤世號赤眼歸宗焉

嗣馬祖一

大梅法常禪師初參大寂問如何是佛寂曰即心是佛師即大悟遂之四明梅子真舊隱繹苒燕處頌大寂聞師住山乃令僧問和尚見馬大師得個甚麼便住此山師曰大師向我道即心是佛我便向這裏住僧曰大師近日佛法又別師曰作麼生曰又道非心非佛師曰這老漢惑亂人未有了日任他非心非佛我祇管即心即佛其僧回舉似馬祖祖曰梅子熟也○上堂汝等諸人各自回心達本莫逐其末但得其

梅子熟也

回心達本

嗣馬祖一
順宗問佛從何方來

本其末自至若欲識本唯了自心此心原是一切世間出世間法根本故心生種種法生心滅種種法滅心且不附一切善惡而生萬法本自如如頌夾山與定山同行言話次定山曰生死中無佛即無生死夾山曰生死中有佛即不迷生死互相不肯同上山見師夾山便舉問未審二人見處那個較親師曰一親一疎夾山復問那個親師曰且去明日來夾山明日再上問師曰親者不問問者不親夾山住後自云○忽一日謂其徒曰來莫可抑往莫可追從容間聞鼯鼠聲乃曰即此物非他物汝等諸人善自護持吾今逝矣言訖示滅

佛光如滿禪師 唐順宗問佛從何方來滅向何方去既言常住世佛今在何處師答曰佛從無為來滅向無為去法身等虛空常住無心處有念歸無念有住歸無住來為衆生來去為衆生去清淨真如海湛然體常住智者善思惟更勿生疑慮 帝又問佛向王宮生滅向雙林滅住世四十九又言無法說山河與大海天地及日月時至皆歸盡誰言不生滅疑情

刷馬祖

猶若斯智者善分別。師答曰。佛體本無爲迷情妄分。別法身等。虛空未曾有生滅。有緣無佛出。無緣佛入。滅處處化衆生。猶如水中月。非常亦非斷。非生亦非滅。生亦未曾生。滅亦未曾滅。了見無心處。自然無法。說帝聞大悅。益重禪宗。

臨終戒哀

五洩靈默禪師頌遠謁石頭便問一言相契卽住不契卽去石頭據坐師便行頭隨後召曰闍黎師回首頭曰從生至死祇是這箇回頭轉腦作麼師言下大悟乃拗折拄杖而棲止焉○一日告衆曰法身圓寂示有去來千聖同源萬靈歸一吾今溥散胡假興哀無自勞神須存正念若遵此命眞報吾恩儻固違言非吾之子時有僧問和尚向甚麼處去師曰無處去曰某甲何不見師曰非眼所覩河山云言畢奄然順化

一祖馬洞

盤山寶積禪師頌因於市肆行見一客人買猪肉語屠家曰精底割一斤來屠家放下刀叉手曰長史那箇不是精底師於此有省頌又一日出門見人昇喪哥郎振鈴云紅輪決定沉西去未審魂靈往那方幕

心月孤圓

金鎖匙

願世告衆

一祖馬明

大悲千手眼

下孝子哭曰哀哀師忽身心踴躍歸畧似馬祖祖印可之。頌上堂。夫心月孤圓。光吞萬象。光非照境。境亦非存。光境俱亡。復是何物。禪德譬如擲劍揮空。莫論及之不及。斯乃空輪無迹。劍刃無虧。若能如是。心心無知。全心卽佛。全佛卽人人。佛無異始爲道矣。頌上堂。禪德可中學。道似地擎山。不知山之孤峻。如石含玉。不知玉之無瑕。若如此者是名出家。故導師云。法本不相礙。三際亦復然。無爲無事人。猶是金鎖難。所以靈源獨耀。道絕無生。大智非明。眞空無迹。眞如凡聖皆是夢言。佛及涅槃並爲增語。禪德直須自看。無人替代。評頌上堂。三界無法。何處求心。四大空佛。依何住。璿璣不動。爾無言覲面相呈。更無餘事。珍重。頌師將順世告衆曰。有人邈得吾眞否。衆將所寫眞呈。皆不契師意。普化出曰。某甲邈得師曰。何不呈似老僧。化乃打筋斗而出。師曰。這漢向後掣風狂去。在師且奄化。

麻谷寶徹禪師頌問臨濟大悲千手眼那箇是正眼
濟曰大悲千手眼那箇是正眼速道速道師近前拽

臨濟下禪床却坐。濟近前曰：「不審師擬議濟便喝。」

下禪床却坐。師便出去。出臨濟章○師使扇次僧問：「風性」

常住無處不周。和尚爲甚麼却搖扇？」師曰：「你祇知風」

性常住。且不知無處不周。曰：「作麼生？」師曰：「無處不周。底」

道理。師却搖扇。僧作禮。師曰：「無用處。」師偈著得一千

個。有甚麼益？」

嗣馬祖一

東寺如會禪師。頌自大寂去世。師常患門徒以卽心

卽佛之談。誦憶不已。且謂佛於何住。而曰卽心心如

畫師。而云卽佛。遂示衆曰：「心不是佛。智不是道。劍去」

遠矣。爾方刻舟時。號東寺爲禪窟焉。」頌仰山參師。問

汝是甚麼人。仰曰：「廣南人。」師曰：「我聞廣南有鎮海明」

珠。是否？」仰曰：「是。」師曰：「此珠如何？」仰曰：「黑月卽隱。白月」

卽現。」師曰：「還將得來也。」無仰曰：「將得來。」師曰：「何不呈」

似。」老僧仰叉手近前曰：「昨到瀉山。亦被索此珠。直得」

無言可對。無理可伸。」師曰：「眞師子兒。善能哮吼。」

嗣馬祖一

西堂智藏禪師。一日大寂遣師詣長安。奉書于忠國

師。國師問曰：「汝師說甚麼法？」師從東過西而立。國師

曰：「祇這箇更別有。」師却從西過東。立。國師曰：「這箇」

須得著經

是馬祖底。仁者作麼生？」師曰：「早箇呈似和尚了也。」評

頌僧問馬祖：「離四句絕百非。請師直指西來意。」祖曰：「

我今日勞倦。不能爲汝說得。」問取智藏。其僧乃來問

師。師曰：「汝何不問和尚？」僧曰：「和尚令某甲來問上座。」

師曰：「我今日頭痛。不能爲汝說得。」問取海兄。去。僧又

去問海。海曰：「我到這裏。却不會。」僧乃舉似馬祖。

祖曰：「藏頭白。海頭黑。」○馬祖一日問師曰：「子何不看

經？」師曰：「經豈異耶？」祖曰：「然雖如此。汝向後爲人也。須

得曰：「智藏病思自養。敢言爲人。」祖曰：「子末年必與於

世。師便禮拜。」馬祖滅後。衆請開堂。○李尚書嘗問僧

馬祖大師有甚麼言教。僧曰：「大師或說卽心卽佛。或

說非心非佛。」李曰：「總過這邊。」李却問師曰：「馬大師有甚

麼言教？」師呼李。李應諾。師曰：「鼓角動也。」頌僧問有

李尚書問僧

問有答。賓主歷然。無問無答。時如何。師曰：「怕爛却那

後有僧學問。長慶慶云：「相逢盡」

道休官去。林下何曾見一人。」

章敬懷暉禪師上堂。至理亡言時。人不悉。強習他事。

以爲功能。不知自性元非塵境。是箇微妙大解脫門。

所有鑒覺。不染不礙。如是光明。未曾休廢。曩劫至今。

嗣馬祖一

固無變易。猶如日輪。遠近斯照。雖及衆色。不與一切和合。靈燭妙明。非假鍛鍊。爲不了故。取於物像。但如捏目。妄起空花。徒自疲勞。枉經劫數。若能返照。無第二人。舉措施爲。不虧實相。評頌有僧。來遼師三匝。振錫而立。師曰。是其僧。又到南泉。亦遼南泉三匝。振錫而立。泉曰。不是。不是。此是風力。所轉。終成敗壞。僧曰。章敬道是和尙。爲甚麼道不是。泉曰。章敬卽是。是汝不是。

大珠慧海禪師。依越州大雲寺智和尙。受業初。參馬祖。祖問從何處來。曰。越州大雲寺來。祖曰。來此擬須何事。曰。來求佛法。祖曰。我這裡一物也。無求甚麼。佛法自家寶藏。不顧拋家散走。作麼。曰。阿那箇是慧海寶藏。祖曰。卽今問我者。是汝寶藏。一切具足。更無欠少。使用自在。何假外求。師於言下。自識本心。不由知覺。踊躍禮謝。師事六載。後以受業師老。遽歸奉養。乃晦迹藏用。外示癡訥。自撰頓悟入道要門論一卷。法姪玄晏。竊出江外。呈馬祖。祖覽訖。告衆曰。越州有大珠圓明。光透自在。無遮障處也。時學侶漸多。日夜扣

激事不得已。隨問隨答。其辨無礙。○僧問。如何是佛。師曰。清談對面。非佛而誰。衆皆茫然。○僧又問。如何得大涅槃。師曰。不造生死業。曰。如何是生死業。師曰。求大涅槃。是生死業。捨垢取淨。是生死業。有得有證。是生死業。不脫對治門。是生死業。曰。云何卽得解脫。師曰。本自無縛。不用求解。直用直行。是無等等。○有行者問。卽心卽佛。那箇是佛。師曰。汝疑那箇不是佛。指出看者。無對師曰。達卽徧境。是不悟承乖疎。○律師法明。謂師曰。禪師家多落空。師曰。却是座主家落空。明大驚曰。何得落空。師曰。經論是紙墨。文字紙墨。文字者。俱是空。設於聲上。建立名句等法。無非是空。座主執滯教體。豈不落空。明曰。禪師落空。否。師曰。不落空。明曰。何得却不落空。師曰。文字等皆從智慧而生。大用現前。那得落空。○道流問。世間還有法。過於自然否。師曰。有。曰。何法。過得師曰。能知自然者。曰。元氣是道。否。師曰。元氣自元氣。道自道。曰。若如是者。則有二也。師曰。知無兩人。又問。云何爲邪。云何爲正。師曰。心逐物爲邪。物從心爲正。○三藏法師問。眞如有

珠喻

三教同異

嗣馬祖一

變易否。師曰：有變易。藏曰：禪師錯也。師却問：三藏有真如否。曰：有。師曰：若無變易，決定是凡僧也。豈不聞善知識者，能回三毒爲三聚，淨戒回六識爲六神通。回煩惱作菩提，回無明爲大智。真如若無變易，三藏真是自然外道也。藏曰：若爾者，真如卽有變易也。師曰：若執真如有變易，亦是外道。曰：禪師適來說真如有變易，如今又道不變易，如何。卽是的。當師曰：若了見性者，如摩尼珠現色，說變亦得，說不變亦得。若不見性，人聞說真如變易，便作變易解，會說不變易，便作不變易解。會藏曰：故知南宗實不可測。○有問：儒釋道三教同異如何。師曰：大量者用之，卽同小機者執之，卽異。總從一性上起用，機見差別，成三迷悟。由人不在教之同異也。

洪州百丈，惟政禪師評頌師問南泉諸方善知識，還有不說似人底法也。無曰：有。師曰：作麼生。曰：不是心，不是佛，不是物。師曰：恁麼則說似人了也。曰：某甲卽恁麼和尙作麼生。師曰：我又不是善知識，爭知有說不說底法。曰：某甲不會，請和尙說。師曰：我太煞與汝

嗣馬祖一

嗣馬祖一

三人見虎

嗣馬祖一

說了也

渤潭法會，禪師頌師問馬祖如何是祖師西來意。祖曰：低聲近前來，向汝道。師便近前。祖打一擲曰：六耳不同謀。且去來日來師，至來日獨入法堂。曰：請和尙道。祖曰：且去待老漢上堂出來，問與汝證明。師忽有省，遂曰：謝大衆證明，乃繞法堂一匝便去。

杉山智堅禪師頌初與歸宗南泉行脚時，路逢一虎，各從虎邊過了。泉問歸宗：適來見虎，似箇甚麼。宗曰：似箇猫兒。宗却問師曰：似箇狗子。又問南泉：泉曰：我見是箇大蟲。大漢智曰：三箇老漢聚話，談話。頌師若要徹，一時參取這大虫始得。頌師喫飯次，南泉收生飯，乃曰：生。齊師曰：無生。泉曰：無生猶是末。泉行數步，師召曰：長老。泉回頭曰：作麼。師曰：莫道是末。

石鞏慧藏禪師初爲獵人射鹿，因遇馬祖，令自射無下手處。省悟，擲下弓箭，投祖出家。住後，常以弓箭接機。○一日在厨作務，次祖問作甚麼。曰：牧牛。祖曰：作麼生。牧曰：一回入草去，驀鼻拽將回。祖曰：子真牧牛師。便休。此章下有頌古一則，因機緣出自三平章內，故不著於此。

北闕讓禪師湖塘亮長老問承聞師兄畫得先師眞
暫請瞻禮師以兩手摩胸開示之亮便禮拜師曰莫
禮莫禮亮曰師兄錯也某甲不禮師兄師曰汝禮先
師眞那亮曰因甚麼教莫禮師曰何曾錯

南源道明禪師洞山參方上法堂師曰已相見了也
山便下去明日却上問曰昨日已蒙和尚慈悲不知
甚麼處是與某甲已相見處師曰心心無間斷流入
於性海山曰幾合放過山辭師曰多學佛法廣作利
益山曰多學佛法卽不問如何是廣作利益師曰一
物莫違

中邑洪恩禪師頌仰山問如何得見佛性義師曰我
與汝說箇譬喻如一室有六窓內有一獼猴外有獼
猴從東邊喚猩猩猩猩卽應如是六窓俱喚俱應仰
山禮謝起曰適蒙和尚譬喻無不了知更有一事祇
如內獼猴睡著外獼猴欲與相見又且如何師下繩
牀執仰山手起舞曰猩猩與汝相見了也

渤潭常興禪師僧問如何是宗乘極則事師曰秋雨
草離披頌南泉至見師面壁乃拊師背師問汝是阿

誰曰普願師曰如何曰也尋常師曰汝何多事

汾州無業禪師每爲衆僧講涅槃大部冬夏無廢後

聞馬大師禪門鼎盛特往瞻禮祖觀其狀貌奇偉語

音如鐘乃曰巍巍佛堂其中無佛師禮跪而問曰三

乘文學粗窮其旨常聞禪門卽心是佛實未能了祖

曰祇未了底心卽是更無別物師曰如何是祖師西

來密傳心印祖曰大德正開在且去別時來師纔出

祖召曰大德師回首祖曰是甚麼師便領悟乃禮拜

祖曰這鈍漢禮拜作麼自得旨後詣曹谿禮祖塔及

廬歎天台偏尋聖迹後住開元精舍頌學者致問多

答之曰莫妄想○唐憲宗屢召辭疾不赴暨穆宗

卽位師被詔中夜告弟子惠愔等曰汝等見聞覺知

之性與太虛同壽不生不滅一切境界本自空寂無

一法可得迷者不了卽爲境惑一爲境惑流轉不窮

汝等當知心性本自有之非因造作猶如金剛不可

破壞一切諸法如影如響無有實者經云唯此一事

實餘二則非眞常了一切空無一物當情是諸佛用

心處汝等勤而行之言訖跏趺而逝

唐憲宗穆宗
詔不赴

嗣馬祖一

大同澄禪師頌僧問如何是本來人師曰共坐不相識曰怎麼則學人禮謝去也師曰暗寫愁腸寄與誰

此一則頌見大同普濟投于大同兩章原機緣實在大同澄下頌古恐非

嗣馬祖一

憲宗詔入麟德殿論義

鵝湖大義禪師頌唐憲宗嘗詔入內於麟德殿論義

有法師問欲界無禪禪居色界此土憑何而立禪師曰法師祇知欲界無禪不知禪界無欲曰如何是禪

師以手點空法師無對帝曰法師講無窮經論祇這

一點尙不奈何師却問諸碩德曰行住坐臥畢竟以

何爲道有對知者是道師曰不可以智知不可以識

識安得知者是乎有對無分別者是師曰善能分別

諸法相於第一義而不動安得無分別是乎有對四

禪八定是師曰佛身無爲不墮諸散安在四禪八定

順宗問尸利

邪衆皆杜口師却舉順宗問尸利禪師大地衆生

如何得見性成佛利曰佛性猶如水中月可見不可

取因謂帝曰佛性非見必見水中月如何攫取帝乃

問何者是佛性師對曰不離陛下所問帝默契眞宗

益加欽重

嗣馬祖一

伏牛自在禪師參馬祖發明心地祖令送書與忠國

嗣馬祖一

佛性原識不得

師國師曰馬大師以何法示徒曰即心即佛國師曰

是甚麼語話良久又問曰此外更有何言教師曰非

心非佛或曰不是心不是佛不是物國師曰猶較些

子師曰馬大師即怎麼未審和尚此間如何國師曰

三點如流水曲似刈禾鎌○上堂即心即佛是無病

求藥句非心非佛是藥病對治句僧問如何是脫洒

底句師曰伏牛山下古今傳

興善惟寬禪師僧問如何是道師曰大好山曰學人

問道師何言好山師曰汝祇識好山何曾達道○問

狗子還有佛性否師曰有日和尙還有否師曰我無

曰一切衆生皆有佛性和尙因何獨無師曰我非一

切衆生曰既非衆生莫是佛否師曰不是佛曰究竟

是何物師曰亦不是物曰可見可思否師曰思之不

及議之不得故曰不可思議○憲宗詔至闕下侍郎

憲宗詔至闕下侍郎白居易問

白居易嘗問曰既曰禪師何以說法師曰無上菩提

者被於身爲律說於口爲法行於心爲禪應用者三

其致一也譬如江河淮漢在處立名名雖不一水性

無二律卽是法法不離禪云何於中妄起分別曰既

離無明執著
是真修

無分別何以修心師曰心本無損傷云何要修理無論垢與淨一切勿念起曰垢即不可念淨無念可乎師曰如人眼睛上一物不可住金屑雖珍寶在眼亦爲病曰無修無念又何異凡夫耶師曰凡夫無明二乘執著離此二病是曰真修真修者不得勤不得忘勤即近執著忘即落無明此爲心要云爾○僧問道在何處師曰祇在目前曰我何不見師曰汝有我故所以不見曰我有我故即不見和尚還見否師曰有汝有我展轉不見曰無我無汝還見否師曰無汝無我阿誰求見

嗣馬祖一

三角總印禪師頌上堂若論此事眨上眉毛早已蹉過也麻谷便問眨上眉毛即不問如何是此事師曰蹉過也谷乃掀倒禪牀師便打

嗣馬祖一

魯祖寶雲禪師頌尋常見僧來便面壁南泉問曰我尋常向師僧道向佛未出世時會取尙不得一箇半箇他恁麼驢年去保福問長慶祇如魯祖節文在甚處處被南泉恁麼道長慶云退已讓於人萬中無一箇

嗣馬祖一

芙蓉太毓禪師龐居士問馬大師著實爲人處還分

嗣馬祖一

付吾師否師曰某甲尙未見他作麼生見他著實處士曰祇此見知也無討處師曰居士也不得一向言說士曰一向言說師又失宗若作兩向三向師還開得口否師曰直是開口不得可謂實也士撫掌而出紫玉道通禪師僧問如何出得三界去師曰汝在裏許得多少時也曰如何出離師曰青山不礙白雲飛頌于頌相公問如何是黑風吹其船舫漂墮羅刹鬼國師曰于頌客作漢問怎麼事作麼于公失色師乃指曰這箇便是漂墮羅刹鬼國頌公又問如何是佛師喚相公公應諾師曰更莫別求

嗣馬祖一

五臺隱峯禪師即鄧隱峯頌師到南泉觀衆僧參次泉指淨餅曰銀餅是境餅中有水不得動著境與老僧將水來師拈起淨餅向泉面前瀉泉便休

嗣馬祖一

西園曇藏禪師受心印於大寂後謁石頭瑩然明徹出住西園禪侶日盛師一日自燒浴次僧問何不使沙彌師撫掌二下僧問曹山西園撫掌豈不是奴兒婢子邊事山云是云向上更有事也無山曰有云如何是向上事山叱云這奴兒婢子

嗣馬祖一

楊岐甄叔禪師上堂羣靈一源假名爲佛體竭形銷

而不滅金流朴散而常存性海無風金波自湧心靈
絕兆萬象齊照體斯理者不言而徧歷沙界不用而
功益玄化如何背覺反合塵勞於陰界中妄自囚執
○禪月問如何是祖師西來意師呈起數珠月罔措
師曰會麼曰不會師曰某甲參見石頭來曰見石頭
得何意旨師指庭前鹿曰會麼曰不會師曰渠儂得
自由

嗣馬祖一

馬頭神藏禪師頌上堂知而無知不是無知而說無
知便下座南泉云怎麼依師道始道得一半
黃檗云不是南泉駁他要圓前話

嗣馬祖一

華林善覺禪師頌觀察使裴休訪之問曰還有侍者
否師曰有一兩箇祇是不可見客裴曰在甚麼處師
乃喚大空空空時二虎自庵後而出裴觀之驚悸師
語二虎曰有客且去二虎哮吼而去裴問曰師作何
行業感得如斯師乃良久曰會麼曰不會師曰山僧
常念觀音

嗣馬祖一

濠谿和尚僧問本分事如何體悉師曰汝何不問曰
請師答話師曰汝却問得好僧大笑而出師曰祇有
這僧靈利○有僧從外來師便喝僧曰好箇來由師

嗣馬祖一

曰猶要棒在僧珍重便出師曰得能自在
佛隄和尚尋常見僧來以拄杖卓地曰前佛也怎麼
後佛也怎麼問正怎麼時作麼生師畫一圓相僧作
女人拜師便打○問如何是異類師敲碗曰花奴花
奴喫飯來

嗣馬祖一

烏白和尚頌玄紹二上座參師乃問二禪客發足甚
麼處玄曰江西師便打玄曰久知和尚有此機要師
曰汝既不會後面箇師僧祇對看紹擬進前師便打
曰信知同坑無異土參堂去評頌問僧近離甚處曰
定州師曰定州法道何似這裏曰不別師曰若不別
更轉彼中去便打僧曰棒頭有眼不得草草打人師
曰今日打著一箇也又打三下僧便出去師曰屈棒
元來有人喫在日爭奈杓柄在和尙手裏師曰汝若
要山僧回與汝僧近前奪棒打師三下師曰屈棒屈
棒曰有人喫在師曰草草打著個漢僧禮拜師曰却
與麼去也僧大笑而出師曰消得怎麼消得怎麼
石白和尚頌初參馬祖祖問甚麼處來師曰烏白來
祖曰烏白近日有何言句師曰幾人於此茫然祖曰

嗣馬祖一

茫然且置。悄然一句作麼生。師乃近前三步。祖曰。我有七棒。寄打鳥。白。你還甘否。師曰。和尚先喫。某甲後甘。

嗣馬祖一

本谿和尚。頌因龐居士。問丹霞打侍者。意在何所。師曰。大老翁。見人長短。在士曰。爲我與師同參。方敢借問。師曰。若怎麼從頭舉來。共你商量。士曰。大老翁。不可共你說。人。是非。師曰。念翁年老。士曰。罪過。罪過。

嗣馬祖一

石林和尚。頌見龐居士。來乃豎起拂子。曰。不落丹霞。機試道一句子。士奪却拂子。却自豎起拳。師曰。正是。丹霞機。士曰。與我不落看。師曰。丹霞患瘧。龐公患癰。士曰。恰是師無語。士曰。向道偶爾。

嗣馬祖一

亮座主。頌講經論。因參馬祖。祖問。見說座主。大講得經論。是否。師曰。不敢。祖曰。將甚麼講。師曰。將心講。祖曰。心如工伎兒。意如和伎者。爭解講。得師抗聲曰。心既講不得。虛空莫講得麼。祖曰。却是虛空講得。師不肯。便出。將下。塔祖召曰。座主。師回首。祖曰。是甚麼。師豁然大悟。便禮拜。祖曰。這鈍根阿師。禮拜作麼。師曰。某甲所講經論。將謂無人及得。今日被大師一問。

嗣馬祖一

平生功業一時水釋

百靈和尚。一日與龐居士。路次相逢。問曰。南嶽得力。句。還曾舉向人也。無士曰。曾舉來。師曰。舉向甚麼人。士以手自指曰。龐公。師曰。直是妙德空生也。讀嘆不及。士却問阿師。得力句。是誰得知。師戴笠子。便行。士曰。善爲道路師。更不回首。

嗣馬祖一

金牛和尚。評頌。每日做飯供養衆僧。至齋時。昇飯桶。到堂前作舞。呵呵大笑曰。菩薩子。喫飯來。

嗣馬祖一

利山和尚。僧問。衆色歸空。空歸何所。師曰。舌頭不出口。曰。爲甚麼。不出口。師曰。內外一如故。

嗣馬祖一

乳源和尚。頌上堂。西來的的。意不妨難。道衆中。莫有道得者。出來試道。看時。有僧出禮拜。師便打曰。是甚麼時節。出頭來。便歸方丈。
僧舉似長慶云。不妨不妨。資嗣代云。爲和尚不惜。

命身

嗣馬祖一

松山和尚。頌同龐居士。喫茶。士舉曇子。曰。人人盡有。分爲甚麼。道不得。師曰。祇爲人人盡有。所以道不得。士曰。阿兄。爲甚麼。却道得。師曰。不可無言也。士曰。灼然灼然。師便喫茶。士曰。阿兄。喫茶爲甚麼。不揖客。師

曰誰士曰龐公師曰何須更揖後丹霞聞乃曰若不是松山幾被箇老翁惑亂一上士聞之乃令人傳語霞曰何不會取未學童子時

嗣馬祖一

則川和尚頌與龐居士摘茶次士曰法界不容身師還見我否師曰不是老僧泊答公話士曰有問有答蓋是尋常師乃摘茶不聽士曰莫怪適來容易借問師亦不顧士喝曰這無禮儀老漢待我一一舉向明眼人師乃拋却茶籃便歸方丈頌師一日在方丈內坐居士來見乃曰只知端居丈室不覺僧到參時師垂下一足士便出行三兩步却回師乃收足士曰可謂自由自在師曰我是主士曰阿師只知有主不知有客師喚侍者點茶士作舞而出兩作家怎麼相見如二龍玩耍兩無相傷所關入林不動草入水不動波到這裏方知有自由自在分且道是什麼得恁麼靈驗增收

嗣馬祖一

打地和尙頌自江西領旨常晦其名凡學者致問唯以棒打地示之時謂之打地和尙一日被僧藏却棒然後致問師但張其口僧問門人曰祇如和尚每日有人問便打地意旨如何門人即於竈內取柴一片

擲在釜中

嗣馬祖一

秀谿和尚頌谷山問聲色純真如何是道師曰亂道作麼山却從東過西立師曰若不恁麼即禪事也山又從西過東立師乃下禪牀方行兩步被谷山捉住曰聲色純真事作麼生師便打一掌山曰三十年後要箇人下茶也無在師曰要谷山這漢作甚麼山呵呵大笑

嗣馬祖一

江西棹樹和尚頌臥次道吾近前牽被覆之師曰作麼吾曰蓋覆師曰臥底是坐底是吾曰不在這兩處師曰爭奈蓋覆何吾曰莫亂道

嗣馬祖一

水潦和尚頌初參馬祖問曰如何是西來的意祖曰禮拜著師纔禮拜祖乃當曾踏倒師大悟起來撫掌呵呵大笑曰也大奇也大奇百千三昧無量妙義祇向一毫頭上識得根源去禮拜而退住後每告衆曰自從一喫馬祖踏直至如今笑不休

嗣馬祖一

浮杯和尚頌凌行婆來禮拜師與坐喫茶婆乃問盡力道不得底句分付阿誰師曰浮杯無刺語婆曰未到浮杯不妨疑著師曰別有長處不妨拈出婆斂手

趙州眼光燦
破四天

嗣馬祖一
窟流茶葉

哭曰蒼天中更忝冤苦師無語婆曰語不知偏正理
不識倒邪爲人卽禍生後有僧舉似南泉泉曰苦哉
浮杯被這老婆摧折一上發後聞笑曰王老師猶少
機關在澄一禪客逢見行婆便問怎生是南泉猶少
機關在婆乃哭曰可悲可痛一罔措婆曰會麼一合
掌而立婆曰伎死禪和如麻似粟一舉似趙州州曰
我若見這臭老婆問教口瘡一曰未審和尚怎生問
他州便打一曰爲甚麼却打某甲州曰似這伎死漢
不打更待幾時連打數棒婆聞却曰趙州合喫婆手
裡棒後僧舉似趙州州哭曰可悲可痛婆聞此語合
掌嘆曰趙州眼光燦破四天下州令僧問如何是趙
州眼婆乃豎起拳頭僧回舉似趙州州作偈曰當機
覲面提覲面當機疾報汝凌行婆哭聲何得失婆以
偈答曰哭聲師已曉已曉復誰知當時摩竭國幾喪
目前機

龍山和尚頌洞山與密師伯經由見溪流菜葉洞曰
深山無人因何有菜隨流莫有道人居否乃共議撥
草溪行五七里間忽見師羸形異貌放下行李問訊

嗣馬祖一

不與萬法爲
侶

指雪

師曰此山無路闍黎從何處來洞曰無路且置和尚
從何而入師曰我不從雲水來洞曰和尚住此山多
少時耶師曰春秋不涉洞曰和尚先住此山先住師
曰不知洞曰爲甚麼不知師曰我不從人天來洞曰
和尚得何道理便住此山師曰我見兩箇泥牛鬪入
海直至于今絕消息

龐蘊居士頌唐貞元初謁石頭乃問不與萬法爲侶
者是甚麼人頭以手掩其口豁然有省後與丹霞爲
友一日石頭問曰子見老僧以來日用事作麼生士
曰若問日用事卽無開口處乃呈偈曰日用事無別
唯吾自偶諸頭頭非取捨處處沒張乖朱紫誰爲號
丘山絕點埃神通并妙用運水及般柴頭然之曰子
以緇邪素邪士曰願從所慕遂不剃染後參馬祖問
曰不與萬法爲侶者是甚麼人祖曰待汝一口吸盡
西江水卽向汝道士於言下頓領玄旨頌有偈曰有
男不婚有女不嫁大家團圓頭共說無生話評頌因
辭藥山山命十禪客相送至門首士乃指空中雪曰
好雪片片不落別處有全禪客曰落在甚處士遂與

一作梳

樹枝間病

今一本卷四
副百丈海

盤上禮佛

一掌全曰：「也不得草草。」主曰：「怎麼？」禪客問羅老子：「未放你在。」全曰：「居士作麼生？」士又掌曰：「眼見如盲口說如虛。」頌龐行婆入鹿門寺設齋維那請意旨婆拈疏子插向髻後曰：「回向了也。」便出去。頌士坐次問靈照曰：「古人道明明百草頭，明明祖師意如何？」會照曰：「老老大大作這箇語話。」士曰：「你作麼生？」照曰：「明明百草頭，明明祖師意。」士乃笑。頌士將入滅，謂靈照曰：「視日早晚及午，以報照。」遽報曰：「已中矣，而有蝕也。」士出戶觀次，靈照即登父座，合掌坐亡。士笑曰：「我女鋒捷矣。」於是更延七日，頌州牧于公顧問疾次，士謂之曰：「但願空諸所有，慎勿實諸所無，好住世間，皆如影響。」言訖，枕于公膝而化。

會元三卷終

黃檗希運禪師頌初遊天台逢一僧與之言笑如舊相識，熟視之，目光射人，乃偕行。屬澗水暴漲，捐笠植杖而止。其僧率師同渡，師曰：「兄要渡，自渡，彼即褰衣躡波若履平地。」回顧曰：「渡來。」渡來，師曰：「咄！這自了漢，吾早知當所汝。」經其僧歎曰：「真大乘法器，我所不及。」言訖不見。頌師在鹽官殿上禮佛次時，唐宣宗爲

裴休拓佛

熟記處便去

有禪無師

沙彌問曰：「不著佛求，不著法求，不著僧求，長老禮拜，當何所求？」師曰：「不著佛求，不著法求，不著僧求，常禮如是事。」彌曰：「用禮何爲？」師便掌。彌曰：「太靈生。」師曰：「這裏是甚麼？」所在說靈說細，隨後又掌。頌裴相國一日拓一尊佛於師前，跪曰：「請師安名。」師召曰：「裴休公。」應諾。師曰：「與汝安名。」竟公禮拜。頌師辭南泉，泉門送提，起師笠曰：「長老身材沒量。」大笠子太小。生師曰：「雖然如此，大千世界總在裏。」許泉曰：「王老師。」師戴笠便行。許頌上堂，大眾雲集，乃曰：「汝等諸人欲何所求？以拄杖趁之大。」衆不散。師却復坐曰：「汝等諸人盡是唾酒糟漢。」恁麼行脚，取笑於人，但見八百一十人處，便去，不可圖他熱鬧也。老僧行脚時，或遇草根下有一箇漢，便從頂門上一錐看，他若知痛痒，可以布袋盛米供養他，可中總似汝如此容易，何處更有今日事也。汝等既稱行脚，亦須著些精彩，好還知道大唐國內無禪師。麼時有僧問諸万尊宿，盡聚衆開化爲甚麼，却道無禪。師曰：「不道無禪，祇是無師。」闍黎不見馬大師，下有八十餘人坐道場，得馬師正法眼者止。

三兩人廬山歸宗和尚是其一夫出家人須知有從上來事分始得且如四祖下牛頭橫說豎說猶未知向上關捩子有此眼目方辯得邪正宗黨且當人事宜不能體會得但知學言語念向皮袋裡安著到處稱我會禪還替得汝生死麼輕忽老宿入地獄如箭我纔見汝入門來便識得了也還知麼急須努力莫容易事持片衣口食空過一生明眼人笑汝久後總被俗漢算將去在宜自看遠近是阿誰面上事若會即便會若不會即散去珍重

長慶大安禪師號懶安造百丈禮而問曰學人欲求識

佛何者即是丈曰大似騎牛覓牛師曰識得後如何丈曰如人騎牛至家師曰未審始終如何保任丈曰如牧牛人執杖視之不令犯人苗稼師自茲領旨更不馳求○同參祐禪師創居潯山師躬耕助道及祐歸寂衆請接踵住持上堂汝諸人總來就安求覓甚麼若欲作佛汝自是佛擔佛傍家走如渴鹿赴陽燄相似何時得相應去汝欲作佛但無許多顛倒攀緣妄想惡覺垢淨衆生之心便是初心正覺佛更向何

處別討所以安在潯山三十年來喫潯山飯局潯山屎不學潯山禪祇看一頭水牯牛若落路入草便把鼻孔拽轉來纔犯人苗稼即鞭撻調伏既久可憐生受人言語如今變作箇露地白牛常在面前終日露迥迥地越亦不去汝諸人各自有無價大寶從眼門放光照見山河大地耳門放光頭采一切善惡音響如是六門晝夜常放光明亦名放光三昧汝自不識取影在四大身中內外扶持不教傾側如人負重擔從獨木橋上過亦不教失脚且道是甚麼物任持便得如是且無絲髮可見豈不見誌公和尚云內外追尋覓總無境上施爲渾大有珍重○僧問一切施爲是法身用如何是法身師曰一切施爲是法身用曰離却五蘊如何是本來身師曰地水火風受想行識曰這箇是五蘊師曰這箇異五蘊○問此陰已謝彼陰未生時如何師曰此陰未謝那箇是大德曰不會師曰若會此陰便明彼陰○問佛在何處師曰不離心
大慈寰中禪師一日南泉至問如何是庵中主師曰

蒼天蒼天。泉曰：蒼天且置，如何是庵中主？師曰：會卽便會，莫切切。泉拂袖而去。頌上堂：山僧不解答話，祇能識病。時有僧出，師便歸方丈。頌趙州問般若以何爲體，師曰：般若以何爲體。州大笑而出。明日州掃地。次師曰：般若以何爲體。州置帚拈掌大笑。師便歸方丈。

嗣百丈海

抽釘拔楔

嗣百丈海

平田普岸禪師頌臨濟訪師到路口，允逢一嫂在田使牛。濟問嫂：平田路向甚麼處去？嫂打牛一棒曰：這畜生到處走到此路，也不識濟。又曰：我問你平田路向甚麼處去？嫂曰：這畜生五歲尙使不得濟心。語曰：欲觀前人先觀所使，便有抽釘拔楔之病。及見師，師問你還曾見我嫂也？未濟曰：已收下了也。師遂問近離甚麼處？濟曰：江西黃檗。師曰：情知你見作家來。濟曰：特來禮拜和尚。師曰：已相見了也。濟曰：賓主之禮合施三拜。師曰：既是賓主之禮，禮拜著。○上堂：神光不昧，萬古徽猷。入此門來，莫存知解，便下座。石霜性空禪師僧問：如何是祖師西來意？師曰：如人在千尺井中，不假寸繩，出得此人，卽答汝西來意。曰：

嗣百丈海

蜂子投窓

百丈門風

嗣百丈海

近日湖南暢和尚出世，亦爲人東語西話。師喚沙彌，搜出這死屍著。沙彌卽仰山，山後問耽源如何出得，井中人源曰：咄，寢漢誰在井中？山復問：漢山爲甚麼寂山應諾？漢曰：出也。仰山住後，常學前語。爾衆曰：我在耽源處得名，漢山處得地。福州古靈神贊禪師本州大中寺受業，後行脚遇百丈，開悟却回受業。本師問曰：汝離吾在外，得何事業？曰：並無事業，遂遣執役一日。因澡身，命師去垢。師乃拈背曰：好所佛堂，而佛不聖。本師回首視之，師曰：佛雖不聖，且能放光。本師又一日在窓下看經，蜂子投窓，紙求出，師觀之曰：世界如許廣闊，不肯出；鑽他故紙，驢年去。遂有偈曰：空門不肯出，投窓也大痴。百年鑽故紙，何日出頭時？本師置經問曰：汝行脚遇何人？吾前後見汝發言異常。師曰：某甲蒙百丈和尚指箇歇處，今欲報慈德耳。本師於是告衆致齋，請師說法。師乃登座，舉唱百丈門風曰：靈光獨耀，迥脫根塵，體露真常，不拘文字；心性無染，本自圓成，但離妄緣，卽如如佛。本師於言下感悟曰：何期垂老得聞極則事。和安通禪師自幼寡言，時人謂之不語。迨因禮佛次，有禪者問座主禮底是甚麼？師曰：是佛。禪者乃指像。

曰這箇是何物師無對至夜具威儀禮問今日所問某甲未知意旨如何禪者曰座主幾夏邪師曰十夏禪者曰還曾出家也未師轉茫然禪者曰若也不會百夏奚爲乃余同參馬祖及至江西祖已圓寂遂謁百丈頌釋疑情有人問師是禪師否師曰貧道不會學禪師良久召其人其人應諾師指撥欄樹子其人無對

嗣百丈海

百丈涅槃和尚頌一日謂衆曰汝等與我開田我與汝說大義衆開田了歸請說大義師乃展兩手衆問措頌見惟歌

嗣南泉

參南泉

趙州觀音院亦曰東院從諗禪師童稚從師披剃未納戒便抵池陽參南泉值泉偃息而問曰近離甚處師曰瑞像泉曰還見瑞像麼師曰不見瑞像祇見臥如來頌泉便起坐問汝是有主沙彌無主沙彌師曰有主沙彌泉曰那箇是你主師近前躬身曰仲冬嚴寒伏惟和尚尊候萬福泉器之許其入室頌他日問泉曰如何是道泉曰平常心是道師曰還可趣向也無泉曰擬向即乖師曰不擬爭知是道泉曰道不屬知不

平常心

異類中行

屬不知知是妄覺不知是無記若真達不疑之道猶如太虛廓然蕩豁豈可強是非邪師於言下悟理頌師一日問泉曰知有底人向甚麼處去泉曰山前檀越家作一頭水牯牛去師曰謝師指示泉曰昨夜三更月到窓○泉曰今時人須向異類中行始得師曰異即不問如何是類泉以兩手拓地師近前一踏踏倒却向涅槃堂裏叫曰悔悔泉令侍者問悔個甚麼師曰悔不更與兩踏頌師一日到英黃執拄杖於法堂上從東過西黃曰作甚麼師曰探水黃曰我這裏一滴也無探箇甚麼師以杖倚壁便下○上堂如明珠在掌胡來胡現漢來漢現老僧把一枝草爲丈六金身用把丈六金身爲一枝草用佛是煩惱煩惱是佛僧問未來佛是誰家煩惱師曰與一切人煩惱曰如何免得師曰用免作麼頌僧辭師曰甚處去曰諸方學佛法去師豎起拂子曰有佛處不得住無佛處急走過三千里外逢人不得錯舉曰與麼則不去也師曰摘楊花摘楊花評頌僧問承聞和尚親見南泉是否師曰鎮州出大羅蔔頭評頌上堂金佛不度爐

把一枝草爲丈六金身用

摘楊花

究理坐著

木佛不度火泥佛不度水眞佛內裏坐菩提涅槃眞如佛性盡是貼體衣服亦名煩惱實際理地甚麼處著一心不生萬法無咎汝但究理坐看三二十年若不會截去老僧頭去夢幻空花徒勞把捉心若不異萬法一如既不從外得更拘執作麼如羊相似亂拾物安向口裏老僧見藥山和尚道有人問著但教合取狗口老僧亦教合取狗口取我是指不取我是淨一似獵狗專欲得物與佛法在甚麼處千人萬人盡是覓佛漢子於中覓一箇道人無若與空王爲弟子莫教心病最難醫未有世界早有此性世界壞時此性不壞一從見老僧後更不是別人祇是箇主人公這個更向外覓作麼正恁麼時莫轉頭換腦若轉頭換腦卽失却也僧問承師有言世界壞時此性不壞如何是此性師曰四大五陰曰此猶是壞底如何是此性師曰四大五陰注云是一個兩個是壞不壞且作麼生會試斷看頌尼問如何是密密意師以手指之尼曰和尚猶有這個在師曰却是你有這個在頌有僧遊五臺問一婆子曰臺山路向甚麼處去婆曰驀直去僧便去婆曰好

請師應經

柏樹子

機有語言是家語

箇師僧又怎麼去後有僧舉似師師曰待我去勸過明日師便去問臺山路向甚麼處去婆曰驀直去師便去婆曰好箇師僧又怎麼去師歸院謂僧曰臺山婆子爲汝勘破了也頌有一婆子令人送錢請轉藏經師受施利了却下禪牀轉一匝乃曰傳語婆轉藏經已竟其人回舉似婆婆曰比來請轉全藏如何祇爲轉半藏頌僧問如何是祖師西來意師曰庭前柏樹子曰和尚莫將境示人師曰我不將境示人曰如何是祖師西來意師曰庭前柏樹子評頌上堂至道無難唯嫌揀擇纔有語言是揀擇是明白老僧不在明白裏是汝還護惜也無時有僧問既不在明白裏護惜箇甚麼師曰我亦不知僧曰和尚既不知爲甚麼道不在明白裏師曰問事卽得禮拜了退評頌則僧問至道無難唯嫌揀擇是時人窠窟否師曰曾有人問我老僧直得五年分疎不下評頌又問至道無難唯嫌揀擇如何是不揀擇師曰天上天下唯我獨尊曰此猶是揀擇師曰田庫奴甚麼處是揀擇僧無語評頌問至道無難唯嫌揀擇纔有語言是揀擇和尚如

禪外座

嚴義座

獅子佛僧

雲茶主

義法師一

何爲人師。曰何不引盡此語。僧曰某甲祇念得到這裏。師曰至道無難。唯嫌揀擇。頌問如何。是道師曰。牆外底。曰不問這箇。師曰你問那箇。曰大道師曰大道透長安。頌問如何。是佛師曰。殷裏底。頌問學人乍入叢林。乞師指示。師曰喫粥了也。未曰喫粥了也。師曰洗鉢盂去。其僧忽然省悟。頌上堂。纔有是非。紛然失心。還有答話也。無僧舉似洛浦。浦扣齒又舉似雲居。居曰何必僧回舉。似師師曰南方大有人喪身失命。曰請和尚舉。師纔舉前話。僧指傍僧曰。這箇師僧喫却飯了。作怎麼語。話師休去。評頌問久嚮趙州石橋。到來祇見略約。師曰汝祇見略約。且不見石橋。曰如何。是石橋。師曰度驢度馬。頌問狗子還有佛性也無。師曰無。曰上至諸佛。下至螻蟻。皆有佛性。狗子爲甚麼却無。師曰爲伊有業識。在頌師問新到。曾到此間麼。曰曾到。師曰喫茶去。又問僧僧曰不曾到。師曰喫茶去。後院主問曰爲甚麼曾到也。云喫茶去。不曾到也。云喫茶去。師召院主。主應諾。師曰喫茶去。評頌僧問。萬法歸一一。歸何所。師曰老僧在青州作得一箇

人來三零接

經義教誨

水上打毬

布衫重七斤。頌真定師王公携諸子入院。師坐而問曰。大王會麼。王曰不會。師曰自小持齋身已老。見人無力下禪牀。王尤加禮重。翌日令客將傳語師下禪牀。受之侍者曰和尚見大王來不下禪牀。今日軍將來爲甚麼却下禪牀。師曰非汝所知。第一等人來禪牀上接。中等人來下禪牀接。末等人來三門外接。頌因侍者報大王來也。師曰萬福。大王者曰未到在師曰又道來也。頌師到一處主處問有麼。有麼主豎起拳頭。師曰水淺不是泊船處。便行又到一處主處問有麼。有麼主亦豎起拳頭。師曰能縱能奪。能殺能活。便作禮。○上堂。正人說邪法。邪法悉皆正。邪人說正法。正法悉皆邪。諸方難見易識。我這裏易見難識。評頌僧問如何。是趙州師曰東門西門南門北門。評頌問初生孩子還具六識也無。師曰急水上打毬子。僧却問投子急水上打毬子。意旨如何。子曰念念不停留。頌問和尚姓甚麼。師曰常州有曰甲子多少。師曰蘇州有頌問十二時中如何用心。師曰汝被十二時辰使老僧使得十二時。乃曰兄弟莫久立有事商量。

寫理好

阿南及願

妙門

雲雲不命

無事向衣鉢下坐窮理好。老僧行脚時。除二時粥飯。是雜用心處。除外更無別用心處。若不如是大遠在長沙景岑禪師上堂。我若一向舉揚宗教法堂裏。須草深一丈事不獲已。向汝諸人道。盡十方世界是沙門眼。盡十方世界是沙門全身。盡十方世界是自己光明。盡十方世界在自己光明裏。盡十方世界無一人不是自己。我常向汝諸人道。三世諸佛法界衆生。是摩訶般若光。光未發時。汝等諸人向甚麼處委悉。光未發時。尚無佛無衆生消息。何處得山河國土來。時有僧問。如何是沙門眼。師曰。長長出不得。又曰。成佛成祖。出不得。六道輪迴。出不得。僧曰。未審出箇甚麼。不得。師曰。晝見日夜見。星日學人不會。師曰。妙高山色青。又青。評頌遊山歸首座問。和尚甚處去來。師曰。遊山來。座曰。到甚麼處。師曰。始從芳草去。又逐落花回。座曰。大似春意。師曰。也。勝秋露滴芙蓉。○有客來謁師。召侍書其人。應諾。師曰。不是。侍書本命曰。不可離却。即今祇對別有第二主人。師曰。喚侍書作主。尊得麼。曰。怎麼總不祇對。時莫是弟子主人否。師曰。

生死根本

果上涅槃

自參學

非但祇對與不祇對。時無始劫來。是箇生死根本。有偈曰。學道之人。不識真。祇爲從來認識神。無量劫來。生死本。癡人喚作本來人。頭有秀才看千佛。名經問曰。百千諸佛。但見其名。未審居何國土。還化物也。無師曰。黃鶯樓崔顥題後。秀才還會題也。未曰。未曾師曰。得閒題取一篇好。○皓月供奉問。天下善知識。證三德涅槃也。未師曰。大德問。果上涅槃。因中涅槃。曰。問果上涅槃。師曰。天下善知識。未證曰。爲甚麼未證。師曰。功未齊於諸聖。曰。功未齊於諸聖。何爲善知識。師曰。明見佛性。亦得名爲善知識。曰。未審功齊何道。名證大涅槃。師示偈曰。摩訶般若。照解脫甚深。法身寂滅。體三理圓常。欲識功齊處。此名常寂光。曰。果上三德涅槃。已蒙開示。如何是因中涅槃。師曰。大德是月。○僧問。如何是平常心。師曰。要眠即眠。要坐即坐。曰。學人不會。師曰。熱即取涼。寒即取火。○問。和尚繼嗣何人。師曰。我無人得繼嗣。曰。還參學也。無師曰。我自參學。曰。師意如何。師有偈曰。虛空問萬象。萬象答虛空。誰人親得聞。木叉卽角童。師與仰山。既

峯大蟲

秀南泉遷化

色即是空

山河轉

月次山曰人人盡有這箇祇是用不得師曰恰是倩汝用山曰你作麼生用師劈胸與一踏山曰因直下是箇大蟲自此諸方稱為峯大蟲頃三聖令秀上座問曰南泉遷化向甚麼處去師曰石頭作沙彌時參見六祖秀曰不問石頭見六祖南泉遷化向甚麼處去師曰教伊尋思去秀曰和尚雖有千尺寒松且無抽條石荀師默然秀曰謝和尚答話師亦默然秀回舉似三聖聖曰若恁麼猶勝臨濟七步然雖如此待我更尋看至明日三聖上問承聞和尚昨日答南泉遷化一則語可謂光前絕後今古罕聞師亦默然○僧問色即是空空即是色此理如何師曰聽老僧偈礙處非牆壁通處沒虚空若人如是解心色本來同又云佛性堂堂顯現住性有情難見若悟衆生無我我面何如佛面○問蚯蚓斷爲兩段兩頭俱動未審佛性在阿那頭師曰妄想作麼曰其如動何師曰汝豈不知火風未散頌問如何轉得山河國土歸自己去師曰如何轉得自己成山河國土去曰不會師曰湖南城下好養民米賤柴多足四鄰僧無語師示偈

虛空有無

虛空生滅

祖父見孫

問南泉頭

曰誰問山河轉山河轉向誰圓通無兩畔法性本無歸○華嚴座主問虛空爲是定有爲是定無師曰言有亦得言無亦得虛空有時但有假有虛空無時但無假無曰如和尚所說有何教文師曰大德豈不聞首楞嚴云十方虛空生汝心內猶如片雲點太清裏豈不是虛空生時但生假名又云汝等一人發真歸源十方虛空悉皆消殞豈不是虛空滅時但滅假名老僧所以道有是假有無是假無又問經云如淨瑠璃中內現真金像此意如何師曰以淨瑠璃爲法界體以真金像爲無漏智體能生智智能達體故云如淨瑠璃中內現真金像○久依南泉有投機偈曰今日還鄉入大門南泉親道徧乾坤法法分明皆祖父回頭慚愧好兒孫泉答曰今日投機事莫論南泉不道徧乾坤還鄉盡是兒孫事祖父從來不出門頃僧問了卽業障本來空未了應須還宿債只如二祖是了不了師曰空又問雲門門曰確大溪秀云長沙左路學纔有絲毫騰蛇繞脚增收

茶黃和尚頌趙州到雲居居曰老老大大何不覓箇

嗣南泉

住處曰甚麼處住得。居曰山前有箇古寺。基州曰和尚自住。後到師處。師曰老老大大。何不覓箇住處。州曰向甚麼處住。師曰老老大大。住處也不知。州曰三十年弄馬騎。今日却被驢撲。願見趙州。章內

子湖利縱禪師。因邑人翁遷貴。施山下子湖創院。師於門下立碑曰子湖有一隻狗。上取人頭中取人心。下取人足。提議即喪身失命。臨濟會下二僧參方。揭簾師喝曰看狗。僧回顧師便歸。方丈○尼到參師曰汝莫是劉鐵磨否。曰不敢。師曰左轉右轉。曰和尚莫顛倒。師便打。

嗣南泉

白馬臺照禪師。頌常曰快活快活。及臨終時叫苦苦。又曰閻羅王來取我也。院主問曰和尚當時被節度使拋向水中。神色不動。如今何得恁麼地。師舉枕子曰汝道當時是如今是。院主無對。法眼代云此時

嗣南泉

雲際師祖禪師。張初參南泉。問摩尼珠。人不識。如來藏裡。綱收得如何。是。南泉曰與汝往來者是。師曰不往來者如何。泉曰亦是。曰如何是。珠。泉召師祖。師應諾。泉曰去。汝不會我話。師從此信入。

嗣南泉

差別處

不用挂情

嗣南泉

香嚴端禪師上堂。兄弟彼此未了。有甚麼事相共商量。我三五日即發去也。如今學者。須了却。今時莫愛他。向上人無事。兄弟總學得種種。差別義路。終不代得自己見解。畢。竟著力始得。空記持他巧妙章句。即轉加煩亂。去汝若欲相應。但恭恭地盡。莫停留纖毫。直似虛空。方有少分。以虛空無鎖閉。無壁落。無形段。無心眼。時有僧問古人相見時如何。師曰老僧不曾見古人。曰今時血脉不斷。處如何。仰義師曰有甚麼仰義處。○問某不問閑事。請和尚答話。師曰更使我覺甚麼。曰不為閑事。師曰汝教我道。乃曰兄弟。佛是塵法。是塵。終日馳求。有甚麼休歇。但時中不用挂情。情不挂物。無善可取。無惡可棄。莫教他籠罩著。始是學處也。○問某甲曾辭一老宿。宿曰去則親長。朋附善友。某今辭和尚。未審有何指示。師曰禮拜著。僧禮拜。師曰禮拜一任。禮拜不得。認奴作郎。雲巖閑禪師上堂。是汝諸人本分事。若教老僧道。即是與蛇畫足。時有僧問與蛇畫足。即不問如何。是本分事。師曰閑繫談道。看僧擬再問。師曰畫足作麼。

嗣南泉願

佛法不明

嗣南泉願

嗣南泉願

蘇州西禪和尚僧問三乘十二分教則不問如何是
 祖師西來的的意師舉拂子示之其僧不禮拜竟參
 雪峯峯問甚麼處來曰浙中來峯曰今夏甚麼處曰
 西禪峯曰和尚安否曰來時真福峯曰何不且在彼
 從容曰佛法不明峯曰有甚麼事僧舉前話峯曰汝
 作麼生不肯伊曰是境峯曰汝見蘇州城裏人家男
 女否曰見峯曰汝見路上林木池沼否曰見峯曰凡
 觀人家男女大池林沼總是境汝還肯否曰肯峯曰
 祇如舉起拂子汝作麼生不肯僧乃禮拜曰學人取
 次發言乞師慈悲峯曰盡乾坤是箇眼汝向甚麼處
 蹲坐僧無語

陸亘大夫評頌問南泉曰鑒法師也甚奇怪解道天
 地同根萬物一體泉指庭前牡丹曰大夫時人見此
 一株花如夢相似此機緣按會元見南泉率

甘贊行者頌一日入南泉設齋黃藥爲首座行者請
 施財座曰財法二施等無差別甘曰怎麼道爭消得
 某甲願便將出生須與復入曰請施財座曰財法二
 施等無差別甘乃行願頌又一日入寺設齋仍請南

嗣南泉願

嗣南泉願

嗣南泉願

嗣南泉願

泉念誦泉乃白椎曰請大家爲經奴白拈念麼誦般
 若波羅蜜甘拂袖便出泉爾後問典座行者在甚麼
 座曰當時便去也泉便打破鑊子

關南道常禪師僧問如何是西來意師舉拄杖曰會
 麼曰不會師便打師每見僧來多禮多以拄杖打越
 或曰遲一刻或曰打動關南數而時輩鮮有唱和者
 雙嶺玄真禪師初問道吾無神通善應爲甚麼足跡
 難尋吾曰同道者方知師曰和尚還知否吾曰不知
 師曰何故不知吾曰去你不識我語師後於鹽官處
 悟旨焉

徑山鑒宗禪師有小師洪遷以講論自矜師謂之曰
 佛祖正法直截忘詮汝算海沙於理何益但能冥存
 知見浪絕外緣離一切心即汝真性茫茫然漢魏辭
 遊方至瀟山方悟玄旨乃圖瀟山
 芙蓉靈訓禪師頌師辭歸宗宗問甚麼處去師曰歸
 嶺中去宗曰子在此多年裝束了却來爲子說一上
 佛法師結束了上宗曰近前來師乃近前宗曰時
 寒途中書爲師便此言頓忘前解

新羅家常

新羅大茅和尚上堂欲識諸佛師向無明心內識取欲識常住不凋性向萬物遷變處識取

神師

五臺智通禪師自稱大神師碩初在歸宗會下忽一夜連

叫曰我大悟也衆駭之明日上堂衆集宗曰昨夜大

悟底僧出來師出曰某甲宗曰汝見甚麼道理便言

大悟試說看師曰師姑元是女人作宗吳之師便辭

去宗門送與提笠子師接得笠子戴頭上便行更不

回顧臨終有偈曰舉手攀南斗回身倚北辰出頭天

外看誰是我般人

大雄常

杭州天龍和尚上堂大衆莫待老僧來上便上來下去便下去各有華藏性海具足功德無礙光明各各

參取

佛光禪

杭州刺史白居易久參佛光得心法衆稟大乘金剛寶戒云凡守任處多訪祖道學無常師

山後

鎮州普化和尙頌師事盤山密授真訣而徃狂出言無度盤山願世乃於北地行化或城市或塚間振

一鐺曰明頭來明頭打暗頭來暗頭打四方八面來

旋風打塵空來運架打一曰臨濟令僧捉住曰總不

廟麻谷

恁麼來時如何師拓開曰來曰大悲院裏有齋僧回舉似濟濟曰我從來疑著這漢凡見人無高下皆振

鐺一聲頌臨濟一日與河陽木塔長老同在僧堂內

坐正說師每日在街市擊風擊願知他是凡是聖師

忽入來濟便問汝是凡是聖師曰汝且道我是凡是

聖濟便喝師以手指曰河陽新婦子木塔老婆禪臨

濟小斯兒却具一隻眼濟曰這賊師曰賊賊便出去

壽州良遂禪師頌參麻谷谷見來便將鋤頭去鋤草

師到鋤草處谷殊不順便歸方丈閉却門一日復

去谷又閉門師乃敲門谷問阿誰師曰良遂緣稱名

忽然契悟曰和尚莫謾良遂良遂若不來禮拜和尚

泊被經論賺過一生谷便開門相見及歸講肆謂衆

東寺

曰諸人知處良遂總知良遂知處諸人不知

薯山慧超禪師洞山來禮拜次師曰汝已住一方又

來這裏作麼曰良价無奈疑何特來見和尚師召良

价价應諾師曰是甚麼价無語師曰好箇佛祇是無

西堂

光談

虔州處微禪師僧問三乘十二分教體理得妙與祖

師章敬碑
宣宗師戒定

方便

佛心

念佛

意是同是別。師曰：須向六句外鑒，不得隨聲色轉。曰：如何是六句？師曰：語底、默底、不語、不默，總是總，不是汝合作麼？生僧無對。

薦福弘辯禪師。唐宣宗問云：何名戒？對曰：防非止惡，謂之戒。帝曰：云何爲定？對曰：六根涉境，心不隨緣。名定。帝曰：云何爲慧？對曰：心境俱空，照覺無惑，名慧。帝曰：何爲方便？對曰：方便者，隱實覆相，權巧之門也。被接中下，曲施誘迪，謂之方便。設爲上根，言捨方便，但說無上道者，斯亦方便之談。乃至祖師立言忘功，絕謂亦無出方便之迹。帝曰：何爲佛心？對曰：佛者，西天之語。唐言覺，謂人有智慧，覺照爲佛心。心者，佛之別名。有百千異號，體唯一，無形狀，非青黃赤白男女等相。在天非天，在人非人，而現天現人，能男能女，非始非終，無生無滅，故號靈覺之性。如陛下日應萬機，卽是陛下佛心。假使千佛共傳，而不念別有所得也。帝曰：如今有人念佛，如何？對曰：如來出世，爲天人師，善知識，隨根器而說法，爲上根者，開最上乘，頓悟至理。中下者，未能頓曉，是以佛爲章提，希權開十六

持經持咒

經佛轉經

師章敬碑

觀門令念佛，生於極樂。故經云：是心作佛，是心是佛。心外無佛，佛外無心。帝曰：有人持經念佛，持咒求佛，如何？對曰：如來種種開讚，皆爲最上一乘。如百川衆流，莫不朝宗于海。如是差別諸數，皆歸薩婆。若海帝曰：祖師既契會心，印金剛經云：無所得法，如何？對曰：佛之一化，實無一法與人，但示衆人各各自性，同一法藏。當時然燈如來，但印釋迦本法，而無所得。方契然燈本意，故經云：無我無人無衆生無壽者是法平等。修一切善法，不住於相。帝曰：禪師既會祖意，還禮佛轉經否？對曰：沙門釋子，禮佛轉經，蓋是住持常法。有四報焉：然依佛戒修身，參尋知識，漸修萬行，履踐如來所行之跡。帝曰：何爲頓見？何爲漸修？對曰：頓明自性，與佛同儔，然有無始染習，故假漸修對治，令順性起用，如人喫飯，不一口便飽。師是日辯對七刻，賜紫方袍，號圓智禪師。

潮州古隄和尚仰山到參，師曰：去汝無佛性山。又手近前三步，應喏。師笑曰：子甚麼處得此三昧？來山曰：我從耽源處得名。滄山處得地。師曰：莫是滄山的子。

嗣法敬輝

麼山曰世諦卽不無佛法卽不敢山却問和尚從甚處得此三昧師曰我從章敬處得此三昧山歎曰不可思議來者難爲湊泊

嗣永泰滿

河中府公議和尚頌因往羅漢路路逢一騎牛翁師曰羅漢路向什麼處去翁拍牛云道道師喝曰這畜生翁曰羅漢路向什麼處去師却拍牛曰道道翁曰直饒與麼猶少蹄角在師便打翁便拍牛走增收祕魔殿和尚頌常持一木叉每見僧來禮拜卽叉却頸曰那箇魔魅教汝出家那箇魔魅教汝行脚道得也又下死道不得也又下死速道速道學徒鮮有對者霍山通和尚訪師纔見不禮拜便擡入懷裏師拈通三下通起拍手曰師兄三千里外賺我來三千里外賺我來便回

嗣永泰滿

湖南祇林和尚頌每叱文殊普賢皆爲精魅手持木劍自謂降魔纔見僧來參便曰魔來也魔來也以劍亂揮歸方丈如是十二年後置劍無言僧問十二年前爲甚麼降魔師曰賊不打貧兒家曰十二年後爲甚麼不降魔師曰賊不打貧兒家

嗣法敬輝

嗣法敬輝

嗣永泰滿

入頭處

黃州齊安禪師僧問如何識得自己佛師曰一葉明時消不盡松風韻罷怨無人曰如何是自己佛師曰草前駿馬實難窮妙盡還須畜生行

睦州陳尊宿持戒精嚴學通三藏遊方契旨於黃檗後爲四衆請住觀音院常百餘衆經數十載頌學者叩激隨問遽答詞語峻險既非循轍故淺機之流往往睡之唯玄學性敏者欽伏由是諸方歸慕咸以尊宿稱後歸開元居房纖蒲鞋以養母故有陳蒲鞋之號或見講僧乃召曰座主主應諾師曰擔板漢頌一曰晚參謂衆曰汝等諸人還得箇入頭處也未若未得箇入頭處須覓箇入頭處若得箇入頭處已後不得孤負老僧時有僧出禮拜曰某甲終不敢孤負和尚師曰早是孤負我了也又曰明明向你道尙自不會何況蓋覆將來頌師見僧乃曰現成公案放汝三十棒曰某甲如是師曰三門頭金剛爲甚麼舉拳曰金剛尙乃如是師便打○問如何是向上一路師曰要道有甚麼難曰請師道師曰初三十一中九下七頌問以一重去一重卽不問不以一重去一重時如

何師曰：昨朝栽茄子，今日種冬瓜。○問某甲講彙行脚，不會教意時如何？師曰：灼然實語，當懺悔。曰：乞師指示。師曰：汝若不問老僧，即緘口無言。汝既問老僧，不可緘口去也。曰：請師便道。師曰：心不負人，面無慚色。頃問高揖，舞迦不拜，彌勒時如何？師曰：昨日有人問越出了也。曰：和尚恐某甲不實。那師曰：拄杖不在。若尋柄聊與三十評。頃問僧近離甚處？僧便喝。師曰：老僧被你一喝，僧又喝。師曰：三喝四喝後，作麼生？僧無語。師便打曰：這掠虛漢。頃秀才訪師，稱會二十四家書。師以拄杖空中點一點，曰：會麼？秀才罔措。師曰：又道會二十四家書，永字八法，也不識。頃上堂，裂開也在我，捏聚也在我。時有僧問：如何是裂開？師曰：三九二十七。菩提涅槃，真如解脫，卽心卽佛。我且與麼道。你又作麼生？曰：某甲不與麼道。師曰：盡子撲落地，碟子成七片。曰：如何捏聚？師乃斂手而坐。頃師看經次，陳操尙書問和尚看甚麼經？師曰：金剛經。書曰：六朝翻譯，此當第幾師學起經？曰：一切有爲法，如夢幻泡影。頃師問秀才：先輩治甚麼經？才曰：治易。師曰：易中

如義考妣

師黃慶運

無漏道

師黃慶運

道百姓日用而不知，且道不知箇甚麼？才曰：不知其道。師曰：作麼生？是道才無對。頃示衆曰：大事未明，如喪考妣。大事已明，亦如喪考妣。千峯宛頌云：楊子江頭，波浪深行人到此，盡沉吟他時若到無波處，還似有波時用心。增收千頃楚南禪師參黃檗，問：子未現三界影像時如何？師曰：卽今豈是有耶？檗曰：有無且置，卽今如何？師曰：非今古。檗曰：吾之法眼，已在汝躬。○上堂：諸子設使解得三世佛教，如餅注水，及得百千三昧，不如一念修無漏道，免被人天因果繫絆。時有僧問：無漏道如何？修師曰：未有闍黎時，體取曰：未有某甲時，教誰體？師曰：體者亦無。烏石靈觀禪師尋常，庵戶人罕見之。唯一信士每至食時，送供方開。頃一日，雪峯伺便扣門。師開門，峯烹胸擲住，曰：是凡是聖？師睡曰：這野狐精。便推出，閉却門。峯曰：也祇要識老兄。○僧到敲門，行者開門，便出去。僧入禮拜，問：如何？西來意。師曰：適來出去者是甚麼人？僧擬近前，師便推出，閉却門。頃書山行脚時，問：如何是毗盧師法身主？師曰：我若向你道，卽則有

也。曹山舉似洞山。山曰：「好箇話頭，祇欠進語，何不問爲甚麼不道？」曹却來進前語。師曰：「若言我不道，卽瘧却我口；若言我道，卽害却我舌。」曹山歸舉似洞山，山深肯之。

謝黃樂進

羅漢宗徹禪師上堂，僧問：「如何是祖師西來意？」師曰：「骨剉也。」○問：「如何是南宗北宗？」師曰：「心爲宗。」曰：「還看教也。」無師曰：「教是心。」○問：「性地多昏，如何了悟？」師曰：「煩雲風卷，太虛廓清。」曰：「如何得明？」去師曰：「一輪皎潔，萬里騰光。」

謝黃樂進

相國裴休居士，頃守新安，日屬運禪師初於嶺南黃檗山，捨衆入大安精舍，混迹勞侶，掃洒殿堂，公入寺燒香，主事祇接，因觀壁畫，乃問：「是何圖？」相主事對曰：「高僧眞儀。」公曰：「眞儀可觀，高僧何在？」主事無對。公曰：「此間有禪人否？」曰：「近有一僧，役寺執役，頗似禪者。」公曰：「可請來詢問得否？」於是遽尋檗，至公觀之，欣然曰：「休適有一問諸德，各辭，今請上人代酬。」一語，檗曰：「請相公垂問。」公舉前話，檗朗聲曰：「裴休公應諾。」檗曰：「在甚麼處？」公當下知旨，如獲髻珠，曰：「吾師眞善知識也。」

謝長慶安

染淨二緣

別疑二

西川古佛

示人尅的，若是何故汨沒於此乎？寺衆愕然，自此延入府署，執弟子禮，屢辭不已，復堅請住黃檗山，荐興祖道，仍集黃檗語要親書序引。

大隨法眞禪師南遊，初見藥山道吾，雲巖洞山，次至嶺外大滄會，下數載，食不至充臥，不求暖，清苦鍊行，操履不羣，滄深器之一日，問曰：「閣黎在老僧此間，不曾問一轉話。」師曰：「教某甲向甚麼處？」下口，滄曰：「何不道如何是佛？」師便作手勢，掩滄口，滄歎曰：「子眞得其髓。」○上堂，此性本來清淨，具足萬德，但以染淨二緣而有差別，故諸聖悟之一向淨用，而成覺道。凡夫迷之一向染用，沒溺輪回，其體不二，故般若云：「無二無別分，無別無斷。」故許頌僧問：「劫火洞然，大千俱壞，未審這箇壞不壞？」師曰：「壞。」曰：「怎麼則隨他去也？」師曰：「隨他去。」僧不肯，後到投子，舉前話，子遂裝香遙禮曰：「西川古佛出世，謂其僧曰：『汝速回去，懺悔。』僧回大隨，師已歿，僧再至投子，子亦遷化，頌庵側有一龜，僧問：『一切衆生，皮裹骨，這箇衆生爲甚麼裹皮？』師拈草履覆龜背上，僧無語。」頌僧問：「如何是和尚家風？」師曰：「赤土。」

嗣長慶安

畫簾笑曰未審此理如何師曰簾箕有唇米跳不出
○問僧講甚麼教法曰百法論師拈杖曰從何而起
曰從緣而起師曰苦哉苦哉

嗣長慶安

靈樹如敏禪師僧問佛法至理如何師展手而已頌
問如何是和尙家風師曰千年田八百主曰如何是
千年田八百主師曰郎當屋舍沒人修

悟桃花

靈雲志勤禪師頌初在潯山因見桃花悟道有偈曰
三十年來尋劍客幾回落葉又抽枝自從一見桃花
後直至如今更不疑瀉覽偈詰其所悟與之符契瀉

善友傳明

曰從緣悟達永無退失善自護持○上堂諸仁者所
有長短盡在不常且觀四時草木葉落花開何況塵
劫來天人七趣地水火風成壞輪轉因果將盡三惡
道苦毛髮不曾添減唯根蒂神識常存上根者遇善

設教證明

友伸明當處解脫便是道場中下癡愚不能覺照沉
迷三界流轉生死釋尊爲伊天上人間設教證明顯
發至道汝等還會麼僧問如何得出離生老病死師
曰青山元不動浮雲任去來頌問如何是佛法大意
師曰驢事未去馬事到來曰學人不曾師曰彩氣夜

同話處童子

常動精靈日少逢頌長生問混沌未分時含生何來

師曰如露柱懷胎曰分後如何師曰如片雲點太清
曰未審太清還受點也無師不答曰怎麼則含生不

來也師亦不答曰直得純清絕點時如何師曰猶是

眞常流注曰如何是眞常流注師曰似鏡長明曰向

上更有事也無師曰有曰如何是向上事師曰打破

鏡來與汝相見○僧問如何是西來意師曰井底種

林擒曰學人不曾師曰今年桃李貴一顆直千金

壽山師解禪師住後上堂諸上座幸有眞實言語相

勸諸兄弟各自體悉凡聖情盡體露眞常但一時

卸却從前虎妄攀緣塵垢心如虛空相似他時後日

合識得些子好惡

潞州潞水和尙僧問如何是祖師西來意師曰還見

庭前花藥欄麼僧無語

嚴陽善信尊者初參趙州問一物不將來時如何州

曰放下著師曰既是一物不將來放下個甚麼州曰

放不下擔將去師於言下大悟
光孝慧覺禪師僧問覺華纔綻徧滿娑婆祖印西來

合談何事。師曰：情生智隔。曰：此是教意。師曰：汝披甚麼衣服。○師領衆出見露柱。乃合掌曰：不審世尊。僧曰：和尚是露柱。師曰：啼得血流無用處。不如減口過殘春。

顯趙州語

國清奉禪師僧問：如何是出家人。師曰：銅頭鐵額鳥。鶻鹿身曰：如何是出家人。本分事。師曰：早起不審夜間珍重。

顯趙州語

木陳從朗禪師僧問：放鶴出籠。和雪去時如何。師曰：我道不一色。

顯趙州語

杭州多福和尚頌僧問：如何是多福。一叢竹。師曰：一莖兩莖斜。曰：學人不會。師曰：三莖四莖曲。

顯長沙語

雪竇常通禪師參長沙。沙問：何處人。師曰：邢州人。沙曰：我道汝不從彼來。師曰：和尚還曾住此否。沙然之。乃容入室。僧問：如何是三世諸佛出身處。師曰：伊不肯知。有汝三世僧。良久。師曰：薦否。不然者。且向著佛不得處。體取。時中常在。識盡功亡。瞥然而起。即是傷他。而況言句乎。

顯崇黃

石梯和尚頌：一日見侍者拓鉢赴堂。乃喚侍者者。應

顯子端語

諾。師曰：甚處去者。曰：上堂齋去。師曰：我豈不知汝上堂齋去者。曰：除此外別道箇甚麼。師曰：我祇問汝本分事者。曰：和尚若問本分事。某甲實是上堂齋去。師曰：汝不謬爲吾侍者。

顯關南語

漳州浮石和尚頌：上堂。山僧開箇卜鋪。能斷人貧富。定人生死。僧問：離却生死。貧富不落。五行請師直道。師曰：金木水火土。

顯高安語

關南道吾和尚有時曰：打動關南鼓。唱起德山歌。有時執木劒橫肩。上作舞。僧問：手中劒甚處得來。師擲於地。僧却置師手中。師曰：甚處得來。僧無對。師曰：容汝三日。內下取一轉語。其僧亦無對。師自代拈劒橫肩。上作舞。曰：須恁麼始得。頌：趙州來。師乃著豹皮褸。執吉擔棒。在三門下。翹一足等候。纔見州。便高聲唱。喏而立。州曰：小心祇候。著師又唱。喏一望而去。頌僧問：如何是和尙家風。師下禪牀。作女人拜。曰：謝子遠來。無可祇待。已上二則按頌古見潭州道吾智下。准會元中。機緣在襄州關南道吾章。末山尼了然禪師頌：因灌溪和尚問：如何是末山。師曰：不露頂。曰：如何是末山主。師曰：非男女相。給乃喝。

曰何不變去師曰不是神不是鬼變箇甚麼。豁於是服膺。

圓天寶

金華俱胝和尚。初住菴時。有尼名實際。來戴笠子。執錫繞師三匝。曰。道得。卽下笠子。如是三問。師皆無對。尼便去。師曰。日勢稍晚。何不且住。尼曰。道得。卽住。師又無對。尼去。後師歎曰。我雖處丈夫之形。而無丈夫之氣。不如棄菴。往諸方參尋知識。去其夜。山神告曰。不須離。此將有肉身菩薩來。爲和尚說法也。逾旬。果天龍和尚到。庵師乃迎禮。具陳前事。龍豎一指示之。師當下大悟。評師凡有學者。參問只豎一指。

圓應州

刺史陳操。尙書。頃一日。與僚屬登樓。次見數僧行脚。有一官人曰。來者總是行脚僧。公曰。不是。曰。焉知不是。公曰。待來。勸過。須臾。僧至。樓前。公嘉喚上座。僧皆回首。公謂諸官曰。不信。

圓光寺

長慶道巖禪師。上堂。勸朝入伽藍。暮成正覺。說偈曰。三界上下法。我說皆是心。離於諸心法。更無有可得。看他怎麼道也。太煞惺惺。若比吾徒。猶是鈍漢。所以一念見道。三世情盡。如印印泥。更無前後諸子生。

死事大快。須薦取。莫爲等閑業識。茫茫蓋爲迷已。逐

物。世尊臨入涅槃。文殊請再轉法輪。世尊咄曰。吾四

十九年住世。不曾說一字。汝請吾再轉法輪。是吾曾

轉法輪耶。然今時衆中。建立箇賓主問答事。不獲已

蓋爲初心耳。僧問。如何是佛法大意。師曰。今日三月

三日。學人不曾。師曰。止止。不須說我法妙難思。便下

座。

會元四卷終

禪宗正脉卷第二

吳本卷五

禪宗正脉卷第三

應化聖賢

應化

文殊菩薩。頃一日。令善財採藥。曰。是藥者。採將來。善財徧觀大地。無不是藥。却來白曰。無有不是藥者。殊曰。是藥者。採將來。善財遂於地上。拈一莖草。度與文殊。文殊接得。呈起。示衆曰。此藥亦能殺人。亦能活人。頃文殊問菴提遮女曰。生以何爲義。女曰。生以不生。

地水火風四

生爲生義殊曰如何是生以不生生爲生義女曰若能明知地水火風四緣未嘗自得有所和合而能隨其所宜是爲生義殊曰死以何爲義女曰死以不死死爲死義殊曰如何是死以不死死爲死義女曰若能明知地水火風四緣未嘗自得有所離散而能隨其所宜是爲死義菴提遮女又問文殊曰明知生是不生之理爲甚麼却被生死之所流轉殊曰其力未充

應化

天親菩薩從彌勒內宮而下無著菩薩問曰人間四百年彼天爲一晝夜彌勒於一時中成就五百億天子證無生法忍未審說甚麼法天親曰祇說這箇法祇是梵音清雅令人樂聞

應化

維摩會上評頌三十二菩薩各說不二法門文殊曰我於一切法無言無說無示無識離諸問答是爲菩薩入不二法門於是文殊又問維摩仁者當說何等是菩薩入不二法門維摩默然文殊讚曰乃至無有語言文字是菩薩真入不二法門

應化

善財頌參五十二員善知識末後到彌勒閣前見樓

應化

閣門閉瞻仰讚歎見彌勒從別處來善財作禮曰願樓閣門開令我得入尋時彌勒至善財前彈指一聲樓閣門開善財入已閣門即閉見百千萬億樓閣一樓閣內有一彌勒領諸眷屬并一善財而立其前善財因無著菩薩問曰我欲見文殊何者即是財曰汝發一念心清淨即是無著曰我發一念心清淨爲甚麼不見財曰是真見文殊

應化

須菩提尊者在殿中宴坐諸天雨花讚歎者曰空中雨花讚歎復是何人云何讚歎天曰我是梵天敬重尊者善說般若者曰我於般若未嘗說一字汝云何讚歎天曰如是尊者無說我乃無聞無說無聞是真說般若○尊者一日說法次帝釋雨花者乃問此花從天得邪從地得邪從人得邪釋曰弗也者曰從何得邪釋乃舉手者曰如是如是

舍利弗尊者頌入城遙見月上女出城舍利弗心口思惟此姊見佛不知得忍不得忍否我當問之纔近便問大姊往甚麼處去女曰如舍利弗與麼去弗曰我方入城汝方出城何言如我怎麼去女曰諸佛弟

應化

子當依何住。弗曰。諸佛弟子。依大涅槃而住。女曰。諸佛弟子。既依大涅槃而住。而我亦如與舍利弗與麼去。

賓頭盧尊者。頌赴阿育王宮大會。王行香次。作禮問曰。承聞尊者。親見佛來。是否。者以手策起眉毛曰。會麼。王曰。不會。者曰。阿釋達池龍王。請佛齋。吾是時亦預其數。

應化

即來涅槃

顯師涅槃

秦跋陀禪師問生法師。講何經論。生曰。大般若經。師曰。作麼。生說色空義曰。衆微聚曰。色衆微無自性。曰。空。師曰。衆微未聚。喚作甚麼。生罔措。師又問。別講何經論。曰。大涅槃經。師曰。如何說涅槃之義。曰。涅槃而不生。衆而不滅。不生不滅。故曰涅槃。師曰。這箇是如來涅槃。那箇是法師涅槃。曰。涅槃之義。豈有二邪。某甲祇如此。未審禪師如何說。涅槃師拈起如意曰。還見麼。曰。見。師曰。見箇甚麼。曰。見禪師手中如意。師將如意擲于地。曰。見麼。曰。見。師曰。見箇甚麼。曰。見禪師手中如意。墮地。師斥曰。觀公見解。未出常流。何得名喧。宇宙拂衣而去。其徒懷疑不已。乃追師扣問。我師說

應化

應化

梁武帝請講經

心王銘

色空涅槃。不契未審禪師如何說。色空義。師曰。不道汝師說得。不是。汝師祇說得果上。色空不會說得。因中。色空其徒曰。如何是因中。色空。師曰。一微空。故衆微空。衆微空。故一微空。一微空中。無衆微。衆微空中。無一微。

寶誌禪師頌垂語曰。終日拈香。擇火。不知身是道場。又曰。大道祇在目前。要且目前難覩。欲識大道真體。不離聲色言語。又曰。京都鄴都浩浩。還是菩提大道。法眼曰。京都鄴都浩浩。不是菩提大道。

雙林善慧大士。日常管作夜則行道。見釋迦金粟定光三如來。放光襲其體。大士乃曰。我得首楞嚴定。天嘉二年。感七佛相隨。釋迦引前維摩接後。唯釋尊數顧共語。爲我補處也。許頌梁武帝請講金剛經。士纔陞座。以尺揮案一下。便下座。帝愕然。聖師曰。陛下還會麼。帝曰。不會。聖師曰。大士講經竟。○心王銘曰。觀心空王。玄妙難測。無形無相。有大神力。能滅千災。成就萬德。體性雖空。能施法則。觀之無形。呼之有聲。爲大法。將心戒傳。經水中鹽。味色裏膠。青決定是有。不

心能使身作
邪作正

大士頌

見其形。心王亦爾。身內居。停面門出入。應物隨情。自在無礙。所作皆成了。本識心。識心見佛。是心是佛。是佛是心。念念佛心。佛心念佛。欲得早成。戒心自律。淨律淨心。心即是佛。除此心王。更無別佛。欲求成佛。莫染一物。心性雖空。貪瞋體實。入此法門。端坐成佛。到彼岸。已得波羅蜜。慕道真士。自觀自心。知佛在內。不向外尋。即心即佛。即佛即心。心明識佛。曉了識心。離心非佛。離佛非心。非佛莫測。無所堪任。執空滯寂。於此漂沉。諸佛菩薩。非此安心。明心大士。悟此立音。身心性妙。用無更改。是故智者。放心自在。莫言心王。空無體性。能使色身作邪作正。非有非無。隱顯不定。心性離空。能凡能聖。是故相勸。好自防慎。剎那造作。還復漂沉。清淨心智。如世黃金。般若法藏。並在身心。無爲法寶。非淺非深。諸佛菩薩。了此本心。有緣遇者。非去來今。頌大士頌云。夜夜抱佛眠。朝朝還共起。起坐鎮相隨。語默同居止。纖毫不相離。如身影相似。欲識佛去處。祇這語聲是。頌空手把鋤頭。步行騎水牛。人從橋上過。橋流水不流。頌有物。先天地無形。本寂寥。

應化

應化

應化

能爲萬象主。不逐四時凋。南嶽慧思禪師頌。因誌公令人傳語曰。何不下山教化衆生。目視雲漢。作甚麼師。曰。三世諸佛。被我一口吞盡。何處更有衆生可化。○示衆曰。道源不遠。性海非遙。但向已求。莫從他覓。覓即不得。得亦不真。○偈曰。頓悟心源。開寶藏。隱顯靈通。現真相。獨行獨坐。常巍巍。百億化身。無數量。縱令畧塞滿虛空。看時不見。微塵相可笑。物兮無比。況口吐明珠。光晃晃。尋常見說。不思議。一語標名言。下當○天不能蓋地。不載無去無來。無障礙。無長無短。無青黃。不在中間。無內外。超羣出衆。太虛立指物傳心。人不曾。天台智者顓禪師頌。在南嶽誦法華經。至藥王品曰。是真精進。是名眞法供養。如來於是悟法華三昧。獲旋陀羅尼。見靈山一會。儼然未散。豐干禪師因寒山問古鏡未磨時。如何照。燭師曰。冰壺無影像。猿猴探水月。曰。此是不照燭也。更請道。看師曰。萬德不將來。教我道甚麼。寒山拾得。俱作禮而退。

應化

寒山子因趙州遊天台路次相逢山見牛跡問州曰上座還識牛麼州曰不識山指牛跡曰此是五百羅漢遊山州曰既是羅漢爲甚麼却作牛去山曰蒼天蒼天州呵呵大笑山曰作甚麼州曰蒼天蒼天山曰這廝兒宛有大人之作

應化

拾得子國清寺半月念戒衆集拾得拍手曰聚頭作想那事如何維那叱之得曰大德且住無瞋即是戒心淨卽出家我性與你合一切法無差

應化

明州布袋和尚頌一日有僧在師前行師乃拈其背僧回首師曰乞我一文錢曰道得卽與汝一文師放下布袋叉手而立白鹿和尚問如何是布袋師便放下布袋曰如何是布袋下事師負之而去先保福和尚問如何是佛法大意師放下布袋叉手福曰爲祇如此爲更有向上事師負之而去師在街衢立有僧問和尚在這裏作甚麼師曰等箇人曰來也來也師曰汝不是這箇人曰如何是這箇人師曰乞我一文錢

應化

法華志言大士留講肆之久一日讀雲門錄忽契悟

六祖法嗣

未幾宿命遂通獨語笑口吻嚙嚙曰常不輟世傳誦法華因以名之○丞相呂許公問佛法大意師曰本來無一物一味却成眞僧問師凡邪聖邪遂舉手曰我不在此住
已上應化賢聖在會元二卷末今在正脉三卷首

青原

青原山行思禪師頌聞旨谿法席乃往參禮問曰當何所務卽不落階級祖曰汝曾作甚麼來師曰聖諦亦不爲祖曰落何階級師曰聖諦尙不爲何階級之有祖深器之會下學徒雖衆師居首焉亦猶二祖不言少林謂之得髓矣○一日祖謂師曰從上衣法雙行師資遞授衣以表信法乃印心吾今得人何患不信吾受衣來遭此多難況乎後代爭競必多衣卽留鎮山門子當分化一方無令斷絕師既得法歸住青原頌師令石頭持書與南嶽讓和尚曰汝達書了速回吾有箇鋤斧子與汝住山頭至彼未呈書便問不慕諸聖不重已靈時如何嶽曰子問太高生何不向下問頭曰寧可承劫受沉淪不從諸聖求解脫嶽便

鍾離子

休頭便回師問子返何速書信達否頭曰書亦不通信亦不達去日蒙和尚許箇鈍斧子祇今便請師垂一足頭便禮拜尋辭往南嶽頌僧問如何是佛法大意師曰廬陵米作麼價

謝普原思

同 差 疑 恁 下

夢身乘龜

夢參問獎

明 作 妙

石頭希遷禪師頌謁青原原問師曰有人道嶺南有消息師曰有人不道嶺南有消息曰若甚麼大藏小藏從何而來師曰盡從這裏去原然之已師於唐天寶初薦之衡山南寺寺之東有石狀如臺乃結庵其上時號石頭和尚師因看肇論至會萬物爲已者其唯聖人乎師乃拈几曰聖人無已靡所不已法身無象誰云自他圓鑑靈照於其間萬象體玄而自現境智非一執云去來至哉斯語也遂掩卷不覺寢夢自身與六祖同乘一龜遊泳深池之內覺而詳之靈龜者智也池者性海也吾與祖師同乘靈智遊性海矣遂著參同契曰竺土大僊心東西密相付人根有利鈍道無南北祖靈源明皎潔枝派暗流注執事元是迷契理亦非悟門門一切境回互不回互回而更相涉不爾依位住色本殊質象聲元異樂苦暗合上中

暗下應有
勿以暗相遇
暗中有明
二句○之或

戒立規矩

言明明清濁句四大性自復如子得其母火熱風動搖水濕地堅固眼色耳音聲鼻舌鹹醋然依一法依根葉分布本末須歸宗尊卑用其語當明中有暗勿以明相觀明暗各相對比之前後步萬物自有功當言用及處事存函蓋合理應箭鋒拄承言須會宗勿自立規矩觸目不會道運足焉知路進步非近遠迷隔山河固謹白參玄人光陰莫虛度○上堂吾之法門先佛傳授不論禪定精進唯達佛之知見卽心卽佛心佛衆生菩提煩惱名異體一汝等當知自己心靈體離斷常性非垢淨湛然圓滿凡聖齊同應用無方離心意識三界六道唯自心現水月鏡像豈有生滅汝能知之無所不備時門人道悟問會豁意旨誰人得師曰會佛法人得曰師還得否師曰不得曰爲甚麼不得師曰我不會佛法○僧問如何是解脫師曰誰縛汝○問如何是淨土師曰誰垢汝○問如何是涅槃師曰誰將生死與汝頌問如何是西來意師曰問取露柱曰學人不會師曰我更不會○問如何是禪師曰顛顛問如何是道師曰木頭○大顯

道有道無俱是謬

問古人云。道有道無俱是謬。請師除師曰。一物亦無。除箇甚麼。師却問。併却咽喉唇吻道。將來顛曰。無這箇師曰。若甚麼。汝即得入門。○道。悟問。如何是佛法。大意師曰。不得不知悟曰。向上更有轉處也。無師曰。長空不礙白雲飛。

磨石顯理

揚眉瞬目

皮膚脫落唯
一眞實

藥山惟儼禪師。博通經論。嚴持戒律。一日自歎曰。大丈夫當離法自淨。誰能屑屑事細行。於布巾邪。頌首造石頭之室。便問三乘十二分教。某甲粗知。嘗聞南方直指人心。見性成佛。實未明了。伏望和尚慈悲指示。頭曰。怎麼也不得不。怎麼也不得。怎麼不。怎麼總不得。子作麼生。師問。措頭曰。子因緣不在此。且往馬大師處去。師稟命恭禮馬祖。仍伸前問。祖曰。我有時教伊揚眉瞬目。有時不教伊揚眉瞬目。有時揚眉瞬目者。是有時揚眉瞬目者。不是子作麼生。師於言下契悟。便禮拜。祖曰。你見甚麼道理。便禮拜。師曰。某甲在石頭處。如蚊子上鐵牛。祖曰。汝既如是。善自護持。頌師侍奉馬祖三年。一日祖問。子近日見處作麼生。師曰。皮膚脫落盡。唯有一眞實。祖曰。子之所得。可謂

偶

枯榮二樹

協於心。體布於四肢。既然如是。將三條篾束取肚皮。隨處住山。去師曰。某甲。又是何人。敢言住山。祖曰。不然。未有常行。而不住。未有常住。而不行。欲益無所益。欲爲無所爲。宜作舟航。無久住此。頌師乃辭祖。返石頭。一日在石上坐。次石頭問曰。汝在這裏作麼。曰。一物不爲。頭曰。怎麼即閑坐也。曰。若閑坐。即爲也。頭曰。汝道不爲。不爲箇甚麼。曰。千聖亦不識。頭以偈讚曰。從來共住不知名。任運相將祇麼行。自古上賢猶不識。造次凡流豈可明。後石頭垂語曰。言語動用。沒交涉。師曰。非言語動用。亦沒交涉。頭曰。我這裡針劄不入。師曰。我這裏如石上栽華。頭然之。頌道。吾雲巖侍立。次師指按山上枯榮二樹。問道。吾曰。枯者是榮者。是吾曰。榮者是師曰。灼然一切處光明燦爛去。又問雲巖。枯者是榮者是。巖曰。枯者是師曰。灼然一切處放教枯淡去。高沙彌忽至。師曰。枯者是榮者是。彌曰。枯者從他枯。榮者從他榮。師顧道。吾雲巖曰。不是。不是。頌師久不陞堂。院主白曰。大眾久思和尚。示誨師曰。打鐘著衆。纔集。師便下座。歸方丈。院主隨後問曰。

不得經官語

看經遠眼

脚石頭選

和尚既許爲衆說話爲甚一言不措師曰經有經師論有論師爭怪得老僧頌僧問瓦兀地思量甚麼師曰思量箇不思量底曰不思量底如何思量師曰非思量○上堂祖師祇教保護若貪嗔痴起來切須防禁莫教振觸是你欲知枯木石頭却須擔荷實無枝葉可得雖然如此更宜自看得絕言語我今爲你說這箇語顯無語底他那箇本來無耳目等貌頌遵布衲浴佛師曰這箇從汝浴還浴得那箇麼遵曰把將那箇來師乃休○僧問已事未明乞和尚指示師良久曰吾今爲汝道一句亦不難祇宜汝於言下便見去猶較些子若更入思量却成吾罪過不如且各合口免相累及頌師看經次僧問和尚尋常不許人看經爲甚麼却自看師曰我祇圖遮眼曰某甲學和尚還得也無師曰汝若看牛皮也須穿許頌僧問平田淺草塵鹿成羣如何射得麀中主師曰看箭僧放身便倒師曰侍者拖出這死漢僧便走師曰弄泥團漢有甚麼限

丹霞天然禪師頌於慧林寺遇天大寒取木佛燒火

理不可解

向院主訶曰何得燒我木佛師以杖子撥灰曰吾燒取舍利主曰木佛何有舍利師曰既無舍利更取兩尊燒主自後眉鬚墮落頌訪龐居士見女子靈照洗菜次師曰居士在否女子放下菜籃斂手而立師又問居士在否女子提籃便行師遂回須臾居士歸女子乃舉前話士曰丹霞在麼女曰去也士曰赤土塗牛糞○上堂阿你渾家切須保護一靈之物不是你造作名邀得更說甚薦與不薦吾往日見石頭亦祇教切須自保護此事不是你談話得阿你渾家各有一坐具地更疑甚麼禪可是你解底物豈有佛可成佛之一字永不喜聞阿你自看善巧方便慈悲喜捨不從外得不著方寸善巧是文殊方便是普賢你更擬趁逐甚麼物不用經求落空去今時學者紛紛擾擾皆是參禪問道吾此間無道可修無法可證一飲一啄各自有分不用疑慮在在處處有怎麼底若識得釋迦卽老凡夫是阿你須是看取莫一言引衆盲相將入火坑夜裏暗雙陸賽彩若爲生無事珍重○有僧到參於山下見師便問丹霞山向甚麼處去師

指山曰青黯黯處曰莫祇這箇便是麼師曰眞師子
兒一撥便轉評頌問僧甚麼處宿曰山下宿師曰甚
麼處喫飯曰山下喫飯師曰將飯與闍黎喫底人還
具眼也無僧無對

銅石頭遷

大顛寶通禪師初參石頭頭問那箇是汝心師曰見言語者是頭便喝出經旬日師却問前者既不是除此外何者是心頭曰除却揚眉瞬目將心來師曰無心可將來頭曰元來有心何言無心無心盡同謗師於言下大悟○師侍立次頭問汝是參禪僧是州縣白湯僧師曰是參禪僧頭曰何者是禪師曰揚眉瞬目頭曰除却揚眉瞬目外將你本來面目呈看師曰請和尚除却揚眉瞬目外豎頭曰我除竟師曰將呈了也頭曰汝既將呈我心如何師曰不異和尚頭曰不關汝事師曰本無物頭曰汝亦無物師曰本無物卽眞物頭曰眞物不可得汝心現量意旨如此也大須護持○上堂夫學道人須識自家本心將心相示方可見道多見時輩祇認揚眉瞬目一語一默驀頭印可以爲心要此實未了吾今爲你諸人分明說出

莫憑時輩

無物卽真物

買

妙用處

韓文公訪

文公問佛法
省要處

嗣石頭遷

各須聽受。但除却一切妄運。想念現量。卽汝真心。此心與塵境及守認靜默時。全無交涉。卽心是佛。不待修治。何以故。應機隨照。冷冷自用。窮其用處了不可得。喚作妙用。乃是本心。大須護持。不可容易。○韓文公一日相訪問師。春秋多少。師提起數珠曰。會麼。公曰。不會。師曰。晝夜一百八。公不曉。遂回。次日再來。至門前。見首座舉前話問。意旨如何。座扣齒三下。及見師。理前問。師亦扣齒三下。公曰。元來佛法無兩般。師曰。是何道理。公曰。適來問首座。亦如是。師乃召首座曰。是汝如此對否。座曰。是。師便打。趨出院。頌文公又一日。白師曰。弟子軍州事繁。佛法省要處。乞師一語。師良久。公問。措時三平爲侍者。乃敲禪牀三下。師曰。作麼。平曰。先以定動。後以智拔。公乃曰。和尚門風高峻。弟子於侍者邊得箇入處。

長髯曠禪師。頌曹谿禮祖塔。回參石頭。頭問甚麼處來。曰。嶺南來。頭曰。大庾嶺頭一鋪功德成就也。未師曰。成就久矣。祇欠點眼在。頭曰。莫要點眼麼。師曰。便請頭乃垂一足。師禮拜。頭曰。汝見箇甚麼道理。便禮。

弟子於侍者邊得箇入處

拜師曰據某甲所見如紅爐上一點雪○師見僧問訊次師曰步步是汝證明處汝還知麼曰某甲不知師曰汝若知我堪作甚麼僧禮拜師曰我不堪汝却好

嗣石頭遷

京兆戶利禪師問石頭如何是學人本分事頭曰汝何從吾覓曰不從師覓如何即得石頭曰汝還曾失麼師乃契會歌旨

嗣石頭遷

招提慧朗禪師初參馬祖祖問汝來何求曰求佛知見祖曰佛無知見知見乃魔耳汝自何來曰南嶽來祖曰汝從南嶽來未識曹谿心要汝速歸彼不宜他往師歸石頭便問如何是佛頭曰汝無佛性師曰蠢動含靈又作麼生頭曰蠢動含靈却有佛性曰慧朗爲甚麼却無頭曰爲汝不肯承當師於言下信入住後凡學者至皆曰去去汝無佛性其接機大約如此時謂大朗

嗣石頭遷

鳳翔佛陀禪師頌尋常持一串數珠念三種名號曰一釋迦二元和三佛陀自餘是甚麼碗墜丘乃過一珠終而復始事跡異常時人莫測

嗣石頭遷

嗣藥山僧

頭角生

大同濟禪師一日見龐居士來便掩却門曰多知老翁莫與相見士曰獨坐獨語過在阿誰師便開門纔出被士把住曰師多知我多知師曰多知且置閉門開門卷之與舒相較幾許士曰祇此一問氣急殺人師默然士曰弄巧成拙○僧問此箇法門如何繼紹師曰冬寒夏熱人自委知曰恁麼則蒙分付去也師曰頑騷少智勸臘多痴頌問十二時中如何合道師曰汝還識十二時麼曰如何是十二時師曰子丑寅卯僧禮拜師示頌曰十二時中那事別子丑寅卯吾今說若會唯心萬法空釋迦彌勒從茲決

道吾宗智禪師預藥山法會密契心印一日山問子去何處來師曰遊山來山曰不離此室速道將來師曰山上烏兒頭似雪澗底遊魚忙不徹頌師離藥山見南泉泉問闍黎名甚麼師曰宗智泉曰智不到處作麼生宗師曰切忌道著泉曰灼然道著即頭角生三日後師與雲巖在後架把針泉見乃問智頭陀前日道智不到處切忌道著道著即頭角生合作麼生行履師便抽身入僧堂泉便歸方丈師又來把針巖

曰師弟適來爲甚不祇對和尚師曰你不妨靈利巖不薦却問南泉適來智頭陀爲甚不祇對和尚某甲不會乞師垂示泉曰他却是異類中行巖曰如何是異類中行泉曰不見道智不到處切忌道著道著即頭角生直須向異類中行巖亦不會領師知雲巖不薦乃曰此人因緣不在此却問回藥山山問汝回何速巖曰祇爲因緣不契山曰有何因緣巖舉前話山曰子作麼生會他這箇時節便回巖無對山乃大笑巖便問如何是異類中行山曰吾今日因倦且待別時來巖曰某甲時爲此事歸來山曰且去巖便出師在方丈外聞巖不薦不覺咬得指頭血出師却下來問巖師兄去問和尚那因緣作麼生巖曰和尚不與某甲說師便低頭

僧問雲居切忌道著意作麼生居云此語最毒云如何是最毒底語

居云一棒打殺龍蛇 ○雲巖臨遷化遺書辭師師覽書了謂洞山密師伯曰雲巖不知有我悔當時不向伊道雖然如是要且不違藥山之子

玄覺云古人恁麼道還知有也未又云雲巖當時不會道甚麼處 ○藥山上堂曰我有一句子未嘗說向人師出曰相隨來也僧問藥山一句子如何說山

性非空

同藥山語

俗氣不除

曰非言說師曰早言說了也○瀉山問雲巖善提以何爲座巖曰以無爲爲座巖却問瀉山山曰以諸法空爲座又問師作麼生師曰坐也聽伊坐臥也聽伊臥有一人不坐不臥速道速道山休去○有施主施視藥山提起示衆曰法身還具四大也無有人道得與他一腰視師曰性地非空空非性地此是地大三亦然山曰與汝一腰視○雲巖補鞋次師問作甚麼巖曰將敗壞補敗壞師曰何不道即敗壞非敗壞師到五峯峯問還識藥山老宿否師曰不識峯曰爲甚麼不識師曰不識不識

雲巖曇晟禪師頌參百丈海禪師二十年因緣不契後造藥山山問甚處來曰百丈來山曰百丈有何言句示徒師曰尋常道我有一句子百味具足山曰鹹則鹹味淡則淡味不鹹不淡是常味作麼生是百味具足底句師無對山曰爭奈目前生死何師曰目前無生死山曰在百丈多少時師曰二十年山曰二十年在百丈俗氣也不除○侍立次山又問百丈更說甚麼法師曰有時道三句外省去六句內會取山曰

通身手眼

三千里外且喜遇交涉山又問更說甚麼法師曰有時上堂大衆立定以拄杖一時趨散復召大衆衆回首丈曰是甚麼山曰何不早恁麼道今日因子得見海兄師於言下頓悟便禮拜許頌道吾問大悲千手眼那箇是正眼師曰如人夜間背手摸枕子吾曰我會也師曰作麼生會吾曰徧身是手眼師曰道也太煞道祇道得八成吾曰師兄作麼生師曰通身是手眼○尼僧禮拜師問汝爺在否曰在師曰年多少曰年八十師曰汝有箇爺不年八十還知否曰莫是恁麼來者師曰恁麼來者猶是兒孫洞山代云直是不恁麼來者亦是兒孫○僧問一念瞥起便落魔界時如何師曰汝因甚麼却從佛界來僧無對師曰會麼曰不會師曰莫這體不得設使體得也祇是左之右之

同藥山偈

秀州華亭船子德誠禪師頌自印心於藥山與道吾雲巖爲同道交治離藥山乃謂二同志曰公等應各據一方建立藥山宗旨予率性疎野唯好山水樂情自遣無所能也他後知我所止之處若遇靈利座主指一人來或堪雕琢將授生平所得以報先師之恩

船子和尙

通身指來山見船子

遂分携至秀州華亭泛一小舟隨緣度日以接四方往來之者時人莫知其高蹈因號船子和尙道吾後到京口遇夾山上堂僧問如何是法身山曰法身無相曰如何是法眼山曰法眼無瑕道吾不覺失笑山便下座請問道吾某甲適來祇對這僧話必有不是致令上座失笑望上座不吝慈悲吾曰和尙一等是出世未有師在山曰某甲甚處不是望爲說破吾曰某甲終不說請和尙却往華亭船子處去山曰此人如何吾曰此人上無片瓦下無卓錫和尙若去須易服而往山乃散衆束裝直造華亭船子纔見便問大德住甚麼寺山曰寺卽不住住卽不似師曰不似似箇甚麼山曰不是目前法師曰甚麼學得來山曰非耳目之所到師曰一句合頭語萬劫繫驢橛師又問垂絲千尺意在深潭離釣三寸子何不道山纔開口被師一撈打落水中山纔上船師又曰道道山纔開口師又打山豁然大悟乃點頭三下師曰竿頭絲線從君弄不犯清波意自殊山遂問拋綸擲釣師意如何師曰絲懸綠水浮定有無之意山曰語帶玄而無

靈身降降

路舌頭談而不談師曰鈞盡江波金麟始遇山乃掩耳師曰如是如是頌師遂囑曰汝向去直須藏身處沒蹤跡沒蹤跡處莫藏身吾二十年在藥山祇明斯事汝今既得他後莫往城隍聚落但向深山裏鑽頭邊覓取一箇半箇接續無令斷絕山乃辭行頻頻回顧師遂喚關黎山乃回首師豎起橈子曰汝將謂別有乃覆船入水而逝

顯顯山靈

百巖明哲禪師頌洞山與密師伯到參師問二上座甚處來山曰湖南師曰觀察使姓甚麼曰不得姓師曰名甚麼曰不得名師曰還治事也無曰自有郎幕在師曰還出入也無曰不出入師曰豈不出入山拂袖便出師次早入堂召二上座曰昨日老僧對關黎一轉語不相契一夜不安今請關黎別下一轉語若恁老僧意便開粥相伴過夏山曰請和尚問師曰豈不出入山曰太尊貴生師乃開粥同共過夏

顯顯山靈

澧州高沙彌初參藥山山問甚處來師曰南嶽來山曰何處去師曰江陵受戒去山曰受戒圖甚麼師曰圖免生死山曰有一人不受戒亦無生死可免汝還

不若經不請

不受戒

顯顯山靈

李嗣參藥山

今同一作因

知否師曰恁麼則佛戒何用山曰這沙彌猶挂唇齒在師禮拜而退○道吾來侍立山曰適來有箇跛脚沙彌却有些子氣息吾曰未可全信更須勸過始得頌至晚山上堂召曰早來沙彌在甚麼處師出衆立山問我聞長安甚闊你還知否師曰我國晏然法眼云見

誰說山曰汝從看經得請益得師曰不從看經得亦不從請益得山曰大有人不看經不請益爲甚麼不得師曰不道他不得祇是不肯承當山願道吾雲巖曰不信道○師辭藥山山問甚麼處去師曰某甲在衆有妨且往路邊卓箇草庵接待往來茶湯去山曰生死事大何不受戒去師曰知是般事便休更喚甚麼作戒山曰汝既知是不得離吾左右時復要與子相見

鼎州李翱刺史頌壽藥山立化屢請不赴乃躬謁之山執經卷不顧侍者曰太守在此守性福急乃曰見面不如聞名拂袖便出山曰太守何得貴耳賤目守回拱謝問曰如何是道山以手指上下曰會麼守曰不會山曰雲在青天水在瓶守忻然作禮而述偈曰

鍊得身形似鶴形。千株松下兩函經。我來問道無餘說。雲在青天水在瓶。守又問。如何是戒定慧。山曰。貧道這裏無此閑家具。守莫測立旨。山曰。太守欲得保任此事。直須向高高山頂立。深深海底行。闍闍中物。捨不得。便爲滲漏。

圓丹震然

翠微無學禪師頌。一日師在法堂內行。投子進前接禮。問曰。西來密旨。和尚如何示人。師駐步少時。子曰。乞師垂示。師曰。更要第二杓惡水。那子便禮謝。師曰。莫採根子。曰。時至根苗自生。○師因供養羅漢。僧問。丹震燒木佛。和尚爲甚麼供養羅漢。師曰。燒也不燒。著供養亦一任供養。曰。供養羅漢。羅漢還來也。無師曰。汝每日還喫飯麼。僧無語。師曰。少有靈利底。

圓丹震然

孝義寺性空禪師頌。僧參人畢。師曰。與麼下去。還有佛法道理也。無曰。某甲結舌。有分。師曰。老僧又作麼。生曰。素非好手。師便仰身合掌。僧亦合掌。師乃拈掌三下。僧拂袖便出。師曰。爲不前。免不後。幾人於此茫然走。祇有闍黎達本源。結舌何曾著空有。偈。天禪師頌。僧參。續晨坐具。師曰。不用通時。還我。

圓丹震然

圓大鑑頌

諸直指

莫錯用心

文彩未生時。道理來曰。某甲有口瘡。却即閉苦死。覓箇臘月。扇子作麼。師拈棒作打勢。僧把住曰。還我未拈棒時。道理師曰。隨我者。隨之。南北不從我者。死住東西。曰。隨與不隨。且置。請師指出。東西南北。師便打三平。義忠禪師初參石堂。堂常張弓架箭。接機。師詣法席。堂曰。看箭。師乃撥開臂曰。此是殺人箭。活人箭。又作麼。生。堂彈弓。絃三下。師乃禮拜。堂曰。三十年張弓架箭。祇射得半箇聖人。遂拗折弓。箭後參大顓。舉前話。顓曰。既是活人箭。爲甚麼向弓。絃上辨平。無對。顓曰。三十年後。要舉此話也。難得。顓師問大顓。不用指東劃西。便請直指。顓曰。幽州江口石人。禪師曰。猶是指東劃西。顓曰。若是鳳凰兒。不向那邊討。師作禮。顓曰。若不得後句。前話也難圓。○上堂。今時人出來。盡學馳求。造作。將當自己眼目。有甚麼相。當阿汝。欲學麼。不要諸餘。汝等各。有本分事。何不體取。作麼。心憤憤。口俳俳。有甚麼利益。分明向汝說。若要修行路。及諸聖建立化門。自有大藏教文在。若是宗門中事。宜汝切不得錯用心。僧問。宗門中還有學路也。無師。

曰。有一路滑如苔。曰。學人還躡得否。師曰。不。擬心。汝自看。○講僧問。三乘十二分教。某甲不疑。如何是祖。師西來意。師曰。龜毛拂子。兔角拄杖。大德藏向甚麼處。曰。龜毛。兔角。豈是有邪。師曰。肉有千斤。智無銖兩。○上堂。諸人若未曾見知識。即不可若曾見作者來。便合體取些子意度。向巖谷間。木食草衣。恁麼去。方有少分相應。若馳求知解義句。即萬里望鄉關去也。珍重。○師有偈曰。即此見聞非見聞。無餘聲色可呈君。箇中若了全無事。體用何妨分不分。

馬頰山本空禪師。頌上堂。祇這施爲動轉。還合得本來祖翁麼。若合得。十二時中。無虛棄底道理。若合不得。喫茶說話。往往喚作茶話。在僧便問。如何免得不成茶話去。師曰。你識得口也未。曰。如何是口。師曰。兩片皮也不識。曰。如何是本來祖翁。師曰。大眾前不要率爺恃孃。曰。大眾忻然去也。師曰。你試點大眾性看。僧作禮。師曰。伊往往道。一性一切性。在僧欲進語。師曰。孤負平生行脚眼。頌問去。却即今言句。請師直指本來性。師曰。尔迷源來得多少。時曰。即今蒙和尚指

示師曰。若指示你。我即迷源。曰。如何。即是師示頌曰。心是性。體性是心。用心性。一如誰別誰共。妄外迷源。祇者難洞。古今凡聖。如幻如夢。

本生禪師。拈拄杖示衆曰。我若拈起。你便向未拈起時作道理。我若不拈起。你便向拈起時作主宰。且道老僧爲人在甚麼處。時有僧出曰。不敢妄生節目。師曰。也知閹黎不分外。曰。低低處平之。有餘高高處觀之。不足。師曰。節目上更生節目。僧無語。師曰。拖鼻偷香。空招罪犯。

石室善道禪師。一日仰山問佛之與道。相去幾何。師曰。道如展手。佛以握拳。曰。畢竟如何的。當可信可依。師以手撥空。三下曰。無怎麼事。無怎麼事。曰。還假看教否。師曰。三乘十二分教。是分外事。若與他作對。即是心境。兩法能所。雙行。便有種種見解。亦是狂慧。未足爲道。若不與他作對。一事也。無所以。祖師道本來無一物。汝不見小兒出胎時。可道我解看教。不解看教。當怎麼。時亦不知有佛性。義無佛性。義及至長大。便學種種。知解出來。便道我能。我解不知。總是客塵。

嬰兒行

煩惱十六行中嬰兒行為最哆哆和和時喻學道之人離分別取捨心故讚歎嬰兒可況喻取之若謂嬰兒是道今時人錯會

石霜山慶諸禪師頌

石霜山慶諸禪師頌抵滄山為米頭一日篩米次滄曰施主物莫拋撒師曰不拋撒滄於地上拾得一粒曰汝道不拋撒這箇是甚麼師無對滄又曰莫輕這一粒百千粒盡從這一粒生師曰百千粒從這一粒生未審這一粒從甚麼處生滄呵呵大笑歸方丈滄至晚上堂曰大衆米裏有蟲諸人好看頌後參道吾問如何是觸目菩提吾喚沙彌彌應諸吾曰添淨餅水著良久却問師汝適來問甚麼師擬舉吾便起去師於此有省○吾將順世垂語曰我心中有一物久而為患誰能為我除之師曰心物俱非除之益患吾曰賢哉賢哉頌後因僧自洞山來師問和尚有何言句示徒曰解夏上堂云秋初夏末兄弟或東去西去直須向萬里無寸草處去良久曰祇如萬里無寸草處作麼生去師曰有人下語否曰無師曰何不道出門便是草僧回舉似洞山山曰此是一千五百人善

萬里無寸草

參

徧界不曾藏

疎山問頭尾

知識語因茲囊錫始露果熟香飄○上堂汝等諸人自有本分事不用馳求無你是非處無你咬嚼處一代時教整理時人脚手凡有其由皆落今時直至法身非身此是教家極則我輩沙門全無肯路若分則差不分則坐著泥水但由心意妄說見聞頌師在方丈內僧在窗外問咫尺之間為甚麼不親師頌師曰徧界不曾藏僧舉問雪峯徧界不曾藏意旨如何峯曰甚麼處不是石霜師問曰這老漢著甚麼死急峯聞曰老僧罪過頌裴相國來師拈起裴笏問在天子手中為主在官人手中為笏在老僧手中且道喚作甚麼裴無對師乃留下笏○示衆初機未親大事先須識取頭其尾自至疎山仁參問如何是頭師曰直須知有曰如何是尾師曰盡却今時曰有頭無尾時如何師曰吐得黃金堪作甚麼曰有尾無頭時如何師曰猶有依倚在曰直得頭尾相稱時如何師曰渠不作箇解會亦未許渠在○僧問三千里外遠聞石霜有箇不顧師曰是曰祇如萬象歷然是顧不顧師曰我道不驚衆曰不驚衆是與萬象合如何是不顧

咬

師曰。徧界不曾藏。○問如何。是祖師西來意。師乃咬齒示之。僧不會。後問九峰曰。先師咬齒意旨如何。峰曰。我寧可截舌。不犯國諱。又問雲蓋。蓋曰。我與先師有甚麼冤讐。○師居石霜山二十年。問學衆有長坐不臥。屹若株杌。天下謂之枯木衆也。

師道言管
權越家等語

漸源仲興禪師。在道吾爲侍者。評頌曰。侍吾往檀越家。弔慰師。拈棺曰。生邪死邪。吾曰。生也不道死也不道。師曰。爲甚麼不道。吾曰。不道不道。歸至中路。師曰。和尚今日須與某甲道。若不道。打和尚去也。吾曰。打卽任打。道卽不道。師便打吾。歸院曰。汝宜離此去。恐知事得知。不使師乃禮辭。隱于村院。經三年後。忽聞童子念觀音經。至應以此丘身得度者。卽現比丘身。忽然大省。遂焚香遙禮曰。信知先師遺言終不虛。發自是我。不會却怨先師。先師既歿。唯石霜是嫡孫。必爲證明。乃造石霜。霜見便問。離道吾後到甚麼處來。師曰。祇在村院寄足。霜曰。前來打先師。因緣會也未。師起身進前曰。却請和尚道一轉語。霜曰。不見道。生也不道死也不道。師乃述在村院得底。因緣遂禮拜。

師道言管

師道言志

裴大夫問供
茶佛

石霜設齋懺悔。他日持鉢復到石霜。於法堂上從東過西。從西過東。霜曰。作麼。師曰。覓先師靈骨。霜曰。洪渡浩浩。白浪滔天。覓甚先師靈骨。師曰。正好著力。霜曰。這裏針剗不入。著甚麼力。源持鉢肩上便出。深清禪師。僧問如何。是無相。師曰。山青水綠。○僧參師。以目視之。僧曰。是箇機關。於某甲分上用不著。師彈指三下。僧遶禪牀一匝。依位立。師曰。參堂去。僧始出師。便喝。僧却以目視之。師曰。灼然用不著。僧禮拜。神山僧密禪師。一日與洞山。鉏茶園。山擲下饅頭曰。我今日一點氣力也。無師曰。若無氣力。爭解甚麼。道山曰。汝將謂有氣力底是。○裴大夫問。僧供養佛。還喫否。僧曰。如大夫祭家神。大夫舉似雲巖。巖曰。這僧未出家。在日和尙。又如何。巖曰。有幾般飯食。但一時下來。巖却問師。一時下來。又作麼。生師曰。合取鉢。孟巖肯之。頌師與洞山。行次忽見白兔。走過。師曰。俊哉。洞曰。作麼。生師曰。大似白衣拜相。洞曰。老老大大。作這箇說話。師曰。你作麼。生洞曰。積代簪纓。暫時落魄。○師問洞山。智識所通。莫不遊踐徑截處。乞師一

言洞曰師伯意何得取功師因斯頓覺下語非常頌後與洞山過獨木橋洞先過了拈起木橋曰過來師喚伶闍黎洞乃放下木橋

圓道吾志

幽谿和尚問大用現前不存軌則時如何師起邊禪牀一匝而坐僧擬進語師與一踢僧歸位而立師曰汝怎麼我不怎麼汝不怎麼我却怎麼僧再擬進語師又與一踢曰三十年後吾道大行○問如何是祖師禪師曰泥牛步步出人前○問處處該不得時如何師曰夜半石人無影像縱橫不辨往來源

原船子語

夾山善會禪師上堂有祖以來時人錯會相承至令以佛祖言句爲人師範若或如此却成狂人無智人去他祇指示汝無法本是道道無一法無佛可成無道可得無法可取無法可捨所以老僧道目前無法意在目前他不是目前法若向佛祖邊學此人未具眼在何故皆屬所依不得自在本祇爲生死茫茫識性無自由分千里萬里求善知識須具正眼求脫虛謬之見定取目前生死爲復實有爲復實無若有人定得許汝出頭上根之人言下明道中下根器波波

佛祖邊學

智人笑汝

罷講徧參

羅門有長處

三路學

浪走何不同生死中定當取何處更疑佛疑祖替汝生死有智人笑汝汝若不會更聽一頌勞持生死法唯向佛邊求目前迷正理撥火覓浮漚○西川座主罷講徧參到襄州華嚴和尚處問曰祖意教意是同是別嚴曰如車二輪如鳥二翼主曰將爲禪門別有長處元來無遂歸蜀後聞師道播諸方令小師持此語問師曰雖砂無鑲玉之談結草乖道人之意主聞舉遙禮曰元來禪門中別有長處頌僧問撥塵見佛時如何師曰直須揮劍若不揮劍漁父棲巢僧問石霜撥塵見佛時如何霜曰渠無國土甚處逢渠僧回舉似師師上堂舉了凡曰門庭施設不如老僧入涅槃談猶較石霜百步頌問如何是佛師曰此間無賓主曰尋常與甚麼人對談師曰文殊與吾携水去普賢猶未折花來頌問如何是夾山境師曰猿抱子歸青嶂裏鳥銜花落碧巖前法眼云我二十年祇作接話會○師問僧甚麼處來曰洞山來師曰洞山有何言句示徒曰尋常教學人三路學師曰何者三路曰立路鳥道畏手師曰實有此語否曰實有師曰執持千里鈔林下

道人悲

清平山令遵禪師頌初參翠微便問如何是西來的意微曰待無人卽向汝說師良久曰無人也請和尚說微下禪牀引師入竹園師又曰無人也請和尚說微指竹曰這竿得怎麼長那竿得怎麼短師雖領其微言猶未徹其玄旨出住大通上堂舉初見翠微機緣謂衆曰先師入泥入水爲我自是不識好惡○次遷清平上堂諸上座夫出家人須會佛意始得若會佛意不在僧俗男女貴賤但隨家豐儉安樂便得諸上座盡是久處叢林偏參尊宿且作麼生會佛意試出來大家商量莫空氣高至後一事無成一生空度若未會佛意直饒頭上出水足下出火燒身煉臂聰慧多辯聚徒一千二千說法如雲如雨講得天花亂墜祇成箇邪說爭競是非去佛法大遠在諸人幸值色身安健不值諸難何妨近前著些工夫體取佛意好頌僧問如何是大乘師曰井索曰如何是小乘師曰錢貫又問如何是有漏師曰箴籬曰如何是無漏師曰木杓曰觀面相呈時如何師曰分付與典

座

投子山大同禪師初習安般觀次閱華嚴教發明性海復謁翠微頓悟宗旨評頌趙州問大死底人却活時如何師曰不許夜行投明須到州曰我早侯白伊更侯黑○上堂汝諸人來這裏擬覓新鮮語句攢花四六圖口裏有可道我老兒氣力稍劣唇舌遲鈍亦無閒言語與汝汝若問我便隨汝答也無玄妙可及於汝亦不教汝垛根終不說向上向下有佛有法有凡有聖亦不存坐繫縛汝諸人變現千般總是汝自生見解擔帶將來自作自受我這裏無可與汝也無表無裏說似諸人有疑便問僧問表裏不收時如何師曰汝擬向這裏垛根便下座評頌問一切聲是佛聲是否師曰是日和尙莫尿沸盥鳴聲師便打又問麤言及細語皆歸第一義是否師曰是日喚和尚作頭驢得麼師便打頌問如何是十身調御師下禪牀立又問凡聖相去幾何師亦下禪牀立頌師指庵前一片石謂雪峰曰三世諸佛總在裏許峰曰須知有不在裏許者師曰不快漆桶○僧問那吒析骨還父

嗣聖微學

析肉還母。如何是那吒。本來身師放下拂子。叉手頌問和尚住。此山有何境界。師曰。了角女子白頭絲。頌問月未圓時如何。師曰。吞却三箇四箇。曰。圓後如何。師曰。吐却七箇八箇。師微言頗多今錄少分而已

嗣聖微學

道場山如訥禪師。僧問。如何是教意。師曰。汝自看僧禮拜。師曰。明月鋪霄漢。山川勢自分。又問。如何得聞性不隨緣。去師曰。汝聽看僧禮拜。師曰。聾人也。唱胡笳。調好惡高低。自不聞。曰。恁麼則聞性宛然也。師曰。石從空裏立。火向水中焚。○問。一念不生時如何。師曰。堪作甚麼。僧無語。師又曰。透出龍門雲雨合。山川大地入無蹤。

嗣聖義空

白雲約禪師。僧問。不坐偏空堂。不居無學位。此人合向甚麼安置。師曰。青天無電影。韶國師參師。問甚麼處來。韶曰。江北來。師曰。船來陸來。曰。船來。師曰。還逢見魚鼈麼。曰。往往遇之。師曰。遇時作麼生。韶曰。咄。縮頭去。師大笑。

棗山光仁禪師。上堂。衆集。師於座前謂衆曰。不負平生行脚眼目。致箇問來。還有麼。衆無對。師曰。若無卽

◆吳本卷六
嗣石霜語

陞座去也。便登座。僧出禮拜。師曰。負我且從大衆。何也。便歸方丈。翌日有僧請辨前語。意旨如何。師曰。齋時有飯與汝喫。夜後有牀與汝眠。一向煎迫我作甚麼。僧禮拜。師曰。苦苦僧。曰。請師直指。師乃垂足曰。舒縮一任老僧。

會元五卷終

嗣石霜語

大光山居誨禪師。頌僧問。祇如達磨是祖否。師曰。不是。祖曰。既不是。祖又來作甚麼。師曰。祇爲汝不薦。曰。薦後如何。師曰。方知不是祖。○上堂。一代時教。祇是整理時人手脚。直饒剝盡到底也。祇成得箇了事人。不可將當衲衣下事。所以道。四十九年明不盡。標不起。到這裏合作麼生。更若怛怛恐成負累珍重。

單明一色

九峯道虔禪師。頌嘗爲石霜侍者。泊霜歸寂。衆請首座繼住持。師白衆曰。須明得先師意。始可座。曰。先師有甚麼意。師曰。先師道休去。歇去。冷湫湫地去。一念萬年去。寒灰枯木去。古廟香爐去。一條白練去。其餘卽不問。如何是一條白練。去座曰。這箇祇是明一色邊事。師曰。元來未會先師意。在座曰。你不肯我那。但裝香來。香烟斷處。若去不得。卽不會先師意。遂焚香。

外紹臣種內紹王種

重內外紹內紹

香烟未斷座已脫去師指座背曰坐脫立亡卽不無先師意未夢見在○僧問承古有言向外紹則臣位向內紹則王種是否師曰是曰如何是外紹師曰若不知事極頭祇得了事喚作外紹是爲臣種曰如何是內紹師曰知向裏許承當擔荷是爲內紹曰如何是王種師曰須見無承當底人無擔荷底人始得同一色同一色了所以借爲誕生是爲王種曰恁麼則內紹亦須得轉師曰灼然有承當擔荷爭得不轉汝道內紹便是人王種你且道如今還有紹底道理麼所以古人道紹是功紹了非是功轉功位了始喚作人王種曰未審外紹還轉也無師曰外紹全未知有且教渠知有曰如何是知有師曰天明不覺曉○問如何是外紹師曰不借別人家裏事曰如何是內紹師曰推爺向裏頭曰二語之中那語最親師曰臣在門裏王不出門曰恁麼則不出門者不落一邊師曰渠也不獨坐世界裏紹王種名外紹王種性所以道紹是功名臣是偏中正紹了轉功名君是正中偏○問誕生還更知聞也無師曰更知聞阿誰曰恁麼則

見孫父

證聖問出

莫便是否師曰若是古人爲甚麼道誕生王有父曰既有父爲甚麼不知聞師曰同時不識祖○問古人云直得不恁麼來者猶是兒孫意旨如何師曰古人不謬語曰如何是來底兒孫師曰猶守珍御在曰如何是父師曰無家可坐無世可與頌問人人盡言請益未審師將何拯濟師曰汝道巨嶽還曾乏寸土也無曰恁麼則四海參尋當爲何事師曰演若迷頭心自狂曰還有不狂者麼師曰有曰如何是不狂者師曰突曉途中眼不開頌問如何是學人自己師曰更問阿誰曰便恁麼承當時如何師曰須彌還更數須彌頌問祖祖相傳復傳何事師曰釋迦迦葉當曰如何是釋迦迦葉師曰無物與人曰如何是迦葉當師曰國內孟嘗君曰畢竟傳底事作麼生師曰百歲老人分夜燈頌問諸聖問出祇是箇傳語底人豈不是和尚語師曰是曰祇如世尊生下一手指天一手指地云天上天下唯我獨尊爲甚麼喚作傳語底人師曰爲他指天指地所以喚作傳語底人僧禮拜而退頌問古人道因真立妄從妄顯真是否師曰是曰如

法身

謝石霜語

何是真心。師曰：不雜食。是曰：如何是妄心。師曰：攀緣起倒是。曰：離此二途。如何是本體。師曰：本體不離。曰：爲甚麼不離。師曰：不敬功德。天誰嫌黑暗。女頌問：盡乾坤都來是箇眼。如何是乾坤眼。師曰：乾坤在裏許。曰：乾坤眼何在。師曰：正是乾坤眼。曰：還照囑也。無師曰：不借三光勢。曰：既不假三光勢。憑何喚作乾坤眼。師曰：若不如是。觸體前見鬼神無數。頌示衆曰：常住法身不生不滅。僧問：既是不生不滅。爲甚麼六道輪迴。師曰：爲有心故。曰：以何方便當證法身。師曰：以虚空心。合虛空理。曰：證後如何。師曰：任從三界轉。徒聽四生奔復。曰：會麼。曰：不會。師曰：禮拜著。增收湧泉景欣。禪師自石霜開示而止。湧泉一日不披袈裟喫飯。有僧問：莫成俗否。師曰：即今豈是僧邪。頌彊德二禪客於路次見師騎牛不語。師忽曰：蹄角甚分明。爭奈騎者不鑒。師驟牛而去。彊德憩於樹下煎茶。師回却下牛問曰：二禪客近離甚麼處。彊曰：那邊。師曰：那邊事作麼生。彊提起茶盞。師曰：此猶是這邊事。那邊事作麼生。彊無對。師曰：莫道騎牛不鑒好。○上

美園大口

謝石霜語

謝石霜語

堂我四十九年在這裏。尙自有時走作。汝等諸人莫開大口見解人。多行解人。萬中無一箇見解言語。總要知通。若識不盡。敢道輪迴去在爲何。如此盡爲識漏未盡。汝但盡却。今時始得成立。亦喚作立中功。轉功就他去。亦喚作就中功。親他去。我所以道。親人不得。度渠不度。親人恁麼。譬喻尙不會薦取。渾崙底。但管取性亂動舌頭。不見洞山道相續也。大難。汝須知。有此事。若不知。有啼哭。有日在。雲蓋志元禪師頌。僧問：石霜萬戶俱閉。卽不問萬戶俱開時。如何。霜曰：堂中事作麼生。僧無對。經半年方始下一轉語。曰：無人接得。渠霜曰：道卽太煞道。祇道得八成。曰：和尙。又且如何。霜曰：無人識得。渠師知乃禮拜乞爲舉。霜不肯。師乃抱霜上方丈。曰：和尙。若不道打和尙去。在霜曰：得在。師頻禮拜。霜曰：無人識得。渠師於言下頓省。

南際僧一禪師。僧問：幸獲親近。乞師指示。師曰：我若指示。卽屈著汝。曰：教學人作麼生。卽是師。曰：切忌是非。○問：同類。卽不問。如何是異類。師曰：要頭所將去。

關石錄

覆船山洪薦禪師頌僧問抱璞投師師還接否師以手拍香臺僧禮拜師曰禮拜則不無其中事作麼生僧却拍香臺師曰舌頭不出口

關石錄

鹿苑暉禪師僧問祖祖相傳未審傳箇甚麼師曰汝問我我問汝曰恁麼則縑素不分也師曰甚麼處去來

關石錄

鳳翔石柱禪師頌遊方時到洞山時虔和尚垂語曰有四人一人說過佛祖一步行不得一人行過佛祖一句說不得一人說得行得一人說不得行不得阿那箇是其人師出來曰一人說過佛祖行不得者祇是無舌不許行一人行過佛祖一句說不得者祇是無足不許說一人說得行得者祇是函蓋相稱一人說不得行不得者如斷命求活此是石女兒披枷帶鎖山曰闍黎分上作麼生師曰該通分上卓卓寧彰山曰祇如海上明公秀又作麼生師曰幻人相逢拈掌呵呵

關石錄

南嶽玄泰禪師沉靜寡言才嘗衣帛時謂之泰布裙始見德山陞于堂矣後謁石霜遂入室焉掌翰二十

誓不立門徒

年與貫休齊已爲友後居蘭若曰金剛臺誓不立門徒四方後進依附皆用交友之禮○嘗以衡山多被山民斬伐燒畬爲害滋甚乃作畚山謠曰畚山兒畚山兒無所知年年斫斷青山嶺就中最好衡嶽色杉松利斧摧貞枝靈禽野鶴無因依白雲回避青烟飛猿猿路絕巖崖出芝术失根茆草肥年年斫罷仍且鉏千秋終是難復初又道今年種不多來年更斫當陽坡國家壽嶽尙如此不知此理如之何遠邇傳播達于九重有詔禁止故嶽中蘭若無復延燎師之力也將示滅乃召一僧令備薪蒸留偈曰今年六十五四大將離主其道自玄玄箇中無佛祖不用剃頭不用澡浴一堆猛火千足萬足端坐垂一足而逝闍維收舍利建塔於迎雲亭側

關石錄

潭州雲蓋禪師僧問不可以情測時如何師曰無舌童兒機智盡○風穴參師問石角穿雲路携節意若何穴曰紅霞籠玉象擁幃照川源師曰相隨來也穴曰和尚也須低聲師曰且坐喫茶
龍湖普聞禪師唐僖宗太子也幼不茹葷長無經世

關石錄

意僖宗鍾愛之。然百計陶寫終不能回。中和初。僖宗幸蜀。師斷髮。逸遊人無知者。造石霜問曰。祖師別傳事。肯以相付乎。霜曰。莫謗祖師。師曰。天下宗旨盛大。豈妄爲之邪。霜曰。是實事耶。師曰。師意如何。霜曰。待案山點頭。卽向汝道。師於言下頓省。

石霜語

張拙秀才。頌因禪月大師指參。石霜霜問秀才何姓。曰。姓張。名拙。霜曰。覓巧尙不可得。拙自何來。公忽有省。乃呈偈曰。光明寂照遍河沙。凡聖含靈共我家。一念不生全體現。六根纔動被雲遮。遮斷除煩惱。重增病。趣向真如亦是邪。隨順世緣無罣礙。涅槃生死等空花。

石霜語

肥田慧覺伏禪師僧問。此地名甚麼。師曰。肥田曰宜種。甚麼師便打。師有偈曰。修多好句。枉工夫。返本還源。是大愚祖佛。不從修證得。縱行立路也崎嶇。

石霜語

洛浦山元安禪師。卅年出家。具戒通經。論問道。臨濟後爲侍者。濟嘗對衆美之曰。臨濟門下一隻箭。誰敢當鋒。師蒙印可。自謂已足。一日侍立。次有座主參濟。問有一人於三。乘十二分教。明得有一人不於三。

洛浦見夾山

不禮拜

乘十二分教。明得且道。此二人是同是別。主曰。明得卽同。明不得卽別。師曰。這裏是甚麼所在。說同說別。濟顧師曰。汝又作麼生。師便喝。濟送座主回。問師。汝豈不是適來喝老僧者。師曰。是濟便打。頌師後辭濟。濟問甚麼處去。師曰。南方去。濟以拄杖畫一畫曰。過得這箇。便去。師乃喝。濟便打。師作禮而去。濟明日陞堂曰。臨濟門下有箇赤梢鯉魚。搖頭擺尾。向南方去。不知向誰家。蓋裏淹殺。師遊歷罷。直往夾山卓庵。經年不訪夾山。山乃修書令僧馳往。師接得便坐。却再展手索僧。無對。師便打曰。歸去。舉似和尚。僧回舉似山曰。這僧若開書三日內必來。若不開書。斯人救不得也。師果三日後至。見夾山不禮拜。乃當面叉手而立。山曰。雞棲鳳巢。非其同類。出去。師曰。自遠趨風。請師一接。山曰。目前無閹黎。此間無老僧。師便喝。山曰。住住。且莫草草。忽忽。雲月是同。谿山各異。截斷天下人舌頭。卽不無閹黎。爭教無舌人解語。師佇思。山便打。因茲服膺。○山將示滅。垂語曰。石頭一枝看看卽滅矣。師曰。不然。山曰。何也。師曰。他家自有青山在。

我獨不肯

上流之士

無心道人

白澤之圖

山曰苟如是即吾宗不墜矣上堂末後一句始到牢關鎖斷要津不通凡聖尋常向諸人道任從天下樂欣欣我獨不肯欲知上流之士不將佛祖言教貼在額頭上如龜負圖自取喪身之兆鳳紫金網趨霄漢以何期直須旨外明宗莫向言中取則是以石人機似汝也解唱巴歌汝若似石人雪曲也應和指南一路智者知疏頌僧問供養百千諸佛不如供養一箇無心道人未審百千諸佛有何過無心道人有何德師曰一片白雲橫谷口幾多歸鳥盡迷巢○問如何是本來事師曰一粒在荒田不耘苗自秀曰若也不耘莫被草埋却也無師曰肌骨異舊幾穠穠終難隱頌問如何是一大藏教收不得者師曰雨滋三車秀片玉本來輝頌問一毫吞盡巨海於中更復何言師曰家有白澤之圖必無如是妖怪係圖別云家無白澤之圖必無如是妖怪頌問祖意教意是則是別師曰日月並輪輝離家別有路曰怎麼則顯晦殊途事非一槩師曰但自忘羊何須泣岐路頌問學人擬歸鄉時如何師曰家破人亡子歸何處曰怎麼則不歸去也師曰庭前殘

張主事

示靈笑

顯來山會

雪日輪消室內遊塵遣誰掃乃有偈曰決志歸鄉去乘船渡五湖舉篙星月隱停棹日輪孤解纜離邪岸張帆出正途到來家蕩散免作屋中愚○誠主事曰出家之法長物不留播種之時切宜減省締構之務悉從廢停流光迅速大道玄深苟或因循曷由體悟雖激勵懇切衆以為常略不相徹頌示微疾亦不倦參請一日告衆曰吾非明即後也今有一事問汝等若道這箇是即頭上安頭若道不是即斬頭求活第一座對曰青山不舉足日下不挑燈師曰是甚麼時節作這箇語話時有彥從上座對曰離此二途請和尚不問師曰未更道曰彥從道不盡師曰我不管汝盡不盡曰彥從無侍者祇對和尚師便休至夜令侍者喚從問曰闍黎今日祇對甚有道理汝合體得先師意先師道目前無法意在目前不是目前法非耳目之所到且道那句是賓那句是主若擇得出分付鉢袋子曰彥從不會師曰汝合會曰彥從實不會師囑出乃曰苦苦玄覺云且道從上座實不會是怕見鉢袋子粘著伊黃山月輪禪師上堂祖師西來特唱此事自是諸人

謝夾山會

不薦內外馳求投赤水以尋珠就荆山而覓玉所以道從門入者不是家珍認影迷頭豈非大錯

韶山寶普禪師頌有僧到參禮拜起立師曰大才藏拙戶僧過一邊立師曰喪却棟梁材頌問如何是韶

山境師曰古今猿鳥叫翠色薄烟籠曰如何是境中

人師曰退後看頌問是非不到處還有句也無師曰

有曰是甚麼句師曰一片白雲不露醜頌問如何是

和尚家風師曰絕頂無根草無風葉自搖增收遊布衲訪

師問答甚奇句繁不備錄

謝夾山會

上藍令超禪師僧問如何是上藍本分事師曰不從

千聖借豈向萬機求曰祇如不借不求時如何師曰

不可拈放汝手裏得麼○問鋒前如何辨的師曰鋒

前不露影莫向舌頭尋○問二龍爭珠誰是得者師

曰其珠徧地目覩如泥○問善財見文殊後為甚却

往南方師曰學憑入室知乃通方曰為甚麼彌勒却

遣見文殊師曰道廣無涯逢人不盡

謝夾山會

太原海湖禪師頌因有人請灌頂三藏供養敷坐訖

師乃就彼位坐時有雲涉座主問曰和尚甚麼年行

謝夾山會

道師曰座主近前來涉近前師曰祇如橋陳如是甚麼年行道涉茫然師喝曰這尿牀鬼

天蓋山幽禪師僧問學人擬看經時如何師曰既是

大商何求小利頌有一院名無垢淨光造浴室有人

問既是無垢淨光為甚麼却造浴室僧無語後請師

代師曰三秋明月夜不是騎團圓增收

三角令珪禪師初參清平平問來作麼師曰來禮拜

平曰禮拜阿誰師曰特來禮拜和尚平咄曰這鈍根

阿師師乃禮拜平以手斫師頸一下從此領旨

投子感溫禪師師遊山見蟬蛻侍者問曰殼在這裏

蟬向甚麼處去也師拈殼就耳畔搖三五下作蟬聲

侍者於是開悟○僧問父不投為甚麼却投子師曰

豈是別人屋裏事曰父與子還屬功也無師曰不屬

曰不屬功底如何師曰父子各自脫曰為甚麼如此

師曰汝與我會

牛頭微禪師上堂三世諸佛用一點伎倆不得天下

老師口似匾擔諸人作麼生大不容易除非知有餘

莫能知

謝投子問

謝投子問

謝清平進

圓投子問

盤山二世禪師僧問如何出得三界師曰在裏頭來多少時邪曰如何出得師曰青山不礙白雲飛

圓投子問

九峻敬慧禪師僧問解脫深坑如何過得師曰不求過曰如何過得師曰求過亦非

圓投子問

觀音嚴俊禪師嘗經鳳林深谷歛觀珍寶發現同侶相顧意將取之師曰古人鉏園觸黃金若瓦礫待吾管覆頂須此供四方僧言訖捨去○謁投子子問昨夜宿何處師曰不動道場子曰既言不動曷由至此師曰至此豈是動邪子曰元來宿不著處投子默許之

圓投子問

濠州思明禪師僧問如何是清淨法身師曰屎裏蛆兒頭出頭沒

圓大光禪

圓九峰度

谷山有緣禪師頌僧問如何是祖師西來意師曰夜半烏兒頭戴雪天明啞子抱頭歸僧收問一撥便轉時如何師曰野馬走時鞭轡斷石人撫掌笑呵呵
勸潭延茂禪師僧問如何是古佛心師曰終不道土木瓦礫是○問如何是和尙正主師曰盡鼓連椎響耳畔不聞聲

圓九峰度

時機

一乘法

鳳棲同安院常察禪師頌僧問如何是鳳棲家風師曰鳳棲無家風曰既是鳳棲爲甚麼無家風師曰不迎賓不待客曰怎麼則四海參尋當爲何事師曰盤釘自有旁人施○問祖意教意是同是別師曰鐵狗吠石牛幻人看月色○問如何是披毛戴角底人師曰蓑衣笠笠賣黃金幾箇相逢不解喚○問學人未曉時機乞師指示師曰參差松竹烟籠薄重疊峰巒月上遲僧擬進語師曰劒甲未施賊身已露僧曰何也師曰清陽不剪霜前竹水墨徒誇海上龍僧繞禪牀而出師曰閉目食蝸牛一場酸澀苦頌問如何是祖師西來意師曰犀牛旣月紋生角象被雷驚花入牙○座主問三乘十二分教某甲粗知未審和尙說何法示人師曰我說一乘法曰如何是一乘法師曰幾般雲色出峰頂一樣泉聲落檻前曰不問這箇如何是一乘法師曰你不妨靈利○旣月次謂僧曰奇哉奇哉星明月朗足可觀瞻豈異道乎僧曰如何是道師曰汝試道看曰彼自無瘡勿傷之也師曰負笈攻文不開弓矢○問僧近離何處曰江西師曰江西

法道何似此間曰賴遇問著某甲若問別人則禍生也師曰老僧適來造次曰某甲不是嬰兒徒用止啼黃葉師曰傷驚怒毒殺活由我

嗣九峰度

揮鐵志旨

禾山鼓

嗣九峰度

禾山無殷禪師謁九峰峰問汝遠遠而來暉暉隨衆見何境界而可修行由何徑路而能出離師曰重昏廓爾盲者自盲峰乃許入室後住禾山學徒濟濟諸方降歎○江南李氏召而問曰和尚何處來師曰禾山來曰山在甚麼處師曰人來朝鳳闕山獄不曾移國主重之○僧問仰山插鉢意旨如何師曰汝問我曰立沙踏倒鉢又作麼生師曰我問汝曰未辨其宗如何體悉師曰頭大尾尖評壤問習學謂之聞絕學謂之隣過此二者謂之真過如何是真過師曰禾山解打鼓曰如何是真諸師曰禾山解打鼓又問即心即佛則不問如何是非心非佛師曰禾山解打鼓曰如何是向上事師曰禾山解打鼓○問萬法齊興時如何師曰禾山解打鼓按五燈有此一問諸方祇說禾山四打鼓洪州勸潭牟禪師僧問如何是學人著力處師曰正是著力處

嗣漢泉欣

嗣雲臺元

嗣谷山藏

嗣谷山藏

嗣谷山藏

六通院紹禪師僧問不出咽喉唇吻事如何師曰待汝一纓斷斷巾子山我亦不向汝道雲蓋志罕禪師僧問如何是須彌頂上浪滔天師曰文殊正作闍曰如何是正位中事師曰不向樓前展大悲○問如何是那邊人師曰鋒前不露影句後覓無蹤

新羅國瑞嚴禪師僧問黑白兩亡開佛眼時如何師曰恐你守內○問如何是誕生王子師曰深宮引不出曰如何是朝生王子師曰宮中不列位曰如何是末生王子師曰處處無標的不展萬人機新羅國百嚴禪師頌僧問如何是禪師曰古塚不爲家曰如何是道師曰徒勞車馬迹曰如何是教師曰貝葉收不盡

新羅國大嶺禪師僧問古人道祇到潼關便即休會了便休未會便休師曰祇爲迷途中活計曰離却迷途還得其中活計也無師曰體即得當即不得曰既是體得爲甚麼當不得師曰體是甚麼人分上事曰其中事若何師曰不作尊貴○問如何是用中無礙

師曰一片白雲綠亂飛。頌問如何是一切處清淨師

曰截瓊枝寸寸是寶析旃檀片片皆香

禾山師陰禪師僧問王子未來登離人當治化師曰

闔外不行邊塞令將軍自致太平年曰甚麼則治化

之功猶不當師曰亦有當曰如何是當師曰十方國

土盡屬於王○問如何是佛師曰承當者不是好手

柘溪從實禪師問僧作甚麼來曰親近來師曰任你

白雲朝嶽頂爭奈青山不展眉

青峯傳楚禪師僧問大事已明爲甚麼也如喪考妣

師曰不得春風花不開及至花開又吹落○問如何

是一色師曰全無一滴水浪激似銀山

烏牙彥賓禪師僧問未作人身已前作甚麼來師曰

三脚石牛坡上走一枝瑞草目前分

永安靜禪師僧問知有這不得時如何師曰知有箇

甚麼曰不可無去也師曰怎麼則合道得曰道卽不

無爭奈語偏師曰水凍魚難躍山寒花發遲○問如

何是一色師曰易分雪裏粉難辨墨中煤○問不可

以智知不可以識識時如何師曰鶴驚並頭踞雪睡

嗣洛浦安

嗣靈隱文

嗣靈隱文

嗣靈隱文

嗣靈隱明

嗣馬子實

月明驚起兩遲疑

鄧州中度禪師僧問如何是實際理地不受一塵佛

事門中不捨一法師曰眞常塵不染海納百川流曰

請和尚離聲色外答師曰木人常對話有性不能言

永安淨悟禪師僧問六門不通如何達信師曰闍黎

外邊與誰相識○問如何是西來意師曰海底泥牛

吼雲中木馬嘶

太平善道禪師頌初謁洛浦問一漚未發已前如何

辨其水脉浦曰移舟諳水脉舉棹別波瀾師不契乃

參蟠龍語同前問龍曰移舟不別水舉棹卽迷源師

從此悟入頌僧問如何是西來意師曰石羊頭子向

東看

崇福志禪師僧問供養百千諸佛不如供養一無心

道人未審諸佛有何過無心道人有何德師曰雪深

宜近火身暖覺春遲

鷲嶺善本禪師浴次僧問和尚是離垢人爲甚麼却

浴師曰定水湛然滿浴此無垢人

大安與古禪師僧問維摩默然意旨如何師曰黠黑

謝青峰楚

謝青峰楚

謝青峰楚

石牛兒超然不出戶

烏牙行朗禪師僧問迦葉上行衣何人合得披師曰

天然無相子不挂出塵衣

開山懷晝禪師僧問作何行業即得不違於千聖師

曰妙行無倫匹情玄體自殊○問如何是塵中師師

曰荊棘林中隨處到旃檀林裏任縱橫

青峰山清勉禪師僧問如何是祖師西來意師曰釋

池無一滴四海自滔滔

大宋

太宗皇帝頌一日因僧朝見帝問甚處來對曰廬山

臥雲庵帝曰朕聞臥雲深處不朝天為甚到此僧無

對雪竇代云頌因僧入對次奏曰陛下還記得麼帝

曰甚處相見來奏曰靈山一別直至如今帝曰卿以

何為驗僧無對雪竇代云實頌帝嘗夢神人報曰請

陛下發菩提心因早朝宣問左右街菩提心作麼生

發街無對雪竇代云實頌一日朝罷帝筆鉢問丞相

王隨曰既是大庾嶺頭提不起為甚麼却在朕手裏

隨無對

大宋

宋詳法嗣

宋詳法嗣

宋詳法嗣

宋詳法嗣

孝宗皇帝頌宣問靈隱佛照光禪師曰釋迦佛入山

修道六年而成所成者何事請師明說對曰將謂陛

下忘却

宋詳法嗣

茶陵郁山主頌不曾行脚因廬山有化主至論及宗

門中事教令看僧問法燈百尺竿頭如何進步燈云

噫凡三年一日乘驢度橋一踏橋板而墮忽然大悟

遂有頌曰我有神珠一顆久被塵勞關鎖今朝塵盡

光生照破山河萬朵因茲更不遊方

先淨照禪師問楞嚴大師經中道若能轉物即同如

來若被物轉即名凡夫祇如昇元閣作麼生轉嚴無對

東山雲頂禪師道學有聞叢林稱為頂三教一日九

龍觀道士并三士人請上堂儒門畫八卦造契書不

救六道輪迴道門朝九皇鍊真氣不達三祇劫數我

釋迦世尊洞三祇劫數救六道輪迴以大願攝人天

如風輪持日月以大智破生死若劫火焚秋毫入得

我門者自然轉變天地幽察鬼神使須彌鐵圍大地

大海入一毛孔中一切衆生不覺不知我說此法門

未詳法嗣

樣子下庵主曰何不早說恰被人借去了也
昔有老宿云這一片田地分付來多時也我立地待

汝構去法眼云山僧如今坐地待汝構去還有道理也無那箇親那箇疎試裁斷看 ○有

聞覺聲

僧因看法華經至諸法從本來常自寂滅相忽疑不
決行住坐臥每自體究都無所得忽春月間驚聲頓
然開悟遂續前偈曰諸法從本來常自寂滅相春至

百花開黃鸝啼柳上○有僧與童子上經了令持經

著函內童子曰某甲念底著向那裏法燈代云汝念甚麼經

未詳法嗣

昔有官人作無鬼論中夜揮毫次忽見一鬼出云汝
道無我響五祖演云老僧當時若見但以手作弄鳩嘴向伊道谷呱呱

未詳法嗣

昔有婆子頌供養一庵主經二十年常令一二八女
子送飯給侍一日令女子抱定曰正恁麼時如何主

曰枯木倚寒巖三冬無煖氣女子舉似婆婆曰我二
十年祇供養得箇俗漢遂遣出燒却庵

未詳法嗣

陳道婆嘗徧扣諸方名宿後於長老山淨和尚語下
發明有偈曰高坡平頂上盡是採樵翁人人盡懷刀

斧意不見山花映水紅

未詳法嗣

昔有婦人入院行衆僧隨年錢僧曰聖僧前著一分

婦人曰聖僧年多少僧無對法眼代云心期滿處則
知 會元六卷終

禪宗正脈卷第三

音釋

昌芒逼切廣韻道滿 顚以 噤噤如鉗突音 荐薦音
再也 撥撥根 躋躋較 較較角教二音直也 躋躋銀 勛勛免 贖贖免 贖贖免
屢屢也 撥撥根 躋躋較 較較角教二音直也 躋躋銀 勛勛免 贖贖免 贖贖免
警警入聲 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏
此此通 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏
鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏 鑊鑊大鉏
微微景音 脫脫稅音 慶慶宗 欬欬入聲 營營音 暉暉音 暉暉音 暉暉音 暉暉音 暉暉音 暉暉音 暉暉音 暉暉音
也也 斷斷音 斷斷音 斷斷音 斷斷音 斷斷音 斷斷音 斷斷音 斷斷音 斷斷音 斷斷音
也也 斷斷音 斷斷音 斷斷音 斷斷音 斷斷音 斷斷音 斷斷音 斷斷音 斷斷音 斷斷音

禪宗正脈卷第四

吳本卷七

青原

天皇道悟禪師首謁徑山國一受心法服勤五載後
參馬祖重印前解法無異說依止二夏乃謁石頭而

石頭還

臧誣於人

致問曰。離却定慧。以何法示人。頭曰。我這裏無奴婢。離箇甚麼。曰。如何明得。頭曰。汝還撮得虛空麼。曰。恁麼則不從今日去也。頭曰。未審汝早晚從那邊來。曰。道悟不是那邊人。頭曰。我早知汝來處也。曰。師何以賊誣於人。頭曰。汝身現在。曰。雖然如是。畢竟如何示於後人。頭曰。汝道誰是後人。師從此頓悟。馨殫前二。哲匠言下有所得心。○僧問。如何是玄妙之說。師曰。莫道我解佛法好。曰。爭奈學人疑滯。何。師曰。何不問老僧。曰。卽今問了也。師曰。去。不是汝存泊處。

嗣天皇

天阜餅

指示心裏

以十餅饋之。天皇受之。每食畢常留一餅曰。吾惠汝。以應子孫。師一日自念曰。餅是我持去。何以返遺我邪。其別有旨乎。遂造而問焉。皇曰。是汝持來。復汝何咎。師聞之。頗曉玄旨。因投出家願。皇曰。汝昔崇福善。今信吾言。可名崇信。由是服勤左右。一日問曰。某自到來。不蒙指示。心要。皇曰。自汝到來。吾未嘗不指汝。心要。師曰。何處指示。皇曰。汝擎茶來。吾爲汝接。汝行。

龍潭宮

往龍潭

紙燈吹滿

焚燒

盤龍山

食來吾爲汝受。汝和南時。吾便低首。何處不指示。心要師低頭良久。皇曰。見則直下。便見。擬思卽差。師當下開解。復問如何。保任。皇曰。任性逍遙。隨緣放曠。但盡凡心。別無聖解。

德山宣鑒禪師頌簡州周氏子在蜀常講金剛般若時謂之周金剛因擔青龍疏鈔出蜀至澧陽路上見一婆子賣餅遂息肩買餅點心婆乃指擔問云金剛經三心未審上座點那箇心師無語遂往龍潭至法堂日久嚮龍潭及乎到來潭又不見龍又不現潭引身日子親到龍潭師無語遂棲止焉頌師一夕侍立次潭曰更深何不去師珍重便出却回曰外面黑潭點紙燭度與師師擬接潭復吹滅師於此大悟便禮拜潭日子見箇甚麼師曰從今向去更不疑天下老和尚舌頭也至來日龍潭陞座謂衆曰可中有箇漢牙如劍樹口似血盆一棒打不回頭他時向孤峰頂上立吾道去在師將疏鈔堆法堂前舉火炬曰窮諸玄辯若一毫置於太虛竭世樞機似一滴投于巨壑遂焚之評頌禮謝龍潭直抵滄山挾複子上法堂

勿妄求

小參

德山棒

尊問新舊
兒

從西過東從東過西顧視方丈曰有麼有麼山坐次殊不顧盼師曰無無便出至門首乃曰雖然如此也不得草草遂具威儀再入相見纔跨門提起坐具曰和尚山擬取拂子師便喝拂袖而出過山至晚問首座今日新到在否座曰當時背却法堂著草鞋出去也山曰此子已後向孤峰頂上盤結草庵呵佛罵祖去在○上堂若也於己無事則勿妄求妄求而得亦非得也汝但無事於心無心於事則虛而靈空而妙若毛端許言之本末者皆爲自欺何故毫釐繫念三途業因譬爾情生萬劫羈鎖聖名凡號盡是虛聲殊相劣形皆爲幻色汝欲求之得無累乎及其厭之又成大患終而無益頌小參示衆曰今夜不答話問話者三十棒時有僧出禮拜師便打僧曰某甲話也未問和尚因甚麼打某甲師曰汝是甚麼處人曰新羅人師曰未跨船舷好與三十棒法眼云大小德山話作兩條圖明云大小德山龍頭蛇尾○上堂問即有過不問猶乖有僧出禮拜師便打僧曰某甲始禮拜爲甚麼便打師曰待汝開口堪作甚麼○雪峰問南泉斬貓兒意旨如何師乃打

嗣龍潭信

嗣德山鑑

德山拓鉢

越却喚曰會麼峰曰不會師曰我怎麼老婆心也不會頌示衆曰道得也三十棒道不得也三十棒臨濟聞得謂洛浦曰汝去問他道得爲甚麼也三十棒待伊打汝接住棒送一送看伊作麼生浦如教而問師便打浦接住送一送師便歸方丈浦回舉似臨濟濟曰我從來疑著這漢雖然如是你還識德山麼浦接議濟便打
渤潭寶峰和尚問僧古人有一路接後進初心汝還知否曰請師指出古人一路師曰甚麼則闍黎知了也曰頭上更安頭師曰寶峰不合問仁者曰問又何妨師曰這裏不曾有人亂說道理出去
巖頭全禪禪師頌一日參德山方跨門便問是凡是聖山便喝師禮拜有人舉似洞山山曰若不是巖公大難承當師曰洞山老人不識好惡錯下名言我當時一手擡一手擲頌雪峰在德山作飯頭一日飯遲德山擎鉢下法堂峰囉飯巾次見德山乃曰鐘未鳴鼓未響拓鉢向甚麼處去德山便歸方丈峰舉似師師曰大小德山未會末後句在山間令侍者喚師去

巖頭作渡子

問汝不肯老僧。那師密啓其意。山乃休。明日陞堂。果與尋常不同。師至僧堂前。拈掌大笑曰。且喜堂頭老漢。會末後句。他後天下人不奈伊何。雖然也祇得三年。活山果三年後示滅。頌師住鄂州巖頭。值沙汰於湖邊作渡子。兩岸各挂一板。有人過渡。打板一下。師曰。阿誰或曰。要過那邊去。師乃舞棹迎之。一日因一婆抱一孩兒來。乃曰。呈撓舞棹。即不問。且道婆子手中兒甚處得來。師便打婆曰。婆生七子六箇不遇知音。祇這一箇也不消得。便拋向水中。○上堂。吾嘗究涅槃經七八年。觀三兩段義。似衲僧說話。又曰。休休時。有一僧出禮拜。請師舉師曰。吾教意如人字三點。第一向東方下一點。點開諸菩薩眼。第二向西方下一點。點諸菩薩命根。第三向上方下一點。點諸菩薩頂。此是第一段義。又曰。吾教意如摩醯首羅。擊開面門。豎亞一隻眼。此是第二段義。頌又曰。吾教意猶如塗毒鼓。擊一聲。遠近聞者皆喪。此是第三段義。時小巖上座問。如何是塗毒鼓。師以兩手按膝。亞身曰。韓信臨朝底。嚴無語。頌問僧甚處來。曰。西京來。師曰。黃巢過後。

聲聞人見性

究經終經

人字

摩醯首羅

塗毒鼓

同德山鑑

雪峰坐禪殿頭打睡

色空義

還收得劍麼。曰。收得。師引頌近前曰。因曰。師頭落也。師呵呵大笑。僧後到雪峰。峰問甚處來。曰。巖頭來。峰曰。巖頭有何言句。僧舉前話。峰便打三十棒。趨出。○僧問雪峰。聲聞人見性。如夜見月。菩薩人見性。如晝見日。未審和尚見性如何。峰打拄杖三下。僧後舉前話。問師。師與三摑頌。問古帆未挂時如何。師曰。小魚吞大魚。又僧如前問師曰。後園驢喫草。邈後人或問佛。問法。問道。問禪者。師皆作噓聲。頌古希異。雪峰義存禪師。頌初與巖頭至澧州。鰲山鎮阻雪。頭每日祇是打睡。師一向坐禪。一日喚曰。師兄。師兄且起來。頭曰。作甚麼。師曰。今生不著便。共文遠箇漢行脚到處。被他帶累。今日到此。又祇管打睡。頭喝曰。噯。眠去。每日牀上坐。恰似七村裏土地。他時後日。魔魅人家男女去。在師自點。實曰。我這裏未穩。在不敢自讓頭曰。我將謂你他日向孤峰頂上盤結草庵。播揚大教。猶作這箇話。師曰。我實未穩。在頭曰。你若實如此。據你見處。一一通來。是處與你證明。不是處與你剗却。師曰。我初到鹽官。見上堂。舉色空義。得箇入。

過水偈

從門入

胸襟流出

有甚隔礙

處頭曰此去三十年切忌舉著又見洞山過水偈曰。切忌從他覓。迢迢與我疎。渠今正是我。我今不是渠。頭曰若與麼自救也未徹。在師又曰。後問德山從上。宗乘中事。學人還有分也。無德山打一棒曰。道甚麼。我當時如桶底脫相似。頭喝曰。你不聞道從門入者。不是家珍。師曰。他後如何。卽是頭曰。他後若欲播揚大教。一一從自己胸襟流出。將來與我蓋天蓋地。去師於言下大悟。便作禮起。連聲叫曰。師兄。今日始是鰲山成道。頭師在洞山作飯。頭淘米。次山問。淘沙去米。淘米去沙。師曰。沙米一時去。山曰。大眾喫箇甚麼。師遂覆却米盆。山曰。據子因緣。合在德山。頭僧問。寂然無依時如何。師曰。猶是病。曰。轉後如何。師曰。船子下揚州。○栖典座問。古人有言。知有佛向上事。方有語話。分如何。是語話。師把住曰。道道。栖無對。師遂踢倒。栖當下汗流。頭問。僧甚處來。曰。近離浙中。師曰。船來。陸來。曰。二途俱不涉。師曰。爭得到這裏。曰。有甚麼隔礙。師便打。○問僧甚處去。曰。禮拜徑山和尚去。師曰。徑山若問汝此間佛法如何。汝作麼生祇對。曰。待

遠問近對

馮山鑿金

殘羹餽飯

南山鑿鼻蛇

問。卽道師便打。後學問鏡清。這僧過在甚麼處。清曰。問得徑山微困。師曰。徑山在浙中。因甚麼問得微困。清曰。不見道。遠問近對。師曰。如是如是。頭師行脚時。參烏石觀品。尙纔敲門。石問。誰。師曰。鳳凰兒。石曰。來作麼。師曰。來。啗老觀石。便開門。擡住曰。道道。師擬議。石拓開。閉却門。師住後。示衆曰。我當時若入得老觀門。你這一隊。噉酒糟。漢向甚麼處摸索。○問僧甚處來。曰。馮山來。師曰。馮山有何言句。曰。某甲曾問如何。是祖師西來意。馮山據坐。師曰。汝肯他否。曰。某甲不肯。他師曰。馮山古佛。汝速去懺悔。○問僧甚麼處去。曰。識得。卽知去處。師曰。汝是了事人。亂走作麼。曰。和尚莫塗汗。人好。師曰。我卽不塗汚你。古人吹布毛。作麼生。與我說來看。曰。殘羹餽飯。已有人喫了。師休去。評頌上堂。南山有一條。鼈鼻蛇。汝等諸人。切須好看。長慶出曰。今日堂中。大有人喪身失命。雲門以拄杖。擯向師前。作怕勢。有僧舉似。玄沙。沙曰。須是稜兒始得。然雖如是。我卽不然。曰。和尚作麼生。沙曰。用南山作麼。評頌。一日有兩僧來。師以手拓菴門。放身出曰。

隱面低頭

書上嚴頭

末後句

透網金鱗

蝦蟇

是甚麼僧亦曰是甚麼師低頭歸菴僧辭去師問甚麼處去曰湖南師曰我有箇同行住巖頭附汝一書去書曰某書上師兄某一自鰲山成道後迄至于今飽不飢同參某書上僧到巖頭問甚麼處來曰雪峰來有書達和尚頭接了乃問僧別有何言句僧遂舉前話頭曰他道甚麼曰他無語低頭歸菴頭曰噫我當初悔不向伊道末後句若向伊道天下人不奈雪老何僧至夏末請益前話頭曰何不早問曰未敢容易頭曰雪峰雖與我同條生不與我同條死要識末後句祇這是評頌上堂盡大地撮來如粟米粒大拋向面前漆桶不會打鼓普請看

長慶問雲門曰雪峰得處麼門曰有曰作麼生門曰不可與麼道還有出頭不總作野狐精見解又曰狠籍不少

評頌三聖問透網金鱗以何爲食師曰待汝出網來向汝道聖曰一千五百人善知識話頭也不識師曰老僧住持事繁頌上堂盡大地是箇解脫門把手拽伊不肯入時一僧出曰和尚怪某甲不得又一僧曰用人作甚麼師便打頌一日陞座衆集定師輒出木毬玄沙遂捉來安舊處頌一日在僧堂內燒火閉却前後門乃叫曰

答話者須知

國王柑橘

關鑊山壁

救火救火玄沙將一片柴從窓櫺中拋入師便開門頌僧問古澗寒泉時如何師曰瞪目不見底曰飲者如何師曰不從口入僧舉似趙州州曰不從口入不可從鼻孔裏入僧却問古澗寒泉時如何州曰苦曰飲者如何州曰死師聞得乃曰趙州古佛遙望作禮自此不答話頌師因闍王封柑橘各一顆遣使送至東問既是一般顏色爲甚名字不同師遂依舊封回王復馳問玄沙沙將一張紙蓋却○僧問拈槌豎拂不當宗乘未審和尚如何師豎起拂子僧乃抱頭出去師不顧

法眼代云大衆看此一員戰將

頌上堂舉拂子曰這箇爲中下僧問上上人來時如何師舉拂子僧曰這箇爲中下師便打○問國師三喚侍者意如何師乃起入方丈○上堂我若東道西道汝則尋言逐句我若羚羊挂角汝向甚麼處捫摸頌示衆云此事不從唇吻得不從黃卷上得不從諸方老宿得合從甚麼處得也須子細增收師之法席常不減千五百衆瑞龍恭禪師謁德山山問會麼曰作麼山曰請相見曰識麼山大笑遂許入室

嗣嚴山鑑

高亭簡禪師頌參德山隔江纔見便云不審山乃搖

扇招之師忽開悟乃橫趨而去更不回顧

嗣嚴頭陀

瑞巖師彥禪師初禮嚴頭問曰如何是本常理頭曰

動也曰動時如何頭曰不是本常理師良久頭曰肯

即未脫根塵不肯永沉生死師遂領悟便禮拜頭每

與語微醺無忒○後謁夾山山問甚處來曰臥龍來

山曰來時龍還起也未師乃顧視之山曰灸瘡癰上

更著艾焦日和尙又苦如此作甚麼山休去頌師尋

居丹丘瑞巖坐磐石終日如愚每自喚主人公復應

諾乃曰惺惺著他後莫受人謾後有僧參玄沙沙問近離甚處云瑞巖沙

云有何言句示徒僧學前話沙云一等是弄精魂也甚奇怪乃云何不且在彼住云已遷化也沙云而今還喚得應麼

僧無對

嗣嚴頭陀

羅山道閑禪師張闍師飲其法味請居羅山號法寶

禪師開堂陞座方斂衣便曰珍重時衆不散良久師

又曰未識底近前來僧出禮拜師抗聲曰也大苦哉

僧擬伸問師乃喝出頌師在禾山送同行矩長老出

門次把拄杖向面前一擡矩無對師曰石牛欄古路

一馬生雙駒後僧舉似陳山山云石牛欄古路一馬生三寶頌無軫上座問

洞山好佛

祇如嚴頭道洞山好佛祇是無光未審洞山有何虧

闕便道無光師召軫軫應諾師曰灼然好箇佛祇是

無光曰大師爲甚廢撥無軫話師曰甚麼處是陳老

師撥你話處快道快道軫無語師打三十棒趨出軫

舉似招慶慶一夏罵詈至夏末自來問師乃分明舉

似慶便作禮懺悔曰洎錯怪大師○僧問如何是百

草頭上盡是祖師意師曰刺破汝眼○臨遷化上堂

集衆良久展左手主事罔測乃令東邊師僧退後又

展右手又令西邊師僧退後迺曰欲報佛恩無邊流

通大教歸去也歸去也珍重

玄沙師備宗一禪師布衲芒屨食纔接氣常終日宴

坐衆皆異之與雪峰本法門昆季而親近若師資峰

以其苦行呼爲頭陀一日峰問阿那箇是備頭陀師

曰終不敢誑於人頌異日峰召曰備頭陀何不徧參

去師曰達磨不來東土二祖不往西天峰然之○師

入室咨決罔替晨昏又閱楞嚴發明心地由是應機

敏捷與修多羅冥契諸方玄學有所未決必從之請

益至與雪峰徵詰亦當仁不讓峰曰備頭陀再來人

遷化

嗣嚴峰存

嗣嚴嚴發明

道無程途

也○上堂佛道閑曠無有程途無門解脫之門無意
 道人之意不在三際故不可昇沉建立乖真非屬造
 化動則起生死之本靜則醉昏沉之鄉動靜雙泯即
 落空亡動靜雙收顛預佛性必須對塵對境如枯木
 寒灰臨時應用不失其宜鏡照諸像不亂光輝鳥飛
 空中不雜空色所以十方無影像三界絕行蹤不墮
 往來機不住中間意鐘中無鼓響鼓中無鐘聲鐘鼓
 不相交句句無前後如壯士屈臂不藉他力師子遊
 行豈求伴侶九霄絕竊何在穿過一段光明未曾昏
 昧若到這裏體寂寂常的的日赫赫無邊表圓覺空
 中不動搖吞燦乾坤迥然照夫佛出世者元無出入
 名相無體道本如如法爾天真不同修證祇要虛閒
 不昧作用不涉塵泥箇中纖毫道不盡即為魔王眷
 屬句前句後是學人難處所以一句當天八萬門永
 絕生死直饒得似秋潭月影靜夜鐘聲隨扣擊以無
 虧觸波瀾而不散猶是生死岸頭事道人行處如火
 銷冰終不却成冰箭既離弦無返回勢所以牢籠不
 肯住呼喚不回頭古聖不安排至今無處所若到這

無影像

無邊表

學人難處

道人行處

今時人不悟箇中道理

裏步步登玄不屬邪正識不能識智不能知動便失
 宗覺即迷旨二乘膽顫十地魂驚語路絕心行處
 滅直得釋迦掩室於摩竭淨名杜口於毗耶須菩提
 唱無說而顯道釋梵絕聽而雨花若與麼現前更疑
 何事沒棲泊處離去來今限約不得心思路絕不因
 莊嚴本來真淨動用語咲隨處明了更無欠少今時
 人不悟箇中道理妄自涉事涉塵處處染著頭頭繫
 絆縱悟則塵境紛紜名相不實便擬凝心斂念攝事
 歸空閉目藏睛終有念起旋旋破除細想纔生即便
 遏捺如此見解即是落空亡底外道魂不散底死人
 冥冥漠漠無覺無知塞耳偷鈴徒自欺誑這裏分別
 則不然也不是限門傍戶句句現前不得商量不涉
 文墨本絕塵境本無位次權名箇出家兒畢竟無蹤
 迹真如凡聖地獄人天祇是癡狂子之方虛空尚無
 改變大道豈有昇沉悟則縱橫不離本際若到這裏
 凡聖也無立處若向句中作意則沒溺殺人若向外
 馳求又落空界如如向上沒可安排恰似燄爐不藏
 蚊蚋此理本來平坦何用剗除動靜揚眉是真解脫

凡聖無立處

辨安身立命

道不彊爲意。度建立乖真。若到這裏。纖毫。不受指意。則差。便是千聖出頭來也。安一字。不得久立珍重。○上堂。我今問汝諸人。且承當得箇甚麼事。在何世界。安身立命。還辨得麼。若辨不得。恰似捏目生花。見事便差。知麼。如今目前。見有山河大地。色空明暗。種種諸物。皆是狂勞花相。喚作顛倒。知見。夫出家人。識心達本。源故號爲沙門。汝今既已剃髮披衣。爲沙門相。即便有自利利他。分如今看。著盡黑漫漫地。墨汁相似。自救。尙不得爭解。爲得人仁者。佛法因緣事。大莫作等閒相似。聚頭亂說雜話。趨諛過時。光陰難得。可惜。許大文夫。兒何不自省察。看是甚麼事。祇如從上宗乘。是諸佛頂族。汝既承當不得。所以我方便勸汝。但從迦葉門。接續頓超去。此一門超。凡聖因果。超毗盧妙莊嚴世界海。超他釋迦。方便門直下。永劫不教有一物與汝作眼。見何不自急急究取。未必道我且待三生兩生。久積淨業。仁者宗乘。是甚麼事。不可由汝用工莊嚴。便得去。不可他心宿命。便得去。會麼。祇如釋迦出頭來。作許多變弄。說十二分教。如餅灌水。

如同夢事

不同夢事

不出談陰

妄爲信時

立地待汝排去

根機遲鈍

大作一場佛事。向此門中。用一點不得。用一毛頭伎倆。不得知麼。如同夢事。亦如寐語。沙門不應出頭來。不同夢事。蓋爲識得知麼。識得。即是大出脫。大徹頭人。所以超凡。越聖。出生離。死離。因離。果超。毗盧。超釋迦。不被凡聖因果所誤。一切處無人識得。汝知麼。莫祇長戀生死。愛網被善惡業。拘將去。無自由分。饒汝鍊得身心。同虛空去。饒汝到精明湛不搖處。不出識陰。古人喚作如急流水。流急不覺。妄爲恬靜。怎麼修行。盡出他輪迴際。不得依前被輪迴去。所以道。諸行無常。直是三乘功果。如是可畏。若無道眼。亦不究竟。何似如今。博地凡夫。不用一毫工夫。便頓超去。解省心力麼。還願樂麼。勸汝我如今。立地待汝。搆去。更不教汝加工鍊行。如今不恁麼。更待何時。還肯麼。便下座。○上堂。汝諸人。如在大海裏坐。沒頭浸却了。更展手問人乞水喫。夫學般若菩薩。須具大根器。有大智慧。始得。若有智慧。即今使出脫得去。若是根機遲鈍。直須勤苦耐志。日夜忘疲。無眠失食。如喪考妣相似。恁麼急切。盡一生去。更得人荷挾。剋骨究竟。不妨易。

稱善知識
昭昭靈靈

認賊爲子

日體喻金剛

得構去且況如今誰是堪任受學底人仁者莫祇是
記言記語恰似念陀羅尼相似踢步向前來口裏哆
哆和和地被人把住詰問著沒去處便噴道和尙不
爲我答話怎麼學事大苦知麼有一般坐繩牀和尙
稱善知識問著便搖身動手點眼吐舌瞪視更有一
般說昭昭靈靈靈臺智性能見能聞向五蘊身田裏
作主宰怎麼爲善知識大賺人知麼我今問汝汝若
認昭昭靈靈是汝真實爲甚麼瞋睡時又不成昭昭
靈靈若瞋睡時不是爲甚麼有昭昭時汝還會麼這
箇喚作認賊爲子是生死根本妄想緣起汝欲識根
由麼我向汝道昭昭靈靈祇因前塵色聲香等法而
有分別便道此是昭昭靈靈若無前塵汝此昭昭靈
靈同於龜毛兔角仁者真實在甚麼處汝今欲得出
他五蘊身田主宰但識取汝秘密金剛體古人向汝
道圓成正徧徧周沙界我今少分爲汝智者可以譬
喻得解汝還見南閭浮提日麼世間人所作與營養
身活命種種心行作業莫非皆承日光成立祇如日
體還有許多般心行麼還有不用徧處麼欲識金剛

向五蘊身田
中作活計

瞋睡見解

體亦須如是看祇如今山河大地十方國土色空明
暗及汝身心莫非盡承汝圓成威光所現直是天人
羣生類所作業次受生果報有情無情莫非承汝威
光乃至諸佛成道成果接物利生莫非盡承汝威光
祇如金剛體還有凡夫諸佛麼有汝心行麼不可道
無便得當去也知麼汝既有如是奇特當陽出身處
何不發明取因何却隨他向五蘊身田中鬼趣裏作
活計直下自謾去忽然無常殺鬼到來眼目講張身
見命見怎麼時大難支荷如生脫龜殼相似大苦仁
者莫把瞋睡見解便當却去未解蓋覆得毛頭許汝
還知麼三界無安猶如火宅且汝未是得安樂底人
祇大作羣隊干他人世這邊那邊飛走野鹿相似但
求衣食若怎麼爭行他王道知麼國王大臣不拘執
汝父母放汝出家十方施主供汝衣食土地龍神荷
護汝也須具慚愧知恩始得莫孤負人好長連牀上
排行著地銷將去道是安樂未在皆是粥飯將養得
汝爛冬瓜相似變將去土裏埋將去業識茫茫無本
可據沙門因甚麼到怎麼地祇如大地上蠢蠢者我

喚作地獄劫住。如今若不了明朝後日。入驢胎馬肚。

裏牽犁拽杷。銜鐵負鞍。確擣磨磨。水火裏燒煮。去大

不容易受。大須恐懼。好是汝自累。知麼。若是了去。直

下永劫。不曾教汝有這箇消息。若不了此煩惱惡業。

因緣。不是一劫兩劫得休。直與汝金剛齊壽。知麼。頌

師因參次聞燕子聲。乃曰。深談實相善說法。要便下

座。時有僧請益曰。某甲不會。師曰。去。誰信汝。頌鼓山

來。師作一圓相示之。山曰。人人出這箇不得。師曰。情

知汝向驢胎馬腹裏作活計。山曰。和尚又作麼。生。師

曰。人人出這箇不得。山曰。和尚與麼道。却得某甲爲

甚麼道不得。師曰。我得汝不得。頌僧侍立次。師以杖

指面前地上白點曰。還見麼。曰。見。如是三問。僧亦如

是。答師曰。你也見。我也見。爲甚麼道不會。頌因雪峰

指火曰。三世諸佛在火簇裏轉大法輪。師曰。近日王

令稍嚴。峰曰。作麼。生。師曰。不許攙奪行市。雲門曰。火

簇爲三世諸佛說法。三世諸佛立地聽。○僧問古人

拈麈尾拂還當宗乘也。無師曰。不當曰。古人意作麼

生。師舉拂子。僧曰。宗乘中事如何。師曰。待汝悟始得。

三種病人

頌師垂語曰。諸方老宿盡道接物利生。祇如三種病

人。汝作麼生接。患盲者拈椎豎拂。他又不見。患聾者

語言三昧。他又不聞。患瘧者教伊說。又說不得。若接

不得佛法。無靈驗時。有僧出曰。三種病人還許學人

商量否。師曰。許汝作麼生商量。其僧珍重出。師曰。不

是。羅漢曰。桂琛現有眼耳口和尙。作麼生接。師

曰。慚愧。便歸。方丈中塔曰。三種病人。即今在甚麼處

又一僧曰。非唯謾他。兼亦自謾。法眼云。我當時見羅漢舉此僧語。我便會

三種病人。雲居錫云。祇如此僧會不會。若道會玄妙又

道不是。若道不會。法眼爲甚麼道我因此僧語便會。三

種病人。上座無事上。有僧請益。雲門曰。汝禮拜著

僧禮拜起。門以拄杖拄之。僧退後門曰。汝不是患盲

麼。復喚近前來。僧近前門曰。汝不是患聾麼。門曰。會

麼。曰。不會。門曰。汝不是患瘧麼。僧於是。有省。頌師因

僧禮拜。師曰。因我得禮。汝頌師一日遣僧送書上雪

峰。峰開緘見白紙三幅。問僧會麼。曰。不會。峰曰。不見

道。君子千里同風。僧回舉似師曰。山頭老漢。踉蹌過也

不知。曰。和尚如何。師曰。孟春猶寒。也不解道。頌師問

鏡清。教中道不見一法。爲大過患。且道不見甚麼法。

遣僧送書上
雪峰

拈麈尾拂

與章監軍
與果子

清指露柱曰莫是不見這箇法麼。同安顯別云也師知和尚不造次

日浙中清水白米從汝喫佛法未曾在頌僧問如何

是清淨法身師曰膿滴滴地頌問如何是親切底事

師曰我是謝三郎頌師與章監軍喫果子章問如何

是日用而不知師拈起果子曰喫章喫果子了再問

師曰祇這是日用而不知頌僧問如何是學人自己

師曰用自己作麼。一作是你自己雲門云沒量大人被語脈裏轉却僧問如何是學人

自己門云忽然路上有人喚。納僧齋你也隨分得飯喫 ○師問明真大師善財

參彌勒彌勒指歸文殊文殊指歸佛處汝道佛指歸

甚麼處曰不知師曰情知汝不知。法眼別云佛甚麼作佛 ○大

普玄通到禮覲師曰你在彼住莫誑惑人家男女曰

玄通祇是開箇供養門晚來朝去爭敢作恁麼事師

曰事難曰真情是難師曰甚麼處是難處曰爲伊不

肯承當師便入方丈拄却門頌僧問學人乍入叢林

乞師指箇入路師曰還聞偃溪水聲麼曰聞師曰從

這裏入○問古人皆以瞬視接人未審和尚以何接

人師曰我不瞬視接人曰學人爲甚麼道不得師曰

畱塞汝口爭解道得

嗣雪峰存

坐破七箇蒲團

與保福遊山

明明歌詠

長慶慧稜禪師歷參禪苑後參靈雲問如何是佛法

大意雲曰驢事未去馬事到來師如是往來雪峰立

沙二十年間坐破七箇蒲團不明此事一日捲簾忽

然大悟乃有頌曰也大差也大差捲起簾來見天下

有人問我解何宗拈起拂子劈口打峰舉謂玄沙曰

此子徹去也沙曰未可此是意識著述更須勸過始

得至晚衆僧上來問訊峰謂師曰備頭陀未肯汝在

汝實有正悟對衆舉來師又有頌曰萬象之中獨露

身唯人自肯乃方親昔時謬向途中覓今日看來火

裏冰峰乃顧沙曰不可更是意識著述師問峰曰從

上諸聖傳受一路請師垂示峰良久師設禮而退峰

乃微咲師入方丈參峰曰是甚麼師曰今日天晴好

普請自此酬問未嘗爽於玄旨評頌師與保福遊山

福問古人道妙峰山頂莫祇這箇便是也無師曰是

即是可惜許。僧問鼓山祇如長慶恁麼道意作麼生山云孫公若無此語可謂驢驘獨野白

骨連頌僧問如何是正法眼師曰有願不撒沙○問

名言妙義教有所詮不涉三科請師直道師曰珍重

師乃曰明明歌詠汝尚不會忽被暗裏來底事汝作

麼生僧問如何是暗來底事師曰喫茶去

中塔代云便請和尚

相頌上堂撞著道伴交肩過一生參學事畢頌上堂

總似今日老胡有望保福曰總似今日老胡絕望○

上堂我若純舉唱宗乘須閉却法堂門所以道盡法

無民僧問不怕無民請師盡法師曰還委落處麼

保福展禪師評頌嘗以古今方便詢于長慶一日慶

謂師曰寧說阿羅漢有三毒不可說如來有二種語

不道如來無語祇是無二種語師曰作麼生是如來

語慶曰聾人爭得聞師曰情知和尚向第二頭道慶

曰汝又作麼生師曰喫茶去

雲居錫云甚麼處是長慶向第二頭道處

雪峰上堂曰諸上座望州亭與汝相見了也烏石嶺

與汝相見了也僧堂前與汝相見了也師學問鷄湖

僧堂前相見即且置祇如望州亭烏石嶺甚麼處相

見鷄湖驟步歸方丈師低頭入僧堂○保福開堂曰

刺史王公禮跪三請躬自扶掖陞座師乃曰須起箇

笑端作麼然雖如此再三不容推免諸仁者還識麼

若識得便與古佛齊肩時有僧出方禮拜師曰晴乾

不肯去直待雨淋頭頌師因僧侍立問曰汝得恁麼

四段人

麤心僧曰甚麼處是某甲麤心處師拈一塊土度與

僧曰拋向門前著僧拋了却來曰甚麼處是某甲麤

心處師曰我見築著磕著所以道汝麤心頌師問僧

殿裏底是甚麼曰和尚定當看師曰釋迦佛曰和尚

莫謾人好師曰却是汝謾我又問飯頭鑊鑊多少曰

和尚試量看師以手作量勢曰和尚莫謾某甲師曰

却是汝謾我又問僧汝作甚麼業來得恁麼長大曰

和尚短多少師蹲身作短勢曰和尚莫謾人好師曰

却是汝謾我又問僧汝名甚麼曰咸澤師曰忽遇枯

涸時如何曰誰是枯涸者師曰我是曰和尚莫謾人

好師曰却是汝謾我

咸澤本章在後依頌古收於此

入叢林乞師全示入路師曰若教全示我却禮拜汝

鼓山神晏與聖國師頌一日參雪峰峰知其緣熟忽

起擲住曰是甚麼師釋然了悟亦忘其了心唯舉手

搖曳而已峰曰子作道理邪師曰何道理之有峰審

其懸解撫而印之○閩帥常詢法要創鼓山禪苑請

舉揚宗旨上堂良久曰南泉在日亦有人學要且不

識南泉即今莫有識南泉者麼試出來對衆驗看時

刺史王公扶
臨殿座

同雲峰存

同主常詢法
要

香案傳

有僧出禮拜。纔起。師曰：「作麼生？」僧近前曰：「咨和尚。師曰：「不才請退。」乃曰：「經有經師論。有論師。律有律師。有函有號。有部有帙。各有人傳持。且佛法是建立教禪道。乃止啼之說。他諸聖出興。蓋爲人心不等。巧開方便。遂有多門。受疾不同。處方還異。在有破有居。空叱空二。患既除。中道須遣。鼓山所以道句不當。機言非展。事承言者。喪滯句者。迷不唱言。前寧談句。後直至釋迦。掩室淨名。杜口大士。梁時童子。當日一問二問三問。盡有人了也。諸仁者。合作麼生？」時有僧出禮拜。師曰：「高聲問。」學人咨和尚。師喝曰：「出去。」曰：「已事未明。以何爲驗？」師抗聲曰：「似未聞。那其僧再問。」師曰：「一點隨流。食成不重。頌上堂。垂語曰：「鼓山門下。不得咳嗽。時有僧咳嗽一聲。師曰：「作甚麼？」曰：「傷風。」師曰：「傷風卽得。頌師有偈曰：「直下猶難會。尋言轉更除。若論佛與祖。特地隔天涯。師舉問僧：「汝作麼生？」會僧無語。乃謂侍者曰：「某甲不會。請代一轉語。」者曰：「和尚與麼道。猶隔天涯。在僧舉似師。師喚侍者問：「汝爲這僧代語。是否？」者曰：「是。師便打。趨出院。」

劉雪峰存

劉雪峰存

劉雪峰存

尊貴綿密

龍華靈照禪師。僧問：「向上一路。千聖不傳。未審甚麼人傳得？」師曰：「千聖也疑我。曰：「莫便是傳也。」無師曰：「晉帝斬嵇康。」問：「古人道見色便見心。此卽是色阿那箇是心？」師曰：「恁麼問。莫歎山僧麼？」

翠巖令參禪師。頌上堂。一夏與兄弟東語西話。看翠巖眉毛在麼。長慶云：生也雲門云：關保福云：作賊人心虛。翠巖云：云爲衆竭力。禍出私門。

○僧問：「凡有言句。盡是點汙。如何是向上事？」師曰：「凡有言句。盡是點汙。」

鏡清道忞禪師。抵閩謁雪峰。一日師問：「祇如古德。豈不是以心傳心？」峰曰：「兼不立文字語句。」師曰：「祇如不立文字語句。師如何傳？」峰良久。師禮謝。峯曰：「更問我一轉。豈不好？」師曰：「就和尚請一轉。」問：「頭峰曰：「祇恁麼爲有別商量？」師曰：「和尚恁麼卽得？」峰曰：「於汝作麼生？」師曰：「孤負殺人。」○雪峰謂衆曰：「堂堂密密地。師出問。是甚麼？」堂密密。師起立曰：「道甚麼？」師退步而立。雪峰垂語曰：「此事得恁麼尊貴得恁麼綿密？」師曰：「道恁自到來數年。不聞和尚恁麼示誨。」峰曰：「我向前雖無。如今已有。莫有所妨麼？」曰：「不敢。此是和尙不已而已。」

小笠布衲

訪曹山

皮光業屢奉
之

峰曰致使我如此師從此信入而且隨衆時謂之小
 怱布衲○普請次雪峰舉過山道見色便見心汝道
 還有過也無師曰古人爲甚麼事峰曰雖然如此要
 共汝商量師曰恁麼則不知道怱鉏地去○師再參
 雪峰峰問甚麼處來師曰嶺外來峰曰甚麼處逢見達
 磨師曰更在甚麼處峰曰未信汝在師曰和尚莫恁
 麼粘泥好峰便休○師後徧歷諸方益資權智因訪
 先曹山山問甚麼處來師曰昨日離明水山曰甚麼
 時到明水師曰和尚到時到山曰汝道我甚麼時到
 師曰適來猶記得山曰如是如是○師初住越州鏡
 清唱雪峰之旨學者奔湊副使皮光業者日休之子
 辭學宏贍屢擊難之退謂人曰怱師之高論人莫窺
 其極也○新到參師拈起拂子僧曰久向鏡清猶有
 這箇在師曰鏡清今日失利評頌問學人啐請師啄
 師曰還得活也無曰若不活遭人怪笑師曰也是草
 裏漢頌師一日於僧堂自擊鐘曰立沙道底立沙道
 底僧問立沙道甚麼師乃畫一圓相僧曰若不久參
 爭知與麼師曰失錢遭罪○師住庵時有行者至徐

行脚事大

看經次

驗看

徐近繩牀取拂子提起問某甲喚這箇作拂子庵主
 喚作甚麼師曰不可更安名立字也行者乃擲却拂
 子曰著甚死急頌師問僧外面是甚麼聲曰蛇敲蝦
 蟆聲師曰將謂衆生苦更有苦衆生○師問靈雲行
 脚事大乞師指南雲曰浙中米作麼價師曰若不是
 道恁泊作米價會却○僧問如何是清淨法身師曰
 紅日照青山如何是法身上事師曰風吹雪不寒
 頌問學人未達其源請師方便師曰是甚麼源曰其
 源師曰若是其源爭受方便僧禮拜退後侍者問和
 尚適來莫是成褫伊麼師曰無曰莫是不成褫伊麼
 師曰無曰未審意旨如何師曰一點水墨兩處成龍
 ○師看經次僧問和尚看甚麼經師曰我與古人鬪
 百草師却問汝會麼曰少年也曾恁麼來師曰如今
 作麼生僧舉拳師曰我輸汝也○上堂如今事不得
 已向汝道各自驗看實箇親切既恁麼親切到汝分
 上因何特地生疎祇爲拋家日久流浪年深一向緣
 塵致見如此所以喚作背覺合塵亦名捨父逃逝今
 勸兄弟未歇歇去好未徹徹去好大丈夫兒得恁麼

管帶一路

迷已逐物

副雪峰存

副雪峰存

無氣槩還惆悵麼終日茫茫地且覓取箇管帶路好也無人問我管帶一路僧問如何是管帶一路師噓噓曰要棒喫即道曰怎麼則學人罪過也師曰幾被汝打破蔡州○問僧近離甚處曰石橋師曰日本分事作麼生曰近離石橋師曰我豈不知你近離石橋本分事作麼生曰和尚何不領話師便打僧曰某甲話在師曰你但喫棒我要這話行○僧問新年頭還有佛法也無師曰有曰如何是新年頭佛法師曰元正啓祚萬物咸新曰謝師答話師曰鏡清今日失利評頭問僧門外甚麼聲曰雨滴聲師曰衆生顛倒迷已逐物曰和尚作麼生師曰泊不迷已曰泊不迷已意旨如何師曰出身猶可易脫體道應難頌師因僧問如何是大道之源師曰從這裏流出增收報恩懷嶽禪師僧問十二時中如何行履師曰動即死曰不動時如何師曰猶是守古塚鬼安國瑄禪師僧問常居正位底人還消得人天供養否師曰消不得曰爲甚麼消不得師曰是甚麼心行曰甚麼人消得師曰著衣喫飯底消得

副雪峰存

副雪峰存

副雪峰存

莊上喫油鹽

副雪峰存

副雪峰存

睡龍道溥禪師僧問初心後學近入叢林方便門中乞師指示師敲門枋僧曰向上還有事也無師曰有曰如何是向上事師再敲門枋長生皎然禪師僧問古人有言無明即佛性煩惱不須除如何是無明即佛性師忽然作色舉拳訶曰今日打這師僧去也曰如何是煩惱不須除師以手摩頭曰這師僧得怎麼發人業○問路逢達道人不將語默對未審將甚麼對師曰上紙墨堪作甚麼鵝湖孚禪師頌一日不赴堂侍者來請赴堂師曰我今日在莊上喫油糍飽者曰和尚不曾出入師曰你但去問取莊主者方出門忽見莊主歸謝和尚到莊喫油糍汝頌古見南泉古德兩章今汝機緣在會元鵝湖處○僧問雪峰拋下拄杖意作麼生師以香匙拋下地僧曰未審此意如何師曰不是好種出去隆壽紹卿禪師因侍雪峰山行見芋葉動峰指動葉示之師曰紹卿甚生怕怖峰曰是汝屋裏底怕怖甚麼師於此有省永福從弁禪師僧問儒門以五常爲極則未審宗門

以何爲極則師良久僧曰。怎麼則學人造次也。師曰。好與拄杖。○問。不向問處。領猶是學人問處。和尚如何。師曰。喫茶去。

副雪峯存

雲蓋歸本禪師。初謁雪峯。禮拜次。峰下禪牀。跨背而坐。師於此有省。住後。僧問。如何是西來的的意。師乃擲住其僧。變色。師曰。我這裏無這箇。

副雪峯存

洛京南院和尚。有儒者博覽古今。時呼爲張百會。謁師。師問。莫是張百會麼。曰。不敢。師以手於空畫一畫。曰。會麼。曰。不會。師曰。一尙不會。甚麼處得百會來。法海行周禪師。僧問。如何是道中寶。師曰。不露光。曰。莫便是否。師曰。是。卽露也。

副雪峯存

杭州龍井通禪師。僧問。如何是龍井。龍師曰。意氣天然。別神工畫不成。曰。爲甚麼畫不成。師曰。出羣不帶角。不與類中同。曰。還解行雨也。無師曰。普潤無邊際。處處皆結粒。曰。還有宗門中事也。無師曰。有。曰。如何是宗門中事。師曰。從來無形段。應物不曾虧。

副雪峯存

副雪峯存

杭州龍興宗靖禪師。初參雪峯。誓充飯頭。勞逾十載。嘗於衆堂中。祖一膊釘簾。峯觀而記曰。汝向後住持。

今吳本卷八
副雪峯存

有千僧。其中無一人褻子也。師悔過。回浙。住大通院。錢王命居龍興寺。有衆千餘。唯三學講誦之徒。果如雪峯所誌。

南禪契璠禪師。上堂。若是名言妙句。諸方總道了也。今日衆中。還有超第一義者。致將一問來。若有卽不孤負於人。僧問。如何是第一義。師曰。何不問第一義。曰。見問師曰。已落第二義也。

副雪峯存

越山師霧禪師。初參雪峯。而染指後。因閩王請於清風樓。齋坐。久舉目忽覩日光。豁然頓曉。而有偈曰。清風樓上赴官齋。此日平生眼豁開。方信普通年遠事。不從葱嶺帶將來。歸呈雪峯。峯然之。師臨終示偈曰。眼光隨色盡耳識逐聲消。還源無別旨。今日與明朝。極樂元儼禪師。僧問。如何是極樂家風。師曰。滿目看不盡。○問。萬法本無根。未審教學人承當甚麼。師曰。莫寐語。

副雪峯存

副雪峯存

潮山延宗禪師。因資福來謁。師下禪牀。相接。福問。和尚住此山得幾年也。師曰。鈍鳥棲廬。因魚止。樂曰。怎麼則真道人也。師曰。且坐。喫茶。

開雪峯存

開雪峯存
開雪峯經

法身量邊者

普通普明禪師僧問如何是佛性師曰汝無佛性曰
蠢動含靈皆有佛性學人爲何却無師曰爲汝向外
求

太原孚上座頌初在揚州光孝寺講涅槃經有禪者
阻雪因往聽講至三因佛性三德法身廣談法身妙
理禪者失笑師講罷請禪者喫茶白曰某甲素志狹
劣依文解義適蒙見笑且望見教禪者曰實笑座主
不識法身師曰如此解說何處不是曰請座主更說
一遍師曰法身之理猶若太虛堅窮三際橫亘十方
彌綸八極包括二儀隨緣赴感靡不周徧曰不道座
主說不是祇是說得法身量邊事實未識法身在師
曰既然如是禪德當爲我說曰座主還信否師曰焉
敢不信曰若如是座主輟講旬日於室內端然靜慮
收心攝念善惡諸緣一時放却師一依所教從初夜
至五更聞鼓角聲忽然契悟便去扣門禪者曰阿誰
師曰某甲禪者咄曰教汝傳持大教代佛說法夜來
爲甚麼醉酒臥街師曰禪德自來講經將生身父母
鼻孔搗捏從今已去更不敢如是禪者曰且去來日

遊浙中

至雪峯解院

雪峯指日

峯間第一句

相見師遂罷講徧歷諸方○嘗遊浙中登徑山法會
一日於大佛殿前有僧問上座曾到五臺否師曰曾
到曰還見文殊麼師曰見曰甚麼處見師曰徑山佛
殿前見其僧後適聞川舉似雪峯峯曰何不教伊入
嶺來師聞乃趣裝而邁初至雪峯解院憩錫因分柑
子與僧長慶問甚麼處將來師曰嶺外將來由遠涉
不易擔負將來師曰柑子柑子頌次日上山雪峯聞
乃集衆師到法堂上顧視雪峯便下看知事明日却
上禮拜曰某甲昨日觸忤和尚峯曰知是般事便休
○峯一日見師乃指日示之師搖手而出峯曰汝不
肯我那師曰和尚搖頭某甲擺尾甚麼處是不肯峯
曰到處也須諱却○一日衆僧晚參峯在中庭臥師
曰五州管內祇有這老和尚較些子峰便起去○峰
嘗問師見說臨濟有三句是否師曰是曰作麼生是
第一句師舉目視之峰曰此猶是第二句如何是第一
句師叉手而退自此雪峰深器之室中印解師資
道契更不它遊而掌浴焉頌一日玄沙上問訊雪峰
峰曰此間有個老鼠子今在浴室裏沙曰待與和尚

水玄沙過師打

鼓山鼓大王

明鑑集存

勘過言訖到浴室遇師打水沙曰相看上座師曰已相見了沙曰甚麼劫中曾相見師曰瞋睡作麼沙却入方丈白雪峰曰已勘破了峰曰作麼生勘伊沙舉前話峰曰汝著賊也頌鼓山問師父母未生時鼻孔在甚麼處師曰老兄先道山曰如今生也汝道在甚麼處師不肯山却問作麼生師曰將手中扇子來山與扇子再徵前話師搖扇不對山罔測乃毆師一拳頌鼓山赴大王請雪峰門送回至法堂乃曰一隻聖箭直射九重城裏去也師曰是伊未在峰曰渠是徹底人師曰若不信待某甲去勘過遂越至中路便問師兄向甚麼處去山曰九重城裏去師曰忽遇三軍圍繞時如何山曰它家自有通霄路師曰恁麼則離宮失殿去也山曰何處不稱尊師拂袖便回峰問如何師曰好隻聖箭中路折却了也遂舉前話峰乃曰奴渠語在師曰這老凍膿猶有鄉情在○僧問如何是觸目菩提師踢狗子作聲走僧無對師曰小狗子不消一踢

南嶽惟勁禪師雪峰而友玄沙深入玄奧一日問

師實錄

一字關

師瑞巖

師玄泉

鑑上座聞汝註楞嚴是否鑑曰不敢師曰二文殊作麼生註曰請師鑑師乃揚袂而去嘗獲寶林傳四卷又著南嶽高僧傳白兆志圓禪師僧問諸佛心印甚麼人傳師曰達磨大師曰達磨爭能傳得師曰汝道甚麼人傳得○問如何是直截一路師曰截○問如何是佛法大意師曰苦○問如何是道師曰普○問如何是學人自己師曰失○問如何是得無山河大地去師曰不起見

會元七卷終

瑞峰神祿禪師久為瑞巖侍者後開山創院學侶依附師有偈曰蕭然獨處意沉吟誰信無言發妙音終日法堂唯靜坐更無人問本來心有僧朋彦問曰如何是本來心師召朋彦應諾師曰與老僧點茶來彦於是信入黃龍誨機禪師初參巖頭問如何是祖師西來意頭曰你還解救麼師曰解頭曰且救麼去後到玄泉問如何是祖師西來意泉拈起一莖皂角曰會麼師曰不會泉放下皂角作洗衣勢師便禮拜曰信知佛法無別泉曰你見甚麼道理師曰某甲曾問巖頭頭

羅山開

不受淨水

拋金撮土

天寒上堂

曰你還解救糞救糞也祇是解粘和尚提起皂角亦是解粘所以道無別泉呵呵大笑師遂有省頌僧問風恬浪靜時如何師曰百尺竿頭五兩垂

明招德謙禪師受羅山印記靡滯於一隅激揚玄旨諸老宿皆畏其敏捷後學鮮敢當其鋒者○師在婺州智者寺居第一座尋常不受淨水主事嘆曰上座不識觸淨爲甚麼不受淨水師跳下牀提起淨餅曰這箇是觸是淨事無語師乃撲破自爾道聲遐播衆請居明招山○上堂全鋒敵勝罕遇知音同死同生萬中無一尋言逐句其數河沙舉古舉今滅胡種族向上一路啐啄猶乖儒士相逢握鞭回首沙門所見誠實苦哉拋却真金隨隊撮土報諸稚子莫謾波波解得它玄猶兼瓦礫不如一擲騰空太虛祇這靈鋒阿誰敢近任君來箭方稱丈夫擲欲吞聲不消一攫○師長到坦長老處坦曰夫參學一人所在亦須到半人所在亦須到師便問一人所在即不問作麼生是半人所在坦無對後令小師問師曰汝欲識半人所在麼也祇是弄泥團漢頌一日天寒上堂衆纔集

羅山開

羅山開

羅山開

羅山開

師曰風頭稍硬不是汝安身立命處且歸暖室商量便歸方丈大衆隨至立定師又曰纔到暖室便見睡以拄杖一時趲下

大寧微禪師上堂還有騰空底麼出來衆無出者師說偈曰騰空正是時應須眨上眉從茲出倫去莫待白頭兒

天竺義澄禪師在羅山數載後因山示疾師問百年後忽有人問和尚以何指示山乃放身便倒師從此契悟

羅山義因禪師僧問承古有言自從認得曹谿路了知生死不相關曹谿路即不問如何是羅山路師展兩手僧曰怎麼則一路得通諸路亦然師曰甚麼諸路僧近前叉手師曰靈鶴烟霄外鈍鳥不離窠○問教中道順法身萬象俱寂隨智用萬象齊生如何是萬象俱寂師曰有甚麼曰如何是萬象齊生師曰繩牀椅子

羅漢桂琛禪師一日爲衆宣戒本布薩已乃曰持戒但律身而已非眞解脫也依文作解豈發聖智乎於

三界唯心

澤牧建精舍

南方知識

宗門玄妙

是訪南宗初謁雲居雪峰參訊勤恪然猶未有所見後遣玄沙一言啓發廓爾無惑沙問三界唯心汝作麼生會師指椅子曰和尚喚這箇作甚麼曰椅子師曰和尚不會三界唯心曰我喚這箇作竹木汝喚作甚麼師曰桂琛亦喚作竹木曰盡大地覓一個會佛法底人不可得師自爾愈加激勵沙每因誘迪學者流出諸三昧皆命師爲助發師雖處衆輟晦然聲譽甚遠時漳牧王公建精舍曰地藏請師開法頌因挿田次見僧乃問從甚處來曰南州師曰彼中佛法如何曰商量浩浩地師曰爭如我這裏栽田博飯喫曰爭奈三界何師曰喚甚麼作三界○問僧甚處來曰南方來師曰南方知識有何言句示徒曰彼中道金屑雖貴眼裏著不得師曰我道須彌在汝眼裏○後遷羅漢大闡玄要上堂宗門玄妙爲當祇恁麼也更別有奇特若別有奇特汝且舉將來看若無去不可將兩個字便當却宗乘也何者兩個字謂宗乘教乘也汝纔道著宗乘便是宗乘道著教乘便是教乘禪德佛法宗乘元來由汝口裏安名立字作取說取便

傍家行脚記持揀辨

暗却衆生眼過在化主

是也斯須向這裏說平說實說圓說常禪德汝喚甚麼作平實把甚麼作圓常傍家行脚理須甄別莫相埋沒得些子聲色名字貯在心頭道我會解善能揀辨汝且會個甚麼揀個甚麼記持得底是名字揀辨得底是聲色若不是聲色名字汝又作麼生記持揀辨風吹松樹也是聲蝦蟆老鴉叫也是聲何不那裏聽取揀擇去若那裏有個意度模樣祇如老師口裏又有多少意度與上座莫錯卽今聲色縱縱地爲當相及不相及若相及卽汝靈性金剛祕密應有壞滅去也何以如此爲聲貫破汝耳色穿破汝眼因緣卽塞却汝幻妄走殺汝聲色體爾不可容也若不相及又甚麼處得聲色來會麼相及不相及試裁辨看少間又道是圓常平實甚麼人恁麼道未是黃夷村裏漢解甚麼說是它古聖乘些子相助顯發今時不識好惡便安圓實道我別有宗風玄妙釋迦佛無舌頭不如汝些子便恁麼點胷若論殺盜淫罪雖重猶輕尙有歇時此個誘殺若暗却衆生眼入阿鼻地獄吞鐵丸莫將爲等閒所以古人道過在化主不干汝事

珍重○保福僧到師問彼中佛法如何曰有時示衆道塞却你眼教你眼不見塞却你耳教你聽不聞坐却你意教你分別不得師曰吾問你不塞你眼見個甚麼不塞你耳聞個甚麼不坐你意作麼生分別頌斷月次乃曰雲動有雨去有僧曰不是雲動是風動師曰我道雲亦不動風亦不動曰和尚適來又道雲動師曰阿誰罪過○師見僧舉拂子曰還會麼曰謝和尚慈悲示學人師曰見我豎拂子便道示學人汝每日見山見水可不示汝又見僧來舉拂子其僧讚歎禮拜師曰見我豎拂子便禮拜讚歎那裏掃地豎起掃帚爲甚麼不讚歎頌僧問以字不成八字不是未審是甚麼字師曰汝實不會那曰學人實不會師曰看取下頭註脚

天龍明真禪師得法立沙復回浙中錢武肅王請出世開法上堂若直舉宗風獨唱本分事便同於頑石若言絕凡聖消息無大地山河盡十方世界都是一隻眼此乃事不獲已怎麼道還會麼若更不會聽取一頌盲聾瘡症是仙陀滿眼時人不奈何祇向目前

第五卷

第五卷

第五卷

第五卷

第五卷

須體妙身心萬象與森羅○僧問蓮花未出水時如何師曰誰人不知曰出水後如何師曰馨香目擊僊宗契符禪師僧問飛岫巖邊華子秀仙境臺前事若何師曰無價大寶光中現暗客惛惛爭奈何曰優曇華拆人皆覩向上宗乘意若何師曰闍黎若問宗乘意不知靜處薩婆訶

白龍道希禪師僧問請師答無賓主話師曰昔年曾記得曰即今如何師曰非但耳聾亦兼眼暗○問請和尚生機答話師曰把紙筆來錄將去

安國慧球禪師亦曰中塔僧問佛法大意從何方便頓入師曰入是方便○問雲自何山起風從何澗生師曰盡力施爲不離中塔○上堂我此間粥飯因緣爲兄弟舉唱終是不常欲得省要却是山河大地與汝發明其道既常亦能究竟若從文殊門入者一切無爲土木瓦礫助汝發機若從觀音門入者一切音響蝦蟇蚯蚓助汝發機若從普賢門入者不動步而到以此三門方便示汝如將一隻折箸攪大海水令彼魚龍知水爲命會麼若無智眼而審諦之任汝百般巧

龍知水爲命會麼若無智眼而審諦之任汝百般巧

妙不爲究竟○僧問學人近入叢林不明已事乞師指示師以杖指之曰會麼曰不會師曰我恁麼爲汝却成抑屈人還知麼若約當人分上從來底事不論初入叢林及過去諸佛不曾乏少如大地水一切魚龍初生及至老死所受用水悉皆平等○問如何是大庾嶺頭事師曰料汝承當不得曰重多少師曰這般底論劫不奈何

圓玄沙備

螺峰冲奥禪師僧問牛頭未見四祖時如何師曰德重鬼神欽曰見後如何師曰通身聖莫測○問如何是本來人師曰惆悵松蘿境界危

圓玄沙備

泉州睡龍山和尚上堂舉拄杖曰三十年住山得它氣力時有僧問和尚得它甚麼氣力師曰過谿過嶺東挂西挂紹慶云我不恁麼道僧問和尚作麼生道慶以杖下地挂行

圓玄沙備

大章契如庵主素蘊孤操志探祖道預玄沙之室顯悟幽旨玄沙記曰子禪已逸格則它後要一人侍立也無師自此不務聚徒不畜童侍隱于小界山剎大朽杉若小庵但容身而已凡經遊僧至隨扣而應無定開示

圓玄沙備

雲峰光緒禪師上堂但以衆生日用而不知譬如三千大千世界日月星辰江河淮濟一切含靈從一毛孔入一毛孔毛孔不小世界不大其中衆生不覺不知若要易會上座日用亦復不知

圓玄沙備

攝伏之方

幻隔

國清師靜上座始遇玄沙示衆曰汝諸人但能一生如喪考妣吾保汝究得徹去師隣前語問曰祇如教中道不得以所知心測度如來無上知見又作麼生沙曰汝道究得徹底所知心還測度得及否師從此信入後居天台三十餘載不下山博綜三學操行孤立禪寂之餘常閱龍藏遐邇欽重時謂大靜上座○嘗有人問弟子每當夜坐心念紛飛未明攝伏之方願垂示誨師曰如或夜間安坐心念紛飛却將紛飛之心以究紛飛之處究之無處則紛飛之念何存反究究心則能究之心安在又能照之智本空所緣之境亦寂寂而非寂者蓋無能寂之人也照而非照者蓋無所照之境也境智俱寂心慮安然外不尋枝內不住定二途俱泯一性怡然此乃還源之要道也○師因觀教中幻義乃述一偈問諸學流曰若道法皆

如幻有造諸過惡應無咎云何所作業不忘而藉佛慈興接誘○時有小靜上座答曰幻人與幻幻輪圍幻業能招幻所持不了幻生諸幻苦覺知如幻幻無爲

師長慶校

招慶道匡禪師上堂次大衆擁法座而立師曰這裏無物諸人苦恁麼相促相拶作麼擬心早沒交涉更上門上戶千里萬里今既上來各著精彩招慶一時拋與諸人好麼乃曰還接得也無衆無對師曰勞而無功便陞座復曰汝諸人得甚麼鈍看他古人一兩個得恁麼快纔見便負將去也較些子若有此箇人非但四事供養便以琉璃爲地白銀爲壁亦未爲貴帝釋引前梵王隨後攬長河爲酥酪變大地爲黃金亦未爲足直得如是猶更有一級在還委得麼珍重報恩寶資禪師僧問學人初心請師示箇入路師遂側掌示之曰還會麼曰不會師曰獨掌不浪鳴報慈光雲禪師問僧近離甚處曰臥龍師曰在彼多少時曰經冬過夏師曰龍門無宿客爲甚在彼許多時曰師子窟中無異獸師曰汝試作師子吼看曰若

師長慶校

師長慶校

國王問

恐不辨精粗

師長慶校

師長慶校

師長慶校

師長慶校

作師子吼卽無和尚師曰念汝新到放汝三十棒○闍王問報慈與神泉相去近遠師曰若說近遠不如親到師却問大王曰應千差是甚麼心王曰甚麼處得心來師曰豈有無心者王曰那邊事作麼生師曰請向那邊問王曰大師謾別人卽得○僧問大衆臻湊請師舉揚師曰更有幾人未聞曰恁麼則不假上來也師曰不上來且從汝向甚麼處會曰若有處所卽孤負和尚去也師曰祇恐不辨精粗開先紹宗禪師江南李主巡幸洪井入山瞻謁請上堂令僧問如何是開先境師曰最好是一條界破青山色曰如何是境中人師曰拾枯柴煮布水國主益加欽重傾心法瑠禪師僧問如何是不朝天子不羨王侯底人師曰每日三條線長年一衲衣曰未審此人還紹宗風也無師曰鵲來頭上語雲向眼前飛水陸洪儼禪師上堂大衆集定師下座捧香爐巡行大衆前曰供養十方諸佛便歸方丈廣嚴咸澤禪師僧問不與萬法爲侶者是甚麼人師

日城中青史樓雲外高峰塔○問如何是佛法大意
師曰幽澗泉清高峰月白

嗣長慶後

報慈慧則禪師上堂從上諸聖爲一大事因緣故出
現於世通相告報是汝諸人還會麼若不會大不容
易僧問如何是一大事師曰莫錯相告報麼曰恁麼
則學人不疑也師曰爭奈一翳在目

嗣長慶後

石佛靜禪師上堂若道素面相呈猶添脂粉縱離添
過猶有負慙諸人且作麼生體悉

嗣長慶後

觀音清換禪師上堂諸禪德若要論禪說道舉唱宗
風祇如當人分上以一毛端上有無量諸佛轉大法
輪於一塵中現寶王刹佛說衆生說山河大地一時
說未嘗間斷如毗沙門王始終不求外寶既各有如
是家風阿誰欠少不可更就別人處分也僧問如何
是法界性師曰汝身中有萬象曰如何體得師曰虛
谷尋聲更求本末

嗣長慶後

東禪可隆禪師上堂大好省要自不仙陀若是聽響
之流不如歸堂向火珍重

嗣長慶後

僊宗守玘禪師僧問十二時中常在底人還消得人

嗣長慶後

天供養也無師曰消不得曰爲甚麼消不得師曰爲
汝常在曰祇如常不在底人還消得也無師曰驢年
永安懷烈禪師上堂顧視左右曰患寥作麼便歸方
丈○上堂良久曰幸自可憐生又被污却也

嗣長慶後

龜山和尚頌有人舉裴相國啓建法會問僧看甚麼
經曰無言童子經公曰有幾卷曰兩卷公曰既是無
言爲甚麼却有兩卷僧無對師代曰若論無言非唯
兩卷頌見斐休

嗣長慶後

報慈從環禪師僧問承古有言今人看古教未免心
中開欲免心中開應須看古教如何是古教師曰如
是我聞曰如何是心中開師曰那畔雀兒聲

嗣長慶後

太傅王延彬居士評到招慶煎茶則上座與明招把
鉢忽翻茶鉢公問茶鑪下是甚麼朗曰捧鑪神公曰
既是捧鑪神爲甚麼翻却茶朗曰事官千日失在一
朝公拂袖便出明招曰朗上座喫却招慶飯了却向
外邊打野樵朗曰上座作麼生招曰非人得其便
延壽慧輪禪師僧問如何是一色師曰青黃赤白曰
大好一色師曰將謂無人也有一箇半箇

嗣長慶後

嗣保羅展

報慈文欽禪師僧問如何是諸佛境界師曰雨來雲霧
暗晴乾日月明○問如何是妙覺明心師曰今冬好
晚稻出自秋雨成○問如何是妙用河沙師曰雲生
碧岫雨降青天○問如何是平常心合道師曰喫茶
喫飯隨時過看水看山實暢情

嗣保羅展

鳳凰山從琛禪師僧問如何是和尙家風師曰門風
相似卽無阻矣汝不是其人曰忽遇其人時又如何
師曰不可預搖待痒○問學人根思遲回方便門中
乞師傍警師曰傍警曰深領師旨安敢言乎師曰太
多也

嗣保羅展

永隆慧源禪師僧問無爲無事人爲甚麼却是金鎖
雞師曰爲斷粗纖實重難留曰爲甚麼道無爲無事
人迢迢實快樂師曰爲闢亂且要斷送

嗣保羅展

嶽麓山和尚僧問如何是聲色外句師曰猿啼鳥叫

嗣保羅展

○問截舌之句請師舉揚師曰日能熱月能涼

後招慶和尚僧問如何是和尙家風師曰一餅兼一
鉢到處是生涯○問如何是佛法大意師曰擾擾慇
懃晨鷄暮鐘

嗣保羅展

嗣保羅展

本分事極盡
心力

坐禪方便

建山澄禪師僧問一代時教接引今時未審祖宗如
何示人師曰一代時教已有人問了也曰和尚如何
示人師曰惆悵庭前紅莧樹年年生葉不生華

招慶省燈禪師開堂陞座僧問同學人全身不會請
師指示師曰還解笑得麼乃曰叢林先達者不敢相
觸忤若是初心後學未信直須信取未省直須省取
不用掠虛諸人本分去處未有一時不顯露未有一
物解蓋覆得如人若要知不用移絲髮地不用少許
工夫但向博地凡夫位中承當取豈不省心力既能
省得便與諸佛齊肩依而行之緣此事是箇白淨去
處今日須得白淨身心合他始得自然合古今脫
生離死古人云識心達本解無爲法方號沙門如今
諸官大衆各須體取好莫全推過師僧分上佛法平
等上至諸佛下至一切共同此事既然如此誰有誰
無王事之外亦須努力適來說如許多般蓋不得已
而已莫道從上宗門合恁麼語話祇如從上宗門合
作麼生還相悉麼若有人相悉山僧今日雪得去也
久立大衆珍重○示坐禪方便頌曰四威儀內坐爲

執坐

先澄濾身心漸坦然。曾爾有緣隨濁界。當須莫續是
 天年。修持祇學從功路。至理寧論在那邊。一切時中
 常管帶。因緣相湊豁通玄。○示執坐禪者曰。大道分
 明絕點塵。何須長坐始相親。遇緣儻解無非是。處憤
 那能有故新。散誕肯齊支遁侶。逍遙曷與慧休隣。或
 遊泉石或闌闌。可謂煙霞物外人。

副鼓山晏

天竺子儀禪師。僧問丹霞燒木佛意旨如何。師曰。寒
 即圍爐向猛火。曰。還有過也無。師曰。熱即竹林溪畔
 坐。問如何修行。即得與道相應。師曰。高卷吟中箔。濃
 煎睡後茶。

副鼓山晏

白雲智作禪師。一日鼓山上堂。召大眾。衆皆回眸。山
 披襟示之。衆罔措。唯師朗悟。歟。旨入室。印證又參次。
 山召曰。近前來。師近前。山曰。南泉喚院主。意作麼生。
 師斂手端容。退身而立。山莞然奇之。○住後上堂。還
 有人向宗乘中。致得一問來麼。待山僧向宗乘中答。
 時有僧出禮拜。師便歸方丈。○僧問。如何是枯木裏
 龍吟。師曰。火裏蓮生。曰。如何是觸髅裏眼睛。師曰。泥
 牛入海。

副鼓山晏

龍山文義禪師上堂。若舉宗乘。即院寂境荒。若留委
 問。更待箇甚麼。還有人委悉麼。出來驗看。若無人委
 悉。且莫掠虛好。便下座。

副鼓山晏

鼓山智嶽禪師。初遊方。至鄂州黃龍。問久嚮黃龍。及
 乎到來。祇見赤斑蛇。龍曰。汝祇見赤斑蛇。且不識黃
 龍。師曰。如何是黃龍。龍曰。滔滔地。師曰。忽遇金翅鳥
 來。又作麼生。龍曰。性命難存。師曰。恁麼則被他吞却
 去也。龍曰。謝闍黎供養。師便禮拜。

副鼓山晏

副龍華照

副龍華照

報恩清護禪師。開堂曰。僧問。諸佛出世。天花亂墜。和
 尚出世。有何祥瑞。師曰。昨日新雷發。今朝細雨飛。
 瑞巖師進禪師。僧問。如何是瑞巖境。師曰。重重疊疊。
 南來遠。北向皇都咫尺間。曰。如何是境中人。師曰。萬
 里白雲朝瑞嶽。微微細雨灑簷前。曰。未審如何親近
 此人。師曰。將謂闍黎親入室。元來猶隔萬重關。
 報國照禪師上堂。我若全機。汝向甚麼處摸索。蓋爲
 根器不等。便成不具。慚愧遠。委得麼。如今與諸仁者。
 作個入底門路。乃敲繩牀。兩下曰。還見麼。還聞麼。若
 見便見。若聞便聞。莫向意識裏卜度。却成妄想。顛倒。

無有出期珍重

龍冊子與禪師

龍冊子與禪師僧問正位中還有人成佛否師曰誰是衆生曰若怎麼則總成佛去也師曰還我正位來

曰如何是正位師曰汝是衆生

佛隕知默禪師

佛隕知默禪師僧問如何是佛隕家風師曰送客不離三步內邀賓祇在草堂前○上堂山僧如今看見諸上座怎麼行脚喫辛喫苦盤山涉澗終不爲觀看州縣參尋名山勝跡莫非爲此一大事如今且要諸人於本分參問中通箇消息來雲山敢與證明非但雲山證明乃爲禪林佛刹亦與證明還有甚麼生衆皆散去便下座

南禪遇緣禪師

南禪遇緣禪師上堂此箇事可作怎麼生時有僧出曰請師道師曰睦州谿苔錦城石關

資福智遠禪師

資福智遠禪師僧問師唱誰家曲宗風嗣阿誰師曰雪嶺峰前月鏡湖波裏明○問諸佛出世天雨四花地搖六動和尚今日有何祥瑞師曰一物不生全體露目前光彩阿誰知

烏巨讓晏禪師

烏巨讓晏禪師嘗入定于叢竹間蟻蠶其衣敗葉沒

陸子湖訥禪師

陸子湖訥禪師未知師所造淺深問曰子所住定蓋小乘定耳時方啜茶師呈起橐曰是大是小訥駭然白鹿貴禪師僧問牛頭未見四祖時百鳥銜花供養見後爲甚麼不來師曰曙色未分人盡望及乎天曉也如常

長慶藏用禪師

長慶藏用禪師上堂衆集以扇子拋向地上曰愚人謂金是土智者作麼生後生可畏不可總守愚去也還有人道得麼出來道看時有僧出禮拜退後而立

師曰別更作麼生

師曰請和尙明鑑師曰千年桃核瑞峰智端禪師初參安國見僧問如何是商象之中獨露身國舉一指其僧不薦師於是冥契玄旨乃入室白曰適來見那僧問話智端有箇省處國曰汝見甚麼道理師亦舉一指曰這箇是甚麼國然之師禮

謝○住後上堂舉拂子曰曹谿用不盡底時人喚作頭角生山僧拈來拂蚊子薦得乾坤陷落○有僧夜參師曰阿誰曰某甲師曰泉州砂糖船上檳榔僧良久師曰會麼曰不會師曰你若會卽廓清五蘊吞盡十方○問如何是西來意師曰木馬走似煙石人趁

不及

謝安語

僊宗明禪師上堂幸有如是門風何不烜赫地紹續取去若也紹得不在三界若出三界卽壞三界若在三界卽礙三界不礙不壞是出三界是不出三界恁麼徹去堪爲佛法種子人天有賴時有僧問拏雲不假風雷便迅浪如何透得身師曰何得棄本逐末

謝安語

安國祥禪師僧問應物現形如水中月如何是月師提起拂子僧曰古人爲甚麼道水月無形師曰見甚麼

謝安語

謝安語

保福清豁禪師參睡龍龍問曰豁闍黎見何尊宿來還悟也未曰清豁嘗訪大章得箇信處龍於是上堂集衆召曰豁闍黎出來對衆燒香說悟處老僧與汝證明師出衆乃拈香曰香已拈了悟卽不悟龍大悅而許之○僧問家貧遭劫時如何師曰不能盡底去曰爲甚麼不能盡底去師曰賊是家親曰既是家親爲甚麼翻成家賊師曰內既無應外不能爲曰忽然捉敗時如何師曰內外絕消息曰捉敗後功歸何所師曰賞亦未曾聞曰恁麼則勞而無功也師曰功卽

不無成而不處曰既是成功爲甚麼不處師曰不見

道太平本是將軍致不使將軍見太平○師忽捨衆

欲入山待滅乃遣偈曰世人休說路行難鳥道羊腸

咫尺間珍重苧谿谿畔水汝歸滄海我歸山卽往貴

湖卓庵未幾謂門人曰吾滅後將遣骸施諸蟲蟻勿

置墳塔

謝安語

大龍山智洪禪師僧問如何是佛師曰卽汝便是曰如何領會師曰更嫌鉢盂無柄那○問如何是微妙

師曰風送水聲來枕畔月移山影到牀前評頌問色

身敗壞如何是堅固法身師曰山花開似錦澗水湛

如藍

謝安語

白馬山行雲禪師頌僧問如何是清淨法身師曰井底蝦蟆吞却月○問如何是白馬正眼師曰面南看

北斗

謝安語

與教師普禪師僧問盈龍宮溢海藏眞詮卽不問如何是教外別傳底法師曰眼裏耳裏鼻裏曰祇此便

是否師曰是甚麼僧便喝師亦喝

棗樹和尚二問僧發足甚處曰閩中師曰俊哉曰謝

謝安語

嗣黃龍機

師指示師曰。屈哉。僧作禮。師曰。我與麼道。落在甚麼處。僧無語。師曰。彼自無瘡。勿傷之也。

黃龍智願禪師。僧問。如何是諸佛之本源。師曰。卽此一問。是何源。曰。恁麼。則諸佛無異去也。師曰。延平。卽已成龍去。猶有刻舟求底人。

嗣黃龍機

玄都澄禪師。僧問。喜得趙方丈家風事。若何。師曰。西風開曉。露明月正。當天曰。如何。拯濟師曰。金鷄樓上一下鼓。

嗣黃龍機

呂巖真人。字洞賓。初參黃龍。言下頓契。呂作偈曰。棄却瓢囊。擲碎琴。如今不戀汞中金。自從一見黃龍後。始覺從前錯用心。龍囑令加護。

嗣明招錄

心孤一作孤

普照瑜禪師。上堂。三十年後。大有人向這裏亡鋒結舌去。在良久曰。還會麼。灼然。若不是真師子兒。爭識得上乘之機。時有僧問。師子未出窟時。如何。師曰。衆獸徒然。曰。出窟後。如何。師曰。孤絕萬里。曰。欲出不出。時如何。師曰。當衙者喪。曰。向去事如何。師曰。決在臨鋒。僧禮拜。師有頌曰。決在臨鋒處。天然師子機。願呬出三界。非祖莫能知。

嗣黃龍機

嗣黃龍機

清谿洪進禪師。在地藏時。居第一座。一日。地藏上堂。二僧出禮拜。藏曰。俱錯。二僧無語。下堂。請益修山主。修曰。汝自巍巍堂堂。却禮拜。擬問他人。豈不是錯。師聞之。不肯修。乃問未審。上座又作麼。生。師曰。汝自迷暗。焉可爲人修。憤然。上方丈。請益藏。指廊下曰。典座入庫頭去也。修乃省過。頌曰。一日師問修。山主曰。明知生是不生之理。爲甚麼爲生死之所流。修曰。箇畢竟成竹去。如今作。篋使還得麼。師曰。汝向後。自悟去。在修曰。某所見。祇如此。上座意旨。又如何。師指曰。這箇是監院房。那箇是典座房。修卽禮謝。○師經行。次衆僧隨從。乃謂衆曰。古人有甚麼言句。大家商量。時有從漪上座出衆。擬問。次師曰。這沒毛驢。漪煥然省悟。清涼休復禪師。嘗自謂曰。苟尙能詮。則爲滯筏。將趨凝寂。復患墮空。旣進退莫決。捨二何之。乃參尋宗匠。依地藏經。年不契。直得成病。入涅槃堂。一夜藏去看。乃問復上座。安樂麼。師曰。某甲爲和尚。因緣背藏。指燈籠曰。見麼。師曰。見。藏曰。祇這箇。也不背師。於言下。有省。○僧問。古人得箇甚麼。卽便休歇去。師曰。汝得。

箇甚麼印不休歇去○問忠座主講甚麼經曰法華經師曰若有說法華經處我現寶塔當爲證明大德講甚麼人證明忠無對法燈云謝和尚聲明

嗣源漢深

萬象之中獨露身

龍濟修禪師頌初與法眼同參地藏所得謂曰臻極暨同辭至建陽途中談次眼忽問古人道萬象之中獨露身是撥萬象不撥萬象師曰不撥眼曰說甚麼撥不撥師懵然不知却回地藏藏問子去未久何以却來師曰有事未決豈憚跋涉山川藏曰汝跋涉許多山川也還不惡師未諭旨乃問古人道萬象之中獨露身意旨如何藏曰汝道古人撥萬象不撥萬象師曰不撥藏曰兩箇也師駭然沉思而却問未審古人撥萬象不撥萬象藏曰汝喚甚麼作萬象師方省悟再辭地藏觀于法眼眼語意與地藏開示前後如一頌上堂具足凡夫法凡夫不知具足聖人法聖人不會聖人若會卽是凡夫凡夫若知卽是聖人此兩語一理二義若人辨得不妨於佛法中有箇入處若辨不得莫道不疑好珍重○問僧甚麼處來曰翠巖師曰翠巖有何言句示徒曰尋常道出門逢彌勒入門

一二義

翠巖小徒

嗣源漢深

嗣源漢深

見釋迦師曰與麼道又爭得曰和尚又如何師曰出門逢阿誰入門見甚麼僧於言下有省○上堂聲色不到處病在見聞言詮不及處過在唇吻僧問離却聲色請和尚道師曰聲色裏問將來頌問劫火洞然大千俱壞未審這箇還壞也無師曰不壞曰爲甚麼不壞師曰爲同於大千○上堂卷簾除却障閉戶生窒礙祇這障與礙古今無人會會得是障礙不會不自在○僧問古鏡未磨時如何師曰照破天地曰磨後如何師曰黑漆漆地○師有頌曰風動心搖樹雲生性起塵若明今日事昧却本來人○萬法是心光諸緣唯性曉本無迷悟人祇要今日了延慶傳殷禪師僧問見色便見心燈籠是色那箇是心師曰汝不會古人意曰如何是古人意師曰燈籠是心頌問若能轉物卽同如來未審轉甚麼物師曰道甚麼僧擬進語師曰這漆桶此一則按頌古第一卷楞嚴經章內南臺守安禪師僧問寂寂無依時如何師曰寂寂底響因示頌曰南臺靜坐一爐香終日凝然萬慮亡不是息心除妄想都緣無事可思量

關白龍希

關白龍希

關白龍希

關白龍希

廣平玄旨禪師上堂還有人證明麼若有人證明亦免孤負上祖埋沒後來若是尋言數句大藏分明若是祖宗門中怪及甚麼處恁麼道亦是傍警之辭○

僧問如何是廣平境師曰地負名山秀谿連海水清曰如何是境中人師曰汝問我答○問如何是法身體師曰廓落虛空絕點瑕曰如何是體中物師曰一輪明月散秋江曰未審體與物分不分師曰適來道甚麼曰恁麼則不分也師曰穿耳胡僧笑點頭

靈峰志恩禪師僧問如何是佛師曰更是阿誰曰既然如此爲甚麼迷妄有差殊師曰但自不亡羊何須泣岐路○問如何是靈峰境師曰萬疊青山如釘出兩條綠水若圖成曰如何是境中人師曰明明密密密密明明

報幼玄應禪師僧問如何是第一義師曰如何是第一義曰學人請益師何以倒問學人師曰汝適來請益甚麼曰第一義師曰汝謂之倒問邪

報恩宗顯禪師僧問離四句絕百非請師道師曰青紅花滿庭○問不涉思量處從上宗乘請師直道師

關白龍希

關白龍希

關白龍希

關白龍希

關白龍希

良久僧曰恁麼則聽響之流徒勞側耳師曰早是粘泥

太平清海禪師僧問古人道不從請益得祖師爲甚麼道誰得作佛師曰悟了方知○問從上宗乘次第指授未審今日如何學唱師曰透出白雲深洞裏名花異草嶺頭生

興陽道欽禪師僧問如何是興陽境師曰松竹乍栽山影綠水流穿過院庭中○問如何是佛師曰更是甚麼

歸宗道詮禪師僧問深山巖谷中還有佛法也無師曰無曰佛法徧在一切處爲甚麼却無師曰無人到○問如何是學人自己師曰牀窄先臥粥稀後坐

天平山從漪禪師僧問大衆雲合集談何事師曰香煙起處森羅見師有一則評頌機緣見六卷西院明章內

圓通德禪師上堂諸上座明取道眼好是行脚本分事道眼若未明有甚麼用處祇是移盤喫飯漢道眼若明有何障礙若未明得強說多端也無用處無事切須尋究

嗣清涼復

嗣臨宗詮

嗣隆壽遠

奉先慧同禪師。僧問。教中道。唯一堅密身。一切塵中見。又道。佛身充滿於法界。普現一切羣生。前於此二途。請師說。師曰。唯一堅密身。一切塵中見。

九峰義詮禪師。僧問。如何是祖師西來意。師曰。有力者負之而趨。

隆壽法壽禪師。上堂。今日隆壽出世。三世諸佛。森羅萬象。同時出世。同時轉法輪。諸人還見麼。僧問。如何是隆壽境界。師曰。無汝插足處。曰。如何是境中人。師曰。未識境在。○有僧來參。次日。請問心要。師曰。昨日相逢。序起居。今朝相見。事還如。如何却覓呈心。要心要如何。特地疎。

會元八卷終

禪宗正脈卷第四

吳本卷九

禪宗正脈卷第五

嗣百丈海

欲建佛性

選高山主人

南嶽 馮仰宗

馮山靈祐禪師。始究大小乘教。後參百丈。丈一見許之。入室。遂居參學之首。頌侍立。次丈問。誰師曰。某甲。丈曰。汝撥鑪中有火否。師撥之曰。無火。丈躬起。深撥得少火。舉以示之曰。汝道無。這箇。鬻師由是發悟。禮謝陳其所解。丈曰。此乃暫時岐路耳。經云。欲識佛性。義當觀時節。因緣時節。既至。如迷忽悟。如忘忽憶。方省已物。不從他得。故祖師云。悟了同未悟。無心亦無法。祇是無虛妄。凡聖等心。本來心法。元自備足。汝今既爾。善自護持。次日。同百丈入山作務。丈曰。將得火來麼。師曰。將得。來。丈曰。在甚處。師乃拈一枝柴。吹兩吹。度與百丈。丈曰。如蟲禦木。頭司馬頭陀。自湖南來。謂丈曰。頃在湖南。尋得一山。名大嶺。是一千五百人善知識所居之處。丈曰。老僧住得否。陀曰。非和尚所居。丈曰。何也。陀曰。和尚是骨人。彼是肉山。設居徒不盈千丈。曰。吾衆中。莫有人住得否。陀曰。待歷觀之時。

華林覺爲第一座。丈令侍者請至。問曰：此人如何？陀請警欬一聲。行數步。陀曰：不可。丈又令喚師。師時爲典座。陀一見。乃曰：此正是瀉山主人也。丈是夜召師入室。囑曰：吾化緣在此瀉山勝境。汝當居之。嗣續吾宗。廣度後學。而華林聞之曰：某甲忝居上首。典座何得住持？丈曰：若能對衆下得一語。出格當與住持。即指淨瓶問曰：不得喚作淨瓶。汝喚作甚麼？林曰：不可喚作木楔也。丈乃問師。師踢倒淨瓶。便出去。丈笑曰：第一座輪却山子也。師遂往焉。○住後上堂。夫道人心。質直無偽。無背無面。無詐妄心。一切時中。視聽尋常。更無委曲。亦不閉眼塞耳。但情不附物。即得從上諸聖。祇說濁邊過患。若無如許多惡覺。情見想習之事。譬如秋水澄淨。清淨無爲。澹泞無礙。喚他作道人。亦名無事人。時有僧問：頓悟之人。更有修否？師曰：若眞悟得本。他自知時。修與不修。是兩頭語。如今初心。雖從緣得。一念頓悟。自理猶有無始曠劫習氣。未能頓淨。須教渠淨除現業流識。即是修也。不可別有法。教渠修行趣向。從聞入聖。聞理深妙。心自圓明。不

慧業觀

居惑地。縱有百千妙義。抑揚當時。此乃得坐披衣。自解作活計。始得以要言之。則實際理地。不受一塵。萬行門中。不捨一法。若也單刀直入。則凡聖情盡。體露眞常。理事不二。卽如佛頌。仰山問如何是祖師西來意。師指燈籠曰：大好燈籠。仰曰：莫祇這便是麼？師曰：這箇是甚麼？仰曰：大好燈籠。師曰：果然不見。○一日。師謂衆曰：如許多人。祇得大機。不得大用。仰山舉此語。問山下庵主曰：和尚甚麼道意？旨如何？主曰：更舉看。仰擬再舉。被庵主踢倒。仰歸舉似師。師呵呵大笑。頌師摘茶次。謂仰山曰：終日摘茶。祇聞子聲。不見子形。仰遽茶樹。師曰：子祇得其用。不得其體。仰曰：未審和尚如何？師良久。仰曰：和尚祇得其體。不得其用。師曰：放子三十棒。仰曰：和尚棒某甲喫。某甲棒教誰喫？師曰：放子三十棒。△師坐次。仰山入來。師曰：寂子。速道。莫入陰界。仰曰：慧寂信亦不立。師曰：子信了。不立。不信。不立。仰曰：祇是慧寂更信阿誰？師曰：若恁麼。卽是定性聲。聞仰曰：慧寂佛亦不立。○師問仰山：涅槃經四十卷。多少是佛說？多少是魔說？仰曰：總是魔

慧王擇乳

隨流

無心是道

說師曰已後無人奈子何仰曰慧寂卽一期之事行履在甚麼處師曰祇貴子眼正不說子行履頌師問仰山何處來仰曰田中來師曰禾好刈也未仰作刈禾勢師曰汝適來作青見作黃見作不青不黃見仰曰和尚背後是甚麼師曰子還見麼仰拈禾穗曰和尚何曾問這箇師曰此是驚王擇乳頌師問仰曰天寒人寒仰曰大家在這裏師曰何不直說仰曰適來也不曲和尚如何師曰直須隨流頌上堂仲冬嚴寒年年事晷運推移事若何仰山進前叉手而立師曰我情知汝答這話不得香嚴曰某甲偏答得這話師蹶前問嚴亦進前叉手而立師曰賴遇寂子不會評頌師一日見劉鐵磨來師曰老特牛汝來也磨曰來日臺山大會齋和尚還去麼師乃放身作臥勢磨便出去頌僧問如何是道師曰無心是道曰某甲不會師曰會取不會底好曰如何是不會底師曰祇汝是不是別人復曰今時人但直下體取不會底正是汝心正是汝佛若向外得一知一解將爲禪道且沒交涉名運糞入不名運糞出汗汝心田所以道不是道

盤門扇

頌問如何是百丈眞師下禪牀叉手立曰如何是和尙眞師却坐○師坐次仰山從方丈前過師曰若是百丈先師兒子須喫痛棒始得仰曰卽今事作麼生師曰合取兩片皮仰曰此恩難報師曰非子不才廼老僧年邁仰曰今日親見百丈師翁來師曰子向甚麼處見仰曰不道見祇是無別師曰始終作家頌師在百丈作典座司馬頭陀舉野狐話問師作麼生師據門扇三下司馬曰太龜生師曰佛法不是這箇道理按會元見百丈章今依頌古著于此頌仰山香嚴侍立次師舉手曰如今怎麼者少不怎麼者多嚴從東過西立仰從西過東立師曰這箇因緣三十年後如金鑿地相似仰曰亦須是和尙提唱始得嚴曰卽今亦不少師曰合取口頌師坐次仰山入來師以兩手相交示之仰作女人拜師曰如是如是頌師方丈內坐次仰山入來師曰寂子近日宗門令嗣作麼生仰曰大有人疑著此事師曰寂子作麼生仰曰慧寂祇管困來合眼健卽坐禪所以未能說著在師曰到這田地也難得仰曰據慧寂所見祇如此一句也著不得師曰汝爲一

人也不得仰曰自古聖人盡皆如此師曰大有人笑汝恁麼祇對仰曰解笑者是慧寂同參師曰出頭事作麼生仰繞禪牀一匝師曰裂破古今頌仰山香嚴侍立次師曰過去現在未來佛佛道同人人得箇解脫路仰曰如何是人人解脫路師回顧香嚴曰寂子借問何不答伊嚴曰若道過去未來現在某甲却有箇祇對處師曰子作麼生祇對嚴珍重便出師却問仰山曰智閑恁麼祇對還契寂子也無仰曰不契師曰子又作麼生仰亦珍重出去師呵呵大笑曰如水乳合頌師問仰山妙淨明心汝作麼生會仰曰山河大地日月星辰師曰汝祇得其事仰曰和尚適來問甚麼師曰妙淨明心仰曰喚作事得麼師曰如是如是頌師睡次仰山問訊師便回面向壁仰曰和尚何得如此師起曰我適來得一夢你試爲我原看仰取一盆水與師洗面少頃香嚴亦來問訊師曰我適來得一夢寂子爲我原了汝更爲我原看嚴乃點一碗茶來師曰二子見解過於鶩子頌上堂老僧百年後向山下作一頭水牯牛左脇下書五字曰鴻山僧某

甲當恁麼時喚作鴻山僧又是水牯牛喚作水牯牛又是鴻山僧畢竟喚作甚麼仰曰得仰山出禮拜而退雲居代曰師無異號資福實曰當時但作此○相拓呈之新羅和尚作此○相拓呈之又曰同道者方知芭蕉徹作此相○拓呈之又曰說也說了也注也注了也悟取好乃述偈曰不是鴻山不是牛一身兩號實難離却兩頭應須道如何道得出常流仰山慧寂禪師初謁耽源已悟玄旨後參鴻山遂昇堂奧耽源謂師曰南陽忠國師當時傳得六代祖師圓相共九十七箇授與老僧乃曰吾滅後三十年南方有一沙彌到來大興此教次第傳授無令斷絕我今付汝汝當奉持遂將其本過與師師接得一覽便將火燒却耽源一日問前來諸相甚宜秘惜師曰當時看了便燒却也源曰吾此法門無人能會唯先師及諸祖師諸大聖人方可委悉子何得焚之師曰慧寂一覽已知其意但用得不可執本也源曰然雖如此於子即得後人信之不及師曰和尚若要重錄不難即重集一本呈上更無遺失源曰然○耽源上堂

揮鐵叉手

夢入龍溪內

師出衆作此○相以手拓呈了却又手立源以兩手相交作拳示之師進前三步作女人拜源點頭師便禮拜○後參瀉山瀉問汝是有主沙彌無主沙彌師曰有主曰主在甚麼處師從西過東立瀉異之師問如何是真佛住處瀉曰以思無思之妙返思靈燄之無窮思盡還源性相常住事理不二真佛如如師於言下頓悟自此執侍前後盤桓十五載頌後參巖頭頭舉起拂子師展坐具巖拈拂子置背後師將坐具搭肩上而出巖曰我不肯汝放祇肯汝收頌師在瀉山爲直歲作務歸瀉問甚麼處去來師曰田中來瀉曰田中多少人師插鉢叉手瀉曰今日南山大有人刈茅師拔鉢便行玄沙云我若見即踏倒鉢子頌師問瀉山大用現前請師辯白瀉山下座歸方丈師隨後入瀉問子適來問甚麼話師再舉瀉曰還記得吾答語否師曰記得瀉曰你試學看師便珍重出去瀉曰錯師回首曰閑師弟若來莫道某甲無語好頌師臥次夢入彌勒內院衆堂中諸位皆足惟第二位空師遂就坐有一尊者白椎曰今當第二座說法師起白椎曰摩訶

勤學佛法

衍法離四句絕百非諦聽諦聽衆皆散去及覺舉似瀉瀉曰子已入聖位師便禮拜○瀉山示衆曰一切衆生皆無佛性鹽官示衆曰一切衆生皆有佛性鹽官有二僧往探問既到瀉山聞瀉山舉揚莫測其涯若生輕慢因一日與師言話次乃勸曰師兄須是勤學佛法不得容易師乃作○相以手拓呈了却拋向背後遂展兩手就二僧索二僧問措師曰吾兄直須勤學佛法不得容易便起去時二僧却回鹽官行三十里一僧忽然有省乃曰當知瀉山道一切衆生皆無佛性信之不錯便回瀉山一僧更前行數里因遇水忽然有省自歎曰瀉山道一切衆生皆無佛性灼然有它怎麼道亦回瀉山久依法席○瀉山同師牧牛次瀉曰此中還有菩薩也無師曰有瀉曰汝見那箇是試指出看師曰和尚疑那箇不是試指出看瀉便行頌師夏末問訊瀉山次瀉曰子一夏不見上來在下面作何所務師曰某甲在下面鋤得一片畚下一籬種瀉曰子今夏不虛過師却問未審和尚一夏之中作何所務瀉曰日中一食夜後一寢師曰和

饒龜生飯

聲色涅槃

背明投暗

尙今夏亦不虛過道了乃吐舌瀉曰寂子何得自傷已命○瀉山饒龜生飯回頭見師曰今日爲伊上堂一上師曰某甲隨例得聞瀉曰聞底事作麼生師曰鴉作鴉鳴鵲作鵲噪瀉曰爭奈聲色何師曰和尚適來道甚麼瀉曰我祇道爲伊上堂一上師曰爲甚麼喚作聲色瀉曰雖然如此驗過也無妨師曰大事因緣又作麼生驗瀉豎起拳師曰終是指東畫西瀉曰子適來問甚麼師曰問和尙大事因緣瀉曰爲甚麼喚作指東畫西師曰爲著聲色故某甲所以問過瀉曰並未曉了此事師曰如何得曉了此事瀉曰寂子聲色老僧東西師曰一月千江體不分水瀉曰應須與麼始得師曰如金與金終無異色豈有異名瀉曰作麼生是無異名底道理師曰瓶盤釵釧券孟盆瀉曰寂子說禪如師子吼驚散狐狼野干之屬評頭問僧近離甚處曰廬山師曰曾到五老峰麼曰不曾到師曰闍黎不曾遊山雲門云此語皆爲慈悲之故有落草之談○上堂汝等諸人各自回光返照莫記吾言汝無始劫來背明投暗妄想根深卒難頓拔所以假設方便奪汝粗識

寶鑑

如將黃葉止啼有甚麼是處亦如人將百種貨物與金寶作一鋪貨賣祇擬輕重來機所以道石頭是真金鋪我這裏是雜貨鋪有人來覓鼠糞我亦拈與它來覓真金我亦拈與它時有僧問鼠糞即不要請和尚真金師曰醫鑪擬開口驢年亦不會僧無對師曰索喚則有交易不索喚則無我若說禪宗身邊要一人相伴亦無豈況有五百七百萬耶我若東說西說則爭頭向前探拾如將空拳誑小兒都無實處我今分明向汝說聖邊事且莫將心湊泊但向自己性海如實而修不要三明六通何以故此是聖末邊事如今且要識心達本但得其本不愁其末他時後日自具去在若未得本縱饒將情學他亦不得汝豈不見瀉山和尚云凡聖情盡體露真常事理不二即如如佛○師因歸瀉山省覲瀉問子既稱善知識爭辨得諸方來者知有不知有有師承無師承是義學是立學子試說看師曰慧寂有驗處但見僧來便豎起拂子問伊諸方還說這箇不說又曰這箇且置諸方老宿意作麼生瀉歎曰此是從上宗門中牙爪頰瀉問

業識茫茫處

梵僧至

號小釋迦

義海

大地衆生業識茫茫無本可據。子作麼生知它有之。與無師曰。慧寂有驗處。時有一僧從面前過。師召曰。闍黎僧回。首師曰。和尚這箇便是業識茫茫無本可據。爲曰。此是師子一滴乳。迸散六斛驢乳。○師問僧。甚處來。曰。幽州師曰。我恰要箇幽州信米作麼價。曰。某甲來時無端從市中過。踏折他橋梁。師便休。○師見僧來。豎起拂子。僧便喝。師曰。喝卽不無。且道老僧過在甚麼處。曰。和尚不合將境示人。師便打。頌有梵僧從空而至。師曰。近離甚處。曰。西天師曰。幾時離彼。曰。今早師曰。何太遲生。曰。遊山翫水。師曰。神通遊戲。則不無。闍黎佛法須還老僧始得。曰。特來東土禮文殊。却遇小釋迦。遂出梵書貝多葉與師作禮。乘空而去。自此號小釋迦。頌師住東平時。爲山令僧送書并鏡與師。師上堂提起示衆曰。且道是爲山鏡。東平鏡。若道是東平鏡。又是爲山送來。若道是爲山鏡。又在東平手裏。道得則留。取道不得則撲破去也。衆無語。師撲破便下座。頌師坐次有僧來作禮。師不顧其僧。乃問師識字否。師曰。隨分。僧乃右旋一匝曰。是甚麼。

暗機

看經得信

字師於地上畫十字。酬之僧又左旋一匝曰。是甚字。師改十字作卍字。僧畫此○。相以兩手拓如修羅掌。日月勢曰。是甚麼字。師乃畫此卍。相對之僧乃作婁至德勢。師曰。如是如是。此是諸佛之所護念。汝亦如是。吾亦如是。善自護持。其僧禮謝騰空而去。時有一道者見經五日。後遂問師曰。汝還見否。道者曰。某甲見出門騰空而去。師曰。此是西天羅漢故來探吾道道者曰。某雖觀種種三昧。不辯其理。師曰。吾以義爲汝解釋。此是八種三昧。是覺海變爲義海。體則同然。此義合有因有果。卽時異時。總別不離。隱身三昧也。頌梵僧來參師於地上畫半月。相僧近前添作一圓相。以脚抹却。師展兩手。僧拂袖便去。增收頌劉侍御問了心之旨。可得聞乎。師曰。若要了心。無心可了。無了之心。是名眞了。頌陸郎中問不斷煩惱而入涅槃。得箇安樂處。師豎起拂子曰。祇如這箇作麼生入。曰。入之一字也不消得。師曰。入之一字不爲相。公頌龐居士問久嚮仰山到來爲甚麼却覆師。豎起拂子。士曰。恰是。師曰。是仰是覆。士乃打露柱曰。雖然無人。

省經次不得
問事

入門的意

也要露柱證明師擲拂子曰若到諸方一任舉似頌
師指雪師子問衆有過得此身者麼衆無對雲門云當時便
好與頌師問雙峯師弟近日見處如何曰據某見處
實無一法可當情師曰汝解猶在境曰某祇如此師
兄又如何師曰汝豈不知無一法可當情者爲山間
曰寂子一句疑殺天下人玄覺云經道實無有法然燈佛與我授記它道實無
一法可當情爲甚麼道解猶在境且道利害在甚麼處頌師臥次僧問曰身還
解說法也無師曰我說不得別有一人說得曰說得
底人在甚麼處師推出枕子爲山間曰寂子用劒刃
上事△師住觀音時出勝云看經次不得問事有僧
來問訊見師看經旁立而待師卷却經問會麼曰某
甲不看經爭得會師曰汝已後會去在其僧到巖頭
頭問甚處來曰江西觀音來頭曰和尚有何言句僧
舉前話頭曰這箇老師我將謂被故紙埋却元來猶
在頌僧思鄧問禪宗頓悟畢竟入門的意如何師曰
此意極難若是祖宗門下上根上智一聞千悟得大
總持其有根微智劣若不安禪靜慮到這裏總須茫
然曰除此一路別更有入處否師曰有曰如何即是

歸山祐

或作辨

師曰汝是甚麼人曰幽州人師曰汝還思彼處否曰
常思師曰能思者是心所思者是境彼處樓臺林苑
人馬駢闐汝反思底還有許多般也無曰某甲到這
裏總不見有師曰汝解猶在心信位即得人位未
在曰除却這箇別更有意也無師曰別有別無即不堪
也曰到這裡作麼生即是師曰據汝所解祇得一立
得坐披衣向後自看鄧禮謝之○師將順寂數僧侍
立師以偈示之曰一二三子平日復仰視兩口一
無舌即是吾宗旨

香嚴智閑禪師頌在百丈時性識聰敏參禪不得洎
丈遷化遂參爲山山問我聞汝在百丈先師處問一
答十問十答百此是汝聰明靈利意解識想生死根
本父母未生時試道一句看師被一問直得茫然歸
寮將平日看過底文字從頭要尋一句酬對竟不能
得乃自歎曰盡餅不可充饑屢乞爲山說破山曰我
若說似汝汝已後罵我去我說底是我底終不干汝
事師遂將平昔所看文字燒却曰此生不學佛法也
且作箇長行喫飯僧免役心神乃泣辭爲山直過南

香嚴擊竹

祖師禪

陽觀忠國師遺跡遂憩止焉一日芟除草木偶拋瓦礫擊竹作聲忽然省悟遽歸沐浴焚香遙禮瀉山讚曰和尚大慈恩逾父母當時若爲我說破何有今日之事乃有頌曰一擊忘所知更不假修持動容揚古路不墮悄然機處處無踪跡聲色外威儀諸方達道者咸言上上機瀉山聞得謂仰山曰此子徹也仰曰此是心機意識著述得成待某甲親自勘過頌仰後見師曰和尚讚歎師弟發明大事你試說看師舉前頌仰曰此是夙習記持而成若有正悟別更說看師又成頌曰去年貧未是貧今年貧始是貧去年貧猶有卓錫之地今年貧錫也無仰曰如來禪許師弟會祖師禪未夢見在師復有頌曰我有一機瞬目視伊若人不曾別喚沙彌仰乃報瀉山曰且喜閑師弟會祖師禪也玄覺云且道如來禪與祖師禪分不分長慶稜云一時坐却頌師初開堂瀉山令僧送書并拄杖至師接得便哭蒼天蒼天僧曰和尚爲甚麼如此師曰祇爲春行秋令頌上堂若論此事如人上樹口銜樹枝脚不踏枝手不攀枝樹下忽有人問如何是祖師西來意不對它又違它

瀉山語

瀉山語

瀉山語

瀉山語

瀉山語

所問若對它又喪身失命當恁麼時作麼生卽得時有虎頭招上座出衆云樹上卽不問未上樹時請和尚道師乃呵呵大笑
徑山洪譚禪師僧問掩息如灰時如何師曰猶是時人功幹曰幹後如何師曰耕人田不種曰畢竟如何師曰禾熟不臨場○問如霜如雪時如何師曰猶是汚染曰不汚染時如何師曰不同色
九峰慈慧禪師初在瀉山山上堂曰汝等諸人祇得大機不得大用師便抽身而去瀉召之師更不回顧瀉曰此子堪爲法器
京兆米和尚頌令僧去問仰山曰今時還假悟也無仰曰悟卽不無爭奈落在第二頭師深肯之又令僧問洞山曰那箇究竟作麼生洞曰却須問它始得師亦肯之
三角法遇庵主頌因荒亂魁師入山執刃而問和尚有甚財寶師曰僧家之寶非君所宜魁曰是何寶師震聲一喝魁悟以刃加之
王敬初常侍頌視事次米和尚至公乃舉筆示之米

肉身佛

曰還判得虛空否公擲筆入宅更不復出米致疑明日憑鼓山供養主人探其意米亦隨至潛在屏蔽間偵伺供養主纔坐問曰昨日米和尚有甚言句便不相見公曰師子較人韓獪逐塊米聞此語即省前謬遽出朗笑曰我會也我會也公曰會即不無你試道看米曰請常侍舉公乃豎起一隻筴米曰這野狐精公曰這漢徹也○問僧一切衆生還有佛性也無曰有公指壁上畫狗子曰這箇還有也無僧無對公自代曰看鹹著汝

嗣仰山安

西塔光穆禪師僧問祖意教意是同是別師曰同別且置汝道瓶甕裡甚麼物出來入去

嗣仰山安

南塔光湧禪師少甚俊敏依仰山剃度北遊謁臨濟復歸侍山山曰汝來作甚麼師曰禮覲和尚山曰還見和尚麼師曰見山曰和尚何似驢師曰某甲見和尚亦不似佛山曰若不似佛似箇甚麼師曰若有所似與驢何別山大驚曰凡聖兩忘情盡體露吾以此驗人二十年無決了者子保任之山每指謂人曰此子肉身佛也○僧問眞佛住在何處師曰言下無相

嗣仰山安

也不在別處頌師向火次有僧來參師曰一言說盡山河僧便問如何是一言師以火筴插向爐邊却收舊處

神或作禪

霍山景通禪師頌初參仰山山閉目坐師乃翹起右足曰如是如是西天二十八祖亦如是中華六祖亦如是和尚亦如是景通亦如是仰山起來打四藤條師因此自稱集雲峰下四藤條歸宗下亦有大師曾到霍山和尚處自稱集雲峰下四藤條天下大禪佛參霍山喚維那打鐘著師驟步而去此則按會元見兩處霍山今依

頌古併見一章

嗣仰山安

無著文喜禪師喜禾人也評頌往五臺山華嚴寺至金剛窟禮謁遇一老翁牽牛而行邀師入寺翁呼均提有

翁即文殊

童子應聲出迎翁縱牛引師陞堂堂宇皆耀金色翁踞牀指繡墩命坐翁曰近自何來師曰南方翁曰南方佛法如何住持師曰末法比丘少奉戒律翁曰多少衆師曰或三百或五百師却問此間佛法如何住持翁曰龍蛇混雜凡聖同居師曰多少衆翁曰前三後三評翁呼童子致茶并進酥酪師納其味心

凡聖同居

意豁然。翁拈起玻璃盞問曰：南方還有這箇否？師曰：

無。翁曰：尋常將甚麼喫茶？師無對。師觀曰：色稍晚。遂

問翁擬投一宿得否？翁曰：汝有執心在，不得宿。師曰：

某甲無執心。翁曰：汝曾受戒否？師曰：受戒久矣。翁曰：

汝若無執心，何用受戒？師辭退。翁令童子相送。師問

童子：前三三後三三，是多少？童召大德師應諾。童曰：

是多少？師復問曰：此為何處？童曰：此金剛窟。般若寺

也。師悽然悟彼翁者，即文殊也。不可再見。即稽首。童

子願乞一言為別。童說偈曰：面上無嗔，供養具口裏

無嗔。吐妙香心裏無嗔，是珍寶。無垢無染，是真常。言

訖，均提與寺俱隱。頌咸通三年，參仰山。頓了心契，令

充典座。文殊嘗現於粥鉢上。師以攪粥筴便打曰：文

殊自文殊。文喜自文喜。殊乃說偈曰：苦瓠連根苦，甜

瓜徹蒂甜。修行三大劫，却被老僧嫌。○一日有異僧

來求齋食。師減已分饋之。仰山預知，問曰：適來果位

人至，汝給食否？師曰：輟已回。施仰曰：汝大利益。

五觀順支。禪師僧問以字不成八字，不是甚麼字。師作圓相示之。

嗣香殿開

嗣香殿開

嗣香殿開

嗣徑山謹

嗣先雙峯

南禪無染禪師僧問：無句之句，師還答也。無師曰：從

來祇明甚麼事？曰：畢竟如何？師曰：且問看。

大安清幹禪師僧問：從上諸聖從何而證？師乃斫額

○問：如何是祖師西來意？師曰：羊頭車子推明月。

雙溪田道者僧問：如何是啐啄之機？師以手作啄勢。

○問：如何是西來意？師曰：甚麼處得箇問頭來。

洪州米嶺和尚常語曰：莫過於此。僧問：未審是甚麼

莫過於此？師曰：不出是。僧後問長慶：爲甚麼不出是

慶曰：汝擬喚作甚麼？

雙峰古禪師本業講經，因參先雙峰。峰問：大德甚麼

處住？曰：城裏。峰曰：尋常還思老僧否？曰：常思和尙。無

由禮覲。峰曰：祇這思底便是。大德師從此領旨，即罷

講席。侍奉數年後，到石霜。但隨衆而已，更不參。請衆

謂古侍者：嘗受雙峰印記，往往聞於石霜。霜欲詰其

所悟而未得其便。師因辭去。霜將拂子送出門，首召

曰：古侍者。師回首。霜曰：擬著。即差是著。即乖不擬。不

是亦莫作箇會。除非知有莫能知之好去好去。師應

喏。喏即前邁。

西塔樓

資福如寶禪師評頌因陳操尙書來師畫一圓相操曰弟子與麼來早是不著便更畫圓相師於中著一點操曰將謂是番舶主師便歸万丈閉却門會元增無出收僧問如何是一塵入正受師作入定勢曰如何是諸塵三昧起師曰汝問阿誰○師有時坐良久周視左右曰會麼衆曰不會師曰不會卽謾汝去也○問如何是玄旨師曰汝與我掩却門

明南塔湧
枯柱杖示衆

芭蕉慧清禪師頌上堂拈拄杖示衆曰。你有拄杖子。我與你拄杖子。你無拄杖子。我奪你拄杖子。靠拄杖下座。○上堂如人行次。忽遇前面萬丈深坑。背後野火來逼。兩畔是荊棘叢林。若也向前。則墮坑。墮坑若也退後。則野火燒身。若也轉側。則被荊棘叢林礙當。與麼時。作麼生免得。若也免得。合有出身之路。若免不得。墮身死漢。○僧問如何。是自己師曰。望南看北斗。頌問如何。是透法身句。師曰。一不得問。二不得休。曰。學人不曾。師曰。第三度來與汝相見。

驅逐牧畜

清化全。忽禪師初參南塔塔問從何而來師曰鄂州塔曰鄂州使君名甚麼師曰化下不敢相觸忤曰此

忠獻王賜紫
方袍

地道不畏師曰大丈夫何必相試塔巖然而笑遂乃印可○僧問如何是正法眼師曰我却不知曰和尚爲甚麼不知師曰不可青天白日尿牀也師後還故國錢氏文穆王特加禮重忠獻王賜紫方袍師不受王改以衲衣仍號純一禪師師曰吾非飾讓也慮後人倣吾而逞欲耳

臨江府志

黃連義初禪師廣主劉氏嚮師道化請入府內說法
僧問人王與法王相見時如何師曰兩鏡相照萬象
歷然曰法王心要達磨西來五祖付與曹谿自此不
傳衣鉢未審碧玉塔前將何付囑師曰石羊水上行
木馬夜翻駒曰恁麼則我王有感萬國歸朝師曰時
人盡唱太平歌

同資福

資福貞遂禪師上堂。隔江見資福刹竿。便回去。脚根下好與三十棒。沉過江來時。有僧纔出。師曰。不堪共語。頌僧問。如何是古人歌。師作此○相示之。

嗣芭蕉清

芭蕉繼徹禪師初參風穴。穴問如何。是正法眼。師曰。泥彈子。穴異之。次謁先芭蕉。蕉上堂。舉仰山道。兩日一無舌。此是吾宗旨。師豁然有省。住後。僧問如何。是

圓覺集

林谿境師曰有山有水曰如何是境中人師曰三門前佛殿後頌間有一人不舍生死不證涅槃師還提携也無師曰不提携曰爲甚麼不提携師曰林溪粗識好惡○問寂寂無依時如何師曰未是禪僧分上事曰如何是禪僧分上事師曰要行即行要坐即坐師有偈曰芭蕉的旨不挂唇齒木童唱和石人側耳承天辭確禪師問學人有一隻箭射即是不射即是師曰作麼生是闍黎箭僧便喝師曰這箇是草箭子曰如何是和尙箭師曰禁忌須屈指禱祈便扣牙○問衆非如霜露慧日能消除時如何師曰亭臺深夜雨樓閣靜時鐘曰爲甚麼因緣會遇時果報還自受師曰管筆能書片舌解語○問如何是第一義師曰羣峯穿海去滴水下巖來

會元九卷終

青原 法眼宗

圓覺集

清涼文益禪師證大弱齡稟具於越州開元寺屬律

法眼

匠希覺師盛化于明州鄞山育王寺師往預聽習究其微旨復傍探儒典遊文雅之場覺師目爲我門之游夏也師以玄機一發雜務俱捐振錫南邁抵福州

遊文雅之場

◆同三作
日上

三界唯心

學長慶偈

參長慶不大發明頌後同紹修法進三人欲出嶺過地藏院阻雪少憩附爐次藏問此行何之師曰行脚去藏曰作麼生是行脚事師曰不知藏曰不知最親切又同三人舉肇論至天地與我同根處藏曰山河大地與上座自己是同是別師曰別藏豎起兩指師曰同藏又豎起兩指便起去雪霽辭去藏門送之間曰上座尋常說三界唯心萬法唯識乃指庭下片石曰且道此石在心內在心外師曰在心內藏曰行脚人著甚麼來由安片石在心頭師窘無以對即放包依席下求決擇近一月餘日呈見解說道理藏語之曰佛法不恁麼師曰某甲詞窮理絕也藏曰若論佛法一切現成師於言下大悟頌子方上座自長慶來師學長慶偈問曰作麼生是萬象之中獨露身子方舉拂子師曰恁麼會又爭得曰和尚尊意如何師曰喚甚麼作萬象曰古人不撥萬象師曰萬象之中獨露身說甚麼撥不撥子方豁然悟解述偈投誠自是諸方會下有存知解者翕然而至始則行行如也師微以激發皆漸而服膺海參之衆常不減千計○上

堂大衆立久乃謂之曰。祇恁麼便散去。還有佛法道理也無。試說看。若無。又在這裏作麼。若有大市裏人叢處。亦有何須到這裏。諸人各曾看還源觀百門義海華嚴論涅槃經諸多策子。阿那箇教中有這箇時節。若有試舉看。莫是恁麼經裏有恁麼語。是此時節。麼有甚麼交涉。所以道微言滯於心。首嘗爲緣慮之場。實際居於目前。翻爲名相之境。又作麼生得翻去。若也翻去。又作麼生得正去。還會麼。莫祇恁麼念策子。有甚麼用處。僧問如何披露。即得與道相應。師曰。汝幾時披露。即與道不相應。○問六處不知音時如何。師曰。汝家眷屬一羣子。師又曰。作麼生會莫道恁麼來問。便是不得。汝道六處不知音。眼處不知音耳處不知音。若也根本是有爭解。無得古人道。離聲色著聲色。離名字著名字。所以無想天修得經八萬大劫。一朝退墮諸事儼然。蓋爲不知根本真實次第修行。三生六十劫。四生一百劫。如是直到三祇果滿。它古人猶道不如一念緣起。無生超彼三乘權學等見。又道彈指圓成八萬門。剎那滅却三祇劫。也須體究。

隨時及節

移時失候

毫釐有差

若如此用多少氣力。○問十二時中如何行履。即得與道相應。師曰。取捨之心。成巧僞。頌問聲色兩字。甚麼人透得。師却謂衆曰。諸上座。且道這箇僧還透得也。未若會此。僧問處透聲色也不難。○問求佛知見何路。最徑。師曰。無過此。○上堂。出家人但隨時及節。便得寒即寒。熱即熱。欲知佛性義。當觀時節。因緣古今。方便不少。不見石頭和尚。因看肇論云。會萬物爲已者。其唯聖人乎。他家便道。聖人無已。靡所不己。有一片言語。喚作參同契。末上云。竺土大仙心。無過此語也。中間也祇隨時說話。上座今欲會萬物爲自己。去蓋爲大地。無一法可見。它又囑云。光陰莫虛度。適來向上座道。但隨時及節。便得。若也移時失候。即是虛度。光陰於非色中作色。解上座於非色中作色。解即是移時失候。且道色作非色。解還當不當。上座若恁麼會。便是沒交涉。正是癡狂兩頭走。有甚麼用處。上座但守分隨時過。好珍重。頌師問修山主。毫釐有差。天地懸隔。兄作麼生會。修曰。毫釐有差。天地懸隔。師曰。恁麼會。又爭得修曰。和尚如何。師曰。毫釐有差。

天地懸隔。修便禮拜。

東禪齊云。山主恁麼。祇對爲甚。恁道便得去。且道。疑詭在甚麼。處。若看得透。道上座有來由。

○師與悟空禪師向火拈起香匙問曰。不得喚作香匙。兄喚作甚麼。空曰。

香匙。師不肯。空後二十餘日。方明此語。頌僧問。承教有言。從無住。本立一切法。如何是無住。本形與未質。

名起未名。頌僧參次。師指簾時。有二僧同去。捲師曰。

一得一失。頌問僧甚處來。曰。泗州禮拜大聖來。師曰。

今年大聖出塔否。曰。出師却問傍僧曰。汝道伊到泗

州不到。○師問寶資長老。古人道山河無隔礙。光明

處處透。且作麼生是處處透。底光明。資曰。東畔打鑼

聲。○師指竹問僧。還見麼。曰。見。師曰。竹來。眼裡眼到

竹邊。曰。總不恁麼。○問如何是第二月。師曰。森羅萬

象。曰。如何是第一月。師曰。森羅萬象。頌師指堯子曰。

識得堯子。周匝有餘。雲門云。識得堯子。天地懸殊。○師一日與李

王論道。罷同觀牡丹花。王命作偈。師即賦曰。擁毳對

芳叢。由來趣不同。髮從今日白。花是去年紅。艷冶隨

朝露。馨香逐晚風。何須待零落。然後始知空。王頓悟

其意。○師頌三界唯心。曰。三界唯心。萬法唯識。唯識

唯心。眼聲耳色。色不到耳。聲何觸眼。眼色耳聲。萬法

成辦。萬法匪緣。豈觀如幻山河大地。誰堅誰變。○頌

華嚴六相義。曰。華嚴六相義。同中還有異。異若異於

同。全非諸佛意。諸佛意總別何曾有。同異男子身中

入正定。女子身中不留意。不留意。絕名字。萬象明明

無理事。評頌僧慧超問。如何是佛。師曰。汝是慧超。僧

於是悟入。增收。按會元。慧超即歸宗策真禪師也。初名慧超。考之實矣。今依頌古收在此。

天台德韶國師首謁投子。見同禪師。次謁龍牙。乃問

雄雄之尊。爲甚麼近之不得。牙曰。如火與火。師曰。忽

遇水來。又作麼生。牙曰。去。汝不會我語。頌師又問。天

不蓋地。不載此理。如何。牙曰。道者合如是。師經十七

次問。牙祇如此答。師竟不諭。旨再請垂誨。牙曰。道者

汝已後自會去。師後於通玄峰澡浴。次忽省。前話遂

具威儀。焚香遙望龍牙禮拜。曰。當時若向我說。今日

決定罵也。頌師問疎山百匝千重。是何人境界。山曰。

左搓芒繩。縛鬼子。師曰。不落古今。請師說。曰。不說。師

曰。爲甚麼不說。曰。箇中不辯有無。師今善說。山駭之

如是。歷參五十四員善知識。皆法緣未契。最後至臨

法華李王
觀牡丹花

一晚一作曉

歷參五十四
員善知識

師清涼

川謁法眼。眼一見深器之師。以徧涉叢林。亦倦於參問。但隨衆而已。頌一日。法眼上堂。僧問。如何是曹源一滴水。眼曰。是曹源一滴水。僧惘然而退。師於坐側豁然開悟。平生凝滯。渙若冰釋。遂以所悟。聞于法眼。眼曰。汝向後當爲國王所師。致祖道光。大吾不如也。自是諸方異唱。古今玄鍵。與之決擇。不留微迹。○尋回本道。遊天台。山觀智者。顓禪師遺蹤。有若舊居。師復與智者同姓。時謂之後身也。初止白沙。時忠懿王爲王子。時刺台州。嚮師之名。延請問道。師謂曰。他日爲霸主。無忘佛恩。漢乾祐元年。戊申。王嗣國位。遣使迎之。伸弟子之禮。有傳天台智者教義寂者。即顯溪也屢言于師曰。智者之教。年祀浸遠。慮多散落。今新羅國其本甚備。自非和尚。慈力其孰能致之乎。師於是聞于王。王遣使及賣師之書。往彼國繕寫備足。而回。迄今盛行于世矣。○上堂。古聖方便。猶如河沙。祖師道非風旛動。仁者心動。斯乃無上心印法門。我輩是祖師門下客。合作麼生。會祖師意。莫道風旛不動。汝心妄動。莫道不撥風旛。就風旛。連取莫道風旛動處。是甚麼。

一了千明

運奴自悟

經滲漏句

有云。附物明心。不須認物。有云。色卽是空。有云。非風幡動。應須妙會。如是解會。與祖師意旨。有何交涉。既不許如是會。諸上座。便合知悉。若於這裏徹底悟去。何法門而不明。百千諸佛。方便一時洞了。更有甚麼疑情。所以古人道。一了千明。一迷萬惑。上座。豈是今日會得一則。明日又不會也。莫是有一分向上事。難會有一分下劣。凡夫不會如此見解。設經塵劫。祇自勞神。乏思。無有是處。○僧問。一切山河大地。從何而起。師曰。此問從何而來。○問。如何是轉物。卽同如來。師曰。汝喚甚麼作物。曰。恁麼則同如來也。師曰。莫作野干鳴。頌問。三世諸佛。不知有狸奴。白牯。却知有。此兩句按頌古見南泉及者會元彼章無故頌見此既是三世諸佛。爲甚麼却不。知有師曰。却是你知有。曰。狸奴白牯。爲甚麼却不。知有。師曰。你甚麼處見三世諸佛。○問。一花開五葉。結果自然。成如何。是一花開五葉。師曰。日出月明。曰。如何是結果。自然。成師曰。天地皎然。○上堂。大凡言句。應須絕滲漏。始得。時有僧問。如何是絕滲漏底句。師曰。汝口似鼻孔。問。如何是不證一法師。曰。待言語在。曰。

疑心不息

疑若疑宗

如何是證諸法師曰醉作麼乃曰祇如山僧恁麼對
它諸上座作麼生體會莫是眞實相爲麼莫是正恁
麼時無一法可證麼莫是認伊來處麼莫是全體顯
露麼莫錯會好如此見解喚作依草附木與佛法天
地懸隔假饒答話揀辯如懸河祇或得箇顛倒知見
若祇責答話揀辯有甚麼難但恐無益於人翻成賺
悞如上座從前所學揀辯問答記持說道理極多爲
甚麼疑心不息聞古聖方便持地不會祇爲多虛少
實上座不如從脚跟下一時覷破看是甚麼道理有
多少法門與上座作疑求解始知從前所學底事祇
是生死根源陰界裡活計所以古人道見聞不脫如
水裏月無事珍重頌示衆曰通玄峯頂不是人間心
外無法滿目青山法眼聞云即此一偈可起吾宗○上堂僧問承古
有言若人見般若卽被般若縛若人不見般若亦被
般若縛旣見般若爲甚麼却被縛師曰你道般若見
甚麼曰不見般若爲甚麼亦被縛師曰你道般若甚
麼處不見乃曰若見般若若不名般若不見般若亦不
名般若且作麼生說見不見所以古人道若欠一法

佛法現成

法身無相

不成法身若剩一法不成法身若有一法不成法身
若無一法不成法身此是般若之眞宗也云云○上堂
佛法現成一切具足豈不見道圓同太虛無欠無餘
若如是也且誰欠誰剩誰是誰非誰是會者誰是不
會者所以道東去亦是上座西去亦是上座南去亦
是上座北去亦是上座因甚麼得成東西南北若會
得自然見聞覺知路絕一切諸法現前何故如此爲
法身無相觸目皆形般若無知對緣而照一時徹底
會取好諸上座出家兒合作麼生此是本有之理未
爲分外識心達本源故名爲沙門若識心皎皎地實
無絲毫障礙上座久立珍重○上堂僧問承師有言
九天擎玉印七佛兆前心如何是印師曰不露文曰
如何是心師曰你名安嗣乃曰法界性海如函如蓋
如鉤如鎖如金與金位位皆齊無纖毫參差不相混
蓋非一非異非同非別若歸實地去法法皆到底不
是上來問箇如何若何便是不問時便非在長連牀
上座時是有不坐時是無祇如諸方老宿言教在世
如恒河沙如來一大藏經卷卷皆說佛理句句盡言

離心活計

離佛法源

將書名言

離會佛法

佛心因甚麼得不會去。若一向織絡言教。意識解會。饒上座經塵沙劫。亦不能得徹。此喚作顛倒知見。識心活計。並無得力處。此蓋為脚跟下不明。若究盡諸佛法源。河沙大藏。一時現前。不欠絲毫。不剩絲毫。諸佛時常出世。時常說法度人。未曾間歇。乃至猿啼鳥叫。草木叢林。常助上座發機。未有一時不為上座有如是奇特處。可惜許諸上座。大家究取。令法久住。世間增益人天壽命。國王安樂。無事珍重。○上堂。舉古者道吾有一言。天上人間。若人不會。綠水青山。且作麼生。是一言底道理。古人語須是曉達。始得。若是將言而名於言。未有箇會處。良由究盡諸法根蒂。始會一言。不是一言半句思量解會。喚作一言。若會言語道斷。心行處滅。始到古人境界。亦不是閉目藏睛。暗中無所見。喚作言語道斷。且莫賺會佛法。不是這箇道理。要會麼。假饒經塵沙劫。說亦不曾有半句到諸上座。經塵沙劫。不說亦未曾欠少半句。應須徹底會去。始得。若如是斟酌。名言空勞心力。並無用處。與諸上座共相證明。後學初心。速須究取。久立珍重。○上

嗣清涼益

嗣清涼益

堂其略云。應須徹底明達。始得。不是問一則語。記一轉話。巧作道理。風雲水月。四六八對。便當佛法。莫自賺諸上座。究竟無益。

清涼泰欽禪師。生而知道辯才。無礙入法眼之室。海衆歸之。僉曰。敏匠初住洪州雙林院。開堂日。指法座曰。此山先代尊宿。曾說法來。此座高廣。不才何陋。古昔有言。作禮須彌燈王。如來乃可得坐。且道須彌燈王。如來今在何處。大衆要見麼。一時禮拜。便陞座。良久曰。大衆。祇如此也。還有會處麼。僧問。如何是雙林境。師曰。盡也。盡不成曰。如何是境中人。師曰。且去。境也未識。且討人。

靈隱清覺禪師。初參法眼。眼指雨。謂師曰。滴滴落在上座眼裏。師初不諭旨。後因閱華嚴。感悟承眼印。可○上堂。十方諸佛。常在汝前。還見麼。若言見。將心見。將眼見。所以道。一切法不生。一切法不滅。若能如是解。諸佛常現前。又曰。見色便見心。且喚甚麼作心。山河大地。萬象森羅。青黃赤白。男女等相。是心不是心。若是心。為甚麼却成物象去。若不是心。又道見色便

迷彼計源

見心還會麼。祇爲迷此而成顛倒。種種不同於無同異中。強生同異。且如今直下承當。頓豁本心。皎然無一物可作見聞。若離心別求解脫者。古人喚作迷波討源。卒難曉悟。僧問根塵俱泯。爲甚麼事理不明。師曰。事理且從喚甚麼作。俱泯底根塵。○問無明實性。卽佛性如何。是佛性。師曰。喚甚麼作無明。○問如何是摩訶般若。師曰。雪落茫茫。僧無語。師曰。會麼。曰。不會。師示偈曰。摩訶般若非取非捨。若人不曾風寒雪下。

歸義涼益

歸宗義柔禪師開堂陞座。維那白。惟曰。法筵龍象衆。當觀第一義師。曰。若是第一義。且作麼生觀。恁麼道落在甚麼處。爲復是觀爲復不。許人觀先德上座共相證明。後學初心莫喚作返問語。倒靠語有疑。請問僧問。諸佛出世說法度人。感天動地。和尚出世有何祥瑞。師曰。人天大衆前。寐語作麼。○問。僧看甚麼經。曰。寶積經。師曰。既是沙門。爲甚麼看寶積經。僧無語。師代云。古今用無極。

嗣清涼益

百丈道恒禪師參法眼因請益。外道問佛不問有言。

開目冷坐

示偈

不問無言。敘語未終。眼曰。住住。汝擬向世尊良久處。會那師從此悟入。○僧問。古人有言。釋迦與我同參。未審參見何人。師曰。唯有同參。方知曰。未審此人如何親近。師曰。恁麼則你不解參也。○問。如何是百丈爲人一句。師曰。若到諸方。總須問過。乃曰。實是無事。諸人各各是佛。更有何疑。得到這裡。古人道。十方同聚會。箇箇學無爲。此是選佛場。心空及第歸。且作麼生是心空。不是那裡閉目冷坐。是心空。此正是意識想解上座。要會心空麼。但且識心。便見心空。所以道。過去已過去。未來更莫算。兀然無事坐。何曾有人喚。設有人喚上座。應它好不。應它好。若應他。阿誰喚上座。若不應他。又不思應也。三世體空。且不是木頭也。所以古人道。心空得見法王。還見法王麼。也祇是老病僧。又莫道渠自伐好珍重。○僧舉人問。玄沙三乘十二分教。卽不問如何。是祖師西來意。沙曰。三乘十二分教。不要某甲。不會請師爲說。師曰。汝實不會。曰。實不會。師示偈曰。不要三乘要祖宗。三乘不要與君同。君今欲會祖宗。旨後夜狼啼在亂峰。○上堂。諸上。

參他不如自

座適來從僧堂裡出來脚未跨門限便回去已是重說偈言了也更來這裡不可重重下切脚也古人云參它不如自參所以道森羅萬象是善財之宗師業惑塵勞乃普賢之境界若怎麼參得與善財同參若不肯與麼參却歸堂向火參取勝熱婆羅門珍重○上堂衆纔集便曰喫茶去或時衆集便曰珍重或時衆集便曰歇後又頌曰百丈有三訣喫茶珍重歇直下便承當敢保君未徹

嗣清涼益

杭州永明道潛禪師頌初謁法眼眼問曰子於參請外看甚麼經師曰華嚴經眼曰總別同異成壞六相是何門攝屬師曰文在十地品中據理則世出世間一切法皆具六相也眼曰空還具六相也無師憺然無對眼曰汝問我我道向汝師乃問空還具六相也無眼曰空師於是開悟踴躍禮謝眼曰子作麼生會師曰空眼然之○因四衆士女入院眼問師曰律中道隔壁聞鈸鉦聲即名破戒現觀金銀合雜朱紫駢闐是破戒不是破戒師曰好箇入路眼曰子向後有五百義徒爲王侯所重在師尋禮辭駐錫於衢州古

士女入院

忠懿王受著
隆衣

嗣清涼益

寺閱大藏經忠懿王命入府受菩薩戒署慈化定慧禪師建大伽藍慧日永明請居之○上堂佛法顯然因甚麼却不會諸上座欲會佛法但問張三李四欲會世法則參取古佛叢林無事久立○僧問達磨西來傳個甚麼師曰傳箇冊子曰怎麼則心外有法去也師曰心內無法

發真歸源

嗣清涼益

杭州報恩慧朗禪師三學精練志探玄旨在天台山白沙卓庵有朋彥上座博學強記來訪師敵論宗乘師曰言多去道轉遠今有事借問祇如從上諸聖及諸先德還有不悟者也無彥曰若是諸聖先德豈有不悟者哉師曰一人發真歸源十方虛空悉皆消殞今天台山巖然如何得消殞去彥不知所指自是它宗泛學來者皆服膺矣○上堂諸人還委麼莫道語默動靜無非佛事好且莫錯會○天龍禪師問曰一切諸佛及諸佛法皆從此經出未審此經從何而出師曰道甚麼天龍擬進語師曰過也金陵報慈行言導師上堂凡行脚人參善知識到一叢林放下餅鉢可謂行菩薩道能事畢矣何用更來

法華經正

真常

嗣清涼益

這裡學論真如涅槃。此是非時之說。然古之有言。譬如披沙議寶。沙礫若除。真金自現。便喚作常住世間。具足僧寶。亦如一味之雨。一般之地。生長萬物。大小不同。甘辛有異。不可道地。與雨有大小之名也。所以道方即現。方圓即現。圓何以故。爾法無偏正。隨相應現。喚作對現。色身還見麼。若不見也。莫閑坐地。○師問鳩子。叫問僧甚麼。聲曰。鳩子。聲師曰。欲得不招無間業。莫謗如來正法輪。○上堂。此日英賢共會。海會同臻。諒惟佛法之趣。無不備矣。若是英鑒之者。不須待言也。然言之本。無何以默矣。是以森羅萬象。諸佛洪源。顯明則海印光澄。冥昧則情迷自惑。苟非通心上士。逸格高人。則何以於諸塵中。發揚妙極。卷舒物象。縱奪森羅。示生非生。應滅非滅。生滅洞已。乃曰真常。言假則影散。千途論真。則一空絕迹。豈可以有無生滅而計之者哉。

崇壽契稠禪師上堂。僧問。四衆諦觀第一義。如何是。第一義。師曰。何勞更問。乃曰。大衆欲知佛性義。當觀時節。因緣作麼生。是時節。因緣上座。如今便散去。且

嗣清涼益

嗣清涼益

道有也。未若無。因甚麼便散去。若有作麼生。是第一義。上座第一義。現成何勞更觀。恁麼顯明得佛性。常照一切法。常住若見。有法常住。猶未是法之真源。作麼生是法之真源。上座不見古人道。一人發真歸源。十方虛空。悉皆消殞。還有一法。為意解麼。古人有如是。是。大事。因緣。依而行之。即是何勞。長老多說。衆中有未知者。便請相示。○問。如何是佛。師曰。如何是佛。曰。如何領解。師曰。領解即不是。

報恩法安禪師初住曹山上堂。知幻即離。不作方便。離幻即覺。亦無漸次。諸上座。且作麼生。會不作方便。又無漸次。古人意在甚麼處。若會得。諸佛常現。前若未會。莫向圓覺經裡討。夫佛法。亘古亘今。未嘗不現。前諸上座。一切時中。咸承此威光。須具大信。根荷擔得起。始得不見佛讚。猛利底人。堪為器用。亦不賞他。向善久修淨業者。要似他。廣額兇屠。拋下操刀。便證阿羅漢果。直須恁麼始得。所以長者道。如將梵位。直授凡庸。

雲居清錫禪師僧問。如何是雲居境界。師曰。汝喚甚麼

作境曰。如何是境中人。師曰。適來向汝道甚麼。

正勤希奉禪師上堂。古聖道圓同太虛。無欠無餘。又道一一法一一宗。衆多法一法。宗又道起。唯法起滅。唯法滅。又道起時不言我起。滅時不言我滅。據此說話。屈滯久在叢林上座。若是初心兄弟。且須體道人。身難得。正法難聞。莫同等閒施主衣食。不易消遣。若不明道。個個盡須還它上座。要會道麼。珍重。○僧問。古人有言。山河大地是汝真。善知識如何得山河大地爲善知識。去師曰。汝喚甚麼作山河大地。

羅漢智依禪師上堂。盡十方世界無一微塵許法。與汝作見聞覺知。還信麼。雖然如此。也須悟始得。莫將爲等閒。不見道。單明自己。不悟目前。此人祇具一隻眼。還會麼。僧問。纖塵不立。爲甚麼好醜現前。師曰。分明記取。別處問人。

章義道欽禪師初住棲賢上堂。道遠乎哉。觸事而真。聖遠乎哉。體之則神。我尋常示汝。何不向衣鉢下坐地。直下參取。須要上來討個甚麼。既上來。我即事不獲。已便舉古德少許。方便抖擻些子。龜毛兔角。解落

向汝諸上座。欲得省要。僧堂裡三門下寮舍裡。參取好。還有會處也。未若有會處。試設看。與上座證明。僧問。如何是棲賢境。師曰。棲賢有甚麼境。○江南國主請居章義道場上堂。總來這裡立作甚麼。善知識如河沙數。常與汝爲伴。行住坐臥。不相捨離。但長連牀上穩坐。地十方善知識。自來參上座。何不信取。作得如許多難。易他古聖。嗟見今時人。不奈何。乃曰。傷夫人情之惑久矣。目對真而不覺。此乃嗟汝諸人。看却不知。且道看却甚麼。不知何不體察。古人方便。祇爲信之不及。致得如此。諸上座。但於佛法中留心。無不得者。無事體道去。便下座。

報恩匡逸禪師江南國主請居上院上堂。顧視大眾曰。依而行之。卽無累矣。還信麼。如太陽赫弈皎然。地更莫思量。思量不及。設爾思量得。及喚作分限智慧。不見先德。云人無心。合道道無心。合人人道。既合是名無事人。且自何是。凡自何是。聖於此若未會。可謂爲迷情所覆。便去離不得。迷時卽有望礙。爲對待種種不同。忽然省去。亦無所得。譬如演若達多。認影

迷頭豈不擔頭覓頭然正迷之時頭且不失及乎悟去亦不爲得何以故人迷謂之失人悟謂之得得失在於人何關於動靜

翻清涼益

報慈文遂導師嘗究首楞嚴甄會真妄緣起本末精博於是節科注釋文句交絡脈功既就謁于法眼述已所業深符經旨眼曰楞嚴豈不是有八還義師曰是曰明還甚麼師曰明還曰輪曰日還甚麼師憮然無對眼誠令焚其所注之文師自此服膺請益始忘知解○金陵國主署雷音覺海大導師問僧從甚麼處來曰曹山來師曰幾程到此曰七程師曰行却許多山林溪澗何者是汝自己曰總是師曰衆生顛倒認物爲己曰如何是學人自己師曰總是乃曰諸上座各在此經冬過夏還有人悟自己也無山僧與汝證明令汝真見不被邪魔所惑僧問如何是學人自己師曰好箇師僧眼目甚分明

翻清涼益

羅漢守仁禪師僧衆晚參師曰物物本來無處所一輪明月印心池便歸方丈○住報恩上堂報恩這裡不曾與人揀話今日與諸上座揀一兩則話還願樂

翻清涼益

翻清涼益

李王法眼失色

麼諸上座鶴脰長鳬脰短甘草甜黃檗苦怎麼揀擇還恹雅意麼諸上座莫是血脉不通泥水有隔麼且莫錯會珍重○僧問如何是西來意師曰喚甚麼作西來意曰恁麼則無西來也師曰由汝口頭道黃山良臣禪師僧問明鏡當臺森羅爲甚麼不現師曰那裏當臺曰爭奈卽今何師曰又道不現報恩立則禪師頌初問青峯如何是學人自己峯曰丙丁童子來求火後謁法眼眼問甚麼處來師曰青峯眼曰青峯有何言句師舉前話眼曰上座作麼生會師曰丙丁屬火而更求火如將自己求自己眼曰與麼會又爭得師曰某甲祇與麼未審和尚如何眼曰你問我我與你道師問如何是學人自己眼曰丙丁童子來求火師於言下頓悟○開堂曰李王與法眼俱在會僧問龍吟霧起虎嘯風生學人知是出世邊事到此爲甚麼不會師曰會取好僧舉頭看師及看法眼乃抽身入衆法眼與李王當時失色眼歸方丈令侍者喚問話僧至眼曰上座過來問底話許你具眼人天衆前何不禮拜蓋覆却眼撼一坐具其僧三

日後吐光而終○上堂諸上座盡有常圓之月各懷
價之珍所以月在雲中雖明而不照智隱惑內雖
真而不通無事久立○僧問如何是不動尊師曰飛
飛騰騰

嗣清涼益

淨德智筠禪師上堂從上諸聖方便門不少大抵祇
要諸仁者有個見處然雖未見且不參差一絲髮許
諸仁者亦未嘗違背一絲髮許何以故烜赫地顯露
如今便會取更不費一毫氣力還省要麼說道毗盧
有師法身有主斯乃抑揚對機施設諸仁者作麼生
會對底道理若也會且莫嫌他佛語莫重祖師直下
是自己眼明始得○上堂夫欲慕道也須上上根器
始得造次中下不易承當何以故佛法非心意識境
界上座莫恁麼懷揆地他古人道沙門眼把定世界
函蓋乾坤綿綿不漏絲髮所以諸佛讚歎讚歎不及
此喻此喻不及道上座威光赫奕亘古亘今幸有如
是家風何不紹續取為甚麼自生卑劣枉受辛勤不
能曉悟祇為如此所以諸佛出興於世祇為如此所
以諸佛唱入涅槃祇為如此所以祖師特地西來

自己眼明

嗣清涼益

嗣清涼益
吳越王命開
法

有一類人

全是一作無

嗣清涼益

高麗國慧炬國師一日國主請入王府上堂師指威
鳳樓示衆曰威鳳樓爲諸上座舉揚了也還會麼儻
若會且作麼生會若道不會威鳳樓作麼生不會珍
重

寶塔紹嚴禪師吳越王命師開法上堂山僧素寡知
見本期閑放念經待死豈謂今日大王勤重苦勉山
僧效諸方宿德施張法筵然大王致請也祇圖諸仁
者明心此外別無道理諸仁者還明心也未莫不是
語言談笑時儼然杜默時參尋知識時道伴商略時
觀山翫水時耳目絕對時是汝心否如上所解盡爲
魔魅所攝豈曰明心更有一類人離身中妄想外別
認徧十方世界含日月包太虛謂是本來真心斯亦
外道所計非明心也諸仁者要會麼心無是者亦是
不是者汝擬執認其可得乎
般若敬遵禪師僧問牛頭未見四祖時爲甚麼百鳥
銜花師曰汝甚麼處見曰見後爲甚麼不銜花師曰
且領話好○師自述眞讚曰眞兮寥廓郢人圖騰嶽
聳雲空碧潭月躍

嗣清涼益

歸宗策真禪師初名慧超。謁法眼問曰。慧超咨和尚。如何是佛眼。曰。汝是慧超。師從此悟入。○上堂。諸上座。見聞覺知。祇可一度。祇如會了。是見聞覺知。不是見聞覺知。要會麼。與諸上座說破了也。待汝悟始得。久立珍重。

嗣清涼益

棲賢圓禪師上堂。出得僧堂門。見五老峰。一生參學事畢。何用更到這裡來。雖然如此也。勞上座一轉了也。珍重。

嗣清涼益

新興齊禪師僧問。如何得出三界去。師曰。汝還信麼。曰。信則深信。乞和尚慈悲。師曰。祇此信心。亘古亘今。快須究取。何必沉吟。要出三界。三界唯心。○師因雪謂衆曰。諸上座。還見雪麼。見即有眼。不見無眼。有眼即常無眼。即斷恁麼會得。佛身充滿。僧辭去。渤潭乞和尚示個入路。師曰。好個入路。道心堅固。隨衆參請。隨衆作務。要去便去。要住便住。去之與住。更無它故。若到渤潭。不審馬祖。

嗣清涼益

◆虛一作許

古賢謹禪師。師立法眼。次眼問一僧曰。自離此間。甚麼處去來。曰。入嶺來。眼曰。不易。曰。虛涉它如許多山。

嗣清涼益

嗣天台紹

忠懿王請開
山靈應

水眼曰。如許多山水。也不惡。其僧無語。師於此有省。興福可勳禪師。僧問。何云法空。師曰。不空。有偈示衆。曰。秋江烟島晴。鷗鷺行行立。不念觀世音。爭知普門入。

永明延壽禪師。初住雪竇上堂。雪竇這裡。迅瀑千尋。不停纖粟。奇巖萬仞。無立足處。汝等諸人。向甚麼處進步。僧問。雪竇一徑。如何履踐。師曰。步步寒花結。言言徹底冰。師有偈曰。孤猿叫落中巖月。野客吟殘半夜燈。此境此時誰得意。白雲深處坐禪僧。忠懿王請開山靈隱新寺。明年遷永明。大道場衆盈二千。頌僧問。如何是永明妙旨。師曰。更添香著。曰。謝師指示。師曰。且喜沒交涉。僧禮拜。師曰。聽取一偈。欲識永明旨。門前一湖水。日照光明生。風來波浪起。○問。學人久在永明。爲甚麼不會。永明家風。師曰。不會處。會取曰。不會處。如何會。師曰。牛胎生象子。碧海起紅塵。○問。成佛成祖。亦出不得。六道輪迴。亦出不得。未審出甚麼處。不得。師曰。出汝問處。不得。○問。如何是大圓鏡。師曰。破沙盆。○師居永明十五載。度弟子一千七百。

天台智者
聖蹟須臾山

人開寶七年入天台山度戒約萬餘人常與七衆授菩薩戒夜施鬼神食朝放諸生類不可稱算六時散花行道餘力念法華經計萬三千部著宗鏡錄一百卷詩偈賦詠凡千萬言播于海外

五雲志逢禪師通貫三學了達性相嘗夢陞須彌山觀三佛列坐初釋迦次彌勒皆禮其足唯不識第三尊但仰視而已釋尊謂之曰此是補彌勒處師子月佛師方作禮覺後因閱大藏經乃符所夢○遊方抵

天台雲居參國師賓主緣契頓發玄秘一日入普賢

殿中宴坐條有一神人跪膝于前師問汝其誰乎曰

護戒神也師曰吾患有宿慙未殄汝知之乎曰師有

何罪唯一小過耳師曰何也曰凡折鉢水亦施主物

師每傾棄非所宜也言訖而隱師自此洗鉢水盡飲

之積久因致脾疾十載方愈

凡折過飲食及涕唾便利等並宜囑指默念呪

發施心而吳越國王嚮師道風召賜紫衣署普覺禪

師命住臨安功臣院○上堂諸上座捨一知識參一

知識盡學善財南遊之式樣且問上座祇如善財禮

辭文殊擬登妙峯謁德雲比丘及到彼所以德雲

施主物

善財請德雲

雪峯三登九

天台智者

却於別峯相見夫教意祖意同一方便終無別理彼若明得此亦昭然諸上座即今簇著老僧是相見是不相見此處是妙峯是別峯脫或從此省去可謂不孤負老僧亦常見德雲比丘未嘗利那相捨離還信得及麼○上堂古德爲法行脚不憚勤勞如雪峰三到投子九上洞山盤桓往返尙求個入路不得看汝近世參學人纔跨門來便要老僧指引指示說禪且汝欲造玄極之道豈同等閒而況此事亦有時節躁求焉得汝等要知悟時麼如今各且下去堂中靜坐直待仰家峯點頭老僧卽爲汝說時有僧出曰仰家峯點頭也請師說師曰大衆且道此僧會老僧語不會老僧語僧禮拜師曰今日偶然失鑒○有人問僧無爲無事人爲甚麼却有金鎖難僧無對師代云祇爲無爲無事○僧問教中道文殊忽起佛見法見被佛威神攝向二鐵圍山意旨如何師曰甚麼處是二鐵圍山僧無語師曰還會麼如今若有人起佛法之見吾與烹茶兩碗且道實伊對伊同教意不同教意報恩永安禪師僧問如何是西來意師曰過這裏立

謝天台語

僧纔移步。師召曰。會麼。曰。不會。師曰。聽取一偈。汝問西來意。且過這邊立。昨夜三更時。雨打虛空濕。電影忽然明。不似蚰蜒急。

謝天台語

紫凝智勤禪師。僧問。如何是空手把鋤頭。師曰。但恁麼諦信。曰。如何是步行騎水牛。師曰。汝自何來。

謝天台語

普門希辨禪師。上堂。山僧素乏知見。復寡聞持。頃雖侍立於國師。不蒙一句開示。以致今日。與諸仁者聚會。更無一法可相助發。何況能爲諸仁者。區別縑素。商量古今。還恁得。山僧麼。若有恁者。且道此人具眼。不具眼。有賓主義。無賓主義。晚學初機。必須審細。○僧問。如何是普門。示現神通事。師曰。恁麼則。闍黎恁老僧去也。曰。不恁時。如何。師曰。汝且下堂裏思惟去。光慶遇安禪師。僧問。無價寶珠。請師分付。師曰。善能吐露。曰。恁麼則。人人具足去也。師曰。珠在甚麼處。僧禮拜。師曰。也是虛言。○問。提綱舉領。盡立賓主。如何是主。師曰。深委此問。曰。如何是賓。師曰。適來向汝道甚麼。曰。賓主道合時。如何。師曰。其令不行。○上堂。欲識曹谿旨。雲飛前面山。分明眞實箇。不用別追攀。僧

曹谿旨

謝天台語

問古德有言。井底紅塵生。山頭波浪起。未審此意如何。師曰。若到諸方。但甚麼問。曰。和尚意旨如何。師曰。適來向汝道甚麼。乃曰。古今相承。皆云。塵生井底。浪起山頭。結子空花。生兒石女。且作麼生。會莫是和聲送事。就物呈心。句裏藏鋒。聲前全露。麼莫是有名無體。異唱玄譚。麼上座自會。卽得古人意旨。卽不然。旣恁麼。會不得。合作麼生。會上座欲得會麼。但看泥牛行處。陽燄翻波。木馬嘶時。空花墜影。聖凡如此道理。分明何須久立。珍重。

謝天台語

華嚴慧達禪師。僧問。如何是古佛心。師曰。山河大地。○問。如何是華嚴境界。師曰。滿目無形影。

謝天台語

九曲慶祥禪師。頌。僧問。險惡道中。以何爲津梁。曰。以此爲津梁。曰。如何是此。師曰。築著汝鼻孔。

謝天台語

開化行明禪師。僧問。如何是開化門中。流出方便。師曰。日日潮音兩度聞。

瑞鹿遇安禪師。頌。得法於天台。又常閱首楞嚴經。到知見立知。卽無明本。知見無見。斯卽涅槃。師乃破句讀。曰。知見立。知卽無明本。知見無。見斯卽涅槃。

繫於此有省有人語師曰破句了也師曰此是我悟處畢生不易時謂之安楞嚴

龍華慧居禪師開堂示衆曰從上宗乘到這裡如何舉唱祇如釋迦如來說一代時教如餅注水古德尙云猶如夢事露語一般且道據甚麼道理便甚麼道還會麼大施門開何曾壅塞生凡育聖不漏纖塵言凡則全凡舉聖則全聖凡聖不相待個個獨稱尊所以道山河大地長時說法長時放光地水火風一一如是時有僧出禮拜師曰好個問頭如法問著僧擬進前師曰又沒交涉也○上堂龍華這裡也祇是拈柴擇菜上來下去晨朝一粥齋時一飯睡後喫茶但怎麼參取珍重

齊雲遇臻禪師僧問圓明了知爲甚麼不因心念師曰圓明了知曰何異心念師曰汝喚甚麼作心念○秋夕閑坐偶成頌曰秋庭肅肅風颺颺寒星列空巖魄高擣願靜坐神不勞鳥窠無端吹布毛

瑞鹿本先禪師上堂你諸人還見竹林蘭若山水院舍人衆麼若道見則心外有法若道不見爭奈竹林

蘭若山水院舍人衆現在縱然地還會怎麼告示麼若會不妨靈利無事莫立○上堂大凡參學未必學問話是參學未必學揀話是參學未必學代語是參學未必學別語是參學未必學捻破經論中奇特言語是參學未必捻破祖師奇特言語是參學若於如是等參學任你七通八達於佛法中儻無見處喚作乾慧之徒豈不聞古德道聰明不敵生死乾慧豈免苦輪諸人若也參學應須眞實參學始得行時行時參取立時立時參取坐時坐時參取眠時眠時參取語時語時參取默時默時參取一切作務時一切作務時參取既向如是等時參且道參個甚人參個甚麼語到這裡須自有個明白處始得若不如是喚作造次之流則無了了之旨○上堂幽林鳥叫碧潭魚跳雲片展張瀑聲鳴咽你等還知得如是多景象示你等個入處麼若也知得不妨參取好○上堂你等諸人夜間眠熟不知一切既不知一切且問你等那時有本來性無本來性若道那時有本來性又不知一切與死無異若道那時無本來性睡眠忽省覺知

天台教說三

信沙南泉遷化語

如故還會麼。不知一切與死無異。睡眠忽省。覺知如故。如是等時。是個甚麼。若也不會。各體究取。無事莫立。○上堂。諸法所生。唯心所現。如是言語。好個入底門戶。且問你等。諸人眼見一切色。耳聞一切聲。鼻嗅一切香。舌了一切味。身觸一切軟滑。意分別一切諸法。祇如眼耳鼻舌身意。所對之物。為復唯是你等心。為復非是你等心。若道唯是你等心。何不與你等身。都作一塊了。休為甚麼。所對之物。却在。你等眼耳鼻舌身意外。你等若道。眼耳鼻舌身意。所對之物。非是你等心。又爭奈。諸法所生。唯心所現。言語留在世間。何人不舉著。你等見這個說話。還會麼。若也不會。大家用心商量。教會去。幸在其中。莫令厭學。無事且退。○上堂。天台教中。說文殊觀音普賢三門。文殊門者。一切色。觀音門者。一切聲。普賢門者。不動步。而到我道。文殊門者。不是一切色。觀音門者。不是一切聲。普賢門者。是個甚麼。莫道別却。天台教說話。無事且退。○上堂。舉僧問長沙南泉。遷化向甚麼處去。沙曰。東家作驢。西家作馬。僧曰。學人不會。沙曰。要騎便騎。要

歸天台語

歸天台語

下。即下師曰。若是求出三界。修行底人。聞這個言語。不妨狐疑。不妨驚怕。南泉遷化向甚麼處去。東家作驢。西家作馬。或有會云。千變萬化。不出真常。或有會云。須會異類中行。始會得這個言語。或有會云。東家是南泉。西家是南泉。或有會云。東家郎君子。西家郎君子。或有會云。東家是甚麼。西家是甚麼。或有會云。便作驢。又作馬。嘶或有會云。喚甚麼作東家。驢喚甚麼作西家。馬或有會云。既問遷化。答在問處。或有會云。作露柱處去也。或有會云。東家作驢。西家作馬。虧南泉甚麼。如是諸家會也。總於佛法有安樂處。南泉遷化向甚麼處去。東家作驢。西家作馬。學人不會。要騎便騎。要下。即下這個話。不消得多道理。而會若見法界性去也。沒多事珍重。○上堂。鑑中形影。唯憑鑑光顯現。你等諸人所作一切事。且道。唯憑個甚麼顯現。還知得麼。若也知得。於參學中。千足萬足。無事莫立。與教洪壽禪師同國師。普請次。問墮薪有省。作偈曰。撲落非他物。縱橫不是塵。山河及大地。全露法王身。蘇州永安道原禪師。僧問。如何是佛。師曰。咄。這旃陀

羅曰學人初機乞師方便師曰汝問甚麼曰問佛師曰咄這旃陀羅進景德傳燈錄

羅漢涼飲

雲居道齊禪師徧歷禪會學心未息頌後於上藍院主經藏法燈一日謂師曰有人問我西來意答它曰不東不西藏主作麼生會師對曰不東不西燈曰與麼會又爭得曰道齊祇恁麼未審和尚尊意如何燈曰它家自有兒孫在師於是頓明歟旨有頌曰接物利生絕妙外生終是不肖它家自有兒孫將來用得恰好頌古見清涼泰欽法燈章

羅漢涼飲

秀州羅漢院願昭禪師上堂山河大地是真善知識時常說法時時度人不妨諸上座參取僧問羅漢家風請師一句師曰嘉禾合穗上國傳芳曰此猶是嘉禾家風如何是羅漢家風師曰或到諸方分明舉似支提辯隆禪師上堂巍巍實相畧塞虛空金剛之體無有破壞大衆還見不見若言見也且實相之體本無青黃赤白長短方圓亦非見聞覺知之法且作麼生作個見底道理若言不見又道巍巍實相畧塞虛空爲甚麼不見僧問如何是向上一路師曰脚下底

羅漢涼飲

羅百丈恒

曰恁麼則尋常履踐師曰莫錯認樓賢澄湜禪師僧問毗目仙人執善財手見微塵諸佛祇如未執手時見個甚麼師曰如今又見個甚麼聯珠有頌

羅永明澄

千光環省禪師精究律部聽天台文句棲心於圓頓止觀後閱楞嚴文理宏濬未能洞曉一夕誦經既久就案假寐夢中見日輪自空而降開口吞之自爾豁然發悟差別義門渙然無滯後參永明永明唯印前解無別指喻

夢香日輪

羅永明澄

崇福慶祥禪師上堂諸禪德見性周徧聞性亦然洞徹十方無內無外所以古人道隨緣無作動寂常真如此施爲全眞智用

羅永明澄

雲居義能禪師上堂不用上來堂中僑陳如上座爲諸上座轉第一義法輪還得麼若信得及各自歸堂參取下座後却問一僧祇如山僧適來教上座參取聖僧聖僧還道個甚麼僧曰特謝和尚再舉○問如何是佛師曰卽心是佛曰學人不會乞師方便師曰方便呼爲佛回光返照看身心是何物

歸宗慧誠禪師

歸宗慧誠禪師僧問。如何是祖師西來意。師曰。不知。乃曰。問話且住。直饒問到窮劫。問也不著。答到窮劫。答也不及。何以故。祇爲諸人各有本分事。圓滿十方。亘古亘今。乃至諸佛。也不敢錯誤。諸人便謂之頂族。祇是助發上座。所以道。十方法界。諸有情念念以證善逝果。彼既丈夫。我亦爾。何得自輕而退。屈諸上座。不要退。屈信取便。休祖師。西來祇道見性成佛。其餘所說不及此說。

瑞巖義海禪師

瑞巖義海禪師僧問。釋迦拖室於摩竭淨名杜口於毗耶。未審如何。示衆師曰。汝不欲我開談。曰。未曉師機。師曰。且退。○問。如何是無位真人。師曰。這裡無安排你處。

靈隱玄本禪師

靈隱玄本禪師見僧看經。乃問。看甚麼。經僧無語。乃示頌曰。看經不識經。徒勞損眼睛。欲得不損眼。分明識取經。

堯峯顯暹禪師

堯峯顯暹禪師僧問。承教有言。是法平等。無有高下。如何是平等。法師曰。堯峯高。寶峯低。曰。恁麼則成高下去也。師曰。情知汝恁麼會。○聞雷聲。示衆曰。還聞

雷聲示衆

雷聲麼。還知起處麼。若知起處。便知身命落處。若也

不知。所以古人道。不知天地者。剛道有乾坤。不如喫茶去。○僧問。亡僧遷化向甚麼處去也。師曰。蒼天蒼天。乃曰。祇如末後。僧問。亡僧遷化向甚麼處去也。山僧向它道。蒼天蒼天。且道。意落在甚麼處。莫是悲傷遷逝。痛憶道人麼。若乃恁麼平論。實謂罔知去處。要知去處。更不用久立歇去。○上堂。冬去春來。樓閣門開。若也入得。不用徘徊。諸上座。還向這裡入得也。未若也入得。所以古人道。是處是。彌勒無門。無善財。若也入之。未得自是。諸上座。狂走更不切。切久立珍重。

聖壽昇禪師

聖壽昇禪師上堂。若論佛法。更有甚麼事。所以道。古今山河。古今日月。古今人倫。古今城郭。喚作平等法門。絕前後際。諸人還信得及麼。若信得及。依而行之。久立珍重。

興教惟一禪師

興教惟一禪師僧問。佛未出世時。如何。師曰。白雲數重。曰。出世後。如何。師曰。青山一朶。

西余體柔禪師

西余體柔禪師上堂。一人把火。自燼其身。一人抱冰。

橫屍於路。進前則觸途成滯。退後則噎氣填胸。直得上天無路。入地無門。如今已不奈何也。良久曰。待得雪消去。自然春到來。

嗣棲賢湜

定山惟素山主僧問達磨心印師已曉。試學家風對衆看師曰。門前有個長松樹。夜半子規來上啼。○問如何是定山境。師曰。清風滿院。曰。忽遇客來如何。祇待師曰。莫嫌冷淡。乃曰。若論家風與境。不易酬對。多見指定處所。教它不得。自在曾有僧問大隨如何是和尚家風。隨曰。赤土盡簸箕。又曰。肚上不貼榜。且問諸人作麼生會。更有夾山雲門臨濟風穴皆有此話。播于諸方。各各施設不同。又作麼生會法。無異轍殊途同歸。若要省力。易會。但識取自家桑梓。便能紹得家業。隨處解脫。應用現前。天地同根。萬物一體。喚作衲僧眼睛。綿綿不漏。絲髮苟或於此不明。徒自鈴鐸辛苦。

淨土惟正禪師有問曰。師以禪師名。乃不談禪何也。師曰。徒費言語。吾嬾寧假曲折。但日夜煩萬象爲敷演耳。言語有間。而此法無盡。所謂造物無盡藏也。

歸家風

嗣淨土案

嗣靈隱師

靈隱延珊禪師上堂。與上座一線道。且作麼生持論。佛法若也水洩不通。便教上座無安身立命處。當此之時。祖佛出頭來。也有二十棒分。怎麼道。山僧還有過也。無不見世尊。生下周行七步。目顧四方。一手指天。一手指地。云。天上天下。惟吾獨尊。雲門云。我當初若見一棒打殺與狗子喫。却何以如此。責圖天下大平。且道雲門怎麼說話。有佛法道理也。無雖然如此。雲門祇具一隻眼。久立珍重。

會元十卷終

禪宗正脉卷第五

音釋

馨輕上聲欬下音德遜晷葵齧擊音鏃促音戔衫偵音稱
游偵獵虛音韓互音瓠也舶白音海駭丑忍切鄮茂
又問獵犬也瓠也舶也中大船駭大笑良鄮
窘巨限切毳吹去迄黑覲趣剌盛嶷逆懷揆滅屑
獲鳥譚同窺諸揅頤支湜定濬峻音燼幸去

禪宗正脉卷第六

南嶽 臨濟宗

黃檗

國法三度被

一尊大德
天下人

臨濟義玄禪師。頌初在黃檗會中行業純一。時睦州爲第一座。乃問上座在此多少時。師曰。三年。州曰。曾參問否。師曰。不曾。參問不知問箇甚麼。州曰。何不問堂頭和尚。如何是佛法的大意。師便去問聲未絕。檗便打。師下來。州曰。問話作麼。生師曰。某甲問聲未絕。和尚便打某甲。不會。州曰。但更去問師。又問。檗又打。如是三度。問三度。被打。師白州曰。早承激勸。問法累蒙和尚賜棒。自恨障緣不領深旨。今且辭去。州云。汝若去。須辭和尚了。去。師禮拜退。州先到黃檗處曰。問話上座。雖是後生。却甚奇特。若來辭。方便接伊。已後爲一株大樹。覆蔭天下人去。在師來日。辭黃檗。檗曰。不須他去。祇往高安灘頭參大愚。必爲汝說。師到大愚。愚曰。甚處來。師曰。黃檗來。愚曰。黃檗有何言句。師曰。某甲三度問佛法的大意。三度被打。不知某甲有過。無過。愚曰。黃檗與麼老婆心切。爲汝得徹困。

鉅茶園

堂裏睡

更來這裏問有過無過。師於言下大悟。乃曰。元來黃檗佛法無多子。愚擲住曰。這尿牀鬼子。適來道有過無過。如今却道黃檗佛法無多子。你見箇甚麼道理。速道。速道。師於大愚肋下築三拳。愚拓開曰。汝師黃檗非干我事。師辭大愚。却回黃檗。檗見便問。這漢來來去去。有甚了期。師曰。祇爲老婆心切。便人事了。侍立。檗問甚處去來。師曰。昨蒙和尚慈旨。令參大愚。去來。檗曰。大愚有何言句。師舉前話。檗曰。大愚老婆漢。饒舌待來。痛與一頓。師曰。說甚待來。卽今便打。隨後便掌。檗曰。這風顛漢。來這裏捋虎鬚。師便喝。檗喚侍者曰。引這風顛漢參堂去。渴山舉問。仰山臨濟當時得大愚力得黃檗力。仰云。非但騎虎頭亦解把虎尾。頌師普請鉅地。次見黃檗來。拄鐙而立。檗曰。這漢困。那師曰。鐙也未舉。困箇甚麼。檗便打。師接住棒。一迭迭倒。檗呼維那扶我起來。維那扶起曰。和尚爭容得這風顛漢無禮。檗纔起。便打。維那師鐙地曰。諸方火葬我這裏活埋。渴山問。仰山黃檗打維那意作麼。生仰云。正賊走却。還賊人。○師一日在僧堂裏睡。檗入常見。以拄杖打板頭一下。師舉首見是檗。却又睡。檗又打板頭一下。

幾校

解黃檗

却往上問見首座坐禪乃曰下問後生却坐禪汝在這裏妄想作麼座曰這老漢作甚麼檗又打板頭一下便出去灑山學問仰山祇如黃檗意作麼生仰云兩彩一賽頌師栽松次檗曰深山裏栽許多松作甚麼師曰一與山門作境致二與後人作標榜道了將鏝頭壓地三下檗曰雖然如是子也喫吾三十棒了也師又壓地三下噓一噓檗曰吾宗到汝大興于此灑山學問仰山黃檗當時祇顧臨濟一人更有人在仰云有祇是年代深遠不欲學似和尚灑云雖然如是吾亦要知汝但學看仰云一人指南吳越令行遇大風止○黃檗因入厨下問飯頭作甚麼頭曰揀衆僧飯米檗曰一頓喫多少頭曰二石五檗曰莫太多麼頭曰猶恐少在檗便打頭舉似師師曰我與汝勸這老漢纔到侍立檗舉前話師曰飯頭不會請和尚代一轉語檗曰汝但舉師曰莫太多麼檗曰來日更喫一頓師曰說甚麼來日即今便喫隨後打一掌檗曰這風顛漢又來這裏捋虎鬚師喝一喝便出去灑山學問仰山此二尊宿意作麼生仰山云和尚作麼生灑山云養子方知父慈仰山云不然灑山云子又作麼生仰山云大似勾賊○師辭黃檗檗曰甚處去師曰不是河南便歸河北檗便打師約住與一掌檗大笑乃喚侍者將

仰山懸記普化

四料揀

三句

百丈先師禪板几案來師曰侍者將火來檗曰不然子但將去已後坐斷天下人舌頭去在○師爲黃檗馳書至灑山與仰山語次仰曰老兄向後北去有箇住處師曰豈有與麼事仰曰但去已後有一人佐輔汝此人祇是有頭無尾有始無終懸記普化○師後住鎮州臨濟學侶雲集一日謂普化克符二上座曰我欲於此建立黃檗宗旨汝且成覲我二人珍重下去三日後普化却上來問和尚三日前說甚麼師便打三日後克符上來問和尚前日打普化作甚麼師亦打至晚小參曰有時奪人不奪境有時奪境不奪人有時人境兩俱奪有時人境俱不奪問答語具在克符章○僧問如何是真佛真法真道乞師開示師曰佛者心清淨是法者心光明是道者處處無礙淨光是三即一皆是空名而無實有如真正作道人念念心不間斷自達磨大師從西土來祇是覓箇不受人惑底人後遇二祖一言便了始知從前虛用工夫山僧今日見處與祖佛不別若第一句中薦得堪與祖佛爲師若第二句中薦得堪與人天爲師若第二句中薦得自救

不了僧便問如何是第一句師曰三要印開朱點窄。未容擬議主賓分曰如何是第二句師曰妙解豈容無著問滙和爭負截流機曰如何是第三句師曰但看棚頭弄傀儡抽牽全藉裏頭人乃曰大凡演唱宗乘一句中須具三玄門一玄門須具三要有權有實有照有用汝等諸人作麼生會師謂僧曰有時一喝如金剛王寶劍有時一喝如踞地師子有時一喝如探竿影草有時一喝不作一喝用汝作麼生會僧擬議師便喝○示衆參學之人須細細如賓主相見便有言論往來或應物現形或全體作用或機權喜怒或現半身或乘師子或乘象王如有真正學人便喝先拈出一箇膠盆子善知識不辨是境便上他境上作模作樣便被學人又喝前人不肯放下此是膏肓之病不堪醫治喚作賓看主或是善知識不拈出物祇隨學人問處即奪學人被奪抵死不肯放此是主看賓或有學人應一箇清淨境出善知識前知識辨得是境把得拋向坑裏學人言大好善知識知識即云咄哉不識好惡學人便禮拜此喚作主看主或

老宿參

有學人披枷帶鎖出善知識前知識更與安一種枷鎖學人歡喜彼此不辨喚作賓看賓大德山僧所舉皆是辨魔揀異知其邪正○師問洛浦從上來一人行棒一人行喝阿那箇親曰總不親師曰親處作麼生浦便喝師乃打頌上堂有一人論劫在途中不離家舍有一人離家舍不在途中那箇合受人天供養頌師問院主甚處去來曰州中糶黃米來師曰糶得盡麼主曰糶得盡師以拄杖畫一畫曰還糶得這箇麼主便喝師便打典座至師舉前話座曰院主不會和尚意師曰你又作麼生座禮拜師亦打○上堂一人在孤峯頂上無出身路一人在十字街頭亦無向背且道那箇在前那箇在後不作維摩詰不作傅大士珍重○有一老宿參便問禮拜即是不禮拜即是師便喝宿便拜師曰好箇草賊宿曰賊賊便出去師曰莫道無事好時首座侍立師曰還有過也無座曰有師曰賓家有過主家有過曰二俱有過師曰過在甚麼處座便出去師曰莫道無事好南泉問云官馬相隨頌師到京行化至一家門首曰家常添鉢有婆曰太無厭

歷機

西照用

行脚到龍光
三峯

生師曰飯也未嘗得何言太無厭生婆便閉却門頌
師陞堂有僧出師便喝僧亦喝便禮拜師便打頌趙
州遊方到院在後架洗脚次師便問如何是祖師西
來意州曰恰遇山僧洗脚師近前作聽勢州曰會即
便會啗啄作甚麼師便歸方丈州曰三十年行脚今
日錯爲人下註脚○師應機多用喝會下參徒亦學
師喝師曰汝等總學我喝我今問汝有一人從東堂
出一人從西堂出兩人齊喝一聲這裏分得賓主麼
汝且作麼生分若分不得已後不得學老僧喝○
示衆我有時先照後用有時先用後照有時照用同
時有時照用不同時先照後用有人先用後照有
法在照用同時驅耕夫之牛奪飢人之食敲骨取髓
痛下針錐照用不同時有問有答立賓立主合水和
泥應機接物若是過量人向未學已前掇起便行猶
較些子○師行脚時到龍光值上堂師出問不展鋒
鈍如何得勝光據坐師曰大善知識豈無方便光瞪
目曰嗔師以手指曰這老漢今日敗闕也○次到三
峯平和尙處平問甚處來師曰黃檗來平曰黃檗有

同普化證驗

何言句師曰金牛昨夜遭塗炭直至如今不見蹤平
曰金風吹玉管那箇是知音師曰直透萬重關不住
青霄內平曰子這一問太高生師曰龍生金鳳子衝
破碧瑠璃平曰且坐喫茶又問近離甚處師曰龍光
平曰龍光近日如何師便出去○麻谷問十二面觀
音那箇是正面師下禪牀擒住曰十二面觀音甚處
去也速道速道谷轉身擬坐師便打谷接住棒相捉
歸方丈○上堂僧問如何是佛法大意師豎起拂子
僧便喝師便打又僧問如何是佛法大意師亦豎拂
子僧便喝師亦喝僧擬議師便打乃曰大衆夫爲法
者不避喪身失命我於黃檗先師處三度問佛法的
的大意三度被打如蒿枝拂相似如今更思一頓誰
爲下手時有僧出曰某甲下手師度與拄杖僧擬接
師便打頌同普化赴施主齋次師問毛吞巨海芥納
須彌爲復是神通妙用爲復是法爾如然化趯倒飯
牀師曰太蠢生曰這裏是甚麼所在說蠢說細次日
又同赴齋師復問今日供養何似昨日化又趯倒飯
牀師曰得卽得太蠢生化喝曰瞎漢佛法說甚麼蠢

王常侍到僧堂

示滅

胡亂喝

細師乃吐舌頌師與王常侍到僧堂王問這一堂僧還看經麼師曰不看經曰還習禪麼師曰不習禪曰既不看經又不習禪畢竟作箇甚麼師曰總教伊成佛作祖去曰金屑雖貴落眼成翳師曰我將謂你是箇俗漢頌師上堂次兩堂首座相見同時下喝僧問師還有賓主也無師曰賓主歷然師召衆曰要會臨濟賓主句問取堂中二首座頌咸通八年丁亥師將示滅說傳法偈曰沿流不止問如何真照無邊說似他離相離名人不稟吹毛用了急須磨復謂衆曰吾滅後不得滅却吾正法眼藏三聖出曰爭敢滅却和尚正法眼藏師曰已後有人問你向它道甚麼聖便喝師曰誰知吾正法眼藏向這瞎驢邊滅却興化存獎禪師頌在三聖會裏爲首座常曰我向南方行脚一遭拄杖頭不曾撥著一箇會佛法底人三聖聞得問曰你具箇甚麼眼便恁麼道師便喝聖曰須是你始得後大覺聞學遂曰作麼生得風吹到大覺門裏來師後到大覺爲院主一日覺喚院主我聞你道向南方行脚一遭拄杖頭不曾撥著一箇會佛

開堂拈香

胡亂喝

法底你憑箇甚麼道理與麼道師便喝覺又打師又喝覺又打師來曰從法堂過覺召院主我直下疑你昨日這兩喝師又喝覺又打師再喝覺又打師曰某甲於三聖師兄處學得箇賓主句總被師兄折倒了也願與某甲箇安樂法門覺曰這瞎漢來這裏納敗關脫下衲衣痛打一頓師於言下薦得臨濟先師於黃檗處喫棒底道理師後開堂曰拈香曰此一炷香本爲三聖師兄三聖與我太孤本爲大覺師兄大覺與我太賒不如供養臨濟先師頌僧問四方八面來時如何師曰打中間底僧便禮拜師曰昨日赴箇村齋中途遇一陣卒風暴雨却向古廟裏躲避得過頌問僧甚處來曰崔禪處來師曰將得崔禪喝來否曰不將得來師曰恁麼則不從崔禪處來僧便喝師便打頌示衆我聞前廊下也喝後架裏也喝諸子汝莫盲喝亂喝直饒喝得興化向虛空裏却撲下來一點氣也無待我蘇息起來向汝道未在何故我未曾向紫羅帳裏撒真珠與汝諸人去在胡喝亂喝作麼頌雲居住三峯時師問權借一間以爲影草時如何居

興化打克賓

後唐莊宗

無對師云想和尚答這話不得不如禮拜了退二十
年後居云如今思量當時不消道箇何必後遣化主
到師處師問和尚住三峯庵時老僧問伊話對不得
如今道得也未主學前話師云雲居二十年祇道得
箇何必興化卽不然爭知道箇不必煩師謂克賓維
那曰汝不久爲唱導之師賓曰不入這保社師曰會
了不入不會了不入曰總不與麼師便打曰克賓維
那法戰不勝罰錢五貫設饋飯一堂次日師自白椎
曰克賓維那法戰不勝不得喫飯卽便出院頌師見
同參來纔上法堂師便喝僧亦喝師又喝僧亦喝師
近前拈棒僧又喝師曰你看這瞎漢猶作主在僧接
議師直打下法堂侍者請問適來那僧有甚觸忤和
尚師曰它適來也有權也有實也有照也有用及乎
我將手向伊面前橫兩橫到這裏却去不得似這般
瞎漢不打更待何時僧禮拜頌後唐莊宗車駕幸河
北回至魏府行宮詔師問曰朕取中原獲得一寶未
曾有人酬價師曰請陛下寶看帝以兩手舒雙頭脚
師曰君王之寶誰敢酬價

玄覺微云且道興化肯莊
宗不肯莊宗若肯莊宗與

嗣庵齊立

◆來一作著

嗣庵齊立

化眼在甚麼處若不
肯莊宗過在甚麼處

寶壽召禪師世第一頌僧問萬境來侵時如何師曰莫

管他僧禮拜師曰不要動著動著卽打折汝腰頌師
在方丈坐因僧問訊次師曰百千諸聖盡不出此方
丈內曰祇如古人道大千沙界海中漚未審此方丈
向甚麼處來師曰千聖現在世阿誰證明師便擲下
拂子僧從西過東立師便打僧曰若不久參焉知端
的師曰三十年後此話大行頌趙州來師在禪牀背
面而坐州展坐具禮拜師起入方丈州收坐具而出
頌師問僧甚麼處來曰西山來師曰見彌猴麼曰見師
曰作甚麼伎倆曰見甚麼一箇伎倆也作不得師便
打頌胡釘鉸參師問汝莫是胡釘鉸麼曰不敢師曰
還釘得虛空麼曰請和尚打破師便打胡曰和尚莫
錯打某甲師曰向後有多口阿師與你點破在胡後
到趙州舉前話州曰汝因甚麼被他打胡曰不知過
在甚麼處州曰祇這一縫尙不奈何胡於此有省趙
州曰且釘這一縫

三聖慧然禪師評頌至仰山山問汝名甚麼師曰慧

寂山曰慧寂是我名師曰我名慧然山大笑而已○
仰山因有官人相訪山問官居何位曰推官山豎起
拂子曰還推得這箇麼官人無對山令衆下語皆不
契時師不安在涅槃堂內將息山令侍者去請下語
師曰但道和尚今日有事山又令侍者問未審有甚
麼事師曰再犯不容頌師到德山纔展坐具山曰莫
展炊巾這裏無殘羹餽飯師曰總有也無著處山便
打師接住棒推向禪牀上山大笑師哭蒼天便下參
堂堂中首座號踢天泰問行脚高士須得本道公驗
作麼生是本道公驗師曰道甚麼座再問師打一坐
具曰這漆桶前後觸忤多少賢良座擬人事師便過
第二座人事頌住後上堂我逢人則出出則不爲人
便下座與化云我逢人則不出出則便爲人頌僧問如何是祖師西來
意師曰臭肉來蠅與化云破驢背上足蒼蠅○問僧近離甚處僧
便喝師亦喝僧又喝師又喝僧曰行棒即睹便喝師
拈棒僧乃轉身作受棒勢師曰下坡不走快便難逢
便棒僧曰這賊便出去師遂拋下棒次有僧問適來
爭容得這僧師曰是伊見先師來

臨濟立

臨濟立

魏府大覺和尚參臨濟濟纔見豎起拂子師展坐具
濟擲下拂子師收坐具參堂去時僧衆曰此僧莫是
和尚親故不禮拜又不喫棒濟聞說令侍者喚適來
新到上來師隨侍者到方丈濟曰大衆道汝來參長
老又不禮拜又不喫棒莫是老僧親故師乃珍重下
去頌師住後僧問如何是本來身師曰頭枕衡山脚
踏北嶽○問如何是佛法大意師曰良馬不窺鞭側
耳知人意○問如何是大覺師曰惡覺曰乖極師便
打
灌谿志閑禪師頌幼從柏巖後見臨濟濟烹芡攪住
師曰領領濟拓開曰且放汝一頓○師離臨濟至末
山語見末山○住後上堂我在臨濟爺爺處得半杓末山
孃孃處得半杓共成一杓喫了如今飽不饑頌僧問
久嚮灌谿到來祇見漚麻池師曰汝祇見漚麻池且
不見灌谿曰如何是灌谿師曰劈箭急○上堂十方
無壁落四畔亦無門露裸裸赤漚漚無可把便下座
○僧問如何是一色師曰不隨曰一色後如何師曰
有閹黎承當分也無

嗣臨濟立

紙衣和尚即克符也初問臨濟如何是奪人不奪境濟曰

煦日發牛鋪地錦嬰兒垂髮白如絲師曰如何是奪

境不奪人濟曰王令已行天下徧將軍塞外絕煙塵

師曰如何是人境俱奪濟曰并分絕信獨處一方師

曰如何是人境俱不奪濟曰王登寶殿野老謳歌師

四料揀并頌

於言下領旨有頌曰其奪人不奪境緣自帶諸訛擬

欲求玄旨思量反責麼驪珠光燦爛蟾桂影婆娑觀

面無差互還應滯網羅其奪境不奪人尋言何處真

問禪禪是妄究理理非親日烈寒光澹山搖翠色新

直饒玄會得也是眼中塵其人境兩俱奪從來正令

行不論佛與祖那說聖凡情擬把吹毛劍還如值木

盲進前求妙會特地斬精靈其人境俱不奪思量意

不偏主賓言少異問答理俱全踏破澄潭月穿開碧

落天不能明妙用淪溺在無緣○僧問如何是賓中

四賓主

賓師曰倚門傍戶猶如醉出言吐語不慚惶曰如何

是賓中主師曰口念彌陀雙拄杖目瞽瞍人不出頭

曰如何是主中賓師曰高提祖印當機用利物應知

語帶悲曰如何是主中主師曰橫按鐵鄒金正令太

嗣臨濟立

平寰宇斬癡頑曰既是太平寰宇爲甚麼却斬癡頑

師曰不許夜行剛把火直須當道與人看

定州善崔禪師頌州將王令公於衙署張座請師說

法師陞座拈拄杖曰出來也打不出來也打僧出曰

嗣臨濟立

崔禪師擲下拄杖曰久立令公伏惟尊重

幽州譚空和尚鎮州牧有姑爲尼行脚回欲開堂爲

人牧令師勸過師問曰見說汝欲開堂爲人是否尼

曰是師曰尼是五障之身汝作麼生爲人尼曰龍女

八歲南方無垢世界成等正覺又作麼生師曰龍女

有十八變你試一變看尼曰設使變得也祇是箇野

狐精師便打牧聞學乃曰和尚棒折那○僧問德山

棒臨濟喝未審那箇最親師曰已前在衆裏老僧也

嗣臨濟立

曾商量來僧便喝師曰却是汝會僧曰錯師便打

襄州歷村和尚僧問如何是觀其音聲而得解脫師

將火箸敲柴曰汝還聞麼曰聞師曰誰不解脫頌師

煎茶次僧問如何是祖師西來意師舉起茶匙僧曰

莫祇這便當否師擲向火中

嗣臨濟立

米倉禪師頌問僧近離甚處曰冀州太湖師曰闍黎

來時太湖向你道甚麼。曰：知道米倉路峻。師曰：到這裏又作麼生。曰：不異發足時道路。師曰：闍黎已孤太湖去在。曰：某甲亦不肯和尚恁麼道。師曰：來時路峻如今路平。曰：不妨和尚。此路師曰：漆桶裏漢有甚麼限增收。

嗣臨濟立

齊筌禪師僧問：如何是佛。師曰：老僧竝不知。曰：和尚是大善知識。爲甚麼不知。師曰：老僧不曾接下機。

嗣臨濟立

雲山和尚頌有僧從西京來。師問：還將得西京主人書來否。曰：不敢妄通消息。師曰：作家師僧天然有在。曰：殘羹餽飯誰喫。師曰：獨有闍黎不甘喫。其僧乃作吐勢。師喚侍者曰：扶出這病僧。著僧便出去。○師見僧來便作起勢。僧便出去。師曰：得甚麼靈利。僧便喝曰：作這箇眼目承嗣臨濟也太屈哉。師曰：且望闍黎善傳僧回首。師喝曰：作這箇眼目錯判諸方名言。隨後便打。

嗣臨濟立

虎谿庵主頌僧問：庵主在這裏多少年也。師曰：祇見冬凋夏長。年代總不記得。曰：大好不記得。師曰：汝道我在這裏得多少年也。曰：冬凋夏長。濟師曰：開市裏

嗣臨濟立

虎

桐峯庵主評頌僧問：和尚這裏忽遇大蟲作麼生。師便作大蟲吼。僧作怖勢。師大笑。僧曰：這老賊。師曰：爭奈老僧何。○有老人入山參師。曰：住在甚處。老人不語。師曰：善能對機。老人地上拈一枝草示師。師便喝。老人禮拜。師便歸。庵老人曰：與麼疑殺一切人在。杉洋庵主有僧到參。師問：阿誰。曰：杉洋庵主。師曰：是我僧便喝。師作噓聲。僧曰：猶要棒喫。在師便打。

嗣臨濟立

嗣臨濟立

無位真人

定上座評頌初參臨濟問：如何是佛法大意。濟下禪牀擒住師。擬議。濟與一掌。師佇思。傍僧曰：定上座何不禮拜。師方作禮。忽然大悟。頌古見臨濟章○後南遊路逢巖頭雪峯欽山三人。巖頭問上座：甚處來。師曰：臨濟來。巖曰：和尚萬福。師曰：和尚已順世也。巖曰：某甲三人特去禮拜。薄福不遇。不知和尚在。曰：有何言句。請上座舉一兩則。頌師遂舉臨濟上堂曰：赤肉團上有一無位真人。常在汝等諸人面門出入。未證據者看。看時有僧問：如何是無位真人。濟下禪牀擒住。曰：道。道。僧擬議。濟拓開曰：無位真人是甚麼。乾屎橛。巖頭

白拈賊

不覺吐舌雪峯曰臨濟大似白拈賊按頌古意臨濟章內欽山曰何不道赤肉團上非無位真人師便擒住曰無位真人與非無位真人相去多少速道速道欽山被擒直得面黃面青語之不得巖頭雪峯曰這新戒不識好惡觸忤上座且望慈悲師曰若不是這兩箇老漢壓殺這尿牀鬼子

副與化笑

南院慧願禪師亦曰頌上堂赤肉團上壁立千仞僧

實應

問赤肉團上壁立千仞豈不是和尚道師曰是僧便掀倒禪牀師曰這瞎驢亂作僧擬議師便打頌恩明和尚未住西院時到參禮拜了曰無可人事從許州來收得江西剃刀一柄獻和尚師曰汝從許州來爲甚却收得江西剃刀明把師手掐一掐師曰侍者收取明以衣袖拂一拂便行師曰阿刺刺阿刺刺頌上堂諸方祇具啐啄同時眼不具啐啄同時用僧便問如何是啐啄同時用師曰作家不啐啄啐啄同時失曰此猶未是某甲問處師曰汝問處作麼生僧曰失師便打其僧不肯後於雲門會下聞二時舉此話一僧曰當時南院棒折那其僧忽契悟遂奔回省覲師

啐啄之機

燈影裏行

已圓寂乃謁風穴穴一見便問上座莫是當時問先師啐啄同時話底麼僧曰是穴曰汝當時作麼生會曰某甲當時如在燈影裏行相似穴曰汝會也頌僧問古殿重興時如何師曰明堂瓦插簷曰與麼則莊嚴畢備也師曰斬草蛇頭落頌問僧名甚麼曰普參師曰忽遇屎橛作麼生僧便不審師便打○問僧近離甚麼處曰襄州師曰來作甚麼曰特來禮拜和尚師曰恰遇寶應老不在僧便喝師曰向汝道不在又喝作甚麼僧又喝師便打僧禮拜師曰這棒本是汝打我我且打汝要此話大行瞎漢參堂去○問僧近離甚麼處曰襄州師曰是甚麼物怎麼來曰和尚試道看師曰適來禮拜底曰錯師曰禮拜底錯箇甚麼曰再犯不容師曰三十年弄馬騎今日被驢撲瞎漢參堂去○僧問從上諸聖向甚麼處去師曰不上天堂則入地獄曰和尚又作麼生師曰還知寶應老漢落處麼僧擬議師打一拂曰你還知喫拂子底麼曰不會師曰正令却是你行又打一拂子頌問寒暑到來時如何一作日月迭遷寒暑謝師曰紫羅抹額繡腰裙還有不涉寒暑者麼

曰上上之機。今已曉。向下之機。事若何。師曰。炭庫裏藏身。增收。

守廓侍者。頌問德山曰。從上諸聖。向甚麼處去。山曰。作麼作麼。師曰。勅點飛龍馬。跋鱉出頭來。山便休去。來日浴出。師過茶與山。山於背上搯一下。曰。昨日公案作麼生。師曰。這老漢。今日方始瞥地。山又休去。○師行脚到襄州。華嚴和尚會下一日。嚴上堂曰。大眾。今日若是臨濟德山高亭大愚鳥窠船子兒孫。不用如何。若何。便請單刀直入。華嚴與汝證據。師出禮拜。起便喝嚴。亦喝師。又喝嚴。亦喝師。禮拜起曰。大眾看。這老漢一場敗闕。又喝一喝。拍手歸衆。嚴下座。歸方丈時。風穴作維那上去問訊。嚴曰。維那汝來也。叵耐守廓。適來把老僧扭捏。一上待集衆打一頓。趨出穴曰。趨他遲了也。自是和尙言過。他是臨濟下兒孫。本分恁麼嚴。方息怒。穴下來舉似師曰。你著甚來由勸這老漢。我未問前早耍棒。喫得我話行。如今不打搭却我話也。穴曰。雖然如是。已遍天下也。

西院思明禪師頌僧問。如何是伽藍師。曰。荊棘叢林。

曰。如何是境中人。師曰。籊兒貉子。許頌從漪上座到法席旬日。常自曰。莫道會佛法人。覓箇舉話底人也。無師聞而默之。漪異曰。上法堂次。師召從漪。漪舉首。師曰。錯。漪進三兩步。師又曰。錯。漪近前。師曰。適來兩錯。是上座錯。是思明老漢錯。曰。是從漪錯。師曰。錯。錯。乃曰。上座且在這裏過夏。共汝商量。這兩錯。漪不肯。便去。後住相州天平山。每舉前話曰。我行脚時。被惡風吹到汝州。有西院長老勸我。連下兩錯。更留我過夏。待共我商量。我不道恁麼時。錯我發足向南方去。時早知錯了也。

寶壽和尚^世二頌在先。寶壽爲供養主。壽問父母未生前還我本來面目。來師立至夜深下。語不契。翌日辭去。壽曰。汝何往。師曰。昨日蒙和尚設問。某甲不契。往南方參知識去。壽曰。南方禁夏不禁冬。我此間禁冬不禁夏。汝且作街坊過夏。若是佛法。闌闌之中。浩浩紅塵。常說正法師不敢違。一日街頭見兩人交爭。揮一拳曰。你得恁麼無面目。師當下大悟。走見寶壽。未及出語。壽便曰。汝會也不用說。師便禮拜。頌壽臨遷。

化時囑三聖請師開堂。師開堂日三聖推出一僧師便打。聖曰與麼爲人。非但瞎却這僧眼。瞎却鎮州一城人眼去在。法眼云甚麼處是瞎却人眼處。師擲下拄杖便歸方丈。

嗣三聖然

大悲和尚僧問。除上去下請師便道。師曰開口卽錯。曰。真是學人師也。師曰。今日向弟子手裏死。

嗣三聖然

水陸和尚僧問。如何是學人用心處。師曰。用心卽錯。曰。不起一念時。如何。師曰。沒用處。漢

嗣三聖然

澄心旻德禪師頌在興化。遇示衆曰。若是作家戰將。便請單刀直入。更莫如何。若何。師出禮拜起。便喝。化亦喝。師又喝。化亦喝。師禮拜歸衆。化曰。適來若是別人三十棒。一棒也較不得。何故爲他旻德。曾一喝不作一喝用。

嗣三聖然

魯祖山教禪師僧問。如何是祖師西來意。師曰。今日不答話。曰。大好。不答話。師便打。頌問。如何是雙林樹。師曰。有相身中無相身。曰。如何是有相身中無相身。師曰。金香爐下鐵崑崙。○問。如何是孤峯獨宿底人。師曰。半夜日頭明。日午打三更。○問。進向無門時。如

嗣紙衣符

嗣紙衣符

嗣南院顯

何師曰。太鈍生曰。不是鈍生。直下進向無門時。如何。師曰。靈機未會。論邊際。執法無門。在暗中。鎮州談空和尚僧問。格外之談。請師舉唱。師曰。隘路不通。風曰。莫祇這便是也。無師乃嘯嘯。際上座僧問。如何是佛法的大意。師曰。龍騰滄海。魚躍深潭。曰。畢竟如何。師曰。夜聞祭鬼鼓。朝聽上灘歌。

風穴延沼禪師參南院。入門不禮拜。院曰。入門須辨主。師曰。端的請師分。院於左膝拍一拍。師便喝。院於右膝拍一拍。師又喝。院曰。左邊一拍。且置。右邊一拍。作麼生。師曰。瞎院便拈棒。師曰。莫盲枷瞎棒。奪打和尚。莫言不道。院擲下棒曰。今日被黃面浙子鈍置一場。師曰。和尚大似持鉢不得。詐道不飢。院曰。闍黎曾到此間麼。師曰。是何言歟。院曰。老僧好好相借問。師曰。也不得放過。便下參衆了。却上堂頭禮謝。院曰。闍黎曾見甚麼人來。師曰。在襄州華嚴與鄺侍者同夏。院曰。親見作家來。頌院問。南方一棒作麼商量。師曰。作奇特商量。師却問和尚。此間一棒作麼商量。院拈

拄杖曰棒下無生忍。臨機不見師。師於言下大徹。玄旨遂依止六年。四衆請主風穴。又八年。李史君與合城士庶再請開堂演法矣。○上堂。夫參學眼目。臨機直須大用。現前勿自拘於小節。設使言前薦得。猶是滯礙。迷封總然。句下精通。未免觸途狂見。應是從前依他作解。明珠兩岐。與你一時掃却。直教箇箇如師子兒。吒呀地。哮吼一聲。壁立千仞。誰敢正眼覷著。覷著卽瞎。却渠眼時有僧問。如何是正法眼。師曰。卽便戳瞎。曰。戳瞎後如何。師曰。撈天摸地。評頌師在郢州。謁前請主李史君。留於衙內。度夏。普設大會。請師上堂。纔陞座。乃曰。祖師心印。狀似鐵牛之機。去卽印住。住卽印破。祇如不去不住。印卽是不印。卽是還有人道得麼。時有盧陂長老出問。學人有鐵牛之機。請師不搭印。師曰。慣釣鯨鯢。澄巨浸。却嗟蛙步。驅泥沙。陂佇思。師喝曰。長老何不進語。陂擬議。師便打一拂子。曰。還記得話頭麼。試舉看。陂擬開口。師又打一拂子。牧主曰。信知佛法與王法一般。師曰。見甚麼道理。牧主曰。當斷不斷。反招其亂。師便下座。頌上堂。僧問。如

一色難分

立一塵

何是佛。師曰。如何不是佛。曰。未曉玄言。請師直指。師曰。家住海門洲。扶桑最先照。頌問。如何是清淨法身。師曰。金沙灘頭馬郎婦。○問。一色難分。請師顯示。師曰。滿爐添炭。猶嫌冷。路上行人祇守寒。頌問。如何是道。師曰。五鳳樓前。曰。如何是道中人。師曰。問取皇城使。○問。摘葉尋枝。卽不問。直截根源。事若何。師曰。赴供凌晨去。開塘帶雨歸。頌問。隨緣不變者。忽遇知音時。如何。師曰。披莎側立千峯外。引水澆蔬五老前。評頌上堂。若立一塵。家國與盛野。老顰蹙。不立一塵。家國喪亡。野老安恬。於此明得。闍黎無分。全是老僧。於此不明。老僧却是闍黎。闍黎與老僧。亦能悟却。天下人亦能瞎却。天下人欲識闍黎麼。右邊一拍曰。這裏是欲識老僧麼。左邊一拍曰。這裏是○上堂。若是上上之流。各有證據。略赴箇程限。中下之機。各須英俊。當處出生。隨處滅盡。如爆龜紋。爆卽成。兆不爆成。鈍欲爆不爆。直下便捏。頌僧問。語默涉離微。如何道不犯。師曰。常憶江南三月裏。鷓鴣啼處百華香。○問。百了千當時。如何。師曰。不許夜行投明須到。○問。如何

四寶主

是賓中主師曰入市雙瞳瞽曰如何是主中賓師曰回鑾兩曜新曰如何是賓中賓師曰攢眉坐白雲曰如何是主中主師曰磨礮三尺劍待斬平不人○問如何是鑊頭邊意師曰山前一片青頰問如何是佛師曰杖林山下竹筋鞭

嗣南院

穎橋安禪師號鐵胡頌師與鍾司徒向火次鍾忽問三

界焚燒時如何出得師以香匙撥開火鍾擬議師曰司徒司徒鍾忽有省

嗣西院

興陽歸靜禪師初參西院便問擬問不問時如何院便打師良久院曰若喚作棒眉鬚墮落師於言下大悟

嗣風穴

晉山省念禪師常密誦法華經衆目爲念法華也晚於風穴會中充知客一日侍立次穴乃垂涕告之曰不幸臨濟之道至吾將墜地矣師曰觀此一衆豈無人耶穴曰聰敏者多見性者少師曰如某者如何穴曰吾雖望子之久猶恐就著此經不能放下師曰此亦可事願聞其要穴遂上堂舉世尊以青蓮目顧視大衆乃曰正當恁麼時且道說箇甚麼若道不說而

歌著此經

盡究言句

草賊大敗

說又是埋沒先聖且道說箇甚麼師乃拂袖下去穴擲拄杖歸方丈侍者隨後請益曰念法華因甚不祇對和尚穴曰念法華會也次日師與真園頭同上問訊次穴問真曰作麼生是世尊不說說真曰鵝鳩樹上鳴穴曰汝作許多癡福作麼何不體究言句又問師曰汝作麼生師曰動容揚古路不墮悄然機穴謂真曰汝何不看法華下語師受風穴印可之後泯跡韜光人莫知其所所以因白兆楚和尚至汝州宣化風穴令師往傳語纔相見提起坐具便問展即是不展即是兆曰自家看取師便喝兆曰我曾親近知識來未嘗輒敢恁麼造次師曰草賊大敗兆曰來日若見風穴和尚待一一舉似師曰一任一任不得忘却師乃先回舉似風穴穴曰今日又被你取下一員草賊師曰好手不張名兆次日纔到相見便舉前話穴曰非但昨日今日和賊捉敗師於是名振四方學者望風而靡開法首山爲第一世也頌僧問如何是學人親切處師曰五九盡日又逢春日畢竟事如何師曰冬到寒食一百五頌問如何是祖師西來意師

從此經出

風穴祖

賓主話

曰風吹日炙。頌問如何。是菩提路。師曰。此去襄縣五里。曰。向上事如何。師曰。往來不易。頌問。一切諸佛。皆從此經出。如何。是此經。師曰。低聲低聲。曰。如何受持。師曰。切不得汙染。此則頌古見聯珠第一卷金剛經章頌問。如何是古佛心。師曰。鎮州羅蔔重三斤。○問。如何是玄中的師。曰。有言須道却。曰。此意如何。師曰。無言鬼也。○問。如何是梵音相。師曰。驢鳴狗吠。乃曰。要得親切。第一莫將問來問。還會麼。問在答處。答在問處。汝若將問來問。老僧在汝脚底。汝若擬議。即沒交涉。時有僧出禮拜。師便打。僧便問。挂錫幽巖。時如何。師曰。錯。僧曰。錯。師又打。頌問。如何是佛。師曰。新婦騎驢阿家牽。曰。未審此語甚麼。句中收。師曰。三玄收不得。四句豈能該。曰。此意如何。師曰。天長地久。日月齊明。頌示衆曰。諸上座。不得盲喝亂喝。尋常向你道。賓則始終賓主。則始終主賓。無二賓主。無二主。若有二賓二主。兩箇即成瞎漢。所以我若立你須坐。我若坐你須立。坐則共你坐立。則共你立。雖然如是。急著眼。始得。○收。廣慧真禪師。嘗在風穴作園頭。穴問曰。會昌沙汰時。

首山念

西河師子

護法善神。向甚麼處去。師曰。常在閨闥中。要且無人識。穴曰。汝徹也。師禮拜。汾州善昭禪師。歷參知識七十一員。後到首山。問百丈卷席意旨。如何。山曰。龍袖拂開全體現。曰。師意如何。山曰。象王行處。絕狐蹤。師於言下大悟。拜起而曰。萬古碧潭空界月。再三撈撈始應知。有問者曰。見何道理。便爾自肯。師曰。正是我放身命處。後遊衡湘。及襄沔。問每爲郡守。以名利力致。前後八請。堅臥不答。泊首山。歿。西河道俗。遣僧契聰。近請住持。師閉關高枕。聰排闥而入。讓之曰。佛法大事。靖退小節。風穴懼。應識憂宗旨。墜滅幸而有先師。先師已棄世。汝有力荷擔。如來大法者。今何時而欲安眠哉。師矍起。握聰手曰。非公不聞此語。趣辦嚴吾行矣。○住後上堂。謂衆曰。汾陽門下有西河師子。當門而坐。但有來者。即便咬殺。有何方便。入得汾陽門。見得汾陽人。若見汾陽人。者堪與祖佛爲師。不見汾陽人。盡是立地死漢。如今還有人。入得麼。快須入取。免得孤負平生。不是龍門客。切忌遭點額。那箇是龍門客。一齊點下。舉起。

古人用心處

四轉語

三句

辨三玄三要

拄杖曰速退速退珍重○上堂先聖云一句語須具三玄門一玄門須具三要阿那箇是三玄三要底句快會取好各自思量還得穩當也未古德已前行脚聞一箇因緣未明中間直下飲食無味睡臥不安火急決擇莫將爲小事所以大覺老人爲一大事因緣出現於世想計他從上來行脚不爲遊山玩水看州府奢華片衣口食皆爲聖心未通所以驅馳行脚決擇深奧傳唱敷揚博問先知親近高德蓋爲續佛心燈紹隆祖代與崇聖種接引後機自利利他不忘先跡如今還有商量者麼有卽出來大家商量僧問如何是接初機底句師曰汝是行脚僧曰如何是辨禪僧底句師曰西方日出卯曰如何是正令行底句師曰千里持來呈舊面曰如何是立乾坤底句師曰北俱盧洲長縷米食者無貪亦無瞋乃曰將此四轉語驗天下衲僧纔見你出來驗得了也○問如何是學人著力處師曰嘉州打大像曰如何是學人轉身處師曰陝府灌鐵牛曰如何是學人親切處師曰西河弄師子乃曰若人會得此三句已辨三玄更有三要

四照用

四賓主

三訣

語在切須薦取不是等閑與大眾頌出三玄三要事難分得意忘言道易親一句明明該萬象重陽九月菊華新○上堂凡一句語須具三玄門每一玄門須具三要有照有用或先照後用或先用後照或照用同時或照用不同時先照後用且要共你商量先用後照你也須是箇人始得照用同時你作麼生當抵照用不同時你又作麼生湊泊○僧問如何是賓中賓師曰合掌庵前問世尊曰如何是賓中主師曰對面無傍侶曰如何是主中賓師曰陣雲橫海上拔劍攬龍門曰如何是主中主師曰三頭六臂擎天地忿怒那吒撲帝鐘○上堂汾陽有三訣衲僧難辨別更擬問如何拄杖驚頭喚時有僧問如何是三訣師便打僧禮拜師曰爲汝一時頌出第一訣接引無時節巧語不能詮雲綻青天月第二訣舒光辨賢哲問答利生心拔却眼中楔第三訣西國胡人說濟水過新羅北地用賓鐵復曰還有人會麼會底出來通箇消息要知遠近莫祇恁麼記語以當平生有甚麼利益不用久立珍重頌僧問如何是祖師西來意師

曰青絹扇子足風涼。頌上堂謂衆曰。夫說法者。須具十智同真。若不具十智同真。邪正不辨。縑素不分。不能與人天爲眼目。決斷是非。如鳥飛空而折翼。如箭射的而斷弦。斷故射的不中。翼折故空不可飛。弦壯翼牢。空的俱徹。作麼生是十智同真。與諸上座點出一同一質。二同大事。三總同參。四同真志。五同偏普。六同具足。七同得失。八同生殺。九同音吼。十同得入。又曰。與甚麼人同得入。與阿誰同音吼。作麼生是生殺。甚麼物同得失。阿那箇同具足。是甚麼同偏普。何人同真志。孰能總同參。那箇同大事。何物同一質。有點得出底麼。點得出者。不憖慈悲。點不出來。未有參學眼。在切須辨取要議。是非面目。現在不可久立。珍重。

葉縣歸省禪師。頌遊方參首山。山一日舉竹篋問曰。喚作竹篋。卽觸。不喚作竹篋。卽背。喚作甚麼。師掣得擲地上曰。是甚麼。山曰。瞎師。於言下豁然頓悟。○上堂。宗師血脉。或凡或聖。龍樹馬鳴。天堂地獄。鑊湯爐炭。牛頭獄卒。森羅萬象。日月星辰。他方此土。有情無

發語

意句

諸益柏樹子

嗣首山念

情以手畫一畫云。俱入此宗。此宗門中。亦能殺人。亦能活人。殺人須得殺人刀。活人須得活人句。作麼生是殺人刀。活人句。道得底出來。對衆道看。若道不得。卽孤負平生珍重。○上堂良久曰。夫行脚禪流。直須著付參學。須具參學眼。見地須得見。地句方有相親。分始得不被諸境惑。亦不落於惡道。畢竟如何。委悉有時句到。意不到。妄緣前塵。分別影事。有時意到句不到。如盲摸象。各說異端。有時意句俱到。打破虛空。界光明照十方。有時意句俱不到。無目之人。縱橫走。忽然不覺落深坑。○僧請益柏樹子話。師曰。我不辭與汝說。還信麼。曰。和尚重言。爭敢不信。師曰。汝還聞簷頭水滴聲。歷其僧豁然不覺失聲云。嚀。師曰。你見箇甚麼道理。僧便以頌對曰。簷頭水滴。分明歷歷。打破乾坤。當下心息。師乃忻然。頌問如何。是學人密用心處。師曰。關市輓毬子。曰。意旨如何。何師曰。薄請衆人看。增收。

神鼎洪謐禪師。自遊方一。藉以度寒暑。嘗與數耆舊至襄河間。一僧舉論宗乘。頗敏捷。會野飯。山店中供

食飯

辦而僧論說不已。師曰：三界唯心，萬法唯識。唯識唯心，眼聲耳色是甚麼人語？僧曰：法眼語。師曰：其義如何？曰：唯心故，根境不相到；唯識故，聲色擬然。師曰：舌味是根境否？曰：是。師以箸筴菜置口中，含胡而語曰：何謂相入耶？坐者駭然，僧不能答。師曰：途路之樂，終未到家，見解入微，不名見道。參須實參，悟須實悟。閻羅大王不怕多語，僧拱而退。○上堂：舉洞山曰：貪瞋癡太無知，賴我今朝識得伊。行便打坐，便毆分付心。王子細推無量劫，來不解脫。問汝三人，知不知？師曰：古人與麼道，神鼎則不然。貪瞋癡實無知，十二時中任從伊。行即往，坐即隨，分付心王，擬何爲？無量劫來元解脫，何須更問知不知？○僧問：撥塵見佛時如何？師曰：佛亦是塵。

圓首山志

谷隱蘊聰禪師即石門應初參百丈，恒和尚因結夏，百丈

上堂，舉中觀論曰：正覺無名，相隨緣。卽道場師便出問：如何是正覺無名？相丈曰：汝還見露柱麼？師曰：如何是隨緣？卽道場丈曰：今日結夏，頌次參首山。問學人親到寶山，空手同時，如何？山曰：家家門前火把子。

住持不易

石門三句

圓首山志

師於言下大悟，呈偈曰：我今二十七，訪道曾尋覓。今朝喜得逢要且，不相識。○後到大陽玄和尚，問：近離甚麼處？師曰：襄州陽。曰：作麼生？是不隔底？師曰：不。尚住持不易。陽曰：且坐。喫茶。師便參茶去。侍者問：適來新到，祇對住持不易，和尚爲甚麼教坐喫茶？陽曰：我獻他新羅附子，他酬我舶上茴香。你去問他，有語在。侍者請師喫茶，問：適來祇對和尚，道住持不易，意旨如何？師曰：眞鍮不博金。頌僧問：日往月來，遷不覺年。衰老還有不老者麼？師曰：有。曰：如何是不老者？師曰：虬龍筋力高，盤叫晚後精靈轉更多。○問：承古有言：祇者如今，誰動口？意旨如何？師曰：莫認驢鞍橋作阿爺下頷。○示衆：第一句道得，石裏迸出；第二句道得，挨拶將來；第三句道得，自救不了。○上堂：春景溫和，春雨普潤，萬物生芽，甚麼處不沾恩？且道：承恩力一句作麼生？道良久，曰：春雨一滴滑如油。廣慧元璉禪師頌到首山，山問：近離甚麼處？師曰：漢上山。豎起拳，曰：漢上還有這箇麼？師曰：這箇是甚麼？碗鳴聲。山曰：瞎。師曰：恰是拍一拍，便出。他日又問學人：

親到寶山空手同時。如何山曰。家家門前火把子。師

當下大悟云。某甲不疑天下老和尚舌頭也。山曰。汝

會處作麼生。與我說來看。師曰。祇是地上水礪砂也。

山曰。汝會也。師便禮拜。○上堂。臨濟兩堂首座相見。

同時下喝。諸人且道。還有賓主也。無若道有祇是箇

瞎漢。若道無亦是箇瞎漢。不有不無。萬里崖州。若向

這裏道得也好。與三十棒。若道不得亦與三十棒。禪

僧家到這裏作麼生出得。山僧圈禪去良久曰。苦哉。

蝦蟆蚯蚓。踴跳上三十三天。撞著須彌山。百雜碎。拈

拄杖曰。一隊無孔鐵鎚。速退速退。僧問。如何是祖師

西來意。師曰。竹竿頭上。囉紅旗。

嗣首山念

三交智嵩禪師師唐明頌參首山問。如何是佛法的的。

大意。山曰。楚王城畔。汝水東流。師於此有省。頓契佛

意。乃作三玄偈曰。其須用直須用心。意莫定動。三歲

師子吼。十方沒狐種。二其我有真如性。如同幕裏。隱打

破六門。關顯出毗盧印。三其真骨金剛體。可誇六塵一

拂。永無遮。廓落世界空。為體體上無為真。到家山間。

乃請喫茶。問這三頌是汝作來耶。師曰。是山曰。或有

人教汝現三十二相時。如何。師曰。某甲不是野狐精。

山曰。惜取眉毛。師曰。和尚落了多少山。以竹筴頭上

打曰。這漢向後亂作去在。○上堂。文殊仗劍五臺。橫

行唐明一路。把斷諸訛。三世諸佛未出教。乘網底遊

魚。龍門難渡。垂釣四海。祇釣獐龍。格外玄談。為求知

識。若也舉揚宗旨。須彌直須粉碎。若也說佛說祖。海

水便須枯竭。寶劍揮時。毫光萬里。放汝一路。通方說

話。把斷咽喉。諸人甚處出氣。

仁王處評禪師問首山。如何是佛法大意。山便喝。師

禮拜。山拈棒。師曰。老和尚沒世界。那山拋下拄杖曰。

明眼人難護。師曰。草賊大敗。

丞相王隨居士謁首山。得言外之旨。自爾履踐深明。

大法。臨終書偈曰。盡堂燈已滅。彈指向誰說。去住本

尋常。春風掃殘雪。

會元十一卷終

石霜楚圓慈明禪師聞汾陽道望。遂住謁焉。陽顧而

默契之。經二年未許入室。每見必罵詈。或毀詆。諸方

及有所訓。皆流俗鄙事。一夕訴曰。自至法席。已再夏。

不蒙指示。但增世俗塵勞。念歲月飄忽。已事不明。失

一本卷十
二 汾陽語略

嗣首山念

嗣首山念

道出常情

見楊大年

爲人一句

李遂易問話

出家之利語未卒。陽執視罵曰：是惡知識。敢裨販我。怒舉杖逐之。師擬伸救。陽掩師口。乃大悟曰：是知臨濟道出常情。服役七年。辭去。依唐明嵩禪師。嵩謂師曰：楊大年內翰。知見高入道。穩實子不可不見。師乃往見大年。年問曰：對面不相識。千里却同風。師曰：近奉山門。請年曰：真箇脫空。師曰：前月離唐。明年曰：適來悔相問。師曰：作家年。便喝。師曰：恰是年。復喝。師以手畫一畫。年吐舌曰：真是龍象。師曰：是何言。歟。年喚客司點茶來。元來是屋裏人。師曰：也不消得。頌年又問：如何是上座爲人一句。師曰：切。年曰：與麼則長裙新婦拖泥走。師曰：誰得似內翰。年曰：作家作家。師曰：放你二十棒。年搥膝曰：這裏是甚麼。所在。師拍掌曰：也不得放過。年大笑。○文問：記得唐明當時悟底。因緣麼。師曰：唐明問首山如何是佛法的大意。山曰：楚王城畔。汝水東流。年曰：祇如此。語意旨如何。師曰：水上挂燈。年曰：與恁則孤負古人去也。師曰：內翰疑則別參。年曰：三脚蝦蟆跳上天。師曰：一任蹠跳。年乃大笑。館于齋中。日夕質疑證頌。李附馬問我聞

謁神鼎

慈明三句

西河有金毛師子。是否。師曰：甚麼處得者消息。公便喝。師曰：野干鳴。公又喝。師曰：恰是公大笑。頌僧問：如何是佛。師曰：水出高原。○師謁神鼎。鼎首山高弟。望尊一時。衲子非人類。精奇無敢登其門者。住山三十年。門弟子氣吞諸方。師髮長不剪。弊衣楚音。通謁稱法姪。一衆大笑。鼎遣童子問長老。誰之嗣。師仰視屋曰：親見汾陽來。鼎杖而出。顧見頌。然問曰：汾州有西河師子。是否。師指其後絕叫曰：屋倒矣。童子返走。鼎回顧相矚。鑠師地坐。脫隻履而視之。鼎老忘所問。又失師所在。師徐起整衣。且行且語曰：見面不如聞名。遂去。鼎遣人追之。不可。歎曰：汾州乃有此兒耶。師自是名重叢林。○後住道吾上堂。先寶應曰：第一句薦得堪與祖佛爲師。第二句薦得堪與人天爲師。第三句薦得自救不了。道吾則不然。第一句薦得和泥合水。第二句薦得無繩自縛。第三句薦得四稜著地。所以道起也。海晏河清。行人避路。住也。乾坤失色。日月無光。汝輩向甚麼處出氣。如今還有出氣者麼。有卽出來對衆出氣。看如無道。言爲汝出氣去也。乃噓一

示衆

羅處境界

異化變異

聲卓拄杖下座○上堂道吾打鼓四大部洲同參拄杖橫也挑括乾坤大地鉢盂覆也蓋却恒沙世界且問諸人向甚麼處安身立命若也知得向北俱盧洲喫粥喫飯若也不知長連牀上喫粥喫飯○示衆以拄杖擊禪牀一下云大衆還會麼不見道一擊忘所知更不假修持諸方遠道者咸言上上機香嚴恁麼悟去分明悟得如來禪祖師禪未夢見在且道祖師禪有甚長處若向言中取則悞賺後人直饒棒下承當孤負先聖萬法本閑惟人自開所以山僧居福嚴祇見福嚴境界晏起早眠有時雲生碧嶂月落寒潭音聲鳥飛鳴般若臺前娑羅華香散祝融峯畔把瘦筇坐盤石與五湖衲子時話玄微灰頭土面住異化祇見異化家風迎來送去門連城市車馬駢闐漁唱櫓潮猿啼嶽麓絲竹哥謠時時入耳復與四海高人日談禪道歲月都忘且道居深山住城郭還有優劣也無試道看良久云是處是慈氏無門無善財須僧問行脚不逢人時如何師曰釣絲絞水須師室中插劍一口以草鞋一對水一盆置在劍邊每見入室卽

別汾陽昭

見聞覺知

曰看看有至劍邊擬議者師曰險喪身失命也便喝出頌師冬日勝僧堂作此字三三三三三几脚袖其注曰若人識得不離四威儀中首座見曰和尚今日放參師聞而笑之頌師問顯英上座近離甚麼處曰金鑾師曰夏在甚麼處曰金鑾師曰去夏在甚麼處曰金鑾師曰前夏在甚麼處曰金鑾師曰先前夏在甚麼處曰何不領話師曰我也不能勘得你教庫下奴子勸你且點一盞茶與你濕簷增收

瑯琊慧覺禪師僧問如何是佛師曰銅頭鐵額曰意旨如何師曰鳥鶩魚腮○上堂奇哉十方佛元是眼中花欲識眼中花元是十方佛欲識十方佛不是眼中花欲識眼中花不是十方佛於此明得過在十方佛於此未明聲聞起舞獨覺臨粧珍重○上堂見聞覺知俱爲生死之因見聞覺知正是解脫之本譬如師子返擲南北東西且無定止汝等諸人若也不會且莫孤負釋迦老子吽○上堂山僧今日爲諸人說破明眼衲僧莫去泥裏打坐珍重○上堂剪除狂寇掃蕩擒擒是功勳邊事君臣道合海晏河清猶是

通方句

通方句

通方句

法身邊事作麼生是禪僧本分事良久曰透網金鱗
猶滯水回頭石馬出沙籠○上堂承言須會宗勿自
立規矩若人下得通方句我當剎頸而謝之○上堂
擊水魚頭痛穿林宿鳥驚黃昏不擊鼓日午打三更
諸禪德既是日午爲甚却打三更良久曰昨見垂楊
綠今逢落葉黃頌上堂汝等諸人在我這裏過夏與
你點出五般病一不得向萬里無寸草處去二不得
孤峯獨宿三不得張弓架箭四不得物外安身五不
得滯於生殺何故一處有滯自救難爲五處若通方
名導師汝等諸人若到諸方遇明眼作者與我通箇
消息貴得祖風不墜若是常徒即便寢息何故裸形
國裏誇服飾想君太煞不知時○上堂拈拄杖曰盤
山道向上一路滑南院道壁立萬仞險臨濟道石火
電光鈍瑯琊有定乾坤底句各各高著眼卓拄杖下
座

大愚守芝禪師上堂大愚相接大雄係五湖雲水競
頭奔競頭奔有何門擊箭寧知枯木存枯木存一年
還曾兩度春兩度春帳裏眞珠撒與人撒與人思量

通方句

也是慕西秦○上堂豎窮三際橫徧十方拈起也帝
釋心驚放下也地神膽戰不拈不放喚作甚麼自云
蝦蟆○上堂三世諸佛不知有狸奴白牯却知有乃
拈起拂子云狸奴白牯總在這裏放光動地何謂如
此兩段不同頌僧問如何是佛師曰鋸解秤錘
法華全舉禪師到大愚芝和尚處處問古人見桃華
意作麼生師曰曲不藏直曰那箇且從這箇作麼生
師曰大街拾得金四隣爭得知曰上座還知麼師曰
路逢劍客須呈劍不是詩人不獻詩曰作家詩客師
曰一條紅線兩人牽曰玄沙道諦當甚諦當敢保老
兄未徹在又作麼生師曰海枯終見底人死不知心
曰却是師曰樓閣凌雲勢峯巒疊翠層頌到瑯琊覺
和尚處瑯琊問近離甚處師曰兩湖曰船來陸來師曰
船來曰船在甚處師曰步下曰不涉程途一句作麼
生道師以坐具撼一撼曰杜撰長老如麻似粟拂袖
而出瑯琊問侍者此是甚麼人者曰舉上座瑯琊曰莫是
舉師叔麼先師教我尋見伊遂下且過問上座莫是
舉師叔麼莫怪適來相觸忤師便喝復問長老何時

到汾陽瑯曰某時到師曰我在澗江早聞你名元來

見解祇如此何得名播寰宇瑯遂作禮曰某甲罪過

○僧問如何是奪人不奪境師曰白菊乍開重日暖

百年公子不逢春曰如何是奪境不奪人師曰大地

絕消息倏然獨任真曰如何是人境兩俱奪師曰草

荒人變色凡聖兩齊空曰如何是人境俱不奪師曰

清風與明月野老笑相親○上堂鐘鳴鼓響鵲噪鴉

鳴爲你諸人說般若講涅槃了也諸人還信得及麼

觀音菩薩向諸人面前作大神通若信不及却往他

方救苦利生去也○上堂語漸也返常合道論頓也

不留朕迹直饒論其頓返其常也是抑而爲之

芭蕉谷泉禪師頌省同參慈明禪師明問白雲橫谷

口道人何處來師左右顧視曰夜來何處火燒出古

人墳明曰未在更道師作虎聲明以坐具便據師接

住推明置禪牀上明却作虎聲師大笑曰我見七十

餘員善知識今日始遇作家○慈明遷住福嚴師又

往省之少留而還作偈寄之曰相別而今又半年不

知誰共對談禪一般秀色湘山裏汝自匡徒我自眠

詞粉錄

歐陽文忠公

歐陽修請因
基說法

天聖皓泰禪師到瑯瑯問埋兵掉闕未是作家匹

馬單鎗便請相見師指瑯曰將頭不猛帶累三軍瑯

打師一坐具師亦打瑯一坐具瑯接住曰適來一坐

具是山僧令行上座一坐具落在甚麼處師曰伏惟

尙饗瑯拓開曰五更侵早起更有夜行人師曰賊過

後張弓瑯曰且坐喫茶頌僧問如何是佛師曰黑漆

聖僧

浮山法遠禪師號遠頌僧問如何是祖師西來意師

曰平地起骨堆○歐陽文忠公問師奇逸造其室未

有以異之與客基師坐其旁文忠遽收局請因基說

法師即令搥鼓陞座曰若論此事如兩家著基相似

何謂也敵手知音當機不讓若是緩五饒三又這一

路始得有一般底祇解閉門作活不會奪角衝關硬

節與虎口齊彰局破後徒勞綽幹所以道肥邊易得

瘦肚難求思行則往往失粘心塵而時時頭撞休誇

國手謾說神僊贏局輸籌即不問且道黑白未分時

一著落在甚麼處良久曰從來十九路迷悟幾多人

文忠加歎從容謂同僚曰修初疑禪語爲虛誕今日

摩詰三日

淨山九帶

開寶縣志

見此老機緣所得所造非悟明於心地。安能有此妙旨哉。○上堂。諸佛出世。建立化門。不離三身智眼。亦如摩醯首羅三日。何故一隻水泄不通。縑素難辨。一隻大地全開。十方通暢。一隻高低一顧。萬類齊瞻。雖然。若是本分衲僧。陌路相逢。別具通天正眼。始得所以。道三世諸佛。不知有狸奴。白牯。却知有且道。狸奴白牯。知有箇甚麼事。要會麼。深秋簾幕千家雨。落日樓臺一笛風。○師暮年休於會聖巖。敘佛祖興義作九帶。曰。佛正法眼。帶佛法藏。帶理貫帶事。貫帶理事。縱橫帶屈曲。垂帶妙叶。兼帶金針。雙鎖帶平懷。常實帶學者。既已傳誦。師曰。若據圓極法門。本具十數。今此九帶。已爲諸人說了。更有一帶。還見得麼。若也見得親切。分明。却請出來對衆說看。說得分明。許汝通前九帶。圓明道眼。若也不親切。證不相應。唯依吾語而爲已。解則名謗。法語人到此。如何衆無語。師叱之而去。

寶應昭禪師上堂。十二時中。許你一時絕學。卽是學佛法。不見阿難多聞第一。却被迦葉擯出。不得結集。

開寶縣志

開谷隱隱

父母未生時

執事契理

方知聰明博學。記持憶想。向外馳求。與靈覺心轉沒交涉。五蘊藏中。透漏不過。順情生喜。違情生怒。蓋覆深厚。自纏自縛。無有解脫。流浪生死。六根爲患。衆苦所逼。無自由分。而被妄心。於中主宰。大丈夫兒。早擲取好喝一喝。曰。參。

大乘慧果禪師。僧問。撥塵見佛時。如何。師曰。撥塵卽乖。見佛卽錯。曰。總不如是。時如何。師曰。錯。

金山曇穎達觀禪師。首謁大陽玄禪師。遂問洞山特設偏正。君臣意。明何事。陽曰。父母未生時。事師曰。如何。體會。陽曰。夜半正明。天曉不露。師罔然。遂謁谷隱。舉前話。隱曰。大陽不道。不是祇是口門窄。滿口說未盡。老僧卽不然。師問。如何是父母未生時。事隱曰。糞毬子。師曰。如何是夜半正明。天曉不露。隱曰。牡丹華下睡。貓兒師。愈疑駭。一日。普請。隱問。今日運薪。師曰。然。隱曰。雲門問。僧人搬柴。柴搬人。如何。會。師無對。隱曰。此事如人學書。點畫可效。者工。否者拙。蓋未能忘法耳。當筆忘手。手忘心。乃可也。師於是默契良久。曰。如石頭工。執事元是迷契理。亦非悟隱。曰。汝以爲

藥語爲病語。師曰：是藥語。隱呵曰：汝以病爲藥，又安可哉？師曰：事如函得，蓋理如箭直，鋒妙寧有加者？而猶以爲病，實未喻旨。隱曰：妙至是，亦祇明理事。祖師意旨，智識所不能到。別事理能盡乎？故世尊云：理障礙正知見，事障續諸生死。師恍如夢覺，曰：如何受用？隱曰：語不離窠臼，安能出？蓋繼師歎曰：纔涉唇吻，便落意思，盡是死門，終非活路。○示衆曰：纔涉唇吻，便落意思，盡是死門，俱非活路，直饒透脫，猶在沉淪。莫教孤負平生虛度。此世要得不孤負平生麼？拈拄杖卓一下曰：須是莫被拄杖瞞始得。看看拄杖子穿過諸人，觸體踴躍，跳入你鼻孔裏去也。又卓一下。○上堂大衆集定，有僧纔出禮拜，師曰：欲識佛性義當觀時節。因緣僧便問：如何是時節？因緣師便下座。○問：如何是奪人不奪境？師曰：家裏已無，回日信路遙空。有望鄉脾，曰：如何是奪境不奪人？師曰：滄海盡教枯見底，青山直得輾爲塵。曰：如何是人境兩俱奪？師曰：天地尙空，秦日月山河不見。漢君臣曰：如何是人境俱不奪？師曰：鶯囀千林花滿地，客游三月草侵天。

嗣谷隱

嗣谷隱

嗣谷隱

嗣谷隱

嗣谷隱

仁壽珍禪師上堂，明明無悟，有法即迷。日上無雲，麗天普照，眼中無翳，空本無花。無智人前，不得錯舉。參承慶普禪師初問谷隱：古人道來，曰大悲院裏有齋意旨如何？曰：日出隈陽，坐天寒不舉頭。師入室，次隱曰：適來因緣，汝作麼生會？師曰：會則途中受用，不會則世諦流布。曰：未在。更道。師拂袖便出。駙馬都尉李遵勗居士謁谷隱，問出家事。隱以崔趙公問徑山公案答之。公於言下大悟，作偈曰：學道須是鐵漢，著手心頭，便判直趣無上菩提。一切是非莫管。

英公夏竦居士自契機於谷隱，曰：與老衲游，偶上藍薄禪師至，公問百骸潰散時那箇是長老？自家底藍曰：前月二十離斬陽，公休去。藍却問百骸潰散時那箇是相公？自家底公便喝。藍曰：喝則不無，畢竟那箇是相公？自家底公對以偈曰：休認風前第一機，太虛何處著思惟。山僧若要通消息，萬里無雲月上時。藍曰：也是弄精魂。華嚴道隆禪師初參石門徹和尚，問曰：古者道但得

隨處安閑自然合他古轍雖有此語疑心未歇時如何門曰知有乃可隨處安閑如人在州縣住或聞或見千奇百怪他總將作尋常不知有而安閑如人在村落住有少聲色則驚怪傳說師於言下有省門盡授其洞上厥旨後爲廣慧嗣一日福嚴承和尚問曰禪師親見石門如何却嗣廣慧師曰我見廣慧渠欲剃髮使我擎凳子來慧曰道者我有凳子詩聽取乃曰放下便平穩我時便肯伊因敘在石門處所得廣慧曰石門所示如百味珍羞祇是飽人不得

文公楊億居士字大年頌出守汝州首謁廣慧慧接見公便問布鼓當軒擊誰是知音者慧曰來風深辨公曰恁麼則禪客相逢祇彈指也慧曰君子可人公應諾諸慧曰草賊大敗夜語次慧曰秘監曾與甚人道話來公曰某嘗聞雲巖諒監寺兩箇大蟲相咬時如何諒曰一合相某曰我祇管看未審恁麼道還得麼慧曰這裏即不然公曰請和尚別一轉語慧以手作拽鼻勢曰這畜生更踉跳在公於言下脫然無疑有偈曰八角磨盤空裏走金毛師子變作狗擬欲將

大年置一百問

石門語

情識未透

身北斗藏應須合掌南辰後頌公問廣慧曰承和尚有言一切罪業皆因財寶所生勸人踈於財利況南閻浮提衆生以財爲命卽國以財聚人教中有財法二施何得勸人踈財乎慧曰幡竿尖上鐵籠頭公曰海壇馬子似驢大慧曰楚雞不是丹山鳳公曰佛滅二千歲比丘少慚愧公置一百問請廣慧答慧一一答回○公問李都尉曰釋迦六年苦行成得甚麼事尉曰擔折知柴重公復行其師承密語寄李翰林翠巖可真禪師嘗參慈明因之金鑾同善侍者坐夏善乃慈明高弟道吾真楊岐會皆推伏之師自負親見慈明天下無可意者善與語知其未微笑之一日山行舉論鋒發善拈一片瓦礫置盤石上曰若向這裏下得一轉語許你親見慈明師左右視擬對之善叱曰佇思停機情識未透何曾夢見師自愧悚即還石霜慈明見來叱曰本色行脚人必知時節有甚慈事夏未了早已至此師泣曰被善兄毒心終礙害人故來見和尚明遽問如何是佛法大意師曰無雲生嶺上有月落波心明瞋目喝曰頭白齒豁猶作這箇

見解如何脫離生死。師悚然求指示。明日汝問我師。理前語問之。明震聲曰。無雲生嶺上。有月落波心。師於言下大悟。師爽氣逸出。機辨迅捷。叢林憚之。○僧問。如何是學人轉身處。師曰。一堵牆。百堵調曰。如何是學人著力處。師曰。千日斫柴。一日燒。曰。如何是學人親切處。師曰。渾家送上渡頭船。○上堂。舉龍牙頌曰。學道如鑽火。逢煙未可休。直待金星現。歸家始到頭。神鼎曰。學道如鑽火。逢煙即便休。莫待金星現。燒脚又燒頭。師曰。若論頓也。龍牙正在半途。若論漸也。神鼎猶少悟。在於此復。且如何。諸仁者。今年多落葉。幾處掃歸家。○上堂。舉僧問。巴陵如何是道。陵曰。明眼人落井。又問。寶應如何是道。應曰。五鳳樓前。又問。首山如何是道。山曰。脚下深三尺。此三轉語。一句壁立千仞。一句陸地行船。一句賓主交參。諸人莫有深得者麼。出來道看。如無。且行羅漢。慈破結賊。故行菩薩。慈安衆生。故行如來。慈得如相。故。蔣山贊元禪師三歲出家。七歲爲僧。十五遊方。遠造石霜。陞於丈室。慈明一見。曰。好好著。槽廠師遂作驢。

安石頌

遷化安石
哭

關石雜圖

鳴。明日眞法器耳。俾爲侍者二十年。中運水搬柴。不憚寒暑。悉已躬親。求道後出世。蘇臺天峯。龍華白雲。府帥請居誌公道場。提綱宗要。機鋒迅敏。解行相應。諸方推服。○丞相王公安石重師德。望特奏章服誦。號公又堅辭鼎席。結廬定林山中。與師蕭散林下。清談終日。贈師頌曰。不與物違眞道。廣每隨緣起自禪。深舌根已淨。誰能壞足跡。如空我得尋。此亦明世希有事也。○元祐元年。師乃遷化。丞相王公慟哭于塔。讚師眞曰。賢哉人也。行厲而容寂。知言而能默。譽榮弗喜。辱毀弗戚。弗矜弗克。人自稱德。有緇有白。來自南北。弗順弗逆。弗抗弗抑。弗觀汝華。唯食已實。孰其嗣之。我有遺則。

大寧道寬禪師上堂。無念爲宗。無住爲本。眞空爲體。妙有爲用。所以道盡大地是眞空。徧法界是妙有。且道是甚麼人用得。四時運用。日月常明。法本不遷。道無方所。隨緣自在。逐物昇沉。此土他方。入凡入聖。雖然如是。且道入鄉隨俗。一句作麼生道。良久曰。西天梵語。東土唐言。○僧問。如何是露地白牛。師以火箸。

銅石霜圖

插火爐中曰會麼曰不會師曰頭不欠尾不剩

道吾悟真禪師上堂師子兒哮吼龍馬駒踴跳古佛

鏡中明三山孤月皎遂作舞下座○上堂舉洞山道

五臺山上雲蒸飯佛殿塔前狗尿天刹竿頭上煎餿

子三箇胡獼夜簸錢老僧即不然三面狸奴脚踏月

兩頭白牯手拏煙戴冠碧兔立庭柏脫殼烏龜飛上

天老僧葛藤盡被汝諸人覷破了也洞山老人甚是

奇特雖然如是祇行得三步四步且不過七跳八跳

且諸語訛在甚麼處老僧今日不惜眉毛一時布施

良久曰叮嚀損君德無言真有功任從滄海變終不

爲君通○上堂古人道認著依前還不是實難會土

宿額下髭鬚多波斯眼深鼻孔大甚奇怪歛然透過

新羅界○僧問如何是第一立師曰釋尊光射阿難

肩曰如何是第二立師曰孤輪衆象攢曰如何是第

三立師曰泣向枯桑淚漣漣曰如何是第一要師曰

最好精麤照曰如何是第二要師曰閃電乾坤光晃

曜曰如何是第三要師曰路夾青松老○上堂舉僧

問首山如何是佛山曰新婦騎驢阿家牽師曰手提

銅石霜圖

銅石霜圖

進心珠歌

銅石霜圖

巴鼻脚踏尾仰面看天聽流水天明送出路傍邊夜

靜還歸茅屋裏○問僧甚麼處來曰堂中來師曰聖僧

道甚麼僧近前不審師曰東家作驢西家作馬曰遇

在甚麼處師曰萬里崖州

廣法源禪師上堂春雨微微簷頭水滴聞聲不悟歸

堂面壁○上堂若論此事切莫道著道著即頭角生

有僧出曰頭角生也師曰禍事曰某甲罪過師曰龍

頭蛇尾伏惟珍重

靈隱德章禪師 仁宗皇帝詔師於延春閣下齋宣

普照大師問如何是當機一句師曰一言迥出青霄

外萬仞峯前險處行曰作麼生是險處行師便喝曰

皇帝面前何得如此師曰也不得放過○師進心珠

歌曰心如意心如意任運隨緣不相離但知莫向外

邊求外邊求終不是枉用工夫隱真理識心珠光曜

日秘藏深密無形質拈來掌內衆人驚二乘精進爭

能測碧眼胡須指出臨機妙用何曾失尋常切忌與

人看大地山河動岌岌

定慧超信海印禪師僧問如何是第一句師曰那叱

明眼師

忿怒曰如何是第二句師曰衲僧罔措曰如何是第三句師曰西天此土○上堂若識般若即被般若縛若不識般若亦被般若縛識與不識拈放一邊却問諸人如何是般若體參堂去

明眼師

勸潭月禪師僧問修多羅教如標月指未審指箇甚麼師曰請高著眼曰曙色未分人盡望及乎天曉也尋常師曰年衰鬼弄人

明眼師

姜山方禪師僧問如何是一塵入正受師曰蛇銜老鼠尾曰如何是諸塵三昧起師曰鼈咬釣魚竿曰恁麼則東西不辨南北不分去也師曰堂前一盤夜明燈簾外數莖青瘦竹○問諸佛未出世時如何師曰不識酒望子曰出世後如何師曰釣魚船上贈三椎○上堂不是道得道不得諸方盡把爲奇特寒山燒火滿頭灰笑罵豐干這老賊

明眼師

白鹿端禪師僧問凝然湛寂時如何師曰不是閑絮安身立命處曰如何是學人安身立命處師曰雲有出山勢水無投澗聲
眞如方禪師參瑯琊唯看柏樹子話每入室陳其所

明眼師

見不容措辭常被喝出忽一日大悟直入方丈曰我會也瑯琊曰汝作麼生會師曰夜來牀薦暖一覺到天明瑯琊可之

清淨本然

明大愚

長水子璿講師嘉禾人也自落髮誦楞嚴不輟從洪敏法師講至動靜二相了然不生有省謂敏曰敲空擊木亦作尚落筌蹄舉目揚眉已成擬議去此二途方契斯旨敏拊而證之然欲探禪源罔知攸往聞琅琊道重當世即趨其席值上堂次出問清淨本然云何忽生山河大地琅琊憑陵答曰清淨本然云何忽生山河大地師領悟禮謝曰願侍巾瓶琅琊謂曰汝宗不振久矣且勵志扶持報佛恩德勿以殊宗爲介也乃如教再拜以辭後住長水承稟曰願衆曰道非言象得禪非擬議知會意通宗旨無別致由是一宗仰之臂疏楞嚴等經盛行于世

雲峯文悅禪師頌初造大愚問示衆曰大家相聚喫莖盡若喚作一莖盡入地獄如箭射便下座師大駭○夜造方丈愚問來何所求師曰求心法愚曰法輪未轉食輪先轉後生趣色力健何不爲衆乞食我忍

飢不暇何暇爲汝說禪乎師不敢違未幾愚移翠巖師納疏罷復過翠巖求指示巖曰佛法未到爛却雪寒且爲衆乞炭師亦奉命罷復造万丈巖曰堂司國人今以煩汝師受之不樂恨巖不去心地坐後架桶籬忽散自架墮落師忽然開悟頓見巖用處走搭袈裟上寢堂巖迎笑曰維那且喜大事了畢師再拜不及吐一辭而去服勤八年後出世翠巖時首座願衆出迎問曰德山宗乘卽不問如何是臨濟大用師曰你甚處去來座擬議師便掌座擬對師喝曰願衆歸去自是一衆畏服○僧問萬法歸一一歸何所師曰黃河九曲曰如何是第一句師曰垂手過膝曰如何是第二句師曰萬里崖州曰如何是第三句師曰糞箕掃帚○上堂語不離窠臼焉能出蓋纏片雲橫谷口迷却幾人源所以道言無展事語不投機承言者喪滯句者迷汝等諸人到這裏憑何話會良久曰欲得不招無間業莫謗如來正法輪○上堂道遠手哉觸事而眞聖遠乎哉體之則神所以娑婆世界以音聲爲佛事香積世界以香飯爲佛事翠巖這裏

諸相非相

舉百丈示衆

今時叢林

祇於出入息內供養承事過現未來塵沙諸佛無一空過者過現未來塵沙諸佛是翠巖侍者無一不到如一不到三十拄杖諸上座還會麼將此深心奉塵刹是則名爲報佛恩○上堂若見諸相非相卽山河大地並無過咎諸上座終日著衣喫飯未嘗咬著一粒米未曾挂著一縷絲便能變大地作黃金攬長河爲酥酪雖然如是著衣喫飯卽不無衲僧門下汗臭氣也未夢見在○上堂見聞覺知無障礙馨香味觸常三昧衲僧道會也山是山水是水飢來喫飯困來打睡忽然須彌山踣跳入你鼻孔裏摩竭魚穿你眼睛中作麼生商量良久曰參堂去○小參舉百丈歲夜示衆曰你這一隊後生經律論固是不知入衆參禪禪又不曾騰月三十日且作麼生折合去師曰灼然諸禪德去聖時遙人心澹泊看却今時叢林更是不得所在之處或聚徒三百五百浩浩地祇以飯食豐濃寮舍穩便爲旺化中間孜孜爲道者無一人設有十箇五箇走上走下半青半黃會卽總道我會各自謂握靈蛇之珠執肯知非及手挨拶鞭逼將來

端然拱手

不通理

顯浮山遠

顯浮山遠

四寶主

直是萬中無一。苦哉苦哉。所謂般若叢林。歲歲凋無。明荒草年年長。就中今時後生。纔入衆來。便自端然拱手。受他別人供養。到處菜不擇一莖。柴不搬一束。十指不沾水。百事不干懷。雖則一期快意。爭奈三途累身。豈不見教中道。寧以熱鐵纏身。不受信心人衣。寧以洋銅灌口。不受信心人食。上座若也是去。直饒變大地作黃金。攪長河爲酥酪。供養上座。未爲分外。若也未是。至於滴水寸絲。便須披毛帶角。牽犁拽杷。償他始得不見祖師。道入道不通理。復身還信。施此是決定底事。終不虛也。諸上座光陰可惜。時不待人。莫待一朝眼光落地。繩田無一簣之功。鐵圍陷百刑之苦。莫言不道珍重。

秀州本覺若珠禪師僧問。如何是道。師舉起拳。僧曰。學人不曾。師曰。拳頭也不識。華嚴普救禪師僧問。如何是賓中賓。師曰。客路如天遠。曰。如何是賓中主。師曰。侯門似海深。曰。如何是主中主。師曰。寰中天子。勅曰。如何是主中賓。師曰。塞外將軍。令乃曰。賓中問主。互換機鋒。主中問賓。同生同

顯寶應昭

顯寶應昭

顯金山顯

顯金山顯

死主中辨主。飲氣吞聲。賓中覓賓。白雲萬里。故句中無意。意在句中。於斯明得一雙孤鷹。撲地高飛。於斯未明一對鴛鴦。池邊獨立。知音禪客。相共證明。影響異流。切須子細。良久曰。若是陶淵明。攢眉便歸去。瑯琊方銳禪師。上堂。造化無生物之心。而物物自成。雨露非潤物之意。而靈苗自榮。所以藥劑不食而病。自損。良師不親而心自明。故知妙慧靈光。不從緣得。到這裏。方許你進步。瑯琊與你別作箇相見。還有麼。若無不可。壓良爲賤。

興陽希隱禪師僧問。如何是懸崖撒手。底句。師曰。明月照幽谷。曰。如何是絕後再蘇。底句。師曰。白雲生太虛。曰。恁麼則樵夫出林丘處。處歌春色。師曰。是人道得。石佛顯忠祖印禪師僧問。如何是相生。師曰。山河大地。曰。如何是想生。師曰。兔子望月。曰。如何是流注生。師曰。無間斷人天眼。眼目三種生。石佛有頌。淨住居說禪師。參達觀。遂問曰。某甲經論粗明。禪直不信。願師決疑。觀曰。既不信禪。豈可明經。禪是經綱。

經禪一體

經是禪網提綱正綱了禪見經師曰爲某甲說禪看觀曰向下文長師曰若恁麼經與禪乃一體觀曰佛及祖非二心如手搦拳如拳搦手師因而有省乃成偈曰二十餘年用意猜幾番曾把此心灰而今潦倒逢知己李白元來是秀才

嗣金山顯

諸佛無中說有

節使李端愿居士兒時在館舍常閱禪書長雖婚官然篤志祖道遂於後園築室類蘭若邀達觀處之朝夕咨參至忘寢食觀一日視公曰非示現力豈致爾哉奈無箇所入何公問曰天堂地獄畢竟是有是無請師明說觀曰諸佛向無中說有眼見空華太尉就有裏尋無手攬水月堪笑眼前見牢獄不避心外聞天堂欲生殊不知忻怖在心善惡成境太尉但了是心自然無惑公曰心如何了觀曰善惡都莫思量公曰不思量後心歸何所觀曰且請太尉歸宅公曰祇如人死後心歸何所觀曰未知生焉知死公曰生則某已知之觀曰生從何來公罔措觀起提其臂曰祇在這裏更擬思量箇甚麼公曰會得也觀曰作麼生會公曰祇知食程不知蹉路觀拓開曰百年一夢今

嗣龍華岳

端師子

嗣翠嚴真

嗣定慧信

朝方省既而說偈曰三十八歲懵然無知及其有知何異無知滔滔汴水隱隱隋堤師其歸矣箭浪東馳西余淨端禪師始見弄師子發明心要往見龍華蒙印可遂旋里合彩爲師子皮時被之因號端師子上堂二月二禪翁有何謂春風觸目百華開公子王孫日日醺醺醉唯有殿前陳朝檜不入時人意禪家流祇這是莫思慮坦然齋後一甌茶長連牀上伸脚睡咄○師到華亭衆請上堂靈山師子雲間哮吼佛法無可商量不如打箇筋斗便下座

大滄慕詰真如禪師上堂山僧本無積蓄且得粥足飯足困來即便打眠一任東卜西卜○上堂不用思而知不用慮而解廬陵米價高鎮州薤蔔大○上堂古佛道昔於波羅奈轉四諦法輪墮坑落壘今復轉最妙無上大法輪土上加泥如今還有不歷階梯獨超物外者麼良久曰出頭天外看誰是箇中人○上堂阿刺刺是甚麼驪思當年破竈墮杖子忽擊著方知孤負我以拄杖擊香臺一下曰墮墮穹窿圓禪師上堂福臻不說禪無事日高眠有問祖

師意連獨兩三拳大衆且道爲甚麼如此不合惱亂山僧睡

興化岳

三臺之孝

興化紹清禪師上堂祖宗門下佛法不存善法堂前仁義休說然雖如是事無一向竊聞哀哀父母生我劬勞欲報深恩昊天罔極髮膚身體弗敢毀傷此魯仲尼之孝也輪轉三界中恩愛不能捨棄恩入無爲眞實報恩者故我大覺世尊雪山苦行摩竭成道往切利天爲母說法此釋迦之孝也得大解脫現大神通手擎金錫掌拓龍孟詣地獄門卓然尋省見其慈母悲泣無量此目連之孝也作麼生是興化之孝良久曰興化今日不上天堂不入地獄於善法堂中燈王座上爲母說法以報劬勞且道我母卽今在甚麼處乃曰我母生前足善緣無勞問佛定生天人間上壽古今少九十春秋減一年下座敢煩大衆燒一炷香以助山僧報孝既是山僧之母爲甚麼却煩諸人燒香不見道東家人死西家人助哀以手搥背曰蒼天蒼天

興化岳

智海道平禪師上堂山僧不會佛法爲人總沒來由

興化岳

興化岳

興化岳

興化岳

興化岳

或時半開半合或時全放全收還如萬人叢裏冷地掉箇石頭忽然打著一箇方知觸處周流

泐潭景祥禪師僧問如何是祖師西來意師曰十箇指頭八箇了師嘗叉手夜坐如對大賓初坐手與跏

綴至五鼓必齊膺因號祥叉手
光孝慧蘭禪師嘗以觸衣書七佛名叢林稱爲蘭布
棍有擬草庵歌具載普燈錄

東林遵禪師上堂十五日已前放過一著十五日已後未可商量正當十五日試道一句看良久曰山色翠穠春雨歇柏庭香擁木蘭開

潭州東明遷禪師晚居潯山眞如庵忠道者高其風每扣之一日閱首楞嚴次忠問如我按指海印發光佛意如何師曰釋迦老子好與二十棒曰爲甚麼如此師曰用按指作麼曰汝暫舉心塵勞先起又作麼生師曰亦是海印發光

慶善能禪師上堂事不獲已與諸人葛藤一切衆生祇爲心塵未脫情量不除見色聞聲隨波逐浪流轉三界汨沒四生致使正見不明觸途成滯若也是非

謝居士思

謝居士思

熱太尉陳公
真嗣府堂

齊泯善惡都忘坐斷報化佛頭截斷聖凡途路到這裏方有少許相應直饒如是衲僧分上未為奇特何故如此纔有是非紛然失心咄

慶善隆禪師上堂花簇簇錦簇簇鹽醬年來事事足留得南泉打破鍋分付沙彌羹晨粥晨粥一任諸人喫洗鉢盂一句作麼生會多少人疑著

淨因蒲庵繼成禪師上堂茫茫盡是覓佛漢舉世難尋真道人棒喝交馳成藥忌了亡藥忌未天真○上

堂鼻裏音聲耳裏香眼中鹹淡舌玄黃意能覺觸身分別冰室如春九夏涼如斯見得方知男子身中入

定時女子身中從定出葵花隨日轉犀紋翫月生香楓化老人螟蠅成蝶羸蒼也不知苦哉佛陀耶許你

具隻眼○師同圓悟法真慈受并十大法師禪講千僧赴太尉陳公良嗣府齋時徽宗皇帝私幸觀之

太師魯國公亦與焉有善華嚴者乃賢首宗之義虎也對衆問諸禪曰吾佛設教自小乘至於圓頓掃除

空有獨證真常然後萬德莊嚴方名為佛嘗聞禪宗一喝能轉凡成聖則與諸經論似相違背今一喝若

蒲庵一喝分
五教

小乘

始教

終教

觀教

圓教

能入吾宗五教是為正說若不能入是為邪說諸禪視師師曰如法師所問不足三大禪師之酬淨因小長老可以使法師無惑也師召善善應諾師曰法師所謂愚法小乘教者乃有義也大乘始教者乃空義也大乘終教者乃不有不空義也大乘頓教者乃即有即空義也一乘圓教者乃不有而有不空而空空而不有義也如我一喝非唯能入五教至於工巧技藝諸子百家悉皆能入師震聲喝一喝問善曰問麼曰問師曰汝既聞此一喝是有能入小乘教須臾又問善曰問麼曰不問師曰汝既不聞適來一喝是無能入始教遂顧善曰我初一喝汝既道有喝久聲消汝復道無道無則元初實有道有則而今實無不有不無能入終教我有一喝之時有非是有因無故有無一喝之時無非是無因無故無即有即無能入頓教須知我此一喝不作一喝用有無不及情解俱忘道有之時纖塵不立道無之時橫徧虛空即此一喝入百千萬億喝百千萬億喝入此一喝是故能入圓教善乃起再拜師復謂曰非唯一喝為然乃至一

授美

授性

小童

羅家門下

羅智深平

三印

語一默一動一靜從古至今十方虛空萬象森羅六
趣四生三世諸佛一切聖賢八萬四千法門百千三
昧無量妙義契理契機與天地萬物一體謂之法身
三界唯心萬法唯識四時八節陰陽一致謂之法性
是故華嚴經云法性徧在一切處有相無相一聲一
色全在一塵中含四義事理無邊周徧無餘參而不
雜混而不一於此一喝中皆悉具足猶是建化門庭
隨機方便謂之小歇場未至寶所殊不知吾祖宗門
下以心傳心以法印法不立文字見性成佛有千聖
不傳底向上一路在善又問曰如何是向上一路師
曰汝且向下會取善曰如何是寶所師曰非汝境界
善曰望師慈悲師曰任從滄海變終不爲君通善膠
口而退聞者靡不歎仰皇帝顧謂近臣曰禪宗玄妙
深極如此淨因才辨亦罕有也近臣奏曰此宗師之
緒餘也

開福哲禪師上堂山僧有三印更無增減剽觀面便
相呈能轉凡成聖諸人還知麼若也未知不免重重
註破一印印空日月星辰列下風一印印泥頭頭物

羅智深詳

羅智深詳

羅智深詳

羅智深詳

物顯真機一印印水振轉魚龍頭作尾三印分明體
一同看來非赤又非紅互換高低如不薦青山依舊
白雲中

鴻福昇禪師上堂諸人怎麼上來墮在見聞覺知怎
麼下去落在動靜施爲若也不去不來正是鬼窟活
計如何道得出身底句若也道得則分付拄杖子若
道不得依而行之卓拄杖下座

萬壽素禪師一日有僧來作禮師問甚處來曰和尚
合知某來處師曰湖南擔屎漢江西刈禾客曰和尚
眞人天眼目某在大滙充園頭東林作藏主師打三
棒喝出

香山淵禪師上堂酒市魚行頭頭寶所鷓鴣噪一
一妙音卓拄杖曰且道這箇是何佛事狼籍不少
寶峯景淳知藏往依泐潭入室次潭問陝府鐵牛重
多少師叉手近前曰且道重多少潭曰尾在黃河北
頭枕黃河南善財無鼻孔依舊向南參師擬議潭便
打忽頓徹巾侍有年竟隱居林壑嘗作偈曰怕寒懶
剃髮鬆髮愛暖頻添槽枥柴破衲伽黎撩亂搭誰能

造嚴巖

解說法國師曰。賴我不聞。我若聞。即齊於諸聖。汝即不聞我說法也。僧曰。怎麼則衆生無分去也。國師曰。我爲衆生說。不爲諸聖說。僧曰。衆生聞後如何。國師曰。卽非衆生。僧曰。無情說法。據何典。教國師曰。灼然言不該典。非君子之所談。汝豈不見華嚴經云。刹說衆生說。三世一切說。師舉了。漚曰。我這裏亦有祇是罕遇其人。師曰。某甲未明。乞師指示。漚豎起拂子曰。會麼。師曰。不會。請和尚說。漚曰。父母所生口。終不爲子說。師曰。還有與師同時慕道者否。漚曰。此去漫陵攸縣石室。相連有雲巖道人。若能撥草瞻風。必爲子之所重。師曰。未審此人如何。漚曰。他曾問老僧。學人欲奉師去時。如何。老僧對他道。直須絕滲漏。始得他道。還得不違師旨也。無老僧道第一不得道。老僧在這裏。師遂辭漚。山徑造雲巖。舉前因緣了。便問無情說法。甚麼人得聞。嚴曰。無情得聞。師曰。和尚聞否。嚴曰。我若聞。汝卽不聞。吾說法也。師曰。某甲爲甚麼不聞。嚴豎起拂子曰。還聞麼。師曰。不聞。嚴曰。我說法。汝尙不聞。豈況無情說法乎。師曰。無情說法。該何典教。

水鳥樹林

過水睹影

權開五位

嚴曰。豈不見彌陀經云。水鳥樹林。悉皆念佛念法。師於此有省。乃述偈曰。也大奇也大奇。無情說法不思議。若將耳聽。終難會。眼處聞時方得知。○師問雲巖某甲。有餘習未盡。嚴曰。汝曾作甚麼來。師曰。聖諦亦不爲。嚴曰。還歡喜也未。師曰。歡喜則不無。如糞掃堆頭。拾得一顆明珠。頌師辭雲巖。嚴曰。自此一別。難得相見。師曰。難得不相見。頌師臨行。又問百年後。忽有人問。還邈得師真否。如何。祇對嚴良久。曰。祇者是師。沉吟。嚴曰。价闍黎承當箇事。大須審細。師猶涉疑。頌師因過水。睹影。大悟。前旨有偈曰。切忌從他覓。迢迢與我疎。我今獨自往。處處得逢渠。渠今正是我。我今不是渠。應須恁麼會。方得契如如。頌師因供養雲巖。員次僧問。先師道祇這是。莫便是否。師曰。是。曰。意旨如何。師曰。當時幾錯會。先師意曰。未審先師還知有也無。師曰。若不知有。爭解恁麼道。若知有。爭肯恁麼道。○師自唐大中末。於新豐山接誘學徒。厥後盛化豫章高安之洞山。權開五位。善接三根。大闡一音。廣弘萬品。橫抽寶劍。剪諸見之稠林。妙叶玄通。截萬端。

雲巖錄日

之穿鑿。又得曹山深明的旨。妙唱嘉猷。道合君臣。偏正回互。由是洞上玄風。播於天下。故諸方宗匠咸共推尊之。曰曹洞宗。○師因雲巖諱曰營齋。僧問和尚於雲巖處。得何指示。師曰。雖在彼中。不蒙指示。曰。既不蒙指示。又用設齋作甚麼。師曰。爭敢違背他。曰。和尚初見南泉。爲甚麼却與雲巖設齋。師曰。我不重先師道德佛法。祇重他不爲我說破。曰。和尚爲先師設齋。還肯先師也。無師曰。半肯半不肯。曰。爲甚麼不全肯。師曰。若全肯。卽孤負先師也。評頌僧問。寒暑到來。如何回避。師曰。何不向無寒暑處去。曰。如何是無寒暑處。師曰。寒時寒殺。闍黎熱時熱殺。闍黎。○上堂。還有不報四恩。三有者麼。衆無對。又曰。若不體此意。何超始終之患。直須心心不觸物。步步無處所。常無間斷。始得相應。直須努力。莫閑過日。頌師與泰首座冬節喫果子。次乃問。有一物上拄天下拄地。黑似漆。常在動用中。動用中收不得。且道過在甚麼處。泰曰。過在動用中。同安別師喚侍者。撥退果卓。頌有僧不安。要見師。師遂往。僧曰。和尚何不救取人家男女。師曰。

僧不安

云不知

行鳥道

坐脫

你是甚麼人家男女。曰。某甲是大闢提人家男女。師良久。僧曰。四山相逼時。如何。師曰。老僧日前也向人家屋簷下過來。曰。回互不同。互。師曰。不同互。曰。教某甲向甚麼處去。師曰。栗舍裏去。僧噓一聲。曰。珍重。便坐脫。師拄杖敲頭三下。曰。汝祇解與麼去。不解與麼來。○僧問。相逢不拈出。舉意便知。有時如何。師乃合掌頂戴。○問。僧作甚麼來。曰。孝順和尚。來。師曰。世間甚麼物最孝順。僧無對。○上堂。有一人在千人萬人中。不肯一人不同。一人你道此人具何面目。雲居出曰。某甲參堂去。○師有時曰。體得佛向上事。方有些子語話。分僧問。如何是語話。師曰。語話時。闍黎不聞。曰。和尚還聞否。師曰。不語話時。卽聞。○問。和尚出世幾人。肯師曰。並無一人。肯曰。爲甚麼並無一人。肯師曰。爲他箇箇氣宇如王。○師問。講維摩經。僧曰。不可以智知。不可以識識。喚作甚麼語。曰。讚法身語。師曰。喚作法身。早是讚也。頌僧問。亡僧遷化。向甚麼處去。師曰。火後一莖茆。頌問。師尋常教學。人行鳥道。師曰。不逢一人。曰。如何。行師曰。直須足下無私去。曰。祇如行。

五位君臣頌

參寥子
吳本鹿書

鳥道莫便是本來面目否。師曰：闍黎因甚顛倒？曰：甚麼處是學人顛倒？師曰：若不顛倒，因甚麼認奴作郎？曰：如何是本來面目？師曰：不行鳥道。○師與密師伯過水，乃問過水事。作麼生？伯曰：不濕脚。師曰：老老大大作這箇語話。伯曰：你又作麼生？師曰：脚不濕。○師洗鉢，次見兩鳥爭蝦蟇，有僧便問：這箇因甚麼到恁麼地？師曰：祇爲闍黎頌。僧問：三身之中，阿那身不墮衆數？師曰：吾常於此切。後有持此問曹山，先師道云：要頭便斫去，又問雪峯，峯以拄杖劈口打云：我亦曾到洞山來。師作五位君臣頌曰：正中偏，三更初夜月明前。莫怪相逢不相識，隱隱猶懷舊日嫌。偏中正，失曉老婆逢古鏡。分明覲面別無真，休更迷頭認影。正中來，無中有路隔塵埃。但能不觸當今諱，也勝前朝斷舌才。兼中至，兩刃交鋒不須避。好手猶如火裏蓮，宛然自有冲天志。兼中到，不落有無誰敢和。人人盡欲出常流，折合還歸炭裏坐。○上堂，向時作麼生？參寥子時作麼生？功時作麼生？共功時作麼生？功時作麼生？僧問：如何是向師？曰：喫飯時作麼生？曰：如何是奉師？曰：背時作麼生？曰：如何是功？師曰：放

功動五位并頌

寶鏡三昧

下饅頭時作麼生？曰：如何是共功？師曰：不得色。曰：如何是功？師曰：不共。乃示頌曰：向聖主由來法，帝堯御人以禮曲。龍腰有時開，市頭邊過處文明賀。聖朝奉淨洗，濃粧爲阿誰？子規聲裏勸人歸，百花落盡啼無盡。更向亂峯深處啼，枯木花開劫外春。倒騎玉象趨麒麟，而今高隱千峯外。月皎風清好日辰，共功衆生諸佛不相侵。山高兮水自深，萬別千差明底事。鷓鴣啼處百花新，功頭角纔生已不堪。擬心求佛好羞慚，迢迢空劫無人識。肯向南詢五十三，○師因曹山辭遂囑曰：吾在雲巖，尤師處親印寶鏡三昧事。窮的要今付於汝，詞曰：如是之法，佛祖密付汝。今得之宜善保護，銀盤盛雪，明月藏鷺。類之弗齊，混則知處意不在言來。機亦赴動成窠臼，差落顧佇。肯觸俱非，如大火聚。但形文彩，卽屬染污。夜半正明，天曉不露。爲物作則，用拔諸苦。雖非有爲，不是無語。如臨寶鏡，形影相覩。汝不是渠，渠正是汝。如世嬰兒，五相完具，不去不來，不起不住。婆婆和和有句，無句終不得。物語未正，故重離六爻。偏正回互，疊而爲三。變

◆汗塵件

盡成五如。莖草味如金剛杵。正中妙挾。敲唱雙舉。通宗通塗。挾帶挾路。錯然則吉。不可犯汗。天真而妙。不屬迷悟。因緣時節。寂然昭著。細入無間。大絕方所。毫忽之差。不應律呂。今有頓漸。緣立宗趣。宗趣分矣。卽是規矩。宗通趣極。眞常流注。外寂中搖。係駒伏鼠。先聖悲之。爲法檀度。隨其顛倒。以經爲素。顛倒想滅。肯心自許。要合古職。請觀前古。佛道垂成。十劫觀樹。如虎之缺。如馬之鼻。以爲下劣。寶几珍御。以有驚異。狸奴白牯。以巧力射中。百步箭鋒。相直巧力。何預木人。方歌石女。起舞非情。識到寧容。思慮臣奉於君子。順於父。不須非孝。不奉非輔。潛行密用。如愚若魯。但能相續。名主中主。○師又曰。末法時代。人多乾慧。若要辨驗眞僞。有三種滲漏。一曰見滲。漏機不離位。墮在毒海。二曰情滲。漏滯在向背。見處偏枯。三曰語滲。漏究妙失。宗機昧終始。濁智流轉於此。三種子宜知之。又綱要偈二首。一敲唱俱行偈。曰。金針雙鎖。備叶路隱全。該賢印當風。妙重重錦縫。開二金鎖。玄路偈。曰。交互明中。暗功齊轉。覺難力窮。忘進退。金鎖網。敲

綱要偈

三種滲漏

驢前馬後

嗣洞山价

五位君臣旨訣

觀三不墮凡聖亦名理事不少。偈曰。事理俱不涉。同照絕幽微。背風無巧拙。電火燦難追。頌問僧世間何物最苦。曰。地獄最苦。師曰。不然。在此衣線下。不明大事。是名最苦。○問僧名甚麼。曰。某甲。師曰。阿那箇是闍黎。主人公曰。見祇對次。師曰。苦哉苦哉。今時人例皆如此。祇認得驢前馬後。底將爲自己。佛法平沉。此之是也。賓中主尙未分。如何辨得主中主。僧便問。如何是主中主。師曰。闍黎自道取。曰。某甲道得。卽是賓中主。代云某甲道得。不是賓中主。如何是主中主。師曰。怎麼道。卽易相續也。大難遂示頌曰。嗟見今時學道流。千千萬萬認門頭。恰似入京朝聖主。祇到潼關便卽休。曹山本寂禪師尋謁洞山。山問闍黎名甚麼。師曰。本寂。山曰。那箇。師曰。不名本寂。山深器之。自此入室。盤桓數載。乃辭去。山遂密授洞山宗旨。頌復問曰。子向甚麼處去。師曰。不變異處去。山曰。不變異處豈有去邪。師曰。去亦不變異。○遂往曹谿禮祖塔。回吉水。衆嚮師名。乃請開法師志慕六祖。遂名山爲曹師。因僧問五位君臣旨訣。師曰。正位卽空界。本來無物。偏

五位君臣圖

位卽色界有萬象形正中偏者背理就事偏中正者舍事入理兼帶者冥應衆緣不墮諸有非染非淨非正非偏故曰虛玄大道無著真宗從上先德推此一位最好最玄當詳審辨明君爲正位臣爲偏位臣向君是偏中正君視臣是正中偏君臣道合是兼帶語僧又問如何是君師曰妙德尊寰宇高明朗太虛曰如何是臣師曰靈機弘聖道眞智利羣生曰如何是臣向君師曰不墮諸異趣凝情望聖容曰如何是君視臣師曰妙容雖不動光燭本無偏曰如何是君臣道合師曰渾然無內外和融上下平師又曰以君臣偏正言者不欲犯中故臣稱君不敢斥言是也此吾法宗要乃作偈曰學者先須識自宗莫將眞際雜頑空妙明體盡知傷觸力在逢緣不借中出語直教燒不著潛行須與古人同無身有事超岐路無事無身落始終復作五相并偈○白衣須拜相此事不爲奇積代管纓者休言落魄時○子時當正位明正在君臣未離兜率界烏鷄雪上行○燄裏寒冰結楊花九月飛泥牛吼水面木馬逐風嘶○王宮初降日玉兔

三種墮

四禁語

五位對賓

不能離未得無功旨人天何太遲●渾然藏理事朕兆卒難明威音王未曉彌勒豈惺惺○稠布袈間披毛帶角是甚麼墮師曰是類墮曰不斷聲色是甚麼墮師曰是隨墮曰不受食是甚麼墮師曰是尊貴墮乃曰食者卽是本分事知有不取故曰尊貴墮若執初心知有自己及聖位故曰類墮若初心知有已事回光之時擯却色聲香味觸法得寧謐卽成功勳後却不執六塵等事隨分而昧任之則礙所以外道六師是汝之師彼師所墮汝亦隨墮乃可取食食者卽是正命食也亦是就六根門頭見聞覺知祇是不被他染汙將爲墮且不是同向前均他本分事尙不取豈況其餘事耶師凡言墮謂混不得類不齊凡言初心者所謂悟了同未悟耳師作四禁偈曰莫行心處路不挂本來衣何須正恁麼切忌未生時頌僧問學人通身是病請師醫師曰不醫曰爲甚麼不醫師曰教汝求生不得求死不得頌問五位對賓時如何師曰汝卽今問那箇位曰某甲從偏位中來請師向正位中接師曰不接曰爲甚麼不接師曰恐落偏位中

辨色

別本元真

去師却問僧祇如不接是對賓是不對賓曰早是對賓了也師曰如是如是○問三界擾擾六趣尋尋如何辨色師曰不辨色曰爲甚麼不辨色師曰若辨色卽尋也頌師聞鐘聲乃曰阿哪阿哪僧問和尚作甚麼師曰打著我心僧無對五祖戒代云作賊人心虛頌師問金峯志曰作甚麼來曰蓋屋來師曰了也未曰這邊則了師曰那邊事作麼生曰候下工曰白和尚師曰如是如是○師一日入僧堂向火有僧曰今日好寒師曰須知有不寒者曰誰是不寒者師笑火示之僧曰莫道無人好師拋下火僧曰某甲到這裏却不曾師曰日照寒潭月更明○問幻本何真師曰幻本元真法眼別云幻法眼別云幻即無當別云幻曰當幻何顯師曰卽幻卽顯法眼別云幻即無當本不真麼則始終不離於幻也師曰覓幻相不可得頌僧問清稅一作銳孤貧乞師賑濟師召稅闍黎稅應諾師曰清原白家酒三盞喫了僧道未沾脣玄覺云甚麼處是與他酒喫頌鏡清問清虛之理畢竟無身時如何師曰理卽如此事作麼生曰如理如事師曰謾曹山一人卽得爭奈諸聖眼何曰若無諸聖眼爭鑒得箇不恁麼師曰

紙衣下事

官不容針私通車馬頌僧問子歸就父爲甚麼父全不顧師曰理合如是曰父子之恩何在師曰始成父子之恩曰如何是父子之恩師曰刀斫不開頌問雪覆千山爲甚麼孤峯不白師曰須知有異中異曰如何是異中異師曰不墮諸山色頌問世間甚麼物最貴師曰死貓兒頭最貴曰爲甚麼死貓兒頭最貴師曰無人著價頌問僧作甚麼曰掃地師曰佛前掃佛後掃曰前後一時掃師曰與曹山過轂鞋來頌僧問抱璞投師請師雕琢師曰不雕琢曰爲甚麼不雕琢師曰須知曹山好手頌紙衣道者來參師問莫是紙衣道者否者曰不敢師曰如何是紙衣下事者曰一裘纔挂體萬法悉皆知師曰如何是紙衣下用者近前應諾便立脫師曰汝祇解恁麼去何不解恁麼來者忽開眼問曰一靈真性不假胞胎時如何師曰未是妙者曰如何是妙師曰不借借者珍重便化師示頌曰覺性圓明無相身莫將知見妄疎親念異便於立體昧心差不與道爲隣情分萬法沉前境識鑒多端喪本真如是句中全曉會了然無事昔時人頌師

驢觀井

王殿苦生

枯木龍吟

問強上座曰。佛眞法身。猶若虛空。應物現形。如水中月。作麼生說箇應底道理。曰。如驢觀井。師曰。道則太煞道。祇道得八成。曰。和尚。又如何。師曰。如井觀驢頭。陸亘大夫問南泉。姓甚麼。泉曰。姓王。王曰。王還有眷屬也。無泉曰。四臣不昧。曰。王居何位。泉曰。王殿苦生。後僧舉問師。王殿苦生意旨如何。師曰。不居正位。曰。八方來朝時如何。師曰。他不受禮。曰。何用來朝。師曰。違則斬。曰。違是臣分上。未審君意如何。師曰。樞密不得旨。曰。恁麼則變理之功全歸臣相也。師曰。你還知君意麼。曰。外方不敢論量。師曰。如是如是。頌僧問香嚴。如何是道。嚴曰。枯木裏龍吟。曰。如何是道中人。嚴曰。觸體裏眼睛。玄沙別云。龍藏枯木。僧不領。乃問石霜。如何是枯木裏龍吟。霜曰。猶帶喜在。曰。如何是觸體裏眼睛。霜曰。猶帶識在。又不領。乃問師。如何是枯木裏龍吟。師曰。血脉不斷。曰。如何是觸體裏眼睛。師曰。乾不盡。曰。未審還有得聞者麼。師曰。盡大地未有一人不聞。曰。未審枯木裏龍吟。是何章句。師曰。不知是何章句。聞者皆喪。遂示偈曰。枯木龍吟。眞見道。觸體無識。眼初

驢觀山价

彌勒下生

天神送食

明喜識盡時消息。盡當入那辨濁中清。頌問。朗月當空時如何。師曰。猶是墜下漢。曰。請師接上堦。師曰。月落後來相見。頌問。靈衣不挂時如何。師曰。曹山孝滿。曰。孝滿後如何。師曰。曹山好顛酒。雲居道膺禪師遊方至翠微。問道會有僧自豫章來。盛稱洞山法席。師遂造焉。山問甚處來。師曰。翠微來。山曰。翠微有何言句示徒。師曰。翠微供養羅漢某甲。問供養羅漢。羅漢還來否。微曰。你每日唾箇甚麼。山曰。實有此語。否。師曰。有山曰。不虛參見作家來。山問汝名甚麼。師曰。道膺。山曰。向上更道。師曰。向上即不名道。膺山曰。與老僧祇對道。吾底語一般。頌南泉問僧講甚麼。經曰。彌勒下生。經泉曰。彌勒幾時下生。曰。見在天宮。當來下生。泉曰。天上無彌勒。地下無彌勒。師問洞山。天上無彌勒。地下無彌勒。未審誰與安名。山被問直得禪牀震動。乃曰。膺闍黎。吾在雲巖曾問老人。直得火爐震動。今日被子一問。直得通身汗流。○師後結庵于三峯。經旬不赴堂山。問子近日何不赴齋。師曰。每日自有天神送食。山曰。我將謂汝是箇

無中忽有

頌心性

蓮生詩

人猶作這箇見解。在汝晚間來師。晚至山召。膺庵主。師應諾。山曰。不思善。不思惡。是甚麼。師回庵寂然。宴坐。天神自此竟尋不見。如是三日。乃絕。○上堂。得者不輕微。明者不賤用。識者不咨嗟。解者無厭惡。從天降下。則貧窮。從地湧出。則富貴。門裏出身。身裏出門。難動則埋身。千丈不動。則當處生苗。一言迴脫。獨拔當時。言語不要多多。則無用處。僧問。如何是從天降下。則貧窮。師曰。不貴得。曰。如何是從地湧出。則富貴。師曰。無中忽有。○僧問。如何是一法師。師曰。如何是萬法。曰。未審如何。領會。師曰。一法是你本心。萬法是你本性。且道。心與性是一是二。僧禮拜。師示頌曰。一法諸法宗。萬法一法通。唯心與唯性。不說異兼同。○師曾令侍者送袴與一住庵道者。道者曰。自有孃生袴。竟不受。師再令侍者問孃未生時。著箇甚麼。道者無語。後遷化。有舍利。持似於師。師曰。直饒得八斛四斗。不如當時下得一轉語好。○僧問。山河大地。從何而有。師曰。從妄想有。曰。與某甲想出一錠金得麼。師便休去。僧不肯。

雲門云。已是萬藤。不能折合。得待伊道。想出一錠金得麼。拈拄杖便打。

羚羊挂角

發言吐氣

信口亂道無利益

頌上堂。如人將三貫錢。買箇獵狗。祇解尋得有蹤跡。底忽遇羚羊挂角。莫道蹤跡氣息也。無僧問。羚羊挂角時。如何。師曰。六六三十六。曰。挂角後。如何。師曰。六六三十六。僧禮拜。師曰。會麼。曰。不會。師曰。不見道。無蹤跡。其僧舉似趙州。州曰。雲居師兄。猶在僧便問。羚羊挂角時。如何。州曰。九九八十一。曰。得恁麼難。會。州曰。有甚麼難。會。曰。請和尚指示。州曰。新羅新羅。又問。長慶。羚羊挂角時。如何。慶曰。草裏漢。曰。挂後。如何。慶曰。亂叫喚。曰。畢竟如何。慶曰。驢事未去。馬事到來。○僧問。教中道。是人先世罪業。應墮惡道。以今世人輕賤。故此意如何。師曰。動則應墮。惡道靜則為人輕賤。崇壽獨別云。心外有法。應墮惡道。守住自己。為人輕賤。頌有僧在房內念經。師隔窗問。閣黎念者是甚麼經。僧曰。維摩經。師曰。不問維摩經。念者是甚麼經。其僧從此得入。頌新羅僧問。是甚麼得恁麼難。道。師曰。有甚麼難。道曰。便請和尚。道。師曰。新羅新羅。○上堂。僧家發言吐氣。須有來由。莫將等閒這裏。是甚麼所在。爭受容易。凡問箇事也。須識些子好惡。若不識尊卑。良賤不知。觸犯信口亂

子細研窮

道也無利益。傍家行脚到處覓相似語。所以尋常向兄弟道。莫恠不相似。恐同學太多去。第一莫將來。將來不相似。言語也須看前頭。八十老人入場屋。不是小兒嬉。不是因循事。一言參差。即千里萬里難爲取。攝蓋爲學處。不著力。敲骨打髓。須有來由。言語如鉗。如夾。如鉤。如鎖。須教相續不斷。始得頭頭上具物物上明。豈不是得妙底事。一種學大須子細研窮。直須諦當的。無差到這裏。有甚麼蹉跌處。有甚麼撥議處。向去底人。常須慘悚。戢翼始得。若是知有底人。自解護惜。終不取次。十度發言。九度休去。爲甚麼如此。恐怕無利益。體得底人心。如臘月扇子。直得口邊醅出。不是強爲任運。如此欲得恁麼事。須是恁麼人。既是恁麼人。不愁恁麼事。恁麼事。即難得。○上堂。汝等諸人。直饒學得佛邊事。早是錯用心。不見古人講得。天華落石點頭。亦不干自己事。自餘是恁麼閑。○擬將有限身心。向無限中用。如將方木。逗圓孔。多少諸訛。若無恁麼事。饒你攢華簇錦。亦無用處。未離情識。在一切事須向這裏及盡。若有一毫去不盡。即被塵

居山好

洞山价

累豈況更多。差之毫釐。過犯山嶽。不見古人道。寧處不立。盡是流俗。閨閣中物。捨不得。俱爲滲漏。直須向這裏及取。及去。及來。併盡一切事。始得無過。如人頭上。了物物上。通祇喚作了事人。終不喚作尊貴。將知尊貴一路。自別不見道。從門入者。非實。捧上不成。龍知麼。頃僧問僧家畢竟如何。師曰。居山好。僧禮拜。師曰。你作麼生。會曰。僧家畢竟於善惡。生死逆順。境界。其心如山不動。師乃打曰。孤負先聖。喪我兒孫。又問。傍僧你作麼生。會僧禮拜曰。僧家畢竟眼不觀。玄黃之色。耳不聽。絲竹之聲。師曰。孤負先聖。喪我兒孫。黃龍南云。作麼生。道得一句。不孤負先聖。喪我兒孫。若人道得到處。青山無非道場。若道不得。有寒暑兮。促君壽。有鬼神兮。增收。分妬君福。

疎山匡仁禪師造洞山師問一切處不乖時如何。山曰。闍黎。此是功勳邊事。幸有無功之功。子何不問師曰。無功之功。豈不是那邊人。山曰。大有人笑子。恁麼問。師曰。恁麼則超然去也。山曰。超然非超然。非不超然。師曰。如何是超然。山曰。喚作那邊人。即不得。師曰。如何是非超然。山曰。無辨處。○山問師。空劫無人家。

福州大溪示

福州大溪示

是甚麼人住處。師曰：不識。山曰：人還有意旨也。無師曰：和尚何不問他。山曰：現問。次師曰：是何意旨。山不對。泊洞山順世弟子禮終，乃到潭州大溪，值溪示衆曰：行脚高士，直須向聲色裏睡，眠聲色裏坐臥，始得師出問：如何是不落聲色。句溪豎起拂子，師曰：此是落聲色。句溪放下拂子，歸方丈。師不契，便辭香嚴。嚴曰：何不且住。師曰：某甲與和尚無緣。嚴曰：有何因緣。試舉看。師遂舉前話。嚴曰：某甲有箇語。師曰：道甚麼。嚴曰：言發非聲色，前不物。師曰：元來此中有人。遂囑香嚴曰：向後有住處，某甲却來相見。乃去。溪問嚴曰：問聲色話底矮閣黎在麼。嚴曰：已去也。溪曰：曾舉向子麼。嚴曰：某甲亦曾對他來。溪曰：試舉看。嚴舉前語。溪曰：他道甚麼。嚴曰：深肯某甲。溪失笑曰：我將謂這矮子有長處。元來祇在這裏。此子向去，若有箇住處，近山無柴燒，近水無水喫。○師聞福州大溪安和尚示衆曰：有句無句，如藤倚樹。師特入嶺，到彼值溪泥壁，便問：承聞和尚道有句無句，如藤倚樹，是否。溪曰：是。師曰：忽遇樹倒，藤枯，句歸何處。溪放下泥漿，呵呵。

寶布單毒

婺州明招出

笑裏有刀

大咲歸方丈。師曰：某甲三千里賣却布單，特爲此事而來，和尚何得相弄。溪喚侍者取二百錢，與這上座去。遂囑曰：向後有獨眼龍爲子點破。在溪山次日上堂，師出問：法身之理，理絕玄微，不奪是非之境，猶是法身邊事。如何是法身上事。溪舉起拂子，師曰：此猶是法身邊事。溪曰：如何是法身上事。師奪拂子，摺折擲向地上，便歸衆。溪曰：龍蛇易辨，釋子難瞞。○師後聞婺州明招謙和尚出世，謠吟徑往禮拜招問甚處來。師曰：閩中來。招曰：曾到大溪否。師曰：到。招曰：有何言。句師舉前話。招曰：溪山可謂頭正尾正，祇是不遇知音。師亦不省，復問：忽遇樹倒，藤枯，句歸何處。招曰：却使溪山笑轉。新師於言下大悟，乃曰：溪山元來笑裏有刀，遙空禮拜，悔過。頌招一日問虎生七子，那箇無尾巴。師曰：第七箇無尾巴。頌古見明招謙章內○師到來山山上堂，師問：承師有言，目前無法，意在目前，如何是非。目前法山曰：夜月流輝，澄潭無影。師作掀禪牀勢。山曰：閣黎作麼。生師曰：目前無法了，不可得。山曰：大衆看取這一員戰將。頌師後遷疎山上堂，病僧。

咸通年前會得法身邊事。咸通年後會得法身向上事。雲門出問。如何是法身邊事。師曰。枯椿曰。如何是法身向上事。師曰。非枯椿曰。還許某甲說道理也。無。師曰。許曰。枯椿豈不是明法身邊事。師曰。是曰。非枯椿豈不是明法身向上事。師曰。是曰。祇如法身邊該一切也。無師曰。法身周徧。豈得不該。門指淨瓶曰。祇如淨瓶。還該法身麼。師曰。闍黎莫向淨瓶邊覓。門便禮拜。○師問鏡清。肯諾不得。全子作麼生。會清曰。全歸肯諾。師曰。不得。全又作麼生。清曰。箇中無肯路。師曰。始慙病僧意。頌有僧爲師造壽塔畢。白師。師曰。將多少錢與匠人。曰。一切在和尙。師曰。爲將三錢與匠人。爲將兩錢與匠人。爲將一錢與匠人。若道得與吾親造塔來。僧無語。後僧舉似大嶺庵閑和尙。即羅嶺山也曰。還有人道得麼。僧曰。未有人道得。嶺曰。汝歸與疎山道。若將三錢與匠人。和尙此生決定不得塔。若將兩錢與匠人。和尙與匠人共出一隻手。若將一錢與匠人。累他匠人眉鬚墮落。僧回如教而說。師具威儀望大嶺作禮。歎曰。將謂無人大嶺有古佛放光射到。

洞山山价

洞山山价

洞山山价

此間雖然如是。也是臘月蓮華。大嶺後聞此語曰。我恁麼道。早是龜毛長三尺。頌僧問。如何是諸佛。師曰。何不問疎山老漢。僧無對。頌師常握木蛇。有僧問。手中是甚麼。師提起曰。曹家女。頌冬至上堂。僧問。如何是冬來意。師曰。京師出大黃。

青林師虔禪師上堂。祖師門下。鳥道玄微。功窮皆轉。不究難明。汝等諸人。直須離心意識。參出凡聖路。學方可保任。若不如是。非吾子息。

高安白水仁禪師因設先洞山忌齋。僧問。供養先師。先師還來也。無師曰。更下一分供養著。頌上堂。老僧尋常不欲向聲前色後。鼓弄人家男女。何故且。豈不是聲色。不是色。僧問。如何是聲。不是聲。師曰。喚作色得麼。曰。如何是色。不是色。師曰。喚作聲得麼。僧作禮。師曰。且道爲汝說答。汝話若向這裏會得。有箇入處。○僧問。如何是不遷義。師曰。落花隨流水。明月上孤峯。

白馬儒禪師僧問。如何是學人本分事。師曰。昨夜三更月正午。問。如何是法身向上事。師曰。井底蝦蟇吞。

圓通山外

却月

龍牙居遁禪師許頌師問翠微如何是祖師意微曰
與我將禪板來師遂過禪板微接得便打師曰打即
任打要且無祖師意又問臨濟如何是祖師意濟曰
與我將蒲團來師乃過蒲團濟接得便打師曰打即
任打要且無祖師意後有僧問和尚行脚時間二尊
宿祖師意未審二尊宿明也未師曰明即明也要且
無祖師意頌師復舉德山頭落底語因自省過遂止
于洞山隨衆參請一日問如何是祖師西來意山曰
待洞水逆流即向汝道師始悟厥旨○上堂夫參玄
人須透過祖佛始得新豐和尚道祖佛言教似生冤
家始有參學分若透不得即被祖佛謾去僧問祖佛
還有謾人之心也無師曰汝道江湖還有謾人之心
也無乃曰江湖雖無謾人之心爲時人過不得江湖
成礙人去不得道江湖不礙人祖佛雖無謾人之心
爲時人透不得祖佛成謾人去不得道祖佛不謾人
若透得祖佛過此人過却祖佛若也如是始體得佛
祖意方與向上人同如未透得但學佛學祖則萬劫

透過祖佛

圓通山外

圓通山外

無有出期僧曰如何得不被祖佛謾去師曰道者直
須自悟去始得頌問十二時中如何著力師曰如無
手人欲行拳始得頌問如何是祖師西來意師曰待
石鳥龜解語即向汝道曰石鳥龜語也師曰向汝道
甚麼頌問古人得箇甚麼便休去師曰如賊入空室
○問如何是西來意師曰此一問最苦報慈云此
一問最好華嚴靜禪師在洛浦作維那時一日白槌普請曰上
間搬柴下間鋤地第一座問聖僧作甚麼師曰當堂
不正坐不赴兩頭機○師問洞山學人無箇理路未
免情識運爲山曰汝還見有理路也無師曰見無理
路山曰甚處得情識來師曰學人實問山曰怎麼則
直須向萬里無寸草處去師曰萬里無寸草處還許
某甲去也無山曰直須怎麼去○後唐莊宗問祖意
教意是同是別師曰探盡龍宮藏衆義不能詮
九峯滿禪師僧問人人盡道請益未審師還拯濟也
無師曰汝道巨嶽還乏寸土麼曰四海參尋當爲何
事師曰演若迷頭心自狂曰還有不狂者也無師曰
有曰如何是不狂者師曰突曉途中眼不開頌問僧

近離甚處。曰。闍中師曰。遠涉不易。曰。不難。動步便到。師曰。有不動步者麼。曰。有。師曰。爭得到此。問僧無對。師以拄杖趲出。○僧問古人道。真因妄立。從妄顯真。是否。師曰。是。曰。如何是真。師曰。不雜食。曰。如何是妄。師曰。起倒攀緣。曰。去此二途。如何合得圓常。師曰。不敬功德。天誰嫌黑暗女。

洞山价

北院通禪師上堂。諸上座。有甚麼事出來論量。取若上上根機。不假如斯。若是中下之流。直須剗削門頭。戶底教索索地。莫教入泥水。第一速須省事。直須無心去學得。千般萬般。祇成知解。與禪僧門下有甚麼交涉。

洞山价

足下煙生

洞山全禪師問先洞山。如何是出離之要。山曰。闍黎足下煙生。師當下契悟。更不他遊。雲居進語曰。終不敢孤負和尚。足下煙生。山曰。步步玄者。即是功到。頌僧問。清淨行者。不入涅槃。破戒比丘。不入地獄。時如何。師曰。度盡無遺影。還他越涅槃。頌見聯珠集第一卷京兆蜆子和尚。頌混俗。閩川不畜道具。不循律儀。冬夏唯披一衲。逐日沿江岸採擷蝦蜆。以充其腹。暮即

洞山价

宿東山白馬廟。紙錢中。居民目爲蜆子和尚。華嚴靜禪師聞之。欲決真假。先潛入紙錢中。深夜師歸。嚴把住。曰。如何是祖師。西來意。師遽答曰。神前酒臺盤。嚴放手。曰。不虛與我同根生。

洞山价

一作聲

幽棲道幽。禪師鏡清問。如何是少父。師曰。無標的。曰。無標的。以爲少父。邪。師曰。有甚麼過。曰。祇如少父作麼。生師曰。道者是甚麼心。行頌曰。歛鐘上堂。大眾纔集。師乃問甚麼人打鐘。僧曰。維那師曰。近前來。僧近前。師遂打一掌。却歸方丈臥。增收。

洞山价

越州乾峯和尚。頌上堂。法身有三種病。二種光。須是一一透得。始解歸家穩坐。須知更有向上一竅。在雲門出問。庵內人爲甚麼不知。庵外事。師呵呵大咲。門曰。猶是學人疑處。師曰。子是甚麼心。行門曰。也要和尚相委。師曰。直須與麼。始解穩坐。門應諾。頌上堂。舉一不得。舉二放過。一著落在第二雲門。出衆曰。昨日有人從天台來。却往徑山去。師曰。典座來。日不得。普請便下座。頌僧問。十方薄伽梵。一路涅槃門。未審路頭在甚麼處。師以拄杖畫云。在這裏。僧後請益雲門門拈起屬

嗣洞山价

子云。屬子。昨晚。上三十三天。紫帶帝釋。鼻孔。東海。鯉魚。打一棒。兩似。傾盆。會麼。

吉州禾山和尚。僧問。學人欲伸一問。師還答否。師曰。禾山答汝了也。

嗣洞山价

天童啓禪師。頌簡大德。問學人。卓卓上來。請師的。師曰。我這裏一扇便了。有甚麼卓卓的。的曰。和尚。怎麼答話。更買草鞋行脚。好師曰。近前來。簡近前。師曰。祇如老僧。怎麼答過。在甚麼處。簡無對。師便打。

嗣洞山价

欽山文寇禪師。頌師與巖頭雪峯。同到德山。一日。問德山曰。天皇也。怎麼道。龍潭也。怎麼道。未審和尚。作麼。生道。山曰。汝試舉。天皇龍潭。道底看。師擬進語。山便打。師被打歸。延壽堂曰。是則是打我。太煞。巖頭曰。汝怎麼道。他後不得道。見德山來。法眼別云。是則是打我。○師與巖頭雪峯。坐次。洞山行茶來。師乃開眼。洞曰。甚麼處去來。曰。入定來。洞曰。定本無門。從何而入。○師與巖頭雪峯。過江西。到一茶店。喫茶。次師曰。不會轉身。

定本無門

通氣者。不得茶喫。頭曰。若怎麼。我定不得茶喫。峯曰。某甲亦然。師曰。這兩箇老漢。話頭也不識。頭曰。甚麼處去也。師曰。布袋裏老鴉。雖活如死。頭退後曰。看看師。

一鐵破三關

嗣曹山寂

嗣曹山寂

曰。翟公且置。存公作麼。生峯以手畫一圓相。師曰。不得不問。頭呵呵曰。太遠生。師曰。有口不得茶喫者。多。評頌巨良禪客。參禮拜了。便問。一鐵破三關。時如何。師曰。放出關中主看。良曰。怎麼則知。過必改。師曰。更待何時。良曰。好隻箭。放不著。所在。便出去。師曰。且來。闍黎。良回首。師下禪牀。擒住曰。一鐵破三關。即且置。試爲欽山發箭看。良擬議。師打七棒曰。且聽箇亂統。漢。疑三十年有僧。學似同安。察安曰。良公雖解發箭。要且未中的。僧便問。未審如何。得中的。去安曰。關中主是甚麼人。僧回舉。似師。師曰。良公若解。怎麼也免得。欽山口。然雖如此。同安不是好心。亦須看。始得。洞山延禪師。因曹山垂語云。有一人向萬丈崖頭。騰身直下。此是甚麼人。衆無對。師出曰。不存山曰。不存箇甚麼。師曰。始得。撲不碎山深肯之。金峯從志禪師。頌拈起。枕子示僧曰。一切人喚作枕。子金峯道。不是。僧曰。未審和尚。喚作甚麼。師拈起。枕子。僧曰。怎麼則依而行之。師曰。你喚作甚麼。僧曰。枕子。師曰。落在金峯窠裏。頌僧問。是身無知。如土木石。

洞曹山寂

此意如何師下禪牀扭僧耳朶僧負痛作聲師曰今日始捉著箇無知漢僧作禮出去師召闍黎僧回首師曰若到堂中不可舉著曰何故師曰大有人笑金峯老婆心○上堂老僧二十年前有老婆心二十年後無老婆心僧問如何是二十年前有老婆心師曰問凡答凡問聖答聖曰如何是二十年後無老婆心師曰問凡不答凡問聖不答聖頌僧問四海晏清時如何師曰猶是階下漢

洞曹山寂

鹿門真禪師上堂一片燦然光燦爛擬意追尋卒難見瞥然撞著豁人情大事分明總成辦實快活無繫絆萬兩黃金終不換任他千聖出頭來總是向渠影中現

洞曹山寂

曹山霞禪師頌僧問佛未出世時如何師曰曹山不如曰出世後如何師曰不如曹山頌僧侍立師曰道者可煞熱曰是師曰祇如熱向甚處回避曰向鑊湯鑊炭裏回避師曰祇如鑊湯鑊炭又作麼生回避曰衆苦不能到

曹山亦名光慧禪師頌僧問如何是西來的意師曰荷玉

洞曹山寂

曰不禮拜更待何時○上堂舉拄杖曰從上皆留此一路方便接人有僧出曰和尚又是從頭起也師曰謝相委悉

洞曹山寂

曹山智炬禪師初問先曹山曰古人提起那邊人學人如何體悉山曰退步就已萬不失一師於言下頓忘玄解乃辭去徧參至三祖因看經次僧問禪信心不挂元字脚何得多學師曰文字性異法法體空迷則句句瘡疣悟則文文般若苟無取舍何害圓伊育王通禪師頌僧問如何是和尙家風師曰渾身不直五文錢曰太貧寒生師曰古代如是曰如何施設師曰隨家豐儉

洞雲居膺

鳳棲同安丕禪師頌僧問如何是和尙家風師曰金雞抱子歸霄漢玉兔懷胎入翠微曰忽遇客來將何祇待師曰金果朝來猿摘去玉花晚後鳳銜歸○問路逢達道人不將語默對未審將甚麼對師曰要踢要拳○問纔有言詮盡落今時不落言詮請師直說師曰木人解語非干舌石女拋梭豈亂絲頌問依經解義三世佛冤離經一字卽同魔說此理如何師曰

依經解義

圓雲居

孤峯迴秀不挂煙蘿片月行空白雲自在○新到參師問甚處來曰湖南師曰還知同安這裏風雲體道花檻璇璣麼曰知師曰非公境界僧便喝師曰短販樵人徒誇書劍僧擬進語師曰劍甲未施賊身已露歸宗懷惲禪師頌僧問截水停輪時如何師曰磨不轉曰如何是磨不轉師曰不停輪

圓雲居

嵇山章禪師在投子作柴頭投子同喫茶次謂師曰森羅萬象總在裏許師潑却茶曰森羅萬象在甚麼處子曰可惜一碗茶

圓雲居

雲居懷嶽禪師僧問如何是大圓鏡師曰不鑒照曰忽遇四方八面來時作麼生師曰胡來胡現漢來漢現曰大好不鑒照師便打

圓雲居

杭州佛日本空禪師頌參夾山山一日普請維那令師送茶師曰某甲爲佛法來不爲送茶來那曰奉和尚處分師曰和尚尊命即得乃將茶去作務處搖茶甌作聲山曰顧師曰釀茶三五盞意在鑊頭邊山曰餅有傾茶勢甌中幾箇甌師曰餅有傾茶勢甌中無一甌便行茶時衆皆舉目師曰大衆鶴望請師一言

圓雲居

山曰路逢死蛇莫打殺無底籃子盛將歸師曰手執夜明符幾個知天曉山曰大衆有人也歸去來歸去來遂住普請衆皆仰歎

圓雲居

永光真禪師上堂言鋒若差鄉關萬里直須懸崖撒手自肯承當絕後再蘇欺君不得非常之旨人焉度哉

圓雲居

朱谿謙禪師頌韶國師到參次聞犬咬靈鼠聲國師便問是甚麼聲師曰犬咬靈鼠聲國師曰既是靈鼠爲甚麼却被犬咬師曰咬殺也國師曰好箇犬師便打國師曰莫打某甲話在師休去

圓雲居

雲居簡禪師僧問維摩豈不是金粟如來師曰是曰爲甚麼却在釋迦會下聽法師曰他不擔人我頌問路逢猛虎時如何師曰千人萬人不逢爲甚麼闍黎偏逢頌問孤峯獨宿時如何師曰閑却七間僧堂不宿阿誰教汝孤峯獨宿

圓雲居

新羅雲住和尚頌僧問如何是諸佛師師曰文殊筆耳增收

圓雲居

護國守澄淨果禪師上堂諸方老宿盡在曲木牀

三德信

上爲人及有問著祖師西來意。未嘗有一人當頭道。著時有僧問請和尚當頭道。師曰。河北驢鳴。河南犬吠。頌問鶴立枯松時。如何。師曰。地下底一場懣懣。問會昌沙汰時。護法善神向甚麼處去。師曰。三門前兩箇一場懣懣。問滴水滴凍時。如何。師曰。日出後一場懣懣。

顯疎山仁

靈泉歸仁禪師初問疎山枯木生花。始與他合。是這邊句。是那邊句。山曰。亦是這邊句。師曰。如何是那邊句。山曰。石牛吐出三春霧。靈雀不棲無影林。○僧問。如何是沙門行。師曰。恰似箇屠兒。曰。如何行履。師曰。破齋犯戒。曰。究竟作麼生。師曰。因不收果。不入○俗士問俗人還許會佛法否。師曰。那箇臺無月。誰家樹不春。

顯疎山仁

疎山證禪師謁投子。子問近離甚麼處。曰。延平。子曰。還將得劍來麼。曰。將得來。子曰。呈似老僧看。師乃指面前地。子便休。至晚問侍者。新到在麼。者曰。當時去也。子曰。三十年弄馬騎。今日被驢撲。○僧問親切處。乞一言。師以拄杖敲之。僧曰。爲甚麼不道。師曰。得恁麼。

顯疎山仁

不識好惡。百丈安禪師僧問。如何是極則處。師曰。空王殿裏登九五。野老門前不立人。

顯疎山仁

受堅問承

黃檗慧禪師少出家。業經論。因增受菩薩戒。而歎曰。大士攝律儀。與吾本受聲聞戒。俱止持作犯也。然於篇聚增減支本。通別制意。且殊。既微細難防。復於攝善中。未嘗行於少分。況饒益有情乎。且世間泡幻身。命何可留戀哉。由是置講課。欲以身捐於水中。飼鱗甲之類。念已將行。偶二禪者接之。款話說南方頗多知識。何滯於一隅。師從此同志直造疎山。頌時仁和尙坐法堂。受參師先顧視大眾。然後致問。曰。刹那便去時。如何。山曰。逼塞虛空。汝作麼生去。師曰。逼塞虛空。不如不去。山便休。師下堂。參第一座。座曰。適來祇對甚奇特。師曰。此乃率爾敢望慈悲。開示愚昧。座曰。一刹那間。還有擬議否。師於言下頓悟。伏龍臻禪師僧問和尚。還愛財色也。無師曰。愛曰。既是善知識。爲甚麼却愛財色。師曰。知恩者少。○問。如何是和尙家風。師曰。長齋冷飯。曰。太寂寞。生師曰。僧。

顯疎山仁

關山七

家合如是

京兆三相和尚問如何是無縫塔師曰覓縫不得
曰如何是塔中人師曰對面不相見

關山七

廣德延禪師頌僧問如何是透法身句師曰無力登
山水茅戶絕知音

關山七

石門蘊禪師初問青林如何用心得齊於諸聖林仰
面良久曰會麼師曰不會林曰去無子用心處師禮

拜乃契悟更不他遊遂作園頭一日歸侍立次林曰

子今日作甚麼來師曰種菜來林曰徧界是佛身子

向甚處種師曰金鉏不動土靈苗在處生林欣然來

日入園喚蘊闍黎師應諾林曰剩栽無影樹留與後

人看師曰若是無影樹豈受栽耶林曰不受栽且止

你曾見他枝葉麼師曰不曾見林曰既不曾見爭知

不受栽師曰祇爲不曾見所以不受栽林曰如是如

是○僧問如如不動時如何師曰有甚麼了日日如

何卽是師曰石戶非關鎖頌問如何是和尙家風師

曰物外獨騎千里象萬年松下擊金鐘增收師應機多云好

◆第一作照

◆一本卷十
關山七

龍光謹禪師僧問賓頭盧一身爲甚麼赴四天下供
師曰干江同一月萬里盡逢春遂有偈曰龍光山頂
寶月輪照耀乾坤燦暗雲尊者不移元一質千家影
現萬家春

關山七

石藏炬禪師僧問如何是西來意師曰樹帶滄浪色
山橫一抹青

關山七

重雲暉禪師創溫室院常施水給藥爲事○僧問要
路坦然如何踐履師曰我若指汝則東西南北去也

關山七

瑞龍璋禪師上堂老僧頃年遊歷江外嶺南荆湖但
有知識叢林無不參問來蓋爲今日與諸人聚會各

要知箇去處然諸方終無異說祇教管人歇却狂心

休從他覓但隨方任真亦無真可任隨時受用亦無

時可用設垂慈苦口且不可呼畫作夜更饒善巧終

不能指東爲西脫或能爾自是神通作怪非干我事

若是學語之流不自省已知非直欲向空裏採花波

中取月還著得心力麼汝今各且退思忽然肯去始

知瑞龍老漢事不獲已迺回太甚還肯麼時有僧問
如何是瑞龍境師曰道汝不見得麼曰如何是境中

阿龍牙遠

人師曰後生可畏

報慈嶼禪師問僧甚處來曰臥龍來師曰在彼多少時曰經冬過夏師曰龍門無宿客爲甚麼在彼許多時曰師子窟中無異獸師曰汝試作師子吼看曰某甲若作師子吼即無和尚師曰念汝新到放汝三十棒頌僧問情生智隔想變體殊祇如情未生時如何師曰隔曰情未生時隔箇甚麼師曰這箇梢郎子未遇人在

阿龍牙遠

含珠哲禪師僧問如何是正法眼師曰門前神樹子○問如何是佛法大意師曰貧兒抱子渡恩愛競隨流○問僧有亦不是無亦不是不有不無亦不是汝本來名箇甚麼曰學人已具名了師曰具名即不無畢竟名箇甚麼曰祇這莫便是否師曰且喜沒交涉曰如何即是師曰親切處更請一問曰學人道不得請和尚道師曰別日來與汝道曰即今爲甚麼不道師曰覓箇領話人不可得又問僧張王李趙不是汝本來姓汝本來姓箇甚麼曰與和尚同姓師曰同姓即且從汝本來姓箇甚麼曰待漢水逆流却向和尚

阿龍牙遠

阿龍牙遠

同安遊山

無定處身

道師曰即今爲甚麼不道曰漢水逆流也未師休去紫陵匡一禪師初到蟠龍見僧問碧潭清似鏡蟠龍何處安龍曰沉沙不見底浮浪足蟠龍不肯龍請師道師曰金龍迴透青霄外潭中豈滯玉輪機龍肯之住後僧問未作人身已前作甚麼來師曰石牛步火中行返顧休銜日中草

同安威禪師僧問牛頭未見四祖時如何師曰路逢神樹子見者盡擎拳曰見後如何師曰室內無靈牀渾家不著孝○師一日遊山大衆隨後師曰堦前翠竹砌下黃花古人道真如般若同安即不然有僧曰古人也好和尚師曰不貪香餌味可謂碧潭龍曰諸方眼目不怪淵明師曰闍黎閉目中秋坐却笑月無光曰堦前翠竹砌下黃花又作麼生師曰安南未伏塞北那降僧禮拜師曰名稱普聞○問僧實晡飲啄無處藏身你道有此道理麼曰和尚作麼生師打一拂子僧曰僕手征人徒誇好手師曰握鞭側帽豈是闍黎曰今古之道何處藏身師曰闍黎作麼生僧珍重便出師曰未在

會元十三卷終

關山經

上藍慶禪師初遊方問雪峯如何是雪峰的的意峰

以杖子敲師頭師應諾峰大笑師後承嗣洞山印解

關金峯

天池隆禪師在金峰普請搬柴次峰問搬柴人過水

否師曰有一人不過水曰不過水還搬柴否師曰雖

不搬柴也不得動著他

關鹿門真

益州真禪師僧問如何是禪師曰澄潭釣玉兔曰如

何是道師曰拍手笑春風

關鹿門真

佛手嚴行因禪師僧問如何是對現色身師豎一指

法眼別云
還有也未

關字庵

龜洋慧忠禪師謁草庵庵問何方來師曰六眸峰庵

曰還見六眸否師曰患非重瞳庵然之師尋回故山

屬唐武宗廢教例民其衣暨宣宗中興師曰古人有

言上昇道士不受錄成佛沙彌不

中不食不宇而禪迹不出山者三十年嘗謂門弟子

曰衆生不能解脫者情累爾悟道易明道難僧問如

何得明道去師曰但脫情見其道自明矣夫明之爲

言信也如禁蛇人信其呪力藥力以蛇結弄揣懷袖

中無難未知呪藥等力者怖駭棄去但諦見自心情

師見自心

關同安志

見便破今千疑萬慮不得用者未見自心者也

同安志禪師先同安將示寂上堂曰多子塔前宗子

秀五老峰前事若何如是三舉未有對者末後師出

曰夜明簾外排班立萬里歌謠道太平安曰須是這

驢漢始得頌僧問二機不到處如何舉唱師曰遍處

不逢玄中不失頌問凡有言句盡落今時學人上來

請師直指師曰目前不現句後不迷曰向上事如何

師曰迥然不換標的即乖

關國澄

智門欽禪師僧問兩鏡相照爲甚麼中間無像師曰

自己亦須隱曰鏡破臺亡時如何師豎起拳

薦福思禪師頌僧問古殿無佛時如何師曰梵音何

來曰不假修證如何得成師曰修證即不成

大陽堅禪師初在靈泉入室次泉問甚麼處來師曰

僧堂裏來泉曰爲甚麼不築著露柱師於言下有省

頌僧問如何是玄旨師曰壁上挂錢財○問如何是

法王劍師曰腦後看

五峰紹禪師僧問如何是第一義師拍禪牀云若不

是偈陀千里萬里

關五峯

廣德義禪師謁先廣德作禮問曰如何是和尙密密處德曰隱身不必須巖谷闌闌堆堆觀者稀師曰恁麼則酌水獻花去也德曰忽然雲霧霽闌黎作麼生師曰採汲不虛施廣德忻然曰大衆看取第二代廣德師次踵住持聚徒開法僧問如何是佛師曰披蓑倒騎牛草深不露角○問如何是祖師西來意師曰魚躍無源水鷺啼枯木花○問如何是佛法大意師曰雪寒向火日暖隈陽○問如何是賓中賓師曰蕩子無家計飄蓬不自知曰如何是賓中主師曰茅戶挂珠簾曰如何是主中賓師曰龍樓鋪草坐曰如何是主中主師曰東宮雖至嫡不面聖堯頭○問牛頭未見四祖時如何師曰鮮蕤乍開蠅師曰見後如何師曰底穿蕩盡冷秋秋頌問古人云言語道斷非去來今此理如何師曰彌勒涅槃知幾劫護明猶未降迦維增收

廣德周禪師僧問貧子歸家時如何師曰入門不見面處處故園春頌問教中道阿逸多不斷煩惱不修禪定佛說此人成佛無疑此理如何師曰鹽又盡炭

又無曰鹽炭無時如何師曰愁人莫向愁人說說向愁人愁殺人

石門徹禪師頌僧問雲光作牛意旨如何師曰陋巷不騎金色馬回途却著破襦衫頌問年窮歲盡時如何師曰東村王老夜燒錢○上堂一切衆生本源佛性譬如明月當空祇爲浮雲翳障不得顯現爲明爲照爲道爲路爲舟爲楫爲依爲止一切衆生本源佛性亦復如是時汾陽昭和尙在衆出問朗月海雲遮不得舒光直透水晶宮時如何師曰石壁山河非障礙閻浮界外任昇騰陽曰怎麼則千里共傳無底鉢時人皆唱太平歌師曰太平曲子如何唱陽曰不墮五音非關六律師曰還有人得麼陽曰請和尙不恡慈悲師曰仁者善自保任

紫陵微禪師僧問如何是大猛烈底人師曰石牛步步火中行返顧休衙日中草曰如何是五逆底人師曰放火夜燒無相宅天明戴帽入長安曰如何是孝順底人師曰步步手提無米飯歛手堂前不舉頭○問如何是祖師西來意師曰紅爐燄上碧波流

嗣家殿

興元大浪和尚僧問既是喝河神爲甚麼被水推却師曰隨流始得妙住岸却成迷

嗣谷庵

普寧顯禪師僧問曩劫共住爲甚麼不識親疎師曰誰曰更待某甲道師曰將謂不領話○問千山萬水如何登陟師曰青霄無間路到者不迷機

嗣同安志

梁山緣觀禪師僧問家賊難防時如何師曰識得不爲冤曰識得後如何師曰貶向無生國裏曰莫是他安身立命處也無師曰死水不藏龍曰如何是活水龍師曰與波不作浪曰忽然傾湫倒嶽時如何師下座把住曰莫教濕却老僧袈裟角○問如何是學人自己師曰寰中天子塞外將軍曰便怎麼去時如何師曰朗月懸空室中暗坐頌問如何是祖師西來意師曰莫亂道僧改

嗣陳宗章

普淨常覺禪師初訪歸宗問法省悟歸宗將順寂召師撫之曰汝於法有緣他後濟衆人莫測其量也○師以時機淺昧難任極旨苟啓之非器令彼招謗謫之咎我寧不務開法每月三八施浴僧道萬計師嘗謂諸徒曰但得慧門無壅則福何滯哉○給事中陶

繼門無壅

嗣護國遠

穀入院致禮而問曰經云離一切相則名諸佛今日前諸相紛然如何離得師曰給事見箇甚麼陶欣然仰重自是王公大人屢薦章服師號皆却而不受雲頂德敷禪師頌成部帥請就衙陞座有樂管將出禮拜起回顧下馬臺曰一口吸盡西江水卽不問請師吞却堵前下馬臺師展兩手唱曰細抹將來管將猛省

嗣石門微

○蟲一作蟲
○頭作腦

石門遠禪師初在石頭作田頭門問如何是田頭水牯牛師曰角轉盡天地朝頭處處春他日門又問水牯牛安樂否師曰水草不曾虧曰田中事作麼生師曰深耕淺種曰如法著師曰某甲不曾取次○僧問如何是西來意師曰布袋盛烏龜

嗣石門微

北禪懷感禪師僧問如何是諸聖爲人底句師曰紅輪當萬戶光燭本無心

嗣石門微

石門筠首座有僧請喫茶次問如何是首座爲人一著子師曰適來猶記得曰卽今又如何師曰好生點茶來一日荷鋤入園僧問三身中那一身去作務師挂鉏而立僧曰莫便當也無師携鉏便行

大陽警玄禪師依智通禪師出家十九爲大僧聽圓
覺了義講席無能及者頌初到梁山問如何是無相
道場山指觀音曰這箇是吳處士畫師擬進語山急
索曰這箇是有相底那箇是無相底師遂有省便禮
拜山曰何不道取一句師曰道卽不辭恐上紙筆山
笑曰此語上碑去在師獻偈曰我昔初機學道迷萬
水千山覓見知明今辨古終難會直說無心轉更疑
蒙師點出秦時鏡照見父母未生時如今覺了何所
得夜放烏雞帶雪飛山謂洞上之宗可倚一時聲價
籍籍山歿辭塔至大陽謁堅禪師堅讓席使主之頌
僧問如何是和尙家風師曰滿餅傾不出大地沒饑
人○問如何是透法身句師曰大洋海底紅塵起須
彌頂上水橫流○師問僧甚處來曰洪山師曰先師
在麼曰在師曰在卽不無請渠出來我要相見僧曰
齊師曰這箇猶是侍者僧無對師曰喫茶去○上堂
諸禪德須明平常無生句妙立無私句體明無盡句
第一句通一路第二句無賓主第三句兼帶去一句
道得師子嘯呻二句道得師子返嚮三句道得師子

釋曹山三種

五位頌

踞地縱也周徧十方擒也一時坐斷正當恁麼時作
麼生通得箇消息若不通得箇消息來朝更獻楚王
看僧問如何是平常無生句師曰白雪覆青山青山
頂不露曰如何是妙立無私句師曰寶殿無人侍
立不種梧桐免鳳來曰如何是體明無盡句師曰手
指空時天地轉回途石馬出紗籠曰如何是師子嘯
呻師曰終無回顧意爭肯落平常曰如何是師子返
嚮師曰周旋往返全歸父繁興大用體無虧曰如何
是師子踞地師曰迴絕去來機古今無變異○師嘗
釋曹山三種墮曰此三語須明得轉位始得一作水
牯牛是類墮師曰是沙門轉身語是異類中事若不
曉此意卽有所滯直是要伊一念無私卽有出身之
路二不受食是尊貴墮師曰須知那邊了却來這邊
行履若不虛此位卽坐在尊貴三不斷聲色是隨墮
師曰以不明聲色故隨處墮須向聲色裏有出身之
路作麼生是聲色外一句乃曰聲不自聲色不自色
故云不斷指掌當指何掌也○五位頌曰正中偏一
輪皎潔正當天宛轉虛玄事不彰明暗祇在影中圓

偏中正休觀朗月秦時鏡隱隱猶如日下燈明暗混

融誰辨影正中來脉路玄玄絕迥迴靜照無私隨處

現如行鳥道入鄺開偏中至法法無依即智智橫身

物外兩不傷妙用玄玄善周備兼中到叶路當風無

中道莫守寒巖巖異草青坐却白雲宗不妙○師神觀

奇偉有威重從兒稚中日祇一食自以先德付授之

重足不越限脇不至席年八十歎無可以繼者遂作

偈并皮履布直覆寄浮山遠禪師使為求法器偈曰

陽廣山頭草憑君待價煇異苗翻茂處深密固靈根

偈尾云得法者潛衆十年方可闡揚遠拜而受之遂

贊師像曰黑狗爛銀蹄白象崑崙騎於斯二無礙木

馬火中嘶

藥山觀

藥山昱禪師上堂山河大地日月星辰與諸上座同

生三世諸佛與諸上座同參三藏聖教與諸上座同

時還信得及麼若也信得及陝府鐵牛吞却乾坤雖

然如是被法身礙却轉身不得須知有出身之路作

麼生是諸上座出身之路道道良久曰若道不得永

沉苦海珍重

藥山觀

謝石門遠

謝北禪感

謝大國玄

圓經夢覺色

鑑付大國頂

鼎州羅紋珍山主僧問親切處乞師指示師曰老僧元是廣南人

道吾詮禪師僧問如何是道吾境師曰溪花含玉露

庭果落金臺曰如何是境中人師曰擁爐披古衲曝

日枕山根

南禪聰禪師僧問如何是西來意師曰冬月深林雨

三春平地風

投子義青禪師入洛聽華嚴義若貫珠嘗讀諸林苦

薩偈至即心自性猛省曰法離文字寧可講乎即棄

遊宗席時圓鑑禪師即浮山遠居會聖巖一夕夢畜青色鷹爲

吉徵屈旦師來鑑禮延之令看外道問佛不問有言

不問無言因緣經三載一日問曰汝記得話頭麼試

舉看師擬對鑑掩其口師了然開悟遂禮拜鑑曰汝

妙悟玄機耶師曰設有也須吐却時資侍者在旁曰

青華嚴今日如病得汗師回顧曰合取狗口若更切

切我即便嘔自此復經三年鑑時出洞下宗旨示之

悉皆妙契付以大陽頂相皮履直覆囑曰代吾續其

宗風無久滯此善自護持遂書偈送曰須彌立太虛

日月輔而轉羣峯漸倚他白雲方改變少林風起叢
曹谿洞簾卷金鳳宿龍巢宸苔豈車碾令依圓通秀
禪師師至彼無所參問唯嗜睡而已執事白通曰堂
中有僧日睡當行規法通曰是誰曰青上座通曰未
可待與按過通即曳杖入堂見師正睡乃擊牀呵曰
我這裏無閑飯與上座喫了打眠師曰和尚教某何
爲通曰何不參禪去師曰美食不中飽人喫通曰爭
奈大有人不肯上座師曰待肯堪作甚麼通曰上座
曾見甚麼人來師曰浮山通曰怪得甚麼頑賴遂握
手相笑歸方丈頌僧問師唱誰家曲宗風嗣阿誰師
曰威音前一箭射透兩重山曰如何是相傳底事師
曰全因淮地月得照郢陽春曰怎麼則入水見長人
也師曰祇知荆玉異那辨楚王心僧禮拜師以拂子
擊之頌問和尚適來拈香祝延聖壽且道當今年
多少師曰月籠丹桂遠星拱北辰高○上堂默沉陰
界語落深坑擬著則天地懸殊棄之則千生萬劫洪
波浩渺白浪滔天鎮海明珠在誰收掌良久卓拄杖
曰百雜碎○師作五位頌并序夫長天一色星月何

五位頌

嗣大顯玄

句裏投機

分大地無偏枯榮自異是以法無異法何迷悟而可
及心不自信假言象而提唱其言也偏圓正到兼帶
叶通其法也不落是非豈關萬象幽旨既融於水月
宗源派混於金河不墜虛誕回途復妙頌曰正中偏
星河橫轉月明前彩氣夜交天未曉隱隱俱彰暗裏
圓偏中正夜半月明羞自影朦朦霧色辨何分泯然
不落秦時鏡正中來火裏金雞坐鳳臺玄路倚空通
脉上披雲鳥道出塵埃兼中至雪刃籠身不回避天
然猛將兩不傷暗裏全施善周備兼中到解走之人
不觸道一般拈掇與君殊不落是非方始妙
與陽剖禪師在大陽作園頭種瓜次陽問甜瓜何時
得熟師曰即今熟爛了也曰揀甜底摘來師曰與甚
麼人喫曰不入園者師曰未審不入園者還喫也無
曰汝還識伊麼師曰雖然不識不得不與陽笑而去
○住後上堂西來大道理絕百非句裏投機全乖妙
旨不已而已有屈祖宗豈況切切有何所益雖然如
是事無一向且於唱教門中通一線道大家商量○
師臥疾次大陽問是身如泡幻泡幻終成辦若無箇

泡幻大事無由辦。若要大事辦。識取箇泡幻作麼生。師曰。猶是這邊事。陽曰。那邊事。作麼生。師曰。匪地紅輪秀。海底不栽花。陽笑曰。乃爾惺惺耶。師喝曰。將謂我忘却。竟爾趨寂。

嗣大陽立

福嚴審承禪師侍立。大陽次陽曰。有一人遍身紅爛。臥在荊棘林中。周匝火圍。若親近得此人。大啟鄙開。若親近不得時。中以何爲據。師曰。六根不具。七識不全。陽曰。你教伊出來。我要見伊。師曰。適來別無左右。祇對和尚。陽曰。官不容針。師便禮拜。○李相公特上山問。如何是祖師。西來意。師指庭前柏樹公。如是三問。師如是三答。公欣然。乃有頌曰。出沒雲間滿太虛。元來真相一塵無。重重請問西來意。唯指庭前柏一株。

嗣大陽立

羅浮顯如禪師初到大陽。陽問汝是甚處人。曰。益州陽曰。此去幾里。曰。五十里。陽曰。你與麼來。還曾踏著麼。曰。不曾踏著。陽曰。汝解騰空。那曰。不解騰空。陽曰。爭得到這裏。曰。步步不迷。方通身無辨處。陽曰。汝得超方三昧邪。曰。聖心不可得。三昧豈彰名。陽曰。如是。

嗣大陽立

嗣大陽立

嗣梁山殿

嗣投子青

如是汝應信此。卽本體全彰。理事不二。善自護持。白馬喜禪師初問大陽。學人蒙昧。乞指箇入路。陽曰。得良久。乃召師。師應諾。陽曰。與你箇入路。師於言下。有省。住後僧問。如何是佛法大意。師曰。善犬帶牌。雲門運禪師上堂。夜來雲雨散。長空月在。森羅萬象。中萬象靈光。無內外。當明一句。若爲通。不見僧問。大哥和尚。云月生雲際時。如何。大哥曰。三箇孩兒抱花鼓。莫來攔我毬門路。月生雲際。是明甚麼邊事。三箇孩兒抱花鼓。擬思。卽隔莫來攔我毬門路。須有出身處。始得。若無出身處。也似黑牛臥死水。出身一句作麼生。道不勞久立。

梁山冀禪師頌魯祖面壁曰。魯祖三昧最省力。纔見僧來。便面壁。若是知心達道人。不在揚眉便相悉。芙蓉道楷禪師謁投子於海會。乃問佛祖言句。如家常茶飯。離此之外。別有爲人處也。無子曰。汝道寰中天子。勅還假堯舜禹湯也。無師欲進語。子以拂子據師口曰。汝發意來。早有三十棒也。師卽開悟。再拜。便行。子曰。且來闍黎。師不顧。子曰。汝到不疑之地耶。師。

讀書不易

侍投子難來

借功明位

卽以手掩耳○後作典座子曰厨務勾當不易師曰不敢子曰羹粥耶蒸飯耶師曰人工淘米著火行者羹粥蒸飯子曰汝作甚麼師曰和尚慈悲放他閑去○師侍投子遊菜園子度拄杖與師師接得便隨行子曰理合恁麼師曰與和尚提鞋掣杖也不爲分外子曰有同行在師曰那一人不受教子休去至晚問師早來說話未盡師曰請和尚學子曰卯生曰戌生月師卽點燈來子曰汝上來下去縱不徒然師曰在和尙左右理合如此子曰奴兒婢子誰家屋裏無師曰和尚年尊闕他不可子曰得恁麼殷勤師曰報恩有分頌僧問夜半正明天曉不露如何是不露底事師曰滿船空載月漁父宿蘆華○上堂晝入祇陀之苑皓月當天夜登靈鷲之山太陽溢目烏鴉似雪孤鴈成羣鐵狗吠而凌霄泥牛鬪而入海正當恁麼時十方共聚彼我何分古佛場中祖師門下大家出一隻手接待往來知識諸仁者且道成得箇甚麼事良久曰剩栽無影樹留與後人看○上堂喚作一句已是埋沒宗風曲爲今時通途消耗所以借功明位用

盡却今時

法身

在體處借位明功體在用處若也體用雙明如門扇兩開不得向兩扇上著意不見新豐老子道峯巒秀異鷗不停機靈木迢然鳳無依倚直得功成不處電火難追擬議之間長途萬里○上堂臘月三十日已前卽不問臘月三十日事作麼生諸仁者到這裏佛也爲你不得法也爲你不得祖師也爲你不得天下老和尚也爲你不得山僧也爲你不得閻羅老子也爲你不得直須盡却今時去若也盡得今時佛也不奈他何法也不奈他何祖師也不奈他何天下老和尚也不奈他何山僧也不奈他何閻羅老子也不奈他何諸人且道如何是盡却今時底道理還會麼明年更有新條在惱亂春風卒未休○上堂鐘鼓喧喧報未聞一聲驚起夢中人圓常靜慮無餘事誰道觀音別有門良久曰還會麼休問補陀巖上客驚聲啼斷海山雲頌上堂法身者理妙言玄願超終始之患諸仁者莫是幻身外別有法身麼莫卽幻身便是法身麼若也恁麼會去盡是依他作解蒙昧兩歧法眼未得通明不見僧問夾山如何是法身山云法身無

學處不立

相如何是法眼。山云。法眼無瑕。所以道。吾云。未有師在。忽有人問。老僧如何是法身。羊便乾處臥。如何是法眼。驢便濕處尿。更有人問。作麼生是法身。買帽相頭。作麼生是法眼。坑坎堆阜。若點檢將來。夾山祇是學處。不立如流俗。閨閣裏物。不能捨得。致使情關固閉。識鎖難開。老僧今日。若不當揚。顯示後學。何以知歸。勸汝諸人。不用求真。唯須息見。諸見若盡。昏霧不生。自然智鑑洞明。更無他物。諸人還會麼。良久云。珠中有火。君須信。休向天邊問。太陽增收頌。僧問。師唱誰家曲。宗風嗣阿誰。師曰。金鳳夜棲無影樹。峯巒纔露海雲遮。增收又示衆一篇見經門

嗣投青子

大洪恩禪師上堂。拈起拄杖曰。昔日德山臨濟。信手拈來。便能坐斷十方壁立千仞。直得冰河燄起。枯木花芳。諸人若也善能橫擔。豈勞徧問諸方。苟或不然。少林倒行此令去也。擊禪牀一下。○僧問。三玄三要。卽不問五位君臣事。若何。師曰。非公境界。曰。恁麼則石人拈掌。木女呵呵。師曰。杓卜聽虛聲。熟睡饒謔語。曰。若不上來。伸此問焉。能得見少林機。師曰。放過卽

嗣投青子

不可隨後便打。師嘗設百問以問學者。其略曰。假使百千劫所作業。不忘爲甚麼。一稱南無佛。罪滅河沙劫。又作此。○相曰。森羅萬象。總在其中。具眼禪人。試請甄別。張無盡書問三教大要。師答甚詳。不備錄。洞山雲。禪師上堂。秋風卷地。夜雨飈空。可中別有清涼箇裏。更無熱惱。是誰活計。到者方知。纔落見聞。卽居途路。且道到家後。如何任運。獨行無伴侶。不居正位。不居偏。

嗣投青子

福應文禪師上堂。明明百草頭。明明祖師意。直下便承當。錯認弓爲矢。惺惺底。築著磕著。懵懂底。和泥合水。龜毛拂。菟塞虛空。兔角杖。撐天拄地。日射珊瑚林。知心能幾幾。擊禪牀下座。

嗣美容格

丹霞子淳禪師上堂。乾坤之內。宇宙之間。中有一寶秘在形山。肇法師恁麼道。祇解指蹤話跡。且不能拈示於人。丹霞今日。擘開宇宙。打破形山。爲諸人拈出。具眼者。辨取以拄杖卓一下曰。還見麼。鷲鷲立雪。非同色。明月蘆華。不似他。○上堂。舉德山示衆曰。我宗無語句。實無一法與人。德山恁麼說話。可謂是祇知

有語句

入草求人。不覺通身泥水。子細觀來。祇具一隻眼。若是丹霞。則不然。我宗有語。句金刀剪不開。深深玄妙。旨玉女夜懷胎。○上堂。亭亭日午。猶虧半寂寂。三更尚未圓。六戶不曾知。暖意往來常在月明前。○僧問。牛頭未見四祖時。如何。師曰。金菊昨開。蜂競採。日見後。如何。師曰。苗枯花謝了。無依。

副芙蓉楷

淨因枯木成禪師。嘉興崇德人也。上堂。燈籠忽爾笑哈哈。如

何露柱亦懷胎。天明生得白頭女。至今遊蕩不歸來。

這冤家好歸來。黃華與翠竹早晚爲誰栽。○上堂。知

有佛祖向上事。方有說話分。諸禪德。且道那箇是佛

祖。向上事有箇人家兒。女六根不具。七識不全。是大

闡提。無佛種性。逢佛殺佛。逢祖殺祖。天堂收不得。地

獄攝無門。大衆還識此人麼。良久曰。對面不偃陀。睡

多饒寐語。

副芙蓉楷

寶峯照禪師上堂。古佛道我初成正覺。親見大地衆

生。悉皆成正覺。後來又道。深固幽遠。無人能到。因沒

見識。漢好龍頭蛇尾。便下座。○上堂。過去諸佛已入

涅槃了也。汝等諸人不應追念未來諸佛。未出於世。

◆去一作古

離形去智

副芙蓉楷

心空道理

汝等諸人。不要妄想。正當今日。你是何人。參。○上堂。本自不生。今亦無滅。是死不得。底樣子。常處出生。隨處滅盡。是活生受底。規模大丈夫。漢直須處生死。流臥荆棘林。俯仰屈伸。隨機施設。能如是也。無量方便。莊嚴三昧。大解脫門。蕩然頓開。其或未然。無量煩惱。一切塵勞。獄立面前。塞却去路。○上堂。古人道。墮肢體。黜聰明。離形去智。同於大道。正當恁麼時。且道是甚麼人。刪詩書。定禮樂。還委恁麼。禮云。禮云。玉帛云。乎哉。樂云。樂云。鐘鼓云。乎哉。○雪下僧問。祖師西來。卽不問時節。因緣事。若何。師曰。一片兩片。三四片。落在眼中。猶不薦。

石門易禪師上堂。十方同聚會。箇箇學無爲。此是選佛場。心空及第歸。大衆祇如聞見。覺知未嘗有。問作麼生。說箇心空底道理。莫是見而不見。聞而不聞。爲之心空耶。錯。莫是忘機息慮。萬法俱捐。銷能所以入玄宗。浪性相而歸法界。爲之心空耶。錯。恁麼也不得。不恁麼也不得。恁麼不恁麼。總不得。未審畢竟作麼生。還會麼。良久曰。若實無爲。無不爲。天堂地獄常相

隨三尺杖子攪黃河八臂那吒冷眼觀無眼魚龍盡奔走捉得循河三脚龜脫取殼鐵錐吉凶之兆便分輝借問東村白頭老吉凶未兆若如何休休休古往今來春復秋白日騰騰隨分過更嫌何處不風流咄

副美答楷

君臣五位

副美答楷

除一作際

天寧請禪師初往韶山上堂韶山近日沒巴鼻眼裏聞聲鼻管味有時一覺到天明不在牀上不落地大眾且道在甚麼處諸人於斯下得一轉語非唯救得韶山亦乃不孤行脚其或未然三級浪高魚化龍癡人猶辱夜塘水○僧問如何是君師曰宇宙無雙曰乾坤祇一人曰如何是臣師曰德分明主化道契物情機曰如何是臣向君師曰赤心歸舜日盡節報堯天曰如何是君視臣師曰立眸凝不瞬妙體鑒旁求曰如何是君臣道合師曰帳符尊賤隔潛信往來通天寧連禪師上堂清虛之理佛祖同歸畢竟無身豈凡一體理則如是滿目森羅事作麼生纖塵絕除渠儂有眼豈在旁窺官不容針私通車馬若到恁麼田地始可隨機受用信手拈來妙應無方當風立路直

副美答楷

副美答楷

副美答楷

副美答楷

得金針錦縫線脚不彰玉殿寶階未簾未卷正當此時且道是甚麼人境界古渡秋風寒颼颼蘆華紅蓼滿江灣

梅山已禪師僧問如何是法身邊事師曰枯木樛花不犯春曰如何是法身上事師曰石女不粧眉普賢秀禪師僧問如何是正中偏師曰龍吟初夜後虎嘯五更前曰如何是偏中正師曰輕煙籠皓月薄霧鎖寒巖曰如何是正中來師曰松蔭何曾老花開滿未萌曰如何是兼中至師曰猿啼音莫辨鶯喚響難明曰如何是兼中到師曰撥開雲外路脫去月明前

鹿門燈禪師謁芙蓉問曰如何是空劫已前自己師於言下心迹泯然從容進曰靈然一句超羣象迥出三乘不假修證無而印之

資聖南禪師 聖節上堂顧視左右曰諸人還知麼夜明簾外之主萬化不渝琉璃殿上之尊四臣不昧端拱而治不令而行壽逾百億須彌化洽大千沙界且道正恁麼時如何行履野老不知黃屋貴六街慵

聽靜鞭聲

胡芙蓉楷

洞山微禪師上堂曰暖風和柳眼青冰消魚躍浪花生常鋒妙得空王印半夜崑崙戴雪行

胡芙蓉楷

太傅高世則居士初參芙蓉求指心要蓉令去其所重扣已而參一日忽造微密呈偈曰懸崖撒手任縱橫大地虛空自坦平照壑輝嚴不借月庵頭別有一簾明

胡大洪恩

大洪守遂禪師上堂召大眾一拳拳倒黃鶴樓一踏踏翻鸚鵡洲憤向高樓驟玉馬曾於急水打金毬然雖恁麼爭奈有五色絲條繫手脚三鑊金鎖鎖咽喉直饒鎚碎金鎖割斷絲條須知更有一重礙汝在且道如何是那重還會麼善吉維摩談不到目連驚子看如盲

胡丹霞淳

長蘆真歇清了禪師扣丹霞之室霞問如何是空劫已前自己師擬對霞曰你鬧在且去一日登鉢孟峯豁然契悟徑歸侍立霞掌曰將謂你知有師欣然拜之翌日霞上堂曰日照孤峯翠月臨溪水寒祖師立妙訣莫向寸心安便下座師直前曰今日陞座更瞞

玄妙訣

不徹底漢

口邊白醜

金針玉線

某不得已霞曰你試學我今日陞座看師良久霞曰將謂你警地師便出○上堂我於先師一掌下伎倆俱盡覓箇開口處不可得如今還有恁麼快活不徹底漢麼若無銜鐵負鞍各自著便○上堂上孤峯頂過獨木橋驀直恁麼行猶是時人脚高脚低處若見得徹不出戶身徧十方未入門常在屋裏其或未然越涼搬取一轉柴○上堂處處覓不得祇有一處不覓自得且道那一處良久曰賊身已露○上堂口邊白醜去始得入門通身紅爛去方知有門裏事更須知有不出門底乃曰喚甚麼作門○僧問三世諸佛向火燄裏轉大法輪還端的也無師大笑曰我却疑著曰和尚爲甚麼却疑著師曰野花香滿路幽鳥不知春○上堂幻化空身卽法身遂作舞云見麼見麼恁麼見得過橋村酒美又作舞云見麼見麼恁麼不見隔岸野花香○上堂還有不被玄妙污染底麼良久曰這一點傾四海水已是洗脫不下○上堂窮盡喪本體妙失宗一句截流淵玄及盡是以金針密處不露光銀玉線通時潛舒異彩雖然如是猶是交互

轉功就位

雙明且道巧拙不到作麼生相委良久曰雲蘿秀處青陰合巖樹高低翠鎖深○上堂轉功就位是向去底人玉韞荆山貴轉位就功是却來底人紅爐片雪春功位俱轉通身不滯撒手亡依石女夜登機密室無人掃正恁麼時絕氣息一句作麼生相委良久曰歸根風墮葉照盡月潭空

嗣丹霞淨

撤一作撒

空劫真宗

釋迦降誕

天童宏智正覺禪師造丹霞問如何是空劫已前自己師曰井底蝦蟆吞却月三更不借夜明簾霞曰未更道師擬議霞打一拂曰又道不借師言下釋然遂作禮霞曰何不道取一句師曰某甲今日失錢遭罪霞曰未暇打得你且去○上堂黃閣簾垂誰傳家信紫羅帳合暗撒真珠正恁麼時祝聽有所不到言詮有所不及如何通得箇消息去夢回夜色依稀曉笑指家風爛熳春○上堂空劫有真宗聲前問已躬赤窮新活計清白舊家風的的三乘外寥寥一印中却來行異類萬派自朝東○上堂今日是釋迦老子降誕之辰長蘆不解說禪與諸人畫箇樣子祇如在摩耶胎時作麼生以拂子畫此○相曰祇如以清

清虛無身

嗣丹霞淨

嗣淨因成

淨水浴金色身時又作麼生復盡此○相曰祇如周行七步目顧四方指天指地成道說法神通變化智慧辯才四十九年三百餘會說青道黃指東畫西入般涅槃時又作麼生乃畫此○相復曰若是具眼衲僧必也相許其或未然一一歷過始得○僧問清虛之理畢竟無身時如何師曰文彩未痕初消息難傳際曰一步密移立路轉通身放下劫壺空師曰誕生就父時合體無遺照曰理既如是事作麼生師曰歷歷纔同分化事十方機應又何妨曰恁麼則塵塵皆現本來身去也師曰透一切色超一切心曰如理如事又作麼生師曰路逢死蛇莫打殺無底籃子盛將歸曰入市能長嘯歸家著短衫師曰木人嶺上歌石女溪邊舞

大洪預禪師上堂進一步踐他國王水草退一步踏他祖父田園不進不退正在死水中還有出身之路也無蕭騷晚籟松釵短游漾春風柳線長
尼慧光禪師上堂眾趙州勸婆話乃曰趙州舌頭連天老婆眉光覆地分明勸破歸來無限平人瞌睡

圓通德止禪師

兩目皆盲不見日輪

圓通德止禪師上堂山僧二十年前兩目皆盲了無所覩唯是聞人說道青天之上有大日輪照三千大千世界無有不徧之處簪策萬端終不能見二十年後眼光漸開又值天色連陰濃雲亂湧四方觀察上下推窮見雲行時便於行時作計較見雲住時便於住處立箇窠臼正如是間忽遇著箇多知漢問道莫是要見日輪麼何不向高山頂上去山僧却徵他道那裏是高山頂上他道紅塵不到處是諸仁者好箇端的消息還會麼長連牀上佛陀耶

圓通德止禪師

大死著

智通景深禪師始謁淨慈象禪師一日問象曰思而知慮而解皆鬼家活計與不自遏遂往寶峯求入室峯曰直須斷起滅念向空劫已前掃除玄路不涉正偏盡却今時全身放下放盡還放方有自由分師聞頓領厥旨峯擊鼓告衆曰深得闡提大死之道後學宜依之因號大死翁○上堂來不入門去不出戶來去無痕如何提唱直得古路苔封羶羊絕跡蒼梧月鑲丹鳳不棲所以道藏身處沒蹤跡沒蹤跡處莫藏身若是如是去住無依了無背向還委悉麼而今分

圓通德止禪師

圓石門易

圓通德止禪師

五位問答

散如雲鷄你我相逢觸處玄

華藥智朋禪師依寶峯有年無省因爲衆持鉢峯自題其像曰雨洗淡紅桃蕊嫩風搖淺碧柳絲輕白雲影裏怪石露綠水光中古木清噫你是何人至焦山枯木成禪師見之歎曰今日方知此老親見先師來師遂請益其贊成曰豈不見法眼拈夾山境話曰我二十年祇作境會師卽契悟乃曰元來怎麼地成曰汝作麼生會師曰春生夏長秋收冬藏成曰直須保任師應諾

香山尼佛通禪師遂寧府人因誦蓮經有省住見石門乃曰成都喫不得也遂寧喫不得也門拈拄杖打出通忽悟曰榮者自榮謝者自謝秋露春風好不著便門拂袖歸方丈師亦不顧而出此道俗景從得法者衆

雪竇嗣宗禪師僧問如何是正法眼師曰烏豆○問如何是君師曰磨礮三尺劍待斬不平人曰如何是臣師曰白雲閑不徹流水太忙生曰如何是君臣道合師曰雲行雨施月皎星輝○問如何是正中偏師

功勳問答

嗣天童覺

嗣天童覺

窮理盡性

曰菱華未照前曰如何是偏中正師曰團團無少剩
曰如何是正中來師曰徧界絕纖埃曰如何是兼中
至師曰翳鏃功前戲曰如何是兼中到師曰十道不
通耗○問如何是轉功就位師曰撒手無依全體現
扁舟漁父宿蘆華曰如何是轉位就功師曰半夜嶺
頭風月靜一聲高樹老猿啼曰如何是功位齊彰師
曰出門不踏來時路滿目飛塵絕點埃曰如何是功
位俱隱師曰泥牛飲盡澄潭月石馬加鞭不轉頭
善權智禪師上堂明月高懸未照前雪眉人凭玉欄
干夜深雨過風雷息客散雲樓酒碗乾
淨慈自得慧暉禪師謁宏智智舉當明中有暗不以
暗相遇當暗中有明不以明相觀問之語不契初夜
定回往聖僧前燒香而宏智適至師見之頌明前話
次日入室智舉堪嗟去日顏如玉却教回時鬢似霜
詰之師曰其入離其出微自爾問答無滯智許爲室
中真子○上堂釋迦老子窮理盡性金口敷宣一代
時教珠回玉轉被人喚作拭不淨故紙達磨祖師以
一乘法直指單傳面壁九年不立文字被人喚作壁

飽參句

嗣天童覺

嗣天童覺

格外直規

觀婆羅門且道作麼生行履免被傍人指注去衲帔
蒙頭萬事休此時山僧都不會○上堂巢知風穴知
雨甜者甜兮苦者苦不須計較作思量五五從來二
十五萬般施設到平常此是叢林飽參句諸人還委
悉麼野老不知堯舜力婆娑打鼓祭江神○上堂谷
之神樞之要裏許旁參回途得妙雲雖動而常閑月
雖晦時彌照賓主交參正偏兼到十洲春盡華凋殘
珊瑚樹林目杲杲
石窓恭禪師一夕誦法華至父母所生眼悉見三千
界時聞風刺樓欄葉聲忽然有省後依天童始明大
旨○上堂春風楊柳眉春禽弄百舌一片祖師心兩
處俱漏泄不動步還家習漏頓消滅暗投玉線芒曉
貫金針穴深固實幽遠無人孰辨別慚愧可憐生頭
頭皆合轍不念阿彌陀南無乾屎橛無智癡人前第
一不得說
光孝徹禪師上堂羊頭車子推明月沒底船兒載曉
風一句頓超情量外道無南北與西東所以劫前消
息非口耳之所傳格外真規豈思量之能解須知佛

佛祖祖了無一法爲人子子孫孫直下全身荷負既已萬機寢削自然一糝不留湛湛之波碧水冷涵於秋色靈靈之照露天淨洗於冰輪宛轉旁參叶通兼帶夢手推開玉戶驪身撥動機輪正令纔行又見一陽萌動化工密運俄驚三世變遷雖則默爾無言爭奈熾然常說無遷無變今朝拈置一邊有故有新且道如何話會諸人還委悉麼羣陰消剝盡來日是書雲

嗣天童覺

大洪爲禪師上堂法身無相不可以音聲求妙道亡言豈可以文字會縱然超佛越祖猶落階梯直饒說妙談玄終挂脣齒須是功勳不犯影跡不留枯木寒巖更無津潤幻人木馬情識皆空方能垂手入鄽轉身異類不見道無漏國中留不住却來煙塢臥寒沙長蘆琳禪師上堂拈拄杖曰其宗也離心意識其旨也超去來今離心意識故品萬類不見差殊超去來今故盡十方更無滲漏當頭不犯徹底無依悟向朕兆未生已前用在功勳不犯之處平常活計不用躊躇擬議之間卽沒交涉

嗣天童覺

嗣大洪預

慧力悟禪師上堂一切聲是佛聲簷前水滴響冷冷一切色是佛色觀面相呈諱不得便恁麼若爲明碧天雲散月華清

嗣大洪預

雪峯深禪師示衆未得入頭應切切入頭已得須教徹雖然得入本無無莫守無無無間歇大洪問之乃曰深兄說禪若此惜福緣不勝耳

嗣天衣聰

慧日安禪師僧問如何是和尙爲人一句師曰狗走抖擻口曰意旨如何師曰猿愁攬擻頭

嗣天衣聰

吉祥實禪師自到天衣蚤夜精勤脇不至席一日偶失笑喧衆衣擯之中夜宿田里觀星月粲然有省曉歸趨方丈衣見乃問洞山五位君臣如何話會師曰我這裏一位也無衣令參堂謂侍僧曰這漢却有箇見處奈不識宗旨何入室次衣預令行者五人分序而立師至俱召實上座師於是密契奧旨述偈曰一位纔彰五位分君臣叶處五雲屯夜明簾卷無私照金殿重重顯至尊

嗣天童覺

雪竇智鑑禪師上堂世尊有密語迦葉不覆藏一夜落華雨滿城流水香

禪宗正脉卷第七

音釋

援都括切 髯傷遇切 膝亡安切 筴古叶切 袴口護切
 躑他典切 覬戶見切 醲魚欠切 迓王俱切 夯呼誘切
 誦匹布切 唎郎計切 糝悉威切 鐺息曳切 撒息侯切
 誦匹布切 唎郎計切 糝悉威切 鐺息曳切 撒息侯切

禪宗正脈卷第八

五 一本卷十

青原 雲門宗

雲門集存

雲門文偃禪師嘉興人也初參睦州州纔見來便閉却門
 師乃扣門州曰誰師曰某甲州曰作甚麼師曰已事
 未明乞師指示州開門一見便閉却師如是連三日
 扣門至第三日州開門師乃拶入州便擒住曰道道
 師擬議州便推出曰秦時轆轤鑽遂掩門損師一足
 師從此悟入州指見雪峯師到雪峯莊見一僧廼問
 上座今日上山去那僧曰是師曰寄一則因緣問堂
 頭和尚祇是不得道是別人語僧曰得師曰上座到
 山中見和尚上堂衆纔集便出握腕立地曰這老漢
 項上帶枷何不脫却其僧一依師教雪峯見這僧與

抵靈樹

廣主請住靈樹

根思遲回

麼道便下座攔臂把住曰速道速道僧無對峯拓開
 曰不是汝語僧曰是某甲語峯曰侍者將繩棒來僧
 曰不是某語是莊上一潮中上座教某甲來道峯曰
 大衆去莊上迎取五百人善知識來師次日上雪峯
 峯纔見便曰因甚麼得到與麼地師乃低頭從茲契
 合溫研積稔密以宗印授焉師出嶺徧謁諸方覈窮
 殊軌鋒辯險絕世所盛聞後抵靈樹冥符知聖禪師
 接首座之說初知聖住靈樹二十年不請首座常云
 我首座生也我首座牧牛也我首座行脚也一日令
 擊鐘三門外接首座衆出迓師果至直請入首座寮
 解包○後廣主命師出世靈樹開堂曰主親臨曰弟
 子請益師曰目前無異路法眼別云不可無益於人師乃曰莫道
 今日謾諸人好抑不得已向諸人前作一場狼籍忽
 遇明眼人見成一場笑具如今避不得也且問你諸
 人從上來有甚事欠少甚麼向你道無事已是相埋
 沒也雖然如是也須到這田地始得亦莫越口快亂
 問自己心裏黑漫漫地明朝後日大有事在你若根
 思遲回且向古人建化門庭東觀西觀看是箇甚麼

尋言逐句

十地聖人見性

道理你欲得會麼都緣是你自家無量劫來妄想濃厚一期聞人說著便生疑心問佛問法問向上向下求覓解會轉沒交涉擬心即差況復有言有句莫是不擬心是麼莫錯會好更有甚麼事珍重○上堂我不獲已向你諸人道直下無事早是相埋沒了也更欲踏步向前尋言逐句求覓解會千差萬別廣設問難贏得一場口滑去道轉遠有甚麼休歇時此事若在言語上三乘十二分教豈是無言語因甚麼更道教外別傳若從學解機智得祇如十地聖人說法如雲如雨猶被呵責見性如隔羅縠以此故知一切有心天地懸殊雖然如此若是得底人道火不能燒口終日說事未嘗挂著唇齒未嘗道著一字終日著衣喫飯未嘗觸著一粒米挂一縷絲雖然如此猶是門庭之說也須是實得恁麼始得若約衲僧門下句裏呈機徒勞佇思直饒一句下承當得猶是瞋睡漢時有僧問如何是一句師曰舉○僧來參師乃拈起袈裟曰汝若道得落我袈裟圈裡汝若道不得又在鬼窟裏坐作麼生自代云某甲無氣力○上堂諸

大家商量

●○一作頓

文德殿赴齋

舉一則語

信根淺薄

兄弟盡是諸方參尋知識決擇生死到處豈無尊宿垂慈方便之詞還有透不得底句麼出來舉看待老漢與你大家商量有麼有麼時有僧出擬伸問次師曰去去西天路迢迢十萬餘便下座○舉世尊初生下一手指天一手指地周行七步目顧四方云天上天下唯我獨尊師曰我當時若見一棒打殺與狗子喫却貴圖天下太平○師在文德殿赴齋有鞠常侍問靈樹果子熟也未師曰甚麼年中得信道生頌僧問如何是大修行人師曰一盞在手頌上堂因聞鐘聲乃曰世界與麼廣闊爲甚麼鐘聲披七條聯珠又云僧無語師曰七里灘頭多蛤子○上堂舉一則語教汝直下承當早是撒屎著汝頭上也直饒拈一毫頭盡大地一時明得也是剝肉作瘡雖然如此汝亦須是實到這箇田地始得若未切不得掠虛却須退步向自己根脚下推尋看是箇甚麼道理實無絲毫許與汝作解會與汝作疑惑況汝等各各當人有一段事大用現前更不煩汝一毫頭氣力便與祖佛無別自是汝諸人信根淺薄惡業濃厚突然起得許多頭角擔鉢囊千鄉萬

靈明默然處

時時澆漓

里受屈作麼且汝諸人有甚麼不足處大丈夫漢阿誰無分獨自承當得猶不著便不可受人欺謾取人處不纔見老和尚開口便好把特石礮口塞便是屎上青蠅相似鬪唆將去三箇五箇聚頭商量苦屈兄弟古德一期爲汝諸人不奈何所以方便垂一言半句通汝入路知是般事拈放一邊自著些子筋骨豈不是有少許相親處快與快與時不待人出息不保入息更有甚麼身心別處閑用切須在意珍重

又上堂文

長不頌僧問靈樹如何是祖師西來意樹默然遷化後門人立行狀碑欲入此語問師曰先師默然處如何上碑師對曰師頌普請搬柴次師遂拈一片拋下

曰一大藏教祇說這箇評頌上堂人人自有光明在看時不見暗昏昏作麼生是諸人自己光明自代云厨堂三門又曰好事不如無評頌示衆藥病相治盡大地是藥那箇是你自己云云評頌僧問如何是超佛越祖之談師曰餬餅○上堂故知時運澆漓代干像季近日師僧北去言禮文殊南去謂遊衡嶽恁麼行脚名字比丘徒消信施苦哉苦哉問著黑漆相似

寬相似語句

見解不同

祇管取性過時設有三箇兩箇狂學多聞記持話路到處覓相似語句印可老宿輕忽上流作薄福業他日閻羅王釘釘之時莫道無人向你說若是初心後學直須擺動精神莫空記人說處多虛不如少實向後祇是自賺有甚麼事近前頌上堂聞聲悟道見色明心遂舉起手曰觀世音菩薩將錢買餬餅放下手曰元來祇是饅頭評頌上堂乾坤之內宇宙之間中有一寶秘在形山拈燈籠向佛殿裏將三門來燈籠上作麼生自代曰逐物意移又曰雲起雷興評頌示衆曰十五日已前不問汝十五日已後道將一句來衆無對自代曰日日是好日頌上堂拈拄杖曰凡夫實謂之有二乘析謂之無緣覺謂之幻有菩薩當體卽空衲僧家見拄杖便喚作拄杖行但行坐但坐不得動著頌僧問如何是雲門一曲師曰臘月二十五日唱者如何師曰且緩緩○問牛頭未見四祖時如何師曰家家觀世音曰見後如何師曰火裏蟬螻吞大蟲○問如何是雪嶺泥牛吼師曰山河走如何是雲門木馬嘶師曰天地黑

人天眼目互換下句稍異

○問十二時

中如何即得不空過師曰向甚麼處著此一問曰學人不曾請師學師曰將筆硯來僧乃取筆硯來師作一頌曰舉不顧即差互擬思量何劫悟頌僧問如何是學人自己師曰遊山翫水曰如何是和尙自己師曰賴維那不在評頌僧問樹凋葉落時如何師曰體露金風頌問如何是佛師曰乾屎橛頌問如何是諸佛出身處師曰東山水上行頌問古人面壁意旨如何師曰念七頌問如何是祖師西來意師曰日裏看山頌問如何是和尙家風師曰有讀書人來報頌問如何是透法身句師曰北斗裏藏身○問承古有言牛頭橫說豎說猶未知有向上關捩子如何是向上關捩子師曰東山西嶺青○上堂函蓋乾坤目機銖兩不涉世緣作麼生承當衆無對自代曰一鏃破三關頌僧問如何是雲門劍師曰祖頌問如何是正法眼師曰普頌問如何是啐啄之機師曰響頌問如何是吹毛劍師曰豁又曰啻頌問如何是雲門一路師曰親頌問殺父殺母向佛前懺悔殺佛殺祖向甚麼處懺悔師曰露評頌問如何是一代時教師曰對

法身向上事

諸僧參

一說評頌問不是目前機亦非目前事時如何師曰倒一說頌問如何是法身上事師曰向上與汝道即不難作麼生會法身曰請和尙鑒師曰鑒即且置作麼生會法身曰與麼與麼師曰這箇是長連牀上學得底我且問你法身還解喫飯麼僧無對評頌問僧近離甚處曰西禪師曰西禪近日有何言句僧展兩手師打一掌僧曰某甲話在師却展兩手僧無語師又打頌僧問秋初夏末前程若有人問作麼生祇對師曰大衆退後曰未審過在甚麼處師曰還我九十日飯錢來頌講僧參經時乃曰未到雲門時恰似初生月及乎到後曲彎彎地師得知乃召問是你道否曰是師曰甚好吾問汝作麼生是初生月僧乃斫額作望月勢師曰你如此已後失却目在僧經旬曰復來師又問你還會也未曰未會師曰你問我僧便問如何是初生月師曰曲彎彎地僧問措後果然失目○示衆眞空不壞有眞空不異色僧便問作麼生是眞空師曰還聞鐘聲麼曰此是鐘聲師曰驢年夢見麼頌上堂平地上死人無數過得荊棘林者是好

光不透脫

手時有僧出曰與麼則堂中第一座有長處也師曰蘇嚕蘇嚕頌僧問佛法如水月是否師曰清波無透路曰和尚從何得師曰再問復何來曰正與麼時如何師曰重疊關山路評頌上堂拈拄杖曰拄杖子化為龍吞却乾坤了也山河大地甚處得來師有偈曰不露風骨句未語先分付進步口喃喃知君大閑措○示衆一人因說得悟一人因喚得悟一人聞舉便回去你道便回去意作麼生復曰也好與三十棒頌上堂光不透脫有兩般病一切處不明面前有物是一又透得一切法空隱隱地似有箇物相似亦是光不透漏又法身亦有兩般病得到法身為法執不忘已見猶存坐在法身邊是一直饒透得法身去放過即不可子細檢點將來有甚麼氣息亦是病頌問僧光明寂照徧河沙豈不是張拙秀才語曰是師曰話墮也頌僧問一切智通無障礙時如何師曰掃地潑水相公來評頌問如何是法身師曰六不收評頌問如何是清淨法身師曰華藥欄曰便怎麼去時如何師曰金毛獅子評頌問不起一念還有過也無師曰

到曹山

抵靈巖

僧舉灌谿示衆

須彌山評頌問如何是塵塵三昧起師曰鉢裏飯桶裏水○問如何是佛法大意師曰面南看北斗○師到天童童曰你還定當得麼師曰和尚道甚麼童曰不會則目前包裹師曰會則目前包裹○師到曹山見示衆云諸方盡把格則何不與他道却令他不疑去師問密密處爲甚麼不知有山曰祇爲密密所以不知有師曰此人如何親近山曰莫向密密處親近師曰不向密密處親近時如何山曰始解親近師應喏喏○師到鷺湖聞上堂曰莫道未了底人長時浮逼逼地設使了得底明明得知有去處尙乃浮逼逼地師下問首座適來和尚意作麼生曰浮逼逼地師曰首座久在此住頭白齒黃作這箇語話曰上座又作麼生師曰要道即得見即便見若不見莫亂道曰祇如道浮逼逼地又作麼生師曰頂上著枷脚下著扭曰與麼則無佛法也師曰此是文殊大人境界○僧舉灌谿上堂曰十方無壁落四面亦無門淨裸裸赤灑灑沒可把師曰舉即易出也大難曰上座不肯和尚與麼道那師曰你適來與麼舉那日是師曰你

尚書問行脚

尚書問行脚

抽顧

驢年夢見灌谿曰某甲話在師曰我問你十方無壁落四面亦無門你道大梵天王與帝釋天商量甚麼事曰豈干他事師喝曰逐隊喫飯漢頌師到江州有陳尚書者請齋纔見便問儒書中即不問三乘十二分教自有座主作麼生是禪僧行脚事師曰曾問幾人來書曰即今問上座師曰即今且置作麼生是教意書曰黃卷赤軸師曰這箇是文字語言作麼生是教意書曰口欲談而辭喪心欲緣而慮忘師曰口欲談而辭喪爲對有言心欲緣而慮忘爲對妄想作麼生是教意書無語師曰見說尚書看法華經是否書曰是師曰經中道一切治生產業皆與實相不相違背且道非非想天有幾人退位書無語師曰尚書且莫草草三經五論師僧拋却特入叢林十年二十年尚不奈何尚書又爭得會書禮拜曰某甲罪過頌師每見僧必顧視曰鑒僧擬議乃曰咦後德山圓明大師刪去顧字謂之抽顧叢林目雲門顧鑒咦僧收評頌示衆云古佛與露柱相交是第幾機自代云南山起雲北山下雨增收

雲門偈

雲門偈

三句

活句

白雲子祥實性大師僧問祖意教意是同是別師曰不別曰恁麼則同也師曰不妨領話○上堂諸人會麼但向街頭市尾屠兒魁創地獄鑊湯處會取若恁麼會得堪與人天爲師若向衲僧門下天地懸殊更有一般底祇向長連牀上作好人去汝道此兩般人那箇有長處無事珍重○問僧不壞假名而談實相作麼生僧指椅子曰這箇是椅子師以手撥椅曰與我將鞋袋來僧無對師曰這處頭漢須是我祥兄

得始

德山緣密圓明禪師上堂我有三句語示汝諸人一句函蓋乾坤一句截斷衆流一句隨波逐浪作麼生辯若辯得出有參學分若辯不出長安路上鞦韆地○上堂但參活句莫參死句活句下薦得永劫無滯一塵一佛國一葉一釋迦是死句揚眉瞬目舉指豎拂是死句山河大地更無諸訛是死句時有僧問如何是活句師曰波斯仰面看曰恁麼則不謬去也師便打頌上堂大衆及盡去也直得三世諸佛口挂壁上猶有一人呵呵大咲若識此人參學事畢增收

雲門僞

巴陵三轉語

雲門僞

遊山圖

巴陵新開顯鑒禪師初到雲門門曰雪峯和尚道開却門達磨來也我問你作麼生師曰築著和尚鼻孔曰地神惡發把須彌山一擲踣跳上梵天拶破帝釋鼻孔你爲甚麼向日本國裏藏身師曰和尚莫瞞人好門曰築著老僧鼻孔又作麼生師無語門曰將知你祇是學語之流師住後更不作法嗣書祇將三轉語上雲門頌僧問如何是道師曰明眼人落井評頌問如何是吹毛劍師曰珊瑚枝枝撐著月評頌問如何是提婆宗師曰銀盃裏盛雪門曰他後老僧忌日祇消舉此三轉語足以報恩自後忌辰果如所囑頌問祖意教意是同是別師曰雞寒上樹鴨寒下水雙泉師寬明教禪師上堂舉拂子曰這箇接中下之人時有僧問上上人來時如何師曰打鼓爲三軍○問洞山初和尚如何是佛山曰麻三斤師問之乃曰向南有竹向北有木○問如何是定師曰鰕跳不出斗曰如何出得去師曰南山起雲北山下雨○問北斗裏藏身意旨如何師曰雞寒上樹鴨寒下水○師遊山回首座同衆出接座曰和尚遊山巉嶮不易師

雲門僞

雲門

擔鉢囊行脚

提起拄杖曰全得這箇力座乃奪却師放身便倒大衆皆進前扶起師拈拄杖一時趨散回顧侍者曰向道全得這箇力
香林澄遠禪師在衆曰普請鉏草次有一僧曰看俗家失火師曰那裏火曰不見那師曰不見曰這瞎漢是時一衆皆言遠上座敗闕後明教寬問學歎曰須是我遠兄始得住後僧問美味醍醐爲甚麼變成毒藥師曰導江紙貴○問如何是祖師西來意師曰踏步者誰頌問如何是室內一椀燈師曰三人證龜成鼈頌問如何是衲衣下事師曰臘月火燒山○問但有言句盡是賓如何是主師曰長安城裏曰如何頌會師曰千家萬戶評頌問如何是西來的意師曰坐久成勞曰便回轉時如何師曰墮落深坑頌問萬頃荒田是誰爲主師曰看看臘月盡增收○上堂是汝諸人盡是擔鉢囊向外行脚還識得性也未若識得試出來道看若識不得祇是被人熱謾將去且問汝諸人是汝參學日久用心掃地煎茶遊山飮水汝且釘釘喚甚麼作自性諸人且道始終不變不異無

高無下。無好無醜。不生不滅。究竟歸於何處。諸人還知得下落所在也。未若於這裏知得所在。是諸佛解脫法門。悟道見性。始終不疑。不慮。一任橫行。一切人不奈汝。何。出言吐氣。實有來處。如人買田。須是收得元本契書。若不得他元本契書。終是不穩。遷莫經官判狀。亦是不得其奈。不收得元本契書。終是被入奪却。汝等諸人參禪學道。亦復如是。還有人收得元本契書。麼。試拈出看。汝且喚甚麼作元本契書。諸人試道看。若是靈利底。纔聞與麼說。著便知去處。若不知去處。向外邊學得千般巧妙。記持解會。口似傾河。終不究竟。與汝自己天地差殊。且去衣鉢下體當尋覓看。若有箇見處。上來這裏道看。老僧與汝證明。若覓不得。且依行隊去。

洞山守初禪師。頌初參雲門。門問。近離甚處。師曰。查渡門。曰。夏在甚處。師曰。湖南。報慈門曰。幾時離彼。師曰。八月二十五。門曰。放汝三頓棒。師至明日。却上問訊。昨日蒙和尚放三頓棒。不知過在甚麼處。門曰。飯袋子。江西湖南。便恁麼去。師於言下大悟。遂曰。他後

向無人煙處。不蓄一粒米。不種一莖菜。接待十方往來。盡與伊抽釘拔楔。拈却炙脂帽子。脫却鶻鼻布衫。教伊灑灑地作箇無事衲僧。豈不快哉。門曰。你身如椰子。大開得如許大口。師便禮拜。頌上堂言。無展事語。不投機承言者。喪滯句者。迷還得麼。你衲僧分上。到這裏。須具擇法眼。始得。祇如洞山。恁麼道也。有一場過。且道過在甚麼處。頌問。如何是正法眼。師曰。紙撚無油。評頌問。如何是佛師。曰。麻三斤。○問。如何是無縫塔。師曰。十字街頭石師子。

勸潭謙禪師。僧問。如何是勸潭家風。師曰。闍黎到來幾日也。○問。但有纖毫。即是塵。不有時作麼。生師以手掩兩目。○問。悟本無門。如何得入。師曰。阿誰教汝恁麼問。

奉先深禪師。頌師同明和尚。到淮河。見人牽網。有魚從網透出。師曰。明兄。俊哉。一似箇衲僧相似。明曰。雖然如此。爭如當初不撞入網羅。好師曰。明兄。你欠悟。在明至中夜。方省。明即金陵清涼智明禪師披雲寂禪師。僧問。以字不成。八字不是。未審是甚麼。

詞雲門偈

字師曰聽老僧一偈以字不是八不成森羅萬象此
中明直饒巧說千般妙不是謳和不是經○問如何
是一塵師曰滿目是青山前一則在聯珠
頌古第一卷中

詞雲門偈

舜峯韶禪師僧問正法無言時如何師曰言曰學人
不會乞師端的師曰兩重公案曰豈無方便師曰無
禮難容○問祖意教意是同是別師曰日出東方夜
落西

詞雲門偈

般若柔禪師頌僧問西天以蠟人為驗此土如何師
曰新羅人草鞋○上堂衆聞板聲集師因示偈曰妙
哉三下板知識盡來參既善分時節吾今不再三便
下座

深究洪規

薦福承古禪師操行高潔稟性虛明參大光歆玄禪
師乃曰祇是個草裏漢遂參福嚴雅和尚又曰祇是
箇脫灑衲僧由是終日默然深究先德洪規一日覽
雲門語忽然發悟自此韜藏不求名聞棲止雲居弘
覺禪師塔所四方學者奔湊因稱古塔主也景祐四
年范公仲淹出守鄱陽聞師道德請居薦福開闡宗
風頌僧問大善知識將何為人師曰莫曰怎麼則有

貧者福慧

詞雲門偈

同有答去也師曰莫聯珠
稍異○問一喝分賓主照用一
時行此意若何師曰乾柴濕爇僧便喝師曰紅簇炎
天○上堂夫出家者為無為法無為法中無利益無
功德近來出家人貪著福慧與道全乖若為福慧須
至明心若要達道無汝用心處所以常勸諸人莫學
佛法但自休心利根者盡時解脫鈍根者或三五年
遠不過十年若不悟去老僧與你入拔舌地獄參

法王集

雙峯欽禪師僧問如何是雙峯境師曰夜聽水流庵
後竹晝看雲起面前山○問如何是和尙為人一句
師曰因風吹火○上堂進一步則迷理退一步則失
事饒你一向兀然去又同無情僧問如何得不同無
情去師曰動靜施為曰如何得不迷理失事去師曰
進一步退一步僧作禮師曰向來有人怎麼會老僧
不肯伊曰請師直指師便打出○問如何是正法眼
師曰山河大地○問如何是法王劒師曰鋸刀徒逞
不若龍泉曰用者如何師曰藏鋒猶不許露刃更何
堪頌問賓頭盧應供四天下還得徧也無師曰如月
入水問如何是用而不雜師曰明月堂前垂玉露水

晶殿裏燦真珠

嗣雲門偈

資福證禪師僧問。覲面相逢處。如何顧鑒。嘆乞師垂半偈。免使後人疑。師曰。鋒前一句超調御。擬問如何。歷劫違曰。恁麼則東山西嶺。時人知有未審。資福庭前誰家風月。師曰。且領前話。

嗣雲門偈

黃雲元禪師上堂。古人道。觸目未曾無。臨機何不道。山僧即不然。觸目未曾無。臨機道甚麼。珍重。

嗣雲門偈

龍境倫禪師開堂。陞座提起拂子曰。還會麼。若會頭上更增頭。若不會。斷頭取活。僧問。如何是佛。師曰。勤耕田。曰。學人不會。師曰。早收禾。

嗣雲門偈

大容謹禪師僧問。既是大容。爲甚麼越出僧師。曰。大海不容塵。小谿多盪擢。○問。如何是古佛一路。師指地。僧曰。不問這箇。師曰。去。○師與一老宿相期。他往。偶因事不去。宿曰。佛無二言。師曰。法無一向。

嗣雲門偈

華嚴慧禪師僧問。承古有言。安心無處。即菩提。正當妄時。還有菩提也。無師曰。來音已照。曰。不會。師曰。妄心無處。即菩提。

嗣雲門偈

黃檗法濟禪師僧問。如何是和尙家風。師曰。與天下。

人作榜樣

嗣雲門偈

谷山豐禪師僧問。師唱誰家曲。宗風嗣阿誰。師曰。雪嶺梅華綻。雲洞老僧驚。

嗣雲門偈

洞山清稟禪師參雲門。門問。今日離甚處。曰。慧林門。舉拄杖曰。慧林大師。恁麼去。汝見麼。曰。深領此問。門顧左右微笑而已。師自此入室。印悟。○金陵主請。居光睦未幾。命入澄心堂。集諸方語。要經十稔。迎住洞山。

嗣雲門偈

北禪寂禪師上堂。拈拄杖曰。過去未來現在三世諸佛。微塵菩薩。一時在拄杖頭上。轉大法輪。盡向諸人鼻孔裏過。還見麼。若見。與我拈將來。若不見。大似立地死漢。良久曰。風恬浪靜。不如歸堂。

嗣雲門偈

淨源真禪師上堂。古人道。山河大地。普真如。大眾若得真如。即隱却山河大地。若不得。即違古人至言。衆中道得者。出來道看。若道不得。不如各自歸堂。珍重。

嗣雲門偈

大梵圓禪師因見聖僧。乃問僧。此箇聖僧。年多少。僧曰。恰共和尙同年。師喝曰。這羯叶不易道得。

嗣雲門偈

藥山圓光禪師問。新到南來北來。曰。北來。師曰。不落。

言。腔。速。道。速。道。曰。某。甲。是。福。建。道。人。善。會。鄉。談。師。曰。參。衆。去。僧。曰。灼。然。師。曰。更。踴。跳。便。打。

解會顯露

奉。國。海。禪。師。僧。問。青。翠。竹。盡。是。眞。如。如。何。是。眞。如。師。曰。點。鐵。成。金。客。問。名。不。見。形。曰。恁。麼。則。禮。謝。去。也。師。曰。昔。時。妄。想。至。今。猶。存。

解會顯露

雲。門。球。禪。師。僧。問。如。何。是。隨。色。摩。尼。珠。師。曰。色。卽。不。無。作。麼。生。是。珠。曰。學。人。不。會。特。伸。請。益。師。曰。雲。有。出。山。勢。水。無。投。澗。聲。

解會顯露

佛。陀。遠。禪。師。僧。問。如。何。是。佛。師。曰。銅。頭。鐵。額。曰。意。旨。如。何。師。曰。簸。土。揚。塵。

解會顯露

慈。雲。深。禪。師。僧。問。寶。鏡。當。軒。時。如。何。師。曰。天。地。皆。失。色。○。問。如。何。是。教。外。別。傳。一。句。師。曰。扣。牙。恐。驚。齒。

解會顯露

化。城。鑒。禪。師。上。堂。十。方。薄。伽。梵。一。路。涅。槃。門。諸。禪。德。且。作。麼。生。是。涅。槃。門。莫。是。山。僧。這。裏。聚。會。少。時。便。爲。涅。槃。門。麼。莫。錯。會。好。諸。禪。德。總。不。恁。麼。會。莫。別。有。商。量。底。麼。山。僧。這。裏。早。是。事。不。獲。已。向。諸。人。恁。麼。道。已。是。相。鈍。置。了。也。更。擬。踏。步。向。前。有。何。所。益。諸。禪。德。但。自。無。事。自。然。安。樂。任。運。天。眞。隨。緣。自。在。莫。用。巡。他。門。

解會顯露

解會顯露

戶。求。覓。解。會。記。憶。在。心。被。他。繫。縛。不。得。自。在。便。被。生。死。之。所。拘。何。時。得。出。頭。可。惜。光。陰。倏。忽。便。是。來。生。速。須。努。力。時。有。僧。問。生。死。到。來。如。何。免。得。師。曰。柴。鳴。竹。爆。驚。人。耳。曰。學。人。不。會。請。師。直。指。師。曰。家。犬。聲。聲。夜。不。休。○。僧。問。如。何。是。向。上。關。樞。子。師。曰。拔。劍。攪。龍。門。護。國。和。尙。上。堂。實。際。理。地。不。受。一。塵。佛。事。門。中。不。捨。一。法。又。曰。一。法。若。有。毗。盧。墮。在。凡。夫。萬。法。若。無。普。賢。失。其。境。界。諸。上。座。作。麼。生。理。論。朝。夕。恁。麼。上。來。向。諸。上。座。說。箇。甚。麼。卽。得。若。說。三。乘。十。二。分。教。自。有。座。主。律。師。若。說。世。諦。因。緣。又。非。僧。家。之。所。議。若。論。佛。法。從。上。祖。宗。多。少。佛。法。可。與。評。量。總。不。如。是。須。知。各。各。當。人。分。上。事。作。麼。生。是。諸。上。座。分。上。事。知。有。麼。對。衆。吐。露。箇。消。意。以。表。平。生。行。脚。參。善。知。識。具。燦。迦。維。目。不。被。人。瞞。豈。不。快。哉。還。有。麼。良。久。云。若。無。人。出。頭。賣。買。不。當。價。徒。勞。更。商。量。珍。重。

解會顯露

西。禪。欽。禪。師。僧。問。如。何。是。函。蓋。乾。坤。句。師。曰。天。上。有。星。皆。拱。北。曰。如。何。是。截。斷。衆。流。句。師。曰。大。地。坦。然。平。曰。如。何。是。隨。波。逐。浪。句。師。曰。春。生。夏。長。

嗣雲門偈

覺華照禪師僧問如何是真如涅槃師曰秋風聲颯颯潮水響潺潺

嗣雲門偈

延真山和尚僧問從上古聖向甚麼處去師曰不在山間即居樹下曰未審成得箇甚麼師曰汝還知落處麼僧無語師便打

嗣雲門偈

黃龍贊禪師僧問如何是和尙關捩子師曰少人踏得著曰忽踏得著時如何師曰汝試進前看僧便喝師便打

嗣雲門偈

未一作來

雲門朗上座自幼肄業講肆聞僧問雲門如何是透法身句門曰北斗裏藏身師罔測微旨遂造雲門門纔見便把住曰道道師擬議門拓開乃示頌曰雲門崢嶸白雪低水急遊魚不敢棲入戶已知未見解何勞再舉轢中泥師因斯大悟○僧問如何是解脫師曰穿靴水上行

嗣雲門偈

纂子山庵主僧問如何是透法身句師曰朝看東南暮看西北

嗣白雲詳

大歷和尚初參白雲雲舉拳曰我近來不恁麼也師領旨禮拜自此入室僧問如何是西來意師曰被草

嗣白雲詳

鞋○問如何是無爲師乃擺手○問庵主供養將何報答師以手撚髭曰有髭即撚無髭又如何師曰非公境界

嗣白雲詳

寶華和尚見一僧從法堂階下過師乃敲繩牀僧曰若是這箇不請拈出師喜下地詰之僧無語師便打月華山月禪師初謁白雲雲問業箇甚麼曰孔雀經雲曰好箇人家男女隨鳥雀後走師聞語驚異遂依附久之乃契旨尋住月華○有一老宿上法堂東西顧視曰好箇法堂要且無主師聞乃召曰且坐喫茶宿問曰玄中最的猶是龜毛兔角不向二諦中修如何密用師曰側宿曰恁麼則拘折拄杖割斷草鞋去也師曰細而詳之

嗣白雲詳

樂淨匡禪師僧問但得本莫愁末如何是本師曰不要問人曰如何是末師乃豎指○因普請打籬次僧問古人種種開方便門和尚爲甚麼却攔截師曰牢下槩著

嗣白雲詳

後白雲和尚僧問古琴絕韻請師彈師曰伯牙雖妙手時人聽者希曰恁麼則再遇子期也師曰笑發驚

絃斷寧知調不同

嗣德山密

文殊真禪師頌僧問萬法歸一一歸何處師曰黃河九曲曾收問古人拈掌意旨如何師曰家無小使不成君子

嗣德山密

南臺勤禪師頌僧問如何是祖師西來意師曰一寸龜毛重七斤

嗣德山密

德山晏禪師僧問如何是祖師西來意師曰桃源水繞白雲亭○上堂一塵纔起大地全收一毛頭上師子全身且道一塵纔起大地全收須彌山重多少一毛頭上師子全身大海水有幾滴有人道得與汝拄杖子天下橫行若道不得須彌山蓋却汝頭大海水溺却汝身

嗣德山密

乾明普禪師僧問萬行齊修古人不許不落功勳還許也無師曰一日學人未曉乞師再指師曰三十年後

嗣德山密

中梁崇禪師僧問垂絲千尺意在深潭時如何師曰紅鱗掌上躍

嗣德山密

黃龍愿禪師僧問迦葉上行衣何人合得披師曰一

嗣德山密

片燒痕地春入又逢青

普安道禪師三句頌函蓋乾坤曰乾坤并萬象地獄及天堂物物皆真見頭頭用不傷截斷衆流曰堆山積獄來一一盡塵埃更擬論玄妙冰消瓦解摧隨波逐浪曰辯口利舌問高低總不虧還如應病藥診候在臨時三句外曰當人如舉唱三句豈能該有問如何事南嶽與天台擡薦商量曰相見不揚眉君東我亦西紅霞穿碧落白日繞須彌

嗣巴陵鑑

潞潭靈澄散聖師有西來意頌曰因僧問我西來意我話居山七八年草履祇栽三箇耳麻衣曾補兩番肩東庵每見西庵雪下澗長流上澗泉半夜白雲消散後一輪明月到牀前

嗣巴陵鑑

五祖師戒禪師僧問如何是隨色摩尼珠師曰隨曰隨後如何師曰一箇婆婆兩箇嬰頌智門問曰暑往寒來即不同林下相逢事若何師曰五鳳樓前聽玉漏門曰爭奈主山高案山低師曰須彌頂上擊金鐘頌僧問如何是佛師曰踏著秤鎚硬似鐵增收

嗣雙泉寬

福昌善禪師僧問如何是正法眼師曰夜觀乾象曰

學人不會意旨。如何師曰。日裏看山。○上堂。盡乾坤大地微塵。諸佛總在。福昌這裏拈拄杖。畫一畫曰。說佛說法。諸禪德。若也會得出來。與汝證據。若也不會。花須連夜發。莫待曉風吹便下座。

嗣雙泉寬

建福同禪師。僧問。如何是透法身句。師曰。鸚鵡慕西秦。僧禮拜。師曰。聽取一頌。雲門透法身。法身何許人。鴈回沙塞北。鸚鵡慕西秦。

嗣香林遠

智門光祚禪師。先住北塔隨州人也頌。僧問。如何是佛。師曰。踏破草鞋赤脚走。曰。如何是佛。向上事。師曰。拄杖頭上挑日月。評頌問。如何是般若。體師曰。蚌含明月。曰。如何是般若。用。師曰。兔子懷胎。評頌問。蓮華未出水時。如何。師曰。蓮華曰。出水後。如何。師曰。荷葉。○上堂。一

師子腰折

法若。百毗盧墮在。凡夫萬法若無普賢。失其境界。正當恁麼時。文殊向甚麼處出頭。若也出頭不得。金毛師子腰折。幸好一盤飯。莫待糝椒薑。○上堂。汝等諸人。樓檐拄杖。出一叢林。入一叢林。你道叢林有幾種。或有栴檀叢林。栴檀圍繞。或有荊棘叢林。荊棘圍繞。或有荊棘叢林。栴檀圍繞。或有栴檀叢林。荊棘圍繞。

四種叢林

嗣洞山初

祇如四種叢林。是汝諸人在。阿那箇叢林裏安身立命。若無安身立命處。虛踏破草鞋。闍羅王徵你草鞋錢。有日在。○上堂。雪峯轅。毬羅漢書字。歸宗斬蛇。大隨燒畬。且道明甚麼邊事。還有人明得麼。試道看。若明不得。所以道。斬蛇須是斬蛇手。燒畬須是燒畬人。瞥起情塵生。妄見眼裏無筋。一世貧。

嗣洞山初

嗣洞山初

嗣洞山初

福嚴良雅禪師。居洞山第一座。山參次僧出問。如何是佛。山答曰。麻三斤。參罷。山至寮。謂師曰。我今日答這僧。話得麼。曰。恰值某淨髮。山曰。你元來作這去就。拂袖便出。師曰。答老漢。將謂我明。他這話。領不得。因作偈呈曰。五彩畫牛頭。黃金爲點額。春晴二月初。農人皆取則。寒日賀新正。鐵錢三五百。山見深肯之。開福賢禪師。頌。僧問。如何是衲僧活計。師曰。耳裏種田。此則聯珠有頌見香林遠章內○上堂。不用思而知。不用慮而解。知解俱泯。合談何事。師曰。一葉落。天下秋。了山盛禪師。上堂。鐘聲清。鼓聲響。早晚相聞。休妄想。薦得徒勞。別問津。莫道山僧無伎倆。咄。蓮華峯祥庵主僧。問。如何是雪裏泥牛吼。師曰。聽曰。

如何是雲中木馬。嘶師曰。響評頌示寂。日拈拄杖示

衆曰。古人到這裏爲甚麼不肯住。衆無對。師乃曰。爲

他途路不得力。復曰。畢竟如何。以杖橫肩曰。柳栗橫

擔不顧人。直入千峯萬峯去。言畢而逝。

德山遠禪師上堂。枕石漱流。任運天真。不見古者道。

撥霞掃雪。和雪母掘石移松。得茯苓當。恁麼時。復何

言哉。諸禪德。要會麼。聽取一頌。雪霽長空迴野飛。鴻

段雲片片向西向東。

開先照禪師僧問。向上宗。乘乞師垂示。師曰。白雲斷

處見明月。日猶是學人疑處。師曰。黃葉落時。聞擣衣

○上堂。叢林規矩。古佛家風。一參一請。一粥一飯。且

道明得箇甚麼。祇如諸人心。心不停念念不住。若能

不停處。停念處。無念自合。無生之理。與麼說話。笑破

他人口。參。

金陵天寶和尚僧問。如何是和尙家風。師曰。列半作

三日學人未曉。師曰。鼻孔針筒。又雲。門示衆曰。拆半

載于聯珠頌古

法雲善禪師僧問。如何是古佛道場。師曰。山青水綠。

詞舞筆韻
一作寂

詞後者柔

藍田真禪師上堂。成山假就於始。質脩途託至於初

步上座。適來從地爐邊來。還與初步同。別若言。同即

不會不遷。若言別。亦不會不遷。上座作麼生。會還會

麼。這裏不是那裏。那裏不是這裏。且道是一處兩處

是遷不遷。是來去不是來去。若於此顯明得。便乃古

今一如。初終自爾。念念無常。心心永滅。所以道。觀方

知彼去去者。不至方上座。適來恁麼來。却請恁麼去。

參。

詞妙勝臻

雪峯欽山主上堂。昨日一今日二。不用思量。快須瞥

地。不瞥地。蹉過平生。沒巴鼻。咄。

詞清涼明

西峯豁禪師謁清涼問。佛未出世時。如何涼。曰。雲遮

海門。樹日出。世後如何。涼曰。壁破鐵圍山。師於言下

易中要旨

大悟。涼印可之。歸住寶龍。嘗有問。易中要旨者。師曰。

夫神生於無形。而成於有形。從有以至於無。然後能

合乎妙圓正覺之道。故自四十九行。以至於萬有一

千五百二十。以窮天下之理。以盡天下之性。不異吾

聖人之教也。

詞文殊真

洞山曉聰禪師在雲居作燈頭。見僧說泗洲大聖近

在揚州出現。頌有設問曰：既是泗洲大聖爲甚麼却向揚州出現？師曰：君子愛財，取之以道。後僧舉似蓮華峯祥庵主，主大驚曰：雲門兒孫猶在中夜望雲居拜之。○問達磨未傳心地，印釋迦未解髻中珠。此時若問西來意，還有西來意也。無師曰：六月雨淋淋，寬其萬姓心。曰：恁麼則雲散家家月，春來處處花。師曰：脚跟下到金剛水際，是多少僧無語。師曰：祖師西來特唱此事，自是上座不薦，所以從門入者，不是家珍。認影迷頭，豈非大錯？既是祖師西來特唱此事，又何必更對衆切切珍重。○上堂：晨鷄報曉，靈粥後便天明。燈籠猶瞋睡，露柱却惺惺。復曰：惺惺直言惺惺歷歷，直言歷歷明朝後。曰：莫認奴作郎。珍重。○上堂舉寒山云：井底生紅塵，高峯起白浪。石女生石兒，龜毛寸寸長。若要學菩提，但看此模樣。良久曰：還知落處也無若也。不知落處，看看菩提入僧堂裏去也。久立。○上堂：春寒凝，沍夜來好雪，還見麼？大地雪漫漫，春風依舊寒。說禪說道，易成佛成祖，難珍重。○因事示衆：天晴蓋却屋，乘乾刈却禾。早輸王稅了，鼓腹唱巴

歌○僧問德山入門便棒。曾是起模畫樣。臨濟入門便喝。未免捏目生花。離此二途。未審洞山如何爲人。師曰。天晴久無雨。近日有雲騰。曰。他日若有人問洞山宗旨。教學人如何。畢。似師曰。園蔬枯槁。甚擔水澆。

石霜誠禪師僧問古者道捲簾當白晝移榻對青山。如何是捲簾當白晝。師曰。過淨瓶來。曰。如何是移榻對青山。師曰。却安舊處著。○上堂。心外無法。法外無心。隨緣蕩蕩。更莫沉吟。你等諸人。纔上階道。便好回去。更要待第二惡水。潑作甚麼。

渤潭澄禪師。僧問。見者是色。聞者是聲。離此二途。請
 師別道。師曰。古寺新碑額。○師一日見僧披衲。師曰。
 得恁麼好針線。曰。祇要牢固。師曰。打草驚蛇。作甚麼。
 曰。客來須看。師曰。祇有這箇。更別有。曰。雲生嶺上。師
 曰。未。在。更道。曰。水滴巖前。

雲蓋顒禪師僧問。如何是祖師西來意。師曰。古寺碑。
難讀。曰。意旨如何。師曰。讀者盡攢眉。
上方獄禪師上堂。旋收黃葉。燒青煙。竹榻和衣。半夜。

風依舊。寒說禪。說道易成佛。成祖難珍重。○因事示衆。天晴蓋却屋。乘乾刈却禾。早輸王稅了。鼓腹唱巴

寸寸長。若要學菩提。但看此模樣。良久曰。還知落處也。無若也。不知落處。看看菩提入僧堂裏去也。久立。○上堂。春寒凝。迥夜來好雪。還見麼。大地雪漫漫。春風依舊寒。說禪說道。易成佛成祖。難珍重。○因事示衆。天晴蓋却屋。乘乾刈却禾。早輸王稅了。鼓腹唱巴

光孝深

眠粥後放參三下鼓孰能更話祖師禪便下座

育王坦禪師僧問中有師曰金河峯上曰如何是無中無師曰般若臺前○上堂千花競發百鳥啼春是向上句諸佛出世知識與慈是向下句作麼生是不涉二途句若識得頂門上出氣若識不得土牛耕石田擊禪牀下座

金山新禪師僧問吾有大患爲吾有身父母未生未審此身在甚麼處師曰曠大劫來無處所若論生滅盡成非曰恁麼則周徧十方心不在一切處師曰泥裏撼椿○上堂世間所貴者和氏之璧隋侯之珠金山喚作驢屎馬糞出世間所貴者真如解脫菩提涅槃金山喚作屎沸碗鳴且道恁麼說話落在甚麼處故不是取捨心重信邪顛見諸人要知麼猛虎不顧几上肉洪爐豈鑄囊中錐

雪竇重顯明覺禪師橫經講席究理窮玄詰問鋒馳機辯無敵咸知法器僉指南遊首造智門卽伸問曰不起一念云何有過門召師近前師纔近前門以拂子驀口打師擬開口門又打師豁然開悟出住翠峯

開堂日示衆

後遷雪竇開堂日僧問吹大法螺擊大法鼓朝宰臨筵如何卽是師曰清風來未休曰恁麼則得遇於師也師曰一言已出驢馬難追僧禮拜師曰放過一著乃普觀大衆曰人天普集合發明箇甚麼事焉可互分賓主馳騁問答便當宗乘去廣大門風威德自在輝騰今古把定乾坤千聖祇言自知五乘莫能建立所以聲前悟旨猶迷顧鑑之端言下知宗尙昧識情之表諸人要知真實相爲麼但以上無攀仰下絕已躬自然常光現前箇箇壁立千仞還辨明得也無未辨辨取未明明取既辨明得能截生死流同據佛祖位妙圓超悟正在此時堪報不報之恩以助無爲之化○上堂僧問如何是維摩一默師曰寒山訪拾得曰恁麼則入不二之門師噓一噓復曰維摩大士去何從千古令人望莫窮不二法門休更問夜來明月上孤峯○上堂春山疊亂青春水漾虛碧寥寥天地間獨立望何極便下座顧謂侍者曰邇來有人看方丈麼者曰有師曰作賊人心虛○上堂大衆這一片田地分付來多時也爾諸人四至界畔猶未識在若

不二法門

要中心樹子。我也不惜。頌僧問。如何是諸佛本源。師曰。千峯寒色。曰。未委向上更有也。無師曰。雨滴巖花。○上堂。十方無壁落。四面亦無門。古人向甚麼處見客。或若道得。接手句。許你天上天下。頌示衆曰。龍泉與刀斧同質。利鈍懸殊。驚駭與驥馬同途。遲速有異。增收頌。僧問。山花開似錦。澗水湛如藍。學人分上。爲甚麼不會。師曰。枯木裏。瞪眼曰。恁麼則從苗辨地。因語議人也。師曰。三十棒。且待別時。增收頌。僧問。如何是佛師。曰。四山圍繞。增收。

圓覺門許

雲蓋鵬禪師。頌初謁雙泉雅禪師。泉令充侍者。示以芭蕉拄杖。話經久。無省發。一日。泉向火次。師侍立。泉忽問。拄杖子。話試舉來。與子商量。師擬舉。泉拈火筴。便撼師。豁然大悟。○上堂。高不在絕頂。富不在福嚴。樂不在天堂。苦不在地獄。良久。曰。相識滿天下。知心能幾人。

圓覺門許

彰法泗禪師。僧問。如何是佛法大意。師曰。多少人摸索不著。曰。忽然摸著。又作麼生。師曰。堪作甚麼。北禪賢禪師。頌僧問。如何是佛師。曰。匙挑不上。頌歲。

圓覺門許

分歲茶牛

夜小參。曰。年窮歲盡。無可與諸人分歲。老僧烹一頭露地白牛。炊黍米飯。煮野菜羹。燒槽柁火。大家喫了。唱村田樂。何故。免見倚他門戶。傍他牆。剛被時人喚作郎。便下座。歸方丈。至夜深。維那入方丈。問訊曰。縣裏有公人到勾。和尚師曰。作甚麼。那曰。道和尚宰牛。不納皮角。師遂將下頭帽。擲在地上。那便拾去。師跳下禪牀。攔臂擒住。叫曰。賊賊。那將帽子覆師頂。曰。天寒且還和尚師。呵呵。大咲。那便出去。時法昌爲侍者。師顧昌曰。這公案作麼生。昌曰。潭州紙貴。一狀領過。日芳上座。僧問。如何是函蓋乾坤句。師豎起拄杖。僧曰。如何是截斷衆流句。師橫按拄杖。僧曰。如何是隨波逐浪句。師擲下拄杖。僧曰。三句外。請師道。師便起去。○師贊。開福眞曰。清儀瘦。兮可瞻。可仰。仰之非親。妙筆圖。兮可擬。可像。像之非眞。非親。非眞。秋月盈輪。有言無味。兮的中的。既往如在。兮覓焉覓。當機隱顯。兮絲髮。諸訛金烏卓午。兮迅風霹靂。開先遷禪師。操行清苦。徧遊師席。以開悟爲志。參德山。見山上堂。顧視大衆。曰。師子嘯。象王回顧。師忽。

圓覺門許

贊師真

圓覺門許

有省入室陳所解山曰子作麼生會師回顧曰後園驢喫草山然之後至雪竇寶與語喜其超邁目曰海上橫行暹道者遂命分座四方英衲敬畏之他日寶舉師出世金鷲師聞潛書二偈于壁而去曰不是無心繼祖燈道慚未廟嶺南能三更月下離巖竇眷眷無言戀碧巖二十餘年四海間尋師擇友未嘗閒今朝得到無心地却被無心趣出山晚年衆請滋甚遂開法開先以慰道俗之望

嗣鑑山遠

秀州資聖勤禪師上堂多生覺悟非干衲一點分明不在燈拈拄杖曰拄杖頭上祖師燈籠脚下彌勒須彌山腰鼓細卽不問你作麼生是分明一點你若道得無邊剎境總在你眉毛上你若道不得作麼生過得羅刹橋良久曰水流千派月山鎖一谿雲卓拄杖下座

嗣鑑山遠

潭州鹿苑圭禪師上堂凡有因緣須曉其宗若曉其宗無是無不是用則波騰海沸全眞體以運行體則鏡淨水沉舉隨緣而會寂且道兜率天宮幾人行幾人坐若向這裏辨得縑素許你諸人東西南北如雲

嗣洞山應

古鏡未磨

六
一本卷十
嗣洞山應

似鶴於此不明踏破草鞋未有了日在參

雲居曉舜禪師號舜老夫少年靈猛忽悟浮幻投師出家

乃修細行頌參洞山一日如武昌行乞首謁劉公居

士家士高行爲時所敬意所與奪莫不從之師時年

少不知其飽參頗易之士曰老漢有一問若相契卽

開疏如不契卽請還山遂問古鏡未磨時如何師曰

黑似漆曰磨後如何師曰照天照地士長揖曰且請

上人還山拂袖入宅師懷懼卽還洞山山問其故師

具言其事山曰你問我我與你道師理前問山曰此

去漢陽不遠師進後語山曰黃鶴樓前鸚鵡洲師於

言下大悟機鋒不可觸○上堂舉夾山道闢市門頭

識取天子百草頭上薦取老僧雲居卽不然婦搖機

輒輒兒弄口噯噯○上堂語方有弄蛇頭撥虎尾跳

大海劒刃裏藏身雲居這裏寒天熱水洗脚夜間脫

襪打睡早朝旋打行纏風吹籬倒喚人夫劈篾縛起

杭州佛日契嵩禪師得法于洞山師夜則頂戴觀音

像而誦其號必滿十萬乃寢以爲常自是世間經書

章句不學而能作原教論十萬餘言明儒釋之道一

抗宗排佛
仁宗褒獎
瑞獻歸修
之

洞山曉

洞山曉

貫以抗宗排佛之說讀之者畏服後居永安蘭若
著禪門定祖圖傳法正宗記輔教編上進 仁宗皇
帝覽之加歎付傳法院編次入藏下詔褒寵賜號明
教宰相韓琦大參歐陽脩皆延見而尊禮之洎東還
熙寧四年六月四日晨輿爲僞曰後夜月初明吾今
喜獨行不學大梅老貪隨鼯鼠聲至中夜而化闍維
不壞者五日頂曰瓦曰舌曰童真曰數珠其頂骨出
舍利紅白晶潔道俗合諸不壞葬於故居永安之左
後住淨慈北磻居簡嘗著五種不壞贊師有文集二
十卷目曰鐔津盛行于世

洪州太守許式參洞山得正法眼一日與泐潭澄上
藍薄坐次潭問聞郎中道夜坐連雲石春栽帶雨松
當時答洞山甚麼話公曰今日放衙早潭曰聞答泗
州大聖在揚州出現底是否公曰別點茶來潭曰名
不虛傳公曰和尚早晚同山潭曰今日被上藍覷破
藍便喝潭曰須是你始得公曰不奈船何打破屎斗
育王璉禪師齟齬出家叩角圓頂篤志道學寢食無
廢一日洗面潑水于地微有省發即慕參尋遠造泐

仁廟號大
亮

洞山曉

潭法席投機印可師事之十餘年去遊廬山掌記于
圓通訥禪師所皇祐中 仁廟有詔住淨因禪院召
對化成殿問佛法大意奏對稱旨賜號大覺禪師○
上堂太陽東昇爍破大千之暗諸人若向明中立猶
是影響相馳若向暗中立也是藏頭露影漢到這裏
作麼生吐露良久曰逢人祇可三分語未可全拋一
片心參○上堂世法裏面迷却多少人佛法裏面醉
却多少人祇如不迷不醉是甚麼人分上事○上堂
言鋒纔發義海交深若用徑截一路各請歸堂○上
堂應物現形如水中月遂拈起拄杖曰這箇不是物
卽今現形也且道月在甚麼處良久曰長空有路還
須透潭底無蹤不用尋擊香臺下座
承天簡禪師上堂夫遮那之境界衆妙之玄門知識
說之而莫窮善財酌之而莫竭文殊體之而寂寂普
賢證之以重重若也隨其法性如雲收碧漢本無一
物若也隨其智用如花開春谷應用無邊雖說遍恒
沙乃同遵一道且問諸人作麼生是一道良久曰白
雲斷處見明月黃葉落時聞搗衣參

調經潭

九峯韶禪師上堂。山僧說禪如耗蠅吐油。捏著便出。若不捏著一點也。無何故。祇爲不曾看讀古今因緣。及預先排疊。勝妙見知。等候陞堂。便磨磨將粥。飯氣熏炙。諸人凡有一問一答。蓋不得已。豈獨山僧看他大通智勝。如來默坐十劫。無開口處。後因諸天梵王及十六王子再三勸請。方始說之。却不是秘惜祇爲不敢埋沒。諸人山僧既不埋沒。諸人不得道。山僧會陞座參。

調經潭

西塔殊禪師上堂。黃梅席上數如麻。句裏呈機事可嗟。直是本來無一物。青天白日被雲遮。參。

調經潭

雲居億禪師上堂。馬祖纔陞堂。雄峯便卷席。春風一陣來。滿地花狼籍。使下座。

調經潭

令沿首座久參。泐潭潭因問祖師。西來單傳。心印直指。人心見性成佛。子作麼生。會師曰。某甲不會。潭曰。子未出家時。作箇甚麼。師曰。牧牛。潭曰。作麼生。牧師曰。早朝騎出去。晚後復騎歸。潭曰。子大好不會。師於言下大悟。遂成頌曰。放却牛繩。便出家。剃除鬚髮。著袈裟。有人問我西來意。拄杖橫挑囉哩囉。

調北塔廣

調雲巖

調上方岳

調金山新

玉泉承皓禪師參北塔。發明心要。得大自在。三昧製續鼻視書歷代祖師名字。乃曰。文殊普賢較些子。且書於帶上。故叢林目爲皓布視。元豐間。首衆於谷隱。有鄉僧亦效之。師見而詬曰。汝具何道理。敢以爲戲。事耶。嘔血無及。耳尋於鹿門。如所言而逝。頌冬至示衆曰。晷運推移。布視赫赤。莫怪不洗。無來換替。○自贊粥稀後。坐牀窄。先臥耳。噴愛高聲。眼昏宜字大。雲居慶禪師僧問。如何是函蓋乾坤。句師曰。合日如何是隨波逐浪。句師曰。闊日如何是截斷衆流。句師曰。窄。○上堂。道本無爲。法非延促。一念萬年。千古在目。月白風恬。山青水綠。法法現前。頭頭具足。祖意教意。非直非曲。要識廬陵米價。會取山前麥熟。以拂子擊禪牀下座。

國慶順宗禪師上堂。心生則種種法生。心滅則種種法滅。拈起拄杖曰。此箇是法。那箇是滅。底心若人。道得許你頂上具眼。其或未然。雲暗不知天早晚。雪深難辨路高低。參。

天聖守道禪師上堂。日月繞須彌。人間分晝夜。南閩

浮提人祇被明暗色空留礙且道不落明暗一句作麼生道良久曰柳色黃金嫩梨花白雪香參○上堂不從一地至一地寂滅性中寧有位釋迦稽首問然燈仁者何名爲受記便下座

天衣義懷禪師天聖中試經得度謁金鑾善葉縣省皆蒙印可遂由洛抵龍門復至都下欲繼宗風意有未決忽遇言法華指師肯曰雲門臨濟去及至姑蘇禮明覺雪竇顯也於翠峯覺問汝名甚麼曰義懷覺曰何不名懷義曰當時致得覺曰誰爲汝立名曰受戒來

十年矣覺曰汝行腳費却多少草鞋曰和尚莫瞞人好覺曰我也沒量罪過汝也沒量罪過你作麼生師無語覺打曰脫空謾語漢出去入室次覺曰恁麼也不得不恁麼也不得恁麼不恁麼總不得師擬議覺又打出如是者數四尋爲水頭因汲水折擔忽悟作投機偈曰一二三四五六七八九萬仞峯頭獨足立驪龍領下奪明珠一言勘破維摩詰覺聞拈几稱善後七坐道場化行海內嗣法者甚衆頌上堂衲僧橫說豎說未知有頂門上眼時有僧問如何是頂門上取師

驅耕夫牛事
飢人食

鬼神茶飯

曰衣穿瘦骨露屋破看星眠○上堂夫爲宗師須是驅耕夫之牛奪饑人之食遇賤卽貴遇貴卽賤驅耕夫之牛令他苗稼豐登奪饑人之食令他永絕饑渴遇賤卽貴握土成金遇貴卽賤變金成土老僧亦不驅耕夫之牛亦不奪饑人之食何謂耕夫之牛我復何用饑人之食我復何餐我也不握土成金也不變金作土何也金是金土是土玉是玉石是石僧是僧俗是俗古今天地古今日月古今山河古今人倫雖然如此打破大散關幾箇迷逢達磨頌上堂鴈過長空影沉寒水鴈無遺蹤之意水無留影之心若能如是方解向異類中行不用續鳬截鶴夷獄盈壑放行也百醜千拙收來也擊擗拳拳用之則敢與八大龍鬪富不用都來不直半分錢參○上堂靈源絕朕普現色身法離斷常有無堪示所以塵塵不見佛刹刹不聞經要會靈山親授記晝見日夜見星良久曰若到諸方不得錯舉參○上堂虛明自照不勞心力士見之鬼神茶飯中士得之狂心頓息更有一人切忌道著○上堂青蘿餐綠直上寒松之頂白雲淡泞

室中問僧

出沒太虛之中何似南山起雲北山下雨若也會得甜瓜徹蒂甜若也不會苦瓠連根苦室中問僧無手人能行拳無舌人解言語忽然無手人打無舌人無舌人道箇甚麼又曰蜀魄連宵叫鵲鴉終夜啼圓通門大啓何事隔雲泥頌師舉金剛經云若見諸相非相卽見如來法眼云若見諸相非相卽不見如來師曰若見諸相非相眼在甚麼處此語有兩負門增收頌示衆曰百骸俱潰散一物鎮長靈百骸潰散皆歸土一物長靈甚處安南堂與云一物長靈甚處安長空雲散碧天寬蓮宮佛利花無數眨起眉毛子細觀增收承天宗禪師僧問如何是般若體師曰雲籠碧嶠曰如何是般若用師曰月在清池

嗣雪竇顯

南明愼禪師僧問祖意教意是同是別師曰水天影交碧曰畢竟是同是別師曰松竹聲相寒

嗣雪竇顯

君山昇禪師上堂大方無外含裹十虛至理不形圓融三際高超名相妙體全彰迥出古今眞機獨露握驪珠而鑑物物流輝擲寶劍以揮空空空絕迹把定則摩竭掩室淨名杜詞放行則拾得搖頭寒山拈

嗣雪竇顯

掌且道是何人境界拈拄杖卓一下曰瞬目揚眉處憑君子細看

嗣雪竇顯

洞庭惠金典座依明覺於雪竇聞舉須彌山話默有契一日欲往訊遇之殿軒覺問汝名甚麼曰惠金覺曰阿誰惠汝金曰容少間去方丈致謝覺曰卽今響曰這裏容和尙不得

廣量勸婆子話

修撰曾會居士幼與明覺同舍及冠異途天禧間公守池州一日會于景德寺公遂引中庸大學參以楞嚴符宗門語句質明覺覺曰這箇尙不與教乘合況中庸大學耶學士要徑捷理會此事乃彈指一下曰但恁麼薦取公於言下領旨天聖初公守四明以書幣迎師補雪竇既至公曰某近與清長老商量趙州勘婆子話未審端的有勘破處也無覺曰清長老道箇甚麼公曰又與麼去也覺曰清長老且放過一著學士還知天下衲僧出這婆子圈積不得麼公曰這裏別有箇道處趙州若不勘破婆子一生受屈覺曰勘破了也公大笑

嗣慶慶榮

圓通訥禪師肄業講肆者年多下之會禪者南遊回

釋名

行脚子

一作

釋名

釋名
○二作

力勉其行於是徧參荆楚間迄無所得至襄州洞山
留止十年因讀華嚴論有省後遊廬山道價日起
法昌遇禪師有大志自受具遊方名著叢席浮山遠
和尚嘗指謂人曰此後學行脚樣子也參北禪禪問
近離甚處師曰福嚴禪曰思大鼻孔長多少師曰與
和尚當時見底一般禪曰汝道我見時長多少師曰
和尚大似不曾到福嚴禪曰學語之流又問來時馬
大師安樂否師曰安樂禪曰向汝道甚麼師曰教和
尚莫亂統禪曰念汝新到不能打得你師曰某甲亦
放和尚過茶罷禪問鄉里甚處師曰漳州禪曰三平
在彼作甚麼師曰說禪說道禪曰年多少師曰與露
柱齊年禪曰有露柱且從無露柱年多少師曰無露
柱一年也不少禪曰夜半放烏雞師留北禪最久於
是師資鼓唱妙出一時○晚至西山瞻雙嶺深窾棲
息三年始應法昌之請師在雙嶺受請與英勝二首
座相別曰三年聚首無事不知檢點將來不無滲漏
以拄杖畫一畫曰這箇即且止宗門事作麼生英曰
須彌安鼻孔師曰怎麼則臨崖看澣眼特地一場愁

祖師特唱此

一作更

拈起拄杖

英曰深沙努眼睛師曰爭奈聖凡無異路方便有多
門英曰鐵蛇鑽不入師曰這般漢有甚共語處英曰
自緣根力淺莫怨太陽春却畫一畫曰宗門事且止
這箇事作麼生師便掌英曰這漳州子莫無去就師
曰你這般見解不打更待何時又打英曰也是老僧
招得上堂祖師西來特唱此事祇要時人知有如貧
子衣珠不從人得三世諸佛祇是弄珠底人十地菩
薩祇是求珠底人汝等正是拾得乞丐懷寶迷却靈
利漢纔聞舉著眨上眉毛便知落處若是踏步向前
不如策杖歸山去長嘯一聲煙霧深頌示衆我要一
箇不會禪底作國師○上堂春山青春水綠一疊南
柯夢初足携筇經步出松門是處桃英香馥郁因思
昔日靈雲老三十年來無處討如今競愛摘楊華紅
香滿地無人掃○上堂拈起拄杖曰我若拈起你便
喚作先照後用我若放下你便喚作先用後照我若
擲下你便喚作照用同時忽然不拈不放你向甚麼
處卜度直饒會得個儻分明若遇臨濟德山便須腦
門著地且道伊有甚麼長處良久曰曾經大海休誇

關北真寶

水除却須彌不是山

廣因要禪師上堂。古者道祇恐爲僧心不了。爲僧心了。總輸僧。且如何是諸上座了底心。良久曰。漁翁睡重。深潭濁白鳥不飛。舟自橫。

關開先達

諸佛說不到底法

雲居了元佛印禪師僧問。如何是佛師。曰。木頭雕不就。曰。恁麼則皆是虛妄也。師曰。梵音深遠。令人樂聞。○問。如何是諸佛說不到底法。師曰。蟻子解尋腥。處走蒼蠅。偏向臭邊飛。曰。學人未曉。請師再指。師曰。九萬里鵬從海出。一千年鶴遠天歸。○問。大修行人還入地獄也。無師曰。在裏許。曰。大作業人。還上天堂也。無師曰。鰕跳不出斗。曰。恁麼則鑊湯爐炭。吹教滅。劍樹刀山。喝使摧。師曰。自作自受。乃曰。適來禪客出衆禮拜。各以無量珍寶。布施大衆。又於面門上放大光明。照耀乾坤。令諸人普得相見。於此明得。可謂十方諸佛。各坐其前。常爲勞生演說大法。豈假山僧重重註破。如或未然。不免橫身狗物。乃橫按拄杖曰。萬般草木根苗異。一得春風便放花。○師一日與學徒入室。次適東坡居士到。面前師曰。此間無坐榻。居士來

東坡留玉帶

關開先達

超情離見

此作甚麼。士曰。暫借佛印。四大爲坐榻。師曰。山僧有一間居士。若道得。即請坐。道不得。即輸腰下玉帶。士欣然曰。便請師。曰。居士適來道。暫借山僧四大爲坐榻。祇如山僧四大。本空五蘊。非有居士向甚麼處坐。士不能答。遂留玉帶。師却贈以雲山衲衣。士乃作偈三首。其一曰。病骨難堪玉帶圍。鈍根仍落箭鋒機。會當乞食歌姬院。奪得雲山舊衲衣。餘不備錄。智海逸正覺禪師僧問。古鏡未磨時。如何。師曰。青青河畔草。曰。磨後如何。師曰。鬱鬱園中柳。曰。磨畢未磨。是。同是。別。師曰。同。別。且置。還我鏡來。僧擬議。師便喝。○上堂。拈拄杖曰。這拄杖在天也。與日月並明在地也。與山河同固。在王侯也。以代蒲鞭。在百姓也。防身禦惡。在衲僧也。畫橫肩。上渡水穿雲。夜宿旅亭。撐門拄戶。且道在山僧手裏。用作何爲。要會麼。有時放步東湖上。與僧遙指遠山青。擊禪牀下座。○上堂。憶得老僧年七歲時。於村校書處。得一法門。超情離見。絕妙絕玄。爰自染神。逾六十載。今日輒出。普告大衆。若欲傳持。宜當諦聽。遂曰。寒原耕種罷。牽犢負薪歸。此

夜一爐火。渾家身上衣。諸禪德逢人不得錯舉。○上

堂古者道接物利生絕妙外甥終是不肖他家自有

兒孫將來應用恰好諸禪德還會麼菜園牆倒晴方

築房店離穿雨過修院宇漏時隨分整兒孫大小盡

風流○道士問如何是道師曰龍吟金鼎虎嘯丹田

日如何是道中人師曰吐故納新曰道與道中人相

去多少師曰鸞鶴顧崖上沖天味米民

天章楚禪師上堂鼓聲錯落山色崔嵬本既不有甚

處得來良久曰高著眼

蔣山泉禪師僧問古人說不到處請師說師曰夫子

入太廟曰學人未曉師曰春暖柳條青○聖節上堂

拈拄杖擊法座一下曰以此功德祝延聖壽便下座

○上堂時人欲識南禪路門前有箇長松樹脚下分

明不較多無奈行人恁麼去莫恁去急回顧樓臺煙

鎖鐘鳴處○師因雪下上堂召大眾曰還有過得此

色者麼良久曰文殊笑普賢瞋眼裏無筋一世貧相

逢盡道休官去林下何曾見一人○上堂快人一言

快馬一鞭若更眼睛定動未免紙裏麻纏脚下是地

嗣雲居舜

嗣大湧有

三句

嗣育王德

嗣夾山遠

嗣了玄德

頭上是天不信但看八九月紛紛黃葉滿山川

慈雲慧禪師上堂片月浸寒潭微雲滿空碧若於達

道人好箇真消息還有達道人麼微雲穿過你鬚髻

片月觸著你鼻孔珍重

歸宗通禪師僧問如何是函蓋乾坤句師曰日出東

方夜落西日如何是截斷衆流句師曰鐵山橫在路

日如何是隨波逐浪句師曰船子下揚州人天眼目云鐵船橫

路○上堂從無入有易從有入無難有無俱盡處且

莫自顧預舉來看寒山拾得禮豐干

天宮微禪師上堂八萬四千波羅蜜門門長開三

千大千微塵諸佛佛法不說有不說無不說非

有非無不說亦有亦無何也離四句絕百非相逢舉

目少人知昨日霜風漏消息梅華依舊綴寒枝

福昌信禪師上堂召大眾衆舉頭師曰南山風色緊

便下座

慧林宗本圓照禪師遊方至池陽謁振宗宗舉天親

從彌勒內宮而下無著問云人間四百年彼天爲一

晝夜彌勒於一時中成就五百億天子證無生法忍

未審說甚麼法。天親曰：祇說這箇法，如何是這箇法？師久而開悟。宗一日問師：卽心卽佛，時如何？師曰：殺人放火，有甚麼難？於是名播寰宇。○僧問：上是天下，是地？未審中間是甚麼物？師曰：山河大地。曰：恁麼則？謝師答話。師曰：大地山河，曰：和尚何得瞞人？師曰：却是老僧罪過。○上堂：頭圓像天，足方似地，古貌稜層，丈夫意氣，擡倒須彌，踏翻海水，帝釋與龍王無著身處，乃拈拄杖曰：却來拄杖上回避。咄！任汝神通變化，究竟須歸這裏，以拄杖卓一下。

嗣天衣懷

神宗賜號圓通

法雲圓通秀禪師，習圓覺華嚴妙入精義，因謁鐵佛懷禪師。懷問曰：座主講甚麼？經師曰：華嚴。曰：華嚴以何爲宗？師曰：法界爲宗。曰：法界以何爲宗？師曰：以心爲宗。曰：心以何爲宗？師無對。懷曰：毫釐有差，天地懸隔。汝當自看，必有發明。後聞僧舉白兆參報慈情未生時如何？慈曰：隔師忽大悟，直詣方丈，陳其所證。懷曰：汝眞法器。吾宗異日在汝行矣。○僧問：不離生死而得涅槃，不出魔界而入佛界，此理如何？師曰：赤土茶一作塗。牛嬾曰：謝師答話。師曰：你話頭道甚麼？僧擬

看風使帆

嗣天衣懷

嗣天衣懷

議師便喝。○上堂：看風使帆，正是隨波逐浪，截斷衆流，未免依前滲漏。量才補職，寧越短長，買帽相頭，難得恰好。直饒上不見天下，不見地，東西不辨，南北不分，有甚麼用？處任是鈍鋼打就生，鐵鑄成也須額頭汗出，總不恁麼。如何商量？良久曰：赤心片片，誰知得笑殺黃梅石女兒。○上堂：山僧不會巧說，大都應箇時節，相喚喫碗茶湯，亦無祖師妙訣。禪人若也未相諳，踏著秤鎚硬似鐵。

慧林若冲覺海禪師上堂：碧落靜無雲，秋空明有月，長江瑩如練，清風來不歇。林下道人，幽相看情共悅。諸仁者：適來道箇清風明月，猶是建化門中事。作麼生？是道人分上事。良久曰：閒來石上觀流水，欲洗禪衣未有塵。○上堂：無邊義海，咸歸顧盼之中；萬象形容，盡入照臨之內。你諸人策著磕著，因甚麼却不知良久曰：莫怪山僧太多事，光陰如箭急相催。珍重！長蘆應夫禪師上堂：召衆曰：江山繞檻，宛如水墨屏風；殿閣凌空，麗若神僊。洞府森羅，萬象海印交參。一道神光，更無遮障。諸人還會麼？良久曰：寥寥天地間。

獨立望何極參

明天衣櫃

佛日智才禪師上堂。城裏喧繁。空山寂靜。然雖如此。動靜一如。死生不二。四時輪轉。物理湛然。夏不去而秋自來。風不涼而人自爽。今也古也不改。絲毫誰少。誰多。身無二用。諸禪德。既身無二用。爲甚麼龍女現十八變。君不見弄潮須是弄潮人。珍重。○上堂。風雨蕭蕭。塞汝耳根。落葉交如。塞汝眼根。香臭叢雜。塞汝鼻根。冷熱甘甜。塞汝舌根。衣綿溫冷。塞汝身根。顛倒妄想。塞汝意根。諸禪德。直饒汝驪得轉。也是平地骨堆。參。○上堂。舉柏樹子話。師曰。趙州庭柏。說與禪客。黑漆屏風。松蘿亮隔。

天衣

天鉢元禪師初遊講肆頗達宗教嘗燕坐古室忽聞
空中有告師學上乘者無滯於此驚駭出視杳無人
跡翌日客至出寒山集師一覽之卽慕參立至天衣
法席遇衆請益豁然大悟衣印可曰此吾家千里駒
也○上堂冬不受寒夏不受熱身上衣口中食應時
應節既非天然自然盡是人人膏血諸禪德山僧恁
麼說話爲是世法爲是佛法若也擇得分明萬兩黃

金亦消得。喝一喝。

天衣

棲賢遷禪師上堂。是甚麼物。得恁頑。頑。羈羈。眈眈。眈。眈。拈掌呵呵。大咲曰。今朝巴鼻。直是黃面瞿曇。通身是口也。分疎不下。久立。

洞天衣履

梵言首座示衆南陽國師道說法有所得。斯則野干鳴說法無所得。是名師子吼。師曰。國師恁麼道。大似掩耳偷鈴。何故說有說無盡。是野干鳴。諸人要識師子吼麼。咄。

天衣寶

三祖會禪師。僧問理雖頓悟。事假漸除。除卽不問。如
何是頓悟底道理。師曰。言中有響。曰。便恁麼。又且如
何。師曰。金毛師子。問生也。猶如著衫死也。猶如脫袴。
未審意旨如何。師曰。譬如閑曰爲甚麼如此。師曰。因
行不妨掉臂。

嗣天衣懷

澄照慈禪師上堂。若論此事。眨上眉毛。早是蹉過那堪。進步向前。更要山僧說破。而今說破了也。還會麼。昨日雨。今日晴。

弱天衣懷

崇德澄禪師。秀州人也。上堂。覲面相呈。更無餘事。若也如此。豈不俊哉。山僧蓋不得已。曲爲諸人。若向衲僧面。

關天衣懷

前一點也著不得。諸禪德且道。被僧面前說箇甚麼。卽德良久曰。深秋簾幕千家雨。落日樓臺一笛風。定慧雲禪師僧問。如何是爲人一句。師曰。見之不取。曰學人未曉。師曰。思之千里。

關天衣懷

報本存禪師在天衣受請上堂曰。長江聖壽見召住持。進退不遑。且隨緣分此。皆堂頭和尚提耳訓育。終始獎諭。若據今日正令當行。便好一棒打殺。那堪更容立在座前。雖然如是。養子方知父慈。

關天衣懷

開聖樓禪師開堂垂語曰。選佛場開。人天普會。莫有久歷覺場罷參禪客出來相見時有。僧出師曰。作家作家。僧曰。莫著忙。師曰。元來不是作家。僧提起坐具曰。看看摩竭陀國親行。此令師曰。祇今作麼。生僧禮拜。師曰。龍頭蛇尾。

關天衣懷

衡山禮禪師上堂。若論此事。直下難明。三賢罔測。十聖不知。到這裏須高提祖命。橫按鑊錮。佛尙不在。纖塵何立。直教教彌粉碎。大海焦枯。放一線道與諸人商量。且道商量箇甚麼。良久曰。鹽貴米賤。雲門侃禪師上堂。塵勞未破。觸境千差。心鑑圓明。絲

關天衣懷

關天衣懷

毫不立。靈光皎皎。獨露現前。今古兩忘。聖凡路絕。到這裏始能卷舒自在。應用無虧。出沒往還。人間天上。大衆雖然如是。忽被人把住。問你道。拄杖子向甚麼處著。又如何祇對還有人道得麼。出來道看衆無對。乃拍禪牀下座。

關天衣懷

太平坦禪師上堂。是法無宗。隨緣建立。聲色動靜。不昧見聞。舉用千差。如鐘待扣。於此薦得。且隨時著衣喫飯。若是德山臨濟。更須打草鞋行脚。參佛足祥。禪師僧問。一色無變異。喚作露地白牛。還端的也無。師曰。頭角生也。曰。頭角未生時如何。師曰。不要犯人苗稼。

關天衣懷

明因贊禪師上堂。橫按拄杖曰。若怎麼去。直得天無二日。國無二王。釋迦老子。飲氣吞聲。一大藏教。如蟲蝕木。設使鑽仰不及。正是無孔鐵鎚。假饒信手拈來。也是殘羹餒飯。一時吐却。方有少分相應。更乃墮在空亡依舊。是鬼家活計。更會麼。雨後始知山色翠。事難方見丈夫心。卓拄杖下座。

關天衣懷

侍郎楊傑居士號無爲。歷參諸名宿。晚從天衣遊。衣

副禪心宗

每引老龐機語令研究深造後奉祀泰山一日雞一鳴睹日如盤涌忽大悟乃別有男不婚有女不嫁之偈曰男大須婚女長須嫁討甚閒工夫更說無生話書以寄衣衣稱善後會芙蓉楷禪師公曰與師相別幾年蓉曰七年公曰學道來參禪來蓉曰不打這鼓笛公曰恁麼則空遊山水百無所能也蓉曰別來未久善能高鑑公大笑公有辭世偈曰無一可戀無一可捨太虛空中之乎者也將錯就錯西方極樂

副禪本庵

慧日堯禪師僧問古者道我有一句待無舌人解語却向汝道未審意旨如何師曰無影樹下好商量僧禮拜師曰瓦解冰消

副禪居元

中際慧禪師上堂八萬四千深法門門門有路超乾坤如何箇箇踏不著祇爲蜈蚣太多脚不唯多脚亦多口釘着鐵舌徒增醜粘鎚豎拂泥洗泥揚眉瞬目籠中雞要知佛祖不到處門掩落花春鳥啼

副禪居元

百丈悟禪師僧問如何是佛師曰問誰曰特問和尚師曰鷄子過新羅善權泰禪師上堂諸佛出世廣演三乘達磨西來密

副禪居元

傳大事上根之者言下頓超中下之流須當漸次發明心地或一言唱導或二句敷揚或善巧應機遂成多義撮其樞要總是空花一句窮源沉埋祖道敢問諸人作麼生是依時及節底句良久曰微雲淡河漢疎雨滴梧桐參

副禪海逸

崇福基禪師上堂若於這裏會得便能入一佛國坐一道場水鳥樹林共談斯要樓臺殿閣同演真乘續千聖不盡之燈照八面無私之燄所以道在天同天在人同人還有知音者麼良久曰水底金烏天上日眼中瞳子面前人

副禪海逸

大中隆禪師上堂法無異法道無別道時時逢見釋迦處處撞著達磨放步即交肩開口即敲破不敲破大小大○上堂夫欲智拔元須定動早拄杖曰噉囉嚕唎娑婆訶歸堂喫茶○上堂平旦寅曉何人處處彌陀佛家家觀世音月裏麒麟看北斗向陽棹子一邊青

會東林總

僉判劉經臣居士少以逸才登仕版於佛法未之信年三十二會東林照覺總禪師與語啓迪之乃敬服

謁慧林沖

因醉心祖道。既而抵京師。謁慧林沖禪師。於僧問雪竇。如何是諸佛本源。答曰。千峯寒色。語下有省。歲餘。

參韶山泉

官。徃幕就參韶山泉禪師。將去任辭韶山。山囑曰。公如此用心。何愁不悟。爾後或有非常境界。無量歡喜。

依正覺達

且急收拾。若收拾得去。便成法器。若收拾不得。則有不寧之疾。成失心之患矣。未幾復至京師。趨智海。依正覺逸禪師。請問因緣。海曰。古人道。平常心是道。你。

十二時中。放光動地。不自覺知。向外馳求。轉疎轉遠。公益疑不解。一夕入室。海舉傳燈所載。香至國王間。

見種種異相

波羅提尊者。何者是佛尊者。曰。見性是佛。之語問之。公不能對。疑甚。遂歸就寢。熟睡至五鼓。覺來方追念。

間。見種種異相。表裏通徹。六根震動。天地回旋。如雲開月現。喜不自勝。忽憶韶山臨別所囑之言。姑抑之。

逗明趨智海。悉以所得告海。為證據。且曰。更須用得。始得。公曰。莫要踐履否。海厲聲曰。這箇是甚麼事。却。

說踐履。公默契。乃作發明心地頌八首。及著明道論。儒篇以警世。

謁蔣山泉

清獻公趙抃居士。字悅道。年四十餘。擯去聲色。系心。

問雷悟道

宗教會佛。慧來居衢之南。禪公日親之。慧未嘗容措一詞。後典青州政事之餘。多宴坐。忽大雷震驚。即契悟。作偈曰。默坐公堂。虛隱几。心源不動。湛如水。一聲。

與富鄭公書

霹靂頂門。開喚起。從前自家底。慧聞笑曰。趙悅道。撞彩耳。○富鄭公初於宗門。未有所遇。公勉之書曰。伏。

惟執事富貴如是之極。道德如是之盛。福壽康寧如是之備。退休閒逸如是之高。其所未甚留意者。如來。

一大事。因緣而已。能專誠求所證悟。他日為門下賀也。公年七十有二。以太子。

謁慧林本

少保致仕。作高齋自適法雲善本禪師。僧問寶塔元無縫。如何指示人。師曰。

煙霞為背面。星月繞簷楹。曰。如何是塔中人。師曰。竟日不知清世事。長年占斷白雲鄉。曰。向上更有事也。

無師曰。太無厭生。○上堂。上不見。天下不見。地。晶塞虛空。無處回避。為君明破。即不中。且向南山看。鼉鼻。

謁慧林本

擲拄杖下座。金山善寧禪師上堂。顧視大眾曰。古人道。在眼曰見。在耳曰聞。在鼻。鼻香。在舌。談論在身。覺觸在意。攀緣。

雖然如是。祇見錐頭利。不見鑿頭方。若是金山。即不。

然有眼覷不見有耳聽不聞有鼻不知香有舌不談論有身不覺觸有意絕攀緣一念相應六根解脫敢問諸禪德且道與前來是同是別莫有具眼底衲僧出來通箇消息若無復爲諸人重重註破放開則私通車馬捏聚則毫末不存若是飽戰作家一任是非貶割

嗣慧林本

壽州資壽嚴禪師僧問大藏經中還有奇特事也無師曰祇恐汝不信曰如何卽是師曰黑底是墨黃底是紙曰謝師答話師曰領取鉤頭意莫認定盤星○上堂乾坤肅靜海晏河清風不鳴條雨不破塊春生夏長秋收冬藏這箇是世間法作麼生是佛法良久曰欲得不招無間業莫謗如來正法輪

嗣慧林本

秀州本覺一禪師僧問如何是句中玄師曰崑崙騎象藕絲牽曰如何是體中玄師曰影浸寒潭月在天曰如何是玄中玄師曰長連牀上帶刀眠曰向上還有事也無師曰放下著○上堂折半列三人人道得去一拈七亦要商量正當今日雲門道底不要別作麼生露得箇消息良久曰日月易流

嗣慧林本

投子願禪師上堂巍巍少室永鎮羣峯有時雲中捧出有時霧罩無蹤有時突出目前有口道不得被人喚作壁觀胡僧諸仁者作麼生免得此過休休不如且持課良久曰一元和二佛陀三釋迦自餘是甚碗隨丘參

嗣慧林本

地藏恩禪師上堂雨後鳩鳴山前麥熟何處牧童兒騎牛笑相逐更把鐵笛橫吹風前一曲兩曲參

嗣慧林本

靈曜良禪師上堂不知時分之延促不知日月之大小灰頭土面且與麼過山僧每遇月朔特地闔釘家風抑揚問答一場笑具雖然如是因風撮土借水獻花有箇葛腰露布與諸人共相解摘看鶻拈拄杖驀香臺曰參堂去

嗣慧林本

香山泳禪師上堂心隨境現境逐心生心境兩忘是箇甚麼拈起拄杖曰且道這箇甚麼處得來若道是拄杖瞎却汝眼若道不是拄杖眼在甚麼處是與不是一時拈却且騎拄杖出三門去也遂曳杖下座靈泉一禪師上堂美玉藏頑石蓮華出淤泥須知煩惱處悟得卽菩提咄

嗣慧林本

副法雲秀

石佛通禪師僧問如何是頓教師。日月落寒潭。曰。如何是漸教師。曰。雲生碧漢。曰。不漸不頓。時如何。師曰。八十老婆不言嫁。

副法雲秀

法雲惟白佛國禪師上堂。過去已過去。未來且莫算。正當現在事。今朝正月半。明月正團圓。打鼓普請看。大眾看。即不無畢。此喚甚麼。作月休於天上覓。莫向水中尋。師有續燈錄三十卷入藏。

副法雲秀

僊巖純禪師僧問德山棒。臨濟喝。和尚如何作用。師曰。老僧今日困。僧便喝。師曰。却是你惺惺。

副法雲秀

慈濟聰禪師上堂。終日孜孜。相爲恰似。牽牛上壁。大眾何故如此。食生逐日區區去。喚不回頭爭奈何。白兆珪禪師上堂。幸逢嘉會。須采異聞。既遇寶山。莫

副法雲秀

空手不可。他時後日。門扇後壁角頭。自說大話也。窮天地亘古今。卽是當人一箇自性。於是中間更無他物。諸人每日行時行著。臥時臥著。坐時坐著。祇對語言。時滿口道著。以至揚眉瞬目。噴喜愛憎。寂默遊戲。未始間斷。因甚麼不肯承當自家。歇去良久。由無量劫來。愛欲情重生。死路長。背覺合塵。自生疑惑。譬如

副法雲秀

空中飛鳥。不知空是家鄉。水裏遊魚。忘却水爲性命。何得自抑。却問傍人大似捧飯。稱饌臨河。叫渴諸人。要得休去麼。各請立地。定著精神。一念同光。豁然自照。何異空中紅日。獨運無私。盤裏明珠。不撥自轉。然雖如是。祇爲初機。向上機關。未曾踏著。且道作麼生。是向上機關。良久曰。仰面看天。不見天。

副法雲秀

福巖初禪師上堂。卽性之相。一亘晴空。卽相之性。千波競起。若微來派。清流無阻。所以舉一念而塵沙法門。頓顯拈一毫而無邊刹境。齊彰。且道文殊普賢。在甚麼處。下坡不走。快便難逢。便下座。

副法雲秀

德山仁繪禪師上堂。至道無難。唯嫌揀擇。但莫憎愛。洞然明白。山僧卽不然。至道最難。須是揀擇。若無憎愛。爭見明白。

副法雲秀

香積旻禪師上堂。木馬衝開千騎路。鐵牛透過萬重關。木馬鐵牛。在甚麼處。良久曰。驚起暮天沙上鷹。海門斜去兩三行。

瑞相來禪師上堂。顧視衆曰。夫爲宗匠。隨處提綱。應機問答。殺活臨時。心眼精明。那容妖怪。若也棒頭取

嗣法雲秀

證喝下承當埋沒宗風恥他先作轉身一路不在疑遲一息不來還同死漢大衆直饒到這田地猶是句語埋藏未有透脫一路敢問諸人作麼生是透脫一路還有人道得麼若無山僧不免與諸人說破良久曰玉離荆楚寒光動劒出豐城紫氣橫
眞空一禪師上堂心鏡明鑑無礙遂拈起拄杖曰喚這箇作拄杖卽是礙不喚作拄杖亦是礙離此之外畢竟如何要會麼礙不礙誰爲對大地山河廓然粉碎

嗣繼林冲

華嚴智明禪師上堂若論此事在天則列萬象而齊現在地則運四時而發生在人則出歿卷舒六根互用且道在山僧拄杖頭上又作麼生良久卓一下曰高也著低也著

嗣繼林冲

永泰航禪師上堂龍騰碧漢變化無万鳳翥青霄誰知蹤跡可行則行不出百千三昧可止則止寧忘萬象森羅所以道取不得舍不得不可得中祇麼得且道得箇甚麼良久曰莫忘想

嗣繼林冲

壽聖邦禪師僧問祖意教意拈放一邊如何得速成

嗣長蘆天

佛去師曰有成終不是是佛亦非眞僧擬議師叱曰話頭道甚麼

長蘆蹟禪師上堂樓外紫金山色秀門前甘露水聲寒古槐陰下清風裏試爲諸人再看拈拄杖曰還見麼擊香桌曰還聞麼靠却拄杖曰眼耳若通隨處足水聲山色自悠悠

嗣佛日才

夾山齡禪師上堂良久打一圓相曰大衆五千餘卷詮不盡三世諸佛讚不及令人却憶賣油翁很忙走下繩牀立參

嗣天鉢元

元豐滿禪師上堂此劒刃上事須劒刃上漢始得有一般名利之徒爲人天師懸羊頭賣狗肉壞後進初機滅先聖洪範你等諸人問怎麼事豈不寒心由是疑悞衆生墮無間獄苦哉苦哉取一期快意受萬劫餘殃有甚麼死急來爲釋子喝曰瞋人徒側耳便下座善勝悟禪師上堂揚聲止響不知聲是響根弄影迷形不知形爲影本以法問法不知法本非法以心傳心不知心本無心心本無心知心如幻了法非法知法如夢心法不實莫謾追求夢幻空華何勞把捉到

嗣天鉢元

這裏三世諸佛一大藏教祖師言句天下老和尚路布葛藤盡使不著何故太平本是將軍致不許將軍見太平

調法雲本

西京招提湛禪師嘉禾人也上堂偏不偏不正那事從來難比竝滿天風雨骨毛寒何須更入那伽定卓拄杖下座○上堂六塵不惡還同正覺馬上誰家白面

調法雲本

郎穿花折柳垂巾角夜來一醉明月樓呼盧輸却黃金宅臂鷹走犬歸不歸娥眉皓齒噴無力此心能有幾人知黃頭碧眼非相識囉囉哩拍手一下下座

調法雲本

淨慈楚明禪師上堂出門見山水入門見佛殿靈光觸處滿諸人何不薦若不薦淨慈今日不著使○上堂若論此事如散鋪寶貝亂堆金玉珠已者自甘窮困有眼底信手拈來所以道箇浮有大寶見少得還稀若人將獻我成佛一餉時乃拈拄杖曰如今一時呈似普請大眾高著眼擲拄杖下座

雪峯思慧禪師上堂大道祇在目前要且目前難睹欲識大道真體今朝三月十五不勞久立○上堂一切法無差雪門胡餅趙州茶黃鶴樓中吹玉笛江城

絕學無爲

五月落梅花慚愧太原孚上座五更聞鼓角天曉弄琵琶喝一喝○上堂南詢諸友踏破草鞋絕學無爲坐消日月凡情易脫聖解難忘但有纖毫皆成滲漏可中爲道似地擎山應物現形如驢覓井總無計較途轍已成若論相應轉沒交涉勉諸仁者莫錯用心各自歸堂更求何事

調法雲本

資福明禪師上堂若論此事譬如伐樹得根灸病得穴若也得根豈在干枝偏斫若也得穴不假六分全燒以拄杖卓一下曰這箇是根那箇是穴擲下拄杖曰這箇是穴又喚甚麼作根咄是何言歟

調法雲本

聖色裏坐臥

雲峯璿禪師上堂休去歇去一念萬年去寒灰枯木去古廟香爐去一條白練去大眾古人見處如日暉空不著一邊豈墮陰界堪嗟後代兒孫多作一色邊會山僧即不然不休去不歇去業識茫茫去七頭八倒去十字街頭闊浩浩地聲色裏坐臥去三家村裏盈衢塞路荆棘裏遊戲去刀山劒樹劈腹剜心鏝湯爐炭皮穿骨爛去如斯舉唱大似三歲孩兒覓繡毯○上堂瘦竹長松滴翠香流風疏月度炎涼不知誰

語錄集釋

嗣法靈本

嗣法靈本

嗣法靈本

嗣金山寧

嗣本覺一

嗣投子顯

嗣甘露宣

住原西寺。每日鐘聲送夕陽。○上堂。僧問。如何是西來意。師曰。築著額頭。磕著鼻。曰。意旨如何。師曰。驢駝

馬載。曰。向上還有事也。無。師曰。朝到西天暮歸東土。

曰。謝師答話。師曰。大乘。師曰。當僧退。師乃曰。僧問。西

來意。築著額頭。磕著鼻。意旨又如何。驢駝并馬載。朝

到西天暮歸唐。大乘。恰似。師曰。當何故。沒量大人。被

語脉裏轉。却遂拈掌大笑下座。○僧問。丹霞燒木佛

院主。爲甚麼眉鬚墮落。師曰。一人傳虛。萬人傳實。曰。

恁麼則不落也。師曰。兩重公案。曰。學人未曉。特伸請

益。師曰。箇袁虔吉。頭上插筆。

延慶復禪師上堂。胡來胡現。漢來漢現。忽然胡漢俱

來。時如何。祇準良久。曰。落霞與孤鶩齊飛。秋水共長

天一色。參。

道場顏禪師上堂。世尊按指。海印發光。拈拄杖曰。莫

妄想。便下座。

天竺從諫講師具大知見。聲播講席。於止觀深有所

契。每師禪。禪遊。嘗以道力。扣大通。通一日作書寄之。

師發緘。睹黑白二圓相。乃悟。答偈曰。黑相白相擔枷。

過狀了。不了。兮。無風起浪。若問究竟事。如何。洞庭山在太湖上。

普濟淳禪師上堂。雨過山青。雲開月白。帶雪寒松。搖

風。庭柏山僧。怎麼說話。還有祖師意也。無其或未然。

良久曰。看看。

尼法海禪師首參法雲秀和尚。後領旨於法真。言下

諸名儒。屢挽應世。堅不從。祖曰。說偈曰。霜天雲霧結

山月。冷涵輝。夜接故鄉信。曉行人不知。屈明坐脫。

丞相富弼居士。由清獻公警勵之後。不舍晝夜力進

此道。聞願禪師主投子法席。冠淮甸。往質所疑。會願

爲衆登座。見其顧視如象王。回旋公微有得。因執弟子

禮。趨函丈。命侍者請爲入室。願見。即曰。相公已入

來。富弼猶在外。公聞汗流浹背。即大悟。尋以偈寄圓

照本曰。一見願公。悟入深。資緣傳得老師心。東南護

說江山。遠目對靈光。與妙音。後奏署願師證悟號。

尼文照禪師上堂。靈源不動。妙體何依。歷歷孤明。是

誰光彩。若道真如。實際大。似好肉剜瘡。更作祖意商

量。正是迷頭認影。老胡四十九年說夢。即且止。僧堂

裏僑陳如上座爲你諸人舉覺底還記得麼良久曰惜取眉毛好

嗣瑞巖居

萬年幽禪師上堂先聖行不到處凡流恰到凡流既到先聖莫知到與不到知與不知總置一壁紙如僧問乾峯十方薄伽梵一路涅槃門未審路頭在甚麼處峯以拄杖畫一畫曰在這裏且道此老與他先聖凡流相去幾何南山虎鰲石羊兒須向其中識生死慧林懷深慈受禪師依淨照於嘉禾資聖照學良遂見麻谷因緣問曰如何是良遂知處師卽洞明出住資福屢滿戶外蔣山佛鑑慙禪師行化至茶退師引巡察至千人街坊鑑問既是千人街坊爲甚麼祇有一人師曰多虛不如少實鑑曰怎麼那師赧然偶朝廷以資福爲神霄宮因棄往蔣山留西庵陳請益鑑曰資福知是般事便休師曰其實未穩望和尚不外鑑舉倩女離魂話反覆窮之大豁疑礙呈偈曰祇是舊時行履處等閒舉著便諸訛夜來一陣狂風起吹落桃花知幾多鑑拊几曰這箇豈不是活祖師意○上堂雲是何山起風從甚澗生好箇入頭處官路少

活祖師意

嗣長蘆信

嗣長蘆信

嗣長蘆信

嗣長蘆信

嗣金山慧

嗣元豐滿

人行○上堂不是境亦非心喚作佛時也陸沉箇中本自無階級切忌無階級處尋總不尋過猶深打破雲門飯袋子方知赤土是黃金咄

萬壽瓊禪師凡見僧必問近日如何僧擬議卽拊其背曰不可思議將示寂衆集復曰不可思議乃合掌而終

天衣哲禪師有以瑞巖喚主人公話問者師答以偈曰瑞巖長喚主人公突出須彌最上峯大地掀翻無覓處笙歌一曲畫樓中

智者證禪師上堂要扣玄關須是有節操極慷慨斬得釘截得鐵硬剝剝地漢始得若是限刀避箭碌碌之徒看卽有分以拂子擊禪牀下座

報恩然禪師上堂學者無事空言須求妙悟去妙悟而事空言其猶逐臭耳然雖如是罕逢穿耳客多遇刻舟人一日謂衆曰世緣易染道業難辨汝等勉之語卒而逝

雪峯演禪師上堂遣迷求悟不知迷是悟之鉗鎚愛聖憎凡不知凡是聖之爐鞴祇如聖凡雙泯迷悟俱

嗣元豐緒

忘一句作麼生道。半夜彩霞籠玉象。天明峯頂五雲遮。

衛州王大夫參元豐於言下知歸。既而同壇山之陽。縛茅自處者三載。偶歌曰。壇山裏日何長。青松嶺白雲鄉。吟鳥啼猿作道場。散髮采薇歌又笑。從教人道野夫狂。

嗣元豐緒

嶽林真禪師上堂。古人道。秋初夏末。合有責情。三十棒。岳林則不然。靈山會上。世尊拈華。迦葉微笑。正當恁麼時。好與三十棒。何故如此。太平時節。強起干戈。教人吹大法螺。擊大法鼓。舉步則金蓮蹀躞。端居則寶座巍巍。梵王引之於前。香花繚繞。帝釋隨之於後。龍象駢羅。致令後代兒孫。遍相倣效。三三兩兩。皆言出格。風標劫劫。波波未肯歸家。穩坐鼓脣。搖舌宛如鐘磬。吹竽奮臂。點胷何啻稻麻。竹葦更逞遊山。旣水撥草。瞻風人前說得。石點頭。天上飛來。花撲地。也好與三十棒。且道。坐夏賞勞。如何酬獎。良久曰。萬寶功成。何厚薄。千鈞價重。自低昂。

嗣元豐緒

秀州觀音和尚問如何。是佛師曰。半夜烏龜火裏。

嗣淨慈明

行曰。意作麼生。師曰。虛空無背面。僧禮拜。師便打。淨慈象禪師上堂。古者道一霧在眼。空華亂墜。拈拄杖曰。淨慈拈起拄杖。豈不是一霧在眼。百千諸佛。總在拄杖頭。現丈六紫磨金色之身。乘其國土。遊歷十方。說一切法度一切衆。豈不是空華亂墜。即今莫有向拄杖未拈已前。坐斷得麼。出來與淨慈相見。如無。切忌向空本無。花眼本無。翳處著到。乃擲拄杖下座。靈隱惠淳禪師上堂。吾心似秋月。碧潭清皎潔。乃喝曰。寒山子話墮了也。諸禪德皎潔無塵。豈中秋之月可比。虛明絕待。非照世之珠。可倫獨露。乾坤光吞萬象。普天匝地。耀古騰今。且道是箇甚麼。良久曰。此夜一輪滿。清光何處無。

嗣長蘆和

嗣雪峯慧

嗣雪峯慧

淨慈月堂道昌禪師上堂。未透祖師關。千難與萬難。既透祖師關。千難與萬難。未透時難。即且置。既透了。因甚麼却難放下。策籬雖得。價動他柄杓也。無端徑山照堂了一禪師上堂。參玄之士。觸境遇緣。不能直下透脫者。蓋爲業識深重。情妄膠固。六門未息。一處不通。點絕純清。合生難到。直須入林不動。草入水。

禪宗正脉卷第九

南嶽 臨濟宗

謝石齋圖
同雲峯悅夜話

黃龍慧南禪師頌依泐潭澄禪師分座接物名振諸方偶同雲峯悅禪師遊西山夜話雲門法道峯曰澄公雖是雲門之後法道異矣師詰其所以異峯曰雲門九轉丹砂點鐵成金澄公藥汞銀徒可翫入煅則流去師怒以枕投之明日峯謝過又曰雲門氣宇如王甘死語下乎澄公有法授人死語也死語其能活人乎即背去師挽之曰若如是則誰可汝意峯曰石霜圓手段出諸方子宜見之不可後也師默記之曰悅師翠巖使我見石霜於悅何有哉即造石霜中途聞石霜不事事忽叢林遂登衡嶽乃謁福嚴賢賢命掌書記俄賢卒郡守以慈明補之既至目其貶判諸方件件數爲邪解師爲之氣索遂造其室明日書記領徒遊方借使有疑可坐而商略師哀懇愈切明日公學雲門禪必善其旨如云放洞山三頓棒是有喫棒分無喫棒分師曰有喫棒分明色莊曰從朝至暮

開法同安泐潭不靜

說妙語立

鵲噪鴉鳴皆應喫棒明即端坐受師炷香作禮明復問趙州道臺山婆子我爲汝勘破了也且那裏是他勘破婆子處師汗下不能加答次日又詣明訴罵不已師曰罵豈慈悲法施耶明日你作罵會那師於言下大悟作頌曰傑出叢林是趙州老婆勘破沒來由而今四海清如鏡行人莫與路爲讎呈慈明明領之○後開法同安初受請曰泐潭遣僧來審師提唱之語有曰智海無性因覺妄而成凡覺妄元虛即凡心而見佛便爾休去將謂同安無折合隨汝顛倒所欲南斗七北斗八僧歸舉似澄澄不擇自是泐潭舊好絕矣○僧問農家自有同風事如何是同風事師良久僧曰怎麼則起動和尚去也師曰靈利人難得僧禮拜○示衆曰江南之地春寒秋熱近日已來滴水滴凍僧問滴水滴凍時如何師曰未是裨僧分上事曰如何是裨僧分上事師曰滴水滴凍○上堂說妙談立乃太平之姦賊行棒行喝爲亂世之英雄英雄姦賊棒喝玄妙皆爲長物黃檗門下總用不著且道黃檗門下尋常用箇什麼喝一喝○上堂撞鐘鐘鳴

二人向到黃龍

擊鼓鼓響大衆殷勤問訊同安端然合掌這箇是世法那箇是佛法咄○上堂有一人朝看華嚴暮觀般若晝夜精勤無有暫暇有一人不參禪不論義把箇破席日裏睡於是二人同到黃龍一人有爲一人無爲安下那一箇即是良久曰功德天黑暗女有智主人二俱不受○上堂道遠乎哉觸事而眞聖遠乎哉體之卽神乃拈拄杖曰道之與聖總在歸宗拄杖頭上汝等諸人何不識取若也識得十方刹土不行而至百千三昧無作而成若也未識有寒暑兮促君壽有鬼神兮妬君福○上堂舉大珠和尚道身口意清淨是名佛出世身口意不淨是名佛滅度也好箇消息古人一期的方便與你諸人討箇入路既得箇入路又須得箇出路登山須到頂入海須到底登山不到頂不知宇宙之寬廣入海不到底不知滄溟之淺深既知寬廣又知淺深一踏踏翻四大海一擲擲倒須彌山撒手到家人不識鵲噪鴉鳴柏樹間○上堂千般說萬般喻祇要教君早回去去何處良久云夜來風起滿庭香吹落桃花三五樹頌師室中常問僧曰

黃龍三關

黃龍南

閱傳澄悟

愚人除妄

病生死根源

人人盡有生緣上座生緣在何處正當問答交鋒却復伸手曰我手何似佛手又問諸方參請宗師所得却復垂脚曰我脚何似驢脚三十餘年示此三問學者莫有契其旨脫有酬者師未嘗可否叢林目之爲黃龍三關

黃龍晦堂心禪師參雲峯悅禪師三年無所得辭去悅曰必往依黃檗南禪師師至黃檗四年不大發明又辭再上雲峯會悅謝世就止石霜因閱傳燈至僧問多福如何是多福一叢竹福曰一莖兩莖斜曰不會福曰三莖四莖曲師於此開悟徹見二師用處徑回黃檗方展坐具檗曰子已入吾室矣師踴躍曰大事本來如是和尚何得教人看話百計搜尋檗曰若不教你如此究尋到無心處自見自肯即吾埋沒汝也○上堂愚人除境不忘心智者忘心不除境不知心境本如如觸目遇緣無障礙遂舉拂子曰看拂子走過西天却來新羅國裏知我者謂我拖泥帶水不知我者贏得一場怪誕○上堂大凡窮生死根源直須明取自家一片田地教伊去處分明然後臨機應

用不失其宜。祇如鋒銳未兆已前。都無是箇。非箇。譬爾爆動。便有五行金土相生相剋。胡來漢現。四姓雜居。各任方隅。是非鋒起。致使玄黃不辨。水乳不分。疾在膏肓。難爲救療。若不當陽曉示。窮子無以知歸。欲得大用現前。便乃頓忘諸見。諸見既盡。昏霧不生。大智洞然。更非他物珍重。○上堂。若也單明自己。不悟目前此人。有眼無足。若悟目前。不明自己。此人有足無眼。據此二人。十二時中。常有一物。蘊在胷中。物既在胷。不安之相。常在目前。既在目前。觸途成滯。作麼生得平穩去。祖不言乎。執之失度。必入邪路。放之自然。體無去住。頌師室中。常舉拳問僧曰。喚作拳頭。則觸不喚作拳頭。則背喚作甚麼。○上堂。夫玄道者。不可以設功。得聖智者。不可以有心。知真諦者。不可以存我。會至功者。不可以營事。爲古人一期應病與藥。則不可。若是丈夫漢。出則經濟天下。不出則卷而懷之。爾若一向聲和響順。我則排斥諸方。爾若示現酒肆淫坊。我則孤峯獨宿。且道甚處是黃龍爲人眼。東林常總照覺禪師久依黃龍。密授大法。決旨出住。

勸潭次遷東林。皆符識記。上堂。乾坤大地。常演圓音。日月星辰。每談實相。飄憶先黃龍。道秋雨淋漓連宵。徹曙點點。無私不落。別處復云。滴穿汝眼睛。浸爛汝鼻孔。東林則不然。終歸大海。作波濤擊禪牀下座。寶峯克文真淨禪師。坐夏大瀉。聞僧舉問雲門。佛法如水中月。是否。門曰。清波無透路。師乃領解。往見黃龍。不契。却曰。我有好處。這老漢不識我。遂往香城。見順和尚。順問甚處來。師曰。黃龍來。曰。黃龍近日有何言句。師曰。黃龍近日。州府委請黃檗長老。龍垂語曰。鐘樓上念讚牀。脚下種菜。有人下得語契。便往住持。勝上座云。猛虎當路。坐龍遂令去住。黃檗順不覺云。勝首座祇下得一轉語。便得黃檗。上佛法未夢見。在師於言下。大悟。方知黃龍用處。遂回見黃龍。龍問甚處來。師曰。特來禮拜和尙。龍曰。恰值老僧不在。師曰。向甚麼處去。龍曰。天台普請。南嶽遊山。師曰。恁麼則學人得自在去也。龍曰。脚下鞋甚處得來。師曰。廬山七百五十文。唱來。龍曰。何曾得自在。師指鞋曰。何嘗不自在。龍駭之。○僧問。如何是佛師。呵呵大咲。僧

禪宗正脈

黃檗南

黃檗惟勝禪師居講聚時偶以扇勒窻櫺有聲忽憶

曰何哂之有師曰笑你隨語生解曰偶然失利師喝

教中道十方俱擊鼓十處一時聞因大悟白本講講

曰不得禮拜僧便歸衆師復笑曰隨語生解○問江

令參問師徑往黃龍後因瑞州太守委龍選黃檗

西佛手驢脚接人和尙如何接人師曰鮎魚上竹竿

主人龍集衆垂語曰鐘樓上念讚牀脚下種菜若人

古人影

曰全因今日師曰鳥龜入水○上堂佛法兩字直是

道得乃往往持師出答曰猛虎當路坐龍大悅遂令

難得人有底不信自己佛事唯憑少許古人影響相

師往由是諸方宗仰之○上堂臨濟喝德山棒留與

似般若所知境界定相法門動則背覺合塵黏將去

禪人作模範歸宗磨雪峯毖此箇門庭接上流若是

脫不得或學者來如印印泥遞相印授不唯自誤亦

黃檗即不然也無喝也無棒亦不推磨亦不輟毖前

乃誤他洞山門下無佛法與人祇有一口劍凡是來

面是案山背後是主山塞却你眼睛拶破你面門於

看一一斬斷使伊性命不存見聞俱泯却向父母未

此見得得不退轉地盡未來際不向他求若見不得

生前與伊相見見伊纔向前便爲斬斷然則剛刀雖

醒翻上味醞成毒藥

利不斬無罪之人莫有無罪底麼也好與三十拄杖

祐聖窟禪師上堂此事如醫家驗病方且雜毒滿腹

雲居元祐禪師上堂月色和雲白松聲帶露寒好箇

未易攻治必瞑眩之藥而後可瘳就令徇意投之適

真消息憑君子細看黃龍先師和身放倒還有人扶

足狂惑增其沉痾求其已病不亦左乎法堂前草深

得起麼祖禪不了殃及子孫擊禪牀下座○上堂一

於心無愧

切聲是佛聲以拂子擊禪牀曰梵音深遠令人樂聞

開元琦禪師謁翠巖眞禪師問佛法大意眞睡地曰

又曰一切色是佛色乃拈起拂子曰今佛放光明助

這一滴落在什麼處師捫膺曰學人今日脾疼巖解

發實相義已到之者頂戴奉行未到之者應如是知

顯辭參積翠歲餘盡得其道乘閑侍翠商確古今適

應如是信擊禪牀下座今諸方三塔師始創也

黃龍南

黃龍南

有知底人

大雪翠指曰斯可以一致君。帝否師曰不能然則天
霽日出雲物解散豈復有哉。知有底人於一切言句
如破竹雖百節當迎刃而解。詎容聲於擬議乎。一日
翠遣僧逆問老和尚三關語。如何師厲聲曰你理會
久遠時事作麼翠聞益奇之。於是名著叢席。翠歿四
祖演禪師命分座室中垂語曰一人有口道不得姓
字爲誰後傳至東林總禪師歎曰琦首座如鐵山萬
仞卒難逗他語脉

嗣黃龍南

仰山偉禪師挈囊遊方至南禪師法席六遷星序一
日扣請尋被喝出足擬跨門頓省玄旨出世仰山道
風大著○上堂大衆會麼古今事掩不得日用事藏
不得既藏掩不得則日用現前且問諸人現前事作
麼生參○上堂道不在聲色而不離聲色凡一語一
默一動一靜隱顯縱橫無非佛事日用現前古今凝
然理何差互

嗣黃龍南

福嚴慈感禪師上堂古佛心祇如今若不會苦沉吟
秋雨微微秋風颯颯乍此乍彼若爲酬答沙岸蘆華
青黃交雜禪者何依良久曰割

嗣黃龍南

雲蓋智禪師聞法昌遇禪師韜藏西山卽之昌問曰
汝何所來師曰大寧又問三門夜來到汝知麼師愕
然曰不知昌曰吳中石佛大有人不曾得見師惘然
卽展拜昌使謁翠巖真禪師雖久之無省且不捨寸
陰及謁黃龍於積翠始盡所疑後首衆石霜遂開法
道吾徒雲蓋○上堂昨日高山看釣魚步行騎馬失
却驢有人拾得駱駝去重賞千金一也無若向這裏
薦得不著還草鞋錢○示衆不離當處常湛然覓卽
知君不可見雖然先聖怎麼道且作箇模子搭却若
也出不得祇抱得古人底若也出得方有少分相應
雲蓋則不然騎駿馬繞須彌過山尋驢跡能有幾人
知

嗣黃龍南

報本元禪師上堂僧問諸佛所說法種種皆方便是
否師曰是曰爲甚麼諸法寂滅相不可以言宣師曰
且莫錯會僧以坐具一畫師喝曰諸法寂滅相不可
以言宣今之學者方見道不可以言宣便擬絕慮忘
緣杜塞視聽如斯見解未有自在分諸人還會寂滅
相麼出門不見一纖毫滿目白雲與青嶂

黃龍南

黃龍三關

黃龍南

黃龍南
開十明論乃
建宗要

隆慶慶閑禪師謁黃龍於黃檗龍問甚處來師曰百丈曰幾時離彼師曰正月十三龍曰脚跟好痛與三十棒師曰非但三十棒龍喝曰許多時行脚無點氣息師曰百千諸佛亦乃如是曰汝與麼來何曾有纖毫到諸佛境界師曰諸佛未必到慶閑境界龍問如何是汝生緣處師曰早晨喫白粥如今又覺飢問我手何似佛手師曰月下弄琵琶問我脚何似驢脚師曰鷺鷥立雪非同色龍嗟咨而視曰汝剷除髮鬚當爲何事師曰祇要無事曰與麼則數聲清磬是非外一箇閑人天地間也師曰是何言歟曰靈利衲子師曰也不消得龍曰此間有辯上座者汝著精彩師曰他有甚長處曰他搯汝背一下又如何師曰作甚麼曰他展兩手師曰甚處學這虎頭來龍大笑師却展兩手龍喝之

三祖宗禪師上堂明晃晃活鱗鱗十方世界一毫末拋向面前知不知莫向意根上拈掇拍一拍泐潭英禪師因謁華嚴十明論乃證宗要即詣黃檗南禪師席檍與語達旦曰荷擔大法盡在爾躬厚自

領衆不肅

黃龍南

黃龍南
論野狐話

愛所至議論奪席晚遊西山與勝首座棲雙嶺後開法石門久之遷泐潭○上堂顧視大眾曰石門巖嶮鐵關牢舉目重重萬仞高無角鐵牛衝得破毗盧海內作波濤且道不涉波濤一句作麼生道良久曰一句不遑無著問迄今猶作野盤僧師因知事紛爭止之不可乃謂衆曰領衆不肅正坐無德吾有愧黃龍敘行脚始末曰吾滅後火化以骨石藏普同塔明生死不離清衆也言卒而逝

保寧圓瑛禪師上堂廣尋文義鏡裏求形息念觀空中捉月單傳心印特地多端德山臨濟枉用工夫石鞏子湖翻成特地若是保寧總不恁麼但是隨緣飲啄一切尋常深遯白雲甘爲無學之者敢問諸人保寧畢竟將何報答四恩三有良久曰愁人莫向愁人說說與愁人愁殺人

雲峯道圓禪師依積翠曰宴坐下板時二僧論野狐話一云不昧因果也未脫得野狐身一云不落因果又何曾墮野狐來師聞之悚然因詣積翠庵渡澗猛省述偈曰不落不昧僧俗本無忌諱丈夫氣宇如王

爭受囊藏被蓋一條。榔栗任縱橫。野狐跳入金貓隊。翠見爲助喜。

嗣黃龍南

四祖洪演禪師僧問。如何是心相。師曰。山河大地。曰。如何是心體。師曰。汝喚甚麼作山河大地。

嗣黃龍南

清隱潛庵源禪師上堂。先師初事棲賢。湜泐潭澄。歷二十年。宗門奇奧。經論玄要。莫不貫穿。及因雲峯。指見慈明。則一字無用。遂設三關語。以驗學者。而學者如葉公。盡龍龍現。卽怖。

嗣黃龍南

廉泉曇秀禪師僧問。如何是學人轉身處。師曰。掃地澆花。曰。如何是學人親切處。師曰。高枕枕頭。曰。總不恁麼時。如何。師曰。驚啼嶺上花。發巖前。

嗣黃龍南

靈鷲慧覺禪師上堂。大眾百千三昧。無量妙義。盡在諸人脚跟下。各請自家回互。取會麼。回互不同。互認取歸家路。智慧爲橋梁。柔和作依怙。居安則慮危。在樂須知苦。君不見龐居士。黃金拋却。如糞土。父子團圓。頭共說無生語。無生語。仍記取。九夏雪華飛。三冬汗如雨。

嗣黃龍南

積翠永庵主示衆。山僧住庵來。無禪可說。無法可傳。

嗣黃龍南

亦無差珍異寶。祇收得續火柴頭一箇。留與後人。令他煙燄不絕。火光長明。遂擲下拂子。時有僧就地拈起。吹一吹。師便喝曰。誰知續火柴頭。從這漢邊煙消火滅去。乃拂袖歸庵。僧吐舌而去。

歸宗芝庵主依黃龍。遂領深旨。有偈曰。未到應須到。到了令人笑。眉毛本無用。無渠底波旬。未幾龍引退。芝陸沉于衆。一日。普請罷。書偈曰。茶芽蘆荻初離焙。筍角狼忙又吐泥。山舍一年春事辦得閑。誰管板頭低。由是衲子親之。師不憚結庵絕頂。作偈曰。千峰頂上一間屋。老僧半間雲。半間昨夜雲隨風雨去。到頭不似老僧閑。

嗣黃龍心

死却全心

黃龍死。心悟新禪師。謁晦堂。堂豎拳問曰。喚作拳頭。則觸。不喚作拳頭。則背。汝喚作甚麼。師罔措。經二年。方領解。然尙談辯無所抵牾。悟堂患之。偶與語。至其說。堂遽曰。住住。說食豈能飽人。師窘。乃曰。某到此。弓折箭盡。望和尙慈悲。指箇安樂處。堂曰。一塵飛而翳天。一芥墮而覆地。安樂處。政忌上座。許多骨董。直須死却無量劫來全心。乃可耳。師趨出一日。聞知事捶行。

自覺

清珠喻

王正言問胎生

黃龍心

偷心未死

者而迅雷忽震。即大悟。趨見晦堂。忘納其屨。即自譽曰。天下人總是參得底。禪某是悟得底。堂笑曰。選佛得甲科。何可當也。因號死心叟。○僧問。如何是黃龍接人句。師曰。開口要罵人。曰。罵底是接人句。驗人一句。又作麼生。師曰。但識取罵人。○上堂。清珠下於濁水。濁水不得不清。念佛投於亂心。亂心不得不念佛。既不亂濁水。自清濁水。既清功歸何所。良久曰。幾度黑風飄大海。未曾聞著釣舟。傾○室中問僧。月晦之陰。以五色彩著於暝中。令百千萬人夜視其色。寧有辯其青黃赤白者麼。僧無語。師代曰。箇箇是盲人。○師因王正言問。嘗聞三緣和合而生。又聞即死即生。何故有奪胎而生者。某甚疑之。師曰。如正言作遭使。隨所住處。即居其位。還疑否。王曰。不疑。師曰。復何疑也。王於言下領解。

心已死。然非學者自能。爾實為師者。鉗鎚妙密也。如梁武帝御大殿。見侯景不動聲氣。而景之心已枯竭。無餘矣。諸方所說。非不美麗。要之如趙昌畫花。花雖逼真。而非真花也。○上堂。江月照松風。吹永夜。清宵更是誰。霧露雲霞遮不得。箇中猶道不如歸。復何歸。荷葉團團似鏡。菱角尖尖似錐。○上堂。至道無難。唯嫌揀擇。但莫憎愛。洞然明白。祖師怎麼說話。瞎却天下人眼識。是非別。經素底。衲僧到這裏。如何辯明。未能行到水窮處。難解坐看雲起時。渤潭草堂清禪師。初謁大滄詰禪師。無所得。後謁黃龍。龍示以風幡話。久而不契。一日。龍問風幡話。子作麼生會。師曰。迴無入處。乞師方便。龍曰。子見貓兒捕鼠。乎目睛不瞬。四足踞地。諸根順向。首尾一直。擬無不中。子誠能如是。心無異緣。六根自靜。默然而究。萬無失一也。師從是。屏去閑緣。餘豁然契悟。以偈告龍曰。隨隨隨。昔昔隨隨隨。後無人識。夜來明月上孤峯。元來祇是這箇。賊龍領之。復告之曰。得道非難。弘道為難。弘道猶在已。說法為人難。既明之後。在力

黃龍心

行之大凡宗師說法一句中具三立一立中具三要。子入處真實得坐披衣向後自看自然七通八達去。師復依止七年乃辭徧訪叢林。○僧問牛頭未見四祖時如何。師曰京三下四日見後如何。師曰灰頭土面日畢竟如何。師曰一場懺懺。○上堂色心不異彼我無差。豎起拂子曰若喚作拂子入地獄如箭不喚作拂子有眼如盲直饒透脫兩頭也是黑牛臥死水。

黃龍心

青原信禪師上堂老僧三十年前未參禪時見山是山見水是水及至後來親見知識有箇入處見山不是山見水不是水而今得箇休歇處依前見山祇是山見水祇是水大衆這三般見解是同是別有人經素得出許汝親見老僧。

黃龍心

夾山純禪師嘗以木刻作一獸師子頭牛足馬身每陞堂時持出示衆曰喚作師子又是馬身喚作馬身又是牛足且道畢竟喚作甚麼令僧下語莫有契者。師示頌曰軒昂師子首牛足馬身材三道如能入立關疊疊開。

黃龍心

眞頭頭盡是吾家物信手拈來不是塵遂舉拂子曰會麼認著依前還不是擊禪牀下座。龜山曉津禪師上堂田地穩密過犯彌天灼然穩脚不起神通遊戲無瘡自傷特地下脚不得且道過在甚麼處具參學眼底出來共相理論要見本分家山不支岐路莫祇管自家點頭蹉過歲月他時異日頂上一錐莫言不道。

黃龍心

保福權禪師漳州人也性質直而勇於道乃於晦堂學拳

處徹證根源機辯捷出黃山谷初有所入問晦堂此中誰可與語堂曰漳州權師方督役開田山谷同晦堂往致問曰直歲還知露柱生兒麼師曰是男是女黃擬議師揮之堂謂曰不得無禮師曰這木頭不打更待何時黃大笑○上堂舉寒山偈曰吾心似秋月碧潭清皎潔無物堪比倫教我如何說老僧即不然吾心似燈籠點火內外紅有物堪比倫來朝日出東傳者以爲笑死心和尙見之歎曰權兄提唱若此誠不負先師所付囑也。

護國新禪師上堂三界無法何處求心欲知護國當

調黃龍心

陽句且看門前竹一林
黃龍明禪師一日上堂衆纔集師乃曰不可更開眼
說夢去也便下座

調黃龍

道吾圓禪師上堂不是心不是佛不是物古人恁麼
道譬如管中窺豹但見一斑設或入林不動草入水
不動波亦如騎馬向冰凌上行若是射鵰手何不向
蛇頭上揩痒具正眼者試辨看良久曰鴛鴦繡出自
金針

調黃龍心

調黃龍心

太史黃庭堅居士以般若夙習雖臘仕澹如也出入
宗門未有所向好作艷詞嘗謁圓通秀禪師秀呵曰
大丈夫翰墨之妙甘施於此乎秀方戒李伯時畫馬
事公謂之曰無乃復置我於馬腹中耶秀曰汝以艷
語動天下人姪心不止馬腹中正恐生泥犁耳公悚
然悔謝由是絕筆惟孝孝於道著發願文痛戒酒色
但朝粥午飯而已頌往依晦堂乞指徑捷處堂曰祇
如仲尼道二三子以我爲隱乎吾無隱乎爾者太史
居常如何理論公擬對堂曰不是不是公迷悶不已
一日侍堂山行次時巖桂盛放堂曰聞木犀華香麼

侍晦堂行時
巖桂放

左官黔南

調黃龍心

調黃龍心

調東林

公曰聞堂曰吾無隱乎爾公釋然即拜之曰和尚得
恁麼老婆心切堂笑曰祇要公到家耳○謁死心新
禪師隨衆入室心見張目問曰新長老死學士死燒
作兩堆灰向甚麼處相見公無語心約出曰晦堂處
參得底使未著在後左官黔南道力愈勝於無思念
中頓明死心所問報以書曰往年嘗蒙苦苦提撕長
如醉夢依稀在光影中蓋疑情不盡命根不斷故望
崖而退耳謫官在黔南道中晝臥覺來忽爾尋思被
天下老和尚謾了多少唯有死心道人不肯乃是第
一相爲也不勝萬幸
觀文王韶居士出刺洪州乃延晦堂問道默有所契
因述投機頌曰晝曾忘食夜忘眠捧得明珠欲上天
却向自身都放下四稜塌地恰圓圓呈堂堂深肯之
秘書吳恂居士居晦堂入室次堂謂曰平生學解記
憶多聞即不問你父母未生已前道將一句來公擬
議堂以拂子擊之即領深旨
渤潭乾禪師上堂靈光洞耀迴脫根塵體露眞常不
拘文字心性無染本自圓成但離妄緣即如如佛古

人怎麼道殊不知是箇坑阱貼肉汗衫脫不去過不得直須是師子兒壁立千仞方能勸絕去然雖如是也是布袋裏老鴉拍禪牀下座

關東林

開先瑛禪師上堂登山須到頂入海須到底學道須到佛祖道不得處若不如是盡是依草附木底精靈喫野狐涕睡底鬼子華嚴怎麼道譬如良藥然則苦口且要治疾阿哪哪

關東林

象田梵脚禪師嘉興人僧問大悲菩薩用許多手眼作甚麼師曰富嫌千口少曰畢竟如何是正眼師曰從來共住不知名○上堂春已暮落華紛紛下紅雨南北行人歸不歸千林萬林鳴杜宇我無家兮何處歸十方刹土奚相依老夫有箇真消息昨夜三更月在池

關東林

褒親瑤禪師初參黃龍南禪師龍問汝爲人事來爲佛法來師曰爲佛法來龍曰若爲佛法來卽今便分付遂打一拂子師曰和尚也不得惱亂人龍卽器之後依照覺深悟玄奧○上堂有佛世界以一塵一毛而作佛事令見一法者而具足一切法故權爲架閣

學者優劣

有佛化內以忘言寂默爲大佛事使其學者離一切相卽名諸佛故好與三下火抄有佛土中以黃花翠竹而爲佛事令觀相者見色卽空故且付與彌勒有佛寶刹以法空爲座而示佛事俾其行人不著佛求故勸破了勾下有佛道場以四事供養而成佛事使知足者斷異念故可與下載有佛妙域以一切語言三昧作其佛事令隨機入者不捨動靜故爲渠裝載大衆且道於中還有優劣也無良久曰到者須知是作家參

關東林

慧力昌禪師上堂佛法根源非正信妙智不能悟入祖師關鍵非大悲重願何以開通具信智則權實雙行如金在鑛全悲願則善惡可辨似月離雲大衆祇如父母未生時許多譬喻向甚麼處吐露良久曰十語九中不如一默

關東林

慧圓上座遊廬山至東林每以已事請問朋輩見其貌陋舉止乖疎皆戲侮之一日行殿庭中忽足顛而仆了然開悟作偈俾行者書于壁曰這一交這一交萬兩黃金也合消頭上笠腰下包清風明月杖頭挑

斷東林總

羅華文

出言如醉

見關西子

清素過門

卽日離東林衆傳至照覺覺大喜曰。禪子參究若此。善不可加。令人迹其所往。竟無知者。大慈武庫。謂靈悟。願語非也。內翰蘇軾居士因宿東林。與照覺論無情話。有省。黎明獻偈曰。豁聲便是廣長舌。山色豈非清淨身。夜來八萬四千偈。他日如何舉似人。

兜率從悅禪師初首衆於道。吾領數禪謁雲蓋智和尚。智與語未數句。盡知所蘊。乃笑曰。觀首座氣質不凡。奈何出言吐氣如醉人耶。師面熱汗下曰。願和尚不恡慈悲。智復與語。雖割之師茫然。遂求入室。智曰。曾見法昌。遇和尚否。師曰。曾看他語。錄自了可。也不願見之。智曰。曾見洞山文和尚否。師曰。關西子沒頭腦。拖一條布裙作尿臭氣。有甚長處。智曰。你但向尿臭氣處。參取師。依教卽謁洞山。深領奧旨。復謁智智曰。見關西子後。大事如何。師曰。若不得和尚指示。泊乎蹉却一生。遂禮謝師。復謁真淨。後出世鹿苑。有清素者。久參慈明。寓居一室。未始與人交。師因食蜜漬荔枝。偶素過門。師呼曰。此老人鄉果也。可同食之。素曰。自先師亡後。不得此食久矣。師曰。先師爲誰。素曰。

續錄果

離文太早

慈明也。某忝侍十三年耳。師乃疑駭曰。十三年堪任執侍之役。非得其道。而何遂饋以餘果。稍稍親之。素問師所見者何人。曰。洞山文。素曰。洞見何人。師曰。黃龍南。素曰。南廬頭。見先師不久。法道大振。如此。師益疑駭。遂袖香詣素。作禮。素起避之。曰。吾以福薄。先師授記。不許爲人師。益恭素。乃曰。憐子之誠。達先師之記。子平生所得。試語我。師具通所見。素曰。可以入佛。而不能入魔。師曰。何謂也。素曰。豈不見古人道末後一句。始到牢關。如是累月。素乃印可。仍戒之曰。文示子者。皆正知正見。然子離文太早。不能盡其妙。吾今爲子點破。使子受用得大自在。他日切勿嗣吾也。師後嗣真淨。○僧問。提兵統將。須憑帝主。虎符領衆。匡徒密佩。祖師心印。如何是祖師心印。師曰。滿口道不得。曰。祇這箇別更有。師曰。莫將支遁鶴喚作右軍鷺。○問。如何是兜率境界。師曰。一水按藍色。千峯削玉青。曰。如何是境中人。師曰。七凹八凸。無人見。百首千頭。祇自知。○上堂。夜夜抱佛眠。朝朝還共起。起坐鎮相隨。語默同居止。欲識佛去處。祇這語聲是。諸禪德大。

舌上嘔痰

室中三語

嗣寶華文

茶飄墜地

小傳大士祇會抱橋柱澡洗把纜放船印板打將來
 模子裏脫將去豈知道本色衲僧塞除佛祖窟打破
 玄妙關跳出斷常坑不依清淨界都無一物獨奮雙
 拳海上橫行建家立國有一般漢也要向百尺竿頭
 凝然獨坐泊乎驪身之際捨命不得豈不見雲門大
 師道知是般事拈向一邊直得擺動精神著些筋骨
 向混沌未判已前薦得猶是鈍漢那堪更於他人舌
 頭上嘔痰滋味終無了日諸禪客要會麼剔起眉毛
 有甚難分明不見一毫端風吹碧落浮雲盡月上青
 山玉一團喝一喝下座頌室中設三語以驗學者一
 日撥草瞻風祇圖見性即今上人性在甚麼處二日
 議得自性方脫生死眼光落地時作麼生脫三曰脫
 得生死便知去處四大分離向甚麼處去河山文那實解其淨
 法雲佛照果禪師謁圓通瑗禪師入室次瑗舉僧問
 投子大死底人却活時如何子曰不許夜行投明須
 到意作麼生師曰恩大難酬瑗大喜遂命首衆至晚
 爲衆秉拂機遲而訥衆笑之師有赧色次日於僧堂
 點茶因觸茶瓢墜地見瓢跳乃得應機三昧後依真

夏入

示衆語不入

嗣寶華文

淨因讀祖偈曰心同虛空界示等虛空法證得虛空
 時無是無非法豁然大悟每謂人曰我於紹聖三年
 十一月二十一日悟得方寸禪○上堂西來祖意教
 外別傳非大根器不能證入其證入者不被文字語
 言所轉聲色是非所迷亦無雲門臨濟之殊趙州德
 山之異所以唱道須明有語中無語無語中有語若
 向這裏薦得可謂終日著衣未嘗挂一縷絲終日喫
 飯未嘗較一粒米直是訶佛罵祖有甚麼過雖然如
 是欲得不招無間業莫謗如來正法輪喝一喝下座
 ○上堂拈拄杖曰歸宗會斬蛇禾山解打鼓萬象與
 森羅皆從這裏去擲下拄杖曰歸堂喫茶頌師以力
 參深到語不入時每示衆常舉老僧熙寧八年文帳
 在鳳翔府供申當年崩了華山四十里壓倒八十村
 人家汝輩後生茄子瓠子幾時知得或問曰寶華王
 座上因甚麼一向世諦師曰癡人佛性豈有二種耶
 渤潭湛堂準禪師初謁真淨淨問近離甚處師曰大
 仰淨曰夏在甚處師曰大瀉淨曰甚處人師曰與元
 府淨展手曰我手何似佛手師罔措淨曰適來祇對

渠水灘衣

今浙一作
下同

悟侍者被喝
妄志

一一靈明。一天真。及乎道箇我手何似佛手。便成
窒礙。且道病在甚處。師曰。某甲不會淨。曰。一切現成。
更教誰會。師當下釋然。服勤十載。所往必隨。紹聖三
年。真淨移石門。衆益盛。凡衲僧扣問。但瞑目危坐。無
所示見。來學則往。治蔬圃。率以爲常。師謂同行恭上
座曰。老漢無意於法道乎。一日。舉杖決渠水灘衣。忽
大悟。淨語曰。此乃敢爾。蓋直耶。自此迹愈晦。而名益
著。○師自浙回。勸潭謁深禪師。尋命分座。聞有悟侍
者。見所擲屢。餘有省。詣方丈。通所悟。深喝出。因喪志。
自縊於延壽堂。厠後出沒無時。衆憚之。師聞。半夜特
往。登方脫衣。悟即提淨水至。師曰。待我脫衣。脫罷。
悟復到。未幾。悟供籌子。師滌淨已。召接淨桶去。悟纔
接。師執其手。問曰。汝是悟侍者。那。悟曰。諾。師曰。是當
時在知客寮。見掉火柴頭。有箇悟處。底麼。參禪學道。
祇要知箇本命元辰。下落處。汝割地作此。去就。汝在
藏殿。移首座。鞋豈不是。汝當時悟得底。又在知客寮。
移他。椅子豈不是。汝當時悟得底。汝每夜在此提水。
度籌。豈不是。汝當時悟得底。因甚。麼。不知下落。却在

同寶華文

同寶華文

同寶華文

同寶華文

這裏惱亂大衆。師猛推之。索然如倒。疊。由是無復
見者。

淨覺本禪師。僧問。同聲相應時。如何。師曰。鶻鳩樹上
啼。曰。同氣相求時。如何。師曰。猛虎巖前嘯。

報慈英禪師。上堂。與麼上來。猛虎出林。與麼下來。驚
蛇入草。不上不下。日輪杲杲。喝一喝。曰。瀟湘江水碧。
溶溶。出門便是長安道。

寶華鑑禪師。上堂。參禪別無奇特。祇要當人。命根斷。
疑情脫。千眼頓開。如大洋海底。輾一輪。赫日上昇。天
門照破。四天之下。萬別千差。一時明了。便能握金剛。
王寶劍。七縱八橫。受用自在。豈不快哉。其或見諦不
真。影像彷彿。尋言逐句。受人指呼。驢年得快活。去不
如屏息塵緣。豎起脊梁骨。著些精彩。究教七穿八穴。
百了千當。向水邊林下。長養聖胎。亦不枉受人天供
養。然雖如是。臥雲門下有箇鐵門限。更須猛著氣力。
跳過始得。擬議之間。墮坑落漚。以拂子擊禪牀下座。
九峯廣禪師。謁雲蓋智和尚。乃問。與化打克賓。意旨
如何。智下禪牀。展兩手。吐舌示之。師打一坐具。智曰。

此是風力所轉。又問石霜琳禪師。琳曰。你意作麼生。師亦打一坐具。琳曰。好。一坐具。祇是不知落處。又問眞淨淨曰。你意作麼生。師復打一坐具。淨曰。他打你也打。師於言下大悟。後住九峯。衲子宗仰。黃檗全禪師上堂。以拂子擊禪牀曰。一槌打透無盡藏。一切珍寶。吾家有拈來。普濟貧乏人。免使波吒路邊走。遂喝曰。誰是貧乏者。

清涼慧洪覺範禪師。從宣秘講成實唯識論。逾四年。棄謁眞淨於歸宗。淨遷石門。師隨至。淨患其深聞之弊。每舉玄沙未徹之語。發其疑。凡有所對。淨曰。你又說道理耶。一日頓脫所疑。述偈曰。靈雲一見不再見。紅白枝枝不著花。耐釣魚船上客。却來平地擺魚鰕。淨見爲助喜。○後住清涼。示衆舉首楞嚴如來語。阿難曰。汝應觀此爐中栴檀。此香若復然於一鉢室羅筏城四十里內。同時聞氣。於意云何。此香爲復生旃檀木。生於汝鼻。爲生於空。阿難若復。此香生於汝鼻。稱鼻所生。當從鼻出。鼻非旃檀。云何鼻中有旃檀氣。稱汝聞香。當於鼻入。鼻中出香。設聞非義。若生於

會無盡於時之香點

空空性常恒。香應常在何藉。鑪中燕此枯木。若生於木。則此香質。因燕成煙。若鼻得聞。合蒙煙氣。其煙騰空。未及遙遠四十里內。云何已聞。是故當知香鼻與聞俱無處所。卽與香二處虛妄。本非因緣。非自然性。師曰。入此鼻。觀親證無生。又大智度論問曰。聞者云何。聞用耳根。聞耶。用耳識。聞耶。用意識。聞耶。若耳根聞耳根。無覺識。知故不能聞。若耳識聞耳識。一念故不能分別。不應聞。若意識聞。意識亦不能聞。何以故。先五識識五塵。然後意識識。意識不能識。現在五塵。唯識過去未來五塵。若意識能識。現在五塵者。盲聾人亦應識聲也。何以故。意識不破。故師曰。究此聞塵。則合本妙。既證無生。又合本妙。畢竟是何境界。良久曰。白猿已叫千巖晚。碧縷初橫萬字鐘。○崇寧二年。會無盡居士張公於峽之善谿。張嘗自謂得龍安悅禪師末後句。叢林畏與語。因夜話及之。曰。可惜雲庵不知此事。師問僧以張曰。商英頃自金陵酒官移知豫章。過歸宗。見之。欲爲點破。方敘悅末後句。未卒。此老大怒罵曰。此吐血禿丁。脫空妄語。不得信。既見

南齊書
項相

其盛怒更不欲敘之師笑曰相公但識龍安口傳末後句而真藥現前不能辯也張大驚起執師手曰老師真有此意耶曰疑則別參乃取家藏雲庵頂相展拜贊之書以授師其詞曰雲庵綱宗能用能照天鼓希聲不落凡調冷面嚴眸神光獨耀孰傳其真觀面爲肖前悅後洪如融如肇大慧處衆日嘗親依之每歎其妙悟辯慧

嗣寶峯文

超化靜禪師上堂聲前認得已涉纖纖句下承當猶爲鈍漢電光石火尙在遲疑點著不來橫屍萬里良久云有甚用處咄

嗣寶峯文

石頭懷志庵主肆講十二年宿學敬慕嘗欲會通諸宗正一代時教有禪者問曰杜順乃賢首宗祖師也談法身則曰懷州牛喫禾益州馬腹脹此偈合歸天台何義耶師無對即出遊方晚至洞山謁眞淨問古一人喝不作一喝用意旨如何淨叱之師趨出淨笑呼曰浙子齋後遊山好師忽領悟久之辭去淨曰子所造雖逸格惜緣不勝耳因識其意自是諸方力命出世師却之庵居二十年不與世接士夫踵門略不

嗣寶峯文

顧有偈曰萬機休罷付癡憨蹤跡時容野鹿參不脫麻衣拏作枕幾生夢在綠蘿庵或問住山多年有何旨趣師曰山中住獨掩柴門無別趣三箇柴頭品字煨不用援毫文彩露

雙谿印首座一日偶書曰折脚鐺兒謾自煨飯餘長是坐堆堆一從近日生涯拙百鳥銜華去不來又以觸衣碎甚作偈曰不挂寸絲方免寒何須特地裊長竿而今落落零零也七佛之名甚處安

會元十七卷終

卷之二十一
嗣寶居祐

羅漢南禪師上堂禪不禪道不道三寸舌頭胡亂掃昨夜日輪飄桂花今朝月窟生芝草呵呵萬兩黃金無處討一句絕思量諸法不相到

嗣寶居祐

慈雲彥隆禪師上堂舉玄沙示衆曰盡大地都是、一顆明珠時有僧問既是一顆明珠學人爲甚不識沙曰全體是珠更教誰識曰雖然全體是爭奈學人不識沙曰問取你眼師曰諸禪德這箇公案喚作嚼飯餞小兒把手更與杖還會麼若未會須是扣已而參直要眞實不得信口掠虛徒自虛生浪死

關大秀

大鴻祖瑤禪師上堂道無定亂法離見知言句相投都無定義自古龍門無宿客至今鳥道絕行蹤欲會箇中端的意火裏唧唧吞大蟲咄○上堂雨下塔頭濕晴乾水不流鳥巢滄海底魚躍石山頭衆中大有商量前頭兩句是平實語後頭兩句是格外談若如是會祇見石磊磊不見玉落落若見玉落落方知道寬廓嘆

關大秀

福嚴演禪師僧問如何是佛師當面便唾

關黃藥

昭覺白禪師上堂寒便向火熱卽搖扇饑時喫飯困來打眠所以趙州庭前柏香殿嶺後松栽來無別用祇要引清風且道畢竟事作麼生甲子乙丑海中金丙寅丁卯鑪中火

關開元

薦福道英禪師上堂據道而論語也不得默也不得直饒語默兩忘亦沒交涉何故句中無路意在句中無意無不意非計較之所及若是劈頭點一點頂門豁然眼開者於此却有疾速分若低頭向意根下尋思卒摸索不著是知萬法無根欲窮者錯一源絕迹欲返者迷看他古佛光明先德風彩一一從無欲無

無欲無依

合融混會

依中發現或時孤峻峭拔竟不可構或時含融混會了無所睹終不構定一處亦不繫係兩頭無是無不是無非無不非得亦無所得失亦無所失不曾隔越纖毫不曾移易絲髮明明古路不屬立微觀面筆來瞥然便過不居正位豈落邪途不蹈大方那趙小徑騰騰兀兀何住何爲回首不逢觸目無對一念普觀廓然空寂此之宗要千聖不傳直下了知當處超越是知亦灑灑處爲麼卽易明歷歷處爲麼還難不用沾黏點染直須剝脫屏除若是本分手脚放去無收不來底一一放光現瑞一一削跡絕蹤機上了不停語中無可露徹底攬不渾通身撲不碎且道畢竟是箇甚麼得恁麼靈通得恁麼奇特得恁麼堅確諸仁者休要識渠面孔不用安渠名字亦莫覓渠所在何故渠無所在渠無名字渠無面孔纔起一念追求如微塵許便隔十生五生更擬管帶思惟益見紛紛叢雜不如長時放教自由自在要發便發要住便住即天然非天然卽如非如卽卽湛寂非湛寂卽敗壞非敗壞無生戀無死畏無佛求無魔怖不與菩提會

靈通奇特

道相教習

不與煩惱俱不受一法不嫌一法無在無不在非離非不離若能如是見得釋迦自釋迦達磨自達磨干我甚麼碗。怎麼說話。訥僧門下推勘將來布裙芒屨不免擦他些些泥水。豈況汝等諸人更道這箇是平實語句。這箇是差別門庭。這箇是關捩巴鼻。這箇是道眼根。塵邇相教習如七家村裏傳口令相似。有甚交涉無事珍重。

開元瑞

尊勝朋講師多歷教肆。管疏楞嚴維摩等經學者宗之。每疑祖師直指之道。故多與禪衲遊。一日謁開元跡未及閫。心忽領悟。元出遂問座主來作甚麼。師曰。不敢責耳。賤目元曰。老老大大何必如是。師曰。自是者不長。元曰。朝看華嚴夜讀般若。則不問如何是當今一句。師曰。日輪正當午。元曰。閑言語更道來。師曰。平生仗忠信。今日任風波。然雖如是。祇如和尚恁麼道。有甚交涉。須要新戒草鞋穿。元曰。這裏且放你過。忽遇達磨問你作麼。生道。師便喝。元曰。這座主今日見老僧氣衝牛斗。師曰。再犯不容。元拊掌大笑。慧日明禪師上堂。不用求心。唯須息見。三祖大師雖

氣衝牛斗

開元山傳

開元蓋智

然同避金鉤。殊不知已吞紅線。慧日又且不然。不用求真。并息見。倒騎牛兮入佛殿。牧笛一聲天地寬。稽首瞿曇真箇黃面。

開元蓋智

道場如禪師參雲蓋。悟汾陽十智同真話。尋常多說十智同真。故叢林號為如十同也。水庵圓極皆依之。圓極嘗贊之曰。生鐵面皮難湊泊。等閑舉步動乾坤。戲拈十智同真話。不負黃龍嫡骨孫。

開元蓋智

寶壽樂禪師上堂。諸佛不真實。說法度羣生。菩薩有智慧。見性不分明。白雲無心意。灑為世間雨。大地不含情。能長諸草木。若也會得。猶存知解。若也不會。墮在無記。去此二途。如何即是。海闊難藏。月山深分外寒。

開元蓋智

廣慧杲禪師上堂。佛為無心。悟心因有。佛迷佛心。清淨處。雲外野猿啼。

永安正禪師上堂。天人羣生類。皆承此恩力。大眾有一人道。我不承佛恩力。不居三界。不屬五行。祖師不敢定。當先佛不敢安名。你且道是箇甚麼人。良久曰。倚石巖前燒鐵鉢。就松枝上挂銅餅。

94

嗣三祖宗

光孝爽禪師上堂今朝六月旦一年已過半奉報參
玄人識取孃生面孃生面薦不薦鷺鷥飛入碧波中
抖擻一團銀繡線

嗣勸潭英

法輪添禪師上堂喝一喝曰師子哮吼又喝一喝曰
象王嘖呻又喝一喝曰狂狗趁塊又喝一喝曰鰕跳
不出斗乃曰此四喝有一喝堪與祖佛爲師明眼衲
僧試請揀看若揀不出大似日中迷路

嗣保寧瑛

育王淨曇禪師嘉禾人也晚歸錢塘之法慧一日上堂本
自深山臥白雲偶然來此寄閑身莫來問我禪兼道
我是喫飯屙屎人

嗣保寧瑛

眞如戒香禪師上堂孟冬改旦曉天寒葉落歸根露
遠山不是見聞生滅法當頭莫作見聞看

嗣黃龍窟

月珠祖鑑禪師僧請筆師語要師曰達磨西來單傳
心印曹谿六祖不識一字今日諸方出世語句如山
重增繩索乃拍禪牀曰於斯薦得猶是鈍根若也未
然白雲深處從君臥切忌寒猿中夜啼

嗣華光恭

萬壽念禪師僧問龍華勝會肇啓茲晨未審彌勒世
尊現居何處師曰豬肉案頭曰既是彌勒世尊爲甚

嗣上座順

麼却在豬肉案頭師曰不是弄潮人休入洪波裏曰
畢竟事又且如何師曰番人不繫腰

嗣黃龍窟

參政蘇轍居士元豐三年以睢陽從事左遷瑞州推
筦之任是時洪州上藍順禪師與其父文安先生有
契因往訪焉相得歡甚公咨以心法順示搐鼻因緣
已而有省作偈呈曰中年聞道覺前非邂逅相逢老
順師搐鼻徑參眞面目掉頭不受別鉗錘枯藤破衲
公何事白酒青鹽我是誰慚愧東軒殘月上一杯甘
露滑如飴

嗣黃龍窟

禾山方禪師上堂舉拂子曰看看祇這箇在臨濟則
照用齊行在雲門則理事俱備在曹洞則偏正叶通
在潯山則暗機圓合在法眼則何止於心然五家宗
派門庭施設則不無直饒辯得個儻分明去猶是光
影邊事若要抵敵生死則霄壤有隔且超越生死一
句作麼生道良久曰泊合錯下注脚
崇覺空禪師上堂十方無壁落四面亦無門淨裸裸
赤灑灑沒可把遂舉拂子曰灌谿老漢向十字街頭
逞風流賣惺惺道我解穿眞珠解玉板過亂絲卷筒

嗣黃龍新

九頂三句

絹煙坊酒肆瓦合與僂虎穴魔宮那吒忿怒遇文王
興禮樂逢桀紂逞干戈今日被崇覺觀見一場懺懺
九頂惠泉禪師僧問心迷法華轉心悟轉法華未審
意旨如何師曰風暖鳥聲碎日高花影重○上堂昔
日雲門有三句謂函蓋乾坤句截斷衆流句隨波逐
浪句九頂今日亦有三句所謂饑來喫飯句寒即向
火句困來打睡句若以佛法而論則九頂望雲門直
立下風若以世諦而論則雲門望九頂直立下風二
語相違且如何是九頂爲人處

嗣黃龍新
追船子逐風

建炎初徐明
振

性空妙普庵主嘉興人也久依死心獲證乃抵秀水追船
子遣風結茆青龍之野吹鐵笛以自娛多賦詠得之
者必珍藏其山居曰心法雙忘猶隔妄色塵不二尙
餘塵百鳥不來春又過不知誰是住庵人○建炎初
徐明叛道經烏鎮肆殺戮民多逃亡師獨荷策而往
賊見其偉異疑必詭伏者問其來師曰吾禪者欲抵
密印寺賊怒欲斬之師曰大丈夫要頭便斫取奚以
怒爲吾死必矣願得一飯以爲送終賊奉肉食師如
常齋出生畢乃曰孰當爲我文之以祭賊笑而不答

臨濟義玄

烏鎮庵舍免

嗣黃龍新

師索筆大書曰嗚呼惟靈勞我以生則大塊之過役
我以壽則陰陽之失乏我以貧則五行不正困我以
命則時日不吉吁哉至哉賴有出塵之道悟我之性
與其妙心則其妙心孰與爲隣上同諸佛之真化下
合凡夫之無明纖塵不動本自圓成妙矣哉妙矣哉
日月未足以爲明乾坤未足以爲大磊磊落落無罣
無礙六十餘年和光混俗四十二臘逍遙自在逢人
則喜見佛不拜笑矣乎笑矣乎可惜少年郎風流太
光彩坦然歸去付春風體似虛空終不壞尙饗遂舉
箸飯餐賊徒大笑飲罷復曰劫數旣遭離亂我是快
活烈漢如今正好乘時便請一刀兩段乃大呼斬斬
賊方駭異稽首謝過令衛而出烏鎮之廬舍免焚實
師之惠也道俗聞之愈敬有僧睹師見佛不拜歌逆
問曰旣見佛爲甚麼不拜師掌之曰會麼云不會師
又掌曰家無二主
空室道人智通者龍圖范珣女也幼聰慧長歸丞相
蘇頌之孫悌未幾厭世相還家求祝髮父難之遂清
修因看法華觀頌有省後父母俱亡兄涓領分寧尉

門後浴場于

顯黃龍清

靈源入生

通偕行聞死心名重往謁之心見知其所得便問常啼菩薩實却心肝教誰學般若通曰你若無心我也休又問一雨所滋根苗有異無陰陽地上生箇甚麼通曰一華五葉復問十二時中向甚麼處安身立命通曰和尚惜取眉毛好心打曰這婦女亂作次第通禮拜心然之於是道聲籍甚○政和間居金陵管設浴於保寧揭榜于門曰一物也無洗箇甚麼纖塵若有起自何來道取一句子玄乃可大家入浴古靈祇解揩背開士何曾明心欲證離垢地時須是通身汗出盡道水能洗垢焉知水亦是塵直饒水垢頓除此亦須洗却後爲尼名惟久有明心錄行世

上封佛心才禪師依海印隆禪師見老宿達道者看經至一毛頭師子百億毛頭一時現師指問曰一毛頭師子作麼生得百億毛頭一時現達曰汝乍入叢林豈可便理會許事師因疑之遂發心領淨頭職一夕汛掃次印適夜參至則遇結座擲拄杖曰了卽毛端吞巨海始知大地一微塵師豁然有省及出閩造豫章黃龍山與死心機不契乃參靈源凡入室出必

顯黃龍清

顯黃龍清

顯黃龍清

揮淚自訟曰此事我見得甚分明祇是臨機吐不出若爲奈何靈源知師勤篤告以須是大徹方得自在也未幾竊觀隣案僧讀曹洞廣錄至藥山採薪歸有僧問甚麼處來山曰討柴來僧指腰下刀曰鳴剝剝是箇甚麼山拔刀作斫勢師忽忻然擲隣案僧一掌揭簾趨出衝口說偈曰徹徹大海乾枯虛空迸裂四方八面絕遮攔萬象森羅齊漏泄

法輪端禪師謁眞淨文禪師機不諧至雲居會靈源分座爲衆激昂師扣其旨然以妙入諸經自負源嘗痛劖之師乃援馬祖百丈機語及華嚴宗旨爲表源笑曰馬祖百丈固錯矣而華嚴宗旨與箇事喜沒交涉師憤然欲他往因請辭及揭簾忽大悟汗流浹背源見乃曰是子識好惡矣馬祖百丈文殊普賢幾被汝帶累

長靈卓禪師上堂譬如眼根不自見眼性自平等無平等者便恁麼去無孔鐵鎚聊且安置直得入林不動草入水不動波也是一期方便若也籬內竹抽籬外筍澗東華發澗西紅更待勸過了打

嗣黃龍清

寺丞戴道純居士咨扣靈源。一日有省。乃呈偈曰。杳冥源底全機處。一片心花露印紋。知是幾生曾供養。時時微笑動香雲。

嗣湧潭清

黃龍山堂道震禪師謁丹霞潭禪師。一日與論洞上宗旨。師呈偈曰。白雲深覆古寒巖。異草靈花彩鳳銜。夜半天明日當午。騎牛背面著靴衫。淳器之師自以爲礙。棄依草堂。一見契合。日取藏經讀之一夕。聞晚參鼓步出經堂。舉頭見月。遂大悟。亟趨方丈。堂望見。卽爲印可。

嗣湧潭清

萬年雪巢法一禪師上堂拈拄杖曰。拄杖子有時作出水蛟龍。萬里雲煙不斷。有時作踞地師子。百年妖怪潛蹤。有時心法兩忘。照體獨立。有時照用同時。主賓互用。以拄杖畫曰。延福門下。總用不著。且道延福尋常用箇甚麼。卓拄杖喝一喝下座。○上堂仰面不見天。低頭不見地。古劍髑髏。前大海波濤沸。

嗣湧潭清

轉機爲快

雪峯慧空禪師上堂。俊快底點著。便行癡鈍底推挽。不動便行。則人人歡喜。不動則箇箇生嫌。山僧而今轉此癡鈍爲俊快去也。彈指一下曰。從前推挽不出。

嗣黃龍清

而今出從前有院不住。而今住從前嫌佛不做。而今做從前嫌法不說。而今說出。不住不住。卽且置。敢問諸人。做底是甚麼。佛空王佛耶。然燈佛耶。釋迦佛耶。彌勒佛耶。說底又是甚麼。法根本法耶。無生法耶。世間法耶。出世間法耶。衆中莫有道得底麼。若道得。山僧出世事畢。如或未然。逢人不得錯舉。喝一喝下座。

嘉功煉行

正法希明禪師解制上堂。林葉紛紛落。乾坤報早秋。分明西祖意。何用更馳求。若恁麼會得。始信佛祖之道本自平夷。大解脫門。元無關鑰。彌綸宇宙。偈塞虛空。量不可窮。智不能測。若也未明。此旨不達。其源任是百劫熏功。千生煉行。徒自疲苦了。無交涉。若深明此旨。洞達其源。乃知動靜施爲。經行坐臥。頭頭合道。念念朝宗。祖不云乎。迷生寂亂。悟無好惡。得失是非。一時放却。如是則誰迷。誰悟。誰是誰非。自是諸人獨生異見。觀大觀小。執有執無。已靈獨耀。不肯承當。心月孤圓。自生違背。何異家中捨父衣。內忘珠致。使菩提路上。荊棘成林。解脫空中。迷雲蔽日。山僧今日幸

嗣音廣信

值衆僧自恣化主還山諸上善人得得光訪不可緘默隨分葛藤曲爲今時少開方便也須是諸人著眼各自諦觀若更擬議尋思白雲萬里遂拈拄杖曰於斯明得靈山一會儼在目前其或未然更待來晨分付

祖庵主見青原之後縛茅衡嶽間三十餘年人無知者偶遣與作偈曰小鍋煮菜上蒸飯菜熟飯香人正饑一補饑瘡了無事明朝依樣畫貓兒由是衲子披榛扣之無盡張公力挽其開法不從竟終于此山

嗣源潭乾

勝因靜禪師上堂遊遍天下當知寸步不曾移歷盡門庭家家竈裏少煙不得所以肩筇屨乘興而行掣釣沉絲任性而住不爲故鄉田地好因緣熟處便爲家今日信手拈來從前幾曾計較不離舊時科段一回舉著一回新明眼底瞥地便回未悟者識取面目且道如何是本來面目良久曰前臺花發後臺見上界鐘聲下界聞以拂子擊禪牀下座○上堂舉世尊在摩竭陀國爲衆說法是時將欲白夏乃謂阿難曰諸大弟子人天四衆我常說法不生敬仰我今入

世尊坐夏九旬

嗣源潭乾

因沙白室中坐夏九旬忽有人來問法之時汝待爲我說一切法不生一切法不滅言訖掩室而坐師召衆曰釋迦老子初成佛道之時大都事不獲已纔方成箇保社便生退倦之心勝因當時若見將釘釘却室門教他一生無出身之路免得後代兒孫遍相倣倣不見道若不傳法度衆生是不名爲報恩者擊拂

子下座
師號戲魚

嗣源潭乾

龍牙宗密禪師上堂休把庭花類此身庭華落後更逢春此身一往知何處三界茫茫愁殺人

東禪從密禪師上堂開口不是禪合口不是道踏步擬進前全身落荒草

嗣源潭乾

天童交禪師往南屏聽台教因爲檀越修懺摩有問曰公之所懺罪爲自懺耶爲他懺耶若自懺罪罪性何來若懺他罪他罪非汝烏能懺之師不能對遂改服遊方造潞潭足纔踵門潭卽呵之師擬問潭卽曳杖逐之一日忽呼師至丈室曰我有古人公案要與你商量師擬進語潭遂喝師豁然領悟乃大笑潭下繩牀執師手曰汝會佛法耶師便喝復拓開潭大笑

嗣源潭乾

世稱古佛

圓通旻禪師徧往參激皆染指親瀉山結禪師最久
晚慕渤潭往謁潭見默器之師陳歷參所得不蒙印
可潭舉世尊拈華迦葉微笑語以問復不契後侍潭
行次潭以拄杖架肩長嘯曰會麼師擬對潭便打有
頃復拈草示之曰是甚麼師亦擬對潭遂喝於是頓
明大法作拈華勢乃曰這同瞞旻上座不得也潭挽
曰更道更道師曰南山起雲北山下雨即禮拜潭首
肯後關法灌谿次居圓通上堂諸佛出世無法與人
祇是抽釘拔楔除疑斷惑學道之士不可自護若有
一果如芥子許是汝真善知識喝一喝曰是甚麼切
莫刺腦入膠盆

嗣源潭乾

道人活計

二靈和庵主謁渤潭潭見乃問作甚麼師擬對潭便
打復喝曰你喚甚麼作禪師薦領旨即曰禪無後無
先波澄大海月印青天又問如何是道師曰道紅塵
浩浩不用安排本無欠少潭然之元符間抵雪竇之
中峯棲雲兩庵逾二十年嘗有偈曰竹筴二三升野
水松窻七五片閑雲道人活計祇如此留與人間作
見聞有志於道者多往見之○師初偕天童交禪師

即開先漢

轉讓成智

問道盟曰他日吾二人宜踞孤峯絕頂目視霄漢爲
世外之人不可作今時籍名官府屈節下氣於人者
後交爽盟至則師竟不接正言陳公以計誘師出山
住二靈三十年間居無長物唯二虎侍其右一日威
於人以偈遣之

慈氏瑞僊禪師習毗尼因覩戒性如虛空持者爲迷
倒師謂戒者束身之法也何自縛乎遂探台教又閱
諸法不自生亦不從他生不共不無因是故說無生
疑曰又不自他不共不無因生畢竟從何而生即省
曰因緣所生空假三觀抑揚性海心佛衆生名異體
同十境十乘轉讓成智不思議境智照方明非言詮
所及棄謁諸方後至投子廣鑑問鄉里甚處師曰兩
浙東越鑑曰東越事作麼生師曰秦望峯高鑑湖水
闊曰秦望峯與你自己是同是別師曰西天梵語東
土唐言鑑曰此猶是叢林祇對畢竟是同是別師便
喝鑑便打師曰恩大難酬便禮拜後歸里開法慈氏
室中嘗問僧三箇橐駝兩隻脚日行萬里越不著而
今收在玉泉山不許時人亂斟酌諸人向甚麼處與

僊上座相見

嗣象田癩

雪竇持禪師上堂。悟心容易。息心難。息得心源到處。閑斗轉星移。天欲曉。白雲依舊覆青山。

嗣象田癩

石佛益禪師上堂。一葉落。天下秋。一塵起。大地收。一法透。萬法周。且道透那一法。遂喝曰。切忌錯認驢鞍橋。作阿爺下領。便下座。

嗣兜率悅

疎山了常禪師上堂。等閑放下。佛手掩不住。特地收來。大地絕纖埃。向君道。莫疑猜。處處頭頭見。善財錢下。分明如得旨。無限勞生眼自開。

嗣兜率悅

兜率慧照禪師上堂。龍安山下。道路縱橫。兜率宮中。樓閣重疊。雖非天上。不是人間。到者安心。全忘諸念。善行者不移雙足。善入者不動雙扉。自能笑傲煙蘿。誰管坐消歲月。既然如是。且道向上。還有事也。無良久。曰。莫教推落巖前石。打破下方遮日雲。

嗣兜率悅

丞相張商英居士元祐六年。爲江西漕。首謁東林照覺總禪師。覺詰其所見處。與已符合。乃印可。覺曰。吾有得法弟子。住玉谿。乃慈古鏡也。亦可與語。公復因按部過分寧。諸禪迂之。公到先致敬。玉谿慈次。及諸

商英按部過分寧

山最後問兜率悅禪師。悅爲人短小。公曾見龔德莊。說其聰明可人。乃曰。聞公善文章。悅大笑曰。運使失却一隻眼了也。從悅臨濟九世孫。對運使論文章。政如運使對從悅論禪也。公不然其語。乃強屈指曰。是九世也。問玉谿去此多少。曰。三十里。曰。兜率。曰。五里。公是夜。乃至兜率。悅先一夜夢曰。輪昇天。被悅以手搏取。乃說與首座。曰。日輪運轉之義。聞張運使非久過此。吾當深錐痛割。若肯回頭。則吾門幸事。座曰。今之士大夫。受人取奉。憤恐其惡。發別生事也。悅曰。正使煩惱。祇退得我院也。別無事。公與悅語次。稱賞東林悅。未肯其說。公乃題寺後撥瀑軒詩。其略曰。不向廬山尋落處。象王鼻孔謾遼天。意識其不肯東林也。公與悅語至夜深。論及宗門事。悅曰。東林說印可。運使運使於佛祖言教。有少疑否。公曰。有。悅曰。疑何等語。公曰。疑香巖獨脚頌。德山拓鉢話。悅曰。既於此有疑。其餘安得無耶。祇如巖頭言末後句。是有耶。是無耶。公曰。有。悅大笑。便歸。方丈閉却。門公一夜睡不穩。至五更下牀。觸翻溺器。乃大徹猛省。前話遂有頌。

兜率悅夢日輪昇天

商英與悅語次

獨脚溺器

頌證

閱雪竇拈古

日鼓寂鐘沉拓鉢回巖頭一拶語如雷果然祇得三年活莫是遭他授記來遂扣方丈門曰某已捉得賊了悅曰賊在甚處公無語悅曰都運且去來日相見翌日公遂舉前頌悅乃謂曰參禪祇爲命根不斷依語生解如是之說公已深悟然至極微細處使人不覺不知墮在區宇乃作頌證之曰等閑行處步步皆如雖居聲色寧滯有無一心靡異萬法非殊休分體用莫擇精麤臨機不礙應物無拘是非情盡凡聖皆除誰得誰失何親何疎拈頭作尾指實爲虛翻身魔界轉脚邪途了無逆順不犯工夫公邀悅至建昌途中一一同寮有十頌敘其事悅亦有十頌酬之時元祐八年八月也公一日謂大慧曰余閱雪竇拈古至百丈再參馬祖因緣曰大治精金應無變色投卷歎曰審如是豈得有臨濟今日耶遂作一頌曰馬師一喝大雄峯深入髑髏三日龔黃孽聞之驚吐舌江西從此立宗風後平禪師致書云去夏讀臨濟宗派乃知居士得大機大用且求頌本余作頌寄之曰吐舌耳聾師已曉撻臂祇得哭蒼天盤山會裏翻筋斗到

嗣法雲果

諸家不換

此方知普化顯諸方往往以余聰明博記少知余者師自江西法窟來必辨優劣試爲老夫言之大慧曰居士見處與真淨死心合公曰何謂也大慧舉真淨頌曰客情步步隨人轉有大威光不能現突然一喝雙耳聾那吒眼開黃檗面死心拈曰雲巖要問雪竇既是大治精金應無變色爲甚麼却三日耳聾諸人要知麼從前汗馬無人識祇要重論蓋代功公拈几曰不因公語爭見真淨死心用處若非二大老難顯雪竇馬師爾公於宣和四年十一月黎明口占遺表命子弟書之俄取枕擲門窗上聲如雷震衆視之已薨矣公有頌古行于世西蜀變法師通大小乘佛照謝事居景德師問照曰禪家言多不根何也照曰汝習何經論曰諸經粗知頗通百法照曰祇如昨日雨今日晴是怎麼法中收師憐然照舉癢和子擊曰莫道禪家所言不根好師憤曰昨日雨今日晴畢竟是甚麼法中收照曰第二十四時分不相應法中收師恍悟即禮謝後歸蜀后講會以直道示徒不泥名相而衆多引去遂說偈罷

講曰衆賣華兮獨賣松青青顏色不如紅算來終不與時合歸去來兮翠靄中由是隱居二十年道俗追慕復命演法笑答偈曰遯跡隱高峯高峯又不容不如歸錦里依舊賣青松衆列拜悔過兩川講者爭依之

關漢卿

典牛游禪師依湛堂於泐潭一日潭普說曰諸人苦苦就準上座覓佛法遂拈膝曰會麼雪上加霜又拈膝曰若也不會豈不見乾峯示衆曰舉一不得舉二放過一著落在第二師聞脫然穎悟出世雲蓋次遷雲巖嘗和忠道者牧牛頌曰兩角指天四足踏地拽斷鼻繩牧甚屎屁張無盡見之甚擊節後退雲巖過廬山棲賢主翁意不欲納乃曰老老大大正是質庫中典牛也師聞之述一偈而去曰質庫何曾解典牛祇緣價重實難酬想君本領無多子畢竟難禁這一頭因庵于武寧扁曰典牛終身不出塗毒見之已九十三矣○上堂曰可冷月可熱衆魔不能壞眞說作麼生是眞說初三十一中九下七若信不及雲巖與汝道破萬人齊指處一鴈落寒空

牧牛頌

關漢卿

九僊法清禪師上堂舉睦州示衆曰汝等諸人未得箇入頭處須得箇入頭處既得箇入頭處不得忘却老僧明明向汝道尙自不會何況蓋覆將來師曰睦州恁麼道意在甚麼處其或未然聽覺苑下箇注脚張僧見王伴王伴叫張僧昨夜放牛處嶺上及前村谿西水不飲谿東草不吞教覺苑如何即得會麼不免與麼去遂以兩手按空下座

關漢卿

五松散人

覺海法因庵主遊方至東林謁慧日日舉靈雲悟道機語問之師擬對曰曰不是不是師忽有所契占偈曰巖上桃華開華從何處來靈雲纔一見回首舞三臺曰日子所見雖已入微然更著鞭當明大法師承教居廬阜三十年不與世接叢林尊之嘗謂衆曰汝等飽持定力無憂晨炊而事干求也

關文殊能

關大洪

德山瓊禪師受請日上堂曰作家勞籠不肯住呼喚不回頭爲甚麼從東過西自代曰後五日看中巖能禪師抵大瀉瀉問上座桑梓何處師曰西川曰我聞西川有普賢菩薩示現是否師曰今日得瞻慈相曰白象何在師曰爪牙已具曰還會轉身麼師

提起坐具。遶禪牀一匝。過曰。不是這箇道理。師趨出。○出住報恩上堂。龍濟道。萬法是心光。諸緣惟性曉。本無迷悟。人祇要今日了。師曰。既無迷悟了。箇甚麼咄。

嗣大真語

雲頂印禪師。一日普說罷。師曰。諸子未要散去。更聽一頌。乃曰。四十九年一場熱。關八十七春老漢獨弄。誰少誰多。一般作夢。歸去來兮。梅梢雪重。言訖下座。倚仗而逝。

嗣昭覺白

信相顯禪師。少爲進士。有聲管畫。搦溪水爲戲。至夜思之。遂見水冷然。盈室欲汲之。不可而塵境自空。曰。吾世網裂矣。往依昭覺。得度。具滿分戒。後隨衆咨參。覺一日問師。高高峰頂立。深深海底行。汝作麼生會。師於言下頓悟。曰。釘殺脚跟也。覺拈起拂子。曰。這箇又作麼生。師一笑而出。服勤七祀。○僧問三世諸佛六代祖師。總出這圈。積不得如何。是這圈。積師曰。井欄唇。

嗣道林一

大滄大圓智禪師。四明人也。上堂。舉南泉道。三世諸佛。不知有狸奴。白牯却知有師。曰。三世諸佛。既不知。

嗣上封秀

有狸奴白牯。又何曾夢見。灼然須知。向上有知。有底人。始得。且作麼生。是知有底人。喫官酒。臥官街。當處死。當處埋。沙場無限。英靈漢堆。山積嶽露。屍骸文定公。胡安國。居士久依上封。得言外之旨。崇寧中。過藥山。有禪人舉南泉斬貓話。問公公以偈答。曰。手握乾坤殺活機。縱橫施設在臨時。玉堂兔馬非龍象。大用堂堂總不知。又寄上封有曰。祝融峯似杜城天。萬古江山在目前。須信死心元不死。夜來秋月又同圓。

嗣上封才

普賢素禪師。上堂。兵隨印轉。三千里外。絕煙塵。將逐符行。二六時中。淨裸裸。不用鐵旗鐵鼓。自然草偃風行。何須七縱七擒。直得無思不服。所謂大丈夫。秉慧劍。般若鋒。分金剛。談非但能摧外道心。早曾落却天魔膽。正恁麼時。且道主將是甚麼人。喝一喝。○上堂。未開口時。先分付。擬思量處。隔千山。莫言佛法無多子。未透玄關也。大難祇如玄關作麼生透。喝一喝。鼓山洵禪師。上堂。朔風掃地。卷黃葉。門外千峯凜寒色。夜半烏龜帶雪飛。石女谿邊。敲兩眉。卓拄杖云。大。

嗣上封才

同上封才

家在這裏且道天寒人寒喝一喝云歸堂去

鼓山珍禪師上堂尋牛須訪跡學道貴無心跡在牛還在無心道易尋豎起拂子曰這箇是跡牛在甚麼處直饒見得頭角分明鼻孔也在法石手裏

嗣長聖卓

育王無示謨禪師上堂我若說有你有礙我若說

羅鏡面

無你爲無礙我若橫說你又跨不過我若豎說你又跳不出若欲叢林平帖大家無事不如推倒育王且

道育王如何推得倒去召大眾曰著力著力復曰苦哉苦哉育王被人推倒了也還有路見不平拔劍相爲底麼若無山僧不免自倒自起擊拂子下座師性剛殺泣衆有古法

嗣長聖卓

道場慧禪師上堂舉臨濟示衆曰一人在高高峯頂

無出身之路一人在十字街頭亦無向背且道那箇在前那箇在後師曰更有一人不在高高峯頂亦不在十字街頭臨濟老漢因甚不知便下座

嗣長聖卓

顯寧智禪師上堂蘆華白蓼華紅谿邊脩竹碧煙籠閑雲抱幽石玉露滴巖叢昨夜烏龜變作鼈今朝水枯悟圓通咄

嗣長聖卓

烏回範禪師上堂舉僧問趙州至道無難唯嫌揀擇是時人窠窟否州曰曾有人問老僧直得五年分疎不下師召曰趙州具頂門眼向擊石火裏分縈素閃電光中明縱奪爲甚麼却五年分疎不下還委麼易分雪裏粉難掃墨中煤

嗣黃龍聖

德山初禪師上堂顧視大眾曰見麼在天成象在地成形在日月爲晦爲朔在四時爲寒爲暑鼓之以雷霆潤之以風雨且道在衲僧分上又作麼生一趯趯蹴四大海一拳拳倒須彌山佛祖位中留不住又吹漁笛汨羅灣

嗣萬年一

嘉興報恩法常首座開封人也於首楞嚴經深入義海自湖湘至萬年謁雪巢機契命掌牋翰後首衆報恩室中唯有一矮榻餘無長物有漁父詞

嗣慶因祥

萬壽夢庵信禪師上堂殘雪既消盡春風日漸多若將時節會佛法又如何且道時節因緣與佛法道理是同是別良久曰無影樹栽人不見開華結果自馨香

嗣慶因祥

慧日默庵道禪師上堂同雲欲雪未雪愛日似暉不

圓勝因靜

暉寒雀啾啾開籬落朔風冽冽舞簾帷要會韶陽親切句今朝覲面爲提撕卓拄杖下座

光孝慈禪師上堂舉南泉斬貓兒話乃曰南泉提起下刀誅六臂脩羅救得無設使兩堂俱道得也應流血滿街衢

圓雪峯常

雪峯忠禪師上堂終日忙忙那事無妨作麼生是那事良久曰心不負人面無慚色

圓天堂交

蓬萊圓禪師住山三十年足不越閭道俗尊仰之師有偈曰新縫紙被烘來煖一覺安眠到五更聞得上方鐘鼓動又添一日在浮生

圓圓通旻

左丞范冲居士由翰苑守豫章過圓通謁旻禪師茶罷曰某行將老矣墮在金紫行中去此事稍遠通呼內翰公應諾通曰何遠之有公躍然曰乞師再垂指誨通曰此去洪都有四程公佇思通曰見即便見擬思卽差公乃豁然有省

圓圓通旻

樞密吳居厚居士擁節歸鍾陵謁圓通旻禪師曰某頃赴省試過此過趙州關因問前住訥老透關底事如何訥曰且去做官今不覺五十餘年旻曰曾明得

圓圓通旻

透關底事麼公曰八次經過常存此念然未甚脫灑在旻度扇與之曰請使扇公即揮扇旻曰有甚不脫灑處公忽有省曰便請末後句旻乃揮扇兩下公曰親切親切旻曰吉獠舌頭三千里

諫議彭汝霖居士手寫觀音經施圓通通拈起曰這箇是觀音經那箇是諫議經公曰此是某親寫通曰寫底是字那箇是經公笑曰却了不得也通曰卽現宰官身而爲說法公曰人人有分通曰莫謗經好公曰如何卽是通舉經示之公拈掌大笑曰噯通曰又道了不得公禮拜

圓圓通旻

中丞盧航居士與圓通擁轡次公問諸家因緣不勞拈出直截一句請師指示通厲聲指曰看火公急撥衣忽大悟謝曰灼然佛法無多子通喝曰放下著公應諾諾

圓圓通旻

左司都貺居士問圓通曰是法非思量分別之所能解當如何湊泊通曰全身入火聚公曰畢竟如何曉會通曰鶻直去公沉吟通曰可更喫茶麼公曰不必通曰何不恁麼會公契旨曰元來太近通曰十萬人

透關底事

千公占偈曰不可思議是大火聚便怎麼去不離當處通曰咦猶有這箇在公曰乞師再垂指示通曰便怎麼去鑄是鐵鑄公頓首謝之

明招

宣秘禮禪師上堂舉百丈野狐話乃曰不是飄濤手徒誇跨海鯨由基方撚鐵枝上衆猿驚

明雲嚴游

徑山塗毒智策禪師謁大圓於明之萬壽圓問曰甚處來師曰天台來曰見智者大師麼師曰即今亦不少曰因甚在汝脚跟下師曰當面蹉過圓曰上人不

閱版

耘而秀不扶而直一日辭去圓送之門揖師背曰寶所在近此城非實師頷之往豫章謁典牛道由雲居風雪塞路坐閱四十二日午初版聲鏗然豁爾大悟及造門典牛獨指師曰甚處見鬼見神來師曰雲居

色見聲求

聞版聲來牛曰是甚麼師曰打破虛空全無柄靶牛曰向上事未在師曰東家暗坐西家厮罵牛曰嶄然超山佛祖他日起家一麟足矣頌上堂學教中道若以色見我以音聲求我是人行邪道不能見如來雖然怎麼正是捕得老鼠打破油甕懷禪師道你眼在甚麼處雖則識破釋迦老子爭奈拈鉈抵指若是塗

明實王

毒即不然色見聲求也不妨百華影裏繡鴛鴦自從識得金鍼後一任風吹滿袖香

萬年心聞實禪師住江心病起上堂維摩病說盡道理龍翔病咳嗽不已咳嗽不已說盡道理說盡道理咳嗽不已汝等諸人還識得其中意旨也未本是長江湊風冷却教露柱患頭風

明實王

天童朴禪師上堂觀音巖玲玲瓏瓏太白石丁丁東東西園菜蟻似不堪食東谷花發却無賴紅且道是祖意教意途中受用世諦流布若辯不出雪峯覆却飯桶若辯得出甘贊禮拜蒸籠參

明實王

高麗國坦然國師少嗣王位欽鄉宗乘因海商方景仁抵四明錄無示語歸師閱之啓悟即棄位圓顯作書以語要及四威儀偈令景仁呈無示示答曰佛祖出興於世無一法與人實使其自信自悟自證自到具大知見如所見而說如所說而行山河大地草木叢林相與證明其來久矣後復通嗣法書龍華本禪師上堂舉雲門大師拈起胡餅曰我祇供養兩浙人不供養向北人衆無語門自代曰天寒日

明實王

禪宗正脉卷第十

南嶽臨濟宗

關石羅區

楊岐方會禪師少警敏及冠不事筆硯繫名征商譚最坐不職乃宵遯入瑞州九峯恍若舊遊眷不忍去遂落髮每閱經心融神會能折節扣參老宿慈明自南源徙道吾石霜師皆佐之總院事依之雖久然未有省發每咨參明曰庫司事繁且去他日又問明曰監寺異時兒孫遍天下在何用忙爲一日明適出雨忽作師偵之小徑旣見遂攔住曰這老漢今日須與我說不說打你去明日監寺知是般事便休語未卒師大悟卽拜於泥途問曰狹路相逢時如何明曰你且躲避我要在那裏去師歸來日具威儀詣方丈禮謝明呵曰未自在是明每山行師輒闕其出雖晚必擊鼓集衆明遽還怒曰少叢林暮而陞座何從得此規繩師曰汾陽晚參也何謂非規繩乎頌一日明上堂師出問幽鳥語喃喃辭雲入亂峯時如何明曰我行荒草裏汝又入深村師曰官不容針更借一問明

入院示衆

陸運學

便喝師曰好喝明又喝師亦喝明連喝兩喝師禮拜
明曰此事是箇人方能擔荷師拂袖便行○明移與
化師辭歸九峯後道俗迎居楊岐次遷雲蓋受請日
拈法衣示衆曰會麼若也不會今日無端走入水牯
牛隊裏去也還知麼筠陽九岫萍實楊岐遂陞座時
有僧出師曰漁翁未擲釣躍鱗衝浪來僧便喝師曰
不信道僧拈掌歸衆師曰消得龍王多少風問師唱
誰家曲宗風嗣阿誰師曰有馬騎馬無馬步行曰少
年長老足有機籌師曰念汝年老放汝三十棒頌問
如何是佛師曰三脚驢子弄蹄行曰莫祇這便是麼
師曰湖南長老云云師便下座頌九峯勤和尚把住
云今日喜得箇同參師曰作麼生是同參底事勤曰
九峯牽犁楊岐拽杷師曰正恁麼時楊岐在前九峯
在前勤擬議師拓開曰將謂同參元來不是○同人
法俱遣未是衲僧極則佛祖雙亡猶是學人疑處未
審和尚如何爲人師曰你祇要勤破新長老曰恁麼
則旋斫生柴帶葉燒師曰七九六十三頌問古人面
壁意旨如何師曰西天人不曾唐言○上堂霧鎖長

老明是與說

顯揚會

空。鳳生大野百草樹木作大師子吼演說摩訶大般若三世諸佛在你諸人脚跟下轉大法輪若也會得功不浪施若也不會莫道楊岐山勢險前頭更有最高峯○上堂楊岐乍住屋壁疎滿牀盡布雪真珠縮却頂暗嗟吁良久曰飄僞古人樹下居頌僧問撥雲見日時如何師曰東方來者東方生頌問天得一以清地得一以寧禪僧得一堪作甚麼師曰鉢孟口向天頌慈明忌辰設齋衆纔集師於眞前以兩手捏拳安頭上以坐具畫一畫打一圓相便燒香退身三步作女人拜首座曰休捏怪師曰首座作麼生座曰和尚休捏怪師曰兔子喫牛糞第二座近前打一圓相便燒香亦退身三步作女人拜師近前作聽勢座擬議師打一掌曰這漆桶也亂做頌室中間僧栗棘蓬你作麼生吞金剛圈你作麼生透○示衆云景色乍晴物情舒泰舉步也千身彌勒動用也隨處釋迦又殊普賢總在這裏衆中有不受人謾底便道楊岐和魅羅剎然雖如是布袋裏盛錐子

白雲守端禪師幼事翰墨冠依茶陵郁禪師披削往

羅受人笑

示衆云緣赴

作麼

參楊岐岐一日忽問受業師爲誰師曰茶陵郁和尚岐曰吾聞伊過橋遭擲有省作偈甚奇能記否師誦曰我有明珠一顆久被塵勞關鎖今朝塵盡光生照破山河萬朵岐笑而趨起師愕然通夕不寐黎明咨詢之適歲暮岐曰汝見昨日打毆雛者麼曰見岐曰汝一籌不及渠師復駭曰意旨如何岐曰渠受人笑汝怕人笑師大悟巾侍久之○上堂忌口自然諸病滅多情未免有時勞費居動便成違順落得清閑一味高雖然如是莫謂無心云是道無心猶隔一重關○示衆云佛身充滿於法界普現一切羣生前隨緣赴感摩不周而常處此菩提座大衆作麼生說箇隨緣赴感底道理祇於一彈指間盡大地合生根機一時應得周足而未嘗動著一毫頭便且喚作隨緣赴感而常處此座祇如山僧此者受法華請相次與大衆相別去宿松縣裏開堂了方歸院去且道還離此座也無若道離則世諦流布若道不離作麼生見得箇不離底事莫是無邊剎境自他不隔於端毫十世古今始終不離於當念麼又莫是一切無心一時自

遍麼若怎麼正是掉棒打月到這裏直須悟始得悟後更須遇人始得你道既悟了便休又何必更須遇人若悟了遇人底當垂手方便之時著著自有出身之路不瞎却學者眼若祇悟得乾羅蔔頭底不唯瞎却學者眼兼自己動便先自犯鋒傷手你看我楊岐先師問慈明和尚道幽鳥語喃喃辭雲入亂峯時如何答云我行荒草裏汝又入深村進云官不容針更借一問師翁便喝進云好喝師翁又喝先師亦喝師翁乃連喝兩喝先師遂禮拜大眾須知悟了遇人者向十字街頭與人相逢却在千峯頂上握手向千峯頂上相逢却在十字街頭握手所以山僧嘗有頌云他人住處我不住他人行處我不行不是爲人難共聚大都縈素要分明山僧此者臨行解開布袋頭一時撒在諸人面前了也有眼者莫錯怪好珍重○開堂示衆云昔日靈山會上世尊拈華迦葉微笑世尊道吾有正法眼藏分付摩訶大迦葉次第流傳無令斷絕至于今日大眾若是正法眼藏釋迦老子自無分將箇甚麼分付將箇甚麼流傳何謂如此況諸人

分上各各自有正法眼藏每日起來是是非非分南分北種種施爲盡是正法眼藏之光影此眼開時乾坤大地日月星辰森羅萬象祇在面前不見有毫釐之相此眼未開時盡在諸人眼睛裏今日已開者不在此限有未開者山僧不惜手爲諸人開此正法眼藏看乃舉手豎兩指曰看看若見得去事同一家若也未然山僧不免重說偈言諸人法眼藏千聖莫能當爲君通一線光輝滿大唐須彌走入海六月降駝霜法華能恁道無句得商量大眾既滿口道了爲甚麼却無句得商量喝一喝曰分身兩處看頂上堂見衆集乃拈拄杖曰大眾會麼復卓拄杖曰珊瑚枕上兩行淚半是思君半恨君增收保寧仁勇禪師容止淵秀韶爲大僧通天台教更衣謁雪竇明覺禪師覺意其可任大法誚之曰央庠座主師憤排下山望雪竇拜曰我此生行脚參禪道不過雪竇誓不歸鄉卽往勸潭踰紀疑情未泮聞楊岐移雲蓋能鈴鍵學者直造其室一語未及頓明心印岐歿從同參白雲端禪師遊研極玄奧後出世兩往

真相無形

調地收會

保寧○僧問如何是保寧境師曰主山頭倒卓曰如何是境中人師曰鼻孔無半邊○上堂侍者燒香罷師指侍者曰侍者已爲諸人說法了也○上堂風鳴條雨破塊曉來枕上鶯聲碎蝦蟇蚯蚓一時鳴妙德空生都不會三箇成羣四箇作隊窈窕窈窕廳廳窈窕窈窕南北東西折得梨花李花一佩兩佩頌示衆云釋迦老子四十九年說法不曾道著一字優波毘多文室盈籌不曾度得一人達磨不居少室六祖不住曹谿誰是後昆誰爲先覺既然如是彼自無瘡勿傷之也拍膝顧衆曰且喜得天下太平○示衆云真相無形示形現相千怪萬狀自此而彰喜則滿面光生怒則雙眉陡豎非凡非聖或是或非人不可量天莫能測直下攆得未稱丈夫喚不同頭且莫錯怪頌示衆曰三界唯心萬法唯識檻外雲生簷前雨滴澗水湛如藍山花開似錦此時若不究根源直待常來問彌勒增收

比部孫居士頌因楊岐會禪師來謁值視斷次公曰某爲王事所牽何由免離岐指曰委悉得麼公曰望

嗣白雲端

謁浮山遠

依白雲端

數禪客廬山來

師點破岐曰此是比部弘願深廣利濟羣生公曰未審如何岐示以偈曰應現宰官身廣弘悲願深爲人重指處棒下血淋淋公於此有省五祖法演禪師謁圓照本禪師古今因緣會盡唯不會僧問興化四方八面來時如何化云打中間底僧作禮化云我昨日赴箇村齋中途遇一陣卒風暴雨却向古廟裏避得過請益本本云此是臨濟下因緣須是問他家兒孫始得師遂謁浮山遠禪師請益前話遠云我有箇譬喻說似你你一似箇三家村裏賣柴漢子把箇匾擔向十字街頭立地問人中書堂今日商量甚麼事師默計云若如此大故未在這遠一日語師曰吾老矣恐虛度子光陰可往依白雲比老雖後生吾未識面但見其頌臨濟三頌棒話有過人處必能了子大事師潸然禮辭至白雲遂舉僧問南泉摩尼珠話請問雲叱之師領悟獻投機偈曰山前一片閑田地叉手叮嚀問祖翁幾度賣來還自買爲憐松竹引清風雲特印可頌令掌磨事未幾雲至語師曰有數禪客自廬山來皆有悟入處教伊說亦說

下戲清風

四照用

發上機

得有來由。舉因緣問伊。亦明得教。伊下語亦下得。祇是未。在師。於是大疑。私自計曰。既悟了。說亦說得。明亦明得。如何。却未在。遂參究。果日。忽然省悟。從前寶惜一時放下。走見白雲。雲爲手舞足蹈。師亦一笑而已。師後曰。吾因茲出一身白汗。便明得。下載清風。○雲一日示衆曰。古人道。如鏡鑄像。像成後。鏡在甚麼處。衆下語不契。舉以問師。師近前問訊曰。也不較多。雲笑曰。須是道者。始得。乃命分座。開示方來。頌僧問。如何是臨濟下事。師曰。五逆聞雷。頌問。如何是佛師。曰。口是禍門。又曰。肥從口入。頌問。一代時教。是箇切脚。未審切那箇字。師曰。鉢囉娘。○問。如何是先照後用。師曰。王言如絲。曰。如何是先。用後照。師曰。其出如綸。曰。如何是照用同時。師曰。舉起軒轅鑑。蚩尤頓失威。曰。如何是照用不同。時師曰。金將火試。○上堂。千峯列翠。岸柳垂金。樵父謳歌。漁人鼓舞。笙簧聒地。鳥語呢喃。紅粉佳人。風流公子。一一爲汝。諸人發上上機。開正法眼。若向這裏。薦得金色頭陀。無容身處。若也不會。喫粥喫飯。許你十穿八穴。○上堂。汝等諸人。

謝監收

臨談說

一柳傀儡

白雲萬里

見老和尚鼓動唇吻。豎起拂子。便作勝解。及手山禽。聚集牛動尾巴。却將作等閑。殊不知簷聲不斷。前旬雨。電影還連。後夜雷。頌謝監收。上堂。人之性命事。第一須是。○欲得成此。○先須防於。○若是真。○人。○頌師十有餘年。海上參尋。見數人尊宿。自爲了當。及到浮山會裏。直是開口不得。後到白雲門下。咬破一箇鐵酸。賺直得百味具足。且道。賺子一句作麼生。道。乃曰。花發鷄冠媚。早秋誰人能染紫。絲頭有時風動。頻相倚。似向塔前鬪不休。○上堂。山僧昨日入城。見一棚傀儡。不免近前看。或見端嚴奇特。或見醜陋不堪。動靜行坐。青黃赤白。一一見了。子細看時。元來青布幔裏。有人。山僧忍俊不禁。乃問。長史高姓。他道。老和尚看便了。問甚麼。姓大衆。山僧被他一問。直得無言可對。無理可伸。還有爲山僧。道得麼。昨日那裏落節。今日這裏拔本。○上堂。說佛說法。拈槌豎拂。白雲萬里。德山入門。便棒。臨濟入門。便喝。白雲萬里。然後恁麼。也不得不恁麼。也不得恁麼。不恁麼。總不得也。則白雲萬里。忽有箇漢出來。道。長老。你恁麼道也。

一學五業

三佛侍師衣

白雲堆

巴鼻

則白雲萬里。這箇說話。喚作矮子看戲。隨人上下。三

十年後一場好笑。且道笑箇甚麼。笑白雲萬里。○示

衆云。祖師道吾本來茲土。傳法救迷情。一花開五葉

結果自然成。遠層大師信脚來。信口道。後代兒孫多

成計較。要會開花結果處。麼。鄭州黎青州。聚萬物無

邊出處好。○三佛侍師於一亭上。夜話及歸。燈已滅

師於暗中曰。各人下一轉語。佛鑑曰。彩鳳舞丹霄。佛

眼曰。鐵蛇橫古路。佛果曰。看脚下。師曰。滅吾宗者。乃

克勤爾。頌師曰。譬如水牯牛。過臆櫃。頭角四蹄都過

了。因甚麼尾巴過不得。高峯妙頌等。閒放出這牛兒。頭角分明。舉似誰若。向尾巴

尖上會新羅。嚼敗。鷓子過多時。

雲蓋智本。禪師僧問。人人盡有一面古鏡。如何是學

人古鏡。師曰。打破來向你道。曰。打破了也。師曰。胡地

冬生筍。○上堂。去者鼻孔遠。天來者腳踏實地。且道

祖師意向甚麼處著。良久曰。長恨春歸無覓處。不知

流入此中來。○上堂。高臺巴鼻開口便是。若也便是

有甚巴鼻。月冷風高。水清山翠。○上堂。以楔出楔。有

甚休歇。欲得休歇。以楔出楔。喝一喝。○上堂。滿口道

白雲堆

白雲堆

山頭

白雲堆

不出句句甚分明。滿目覷不見。山山疊亂青。鼓聲響

不會何況是。鐘鳴喝一喝。○上堂。祖翁卓卓。竿兒

孫。鼉鼉。鼉有處藏頭沒處露角。借問禪僧如何摸

索。○上堂。橫按拄杖曰。牙如刀。劍面如鐵。眼放電光

光不歇。手把蒺藜一萬斤。等閑敲落天邊月。卓一下

保福殊禪師僧問。如何是禪師。曰。秋風臨古渡。落日

不堪聞。曰。不問這箇。禪師曰。你問那箇。禪師曰。祖師

師曰。南華塔外松陰裏。飲露吟風又更多。

提刑郭祥正字功甫。因謁白雲。雲上堂曰。夜來枕上

作得箇山頌。謝功甫大儒。廬山二十年之舊。今日遠

訪白雲之勤。當須舉與大眾。請已後分明舉似諸方

此頌。豈唯謝功甫大儒直要與天下有鼻孔。禪僧脫

却著肉汗衫。莫言不道。乃曰。上大人。丘乙巳。化三千

七十士。爾小生。八九子。佳作仁。可知禮也。公切疑後

聞小兒語之。忽有省。以書報雲。雲以偈答曰。藏身不

用縮頭。斂跡何須收。脚金烏半夜遶天。玉兔趕他不

著

壽聖知淵禪師僧問。祖意西來。即不問如何。是一色

一色

師曰目前無閣黎此間無老僧曰既不如是如何曉
會師曰領取鉤頭意莫認定盤星乃曰凡有問答一
似擊石迸火流出無盡法財三草二木普需其潤放
行也雲生谷口霧罩長空把定也碧眼胡僧亦須罔
措壽聖如斯舉唱猶是化門要且未有衲僧巴鼻敢
問諸人作麼生是衲僧巴鼻良久曰布針開兩眼君
向那頭看

嗣後密裏

上方日益禪師僧問如何是未出世邊事師曰井底
蝦蟇吞却月日如何是出世邊事師曰驚鷺踏折枯
蘆枝日去此二途如何是和尙爲人處師曰十成好
箇金剛鑽擬向街頭賣與誰

嗣五龍黃

到金山染病
困極

昭覺克勤圓悟佛果禪師出蜀首謁玉泉皓次依金
鸞信大滄詰黃龍心東林度僉指爲法器而晦堂稱
他日臨濟一派屬子矣最後見五祖盡其機用祖皆
不諾乃謂祖強移換人出不遜語忿然而去祖曰待
你著一頓熱病打時方思量我在師到金山染傷寒
困極以平日見處試之無得力者追繹五祖之言乃
自誓曰我病稍間即歸五祖病瘳尋歸祖一見而喜

聞學小艷詩

見難狀地而
鳴

入室呈偈

張無盡則談
華嚴旨要

令即參堂便入侍者寮方半月會部使者解印還蜀
詣祖問道祖曰提刑少年曾讀小艷詩否有兩句頗
相近頻呼小玉元無事祇要檀郎認得聲提刑應諾
諾祖曰且子細師適歸侍立次問曰聞和尙學小艷
詩提刑會否祖曰他祇認得聲師曰祇要檀郎認得
聲他既認得聲爲甚麼却不是祖曰如何是祖師西
來意庭前柏樹子齊師忽有省遽出見鷄飛上欄干
鼓翅而鳴復自謂曰此豈不是聲遂袖香入室遁所
得呈偈曰金鴨香銷錦繡幃笙歌叢裏醉扶歸少年
一段風流事祇許佳人獨自知祖曰佛祖大事非小
根劣器所能造詣吾助汝喜祖偏謂山中耆舊曰我
侍者參得禪也由此所至推爲上首○出峽南遊時
張無盡寓荊南以道學自居少見推許師巖舟謁之
劇談華嚴旨要曰華嚴現量境界理事全真初無假
法所以卽一而萬了萬爲一一復一萬復萬浩然莫
窮心佛衆生三無差別卷舒自在無礙圓融此雖極
則終是無風而市之波公於是不覺促揚師遂問曰
到此與祖師西來意爲同爲別公曰同矣師曰且得

理學無礙法

眞淨偈

未一作來

第五度演

沒交涉。公色爲之慍。師曰：不見雲門道。山河大地。無絲毫過患。猶是轉句。直得不見一色。始是半提。更須知有向上全提時節。彼德山臨濟。豈非全提乎。公乃首肯。翌日復舉事法界理法界至理事無礙法界。師又問：此可說禪乎。公曰：正好說禪也。師笑曰：不然。正是法界量裏。在蓋法界量未滅。若到事事無礙法界。法界量滅。始好說禪。如何是佛。乾屎橛。如何是佛。麻三斤。是故眞淨偈曰：事事無礙。如意自在。手把豬頭。口誦淨戒。超出娼坊。未還酒債。十字街頭。解開布袋。公曰：美哉之論。豈易得聞乎。於是以師禮留居碧巖。復領昭覺僧問：雲門道須彌山。意旨如何。師曰：推不向前。約不退後。曰：未審還有過也。無師曰：坐却舌頭。領師凡垂問學者。擬議則一拳增收。

主輪是

語

何師曰：我所疑者此也。遂參堂。一日聞祖舉僧問趙州如何。是和尙家風。州曰：老僧耳聾。高聲問將來。僧再問州曰：你問我家風。我却識你家風了也。師即大豁所疑。曰：乞和尙指示極則。祖曰：森羅及萬象。一法之所印。師展拜。祖令主輪墨。後同圓悟語話。次舉東寺問仰山鎮海明珠因緣。至無理可伸處。圓悟徵曰：旣云收得逮索。此珠又道無言可對。無理可伸。師不能加答。明日謂悟曰：東寺祇索一顆珠。仰山當下傾出一桮棧。悟深宵之乃告之曰：老兄更宜親近。老和尚去。師一日造方丈。未及語。被祖詰罵。懷懼而退。歸寮閉門打睡。恨祖不已。悟已密知。卽往扣門。師曰：誰悟曰：我師卽開門。悟問你見老和尚如何。師曰：我本不去。被你賺累。我遭這老漢。詬罵。悟呵呵大笑曰：你記得前日下底語麼。師曰：是甚麼語。悟曰：你又道東寺祇索一顆仰山。傾出一桮棧。師當下釋然。悟遂領師同上方丈。祖纔見。遽曰：懃兄且喜大事了畢。○僧問如何是祖師西來意。師曰：喫醋知酸。喫鹽知鹹。曰：弓折箭盡時如何。師曰：一場懷懼。○上堂至道無難。

唯嫌揀擇桃華紅李花白誰道融融祇一色燕子語黃鸝鳴誰道關關祇一聲不透祖師關板子空認山河作眼睛○上堂橫拄杖曰先照後用豎起曰先用後照倒轉曰照用同時卓一下曰照用不同時汝等諸人被拄杖一口吞盡了也自是你不覺若向這裏道得轉身句免見一場氣悶其或未然老僧今日失利○師室中以木骰子六隻面面皆書么字僧纔入師擲曰會麼僧擬不擬師即打出頌僧問如何是佛師曰喫飯咬著砂增收

龍門清遠佛眼禪師因讀法華經至是法非思量分別之所能解持以問講師講師莫能答師歎曰義學名相非所以了生死大事遂卷衣南遊造舒州太平演禪師法席因丐於廬州偶兩足跌仆地煩懣間聞二人交相惡罵諫者曰你猶自煩惱在師於言下有省頌及歸凡有所問演即曰我不如你你自會得好或曰我不會我不如你師愈疑遂咨決於元禮首座禮乃以手引師之耳繞圍爐數匝且行且語曰你自會得好師曰有莫開發乃爾相戲耶禮曰你他後悟

將山坐夏

閱傳燈錄

活人句

去方知今日曲折耳○太平將遷海會師慨然曰吾持鉢方歸復參隨往一荒院安能究決已事耶遂作偈告辭之蔣山坐夏邂逅靈源禪師日益厚善從容言話問師曰此見都下一尊宿語句似有緣靈源曰演公天下第一等宗師何故捨而事遠遊所謂有緣者蓋知解之師與公初心相應耳師從所勉徑趨海會後命典謁適寒夜孤坐撥爐見火一豆許恍然自喜曰深深撥有些子平生事只如此遽起閱几上傳燈錄至破籠墮因緣忽大悟作偈曰刁刁林鳥啼披衣終夜坐撥火悟平生窮神歸破墮事皎人自迷曲淡誰能和念之永不忘門開少人過圓悟因詣其寮舉青林般土話驗之且謂古今無人出得你如何會師曰也有甚難悟曰祇如他道鐵輪天子裏中旨意作麼生師曰我道帝釋宮中放赦書悟退語人曰且喜遠兄便有活人句也○上堂一葉落天下春無路尋思笑殺人下是天上是地此言不入時流意南作北東作西動而止喜而悲地頭蝎尾一試之猛虎口裏活雀兒是何言歸堂去頌上堂千說萬說不如

題語延壽壁

那吒太子

親面一見縱不說亦自分明王子寶刀除衆盲摸象
 除禪學中隔江招手事望州亭相見事迴絕無人處
 事深山巖崖處事此皆親面而見之不在說也○上
 堂蘇武牧羊辱而不屈李陵望漢樂以忘歸是在外
 國在本國佛諸弟子中有者雙足越坑有者聆箏起
 舞有者身埋糞壤有者呵罵河神是習氣是妙用至
 於筆又打地豎拂敲牀睦州一向閉門魯祖終年面
 壁是爲人是不爲人信知一切凡夫埋沒寶藏殊不
 丈夫諸人何不擺柁張帆拋江過岸休更釘椿搖櫓
 何日到家既作曹谿人又是家裏漢還見家裏事麼
 ○師嘗題語于龍門延壽壁間曰佛許有病者當療
 治容有將息所也禪林凡有數名或曰涅槃見法身
 常住了法不生也或曰省行知此邊緣皆從行苦也
 或曰延壽欲得慧命扶持色身也其實使人了生死
 處也多見少覺微恙便入此堂不強支吾便有補益
 致手久病思念鄉閭不善退思滅除苦本先聖云病
 者衆生之良藥若善服食無不達者也頌那吒太子
 析肉還母析骨還父然後現本身運大神力爲父母

嗣五祖漢

療行灰心

知意

嗣五祖漢

說法師云肉既還母骨既還父用甚麼爲身學人到
 這裏若見得去廓清五蘊吞盡十方云增收頌見聯珠第一卷中
 開福道寧禪師壯爲道人於崇果寺執浴一日將濯
 足偶誦金剛經至於此章句能生信心以此爲實遂
 忘所知忽垂足沸湯中發明已見○示衆云秋日耀
 長空秋江浸虛碧傷嗟門外人處處尋彌勒驚路忽
 擡頭相逢不相識諸禪德既是相逢爲甚麼却不相
 識剪盡霜前竹臨谿不化龍○上堂摩竭正令未免
 崎嶇少室垂慈早傷風骨腰囊擊錫孤負平生煉行
 灰心遞相鈍置爭似春雨晴青山青白雲三片四片
 黃鶯一聲兩聲千眼大悲看不足王維雖巧畫難成
 直饒便恁麼猶自涉途程且不涉途程一句作麼生
 道人從汴州來不得東京信○僧問如何是句到意
 不到師曰瑞草本無根信手拈來用曰如何是意到
 句不到師曰領取鉤頭意莫認定盤星曰如何是意
 句俱到師曰大悲不展手通身是眼睛曰如何是意
 句俱不到師曰君向瀟湘我向秦

大隨南堂靜禪師後名道興首參永安恩禪師於臨濟三

頓棒話發明次依諸名宿無有當意者。聞五祖機峻欲抑之。遂謁祖。祖乃曰：「我此間不比諸方。凡於室中不要汝進前退後。豎指擎拳。繞禪牀作女人拜。提起坐具。千般伎倆。祇要你说一箇下諦。當便是你見處。」師茫然退。參三載。一日入室。罷祖謂曰：「子所下語已得十分。試更與我說看。」師即剖而陳之。祖曰：「說亦說得十分。更與我斷看。」師隨所問而判之。祖曰：「好。即好。祇是未曾得老僧說話在。」齋後可來。祖師塔所與汝一。按過始得。及至彼祖。便以即心即佛。非心非佛。睦州擔板漢。南泉斬貓兒。趙州狗子無佛性。有佛性之語。編辟之其所對了無凝滯。至子胡狗話。祖遽轉面曰：「不是。」師曰：「不是。却如何？」祖曰：「此不是。則和前面皆不是。」師曰：「望和尚慈悲指示。」祖曰：「看他道子胡有一狗。上取人頭中。取人腰下。取人脚入門者。好看。纔見僧入門。便道看狗。向子胡道看狗處。下一轉語。教子胡結舌。老僧鈴口。便是你了當處。」次日入室。師默啓其說。祖笑曰：「不道你不是。千了百當底人。此語祇似先師下底語。」師曰：「某何人得似端和尚？」祖曰：「不然。老

錯會禪道

祖師命脉

心印

開釋

僧雖承嗣他。謂他語拙。蓋祇用遠錄公手段。接人故也。如老僧共遠錄公。便與百丈黃檗。南泉趙州。輩把手共行。纔見語拙。即不堪師。以為不然。乃曳杖渡江。適大水泛漲。因留四祖儕輩。挽其歸。又二年。祖万許可。管商略古今。次執師手曰：「得汝說。須是吾舉得汝。舉須是吾說。而今而後。佛祖秘要。諸方關鍵。無逃子掌握矣。」○上堂問答已。乃曰：「有祖已來。時人錯會。祇將言句。以為禪道。殊不知道本無體。因體而得。名道本無名。因名而立。號祇如適來上座。纔怎麼出來。便怎麼歸來。且道具眼不具眼。若道具眼。纔怎麼出來。眼在甚麼處。若道不具眼。爭合便怎麼去。諸仁者。於此見得。偶儻分明。則知二祖禮拜。依位而立。真得其髓。祇這些子。是三世諸佛。命脉。根六代祖師。命脉。天下老和尚安身立命處。雖然如是。須是親到始得。」○僧問祖師。心印請師直指。師曰：「你問熱麼？」曰：「問師曰：且不問寒。」曰：「和尚還問熱否？」師曰：「不問。」曰：「為甚麼不問？」師搖扇曰：「為我有這箇。」○問如何是山裏禪。師曰：「庭前嫩竹。先生筍。潤下枯松。長老枝。」曰：「如何是市裏禪。」

師曰六街鐘鼓韻寥寥。即處鋪金世界中。曰如何是村裏禪。師曰賊盜消亡。盤麥熟。謳歌鼓舞樂昇平。○有一老宿垂語云。十字街頭起一間茅廁。祇是不許人扇。僧舉似扣師。師曰是你先扇了。更教甚麼人扇。宿聞焚香遙望大隨再拜謝之。

第五祖演

洗鉢孟路上

新一作測下同

五祖唱綿州巴歌

一六因難

無為泰禪師自出關。徧遊叢社。至五祖告香。曰祖舉趙州洗鉢孟話。俾參洎入室。舉此話問師。你道趙州向伊道甚麼。這僧便悟。去師曰洗鉢孟去。○祖曰你祇知路上事。不知路上滋味。師曰既知路上事。路上有甚麼滋味。祖曰你不知耶。又問你會遊。浙否。師曰未也。祖曰你未悟。在師自此凡五年。不能對祖。一日陞堂。顧衆曰八十翁翁。轉繡毬。便下座。師欣然出衆曰和尚試懷一轅看。祖以手作打仗鼓勢。操蜀音唱綿州巴歌曰。豆子山打瓦鼓。楊平山撒白雨。白雨下取龍女織得絹二丈。五一半屬羅江。一半屬玄武。師聞大悟。掩祖口曰祇消唱到這裏。祖大笑而歸。○上堂此一大事。因緣自從世尊拈花。迦葉微笑。世尊曰吾有正法眼藏。分付摩訶大迦葉。以後燈燈相續。祖祖

第五祖演

德山小參

榜侍者門

相傳迄至于今。綿綿不墜。直得徧地生華。故號涅槃妙心。亦曰本心。亦曰本性。亦曰本來面目。亦曰第一義諦。亦曰懔迦羅眼。亦曰摩訶大般若。若在男曰男在。女曰女汝等諸人。但自悟去。這般盡是閑言語。遂拈起拂子曰。會了喚作禪。未悟果然難難難。目前隔箇須彌山。悟了易易易。信口道來無不是。五祖自禪師初依祖最久。未有省時。圓悟為座元師。往請益悟曰。兄有疑處。試語我師。遂舉德山小參不答話。問話者二十棒。悟曰禮拜著。我作得你師。舉話尚不會。師作禮。竟悟令再舉。前話師曰德山小參不答話。悟掩其口曰。但怎麼看。師出揚聲曰。屈屈豈有公案。祇教人看一句底道理。有僧謂師曰。兄不可如此。說首座須有方便。因靜坐體究。及旬。頓釋所疑。詣悟禮謝。悟曰。兄始知吾不汝欺。又詣方丈。祖迎笑自爾。日深玄奧。○師榜侍者門曰。東山有三句。若人道得。即挂搭衲子。皆披靡。一日有僧携坐具。徑造丈室。謂師曰。某甲道不得。祇要挂搭。師大喜呼維那於明窓下安排。

第五祖演

九頂素禪師。謁五祖。聞舉首山答西來意。語儼然契。語述偈曰。顛倒顛。顛倒新婦騎驢阿家牽。便怎麼。太無端。回頭不覺布衫穿。祖見乃問。百丈野狐話。又作麼生。師曰。來說是非者。便是是非人。祖大悅。

第五祖演

元禮首座。初參演和尚。於白雲凡入室。必謂曰。禪僧家。明取經。素好師疑之。不已。一日演陞堂。舉首山新婦騎驢阿家牽。語乃曰。諸人要會麼。真問新婦阿家。免煩路上波。此遇飯即飯。遇茶即茶。同門出入。宿世冤家。師於言下豁如。且曰。今日經素明矣。

第五祖演
情女離魂

普融知藏。頌至五祖入室。次祖舉情女離魂話。問之。有契呈偈曰。二女合爲一。媳婦機輪截斷難。同互從來往返。絕蹤由行人莫問來時路。按聯珠頌古第十卷中有五祖演問

第五祖演

僧曰。情女離魂。那箇是其底。乃註曰。王宙欲娶妾情。疑爲妻。情父母不許。情遂臥病在家。王宙將欲遠行。月下見情來。同舟而去。三年後。遂生一子。情遂歸父母家。機到門家中。有一情。疑出。來相見。兩人遂合成一身。承天賢禪師上堂。五更殘月落天曉。白雲飛分明日。前事不是目前機。既是目前事。爲甚麼不是目前機。良久曰。欲言言不及。林下却商量。

第五祖演

金陵會道婆。領市油。餐爲業。常隨衆參問。那那以。

第五祖演

第五祖演

第五祖演

臨濟無位真人話示之一日。聞丐者唱蓮花樂云。不因柳毅傳書信。何緣得到洞庭湖。忽大悟。以資盤投地。夫傍晚曰。你願耶婆掌曰。非汝境界。往見那那。望之。知其造詣。問那箇是無位真人。婆應聲曰。有一無位人。六臂三頭。努力噴一羣。華山分兩路。萬年流水不知春。由是聲名。諸著。凡有僧至。則曰。兒兒僧。擬議。即掩門。佛燈珣禪師往勘之。婆見如前所問。珣曰。爺在甚麼處。婆轉身拜露柱。珣即踏倒曰。將謂有多少。奇特。便出。婆厥起曰。兒兒來。惜你則箇。珣竟不顧。安首座至。婆問甚處來。安曰。德山婆曰。德山泰乃老婆兒子。安曰。婆是甚人。兒子婆曰。被上座一問。直得立地放尿。徑山大慧宗杲禪師年十七。薙髮具毗尼。偶閱古雲門錄。恍若舊習。往依廣教程禪師。業遊四方。從曹洞諸老宿。既得其說。去登寶峯。謁湛堂準禪師。堂一見異之。俾侍巾。袖指以入道捷徑。師橫機無所讓。堂訶曰。汝曾未悟。病在意識。領解則爲所知。障堂突草屨。師曰。吾去後。當見川。勤必能盡此機用。勤即堂本師

無盡下續
延之

前後際斷

有句無句如
藤倚樹

圓悟者雖獲
正宗記付之

趨謁無盡居士求堂塔銘無盡門庭高少許可與師
一言相契下榻延之名師庵曰妙喜泊後再謁且囑
令見圓悟頌師至天寧一日聞悟陞堂舉僧問雲門
如何是諸佛出身處門曰東山水上行若是天寧卽
不然忽有人問如何是諸佛出身處只向他道熏風
自南來殿閣生微涼師於言下忽然前後際斷雖然
動相不生却坐在淨裸裸處悟謂曰也不易你得到
這田地可惜死了不能得活不疑言句是爲大病不
見道懸崖撒手自肯承當絕後再蘇欺君不得須信
有這箇道理遂令居擇木堂爲不釐務侍者曰同士
大夫入室擇木乃朝
土止息處○悟每舉有句無句如藤倚樹
問之師纔開口悟便曰是不是經半載遂問悟曰
聞和尚當時在五祖會問這話不知五祖道甚麼悟
笑而不答師曰和尚當時須對衆問如今說亦何妨
悟不得已謂曰我問有句無句如藤倚樹意旨如何
祖曰描也描不成畫也畫不就又問樹倒藤枯時如
何祖曰相隨來也師當下釋然曰我會也悟遂舉數
因緣詰之師酬對無滯悟曰始知吾不汝欺遂著臨

圓悟冬至衆
拈

呵賊照從

濟正宗記付之俾掌記室宋幾令分座室中握竹筴
以驗學者叢林浩然歸重名振京師右丞相呂公舜
徒奏賜紫衣佛日之號會女真之變其曾欲取禪僧
十數人師在選得免趨吳虎丘度夏因閱華嚴至菩
薩登七地證無生法忍洞曉向所請問湛堂殃幅摩
羅持鉢至產婦家因緣時圓悟頌詔住雲居師往省
覲至山次日卽請爲第一座時會中多龍象以圓悟
久虛座元俟師之來頗有不平之心及冬至秉拂昭
覺元禪師出衆問曰肩間挂劍時如何師曰血濺梵
天圓悟於座下以手約云住住問得極好答得更奇
元乃歸衆叢林由是改觀○上堂正月十四十五雙
徑椎鐺打鼓要識祖意西來看取村歌社舞○上堂
學圓通秀禪師示衆曰少林九年冷坐剛被神光覷
破如今玉石難分祇得麻纏紙裹這一箇那一箇更
一箇若是明眼人何須重說破徑山今日不免狗尾
續貂也有些子老胡九年話豈可惜當時放過致令
默照之徒鬼窟長年打坐這一箇那一箇更一箇雖
然苦口叮嚀却似樹頭風過○上堂水底泥牛嚼生

◆山一作燈

香燭忌日拈

大修行人圖

鐵鑊梵鉢提咬著舌。海神怒把珊瑚鞭。須彌山王痛不徹。○上堂。纔方八月中秋。又是九月十五。卓拄杖曰。唯有這箇不遷。擲拄杖曰。一衆耳聞目覩。○圓悟禪師忌。拈香曰。這箇尊慈。平昔強項。氣壓諸方。逞過頭底。顛預用格外底。籠侗自言。我以木櫪子。換天下人眼。瞎殊不知。被不孝之子。將斷貨索。穿却鼻孔。案頭既在。徑山手裏。要教伊生也。由徑山要教伊死也。由徑山且道。以何爲驗。遂燒香曰。以此爲驗。○僧問大修行底人。還落因果也。無前百丈曰。不落因果。爲甚麼墮野狐身。師曰。逢人但恁麼舉。曰。祇如後百丈道。不昧因果。爲甚麼脫野狐身。師曰。逢人但恁麼舉。曰。或有人問。徑山大修行底人。還落因果也。無未審。和尚向他道甚麼。師曰。向你道。逢人但恁麼舉。○問過去心不可得。現在心不可得。未來心不可得。時如何。師曰。親言出。親口曰。未審如何。受持師曰。但恁麼受。持決不相賺。頃間心佛俱忘。時如何。師曰。賣扇老婆手遮日。○僧請益夾山境話。聲未絕。師便喝。僧茫然。師曰。你問甚麼。僧擬舉。師連打。喝出。○師纔見

竹篋觸背

影昭靈動

猛虎

僧入便曰。不是出去。僧使出。師曰。沒量大人。被語脉裏轉。却墮室中。舉竹篋問僧曰。喚作竹篋。則觸不喚作竹篋。則背不得。下語不得。無語。速道。速道。僧曰。請和尚放下。竹篋。即與和尚道。師放下。竹篋。僧拂袖便出。師曰。侍者。認取這僧著。淳熙初。賜其全錄八卷。隨大藏流行。虎丘紹隆禪師。荷包謁長蘆信禪師。得其大略。有傳。圓悟語至者。師讀之。歎曰。想醋生液。雖未澆腸沃胃。要且使人慶快。第恨未聆警款耳。遂由寶峯依湛堂客黃龍。叩死心禪師。次謁圓悟。一日入室。悟問曰。見見之時。見非是見。見猶離見。見不能及。舉拳曰。還見麼。師曰。見。悟曰。頭上安頭。師聞。脫然契證。悟叱曰。見箇甚麼。師曰。竹密不妨流水。過悟肯之。尋傳掌藏教。有問。悟曰。隆藏主柔易若此。何能爲哉。悟曰。瞌睡虎耳。○上堂。目前無法。萬象森然。意在目前。突出難辯。不是目前法。觸處逢渠。非耳目之所到。不離見聞覺知。雖然如是。也須踏著他。向上關。樣子始得。所以道。羅籠不肯住。呼喚不回頭。佛祖不安排。至今無處所。如是。則不勞歛念。樓閣門。開寸步不移。百城俱到。焉

明昭覺動

行既未明

維

拈拄杖劃一劃云路逢死蛇莫打殺無底籃子盛將
歸頤初參死心心問你是甚麼僧師曰行脚僧心曰
你是何處村僧行甚驢脚馬脚師曰廣南蠻道甚麼
何不高聲道心曰却有些訛僧氣息遂留過夏增收
育王佛智端裕禪師往依淨慈一禪師未幾偶聞僧
擊露柱曰你何不說禪師忽微省去謁龍門遠甘露
卓勑潭祥皆以穎邁見推晚見圓悟於鍾阜一日悟
問誰知正法眼藏向這瞎驢邊滅却卽今是滅不滅
曰請和尚合取口好悟曰此猶未出常情師擬對悟
擊之師頓去所滯○上堂曰行時絕行跡說時無說
蹤行說若到則垛生招箭行說未明則神鋒劃斷就
使說無滲漏行不迷方猶滯殼漏在若是大鵬金翅
奮迅百千由旬十影神駒馳驟四方八極不取次啗
啄不隨處埋身且總不依倚還有履踐分也無利刺
塵塵是要津○上堂曰德山入門便棒多向皮袋裏
埋蹤臨濟入門便喝總在聲塵中出沒若是英靈衲
子直須足下風生超越古今途轍拈拄杖卓一下喝
一喝曰祇這箇何似生若喚作棒喝瞋睡未惺不喚

莊宗

明昭覺動

理學

真妄

人法照用

教護男女

作棒喝未識德山臨濟畢竟如何復卓一下曰總不
得動著○師蒞衆色必凜然寢食不肯衆唱道無倦
紹興庚午十月初示微疾首座法全請遺訓師曰盡
此心意以道相資語絕而逝
大鴻佛性法泰禪師僧問理隨事變該萬有而一片
虛凝事逐理融等千差而咸歸實際如何是理法界
師曰山河大地曰如何是事法界師曰萬象森羅曰
如何是理事無礙法界師曰東西南北曰如何是事
事無礙法界師曰上下四維○上堂推眞眞無有相
窮妄妄無有形眞妄兩無所有廓然露出眼睛眼睛
既露見箇甚麼曉日爍開殿畔雪朔風吹綻臘梅華
○上堂達得人空法空未稱祖佛家風體得全用全
照亦非衲僧要妙直須打破牢關識取向上一竅如
何是向上一竅春寒料峭凍殺年少○上堂欲識佛
去處祇這語聲是咄傳大士不識好惡以昭昭靈靈
教壞人家男女被誌公和尚一喝曰大士莫作是說
別更道看大士復說曰空手把鋤頭步行騎水牛人
從橋上過橋流水不流誌公呵呵大咲曰前頭猶似

可末後更愁人

圓昭覺動

整頓元

圓昭覺動

圓昭覺動

護國此庵景元禪師習台教三禩棄謁圓悟於鍾阜。因僧讀死心小參語云。既迷須得箇悟。既悟須識悟。中迷迷中悟。迷悟雙忘。却從無迷悟處。建立一切法。師聞而疑。即移佛殿以手托開門扉。豁然大徹。繼而執侍機辯。遂發圓悟目爲聲頭元侍者。遂自題肖像。付之曰。生平只說聲頭禪。撞著聲頭。如鐵壁脫却羅籠。截脚跟大地。撮來墨漆黑。晚年轉復沒刀刀。奮金剛椎碎窠窟。他時要識圓悟面。一爲渠儂併拈出。南峯雲辯禪師參圓悟。值入室纔踵門。悟曰。看脚下。師打露柱一下。悟曰。何不著實道取一句。師曰。師若搖頭。弟子擺尾。悟曰。你試擺尾。看師擺筋斗而出。悟大笑。由是知名。一日入城與道俗行至十郎巷。有問巷在這裏。十郎在甚處。師奮臂曰。隨我來。靈隱慧遠佛海禪師會圓悟。復領昭覺師。即之聞悟。普說學龐居士問馬祖。不與萬法爲侶。因緣師忽頓悟。仆於衆衆掖之。師乃曰。吾夢覺矣。至夜小參。師出問曰。淨裸裸空無一物。赤骨力貧無一錢。戶破家亡。

機不離位

圓昭覺動

圓昭覺動

文彩已彰

乞師賑濟。悟曰。七珍八寶。一時拏師曰。福不入謹家之門。悟曰。機不離位。隨在毒海。師隨聲便喝。悟以拄杖擊禪牀云。喫得棒也。未師又喝。悟連喝兩喝。師便禮拜。自此機鋒峻發。無所抵牾。○上堂。好是仲春漸暖。那堪寒食清明。萬疊雲山聳翠。一天風月長清。在處花紅柳綠。湖天浪穩。風平山禽枝上語。詩詩再三。瑣瑣碎碎。囑付叮叮。嚀嚀。你且道。他叮嚀。囑付箇甚麼。卓拄杖曰。記取明年今日。依舊寒食清明。鴻福文禪師上堂。不昧不落。作麼會會得。依前墮野狐。一夜涼風生。盡角滿船明月。泛江湖。華藏民禪師初講楞嚴於成都。爲義學所歸。時間悟居昭覺。師與勝禪師爲友。因造焉。聞悟小參。舉國師三喚侍者。因緣趙州拈云。如人暗中書字。字雖不成。文彩已彰。那裏是文彩。已彰處。師心疑之。告香入室。悟問坐主。講何經。師曰。楞嚴。悟曰。楞嚴有七處徵心。八還辯見。畢竟心在甚麼處。師多呈藝。解悟皆不肯。師復請益。悟令一切處作文彩。已彰會。偶僧請益。十玄談。方舉。問君心印作何顯。悟厲聲曰。文彩已彰。師

本色鉗鎚

聞而有省遂求印證悟示以本色鉗鎚師則罔措一
 日白悟曰和尚休舉話待某說看悟諾師曰尋常拈
 鎚豎拂豈不是經中道一切世界諸所有相皆即菩
 提妙明真心悟笑曰你元來在這裏作活計師又曰
 下喝敲牀時豈不是返聞聞自性性成無上道悟曰
 你豈不見經中道妙性圓明離諸名相師於言下釋
 然悟出蜀居夾山師罷講侍行悟爲衆夜參舉古帆
 未挂因緣師聞未領遂求決悟曰你問我師舉前話
 悟曰庭前柏樹子師即洞明謂悟曰古人道如一滴
 投於巨壑殊不知大海投於一滴悟笑曰奈這漢何
 後謁佛鑑於蔣山鑑問佛果有不曾亂爲人說底句
 曾與你說麼師曰合取狗口鑑震聲曰不是這箇道
 理師曰無人奪你鹽茶袋叫作甚麼鑑曰佛果若不
 爲你說我爲你說師曰和尚疑時退院別參去鑑呵
 呵大咲

顯昭覺動

昭覺道元禪師謁大別道禪師因看廓然無聖之語
 忽爾失笑曰達磨元來在這裏道譽之往參佛鑑佛
 眼蒙賞識依圓悟於金山以所見告悟弗之許悟被

顯昭覺動

詔住雲居師從之雖有信入終以便宜之物未去
 爲疑會悟問參徒生死到來時如何僧曰香臺子笑
 和尚次問師汝作麼生師曰草賊大敗悟曰有人問
 你時如何師擬答悟憑陵曰草賊大敗師即徹證圓
 悟以拳擊之師搥掌大笑悟曰汝見甚麼便如此師
 曰毒拳未報永劫不忘

孝宗詔入

中竺伽堂中仁禪師往來三藏譯經所諦窮經論特
 於宗門未之信時圓悟居天寧凌晨謁之悟方爲衆
 入室師見敬服奮然造前悟曰依經解義三世佛冤
 離經一字卽同魔說速道速道師擬對悟劈口擊之
 因墜一齒卽大悟○上堂九十春光已過半養花天
 氣正融和海棠枝上鶯聲好道與時流見得麼雖然
 如是且透豎透色一句作麼生道金勒馬嘶芳草地
 玉樓人醉杏花天○上堂舉狗子無佛性話乃曰二
 八佳人刺繡遲紫荊花下嘯黃鸝可憐無限傷春意
 盡在停針不語時○淳熙甲午四月八日 孝宗皇
 帝詔入賜座說法帝舉不與萬法爲侶因緣俾拈提
 師拈罷頌曰秤鎚擲出油閉言長語休腰纏十萬貫

騎鶴上揚州

顯昭覺動

顯法華

顯體

顯昭覺動

象耳袁覺禪師出蜀徧謁有道尊宿後往大滬依佛性頃之入室陳所見性曰汝忒煞遠在然知其爲法器俾充侍者掌賓客師每侍性性必舉法華開示悟入四字令下語又曰直待我豎點頭時汝方是也偶不職被斥制中無依寓俗士家一日誦法華至亦復不知何者是火何者是舍乃豁然制罷歸省性見首肯之圓悟再得旨住雲居師至彼以所得白悟悟呵云本是淨地屑屎作麼師所疑頓釋嘗語客曰東坡云我持此石歸袖中有東海山谷云惠崇煙雨蘆鴈坐我瀟湘洞庭欲喚扁舟歸去傍人謂是丹青此禪髓也

中巖華嚴祖覺禪師依圓悟於鍾阜一日入室悟舉羅山道有言時踞虎頭收虎尾第一句下明宗旨無言時覲露機鋒如同電拂作麼生會師莫能對夙夜參究忽然有省作偈呈悟曰家住孤峯頂長年半掩門自嗟身已老活計付兒孫悟見許可次日入室悟又問昨日公案作麼生師擬對悟便喝曰佛法不是

顯制執驗

顯昭覺動

這箇道理師復留五年愈更迷悶後於廬山棲賢閣浮山遠禪師創執論云若道悟有親疎豈有旃檀林中却生臭草豁然契悟作偈寄圓悟曰出林依舊入蓬蒿天網恢恢不可逃誰信業緣無避處歸來不怕語聲高悟大喜持以示衆曰覺華嚴徹矣○上堂舉石霜和尚遷化衆請首座繼踵住持虔侍者所問公案師曰宗師行處如火消冰透過是非關全機忘得喪盡道首座滯在一色侍者知見超師可謂體妙失宗全迷向背殊不知首座如鷺鷥立雪品類不齊侍者如鳳翥丹霄不縈金網一人高高山頂立一人深深海底行各自隨方而來同會九重城裏而今要識此二人麼豎起拂子曰龍臥碧潭風凜凜垂下拂子曰鶴歸霄漢背摩天

明因曇玩禪師上堂汝有一對眼我也有一對眼汝若瞞還自瞞汝若成佛作祖老僧無汝底分汝若做驢做馬老僧救汝不得○衆檀越入山請上堂說偈曰我無長處名虛出謝汝殷勤特地來明因無法堪分付謾把山門爲汝開

嗣昭覺動

虎丘雪庭元淨禪師上堂說得須是見得見得又須說得見得說不得落在陰界見解偏枯說得見不得落在時機墮在毒海若是翠門下直饒說得見得好與三十棒說不得見不得也好與三十棒翠雲怎麼道也好與三十棒遂高聲召大眾曰險

嗣昭覺動

天寧訥坐梵思禪師上堂知有底也喫粥喫飯不知有底也喫粥喫飯如何直下驗得他有之與無是之與非邪之與正若驗不出參學事大遠在喝一喝下座○上堂山僧是楊岐四世孫這老漢有箇三脚驢子弄蹄行公案雖人人舉得祇是不知落處山僧不惜眉毛爲諸人下箇注脚乃曰八角磨盤空裏走

嗣昭覺動

君山覺禪師上堂舉古者道仰之彌高鑽之彌堅瞻之在前忽焉在後諸人還識得麼若也不識爲你註破仰之彌高不隔絲毫要津把斷佛祖難逃鑽之彌堅眞體自然鳥啼花放在碧巖前瞻之在前非正非偏十方坐斷威鎮大千忽焉在後一場漏逗堪笑雲門藏身北斗咄

嗣昭覺動

寶華顯禪師上堂禪莫參道休學歇意忘機常廓落

嗣昭覺動

現成公案早周遮祇箇無心已穿鑿直饒坐斷未生前難透山僧錯錯錯

嗣昭覺動

東山覺禪師上堂舉昔廣額屠兒一日至佛所颺下屠刀曰我是千佛一數世尊曰如是如是今日叢林將謂廣額過去是一佛權現屠兒如此見廣額且喜沒交涉又曰廣額正是箇殺人不眨眼底漢颺下屠刀立地成佛且喜沒交涉又道廣額颺下屠刀曰我是千佛一數這一佛多少分明且喜沒交涉要識廣額麼夾路桃花風雨後馬蹄何處避殘紅

嗣昭覺動

樞密徐俯號東湖居士靖康初爲尙書外郎與朝士同志者挂鉢於天寧寺之擇木堂力參圓悟悟亦喜其見地超邁一日至書記寮指悟項相曰這老漢脚跟猶未點地在悟顚面曰癩裏何曾走却鼈公曰且喜老漢脚跟點地悟曰莫謗它好公休去

郡王趙令杓號超然居士紹興庚申冬公與汪內翰藻李參政卽會侍郎開詣徑山謁大慧慧聞至乃令擊鼓入室公欣然袖香趨之慧曰趙州洗鉢孟詰居士作麼生會公曰討甚麼碗拂袖便出慧起攔住曰

古人向這裏悟去。你因甚麼却不悟。公擬對慧撥之。曰。討甚麼碗。公曰。還這老漢始得。

圓照覺勤

侍郎李彌遜號普現居士。爲中書舍人。常入圓悟室。一日早朝回。至天津橋馬躍。忽有省通身汗流直造天寧。適悟出門遙見。便喚曰。居士且喜大事了。畢公厲聲曰。和尚眼華作甚麼。悟便喝。公亦喝。於是機鋒迅捷。

圓照覺勤

成都范縣君者。薨居歲久。常坐而不臥。聞圓悟住昭覺。往禮拜請示入道因緣。悟令看不是。心不是。佛不是。物是箇甚麼。久無所契。范泣告悟曰。和尚有何方便。令某易會悟曰。却有箇方便。遂令祇看是箇甚麼。後有省曰。元來怎麼地近那。

圓太平

圓太平

文殊心道禪師詣成都習唯識。自以爲至同舍詰之曰。三界唯心。萬法唯識。今目前萬象縱然。心識安在。師茫然不知對。遂出關。周流江淮。既抵舒之太平。聞佛鑑禪師夜參。舉趙州柏樹子話。至覺鐵臂云。先師無此語。莫謗先師好。因大疑提撕。既久。一夕豁然。即移丈室。擬敘所悟。鑑見來。便閉門。師曰。和尚莫謾某。

甲鑑云。十方無壁落。何不入門來。師以拳搗破窓紙。

鑑即開門。搗住云。道道。師以兩手捧鑑頭。作口啐而

出。遂呈偈曰。趙州有箇柏樹話。禪客相傳徧天下。多

是摘葉與尋枝。不能直向根源會。覺公說道無此語。

正是惡言當面罵。禪人若具通方眼。好向此中辯真

假。鑑深然之。○上堂。師子嘯。呻象王哮吼。雲門北斗

裏藏身。白雲因何喚作手。三世諸佛不知有。狸奴白

牯却知有。且道作麼生。是他知有底事。雨打梨花蝶

蝶飛。風吹柳絮毛毬走。

圓太平

知有底事

今人一作入

南華曷禪師上堂。此事最希奇。不礙當頭說。東隣田舍翁。隨例得一橛。非唯賈聲色。亦乃應時節。若問是何宗。八字不著人。擊禪牀下座。○上堂。迷不自迷。對悟立迷。悟不自悟。因迷說悟。所以悟爲迷之體。迷爲悟之用。迷悟兩無。從箇中別無共無。別共撥不動。祖師不將來。鼻孔千斤重。

圓太平

龍牙才禪師早服勤於佛鑑法席。而局務不辭。雖名已聞於叢林。及遊方。迫暮至黃龍。適死心在三門。問其所從來。既稱名。則知爲舒州太平才莊主矣。翌日

三子共體

四句同音

顯太平

入室死心問曰。會得最初句。便會末後句。會得末後句。便會最初句。最初末後拈放一邊。百丈野狐話作麼生。會師曰。入戶已知來。見解何須更舉。轆轤中泥心。曰。新長老死在上座手裏也。師曰。語言雖有異。至理且無差。心曰。如何是無差底事。師曰。不扣黃龍角。焉知領下珠。心便打。○上堂。舉死心和尙小參曰。若論此事。如人家有三子。第一子聰明智慧。孝養父母。接待往來。主掌家業。第二子兇頑狡猾。貧姪嗜酒。倒街臥巷。破壞家業。第三子盲聾瘡痂。菽麥不分。是事不能祇會喫飯。三人中黃龍要選一人用。更有四句。死中有活。活中有死。死中常死。活中常活。將此四句。驗天下衲僧。師曰。喚甚麼作四句。三人姓甚名誰。若也識得。與黃龍把手竝行。更無纖毫間隔。如或未然。不免借水獻華去也。三人共體用。非用四句。同音空。不空。欲識三人。并四句。金烏初出一團紅。蓬萊脚。禪師上堂有句。無句。如藤倚樹。且任諸方點頭。及乎樹倒藤枯。上無衝天之計。下無入地之謀。靈利漢這裏著得一隻眼。便見七縱八橫。舉拂子曰。看

顯太平

遊山

扶宗立教

看一曲兩曲無人會。雨過夜塘秋水深。佛燈珣禪師參廣鑑瑛禪師。不契。遂造太平。隨衆咨請。邈無所入。乃封其衾曰。此生若不徹去。誓不展此。於是晝坐宵立。如喪考妣。逾七七。日忽佛鑑上堂曰。森羅及萬象。一法之所印。師聞頓悟。往見鑑。鑑曰。可惜一顆明珠。被這風顛漢拾得。乃詰之曰。靈雲道。自從一見桃華。後直至如今。更不疑。如何是他不疑處。師曰。莫道靈雲不疑。只今覓箇疑處。了不可得。鑑曰。玄沙道。諦當甚諦當。敢保老兄未徹。在那裏是他未徹處。師曰。深知和尙老婆心切。鑑然之。師拜起呈偈曰。終日看天不舉頭。桃華爛熳始擡眸。饒君更有遮天網。透得牢關即便休。鑑屬令護持。是夕厲聲謂衆曰。這回向。上座穩睡去也。圓悟聞得。疑其未然。乃曰。我須勸過始得。遂令人召至。因與遊山。偶到一水潭。悟推師入水。遽問曰。牛頭未見。四祖時如何。師曰。潭深魚聚。悟曰。見後如何。師曰。樹高招風。悟曰。見與未見時如何。師曰。伸脚在縮脚裏。悟大稱之。○上堂。舉婆子燒庵話。師曰。大凡扶宗立教。須是其人。你看他

婆子雖是箇女人。宛有大人作略。二十年從油費醬。固是可知。一日向百尺竿頭。做箇失落。直得用盡平生腕頭氣力。自非箇俗漢。知機泊乎巧。盡拙出然。雖如是。諸人要會麼。雪後始知松柏。探事難。方見丈夫心。

嗣太平

獨潭明禪師上堂。舉趙州訪茱萸。深水因緣。師曰。趙老雲。敗山嶽。露茱萸。雨過竹風清。誰家別館池塘裏。一對鴛鴦。畫不成。又舉德山托鉢。話師曰。從來家富小兒嬌。偏向江南弄。畫燒引得老爺把不住。又來船上助歌謳。

嗣太平

寶藏本禪師上堂。清明已過十餘日。華雨關。珊方寸深春色。惱人眠不得。黃鸝飛過綠楊陰。遂大笑下座。祥符海禪師初見佛鑑。鑑問三世諸佛。一口吞盡何處更有衆生。可教化。此理如何。師擬進語。鑑喝之。師忽領旨。述偈曰。實際從來不受塵。箇中無舊亦無新。青山況是吾家物。不用尋家別問津。鑑曰。放下著。師禮拜而出。

嗣太平

淨衆環禪師上堂。重陽九日菊花新。一句明明亘古。

嗣太平

今楊廣案。既無覓處。夜來足跡在松陰。

會元十九卷終

十一本卷二
龍門達

莫教迎拜

不須顧

龍翔竹庵士珪禪師。初依大慈宗雅。心醉楞嚴。逾五秋。南遊謁諸尊宿。始登龍門。即以平時所得白佛眼。眼曰。汝解心已極。但欠著力。開眼耳。遂俾職堂司。一日侍立。次問云。絕對待時如何。眼曰。如汝僧堂中。白椎相似。師罔措。眼至晚抵堂。司師理前話。眼曰。閑言語。師於言下大悟。○紹興間。奉詔開山。鷹鷂能仁。丈大展九拜。以誘溫人。由是翕然歸。敬未視篆。其徒僮行規法。深夜放火。鞠爲瓦礫之墟。師竟就樹縛屋。陞座示衆云。愛閑不打鼓。山鼓投老來看。鴈蕩山傑。關危樓。渾不見。谿邊茆屋兩三間。還有共相出手者麼。喝一喝下座。聽法檀施。併力營建。未幾復成寶坊。○上堂。明明無悟有法。卽迷。諸人向這裏立不得。諸人向這裏住不得。若立則危。若住則瞎。直須意不停。立句不停。意用不停。機此三者。既明一切處。不須管帶。自然現前。不須照顧。自然明白。雖然如是。更須知。

有向上事。久雨不晴。咄。○上堂。見見之時。見非是見。見猶離見。見不能及。落花有意。隨流水。流水無情。戀落花。諸可還者。自然非汝。不汝還者。非汝而誰。長恨春歸無覓處。不知轉入此中來。喝。一喝。曰。三十年後。莫道能仁教壞人家男女。

龍門遠

雲居高庵悟禪師。有夙慧。聞冲禪師舉武帝問達磨。因緣如獲舊物。遠曰。我既廓然。何聖之有。冲異其語。勉之。南詢蒙授記於龍門。一日。有僧被蛇傷足。佛眼問曰。既是龍門。爲甚麼却被蛇咬。師即應曰。果然現大人相。眼益器之後。傳此語到昭覺。圓悟云。龍門有此僧耶。東山法道未寂寥爾。

龍門遠

黃龍牧庵忠禪師。嘗台教悟一心三觀之旨。未能混跡。徧參名宿。至龍門觀水磨。旋轉發明心要。乃述偈曰。轉大法輪。目前包裹。更問如何。水推石磨。呈佛眼。眼曰。其中事。作麼生。師曰。潤下水。長流眼。曰。我有末後一句。待分付汝。師即掩耳而去。○僧問。如何是佛。師曰。莫向外邊覓。曰。如何是心。師曰。莫向外邊尋。曰。如何是道。師曰。莫向外邊討。曰。如何是禪。師曰。莫向

龍門遠

外邊傳。曰。畢竟如何。師曰。靜處薩婆訶。烏巨雪。堂行禪師。上堂。會即便會。玉本無瑕。若言不會。確。實。生。花。試。問。九。年。面。壁。何。如。大。會。拈。華。南。明。恁麼。商。確。也。是。順。風。撒。沙。參。○到國清衆。請上堂。句亦刻意。亦剗。絕毫絕。處如山。如嶽。句亦到意。亦到如山。如嶽。處絕毫絕。忽若拶通。一線。意句俱到。俱不到。俱剗。俱不剗。直得三句外。絕牢籠。六句外。無標的正當。恁麼時。一句作麼生。道傾蓋同途。不同轍。相將攜手。上高臺。上堂。舉趙州示衆云。老僧除却二時齋粥。是賴用心。處。師曰。今朝六月旦。行者擊鼓。長老陞堂。你諸人總來這裏。雜用心。

龍門遠

白楊順禪師。依止佛眼。聞普說舉傳大士心王銘云。水中鹽味。色裏膠青。決定是有。不見其形。師於言下。有省。後觀寶藏。迅轉。頓明大法。移文室作禮。呈偈曰。頂有異峯。雲冉冉。源無別派。水泠泠。遊山未到山窮處。終被青山礙眼。睛眼笑而可之。○上堂。好事堆堆。疊疊來。不須造作。與安排。落林黃葉。水推去。橫谷白雲。風卷回。寒鴈一聲。情念斷。霜鐘纔動。我山摧白楊。

更有過人處。盡夜寒蟪。撥死灰。忽有箇衲僧出來道。
長老少賣弄。得恁麼窮。乞相山僧。祇向他道。却被你
道著。○上堂。我手何似佛手。天上南星。北斗我脚何
似驢脚。往事都來忘却。人人盡有生緣。箇箇足方頂
圓。大愚灘頭立處。孤月影射深灣。會不得。見還難。一
曲漁歌過遠灘。○上堂。風吹茆茨屋。春漏雨打闌。黎
眼睛濕恁麼分明。却不知。却來這裏低頭立。時紹燈
上座聞
之有。師律身清苦。出入唯杖笠。獨行

雲居如禪師。徧參浙右諸宗匠。晚至龍門。以平日所
證。白佛眼。眼曰。此皆學解。非究竟事。欲了生死。當求
妙禪。師駭然。詰信。一日。命主香積。以道業未辦。固辭。
眼勉曰。姑就職。其中大有人。為汝說法。未幾晨興。開
廚門。望見聖僧。契所未證。即白佛眼。眼曰。這裏還見
聖僧麼。師詣前。問訊叉手而立。眼曰。向汝道大有人
為汝說法。

歸宗真牧賢禪師。遊成都。依大慈秀公。習經論。凡典
籍。過目成誦。義亦頓曉。秀稱為經藏子。出蜀。謁諸尊
宿。後扣佛眼。一日入室。眼舉殷勤。抱得旃檀樹。語聲

未絕師。頓悟。眼曰。經藏子。漏逗了也。自是與師商確。
淵奧。臺臺無盡。眼稱善。因手書真牧二字授之。○上
堂。且第一句。如何道。汝等若向世界未成時。父母未
生時。佛未出世時。祖師未西來時。道得。已是第二句。
且第一句。如何道。直饒你十成道得。未免左之右之。
卓拄杖下座。

道場正堂。辯禪師。至西京少林。聞僧舉佛眼。以古詩
發明。勵賓王。斬師子。尊者話曰。楊子江頭。楊柳春。楊
花愁殺渡江人。一聲羌笛離亭晚。君向瀟湘我向秦。
師默有所契。即趨龍門。求入室。佛眼問。從上祖師。方
冊因緣。許你會得。忽舉拳曰。這箇因何。喚作拳。師擬
對眼。築其口曰。不得作道理。於是頓去。知見。○佛眼
忌。拈香。龍門和尚。闡提。潦倒。不信佛法。滅除禪道。擗
破毗盧。向上關。貓兒洗面。自道好。一炷沉香。爐上然。
摸手。旋冒空懷。惱遂。搖手曰。休懷惱。以坐具搭肩上。
作女人拜曰。莫怪下房媳婦。觸忤大人好。○師家風。
嚴冷。初機多憚之。因贊達磨曰。昇元閣前。懷懼洛陽。
峯畔。乖張皮髓。傳成話。霸隻履。無處理。藏不是一番。

寒徹骨爭得梅花撲鼻香。雪堂行一見大稱賞。曰先師猶有此人在。只消此贊。可以坐斷天下人舌頭。由是衲子奔湊。頌室中問學者。蚯蚓爲甚麼化爲百舌。

會元見圖極岑按聯珠著于此

增收

龍門正

世奇首座。偏依師。席晚造龍門。一日燕坐。瞌睡。聞羣蛙忽鳴。誤聽爲淨髮。版響亟趨往。有曉之者。曰蛙鳴非版也。師恍然。詣方丈。剖露佛眼。曰豈不見羅睺羅師。遽止。曰和尚不必舉待去。自看未幾。有省。乃占偈曰。夢中聞版響。覺後蝦蟇啼。蝦蟇與版響。山嶽一時齊。由是益加參究。洞臻玄奧。眼命分座。師固辭。曰此非細事也。如金針刺眼。毫髮若差。睛則破矣。願生生居學地。而自煅煉眼。因以偈美之。曰有道只因頻退步。謙和元自慣回光。不知已在青雲上。猶更將身入衆藏。

龍門正

淨居尼慧溫禪師。上堂。舉法眼示衆。曰三通鼓罷。族族上來。佛法人事。一時周畢。師曰。山僧道三通鼓罷。族族上來。拄杖不在。若毒柄。聊與三十。給事馮楫。齊川居士自壯扣。諸名宿最後居龍門。從

龍門正

坐夏徑山

不動軒

龍門正

龍門正

佛眼遠禪師再說。一日同遠經行法堂。偶童子趨庭吟曰。萬象之中獨露身。遠拈公背曰。好。公於是契入。紹興丁巳。除給事。會大慧禪師就明慶開堂。慧下座。公挽之曰。和尚每言於士大夫前曰。此生決不作這蟲多。今日因甚却納敗缺。慧曰。盡大地是箇果上座。你向甚處見他。公擬對慧。便掌。公曰。是我招得。越月特丐祠坐。夏徑山榜其室曰不動軒。○嘗自詠曰。公事之餘喜坐禪。少曾將脅到牀眠。雖然現出宰官相。長老之名四海傳。建炎後名山巨剎。教藏多不存。公累以已俸印施。凡一百二十八藏。用祝君壽。以兆康民。門人蒲大聘。嘗誌其事。

大瀉月庵善果禪師。○上堂。奚仲造車一百輛。拈却兩頭。除却軸。以拄杖打一圓相。曰。且莫錯認。盤定星卓一卓下座。○上堂。解猛虎。領下金鈴。驚羣動衆。取蒼龍穴裏明珠。光天照地。山僧今日到此。讚歎不及。汝等諸人合作麼。生豎起拂子曰。眨上眉毛。速須薦取。擲拂子下座。

石頭回禪師。上座參禪。學道大似井底叫渴相似。殊

不知塞耳塞眼回避不及。且如十二時中行住坐臥。動轉施爲。是甚麼人。使作眼見耳聞。何處不是路頭。若議得路頭。便是大解脫。路方知老漢與你證明。山河大地與你證明。所以道十方婆伽梵。一路涅槃門。諸仁者。大凡有一物。當途要見一物之根源。一物無處要見一物之根源。見得根源。無所源。所源既非。何處不圓。諸禪德。你看老漢有甚麼勝你處。諸人有甚麼不如老漢處。還會麼。太湖三萬六千頃。月在波心說向誰。

嗣大隱靜

護聖居靜禪師。聞南堂道望。遂往依焉。堂舉香嚴枯木裏龍吟話。往返酬詰。師於言下大悟。一日堂問曰。莫守寒巖異草。青坐却白雲。宗不妙。汝作麼。生師曰。直須揮劍。若不揮劍。漁父棲巢。堂矍然曰。這小兒。師珍重。便行。○嘗謂衆曰。參學至要。不出先南堂道最初句。及末後句。透得過者。一生事畢。儻或未然。更與你分作十門。各各印證。自心還得穩當也。未一須信。有教外別傳。二須知有教外別傳。三須會無情說法。與有情說法。無二。四須見性如觀掌中之物。了了。

十門綱要

分明一一田地穩密。五須具擇法眼。六須行鳥道。立路。七須文武兼濟。八須摧邪顯正。九須大機大用。十須向異類中行。凡欲紹隆法種。須盡此綱要。方坐得這曲肱牀子。受得天下人禮拜。敢與佛祖爲師。若不到恁麼田地。祇一向盧頭。他時異日。闔老子未放你。在間有學者。各門頌出。呈師。師以頌示曰。十門綱要。掌中施機會。來時自有爲。作者不須排位次。大都首末是根基。

嗣大隱靜

南巖勝禪師。上堂召大衆曰。護生須是殺殺盡。始安居。會得箇中意。分明在半途。且道到家一句。又作麼生。釋迦彌勒。沒量大看來。又祇是他奴。

嗣大隱靜

梁山廓庵師遠禪師。上堂舉楊岐三脚驢子話。乃召大衆曰。揚其湯者。莫若撲其火。壅其流者。莫若杜其源。此乃智人之明鑒。佛法之至論。正在斯焉。這因緣。如今叢林中。提唱者甚多。商量者不少。有般底祇道。宗師家無固必。凡有所問。隨口便答。似則也。似是卽未是。若恁麼祇作箇乾無事。會不見楊岐用處。乃至祖師千差萬別。方便門庭。如何消遣。又有般底祇向。

楊岐宗旨

透頂徹底漢

佛邊會却與自己沒交涉。古人道：凡有言句，須是一消歸自己，又作麼生？又有般底一向祇作自己會，棄却古人用處，唯知道明自己事。古人方便，却如何消遣？既消遣不下，却似抱橋柱澡洗，要且放手不得。此亦是一病。又有般底，却去脚多少處會，若怎麼會，此病最難醫也。所以他語有巧妙處，卒難摸索，纔擬心，則差了也。前輩謂之楊岐宗旨，須是他屋裏人到恁麼田地，方堪傳授。若不然者，則守死善道之謂也。這公案直須還他透頂徹底漢，方能了得。此非止禪和子會不得，而今天下叢林中，出世爲人底，亦少有會得者。若要會去，直須向威音那畔空劫已前，輕輕覷著，提起便行，捺著便轉，却向萬仞峯前進一步，可以籠罩古今，坐斷天下人舌頭。如今還有怎麼者麼？有則出來道：看如無，更聽一頌。三脚驢子弄蹄行，直透威音萬丈坑。雲在巖頭閑不徹，水流澗下太忙生。湖南長老誰解會？行人更在青山外。師有十牛圖并頌行于世能仁悟禪師結夏上堂，最初一步十方世界現全身。末後一言一微塵中深鎖斷，有時提起如倚天長劍。

蜀大隱靜

蜀大隱靜

蜀大隱靜

光耀乾坤，有時放下，似紅爐點雪，虎含萬象，得到恁麼田地。天魔外道，拱手歸降。三世諸佛，一時稽首，便可以大圓覺爲我師。蓋於一毫端現寶王刹，如是則朝往西天，暮歸東土，亦是禁足百華叢裏坐，經坊酒肆行，亦是禁足。雖然，如是不曾動著這裏一步，恁麼則九旬無處棄之功，百劫有今時之用，堪報不報之恩，以助無爲之化。此卽是涅槃妙心。金剛王寶劍，問大衆作麼生得到這田地去？如人上山，各自努力。尙書莫將居士謁南堂靜禪師，咨決心要，堂使其向一切處提撕，適如廁俄聞穢氣，急以手掩鼻，遂有省。卽呈以偈曰：從來姿韻愛風流，幾笑時人向外求。萬別千差無覓處，得來元在鼻尖頭。南堂答曰：一法纔通，法法用縱橫。妙用更何求？青蛇出匣，魔軍伏碧眼。胡僧笑點頭。

龍圖王蕭居士留昭覺，日間開靜板，聲有省。問南堂曰：某有箇見處，纔被人問，却開口不得。未審過在甚麼處？堂曰：過在有箇見處。堂却問：朝旆幾時到任？公曰：去年八月四日。堂曰：自按察幾時離衙？公曰：前月二

十堂曰爲甚麼道開口不得公乃契悟

教忠晦庵彌光禪師出嶺謁圓悟禪師於雲居次參

黃檗祥高庵悟機語皆契以淮楚盜起歸謁佛心會

大慧廣因往從之慧請曰汝在佛心處所得者試

舉一二看師舉佛心上堂拈普化公案曰佛心卽不

然總不恁麼來時如何劈脊便打從教徧界分身慧

曰汝意如何師曰某不肯他後頭下箇注脚慧曰此

正是以病爲法師毅然無信可意慧曰汝但揣摩看

師竟以爲不然經旬因記海印信禪師拈曰雷聲浩

大雨點全無始無滯趨告慧慧以舉道者見瑯琊并

玄沙未徹語詰之師對已慧笑曰雖進得一步祇是

不著所在如人所樹根下一刀則命根斷矣汝向枝

上斫其能斷命根乎今諸方浩浩說禪者見處總如

此何益於事其楊岐正傳三四人而已師愠而去翌

日慧問汝還疑否師曰無可疑者慧曰祇如人相見

未開口時已知虛實或聞其語便議淺深此理如何

師悚然汗下莫知所詣慧令究有句無句慧過雲門

庵師侍行一日問曰某到這裏不能得徹病在甚處

不能得徹

析樹喻

入室

慧曰汝病最癢世醫拱手何也別人死了活不得汝

今活了未曾死要到大安樂田地須是死一回始得

師疑情愈深後入室慧問喫粥了也洗鉢盂了也去

却藥忌道將一句來師曰裂破慧震威喝曰你又說

禪也師卽大悟慧趨鼓告衆曰龜毛拈得笑哈哈一

擊萬重關鏢開慶快平生在今日孰云千里驢吾來

師亦以頌呈之曰一拶當機怒雷吼驚起須彌藏北

斗洪波浩渺浪滔天拈得鼻孔失却口○上堂有句

無句如藤倚樹放憨作麼及乎樹倒藤枯句歸何處

情知汝等諸人卒討頭鼻不著爲甚如此祇爲分明

極驟令所得遲

東林已庵道顏禪師久參圓悟微有省發洎悟還蜀

囑依妙喜仍以書致喜曰顏川彩繪已畢但欠點眼

耳他日嗣其後未可量也喜居雲門及洋嶼師皆在

焉朝夕質疑方大悟○上堂欲識諸佛心但向衆生

心行中識取欲識常住不凋性但向萬物遷變處會

取還識得麼欲得不招無間業莫謗如來正法輪

西禪懶庵鼎需禪師幼舉進士有聲年二十五因讀

歸徑山果

歸徑山果

去爲人師

遺教經忽曰。幾爲儒冠誤。欲去家母難。之以親迎在期。師乃絕之。曰。天桃紅杏。一時分付。春風翠竹黃花。此去永爲道伴。竟依保壽樂禪師爲比丘。一錫湖湘。徧參名宿。法無異味。歸里結庵於峯絕頂。不下山者三年。佛心才禪師。挽出首衆於大乘。嘗問學者。卽心卽佛。因緣時妙喜庵于洋嶼。師之友彌光與師書曰。庵主手段。與諸方別。可來少歇。如何。師不答。光以計邀師飯。師往赴之。會妙喜爲諸徒入室。師隨喜焉。妙喜舉僧問。屬祖如何。是佛祖云。卽心是佛。作麼生。師下語。妙喜詰之曰。你見解如此。敢妄爲人師耶。囑數普說。許其平生珍重得力處。排爲邪解。師淚交頤。不敢仰視。默計曰。我之所得。旣爲所排。西來不傳之旨。豈止此耶。遂歸心弟子之列。一日喜問曰。內不放。出外不放入。正怎麼時。如何。師擬開口。喜拈竹筴劈脊。連打三下。師於此大悟。厲聲曰。和尚已多了也。喜又打一下。師禮拜喜笑云。今日方知吾不汝欺也。遂印以偈曰。頂門豎亞摩醯眼。肘後斜懸奪命符。瞎却眼。卸却符。趙州東壁挂葫蘆。於是聲名喧動叢林。

關德山果

關德山果

關德山果

東禪蒙庵思岳禪師上堂。臘月初歲云。徂黃河凍已合。深處有嘉魚活。鱗跳不脫。又不能相照。以濕相濡。以沫慚愧。菩薩摩訶薩。春風幾時來。解此黃河凍。令魚化作龍。直透桃花浪。會卽便會。癡人面前且莫說夢。

西禪此庵守淨禪師上堂。談玄說妙。撒尿撒尿。行棒行喝。將鹽止渴。立主立賓。華摩宗乘。設或總不怎麼。又是鬼窟裏坐。到這裏山僧已是打退鼓。且道諸人尋常心。憤憤口排排。合作麼生。莫將閑學解埋沒。祖師心。○上堂。若也單明自己。不悟目前。此人。有眼無足。若也祇悟目前。不明自己。此人有足。無眼。直得眼足相資。如車二輪。如鳥二翼。正好勘過了打。○上堂。道是常道。心是常心。汝等諸人。聞山僧怎麼道。便道我會也。大盡三十日。小盡二十九。頭上是天。脚下是地。耳裏聞聲。鼻裏出氣。忽若四大海水。在汝頭上。毒蛇穿你眼睛。蝦蟇入你鼻孔。又作麼生。○上堂。文殊普賢談理事。臨濟德山行棒喝。東禪一覺到天明。偏愛風從涼處發。咄。

開徑山果

通紫岩書

五件事

開徑山果

開善道謙禪師初之京師。依圓悟無所省發。後隨妙喜庵居泉南。及喜頌徑山師亦侍行。未幾令師往長沙。通紫巖居士張公書師自謂我參禪二十年。無入頭處。更作此行。決定荒廢。意欲無行。友人宗元者叱曰。不可在路便參禪不得也。去吾與汝俱往。師不得已而行。在路泣語元曰。我一生參禪。殊無得力處。今又途路奔波。如何得相應。去元告之曰。你但將諸方參得底悟得底。圓悟妙喜爲你說得底。都不要理會。途中可替底事。我盡替你。只有五件事替你不得。你須自家支當。師曰。五件事者何事。願聞其要。元曰。著衣喫飯。屙屎放尿。跏趺死屍路上行。師於言下領旨。不覺手舞足蹈。元曰。你此回方可通書。宜前進。吾先歸矣。元即回徑山。師半載方返。妙喜一見而喜曰。建州子。你這回別也。○上堂。竺土大僊。心東西密相付。如何是密付底。心良久曰。八月秋何處熱。

育王佛照德光禪師適大慧頌育王四海英材鱗集。師亦與焉。大慧室中問師。喚作竹筴。則觸不喚作竹筴。則背不得。下語不得。無語師擬對。慧便棒。師豁然。

宋孝宗宣問

開徑山果

開徑山果

開徑山果

大悟初住台之光孝。僧問。浩浩塵中如何辯主。師曰。巾峯頂上塔心尖。頌師住靈隱日。宋孝宗宣問。釋迦佛入山六年。所成何事。師對曰。將謂陛下忘却。頌孝宗召對。師舉靈雲頌。直至如今。更不疑奏曰。那裏是他不疑處。帝曰。空手牽鐵牛。此二則見會元第六卷。終其頌著于聯珠。集第十卷。中佛照章。

華藏遜庵演禪師上堂。拈起拄杖曰。識得這箇一生參學事。畢古人恁麼道。華藏則不然。識得這箇。更須買草鞋行。脚何也。到江吳地。盡隔岸越山多。天童無用全禪師上堂。學佛止言。真不立參禪多。與道相違。忘機忘境。回首無地。無雖轉步。歸佛不是。心亦非。覲體承當。絕所依。萬古碧潭空界月。再三撈。撈始應知。

玉泉懿禪師久依圓悟。自謂不疑。紹興初。出住興化。祥雲法席頗盛。大慧入闥。知其所見未諦。致書令來。師遲遲。慧小參。且痛斥。仍榜告四衆。師不得已。破夏謁之。慧鞠其所證。既而曰。汝恁麼見解。敢謂圓悟老人耶。師退院。親之一日。入室。慧問。我要箇不會禪底。

微國師師曰我做得國師去也慧喝出居無何語之曰香嚴悟處不在擊竹邊俱胝得處不在指頭上師乃頓明

嗣徑山果

薦福本禪師上堂高揖釋迦不拜彌勒者與三十拄杖何故爲他祇會步步登高不會從空放下東家牽犁西家拽杷與三十拄杖何故爲他祇會從空放下不會步步登高山僧恁麼道還有過也無衆中莫有點檢得出者麼若點檢得出須彌南畔把手共行若點檢不出布袋裏老鴉雖活如死

嗣徑山果

靈巖性禪師上堂勘破了也放過一著是衲僧破草鞋現修羅相作女人拜是野狐精魅打箇圓相虛空裏下一點是小兒伎倆攔腮贈掌拂袖便行正是業識茫茫無本可據直饒向黑豆未生已前一時坐斷未有喫靈巖拄杖分敢問大衆且道爲人節文在甚麼處還相委悉麼自從春色來嵩少三十六峯青至今○僧問如何是獨露身師曰牡丹花下睡貓兒蔣山直禪師初參妙喜於回鴈峯下一日喜問之曰上座甚處人師曰安州人喜曰我聞你安州人會斷

嗣徑山果

嗣徑山果

撲是否師便作相撲勢喜曰湖南人喫魚因甚湖北人著屨師打筋斗而出喜曰誰知冷灰裏有粒豆爆○一日留守陳丞相俊卿會諸山茶話次舉有句無句如藤倚樹公案令諸山批判皆以奇語取奉師最後曰張打油李打油不打渾身只打頭陳大喜靈隱誰庵演禪師上堂面門拶破天地懸殊打透牢關白雲萬里饒伊兩頭坐斷別有轉身三生六十劫也未夢見在喝一喝下座

嗣徑山果

光孝遠禪師上堂舉女子出定話乃曰從來打鼓弄琵琶須是相逢兩會家佩玉鳴鸞歌舞罷門前依舊夕陽斜

嗣徑山果

靈隱最庵印禪師上堂五五二十五擊碎虛空鼓大地不容針十方無寸土春生夏長復何云甜者甜兮苦者苦

嗣徑山果

竹原元庵主久依大慧分座西禪丞相張公浚帥三山以數院迎之不就歸舊里結茆號衆妙園宿衲士夫交請開法○示衆曰若究此事如失却鑰匙相似祇管尋來尋去忽然撞著噫在這裏開箇鑰子便見

主法之人

嗣徑山果
開堂日示衆

列一作別

四喝

自家庫藏一切受用無不具足不假他求別有甚麼事○示衆曰主法之人氣吞宇宙爲大法王若是釋迦老子達磨大師出來也教伊叉手向我背後立地直得寒毛卓豎亦未爲分外○垂語云這一些子恰如撞著殺人漢相似你若不殺了他他便殺了你淨居尼妙道禪師延平尙書黃公裳之女開堂日乃曰問話且止直饒有傾湫之辯倒嶽之機禪僧問下一點用不著且佛未出世時一事全無我祖西來便有許多建立列刹相望星分派列以至今日累及兒孫遂使山僧於人天大衆前無風起浪向第二義門通箇消息語默該不盡底彌亘大方言詮說不及處徧周沙界通身是眼覷面當機電卷星馳如何湊泊有時一喝生殺全威有時一喝佛祖莫辯有時一喝八面受敵有時一喝自救不了且道那一喝是生殺全威那一喝是佛祖莫辯那一喝是八面受敵那一喝是自救不了若向這裏薦得堪報不報之恩脫或未然山僧無夢說夢去也拈起拂子曰還見麼若見被見刺所障擊禪牀曰還聞麼若聞被聲塵所惑直

嗣徑山果
作夏徑山

饒離見絕聞正是二乘小果跳出一步蓋色騎聲全放全收主賓互換所以道欲知佛性義當觀時節因緣敢問諸人卽今是甚麼時節蕩蕩仁風扶聖化熙熙和氣助昇平擲拂子下座○尼問如何是佛師曰非佛曰如何是佛法大意師曰骨底骨董資壽尼無著妙總禪師丞相蘇公頌之孫女也年三十許獻世浮休脫去緣節咨參諸老已入正信作夏徑山大慧陞堂舉藥山初參石頭後見馬祖因緣師聞然省悟慧下座不動居士馮公楫隨至方丈曰某理會得和尙適來所舉公案慧曰居士如何曰恁麼也不得噯噯娑婆訶不恁麼也不得噯哩娑婆訶恁麼不恁麼總不得噯噯娑婆訶慧舉似師師曰曾見郭象註莊子識者曰却是莊子註郭象慧見其語異復舉巖頭婆子話問之師答偈曰一葉扁舟泛渺茫呈撓舞權別官商雲山海月都拋却贏得莊周蝶夢長慧休去馮公疑其所悟不根後過無錫招至舟中問曰婆生七子六箇不遇知音祇這一箇也不消得便棄水中大慧老師言道人理會得且如何

入室問答

入院示衆

會師曰。已上供過。並是詣實。馮公大驚。○慧挂牌次。師入室。慧問。古人不出方丈。爲甚麼却去莊上喫油。餐師曰。和尚放妙。總過妙。總方敢通箇消息。慧曰。我放你過。你試道看。師曰。妙。總亦放。和尚過。慧曰。爭奈油餐。何。師喝一喝。而出。於是聲聞四方。○隆興改元。舍人張公孝祥來守是郡。以資壽挽開法入院上堂。宗乘一唱三藏。絕證祖令。當行十方。坐斷二乘。聞之怖走。十地到此。猶疑若是。俊流未言而論。設使用移星換斗。底手段。施機旗。奪鼓底機關。猶是空拳。豈有實義。向上一路。千聖不傳。學者秀形。如猿捉影。靈山付囑。俯徇時機。演唱三乘。各隨根器。始於鹿野苑。轉四諦法輪。度百千萬衆。山僧今日。與此界他方。乃佛乃祖。山河大地。草木叢林。現前四衆。各轉大法輪。交光相耀。如寶絲網。若一草一木。不轉法輪。則不得名爲轉大法輪。所以道於一毫端。現寶王刹。坐微塵裏。轉大法輪。乘時於其中間。作無量無邊廣大佛事。周徧法界。一爲無量無量爲一小中。現大大中。現小小中。步步遊彌勒樓閣。不返聞入觀音普門。情與無情。性

嗣從山景

格物

相平等。不是神通妙用。亦非法爾。如然於此。個體分明。皇恩佛恩。一時報足。且道是如何。是報恩一句。天高羣象正。海潤百川潮。○上堂。黃面老人。橫說豎說。權說實說。法說喻說。建法幢。立宗旨。與後人作榜樣。爲甚麼却道。始從鹿野苑。終至跋提河。於是二中間。未嘗說一字。點檢將來。大似抱贓叫屈。山僧今日。人事忙冗。且放過一著。便下座。

侍郎張九成無垢居士。丁巳秋。大慧禪師董徑山學者。仰如星斗。公閱其語要。歎曰。是知宗門有人。持以語即惟向禪師。恨未一見。及爲禮部侍郎。偶參政劉公。請慧說法于天竺。公三往。不值。暨慧報謁。公見。但寒暄而已。慧亦默識之。尋奉祠還里。至徑山。與馮給事諸公議格物。慧曰。公祇知有格物。而不知有物。格公茫然。慧大笑。公曰。師能開諭乎。慧曰。不見小說載。唐人有與安祿山謀叛者。其人先爲闕守。有畫像。在焉。明皇幸蜀。見之。怒令侍臣以劍擊其像。首時。闕守居陝西。首忽墮地。公聞。頓領深旨。題不動軒壁曰。子韶格物妙。喜物格。欲識一貫兩箇五百慧。始許可。後守

邵陽丁父難過徑山。飯僧秉鈞者。意慧議及朝政。遂
竄慧於衡陽。令公居家守服。服除。安置南安。丙子春。
蒙恩北還。道次新淦。而慧適至。與聯舟。劇談宗要。未
嘗語往事。○丁丑秋。丐祠枉道。訪慧於育王。越明年。
慧得旨。復領徑山。公謁於慶善院。曰。某每於夢中。必
誦語孟。何如。慧舉圓覺曰。由寂靜故。十方世界。諸如
來心。於中顯現。如鏡中像。公曰。非老師莫聞此論也。
參政李邨居士。字漢老。醉心祖道。有年。聞大慧排默。
照爲邪禪。疑怒相半。及見慧示衆。舉趙州庭柏垂語。
曰。庭前柏樹子。今日重新。舉打破。趙州關特地尋言。
語敢問大衆。既是打破。趙州關爲甚麼却特地尋言。
語良久。曰。當初祇道而長短。燒了方知地不平。公頓
悟。謂慧曰。無老師後。語幾蹉過。後以書咨決曰。某近
扣籌室。承激發蒙滯。忽有省入。願惟根識暗鈍。平生
學解。盡落情見。一取一捨。如衣壞絮。行草棘中。適自
纏繞。今一笑頓釋。所疑欣幸。可量。非大宗匠。委曲垂
慈。何以致此。自到城中。著衣喫飯。抱子弄孫。色色仍
舊。既無拘執之情。亦不作奇特之想。其餘夙宿舊障。

三

詞徑山泉

激發靈機

亦稍輕微。臨行叮嚀之語。不敢忘也。重念始得入門。
而大法未明。應機接物。觸事未能無礙。更望有以提
誨。使卒有所至。庶無玷於法席矣。又書曰。某比蒙誨
答。備悉深旨。某自驗者。三一事無逆順。隨緣即應。不
留習中。二宿習濃厚。不加排遣。自爾輕微。三古人公
案。舊所茫然。時復瞥地。此非自昧者。前書大法未明
之語。蓋恐得少爲足。當廣而充之。豈別求勝解耶。淨
勝現流。理則不無。敢不銘佩。
寶學劉彥脩居士。出知永嘉。問道於大慧禪師。慧曰。
僧問趙州。狗子還有佛性也。無。趙州道無。但怎麼看。
公後乃於柏樹子上。發明有頌曰。趙州柏樹太無端。
境上追尋也大難。處處綠楊堪繫馬。家家門底透長
安。
提刑吳偉明居士。久參真歇了禪師。得自受用。三昧
爲極。致後訪大慧於洋嶼庵。隨衆入室。慧舉狗子無
佛性。詰問之。公擬答。慧以竹筴便打。公無對。遂留咨
參。一日。慧謂曰。不須呈伎倆。直須啐地折。曝地斷。方
敵得生死。若祇呈伎倆。有甚了期。卽辭去。道次延平。

倏然契悟

嗣徑山果

門司黃彥節居士於大慧一喝下疑情頓脫。慧以衣付之。

嗣徑山果

秦國夫人計氏妙真。屏去紛華。習有為法。因大慧還謙禪者。致問其子魏公公留謙。以祖道誘之。真一日問謙曰。徑山和尚尋常如何為人。謙曰。和尚祇教人看狗子。無佛性。及竹篋子話。祇是不得下語。不得思量。不得向舉起處會。不得向開口處承。當狗子還有佛性也。無。無祇怎麼教人看真。遂諦信。於是夜坐力究前話。忽爾洞然。無滯謙辭。歸真親書入道牒。略作數偈呈慧。其後曰。逐日看經文。如逢舊識人。莫言頻有礙。一舉一同新。

嗣虎丘隆

楊岐正脉
心佛一作見

天童應庵曇華禪師住歸宗。曰。大慧在梅陽。有僧傳師垂示語句。慧見之。極口稱歎。後以偈寄曰。坐斷金輪第一峯。千妖百怪盡潛蹤。年來又得真消息。報道楊岐正脉。通其歸重如此。○上堂云。參禪人切忌錯用心。悟明佛性是錯用心。成佛作祖是錯用心。看經講教是錯用心。行住坐臥是錯用心。喫粥喫飯是錯

嗣育王裕

用心。屙屎送尿。是錯用心。一動一靜。一往一來。是錯用心。更有一處錯用心。歸宗不敢與諸人說。破何故。一字入公門。九牛車不出。頌示衆曰。如世良馬。見鞭影而行。時佛照光和尚出衆云。見鞭影者。非良馬。師休去。增收頌示衆曰。盡力道不得底句。不在天台。定在南嶽。增收師於室中能鍛鍊者。艾故世稱大慧與師居處。爲二甘露門。嘗誡徒曰。衲僧家著草鞋住院。何啻如蛇蛇戀窟乎。

嗣育王裕

清涼坦禪師有僧舉大慧竹篋話。請益師示以偈曰。徑山有箇竹篋。直下別無道理。佛殿厨庫三門穿過。衲僧眼耳。其僧言下有省。淨慈水庵一禪師首參雪峯慧照禪師。照舉藏身無迹話。問之。師數日方明。呈偈曰。藏身無迹。更無藏脫。體無依便。斯當古鏡不勞還。自照淡煙和露濕。秋光照質之。曰。畢竟那裏是藏身無迹處。師曰。嘎。照曰。無蹤跡處。因甚麼莫藏身。師曰。石虎吞卻木羊兒。照深肯之。住後上堂。舉圓悟師翁道。參禪參到無參處。參到無參始徹頭。水庵則不然。參禪參到無參處。參到

嗣唐王裕

無參未徹頭。若也欲窮千里目。直須更上一層樓。頌室中問僧曰。西天鬚子。因甚無髮增收。

嗣大鴻泰

道場無庵。全禪師久依佛智。每入室。智以狗子無佛性話問之。師罔對。一日聞僧舉五祖頌云。趙州露刃。劒忽大悟。有偈曰。鼓吹轟轟。祖半肩。龍樓香噴。益州船。有時赤脚弄明月。踏破五湖波底天。

嗣大鴻泰

慧通且禪師。初出關至德山。值泰上堂。舉趙州曰。臺山婆子。已爲汝勘破了也。且道意在甚麼處。良久曰。就地撮將黃葉去。入山推出白雲來。師聞釋然。

學處不立

靈巖安禪師上堂。參禪不究淵源。觸途盡爲留礙。所以守其靜默。澄寂虛閑。墮在毒海。以弱勝強。自是非他立人。我量見處偏枯。遂致優劣不分。照不攝。用用不離。窠此乃學處不立。盡爲流俗到這裏。須知有殺中透脫。活處藏機。佛不可知。祖莫能測。所以古人道。有時先照後用。且要共你商量。有時先用後照。你須是箇漢。始得有時照用。同時你又作麼生抵當。有時照用不同時。你又向甚麼處湊泊。還知麼。穿楊箭與驚人句。不是臨時學得來。

嗣唐國元

根性陋劣

敲磬

嗣唐國元

四喝註解

國清簡堂機禪師上堂。單明自己樂。是苦因趣向宗乘。地獄劫在五。日一參三八。普說自揚家醜。更若問理問事。問心問性。克由叵耐。若是英靈。漢窺籬不入。據鼎不啻便於未有生佛。已前轉得身。却於今時大官路上。捷行濶步。終不向老鼠窟草窠裏。頭出頭沒。若也根性陋劣。要去有滋味處咬嚼。遇著義學阿師。遞相錮鑊。直饒說得雲興雨現。也是蝦蟇化龍。下稍依舊。喫泥喫土。堪作甚麼。○示衆云。觀色卽空。成大智。故不住生死。觀空卽色。成大悲。故不證涅槃。生死不住。涅槃不證。漢地不收秦地。不管且道在甚麼處安身立命。莫是昭昭於心目之間。而相不可覩。晃晃於色塵之內。而理不可分。麼莫是起坐鎮相隨。語默同居止。麼若恁麼總是。觸骸前敲磬。須知過量人。自有過量用。且作麼生是過量用。北斗藏身。雖有語出羣消息。少人知。焦山或庵體禪師上堂。舉臨濟示衆四喝公案。乃召衆曰。這箇公案。天下老宿拈掇甚多。第恐皆未盡善。焦山不免四稜著地。與諸人分明註解。一徧如何是。

踞地師子咄如何是金剛王寶劍咄如何是探竿影
草咄如何是一喝不作一喝用咄若也未會拄杖子
與焦山吐露看卓一下曰笑裏有刀又卓一下曰毒
蛇無眼又卓一下曰忍俊不禁又卓一下曰出門是
路更有一機學話長老也理會不得○室中常舉若
帚柄問學者曰依稀若帚柄髣髴赤班蛇衆皆下語
不契有僧請益師示以頌曰依稀若帚柄髣髴赤班
蛇棒下無生忍臨機不識爺

嗣慶國元

湛堂深禪師佛涅槃日上堂兜率降生雙林示滅掘
地討天虛空釘橛四十九年播土揚塵三百餘會納
盡敗缺盡力布網張羅未免喚龜作鼈末後拘尸城
畔梯示雙趺旁人冷眼看來大似弄巧成拙卓拄杖
曰若無這箇道理千古之下誰把口說且道是甚麼
道理凝人面前切忌漏洩

嗣慶國元

參政錢端禮居士從此庵發明已事後於宗門旨趣

一一極之示微恙有訣別之語得
去留自在恐繁不具錄

嗣慶國元

東山齊已禪師上堂舉修山主偈曰是柱不見柱非
柱不見柱是非已去了是非裏薦取召大眾曰薦得

嗣慶國元

是移花兼蝶至薦得非擔泉帶月歸是也好鄭州黎
勝青州棗非也好象山路人蓬萊島是亦沒交涉踏
著秤鎚硬似鐵非亦沒交涉金剛寶劍當頭截呵呵
呵會也麼知事少時煩惱少識人多處是非多連社
上堂

文長
不錄

疎山歸雲本禪師上堂久雨不晴戊在丙丁通身泥
水露出眼睛且道是甚麼眼睛卓拄杖曰林間泥滑
滑時叫兩三聲

嗣慶國元

內翰曾開居士紹興辛未佛海補三衢光孝公與超
然居士趙公訪之問曰如何是善知識海曰燈籠露
柱貓兒狗子公曰爲甚麼贊即歡喜毀即煩惱海曰
侍郎曾見善知識否公曰某三十年參問何言不見
海曰向歡喜處見煩惱處見公擬議海震聲便喝公
擬對海曰開口底不是公罔然海召曰侍郎向甚麼
處去也公猛省遂點頭說偈曰咄哉瞎驢叢林妖孽
震地一聲天機漏泄有人便問意如何拈起拂子劈
口截海曰也祇得一概

嗣慶國元

知府葛郊居士嘗問諸禪曰夫妻二人相打通兒子

作證且道證父即是證母即是或庵著語曰小出大遇或庵有頌

謝華嚴氏

徑山寶印禪師謁大慧慧問甚處來師曰西川慧曰未出劒關與汝三十棒了也師曰不合起動和尚慧欣然掃室延之○上堂將心除妄妄難除即妄明心道轉迂桶底趯穿無忌諱等閑一步一芙蓉

謝文殊道

楚安方禪師附商舟過湘南舟中聞岸人操鄉音厲聲云叫那由是有省即說偈曰沔水江心喚一聲此時方得契平生多年相別重相見千聖同歸一路行

謝文殊道

文殊業禪師世爲屠宰一日戮猪次忽洞徹心源即棄業爲比丘述偈曰昨夜又心今朝菩薩面菩薩與夜又不隔一條線往見文殊殊曰你正殺猪時見箇甚麼便乃剃頭行脚師遂作鼓刀勢殊喝曰這屠兒參堂去師便下參堂○上堂舉趙州勘婆話乃曰勘婆婆子面青面黑趙州老漢瞞我不得

謝佛燈珣

稠巖贊禪師上堂舉趙州狗子無佛性話乃曰趙州狗子無佛性萬疊青山藏古鏡赤脚波斯入大唐八臂那吒行正令咄

謝佛燈珣

封皮

待制潘良貴居士隨衆參扣後依佛燈久之不契因訴曰某祇欲化去時如何燈曰好箇封皮且留著使用而今不了不當後去忽被他換却封皮卒無整理處公又以南泉斬貓兒話問曰某看此甚久終不透徹告和尚慈悲燈曰你祇管理會別人家貓兒不知走却自家狗子公於言下如醉醒燈復曰不易公進此一步更知有向上事始得如今士大夫說禪說道祇依著義理便快活大率似將錢買油糞喫了便不飢其餘便道是瞞他亦可笑也公唯唯

謝迦摩明

無爲隨庵緣禪師上堂以一統萬一月普現一切水會萬歸一一切水月一月擴展則彌綸法界收來毫髮不存雖然收展殊途此事本無異致但能於根本上著得一隻眼去方見三世諸佛歷代祖師盡從此中示現三藏十二部一切修多羅盡從此中流出天地日月萬象森羅盡從此中建立三界九地七趣四生盡從此中出沒百千法門無量妙義乃至世間工巧諸伎藝盡現行此事所以世尊拈華迦葉便乃微笑達磨面壁二祖於是安心桃華盛開靈雲疑情淨

上二作裏

盡擊竹作響香嚴頓忘所知以至盤山於肉案頭悟道彌勒向漁市上接人誠謂造次顛沛必於是經行坐臥在其中既有如是奇特更有如是光輝既有如是廣大又有如是周徧你輩諸人因甚麼却有迷有悟要知麼幸無徧照處剛有不明時

嗣雲居悟

萬年閑禪師上堂全機敵勝猶在半途啐啄同時白雲萬里纔生朕兆已落二三不露鋒鋦成何道理且道從上來事合作麼生誣人之罪以罪加之

嗣雲居悟

中際能禪師往來龍門雲居有年未有所證一日普請擇菜次高庵忽以貓兒擲師懷中師擬議庵攔臂踏倒於是大事洞明

嗣雲居悟

普雲圓禪師上堂舉僧問雲門如何是透法身句門曰北斗裏藏身師曰南北東西萬萬年乾坤上下兩無邊相逢相見呵呵咲屈指擡頭月半天

嗣烏巨行

退庵休禪師上堂言發非聲是箇甚麼色前不物莫亂針錐透過禹門風波更險咄

嗣烏巨行

長蘆且庵仁禪師上堂百千三昧無量妙門今日且庵不惜窮性命祇做一句子說與諸人乃卓拄杖下

嗣雲居如

座

圓極岑禪師上堂今朝八月初五好事分明爲學嶺頭漠漠秋雲樹底鳴鳩喚雨昨夜東海鯉魚吞却南山猛虎雖然有照有用畢竟無賓無主唯有文殊普賢住住我識得你

嗣道揚辨

覺報清禪師上堂舉僧問雲門如何是諸佛出身處門曰東山水上行師曰諸佛出身處東山水上行石壓筍斜出岸懸花倒生

嗣道揚辨

何山然禪師侍正堂之久入室次堂問貓兒爲甚麼偏愛捉老鼠曰物見主眼卓豎堂欣然因命分座

嗣黃龍思

信相修禪師上堂舉馬祖不安公案乃曰兩輪舉處煙塵起電急星馳擬何止目前不礙往來機正令全施無表裏丈夫意氣自衝天我是我兮你自你

嗣大禹果

玉泉窮谷連禪師開堂日問答已乃曰衲僧向人天衆前一問一答一擒一縱一卷一舒一挨一拶須是具金剛眼睛始得若是念語之流君向西秦我之東魯於宗門中殊無所益這一段事不在有言不在無言不礙有言不礙無言古人垂一言半句正如國家

控人入處

兵器不得已而用之。橫說豎說。祇要控人入處。其實不在言句上。今時人不能一徑徹證根源。祇以語言文字而爲至道。一句來一句去。喚作禪道。喚作向上。向下。謂之菩提涅槃。謂之祖師巴鼻。正是鄭州出賣。門從上宗師會中。往往真箇以行脚爲事。底纔有疑處。便對衆決擇。祇一句下。見諦明白。造佛祖直指不傳之宗。與諸有情盡未來際。同得同證。猶未是泊頭處。豈是空開唇皮。胡言漢語。來所以南院示衆云。諸方祇具啐啄同時。眼不具啐啄同時。用時有僧問。如何是啐啄同時。用院曰。作家不啐啄。啐啄同時。失僧曰。猶是學人問處。院曰。如何是你問處。曰。失院便打。其僧不契。後至雲門會中。因二僧舉此話。一僧曰。當時南院棒折。那其僧忽悟。即回南院。院已遷化。時風穴作維那問曰。你是問先師啐啄同時話底僧。那僧曰。是穴曰。你當時如何。曰。我當時如在燈影裏行。穴曰。你會也。師乃召大衆曰。暗穿玉線。密度金針。如水入水。似金博金。敢問大衆。啐啄同時。是親切處。因甚却失。若也會得。堪報不報之恩。共助無爲之化。便可

嗣大漢果

嗣大漢果

嗣大漢果

嗣大漢果

嗣大漢果

橫身宇宙。獨步大方。若跳不出。依前祇在架子下。大漢行禪。師上堂。不是心。不是佛。不是物。且道是箇甚麼。不在內。不在外。不在中間。畢竟在甚麼處。苦苦有口說不得。無家何處歸。

老衲證禪。師上堂。萬象之中。獨露身。如何說箇獨露底道理。豎起拂子。曰。到江吳地。盡隔岸。越山多山。堂淳禪。師上堂。俱胝一指頭。一毛拔九牛。華嶽連天。碧黃河徹底流。截却指。急回眸。青筇笠前。無限事。絲蓑衣底。一時休。

復庵封禪。師上堂。天寬地大。風清月白。此是海宇清平底時節。衲僧家等閑問著。十箇有五隻。知有祇如夜半華嚴池。吞却揚子江。開明橋。撞倒平山塔。是汝諸人還知麼。若也知去。試向非非想天。道將一句來。其或未知。擲下拂子。曰。須是山僧拂子始得。

野庵璿禪。師上堂。喫粥了也。未趙州無忌諱。更令洗鉢。孟太煞沒巴鼻。悟去由來不丈夫。這僧那免受塗糊。有指示無指示。韶石四稜渾塌地。入地獄如箭射雲岫。清風生大厦。相逢携手上高山。作者應須辯真。

嗣石頭圓

假真假分若爲論。午夜寒蟾出海門。
雲居蓬菴會禪師。上堂舉教中道。若見諸相非相。卽
見如來作麼生。是非相底道理。伴走詐羞偷眼。覷竹
門斜掩半枝花。

嗣教中光

中庵空禪師。上堂。千家樓閣一霎秋風。祇知襟袖涼。
生不覺園林落葉於斯薦得。觸處全真。其或未然。且
作寒溫相見。

嗣東林願

遯菴珠禪師。上堂。玉露垂青草。金風動白蘋。一聲寒
鴈叫喚起未惺人。

嗣東林願

次日入菴

淨慈肯堂无禪師。聞東林謂衆曰。我此間別無玄妙。
祇有木札羹鐵釘。飯任汝咬嚼。師竊喜之。直造謁陳。
所見解林曰。據汝見處。正坐在鑒覺中。師疑不已。將
從前所得底。一時颺下一日。聞僧舉南泉道時人見。
此一株花如夢相似。默有所覺曰。打草祇要蛇驚。次
日入室。林問那裏是巖頭密啓。其意處。師曰。今日捉
敗這老賊林。曰。達磨大師性命在汝手裏。師擬開口。
薰鼻攔胃一拳。忽大悟。直得汗流浹背。點首自謂曰。
臨濟道黃檗佛法無多子。豈虛語耶。遂呈頌曰。爲人

嗣東林願

嗣西禪帝

須爲徹殺人。須見血。德山與巖頭。萬里一條鐵。林然
之住後。上堂。世尊不說說迦葉。不聞聞卓拄杖曰。水
流黃葉來何處。牛帶寒鴉過遠村。頌示衆云。觀方知
彼去。去者不至。芳草鞋跟忽斷。全身在帝鄉。增收
智者元庵慈禪師。遊講肆聽講。圓覺至四大各。雖今
者妄身當在何處。畢竟無體實同幻化。因而有省。作
頌曰。一顆明珠在我這裏。撥著動著放光動地。以呈
諸講師。無能曉之者。歸以呈其師。遂舉狗子無佛性
話。詰之。師曰。雖百千萬億公案。不出此頌也。其師以
爲不遜。乃叱出。師因南遊至廬山。圓通挂搭時。已庵
爲西堂。爲衆入室。舉僧問雲門。撥塵見佛時如何。門
云。佛亦是塵。師隨聲便喝。以手指臂曰。佛亦是塵。師
復頌曰。撥塵見佛。佛亦是塵。問了。答了。直下翻身。勸
君更盡一杯酒。西出陽關無故人。已庵深肯之。
鼓山木庵永禪師。謁懶庵於雲門。一日入室。庵曰。不
問有言不問無言。世尊良久。不得向世尊良久處。會
隨後便喝。倏然契悟。作禮曰。不因今日問爭喪目前。
機庵許之。○上堂。舉睦州示衆云。諸人未得箇入處。

屬下入處

須得箇入處。既得箇入處。不得忘却。老僧師曰。怎麼說話。面皮厚多少。木庵則不然。諸人未得箇入處。須得箇入處。既得箇入處。直須颺下。入處始得。

屬西庫

龍翔柏堂雅禪師上堂。大機貴直截。大用貴頓發。縱有齒鏃機一鎚。須打殺。何故。我王庫內無如是刀。○上堂。紫藤伸拳。筍破梢。楊花飛盡。綠陰交。分明西祖單傳句。黃栗留鳴。燕語巢。這裏見得諦信得及。若約諸方決定明。窻下安排。龍翔門下直是一鎚鎚。殺何故。不是與人難共住。大家縑素要分明。

屬西庫

劍門分庵主依懶庵。未有深證。辭謁徑山大慧行次。江干仰瞻宮闕。聞街司喝侍。郎來釋然。大悟作偈曰。幾年箇事挂。曾懷問盡諸方眼。不開肝膽此時俱裂。破一聲。江上侍郎來。遂徑回西禪。懶庵迎之。付以伽黎。

屬天章

天童密庵傑禪師謁應庵於衢之明果庵。孤硬難入。屢遭呵。頌庵問。如何是正法眼師。遽答曰。破沙盆庵領之。○上堂。學金峯和尚示衆云。老僧二十年前有老婆心。二十年後無老婆心。時有僧問。如何是和尙。

屬天章

二十年前有老婆心。峯云。問凡答凡。問聖答聖。曰。如何是二十年後無老婆心。峯云。問凡不答凡。問聖不答聖。師曰。烏巨。當時若見。但冷笑兩聲。這老漢。忽若瞥地。自然不墮聖凡窠臼。

屬天章

南書記久依應庵於趙州。狗子無佛性。話豁然契悟。有偈曰。狗子無佛性。羅駭星入命。不是打殺人。被人打殺定。庵見喜其脫略。

屬道場全

侍郎李浩居士。幼閱首楞嚴經。如遊舊國。志而不忘。持案後造明果。投誠入室。應庵堪其曾曰。侍郎死後。向甚麼處去。公駭然汗下。庵喝出。公退。參不旬日。竟躋堂奧。以偈寄同參嚴康朝曰。門有孫臏。鋪家存甘贄。妻夜眠還早起。誰悟復誰迷。庵見稱善。

華藏伊庵權禪師。頌管夜坐達旦。行粥者至。忘展鉢。鄰僧以手觸之。師感悟。爲偈曰。黑漆崑崙把釣竿。古帆高挂下驚湍。蘆花影裏弄明月。引得盲龜上釣船。○上堂。禪禪無黨無偏。迷時千里隔。悟在口皮邊。所以僧問石霜。如何是禪。霜云。剋剋又僧問睦州。如何是禪。州云。猛火著油煎。又僧問首山。如何是禪。山云。

三老語

胡孫上樹尾連顛。大衆道無橫徑立處孤危。此三大老行聲前活路。用劫外靈機。若以衲僧正眼檢點將來。不無優劣。一人如張良入陣。一人如項羽用兵。一人如孔明料敵。若人辯白得可。與佛祖齊肩。雖然如是。忽有箇衲僧出來。道長老話作兩橛也。適來道道無橫徑。無黨無偏。而今又却分許多優劣。且作麼生祇對還委。悉麼把手上山齊著力。咽喉出氣自家知。

謝靈林用

僧問石霜。如何是禪。霜云。觀。此問答是石頭遷語。今恐誤耳。

三峯印禪師上堂。舉野狐話曰。不落不昧。誣人之罪。不落不昧。無繩自縛。可憐柳絮隨春風。有時自西還自東。

謝大濟行

德山涓禪師上堂。拈拄杖曰。有時奪人不奪境。拄杖子七縱八橫。有時奪境不奪人。山僧七顛八倒。有時人境兩俱奪。拄杖子與山僧削迹吞聲。有時人境俱不奪。卓拄杖曰。伴我行千里。携君過萬山。忽然撞著臨濟大師時。如何喝曰。未明心地印。難透祖師關。

禪宗正脉卷第十終

會元二十卷終

音釋

偵恥慶切 鈴胡澤切 陡當口切 溝所班切 鱖魚皆切
舟同也 卬占恩切 衰古本切 禪音祀祭 聲五苞切 於旅切 蛙胡蛄切 哈訶臺切 橈如昭切 姿疾資切
淦古南切 泥胡泥切 鎔力故切 鄭徒甘切 咲直引切 啐子律切
聲若竹葉 雲子葉切 提其音切 燕也

教外別傳

明・郭凝之

編

教外別傳序

老胡四十九年呢呢喁喁與有心衆生情投意接說到說不得處突然向龍尾尖上一聲雷震使大地有情一時絕倒翻身轉來便個個能御風騎氣與雨爲雲龍雷迅捷現大人相不屬文字意情領略而得入正法故謂之教外別傳大略此宗之旨不出一箇別字便能攬長河爲酥酪變大地爲黃金千丈舌頭談不到遮裡自然粒粒拋出金剛王屑破人腸胃銷人骨肉化成一道葭管最先之陽氣不特有根者爲花爲果至若頑空恠石莫不孕煖生潤爲之唱和矣海昌黎眉居士既從河洛一派接續子墨氏傳性命之宗爲長者折枝處頓證拈花一脉乃集釋迦而下金色慶喜已至大鑑振起五宗迢迢千古格外之英彙其語而付之梨各各現千百億身處處說法俾人人證而了之方見黎眉通身手眼根根毛孔放光說法爲先覺宗乘諸大老中傑出之英照映末世不肖矢心此道力荷有年嚶鳴天表未有和者忽頒來書於神交之外得我心同始知祖佛猶有真子在法門殷憂

爲之頓釋因序其教外別傳而復贅五宗之象語云

吳門鄧蔚山天壽聖恩禪寺於密法藏和南撰

教外別傳序

世尊付法傳衣叮囑迦葉吾以清淨法眼涅槃妙心實相無相微妙正法將付於汝汝當護持并勅阿難副貳傳化無令斷絕

世尊末後慇懃將千二百斤擔子一肩卸却以此觀之四十九年所說脩多羅教皆利生接物邊事總非究竟若依禪僧論正是狼尾掃跡愈掃愈深習氣未盡過在斯也這個事不在多言多語亦非良久默然只要你中心樹子無根透發靈苗有日

世尊老婆心忒殺露布衆生痴愚以爲香甜菓子逐日研窮噉嚼滋味不知被葛藤縛殺至今若個肯求解脫

世尊涅槃千百餘載猶若今日春風忽忽香飄萬古之嘉運雙林翠靄事跡昭昭果還千劫之模糊象頭麻麥雖示寂不滅不生之金軀而金軀未嘗不盈於

眉目性靈之妙。豈屬衆生脩而後得耶。癡頑眷屬。多生甘受辛苦。住生死宅。造無遮殃。不識自己一段光明。從昔已來。徹天徹地。原是靈山一會。

釋迦非前衆生。非後絕賓主之家。常無生佛之異號。大圓鏡智。塵刹洞然。劫量有盡。光明獨存。無一星道理落意地。若擬一星。即瑕生安。名清淨法眼。如僧伽難提童子。持圓鑑直造羅睺羅尊者前。尊者問汝幾歲。耶曰百歲。尊者曰汝年尙幼。何言百歲。童子曰我不會理。正百歲耳。尊者曰汝善機耶。童子曰佛言若人生百歲。不會諸佛機。未若生一日而得決了之尊者曰汝手中者當何所表。童子曰諸佛大圓鑑內外無瑕翳。兩人同得見心眼。皆相似。果然果然。西天祖師舌根生利。神通奇特。豈離衆生心。別有至二十八祖菩提達磨。卽東土初祖。知震旦國衆生有大乘根器。飄然獨往。別出手眼。拈提微笑之旨。唱言不立文字。教外別傳。直指人心。見性成佛。果教外有別傳乎。因末法衆生多泥文字。所說聖教以爲實法。不信向上一著。無脩無證之天真。絕死絕生之佛性。擲身心

於草莽。誅六根爲棄物。故來掃除枝蔓。坐斷葛藤。要你覲體承當。頓明心地。九載之下。得四人焉。慧可大師一枝傳至六祖。六祖已後衣鉢不傳。以心印心。祖相繼盡。乃言句活人。瞬目揚眉。皆成剩法。迨德山鑒黃檗。運便作恠變色作用。至大慧杲。卽不然一棹千江狂波。頓息棒喝置之高閣矣。大慧杲後自元迄明。所出明眼知識益盛。雖語錄流通。無入

龍藏可嗟。近今邪師說法。塗玷宗門。西來見性一宗。已成七家村婆子傳口。令相似祖佛。無如奈何。今教外別傳一部。鹽官黎眉居士新集居士久探禪宗深窮旨趣。祖佛機緣。分清理路。古今拈頌貫串源頭。末法經素。當薦取自己本來面孔。勿向外尋討。此心晝夜不昏。歷劫不壞。心外無佛。脩竹蒼松。佛外無心。山河大地。直下了然。莫耽文字。精一工夫。頓開正眼。燄續祖燈。斬新條令。抑古佛家風。揚祖師心。印拈一瓣香。以報居士始知上來清淨法眼。元在皇明崇禎癸酉中秋日。徑山語風圓信撰。

教外別傳序

老僧嚮讀大慧語見拈水潦和尚因緣謂潦纔舉揚便賣弄者一踏云自從一喫馬師踏直至如今笑不休渠又何曾有峰巒疊翠澗水潺湲岸柳含烟庭花笑日鶯啼喬木蝶舞芳叢底說話來古今洪詞便利無過此老看他恁麼舉示則不專在言句尖新唯貴提其至要而已云何至要不見他室中間僧德山見僧入門便棒臨濟見僧入門便喝雪峰見僧便道是甚麼睦州見僧便道現成公案放汝三十棒者四個老漢還有爲人處也無僧云有大慧云劄僧擬議大慧便喝出遵璞聞之忽然脫去從前惡知惡解遂成個灑灑地衲僧又鼎需入室大慧問云內不放出外不放入正當恁麼時如何需擬對大慧以竹筴打三下需忽大悟又大悲閑長老入室大慧問不與萬法爲侶者是什麼人閑云扶不起大慧云扶不起是什麼人速道速道閑擬對大慧便打忽然大悟可見棒喝急切要密開人正眼脫人情解無過此也所以老僧生平不解打之適唯以條棒一味從頭棒將去直

要人向棒頭拂著處豁開正眼徹見自家境界不從他得迥出教內教外名言則方知黎眉居士所集從上佛祖機語決定不是文字方能撩起便行羅籠不住呼喚不回直饒如是只堪自了若論戰也各各力在轉處不滯玄妙理致一味活捉生擒向上全提本分一著超佛越祖獨脫單行縱奪自繇殺活自在能治一切名言不坐死地不瞞人眼方堪利己利人其或未然且向者冊子上東觀西觀忽然覩著却來老僧手裡請棒喫既是覩著因甚却要喫棒還有繇素得底麼若繇素不出且莫輕擬棒喝著

崇禎辛未 阿育王寺方丈老僧圓悟題

教外別傳目錄

卷一

釋迦牟尼佛賢劫第四尊

卷二

西天祖師

一祖摩訶迦葉尊者 二祖阿難尊者

三祖商那和修尊者 四祖優波鞠多尊者

五祖提多迦尊者 六祖彌遮迦尊者

七祖婆須密尊者 八祖佛陀難提尊者

九祖伏駄密多尊者 十祖脇尊者

十一祖富那夜奢尊者 十二祖馬鳴尊者

十三祖迦毗摩羅尊者 十四祖龍樹尊者

十五祖迦那提婆尊者 十六祖羅睺維多尊者

十七祖僧伽難提尊者 十八祖伽耶舍多尊者

十九祖鳩摩羅多尊者 二十祖闍夜多尊者

二十一祖婆修盤頭尊者

二十二祖摩拏羅尊者 二十三祖鶴勒那尊者

二十四祖師子尊者

二十五祖婆舍斯多尊者

二十六祖不如密多尊者

二十七祖般若多羅尊者

卷三

東土祖師

初祖菩提達磨大師 二祖慧可禪師

三祖僧璨禪師 四祖道信禪師

五祖弘忍禪師 六祖慧能禪師

卷四

四祖旁出法嗣一世

牛頭山法融禪師

四祖旁出二世

牛頭融 牛頭山智嚴禪師 無機緣
法嗣 不錄

四祖旁出三世

牛頭嚴 牛頭山慧方禪師 無機緣
法嗣 不錄

四祖旁出四世

牛頭方 牛頭山法持禪師 無機緣
法嗣 不錄

四祖旁出五世

牛頭持 牛頭山智威禪師 無機緣
法嗣 不錄

四祖旁出六世

牛頭威 安國玄挺禪師 鶴林玄素禪師 無機緣
法嗣 不錄

四祖旁出七世

鶴林素 徑山道欽禪師

四祖旁出八世

徑山欽
法嗣 鳥窠道林禪師

五祖旁出法嗣一世

北宗神秀禪師無機緣
不錄 嵩嶽慧安國師無機緣
不錄

蒙山道明禪師

五祖旁出二世

北宗秀
法嗣 壽州道樹禪師 嵩山普寂禪師無機緣
不錄

嵩嶽安
法嗣 嵩嶽破竈墮和尚

五祖旁出二世

嵩山寂
法嗣 終南山惟政禪師

破竈墮
法嗣 嵩山峻極禪師

六祖旁出法嗣一世

吉州志誠禪師 洪州法達禪師

壽州智通禪師 江西志徹禪師

信州智常禪師 廣州志道禪師

永嘉真覺禪師 河北智隍禪師

南陽慧忠國師 荷澤神會禪師

六祖旁出二世

南陽忠
法嗣 耽源應真禪師

卷五

六祖法嗣

南嶽懷讓禪師

南嶽下一世

南嶽讓
法嗣 江西馬祖道一禪師

南嶽下一世

馬祖一
法嗣 百丈懷海禪師

南泉普願禪師

歸宗智常禪師

五洩靈默禪師

麻谷寶徹禪師

西堂智藏禪師

永泰靈湍禪師無機緣
不錄

泐潭法會禪師

泐潭惟建禪師

石鞏慧藏禪師

南源道明禪師

泐潭常安禪師

天王道悟禪師語具
別卷

鹽官齊安國師

大梅法常禪師

盤山寶積禪師

東寺如會禪師

章敬懷暉禪師

大珠慧海禪師

杉山智堅禪師

蒼溪道行禪師

北蘭讓禪師

中邑洪恩禪師

汾州無業禪師

鷺湖大義禪師

伊闕自在禪師

三角總印禪師

魯祖寶雲禪師

芙蓉太毓禪師

紫玉道通禪師

五臺隱峯禪師

西園曇藏禪師

楊岐甄叔禪師

馬頭神藏禪師

華林善覺禪師

水塘和尚

烏白和尚

古寺和尚

石白和尚

本谿和尚

石林和尚

西山亮座主

齊峯和尚

大陽和尚

百靈和尚

金牛和尚

乳源和尚

松山和尚

則川和尚

打地和尚

秀谿和尚

檉樹和尚

草堂和尚

興平和尚

逍遙和尚

水潦和尚

浮杯和尚

龍山和尚

龐蘊居士

卷六

南嶽下三世

百丈海黃檗希運禪師

鴻山靈祐禪師語具別卷

長慶大安禪師

大慈寰中禪師

平田普岸禪師

石霜性空禪師

古靈神贊禪師

和安寺通禪師

衛國院道禪師

東山慧禪師

清田和尚

百丈涅槃和尚

南泉願趙州從諗禪師

長沙景岑禪師

鄂州紫萸和尚

子湖利蹤禪師

雲際師祖禪師

靈鷲閑禪師

日子和尚

蘇州西禪和尚

陸亘大夫

甘贊行者

鹽官安關南道常禪師無機緣不錄

雙嶺玄真禪師

歸宗常芙蓉靈訓禪師

漢南高亭和尚

五臺智通禪師

高安大愚禪師無機緣不錄

大梅常杭州天龍和尚無機緣不錄

盤山積鎮州普化和尚

麻谷徹 壽州良遂禪師

法嗣 東寺會 薯山慧超禪師

法嗣 西堂藏 虔州處微禪師

法嗣 章敬暉 龜山智具禪師

朗州古堤和尚

永泰端 上林戒靈禪師

湖南祇林和尚

南嶽下四世

黃檗運 臨濟義玄禪師

語具別卷

千頃楚南禪師

羅漢宗徹禪師

長慶安 大隨法真禪師

靈雲志勤禪師

饒州崑山和尚

台州浮江和尚

趙州諡 嚴陽善信尊者

木陳從朗禪師

益州西睦和尚

金州操禪師

五臺祕魔殿和尚

睦州陳尊宿

烏石靈觀禪師

相國裴休居士

靈樹如敏禪師

壽山師解禪師

國歡文矩禪師

文殊圓明禪師

光孝慧覺禪師

杭州多福和尚

長沙岑 雪竇常通禪師

法嗣 子湖蹤 台州勝光和尚

法嗣 開南常 關南道吾和尚

法嗣 高安愚 末山尼了然禪師

法嗣 天龍 金華俱胝和尚

南嶽下五世

陳尊宿 陳操和尚書

卷七

南嶽下二世

馬祖一 天王道悟禪師

南嶽下三世

天王悟 龍潭崇信禪師

南嶽下四世

龍潭信 德山宣鑒禪師

南嶽下五世

德山鑒 嚴頭全齋禪師

感潭資國禪師

泉州瓦棺和尚

日容遠和尚

漳州羅漢和尚

雪峯義存禪師

瑞龍慧恭禪師

高亭簡禪師

南嶽下六世

岩頭庵 瑞巖師彥禪師
法嗣

玄泉山彥禪師
無機緣不錄

羅山道閑禪師

雪峰存 雲門文偃禪師
法嗣 語具別卷

玄沙師備禪師

長慶慧稜禪師

保福從展禪師

鼓山神晏國師

龍華靈照禪師

翠巖令參禪師

鏡清道忞禪師

安國弘瑤禪師

睡龍道溥禪師
無機緣不錄

金輪可觀禪師

長生皎然禪師

鷺湖智孚禪師

隆壽紹卿禪師

雲蓋歸本禪師

洛京南院和尚

龍興宗靖禪師

越山師魯禪師

福清玄訥禪師

建州夢筆和尚

潮山延宗禪師

太原孚上座

南嶽惟頸禪師

南嶽下七世

玄泉彥 黃龍誨機禪師
法嗣

羅山閑 明招德謙禪師
法嗣

西川定慧禪師

天竺義澄禪師

玄沙備 羅漢桂琛禪師
法嗣

安國慧球禪師

大章契如菴主

國清師靜上座

長慶稜 招慶道匡禪師
法嗣

鷺嶺明遠禪師

龍華彥球禪師

報慈光雲禪師

廣嚴咸澤禪師

新羅龜山和尚

太傅王延彬居士

保福展 報恩道熙禪師
法嗣

招慶省澄禪師

鼓山晏 天竺子儀禪師
法嗣

白雲智作禪師

鼓山智岳禪師

龍華照 報國院照禪師
法嗣

烏巨儀晏禪師

鏡清忞 資福智遠禪師
法嗣

烏巨儀晏禪師

安國瑤 瑞峯志端禪師
法嗣

睡龍溥 保福清豁禪師
法嗣

南嶽下八世

黃龍机 嘉州黑水和尚
法嗣

呂巖真人

羅漢琛 清涼文益禪師
法嗣 語具別卷

清溪洪進禪師

清涼休復禪師

龍濟紹修禪師

龍華球 酒仙遇賢禪師
法嗣

南嶽下九世

清溪進 圓通緣德禪師
法嗣

卷八 臨濟宗

南嶽下四世

黃檗運 臨濟義玄禪師
法嗣

南嶽下五世臨濟下一世

臨濟玄 興化存獎禪師
法嗣

寶壽沼禪師

三聖慧然禪師

魏府大覺和尚

灌溪志閑禪師

涿州紙衣和尚

定州善崔禪師

鎮州萬壽和尚

幽州譚空和尚

滄州米倉和尚

虎溪庵主

定上座

齋上座

南嶽下六世臨濟下二世

興化獎 南院慧顒禪師
法嗣

守廓侍者

寶壽沼 西院思明禪師
法嗣

寶壽和尚

紙衣 際上座
法嗣

南嶽下七世臨濟下三世

南院順 風穴延沼禪師
法嗣

穎橋安禪師

西院明 興陽歸靜禪師
法嗣

南嶽下八世臨濟下四世

風穴沼 首山省念禪師
法嗣

廣慧真禪師

南嶽下九世臨濟下五世

首山念 汾陽善昭禪師
法嗣

葉縣歸省禪師

神鼎洪譔禪師

谷隱蘊聰禪師

廣慧元璉禪師

三交智嵩禪師

仁王處評禪師

智門迥罕禪師

鹿門慧昭山主

南嶽下十世臨濟下六世

汾陽昭 石霜楚圓禪師
法嗣

瑯琊慧覺禪師
無機緣不錄

大愚守芝禪師

無機緣不錄

法華全舉禪師

芭蕉谷泉禪師

龍華曉愚禪師

天聖皓泰禪師

龍潭智圓禪師

葉縣省 浮山法遠禪師
法嗣

谷隱聰 金山曇穎禪師
法嗣

龍華齊岳禪師
無機緣不錄

大乘德遵禪師

永慶光普禪師

駙馬李遵昂居士

英公夏竦居士

廣慧苑
法嗣 華嚴道隆禪師

文公楊億居士

卷九 臨濟宗

南嶽下十一世臨濟下七世

石霜圓
法嗣 楊岐方會禪師

黃龍慧南禪師

翠巖可真禪師

蔣山贊元禪師

靈隱德章禪師

瑯琊覺
法嗣 定慧超信禪師無機緣不錄

真如方禪師

興教坦禪師

歸宗可宣禪師

長水子璿講師

大愚芝
法嗣 雲峯文悅禪師

金山頴
法嗣 淨住居說禪師

節使李端愿居士

龍華岳
法嗣 西余淨端禪師

南嶽下十二世臨濟下八世

楊岐會
法嗣 白雲守端禪師

保寧仁勇禪師

黃龍南
法嗣 黃龍祖心禪師

東林常總禪師無機緣不錄

寶峯克文禪師

大滄懷秀禪師無機緣不錄

黃檗惟勝禪師

開元子琦禪師

仰山行偉禪師

雲蓋守智禪師

建隆昭慶禪師無機緣不錄

隆慶慶閑禪師

泐潭洪英禪師

雪峯道圓禪師

翠岩真
法嗣 大滄慕喆禪師無機緣不錄

定慈信
法嗣 穹窿智圓禪師

南嶽下十三世臨濟下九世

白雲端
法嗣 五祖法演禪師

琅邪永起禪師無機緣不錄

提刑郭祥正居士

黃龍心
法嗣 黃龍悟新禪師

黃龍惟清禪師

泐潭善清禪師

青原惟信禪師

夾山曉純禪師

保福本權禪師

太史黃庭堅居士

祕書吳恂居士

東林總
法嗣 泐潭印乾禪師無機緣不錄

開先行瑛禪師無機緣不錄

褒親有瑞禪師

萬杉紹慈禪師

慧圓上座

內翰蘇軾居士

寶峰文
法嗣 兜率從悅禪師

法雲杲禪師

泐潭文準禪師

慧日文雅禪師無機緣不錄

寶華普鑑禪師

九峯希廣禪師

清涼慧洪禪師

石頭懷志菴主

大潯秀
法嗣 大潯祖瑤禪師 無機緣 不錄

黃榮勝
法嗣 昭覺純白禪師 無機緣 不錄

開元琦
法嗣 尊勝有朋講師

建隆慶
法嗣 泗州用元禪師

大潯結
法嗣 智海道平禪師 無機緣 不錄

光孝慧蘭禪師

潞潭景祥禪師 無機緣 不錄

南嶽下十四世臨濟下十世

五祖演
法嗣 昭覺克勤禪師

太平慧勲禪師

龍門清遠禪師

開福道寧禪師

大隨元靜禪師

無爲宗泰禪師

五祖表自禪師

九頂清素禪師

元禮首座

普融藏主

法闕上座

環邪超
法嗣 金陵僉道婆

黃龍新
法嗣 性空妙普菴主

空室智通道人

鍾山道隆首座

黃龍清
法嗣 上封本才禪師

法輪應端禪師

長靈守卓禪師 無機緣 不錄

潞潭清
法嗣 黃龍道震禪師

萬年法一禪師

潞潭乾
法嗣 天童普交禪師

圓通道旻禪師

二靈知和菴主

開先瑛
法嗣 慈氏瑞仙禪師

兜率悅
法嗣 丞相張商英居士

法雲泉
法嗣 西蜀鑾法師

潞潭準
法嗣 雲巖天游禪師

覺海法因菴主

慧日稚
法嗣 九仙法清禪師

大潯瑤
法嗣 中巖蘊能禪師

照覺白
法嗣 信相宗顯禪師

智海平
法嗣 淨因繼成禪師

懷玉用宣禪師

卷十 臨濟宗

南嶽下十五世臨濟下十一世

昭覺勤
法嗣 徑山宗杲禪師

虎丘紹隆禪師

育王端裕禪師

大潯法泰禪師 無機緣 不錄

護國景元禪師

南峯雲辯禪師

靈隱慧遠禪師

華藏安民禪師

昭覺道元禪師

中竺中仁禪師

象耳袁覺禪師

華嚴祖覺禪師

明因曇玩禪師

道祖首座

宗振首座

樞密徐俯居士

郡王趙令衿居士

侍郎李彌遜居士

覺菴道人祖氏

成都范縣君

太平觀
法嗣

文殊心道禪師

龍牙智才禪師

何山守珣禪師

渤潭擇明禪師

無機緣不錄

祥符清海禪師

龍門遠
法嗣

龍翔士珪禪師

雲居善悟禪師

黃龍法忠禪師

烏巨道行禪師

白楊法順禪師

雲居法如禪師

歸宗正賢禪師

道場明辯禪師

世奇首座

給事馮楫居士

大隨靜
法嗣

石頭自回禪師

護聖居靜禪師

劍門南修道者

尚書莫將居士

龍圖王蕭居士

長慶卓
法嗣

道場慧林禪師

無機緣不錄

雲岩游
法嗣

徑山智策禪師

圓通晏
法嗣

左丞范冲居士

中丞盧航居士

淨因成
法嗣

治父道川禪師

南嶽下十六世臨濟下十二世

徑山泉
法嗣

教忠彌光禪師

東林道頤禪師

西禪鼎需禪師

開善道謙禪師

育王德光禪師

玉泉曇懿禪師

薦福悟本禪師

育王遵璞禪師

能仁祖元禪師

蔣山善直禪師

近禮侍者

資壽尼妙總禪師

侍郎張九成居士

提刑吳偉明居士

門司黃彥節居士

虎丘隆
法嗣

天童曇華禪師

育王裕
法嗣

淨慈師一禪師

道場法全禪師

大溈泰
法嗣

慧通清日禪師

靈巖仲安禪師

護國元
法嗣 國清行機禪師

靈隱遠
法嗣 覺阿上人

知府葛郊居士

內翰曾開居士

華藏民
法嗣 徑山寶印禪師

文殊道
法嗣 楚安慧方禪師

文殊思業禪師

佛燈珣
法嗣 待制潘良貴居士

泐潭明
法嗣 無爲守緣禪師

龍翔珪
法嗣 雲居德昇禪師

狼山慧溫禪師

雲居悟
法嗣 中際善能禪師

雲居自圓禪師

烏巨行
法嗣 長蘆守仁禪師

道場辯
法嗣 何山然首座

道場林
法嗣 東山吉禪師

南嶽下十七世臨濟下十三世

教忠光
法嗣 淨慈曇密禪師

東林顯
法嗣 淨慈彥充禪師

智者眞慈禪師

西禪需
法嗣 鼓山安永禪師

劍門安分庵主

開善謙
法嗣 吳十三道人

應菴率
法嗣 天童咸傑禪師

侍郎李浩居士

道場全
法嗣 華藏有權禪師

卷十一 瀋仰宗

南嶽下三世

百丈海
法嗣 瀋山靈祐禪師

南嶽下四世

瀋山祐
法嗣 仰山慧寂禪師

香嚴智閑禪師

徑山洪謹禪師

雙峯和尚無機錄

定山神英禪師

延慶法端禪師

九峯慈慧禪師

京兆府米和尚

晉州霍山和尚

元康和尚

常侍王敬初居士

南嶽下五世

仰山寂
法嗣 南塔光涌禪師

霍山景通禪師

無著文喜禪師

徑山諤
法嗣 洪州米嶺和尚

先雙峯
法嗣 雙峯古禪師

南嶽下六世

南塔涌
法嗣 芭蕉慧清禪師

清化全德禪師

南嶽下七世

芭焦清 鄂州繼徹禪師
法嗣

卷十二 雲門宗

南嶽下六世

雪峰存 雲門文偃禪師
法嗣

南嶽下七世

雲門偃 白雲子祥禪師
法嗣 無機緣

德山緣密禪師
無機緣

巴陵顯鑑禪師

雙泉師寬禪師

香林澄遠禪師

洞山守初禪師

奉先深禪師

雙泉郁禪師
無機緣

清涼智明禪師
無機緣

洞山清稟禪師

雲門朗上座

南嶽下八世

白雲祥 韶州大歷和尚
法嗣

連州寶華和尚

月華山月禪師

德山密 文殊應真禪師
法嗣 無機緣

巴陵鑒 泐潭靈澄散聖
法嗣

雙泉寬 五祖師戒禪師
法嗣 無機緣

香林遠 智門光祚禪師
法嗣 無機緣

洞山初 福嚴良雅禪師
法嗣

乾明睦禪師

雙泉郁 德山慧遠禪師
法嗣 無機緣

清涼明 西峯雲豁禪師
法嗣

南嶽下九世

文殊真 洞山曉聰禪師
法嗣

五祖戒 泐潭懷澄禪師
法嗣 無機緣

北塔思廣禪師
無機緣

智門祚 雪竇重顯禪師
法嗣

雲蓋繼鵬禪師

福嚴雅 北禪智賢禪師
法嗣

德山遠 開先善暹禪師
法嗣

南嶽下十世

洞山聰 雲居曉舜禪師
法嗣

佛日契嵩禪師

洪州太守許式

泐潭澄 育王懷璉禪師
法嗣

九峯鑑韶禪師
無機緣

令滔首座

北塔廣 玉泉承皓禪師
法嗣

雪竇顯 天衣義懷禪師
法嗣

平江惠金典座

報本有蘭禪師
無機緣

北禪賢 法昌倚遇禪師

開先遷 雲居了元禪師

智海本逸禪師 無機緣

南嶽下十一世

雲居舜 蔣山法泉禪師 無機緣

九老紹 大梅法英禪師

天衣懷 慧林圓照禪師

法雲法秀禪師

報本蘭 天鉢重元禪師 無機緣

侍郎楊傑居士

智海逸 策判劉經臣居士

南嶽下十二世

南嶽下十二世

蔣山泉 清獻趙抃居士

慧林本 法雲善本禪師 無機緣

本覺守一禪師 無機緣

投子修顥禪師 無機緣

長蘆崇信禪師 無機緣

法雲秀 保寧子英禪師 無機緣

天鉢元 元豐清滿禪師 無機緣

南嶽下十二世

法雲本 寶林果昌禪師

天竺從諫講師

本覺一 天台如菴主

投子順 丞相富弼居士

長蘆信 慧林懷深禪師

保寧英 廣福惟尚禪師

元豐滿 衛州王大夫

卷十三 法眼宗

南嶽下八世

羅漢琛 清涼文益禪師

南嶽下九世

清涼益 天台德韶國師

靈隱清鑑禪師

永明道潛禪師

崇壽契稠禪師 無機緣

羅漢智依禪師

報恩立則禪師

古賢謹禪師

南嶽下十世

天台韶 永明延壽禪師

法嗣 五雲志逢禪師

萬壽如瓊禪師

清涼泰欽禪師

百丈道恒禪師

報恩慧明禪師

雲居清錫禪師

報慈文遂禪師

歸宗策真禪師

廣平守威禪師

智者全肯禪師

瑞鹿遇安禪師

瑞鹿本先禪師

興教洪壽禪師

清涼欽 雲居道齊禪師

法嗣 永明潛 千光環省禪師

法嗣 崇壽稱 淨土惟素禪師 無機緣不錄

南嶽下十一世

雲居齊 瑞嚴義海禪師

法嗣 淨土素 淨土惟正禪師

卷十四

六祖法嗣

青原行思禪師

青原下一世

青原思 石頭希遷禪師

青原下一世

石頭遷 藥山惟儼禪師

潭州大川禪師

長髭曠禪師

招提慧朗禪師

丹霞天然禪師

大顛寶通禪師

京兆尸利禪師

興國振朗禪師

法門佛陀禪師

大同濟禪師

青原下二世

藥山儼 道吾宗智禪師

船子德誠禪師

百嚴明哲禪師

丹霞然 翠微無學禪師

法嗣 潭州川 仙天禪師

法嗣 大顛通 三平義忠禪師

法嗣 長髭曠 石室善道禪師

青原下四世

道吾智 石霜慶諸禪師

法嗣 雲岩晟 洞山良价禪師 語具別卷

神山僧密禪師

船子誠 夾山善會禪師

法嗣 翠微學 清平令遵禪師

白雲山約禪師

孝義空 欽州茂源禪師

青原下五世

雲巖曇晟禪師

柳樹慧省禪師

澧州高沙彌

孝義性空禪師 無機緣不錄

漸源仲興禪師

杏山鑒洪禪師

投子大同禪師

石霜諸
法嗣 大光居誨禪師

九峯道虔禪師

涌泉景欣禪師

雲蓋志元禪師

覆船洪薦禪師

鳳翔石柱禪師

南嶽玄泰禪師
無機緣不錄

龍湖普聞禪師

張拙秀才

夾山舍
法嗣 洛浦元安禪師

蟠龍可文禪師
無機緣不錄

黃山月輪禪師

韶山寰普禪師

太原海湖禪師

清平遷
法嗣 三角令珪禪師

投子同
法嗣 投子感溫禪師

觀音巖俊禪師

青原下六世

九峯虔
法嗣 禾山無殷禪師

涌泉欣
法嗣 六通院紹禪師

洛浦安
法嗣 青峯傳楚禪師

永安善靜禪師

洞溪戒定禪師

蟠龍文
法嗣 太平善道禪師

黃山輪
法嗣 郢州桐泉禪師

卷十五 曹洞宗

青原下四世

雲岩晟
法嗣 洞山良价禪師

青原下五世

洞山价
法嗣 曹山本寂禪師

疎山匡仁禪師

雲居道膺禪師

白水本仁禪師

青林師虔禪師

龍牙居遁禪師

白馬遁儒禪師

北院通禪師

華嚴休靜禪師

京兆峴子和尙

洞山道全禪師

越州乾峯和尙

幽棲道幽禪師

青原下六世

曹山寂
法嗣 洞山道延禪師

欽山文邃禪師

曹山慧霞禪師

金峯從志禪師
無機緣不錄

曹山智炬禪師

草菴法義禪師
無機緣不錄

雲居膺
法嗣 同安不禪師
無機緣不錄

嵇山章禪師

杭州佛日禪師

朱溪謙禪師

疎山仁
法嗣 護國守澄禪師
無機緣不錄

靈泉歸仁禪師

疎山證禪師

黃檗慧禪師

青林虔 廣德延禪師 無機緣 不錄

石門獻蘊禪師

華嚴靜 紫陵匡一禪師

北院通 京兆香城和尚

青原下七世

洞山延 上藍慶禪師

同安慧敏禪師

金峯志 天池智隆禪師

草庵義 龜洋慧忠禪師

同安丕 同安志禪師

護國澄 護國知遠禪師 無機緣 不錄

靈泉仁 大陽慧堅禪師

廣德延 廣德義禪師

石門蘊 石門慧徹禪師 無機緣 不錄

紫陵一 紫陵微禪師

青原下八世

同安丕 梁山緣觀禪師

護國遠 雲頂德敷禪師

石門微 石門紹遠禪師

石門筠首座

青原下九世

梁山觀 大陽警玄禪師

青原下十世

大陽玄 投子義青禪師

福嚴審承禪師

興陽清剏禪師

羅浮顯如禪師

白馬歸喜禪師

青原下十一世

投子青 芙蓉道楷禪師

青原下十二世

芙蓉楷 丹霞子淳禪師 無機緣 不錄

寶峯惟照禪師

石門元易禪師 無機緣 不錄

鹿門法燈禪師

青原下十二世

丹霞淳 長蘆青了禪師

天童正覺禪師

寶峯照 圓通德止禪師

華嚴智朋禪師

石門易 青原齊禪師

天衣法聰禪師 無機緣 不錄

尼佛通禪師

青原下十四世

長蘆了 天童宗珏禪師 無機緣 不錄

天童覺 雪竇嗣宗禪師

善權法智禪師

淨慈慧暉禪師

瑞巖法恭禪師

天衣聰
法嗣 吉祥元實禪師

投子道宣禪師

青原下十五世

天童珙
法嗣 雪竇智鑒禪師

卷十六

過去六佛

毗婆尸佛過去莊嚴劫第九百九十八尊

尸棄佛第九百九十九尊

毗舍浮佛第一千尊

拘留孫佛見在賢劫第一尊

拘那含牟尼佛第二尊

迦葉佛第三尊

西天東土應化聖賢

文殊菩薩

天親菩薩

維摩大士

善財童子

須菩提尊者

舍利弗尊者

殃崛摩羅尊者

賓頭盧尊者

障蔽魔王

那吒太子

跋陀禪師

金陵寶誌禪師

雙林善慧大士

南嶽慧思禪師

天台智者禪師

泗州僧伽大聖

天台豐干禪師

天台寒山大士

天台拾得大士

明州布袋和尚

法華志言大士

扣冰澡先古佛

千歲寶掌和尚

法順大師

未詳法嗣

實性大師

茶陵郁山主

僧肇法師

禪月質休禪師

先淨照禪師

公期和尙

唐朝因禪師

法海立禪師

樓子和尙

神照本如法師

天竺證悟法師

淨居尼玄機

亡名古宿二十六則

亡名宰官七則

亡名行者五則

亡名道婆五則

宋世玉音

太宗皇帝

徽宗皇帝

孝宗皇帝

教外別傳目錄終

教外別傳卷一

釋迦牟尼佛

釋迦牟尼佛賢劫第四尊周昭王二十四年甲寅歲四月

八日生至四十二年二月八日年十九欲求出家而自念言當復何遇即於四門遊觀見四等事心有悲喜而作思惟此老病死終可厭離於是夜子時有一天人名曰淨居於窻牖中叉手白言出家時至可去矣太子聞已心生歡喜即逾城而去於檀特山中修道始於阿藍迦藍處三年學不用處定知非便捨復至鬱頭藍弗處三年學非非想定知非亦捨又至象頭山同諸外道日食麻麥經于六年故經云以無心意無受行而悉摧伏諸外道先歷試邪法示諸方便發諸異見令至菩提故普集經云菩薩於二月八日

明星出時成道號天人師時年三十矣即穆王三年癸未歲也既而於鹿野苑中爲僑陳如等五人轉四諦法輪而證道果說法住世四十九年後告弟子摩訶迦葉吾以清淨法眼涅槃妙心實相無相微妙正法將付於汝汝當護持并勅阿難副貳傳化無令斷絕而說偈曰法本法無法無法法亦法今付無法時法法何曾法爾時世尊說此偈已復告迦葉吾將金縷僧伽梨衣傳付於汝轉授補處至慈氏佛出世勿令朽壞爾時世尊至拘尸那城告諸大衆吾今背痛欲入涅槃即往熙連河側娑羅雙樹下右脇累足泊然宴寂自世尊滅後一千一十七年教至中夏即後漢永平十年戊辰歲也○世尊纔生下乃一手指天一手指地周行七步目顧四方曰天上天下唯吾獨尊雲門偈云我當時若見一棒打殺與狗子喫貴圖天下太平雪竇顯云便與掀倒禪牀法昌遇云好一棒太遲生未離兜率脚眼下好與一錘豈到今日雖然如是也是賊過後張弓雲峰悅云雲門雖有定龍之謀且無出身之路保寧勇頌云涅槃未分人未曉乾坤纔剖事潛彰天生伎倆能奇恁末上輪他弄一場末上賣鮑正是依草附木二俱不了以左手拍禪牀云過這邊惹汝諸人還知明果落處麼珊瑚枕上兩行淚半是思君半恨君高峯妙云世尊大似靈龜曳尾自

取喪身之兆雲門雖則全提正令也是爲他閑事長無明當時但於地上劃一圓相就圓相中書箇丁字復展兩手示之管取冰消瓦解解楚石琦頌云九龍吐水自空來觀足金蓮遍地開天上人間藏不得這回不免出胞胎獨稱尊向誰說錯承當第二月且如何是第一月貼金粟悟云我不似雲門大驚小怪我當時若見但向前以手加額云猫看他面皮向甚處着他若更擬議便與薰面一睡徑山信云世尊奇特忒殺奇特未免傍觀者頌云七步周行也不妨指天指地○世尊便耶當大風吹倒梧桐樹自有傍人說短長

一日陞座大衆集定文殊白椎曰諦觀法王法法王

法如是世尊便下座芭蕉徹云忙忙者市地普天雪寶顯頌云列聖叢中作者知

法王法令不如斯會中若有仙陀客何必文殊下一槌

天童覺頌云一段真風見也麼元元化母理機梭織

成古錦含春象無奈東君漏泄何萬峯詩云世尊也是起模畫樣文殊亦乃見境生情出來道箇諦觀法王

法法王法如是且道此語落在文殊處落在世尊處

金粟悟云文殊大似認影迷頭世尊也是脚眼不着地

徑山信云雙髻當時若在春却文殊提子喝一喝看

那黃面老人作何去就頌云張耶沉醉一盃酒扶醉李

那醉更深不顧脚跟三○世尊一日陞座默然而坐

尺水只貪經步上高岑

阿難白椎曰請世尊說法世尊曰會中有二比丘犯

律行我故不說法阿難以他心通觀是比丘遂乃遣

出世尊還復默然阿難又白適來爲二比丘犯律是

二比丘已遣出世尊何不說法世尊曰吾誓不爲二

乘聲聞人說法便下座南堂靜云前箭猶輕後箭深高峯妙云世尊能挽千鈞

之弩銀山鐵壁箭箭相通阿難雖有隱身之術殊不覺獨體後中箭還有彈得過底麼○世尊

一日陞座大衆集定迦葉白椎曰世尊說法覓世尊便下座芭蕉徹云兩箇漢大似無孔笛遇著響拍板○世尊九十日在忉

利天爲母說法及辭天界而下時四衆八部俱往空

界奉迎有蓮花色比丘尼作念云我是尼身必居大

僧後見佛不如用神力變作轉輪聖王千子圍繞

初見佛果滿其願世尊纔見乃訶曰蓮花色比丘尼

汝何得越大僧見吾汝雖見吾色身且不見吾法身

須善提嚴中宴坐却見吾法身薦福懷云蓮華色比丘尼被熱謾且置還

知瞿曇老人性命○世尊昔因文殊至諸佛集處值

在別人手裏麼

諸佛各還本處唯有一女人近彼佛坐入於三昧文

殊乃白佛云何此人得近佛坐而我不得佛告文殊

汝但覺此女令從三昧起汝自問之文殊遶女人三

匝鳴指一下乃托至梵天盡其神力而不能出世尊

曰假使百千文殊亦出此女人定不得下方過四十

二恒河沙國土有罔明菩薩能出此女人定須與罔

明大士從地涌出作禮世尊世尊勸罔明出罔明却

至女子前鳴指一下女子於是從定而出翠巖芝問僧文殊是

七佛師爲甚出女子定不得罔明菩薩下方而至但彈

指一聲便能出定莫有對者乃自代云僧投寺裏宿賊

指一聲便能出定莫有對者乃自代云僧投寺裏宿賊

指一聲便能出定莫有對者乃自代云僧投寺裏宿賊

指一聲便能出定莫有對者乃自代云僧投寺裏宿賊

◆在字疑難
或有字解

打不防家。五雲遙云：不惟文殊不能出此定，但恐如來也。出此定，不得祇如教意，怎生體解？天衣懷願云：文殊托上梵天，阿闍維摩羅童子，黃面瞿曇，看它一倒一起。石門易頌云：坐擁羣峯，覆白雲，啼深谷，不知春巖前花雨紛紛落夢覺，初回識故人。昭覺勸頌云：大定等虛空，廓然誰辨的？女子與瞿曇，據令何調直？師子奮迅，今搖蕩乾坤，象王回旋，今不費餘力，執勝執負，誰出誰入？兩散雲收，青天白日，君不見馬駒踏殺天下人，臨濟未是白拈賊。徑山杲頌云：出得出不得，是定非正定，阿闍維摩羅童子，却窮性命，高峯頌云：兩兩成羣，罪莫窮，謾將風伎逞英雄，當時若作今時，世經使瞿曇也不中。楚石琦頌云：一切處是定，出入有何拘攣？疊疊推倒，女子阿闍維摩羅，出得出不得，無在無不在，女子與瞿曇，盤山元一隊，君不見臺山路，上蓋直婆明州，市裏愁布袋，徑山信云：也奇怪，文殊乃七佛之師，因甚出女人定，不得且道利害在甚處？所云：在頌云：子丑寅卯辰巳午，甲乙丙丁，莫弄箇，警然撞着李將軍，石頭何用？
○世尊因波斯匿王問勝義，識中有世俗諦否？
若言無智不應，二若言有智不應，一一二之義，其義云何？佛言：大王，汝於過去龍光佛法中，曾問此義，我今無說，汝今無聽，無說無聽，是名為一義二義。
翠巖波斯匿王善問，不善答，世尊善答，不善問，一人理上偏枯，一人事上偏枯，翠巖當時若見點一把火，照看黃面老面皮厚多少？
薦福懷云：諸仁者，大王分明問世尊分明答，實主歷然，作麼生說箇無說無聞底道理？
○世尊一日見文殊在門外立，乃曰：文殊，文殊何不入門來？文殊曰：我不見一法在門外，何以教我？入門報慈，遂徵云：爲復是門外語？門內語？
滄山詰代云：吾不如汝。
黃龍新云：文殊恁麼道，入得門入不得門？若

入得門，沐
消瓦解。
○世尊一日坐次，見二人昇豬過，乃問：這箇是甚麼？曰：佛具一切智，豬子也不識。世尊曰：也須問過。
大陽玄云：不因世尊問，泊乎忘却。地藏恩云：瞿曇老漢，也是無端，大似節目上更生節目，忽被二人呵阿大笑。
昇
○世尊因有異學問諸法是常，邪世尊不對，又問諸法是無常，邪亦不對。異學曰：世尊具一切智，何不對我世尊曰：汝之所問，皆爲戲論。
高峰妙云：異學有言，若問世尊無語如雷，遮裏見得分明，正是增益戲論，何故諦聽諦聽？
○世尊一日示隨色摩尼珠，問五方天王：此珠而作何色？時五方天王互說異色。世尊復藏珠入袖，却擡手曰：此珠作何色？天王曰：佛手中無珠，何處有色？世尊嘆曰：汝何迷倒之甚！吾將世珠示之，便各疆說有青黃赤白色，吾將真珠示之，便總不知。時五方天王悉皆悟道。
○世尊因乾闥婆王獻樂，其時山河大地盡作琴聲，迦葉起作舞，王問：迦葉，豈不是阿羅漢？諸漏已盡，何更有餘習？佛曰：實無餘習，莫謗法也。王又撫琴三遍，迦葉亦三度作舞，王曰：迦葉作舞，豈不是佛？曰：實不曾作舞。王曰：世尊，何得妄語？佛曰：不妄語。汝撫琴，山河大地、木石盡作琴聲，豈不是王？曰：是佛。曰：迦葉

亦復如是。所以實不曾作舞王。乃信受。

修山主問澄源禪師乾闥婆王奏樂直得須彌發峯海水騰波迦葉作舞作摩生會源云迦葉過去世曾作樂人來習氣未除修云須彌發峯海水騰波又作摩生澄源休去法眼代云正是習氣虛堂愚頌云有三尺劍可以隔國無千里眼難見懸絲蟻窠堂三師大師徑山信云乾闥婆王被世尊東扯西拽說得却好王雖懷懼而退且信一半願云風不來樹不動田雞不跳草不動乾闥婆王眼失睛埋冤迦葉偷糟變

○世尊因外道問昨日說何法。日說定法。外道曰。今日說何法。日不定法。外道曰。昨日說定法。今日何說不定法。世尊曰。昨日定今日不定。

五祖戒云何得將別人物作自樓打樓大瀉即不然待問昨日說定今日何說不定但云非汝境界薦福懷云黃面老子被外道拶著出自偶然雖然如此邪正未分

○世尊因五通仙人問世尊有六通。我有五通。如何是那一通。佛召五通仙人。

五通應諾。佛曰。那一通。你問我。

雪竇顯云老胡元不知有那一通却因邪

打正。瑯琊覺云。世尊不知可謂因正而打邪。五通因邪而打正。翠巖芝云。五通如是問世尊如是答。要且不會那一通。雲峯悅云。大小瞿曇被外道動破了。有傍不肯底麼。出來我要問你。作麼生是那一通。雲蓋本云。世尊如是召五通。如是應。作麼生是那一通。其久云。婉女已歸香漢。去狀耶。猶向火邊棲。徑山泉云。今時有一種弄泥團漢。往往在那一通處。錯認定盤星。斷橋倫頌云。那一通。你問我。玄關倒插無發鑽等閒。一擊掣得開三箇。○世尊因普眼菩薩欲見普賢。不可得見。乃至三度入定。徧觀三千大千世界。覓普賢不

可得見。而來白佛。佛曰。汝但於靜三昧中起一念。便見普賢。普眼於是纔起一念。便見普賢。向空中乘六

牙白象。雲居舜云諸仁者且作麼生會雲居道普眼推倒世尊世尊推倒普眼你道普賢在甚處

金粟悟云雲居恁麼道未免傍○世尊因自恣日觀者。晒乃召衆云。誰是傍觀者。

文殊三處過夏。迦葉欲白椎擯出。纔拈椎。乃見百千

萬億文殊。迦葉盡其神力。椎不能舉。世尊遂問迦葉。

汝擬擯那箇文殊。迦葉無對。昭覺勸云可惜放過一著待釋迦老子道你欲

擯那箇文殊便與一椎看他作麼合殺頭云大象不遊兔徑無雀安知鴻鵠據令宛若成風破的渾如響鑪偏

界是文殊徧界是迦葉相對各儼然舉錘何處罰好一割金色頭陀會落節雲居元云一家有事百家忙

晦室明云文殊徧越聖制固是罪不容誅大小世尊前

言不副後語楞嚴會上道如是文殊若有二相即非文殊這裏又道欲擯出那箇文殊或亂不少有王當時作

迦葉且放過文殊但擯出世尊一箇何故殺一有罪而

天下咸服高峰妙云文殊知底迦葉不知迦葉知底

文殊不知彼彼不知且置百千萬億文殊那箇是真底

○世尊因長爪梵志索論義。預約曰。我義若墮。我自

斬首。世尊曰。汝義以何爲宗。梵志曰。我以一切不受

爲宗。世尊曰。是見受否。梵志拂袖而去。行至中路。乃

省謂弟子曰。我當回去。斬首以謝世尊。弟子曰。人天衆前。幸當得勝。何以斬首。梵志曰。我寧於有智人前。斬首。不於無智人前得勝。乃歎曰。我義兩處負墮。是

見若受貧門處。能見不受貧門處。細一切人。天二乘皆不知我義。墮處唯有世尊。諸大菩薩。知我義。墮回至世尊前。曰。我義兩處貧墮。故當斬首。以謝世尊。曰。我法中無如是事。汝當同心。向道。於是同五百徒衆。一時投佛出家。證阿羅漢。天衣懷。頌云。是見若受論區。擔耨折兩頭。脫一毛頭上。現乾坤。○世尊昔欲將諸聖衆。往第六天。說大集經。勅他方此土人間。天上一切。憐惡鬼神。悉皆輯會。受佛付囑。擁護正法。設有不赴者。四天門王。飛熱鐵輪。追之令集。既集會已。無有不順。佛勅者。各發弘誓。擁護正法。唯有一魔王。謂世尊曰。瞿曇。我待一切衆生。成佛盡衆生界。空無有衆生名字。我乃

發菩提心。

薦福懷云。臨危不變。真大丈夫。諸仁者。作麼生著得。一轉語。與黃面老子出氣。尋常

神通妙用。智慧辯才。到此總用不著。盡闊浮大地。人無不愛。佛到這裏。何者是佛。何者是魔。還有人辯得麼。良久云。欲得識魔。魔開眼見明。欲得識佛。佛合眼見暗。魔之與佛。以拄杖一時穿却鼻孔。徑山杲云。天衣老漢。恁麼批判。直是奇特。雖然如是。未免話作兩撥。若向何者是佛。何者是魔。處便休去。不妨令人疑著。却云。欲識魔。魔開眼見明。欲識佛。佛合眼見暗。當不少又云。魔之與佛。以拄杖一時穿却鼻孔。雪上加霜。妙喜却與黃面老子代一轉語。待這魔王道衆生界。空無有衆生名字。我乃發菩提心。只向伊道。幾乎錯喚你作魔王。此語有兩負門。若人檢點得出。許伊具衲僧眼。楚石琦云。澤廣藏山。狸能伏豹。二大老。何用多言。只消對魔王道。

魔王魔王。你認那箇作菩提心。還識得也未。設使一切衆生成佛。盡衆生界。空無有衆生名字。你要發心也未。許你在管。取拱手歸降。荆溪傳微云。且○世尊嘗道。這箇魔王。是歸依佛語。是不歸依佛語。與阿難行次。見一古佛塔。世尊便作禮。阿難曰。此是甚麼人塔。世尊曰。此是過去諸佛塔。阿難曰。過去諸佛。是甚麼人弟子。世尊曰。是吾弟子。阿難曰。應當如是。德山密云。過去是現在。弟子實有此理。笑巖贊云。是世尊古佛。亦不須論。祇如阿難云。應當如是。且別有甚麼長處。若人分析得出。當可禮三拜。金粟悟別云。廣慧若作阿難。待世尊道。是吾弟子。但問佛是甚麼人弟子。待世尊疑開口時。便乃作禮。即○世尊因有外道問。不問有言。不問無言。世尊良久。外道讚歎曰。世尊大慈大悲。開我迷雲。令我得入。乃作禮而去。阿難曰。佛外道得何道理。稱讚而去。世尊曰。如世良馬。見鞭影而行。雪竇顯云。邪正不分。過猶鞭影。又云。諸

也無若共相委。知則天下宗師。並爲外道伴。侶如各非印證。則東土衲僧。不如西天外道。頑云。機輪曾未轉。轉必兩頭走。明鏡忽臨臺。當下知妍醜。妍醜分兮迷雲開。慈門何處。生塵埃。因思良馬。竊鞭影。千里追風。喚得回。昭覺勤云。外道因邪打正。世尊看樓打樓。阿難不善傍觀。引得世尊拖泥帶水。若據山僧見處。待他問不問。有言不問。無言和聲。便打及至。阿難問外道。有活人劍。亦和聲便打。何故殺人。須是殺人刀。活人須是活人劍。徑山杲云。邪正兩分。正由鞭影。頑云。兩處牢關。墜却通纖塵。不動自乖宗。忽然業鏡。百難碎。黃面瞿曇。失却蹤跡。楚石琦云。欲識邪正。不問外道。誰是外道。誰是世尊。欲識邪正。兩分。魔世尊。自世尊外道。自外道。此是天寧。

見處一任諸方貶剝笑巖寶云外道大似迷頭摸著
以已方人奈世尊不犯手勢劈臉一掴直得伊聚火星
飛始覺面○世尊一日勅阿難食時將至汝當入城
門著痛

持鉢阿難應諾世尊曰汝既持鉢須依過去七佛儀

式阿難便問如何是過去七佛儀式世尊召阿難阿

難應諾世尊曰持鉢去密庵傑云大小世尊被阿難
輕輕靠著未免喚鐘作甕

遞庵演頌云從前七佛儀式慶喜何曾○世尊因有
欠少堪笑黃面瞿曇無端打箇之邊

比丘問我於世尊法中見處即有證處未是世尊當

何所示世尊曰比丘某甲當何所示是汝此問○世

尊因著婆善別音響至一塚間見五髑髏乃敲一髑

髏問著婆此生何處著婆曰生人道世尊又敲一曰

此生何處著婆曰生天道世尊又別敲一曰此生何

處著婆罔知生處金粟偈代著婆但云生佛處處世尊
若更擬敲時便與震威一喝呵呵

大笑○世尊因黑氏梵志運神力以左右手擎合歡

梧桐花兩株來供養佛佛召仙人梵志應諾佛曰放

下著梵志遂放下左手一株華佛又召仙人放下著

梵志又放下右手一株華佛又召仙人放下著梵志

曰世尊我今兩手皆空更教放下箇甚麼佛曰吾非

教汝放捨其華汝當放捨外六塵內六根中六識一

時捨却無可捨處是汝免生死處梵志於言下悟無

生忍○世尊因靈山會上五百比丘得四禪定具五

神通未得法忍以宿命智通各各自見過去殺父害

母及諸重罪於自心內各各懷疑於甚深法不能證

入於是文殊承佛神力遂手握利劍持逼如來世尊

乃謂文殊曰住住不應作逆勿得害吾吾必被害為

善被害文殊師利爾從本已來無有我人但以內心

見有我人內心起時我必被害即名為害於是五百

比丘自悟本心如夢如幻於夢幻中無有我人乃至

能生所生父母於是五百比丘同讚嘆曰文殊大智

士深達法源底自手握利劍持逼如來身如劍佛亦

爾一相無有二無相無所生是中云何殺密庵傑云
為人須為

切殺人須見血文殊費盡胸頭氣力要且不知此劍來

處帶累釋迦老子通身是口也分疎不下五百比丘恁

麼語去入地獄如箭射忽若踏翻大海翻倒須彌雲門

扇子踴跳上天築著帝釋鼻孔東海鯉魚打一棒兩似

盈傾又作麼生商量良久云自從舞得三臺後拍拍元

來總是歌徑山信云文殊殺佛則且從若無黃面老

笑他家忤逆見戲房羅鼓振天嘶住住住透牛皮雨爛

春風花滿池內心不起如○世尊因地布髮掩泥獻

華於然燈然燈見布髮處遂約退衆乃指地曰此一

方地宜建一梵刹。時衆中有一賢于長者。持標於指。

處插曰。建覺剎竟時。諸天散華讚曰。庶子有大智矣。

天童覺頌云百草頭上無邊春信手拈來用得親丈六
金身功德聚等閒擺手入紅塵塵中能作主化外自來

一寶觸處生涯隨分足未嫌伎倆不如人張無盡頌云

一杖修竹。挺精靈。風搖蟬。蟬入海。南惡水。漲來成第二。
鐘根蹉過。○世尊因七賢女遊屍陀林。一女指屍曰。
問前三

屍在這裏。人向甚處去。一女曰。作麼作麼。諸姊諦觀。

各各契悟。感帝釋散華曰。惟願聖姊有何所須。我當

終身供給女曰。我家四事七珍。悉皆具足。唯要二般。

物一要無根樹子一株二要無陰陽地一片三要叫

不響山谷。一。所。帝釋曰。一切所須。我悉有之。若三般。

物我實無得。女曰。汝若無此爭解。濟人帝釋罔措。遂

同往白佛。佛言。憍尸迦。我諸弟子。大阿羅漢。不解此。

義唯有諸大菩薩乃解此義。黃龍心云。樹子若無。寧善給濟。既要給濟。心不

且道帝釋是會不會又道善說般若感我天宮又道無

無根樹子。大衆且作麼生。明得不孤負聖女。若也不會。不得孤負帝釋。歸宗亦有箇無位真人。慙慙癡癡跛跛。

挈挈且恁麼過時。喝一喝。昭覺勦頌云。無陰陽地。無
根樹谷。呼不應當頭。露羅列七珍森太虛。動地雨花無。

量數。天帝釋七賢女。明明指出真金處。
無生無法本。如如只箇如今。離言語。
○世尊因調

達謗佛生身入地獄。遂令阿難問你在地獄中安否。

調達曰。我雖在地獄。如三禪天樂。佛又令問。你還求

出否。調達曰。我待世尊來。便出。阿難曰。佛是三界大

師豈有入地獄分。調達曰。佛既無入地獄分。我豈有

出地獄外
翠巖鼻云親言出親口
笑提婆達多入捺落十小劫波雖然得三
湛堂準頌云好

入分喚什麼作釋迦老子喚什麼作提婆達多喚什麼
 禪妙樂吹布毛須還鳥窠徑山杲云既無出分又無

作地獄還委悉麼自携瓶去沽村酒却着衫來作主人
楚石琦云妙喜與麼批判刁刀相似魚魯差殊不知

釋迦老子口是釋迦老子提婆達多自是提婆達多地獄自是地獄料掉沒交涉一夜落花雨滿城流水香

金粟悟云調達如世刁惡誣謗無罪之人平白陷人反
自取陷不能取勝務須打箇平交然則翠巖道親言出

親口是點哥語是證明語 ○世尊因文殊忽起佛見法見被世尊

威神攝向二鐵圍山
五雲逢云什麼處是二鐵圍山
還會麼如今若有人起佛見法

見五雲與烹茶兩斷且道是賞伊是罰伊同教意不同教意白雲端云大衆世尊當時無大人相如今若有

向承天這裏起佛見法見承天終不敢教勤著他何謂
如此但得雪消去自然春到來五祖演云白雲則具

大慈悲。遂拍手云。曼珠室利。普賢大士。不審今後更放也。無自云。一度被蛇傷。怕見。斷井索。千巖長云。大衆。

不起佛見法見還免得貶向鐵
○城東有一老母與

佛同生而不欲見佛。每見佛來。即便回避。雖然如此。

回顧東西總皆是佛。遂以手掩面於十指掌中。亦總

是佛
雪竇顯云諸上座他雖是箇老婆宛有丈夫之
作既印回避稍難不免吞聲飲氣如今不欲見

佛即許你切忌以手掩面何以明眼底觀著將謂雪竈門下教你學老婆禪天奇瑞云境本無境強生其境

心本無心。強生其心。所以展轉不得自在。心境雙亡。愛憎俱殞。再說什麼見與不見。既然十指皆佛。何須分別。只爲妄立。所以難除。倘達其源。一道清孤。笑巖實頌云。克乎已。復乎禮。出乎爾。必返乎爾。四維上下。避無方。平地顯交。平地起。十指掌中。悉見佛。錯認山僧。拄杖子。召云。諸大德。看看。釋迦老子。同十方。微塵。佛把臂。越山門。入來也。汝等又作麼。生回。還復云。切忌。撞破。獨轡。徑山信頌云。老母城東。亦丈夫。眼晴。清冷。絕話。詎三千。里外相逢。着不是。當年。這老胡。莫謂。似月中。無影。休辜負。若向空王殿。上行。脚眼。斬斷。誰回互。○殃。幅摩羅。因持鉢至一長者門。其家婦人。正值產難。子母未分。長者曰。瞿曇弟子。汝爲至聖。當有何法。能免產難。殃幅語長者曰。我乍入道。未知此法。待我回問世尊。却來相報。及返具事。白佛。佛告殃幅。汝速去報言。我自從賢聖法來。未曾殺生。殃幅奉佛語。疾往告之。其婦得聞。當時分免。徑山果頌云。華陰山前百尺井。中有寒泉。徹骨冷。誰家女子來照影。不照其餘。照斜領。覺海元頌云。聖法從來不殺生。本無生殺。亘精明。是諸人我皆空。相一切冤親。盡假名。甘露。纔露。除熱惱。玉蓮金子。兩數榮。徑山信云。殃幅傳言。送語好。與三十拄杖。其婦當時分免。且許一半。何故貪觀。天上月。失却手中。撓頌云。牆角花容欲綻。眉曉。霜清。冷蘊。香池。橫開。不在春枝上。別有家風一奇。○世尊在靈山會上。拈華示衆。是時衆皆默然。唯迦葉尊者。破顏微笑。世尊曰。吾有正法眼藏。涅槃妙心。實相無相。微妙法門。不立文字。教外別傳。付囑摩訶迦葉。雲峯悅因僧問。靈山拈華。意旨如何。答云。一言既出。駟馬難追。問迦葉微笑。意旨如何。答云。

云。口是禍門。白雲端云。迦葉善觀風雲。別氣色。雖然如是。還覺頂門重麼。頌云。盡說拈花微笑。是不知將底辨宗風。若言心眼。同時證。未免朦朧。在夢中。黃龍心云。直下穿過。獨體已是。換却眼。睛臨危。不在悚人。向甚處見。釋迦老子。高峯妙云。世尊扶頭。迦葉扶尾。直至如今。擡舉不起。莫有共着力者麼。以兩手作扶勢云也。只兀底。徑山信云。世尊說法。四十九年。不知賺殺多少人。到這裏。猶是放不下。咄。莫作是說。樹高千丈。葉落歸根。三乘十二分。教乃拈華之註脚。世尊還記得麼。頌云。末後拈來。花一枝。露濃香冷。報君知。人天百萬。同長短。何故偏消。迦葉疑可。○世尊至多子塔前。命摩訶惜許。春風。遙送。殘更雨。迦葉分座。令坐。以僧伽梨圍之。遂告曰。吾以正法眼藏。密付於汝。汝當護持。傳付將來。與化獎因僧問。多子塔前。共談何事。與化云。一人傳虛。萬人傳實。海印信頌云。密傳分半座。正好薰面睡。不與麼。且放過。子孫未免遭殃禍。○世尊臨入涅槃。文殊大士。請佛再轉法輪。世尊咄曰。文殊。吾四十九年住世。未曾說一字。汝請吾再轉法輪。是吾曾轉法輪邪。雪峯空云。且道。世尊從文殊請。不從文殊請。北磬簡頌云。末上何曾轉法輪。只今再轉。謾勞神。○世尊於涅槃會上。以手摩胸。告衆曰。汝等善觀。吾紫磨金色之身。瞻仰取足。勿令後悔。若謂吾滅度。非吾弟子。若謂吾不滅度。亦非吾弟子。時百萬億衆。悉皆契悟。雲峯悅云。然則膏肓之門。不足以發藥。雲峯今日。且作死馬醫。爾等諸人。皮下有血麼。東禪觀云。其時衆中有箇作者。纔見以手摩胸。便出約住云。瞿曇。你這醜態。止休。拈出也。他若知非。決定絨口。免見百萬億衆。墮邪倒見。皖。

山凝頌云老倒瞿曇不識羞臨行猶自逞風流摩曾示衆歸何處啼鳥一聲山更幽 高峯妙云黃面瞿曇四十九年顛之倒之橫說豎說貴圖末後懸懸殊不知賺他百萬億衆至今墮在鐵圍山下無由解脫

諸師拈頌諸經語句

經題八字 僧問地藏以字不成八字不是未審是甚麼字地藏云看取下注脚徑山果頌云

以字不成八字非縹緲羅眼不能窺 華嚴論未離一毛頭上重拈出憤怒那吒失却威

兜率已降王宮未出母胎度人已畢 徑山果頌云利刃有蜜不須砥

蠱毒之家水莫嘗不砥不嘗俱不犯端然衣錦自還鄉天奇瑞云能買能賣輸他作者能微能爲獨尊巧士

山僧無能且乃尋常賞玩羊棧裏是羊猪羣裏是猪牛欄裏是牛馬棧裏是馬無不分明豈可向門庭外別覓

去在且道山僧如是說話還合得世尊用處否若然會得茶來張口飯來舉手一一縱橫無不了畢

身充滿於法界普現一切羣生前隨緣赴感靡不周而恒處此菩提座 天奇瑞云且道佛身與法界相去

多少莫是佛身外別有法界莫是法界就是佛身蓋爲從前蒙昧兩岐所以山僧故故拈

出與汝論量要討箇真實譬如一草是春若山若川無草不春豈草外別有其春豈春外別有其草若然

如是會得風力持帆行不棹笛聲喚月下滄洲 我今普見一切衆生具有如來智慧德相但以妄想

執著而不證得 天童覺頌云天蓋地載成團成塊周法界而無邊際際虛而無內及盡玄

微誰分向背佛祖來償口業債問 文殊所說般若取南泉王老師人人只喫一莖菜

經清淨行者不入涅槃破戒比丘不入地獄 此山應

官酒臥官街當處死當處埋寒山逢拾得撫掌笑哈哈徑山果頌云壁上安燈盡臺前真酒臺閣來打三盞

雲霧

何處得愁來 高峯妙頌云涅槃地獄本無差只爲從前被眼遮 三脚驢兒纔跨跳鏊湯爐炭是吾家

○圓覺經居一切時不起妄念於諸妄心亦不息滅住妄想境不加了知於無了知不辨眞實 徑山果頌

團團似鏡菱角尖尖似錐風吹柳絮毛毳走雨打梨

花蛺蝶飛師答林少瞻云但將此頌放在上面却將經

文移來下面頌却是經經却是頌如此做工夫看莫管

悟不悟心頭休要忙亦不可放緩如調弦之法緊緩得

其所則曲調自成矣 瑯琊覺禪師嘗問講僧云如何

是居一切時不起妄念對云起即是病又問如何是於

諸妄心亦不息滅對云息即是病又問如何是住妄想

境不加了知對云知即是病又問如何是於無了知不

辨眞實對云辨即是病覺公笑云汝識藥矣未識藥中

之忌也寶覺禪師則爲之偈云黃花慢慢翠竹珊珊江

雨地緩緩北春寒遊人去後 一切障礙即見覺

無消息留得雲山到老看 雲行頌云枯樹雲充葉凋梅雪作花擊桐

成木響蕭蕭雪喚冬瓜長天秋水孤鷺落霞 以大

圓覺爲我仰藍 圓悟勸頌云毫髮不留縱橫自由闔

師意明明白百草頭破破孤疑網截斷愛河流縱有回天

力爭如直下休四衢道中淨保保放出瀉山水枯牛

中來喝一喝云三十年後莫道能仁教壞人家男女
天目禮頌云不汝還兮復是誰殘紅落藕釣魚磯日斜
風動無人掃燕子嘲將水 ○佛告阿難吾不見時何
際飛咄咄是無等等呢

不見吾不見之處若見不見自然非彼不見之相若

不見吾不見之地自然非物云何非汝 雪寶頌云
全象全牛意

不殊從來作者共名模如今要見瞿曇老利利塵塵在
半塗 湛堂準頌云老胡徹底老婆心爲阿難陀意轉
深韓幹馬斷芳草渡 ○若能轉物即同如來 白雲端
戴嵩牛臥綠楊陰 頌云若能轉物即同如來春至山花處處開自
有一雙窮相手不曾容易舞三臺 ○法華經是法
住法位世間相常住 雲門偈云釋迦老子甚處去也
朴翁銛頌云世間相常住住黃

鸞啼綠樹真箇可憐生動着便飛去 楊岐會頌云
犬子便吠賊牛子便牽犁納僧若恁麼未曾摸着皮

○佛放眉間白毫相光照東方萬八千世界 圓極岑
頌云蟹

奴赤脚上皇州賣盡珍奇誇白牛貪着市朝人作市又
隨歌舞上官樓多意氣好風流月冷珠簾挂玉鈎分明
忘却來時路百 ○諸法從本來常自寂滅相 昔有僧
誦此忽

起疑日夕不置忽聞鶯啼頓然開悟遂續前語爲偈云
諸法從本來常自寂滅相春至百花開黃鶯啼柳上

○假使滿世間皆如舍利弗盡思共度量不能測佛

智 五祖演云尋常納僧家高揖釋迦不拜彌勒是會佛
智不會佛智衆中有則有只是藏牙伏爪太平有箇
見處不惜眉毛舉向諸人待有人問隨口便答 破庵
先云且畢竟如何是佛智頌云雪子落紛紛烏盆變白
盆忽然日頭出 ○如來如實知見二界之相無有生
依舊是烏盆

死若退若出亦無在世及滅度者非實非虛非如非

異不如三界現於三界如斯之事如來明見無有錯

謬 圓極岑頌云胸懷峯頭神馬碑字青石赤形模奇無
目仙人繞一見便應撫掌笑嘻嘻雲暗者龍化葛陂

就中一句是正頌有人檢 ○大通智勝佛十劫坐道
點得出許你具一隻眼

塲佛法不現前不得成佛道 徑山杲頌云燕坐道塲
經十劫一一從頭俱漏

泄世間多少守株人 ○金剛般若經凡所有相皆是
梓棒擬打天邊月

虛妄若見諸相非相即見如來 法眼益云若見諸相
非相即不見如來

心聞頌云映林映日一般紅吹落吹開總 ○一切諸
是風可惜擲芳人不見一時分付與遊蜂

佛及諸佛阿耨多羅三藐三菩提法皆從此經出 山首

念因僧問如何是此經首山云低聲僧云如何是愛持
首山云莫染汚 治父川云且道此經從甚處出須彌

頂上大海波心頌云佛祖垂慈實有權言言不離此
經宣此經出處還相委便向雲中駕鐵船切忌錯會 ○

應無所住而生其心 治父川頌云山堂靜坐夜無言
寂寂寥寥本自然何事西風動

林野一聲寒 ○般若心經是大神呪是大明呪是無
鴈唳長天

上呪是無等等呪能除一切苦 無準範頌云點淡離
歸淡離十度船來九

度翻唯有三山陳上舍擔一柄傘岸上行奈我何天
奇瑞云天雲雷雨日月斗星江山水石路井墻城是什

麼境界會得底盡得魔魅一時消
滅不會更聽重宣悉怛多般怛囉

教外別傳卷一

教外別傳卷二

西天祖師

一祖摩訶迦葉尊者

一祖摩訶迦葉尊者。摩竭陀國人也。姓婆羅門。父飲澤母香志。昔爲鍛金師。善明金性。使其柔伏。付法傳云。嘗於久遠劫中。毗婆尸佛入涅槃後。四衆起塔塔中像面。金色有缺。壞時有貧女。將金珠往金師所。請飾佛面。既而因共發願。願我二人爲無姻夫妻。由是因緣。九十一劫身皆金色。後生梵天。天壽盡。生中天摩竭陀國婆羅門家。名曰迦葉。波此云飲光。勝尊蓋以金色爲號也。緣是志求出家。冀度諸有。佛言。善來比丘。鬚髮自除。袈裟著體。常於衆中稱歎第一。復言。吾以清淨法眼。將付於汝。汝可流布。無令斷絕。爾時迦葉告諸比丘。佛已茶毗。金剛舍利。非我等事。我等宜當結集法眼。無令斷絕。於是得神通者。悉集王舍耆闍崛山。畢鉢羅窟時。阿難爲漏未盡。不得入會。後證阿羅漢果。由是得入迦葉乃白衆言。此阿難比丘。

多聞總持有大智慧。常隨如來。梵行清淨。所聞佛法。如水傳器。無有遺餘。佛所讚歎。聰敏第一。宜可請彼集修多羅。藏大衆默然。迦葉告阿難曰。汝今宜宣法眼。阿難聞語。禮衆僧足。升法座而宣。是言如是我聞。一時佛住某處。說某經。教乃至人天等作禮奉行時。迦葉問諸比丘。阿難所言不錯謬乎。皆曰。不異世尊所說。迦葉乃告阿難言。我今年不久留。今將正法付囑於汝。汝善守護。聽吾偈言。法本來法。無法無非。法何於一法中。有法有不法。說偈已。乃持僧伽梨衣入雞足山。俟慈氏下生。卽周孝王五年丙辰歲也。

二祖阿難尊者

二祖阿難尊者。王舍城人也。姓剎利帝。父斛飯王。實佛之從弟也。梵語阿難陀。此云慶喜。亦云歡喜。如來成道夜生。因爲之名。多聞博達。智慧無礙。世尊以爲總持第一。嘗所讚歎。加以宿世有大功德。受持法藏。如水傳器。佛乃命爲侍者。○尊者一日白佛言。今日入城見一奇特事。佛曰。見何奇特事。尊者曰。入城時見一攢衆人作舞。出城總見無常。佛曰。我昨日入城。

亦見一奇特事。尊者曰：未審見何奇特事。佛曰：我入城時，見一攢樂人作舞。出城時，亦見樂人作舞。○一日問迦葉曰：師兄世尊傳金襴袈裟外，別傳箇甚麼。迦葉召阿難。阿難應諾。迦葉曰：倒却門前刹竿著。汾陽昭云：不問那知。五祖戒云：露翠巖芝云：千年無影樹。今時沒底靴。涵潭清云：刹竿未倒穿却諸人鼻孔。換却諸人眼睛。刹竿倒後，向什麼處見釋迦老子。天童覺頌云：影略門前倒刹竿。箇中消息授傳難。玲瓏侍者能相委。盤走明珠珠走盤。萬峯詩云：迦葉喚阿難。暗號私通。倒却門前刹竿。依前不會。若問嵩山世尊傳金襴外，別傳何物。只對他道：低聲低聲。且道：古人是同是別。天奇瑞云：七處徵心，八還顯見。徒誇溟裡之花，五陰揭盡。七大遍周。在現空中之色，若不重詢，焉知不是何故。醒後方知。酒醒人，一呼之下，千古分明。何須倒却門前刹竿。丹霞遙映。○尊者念先所度脫弟子，前水疑是成川，血上流。

○尊者念先所度脫弟子，應當來集，須臾五百羅漢從空而下，為諸仙人出家授具。其仙衆中有二羅漢，一名商那和修，二名末田地。迦尊者知是法器，乃告之曰：昔如來以大法眼付大迦葉。迦葉入定而付於我。我今將減用傳於汝。汝受吾教，當聽偈言。本來付有法付了，言無法。各各須自悟悟了，無無法。

三祖商那和修尊者

三祖商那和修尊者，摩突羅國人也。亦名舍那婆斯。

姓毗舍多。父林勝母憍奢耶。在胎六年而生。梵語商諸迦。此云自然服。即西域九枝秀草名也。若聖人降生，則此草生於淨潔之地。和修生時，瑞草斯應。昔如來行化至摩突羅國，見一青林枝葉茂盛，語阿難曰：此林地名優留茶。吾滅度後一百年，有比丘商那和修於此轉妙法輪。後百歲果誕和修出家，證道受慶。喜尊者法眼化導，有情及止。此林降二火龍歸順。佛教龍因施其地，以建梵宮。尊者化緣既久，思付正法，尋於吒利國得優波穗多，以為給侍。因問穗多曰：汝年幾。穗多曰：我年十七。尊者曰：汝身十七，性十七。邪穗多曰：師髮已白，為髮白。邪心白，邪尊者曰：我但髮白，非心白。耳穗多曰：我身十七，非性十七也。金粟大小祖師尊者知是法器，後三載遂為落髮授具，乃話作兩偈。

四祖優波穗多尊者

告曰：昔如來以無上法眼付囑迦葉展轉相授，而至於我。我今付汝，勿令斷絕。汝受吾教，聽吾偈言。非法亦非心，無心亦無法。說是心法時，是法非心。法說偈已，即隱於罽賓國南象白山中。

四祖優婆塞多尊者。吒利國人也。十七出家。二十證果。隨方行化。至摩突羅國。得度者甚衆。由是魔宮震動。波旬愁怖。遂竭其魔力。以害正法尊者。卽入三昧。觀其所由。波旬復伺便。密持瓔珞。繫之于頸。及尊者出定。乃取人狗蛇三屍。化爲華鬘。更言慰諭。波旬曰。汝與我瓔珞。甚是珍妙。吾有華鬘。以相酬奉。波旬大喜。引頸受之。卽變爲三種臭屍。蟲蛆壞爛。波旬厭惡。大生憂惱。盡已神力。不能移動。乃升六欲天。告諸天主。又詣梵王。求其解免。彼各告言。十力弟子所作神變。我輩凡陋。何能去之。波旬曰。然則奈何。梵王曰。汝可歸心尊者。卽能除斷。乃爲說偈。令其回向。曰。若因地倒還因地。起離地求。起終無其理。波旬受教。已卽下天宮。禮尊者。足哀露懺悔。尊者告曰。汝自今去。於如來正法。更不作燒害。否。波旬曰。我誓回向佛道。永斷不善。尊者曰。若然者。汝可口自唱言。皈依三寶。魔王合掌。三唱華鬘。悉除。乃歡喜踊躍。作禮。尊者在世化導證果最多。每度一人。以一籌置於石室。其室縱十八肘。廣十二肘。充滿其間。最後有一長者。子名曰

香衆來禮尊者。志求出家。尊者問曰。汝身出家。心出家。答曰。我來出家。非爲身心。尊者曰。不爲身心。復誰出家。答曰。夫出家者。無我我。故無我我。故卽心不生。滅心不生。滅卽是常道。諸佛亦常心。無形相。其體亦然。尊者曰。汝當大悟心。自通達。宜依佛法。僧紹隆聖種。卽爲剃度。授具足戒。仍告之曰。汝父嘗夢金日而生。汝可名提多迦。復謂曰。如來以大法眼藏。次第傳授。以至於我。今復付汝。聽吾偈言。心自本來。心本心。非有法。有法有本心。非心非本法。

五祖提多迦尊者

五祖提多迦尊者。摩伽陀國人也。梵語提多迦。此云通眞量。初生之時。父夢金日自屋而出。照耀天地。前有大山。諸寶嚴飾。山頂泉涌。滂沱四流。後遇迦多尊者。設禮奉持。後至中印度。彼國有八千大仙。彌遮迦爲首。聞尊者至。率衆瞻禮。謂尊者曰。昔與師同生梵天。我遇阿私陀仙。授我仙法。師達十力弟子。修習禪那。自此報分殊途。已經六劫。尊者曰。支離累劫。誠哉不虛。今可捨邪歸正。以入佛乘。彌遮迦曰。昔阿私陀

仙人授我記云。汝却後六劫當遇同學。獲無漏果。今也相遇。非宿緣邪。願師慈悲。令我解脫。尊者卽度出家。命諸聖授戒。其餘仙衆。始生我。慢尊者。示大神通。於是俱發菩提心。一時出家。尊者乃告彌遮迦曰。昔如來以大法眼藏。密付迦葉。展轉相授。而至於我。我今付汝。當護念之。乃說偈曰。通達本法心。無法無非法。悟了同未悟。無心亦無法。

六祖彌遮迦尊者

六祖彌遮迦尊者。中印度人也。旣傳法已。遊化至北天竺國。見雉堞之上有金色祥雲。歎曰。斯道人氣也。必有大士爲吾法嗣。乃入城於闐闐間。有一人手持酒器。逆而問曰。師何方來。欲往何所。祖曰。從自心來。欲往無處。曰。識我手中物否。祖曰。此是觸器。而負淨者。曰。師識我否。祖曰。我卽不識。識卽非我。復謂之曰。汝試自稱名氏。吾當後示本因。彼說偈答曰。我從無量劫至于生此國。本姓頗羅墮。名字婆須蜜。祖曰。我師提多迦。說世尊昔遊北印度。語阿難言。此國中吾滅度後三百年。有一聖人。姓頗羅墮。名婆須蜜。而於

禪祖當獲第七世尊記。汝汝應出家。彼乃置器禮師。側立而言曰。我思往劫。嘗作檀那。獻一如來寶座。彼佛記我曰。汝於賢劫。釋迦法中。宣傳至教。今符師說。願加度脫。祖卽與披剃。復圓戒相。乃告之曰。正法眼藏。今付於汝。勿令斷絕。乃說偈曰。無心無可得。說得不名法。若了心。非心始解。心心法。

七祖婆須蜜尊者

七祖婆須蜜尊者。北天竺國人也。姓頗羅墮。常服淨衣。執酒器遊行里閤。或吟或嘯。人謂之狂。及遇彌遮迦尊者。宣如來往誌。自省前緣。投器出家。受法行化。至迦摩羅國。廣興佛事。於法座前。忽有智者。自稱我名佛陀難提。今與師論義。祖曰。仁者論卽不義。義卽不論。若擬論義。終非義論。難提知師義勝。心卽欽服。曰。我願求道。露甘露味。祖遂與剃度。而授具戒。復告之曰。如來正法眼藏。我今付汝。汝當護持。乃說偈曰。心同虛空界。示等虛空法。證得虛空時。無是無非法。

八祖佛陀難提尊者

八祖佛陀難提尊者。迦摩羅國人也。姓瞿曇氏。頂有

肉髻辯捷無礙。初遇婆須蜜出家受教。既而領徒行化。至提伽國毗舍羅家。見舍上有白光上騰。謂其徒曰。此家有聖人口。無言說。真大乘器。不行四衢。知觸機耳。言訖。長者出致禮。問何所須。祖曰。我求侍者。長者曰。我有一子名伏駄蜜。多年已五十口。未曾言足。未曾履祖。曰。如汝所說。真吾弟子。伏駄聞之。遽起禮拜。而說偈曰。父母非我親。誰是最親者。諸佛非我道。誰為最道者。祖以偈答曰。汝言與心親。父母非可比。汝行與道合。諸佛心即是。外求有相佛。與汝不相似。欲識汝本心。非合亦非離。伏駄聞偈已。便行七步。祖曰。此子昔曾值佛。悲願廣大。慮父母愛情難捨。故不言不履耳。長者遂捨令出家。祖尋授具戒。復告之曰。我今以如來正法眼藏付囑於汝。勿令斷絕。乃說偈曰。虛空無內外。心法亦如此。若了虛空故。是達真如理。

九祖伏駄蜜多尊者

九祖伏駄蜜多尊者。提伽國人也。姓毗舍羅。既受八祖付囑。後至中印度行化。時有長者香蓋。攜一子而

來瞻禮。祖曰。此子處胎六十歲。因號難生。嘗會一仙者。謂此兒非凡。當為法器。今遇尊者。可令出家。祖即與落髮授戒。告之曰。如來大法眼藏。今付於汝。汝護念之。乃說偈曰。真理本無名。因名顯真理。受得真實法。非真亦非偽。

十祖脇尊者

十祖脇尊者。中印度人也。本名難生。後值九祖執侍。左右未嘗睡眠。謂其脇不至席。遂號脇尊者。初至華氏國。憩一樹下。右手拈地而告衆曰。此地變金色。當有聖人入會。言訖。即變金色。時有長者子富那夜奢。合掌前立。祖問曰。汝從何來。夜奢曰。我心非往祖曰。汝何處住。夜奢曰。我心非止。祖曰。汝不定邪。夜奢曰。諸佛亦然。祖曰。汝非諸佛。夜奢曰。諸佛亦非。大愚云。祖師一問童子。一答總欠。會在如今。諸人作麼生會。徑山杲云。直饒如今會得。更參三生六十劫。祖因說偈。即度出家。復具戒品。乃告之曰。如來大法眼藏。今付於汝。汝護念之。乃說偈曰。真理自然真。因真說有理。領得真。真法無行亦無止。

十一祖富那夜奢尊者

十一祖富那夜奢尊者華氏國人也。既得法於脇尊者。尋詣波羅柰國。有馬鳴大士迎而作禮。問曰。我欲識佛何者。卽是祖曰。汝欲識佛。不識者是馬鳴曰。佛既不識。焉知是乎。祖曰。既不識佛。焉知不是馬鳴曰。此是鋸義祖曰。彼是木義祖。問鋸義者何。馬鳴曰。與師平出。馬鳴却問木義者何。祖曰。汝被我解。馬鳴豁然省悟。稽首皈依。遂求剃度。祖謂衆曰。此大士者。昔爲毗舍利國王。其國有一類人。如馬裸露。王運神力。分身爲蠶。彼乃得衣。王後復生中印度。馬人感戀悲鳴。因號馬鳴。如來記云。吾滅度後六百年。當有賢者。馬鳴於波羅柰國摧伏異道。度人無量。繼吾傳化。今正是時。卽告之曰。如來大法眼藏。今付於汝。卽說偈曰。迷悟如隱顯。明暗不相離。今付隱顯法。非一亦非二。

十二祖馬鳴大士

十二祖馬鳴大士者。波羅柰國人也。既受法於夜奢尊者。後於華氏國轉妙法輪。忽有老人座前仆地。祖謂衆曰。此非庸流。當有異相。言訖不見。俄從地涌出。

一金色人。復化爲女子。右手指祖而說偈曰。稽首長老尊。當受如來記。今於此地上宣通第一義。說偈已。瞥然不見。祖曰。將有魔來與吾較力。有頃風雨暴至。天地晦冥。祖曰。魔之來信矣。吾當除之。卽指空中現一大金龍。奮發威神。震動山岳。祖儼然於座。魔事隨滅。經七日。有一小蟲。大若蟪蛄。潛形座下。祖以手取之。示衆曰。斯乃魔之所變。盜聽吾法耳。乃放之。令去。魔不能動。祖告之曰。汝但歸依三寶。卽得神通。遂復本形。作禮懺悔。祖問曰。汝名誰邪。眷屬多少。曰。我名迦毗摩羅。有三千眷屬。祖曰。盡汝神力。變化若何。曰。我化巨海。極爲小事。祖曰。汝化性海。得否。曰。何謂性海。我未嘗知。祖卽爲說性海。曰。山河大地。皆依建立。三昧六通。由茲發現。迦毗摩羅聞言。遂發信心。與徒衆三千俱求剃度。祖乃召五百羅漢。與授具戒。復告之曰。如來大法眼藏。今當付汝。汝聽偈言。隱顯卽本法。明暗不二。今付悟了法。非取亦非離。

十三祖迦毗摩羅尊者

十三祖迦毗摩羅尊者。華氏國人也。初爲外道。有徒

三千通諸異論。後於馬鳴尊者得法。領徒至西印度。彼有太子名雲。自在仰尊者。名請於宮中供養。祖曰。如來有教。沙門不得親近國王大臣權勢之家。太子曰。今我國城之北有大山焉。山有一石窟。可禪寂于此。否。祖曰。諾。即入彼山。行數里。逢一大蟒。祖直前不顧。盤繞祖身。祖因與授三皈依。蟒聽訖而去。祖將至石窟。復有一老人素服而出。合掌問訊。祖曰。汝何所止。答曰。我昔嘗爲比丘。多樂寂靜。有初學比丘數來請益。而我煩於應答。起瞋恨。想命終墮爲蟒身。住是窟中。今已千載。適遇尊者。獲聞戒法。故來謝爾。祖問曰。此山更有何人居。止曰。北去十里有大樹。陰覆五百大龍。其樹王名龍樹。常爲龍衆說法。我亦聽受耳。祖遂與徒衆詣彼龍樹。出迎曰。深山孤寂。龍蟒所居。大德至尊。何枉神足。祖曰。吾非至尊。來訪賢者。龍樹默念曰。此師得決定性。明道眼否。是大聖繼真乘否。祖曰。汝雖心語。我已意知。但辦出家。何慮吾之不聖。龍樹聞已。悔謝祖。即與度脫及五百龍衆。俱授具戒。復告之曰。今以如來大法眼。藏付囑於汝。諦聽。偈言。

非隱非顯法。說是真實際。悟此隱顯法。非愚亦非智。

十四祖龍樹尊者

十四祖龍樹尊者。西天竺國人也。亦名龍勝。始於摩羅尊者得法。後至南印度。彼國之人多信福業。祖爲說法。迺相謂曰。人有福業。世間第一。徒言佛性。誰能觀之。祖曰。汝欲見佛性。先須除我慢。彼人曰。佛性大小。祖曰。非大非小。非廣非狹。無福無報。不死不生。彼聞理勝。悉回初心。祖復於座上。現自在身。如滿月輪。一切衆唯聞法音。不覩祖相。彼衆中有長者子名迦那提婆。謂衆曰。識此相否。衆曰。目所未覩。安能辨識。提婆曰。此是尊者現佛性體相。以示我等。何以知之。蓋以無相三昧。形如滿月。佛性之義。廓然虛明。言訖輪相。即隱復居本座。而說偈言。身現圓月相。以表諸佛體。說法無其形。用辨非聲色。彼衆聞偈。頓悟無生。咸願出家。以求解脫。祖即爲剃髮。命諸聖授具。其國先有外道五千餘衆。作大幻術。衆皆宗仰。祖悉化之。令歸三寶。復造大智度論中論十二門論。垂之於世。後告上首弟子迦那提婆曰。如來大法眼。藏今當付。

汝聽吾偈言。爲明隱顯。法方說解脫理於法心不證。無瞋亦無喜。

十五祖迦那提婆尊者

十五祖迦那提婆尊者。南天竺國人也。姓毗舍羅。初求福業。兼樂辯論。後謁龍樹大士。將及門。龍樹知是智人。先遣侍者以滿鉢水。置於座前。尊者觀之。卽以一針投之。而進。欣然契會。金粟悟云。迦那提婆。刺腦麼若也。救得。還我頭來。龍樹卽爲說法。法不起於座。現月輪相。唯

聞其聲。不見其形。祖語衆曰。今此瑞者。師現佛性。表說法非聲色也。祖旣得法。後至迦毗羅國。彼有長者曰梵摩淨德。一日園樹生耳。如菌。味甚美。唯長者與第二子羅睺羅多取而食之。取已。隨長盡。而復生。自餘親屬皆不能見。祖知其宿因。遂至其家。長者廼問其故。祖曰。汝家昔曾供養一比丘。然此比丘道眼未明。以虛霑信。施故報爲木菌。唯汝與子精誠供養。得以享之餘。卽否矣。又問長者年多少。答曰。七十有九。祖乃說偈曰。入道不通理。復身還信。施汝年八十一。此樹不生耳。長者聞偈已。彌加歎伏。且曰。弟子衰老。

不能事師。願捨次子。隨師出家。祖曰。昔如來記此子。當第二五百年。爲大教主。今之相遇。蓋符宿因。卽與剃髮執侍。而付法眼。偈曰。本對傳法人。爲說解脫理。於法實無證。無終亦無始。

十六祖羅睺羅多尊者

十六祖羅睺羅多尊者。迦毗羅國人也。行化至室羅筏城。有河名曰金水。其味殊美。中流復現五佛影。祖告衆曰。此河之源。凡五百里。有聖者僧伽難提。居於彼處。佛誌一千年後。當紹聖位。語已。領諸學衆。逆流而上。至彼見僧伽難提。安坐入定。祖與衆伺之。經三七日。方從定起。祖問曰。汝身定邪。心定邪。難提曰。身心俱定。祖曰。身心俱定。何有出入。難提曰。雖有出入。不失定相。如金在井。金體常寂。祖曰。若金在井。若金出井。金無動靜。何物出入。難提曰。言金動靜。何物出入。言金出入。金非動靜。祖曰。若金在井。出者何。金若金出井在者何。物難提曰。金若出井在者。非金。金若在井出者。非物。祖曰。此義不然。難提曰。彼義非善。祖曰。此義當墮。難提曰。彼義不成。祖曰。彼義不成。我義

成矣。難提曰：我義雖成，法非我故。祖曰：我義已成，我無我故。難提曰：我無我故，復成何義？祖曰：我無我故，故成汝義。難提曰：仁者師，誰得是無我？祖曰：我師迦那提婆，證是無我。以偈答曰：我已無我，故汝須見我。我汝若師，我故知我非我。我難提心意豁然，即求度脫。祖曰：汝心自在，非我所繫。於是祖命僧伽難提而付法眼。偈曰：於法實無證，不取亦不離。法非有無相，內外云何起。

十七祖僧伽難提尊者

十七祖僧伽難提尊者，室羅筏城寶莊嚴王之子也。生而能言，常讚佛事。七歲，即厭世樂，以偈告其父母曰：稽首大慈父和南骨血母，我今欲出家，幸願哀愍。故父母固止之。遂終日不食，乃許其在家出家。號僧伽難提，復命沙門禪利多爲之師。積十九載，未嘗退倦。每自念言：身居王宮，胡爲出家？一夕天光下，矚見一路坦平，不覺徐行約十里許，至大巖前有石窟焉。乃燕寂于中。父既失子，即擯禪利多出國訪尋其子。不知所在。經十年，祖得法受記，已行化至摩提國。忽

有涼風襲衆，身心悅適，非常而不知其然。祖曰：此道德之風也。當有聖者出世，嗣續祖燈乎？言訖，以神力攝諸大衆，遊歷山谷，食頃至一峯下。謂衆曰：此峯頂有紫雲如蓋，聖人居此矣。即與大衆徘徊久之，見山舍一童子持圓鑑直造祖前。祖問汝幾歲，邪童曰：百歲。祖曰：汝年尚幼，何言百歲？童曰：我不會理。正百歲耳。祖曰：汝善機邪？童曰：佛言若人生百歲，不會諸佛機，未若生一日而得決了之。祖曰：汝手中者當何所表？童曰：諸佛大圓鑑，內外無瑕翳，兩人同得見，心眼皆相似。彼父母聞子語，即捨令出家。祖攜至本處，授具戒，訖名伽耶舍多。他時聞風吹殿鈴聲，祖問曰：鈴鳴邪？風鳴邪？舍多曰：非風鈴鳴，我心鳴耳。祖曰：心復誰乎？舍多曰：俱寂靜。故祖曰：善哉善哉，繼吾道者非子而誰？即付法眼。偈曰：心地本無生，因地從緣起，緣種不相妨，華果亦復爾。

十八祖伽耶舍多尊者

十八祖伽耶舍多尊者，摩提國人也。母夢大神持鑑，因而有娠。凡七日而誕，肌體瑩如琉璃，未嘗洗沐，自

然香潔幼好閑靜。語非常童。持鑑出遊。遇難提尊者。得度後。領徒至大月氏國。見一婆羅門舍。有異氣。祖將入。彼舍舍主鳩摩羅多問曰。是何徒衆。祖曰。是佛弟子。彼聞佛號。心神竦然。卽時閉戶。祖良久扣其門。羅多曰。此舍無人。祖曰。答無者。誰羅多聞語。知是異人。遽開關。延接祖曰。昔世尊記曰。吾滅後一千年。有大士出現於月氏國。紹隆立化。今汝值吾。應斯嘉運。於是鳩摩羅多發宿命智。投誠出家。授具訖。付法偈曰。有種有心地。因緣能發萌。於緣不相礙。當生生不生。

十九祖鳩摩羅多尊者

十九祖鳩摩羅多尊者。大月氏國婆羅門之子也。昔爲自在天人。欲界第六天見菩薩瓔珞。忽起愛心。墮生忉利。欲界第三天聞憍尸迦說般若波羅蜜多。以法勝故。升于梵天。色界以根利故。善說法要。諸天尊爲導師。以繼祖時。至遂降月氏。後至中天竺國。有大士名闍夜多。問曰。我家父母素信三寶。而常縈疾。療凡所營。作皆不如意。而我鄰家久爲旃陀羅行。而身常勇健。所作

和合。彼何幸而我何辜。祖曰。何足疑乎。且善惡之報。有三時焉。凡人但見仁夭。暴壽逆吉。義凶。便謂亡因果。虛罪福。殊不知影響相隨。毫釐驛貳。縱經百千萬劫。亦不磨滅。時闍夜多聞是語。已頓釋所疑。祖曰。汝雖已信三業。而未明業從惑生。惑因識有。識依不覺。依心。心本清淨。無生滅無造作。無報應。無勝負。寂寂然。靈靈然。汝若入此法門。可與諸佛同矣。一切善惡。有爲無爲。皆如夢幻。闍夜多承言。領旨。卽發宿慧。懇求出家。既受具。乃付法眼。偈曰。性上本無生。爲對求人說。於法既無得。何懷決不決。

二十祖闍夜多尊者

二十祖闍夜多尊者。北天竺國人也。智慧淵沖。化導無量。後至羅閱城。敷揚頓教。彼有學衆。唯尙辯論。爲之首者。名婆修盤頭。此云常行一食不臥。六時禮佛。清淨無欲。爲衆所歸。祖將欲度之。先問彼衆曰。此徧行頭陀。能修梵行。可得佛道乎。衆曰。我師精進。何故不可。祖曰。汝師與道遠矣。設苦行。歷於塵劫。皆虛妄之本也。衆曰。尊者。蘊何德行。而譏我師。祖曰。我不求道。

亦不顛倒。我不禮佛。亦不輕慢。我不長坐。亦不懈怠。我不一食。亦不雜食。我不知足。亦不貪欲。心無所希。名之曰道。時徧行。聞已。發無漏智。歡喜讚歎。祖又語彼衆曰。會吾語否。吾所以然者。爲其求道心切。夫絃急卽斷。故吾不贊。令其住安樂地。入諸佛智。復告徧行曰。吾適對衆。抑挫仁者。得無惱於衷乎。徧行曰。我憶念七劫前生。常安樂國。師與智者。月淨記我。非久當證斯陀含果。時有大光明菩薩出世。我以老故。策杖禮謁師。叱我曰。重子輕父。一何鄙哉。時我自謂無過。請師示之。師曰。汝禮大光明菩薩。以杖倚壁。畫佛面。以此過慢。遂失二果。我責躬悔過。以來聞諸惡言。如風如響。況今獲飲無上甘露。而反生熱惱邪。惟願大慈。以妙道垂誨。祖曰。汝久植衆德。當繼吾宗。聽吾偈曰。言下合無生。同於法界性。若能如是解。通達事理竟。

二十一祖婆修盤頭尊者

二十一祖婆修盤頭尊者。羅閱城人也。姓毗舍佉。父光蓋母嚴。一家富而無子。父母禱於佛塔。而求嗣焉。

一夕母夢吞明暗二珠。覺而有孕。經七日。有一羅漢名賢衆。至其家。光蓋設禮。賢衆端坐受之。嚴一出拜。賢衆避席曰。回禮法身大士。光蓋問測其由。遂取一寶珠。跪獻賢衆。卽受之。殊無遜謝。光蓋不能忍。問曰。我是丈夫。致禮不顧。我妻何德。尊者避之。賢衆曰。我受禮納珠。貴福汝耳。汝婦懷聖子。生當爲世燈。慧日故。吾避之。賢衆又曰。汝婦當生二子。一名婆修盤頭。則吾所尊者也。二名芻尼。此云野鶴子昔如來在雪山修道。芻尼巢於頂上。佛旣成道。芻尼受報爲那提國王。佛記云。汝至第二五百年。生羅閱城毗舍佉家。與聖同胞。今無爽矣。後一月果產二子。尊者婆修盤頭。年至十五。禮光度羅漢出家。感毗婆訶菩薩與之授戒。行化至那提國。彼王名常自在。有二子。一名摩訶羅次名摩拏羅。王問祖曰。羅閱城土風。與此何異。祖曰。彼土曾三佛出世。今王國有二師化導。王曰。二師者誰。祖曰。佛記第二五百年。有二神力大士出家。繼聖卽王之次子。摩拏羅是其一也。吾雖德薄。敢當其一。王曰。誠如尊者所言。當捨此子作沙門。祖曰。善哉。大

王能遵佛旨。即與授具付法偈曰。泡幻同無礙。如何不了悟。達法在其中。非今亦非古。

二十二祖摩拏羅尊者

二十二祖摩拏羅尊者。那提國常自在王之子也。年三十。遇婆修祖師出家。傳法至西印度。彼國王名得度。即瞿曇種族。歸向佛。乘勤行精進。一日於行道處。現一小塔。欲取供養。衆莫能舉。王即大會梵行禪觀。呪術等三衆。欲問所疑。時祖亦赴此會。是三衆皆莫能辨。祖卽爲王廣說塔之所因。今之出現。王福力之所致也。王聞是說。乃曰。至聖難逢。世樂非久。卽傳位太子。投祖出家。七日而證四果。祖深加慰誨。曰。汝居此國。善自度人。今異域有大法器。吾當往化。得度曰。師應迹十方。勸念當至。寧勞往邪。祖曰。然。於是焚香遙語。月氏國鶴勒那比丘曰。汝在彼國教導。鶴衆道果將證。宜自知之時。鶴勒那爲彼國王寶印。說修多羅。偈忽覩異香。成穗。王曰。是何祥也。勒那曰。此是西印土傳佛心印。祖師摩拏羅將至。先降信香耳。王曰。此師神力。何如。勒那曰。此師遠承佛記。當於此土廣

宣立化。時王與鶴勒那俱遙作禮。祖知已。卽辭得度。比丘往月氏國。受王與鶴勒那供養。後鶴勒那問祖曰。我止林間。已經九白。印度以一白年爲一白。有弟子龍子者。幼而聰慧。我於三世推窮。莫知其本。祖曰。此子於第五劫中生。妙喜國婆羅門家。曾以旃檀施於佛宇。作龍撞鐘。受報聰敏。爲衆欽仰。又問。我有何緣。而感鶴衆。祖曰。汝第四劫中。嘗爲比丘。當赴會龍宮。汝諸弟子咸欲隨從。汝觀五百衆中。無有一人堪任妙供。時諸弟子曰。師常說法於食等者。於法亦等。今旣不然。何聖之有。汝卽令赴會。自汝捨生。趣生轉化。諸國其五百弟子。以福微德。薄生於羽族。今感汝之惠。故爲鶴衆相隨。鶴勒那問曰。以何方便。令彼解脫。祖曰。我有無上法寶。汝當聽受。化未來際。而說偈曰。心隨萬境轉。轉處實能幽。隨流認得性。無喜復無憂。

二十三祖鶴勒那尊者

二十三祖鶴勒那尊者。月氏國人也。姓婆羅門。父千勝母金光。以無子。故禱于七佛金幢。卽夢須彌山頂一神童。持金環云。我來也。覺而有孕。年七歲。遊行聚

落觀民間淫祀。乃入廟叱之曰。汝妄與福福幻惑於人。歲費牲牢。傷害斯甚。言訖。廟貌忽然而壞。由是鄉黨謂之聖子。年二十二出家。三十遇摩拏羅尊者。付法眼藏行化。至中印度。彼國王名無畏。海崇信佛。道祖爲說正法。次王忽見二人。緋素服拜。祖王問曰。此何人也。祖曰。此是日月天子。吾昔曾爲說法。故來禮拜。良久不見。唯聞異香。王曰。日月國土總有多少。祖曰。千釋迦佛所化世界。各有百億迷盧日月。我若廣說。卽不能盡。王聞忻然。時祖演無上道度有緣衆。以足龍子。早夭有兄。師子博通強記。事婆羅門。厥師旣逝。乃歸依尊者。而問曰。我欲求道。當何用心。祖曰。汝欲求道。無所用心。曰。旣無用心。誰作佛事。祖曰。汝若有用。卽非功德。汝若無作。卽是佛事。經云。我所作功德。而無我所。故師子聞是語已。卽入佛慧。時祖忽指東北。問曰。是何氣象。師子曰。我見氣如白虹貫乎天地。復有黑氣五道橫亘其中。祖曰。其兆云何。曰。莫可知矣。祖曰。吾滅後五十年。北天竺國當有難起。嬰在汝身。吾將滅矣。今以法眼付囑於汝。善自護持。乃

說偈曰。認得心性時。可說不思議。了了無可得。得時不說知。

二十四祖師子比丘

二十四祖師子比丘者。中印度人也。姓婆羅門。得法遊方。至罽賓國。有波利迦者。本習禪觀。故有禪定。知見執相。捨相不語之五衆。祖詰而化之。四衆皆默然心服。唯禪定師達磨達者。聞四衆被責。憤悱而來。祖曰。仁者。習定何當來此。旣至于此。胡云習定。彼曰。我雖來此。心亦不亂。定隨人習。豈在處所。祖曰。仁者。旣來。其習亦至。旣無處所。豈在人習。彼曰。定習人。故非人。習定。我當來此。其定常習。祖曰。人非習定。定習人。故當自來。時其定誰習。彼曰。如淨明珠。內外無翳。定若通達。必當如此。祖曰。定若通達。一似明珠。今見仁者。非珠之徒。彼曰。其珠明徹。內外悉定。我心不亂。猶若此淨。祖曰。其珠無內外。仁者何能定。穢物非動搖。此定不是淨。達磨達蒙祖開悟。心地朗然。祖旣攝五衆名聞。遐邇方求法嗣。遇一長者。引其子問祖曰。此子名斯多。當生便拳左手。今旣長矣。終未能舒。願尊

者示其宿因。祖觀之。即以手接曰。可還我珠。童子遽開手奉珠。衆皆驚異。祖曰。吾前報爲僧。有童子名婆舍。吾嘗赴西海。齋受明珠付之。今還吾珠。理固然矣。長者遂捨其子出家。祖卽與授具。以前緣故名婆舍。斯多祖卽謂之曰。吾師密有懸記。罹難非久。如來正法眼藏。今轉付汝。汝應保護。普潤衆生。際偈曰。正說知見時。知見俱是心。當心卽知見。知見卽于今。祖說偈已。以僧伽梨密付斯多。俾之他國。隨機演化。斯多受教直抵南天。祖謂難不可以苟免。獨留闍賓。時本國有外道二人。一名摩目多。二名都落。遊學諸幻法。欲共謀亂。乃盜爲釋子形象。潛入王宮。且曰。不成卽罪。歸佛子。妖既自作。禍亦旋踵。王果怒曰。吾素歸心三寶。何乃構害。一至于斯。卽命破毀伽藍。祛除釋衆。又自秉劍至尊者所問曰。師得蘊空否。祖曰。已得蘊空。王曰。離生死否。祖曰。已離生死。王曰。旣離生死。可施我頭。祖曰。身非我。有何憾於頭。王卽揮刃斷尊者首。白乳涌高數尺。王之右臂旋亦墮地。七日而終。玄沙備云。大小師子尊者頭也不解。作得主。玄覺遂微云。且還斬着斬不着。汾陽昭別云。知師不恡。雪竇顯云。作

家君王天然有在。黃龍新云。黃龍要問雪竇。既是作家君王。因甚臂落。徑山果云。孟八郎漢又與麼去。天童華云。玄沙云。大小尊者頭也不解。作得主。師云。隨天童漢云。覺微云。且道斬着斬不着。師云。將鐵釣。隨汾陽別云。知師不恡。師云。將錯就錯。雪竇云。作家君王。天然有在。師云。提水放火。翠巖云。當時祖引頸王學劍。與麼時有人諫得。住麼。至今無人斷得。此公案如今。納僧作麼生。斷師云。莫要說夢。芭蕉云。寶鑑撞着瞎波斯師云。誣人之罪。耶。耶云。蜀賓好一口劍。爭奈劍上無眼。尊者好箇師子。且不解返擲。師云。賊過後張弓。復云。這一隊漢。被山僧勸絕了。也還見。師子尊者麼。驚拈拄杖。卓一下云。修身慎行。恐辱先也。孤峯深頌云。本是山中人。愛說山中語。五月。寶松風人問。恐無價。

二十五祖婆舍斯多尊者

二十五祖婆舍斯多尊者。闍賓國人也。姓婆羅門。父寂行母常安樂。初母夢得神劍。因而有孕。旣誕。拳左手遇師子尊者。顯發宿因。密授心印。後適南天。至中印度。彼國王名迦勝。設禮供養。時有外道號無我尊。先爲王禮重嫉祖之。至欲與論義。幸而勝之以固其事。乃於王前謂祖曰。我解默論。不假言說。祖曰。孰知勝負。彼曰。不爭勝負。但取其義。祖曰。汝以何爲義。彼曰。無心爲義。祖曰。汝旣無心。豈得義乎。彼曰。我說無心。當名非義。祖曰。汝說無心。當名非義。我說非心。當義。非名。彼曰。當義非名。誰能辨義。祖曰。汝名非義。此

名何名彼曰爲辨非義是名無名祖曰名既非名義亦非義辨者是誰當辨何物如是往返五十九番外道杜口信伏。芭蕉清云譬如象馬懶慢難調加諸楚毒至于微骨力乃調伏大陽玄云蚌鷸相持死在漁人之手乃云何用繁言徑山果云婆舍斯多何用切怛當時若見他道請師默論不假言說便云義墮也即今莫有與妙喜默論者麼或有箇衲僧出來道義墮也我也知你向鬼窟裏作活計楚石瑋云我若作二十五祖纔見外道入門便連棒打出豈不丈夫更待他道請師默論至於往返五十九番還之遠矣于時祖忽面北合掌長吁曰我師師子尊者今日遇難卽辭王南邁達于南天潛隱山谷時彼國王名天德迎請供養王有二子一名德勝凶暴而色力充盛一名不如密多和柔而長嬰疾苦祖乃爲陳因果王卽頓釋所疑又有呪術師忌祖之道乃潛置毒藥于飲食中祖知而食之彼返受禍遂投祖出家祖卽與授具後六十載德勝卽位復信外道致難于祖不如密多以進諫被囚王遽問祖曰予國素絕妖訛師所傳者當是何宗祖曰王國昔來實無邪法我所得者卽是佛宗王曰佛滅已千二百載師從誰得邪祖曰飲光大士親受佛印展轉至二十四世師子尊者我從彼得王曰予聞師子比丘不能免於刑戮何能

傳法後人祖曰我師雖未起時密授我信衣法偈以顯師承王曰其衣何在祖卽於囊中出衣示王王命焚之五色相鮮薪盡如故王卽追悔致禮師子真嗣旣明乃赦密多密多遂求出家祖問曰汝欲出家當爲何事密多曰我若出家不爲其事祖曰不爲何事密多曰不爲俗事祖曰當爲何事密多曰當爲佛事祖曰太子智慧天至必諸聖降迹卽許出家六年侍奉後於王宮受具羯磨之際大地震動頗多靈異祖乃命之曰吾已衰朽安可久留汝當善護正法眼藏普濟羣有聽吾偈曰聖人說知見當境無是非我今悟眞性無道亦無理不如密多聞偈再啓祖曰法衣宜可傳授祖曰此衣爲難故假以證明汝身無難何假其衣化被十方人自信向不如密多聞語作禮而退

二十六祖不如密多尊者

二十六祖不如密多尊者南印度天德王之次子也旣受度得法至東印度彼王名堅固奉外道師長爪梵志暨尊者將至王與梵志同觀白氣貫于上下王

曰斯何瑞也。梵志預知祖入境。恐王遷善。乃曰。此是魔來之兆耳。何瑞之有。卽鳩諸徒衆議曰。不如密多將入都城。誰能挫之。弟子曰。我等各有呪術。可以動天地。入水火。何患哉。祖至先見宮牆有黑氣。乃曰。小難耳。直詣王所。王曰。師來何爲。祖曰。將度衆生。王曰。以何法度。祖曰。各以其類度之。時梵志聞言。不勝其怒。卽以幻法化大山於祖頂上。祖指之。忽在彼衆頭上。梵志等怖懼投祖。祖愍其愚惑。再指之。化山隨滅。乃爲王演說法。要俾趣眞。乘謂王曰。此國當有聖人。而繼於我。是時有婆羅門子。年二十許。幼失父母。不知名氏。或自言纓絡。故人謂之纓絡童子。遊行閭里。丐求度日。若常不輕之類。人問汝行何急。卽答曰。汝行何緩。或曰。何姓。乃曰。與汝同姓。莫知其故。後王與尊者同車而出。見纓絡童子稽首於前。祖曰。汝憶往事否。童曰。我念遠劫中與師同居。師演摩訶般若。我轉甚深修多羅。今日之事。蓋契昔因。祖又謂王曰。此童子非他。卽大勢至菩薩是也。此聖之後。復出二人。一人化南印度。一人緣在震旦。四五年內却返此方。

遂以昔因故名般若多羅。付法眼藏偈曰。眞性心地藏。無頭亦無尾。應緣而化物。方便呼爲智。

二十七祖般若多羅尊者

二十七祖般若多羅尊者。東印度人也。旣得法。已行化至南印度。彼王名香至。崇奉佛乘。尊重供養。施無價寶珠。時王有三子。曰月淨多羅。曰功德多羅。曰菩提多羅。其季開士也。祖欲試其所得。乃以所施珠問三王子。曰。此珠圓明。有能及否。第一王子。第二王子。皆曰。此珠七寶中尊。固無踰也。非尊者道力孰能受之。第三王子。曰。此是世寶。未足爲上。於諸寶中。法寶爲上。此是世光。未足爲上。於諸光中。智光爲上。此是世明。未足爲上。於諸明中。心明爲上。此珠光明。不能自照。要假智光。光辨於此。旣辨此已。卽知是珠。旣知是珠。卽明其寶。若明其寶。寶不自寶。若辨其珠。珠不自珠。珠不自珠者。要假智珠。而辨世珠。寶不自寶者。要假智寶。以明法寶。然則師有其道。其寶卽現。衆生有道。心寶亦然。祖歎其辯慧。乃復問曰。於諸物中何物無相。曰。於諸物中不起無相。又問於諸物中何物。

最高曰於諸物中人我最高又問於諸物中何物最

大曰於諸物中法性最大徑山果云說得道祖知是理好歸依佛法僧

法嗣以時尚未至且默而混之及香至王厭世衆皆

號絕唯第三子菩提多羅於柩前入定經七日而出

乃求出家既受具戒祖告曰如來以正法眼付大迦

棄如是展轉乃至於我我今囑汝聽吾偈曰心地生

諸種因事復生理果滿菩提圓華開世界起○祖因

東印度國王請祖齋次王乃問諸人盡轉經唯師爲

甚不轉祖曰貧道出息不隨衆緣入息不居蘊界常

轉如是經百千萬億卷非但一卷兩卷汾陽昭云却勞尋者心力

大滿智云諸仁者還見二十七祖看經麼行時脚眼

不着地坐時心識似風飄頌云秋高月色連雲白漚泊

禪心滋味長歷歷分明今古意何須特地更商量天

童覺頌云靈犀飯月露含輝木馬遊春駭不羈眉底一

雙眸碧眼看經那得透牛皮明白心超曠劫英雄力破

重困妙圓極口轉靈機寒山忘却來時路拾得柏將携

教外別傳卷二

教外別傳卷三

東土祖師

初祖菩提達磨大師

初祖菩提達磨大師者南天竺國香至王第三子也
姓利帝利本名菩提多羅後遇二十七祖般若多羅
至本國受王供養知師密迹因試令與二兄辨所施
寶珠發明心要既而尊者謂曰汝於諸法已得通量
夫達磨者通大之義也宜名達磨因改號菩提達磨
祖乃告尊者曰我既得法當往何國而作佛事願垂
開示尊者曰汝雖得法未可遠遊且止南天待吾滅
後六十七載當往震旦設大法藥直接上根慎勿速
行衰於日下祖又曰彼有大士堪爲法器否千載之
下有留難否尊者曰汝所化之方獲菩提者不可勝
數吾滅後六十餘年彼國有難水中文布自善降之
汝至南方勿住彼唯好有爲功業不見佛理汝縱到
彼亦不可久留聽吾偈曰路逢跨水復逢羊獨自栖
栖暗渡江日下可憐雙象馬二株嫩桂久昌昌又問

曰此後更有何事尊者曰從是已去一百五十年而有小難聽吾識曰心中雖吉外頭凶川下僧房名不中爲遇毒龍生武子忽逢小鼠寂無窮又問此後如何尊者曰却後二百二十年林下見一人當得道果聽吾識曰震旦雖濶無別路要假兒孫脚下行金雞解銜一粒粟供養十方羅漢僧復演諸偈皆預識佛教隆替祖恭稟教義服勤左右垂四十年未嘗廢闕迨尊者順世遂演化本國時有二師一名佛大先二名佛大勝多本與祖同學佛陀跋陀小乘禪觀佛大先既遇般若多羅尊者捨小趣大與祖並化時號二甘露門矣而佛大勝多更分徒而爲六宗第一有相宗第二無相宗第三定慧宗第四戒行宗第五無得宗第六寂靜宗各封已解別展化源聚落崢嶸徒衆甚盛祖喟然歎曰彼之一師已陷牛跡況復支離繁盛而分六宗我若不除永纏邪見言已微現神力至有相宗所問曰一切諸法何名實相彼衆中有一尊長薩婆羅答曰於諸相中不互諸相是名實相祖曰一切諸相而不互者若名實相當何定邪彼曰於諸

相中實無有定若定諸相何名爲實祖曰諸相不定便名實相汝今不定當何得之彼曰我言不定不說諸相當說諸相其義亦然祖曰汝言不定當爲實相定不定故即非實相彼曰定既不定即非實相知我非故不定不變祖曰汝今不變何名實相已變已往其義亦然彼曰不變當在在不在故故變實相以定其義祖曰實相不變變即非實於有無中何名實相薩婆羅心知聖師懸解潛達即以手指虛空曰此是世間有相亦能空故當我此身得似此否祖曰若解實相即見非相若了非相其色亦然當於色中不失色體於非相中不礙有故若能是解此名實相彼衆聞已心意朗然欽禮信受祖瞥然匿跡至無相宗所問曰汝言無相當何證之彼衆中有波羅提答曰我明無相心不現故祖曰汝心不現當何明之彼曰我明無相心不取捨當於明時亦無當者祖曰於諸有無心不取捨又無當者諸明無故彼曰入佛三昧尙無所得何況無相而欲知之祖曰相既不知誰云有無尙無所得何名三昧彼曰我說不證證無所證非

三昧故。我說三昧。祖曰。非三昧者。何當名之。汝既不證。非證。何證。波羅提聞。祖辯。拈曰。悟本心。禮謝於祖。懺悔往謬。祖記曰。汝當得果。不久證之。此國有魔。非久降之言。已忽然不現。至定慧宗所問曰。汝學定慧。爲一爲二。彼衆中有婆蘭陀者。答曰。我此定慧。非一非二。祖曰。既非一二。何名定慧。彼曰。在定非定。處慧非慧。一卽非一二。亦不二。祖曰。當一不二。當二不二。既非定慧。約何定慧。彼曰。不一不二。定慧能知非定非慧。亦復然矣。祖曰。慧非定。故然。何知哉。不一不二。誰定誰慧。婆蘭陀聞之。疑心永釋。至第四戒行宗所問曰。何者名戒。云何名行。當此戒行。爲一爲二。彼衆中有一賢者。答曰。一二二一。皆彼所生。依教無染。此名戒行。祖曰。汝言依教。卽是有染。一二俱破。何言依教。此二違背。不及於行。內外非明。何名爲戒。彼曰。我有內外。彼已知竟。既得通達。便是戒行。若說違背。俱是俱非。言及清淨。卽戒卽行。祖曰。俱是俱非。何言清淨。既得通故。何談內外。賢者聞之。卽自慚伏。至無得宗所問曰。汝云無得。無得何得。既無所得。亦無得。

彼衆中有寶靜者。答曰。我說無得。非無得。得當說得。得無得。是得。祖曰。得既不得。得亦非得。既云得。得得何得。彼曰。見得非得。是得。若見不得。名爲得。得。祖曰。得既非得。得得無得。既無所得。當何得。得寶靜聞之。頓除疑網。至寂靜宗所問曰。何名寂靜。於此法中。誰靜誰寂。彼衆中有尊者。答曰。此心不動。是名爲寂。於法無染。名之爲靜。祖曰。本心不寂。要假寂靜。本來寂。故何用寂靜。彼曰。諸法本空。以空空故。於彼空空。故名寂靜。祖曰。空空已空。諸法亦爾。寂靜無相。何靜何寂。彼尊者聞。師指誨豁。然開悟。既而六衆咸誓歸依。由是化被。南天聲馳。五印經六十載。度無量衆。後值異見。王輕毀三寶。每云。我之祖宗。皆信佛道。陷於邪見。壽年不永。運祚亦促。且我身是佛。何更外求善惡。報應皆因多智之者。妄構其說。至於國內耆舊。爲前王所奉者。悉從廢黜。祖知已歎。彼德薄。當何救之。卽念無相宗中二首領。其一波羅提者。與王有緣。將證其果。其二宗勝者。非不博辯。而無宿因。時六宗徒衆。亦各念言。佛法有難。師何自安。祖遙知衆意。

卽彈指應之。六衆聞云。此是我師信響。我等宜速行。以副慈命。卽至祖所禮拜。問訊祖曰。一葉翳空。孰能翦拂。宗勝曰。我雖淺薄。敢憚其行。祖曰。汝雖辯慧。道力未全。宗勝自念我師恐我見王大作佛事。名譽顯達。映奪尊威。縱彼福慧爲王。我是沙門。受佛教旨。豈難敵也。言訖潛去。至王所廣說法要。及世界苦樂。人天善惡等事。王與之往返徵詰。無不詣理。王曰。汝今所解其法何在。宗勝曰。如王治化。當合其道。王所有道。其道何在。王曰。我所有道。將除邪法。汝所有法。將伏何人。祖不起于座。懸知宗勝義墮。遽告波羅提曰。宗勝不稟吾教。潛化於王。須臾理屈。汝可速救。波羅提恭稟祖旨曰。願假神力。言已。雲生足下。至大王前。默然而住。時王正問宗勝。忽見波羅提乘雲而至。愕然忘其問。答曰。乘空之者是。正是邪波羅提曰。我非邪正。而來正邪。王心若正。我無邪。正王雖驚異。而驕慢方熾。卽擯宗勝。令出波羅提曰。王既有道。何擯沙門。我雖無解。願王致問。王怒而問曰。何者是佛。波羅提曰。見性是佛。王曰。師見性否。波羅提曰。我見佛性。

王曰。性在何處。波羅提曰。性在作用。王曰。是何作用。我今不見。波羅提曰。今現作用。王自不見。王曰。於我有否。波羅提曰。王若作用。無有不是。王若不用。豈亦難見。王曰。若當用時。幾處出現。波羅提曰。若出現時。當有其八。王曰。其八出現。當爲我說。波羅提卽說偈曰。在胎爲身。處世爲人。在眼曰見。在耳曰聞。在鼻辨香。在口談論。在手執捉。在足運奔。徧現俱該。沙界收攝。在一微塵。識者知是佛性。不識喚作精魂。王聞偈已。心卽開悟。悔謝前非。咨詢法要。時宗勝既被斥逐。退藏深山。念曰。我今百歲八十。爲非二十年來。方歸佛道。性雖愚昧。行絕瑕疵。不能禦難。生何如死。言訖卽自投崖。俄有神人以手捧置巖上。安然無損。宗勝曰。我忝沙門。當與正法爲主。不能抑絕。王非是以捐身自責。何神祐助。一至於斯。願垂一語。以保餘年。於是神人乃說偈。宗勝聞偈欣然。卽於巖間宴坐。時王復問波羅提曰。仁者智辯。當師何人。提曰。我所出家。卽婆羅寺烏沙婆三藏。爲受業師。其出世師者。卽大王叔菩提達磨是也。王聞祖名。驚駭久之。曰。鄙薄忝

嗣王位而趣邪背正忘我尊叔遽敕近臣特加迎請。祖卽隨使而至爲王懺悔往非王聞規誠泣謝于祖。又詔宗勝歸國大臣奏曰宗勝被謫投崖今已亡矣。王告祖曰宗勝之死皆自於吾如何大慈令免斯罪。祖曰宗勝今在巖間宴息但遣使召當卽至矣。王卽遣使入山果見宗勝端居禪寂宗勝蒙召乃曰深愧王意貧道誓處巖泉且王國賢德如林達磨是王之叔六衆所師波羅提法中龍象願王崇仰二聖以福皇基使者復命未至祖謂王曰知取得宗勝否。王曰未知祖曰一請未至再命必來良久使還果如祖語。○師念震旦緣熟行化時至乃先辭祖塔次別同學後至王所慰而勉之曰當勤修白業護持三寶吾去非晚一九卽回王聞師言涕淚交集曰此國何罪彼土何祥叔既有緣非吾所止惟願不忘父母之國事畢早回王卽具大舟實以衆寶躬率臣寮送至海壖。祖沉重溼凡三周寒暑達于南海實梁普通七年庚子歲九月二十一日也。廣州刺史蕭昂具主禮迎接表聞武帝帝覽奏遣使齋詔迎請十月一日至金陵。

帝問曰朕卽位已來造寺寫經度僧不可勝紀有何功德。祖曰並無功德。帝曰何以無功德。祖曰此但人天小果有漏之因如影隨形雖有非實。帝曰如何是真功德。祖曰淨智妙圓體自空寂如是功德不以世求。帝又問如何是聖諦第一義。祖曰廓然無聖。帝曰對朕者誰。祖曰不識。帝不領悟。汾陽昭代云弟子智遇着瞎波斯保寧勇代帝吐舌示之雪竇顯頌云聖諦廓然何當辨的對朕者誰還云不識因茲暗渡江豈免生荆棘蓋國人追不再來千古萬古空相憶休相憶清風市地有何極師顯示左右云這裏還有祖師麼喚來與老○祖知機不契是月十九日潛回江北十一月二十三日居于洛陽當魏孝明帝正光元年也。寓止于嵩山少林寺面壁而坐終日默然人莫之測謂之壁觀婆羅門時有僧神光者曠達之士也久居伊洛博覽羣書善談玄理每歎曰孔老之教禮術風規莊易之書未盡妙理近聞達磨大士住止少林至人不遙當造玄境乃往彼晨夕參承祖常端坐面壁莫聞誨勵光自惟曰昔人求道敲骨取髓刺血濟饑布髮掩泥投崖飼虎古尙若此我又何人其年十二月九日夜天大雨雪光堅立不動遲明積雪過膝祖

憫而問曰。汝久立雪中。當求何事。光悲淚曰。惟願和
尚慈悲。開甘露門。廣度羣品。祖曰。諸佛無上妙道。曠
劫精勤。難行能行。非忍而忍。豈以小德小智。輕心慢
心。欲冀真乘。徒勞勤苦。光聞祖誨。勵潛取利。刀自斷
左臂。置于祖前。祖知是法器。乃曰。諸佛最初求道。爲
法忘形。汝今斷臂。吾前求亦可在。祖遂因與易名曰
慧可。慧可曰。諸佛法印。可得聞乎。祖曰。諸佛法印。匪
從人得。慧可曰。我心未寧。乞師與安。祖曰。將心來。與
汝安。慧可良久曰。覓心了不可得。祖曰。我與汝安心
竟。芭蕉微云。金剛與泥人指背。五祖戒云。若即恁
麼。何用西來。雲居元云。彼自無瘡。勿傷之也。雖
然。如是一言。易出駟馬難追。白雲端頌云。終始覓心
無可得。寥寥不見少林人。滿庭舊雪。重知冷鼻孔。依然
搭上海。五祖演舉至。請祖安心。處乃云。白雲當時若
見好。與三十棒。何故他人見。將謂說安心法。畢竟如何。
書陸龍王行雨。潤遮身上。數重雲。昭覺勸云。正當
與麼時。法身在甚麼處。徑山泉頌云。覓心無處。更何
安。碎通紅鐵一團。縱使眼開張。意氣爭如不受老。胡
謾萬峯蔚云。九年面壁。暗地藏刀。立雪齊腰。泥中有
刺。神光踏發。毒箭射中。疑牛却道覓心了不可得。和賊
捉敗。達磨云。吾與汝安心。竟血飛梵天。且道覓心了不
可得。如○越九年。欲返天竺。命門人曰。時將至矣。汝
等盍各言所得乎。時有道副對曰。如我所見。不執文
字。不離文字。而爲道用。祖曰。汝得吾皮。尼總持曰。我

今所解如慶喜見阿闍佛國。一見更不再見。祖曰。汝
得吾肉。道育曰。四大本空。五陰非有。而我見處。無一
法可得。祖曰。汝得吾骨。最後慧可禮拜依位而立。祖
曰。汝得吾髓。乃顧慧可而告之曰。昔如來以正法眼。
付迦葉大士。展轉囑累。而至於我。我今付汝。汝當護
持。并授汝袈裟。以爲法信。廣福懷云。祖師與麼說話。
無計較。中翻成計較。無盡
轍中翻成盡轍。若教伊踏著德山臨濟門下。免見九年
冷坐。被人喚作壁觀。胡僧直饒如是也。未免殃及兒孫。
大陽玄云。且道更有一人出來。得箇什麼。自云。不得。
不得。又云。意況不到。翠巖芝云。二祖被他當面塗糊。
莫道髓皮。也不曾摸著。因甚却紹祖位。五祖演云。當
時若見四人。怎麼各與三十棒。只如白雲也。合喫二十
九棒。留一棒與汝。諸人其間。若有知痛痒者。不惟不孤。
負先聖。亦乃得見白雲。脫或未然。堂裏喫粥。喫飯。更須
爛嚼。多見渾崙。吞却。簡庵清頌云。捏目生花。立問端。
得它皮髓。被它瞞。這般瞎漢。能多事。六月無霜。也道寒。
高峯妙頌云。死款都來。一口供情。窮理極。卒難答。若
將皮髓。論高下。爭見花開。五葉紅。萬峯蔚云。至道無
難。惟嫌揀擇。達磨大師。分皮分髓。分別不少。且道有法。
付神光。無法付神光。若道無少室。因甚麼付。纔若道有。
且道付。慧可曰。請師指陳。祖曰。內傳法印。以契證心。
外付袈裟。以定宗旨。後代澆薄。疑慮競生。云吾西天
之人。言汝此方之子。憑何得法。以何證之。汝今受此
衣法。却後難生。但出此衣。并吾法。偈用以表明。其化
無礙。至吾滅後。二百年衣止不傳。法周沙界。潛符密

證千萬有餘。汝當闡揚。勿輕未悟。一念回機。便同本得。聽吾偈曰。吾本來茲土。傳法救迷情。一花開五葉。結果自然成。祖又曰。吾有楞伽經四卷。亦用付汝。卽是如來心地要門。令諸衆生開示悟入。吾自到此。凡五度中毒。我嘗自出而試之。置石石裂。緣吾未離南印。來此東土。見赤縣神州有大乘氣象。遂踰海越。漢爲法求人際。會未諧。如愚若訥。今得汝傳授。吾意已終。

別記云。祖初居少林寺九年。爲二祖說法。祇教外息諸緣。內心無喘。心如牆壁。可以入道。慧可種種說。心性曾未契理。祖祇遮其非。不爲說。無念心體。慧可忽曰。我已息諸緣。祖曰。莫成斷滅去否。慧可曰。不成斷滅。祖曰。此是諸佛所傳心體。更勿疑也。

言已。乃與徒衆往禹門千聖寺。止三日。有期城太守楊街之。早慕佛乘。問祖曰。西天五印師承。爲祖其道如何。祖曰。明佛心。宗行解。相應名之曰祖。卽說偈曰。亦不觀惡而生嫌。亦不觀善而勤措。亦不捨智而近愚。亦不拋迷而就悟。達大道兮。過量通佛心。兮出度不與凡聖同躋。超然名之曰祖。時魏氏奉釋禪雋如林。光統律師流支三藏者。乃僧中之鸞鳳也。覩師演道。斥相指心。每與師論義。是非蜂起。祖遐振玄風。普施法雨。而偏局之量。自不堪任。

競起害心。數加毒藥。至第六度。以化緣已畢。傳法得人。遂不復救之。端居而逝。卽魏莊帝永安元年戊申十月五日也。其年十二月二十八日。葬熊耳山起塔於定林寺。後三歲。魏宋雲奉使西域。回遇祖于蔥嶺。見手攜隻履。翩翩獨逝。宋雲問師何往。祖曰。西天去。宋雲歸。具說其事。及門人啓墳。唯空棺一隻。草履存焉。

禾山方曰。死心先師每舉隻履西歸。話以問衲子。而實難明。諸方或謂之隱顯。或謂不可有兩箇。或謂惟此一事實。若也。怎麼未識祖師意旨。諸人要見麼。頌云。獨中清。清中獨。勿謂麒麟生隻角。西行東向路不。差大用。頭頭如啐啄。莫莫。玄要靈機。休卜度。

二祖慧可大師

二祖慧可大師者。武牢人也。姓姬氏。父寂未有子時。嘗自念言。我家崇善。豈令無子。禱之既久。一夕感異光照室。其母因而懷妊。及長。遂以照室之瑞名之曰光。自幼志氣不羣。博涉詩書。尤精玄理。而不事家產。好遊山水。後覽佛書。超然自得。卽抵洛陽龍門香山。依寶靜禪師出家。受具於永穆寺。浮游講肆。遍學大小乘義。年三十三。却返香山。終日宴坐。又經八載。於寂默中。倏見一神人。謂曰。將欲受果。何滯此邪。大道

匪遙汝其南矣。祖知神助，因改名神光。翌日覺頭痛如刺，其師欲治之。空中有聲曰：「此乃換骨，非常痛也。」祖遂以見神事白于師。師視其頂骨，即如五峯秀出矣。乃曰：「汝相吉祥，當有所證。」神令汝南者，斯則少林達磨大士必汝之師也。祖受教造于少室，其得法傳衣事，迹達磨章具之矣。自少林託化西歸，大師繼闡玄風，博求法嗣。至北齊天平二年，有一居士年踰四十，不言名氏，聿來設禮而問祖曰：「弟子身纏風恙，請和尚懺罪。」祖曰：「將罪來。」與汝懺居士良久曰：「覓罪不可得。」祖曰：「與汝懺罪，竟宜依佛法。」僧住居士曰：「今見和尚已知是僧，未審何名。」佛法祖曰：「是心是佛，是心是法。」法佛無二，僧寶亦然。居士曰：「今日始知罪性不在內，不在外，不在中間。」如其心然，佛法無二也。祖深器之。瑯琊覺云：猶欠作云何梵在。梁山觀於覓罪了，不可得處云：罪性向什麼處去也。又云：非但罪性覓者亦不見有。雲居齊云：二祖深器之，是肯他會佛法耶。肯他說道理耶。即爲剃髮云：是吾寶也。宜名僧璨。其年三月十八日，於光福寺受具，自茲疾漸愈。執侍經二載，祖乃告曰：「菩提達磨遠自竺乾，以正法眼藏并信衣密付於吾。吾今授汝。」

汝當守護，無令斷絕。聽吾偈曰：「本來緣有地，因地種華生。本來無有種，華亦不曾生。祖付衣法已，又曰：汝受吾教，宜處深山，未可行化。當有國難僧璨曰：師既預知，願垂示誨。」祖曰：「非吾知也。」斯乃達磨傳般若多羅懸記云：心中雖吉，外頭凶是也。吾校年代正在于汝。汝當諦思前言，勿罹世難。然吾亦有宿累，今要酬之善去。善行俟時傳付。○祖付囑已，即往鄴都，隨宜說法。一音演暢，四衆皈依。如是積三十四載，遂輟光混跡，變易儀相，或入諸酒肆，或過於屠門，或習街談，或隨厮役人問之曰：「師是道人，何故如是？」祖曰：「我自調心，何關汝事？」又於笊城縣匡救寺三門下談無上道。聽者林會，時有辯和法師者，於寺中講涅槃經。學徒聞師闡法，稍稍引去，辯和不勝其憤，與謗于邑宰翟仲侃。仲侃惑其邪說，加祖以非法。祖怡然委順，識眞者謂之償債。時年一百七歲，即隋文帝開皇十三年癸丑歲三月十六日也。皓月供奉問長沙岑和尚古德云：了即業障本來空。未了應須償宿債。只如師子尊者二祖大師爲甚麼得償債去？長沙云：大德不識本來空。皓月云：如何是本來空？長沙云：業障是云如何是業障？長沙云：本來空是皓月無語。長沙以偈示之云：假有元非有，假滅亦非無。涅

榮價債義一
性更無殊

三祖僧璨大師

三祖僧璨大師者不知何許人也。初以白衣謁二祖。既受度。傳法隱於舒州之皖公山。屬後周武帝破滅佛法。祖往來太湖縣司空山。居無常處。積十餘載。時人無能知者。至隨開皇十二年壬子歲。有沙彌道信年始十四來。禮祖曰。願和尚慈悲。乞與解脫法門。祖曰。誰縛汝。曰。無人縛。祖曰。何更求解脫乎。信於言下大悟。天奇瑞云。只知請問解脫。不知刺頭入膠盆。當時不遇作家。焉得以楔出楔。忽然夢醒。方見無端。劈面服勞九載。後於吉州受戒。侍奉尤謹。祖屢試以立微。知其緣熟。乃付衣法。偈曰。華種雖因地。從地種華生。若無人下種。華地盡無生。○師信心銘曰。至道無難。唯嫌揀擇。但莫憎愛。洞然明白。毫釐有差。天地懸隔。欲得現前。莫存順逆。違順相爭。是爲心病。不識立旨。徒勞念靜。圓同太虛。無欠無餘。良由取捨。所以不如。莫逐有緣。勿往空忍。一種平懷。泯然自盡。止動歸止。止更彌動。唯滯兩邊。寧知一種。一種不通。兩處失功。遣有沒。從空背空。多言多慮。轉不相應。絕

言絕慮無處不通。歸根得旨。隨照失宗。須臾返照。勝却前空。前空轉變。皆由妄見。不用求真。唯須息見。二見不住。慎莫追尋。纔有是非。紛然失心。二由一有。一亦莫守。一心不生。萬法無咎。無咎無法。不生不心。能由境滅。境逐能沉。境由能境。能由境能。欲知兩段元是一空。一空同兩。齊含萬象。不見精麤。寧有偏黨。大道體寬。無易無難。小見狐疑。轉急轉遲。執之失度。必入邪路。放之自然。體無去住。任性合道。逍遙絕惱。繫念乖真。昏沉不好。不好勞神。何用踈親。欲取一乘。勿惡六塵。六塵不惡。還同正覺。智者無爲。愚人自縛。法無異法。妄自愛著。將心用心。豈非大錯。迷生寂亂。悟無好惡。一切二邊。良由斟酌。夢幻空華。何勞把捉。得失是非。一時放却。眼若不睡。諸夢自除。心若不異。萬法一如。一如體立。兀爾忘緣。萬法齊觀。歸復自然。泯其所以。不可方比。止動無動。動止無止。兩既不成。一何有爾。究竟窮極。不存軌則。契心平等。所作俱息。狐疑盡淨。正信調直。一切不留。無可記憶。虛明自照。不勞心力。非思量處。識情難測。眞如法界。無他無自。要

急相應。唯言不二。二皆同。無不包容。十方智者皆入此宗。宗非促延。一念萬年。無在不在。十方目前。極小同。大忘絕境界。極大同。小不見邊表。有即是無。無即是。有若不如是。必不須守。一卽一切。一切卽一。但能如是。何慮不畢。信心不二。不二信心。言語道斷。非去來今。圓悟勤云。人多錯會。道至道本。無難亦無不難。只是唯嫌揀擇。若恁麼會。一萬年也未夢在。

四祖道信大師

四祖道信大師者。姓司馬氏。世居河內。後徙於蘄州廣濟縣。生而超異。幼慕空宗。諸解脫門。宛如宿習。既嗣祖風。攝心無寐。脅不至席者六十年。隋大業十三年。載領徒衆。抵吉州。值羣盜圍城。七旬不解。萬衆惶怖。祖愍之。教令念摩訶般若。時賊衆望雉堞。間若有神兵。乃相謂曰。城內必有異人。稍稍引去。唐武德甲申歲。師却返。蘄春住破頭山。學侶雲臻。一日往黃梅縣路。逢一小兒。骨相奇秀。祖問曰。子何姓。荅曰。姓卽有。不是常姓。祖曰。是何姓。荅曰。是佛性。祖曰。汝無姓邪。荅曰。性空。故無祖。默識其法。器卽俾侍者。至其母所。

乞令出家。母以宿緣。故殊無難。色遂捨爲弟子。以至付法傳衣。偈曰。華種有生性。因地華生生。大緣與性合。當生生不生。天童覺頌云。黃梅果熟。白藕花開。開則唯佛性。體異凡胎。衣傳南嶺。人將去。松老西山。我再來。兩借皮囊。成底事。一壺風月。漫無埃。

五祖弘忍大師

五祖弘忍大師者。蘄州黃梅人也。先爲破頭山中栽松道者。嘗請於四祖曰。法道可得聞乎。祖曰。汝已老。脫有聞。其能廣化邪。儻若再來。吾尙可遲汝。迺去。行水邊。見一女子浣衣。揖曰。寄宿得否。女曰。我有父兄。可往求之。曰。諾。我卽敢行。女首肯之。遂回策而去。女周氏季子也。諱輒。孕父母大惡。逐之女。無所歸。曰。傭紡里中。夕止於衆館之下。已而生一子。以爲不祥。因拋濁港中。明日見之。汨流而上。氣體鮮明。大驚。遂舉之。成童。隨母乞食。里人呼爲無姓兒。後遇信大師。得法。嗣化於破頭山。○咸亨中。有一居士。姓盧。名慧能。自新州來。參謁祖。問曰。汝自何來。盧曰。嶺南。祖曰。欲須何事。盧曰。唯求作佛。祖曰。嶺南人無佛性。若爲得佛。盧曰。人卽有南北。佛性豈然。祖知是異人。乃訶曰。

著槽廠去盧禮足而退。便入碓房服勞於杵臼之間。晝夜不息。經八月。祖知付授時至。遂告衆曰。正法難解。不可徒記吾言。持爲己任。汝等各自隨意。述一偈。若語意冥符。則衣法皆付。時會下七百餘僧。上座神秀者。學通內外。衆所宗仰。咸推稱曰。若非尊秀。曷敢當之神秀。竊聆衆譽。不復思惟。乃於廊壁書一偈曰。身是菩提樹。心如明鏡臺。時時勤拂拭。莫使惹塵埃。祖因經行。忽見此偈。知是神秀所述。乃讚歎曰。後代依此修行。亦得勝果。其壁本欲令處士盧珍繪楞伽變相。及見題偈在壁。遂止不畫。各令念誦。盧在碓坊。忽聆誦偈。乃問同學。是何章句。同學曰。汝不知和尚求法嗣。令各述心偈。此則秀上座所述。和尚深加歎賞。必將付法傳衣也。盧曰。其偈云何。同學爲誦。盧良久曰。美則美矣。了則未了。同學訶曰。庸流何知。勿發狂言。盧曰。子不信邪。願以一偈和之。同學不答。相視而笑。盧至夜密告一童子。引至廊下。盧自秉燭。請別駕張日用於秀偈之側。寫一偈曰。菩提本無樹。明鏡亦非臺。本來無一物。何處惹塵埃。祖後見此偈。曰。此

是誰作。亦未見性。衆聞師語。遂不之顧。逮夜祖潛詣碓坊。問曰。米白也。未。盧曰。曰也。未有。師祖於碓以杖三擊之。盧卽以三鼓入室。祖告曰。諸佛出世。爲一大事故。隨機大小。而引導之。遂有十地三乘頓漸等旨。以爲教門。然以無上微妙秘密圓明真實正法眼藏。付于上首大迦葉尊者。展轉傳授。二十八世。至達磨。屈于此土。得可大師承襲。以至於今。以法寶及所傳袈裟。用付於汝。善自保護。無令斷絕。聽吾偈曰。有情來下種。因地果還生。無情既無種。無性亦無生。盧行者跪受衣法。啓曰。法則既受。衣付何人。祖曰。昔達磨初至人未之信。故傳衣以明得法。今信心已熟。衣乃爭端止於汝身。不復傳也。且當遠隱。俟時行化。所謂受衣之人。命如懸絲也。盧曰。當隱何所。祖曰。逢懷卽止。遇會且藏。盧禮足已。捧衣而出。是夜南邁。大衆莫知。五祖自後不復上堂。大衆疑怪。致問祖曰。吾道行矣。何更詢之。復問衣法。誰得邪。祖曰。能者得。於是衆議盧行者名。能尋訪。旣失。潛知彼得。卽共奔逐。

六祖慧能大師

六祖慧能大師者俗姓盧氏其先范陽人父行瑄武德中左官于南海之新州遂占籍焉三歲喪父其母守志鞠養及長家尤貧窶師樵採以給一日負薪至市中聞客讀金剛經至應無所住而生其心有所感悟而問客曰此何法也得於何人客曰此名金剛經得於黃梅忍大師祖遽告其母以爲法尋師之意直抵韶州遇高行士劉志略結爲交友尼無盡藏者卽志略之姑也常讀涅槃經師暫聽之卽爲解說其義尼遂執卷問字祖曰字卽不識義卽請問尼曰字尙不識曷能會義祖曰諸佛妙理非關文字尼驚異之告鄉里耆艾曰能是有道之人宜請供養於是居人競來瞻禮近有寶林古寺舊地衆議營緝俾祖居之四衆羣集俄成寶坊祖一日忽自念曰我求大法豈可中道而止明日遂行至昌樂縣西山石室間遇智遠禪師祖遂請益遠曰觀子神姿爽拔殆非常人吾聞西域菩提達磨傳心印於黃梅汝當往彼參決祖辭去直造黃梅之東山卽唐咸亨二年也忍大師一見默而識之後傳衣法令隱于懷集四會之間○儀

鳳元年丙子正月八日屈南海遇印宗法師於法性寺講涅槃經祖寓止廊廡間暮夜風颭剝幡聞二僧對論一曰幡動一曰風動往復酬答曾未契理祖曰可容俗流輒預高論否直以風幡非動動自心耳印宗竊聆此語竦然異之雪峯存云大小祖師龍頭蛇咬齒雪峯云我與麼道也好與二十棒保福展云作賊人心虛也是蕭何置律五祖戒云着甚來由巴陵鑑云祖師道不是風動不是旛動旛旛向甚處着有人與祖師作主出來與巴陵相見頌云非風非旛無處着是風是旛無着處遠天俊閑悉迷蹤踞地金毛還失措阿呵呵悟不悟令人轉憶謝三郎一線獨釣寒江雨雪寶顯云風動旛動旛旛是風旛向甚處着有人與巴陵作主出來與雪寶相見法昌遇頌云不是風兮不是旛黑花猫子面門班夜行人只貪明月不覺和衣渡水寒泐潭清云不是風動不是旛動若是靈利漢懸崖撒手便好承當顧後瞻前轉生迷悶仁者心動而今還有爲祖師作主者麼有則出來與老僧相見徑山杲云要識乎上座麼犀牛旣月牧生角要識雪峯麼象被雷驚花入牙天童華云一盲引衆盲相牽入火坑笑巖實云善則甚善美則未美當時見二僧紛紜不已但出前云仁者也不是旛動也不是風動便乃休去非只令二僧知恩有地直使天下兒孫感戴祖師無有休日還知麼萬機雖不思春力時到只教花自開明日邀祖入室徵風幡之義祖具以理告印宗不覺起立曰行者定非常人師爲是誰祖更無所隱直敘得法因由於是印宗執弟子之禮請授禪要乃告四衆曰印宗具足凡夫今遇肉身菩薩乃指座下盧

居士曰。卽此是也。因請出所傳信衣。悉令瞻禮。○正月十五日。印宗會諸名德。爲之剃髮。二月八日。就法性寺智光律師授滿分戒。其戒壇卽宋朝求那跋陀三藏之所置也。三藏記云。後當有肉身菩薩在此壇受戒。又梁末真諦三藏於壇之側手植二菩提樹。謂衆曰。却後一百二十年。有大開士於此樹下演無上乘度無量衆。祖具戒已於此樹下開東山法門。宛如宿契。○明年二月八日。忽謂衆曰。吾不願此居。欲歸舊隱。卽印宗與縉白千餘人送祖歸寶林寺。韶州刺史韋據請於大梵寺轉妙法輪。并受無相心地戒。門人紀錄。目爲壇經。盛行于世。後返曹溪。雨大法雨。學者不下千數。○中宗神龍元年。降詔云。朕請安秀二師宮中供養。萬機之暇。每究一乘二師並推讓曰。南方有能禪師。密受忍大師衣法。可就彼問。今遣內侍薛簡馳詔迎請。願師慈念。速赴上京。祖上表辭疾。願終林麓。簡曰。京城禪德皆云。欲得會道。必須坐禪習定。若不因禪定而得解脫者。未之有也。未審師所說法如何。祖曰。道由心悟。豈在坐也。經云。若見如來若

坐若臥。是行邪道。何故無所從來。亦無所去。若無生滅。是如來清淨禪。諸法空寂。是如來清淨坐。究竟無證。豈況坐邪。簡曰。弟子同主上必問。願和尚慈悲。指示心要。祖曰。道無明暗。明暗是代謝之義。明明無盡。亦是有盡。相待立名。故經云。法無有比。無相待故。簡曰。明喻智慧。暗況煩惱。修道之人。儻不以智慧照破煩惱。無始生死。憑何出離。祖曰。煩惱卽是菩提。無二無別。若以智慧照煩惱者。此是二乘小見。羊鹿等機。大智上根。悉不如是。簡曰。如何是大乘見。解祖曰。明與無明。其性無二。無二之性。卽是實性。實性者。處凡愚而不滅。在賢聖而不增。住煩惱而不亂。居禪定而不寂。不斷不常。不來不去。不在中間。及其內外。不生不滅。性相如如。常住不遷。名之曰道。簡曰。師說不生不滅。何異外道。祖曰。外道所說不生不滅者。將滅止生。以生顯滅。滅猶不滅。生說無生。我說不生。不滅者。本自無生。今亦無滅。所以不同。外道汝若欲知心要。但一切善惡都莫思量。自然得入清淨心。體湛然常寂妙用。恒沙簡蒙指教。豁然大悟。禮辭歸闕。表奏祖

語有詔謝師并賜磨袈裟絹五百匹寶鉢一口○
祖因僧問黃梅意旨什麼人得祖曰會佛法人得僧
云和尚還得不祖曰我不得僧云和尚爲什麼不得
祖曰我不會佛法汾陽昭代云方知密旨難傳翠巖芝云會得即二頭不會得即三
首作麼生便有出身之路圓悟勤頌云斬釘截鐵大
巧若拙一句單提不會佛法儘他葉落花開不問春寒
秋熱別別萬古寒潭空界月徑山杲云還見祖師麼
若也不見徑山與你指出蕉芭蕉芭有葉無丫忽然一
陣狂風起恰似東京大相國寺裏三十六院東廊下壁
角頭王和尚破袈裟畢竟如何歸堂喫茶楚石琦云
棒打石人頭○一日祖謂衆曰諸善知識汝等各各
淨心聽吾說法汝等諸人自心是佛更莫狐疑外無
一物而能建立皆是本心生萬種法故經云心生種
種法生心滅種種法滅若欲成就種智須達一相三
昧一行三昧若於一切處而不住相彼相中不生憎
愛亦無取捨不念利益成壞等事安閑恬靜虛融澹
泊此名一相三昧若於一切處行住坐臥純一直心
不動道場眞成淨土名一行三昧若人具二三昧如
地有種能含藏長養成就其實一相一行亦復如是
我今說法猶如時雨溥潤大地汝等佛性譬諸種子
遇茲霑洽悉得發生承吾旨者決獲菩提依吾行者

定證妙果○先天元年告諸四衆曰吾忝受忍大師
衣法今爲汝等說法不付其衣蓋汝等信根淳熟決
定不疑堪任大事聽吾偈曰心地含諸種普雨悉皆
生頓悟華情已菩提果自成說偈已復曰其法無二
其心亦然其道清淨亦無諸相汝等慎勿觀淨及空
其心此心本淨無可取捨各自努力隨緣好去○嘗
有僧舉臥輪禪師偈曰臥輪有伎倆能斷百思想對
境心不起菩提日日長祖聞之曰此偈未明心地若
依而行之是加繫縛因示一偈曰慧能沒伎倆不斷
百思想對境心數起菩提作麼長○先天二年七月
一日謂門人曰吾欲歸新州汝速理舟楫時大衆哀
慕乞師且住祖曰諸佛出現猶示涅槃有來必去理
亦常然吾此形骸歸必有所衆曰師從此去早晚却
回祖曰葉落歸根來時無口法雲秀云非但來時無
雲端云祖師可謂善解借手行拳有般漢往往道言猶
在耳不見道子期去不返浩浩良可悲不知天地間知
音復是誰五祖演云又問師之法眼何人傳受祖
祖師怎麼道猶欠悟在
曰有道者得無心者通
教外別傳卷三

教外別傳卷四

四祖大醫禪師旁出法嗣

牛頭山法融禪師四祖下一世

牛頭山法融禪師者潤州延陵人也。姓韋氏。年十九。閱大部般若。曉達真空。忽歎曰。儒道世典。非究竟法。般若正觀。出世舟航。遂隱茅山。投師落髮。後入牛頭山幽棲寺。北巖之石室。有百鳥銜華之異。唐貞觀中。四祖遙觀氣象。知彼山有奇異之人。乃躬自尋訪。問寺僧。此間有道人否。曰。出家兒。那箇不是道人。祖曰。阿那箇是道人。僧無對。別僧曰。此去山中十里許。有一懶融。見人不起。亦不合掌。莫是道人麼。祖遂入山。見師端坐。自若。曾無所顧。祖問曰。在此作甚麼。師曰。觀心。祖曰。觀是何人心。是何物。師無對。便起作禮。曰。大德高棲。何所祖曰。貧道不決所止。或東或西。師曰。還識道信禪師否。祖曰。何以問他。師曰。嚮德滋久。冀一禮謁祖。曰。道信禪師。貧道是也。師曰。因何降此。祖曰。特來相訪。莫更有宴息之處否。師指後面曰。別有。

小庵。遂引祖至庵所。遶庵。唯見虎狼之類。祖乃舉兩手作怖勢。師曰。猶有這箇在。祖曰。這箇是甚麼。師無語。雪竇顯代云。但亦作怕。勢又代云。泊合放過。少選。祖却於師宴坐石上。書一佛字。師觀之。竦然。祖曰。猶有這箇在。師未曉。乃稽首請說。真要。祖曰。夫百千法門。同歸方寸。河沙妙德。總在心源。一切戒門。定門。慧門。神通變化。悉自具足。不離汝心。一切煩惱業障。本來空寂。一切因果。皆如夢幻。無三界可出。無菩提可求。人與非人。性相平等。大道虛曠。絕思絕慮。如是之法。汝今已得。更無別法。汝但任心自在。莫作觀行。亦莫澄心。莫起貪瞋。莫懷愁慮。蕩蕩無礙。任意縱橫。不作諸善。不作諸惡。行住坐臥。觸目遇緣。總是佛之妙用。師曰。心既具足。何者是佛。何者是心。祖曰。非心。不問佛。問佛。非不心。師曰。既不許作觀行。於境起時。心如何對治。祖曰。境緣無好醜。好醜起於心。心若不強名。妄情從何起。妄情既不起。真心任徧知。汝但隨心自在。無復對治。即名常住法身。無有變異。吾受璨大師頓教法門。今付於汝。汝今諦受吾言。只住此山。向後當有五人達者。紹

汝玄化

僧問南泉牛頭未見四祖時爲甚百鳥銜花供養南泉云只爲步步踏佛階梯僧云見後

爲甚麼不來南泉云直饒不來猶較王老師一線道雲門學云南泉只解步步登高不解從空放下僧問如何是步步登高雲門云香積世界如何是從空放下雲門云填溝塞壑僧問趙州牛頭未見四祖時如何趙州云飽柴飽水僧云見後

祖付法訖遂返雙峯終老如何趙州云飽柴飽水

師自爾法席大盛○唐永徽中邑宰蕭元善請於建初寺講大般若經聽者雲集至滅靜品地爲之震動

○博陵王問師曰恰恰用心時若爲安隱好師曰恰恰

恰用心時恰恰無心用曲譚名相勞直說無繁重無

心恰恰用常用恰恰無今說無心處不與有心殊

安國玄挺禪師四祖下六世牛頭威法嗣

宣州安國寺玄挺禪師初參戒禪師侍立次有講華

嚴僧問真性緣起其義云何威良久師遽召曰大德

正真一念問時是真性中緣起其僧言下大悟徑山果云

未與一念問時不可無緣起也時有僧云未與一念問時喚什麼作緣起妙喜云我也只要你與麼道楚石琦云崑崙奴着鐵袴打一棒行一步萬峯蔚云這僧即知開口問人不知真性緣起累他挺禪師道大德正與一念問時是真性中緣起其僧打失鼻孔雖然得箇悟處畢竟費力不少且道未問已前緣在何處

徑山道欽禪師四祖下七世鶴林素法嗣

杭州徑山道欽禪師者蘇州崑山人也年二十八遇

素禪師謂之曰觀子神氣溫粹真法寶也師感悟因

求爲弟子素躬與落髮乃戒之曰汝乘流而行逢徑

即止師遂南邁抵臨安見東北一山因問樵者樵曰

此徑山也乃駐錫焉○問如何是道師曰山上有鯉

魚海底有蓬塵徑山信云這則公案因國一答得新奇古今無人觀着語風今日橫推日月倒轉山河吸盡源泉振翻五嶽管教井底無塵而

百劫長清鯉魚捧超而高冲霄漢且道這僧會不會

馬祖令人送書到書中作一圓相師發絨於圓相中

著一點却封回忠國師問乃云欽師猶被馬師惑保福展云甚處是惑處作麼生得不

惑去雪竇顯云徑山被惑且置若將呈似國師別作箇什麼伎倆免被惑去有老宿云當時坐却便休亦有

道但與畫破若與麼祇是不識羞恥謂天下老師各具金剛眼晴廣作神通變化還免得麼雪竇見處也要諸

人共知祇這馬師當時畫出早自惑了也五祖戒云兩彩一賽又云三人指路疑何爲滄山詰云諸人還

識馬祖徑山麼一點水墨兩處成龍國師道欽師猶被馬師惑可謂千里同風不見道手執夜明符幾箇知天

曉浮山遠云欽師被馬師惑且置國師惑却多少人雪竇云只這馬師當時畫出早自惑了也穿却天下人

鼻孔徑山果云馬師仲冬嚴寒國一孟夏漸熱雖然寒熱不同彼此不失時節忠國師因甚却道欽師猶被

馬師惑還委悉麼無風荷葉動決定有魚行楚石琦云圓相中着點墨日月無光天地黯黑初未惑欽師馬

師先自惑累及老南陽也一場狼藉更久平生肝膽向人傾相識如同不相識

○馬祖令智藏來問十二時中以何爲境師曰待汝回去時有信

智藏曰如今便回去師曰傳語却須問取曹溪○崔

趙公問弟子今欲出家得否師曰出家乃大丈夫事非將相之所能爲公於是省○唐大曆三年代宗詔至闕下親加瞻禮師一日同忠國師在內庭坐次見帝駕來師起立帝曰師何以起師曰檀越何得向四威儀中見貧道帝悅謂國師曰欲錫欽師一名國師欣然奉詔乃賜號國一焉徑山杲云不向四威儀中又如何見國一

鳥窠道林禪師四祖下八世
徑山欽法嗣

杭州鳥窠道林禪師本郡富陽人屬代宗詔國一禪師至闕師乃謁之遂得正法及南歸見秦望山有長松盤屈如蓋遂棲止其上故時人謂之鳥窠禪師有侍者會通忽一日欲辭去師問曰汝今何往對曰會通爲法出家和尚不垂慈誨今往諸方學佛法去師曰若是佛法吾此間亦有少許會通曰如何是和尙佛法師於身上拈起布毛吹之會通遂領悟立旨大

秀云可借這僧認他口頭聲色以當平生殊不知自己光明蓋天蓋地神鼎譚舉了遂於身上拈起布毛示大衆隨後一吹云會麼久後不得孤負老僧真淨文瑩云鳥窠吹布毛紅日午方高趙王因好綬合國人帶刀徑山杲云過山與麼批判也未夢見鳥窠在楚石琦云會通於拈起布毛處便喝免致諸方檢點我怎麼道也是爲他
○元和中白居易侍郎出守茲郡因入開事長無明

山謁師問曰禪師住處甚危險師曰太守危險尤甚侍郎曰弟子位鎮江山何險之有師曰薪火相交談性不停得非險乎又問如何是佛法大意師曰諸惡莫作衆善奉行侍郎曰三歲孩兒也解怎麼道師曰三歲孩兒雖道得八十老人行不得侍郎作禮而退

五祖大滿禪師旁出法嗣

蒙山道明禪師五祖下一世

袁州蒙山道明禪師者鄱陽人陳宣帝之裔也國亡落於民間以其王孫嘗受署因有將軍之號往依五祖法會極意研尋初無解悟及聞五祖密付衣法與盧行者即率同志數十人躡迹追逐至大庾嶺盧見師奔至即擲衣鉢於磐石曰此衣表信可力爭邪任君將去師遂舉之如山不動踟躕悚慄乃曰我來求法非爲衣也願行者開示於我盧曰不思善不思惡正恁麼時阿那箇是明上座本來面目師當下大悟徧體汗流泣禮數拜問曰上來密語密意外還更別有意旨否盧曰我今與汝說者即非密也汝若返照自己面目密却在汝邊師曰某甲雖在黃梅隨衆實

未省自己面目。今蒙指授入處。如人飲水冷暖自知。今行者即是某甲師也。盧曰。汝若如是。則吾與汝同。師黃梅善自護持師。又問某甲。向後宜往何所。盧曰。逢袁可止。遇蒙即居。師禮謝。還回至嶺下。謂衆人曰。向陟崔嵬。遠望杳無蹤迹。當別道尋之。皆以爲然。師既回。遂獨往廬山。布水臺經三載。後始往袁州。蒙山大唱立化。初名慧明。以避六祖上字。故名道明。弟子等盡遣過嶺南參禮六祖。

壽州道樹禪師 五祖下二世
北宗秀法嗣

壽州道樹禪師。唐州人也。遇秀禪師。言下知微。乃卜壽州三峯山結茅而居。常有野人服色素朴。言譚詭異。於言笑外。化作佛形及菩薩羅漢天仙等形。或放神光。或呈聲響。師之學徒觀之。皆不能測。如此涉十年。後寂無形影。師告衆曰。野人作多色伎倆。眩惑於人。只消老僧不見不聞。伊伎倆有窮。吾不見不聞無盡。

嵩嶽破竈墮和尚 嵩嶽安
法嗣

嵩嶽破竈墮和尚。不稱名氏。言行叵測。隱居嵩嶽山。

塢有廟甚靈。殿中唯安一竈。遠近祭祀不輟。烹殺物命甚多。師一日領侍僧入廟。以杖敲竈三下。曰。咄。此竈只是泥瓦合成。聖從何來。靈從何起。怎麼烹宰物命。又打三下。竈乃傾破墮落。須臾有一人青衣戢冠。設拜師前。師曰。是甚麼人。曰。我本此廟竈神。久受業報。今日蒙師說無生法。得脫此處。生在天上。特來致謝。師曰。是汝本有之性。非吾彊言。神再禮而沒。少選侍僧問曰。某等久侍和尚。不蒙示誨。竈神得甚麼徑旨。便得生天。師曰。我只向伊道是泥瓦合成。別也無道理。爲伊侍僧無言。師曰。會麼。僧曰。不會。師曰。本有之性。爲甚麼不會。侍僧等乃禮拜。師曰。墮也。墮也。破也。破也。後義豐禪師舉似安國師。國師嘆云。此子會盡物我一如。可謂如期月處空。無不見者。難擣伊語。脉義豐問云。未審甚麼人擣得他語。脉國師云。不知者。龍門遠頌云。禍福威嚴不在靈。殘杯冷炙笑何人。一從去後無消息。野老猶敲祭鼓聲。○有僧從牛頭處來。師問曰。來自何人。法會僧近前。叉手。邊師一而而出。師曰。牛頭會下。不可有此人。僧乃回。師上肩。叉手而立。師曰。果然果然。○僧問。如何是大闡提人。師曰。尊重禮拜。曰。如何是大精進人。師曰。毀辱嗔恚。其後莫知所終。

終南惟政禪師 五祖下三世
嵩山寂法嗣

終南山惟政禪師平原人也。得法於嵩山普寂禪師。卽入太一山中。學者盈室。○唐文宗好嗜蛤蜊。詢洽海官吏。先時通進人亦勞止。一日御饌中有蟹不張者。帝以其異。卽焚香禱之。乃開見菩薩形儀。梵相具足。帝遂貯以金粟檀香。合覆以美錦。賜興善寺令衆僧瞻禮。因問羣臣。斯何祥也。或奏太一山惟政禪師深明佛法。乞詔問之。帝卽頒詔。師至。帝問其事。師曰。臣聞物無虛應。此乃啓陛下之信心耳。故契經云。應以此身得度者。卽現此身而爲說法。帝曰。菩薩身已現。且未聞說法。師曰。陛下觀此爲常邪。非常邪。信邪。非信邪。帝曰。希奇之事。朕深信焉。師曰。陛下已聞說法。竟皇情悅豫。詔天下寺院各立觀音像。

嵩山峻極禪師 破庵墮
法嗣

嵩山峻極禪師。僧問。如何是修善行人。師曰。擔枷帶鎖。曰。如何是作惡行人。師曰。修禪入定。曰。某甲淺機。請師直指。師曰。汝問我惡惡。不從善。汝問我善善。不從惡。僧良久。師曰。會麼。僧曰。不會。師曰。惡人無善念。

善人無惡心。所以道善惡如浮雲。俱無起滅處。僧於言下大悟。後破竈墮。聞學乃曰。此子會盡諸法。無生薦福。懷云。前頭則官不容鍼。後面則私通車馬。若能辯得許。你真擇法眼。昭覺勅云。窮善善。自何來。究惡惡。從何起。有問崇寧如何。是大修行底人。對他道。修禪入定。如何是大作業底人。對他道。擔枷負鎖。且道是同是別。徑山杲云。爭奈在竈墮前作妄想。何。

六祖大鑒禪師秀出法嗣

吉州志誠禪師六祖下一世

吉州志誠禪師者。本州太和人。也。初參秀禪師。後因兩宗盛化。秀之徒衆。往往譏南宗。曰。能大師不識一字。有何所長。秀曰。他得無師之智。深悟上乘。吾不如也。且吾師五祖。親付衣法。豈徒然哉。吾所恨不能遠去。親近虛受國恩。汝等諸人。無滯於此。可往曹谿。質疑他日。同當爲吾說。師聞此語。禮辭至韶陽。隨衆參請。不言來處。時六祖告衆曰。今有盜法之人。潛在此會。師出禮拜。具陳其事。祖曰。汝師若爲示衆。師曰。嘗指誨大衆。令住心觀靜。長坐不臥。祖曰。住心觀靜。是病。非禪。長坐拘身。於理何益。聽吾偈曰。生來坐不臥。死去臥不坐。一具臭骨頭。何爲立功過。師曰。未審和

尙以何法誨人。祖曰：吾若言有法與人，卽爲誑汝。但且隨方解縛，假名三昧。聽吾偈曰：心地無非自性戒，心地無癡自性慧，心地無亂自性定，不增不減自金剛。身去身來本三昧，師聞偈，悔謝卽誓依歸。乃呈偈曰：五蘊幻身，幻何究竟？回趣眞如，法還不淨。

洪州法達禪師

洪州法達禪師者，洪州豐城人也。七歲出家，念法華經已及三千部。祖問曰：汝念此經，以何爲宗？師曰：學人愚鈍，從來但依文誦念，豈知宗趣？祖曰：汝試爲吾念一徧。吾當爲汝解說。師卽高聲念經。至方便品，祖曰：止。此經元來以因緣出世爲宗，縱說多種譬喻，亦無越於此。何者？因緣唯一大事，一大事卽佛知見也。汝慎勿錯解經意，見他道開示悟入，自是佛之知見。我輩無分，若作此解，乃是謗經毀佛也。彼既是佛，已具知見，何用更開？汝今當信佛知見者，只汝自心，更無別體。師曰：若然者，但得解義，不勞誦經邪？祖曰：經有何過？豈障汝念？只爲迷悟在人，損益由汝。聽吾偈曰：心迷法華轉，心悟轉法華。誦久不明已，與義作讐。

家無念念卽正，有念念成邪。有無俱不計，長御白牛車。師聞偈，再啓曰：經云諸大聲聞乃至菩薩，皆盡思度量，尙不能測於佛智。今令凡夫但悟自心，便名佛之知見，自非上根，未免疑謗。又經說三車大牛之車，與白牛車如何區別？祖曰：經意分明，汝自迷背。諸三乘人不能測佛智者，患在度量也。饒伊盡思共推轉，加懸遠。佛本爲凡夫說，不爲佛說。此理若不肯信者，從他退席，殊不知坐却白牛車，更於門外覓三車。況經文明向汝道：無二亦無三。汝何不省？三車是假爲昔時故，一乘是實爲今時故。只教你去假歸實，歸實之後，實亦無名。應知所有珍財盡屬於汝，由汝受用，更不作父想，亦不作子想，亦無用想。是名持法華經。從劫至劫，手不釋卷，從晝至夜，無不念時也。師旣蒙啓發，踴躍歡喜，以偈贊曰：經誦三千部，曹谿一句亡。未明出世旨，寧歇累生狂。羊鹿牛權設，初中後善揚。誰知火宅內，元是法中王。祖曰：汝今後方可爲念經僧也。師從此領旨，亦不輟誦持。

壽州智通禪師

壽州智遠禪師者安豐人也。初看楞伽經約千餘遍。而不會三身四智禮拜六祖。求解其義。祖曰：三身者清淨法身。汝之性也。圓滿報身。汝之智也。千百億化身。汝之行也。若離本性別說三身。即名有身無智。若悟三身無有自性。即名四智菩提。聽吾偈曰：自性具三身。發明成四智。不離見聞緣。超然登佛地。吾今爲汝說。諦信永無迷。莫學馳求者。終日說菩提。師曰：四智之義可得聞乎。祖曰：既會三身。便明四智。何更問邪。若離三身別譚四智。此名有智無身也。即此有智還成無智。復說偈曰：大圓鏡智性清淨。平等性智心無病。妙觀察智見非功。成所作智同圓鏡。五八六七果因轉。但用名言無實性。若於轉處不留情。繁興永處那伽定。

轉識爲智者。教中云。轉前五識爲成所作智。轉第六識爲妙觀察智。轉第七識爲平等性智。轉第八識爲大圓鏡智。雖六七因中。轉五八果上轉。但轉其名而不轉其體也。 師禮謝以偈贊曰：三身元我體。四智本心明。身智融無礙。應物任隨形。起修皆妄動。守住匪眞精。妙旨因師曉。終亡汙染名。

江西志徹禪師

江西志徹禪師。姓張氏。名行昌。少任俠。自南北分化。二宗主雖亡。彼我而徒。侶競起。愛憎時。北宗門人自立秀禪師爲第六祖。而忌大鑑傳衣爲天下所聞。然祖預知其事。即置金十兩於方丈。時行昌受北宗門人之囑。懷刃入祖室。將欲加害。祖舒頸而就行昌。揮刃者三。都無所損。祖曰：正劍不邪。邪劍不正。只負汝金。不負汝命。行昌驚仆。久而方蘇。求哀悔過。即願出家。祖遂與金曰：汝且去。恐徒衆翻害於汝。汝可他日易形而來。吾當攝受。行昌稟旨。宵遁。投僧出家。具戒精進。一日憶祖之言。遠來禮覲。問曰：弟子嘗覽涅槃經。未曉常無常義。乞和尚慈悲。略爲宣說。祖曰：無常者。卽佛性也。有常者。卽善惡一切諸法。分別心也行昌曰：和尚所說大違經文。祖曰：吾傳佛心印。安敢違於佛。經行昌曰：經說佛性是常。和尚却言無常。善惡諸法乃至菩提心。皆是無常。和尚却言是常。此卽相違。令學人轉加疑惑。祖曰：涅槃經吾昔者聽。尼無盡藏讀誦。一徧便爲講說。無一字一義不合經文。乃至爲汝終無二說。行昌曰：學人識量淺昧。願和尚委曲

開示祖曰。汝知否。佛性若常。更說甚麼善惡諸法。乃至窮劫。無有一人發菩提心者。故吾說無常。正是佛說真常之道也。又一切諸法。若無常者。卽物物皆有自性。容受生死。而真常性有不徧之處。故吾說常者。正是佛說真無常義也。佛比爲凡夫外道。執於邪常。諸二乘人於常計無常。共成八倒。故於涅槃了義教中。破彼偏見。而顯說真常。真樂真我。真淨。汝今依言背義。以斷滅無常。及確定死常。而錯解佛之圓妙最後微言。縱覽千徧。有何所益。行昌忽如醉醒。乃說偈曰。因守無常心。佛演有常性。不知方便者。猶春池拾礫。我今不施功。佛性而見前。非師相授與。我亦無所得。祖曰。汝今徹也。宜名志徹。師禮謝而去。

信州智常禪師

信州智常禪師者。本州貴谿人也。髫年出家。志求見性。一日參六祖。祖問汝從何來。欲求何事。師曰。學人近禮大通和尚。大通曰。汝見虛空否。對曰。見。曰。汝見虛空有相貌否。對曰。虛空無形。有何相貌。曰。汝之本性。猶如虛空。返觀自性。了無一物可見。是名正見。無

一物可知。是名真知。無有青黃長短。但見本源清淨。覺體圓明。卽名見性成佛。亦名極樂世界。亦名如來。知見學人。雖聞此說。猶未決了。乞和尚示。誨令無疑。滯祖曰。彼師所說。猶存見知。故令汝未了。吾今示汝一偈。曰。不見一法存無見。大似浮雲遮日面。不知一法守空知。還如太虛生閃電。此之知見。瞥然興錯認。何曾解方便。汝當一念自知。非自己靈光常顯。見師聞偈。已心意豁然。乃述一偈曰。無端起知解。著相求菩提。情存一念悟。寧越昔時迷。自性覺源體。隨照枉遷流。不入祖師室。茫然趣兩頭。

廣州志道禪師

廣州志道禪師者。南海人也。初參六祖。問曰。學人自出家。覽涅槃經。僅十餘載。未明大意。願和尚垂誨。祖曰。汝何處未了。對曰。諸行無常。是生滅法。生滅滅已。寂滅爲樂。於此疑惑。祖曰。汝作麼生疑。對曰。一切衆生。皆有二身。謂色身。法身也。色身無常。有生有滅。法身有常。無知無覺。經云。生滅滅已。寂滅爲樂者。未審是何身寂滅。何身受樂。若色身者。色身滅時。四大分

散全是苦苦不可言樂。若法身寂滅。卽同草木瓦石。誰當受樂。又法性是生滅之體。五蘊是生滅之用。一體五用。生滅是常。生則從體起。用滅則攝用歸體。若聽更生。卽有情之類。不斷不滅。若不聽更生。卽永歸寂滅。同於無情之物。如是則一切諸法。被涅槃之所禁伏。尙不得生。何樂之有。祖曰。汝是釋子。何習外道。斷常邪見。而議最上乘法。據汝所解。卽色身外別有法身。離生滅。求於寂滅。又推涅槃常樂。言有身受者。斯乃執客生死。耽著世樂。汝今當知。佛爲一切迷人。認五蘊和合爲自體。相分別一切法爲外塵。相好生惡死。念念遷流。不知夢幻虛假。枉受輪迴。以常樂涅槃。翻爲苦相。終日馳求佛愍。此故乃示涅槃眞樂。利那無有生相。利那無有滅相。更無生滅可滅。是則寂滅。見前當見前之時。亦無見前之量。乃謂常樂。此樂無有受者。亦無不受者。豈有一體五用之名。何況更言涅槃禁伏諸法。令永不生。斯乃謗佛毀法。聽吾偈曰。無上大涅槃。圓明常寂照。凡愚謂之死。外道執爲斷。諸求二乘人。目以爲無作。盡屬情所計。六十二見。

本妄立虛假。名何爲眞實義。唯有過量人。通達無取捨。以知五蘊法。及以蘊中我。外現衆色象。一一音聲相。平等如夢幻。不起凡聖見。不作涅槃解。二邊三際斷。常應諸根用。而不起用。想分別一切法。不起分別想。劫火燒海底。風鼓山相擊。眞常寂滅樂。涅槃相如是。吾今強言說。令汝捨邪見。汝勿隨言解。許汝知少分。師聞。偈踊躍作禮而退。

永嘉眞覺禪師

永嘉眞覺禪師諱玄覺。本郡戴氏子。卅歲出家。徧探三藏。精天台止觀圓妙法門。於四威儀中。常冥禪觀。後與東陽策禪師同詣曹溪。初到。振錫繞祖三匝。卓然而立。祖曰。夫沙門者。具三千威儀。八萬細行。大德自何方而來。生大我慢。師曰。生死事大。無常迅速。祖曰。何不體取無生了無速乎。師曰。體卽無生了。本無速。祖曰。如是如是。于時大衆無不愕然。師方具威儀參禮。須臾告辭。祖曰。返太速乎。師曰。本自非動。豈有速邪。祖曰。誰知非動。師曰。仁者自生。分別祖曰。汝甚得無生之意。師曰。無生豈有意邪。祖曰。無意誰當分。

別師曰分別亦非意。祖歎曰善哉善哉。少留一宿時。謂一宿覺。雪竇顯舉至我慢處便喝云當時若下得這一喝。免見龍頭蛇尾。又向卓然而立處。代祖云未到曹谿與你三十棒丁也。浮山遠云先行不到末後太過。恕中愍云永嘉承處接響。祖師將錯就錯。雪竇龜背刮毛。浮山馬頭安角。繞禪床三匝。分眼似銅鈴。勉留一宿。兮頭如木杓。松風江月。少人知南海波新生。○證道歌曰君不見絕學無爲閑道人。不除

妄想不求真。無明實性卽佛性。幻化空身卽法身。法身覺了無一物。本源自性天真佛。五陰浮雲空去來。三毒水泡虛出沒。證實相無人法。剎那滅却阿鼻業。若將妄語誑衆生。自招拔舌塵沙劫。頓覺了如來禪。六度萬行體中圓。夢裏明明有六趣。覺後空空無大千。無罪福無損益。寂滅性中莫問覓。比來塵鏡未曾磨。今日分明須剖析。誰無念誰無生。若實無生無不生。喚取機關木人問。求佛施功早晚成。放四大莫把捉。寂滅性中隨飲啄。諸行無常一切空。卽是如來大圓覺。決定說表裏。乘有人不肯任情徵。直截根源佛所印。摘葉尋枝我不能。摩尼珠人不識。如來藏裏親收得。六般神用空不空。一顆圓光色非色。淨五眼得五力。唯證乃知難可測。鏡裏看形見不難。水中捉月

爭拈得。常獨行常獨步。達者同遊涅槃路。調古神清風自高。貌頓骨剛人不顧。窮釋子口稱貧。實是身貧道不貧。貧則身常披縷褐。道則心藏無價珍。無價珍用無盡。利物應機終不吝。三身四智體中圓。八解六通心地印。上士一決一切了。中下多聞多不信。但自懷中解垢衣。誰能向外誇精進。從他謗任他非。把火燒天徒自疲。我聞恰似飲甘露。銷融頓入不思議。觀惡言是功德。此則成吾善知識。不因謗起冤親。何表無生慈忍力。宗亦通說亦通定。慧圓明不滯空。非但我今獨達了。河沙諸佛體皆同。師子吼無畏。說百獸聞之皆腦裂。香象奔波失却威。天龍寂聽生欣悅。遊江海涉山川。尋師訪道爲參禪。自從認得曹溪路。了知生死不相干。行亦禪坐亦禪。語默動靜體安然。縱遇鋒刀常坦坦。假饒毒藥也閒閒。我師得見然燈佛。多劫曾爲忍辱仙。幾回生幾回死。生死悠悠無定止。自從頓悟了無生。於諸榮辱何憂喜。入深山住蘭若。岑峯幽邃長松下。優游靜坐野僧家。圓寂安居實瀟灑。覺卽了不施功。一切有爲法不同。住相布施生

天福猶如仰箭射虛空。勢力盡。箭還墜。招得來生不
如意。爭似無爲實相門。一超直入如來地。但得本。莫
愁末。如淨琉璃合寶月。既能解此如意珠。自利利他
終不竭。江月照松風吹。永夜清宵何所爲。佛性戒珠
心地印。霧露雲霞體。上衣降龍鉢。解虎錫。兩鉤金環
鳴歷歷。不是標形虛事持。如來寶杖親蹤跡。不求眞
不斷妄。了知二法空。無相無相無空。無不空。卽是如
來眞實相。心鏡明鑒無疑。廓然瑩徹周沙界。萬象森
羅影現中。一顆圓明非內外。豁達空撥因果。莽莽蕩
蕩招殃禍。棄有著空病亦然。還如避溺而投火。捨妄
心取眞理。取捨之心。成巧僞。學人不了用修行。眞成
認賊將爲子。損法財。滅功德。莫不由斯心意識。是以
禪門了却心。頓入無生知見力。大丈夫秉慧劍。般若
鋒。金剛鑽。非但能摧外道心。早曾落却天魔膽。震
法雷。擊法鼓。布慈雲。兮灑甘露。龍象蹴蹋潤無邊。三
乘五性皆醒悟。雪山肥膩更無雜。純出醍醐我常納。
一性圓通一切性。一法徧含一切法。一月普現一切
水。一切水月一月攝。諸佛法身入我性。我性還共如

◆教誨見

來合一地。具足一切地。非色非心。非行業。彈指圓成。
八萬門。剎那滅却三祇劫。一切數句非數句。與吾靈
覺何交涉。不可毀不可讚。體若虛空。勿涯岸。不離當
處常湛然。覓卽知君不可見。取不得捨不得。不可得
中祇麼得。默時說說時默。大施門開無壅塞。有人問
我解何宗。報道摩訶般若力。或是或非人不識。逆行
順行天莫測。吾早曾經多劫修。不是等閒相誑惑。建
法幢立宗旨。明明佛勅曹溪是。第一迦葉首傳燈。二
十八代西天記。法東流入此土。菩提達磨爲初祖。六
代傳衣天下聞。後人得道何窮數。眞不立妄本空。有
無俱遣不空空。二十空門元不著。一性如來體自同。
心是根。法是塵。兩種猶如鏡上痕。痕垢盡除光始現。
心法雙亡性卽眞。嗟末法惡時世。衆生福薄難調制。
去聖遠兮邪教深。魔強法弱多怨害。聞說如來頓教。
門。恨不滅除令瓦碎。作在心殃在身。不須怨訴更尤
人。欲得不招無間業。莫謗如來正法輪。旃檀林無雜
樹。鬱密森沉師子住。境靜林閒獨自遊。走獸飛禽皆
遠去。師子兒衆隨後。三歲卽能大哮吼。若是野干逐

法王百年妖恠虛開口圓頓教勿人情有疑不決直
須爭不是山僧逞人我修行恐落斷常坑非不非是
不是差之毫釐失千里是卽龍女頓成佛非卽善星
生陷墜吾早年來積學問亦曾討疏尋經論分別名
相不知休入海筭沙徒自困却被如來苦訶責數他
珍寶有何益從來踏踏覺虛行多年枉作風塵客種

性邪錯知解不達如來圓頓制二乘精進勿道心外
道聰明無智慧亦愚癡亦小駭空拳指上生實解執
指爲月枉施功根境法中虛捏恠不見一法卽如來
方得名爲觀自在了卽業障本來空未了還須償宿
債饑逢王膳不能餐病遇醫王爭得瘥在欲行禪知
見力火中生蓮終不壞勇施犯重悟無生早時成佛
於今在師子吼無畏說深嗟懞懂頑皮韃祇知犯重
障菩提不見如來開秘訣有二比丘犯姪殺波離螢
光增罪結維摩大士頓除疑還同赫日銷霜雪不思
議解脫力妙用河沙也無極傳燈作此卽成吾善知識四事供養
敢辭勞萬兩黃金亦銷得粉骨碎身未足酬一句了
然超百億法中王最高勝河沙如來同共證我今解

此如意珠信受之者皆相應了了見無一物亦無人
亦無佛大千沙界海中漚一切聖賢如電拂假使鐵
輪頂上旋定慧圓明終不失日可冷月可熱衆魔不
能壞眞說象駕崢嶸謾進塗誰見蟬螂能拒轍大象
不遊於兔徑大悟不拘於小節莫將管見謗蒼蒼未
了吾今爲君決

河北智隍禪師

河北智隍禪師者始參五祖雖嘗咨決而循乎漸行
乃往河北結庵長坐積二十餘載不見情容後遇策
禪師激勵遂往參六祖祖愍其遠來便垂開決師於
言下豁然契悟前二十年所得心都無影響

南陽慧忠國師

南陽慧忠國師者越州諸暨人也姓冉氏自受心印
居南陽白崖山黨子谷四十餘祀不下山道行聞于
帝里唐肅宗上元二年勅中使賁詔徵赴京待以師
禮及代宗臨御復迎止光宅精藍十有六載隨機說
法時有西天大耳三藏到京云得他心通肅宗命國
師試驗三藏纔見師便禮拜立于右邊師問曰汝得

他心通那汝道老僧即今在甚麼處三藏曰和尚是一國之師何得却去西川看競渡良久再問汝道老僧即今在甚麼處三藏曰和尚是一國之師何得却在天津橋上看弄胡猴師良久復問汝道老僧即今在甚麼處三藏問測師此曰這野狐精他心通在甚麼處三藏無對僧問趙州大耳三藏第三度不見國師未審國師在甚麼處趙州云在三藏鼻孔上僧後問玄沙既在鼻孔上為甚麼不見玄沙云只為太近僧問仰山云大耳三藏第三度為甚麼不見國師仰山云前兩度是涉境心後入自受用三昧所以不見又有僧問玄沙玄沙云汝道前兩度還見麼白雲端云國師若在三藏鼻孔裏有什麼怪見殊不知國師在三藏眼裏高峯妙云大小國師平生伎倆總被這胡僧勘破雖然願遇聖君證明金粟語云即今若有道在三藏眼睛裏因甚不見廣慧向他道非汝境界○一日喚侍者侍者應諾如是三召三應師曰將謂吾孤負汝却是汝孤負吾

瞎妙喜云親言出親口玄覺微問僧云甚麼處是侍者會處僧云若不爭解怎應應玄覺云汝少會在又云若於此見得去便識玄妙妙喜云慚惶殺人翠巖芝云國師侍者總欠會在妙喜云猶較些子投子云抑逼人作麼雪竇云探根漢妙喜云理長即就復云唯有趙州多口阿師下得箇注脚令人疑著僧問國師三喚侍者意旨如何趙州云如人暗中書字字雖不成文彩已彰雪竇便喝妙喜云且道這一喝在國師侍者分上在趙州分上隨後喝一喝復云若不是命根五色索子斷如何透得這裏過雪竇云若有人問雪竇雪竇便打也要話方檢點妙喜云作賊人心虛雪竇復有一頌云師資會遇意非輕妙喜云此語有兩負門無事相將草裏行妙喜云普州人送賊負汝負吾人莫問妙喜云放待冷來看任從天下競頭爭妙喜云只今休去便休去若覓了時無了時復云你若求玄妙解會只管理會國師三喚侍者話那裏是國師孤負侍者處那裏是侍者孤負國師處有甚麼交涉鶻王擇乳素非鶻類這箇便是國師用劍刃上事又云國師還見侍者麼侍者還見國師麼

○南泉到參師問甚麼處來曰江西南來師曰還將得馬師真來否曰只這是師曰背後底響南泉便休後云大似不知保福展云幾不到和尚此間雲居錫云此二尊宿盡扶背後只如南泉休去為當扶面前扶背○麻谷到參繞禪床三匝振錫而立師曰汝既如是吾亦如是谷又振錫師叱曰這野狐精出去○師問僧近離甚麼處曰南方師曰南方知識以何法示人曰南方知識祇道一朝風火散後如蛇退皮如龍換骨本爾真性宛然無壞師曰苦哉苦哉南方知識說法半生半滅曰南方知識即如是未審和尚此間

說何法師曰。我此間身心一如。身外無餘。曰。和尚何得將泡幻之身。同於法體。師曰。你爲甚麼入於邪道。曰。甚麼處是某甲。入於邪道。處。師曰。不見教中道。若以色見我。以音聲求我。是人行邪道。不能見如來。

雲門

偈云。云身心一如。身外無餘。山河大地。何處有耶。神鼎證云。若據這僧與麼道。傳語也未。解莫累及。知識國師與麼道。亦是龍頭蛇尾。前來身心一如。向什麼處去也。試點檢看。淨慈云。這僧當時待國師道。若以色見我。以音聲求我。是人行邪道。不能見如來。但云苦哉。苦哉。大小國師。半生半滅。東禪觀云。國師與麼道。即色聲相見。離色聲相見。若離色聲相見。何異南方知識。半生半滅。若即色聲相見。又道色見聲求。是行邪道。衆中莫有爲國師作主者麼。我要問你。既是身心一如。身外無餘。泡幻之身。爲什麼不同法體。○南

陽張漬行者問。承和尚說無情說法。某甲未體其事。

乞和尚垂示。師曰。汝若問無情說法。解他無情。方得。

聞我說法。汝但聞取無情說法去。○肅宗問師在曹谿。得何法師。曰。陛下還見空中一片雲麼。帝曰。見師

曰。釘釘著懸挂著。帝又問。如何是十身調御師。乃起

立曰。會麼。帝曰。不會。師曰。與老僧過淨瓶來。帝又曰。

如何是無諍三昧師。曰。檀越蹋毗盧頂上行。帝曰。此

意如何。師曰。莫認自己清淨法身。

徑山果云。諸人要見志國師麼。只在

你眼睛裏開眼也。蹉過合眼也。蹉過既在眼睛裏。爲甚麼却蹉過。妙喜恁麼道也。蹉過不少。帝又

問師。都不視之。曰。朕是大唐天子。師何以殊不顧視。

師曰。還見虛空麼。帝曰。見師曰。他還眨目視陛下否。

○一日肅宗到師。指石師子曰。陛下這石師子奇特。

下取一轉語。帝曰。朕下語不得。請師下語。師曰。山僧

罪過後。就源問皇帝。還會麼。師曰。皇帝會。且置。你作

麼生會。

玄沙備云。大小國師被侍者勘破。

○師與紫璘供奉論議。師

陞座供奉。曰。請師立義。某甲破師曰。立義竟。供奉曰。

是甚麼義。師曰。果然不見。非公境界。便下座。○一日

師問紫璘供奉。佛是甚麼義。曰。是覺。義師曰。佛曾迷

否。曰。不曾迷。師曰。用覺作麼。供奉無對。

徑山果代云。若不入水爭人。

見長供奉問。如何是實相。師曰。把將虛底來。曰。虛底

不可得。師曰。虛底尙不可得。問實相什麼。○僧問。如

何是佛法大意。師曰。文殊堂裏。萬菩薩曰。學人不

會。師曰。大悲千手眼。○師以化緣將畢。涅槃時。至乃辭

代宗。代宗曰。師滅度後。弟子將何所記。師曰。告檀越

造取一所無縫塔。帝曰。就師請取塔樣。師良久曰。會

麼。帝曰。不會。師曰。貧道去後。有侍者應真。却知此事。

乞詔問之。代宗後詔應真問前語。應真良久曰。聖上

會麼帝曰不會應真述偈曰湘之南潭之北中有黃金充一國無影樹下合同船瑠璃殿上無知識神應
前來國師作用不能明了次問耽源耽源恁麼頌且道盡善不盡善神鼎與你諸人下四轉語湘之南潭之北君臣有路中有黃金充一國淨妙體圓無影樹下合同船千聖同轍瑠璃殿上無知識凡聖路絕若與麼會去必不相厭神鼎與麼註解只是孤負國師雪竇頌云肅宗不會且置耽源還會麼祇消箇請師塔樣盡西天此土諸位祖師這是一撥不免將南作北有傍不肯底出來我要問你那箇是無縫塔頌云無縫塔見還難登潭不許蒼龍蟠層落影團圓千古萬古與人看保寧勇云所謂非父不生其子雖然如是護肅宗一人即得爭奈天下和尚眼何且道那箇是納僧眼便下座五祖演云衆中道國師良久殊不知懸鼓待槌當時肅宗若是作家君王待伊教詔耽源但向道國師何必後詔耽源就源呈頌云云代云開言語圓悟勳頌云八面自玲瓏盤空勢發峯表裏鎮巍然若爲分六鑿執名匿相認影迷形臥龍長佈碧潭清合同船子開心掩日用如何不現成

荷澤神會禪師

西京荷澤神會禪師者襄陽人也年十四爲沙彌謁六祖祖曰知識遠來大艱辛將本來否若有本則合識主試說看師曰以無住爲本見卽是主祖曰這沙彌爭合取次語便打師於杖下思惟曰大善知識歷劫難逢今既得遇豈惜身命自此給侍他日祖告衆曰吾有一物無頭無尾無名無字無背無面諸人還

識否師乃出曰是諸法之本源乃神會之佛性祖曰向汝道無名無字汝便喚作本源佛性師禮拜而退祖曰此子向後設有把茆蓋頭也只成得箇知解宗徒法眼云古人授記人終不錯如今立知解爲宗卽荷澤也祖滅後二十年間曹谿頓旨沈廢於荆吳嵩嶽漸門盛行於秦洛師入京天寶四年方定兩宗南能頓宗北秀漸教乃著顯宗記行于世○一日鄉信至報二親亡師入堂白槌曰父母俱喪請大衆念摩訶般若衆纔集師便打槌曰勞煩大衆

耽源應真禪師六祖下二世南陽忠法嗣

吉州耽源山應真禪師爲國師侍者時一日國師在法堂中師入來國師乃放下一足師見便出良久却回國師曰適來意作麼生師曰向阿誰說卽得國師曰我問你師曰甚麼處見某甲師又問百年後有人問極則事如何國師曰幸自可憐生須要覓箇護身符子作麼五祖戒云和尚終是老婆心切保寧勇云粉骨碎身難報此恩大渴泰云大小耽源被國師一坐直至如今起不得若是古德卽不然待國師道幸自可憐生須要箇護身符子作什麼只向他道暗中爲照○異日師攜籃子歸方丈國師問籃裏甚麼物師曰青梅國師曰將來何用師曰供養國

師曰青在爭堪供養師曰以此表獻國師曰佛不受供養師曰某甲只恁麼和尚如何國師曰我不供養師曰爲甚麼不供養國師曰我無果子○百丈海和尚在潞潭山牽車次師曰車在這裏牛在甚麼處百丈斫額師乃拭目○麻谷問十二面觀音豈不是聖師曰是麻谷與師一擲師曰想汝未到此境○國師諱曰設齋有僧問曰國師還來否師曰未具他心曰又用設齋作麼師曰不斷世諦

教外別傳卷四

教外別傳卷五

六祖大鑒禪師法嗣

南嶽懷讓禪師

南嶽懷讓禪師姓杜氏金州人唐儀鳳二年四月八日降誕年十五歲往荊州玉泉寺依弘景律師出家通天二年受戒後習毗尼藏一日自歎曰夫出家者

爲無爲法天上人間無有勝者乃詣曹谿參六祖祖問甚麼處來曰嵩山來祖曰甚麼物恁麼來師無語遂經八載忽然有省乃白祖曰某甲有箇會處祖曰作麼生師曰說似一物即不中祖曰還假修證否師曰修證則不無污染即不得祖曰祇此不污染諸佛之所護念汝既如是吾亦如是西天般若多羅識汝足下一馬駒踏殺天下人師執侍左右十五年先天二年往衡嶽居般若寺○開元中有沙門道一馬祖在衡嶽山常習坐禪師知是法器往問曰大德坐禪圖甚麼道一日圖作佛師乃取一輓於彼庵前石上磨道一日磨作甚麼師曰磨作鏡道一日磨輓豈得成鏡邪師曰磨輓既不成鏡坐禪豈得作佛道一日如何即是師曰如牛駕車車若不行打車即是打牛即是道一無對師又曰汝學坐禪爲學坐佛若學坐禪禪非坐臥若學坐佛佛非定相於無住法不應取捨汝若坐佛即是殺佛若執坐相非達其理一聞示誨如飲醍醐禮拜問曰如何用心即合無相三昧師曰汝學心地法門如下種子我說法要譬彼天澤

汝緣合故當見其道。又問道：非色相云何能見？師曰：

心地法眼能見乎？道無相三昧亦復然矣。道一曰有

成壞否？師曰：若以成壞聚散而見道者，非見道也。聽

吾偈曰：心地含諸種，遇澤悉皆萌。三昧華無相，何復

復何成？一蒙開悟，心意超然。侍奉十秋，日益玄奧。入

室弟子，總有六人。師各印可曰：汝等六人同證吾身

各契其一一人得吾肩善威儀常造一人得吾眼善願

盼達一人得吾耳善聽理坦一人得吾鼻善知氣神

一人得吾舌善譚說嚴一人得吾心善古今道○有

一大德問如鏡鑄像成後未審光向甚麼處去？師

曰：如大德爲童子時，相貌何在？法眼益云阿那箇曰：

祇如像成後爲甚麼不鑑照？師曰：雖然不鑑照，護他

一點不得。○後馬大師闡化於江西，師問衆曰：道一

爲衆說法，否？總未見人持箇消息來。因遣一僧去，囑

曰：待伊上堂時，但問作麼生？伊道底言語記將來。僧

去一如師旨，回謂師曰：馬師云自從胡亂後三十年

不曾少鹽醬。師然之。徑山杲云：雲門即不然，夜夢不

妙害與馬祖是同，是別如何黑。漆屏風上更寫盧仝月蝕詩。

南嶽下一世

江西馬祖道一禪師南嶽讓

江西道一禪師，漢州什邡縣人，姓馬氏，牛行虎視，引

舌過鼻，足下有二輪文，開元中習禪定於衡嶽山中。

遇讓和尚同參，六人唯師密受心印。讓之一猶思之，遷也。同源而異。

派故禪法之盛，始於二師。劉軻云：江西主大寂，湖南主

石頭，往來憧憧，不見二大士，爲無知矣。西天般若多羅

記達磨云：震旦雖潤，無別路要，假兒孫脚下，行金雞解

街一粒粟，供養十方羅漢，繼又六祖開讓和尚，曰：向後

佛法從汝遷去。馬駒踢殺天下人。○一日謂衆曰：

汝等諸人各信自心，是佛。此心卽是佛心。達磨大師

從南天竺國來至中華，傳上乘一心之法，令汝等開

悟，又引楞伽經文以印衆生心地，恐汝顛倒不自信。

此一心之法，各各有之。故楞伽經以佛語心爲宗，無

門爲法門。夫求法者，應無所求心，外無別佛，佛外無

別心，不取善不捨惡，淨穢兩邊俱不依怙，達罪性空

念念不可得，無自性，故故三界唯心，森羅萬象一法

之所印。凡所見色皆是見心，心不自心，因色故有。汝

但隨時言說卽事，卽理都無所礙。菩提道果亦復如

是於心所生，卽名爲色。知色空故，生卽不生。若了此

意乃可隨時著衣喫飯長養聖胎任運過時更有何事。汝受吾教聽吾偈曰：心地隨時說，菩提亦祇寧。事理俱無礙，當生即不生。○僧問和尚爲甚麼說即心即佛？師曰：爲止小兒啼。曰：啼止時如何？師曰：非心非佛。曰：除此二種人來如何？指示師曰：向伊道不是物。曰：忽遇其中人來時如何？師曰：且教伊體會大道。○問如何是西來意？師曰：卽今是甚麼意？○龐居士問：不昧本來人，請師高著眼。師直下覷居士曰：一等沒絃琴。唯師彈得妙，師直上覷居士禮拜。師歸方丈，居士隨後曰：適來弄巧成拙。雲峯悅云：且道是實家弄巧成拙，主家弄巧成拙，還有人揀得出麼？若揀得出三十棒一棒也較不得，若揀不出明年更有新條在。惱亂春風卒未休。瑯琊覺云：一夜作竊不覺天曉。智海逸云：二老漢一箇開口了，合不得一箇合口了。開不得更有一箇未欲說破，乃呵阿大笑。歸方丈。徑山杲云：馬大師覷上覷下，卽不無爭奈。昧却本來人，居士雖禮拜也是渾崙吞箇裏。馬師歸方丈，居士隨後云：弄巧成拙，教得一半。楚石琦云：說甚麼教得一半？三十年後換手椎，曾去在。金粟悟云：我作馬祖待他，道不昧本來人，請師高著眼，劈脊便打他更道一種沒絃琴。唯師彈得妙，乃連棒打出，免伊向弄巧成拙。又問如水無筋骨，能勝萬斛舟，此理如何？師曰：這裏無水亦無舟，說甚麼筋骨？○一夕西堂百丈南泉隨侍，阮月次師問：正恁麼時如何？西堂曰：正

好供養百丈曰：正好修行。南泉拂袖便行。師曰：經入藏，禪歸海，唯有普願獨超物外。翠巖真云：神鼎叔翁云：只爲老婆心切，翠巖卽不然。垂萬里釣，駐千里鳥，羅布漫天網，打箇蝦鱗。還有麼？有則衝浪來相見，如無且歸巖下待月明。渤潭清云：是則全是，非則全非。後來神鼎道：只爲老婆心切，神鼎與麼道：大似金沙混雜，玉石不分。只如馬大師道：經入藏，禪歸海，唯有普願獨超物外，什麼處是老婆心切？處處還辨得麼？不省這箇意，修行徒苦辛。虎丘隆云：馬駒踏殺天下人，一箇直須一掌血。三大士各展家風，不覺翻成老婆心切。叢林浩浩，商量總道，既月話奇特，檢點將來，克由耐何？故三人證龜成鳖。靈隱嶽於正好供養處云：望梅林止渴，正好修行處云：金不博金，拂袖便行處云：只得一撇獨超物外處云：庵摩呢達呢，呼嚕叱復云：這一夥落鼻孔，總被穿却了也。你諸人向什麼處出？○百丈問：如何是佛法旨趣？師曰：正是汝放身命處。師問百丈：汝以何法示人？百丈豎起拂子。師曰：祇這箇爲常別。有百丈拋下拂子。○有小師耽源行，脚回於師前，畫箇圓相，就上拜了。立師曰：汝莫欲作佛否？曰：某甲不解捏目。師曰：吾不如汝小師不對。○鄧隱峯辭師曰：甚麼處去？曰：石頭去。師曰：石頭路滑。曰：竿木隨身，逢場作戲，便去。纔到石頭，卽繞禪牀一匝，振錫一聲，問是何宗旨？石頭曰：蒼天蒼天，隱峯無語，却回舉似。師師曰：汝更去問待他有答。汝便噓兩聲，隱峯又去。依前問石頭，乃噓兩聲，隱

峯又無語。回舉似師。師曰。向汝道石頭路滑。○有僧於師前作四畫。上一畫長。下三畫短。曰。不得道。一畫長。三畫短。離此四字外。請和尚答。師乃畫地一畫。曰。不得道長。短答汝了也。

忠國師問別云。何不問老僧年。天奇瑞云。這僧却似夢裏渡河。不知渾身泥水。馬祖就樹採花。未覺遠飛他國。山僧待忠國師。道何不問老僧。當時只對他道。自屎不覺。吳大衆三人。且止。即今不道長。不道短。又作麼生會。○有講僧問曰。未審禪宗傳持何法。師却問曰。座主傳持何法。座主曰。忝講得經論二十餘本。師曰。莫是師子兒否。座主曰。不敢。師作噓噓聲。座主曰。此是法師曰。是甚麼。座主曰。師子出窟。法師乃默然。座主曰。此亦是法師曰。是甚麼。座主曰。師子在窟。法師曰。不出不入。是甚麼。座主無對。

百丈代云。見麼。天奇瑞名。噓噓默然。在費兩頭奔競。若在山僧待馬祖。道莫是師子兒否。便道這畜生。非但把住百丈。亦使馬祖有口無言。何故。故斬不白。遂辭出門。師召曰。座主。座主同獻帝存留。盡在曹公。

首師曰。是甚麼。座主亦無對。師曰。這鈍根阿師。○洪州廉使問曰。喫酒肉。卽是不喫。卽是師曰。若喫是中承祿。不喫是中承福。○師入室弟子一百二十九人。各爲一方宗主。轉化無窮。○師於眞元四年正月示

疾。院主問和尚近日尊候如何。師曰。日面佛。月面佛。

南嶽下二世

百丈懷海禪師馬祖一法嗣

洪州百丈山懷海禪師者。福州長樂人。姓王氏。少歲離塵。三學該練。屬大寂闡化。江西乃傾心依附。與西

堂智藏。南泉普願。同號入室。時三大士爲角立焉。○

師侍馬祖行次。見一羣野鴨飛過。祖曰。是甚麼。師曰。

野鴨子。祖曰。甚處去也。師曰。飛過去也。祖遂把師鼻

扭負痛失聲。祖曰。又道飛過去也。師於言下有省。雪

顯頌云。野鴨子。知何許。馬祖見來。相共語話。盡雲山水月情。依然不會。還飛去。却把住道道。

侍者察哀。哀大哭。問事問曰。汝憶父母邪。師曰。無日

被人罵。邪。師曰。無日哭作甚麼。師曰。我鼻孔被大師

扭得痛。不徹。同事曰。有甚因緣。不契。師曰。汝問取和

尚去。同事問大師曰。海侍者有何因緣。不契。在寮中

哭告和尚爲某甲說。大師曰。是伊會也。汝自問取他

同事歸寮。曰。和尚道汝會也。教我自問。汝師乃呵呵

大笑。同事曰。適來哭如今爲甚。却笑。師曰。適來哭如

今笑。同事罔然。

笑巖實云。馬祖雖捉住箇黃鼠。不覺兩手臊氣。百丈雖拾得鼻頭。不知打

失口直教飛去。○次日馬祖陞堂衆纔集師出卷忽飛來復云險。

却席祖便下座師隨至方丈祖曰我適來未曾說話汝爲甚便恁却席師曰昨日被和尚扭得鼻頭痛祖

曰汝昨日向甚處留心師曰鼻頭今日又不痛也祖

曰汝深明昨日事師作禮而退雪竇顯云諸方皆謂奇特深處學還當麼

若當譬如水母以眼爲目若不當又空讀數圖箇什麼衆中一般漢亂踏向前問古人意旨如何更有老底不

識好惡對云將謂仙陀客又云來日更到座前苦哉苦哉如此自稱宗匠欲開人天眼目驢年去諸上座雪竇

當時若見伊出來卷席劈臂一踏令坐者倒者俱起不得且要後人別有生涯去免見反相鈍置豈不是箇笑

盡底漢舍也無歸處白雲端出馬祖語云我鈍置猶可你鈍置太煞黃龍心云馬祖陞堂百丈卷席後人

不善來風盡道不留朕迹殊不知桃花溪裏正好張帆七里灘頭更堪垂釣如今必有辨浮沉識深淺底漢試

出來定當水脉看有麼如無○師再參侍立次祖曰且將漁父笛聞向海邊吹

視繩牀角拂子師曰卽此用離此用祖曰汝向後開兩片皮將何爲人師取拂子豎起祖曰卽此用離此

用師挂拂子於舊處祖振威一喝師直得三日耳聾汾陽昭云語去便休說什麼三日耳聾石門聰云若不三日耳聾何得語去汾陽云我與麼道較他石門半

月程雪竇顯云奇恠諸禪德如今列其派者多究其源者少總道百丈於喝下大悟還端的也無然刁刀相

似魚魯參差若是明眼漢說他一點不得只如馬師道爾後開兩片皮將何爲人百丈豎拂爲復如蟲擊木爲

復啐啄同時諸人要會三日耳聾麼大冶精金應無變色東林總云當言不避截舌當爐不避火逆佛法豈

可曲順人情東林今日向驪龍窟內爭珠去也百丈大智不無他三日耳聾汾州石門爭免箇二俱瞎漢只這

三箇老漢還覺悟去也無良久云祖禪不了殃及兒孫雲蓋智云發大機顯大用非馬祖而誰能爲卽此用

離此用獨百丈得其旨爲甚麼被馬祖一喝直得三日耳聾要會麼不入驚人溟難逢稱意魚黃龍新云黃

龍路見不平等要問雪竇既是大冶精金應無變色爲甚麼三日耳聾要會麼從前汗馬無人識只要重論蓋代

功且圓悟勸云然則作家共相提唱不妨各有爲人眼要且明得馬祖百丈大機未明馬祖百丈大用不惜

眉毛露箇消息也要諸方檢責還知這一喝麼直似雷霹靂聽者喪膽亡魂要會三日耳聾正如擊鼓毒鼓

聞者喪身失命舉拂子云或有箇問卽此用離此用和聲便打隨後與喝復云還見馬祖百丈麼忽中愠云

無辯龍蛇眼目難以荷負正宗無超佛祖機謀難以定論今古馬祖一喝何止百丈三日耳聾直得盡浮幢王

利海若聖若凡被他轟破耳門聽事不真喚鐘作響與麼舉揚諸人還知落處麼良久雲收雨霽長空潤一對

鸞鷟盡不成徑山信云父子互換經卷可觀冷眼看來總是白地上弄精魂頌云三日耳聾也大奇業風揭

密阿師何以故此處無銀三十兩咄像阿師何以故此處無銀三十兩咄一日師謂衆

曰佛法不是小事老僧曾被馬大師一喝直得三日耳聾黃檗聞舉不覺吐舌師曰子已後莫承嗣馬祖

去麼黃檗曰不然今日因和尚舉得見馬祖大機之用然且不談馬祖若嗣馬祖已後喪我兒孫師曰如

是如是見與師齊滅師半德見過於師方堪傳授子甚有超師之見黃檗使禮拜溪山問仰山百丈再參

馬祖因緣此二尊宿意旨如何仰山云此是顯大機大用溪山云馬祖出八十

四人善知識幾人得大機幾人得大用仰山云百丈得

終見底人。○上堂靈光獨耀。迴脫根塵。體露真常。不

拘文字。心性無染。本自圓成。但離妄緣。即如如佛。○

普請鏝地。次忽有一僧聞鼓鳴。舉起鏝頭。大笑便歸。

師曰。俊哉。此是觀音入理之門。師歸院。乃喚其僧問。

適來見甚麼道理。便恁麼曰。適來肚饑。聞鼓聲歸喫。

飯。師乃笑。圓悟勦云。這僧洪音大振。直得一千五百

人大善。知識眼目。定動及乎勸證。將來却

打箇背。翻筋斗。若不是溪山。爭見汗馬。功高後來。道有

此一僧。只得一半。道無此一僧。只得一半。今日板聲。鐘

聲。魚聲。鼓聲。齊振。或有箇拍手呵呵。大笑。直向伊道。觀

世音菩薩來也。此章或列于溪山章。故諸師皆云。溪

山此從。○因僧問西堂。有問有答。即且置。無問無答。

時如何。西堂曰。怕爛却。那師聞舉。乃曰。從來疑這箇。

老兄曰。請和尚道。師曰。一合相不可得。○師謂衆曰。

有一人。長不喫飯。不道饑。有一人。終日喫飯。不道飽。

衆無對。天奇瑞云。飢則可以喫飯。飽則可以安眠。有

人會得。須彌高而無高。大海淵而無淵。且道

與百丈是。○雲巖問和尚。每日區區爲阿誰。師曰。有

一人要雲巖曰。因甚麼不教伊自作。師曰。他無家活。

○問趙州。近離甚處。曰。南泉。師曰。南泉有何。曰。句曰。

乃召之大衆。回首師曰。是甚麼。藥山目之爲。○師凡

作務執勞。必先於衆主者。密收作具。師曰。吾無德爭

合勞於人。既徧求作具。不獲而亦忘。汝故有一日不

作。一日不食之語。

南泉普願禪師

池州南泉普願禪師。鄭州新鄭人。姓王氏。幼慕空宗。

後扣大寂之室。頓然忘筌。得遊戲三昧。○一日爲衆

僧行粥次。馬祖問桶裏是甚麼。師曰。這老漢合取口。

作甚麼語。話祖便休。○上堂。然燈佛道了也。若心相

所思。出生諸法。虛假不實。何以故。心尚無有。云何出

生諸法。猶如形影。分別虛空。如人取聲。安置篋中。亦

如吹網。欲令氣滿。故老宿云。不是心。不是佛。不是物。

且教你兄弟行履。據說十地菩薩。住首楞嚴三昧。得

諸佛秘密法藏。自然得一切禪定。解脫神通妙用。至

一切世界。普現色身。或示現成等正覺。轉大法輪。入

涅槃。使無量入毛孔。演一句經。無量劫其義不盡。教

化無量億千衆生。得無生法。忍尚喚作所知。愚極微

細所知。愚與道全乖。大難大難。珍重。○上堂曰。王老

師

師自小養一頭水牯牛。擬向溪東牧。不免食他國王水草。擬向溪西牧。亦不免食他國王水草。不如隨分納些些。總不見得。

雲門偈云。且道牛內納牛外納。直饒你說得納處分明。我更問你。覓

牛在溪山結云。雲門只解索牛不解穿他鼻。孔拈拄杖云。三世諸佛。天下老和尚。鼻孔盡被山僧拄杖一時穿却。且道山僧鼻孔在什麼處。良久云。誣人之罪。以全罪科之。長慶稜云。你道南泉前頭。爲人後頭。爲人雪竇顯云。一時穿却。昭覺勸云。仰光順物。與世同塵。不犯鋒鋦。收放自在。是南泉本分。草料山僧自小養一頭水牯牛。有時孤峯獨立。有時關市縱橫。不論溪東溪西。一向破塵破的。且道。即今在什麼處。試着眼看。天童傑云。南泉起模。畫幾長。披沙揀金。雲門鼻孔先穿。雪竇據款結案。拈拄杖。更有一箇在什麼處。擲下拄杖。

靈隱嶽云。王老師傾軋倒腹。則不無未見。移風易俗。在山僧只養得一頭驢。一向東倒西搥。順時一日。何啻千里萬里。拘時直是一步不移。且道與王老師水牯牛相去多少。良久云。漁人舞棹。野老謳歌。金粟悟云。南泉希圖本分。不

知翻成分外。 ○師問僧曰。夜來好風。曰。夜來好風。

師曰。吹折門前一枝松。曰。吹折門前一枝松。次問一

僧曰。夜來好風。曰。是甚麼風。師曰。吹折門前一枝松。

曰。是甚麼松。師曰。一得一失。翠巖真云。衆中商量甚多。有云。前來據實。祇對

所以云。得後來不合云。是什麼風。所以云。失然。只知車書混同。泥玉一。所何哉。不知道之根源。理之深淺。要會麼。路逢劍客須呈劍。 ○師有書與茱萸曰。理隨事變。

寬廓非外事。得理融寂寥。非內僧達書了。便問茱萸。如何是寬廓。非外茱萸曰。問一答百也。無妨。曰。如何。

是寂寥。非內茱萸曰。覩對聲色。不是好手。僧又問長

沙長沙。瞪目視之。僧又進後語。長沙乃閉目示之。僧

又問趙州。趙州作喫飯勢。僧又進後語。趙州以手作

拭口勢。後僧舉似師。師曰。此三人不謬爲吾弟子。山

勸云。南泉雖則養子之緣。其奈憐兒不覺醜。殊不知這三人。一人有目無足。一人有足無目。一人足目俱無。雖

然如是。皆可與南泉爲師。爲甚如此。理事分明。 ○南泉山下有一庵主人謂

曰。近日南泉和尚出世。何不去禮見庵主。曰。非但南

泉出世。直饒千佛出。與我亦不去。師聞乃令趙州去

勸趙州去。便設拜。庵主不顧。趙州從西過東。又從東

過西。庵主亦不顧。趙州曰。草賊大敗。遂拽下簾子。便

歸。舉似師。師曰。我從來疑著這漢。次日師與沙彌攜

茶一瓶。盞三隻。到庵。擲向地上。乃曰。昨日底。昨日底

庵主。曰。昨日底。是甚麼。師於沙彌背上拍一下。曰。賺

我來。賺我來。拂袖便回。雪竇顯云。大小南泉。趙州被這箇檐板漢。勘破了。

詰云。庵主坐觀勝敗。大小南泉。趙州向淨地上喫交。

智海云。云是即是。庵主即解把定封疆。不能同生同死。

趙州禮拜時。但云。這賊我識得你了。也待伊從東過西。

從西過東。拽拄杖。趁出庵。且看趙州。別有什麼伎倆。 ○上堂。道箇如如是。變了也。今時師僧。須向異類

中行。歸宗曰。雖行畜生行。不得畜生報。師曰。孟八郎

漢又怎麼去也

德山密云南泉中毒也。瑯琊覺云山僧不然。遇水喫水。遇草喫草。焉知

畜生行。法華譬云。且道作麼生。是異類中行。石牛長臥三春。霧木馬時嘶。秋夜泉天。奇瑞云。戴角披毛。須是親到此地。始得。若是妄去鑽研。決定不能奈何。茲者但念水草。餘無所知。是箇當家人。方說着實話。且道變則異類不變。又作麼生不。見道孟八郎又怎麼去。

○上堂文殊普賢昨夜三更相打。每人與二十棒。趁出院也。趙州曰。和尚棒教

誰喫。師曰。且道王老師過在甚處。趙州禮拜而出。雲

偃代云。深領和尚慈悲。某甲歸衣鉢下。得箇安樂。又代云。與衆除害。報慈遂云。且道趙州休去。是肯南泉。不

肯南泉。夾山論云。南泉一期逞俊。爭奈平地起堆。趙州雖是親面。投機不覺。腦門著地。昭覺勸云。南泉勸

絃。趙州別曲。苦痛蒼天。塞山拾得。若是崇奉。則不然。燈籠露柱。昨夜起。佛見法見。各與二十棒。令歸本位去也。

或有箇出云。和尚棒教誰喫。只對他道。落賓落主。徑山泉頌云。南泉無過口。能招禍。趙州禮拜草賊大敗。徑山不管結案。據款文。

○師因至莊所莊主預備迎奉。殊善賢且過一邊。

師曰。老僧日常出入不與人知。何得排辦如此。莊主

曰。昨夜土地報道。和尚今日來。師曰。王老師修行無

力。被鬼神覷見。侍者便問和尚。既是善知識。爲甚麼

被鬼神覷見。師曰。土地前更下一分飯。因聖顯云。南泉被這僧

問不免向鬼窟裏作活計。雲居錫云。是貴伊是罰伊。只如土地覷見。是南泉。不是南泉。翠巖真云。衆中多

有道。蘇噓噓。噓便是土地。前一分飯。如斯理。論深屈古人。何故只知於詞。要說不知。南泉道理。諸人要會麼。執

之失度。必入邪路。放之自然。體無去住。天童覺云。老僧當時若見莊主與麼道。便與捉住云。放汝不得。何故

不見道。來說是非。○師有時曰。江西馬祖說。卽心卽

者。便是是非人。佛王老師不怎麼道。不是心。不是佛。不是物。怎麼道

還有過麼。趙州禮拜而出。時有一僧。隨問趙州曰。上

座禮拜。便出。意作麼生。趙州曰。汝却問取和尚。僧乃

問。適來論上座。意作麼生。師曰。他却領得老僧意旨

黃龍心云。古人怎麼道。譬若管中窺豹。但見一班。設使

入林不動。草入水不動。波猶是騎馬向冰。後上行。若是

射鵰底手。何不向蛇頭。擗。透關者。試辯看。良久云。爲

甚。纔出自金針。徑山泉云。兩箇老漢。雖善靴裏動指

殊。不知傍觀者醜。楚石琦云。○黃檗與師爲首座

南泉趙州總被這僧一狀領過。一日棒鉢向師位上坐。師入堂見。乃問曰。長老甚麼

年中行道。黃檗曰。威音王已前。師曰。猶是王老師兒

孫。在下去。黃檗使過第二位坐。師便休。溪山祐云。歎

云。不然。須知黃檗有陷虎之機。溪山云。子見處。得與麼

長。雪竇顯云。可惜王老師。只見錐頭利。我當時若作

南泉。待伊道。威音王已前。卽便於第二位坐。令黃檗一

生起。不得雖然如此也。須救取南泉。雲峯悅云。後來

叢林中。多有商量。或道黃檗有陷虎之機。南泉有殺虎

之用。若作與麼說話。誠實苦哉。殊不知這老賊。有年無

德。喫飯坐處。也不依本分。若向雲峯門下。說甚威音王

已前。王老師更大直須喫棒。趁出。徑山泉云。何待問

他。甚年行道。纔入堂。見他在上位。便捧鉢向第

二位坐。直饒黃檗有陷虎之機。擬向甚處施設。○師

一日問黃檗。黃金爲世界。白銀爲壁落。此是甚麼人

居處。黃檗曰。是聖人居處。師曰。更有一人居何國土

黃檗乃叉手立師曰道不得何不問王老師黃檗却問更有一人居何國土師曰可惜許○師問黃檗定慧等學明見佛性此理如何黃檗曰十二時中不依倚一物師曰莫是長老見處麼黃檗曰不敢師曰漿水錢且置草鞋錢教阿誰還澗山祐問仰山莫是黃山不然須知黃檗有陷虎之機澗山云子見處得與麼長保羅展云若無澗山仰山沒着黃檗五祖戒云仰山大似爲蛇書足雲峯悅云若不同林睡焉知被底穿大澗智云教敵者亡徑山果云路遙劍客須呈劍不是詩人不獻詩楚石琦○師見僧斫木次師云又是逢便宜又是落便宜○師見僧斫木次師乃擊木三下僧放下斧子歸僧堂師歸法堂良久却入僧堂見僧在衣鉢下坐師曰賺殺人○問師歸丈室將何指南師曰昨夜三更失却牛天明起來失却火○師因東西兩堂爭貓兒師遇之白衆曰道得即救取貓兒道不得即斬却也衆無對師便斬之趙州自外歸師舉前語示之趙州乃脫履安頭上而出師曰子若在即救得貓兒也雪峯存問德山南泉斬貓意旨如何德山云我與麼老婆打趁出復召云會麼雪峯云不會德山云我與麼老婆殺自不會保福展云雖然如是也即是破草鞋翠巖芝云大小趙州祇可自救雪竇顯頌南泉斬貓云兩堂俱是杜禪和撥動煙塵不奈何賴得南泉能舉令一刀兩段任個頭趙州戴鞋云公案圓來問趙州長安城裏任閒遊草鞋頭戴無人會歸到家山便即休

大澗智云南泉據令而行趙州見機而作雖然如是未免掛人臂膀大圓要與南泉把手共行遂拈拂子云若道得即奪取去衆無語乃云啼得血流無用處不如絨口過平生萬峯蔚云兩堂首座無定亂之機南泉乃有安邦之手看他正令纔行誰敢當場開口趙州救得貓兒來遲未爲好手嵩山拂袖便行且道救也不救天奇瑞云開時安排底簇錦攢花及至臨時却似泥塑木雕你等諸人俱到南泉爲箇甚麼提起數珠云是什麼于今禪和子不看當機正令只在斬不斬處生情立見所以陸過南泉大命你看英靈自然各別亦不論你開言便以本分事露出所以方○師在方丈與杉山向火次師曰不用指東指西直下本分事道來杉山插火箸叉手師曰雖然如是猶較王老師一線道○有僧問訊叉手而立師曰太俗生其僧便合掌師曰太僧生僧無對徑山果云合掌太僧生叉手又俗氣蘇嚕蘇嚕悉喇悉喇喝一喝云是甚麼近來王令稍嚴不許攪行奪市楚石琦云叉手太俗合掌太僧不僧不俗誰敢安名檢點將來也是塚生招○一僧洗鉢箭且道落在這僧分上落在南泉分上○一僧洗鉢次師乃奪却鉢其僧空手而立師曰鉢在我手裏汝口喃喃作麼僧無對○師因入菜園見一僧師乃將瓦子打之其僧回顧師乃翹足僧無語師便歸方丈僧隨後入問訊曰和尚適來擲瓦子打某甲豈不是警覺某甲師曰翹足又作麼生其僧無對後有僧問南泉翹足意作麼生石霜舉手云遷怎麼也無○上堂王老師賣身去也還

有人買麼。一僧出曰。某甲買師曰。不作貴。不作賤。汝

作麼生。買僧無對。

趙州語云。明年與和尚縫一領布衫。臥龍球代云。屬某甲去也。

禾山殷代云。是何道理。雪竇顯云。雖然作家競買。

要且不解輪機。且道南泉還肯麼。雪竇云。擬誦箇價直。

令南泉進且無門退亦無路。其久云。別處容和尚不得。

笑巖賢云。這賣身話。歷代尊宿拈提相酬。價者甚多。

只是終不能奈何得伊。山僧今日也。析新出箇價直。教

南泉。此身更屬已不得。屬人不得。作實不得。作主不得。

待云。不作貴。不作賤。汝作麼生。買只。○師曰。二世諸

佛不知。有猶奴白牯却知。○大溈智云。三世諸佛既

曾夢見。灼然須知。向上有知。有底人始得。且作麼生。是

知有底人。喫官酒。臥官街。當處死。當處埋。沙場無限英

雄漢。堆山積嶽。露屍骸。徑山泉頌云。三世諸佛不知

有。老大大外邊。走眼皮。盡盡五須彌。大洋海裏翻筋

斗。狸奴白牯却知。有瀑布不瀉青山走。○師與歸宗

却笑無端王老師。錯認簸箕作熨斗。○師與歸宗

麻谷同去參禮南陽國師。師於路上畫一圓相。曰。道

得。卽去歸宗。便於圓相中坐。麻谷作女人拜。師曰。恁

麼。則不去也。歸宗曰。是甚麼心。行師乃相喚。便回。更

不去禮國師。報慈遂云。只如南泉。恁麼道。是肯語。是不肯語。雲居錫云。比來去禮國師。南

泉爲甚麼却相喚。同且道。古人意作麼生。勸潭英云。學般若菩薩。須到這箇田地。始得如金盤裏盛珠。不撥

而自轉。然雖如是。只如南泉道。與麼則不去也。利害在

甚麼處。還有人道得麼。試出來道看。如無山僧與你下

箇注脚。其久云。不入洪波裏。爭顯弄潮人。中峯本云。南泉畫地爲牢。歸宗墮坑落漚。麻谷恭而無禮。點檢將

來。一人眼空四海。一人舌

拄梵天。一人入地獄。如箭

○師在山上作務。僧問南

泉路向甚麼處去。師拈起錄子曰。我這茆錄子。三十

錢買得。曰。不問茆錄子。南泉路向甚麼處去。師曰。我

使得正快。○有一座主辭師。師問甚麼處去。對曰。山

下去。師曰。第一不得謗王老師。對曰。爭敢謗和尚。師

乃噴嚏曰。多少座主便出去。雲居膺云。非師本意。曹山寂云。賴也。石霜

諸云。不爲人辭。酌長慶稜云。請領話。雲居錫云。座主當時出去。是會不會。

○師一日掃

方丈門。將灰圍却門外。曰。若有人道得。卽開。或有祇

對多未。愜師意。趙州曰。蒼天師便開門。○師旣月次

僧問。幾時得似這箇去。師曰。王老師二十年前亦恁

麼來。曰。卽今作麼生。師便歸方丈。○陸亘大夫問弟

子從六合來。彼中還更有身否。師曰。分明記取。舉似

作家。曰。和尚不可思議。判處世界成就。師曰。適來總

是大夫分上事。○陸大夫異日謂師曰。弟子亦薄會

佛法。師便問大夫。十二時中作麼生。曰。寸絲不挂。師

曰。猶是墻下漢。師又曰。不見道。有道君王不納有智

之臣。○上堂次。陸大夫曰。請和尚爲衆說法。師曰。教

老僧作麼生。說曰。和尚豈無方便。師曰。道他欠少甚

麼。曰。爲甚麼有六道四生。師曰。老僧不教他。○陸大

夫

夫與師見人雙陸指骰子曰：「怎麼不怎麼？正怎麼？信彩去時如何？」師拈起骰子曰：「臭骨頭十八。」○陸又問：「弟子家中有一片石，或時坐，或時臥，如今擬鑄作佛，還得否？」師曰：「得。」曰：「莫不得？」師曰：「不得。」

雲巖展云：坐即佛，不坐即非佛。

非佛。洞山外云：不坐即佛，坐即非佛。保福展云：南泉看樓打樓，雲巖展云：洞山一起一倒。五祖戒云：南泉只解移風，不解易俗。雲巖展云：洞山夢中說夢，天童覺云：轉功就位，轉位就功。還他洞上父子且道：南泉意作麼生？直是針錐不入。五祖演云：去為善，知識者須明決擇。為什麼他入道得也？道得他人道不得也？道不得還知南泉落處麼？白雲與你註破得，又是誰道來？不得，又是誰道來？高峯妙云：南泉怎麼祇對正所謂聖人，無常心以百姓心為心也。天奇瑞云：陸亘大夫向這石頭上坐臥不安，仔細檢點將來，皆是自不守分，不是南泉爭得風光。遍界怎麼便怎麼？不怎麼便不怎麼？若不具眼，總是泥裏洗土塊。雲巖展云：洞山交互方見得打鼓弄琵琶，相逢兩會家。笑巖寶云：許多尋宿空說道理，不能直下截斷大夫。或我當時是南泉，只向大夫道：「未鑄作佛時喚。」

○趙州問道：「非物外，物外非道，如何是伊作箇甚麼？」

物外道：「師便打。」趙州捉住棒曰：「已後莫錯打人去。」師

曰：「龍蛇易辨，褊子難護。」

雪竇顯云：趙州如龍無角，似蛇有足。當時不管盡法，無民了趁出。

○師喚院主：「院主應諾。」師曰：「佛九十九日在。」

初利天為母說法時，優填王思佛，請目連、運神通三

轉，攝匠人往彼彫佛像，祇雕得三十一相，為甚麼梵

音相雕不得？院主問：「如何是梵音？」師曰：「賺殺人。」○

師問維那：「今日普請作甚麼？」對曰：「披磨。」師曰：「磨從你。」

搜不得動著磨中心樹子。維那無語。

保福展代云：比來披磨如今却不成。法眼益代云：怎麼即不搜也。

○一日有大德問師曰：「即心是佛，又不得，非心非佛，又不得，師意如何？」師曰：「大德且信。」

即心是佛，便了，更說甚麼？得與不得，祇如大德喫飯。」

了從東廊上西廊下，不可總問人得與不得也。○師

住庵時，有一僧到庵，師向伊道：「我上山去作務待齋。」

時作飯自喫了，送一分上來。少時其僧自作飯喫了，

却一時打破家事，就牀臥。師待不見來，便歸庵見僧，

臥師亦就伊邊臥。僧便起去，師住後曰：「我往前住庵。」

時有箇靈利道者，直至如今不見。

五祖戒云：也是貧兒思舊債。翠巖芝云：兩箇漢前不至付後，後不至店。徑山杲云：南泉打破閑家具，浩浩諸方作話看。今日為君重舉過明明。

歷歷不瞞頂。高峯妙云：南泉雖則步步踏實，未免隨人起倒。這僧解解飽食高眠，決定不知飯是米，飯是膏。

怎麼告報設有一字。○師拈起繇子問僧：「那箇何似？」

這箇對曰：「不似。」師曰：「甚麼處見那箇？」便道：「不似。」僧曰：「

若問某甲見處，和尚放下手中物。」師曰：「許你具一隻。」

眼。○陸大夫向師道：「鑒法師也甚奇怪。」解道：「天地與我同根，萬物與我一體。」師指庭前牡丹花曰：「大夫時。」

人見此一株花如夢相似大夫問測

保寧勇代大夫拍手云阿誰得

到這般田地黃龍心學問僧云南泉恁麼道如何得見與我一體僧學起坐具黃龍云學則易見還難覓盧頂上天風寒峩峩直下蒼龍窟誰敢覷着昭覺勸云監亘手攀金鎖南泉八字打開直得七珍八寶羅列目前乃堅起拂子云天地一指萬物一馬通身是口分疎夫一點不得亦未摸着他脚下一莖毛在若向事上看非但陸亘大夫誤他南泉一點不得亦未夢見他汗臭氣在或有出來道大小徑山說理說事只向他道但向理事上會取楚石琦云大衆還會麼你若向天地同根萬物一體上會落在驛法師圈裏若向理事上會又落在妙喜萬藤中總無自由分只如南泉指牡丹向陸亘道大夫時人見此一株花如夢相似你畢竟如何會天寧不借眉毛爲你諸人下箇註脚平燕盡處是青山行人更在青山外天奇瑞云大夫情上生情句上猜句所以到烈烟紅爐徒勞摸揀欲要死人知見斷人命根須是向石火電光中施機方不辜負從上佛祖若不恁麼盡是滅胡種族固南泉舉金剛王寶劍當頭直截免得盡大地人只在這鬼窟裏爲奇不知喪本逐末手指香爐云會麼時人見此香爐如夢相似笑巖寶云南泉老漢被大夫將箇整子○陸大夫辭歸宣城治所師問大夫去彼將何治民曰以智慧治民師曰恁麼則彼處生靈盡遭塗炭去也○師入宣州陸大夫出迎接指城門曰人人盡喚作甕門未審和尚喚作甚麼門師曰老僧若道恐辱大夫風化曰忽然賊來時作麼生師曰王老師罪過○大夫又問大悲菩薩用許多手眼作甚麼師曰祇如國家又用大夫

作甚麼○師洗衣次僧問和尚猶有這箇在師拈起

衣曰爭奈這箇何報慈遂云且道是一箇是兩箇○師問僧良欽空

劫中還有佛否對曰有師曰是阿誰對曰良欽師曰

居何國土良欽無語○師問僧不思善不思惡思總

不生時還我本來面目來曰無容止可露河山价云還會將示

人○師問座主你與我講經得麼曰某甲與和尚講

經和尚須與某甲說禪始得師曰不可將金彈子博

銀彈子去曰某甲不會師曰汝道空中一片雲爲復

釘釘住爲復藤纏著○僧辭問曰學人到諸方有人

問和尚近日作麼生未審如何祇對師曰但向道近

日解相撲曰作麼生師曰一拍雙泯○師將順世第

一座問和尚百年後向甚麼處去師曰山下作一頭

水牯牛去首座曰某甲隨和尚去還得也無師曰汝

若隨我卽須銜取一莖草來

鹽官齊安國師

杭州鹽官海昌院齊安國師海門郡人也姓李氏大

寂一見深器之乃令入室密示正法○僧問如何是

本身盧舍那師曰與老僧過淨瓶來僧將淨瓶至師

曰却安舊處著僧送至本處復來詰問師曰古佛過

去久矣雲門偈云無朕迹雪竇顯云直得一手指天一手指地爭得無還會麼雲在巖頭閒不

微瀟山詰云山僧不然忽有人問但云大衆歸堂去

若人向大瀟門下薦得古釋迦不先新彌勒不後且道

轉身一句作麼生道更久云明年更有新條在檻亂春

風卒未休東禪觀云盲者難以與乎文彩職者難以

與乎音聲這僧既不薦來機國師只成虛設雲門道無

朕迹扶國師不起雪竇云一手指天一手指地爭得無

也扶國師不起以拂子畫一畫云前來葛藤一時盡斷

且道畢竟如何是本身虛舍那擲拂子下座天奇瑞

云雷霆之聲豈者難聞赫日之光盲者難見且道還水

搬柴挑糞負鉢憑箇什麼人恩力長久云古佛古佛

○有講僧來參師問座主蘊何事業對曰講華嚴經

師曰有幾種法界曰廣說則重重無盡略說有四種

師豎起拂子曰這箇是第幾種法界座主沉吟師曰

思而知慮而解是鬼家活計日下孤燈果然失照福保

展聞云若禮拜即喚和尚棒禾山股代云某甲不煩

和尚莫恁法眼益代拈掌三下蔣山敷云鹽官以

強陵弱則且置如何道得一句語免他道鬼家活計更

久云經閣路險夜行人更多大瀟泰云大衆這僧

將成九似之山不進一簣之士當時山僧若作座主待

堅起拂子云這箇是第幾種法界中收只向他道向下

文長付在來日徑山泉 ○僧問大梅如何是西來

意大梅曰西來無意師聞乃曰一箇棺材兩箇死漢

○師一日喚侍者曰將犀牛扇子來侍者曰破也師

曰扇子既破還我犀牛兒來侍者無對石霜諸代云

若還和尚即

無也雪竇云犀牛兒猶在投子同代云不辭將出恐

頭角不全雪竇云我要不全底頭角保福展代云和

尚年爭別請人好雪竇云可惜勞而無功資福遠代

作一圓相於中書牛字雪竇云適來爲甚不將出雪

資又云若要清風再復頭角重生請諸禪客下一轉語

乃問扇子既破還我犀牛兒來時有僧云大衆參堂去

師喝云牠釣釣鯢鯢約得箇蝦蟆雲居舜云三伏當

時正須扇子爲侍者不丁事雖然如是鹽官太緊何不

大家割捨侍者當時見他道扇子既破還我犀牛兒來

只對云已毆在盪盪堆頭了也地藏恩云從上知識

各說異端作盡伎倆其奈總未知犀牛兒所在山僧見

處也要諸人共知扇子既破還我犀牛兒來別處容和

尚不得天奇瑞云投子須乃不落因緣就裏拖泥帶

水資福全機棒獻也是將無作有石霜味已從他不知

本具保福欲要推惡雖已反爲負德辜恩侍者終日明

明白因甚不知當央拈出所以爲不識水鳥不識空

固將犀牛扇○師一日謂衆曰虛空爲鼓須彌爲椎

子一時喪却

甚麼人打得衆無對南泉云王老師不打這破鼓

資顯云打者甚多聽者極少且問誰是解打者莫謗鹽

官好南泉道王老師不打這破鼓法眼云王老師不打

兩箇既無奈何一箇更是懷懼又云王老師不打還肯

得諸方也無代云千年出入八百主黃龍心云南泉法

眼只知瞻前不能顧後且如鹽官道虛空爲鼓須彌爲

椎什麼處是破處還檢點得出麼直饒檢點得破處爲

明我更問你覓鼓在天童華云南泉法眼大似喫李

子只向赤邊咬山僧今日與鹽官相見去也虛空爲鼓

須彌爲椎要打便打莫問是誰乃拈拄杖卓一下天

童傑云鹽官提水放火南泉撥亂星飛法眼連兵掉闌

諸方尋宿各出隻手並無一人性德只是隨後打鼓祥

符直截爲諸人道虛空爲鼓須彌爲椎漆桶參堂去

歸宗智常禪師

廬山歸宗寺智常禪師上堂從上古德不是無知解

他高尚之士不同常流。今時不能自成自立。虛度時光。諸子莫錯用心。無人替汝用心處。莫就他覓。從前祇是依他解發言。皆滯光不透脫。祇爲目前有物。○師嘗與南泉同行。後忽一日相別。煎茶次。南泉問曰。從來與師兄商量。語句彼此已知。此後或有人問畢。竟事作麼生。師曰。這一片地大好。卓庵南泉曰。卓庵且置。畢竟事作麼生。師乃打鑼茶鉢。便起。南泉曰。師兄喫茶了。普願未喫。茶師曰。作這箇話。滴水也難銷。五祖戒云。南泉只解作客。不解作主。山結云。南泉逢強即弱。歸宗逢弱即強。三十年同行。畢竟事不通商量。然雖如是。猶較王老師一線道。昭覺勸云。驚羣之句。誰不登然。有般道。南泉携他歸宗。不着所以。遣他呵叱。殊不知行人更在青山外。蔣山不惜眉毛。爲諸人下箇註脚。南泉探頭太過。歸宗壁立萬仞。且道還有出身路也。無喝下須教三日聲。天童華云。南泉食程太急。歸宗薄處先穿。二老雖發明。馬祖正眼要且極則事未。○師因官人來。乃拈起帽子。兩帶曰。還會麼。曰。不會。師曰。莫怪老僧頭風不卸帽子。○師割草次。有講僧來參。偶見一蛇過。師以鋤斷之。僧曰。久嚮歸宗。元來是箇麤行沙門。師曰。你麤我麤。曰。如何。是麤。師豎起鉏頭。曰。如何。是細。師作斬蛇勢。曰。與麼則依而行之。師曰。依而行之。且置。你甚

處見我斬蛇。僧無對。德山鑒因雪峯問古人斬蛇意。旨如何。德山便打。雪峯便走。德山召云。布衲子。雪峯回首。德山云。他後悟去。方知老漢徹底老婆心。雪竇顯云。歸宗只解。慎初不能護末。德山頗能據令。未明斬蛇。乃云。大眾看。○雪巖來參。師作挽弓勢。雲巖良久。作拔劍勢。師曰。來太遲生。○僧辭師問。甚麼處去。曰。諸方學五味禪。去。師曰。諸方有五味禪。我這裏祇有一味禪。曰。如何。是一味禪。師便打。僧曰。會也會也。師曰。道道。僧擬開口。師又打。黃檗馬大師出八十四員善知識。箇箇阿鞞。地唯有歸宗較些子。雪竇顯云。以強欺弱。有什麼難。我這裏有一味禪。爲甚不學。但向道。收待伊。拈起有般無般。漢只管喫。昨昨。雪竇門下。誰敢。昭覺勸云。若非黃檗深辯。端倪泊乎。勞而無功。資福先云。歸宗幸是好一味禪。無端傷鹽傷醋。却成五味了也。如今忽有人來辭去。諸方學五味禪。只向他道善爲道。○江州刺史李渤問教路。若是箇漢。必然別有生涯。○江州刺史李渤問教中所言。須彌納芥子。微卽不疑。芥子納須彌。莫是妄譚否。師曰。人傳使君讀萬卷書籍。還是否。曰。然。師曰。摩頂至踵。如椰子。大萬卷書。向何處著。○李渤異日又問。一大藏教。明得箇甚麼邊事。師舉拳示之。曰。還會麼。曰。不會。師曰。這箇措大拳頭。也不識。曰。請師指示。師曰。遇人卽途中。授與不遇卽世諦。流布。

大梅法常禪師

割斷兩人葛藤亦
乃為天下宗匠

五洩靈默禪師

婺州五洩山靈默禪師毗陵人姓宣氏初謁馬祖遂
得披剃受具後謁石頭便問一言相契即住不契即
去石頭據坐師便行石頭隨後召曰闍黎師回首石
頭曰從生至死祇是這箇回頭轉腦作麼師言下大
悟乃拘折拄杖而棲止焉洞山价云當時若不是五
洩先師大難承當然雖如
此猶涉在途長慶稜云險
途處有僧云為伊三寸途中薦得所以在途報慈云為
復薦得自已為復薦得三寸若是自已為甚麼成三寸
若是三寸為甚麼悟去且道洞山意作麼生莫亂說仔
細好翠巖芝云石頭據坐五洩回首石頭召他却成
多事雲峯悅云大小石頭坐不定把不住似這擔板
漢放去便休又喚回被他糊塗一上道我向這裏有箇
悟處驢年夢見溪山行云五洩當時便去可謂坐斷
天下人舌頭既被喚回已是糊塗不少拘折拄杖也是
賊過後張弓如今得失是非一時坐斷敢問大眾石頭
據坐意作麼生地藏恩云
只合與麼去不合與麼來

盤山寶積禪師

幽州盤山寶積禪師因於市肆行見一客人買猪肉
語屠家曰精底割一斤來屠家放下刀叉手曰長史
那箇不是精底師於此有省○一日出門見人舁喪
謂郎振鈴云紅輪決定沉西去未委魂靈往那方幕

明州大梅山法常禪師襄陽人姓鄭氏初參大寂問
如何是佛大寂曰即心是佛師即大悟遂之四明梅
子真舊隱縛茆燕處○貞元中大寂聞師住山乃令
僧問和尚見馬大師得箇甚麼師住此山師曰大師
向我道即心是佛我便向這裏住僧曰大師近日佛
法又別師曰作麼生曰又道非心非佛師曰這老漢
惑亂人未有了日任他非心非佛我祇管即心即佛
其僧回舉似馬祖祖曰梅子熟也僧問禾山殷大梅
忌麼道意作麼生
禾山云真○龐居士聞之欲驗師實特去相訪纔相
見居士便問久嚮大梅未審梅子熟也未師曰熟也
你向甚麼處下口居士曰百雜碎師伸手曰還我核
子來居士無語翠巖芝云此二人大似把手上高山
寶峯文云且道二人相見還有優
劣也○夾山與定山同行言語次定山曰生死中無
佛即無生死夾山曰生死中有佛即不迷生死互相
不肯同上山見師夾山便舉問未審二人見處那箇
較親師曰一親一疎夾山復問那箇親師曰且去明
日來夾山明日再上問師曰親者不問問者不親夾山
住後自云當時失一隻眼雪竇顯云夾山畢竟不知
換得一隻眼大梅老漢當時聞學以棒一時打出豈止

下孝子哭曰哀哀師忽身心踊躍歸舉似馬祖祖印

可之○上堂夫心月孤圓光吞萬象光非照境界亦

非存光境俱亡復是何物徑山果云千年常住一朝僧禪德譬如

擲劍揮空莫論及之不及斯乃空輪無迹劍刃無虧

若能如是心心無知全心即佛全佛即人人佛無異

始為道矣徑山果云咄咄我王庫內無如是刀○師將順世告衆曰

有人邈得吾真否衆將所寫真呈皆不契師意普化

出曰某甲邈得師曰何不呈似老僧普化乃打筋斗

而出師曰這漢向後掣風狂去在保福展云普化掣

更多長蘆了誠身云快活殺我也若無縲破乾坤底

眼孔爭見渾金璞玉復云山僧依普化樣子摸得一本

今夜展開要且大家瞻仰遂打筋斗歸堂

麻谷寶徹禪師

蒲州麻谷山寶徹禪師侍馬祖行次問如何是大涅槃

槃祖曰急師曰急箇甚麼祖曰看水○師同南泉二

三人去謁徑山路逢一婆乃問徑山路向甚處去婆

曰驀直去師曰前頭水深過得否婆曰不濕脚師又

問上岸稻得與麼好下岸稻得與麼怯婆曰總被螞

蟻喫却也師曰禾好香婆曰沒氣息師又問婆住在

甚處婆曰祇在這裏三人至店婆煎茶一瓶携盞三

隻至謂曰和尚有神通者即喫茶三人相顧問婆曰

看老朽自逞神通去也於是拈盞傾茶便行

東寺如會禪師

湖南東寺如會禪師始興曲江人初謁徑山後參大

寂學徒既衆僧堂牀榻爲之陷折時稱折牀會也自

大寂去世師常患門徒以即心即佛之譚誦憶不已

且謂佛於何住而曰即心心如畫師而云即佛遂示

衆曰心不是佛智不是道劍去遠矣爾方刻舟時號

東寺爲禪窟焉虛堂愚頌云昨日因過竹院西鄰家稚子隔溪啼山寒水蕭半黃落無數

歸鵲下○相國崔公羣出爲湖南觀察使見師問曰

師以何得師曰見性得師方病眼公譏曰既云見性

其奈眼何師曰見性非眼眼病何害公稽首謝之法眼

益云是○公見鳥雀於佛頭上放糞乃問鳥雀還有

佛性也無師曰有公曰爲甚麼向佛頭上放糞師曰

是伊爲甚麼不向鷄子頭上放○仰山參師問汝是

甚處人仰山曰廣南人師曰我聞廣南有鎮海明珠

是否仰山曰是師曰此珠如何仰山曰黑月即隱白

月即現師曰還將得來也無仰山曰將得來師曰何不呈似老僧仰山又手近前曰昨到瀉山亦被索此珠直得無言可對無理可伸師曰真師子兒善能哮吼蔣山慧云東寺只索一仰山禮拜了却入客位具威儀再上人事師纔見乃曰已相見了也仰山曰怎麼相見莫不當否師歸方丈閉却門仰山歸舉似瀉山瀉山曰寂子是甚麼心行仰山曰若不恁麼爭識得他

西堂智藏禪師

虔州西堂智藏禪師虔化廖氏子參禮大寂與百丈海禪師同爲入室皆承印記一日大寂遣師詣長安奉書于忠國師國師問曰汝師說甚麼法師從東過西而立國師曰祇這箇更別有師却從西過東邊立國師曰這箇是馬師底仁者作麼生師曰早箇呈似和尚了也尋又送書上徑山語在國一章屬連帥路嗣恭延請大寂居府應期盛化師回郡得大寂付授袈裟袈令學者親近○僧問馬祖離四句絕百非請師直指西來意祖曰我今日勞倦不能爲汝說得問取智

藏昭覺其僧乃來問師師曰汝何不問和尚僧曰和尚令某甲來問上座師曰我今日頭痛不能爲汝說得問取海兄去昭覺云錯僧又去問海百丈和尚海曰我到這裏却不曾昭覺云錯僧乃舉似馬祖祖曰藏頭白海頭黑昭覺云錯馬祖云錯錯瀉山詰云這僧與麼問馬師與麼答離四句絕百非智藏海兄都不知會麼不見道馬駒踏殺天下人五祖演云馬大師無着惑處只道得箇藏頭白海頭黑這僧擔一擔擔換得一箇不會若也眼似流星多少失錢遭罪昭覺勸云若是明眼漢一舉便知落處白雲先師道這僧擔一擔擔換得箇不安樂馬大師道藏頭白海頭黑白雲拈云風后先生只知其一不知其二如山僧下五箇錯且道落在什麼處莫將開學解埋沒祖師心高峯妙云馬師父子一門非特佛口蛇心亦善六韜三略這僧若無諸葛孔明之作官取喪身失命天奇瑞云這僧欲出淤泥不知轉陷淤泥泥大師就水推船算來水瀝船停藏公雖是明中拾施不如海公暗裏填還看來三箇宗師被箇挑脚漢弄得家返宅亂至今父子不和還有解交者麼良久丟下杖子入寢室徑山信云這僧非惟眼瞎亦復耳聾頭云簷前風過白雲斜幾度笙歌意轉餘犬吠夜深途路○馬祖一日問師曰子何不看經師曰經豈異邪祖曰然雖如此汝向後爲人也須得師曰智藏病思自養敢言爲人祖曰子末年必與於世師便禮拜○李尚書嘗問僧馬大師有甚麼言教僧曰大師或說卽心卽佛或說非心非佛尚書曰總過這邊尚書却問師馬大師有甚麼言教師呼李

翺尙書應諾師曰鼓角動也○僧問有問有答賓主歷然無問無答時如何師曰怕爛却那有僧舉問長慶稜長慶云相逢盡道休官去林下何曾見一○師住西堂後有一俗士問有天堂地獄否師曰有曰有佛法僧寶否師曰有更有多問盡答言有曰和尚怎麼道莫錯否師曰汝曾見尊宿來邪曰某甲曾參徑山和尚來師曰徑山向汝作麼生道曰他道一切總無師曰汝有妻否曰有師曰徑山和尚有妻否曰無師曰徑山和尚道無即得俗士禮謝而去

章敬懷暉禪師

京兆府章敬寺懷暉禪師泉州謝氏子百丈和尚令僧來候師上堂次展坐具禮拜了起來拈師一隻靴鞋以衫袖拂却塵了倒覆向下師曰老僧罪過黃龍百丈逞盡神通不消章敬道箇老僧罪過鼓山珪云黃龍孟八郎猶欠一着在只知百丈逞神通殊不知百丈伎倆俱盡只知草草敬道箇老僧罪過不知章敬一欸便招會麼蛇吞蝦蟇猶自可更有蜈蚣在後頭○有僧來遶師三匝振錫而立師曰是是長慶稜代云和尚佛法身心其僧又到南泉亦遶南泉三匝振錫而立南泉曰不是不是此是風力所轉終成敗壞僧曰章敬道

是和尙爲甚麼道不是南泉曰章敬即是是汝不是長慶稜云和尚是甚麼心行雲居錫云章敬未必道是南泉未必道不是又云這僧當初但持錫出去恰好經山果舉麻谷持錫到章敬遶禪牀三匝振錫一下卓然而立云純鋼打就生鐵鑄成章敬云是是妙喜云錦上鋪花三五重麻谷又持錫到南泉遶禪牀三匝振錫一下卓然而立妙喜云已納敗闕了也南泉云不是不是妙喜云柳上更着扭麻谷云章敬道是和尙爲甚麼道不是妙喜云愁人莫向愁人說南泉云章敬則是是汝不是此是風力所轉終成敗壞妙喜云試把火照看南泉面皮厚多少復召大衆云雲門怎麼批評且道肯他不肯他楚石琦云麻谷遶牀振錫參禪常儀爲什麼章敬道是南泉道不是苦瓠連根苦甜瓜徹蒂甜天奇瑞云大凡行脚須具箇參方正眼免被諸方籠罩蓋因其僧用處不明所以受人處分章敬隨波逐浪南泉截斷衆流若是從容中道泛應曲當如龍得水似虎靠山若是尋香逐氣帶跡迷踪如羊觸籬似猿在檻此僧須乃大用盈懷爭奈諸含來處如今有持錫到山僧處遶牀三匝振錫而立山僧只問他是什麼免得這僧向是非裏走

大珠慧海禪師

越州大珠慧海禪師建州朱氏子初參馬祖祖問從何處來曰越州大雲寺來祖曰來此擬須何事曰來求佛法祖曰我這裏一物也無求甚麼佛法自家寶藏不顧拋家散走作麼曰阿那箇是慧海寶藏祖曰即今問我者是汝寶藏一切具足更無欠少使用自在何假外求師於言下自識本心不由知覺踴躍禮

謝師事六載自撰頓悟入道要門論一卷法姪玄晏竊出江外呈馬祖祖覽訖告衆曰越州有大珠圓明光透自在無遮障處也○僧問如何得大涅槃師曰不造生死業曰如何是生死業師曰求大涅槃是生死業捨垢取淨是生死業有得有證是生死業不脫對治門是生死業曰云何即得解脫師曰本自無縛不用求解直用直行是無等等○有三藏法師問真如有變易否師曰有變易三藏曰禪師錯也師却問三藏有真如否曰有師曰若無變易決定是凡僧也豈不聞善知識者能回三毒爲三聚淨戒回六識爲六神通回煩惱作菩提回無明爲大智真如若無變易三藏真是自然外道也三藏曰若爾者真如即有變易也師曰若執真如有變易亦是外道○源律師問和尚修道還用功否師曰用功曰如何用功師曰饑來喫飯困來即眠曰一切人總如是同師用功否師曰不同曰何故不同師曰他喫飯時不肯喫飯百種須索睡時不肯睡千般計較所以不同也律師杜口

泐潭法會禪師

洪州泐潭法會禪師問馬祖如何是祖師西來意祖曰低聲近前來向汝道師便近前祖打一擲曰六耳不同謀且去來日來師至來日獨入法堂曰請和尚道祖曰且去待老漢上堂出來問與汝證明師忽有省遂曰謝大衆證明乃繞法堂一匝便去

杉山智堅禪師

池州杉山智堅禪師初與歸宗南泉行脚時路逢一虎各從虎邊過了南泉問歸宗適來見虎似箇甚麼歸宗曰似箇猫兒歸宗却問師曰似箇狗子又問南泉南泉曰我見是箇大蟲大蟲智云三箇老漢聚頭縣語若要徹一時參取這大蟲始得○師喫飯次南泉收生飯乃曰生薑師曰無生南泉曰無生猶是末南泉行數步師召曰長老南泉回頭曰作麼師曰莫道是末○普請擇蕨次南泉拈起一莖曰這箇大好供養師曰非但這箇百味珍羞他亦不顧南泉曰雖然如是箇箇須嘗過始得翠巖云只如杉山與麼道還有免得麼若免得去未具眼在若免不得又違前話

泐潭惟建禪師

洪州泐潭惟建禪師一日在法堂後坐禪馬祖見乃吹師耳兩吹師起見是祖却復入定祖歸方丈令侍者持一碗茶與師師不顧便自歸堂

茗溪道行禪師

澧州茗谿道行禪師嘗曰吾有大病非世所醫後僧問曹山古人云吾有大病非世所醫未審是甚麼病曹山云攢簇不得底病云一切衆生還有此病也無曹山云人人盡有云和尚還有此病也無曹山云正覓起處不得云一切衆生爲甚麼不病曹山云一切衆生若病即非衆生云未審諸佛還有此病也無曹山云有云既有爲甚麼不病曹山云爲伊惺惺

石鞏慧藏禪師

撫州石鞏慧藏禪師本以弋獵爲務惡見沙門因逐鹿從馬祖庵前過祖乃逆之師遂問還見鹿過否祖曰汝是何人曰獵者祖曰汝解射否曰解射祖曰汝一箭射幾箇曰一箭射一箇祖曰汝不解射曰和尚解射否祖曰解射曰一箭射幾箇祖曰一箭射一羣曰彼此生命何用射他一羣祖曰汝既知如是不射自射曰若教某甲自射直是無下手處祖曰這漢曠劫無明煩惱今日頓息師擲下弓箭投祖出家雪竇顯云馬師一箭一羣信彩射得有甚用處不如石鞏一箭一箇却是好手雪竇今日効古人之作擬放一箭高聲喝

云看箭又云中也清涼欽云且道作麼是一箭射一羣底道理直是三千大千世界生命也不消一箭翠巖芝云馬祖一箭一羣猶未善在山澹一箭射盡動合靈無不中者雖然如是只道得一半更有一半留與諸上座○一日在廚作務次祖問作甚麼曰收牛祖曰作麼生收曰一回入草去驀鼻拽將回祖曰子真收牛師便休○師住後常以弓箭接機載三平章○師問西

堂汝還解捉得虚空麼西堂曰捉得師曰作麼生捉西堂以手撮虚空師曰汝不解捉西堂却問師兄作麼生捉師把西堂鼻孔拽西堂作忍痛聲曰太煞拽人鼻孔直欲脫去師曰直須恁麼捉虚空始得天奇瑞云

當時若解師子返擲慧藏粉骨碎身皆因靠壁倚牆所以遭人毒手可惜盡力提持爭奈罕逢別者今日當陽還有通方者麼只如山僧如此口吧吧地如何劍爲不平離實匪業因救病出金壺

北蘭讓禪師

江西北蘭讓禪師湖塘亮長老問承聞師兄畫得先師眞暫請瞻禮師以兩手擘臂開示之亮使禮拜師曰莫禮莫禮亮曰師兄錯也某甲不禮師兄師曰汝禮先師眞那亮曰因甚麼教莫禮師曰何曾錯

南源道明禪師

袁州南源道明禪師上堂快馬一鞭快人一言有事

何不出頭來無事各自珍重。僧問一言作麼生。師乃吐舌曰。待我有廣長舌相。卽向汝道。○洞山參方上法堂。師曰。已相見了也。洞山便下去。明日却上。問曰。昨日已蒙和尚慈悲。不知甚麼處是與某甲已相見處。師曰。心心無間斷。流入於性海。洞山曰。幾合放過。洞山辭師曰。多學佛法。廣作利益。洞山曰。多學佛法。卽不問如何是廣作利益。師曰。一物莫違。

中邑洪恩禪師

朗州中邑洪恩禪師。每見僧來。拍口作和聲。仰山謝戒師亦拍口作和聲。仰山從西過。東師又拍口作和聲。仰山從東過。西師又拍口作和聲。仰山當面而立。然後謝戒師曰。甚麼處得此三昧。仰山曰。於曹谿印子上脫來。師曰。汝道曹谿用此三昧。接甚麼人。仰山曰。接一宿覺。仰山曰。和尚甚麼處得此三昧。師曰。我於馬大師處得此三昧。瑯琊覺云。愁人莫向愁人說。○仰山又問如何得見佛性。義師曰。我與汝說箇譬喻。如一室有六窻。內有一獼猴。外有獼猴。從東邊喚。猩猩猩猩。卽應如是。六窻俱喚。俱應。仰山禮謝起曰。適蒙

和尚譬喻。無不了知。更有一事。祇如內獼猴睡著。外獼猴欲與相見。又且如何。師下繩牀。執仰山手作舞。曰。猩猩與汝相見了。譬如蠅螟蟲在蚊子眼睫上。作窠。向十字街頭。叫云。土曠人稀。相逢者少。雲居錫云。中邑當時若不得仰山這一句語。何處有中邑也。崇壽稱云。還有人定得此道理。麼。若定不得。只是箇弄精魂。脚手。佛性義在甚麼處。玄覺遂云。若不是仰山爭得見中邑。且道甚麼處是仰山得見中邑處。

潞潭常興禪師

洪州潞潭常興禪師。南泉至。見師面壁。乃拍師背。師問。汝是阿誰。曰。普願。師曰。如何。曰。也。尋常。師曰。汝何多事。

汾州無業禪師

汾州無業禪師。商州上洛杜氏子。聞馬大師禪門鼎盛。特往瞻禮。祖視其狀貌奇偉。語音如鐘。乃曰。巍巍佛堂。其中無佛。師禮跪而問曰。三乘文學。粗窮其旨。常聞禪門。卽心是佛。實未能了。祖曰。祇未了底心。卽是更無別物。師曰。如何是祖師西來密傳心印。祖曰。大德正闕在。且去。別時來。師纔出。祖召曰。大德。師回首。祖曰。是甚麼師。使領悟。乃禮拜。祖曰。這鈍漢。禮拜

作麼雲居錫云甚麼處是汾州正開○師住開元精舍學者致問多

答之曰莫妄想○唐憲宗屢召師皆辭疾不赴暨穆宗卽位齎詔迎請師微笑曰貧道何德累煩世主且請前行吾從別道去矣乃澡身剃髮至中夜告弟子惠悟等曰汝等見聞覺知之性與太虛同壽不生不滅一切境界本自空寂無一法可得迷者不了卽爲境惑一爲境惑流轉不窮汝等當知心性本自有之非因造作猶如金剛不可破壞一切諸法如影如響無有實者經云唯此一事實餘二則非眞常了一切空無一物當情是諸佛用心處汝等勤而行之言訖跏趺而逝

鵝湖大義禪師

信州鵝湖大義禪師衢州須江徐氏子唐憲宗嘗詔入內於麟德殿論義帝乃問何者是佛性師對曰不離陛下所問帝默契眞宗益加欽重○有一僧乞置塔李翱尙書問曰教中不許將屍塔下過又作麼生僧無對僧却問師師曰他得大闡提

伊闕自在禪師

伊闕伏牛山自在禪師吳興李氏子初依國一禪師

受具後參馬祖發明心地祖令送書與忠國師國師曰馬大師以何法示徒曰卽心卽佛國師曰是甚麼語話良久又問曰此外更有何言教師曰非心非佛或曰不是心不是佛不是物國師曰猶較些子師曰馬大師卽恁麼未審和尚此間如何國師曰三點如流水曲似刈禾錄雪竇顯向猶較些子處便喝又向曲似刈禾錄處云是恁麼語話也好與一撥見之不取千載難忘○山結云當時但阿大笑復問國師此間如何待云三點如流水又阿阿大笑教他國師進且無門退亦無路何放入虎穴撩虎兒須是其人姜山方云大小國師有頭無尾待伊道不是心不是佛不是物亦向道○師後居伏牛山上是什麼語話堂不光前絕後

三角總印禪師

潭州三角山總印禪師上堂若論此事眨上眉毛早已蹉過也麻谷便問眨上眉毛卽不問如何是此事師曰蹉過也麻谷乃掀倒禪牀師便打長慶稜代小情然保福展云三角賊過後張弓雪竇顯云兩箇有頭無尾漢眉毛未曾眨上說什麼此事蹉過尋有僧問眉毛爲甚不眨上師便打昭覺勸云慣調金鏤入歷沙場一箭落雙鵰人前誇敏手雖然大似把手上高山未免傍觀

者晒若據崇寧見虎喚作此事早是好肉上剗瘡了也何況更論脫上眉毛早已蹉過麻谷雪竇賊過後張弓則欲是更有一箇驚拈拄杖便下座徑山杲云蹉過麻谷也不知

魯祖寶雲禪師

池州魯祖山寶雲禪師洞山來參禮拜起侍立少頃而出却再入來師曰祇恁麼祇恁麼所以如此洞山曰大有人不肯師曰作麼取汝口辯洞山使禮拜○僧問如何是不言言師曰汝口在甚麼處曰無口師曰將甚麼喫飯僧無對洞山代云他不飢喫什麼只知這僧開口了合不得合口了開不得黃龍新云雪竇被這擔板漢勘破天童覺云這僧只解捉死蛇頭不能將猛虎鬚當時待他問你口在什麼處便與一喝拂袖便行直饒魯祖全○師尋常見僧來便面壁南泉機往往做手脚不及○師尋常見僧來便面壁南泉問曰我尋常向師僧道向佛未出世時會取尙不得一箇半箇他恁麼驢年去報慈遂云爲復唱和語不肯語保福展問長慶祇如魯祖節文在甚麼處被南泉恁麼道長慶云退已讓於人萬中無一箇羅山開云陳老師當時若見背上與五次抄何故爲伊解放不解收玄沙備云我當時若見也與五次抄雲居錫云羅山玄沙總恁麼道爲復一般別有道理若擇得出許上座佛法有去處徑山杲云魯祖不得南泉幾平颺破壁笑巖實云魯祖若非南泉幾成滯貨當時若有箇僧人來纔見伊恁麼便與掀倒不惟打斷諸老葛藤亦免魔魅人家男女佛徑山信云魯祖面壁若作佛法商量入地獄如箭射

芙蓉太毓禪師

常州芙蓉山太毓禪師金陵范氏子因行食到龐居士前居士擬接師乃縮手曰生心受施淨名早訶去此一機居士還甘否居士曰當時善現豈不作家師曰非關他事居士曰食到口邊被他奪却師乃下食居士曰不消一句昭覺勸云善現作家芙蓉奇特盡被龐居士一時領過了也只如居士道不消一句且道是那一句端坐受供養施主常安樂天奇瑞云若有生心受食水外必然有波若不生心受食淨名因甚過二十恒河世界直向香積國中捧來若受彼食波外決定有水且道即今喚什麼作食談笑云曲不藏○居士又問馬大師著實爲人處還分付吾師否師曰某甲尙未見他作麼生知他著實處居士曰祇此見知也無討處師曰居士也不得一向言說居士曰一向言說師又失宗若作兩向三向師還開得口否師曰直是開口不得可謂實也居士撫掌而出蔣山勸云芙蓉何不道分付與我待問如何是著實處便好與一掌待他眼睛定動更與一掌何故且要打斷許多葛藤

紫玉道通禪師

唐州紫玉山道通禪師廬江何氏子詣建陽謁馬祖祖尋遷龔公山師亦隨之祖將歸寂謂師曰夫玉石

潤山秀麗益汝道業遇可居之是秋遊洛回至唐州西紫玉山遂剪茅構舍而居○于頔相公問如何是黑風吹其船舫漂墮羅刹鬼國師曰于頔客作漢問怎麼事作麼于公失色師乃指曰這箇便是漂墮羅刹鬼國公又問如何是佛師喚相公公應諾師曰更莫別求藥山儼聞云噫可借于家漢生埋向紫玉山玉山中大作佛事中公聞乃謁見藥山藥山問云聞相公在紫今日特來藥山云有疑但問公云如何是佛藥山召于頔公應諾藥山云是甚麼公於此有省長慶稜共羅山學次長慶云藥山一等是道甚是奇特雲泥有隔羅山云不得草草當時頗遇是于頔可中草窠裏撥着箇魚尾大蟲何處有藥山也長慶云作麼生羅山云還知于頔是鍛了底金麼大溪智云于頔當時若會見藥山喚云是什麼只向道和尚賺我來拂袖便去不惟作箇慷慨丈夫亦乃不鈍置紫玉天奇瑞云一呼一諾賓主分明因什麼却墮羅刹鬼國皆因逐語隨言拋真棄覺被這黑風扇鼓萬劫漂沉焉得不為客作賤人豎拂子云若向這裏會得願出無明業海免宿門前草庵

五臺隱峰禪師

五臺山隱峰禪師邵武軍鄧氏子時稱鄧隱峯幼若不慧父母聽其出家初遊馬祖之門而未能觀奧復來往石頭雖兩番不捷語見馬祖章而後於馬祖言下相契○師問石頭如何得合道去石頭曰我亦不合道師曰畢竟如何石頭曰汝被這箇得多少時邪○石頭割

草次師在左側叉手而立石頭飛剗子向師前剗一株草師曰和尚祇剗得這箇不剗得那箇石頭提起剗子師接得便作剗草勢石頭曰汝祇剗得那箇不解剗得這箇師無對洞山价云還○師一日推車次馬祖展脚在路上坐師曰請師收足祖曰已展不縮師曰已進不退乃推車碾損祖脚祖歸法堂執斧子曰適來碾損老僧脚底出來師便出於祖前引頸祖乃置斧天奇瑞云師勝資強人間少有切不可流俗見解雖然蓋世禪和能有幾箇作家何故未到盡驚山峻峻從○師到南泉觀衆僧參次南泉指淨瓶曰銅瓶是境瓶中有水不得動著境與老僧將水來師拈起淨瓶向南泉面前瀉南泉便休○師後到瀉山便入堂於上板頭解放衣鉢瀉山問師叔到先具威儀下堂內相看師見來便作臥勢瀉山便歸方丈師乃發去少間瀉山問侍者師叔在否曰已去瀉山曰去時有甚麼語曰無語瀉山曰莫道無語其聲如雷○唐元和中荐登五臺路出淮西屬吳元濟阻兵違拒王命官軍與賊軍交鋒未決勝負師曰吾當去解其患乃擲錫空中飛身而過兩軍將士仰觀

事符預夢。闔心頓息。師既顯神異。慮成惑衆。遂入五臺。於金剛窟前。將示滅。先問衆曰。諸方遷化。坐去臥去。吾嘗見之。還有立化也。無曰。有。師曰。還有倒立者否。曰。未嘗見。有師乃倒立而化。亭亭然。其衣順體。時衆議昇就茶毗。屹然不動。遠近瞻觀。驚歎無已。師有妹爲尼。時亦在彼。乃拊而咄曰。老兄曠昔不循法律。死更熒惑於人。於是。以手推之。憤然而踣。

西園曇藏禪師

南嶽西園蘭若曇藏禪師。受心印於大寂後。謁石頭。瑩然明徹。出住西園。禪侶曰。盛。○一日。自燒浴次。僧問。何不使沙彌師撫掌三下。僧學似曹山。寂曹山云。一。等是拍手撫掌。就中。西園南。惟俱。一。指頭。禪蓋爲承當處。不諱當。僧却問曹山。西園撫掌。豈不是奴兒婢子邊事。曹山云。是云向。上更有事也。無曹山云。有云如何。是向上事。曹山叱云。這奴兒婢子。

楊岐甄叔禪師

袁州楊岐山甄叔禪師。禪月問。如何是祖師西來意。師呈起數珠。禪月罔措。師曰。會麼。曰。不會。師曰。某甲參見石頭來。曰。見石頭得何意旨。師指庭前鹿。曰。會麼。曰。不會。師曰。渠儂得自由。

馬頭神藏禪師

磁州馬頭峯神藏禪師。上堂。知而無知。不是無知。而說無知。便下座。南泉顯云。怎麼依師道。始道得一半。黃檗運云。不是南泉駁他。要圓前話。

華林善覺禪師

潭州華林善覺禪師。常持錫杖。夜出林麓。聞七步一振錫。一稱觀音名號。夾山問。遠聞和尚念觀音。是否。師曰。然。夾山曰。騎却頭時如何。師曰。出頭即從汝騎。不出頭騎甚麼。夾山無對。○僧參。方展坐具。師曰。緩。曰。和尚見甚麼。師曰。可惜許。磕破鐘樓。其僧從此悟入。○觀察使裴休訪之。問曰。還有侍者否。師曰。有一兩箇。祇是不可見客。裴公曰。在甚麼處。師乃喚大空。小空。時二虎自庵後而出。裴公觀之。驚悸。師語二虎曰。有客且去。二虎哮吼而去。裴公問曰。師作何行業。感得如斯。師乃良久曰。會麼。曰。不會。師曰。山僧常念觀音。

水塘和尚

汀州水塘和尚。問歸宗。甚麼人歸宗。曰。陳州人。師曰。年多少。歸宗曰。二十二。師曰。闍黎未生時。老僧去來。

歸宗曰和尚幾時生師豎起拂子歸宗曰這箇豈有生邪師曰會得卽無生曰未會在師無語

烏白和尚

烏白和尚玄紹二上座參師乃問二禪客發足甚麼處玄曰江西師便打玄曰久知和尚有此機要師曰汝既不會後面箇師僧祇對看紹擬近前師便打曰信知同坑無異土參堂去

雪竇顯云宗師眼目須至吞有般漢眼目未辨東西拄杖不知顛倒只管說照用同時人境俱奪過山結云烏曰大似巨鑿運擊太華之威者龍展奪驪珠之勢直得乾坤失色乃拈拄杖云諸人還識烏曰麼若也識去橫按鎮鐺寰中獨據若也未識棒頭有眼明如日卓拄杖下座白雲端云衆中商量道拄杖在烏曰手裏以強陵弱有什麼難苦哉作這般見解水亦難消所以道醍醐上味爲世所珍遇斯等人翻成毒藥要識烏曰麼橫按鎮鐺至正令太平寰宇斬癡頑昭覺勸云雪竇明辨古今分別邪正若不知有爭怎麼道雖然如是只見烏曰放行處未明烏曰把住處要知烏曰把住處麼直得釋迦彌勒猶爲走使不敢正眼覷着若使據令而行盡大地人並須喫棒

古寺和尚

古寺和尚丹霞來參經宿明旦粥熟行者祇盛一鉢與師又盛一碗自喫殊不顧丹霞丹霞亦自盛粥喫侍者曰五更侵早起更有夜行人丹霞問師何不教訓行者得怎麼無禮師曰淨地上不要點污人家男

女丹霞曰幾不問過這老漢

石白和尚

石白和尚初參馬祖祖問甚麼處來師曰烏白來祖曰烏白近日有何言句師曰幾人於此茫然祖曰茫然且置悄然一句作麼生師乃近前三步祖曰我有七棒寄打烏白你還甘否師曰和尚先喫某甲後甘

本谿和尚

本谿和尚因龐居士問丹霞打侍者意在何所師曰大老翁見人長短在居士曰爲我與師同參方敢借問師曰若怎麼從頭學來共你商量居士曰大老翁不可共你說人是非師曰念翁年老居士曰罪過罪過

石林和尚

石林和尚見龐居士來乃豎起拂子曰不落丹霞機試道一句子居士奪却拂子却自豎起拳師曰正是丹霞機居士曰與我不落看師曰丹霞患癩龐公患聾居士曰恰是師無語居士曰向道偶爾又一日問

居士某甲有箇借問居士莫惜言語居士曰便請舉
來師曰元來惜言語居士曰這箇問訊不覺落他便
宜師乃掩耳居士曰作家作家

西山亮座主

亮座主蜀人也頗講經論因參馬祖祖問見說座主
大講得經論是否師曰不敢祖曰將甚麼講師曰將
心講祖曰心如工伎兒意如和伎者爭解講得師抗
聲曰心既講不得虛空莫講得麼祖曰却是虛空講
得師不肯便出將下堵祖召曰座主師回首祖曰是
甚麼師豁然大悟便禮拜祖曰這鈍根阿師禮拜作
麼師曰某甲所講經論將謂無人及得今日被大師
一問平生功業一時冰釋禮謝而退乃隱于洪州西
山更無消息

法眼益云看他古人恁麼慈悲教人
如今作麼生會莫聚頭向這裏妄想

齊峯和尚

齊峯和尚龐居士來師曰俗人頻頻入僧院討箇甚
麼居士回顧兩邊曰誰恁麼道師乃咄之居士曰在
這裏師曰莫是當陽道麼居士曰背後底齊師回首
曰看看居士曰草賊大敗居士却問此去峯頂有幾

里師曰甚麼處去來居士曰可謂峻硬不得問著師
曰是多少居士曰一二三師曰四五六居士曰何不
道七師曰纔道七便有八居士曰得也得也師曰一
任添取居士曰不得堂堂道師曰還我怎麼時龐老
主人公來居士曰少神作麼師曰好箇問訊問不著
人居士曰將爲將爲

天童華云發大機頭大用且非
電光石火疾如過風要須平地
上險崖孤峻處平坦看他二老深入虎穴透徹淵源至
於結角羅紋游刃磅礴得大自在因甚華頂峯未曾到
只如齊峯云還我怎麼時龐老主人公來居士云少神
作麼師宗向這裏擬着箇眼也要諸人警地良久云竹
影掃階塵不動月
穿波底水無痕

大陽和尚

大陽和尚因伊禪師相見乃問伊禪近日有一般知
識向目前指教人了取目前事作這箇爲人還會文
彩未兆時也無曰擬向這裏致一問不知可否師曰
答汝已了莫道可否曰還識得目前也未師曰若是
目前作麼生識曰要且遭人檢點師曰誰曰某甲師
便喝伊禪退步而立師曰汝祇解瞻前不解顧後曰
雪上更加霜師曰彼此無便宜

百靈和尚

百靈和尚一日與龐居士路次相逢問曰南嶽得力句還曾舉向人也無居士曰曾舉來師曰舉向甚麼人居士以手自指曰龐公師曰直是妙德空生也讚歎不及居士却問阿師得力句是誰得知師戴笠子便行居士曰善爲道路師更不同首徑山杲云這箇話端若不是龐公幾乎錯舉似人雖然如是百靈輸他龐老一着何故當時若不得箇破笠頭遮却獨體有甚面目見他龐公楚石琦云百靈戴笠便去得力句分明學似來因甚麼妙喜老人道百靈有甚面目見他龐公也是扶瓶不扶瓶有人與妙喜作主要問作麼生是得力句連道連道疑議不來劈脊便棒天奇瑞云作者相見終不在言句上作活計須不在言句上也八海通流問處乘風答處自在孰不讚嘆爲什麼末後反追不吐一言鳥飛高漢潤魚躍清潭深

金牛和尚

鎮州金牛和尚每自做飯供養衆僧至齋時昇飯桶到堂前作舞呵呵大笑曰菩薩子喫飯來長慶稜云大光乃作舞僧禮拜大光云見甚道理便禮拜僧却作舞大光云這野狐精東禪齊云古人自出手作飯舞了喚人來喫意作麼生還會麼稜如長慶與大光是明古人意別爲他分析今問上座每日持鉢掌盂時迎來送去時爲當與古人一般別有道理若道別且作麼生得別來若一般恰到他舞又被喚作野狐精有會處麼若未會行脚眼在甚麼處雪竇顯云雖然如是金牛不是好心願云前箭猶輕後箭深誰云黃葉是黃金曹溪波淚如相似無限平人被陸沉昭覺勸云且道大

光云這野狐精與藏頭白海頭黑是同是別這漆桶又道好師僧且道是同是別○師因臨濟來乃橫按拄杖方丈前坐臨濟遂拈掌三下歸堂去師却下去人事了便問賓主相見各有軌儀上座何得無禮臨濟曰道甚麼師擬開口臨濟便打一坐具師作倒勢臨濟又打一坐具師曰今日不著便遂歸方丈馮山問仰山此二尊宿還有勝負否仰山云勝即總勝負即總負馮山果云一人魚磤打着連底凍一人得便宜是落便宜具眼者辨取

乳源和尚

韶州乳源和尚上堂西來的意不妨難道衆中莫有道得者出來試道看時有僧出禮拜師便打曰是甚麼時節出頭來便歸方丈僧學似長慶稜長慶云云爲和尚不惜身命承天宗云宗乘也不易扶堅這兩箇老漢扶不起我道這僧若不出頭棒即是乳源自喫○仰山作沙彌時念經聲高師咄曰這沙彌念經恰似哭曰慧寂祇恁麼未審和尚如何師乃顧視仰山曰若恁麼與哭何異師便休

松山和尚

松山和尚同龐居士喫茶居士舉棗子曰人人盡有分爲甚麼道不得師曰祇爲人人盡有所以道不得

居士曰阿兄爲甚麼却道得師曰不可無言也居士曰灼然灼然師便喫茶居士曰阿兄喫茶爲甚麼不揖客師曰誰居士曰龐公師曰何須更揖後丹霞聞乃曰若不是松山幾被箇老翁惑亂一上居士聞之乃令人傳語丹霞曰何不會取未舉橐子時

則川和尚

則川和尚蜀人也龐居士相看次師曰還記得見石頭時道理否居士曰猶得阿師重舉在師曰情知久參事慢居士曰阿師老耄不啻龐公師曰二彼同時又爭幾許居士曰龐公辭健且勝阿師師曰不是勝我祇欠汝箇幞頭居士拈下幞頭曰恰與師相似師大笑而已○師摘茶次居士曰法界不容身師還見我否師曰不是老師泊答公話居士曰有問有答蓋是尋常師乃摘茶不聽居士曰莫怪適來容易借問師亦不顧居士喝曰這無禮儀老漢待我一一舉向明眼人師乃拋却茶盃便歸方丈雪竇顯云則川只解把定封疆不能同生同死當時與將下幞頭誰敢喚作龐居士蔣山懃云兩回不顧拋盃便歸且道旨歸何處還會麼苦瓠連根苦甜瓜徹蒂甜則川老漢經事多矣

打地和尙

忻州打地和尙自江西領旨常晦其名凡學者致問唯以棒打地示之時謂之打地和尙一日被僧藏却棒然後致問師但張其口僧問門人曰祇如和尙每日有人問便打地意旨如何門人卽於竈內取柴一片擲在釜中徑山杲云養子不及父家門一世衰

秀溪和尚

潭州秀溪和尚谷山問聲色純真如何是道師曰亂道作麼谷山却從東過西立師曰若不恁麼卽禍事也谷山又從西過東立師乃下禪牀方行兩步被谷山捉住曰聲色純真事作麼生師便打一掌谷山曰三十年後要箇人下茶也無在師曰要谷山這漢作甚麼谷山呵呵大笑

樺樹和尚

江西樺樹和尚臥次道吾近前牽被覆之師曰作麼道吾曰蓋覆師曰臥底是坐底是道吾曰不在這兩處師曰爭奈蓋覆何道吾曰莫亂道○師向火次道吾問作麼師曰和合道吾曰怎麼卽當頭脫去也師

曰隔濶來多少時邪。道吾便拂袖而去。○道吾一日從外歸。師問甚麼處。云來道吾曰。親近來。師曰。用箴這兩片皮作麼。道吾曰。借師曰。他有從汝借無。作麼。生道吾曰。祇爲有所以借。

草堂和尚

京兆草堂和尚。自罷參大寂。至海昌和尚處。海昌問甚麼處來。師曰。道場來。海昌曰。這裏是甚麼處。師曰。賊不打貧人家。

興平和尚

京兆興平和和尚。洞山來禮拜。師曰。莫禮老朽。洞山曰。禮非老朽。師曰。非老朽者。不受禮。洞山曰。他亦不止。洞山却問如何。是古佛心。師曰。卽汝心。是洞山曰。雖然如此。猶是某甲疑處。師曰。若恁麼。卽問取木人去。洞山曰。某甲有一句子。不借諸聖口。師曰。汝試道看。洞山曰。不是某甲。洞山辭師曰。甚麼處去。洞山曰。汭流無定止。師曰。法身汭流。報身汭流。洞山曰。總不作此解。師乃拈掌。保福展云。洞山自是一家。乃別云。覓得幾人。

逍遙和尚

逍遙和尚。鹿西和尚。問念念攀緣。心心永寂。師曰。昨晚也有人恁麼道。鹿西曰。道箇甚麼。師曰。不知鹿西。曰。請和尚說。師以拂子。蘸口打鹿西。拂袖便出。師召衆曰。頂門上著眼。蔣山懃云。老僧雖頂門無眼。也驗得你骨出。何也。古墓毒蛇頭戴角。南山猛虎尾。吒呀。

水潦和尚

洪州水潦和尚。初參馬祖。問曰。如何是西來的的意。祖曰。禮拜著。師纔禮拜。祖乃當曾踢倒。師大悟。起來拈掌。呵呵大笑曰。也大奇也。大奇百千三昧。無量妙義。祇向一毫頭上。識得根源去。禮謝而退。那覺云。大衆你道。水潦還曾悟也未。天童覺云。馬大師不合放過。待伊起來。恁麼道。但問只這一毫頭。從甚處得來。待伊疑議。更與一踏。○師住後。每告衆曰。自從一喫馬祖踢。直至如今。笑不休。

浮盃和尚

浮盃和尚。凌行婆來禮拜。師與坐喫茶。婆乃問盡力道不得底。句分付阿誰。師曰。浮盃無剩語。婆曰。未到浮盃不妨疑著。師曰。別有長處。不妨拈出。婆歛手哭曰。蒼天中更添冤苦。師無語。婆曰。語不知偏正。理不

識倒邪爲人卽禍生。後有僧舉似南泉。南泉曰：苦哉！浮盃被這老婆摧折。一上婆後聞笑曰：王老師猶少機關。在澄一禪客逢見行婆，便問：怎生是南泉？猶少機關。在婆乃哭曰：可悲可痛。澄一罔措。婆曰：會麼？澄一合掌而立。婆曰：伎死禪和，如麻似粟。澄一舉似趙州。趙州曰：我若見這臭老婆，問教口瘡。澄一曰：未審和尚怎生問他？趙州便打。澄一曰：爲甚麼却打某甲？趙州曰：似這伎死漢，不打更待幾時？連打數棒。婆聞却曰：趙州合喫婆手裏棒。後僧舉似趙州。趙州哭曰：可悲可痛。婆聞此語，合掌歎曰：趙州眼光，燦破四天。下趙州令僧問：如何是趙州？眼婆乃豎起拳頭。僧回舉似趙州。趙州作偈曰：當機覲面提覲面，當機疾報汝。凌行婆哭聲，何得失？婆以偈答曰：哭聲師已曉，已曉復誰知？當時摩竭國，幾喪目前機。

龍山和尚

潭州龍山和尚。亦云隱山洞山與密師伯經由見溪流，菜葉洞山曰：深山無人，因何有菜？隨流莫有道人，人居否？乃共議撥草溪行五七里間，忽見師羸形異貌，放下

行李，問訊師曰：此山無路，闍黎從何處來？洞山曰：無路且置，和尚從何而入？師曰：我不從雲水來。洞山曰：和尚住此山多少時？邪？師曰：春秋不涉。洞山曰：和尚先住此山？先住師曰：不知。洞山曰：爲甚麼不知？師曰：我不從人天來。洞山曰：和尚得何道理，便住此山？師曰：我見兩箇泥牛闖入海，直至于今絕消息。洞山始具威儀禮拜，便問：如何是主中賓？師曰：青山覆白雲。曰：如何是賓中主？師曰：長年不出戶。曰：賓主相去幾何？師曰：長江水上波。曰：賓主相見，有何言說？師曰：清風拂白月，洞山辭退。師乃述偈曰：三間茅屋從來住，一道神光萬境閑。莫把是非來辨我，浮生穿鑿不相關。因茲燒庵入深山，不見後人號爲隱山和尚。

龐蘊居士

襄州居士龐蘊，初謁石頭，乃問：不與萬法爲侶者，是甚麼人？石頭以手掩其口，豁然有省。後與丹霞爲友。一日石頭問曰：子見老僧以來，日用事作麼生？居士曰：若問日用事，卽無開口處。乃呈偈曰：日用事無別，唯吾自偶諸頭頭。非取捨處處沒張乖，朱紫誰爲號。

丘山絕點埃神通并妙用運水及搬柴石頭然之後
參馬祖問曰不與萬法爲侶者是甚麼人祖曰待汝
一口吸盡西江水卽向汝道居士於言下頓領玄旨
乃留駐參承二載自爾機辯迅捷諸方嚮之○因辭
藥山藥山命十禪客相送至門首居士乃指空中雪
曰好雪片片不落別處有全禪客曰落在甚處居士
遂與一掌全曰也不得草草居士曰恁麼稱禪客閻
羅老子未放你在全曰居士作麼生居士又掌曰眼
見如盲口說如瘧雪竇顯別初問云但握雪團便打○有女名靈照
常繫竹漉籬以供朝夕居士有偈曰心如境亦如無
實亦無虛有亦不管無亦不拘不是賢聖了事凡夫
易復易卽此五蘊有眞智十方世界一乘同無相法
身豈有二若捨煩惱入菩提不知何方有佛地○又
偈曰護生須是殺殺盡始安居會得箇中意鐵船水
上浮昭覺勸云且道殺箇什麼殺衆生物命凡夫見解殺六賊煩惱凡夫見解殺佛殺祖大闢提人見解納僧分上舉竟殺箇什麼試定當看中峯本云莫是殺生與護生一念平等麼恁麼商量瞎人眼目
○居士坐次問靈照曰古人道明明百草頭明明祖
師意如何會靈照曰老老大大作這箇語話居士曰

你作麼生靈照曰明明百草頭明明祖師意居士乃
笑○居士將入滅謂靈照曰視日早晚及午以報靈
照遽報日已中矣而有蝕也居士出戶觀次靈照卽
登父座合掌坐亡居士笑曰我女鋒捷矣於是更延
七日州牧于公頓問疾次居士謂之曰但願空諸所
有慎勿實諸所無好住世間皆如影響言訖枕于公
膝而化

教外別傳卷五

教外別傳卷六

南嶽下三世

黃檗希運禪師

百丈海
法嗣

洪州黃檗希運禪師閩人也遊天台逢一僧與之言
笑如舊相識熟視之目光射人乃偕行屬潮水暴漲
捐筇植杖而止其僧率師同渡師曰兄要渡自渡彼
卽褰衣蹠波若履平地回顧曰渡來渡來師曰咄這

自了漢吾早知當斫汝脛其僧歎曰真大乘法器我所不及言訖不見師後遊京師因人啓發乃往參百丈百丈問巍巍堂堂從何方來師曰巍巍堂堂從嶺南來百丈曰巍巍堂堂當爲何事師曰巍巍堂堂不爲別事便禮拜問曰從上宗乘如何指示百丈良久師曰不可教後人斷絕去也百丈曰將謂汝是箇人乃起入方丈師隨後入曰某甲特來百丈曰若爾則他後不得孤負吾○百丈一日問師甚麼處去來師曰大雄山下採菌子來百丈曰還見大蟲麼師便作虎聲百丈拈斧作斫勢師即打百丈一擲百丈吟吟而笑便歸上堂曰大雄山下有一大蟲汝等諸人也須好看百丈老漢今日親遭一口渴山祐學問仰山仰山云和尙怎生渴山云百丈當時便合一斧斫殺因甚麼到此如此仰山云不然渴山云子又作麼生仰山云百丈只解騎虎頭不解把虎尾渴山云子有餘量之句五祖戒云百丈大似作賊人心虛黃檗熟處難忘○師在南泉普請擇菜次南泉問甚麼處去師曰擇菜去南泉曰將甚麼擇師豎起刀南泉曰祇解作賓不解作主師以刀點三下南泉曰大家擇菜去黃龍新云今時師僧往往將南泉黃檗作擇菜會却○南泉一日曰老僧有牧牛歌請長老

和師曰某甲自有師在師辭南泉南泉門送提起師笠曰長老身材沒量大笠子大小生師曰雖然如此大千世界總在裏許南泉曰王老師齋師戴笠便行○師在鹽官殿上禮佛次時唐宣宗爲沙彌問曰不著佛求不著法求不著僧求長老禮拜當何所求師曰不著佛求不著法求不著僧求常禮如是事沙彌曰用禮何爲師便掌沙彌曰太麤生師曰這裏是甚麼所在說麤說細隨後又掌○裴相國鎮宛陵建大禪苑請師說法以師酷愛舊山還以黃檗名之公一日拓一尊佛於師前跪曰請師安名師召曰裴休公應諾師曰與汝安名竟公禮拜雪竇顯代裴休當時便喝徑山泉云裴公黃檗可謂如水入水似金博金雖然如是檢點將來不無滲漏今日蔡中郎或捧一尊像請雲門安名即向道清淨法身毗盧遮那佛若云謝師安名即向道下地不走快便難逢楚石琦云裴公捧像黃檗安名冷地看來如大家教新婦相似直是好笑笑須三十年妙喜既不能坐斷未免隨倒顛倒喚作清淨法身毗盧遮那佛周人以相○師因有六人新到五人作禮中一人提起坐具作一圓相師曰我聞有一隻獵犬甚惡僧曰尋獐羊聲來師曰獐羊無聲到汝尋曰尋獐羊跡來師曰獐羊無跡到汝尋曰尋獐羊蹤來師曰獐羊

無蹤到汝尋日與麼則死。羶羊也。師便休去。明日陞堂。曰。昨日尋羶羊。僧出來。僧便出。師曰。昨日公案未了。老僧休去。你作麼。生僧無語。師曰。將謂是本色衲僧。元來祇是義學沙門。便打。越出。雪竇顯云。只如聲響。蹤跡既無。猶大向甚處尋。逐莫是絕聲響。蹤跡處見。黃檗麼。諸禪德要明陷虎之機也。須是本分衲子。徑山信云。黃檗幸是作家。何不當時便打。越出。須待明日。且道黃檗意作麼。生。這僧既會尋羶羊。蹤跡來又不曾。黃檗休去。非惟義學沙門。還是脫空奴子。○師一日捏拳曰。天下老和尚總在這裏。我若放一線道。從汝七縱八橫。若不放過。不消一捏。僧問。放一線道。時如何。師曰。七縱八橫。曰。不放過。不消一捏。時如何。師曰。普。僧問。雲門。偈如何。是七縱八橫。雲門云。念老僧年老。云如何。是普。雲門云。天光回照。云如何。是天光回照。雲門云。豁。少人知。○裴相國一日請師至郡。以所解一編示師。是接置於座。略不披閱。良久曰。會麼。公曰。未測。師曰。若便怎麼。會得猶較些。子若也。形於紙墨。何有吾宗。○一日上堂。大眾雲集。乃曰。汝等諸人。欲何所求。以拄杖。越之大眾不散。師却復坐。曰。汝等諸人。盡是唾酒糟漢。怎麼行脚。取笑於人。但見八百一十人處。便去不可圖。他熱鬧也。老漢行脚時。或遇草根下。有一箇漢。便從頂門上一錐。

看他若知痛痒。可以布袋盛米。供養他。可中總似汝。如此容易。何處更有今日事也。汝等既稱行脚。亦須著些精神。好還知道。大唐國內。無禪師。麼時有僧問。諸方尊宿。盡聚衆開化。為甚麼。却道無禪師。師曰。不道無禪。祇是無師。濟山祐問。仰山作麼。生。仰山云。鶻辨。五祖戒出。僧語。謝和尚說得道理好。石門聰云。黃檗垂示。不妨奇特。纔被布衲。撥着。失却一隻眼。雪竇顯云。凍凍威風。不自誇。端居。實海定。龍蛇大。中天子。曾輕觸。三度親。遭弄。爪牙。承天宗云。五祖戒。眼照。榮宗師。法昌遇云。我要無禪。底做國師。徑山果云。且道是醜。醜句。是毒藥。句。頌云。身上着衣。方免寒。口邊說食。終不飽。大唐國裏。老婆禪。今日為君。注破了。楚石琦云。殺人刀。活人劍。具眼者。辨取。金粟悟云。黃檗大似龍頭蛇尾。當時待這僧云。只如諸方。匡徒。領衆。又作麼。生。和聲。便打。更若。擬議。勞脊。闍黎。不見馬大師。打出。却怎麼。老婆。可謂酒糟太多。闍黎不見馬大師。下有八十四人。坐道場。得馬師正法眼者。止三兩人。廬山歸宗和尚。是其一。夫出家人。須知有從上來事。分始得。且如四祖下。牛頭橫說。豎說。猶未知向上關捩子。有此眼目。方辨得邪正。宗黨。且當人事。宜不能體會得。但知學言語。念向皮袋裏。安著。到處稱我會禪。還替得汝生死麼。輕忽老宿。入地獄。如箭珍重。

長慶大安禪師百丈海法嗣

福州長慶大安禪師號頌安郡之陳氏子孤錫遊方逢

一老父謂師曰師往南昌當有所得師即造百丈禮

而問曰學人欲求識佛何者即是百丈曰大似騎牛

覓牛師曰識得後如何百丈曰如人騎牛至家師曰

未審始終如何保任百丈曰如牧牛人執杖視之不

令犯人苗稼師自茲領旨更不馳求同參祐禪師創

助道及祐歸寂○雪峯因入山探得一枝木其形似

蛇於背上題曰本自天然不假雕琢寄與師師曰本

色住山人且無刀斧痕○問黃巢軍來和尚向甚麼

處回避師曰五蘊山中曰忽被他捉著時如何師曰

惱亂將軍

大慈寰中禪師百丈海法嗣

杭州大慈山寰中禪師蒲坂盧氏子參百丈受心印

辭往南嶽常樂寺結茅山頂一日南泉至問如何是

庵中主師曰蒼天蒼天南泉曰蒼天且置如何是庵

中主師曰會即便會莫切切南泉拂袖而出○後住

大慈上堂山僧不解答話祇能識病時有僧出師便

歸方丈法眼益云衆中喚作病在目前不識報慈

遂云且道大慈識病不識病此僧出來是病

不是病若言是病每日行住不可總是病若言不是病
出來又作麼生雪竇顯云大凡扶墜宗乘須辨箇得
失且大慈識病不答話時有僧出便歸方丈雪竇識病
不答話或有僧出便捧諸方臘病不答話有僧出
必然別有長處敢有一箇動着大唐天子只三人盧
堂愚頌云輕如毫末重如山地角天涯去復還黃葉隕
時風骨露水邊○趙州問般若以何爲體師曰般若
依舊石爛班

以何爲體趙州大笑而出明日趙州掃地次師曰般
若以何爲體趙州置帚付掌大笑師便歸方丈雪竇

前來也笑後來也笑笑中有刀大慈還識麼直饒識得

也未免喪身失命○溪山結云纔見呵呵大笑便與一

掌明日又問待伊大笑又與一掌大慈若下得這兩掌

趙州若不對他可謂生鐵鑄就風吹不入漢大凡宗師

教他眼目定動豈不俊哉要識趙州大慈麼莫恁從前

多意氣他家曾謁聖明君黃龍新云趙州金鎗不辨

玉石不分直饒分去也未夢見大慈在黃龍震云般

若非是無體二老不能知般若非是無用二老不能用

若也能知能用一言可以截斷衆紛何必再三南華

曷云兩箇漢只解掩耳偷鈴不解移風易俗或有問南

華般若以何爲體劈脊便打待伊眼目定動却問般若

以何爲體靈利漢忽然○僧辭師問甚麼處去曰江

西去師曰我勞汝一段事得否曰和尚有甚麼事師

曰將取老僧去得麼曰更有過於和尚者亦不能將

去師便休僧後舉似洞山洞山曰箇黎爭合恁麼道

日和尙作麼生洞山曰得法眼益別云和尚若去某

知汝力微淨因成云這僧可謂擔頭不泊繩是則當

如是要且只是孤生獨死底漢天童覺云大慈合作

不着這僧不如獨行也。須是怎麼始得直饒大慈。
古佛也不奈這擔板漢。何且道別有什麼長處。 ○

洞山又問其僧大慈別有甚麼言句。曰有時示衆曰。說得一丈不如行取一尺。說得一尺不如行取一寸。

洞山曰我不恁麼道。曰和尚作麼生。洞山曰說取行。

不得底。行取說不得底。
洛浦安云行說俱到。即本分事。無行說俱不到。即本分事。

在雲居錫云行時無說路。說時無行路。不說不行時。合行甚麼路。

平田普岸禪師 百丈海法嗣

天台平田普岸禪師洪州人也。於百丈門下得旨。訪

茂源和尚。茂源纔起迎師。近前把住曰。開口即喪去。此二途。請師別道。茂源以手掩鼻。師放開

口。即喪去。此二途。請師別道。茂源以手掩鼻。師放開

曰。一步較易。兩步較難。茂源曰。著甚。死急。師曰。若非

是師。不免諸方點檢。○臨濟訪師到路口。先逢一嫂

在田使牛。臨濟問嫂。平田路向甚麼處去。嫂打牛一

棒曰。這畜生到處走到。此路也不識。臨濟又曰。我問

你平田路向甚麼處去。嫂曰。這畜生五歲。尚使不得

臨濟心語曰。欲觀前人先觀所使。便有抽釘拔楔之

意。及見師。師問你還曾見我嫂也。未臨濟曰。已收下

了也。師遂問近雖甚處。臨濟曰。江西黃檗師曰。情知

你見作家來。臨濟曰。特來禮拜和尚。師曰。已相見了也。臨濟曰。賓主之禮。合施三拜。師曰。既是賓主之禮。禮拜著。

石霜性空禪師 百丈海法嗣

潭州石霜山性空禪師。僧問。如何是祖師西來意。師

曰。如人在千尺井中。不假寸繩。出得此人。即答汝西

來意。僧曰。近日湖南暢和尚出世。亦爲人東語西話。

師喚沙彌。拽出這死屍著。
沙彌即仰山。仰山後問耽源。如何出得井中人。耽源曰。咄。癡漢。誰在井中。仰山復問。渴山。渴山召慧寂。仰山應諾。渴山曰。出也。仰山住後。常舉前語。謂衆曰。我在耽源處得名。渴山處得地。

古靈神贊禪師 百丈海法嗣

福州古靈神贊禪師。本州大中寺受業。後行脚。遇百

丈。開悟。却回受業。本師問曰。汝離吾在外。得何事業。

曰。並無事業。遂遣執役。一日因澡身。命師去垢。師乃

拊背曰。好所佛堂。而佛不聖。本師回首視之。師曰。佛

雖不聖。且能放光。本師又一日在牕下看經。蜂子投

牕紙。求出師觀之。曰。世界如許廣闊。不肯出。鑽他故

紙。驢年去。遂有偈曰。空門不肯出。投窓也大癡。百年

鑽故紙何日出頭時。本師置經問曰。汝行脚遇何人。吾前後見汝發言異。常師曰。某甲蒙百丈和尚指箇歇處。今欲報慈德耳。本師於是告衆致齋。請師說法。師乃登座。舉唱百丈門風曰。靈光獨耀。迥脫根塵。體露真常。不拘文字。心性無染。本自圓成。但離妄緣。卽如如佛。本師於言下感悟曰。何期垂老得聞極則事。

和安寺通禪師

百丈海
法嗣

廣州和安寺通禪師。婺州雙林寺受業。自幼寡言。時人謂之不語通參馬祖。至江西祖已圓寂。遂謁百丈。頓釋疑情。○師一日召仰山。將牀子來。仰山將到。師曰。却送本處。著仰山從之。師召慧寂。仰山應諾。師曰。牀子那邊是甚麼物。仰山曰。枕子。師曰。枕子這邊是甚麼物。仰山曰。無物。師復召慧寂。仰山應諾。師曰。是甚麼。仰山無對。師曰。去。

衛國院道禪師

百丈海
法嗣

京兆衛國院道禪師。新到參師。問何方來。曰。河南來。師曰。黃河清也未。僧無對。渡山佑代云。小小孤兒。要過。但過用疑作甚麼。

東山慧禪師

百丈海
法嗣

洪州東山慧禪師。同大于南。用到茶堂。有僧近前不審。南用曰。我旣不納汝。汝亦不見我。不審阿誰。僧無語。師曰。不得平白地。恁麼問。伊南用曰。大于亦無語。那大于把定其僧曰。是你恁麼累我。亦然便打一擲。南用大笑曰。朗月與青天。○大于侍者到。師問。金剛正定一切。皆然。秋去冬來。且作麼生。侍者曰。不妨和尚借問。師曰。卽今卽得去。後作麼生。侍者曰。誰敢問。著某甲。師曰。大于還得麼。侍者曰。猶要別人點檢。在。師曰。輔弼宗師。不廢光彩。侍者禮拜。

清田和尚

百丈海
法嗣

清田和尚與瑫上座煎茶。次師敲繩牀。三下瑫亦敲。三下。師曰。老僧敲有箇善巧。上座敲有何道理。瑫曰。某甲敲有箇方便。和尚敲作麼生。師舉起盞子。瑫曰。善知識。眼應須恁麼。茶罷。瑫却問和尚。適來舉起盞子。意作麼生。師曰。不可更別有也。

百丈涅槃和尚

百丈海
法嗣

百丈山涅槃和尚。一日謂衆曰。汝等與我開田。我與汝說大義。衆開田了。歸請說大義。師乃展兩手。衆罔

措洪覺範林間錄云百丈第二代法正禪師大智之高弟其先嘗誦涅槃經不言姓名時呼爲涅槃和尚住成法府師功最多使衆開田方說大義者乃師也黃檗古靈諸大士皆推尊之唐文人黃武翊撰其碑甚詳柳公權書妙絕今古而傳燈所載百丈惟改禪師又係於馬祖法嗣之列誤矣及觀正宗記則有惟改法正然百丈第代可數明教但皆見其名不能辨而俱存也今當以柳碑爲正

趙州從諗禪師南泉願法嗣

趙州觀音院東院亦曰從諗禪師曹州郝鄉人姓郝氏抵池陽參南泉值南泉偃息而問曰近離甚處師曰瑞像南泉曰還見瑞像麼師曰不見瑞像祇見臥如來南泉便起坐問汝是有主沙彌無主沙彌師曰有主沙彌南泉曰那箇是你主師近前躬身曰仲冬嚴寒伏惟和尚尊候萬福南泉器之許其入室○他日問南泉如何是道南泉曰平常心是道師曰還可趣向也無南泉曰擬向即乖師曰不擬爭知是道南泉曰道不屬知不屬不知知是妄覺不知是無記若真達不疑之道猶如太虛廓然蕩豁豈可強是非邪師於言下悟理圓悟勤頌云遇飯喫飯遇茶喫茶千重百市四海一家解却粘去却縛言無言作無作廓然本體等虛空風從虎兮雲從龍徑山泉頌云勸君不用苦勞神喚作平常轉不親冷淡全然沒滋味一回舉著一回新鴻山果云恁麼也不得不恁麼也不得恁麼不恁麼時如何豎起拂子云鯨吞海水盡露

◆箇字原本不明

出珊瑚枝靈隱錄云青天白日悟箇什麼咄咄驢珠擊碎蒼龍窟元稹端云南泉被趙州一問直得分疎不下趙州被南泉一坐至今擡身不起兩箇漢乃往總有通處諸人檢點得出許你真達不疑之道嵩嶽瑠璃壇納戒仍返南泉○一日問南泉曰知有底人向甚麼處去南泉曰山前檀越家作一頭水牯牛去師曰謝師指示南泉曰昨夜三更月到牕雲峯悅云若不是南泉泊○南泉曰今時人須向異類中行始得師曰異即不問如何是類南泉以兩手拓地師近前一踏踏倒却向涅槃堂裏叫曰悔海南泉令侍者問悔箇甚麼師曰悔不更與兩踏○南泉上堂師出問明頭合暗頭合南泉便下座歸方丈師曰這老和尚被我一問直得無言可對首座曰莫道和尚無語好自是上座不會師便打一掌曰此掌合是堂頭老漢喫五祖戒云正賊走了還蹤人喫棒又云南泉嘗斷不斷返招其亂雲居舜云諸人作麼生會有底便道首座落他絳續與麼會又爭得山僧道趙州大似傍若無人天奇瑞云入就者不知而出出就者不知而入徐六擔板各見一邊自有明眼人證據在所以得時誇經紀時收好種田還知以已妨人遭他毒手者麼十箇理伏真可○師到黃檗黃檗見來便閉方丈門師乃把火於法堂內叫曰救火救火黃檗開門捉住曰道道師曰賊過後張弓保福展云黃檗有頭無尾趙州有尾無頭

雪竇顯云直是好笑笑須三十年忽有箇僧問雪竇笑箇什麼笑賊過後張弓五祖戒云黃檗只會買賊不會賣貴趙

○到寶壽寶壽見來於禪牀上背坐師展坐具禮拜寶壽下禪牀師便出

保福展云保壽忘頭失尾趙州平地上

○又到道吾纔入堂道吾曰南泉一隻箭來

也師曰看箭道吾曰過也師曰中

雪竇顯云二俱作家蓋是道吾趙州

二俱不作家箭鋒不相拄直饒齊發齊中也只是箇射

探漢報慈遂云且道二大老相見還有優劣也無若

檢點得出許你於

○又到茱萸執拄杖於法堂上從中字上有箇入處

東過西茱萸曰作甚麼師曰探水茱萸曰我這裏一

滴也無探箇甚麼師以杖倚壁使下

瑯琊覺云勢敗奴欺主年袁鬼

弄人保寧勇頌云逐步移筇探淺深果然滄海蒼沉

一雙足迹分明在將謂歸家不可尋

潯山詰云趙州善能探水不犯波瀾茱萸一滴也無爭奈關防不得

徑山杲云鉤在不疑之地頌云深淺聊將拄杖探忽

然平地起波瀾傾瀉倒岳驚天地到海方知徹底乾

天童華云茱萸一滴也無滔天白浪趙州以拄杖靠壁

不犯波瀾雖然二老同死

○師將遊五臺有大德作偈留曰無處青山不道場何須策杖禮清涼雲中縱

有金毛現正眼觀時非吉祥師曰作麼生是正眼大

德無對法眼益代云請上座領某甲師自此道化被

於北地衆請住觀音院○掃地次僧問和尚是大善

知識爲甚麼掃地師曰塵從外來曰既是清淨伽藍

爲甚麼有塵師曰又一點也○師與官人遊園次兎

見乃驚走遂問和尚是大善知識兎見爲甚麼走師

曰老僧好殺○僧辭師曰甚處去曰諸方學佛法去

師豎起拂子曰有佛處不得住無佛處急走過三千

里外逢人不得錯舉曰與麼則不去也師曰摘楊花

摘楊花

徑山杲云有佛處不得住生鐵秤鎚被蟲蛀

無佛處急走過撞着嵩山破甕墮三千里外

逢人不得錯舉兩箇石人相耳語怎麼則不去也此語

已遍天下摘楊花摘楊花庵摩尼達哩吽吽

靈隱嶽舉大慧語了云大慧老人盡力只道得到這裏還知

香山落處麼鐵山崩倒壓銀山盤走珠兮珠走盤密密

鴛鴦開繡出金銀終不與人看

楚石琦云妙喜老祖唱之於前天宰遠孫和之於後門前種萬草萬草生火

筋火筋開蓮花蓮花結木瓜木瓜忽然擲

落地撒出無數無數脂麻何也且要入拍

○問承聞和尚親見南泉是否師曰鎮州出大蘿蔔頭

風法眼有通方鑑才便知落處敢問諸人。○上堂金

佛不度爐木佛不度火泥佛不度水真佛內裏坐菩提

涅槃真如佛性盡是貼體衣服亦名煩惱實際理地

甚麼處著一心不生萬法無咎汝但究理坐看三二

十年若不會截取老僧頭去夢幻空華徒勞把捉心

若不異萬法一如既不從外得更拘執作麼如羊相

似亂拾物安向口裏老僧見藥山和尚道有人問著

但教合取狗口老僧亦教合取狗口取我是垢不取

我是淨一似獵狗專欲得物喫佛法在甚麼處千人

萬人盡是覓佛漢子於中覓一箇道人無若與空王

爲弟子莫教心病最難醫未有世界早有此性世界

壞時此性不壞一從見老僧後更不是別人祇是箇

主人公這箇更向外覓作麼正恁麼時莫轉頭換腦

若轉頭換腦卽失却也僧問承師有言世界壞時此

性不壞如何是此性師曰四大五陰曰此猶是壞底

如何是此性師曰四大五陰法眼益云是一箇兩箇是壞不壞且作麼生會

試斷看雪竇顯頌云泥佛不度水神光照天地立雪如未休何人不離爲金佛不度爐人來訪子湖脾中數箇字清風何處無木佛不度火常思破甕墮杖子忽擎

着方知孤負我徑山杲云軍營裏大王頌云九十七

種妙相願陞丹青難狀趙州○師因老宿問近隣甚

眼目精明觀見心肝五臟處曰滑州老宿曰幾程到這裏師曰一睡到老宿曰

好箇捷疾鬼師曰萬福大王老宿曰參堂去師應喏

喏○尼問如何是密密意師以手指之尼曰和尚猶

有這箇在師曰却是你有這箇在高峯妙頌云猛虎

明月入烟蘿頂門縱有金剛眼未免當頭踉蹌過他○問如何是賓中主師曰

山僧不問婦曰如何是主中賓師曰山僧無丈人○

有僧遊五臺問一婆子曰臺山路向甚麼處去婆曰

驀直去僧便去婆曰好箇師僧又恁麼去後有僧舉

似師師曰待我去勘過明日師便去問臺山路向甚

麼處去婆曰驀直去師便去婆曰好箇師僧又恁麼

去師歸院謂僧曰臺山婆子爲汝勘破了也報慈遂云前來

僧也恁麼道趙州去也恁麼道甚麼處是勘破婆子處

又云非唯被趙州勘破亦被這僧勘破瑯琊覺云大

小趙州去這婆子手裏喪身失命然雖如此錯會者多

泥深若非趙州老人爭顯汗馬功高高峯妙云這箇

公案若據諸方判斷趙州勘破婆子若據高峯點檢將

來正是婆子勘破趙州畢竟以何爲驗以手指云鳥直

去天奇瑞云首身者知其首而不知其質實身者只

知其質而不知其首鶴鵲彈空通其喜濕馬受繩徒

誇其俊豈不見古人云剛被時人知住處又移步舍入

深居徑山信云臺山路上少這婆子不得自從趙州

勘破後直至如今草漫漫地東倒西擺頌云臺山婆臺

山婆死去十分沒奈何開眼受
人穿鼻孔惡人自有惡人魔

○問怎麼來底人師

還接否師曰接曰不怎麼來底師還接否師曰接曰

怎麼來者從師接不怎麼來者如何接師曰止止不

須說我法妙難思○師因出路逢一婆婆問和尚住

甚麼處師曰趙州東院西婆無語師歸問衆僧合使

那箇西字或言東西字或言棲泊字師曰汝等總作

得鹽鐵判官曰和尚爲甚麼麼道師曰爲汝總識字

清涼飲別衆僧○問如何是囊中寶師曰合取口

涼云已知去處○有一婆子令人送錢請轉藏經師受施

利了却下禪牀轉一匝乃曰傳語婆轉藏經已竟其

人同學似婆婆曰比來請轉全藏如何祇爲轉半藏

報慈遂云甚麼處是欠半藏處且道那婆子具甚麼眼

便與麼道經山杲云衆中商量道如何是那半藏或

云再繞一匝或彈指一下或咳嗽一聲或喝一喝或拍

一拍怎麼見解只是不識差若是那半藏莫道趙州更

更繞一匝直繞百千萬億匝於婆子分上只得半藏設使

繞天下老和尚共如是繞百千萬億匝於婆子分上也

只得半藏設使山河大地森羅萬象若草若木各具廣

長舌相異口同音從今日轉到盡未來際於婆子分上

亦只得半藏諸人要識婆子麼良久云鴛鴦欄出從君

看不得金○因僧侍次遂指火問曰這箇是火你不

得喚作火老僧道了也僧無對復笑起火曰會麼曰

不會師曰此去舒州有投子和尙汝往禮拜問之必

爲汝說因緣相契不用更來不相契却來其僧到投

子投子問近離甚處曰趙州投子曰趙州有何言句

僧舉前話投子曰汝會麼曰不會乞師指示投子下

禪牀行三步却坐問曰會麼曰不會投子曰你歸舉

似趙州其僧却回舉似師曰還會麼曰不會師曰

投子與麼不較多也○有新到謂師曰某甲從長安

來橫擔一條拄杖不曾撥著一人師曰自是大德拄

杖短同安顯別云老僧這僧無對法眼益代云呵呵同

安顯代云也不短○僧寫師眞呈師曰且道似我不似我若似我即打

殺老僧不似我即燒却眞僧無對報慈遂代云○問

如何是祖師西來意師曰庭前栢樹子曰和尚莫將

境示人師曰我不將境示人曰如何是祖師西來意

師曰庭前栢樹子經山杲云庭前栢樹子今日重新

打破關爲什麼却尋言語當初將謂茅長短燒了元來

地不平楚石琦云庭前栢樹子天下杜禪和只管尋

枝葉還曾夢見麼四海幸然○問僧發足甚處曰雪

峯師曰雪峯有何言句示人曰尋常道盡十方世界

是沙門一隻眼你等諸人向甚處問師曰闍黎若同

寄箇鉢子去

保福展云南有雪峯北有趙州雪峯顯云這僧既不從雪峯來可借趙州鉢

子瑯琊覺云衆中有云寄鉢去埋却雪峯若道寄鉢孟去便道盛粥飯用狂解夢見作麼商量不是僧鉢手設說學

○師謂衆曰我向行脚到南方火爐頭有箇

無賓主話直至如今無人舉著○上堂至道無難唯

嫌揀擇纔有語言是揀擇是明白老僧不在明白裏

是汝還護惜也無時有僧問既不在明白裏護惜箇

甚麼師曰我亦不知僧曰和尚既不知爲甚麼道不在

明白裏師曰問事卽得禮拜了退雪峯顯云趙州倒退三千頃云至道

無難言端語端一有多種二無兩般天際日上月下權前山深水寒露體識盡喜何立枯木龍吟消未乾難

揀擇明白○別僧問至道無難唯嫌揀擇是時人窠

窟否師曰曾有人問我老僧直得五年分疎不下雲

顯云識語不能轉死却了也好與二十棒這棒須有分付處若辨不出且放此話大行天童覺顯云五年分疎不下一句元無縫罅只知推過商量誰信分明顯價

玲瓏底相知幽弄底相誇率可與曉事人相罵不可共

不曉事○又問至道無難唯嫌揀擇如何是不揀擇

師曰天上天下唯我獨尊曰此猶是揀擇師曰田庫

奴甚處是揀擇僧無語無庵全顯云當門一脈透長安避子空嗟行路難不是人

前誇倚指金槌擊碎萬重關○問至道無難唯嫌揀擇纔有語言

是揀擇和尚如何爲人師曰何不引盡此語僧曰某

甲祇念得到這裏師曰至道無難唯嫌揀擇白雲端顯云聖

山塞海也尋常所至文明始是王但見皇風成一片不知何處有封疆○問如何是道

師曰牆外底曰不問這箇師曰你問那箇曰大道師

曰大道透長安天奇瑞云這僧只解問路不知當面

大衆會麼宜乎○上堂兄弟若從南方來者卽與下

載若從北方來者卽與上載所以道近上人問道卽

失道近下人問道卽得道○師因與文遠行乃指一

片地曰這裏好造箇巡鋪文遠便去路傍立曰把將

公驗來師遂與一摺文遠曰公驗分明過○師與文

遠論義曰闊劣不闊勝勝者輸果子文遠曰請和尚

立義師曰我是一頭驢文遠曰我是驢胃師曰我是

驢糞文遠曰我是糞中蟲師曰你在彼中作甚麼文

遠曰我在彼中過夏師曰把將果子來五祖戒云禍不單行

瑯覺云趙州文遠也是蕭何置律徑山泉云文遠在驢糞中過夏面赤不如語直趙州貪他少利贏得箇胡

餅檢點將來也是普州人送賊畢竟如何驚王擇乳素非鴨類

楚石琦云當時文遠待趙州老漢道我是一頭驢便道輸却胡餅了也○新到參師問甚麼處

來曰南方來師曰佛法盡在南方汝來這裏作甚麼

曰佛法豈有南北邪師曰饒汝從雪峯雲居來祇是

箇擔板漢崇壽謂云和尚是據客置主人○問如何是佛師曰殿裏

底曰殿裏者豈不是泥龕塑像師曰是曰如何是佛

師曰殿裏底○問學人乍入叢林乞師指示師曰喫

粥了也未曰喫粥了也師曰洗鉢盂去其僧忽然省

悟雲門偈云且道有指示無指示若言有趙州向伊道

箇什麼若言無有僧爲甚悟去雪竇云我不似雲門爲蛇畫足直言向你道問者如蟲禦木客者偶爾

成文然雖與麼瞎却將僧眼作麼生免得此過諸仁者

要會麼還你趙州喫粥也未拈却這僧喫粥了雪竇與你拄杖子歸堂雲峯悅云雲門與麼道大似爲貴門

栽鬚與蛇畫足雲峯則不然這僧於此悟去入地獄如

箭射黃龍心云雲門雪竇雖則善能縛強輔弱拾富

從貧要且不能安家立國乃問僧只如上座朝來亦喫

粥亦洗鉢而今是迷是悟其僧禮拜起師喚近前我有

一柄拂與汝歸堂龍門遠云山僧今日喫粥了也洗鉢盂了也只是不悟既是爲善知識爲甚麼不悟還會

麼豈可喚鐘作鐘終不指鹿爲馬善人難犯水銀無假

冷地忽然覷破管取一時放下徑山杲云雲門大似阿修羅王托動三有大城諸煩惱海隨後喝云寐語作

麼楚石琦云諸仁者要見雲門則易要見妙喜則難

諸說在什麼處劍○上堂纔有是非紛然失心還有

去久矣爾方刻舟○答話分也無僧舉似洛浦洛浦扣齒又舉似雲居雲

是石橋師曰度驢度馬天奇瑞云言不涉玄旨無不

江山一教雖然如是易妙蕩蕩然胡越皆親表表地

分雪裏粉難辨墨中紫日如何是略約師曰箇箇度

人後有如前問師如前答又僧問如何是石橋師曰

過來過來雲居錫云趙州爲當扶石橋扶略約○師問沙彌喝參向侍

者曰教伊去侍者乃教去沙彌便珍重師曰沙彌得入

門侍者在門外雲居錫云甚麼處是沙彌入門侍者在門外道裏若會得便見趙州○

問僧甚麼處來曰從南來師曰還知有趙州關否曰

須知有不涉關者師曰這販私鹽漢○問如何是西

來意師下禪牀立曰莫祇這箇便是否師曰老僧未

有語在○問菜頭今日喫生菜喫熟菜菜頭拈起菜

呈之師曰知恩者少負恩者多○問狗子還有佛性

也無師曰無日上至諸佛下至螻蟻皆有佛性狗子

爲甚麼却無師曰爲伊有業識在翠巖芝云說有說無兩彩一賽如今

作麼生五祖演頌云趙州露刃劍寒霜光焰耀耀欲

問如何分身作兩段高峯妙云大小趙州拈出一粒

巴豆子攪惱兩僧腸肚設有吞吐得者○師問一婆

子甚麼處去曰偷趙州筍去師曰忽遇趙州又作麼

生婆便與一掌師休去雪竇云好掌更下兩掌也

去作麼商量白雲露箇消息貴要諸人共知婆子雖行

正令一生不了趙州被打兩掌咬定牙關婆子可謂去

路一身輕似葉。趙州高名千古重如山。徑山信云夜眠侵曉起更有不眠人。婆子一掌趙州猶如墮于喫黃瓜。雖然這婆子也是好手。○師一日於雪中臥曰。相救相看。孔着摸。未是好手。

救有僧便去。身邊臥師便起去。翠巖芝云。此僧在趙州終裏。還有人出得。

應天童華云。這僧如蟲。不要見趙州。天地懸殊。有般瞎漢。便道。報恩扶強。不扶弱。殊不知我王庫內。無如是刀。喝。○問。如何是趙州一句。師曰。老僧半句也。無一喝。

日豈無和尚。在師曰。老僧不是一句。○師問。新到曾到此間麼。曰。曾到。師曰。喫茶去。又問。僧曰。不曾到。師曰。喫茶去。後院主問曰。為甚麼曾到也。云。喫茶去。不曾到也。云。喫茶去。師召院主。主應諾。師曰。喫茶去。

保福展云。趙州價得其便。鏡清慈學問。僧作麼生會。僧便去。鏡清云。却學唐步。雪竇顯云。這僧不是。師耶人。為甚學唐步。若辨得出。與汝茶喫。黃龍○問。新云。趙州喫茶。宗門奇特。到與不到。是白拈賊。

二龍爭珠。誰是得者。師曰。老僧祇管看。雪竇顯云。看不得。且道。扶趙州。○問。空劫中。還有人修行也。無。師曰。汝喚甚麼作空劫。曰。無一物。是師曰。這箇始稱得修行。喚甚麼作空劫。僧無語。

○問。如何是玄中玄。師曰。汝玄來多少時。邪。曰。玄之久矣。師曰。闍黎若不遇老僧。幾被玄殺。○問。萬法歸一一。歸何所。師曰。老僧在青州。作得一領布衫。重七斤。

昭覺勤云。摩醯三眼一句。洞明似海。朝宗千途共轍。

雖然如是。更有一着。在忽有問。蔣山萬法歸一一。歸何處。只對他道。饑來喫飯。困來眠。高峯妙云。趙州一段綿密工夫。風吹不入。雨打不濕。惜乎不解相體。幾衣翻成鈍置。高峯則不然。忽有問。萬法歸一一。歸何處。只向他道。我二十年。前曾向這裏打失一隻眼睛。至今。指鹿為馬。大眾且道。與古人相去多少。元叟端云。趙州好語。要且不起來。機中峯則不然。萬法歸一一。歸何處。至大四。年。西山洪。水汎漲。一夜。衝倒三座石橋。山門頭石師子。作大哮吼。山河大地。悉皆震動。你輩貪眠。漢子。知甚。東西南北。金粟悟云。我不似趙州。委曲。如有問。萬法歸一一。歸何處。劈脊便棒。不惟直截。抑且免置。伊向萬法歸一一。歸何處。躲根。

○師在東司。上見遠侍者。過。薰召文遠。文遠應諾。師曰。東司上。不可與汝說佛法。○僧辭。師問。甚麼處去。曰。雪峯去。

師曰。雪峯。忽若問和尚。有何言句。汝作麼生。祇對曰。某甲道不得。請和尚道。師曰。冬。即言。寒。夏。即道。熱。又曰。雪峯。更問汝。畢竟事作麼生。僧又曰。道不得。師曰。但道親從趙州來。不是傳語人。其僧到雪峯。一依前語。祇對雪峯曰。也須是趙州始得。

玄沙備問云。大小趙州。敗闕也。不知雲居錫云。甚麼處是趙州。○問。如何是祖師意。師敲牀脚。僧曰。祇這莫便是否。師曰。是。即脫取去。○問。如何是毗盧圓相。師曰。老僧自幼出家。不曾眼花。曰。豈不為人。師曰。願汝常見毗盧圓相。○官人問和尚。還入地獄否。師曰。老僧末上。入曰。大善。知識為甚麼。

入地獄師曰我若不入阿誰教化汝○真定帥王公

攜諸子入院師坐而問曰大王會麼王曰不會師曰

自小持齋身已老見人無力下禪牀王尤加禮重翌

日令客將傳語師下禪牀受之侍者曰和尚見大王

來不下禪牀今日軍將來爲甚麼却下禪牀師曰非

汝所知第一等人來禪牀上接中等人來下禪牀接

末等人來三門外接○因侍者報大王來也師曰萬

福大王侍者曰未到在師曰又道來也黃龍南云頭

仙陀侍者只解報客不知身在帝鄉趙州入草求人

覺渾身泥水白雲端云其僧雖然問措爭奈王令已

道野老不知竟舞力攀琴打鼓祭江神○師到一庵

主處問有麼庵主豎起拳頭師曰水淺不是泊

船處便行又到一庵主處問有麼庵主亦豎起

拳頭師曰能縱能奪能殺能活便作禮雲居舜云趙

意氣雖然如是要且鼻孔在二庵主手裏

佛祖命脉列聖鉗鎚換斗移星經天緯地有般漢未出

窠窟只管道舌頭在趙州口裏殊不知自己性命已屬

別人若能握向上綱宗與二庵主相見便可以定龍蛇

別細素正好着力還知趙州落處底切忌顧頂龍門

遠云庵主一等緊拳趙州因甚肯一箇不肯一箇且道

得失在什麼處趙州勘破幾多阿師庵主過了幾多寒

暑要識趙州庵拍禪牀左邊一下要識二庵主庵拍禪

牀右邊一下還有餘點得出麼良久云易開終始口難

保歲寒心

麼肯一箇不肯一箇若向這裏見得釋迦不先彌勒不

後坐斷要津天長地久苟或未然月庵爲諸人下箇註

脚良久云若不如是爭知如是元叟端云這箇公案

諸方錯判者甚多山僧論實不論虛上庵主截鐵斬釘

下庵主和泥合水大○問僧一日看多少經曰或七

八或十卷師曰閣黎不會看經曰和尚一日看多少

師曰老僧一日祇看一字○文遠侍者在佛殿禮拜

次師見以拄杖打一下曰作甚麼侍者曰禮佛師曰

用禮作甚麼侍者曰禮佛也是好事師曰好事不如

無中峯本云文遠云拜佛也是好事不妨軟頑趙州

云好事不如無話墮了也要知趙州老人話墮處

麼待伊磕破腦○上堂正人說邪法邪法悉皆正邪

人說正法正法悉皆邪諸方難見易識我這裏易見

難識○問如何是趙州師曰東門西門南門北門

果云這僧問趙州趙州答趙州得人一馬還人一牛人

平不語水乎不流會麼受恩深處宜先退得意濃時便

好休楚石琦云儘這僧神通跳趙州關不過大丈夫

漢當衆決擇未到弓折箭盡即便拱手歸降何不着一

轉語教他納款去且○問初生孩子還具六識也無

道得着箇什麼語

師曰急水上打毬子僧却問投子急水上打毬子意

旨如何投子曰念念不停留○問和尚姓甚麼師曰

常州有曰甲子多少師曰蘇州有○問十二時中如

何用心師曰汝被十二時辰使老僧使得十二時乃

曰兄弟莫久立有事商量無事向衣鉢下坐窮理好。老僧行脚時除二時粥飯是雜用心處除外更無別用心處。若不如是大遠在○僧問如何是古佛心師曰三箇婆子排班拜○問如何是不遷義師曰一箇野雀兒從東飛過西○問學人有疑時如何師曰大宜小宜曰大疑師曰大宜東北角小宜僧堂後○問栢樹子還有佛性也無師曰有曰幾時成佛師曰待虛空落地時曰虛空幾時落地師曰待栢樹子成佛時○問如何是毗盧師師便起立僧曰如何是法身主師便坐僧禮拜師曰且道坐者是立者是○師謂衆曰你若一生不離叢林不語五年十載無人喚你作癡漢已後佛也不奈你何你若不信截取老僧頭去○師因趙王問師尊年有幾箇齒在師曰祇有一箇王曰爭喫得物師曰雖然一箇下下敲著○師寄拂子與王曰若問何處得來但說老僧平生用不盡者

長沙景岑禪師南泉願法嗣

湖南長沙景岑招賢禪師上堂我若一向舉揚宗教法堂裏須草深一丈事不獲已向汝諸人道盡十方

世界是沙門眼盡十方世界是沙門全身盡十方世界是自己光明盡十方世界在自己光明裏盡十方世界無一人不是自己我常向汝諸人道三世諸佛法界衆生是摩訶般若光光未發時汝等諸人向甚麼處委悉光未發時尙無佛無衆生消息何處得山河國土來時有僧問如何是沙門眼師曰長長出不得又曰成佛成祖出不得六道輪回出不得僧曰未審出箇甚麼不得師曰晝見日夜見星曰學人不曾師曰妙高山色青又青徑山泉云熱處難忘○師遣僧問同參會和尚曰和尚見南泉後如何會默然僧曰和尚未見南泉已前作麼生會曰不可更別有也僧回舉似師師示偈曰百尺竿頭不動人雖然得入未爲真百尺竿頭須進步十方世界是全身僧便問祇如百尺竿頭如何進步師曰朗州山澧州水曰不會師曰四海五湖皇化裏徑山泉云要見長沙更進一步若有人問如何進這一步我待款款地與你裏○有客來謁師召尙書其人應諾師曰不是尙書本命曰不可離却即今祇對別有第二主人師曰喚尙書作至尊得麼曰恁麼總不祇對時莫是弟子

主人否師曰非但祇對與不祇對時無始劫來是箇生死根本有偈曰學道之人不識真祇爲從來認識

神無始劫來生死本癡人喚作本來人經山果云即今祇對者既

不是本來人却喚甚麼作本來人○有秀才看千佛更久云我怎麼道且作死馬醫

名經問曰百千諸佛但見其名未審居何國土還化

物也無師曰黃鶴樓崔顥題後秀才還曾題也未曰

未曾師曰得閑題取一篇好昭覺勸云驚刀劈面解

當者有幾若能向奔流度刃疾疾過風處見長沙橫身

爲物去不消一捏其或隨言證入露布便謂問東答西

裂轉話頭且作麼生是長沙端的處還委麼殺人刀

活人劍酒山果云若有箇漢纔見長沙怎麼道但云黃鶴樓要題也不難未審百千諸佛居何國土若下得

此語非唯坐斷長沙舌頭亦乃名標青史經山信云

可憐一座黃鶴樓被長沙和尚埋沒殺千佛名○問

經裏許喚作註解得麼經人面前勿得說夢

南泉遷化向甚麼處去師曰東家作驢西家作馬曰

學人不曾此意如何師曰要騎即騎要下即下經山

今日或有人問雲門圓悟老人遷化向甚麼處去即向

他道入阿鼻大地獄去也未審意旨如何欲洋銅汁吞

熱鐵團或問還救得也無云救不得爲甚麼救不得是

這老漢家茶飯楚石琦云若欲報德酬恩須是長

沙妙喜忤逆兄孫始得雖然珊瑚

枕上兩行淚半是思君半恨君○問蚯蚓斷爲兩

段兩頭俱動未審佛性在阿那頭師曰動與不動是

何境界○師與仰山既月次仰山曰人人盡有這箇

祇是用不得師曰恰是倩汝用仰山曰你作麼生用

師劈臂與一踏仰山曰因直下似箇大蟲長慶後云

家後彼此不作家乃別云邪法難扶保福展云好一

箇月只是用力太多被他踏破却成兩箇人人盡道崇

大蟲奇特須知仰山有陷虎之機德山密代云更與

一踏經山果云峻潔一輪寒光萬里靈利者葉落知

秋闌茸者忠言逆耳不休已不已小釋迦有陷虎之

機老大蟲却無牙齒當時一踏豈造次焉然倒地非偶

爾衆中還有細素得二老出者麼長久云設有也是掉

棒打月楚石琦云小釋迦云你作麼生用崇大蟲便

與一踏盡謂高超物外獨步中天安忍後不熱也擬

冷處着把火二大老如斯吐露於建化門頭足可觀光

若是這箇事自此諸方稱爲崇大蟲

料掉無交涉○問本來人還

成佛也無師曰汝見大唐天子還自補田割稻麼曰

未審是何人成佛師曰是汝成佛僧無語師曰會麼

曰不會師曰知人因地而倒依地而起地道甚麼○

三聖令秀上座問曰南泉遷化向甚麼處去師曰石

頭作沙彌時參見六祖秀曰不問石頭見六祖南泉

遷化向甚麼處去師曰教伊尋思去秀曰和尚雖有

千尺寒松且無抽條石箇師默然秀曰謝和尚答話

師亦默然秀回舉似三聖三聖曰若恁麼猶勝臨濟

七步然雖如此待我更驗看至明日三聖上問承聞

和尚昨日答南泉遷化一則語可謂光前絕後今古

罕聞師亦默然。蔣山勲云也大奇也大奇長沙畫虎却成狸南泉一去無消息空使行人說是非

鄂州紫黃山和尚南泉顯法嗣

鄂州紫黃山和尚初住隨州護國上堂擎起一檟竹曰還有人虛空裏釘得檟麼時有靈虛上座出衆曰虛空是檟師擲下竹便下座雲門偈云矢上加尖有雲門云槌鐘謝響得箇蝦蟇出來雪竇顯云若要此話大行直須打了趁出法雲秀云紫黃只知瞻前這僧不能顧後仔細檢點將來兩箇總須喫棒且道這在甚處具眼者看棲賢謚云且道這僧出來與麼道是具眼不具眼紫黃當時便打○趙州到雲居雲居且道打伊甚麼處大衆駭取

曰老老大大何不覓箇住處曰甚麼處住得雲居曰山前有箇古寺基趙州曰和尚自住取後到師處師曰老老大大何不覓箇住處趙州曰向甚處住師曰老老大大住處也不知趙州曰三十年弄馬騎今日却被驢撲雲居錫云甚麼處是趙州被驢撲處溪山結云雲居紫黃爲人猶如爲己爭奈趙州不入這絳纒然雖如是不得雪霜力焉知松栢操大溪泰云雲居紫黃只解把住不解放行趙州只解放行不解把住檢點將來未爲全美且雙放雙收一句作麼生道畢竟水須朝海去到頭雲定覓山歸

子湖利蹤禪師南泉顯法嗣

衢州子湖嚴利蹤禪師澶州人也入南泉之室乃抵

于衢州之馬蹄山結茅宴居○開元二年邑人施山下子湖創院師於門下立牌曰子湖有一隻狗上取人頭中取人心下取人足擬議即喪身失命臨濟會下二僧參方揭簾師喝曰看狗僧回顧師便歸方丈

雪竇顯云衆中總道這僧着一口着即着了也爭奈這僧在教問諸人子湖狗着者便死因什麼這僧在若無知方眼教得這僧設使子湖出世咬殺百千萬箇有甚益我當時若見先斫下牌然後入院待這老漢喝云看狗與伊放出箇焦尾大蟲如今諸人要見麼日勢稍晚歸堂神鼎譚云古人提唱一段因緣你道怎麼時下得甚麼語神鼎當時若在他會裏即出云這畜生又云死又作退勢天童華云這老漢雖慣得其便爭奈咬這僧不殺且道利害在什麼處萬峯蔚云入門一喝頭正尾正擬議思量喪却性命且作麼生入得他家門戶喝一喝○與勝光和尚鉅園次嘉按鑊回視勝光阿耶阿耶

曰事即不無擬心即差勝光便問如何是事被師攔臂踏倒從此有省○尼到參師曰汝莫是劉鐵磨否

曰不敢師曰左轉右轉曰和尚莫顛倒師便打蔣山

子湖棒頭有眼只爲權柄在手鐵磨皮下有血○師

饒他于木隨身雖然柔弱勝剛強且要話在

一夜於僧堂前叫曰有賊衆皆驚動有一僧在堂內

出師把住曰維那捉得也捉得也曰不是某甲師曰

是即是祇是汝不肯承當翠巖芝云子湖也是相頭麼大似按牛頭喫草

雲際師祖禪師南泉願法嗣

終南山雲際師祖禪師初參南泉問摩尼珠人不識如來藏裏親收得如何是藏南泉曰與汝往來者是師曰不往來者如何南泉曰亦是曰如何是珠南泉召師祖師應諾南泉曰去汝不會我語師從此信入雪竇願向往來者是處拈云草裏漢向不往來者亦是處云雪上加霜向如何是珠處別云險又云百尺竿頭作伎倆不是好手這裏着得箇眼寶主互換便能深入虎穴或不測處縱饒師祖悟去也是龍頭蛇尾白雲端云大衆這僧一顆摩尼珠可謂希世之寶大可憐生幾乎落在萬丈深坑猶賴南泉老手親爲托起且道此珠見今在什麼處乃云海神知貴不知價留與人問光照夜昭覺勤云南泉一期垂手收放擒縱則不無要且未見向上事在只如盡大地是如來藏向什麼處着珠盡大地是摩尼珠向什麼處着藏若明得有轉身處許你具一隻眼淨因成云南泉應機酬對縱奪可觀檢點將來終未能指出他珠在直饒喚師祖師祖應諾云汝不會我語正是藏畢竟珠在甚麼處莫是海神知之與藏盡被老僧一拍粉碎諸人更來這裏討什麼又拍一下

靈鷲閑禪師南泉願法嗣

池州靈鷲閑禪師明水和尙問如何是頓獲法身師曰一透龍門雲外望莫作黃河點額魚○仰山問寂寂無言如何視聽師曰無縫塔前多雨水

日子和尚南泉願法嗣

日子和尚因亞谿來參師作起勢亞谿曰這老山鬼猶見某甲在師曰罪過罪過適來失祇對亞谿欲進語師便喝亞谿曰大陣當前不妨難禦師曰是亞谿曰不是不是趙州諺云可憐兩箇漢不識轉身句

蘇州西禪和尚南泉願法嗣

蘇州西禪和尚僧問三乘十二分教則不問如何是祖師西來的意師舉拂子示之其僧不禮拜竟參雪峯雪峯問甚麼處來曰浙中來雪峯曰今夏甚麼處曰西禪雪峯曰和尚安否曰來時萬福雪峯曰何不且在彼從容曰佛法不明雪峯曰有甚麼事僧舉前話雪峯曰汝作麼生不肯伊曰是境雪峯曰汝見蘇州城裏人家男女否曰見雪峯曰汝見路上林木池沼否曰見雪峯曰凡觀人家男女大地林沼總是境汝還肯否曰肯雪峯曰祇如舉起拂子汝作麼生不肯僧乃禮拜曰學人取次發言乞師慈悲雪峯曰盡乾坤是箇眼汝向甚麼處蹲坐僧無語

陸亘大夫南泉願法嗣

宣州刺史陸亘大夫問南泉古人瓶中養一鵝鵝漸

長大出瓶不得。如今不得毀瓶，不得損鵝和尚作麼生。出得南泉召大夫，且應諾。南泉曰：出也。且從此開解。卽禮謝。高峯妙云：南泉潦倒手眼，不親經饒出得，也是死貨。高峯只向他道：大夫還曾示人麼？纔擬祇對，便與亂棒打出。非特爲這漢脫却，弼吳布衫，要使天下衲僧箇箇解粘去縛，慶快平生。○暨南泉圓寂，院主問曰：大夫何不哭先師大夫？曰：院主道得，卽哭。院主無對。長慶稜代云：合哭不合哭。

甘贄行者南泉願法嗣

池州甘贄行者，一日入南泉設齋。黃檗爲首座，贊請施財。黃檗曰：財法二施等無差別。贊曰：恁麼道，爭消得某甲？贄便將出去，須臾復入，曰：請施財。黃檗曰：財法二施等無差別。贊乃行。贄率巖真云：甘贄行者，點兒落節。黃檗施財，何曾夢見。雲居元云：大小黃檗，被甘贄換却一隻眼。經山泉云：一等是隨邪，逐惡雲居羅漢，却較些子。靈隱嶽云：總是掩耳偷鈴，殊不知甘贄有收有放。首座徹底惺惺，雲收雨霽，長天濶，一對鴛鴦，畫不成。楚石琦云：師子咬人。韓獹逐塊。○又一日入寺設粥，仍請南泉念誦。南泉乃白椎曰：請大衆爲狸奴白牯，念摩訶般若波羅蜜。贊拂袖便出。南泉粥後問典座行者：在甚處。典座曰：當時便去也。南泉便打破鍋子。徑山泉云：心不負人，面無慙色。

雙嶺玄真禪師監官安法嗣

洪州雙嶺玄真禪師，初問道。吾無神通，菩薩爲甚麼足跡難尋。道吾曰：同道者方知。師曰：和尚還知否。道吾曰：不知。師曰：何故不知道。吾曰：去你不識我語。師後於鹽官處悟旨焉。

芙蓉靈訓禪師歸宗常法嗣

潭州芙蓉山靈訓禪師，初參歸宗，問如何是佛。歸宗曰：我向汝道，汝還信否。曰：和尚誠言，安敢不信。歸宗曰：卽汝便是。師曰：如何。保任歸宗曰：一翳在眼，空華亂墜。法眼益云：若無後語，有甚麼歸宗也。○師辭歸宗，問甚麼處去。曰：歸嶺中去。歸宗曰：子在此多年，裝束了却來爲子說。一上佛法師結束了，上去歸宗曰：近前來。師乃近前。歸宗曰：時寒途中，善爲師聆此言，頓忘前解。

高亭和尚歸宗常法嗣

漢南高亭和尚，有僧自夾山來，禮拜師，便打。僧曰：特來禮拜，何得打。某甲僧再禮拜，師又打。趨僧回，舉似夾山。夾山曰：汝會也。無曰：不會。夾山曰：賴汝不會，若會卽夾山口瘡。

五臺智通禪師歸宗常法嗣

五臺山智通禪師自稱大禪佛初在歸宗會下忽一夜連

叫曰我大悟也衆駭之明日上堂衆集歸宗曰昨夜大悟底僧出來師出曰某甲歸宗曰汝見甚麼道理便言大悟試說看師曰師姑元是女人作歸宗異之師便辭去歸宗門送與提笠子師接得笠子戴頭上便行更不回顧

普化和尙盤山積法嗣

鎮州普化和尙者不知何許人也師事盤山密受真訣而佯狂出言無度暨盤山順世乃於北地行化或城市或塚間振一鐸曰明頭來明頭打暗頭來暗頭打四方八面來旋風打虛空來連架打一日臨濟令僧捉住曰總不恁麼來時如何師拓開曰來日大悲院裏有齋僧回舉似臨濟臨濟曰我從來疑看這漢五祖演云若是五祖則不然有人問總不恁麼來時如何和聲便打是他須道五祖盲枷瞎棒我只要你恁麼道何故一任○凡見人無高下皆振鐸一聲時號普化和尙或將鐸就人耳邊振之或附其背有回顧者卽展手曰乞我一錢○師嘗暮入臨濟院喫生菜臨濟曰這漢大似一頭驢師便作驢鳴臨濟謂直歲

曰細抹草料著師曰少室人不識金陵又再來臨濟一隻眼到處爲人開趙州語云何不與他本分草料○師見馬步使

出喝道師亦喝道作相模勢馬步使令人打五棒師曰似卽似是卽不是○師嘗於闌闌間搖鐸唱曰寬箇去處不可得時道吾遇之把住問曰汝擬去甚麼處師曰汝從甚麼處來道吾無語師掣手便去○臨濟一日與河陽木塔長老同在僧堂內坐正說師每曰在街市掣風掣顛知他是凡是聖師忽入來臨濟便問汝是凡是聖師曰汝且道我是凡是聖臨濟便喝師以手指曰河陽新婦子木塔老婆禪臨濟小厮兒却具一隻眼臨濟曰這賊師曰賊賊便出去○唐咸通初將示滅乃入市謂人曰乞我一箇直裰人或與披襖或與布裘皆不受振鐸而去臨濟令人送與一棺師笑曰臨濟斯兒饒舌便受之乃辭衆曰普化明日去東門死也郡人相率送出城師厲聲曰今日葬不合青鳥乃曰明日南門遷化人亦隨之又曰明日出西門方吉人出漸稀出已還返人意稍怠第四日自擎棺出北門外振鐸入棺而逝郡人奔走出城

揭棺視之。已不見。唯聞空中鐸聲漸遠。莫測其由。

壽州良遂禪師麻谷微法嗣

壽州良遂禪師參麻谷。麻谷見來。便將鉏頭去鉏草。師到鉏草處。麻谷殊不顧。便歸。方丈閉却門。師次日復去。麻谷又閉門。師乃敲門。麻谷問。阿誰。師曰。良遂。纔稱名。忽然契悟。曰。和尚莫謾良遂。良遂若不來禮拜。和尚泊被經論賺過一生。麻谷便開門相見。及歸。講肆謂衆曰。諸人知處。良遂總知。良遂知處。諸人不

知。雲門偈云。便有逆水之波。如今得入。是順水之意。亦喚作雙放。時節又云。麻谷問。阿誰。他道。莫瞞某甲。不是。破麻谷相見時節。若不禮拜。和尚泊被經論賺過一生。亦知有賺人處。又云。作麼生。是良遂知處。東林顯云。諸人知處。良遂總知。良遂知處。諸人不知。作麼生是良遂知處。乃云。鷓鴣語。鶯。靈隱掛云。爲人爲微。咬着生鐵。逆水之波。虛空釘板。

荅山慧超禪師東寺會法嗣

吉州荅山慧超禪師。洞山來禮拜。次師曰。汝已住一方。又來這裏作麼。曰。良价無奈。疑何。特來見和尚。師召良价。良价應諾。師曰。是甚麼。良价無語。師曰。好箇佛祇。是無光燄。

虔州處微禪師西堂藏法嗣

虔州處微禪師問仰山。汝名甚麼。仰山曰。慧寂。師曰。

那箇是慧。那箇是寂。仰山曰。祇在目前。師曰。猶有前後。在仰山曰。前後且置。和尚見箇甚麼。師曰。喫茶去。

龜山智具禪師章敬暉法嗣

福州龜山智具禪師。揚州柳氏子。初謁章敬。章敬問。何所而至。師曰。至無所。至來無所。來章敬雖默然。師亦自悟。

金州操禪師章敬暉法嗣

金州操禪師請米和尚齋。不非坐位。米到。展坐具。禮拜。師下禪牀。米乃坐師位。師却席地而坐。齋訖。米便去。侍者曰。和尚受一切人欽仰。今日坐位。被人奪却。師曰。三日後。若來。卽受教。在米三日後。果來。曰。前日遭賊。僧問。鏡清。古人道。前日遭賊。意旨如何。鏡清云。祇見雞頭利。不見鑿頭方。

朗州古願和尚章敬暉法嗣

朗州古堤和尚尋常見僧來。但曰。去汝無佛性。僧無對。或有對者。莫契其旨。仰山到。參師曰。去汝無佛性。仰山叉手。近前三步。應喏。師笑曰。子甚麼處得此三昧。來仰山曰。我從耽源處得名。焉山處得地。師曰。莫

上林戒靈禪師永泰溫

五臺祕魔巖和尚
永泰
嗣端

五臺山祇魔嚴和尚常持一木叉。每見僧來禮拜。卽叉却頸曰。那箇魔魅教汝出家。那箇魔魅教汝行脚。道得也。又下死道不得也。又下死。速道。速道。學徒鮮有對者。

明招謙云。我當時若見伊。欲道未道。先與一父。法眼益代云。乞命乞命。報慈遂代云。

老兒家放却父子得也。

瑯琊覺云。雷聲甚大雨點全無。五祖戒云。山僧當時若見奪取。父來蒸項。父倒點把火照看伊面皮厚多少。

○霍山通和尚訪師。纔見不禮拜。便攬入懷裏。師拈霍山背三下。霍山起拍手曰。師兄三千

里外賺我來。三千里外賺我來。便回。

保福展云。當斷不斷。返遭其亂。

湖南祇林和尚永泰端

南嶽下四世

睦州陳尊宿
黃藥運
法嗣

睦州陳尊宿諱道明江南陳氏之後也。目有重瞳。列七星。遊方契旨於黃檗。後爲四衆請住觀音院。常百餘衆。經數十載。學者叩激。隨問遽荅。詞語峻險。詎非循轍。故淺機之流。往往嘔之。唯立學性敏者。欽伏。由是諸方歸慕。咸以尊宿稱。後歸開元。今改居房織蒲鞋以養母。故有陳蒲鞋之號。巢寇入境。師標大草屨於城門。巢欲棄之。竭力不能舉。歎曰。睦州有大聖人。舍城而去。○一日晚。參謂衆曰。汝等諸人。還得箇入頭處也。未若未得箇入頭處。須覓箇入頭處。若得

箇入頭處已後不得孤負老僧時有僧出禮拜曰某

甲終不敢孤負和尚師曰早是孤負我了也徑山果云咄焉

藤得○師尋常見衲僧來即閉門或見講僧乃召曰

座主座主應諾師曰擔板漢雪竇顯云睦州只具一隻眼何故這僧喚既回

頭因甚却○一日在廊階上立僧問陳尊宿房在何

處師脫草屨薰頭打僧便走師召大德僧回首師指

曰却從那邊去○天使問三門俱開從那門入師喚

尚書天使應諾師曰從信門入天使又見畫壁問曰

二尊者對譚何事師擲露柱曰三身中那箇不說法

○問座主講甚麼經曰講涅槃經師曰問一段義得

麼曰得師以脚踢空吹一吹曰是甚麼義曰經中無

此義師曰脫空謾語漢五百力士揭石義却道無○

師見僧乃曰見成公案放汝三十棒雲峯悅云作賊人心虛

果云又添得一箇道了問冲密你道我怎麼道還曰

有過也無冲密云作賊人心虛妙喜云三箇也有

某甲如是師曰三門頭金剛爲甚麼舉拳曰金剛尙

乃如是師使打徑山果云雖然無孔笛撞着徑拍板直是五音調暢六律和諧仔細檢點

將來未免傍觀者哂且道誰是傍觀者良久云不得動

着動着打折驢腰楚石琦云睦州與這僧二俱作家

二俱不作家還○問如何是向上一路師曰要道有

甚麼難曰請師道師曰初三十一中九下七○問以

一重去一重卽不問不以一重去一重時如何師曰

昨朝栽茄子今日種冬瓜○問如何是曹谿的的意

師曰老僧愛嗔不愛喜曰爲甚麼如是師曰路逢劍

客須呈劍不是詩人莫說詩○問高揖釋迦不拜彌

勒時如何師曰昨日有人問趨出了也曰和尚恐某

甲不實邪師曰挂杖不在君帶柄聊與三十雪竇顯云睦州

只有受壁之心且無割城之意南堂靜云柄僧家高揖釋迦不拜彌勒不爲分外也須是本分鋒鎗方能知

其真偽何故出羣須是英靈漢敵勝還他師子兒選佛

若無如是眼直饒千載亦奚爲西禪需云若要扶持大法舉唱宗乘這老漢却較些子諸人要見睦州麼劍

爲不平離寶匣藥因救病出金瓶靈隱嶽云以毒攻毒以楔出楔還他睦州老漢始得今日有人

恁麼問虎丘也只恁麼答何故盡法無民○上堂

我見百丈不識好惡大衆纔集以拄杖一時打下復

召大衆衆回首乃曰是甚麼有甚共語處又黃檗和

尙亦然復召大衆衆回首乃曰月似彎弓少雨多風

猶較些子雪竇顯云說甚猶較些子直是未在據雪寶衆集一時打下便休或有箇無孔鐵鎚

爲衆竭力善能擔荷可以籠罩古今乾坤把斷乃藉拈

拄杖云放過一着石門聰學黃檗語了云前來甚是奇特後來龍頭蛇尾

潮人昭覺動云古人各出一隻手提振綱宗誘掖後

進功不泯施仔細點檢將來百丈將棒喚狗未免相顧

賊通稱雪寶要人擔荷無風起浪今日總不怎麼各請
 網却向平地上撈鰲鰲用盡自己心笑破他人人口
 笑嚴實云百丈黃檗與麼示衆語雖徑巧爭奈衆心不
 死陸州拈轉話頭却反弄巧成拙雪寶兩次爲衆竭力
 禪出私門天童以拄杖擊香臺不奈船何打破耳聾若
 是山僧總不與麼但以拄杖趁下復喚云 ○秀才訪
 大衆衆回首向道怎麼也怪山僧不得

秀才問措師曰又道會二十四家書永字八法也不
 識黃龍南云陸州一點直在威音王日前及乎八法論
 書却被箇俗人勘破若是黃龍即不然孔門弟子無
 人識碧眼胡僧笑點頭 渴山詰云陸州不妨用得這
 一點妙又似以勢欺人大渴即不然乃畫一圓相云會
 麼字義炳然文不加點 徑山印學大渴語了云陸州
 大似如風吹水自然成紋惜乎遲後太過焉成爲馬山
 僧今日客來雖有拂子拄杖盡 ○上堂裂開也在我
 以束之高閣何故文不在茲

捏聚也在我時有僧問如何是裂開師曰三九二十
 七菩提涅槃眞如解脫卽心卽佛我且與麼道你又
 作麼生曰某甲不與麼道師曰蓋子撲落地碟子成
 七片曰如何是捏聚師乃斂手而坐 天童覺云陸州
 短五七縱八橫撒在前面拋向背後不妨奇特然則門
 庭施設自是一家入理深談不啻百步 天童華云我
 且問你諸人雲峯與麼道爲復是會陸州意明陸州語
 歸宗因行不妨掉臂不是禪不是道不是玄不是妙久
 立珍重 靈隱嶽云也好笑陸州被這僧 ○師看經
 接得恰似落湯螃蟹七手八脚一時露

次陳操尙書問和尚看甚麼經師曰金剛經尙書曰

六朝翻譯此當第幾師舉起經曰一切有爲法如夢
 幻泡影○師問一老宿難親近躬往相訪纔入方丈
 老宿便喝師側掌曰兩重公案老宿曰過在甚麼處
 師曰這野狐精便退○紫衣大德到禮拜師拈帽子
 帶問曰這箇喚作甚麼曰朝天帽師曰怎麼則老僧
 不卸也復問所習何業曰唯識師曰作麼生說曰三
 界唯心萬法唯識師指門扇曰這箇是甚麼曰是色
 法師曰簾前賜紫對御譚經何得不持五戒大德無
 對○問如何是展演之言師曰量才補職曰如何是
 不展演之言師曰伏惟尙饗○焦山借斧頭次師呼
 童子取斧來童取斧至曰未有繩墨且斫盡師便喝
 又問童曰作麼生是你斧頭童遂作斫勢師曰斫你
 老爺頭不得○師問秀才先輩治甚經秀才曰治易
 師曰易中道百姓日用而不知且道不知箇甚麼秀
 才曰不知其道師曰作麼生是道秀才無對○僧問
 一氣還轉得一大藏教也無師曰有甚鐔羅鎚子快
 下將來 徑山杲云五更侵 早起更有夜行人 ○問如何是一代時教師
 曰上大人丘乙巳○問如何是禪師曰猛火著油煎

◆時時

○僧參師曰汝是新到否曰是師曰且放下葛藤會麼曰不會師曰擔枷陳狀自領出去僧便出師曰來來我實問你甚處來曰江西師曰潞潭和尚在汝背後怕你亂道見麼僧無對○看華嚴經次僧問看甚麼經師曰大光明雲青色光明雲紫色光明雲却指面前曰那邊是甚麼雲曰南邊是黑雲師曰今日須有雨○問以字不成八字不是是何章句師彈指一聲曰會麼曰不會師曰上來講讀無限勝因蝦蟇跨跳上天蚯蚓驚過東海經山果云這僧只問經頭一字陸州盡將善知衆善差別字輪以龍龜手鑑唐韻玉篇從頭注解撒在這僧懷裏這僧也不妨奇特直下便肯承當且道什麼處是他承當處聽取箇註脚以字不成八字不是彈指未終普天匝地擊開四十二般若波羅蜜門參透華嚴會中善知衆善教內教外一時收世出世間皆周備無邊罪咎如火消冰無量勝義如恒沙聚更有箇末後句堅牢庫藏永收藏總屬山前熊伯莊楚石琦云經頭一字是什麼字陸州彈指一下將黃面老人四十九年說不盡底一時吐露了也妙喜矢上加尖道更有末後一句諸人還委悉麼良久山斷疑休去峯高又起來天奇瑞云這僧善答不善問陸州善問不善答善問者手把夜明珠幾箇知天曉善答者只知鐵脊撐天不知腦門着地若是山僧臂香便打○問僧近離甚處曰河北師曰待他疑議退出門去○問僧近離甚處曰河北師曰彼中有趙州和尚你會到否曰某甲近離彼中師曰趙州有何言句示徒僧舉喫茶話師乃呵呵大笑曰

慚愧却問趙州意作麼生曰祇是一期方便師曰苦哉趙州被你將一杓屎潑了也便打師却問沙彌你作麼生會沙彌便設拜師亦打其僧往沙彌處問適來和尚打你作甚麼沙彌曰若不是我和尚不打某甲雪竇顯云這僧克由耐耐將一杓屎潑他二員古佛與天下老宿無過若道不得到處潑人卒未了在經山果云雪竇只知一杓屎潑他趙陸二州殊不知這僧當時被趙州將一杓屎潑了却到陸州又遭一杓只是不知氣息若知氣息什麼處有二員古佛楚石琦云這僧不會喫茶意旨不知潑屎氣息帶累好人墮屎坑中合喫多少拄杖雪竇妙喜一時放過也須替他入涅槃堂○新到參方禮拜師叱曰闍黎因何偷常住果子喫曰學人纔到和尚爲甚麼道偷果子師曰賊物見在

千頃楚南禪師黃檗運法嗣

杭州千頃山楚南禪師福州張氏子初參芙蓉芙蓉見曰吾非汝師汝師江外黃檗是也師禮辭遂參黃檗黃檗問子未現三界影像時如何師曰卽今豈是有邪黃檗曰有無且置卽今如何師曰非今古黃檗曰吾之法眼已在汝躬

烏石靈觀禪師黃檗運法嗣

福州烏石山靈觀禪師。時稱老觀尋常腐戶人罕見之。唯

一信士每至食時送供。方開一日。雪峯伺便扣門。師

開門。雪峯驚愕。擗住曰。是凡是聖。師睡曰。這野狐精。

便推出。閉却門。雪峯曰。也祇要識老兄。○師因雪峯

來敲門。師曰。誰。雪峯曰。鳳凰兒。師曰。作什麼。雪峯曰。

來啗老觀。師便開門。擗住曰。道道。雪峯擬議。師便托

開。閉却門。雪峯住後。示衆曰。我當時若入得老觀門。

你這一隊。唾酒糟漢。向甚處摸索。老宿云。雪峯徒有。此語當時入不得。

今也入不得。明招謙代雪峯。見開門。便云。動即喪。又代老觀云。俊哉。俊哉。雪峯顯云。這孤恩負德漢。有甚麼交涉。當時入不得。豈是教你入今。○剗草次。問

僧。汝何處去。曰。西院禮拜安和尚去。時竹上有一青

蛇。師指蛇曰。欲識西院老野狐精。祇這便是。○問西

院。此一片地。堪著甚麼物。西院曰。好著箇無相佛。師

曰。好片地。被兄放不淨污了也。○引麵次。僧參師。引

麵示之。僧便去。師至暮。問小師。適來僧在何處。小師

曰。當時便去也。師曰。是即是。祇得一概。雪竇顯云。老觀大似失錢。

遭罪。報慈遂云。甚麼處是少一概。翠巖芝云。老觀道他只得一概。大似壓瓦爲錢。彼此出家兒。東禪觀

云。總似這箇師。僧靈山付囑。有在老觀爲什。○曹山

麼。道只得一概。要會麼。若不酬價。爭辨真偽。

行脚時間。如何是毗盧師法身主。師曰。我若向你道。

卽別有也。曹山舉似洞山。洞山曰。好箇話頭。祇欠進

語。何不問爲甚麼不道。曹山却來進前語。師曰。若言

我不道。卽瘧却我口。若言我道。卽瘧却我舌。曹山歸

舉似洞山。洞山深肯之。

羅漢宗徹禪師。黃檗運法嗣

杭州羅漢院宗徹禪師。湖州吳氏子上堂。僧問。如何

是祖師西來意。師曰。骨剉也。師對機多用此語。時號

骨剉和尚。

相國裴休居士。黃檗運法嗣

相國裴休居士。字公美。河東聞喜人也。守新安。曰。屬

運禪師。初於嶺南黃檗山。捨衆入大安精舍。混迹勞

侶。掃灑殿堂。公入寺燒香。主事祇接。因觀壁畫。畫乃問。

是何圖。相主事對曰。高僧真儀。公曰。真儀可觀。高僧

何在。主事無對。公曰。此間有禪人否。曰。近有一僧。投

寺執役。頗似禪者。公曰。可請來詢問。得否。於是遽尋

黃檗。至公觀之。欣然曰。休適有一問諸德。各辭。今請

上人代。釀一語。黃檗曰。請相公垂問。公舉前話。黃檗

朗聲曰。裴休公應諾。黃檗曰。在甚麼處。公當下知音。如獲髻珠。曰。吾師真善知識也。示人剋的。若是自此。延入府署。執弟子禮。屢辭不已。復堅請住。黃檗山有暇。卽射入山頂。謁或請入州中。公旣通徹祖意。復博綜教相。諸方禪學。咸謂裴相不浪出黃檗之門也。

大隨法真禪師 長慶安法嗣

益州大隨法真禪師梓州王氏子。南遊初見藥山道吾。雲巖洞山。次至嶺外。大潯會下。數載。食不至充臥。不求暖。清苦鍊行。操履不羣。潯山深器之一。日間曰。闍黎在。老僧此間。不曾問一轉話。師曰。教某甲向甚麼處下口。潯山曰。何不道如何。是佛師。便作手勢。掩潯山口。潯山歎曰。子真得其髓。從此名傳四海。○僧問。劫火洞然。大千俱壞。未審這箇壞不壞。師曰。壞曰。恁麼則隨他去也。師曰。隨他去。僧不肯。後到投子。舉前話。投子遂裝香。遙禮曰。西川古佛出世。謂其僧曰。汝速回去。懺悔。僧回。隨師已歿。僧再至投子。投子亦遷化。○庵側有一龜。僧問。一切衆生。皮裹骨。這箇衆生。爲甚骨裹皮。師拈草履覆龜背上。僧無語。 徑山信云。

還知麼。大隨和尚拈草鞋蓋覆烏龜。不是好心。這僧無語。口似麻盤。願云。皮裹骨。骨裹皮。草鞋拈得。覆烏龜。風吹日炙。渾無事不。○問僧甚處去。曰。峨嵋禮普賢去。怕人來問着渠。

師舉拂子曰。文殊普賢。總在這裏。僧作圓相。拋向後。乃禮拜。師喚侍者。取一貼茶與這僧。 保福展云。若無後語。笑他。後僧

雲門。優別云。西天斬頭截臂。這裏自領出去。 五祖戒云。大隨不因一事。不長一智。雪竇顯云。殺人刀。活人劍。具眼底。辨取。潯山秀云。大隨茶非類。趙州茶既

不類。趙州茶得之者。少矣。這僧得之。且有甚長處。然不義之財。於我如浮雲。 天童覺云。識法者。懼欺。欺者。亡。水中辨乳。須是鷺王。 ○衆僧參次。師以口作患風勢。曰。還有人醫得吾口麼。衆僧競送藥。以至俗士聞之。亦多送藥。師並不受。七日後。師自摑口。令正。乃曰。如許多時。鼓這兩片皮。至今無人醫得。卽端坐而逝。

靈樹如敏禪師 長慶安法嗣

韶州靈樹如敏禪師。閩人。也有尼送資鉢與師。師拓起問曰。這箇出在甚麼。曰。出在定州。 清涼欽別云。師不違此間。 乃撲破。尼無對。 保福展代云。一廣主將與兵。躬入院。請師決。賊。孔師已先知。怡然坐化。廣主怒。知事曰。和尚何時得疾。對曰。不曾有疾。適封一函子。令呈大王。廣主開函。得一帖子云。人天眼目。堂中上座。廣主悟。

師旨遂寢兵乃召第一座開堂說法即雲門偈

靈雲志勤禪師長慶安法嗣

福州靈雲志勤禪師本州長谿人也初在瀉山因見桃華悟道有偈曰三十年來尋劍客幾回落葉又抽枝自從一見桃華後直至如今更不疑瀉山覽偈詰其所悟與之符契瀉山曰從緣悟達永無退失善自護持

有僧舉似玄沙備玄沙云諦當甚諦當敢保老兄未徹在衆疑此語玄沙問地藏我怎麼道汝作麼生會地藏云不是桂琛即走殺天下人長慶後因僧問玄沙意旨如何長慶云將謂胡貊赤更有赤貊胡翠巖芝云有一人如玄問玄沙意作麼生且道此人還徹也未黃龍云諸人且道靈雲當初見底是桃華不是桃華若是桃華天下人見總須悟道若不是桃華爭奈見有桃華擬向甚處看作麼生說箇見底道理五祖演云說什麼諦當更參三十年昭覺勸云千鈞之弩不爲鼯鼠而發機靈雲既撥轉天關玄沙乃掀翻地軸且道那箇是未徹處徑山杲云一家有事百家忙楚石琦云人無遠慮必有近憂直饒百鍊精金不免入爐再煅金粟悟云說甚一家有事百家忙直是一盲引衆盲徑山信云靈雲行脚三十年不知踏破幾許草鞋若無桃花刺破

○雪峯有偈送雙峯

末句曰雷罷不停聲師別曰雷震不聞聲雪峯聞乃曰靈雲山頭古月現雪峯後問曰古人道前三三後三三意旨如何師曰水中魚天上鳥雪峯曰意作麼生師曰高可射兮深可釣○長生問混沌未分時合

生何來師曰如露柱懷胎日分後如何師曰如片雲

點太清曰未審太清還受點也無師不答曰恁麼則

舍生不來也師亦不答曰直得純清絕點時如何師

曰猶是眞常流注曰如何是眞常流注師曰似鏡長

明曰向上更有事也無師曰有曰如何是向上事師

曰打破鏡來與汝相見芭蕉徹云相見便休又打破鏡作什麼白兆圓云若不

打破鏡爭得相見大陽延云即今破也又作麼生相見乃云照盡體無依通身難辨的開福寧云好諸禪德盡十方界是一面鏡作麼生說箇打破底道理直饒眼親手辨光境俱忘如鷄抱卵啐啄同時正好喫報慈注秋何故弄影禪和如麻似粟黃龍忠云二尊得發明本分大事可謂如切如磋如琢如磨不妨端的檢點將來大似貼肉汗衫未能脫體致使有般漢隨語生解便向未分時計較打破鏡處說道理驢年解悟去若據牧應見處說甚混沌分與未分打破鏡與不打破鏡直饒向露柱懷胎處會得正是片雲點太清諸仁者還委悉麼待虛空落地即向你道天童覺云分與未分玉機夜動點與不點金梭暗拋直是一色純清未得十成穩坐且道打破鏡來向甚處相見還會○問僧甚處麼清秋老兄吞光後湛水蒼龍脫骨時

○問僧甚處

去曰雪峯去師曰我有一信寄雪峯得麼曰便請師

脫隻履拋向面前僧便去至雪峯雪峯問甚處來曰

靈雲來雪峯曰靈雲安否曰有一信相寄雪峯曰在

那裏僧脫隻履拋向雪峯面前雪峯休去瀉山秀云雪峯既不

能辨他來信端的這僧又祇知依樣畫樣鋪置他靈雲忽若當時道我有一信寄他僧云便請靈雲只據坐這

僧又若爲通露不可大丈夫漢爲人馳達教他一言不措

壽山師解禪師長慶安法嗣

福州壽山師解禪師嘗參洞山洞山問闍黎生緣何處師曰和尚若實問某甲卽是閩中人也曰汝父名甚麼師曰今日蒙和尚致此一問直得忘前失後○闍師問壽山年多少師曰與虛空齊年曰虛空年多少師曰與壽山齊年

饒州堯山和尚長慶安法嗣

饒州堯山和尚長慶問從上宗乘此間如何言論師曰有願不負先聖長慶曰不負先聖作麼生師曰不露長慶曰怎麼則請師領話師曰甚麼處去來長慶曰祇守甚麼處去來

國歡文矩禪師長慶安法嗣

泉州國歡崇福院文矩慧日禪師福州黃氏子生而有異及長爲縣獄卒每每棄役往神光觀和尚及西院安禪師所吏不能禁後謁萬巖塔譚空禪師落髮不披袈裟不受具戒唯以雜綵爲挂子復至神光師光曰我非汝師汝禮西院去師攜一小青竹杖入西

院法堂西院遙見笑曰入涅槃堂去師應諾輪竹杖而入時有五百許僧染時疾師以杖次第點之各隨點而起

台州浮江和尚長慶安法嗣

台州浮江和尚雪峯領衆到問卽今有二百人寄此過夏得麼師將拄杖畫一畫著不得卽道雪峯休去

文殊圓明禪師長慶安法嗣

廣州文殊院圓明禪師福州陳氏子參大滄得旨後造雪峯請益法無異味嘗遊五臺山觀文殊化現乃隨方建院以文殊爲額○開寶中樞密使李崇矩巡護南方因入院觀地藏菩薩像問僧地藏何以展手僧曰手中珠被賊偷却也崇矩却問師既是地藏爲甚麼遭賊師曰今日捉下也崇矩禮謝之

嚴陽善信尊者趙州說法嗣

洪州新興嚴陽尊者諱善信初參趙州問一物不將來時如何趙州曰放下着師曰既是一物不將來放下箇甚麼趙州曰放不下擗取去師於言下大悟師常有一蛇一虎隨從手中與食黃龍南嶺云一物不將來兩肩擔不起言

下忽知非心中無限喜毒惡既忘懷此。○住後僧問

虎爲知己光陰幾百年清風猶未已。○住後僧問

如何是佛師曰土塊曰如何是法師曰地動也曰如

何是僧師曰喫粥喫飯問如何是新興水師曰面前

江裏經山杲云似這般法門却似兒戲相似入得這般法門方安樂得人如其淨和尚拈提古今不在雪竇之下而末流傳習却成惡口小家只管問古人作麼生真如又如下語楊岐又如何下語你管得許多閑事瘡病不假驢馱藥若是對病與藥離根拾得一莖草便可療病說甚麼朱砂附子人參白朮

光孝慧覺禪師趙州諡法嗣

揚州光孝院慧覺禪師問相國宋齊丘曰還會麼

齊丘曰若是道也著不得師曰是有著不得是無著

不得齊丘曰總不恁麼師曰著不得底齊丘無對

○師到崇壽法眼問近離甚處師曰趙州法眼曰承

聞趙州有庭前栢樹子話是否師曰無法眼曰往來

皆謂僧問如何是祖師西來意趙州曰庭前栢樹子

上座何得言無師曰先師實無此語和尚莫謗先師

好經山杲云若道有此語歷過鐵嘴若道無此語又歷過法眼若兩邊俱不涉又歷過趙州直饒總不恁麼別有透脫一路入地獄如箭射楚石珙云祖師西來意庭前栢樹子此話已徧行天下了也因甚歷過鐵嘴却道先師無此語衆中往往商量趙州只是一期方便不可作實解所以道無與歷亂統訪他古佛不少妙喜云若道有此語歷過鐵嘴若道無此語又歷過法眼

若道兩邊俱不涉又歷過趙州今。○俗士問某甲平生殺牛還有罪否師曰無罪曰爲甚麼無罪師曰殺一箇還一箇

木陳從朗禪師趙州諡法嗣

婺州木陳從朗禪師因金剛倒僧問既是金剛不壞身爲甚麼却倒地師鼓禪牀曰行住坐臥

杭州多福和尚趙州諡法嗣

杭州多福和尚僧問如何是多福一叢竹師曰一莖兩莖斜曰學人不會師曰三莖四莖曲經山杲云饒汝一莖兩莖

斜三莖四莖曲還我多福一叢竹又如何話會

益州西睦和尚趙州諡法嗣

益州西睦和尚上堂有俗士舉手曰和尚便是一頭驢師曰老僧被汝騎俗士無語去後三日再來白言某甲三日前著賊師拈杖趨出

雪竇常通禪師長沙岑法嗣

明州雪竇常通禪師邢州李氏子參長沙長沙問何處人師曰邢州人長沙曰我道汝不從彼來師曰和尚還曾住此否長沙然之乃容入室

台州勝光和尙子湖蹤法嗣

台州勝光和尙寵華照和尙來師把住曰作麼生龍華曰莫錯師乃放手龍華曰久嚮勝光師默然龍華乃辭師門送曰自此一別甚麼處相見龍華呵呵而去

日容遠和尙子湖蹤法嗣

日容遠和尙因龔上座參師拈掌三下曰猛虎當軒誰是敵者龔曰俊鷄冲天阿誰捉得師曰彼此難當龔曰且休未要斷這公案師將拄杖舞歸方丈龔無語師曰死却這漢也昭覺勳云力敵勢均不妨好頭對眼親手辨彼此沒便宜下梢可惜放過待他將拄杖作舞歸方丈便好與拈掌三下拂袖便行非唯頭尾完全亦免遣人指註雖然如是龔公無語還可轉側也無爲言侵早起更有夜行人大渴智云強中更有強中手天下元無第一人還知麼伎倆全無波旬失途到這裏無你解會處自檢點看

襄州道吾和尙關南常法嗣

襄州關南道吾和尙始經村墅聞巫者樂神云識神無忽然省悟後參常禪師印其所解復遊德山之門法味彌著○師凡上堂戴蓮華笠披襴執簡擊鼓吹笛口稱魯三郎神識神不識神神從空裏來却往空

裏去便下座有時曰打動關南鼓唱起德山歌僧問如何是祖師西來意師以簡揖曰喏○有時執木劍橫肩上手舞僧問手中劍甚處得來師擲於地僧却置師手中師曰甚處得來僧無對師曰容汝三日內下取一轉語其僧亦無對師自代拈劍橫肩上手舞曰須怎麼始得○趙州訪師師乃著豹皮視執吉獠棒在三門下翹一足等候纔見趙州便高聲唱喏而立趙州曰小心祇候著師又唱喏一聲而去○問如何是和尙家風師下禪牀作女人拜曰謝子遠來無可祇待○問灌溪作麼生灌溪曰無位師曰莫同虛空麼灌溪曰這屠兒師曰有生可殺即不倦

漳州羅漢和尙關南常法嗣

漳州羅漢和尙初參關南問如何是大道之源關南打師一拳師遂有省乃爲歌曰咸通七載初參道到處逢言不識言心裏疑團若栲栳三春不樂止林泉忽遇法王甞上坐便陳疑懇向師前師從甞上那伽起袒膊當胸打一拳駭散疑團獨沮落舉頭看見日初圓從茲證證以碣碣直至如今常快活只聞肚裏

飽膨。更不東西去持鉢。經山果云。可惜這一拳。分付不着人。

末山尼了然禪師。高安愚法嗣。

瑞州末山尼了然禪師。因灌谿閑和尚到。曰。若相當。即住。不然。即推倒禪牀。便入堂內。師遣侍者。問上座。遊山來。為佛法來。灌谿曰。為佛法來。師乃升座。灌谿上參。師問上座。今日離何處。曰。路口。師曰。何不蓋却。灌谿無對。末山代云。爭得到這裏。始禮拜。問如何。是末山。師曰。不露頂。曰。如何。是末山。主師曰。非男女相。灌谿乃喝。曰。何不變去。師曰。不是。神。不是。鬼。變箇甚麼。灌谿於是伏膺。作圓頭三載。昭覺勳云。或有人問山僧如何。是末山。一望不見。如何。是末山。主可與佛祖為師。何不變去。上座自變。擬議不來。劈脊便棒。且道。末山是。蔣山是。當機無向背。擬議隔千山。天童覺云。非男女之相。出有無之量。透萬機之前。超三界之上。窮而通。簡而當。松含風而夜寒。溪帶雨而春漲。○僧到參。師曰。太縵縵。生曰。雖然如此。且是師子兒。師曰。既是師子兒。為甚麼被文殊騎。僧無對。

金華俱胝和尚。天龍法嗣。

婺州金華山俱胝和尚。初住庵時。有尼名實際。來戴笠子。執錫。遶師三匝。曰。道得。即下笠子。如是三問。師皆無對。尼便去。師曰。日勢稍晚。何不且住。尼曰。道得。

即住。師又無對。尼去。後師歎曰。我雖處丈夫之形。而無丈夫之氣。不如棄庵。往諸方。參尋知識。去其夜。山神告曰。不須離此。將有肉身菩薩來。為和尚說法也。逾旬。果天龍和尚到庵。師乃迎禮。具陳前事。天龍豎一指。示之。師當下大悟。自此凡有學者。參問。師唯舉一指。無別提唱。有一供過童子。每見人問事。亦豎指。祇對人謂師曰。和尚童子。亦會佛法。凡有問。皆如和尚豎指。師一日。潛袖刀子。問童子曰。聞你會佛法。是否。童子曰。是。師曰。如何。是佛。童子豎起指頭。師以刀斷其指。童子叫喚走出。師召童子。童子回首。師曰。如何。是佛。童子舉手不見指頭。豁然大悟。師將順世。謂衆曰。吾得天龍一指頭禪。一生用不盡。言訖示滅。長慶稜代衆云。美食不中飽人喫。玄沙備云。我當時若見。拗折指頭。報慈遂云。且道玄沙恁麼道。意作麼生。雲居錫云。祇如玄沙恁麼道。肯伊不肯伊。若肯。何言拗折指頭。若不。肯俱。祇過在甚麼處。曹山寂云。俱。祇承當處。幽弄。祇認得一機。一境。一等是。拍手拈掌。是他西園奇恠。報慈又云。且道俱。祇還悟也。無若悟。為甚麼道。承當處。幽弄。若不悟。又道用一指頭禪。不盡。且道曹山意在甚麼處。瑯琊覺頌云。俱。祇一指。報君知。朝生鷄子。搏天飛。若無舉。鼎按山力。千里鳥。雖不易。騎。徑山杲云。俱。祇和尚。若不。瑯琊為伊出氣。幾乎埋沒了。這一指頭禪。妙喜既恁麼舉。不免隨後也有箇註脚。俱。祇一指頭。喫飯飽。方休。腰纏十萬貫。騎鶴上揚州。靈

隱嶽云且道如何是一指頭禪乃豎起拂子云見麼若也見得可以與俱抵把手共行脫或未然新薦福不免重說偈言一着高一着一步闢一步坐斷佛祖關迷却來時路

南嶽下五世

陳操尚書陳尋宿法嗣

睦州刺史陳操尚書齋次拈起餅問僧江西南還這箇麼曰尚書適來喫箇甚麼公曰敲鐘謝響○又齋僧次躬自行餅一僧展手擬接公却縮手僧無語公曰果然果然○問僧有箇事與上座商量得麼曰合取狗口公自擲口曰某甲罪過曰知過必改公曰恁麼則乞上座口喫飯得麼○又齋僧自行食次乃曰上座施食僧曰三德六味公曰錯僧無對○又與僚屬登樓次見數僧行來有一官人曰來者總是行脚僧公曰不是曰焉知不是公曰待來勘過須與僧至樓前公驀喚上座僧皆舉首公謂諸官曰不信道

教外別傳卷六

教外別傳卷七

南嶽下二世

天王道悟禪師馬祖一法嗣

天王道悟禪師渚宮崔氏漢子王之胤十五出家二十三受戒三十謁石頭頻沐指示而不契次謁忠國師三十四與國師侍者應真南還謁馬祖祖曰識取自心本來是佛不屬漸次不假修持體自如如萬德圓滿師於言下大悟祖囑曰汝若住持莫離舊處師蒙旨已便返荆門去郭不遠結草爲廬節使來訪師不爲加禮節使怒擒師擲江中及歸見徧衙火發且聞空中天王神嘖責聲遂哀悔設拜烟焰頓息宛然如初乃躬往江邊迎師見師在水都不濕衣益自敬重于府西造天王寺供師○龍潭信問從上相承底事如何師曰不是明汝來處不得龍潭曰這箇眼目幾人具得師曰淺草易爲長廬○僧問如何是玄妙之說師曰莫道我解佛法好曰爭奈學人疑滯何師曰何不問老僧曰卽今問了也師曰去不是汝存泊

處○師常曰快活快活及臨終時叫苦苦又曰閻羅王來取我也院主問曰和尚當時被節使拋向水中神色不動如今何得恁麼地師舉枕子曰汝道當時是如今是院主無對便入滅按景德傳燈錄稱青原下出雲門偈玄沙備傳再傳為法眼益皆謂雲門法眼二宗來自青原石頭雖二家兒孫亦自謂青原石頭所自出不知其差誤所從來久矣道悟同時有二人一住荆南城西天王寺嗣馬祖一住荆南城東天皇寺嗣石頭其下出龍潭信者乃馬祖下天王道悟非石頭下天皇道悟也何以明之按唐正議大夫戶部侍郎平章事荆南節度使丘玄素所撰天王道悟碑云道悟諸官人姓崔氏子玉之後胤也年十五依長沙寺曇義律師出家二十三詣嵩山受戒三十參石頭願沐指示曾未投機次謁忠國師三十四與國師侍者應真南還謁馬祖祖曰識取自心本來是佛不屬漸次不假修持體自如如萬德圓滿師於言下大悟祖曰汝若住持莫離舊處師蒙旨已便返荆門去郭不遠結草為廬後因節使顧問左右申其端緒節使親臨訪道見其路隘車馬難通極目荒榛曾未修創觀茲發怒令人擒師拋於水中旌旆繞歸乃見徧街火發內外烘烘莫可近之唯聞空中聲曰我是天王神我是天王神節使回心設拜煙燄都息宛然如初遂往江邊見師在水都不濕衣節使重伸儀衛迎請在衙供養於府西造寺額號天王師常云快活快活及臨終時叫苦苦又云閻羅王來取我也院主問曰和尚當時被節使拋向水中神色不動如今何得恁麼地師舉枕子曰汝道當時是如今是院主無對便入滅當元和三年戊子十月十三日也年八十二坐六十三夏嗣法一人曰崇信即龍潭也城東天皇道悟禪師者協律郎符載撰碑乃與景德傳燈合其碑云道悟姓張氏婺州東陽人十四出家依明州大德祝髮二十五受戒於杭州竹林寺初參國一留五年大

曆十一年隱於大梅山建中初謁江西馬祖二年參石頭乃大悟遂隱當陽紫陵山後於荆南城東有天皇廬寺蓋鑒請居之元和二年丁亥四月十三日以背痛入滅年六十坐三十五夏法嗣三人曰慧真曰文貫曰幽閑今荆南城東有天皇巷存焉唐聞人歸登撰南嶽讓禪師碑列法孫數人於後有天王道悟名圭峯答裴相國宗極狀列馬祖法嗣六人首曰江陵道悟權德輿撰馬祖塔銘載弟子慧海智藏等十一人道悟其一也又呂夏卿張無盡著書皆稱道悟嗣馬祖宗門反以為悞然佛國白續燈錄敘雪竇顯為大寂九世孫祖源通要錄中收為馬祖之嗣達觀顯以丘玄素碑證之疑信相半蓋獨見丘玄素碑而未見符載碑耳今以二碑參合故於馬祖法嗣下增入天王道悟以龍潭崇信嗣之而以天皇道悟嗣石頭以慧真文貫幽閑嗣之始不差誤竊攷五燈會元天皇傳後紀載前說宋時干越雲壑瑞禪師所述心燈錄亦同是見因集五家語錄著有五宗源流圖說實諸者宿謬相印可爰是不避狂瞽僭妄改正以俟後世明聖道流再加訂覈焉

南嶽下三世

龍潭崇信禪師天王悟法嗣

澧州龍潭崇信禪師諸宮人也初悟和尚居天王寺師家於寺巷其家賣餅師日以十餅饋之天王食畢常留一餅曰吾惠汝以陰子孫師一日自念曰餅是我持去何返遺我其別有旨乎遂造問焉天王曰是汝持來復汝何答師聞之頗曉立旨因投出家服勤左右一日問曰某自到來不蒙指示心要天王曰自汝到來吾未嘗不指汝心要師曰何處指示天王曰

汝擎茶來。吾爲汝接。汝行食來。吾爲汝受。汝和南時。吾便低首。何處不指示。心要師低頭良久。天王曰。見則直下便見。擬思卽差。師當下開解。笑嚴實云。龍潭這麼問。天王這麼答。若非悟去。幾成世諦。若實會得。凡聖祇有虛名。迷悟皆爲剎法。若實未會。不可瞎驢趁大隊。復問如何。保任。天王曰。任性逍遙。隨緣放曠。但盡凡心。別無聖解。○李翱刺吏問如何是真如般若。師曰。我無真如般若。李曰。幸遇和尚。師曰。此猶是分外之言。

南嶽下四世

德山宣鑒禪師龍潭信

鼎州德山宣鑒禪師。簡州周氏子。常講金剛般若。後聞南方禪席。頗盛。師氣不平。乃曰。出家兒。千劫學佛。威儀萬劫。學佛細行。不得成佛。南方魔子。敢言直指人心。見性成佛。我當撲其窟穴。滅其種類。以報佛恩。遂擔青龍疏鈔。出蜀至澧陽。路上見一婆子賣餅。因息肩買餅點心。婆指擔曰。這箇是甚麼文字。師曰。青龍疏鈔。婆曰。講何經。師曰。金剛經。婆曰。我有一問。你若答得。施與點心。若答不得。且別處去。金剛經道過。去心不可得。現在心不可得。未來心不可得。未審上

座點那箇心師無語。遂往龍潭。至法堂曰。久嚮龍潭。及手到來潭。又不見龍。龍又不現。龍潭引身曰。子親到。

龍潭師無語遂棲止焉。

雪竇顯云將錯就錯雲峯
悅云大小德山向壑裏淹

殺黃龍心云雪竅與麼道不知德山將錯就錯不知
龍潭將錯就錯識休咎底衲僧必知去處未過關者亦
宜辨取還相委麼經饒栽種得不是棟梁材金粟
悟云既云潭又不見龍又不現因甚道子親到龍潭怎
麼大似方木逗圓竅且道師一夕待立次龍潭曰更
什麼處是親到處試斷看

深何不下。去師珍重。便出却回。曰外面黑龍潭點紙。

燭度與師。師擬接龍潭。復吹滅。師於此大悟。便禮拜。

龍潭曰。子見箇甚麼。師曰。從今向去。更不疑天下老。

和尚舌頭也。至來日龍潭陞座。謂衆曰。可中有箇漢。

牙如劍樹口似血盆。一棒打不回頭。他時向孤峰頂。

上立吾道去在師將疏鈔堆法堂前舉火炬曰窮諸

立。辯。若。一。毫。置。於。太。虛。竭。世。樞。機。似。一。滴。投。於。巨。壑。

遂焚之。於是禮辭○抵瀉山挾複子上法堂從西過

東從東過西顧視方丈曰有麼有麼瀉山坐次殊不

顧眄師曰無無雲寶顯着語云。勘破了也。便出至門首乃曰雖然

如此也不得草草。遂具威儀。再入相見。纔跨門提却。

坐具曰和尚。瀉山擬取拂子。師便喝。拂袖而出。雪竇

會者不少且道向甚處見德山有不顧性命底出來道看若無山僧爲大衆與德山相見去也待德山道今夜

0142

東禪觀云龍牙抱劍傷身自招過咎德山爲頭作主幸好機籌忽被洞山○雪峯問從上宗乘學人還

主幸好機簧。忽被洞山○雪峯問。從上宗乘。學人還

有分也。無師打一棒曰：道甚麼？曰：不會。至明日請益師曰：我宗無語句實無一法與人。雪峯因此有省。巖頭聞之曰：德山老人一條脊梁骨硬似鐵，拗不折。然雖如此，於唱教門中猶較些子。保福展問：招慶祇如巖頭出世有何言教？過於德山便怎麼？道：招慶云：汝不見巖頭道：如人學射，久久方中。保福云：中後如何？招慶云：展閣黎莫不藏痛痒。保福云：和尚今日非唯學話，招慶云：展閣黎莫不藏痛是甚麼心行？明招錄云：大小招慶錯下名言。○示衆曰：道得也三十棒，道不得也三十棒。臨濟聞得，謂洛浦曰：汝去問他，道得爲甚麼也？三十棒待伊打。汝接住棒送一送，看伊作麼生。洛浦如教而問。師便打。洛浦接住送一送，師便歸方丈。洛浦回舉似臨濟。臨濟曰：我從來疑著這漢，雖然如是，你還識德山麼？洛浦擬議。臨濟便打。巖頭藏云：德山老人尋常祇據一條白棒，佛來亦打，祖來亦打，爭奈較些子。東禪齊云：祇如臨濟道：我從前疑著這漢，是肯底語，不肯底語，爲當別有道理，試斷看。○上堂問：卽有過不問，猶乖有僧出禮拜。師便打。僧曰：某甲始禮拜爲甚麼，便打？師曰：待汝開口，堪作甚麼？○師令侍者喚義存。即雪峯也。存上來。師曰：我自喚義存，汝又來作甚麼？存無對。○上堂：我先祖見處，卽不然。這裏無祖無佛，達磨是老臊胡，釋迦老子是乾屎橛。

文殊普賢是擔屎漢，等覺妙覺是破執凡夫。菩提涅槃是繫驢橛，十二分教是鬼神簿、拭瘡紙。四果三賢，初心十地，是守古塚鬼，自救不了。雲門偈云：讀佛老人始得，琅瑯覺云：諸方若與麼會，入地獄。如箭射只如雲門與麼道，也是入地獄。如箭射。○有僧相看，乃近前作相撲勢。師曰：與麼無禮。合喫山僧手裏棒。僧拂袖便行。師曰：饒汝如是也，祇得一半。僧轉身便喝。師打曰：須是我打你始得。曰：諸方有明眼人在。師曰：天然有眼，僧瞞開眼。曰：貓便出。師曰：黃河三千年一度清。天童華云：這僧是透關底漢，若非德山道黃河三千年一度清，又作山本分錯，幾乎死在句下。只如德山生，嶺梅殘雪裏，雲鬢未梳時。○師見僧來，乃閉門。其僧敲門。師曰：阿誰？曰：師子兒。師乃開門。僧禮拜。師騎僧頂曰：這畜生甚處去來。○僧參師問：維那今日幾人新到？維那曰：八人。師曰：喚來一時生按著。○問：凡聖相去多少？師便喝。○師因疾，僧問：還有不病者也無？師曰：有。曰：如何是不病者？師曰：阿哪阿哪。師復告衆曰：捫空追響，勞汝心，神夢覺覺，非竟有何事？言訖安坐而化。

南嶽下五世

嚴頭全齋禪師 德山鑒法嗣

鄂州嚴頭全齋禪師泉州柯氏子優游禪苑與雪峰欽山爲友自杭州大慈山遷迤造于臨濟屬臨濟歸寂乃謁仰山纔入門提起坐具曰和尚仰山取拂子擬舉師曰不妨好手○參德山執坐具上法堂瞻視德山曰作麼師便喝德山曰老僧過在甚麼處師曰兩重公案乃下參堂德山曰這箇阿師相似箇行脚人至來日上問訊德山曰闍黎是昨日新到否曰是德山曰甚麼處學得這虛頭來師曰全齋終不自謾德山曰他後不得孤負老僧○一日參德山方跨門便問是凡是聖德山便喝師禮拜有人舉似洞山洞山曰若不是嚴公大難承當師曰洞山老人不識好惡錯下名言我當時一手擡一手搦德山門下草偈雪竇顯云然則風行要且不能塞斷天下人口當時纔拜臂脊便打非唯窮絕洞山亦乃把定嚴老還會麼李將軍有嘉祥在不得封侯也是開瑯琊覺云巖頭無人問着不妨奇特繞被洞山腦後一錘便乃冰消瓦解昭覺勸云德山據令而行只得一半洞山通方有眼千里同風巖頭既善據虎頭又能收虎尾大似作家戰將臨陣扣敵七事俱全不妨奇特敢問那箇是一手擡一手搦處謂言侵早起更有夜行人徑山景云猛虎不識穿窬中身死蛟龍不怖劍刃上有翻身之機苦仔細檢點將來猶欠脫一路向劍刃上有翻身之機苦仔細檢點將來猶欠

偈在即今莫有爲巖頭作主底麼出來與大慈相見其久喝一喝一拍泊合符因長智教忠光云還知三具通方眼有格外機爭顯功高山帶水拖泥若非巖頭手擡一手搦處殺了底精金器割相逢更無回互將他八兩換得半觔洞山雖是作家也只傍觀有分妙○雪峰喜費許多氣力作什麼拈拄杖畫一畫云一在德山作飯頭一日飯遲德山擎鉢下法堂雪峰曬飯巾次見德山乃曰鐘未鳴鼓未響拓鉢向甚麼處去德山便歸方丈雪峰舉似師師曰大小德山未會末後句在德山聞令侍者喚師去問汝不肯老僧那師密啓其意德山乃休明日陞堂果與尋常不同師至僧堂前拈掌大笑曰且喜堂頭老漢會末後句他後天下人不奈伊何雖然也祇得三年活德山果三年後示滅明招諱代德山云咄咄沒處去沒處去雪竇顯云曾聞說箇獨眼龍元來只有一隻眼殊不知德山是箇無齒大蟲若不是巖頭識破爭得明日與昨日不同諸人要會末後句麼只許老胡知不許老胡會羣衆真云德山巖頭一狀領過雪峯一千五百人善知識地在溪山結云巖頭大似高岸石裂直得百里走獸潛蹤若非德山度量深明爭得昨日與今日不同溪山果云古今無異路達者共同途透出威音外須明肘後符且道那裏是巖頭識破德山處若檢點得出非但參學眼明亦乃領過雪峯其或緇素不辨邪正未分路遠夜長休把火大家吹滅暗中行高峯妙云佛祖機緣古今公案其中話說無出於此或謂巖頭智過於師故有密啓其意殊不知犯彌天之咎萬劫遭殃且道利害在甚麼處撫掌大笑云侍者分明記取三十年後有人證

明一千巖長云末後句子德山巖頭雪峯總說不出乃
喝一喝云大丈夫當爲眞王何以假爲天奇瑞云岩
頭明招雪竇三箇宗師出廣長舌遍覆三千大千世界
要且歌揚德山末後句不出何故設使三世諸佛歷代
祖師亦不能宣布演說山僧也不論他劫外今時向初
托鉢處只道箇蒼天蒼天無事不舉大衆會麼更發一
頌以爲其鑑頌云蒼天蒼天密密綿綿坐斷象後壁立
空前恒沙頭角到此盡捐蕩蕩然四方獨步落落然八
表無牽針毛芥芥通成曲拍手隨緣唱囉囉徑山信
云密啓其意壁上貼門神低頭歸方丈慚惶殺人果與
尋常不同毫釐有差天地懸隔也祇得三年
活我爲法王於法自在豈受人塗汚咄咄
○一日

與雪峰欽山聚話雪峰薦指一碗水欽山曰水清月
現雪峰曰水清月不現師踢却水碗而去○師與雪
峰同辭德山德山問甚麼處去師曰暫辭和尚下山
去曰子他後作麼生師曰不忘曰子憑何有此說師
曰豈不聞智過於師方堪傳受智與師齊減師半德
曰如是如是當善護持二士禮拜而退○師住鄂州
巖頭值沙汰於湖邊作渡子兩岸各挂一板有人過
渡打板一下師曰阿誰或曰要過那邊去師乃舞棹
迎之一日因一婆抱一孩兒來乃曰呈撓舞棹即不
問且道婆手中兒甚處得來師便打婆曰婆生七子
六箇不遇知音祇這一箇也不消得便拋向水中瑯
覺云教敵者亡大漢智云巖頭素在其中只得通身
泥水老婆雖有丈夫手段也是家醜外揚天奇瑞云

綿裏有針泥裏有刺不妨這婆子具如此之見若不是
巖頭大難祇對當時纔見婆來便擡船別去直饒蕩盡
世界手段到這裏也沒處施呈笑巖實乃呵呵笑云
此婆子圖箇什麼巖頭當時待他幾地便劈一棹俱
打入水中始較些子何故不見道祇這一箇也不消得
徑山信云這婆子雙髻若是巖頭和這婆子送向水
中令他母子聚頭無離骨肉頌云不消這箇意如何賣
弄家私臭老婆惡浪千層捲殘月萬山愁斷白雲多

○上堂吾嘗究涅槃經七八年觀三兩段義似納僧
說話又曰休休時有一僧出禮拜請師舉師曰吾教
意如字三點第一向東方下一點點開諸菩薩眼
第二向西方下一點點諸菩薩命根第三向上方下
一點點諸菩薩頂此是第一段義又曰吾教意如摩
醯首羅壁開面門豎亞一隻眼此是第二段義又曰
吾教意猶如塗毒鼓擊一聲遠近聞者皆喪此是第
三段義時小巖上座問如何是塗毒鼓師以兩手按
膝亞身曰韓信臨朝底小巖無語徑山果舉了○夾
山下一僧到石霜纔跨門便道不審石霜曰不必問
黎僧曰怎麼則珍重又到師處如前道不審師噓一
噓僧曰怎麼則珍重方回步師曰雖是後生亦能管
帶其僧歸舉似夾山夾山上堂曰前日到巖頭石霜
底阿師出來如法學似前話其僧舉了夾山曰大衆

還會麼衆無對夾山曰若無人道得山僧不惜兩莖

眉毛道去也乃曰石霜雖有殺人刀且無活人劍巖

頭亦有殺人刀亦有活人劍經山某云癡人面前不得說夢○師與

羅山下塔基羅山中路忽曰和尚師回顧曰作麼羅

山舉手指曰這裏好片地師咄曰瓜州賣瓜漢又行

數里歇次羅山禮拜問曰和尚豈不是三十年前在

洞山而不肯洞山師曰是又曰和尚豈不是嗣德山

又不肯德山師曰是羅山曰不肯德山即不問祇如

洞山有何虧闕師良久曰洞山好佛祇是無光羅山

禮拜經山果云巖頭父子雖善暗去明來仔細點檢將來未免觸體敲磕○問僧甚處

來曰西京來師曰黃巢過後還收得劍麼曰收得師

引頸近前曰因曰師頭落也師呵呵大笑僧後到雪

峰雪峰問甚處來曰巖頭來雪峰曰巖頭有何言句

僧舉前話雪峰便打三十棒趨出鴻山結云這僧黃巢過後曾收得劍

却向巖頭處施設及至雪峯前鋒銳不露何故爲他巖

頭大笑一聲直得天地陡暗四方絕唱若不得雪峯幾

乎陸地平沉不見道殺人刀活人劍承天宗云可惜許這般漢只學得勝負之法殊不知是生滅之因我當時若是但向他道作家

作家教他擔板過一生○僧問雪峰聲聞人見性如

夜見月菩薩人見性如晝見日未審和尚見性如何

雪峰打拄杖三下僧後舉前語問師師與三摺雪寶應病設藥且與三下若

據令而行合打多少○德山一日謂師曰我這裏

有兩僧入山住庵多時汝去看他怎生師遂將一斧

去見兩人在庵內坐師乃拈起斧曰道得也一下斧

道不得也一下斧二人殊不顧師擲下斧曰作家作

家歸舉似德山德山曰汝道他如何師曰洞山門下

不道全無若是德山門下未夢見在○僧問塵中如

何辨主師曰銅鈔羅裏滿盛油招慶問羅山云巖頭道銅鈔羅裏滿盛油

意旨如何羅山召大師招慶應諾羅山云彌猴入道場

羅山却問明招有人問你作麼生明招云箭穿紅日影

影經山果云彌猴入道場箭穿紅日影兩箇老古錐擔雪共填井喝一喝○瑞巖問如

何是毗盧師師曰道甚麼瑞巖再問師曰汝年十七

八末○師嘗謂衆曰老漢去時大吼一聲了去唐光

啓之後中原盜起衆皆避地師端居晏如也一日賊

大至貴以無供饋遂傳刃焉師神色自若大叫一聲

而終聲聞數十里

雪峰義存禪師德山鑒法嗣

福州雪峰義存禪師泉州南安曾氏子久歷禪會緣

契德山唐咸通中回閩中雪峰創院徒侶翕然懿宗

契德山唐咸通中回閩中雪峰創院徒侶翕然懿宗

錫號真覺禪師。仍賜紫袈裟。初與巖頭至澧州龍山鎮。阻雪。巖頭每日祇是打睡。師一向坐禪。一日喚曰。師兄。師兄且起來。巖頭曰。作甚麼。師曰。今生不著便。共文遼箇漢行脚。到處被他帶累。今日到此。又祇管打睡。巖頭喝曰。瞌睡去。每日牀上坐。恰似七村裏土地。他時後。日魔魅人家男女去。在師自點胸曰。我這裏未穩在。不敢自謾。巖頭曰。我將謂你他日向孤峰頂上盤結草庵。播揚大教。猶作這箇語話。師曰。我實未穩在。巖頭曰。你若實如此。據你見處。一一通來。是處與你證明。不是處與你剗却。師曰。我初到鹽官。見上堂舉色空義。得箇入處。巖頭曰。此去三十年。切忌舉著。又見洞山過水偈曰。切忌從他覓。迢迢與我疎。渠今正是我。我今不是渠。巖頭曰。若與麼自救也未徹。在師又曰。後問德山。從上宗乘。中事學人還有分也。無德山打一棒曰。道甚麼。我當時如桶底脫相似。巖頭喝曰。你不聞道。從門入者。不是家珍。師曰。他後如何。卽是巖頭曰。他後若欲播揚大教。一一從自己。冒襟流出。將來與我蓋天蓋地去。師於言下大悟。便

作禮起。連聲叫曰。師兄。今日始是龍山成道。○師在洞山作飯頭。淘米。次洞山問。淘沙去米。淘米去沙。師曰。沙米一時去。洞山曰。大衆喫箇甚麼。師遂覆却米盆。洞山曰。據子因緣。合在德山。天童覺云。雪峯步步登高。不覺草鞋跟斷。若也正偏宛轉。敲唱雙行。自然言氣相合。父子相授。且道。洞山不肯。雪峯意在什麼處。萬里無雲。天有過。碧潭似鏡。月難來。雪竇宗云。直木不棲鸞鳳。金針已繯鴛鴦。若不是新豐老人。便見冰消瓦解。○洞山一日問師。作甚麼來。師曰。斫槽來。洞山曰。幾斧斫成。師曰。一斧斫成。洞山曰。猶是這邊事。那邊事。作麼生。師曰。直得無下手處。洞山曰。猶是這邊事。那邊事。作麼生。師休去。汾陽昭代云。某甲早困也。○師辭洞山。洞山曰。子甚處去。曰。歸嶺中去。洞山曰。當時從甚麼路出。師曰。從飛猿嶺出。洞山曰。今回向甚麼路去。師曰。從飛猿嶺去。洞山曰。有一人不從飛猿嶺去。子還識麼。師曰。不識。洞山曰。爲甚麼不識。師曰。他無面目。洞山曰。子既不識。爭知無面目。師無對。瑯琊覺云。心藏者失。○栖典座問古人有言。知有佛向上事。方有語話分。如何是語話。師把住曰。道道棲無對。師遂踢倒。栖當下汗流。○師謂衆曰。此箇水牯牛。年多少。衆皆無對。師自代曰。七

十九也。僧曰：和尚爲甚麼作水牯牛去？師曰：有甚麼罪過？問僧：甚麼處去？曰：禮拜徑山和尚去。師曰：徑山若問汝此間佛法如何？汝作麼生祇對？曰：待問卽道。師便打。後舉問鏡清：這僧過在甚麼處？鏡清曰：問得徑山徹。困師曰：徑山在浙中，因甚麼問得徹？困鏡清曰：不見道，遠問近對。師曰：如是如是。○一日，謂長慶曰：吾見滄山問仰山，從上諸聖向甚麼處去？他道或在天，上或在人間。汝道仰山意作麼生？長慶曰：若問諸聖出沒處，恁麼道？卽不可。師曰：汝渾不肯，忽有人問汝作麼生？道長慶曰：但道錯。師曰：是汝不錯。長慶曰：何異於錯？問學人乍入叢林，乞師指箇入路。師曰：寧自碎身如微塵，終不敢瞎却一僧眼。○僧辭去，參靈雲。問佛未出世時如何？靈雲舉拂子曰：出世後如何？靈雲亦舉拂子。其僧却回。師曰：返太速乎？曰：某甲到彼問佛法，不契。乃回。師曰：汝問甚麼事？僧舉前話。師曰：汝問我爲汝道。僧便問：佛未出世時如何？師舉起拂子曰：出世後如何？師放下拂子。僧禮拜。師便打。後僧舉問玄沙：備玄沙云：汝欲會麼？我與汝說箇喻。如人賣一片園，東西南北一時結契了也。中心樹子。

猶屬我在。崇壽禪云：爲當打伊解處，別有道理。○問僧：甚麼處來？僧曰：近離浙中。師曰：船來陸來？僧曰：二途俱不涉。師曰：爭得到這裏？僧曰：有甚麼隔礙？師便打。○僧問學人：道不得處，請師道。師曰：我爲法惜人。○師問慧全：汝得入處作麼生？慧全曰：共和尙商量了。師曰：甚麼處商量？曰：甚麼處去來？師曰：汝得入處，又作麼生？慧全無對。師便打。○全坦問平田：淺草塵鹿成羣，如何射得？塵中主師喚全坦。全坦應諾。師曰：喫茶去。○問僧：甚麼處來？曰：滄山來。師曰：滄山有何言句？曰：某甲曾問如何是祖師西來意？滄山據坐。師曰：汝肯他否？曰：某甲不肯。他師曰：滄山古佛，汝速去懺悔。玄沙備云：山頭老。閩王問曰：擬欲蓋一所佛殿，去時如何？師曰：大王何不蓋取一所空王殿？曰：請師樣子。師展兩手。雲門便云：一羣四十。○師舉拂子示一僧。其僧便出去。長慶後學似了乃云：此僧合喚轉與一頓棒。王延彬太傅云：和尚是甚麼心行？云：幾放過。○師問長慶：古人道前三三後三三，意作麼生？長慶便出去。○問僧：甚麼處來？曰：藍田來。師曰：何不入草。長慶後云：險。○上堂：南山有一條鼈鼻蛇，汝等諸人切須好看。長慶出曰：今日。

堂中大人喪身失命。雲門以拄杖攬向師前。作怕勢。有僧舉似玄沙。玄沙曰。須是稜兄始得。然雖如是。我卽不然。曰。和尚作麼。生玄沙曰。用南山作麼。實峯文云。雪峯無大人。相然則蛇無頭。不行長。慶恰似新婦怕阿家。相似便道。堂中大人喪身失命。雲門將拄杖攬向面前。作怕勢。爲蛇畫足。玄沙道。用南山作麼。道我見處親切。不免在窠窟裏。更無一箇有些子天然氣。稜報寧門下。莫有天然氣。稜底。麼。不敢望你別懸慧。日獨振玄風。且向古人。鵝臬布衫。上知些氣息也。難得。護國元云。雪峯搖頭。雲門擺尾。長慶爲蛇畫足。玄沙一向捕獐。諸人還知這一隊。漢落處。麼。妙舞也。應誇遍。拍三臺。須是大。○一日有兩僧來。師以手拓庵門。放身出曰。是家僮。甚麼僧亦曰。是甚麼師。低頭歸庵。僧辭去。師問甚麼處去。曰。湖南。師曰。我有箇同行住。嚴頭附汝一書去。書曰。某書上師兄。某一自龍山成道後。迄至于今。飽不飢。同參某書上僧。到嚴頭問甚麼處來。曰。雪峰來。有書達和尚。嚴頭接了。乃問僧別有何言。句。僧遂舉前話。嚴頭曰。他道甚麼。曰。他無語。低頭歸庵。嚴頭曰。噫。我當初悔不向伊道。末後句。若向伊道。天下人不奈雪老。何。僧至夏末。請益前話。嚴頭曰。何不早問。曰。未敢容易。嚴頭曰。雪峰雖與我同條生。不與我同條死。要識末後句。祇這是。溪山結云。大小雪峯。嚴頭却被這僧勘破。洵潭準云。大

衆雪峯是會末後句。不會末後句。若道會嚴頭。又道當初悔不向伊道。末後句。若道不會。因甚。如今見孫。偏天偏地。雖與我同條生。不與我同條死。末後嚴頭與劈頭說破了也。未免有些諸訛。久參先德。一舉便知。後學初機。莫道不疑好。○上堂。盡大地撮來。如粟米粒大。地向面前漆桶。不會打鼓。並請看。長慶稜問雲門云。雪峯與麼道。還有出頭不得處。應雲門云。有。長慶云。作麼。生雲門云。不可總作野狐精見解也。又云。狼籍不少。雪峯悅云。正上不足。我更與你。看。看。看。拈拄杖云。還見雪峯麼。咄。王令稍嚴。不許撥行。看。看。看。溪山結云。我更爲諸人。土上加泥。乃拈拄杖云。看看。雪峯老人。向人面。前放。同咄。爲什麼。屎臭氣。也不知。昭覺勸云。絕天維。立地紀。未足稱奇。摩太華。逗黃河。亦非敏手。若向這裏。覷得透。便可以撒。驢。龍。窟。明珠。噴。樹。檀。林。香。氣。豈不快哉。山僧今日。不避泥水。放一線道。乃拈拄杖云。還見雪峯麼。遂卓拄杖云。到。靈隱嶽云。峽府鐵牛。不覺磨。顯嘉州。大像。通身汗流。且道。象骨老人。面皮。○有一僧在山下卓庵。多年不剃頭。音一厚多少。長柄杓。溪邊。白。水。時有僧問。如何。是祖師。西來意。庵主曰。溪深杓柄長。師乃問得曰。也甚奇怪。一日將剃刀。同侍者去。訪纔相見。便舉前話。問是庵。否。庵主曰。是師曰。若道得。卽不剃你頭。庵主便洗。胡。跪。師前。師卽與剃却。昭覺勸云。庵主雖是生鐵。鑄就奈爭得。驚天動地。還委。悉。麼。金。鐵。實。調。會。百。戰。鐵。鞭。多。力。根。無。斷。師。領。往。南。遊。時。黃。湜。槃。預。知。師。主。拈。策。前。迎。抵。蘇。溪。遲。近。師。問。近。離。何。處。湜。槃。曰。辟。支。嚴。師。曰。嚴。中。還。有。主。麼。湜。槃。以。竹。策。

敲師轎師乃出轎相見。涅槃曰：曾郎萬福。師遽展丈夫拜。涅槃作女人拜。師曰：莫是女人麼？涅槃又設兩拜。遂以竹策畫地。右繞師轎三匝。師曰：某甲三界內人。你三界外人。你前去某甲後來。涅槃回師。隨至止囊山。憩數日。涅槃供事。隨行徒衆一無所缺。○上堂。此事如一片田地相似。一任諸人耕種。無有不承。此恩力者。玄沙曰：且作麼生？是這田地。師曰：看。玄沙曰：是即是某甲。不與麼？師曰：你作麼生？玄沙曰：祇是人底。○三聖問透。網金鱗。以何爲食？師曰：待汝出網來。向汝道。三聖曰：一千五百人善知識。話頭也不識。師曰：老僧住持事繁。雪竇顯云：可借放過。好與三十棒。這棒一棒也。饒不得。直是罕遇作家。保舉展云：爭不足讓有餘。實峯文云：後說俊哉。快活。快活。恰似一隻鷄子。莫驚着。報寧即不然。透網金鱗。以何爲食？待汝出網來。即向汝道。一千五百人善知識。話頭也不識。便拽拄杖打出三門。復云：也好。快活。恰似一隻虎。莫動着。諸禪德。且道保舉快活。何似三聖快活？莫有快活底。漢出來。定當看良久。咄。把手拽不入。溪山結云：三聖可謂龍門萬仞。慣作客。雪峯大似孟嘗門。啓堂。高寶。承天。大宗云：布幔天網。須是雪峯深入虎穴。還他三聖。衆中有殷漢商量。道：雪峯在網內。三聖在網外。苦哉。苦哉。衆人若非此二員。作家不能橫行天下。徑山杲云：一人處似丘山。一人細如米粒。雖然。蠶細不同。行來輕重。恰好。徑山今日。真寶告報。汝等諸人。切思鑽龜打瓦。天童華云：若謂二俱作家。未具透關眼。在。且道歸宗。恁麼說話。還見二老落

處也。無諸人若辯得出。歸宗性命在。諸人手裏若辯不出。諸人性命在。歸宗手裏。楚石琦云：透網金鱗。以何爲食？待汝出網來。却向汝道。衡開碧落。松千丈。截斷紅塵。水一溪。笑巖寶云：這雪峯老漢。龍頭蛇尾。待三聖云：一千五百人善知識。話頭也不識。但只向伊道。與麼則不虛爲臨濟兒孫。待伊眼目定動。劈脊便毆。○上堂。盡大地是箇解脫門。把手拽伊不肯入。時一僧出曰：和尚怪某甲不得。又一僧曰：用入作甚麼？師便打雪竇顯云：三箇中有一人受教在。○玄沙謂師曰：忽若總不辯明。平地上有甚數？某甲如今大用去。和尚作麼生？師將三箇木毬。一時拋出。玄沙作斫牌勢。師曰：你親在靈山方得如此。玄沙曰：也是自家事。徑山杲云：祇許老胡知。不許老胡會。○一日。陞座。衆集定。師輟出木毬。玄沙遂捉來安舊處。白雲端云：此箇時節。衆中皆言：子父共作一大事。如此見解。還夢見也未。○師海會今日。布施諸人。乃云：濃研香翰。深蘸紫毫。○師一日在僧堂內。燒火。閉却前後門。乃叫曰：救火救火。玄沙將一片柴。從牕櫺中拋入。師便開門。○問古澗寒泉時。如何？師曰：瞪目不見底。曰：飲者如何？師曰：不從口入。僧舉似趙州。趙州曰：不從口入。不可從鼻孔裏入。僧却問古澗寒泉時。如何？趙州曰：苦曰：飲者如何？趙州曰：死。師聞得。乃曰：趙州古佛。遙望作禮。自此不答話。雪竇顯云：衆中總云：雪峯不出。這僧問頭所。以趙州不肯。如斯話。會深屈古人。雪竇即不

然斬釘截鐵本分宗師就下平高。緣爲作者。浮山遠云。趙州不因這僧爭得與雪峯相見。雪峯不得趙州爭能圖得此話。大小雪竇刺腦入膠。趙州不無還知趙州作麼。生會不管話底道理。讀歎趙州。即不無還知趙州一片玉瑕。生麼。若人檢點得出。相如不誑於衆主。五祖演學了云。若有人問五祖。下澗表泉時。如何老僧只向他道。水飲者。如何。但云。當下止渴。或有箇漢出來問道。與曹溪水。是一是。二。只向他道。分枝列派。縱橫自在。低處澆田。高處澆菜。長蘆夫云。扶堅宗乘。須還大匠。雪峯有一千五百人。善知識。身心。趙州用一百二十歲手段。不妨奇特。惟如今衆中。隨言定旨。亂作褒貶。深屈古人。然則相席打令。自有知音。鑲骨銘心。罕逢明鑒。徑山泉云。雪峯不答話。疑殺天下人。趙州道苦。面赤不語。直若是妙。喜則不然。古澗寒泉。時如何。到江扶橋。棒出岳濟民田。飲者如何。清涼肺腑。此語有兩。負門若人辨得。許你有參學眼。楚石琦云。妙喜老人。可謂人平不語。水平不流。忽中。愾云。泉日昇天。宿雲解脫。陽春回律。枯枿萌芽。直得長空皎皎。萬壑熙熙。若是覆盆之下。朽腐之餘。又爭能得這僧當面。歷過累他。雪峯趙州。親入草窠裏。雪竇浮山。可謂入理深談。互相整展。要且只能委曲。不能直截。今日有問古澗寒泉。時如何。鐵子擎天柱。飲者如何。藕絲掛須彌。且道與古人是同是別。徑山信云。雪峯老。老大大未免隨人起倒。趙州若無這僧。何處得見雪峯。雙警今日將二老。結作一束。拋在春風堆裏。任他花開花落。還有人與二老雪屈者麼。頌云。五里一箇亭。十里一箇鋪。方便有多岐。出門不認貨。雪峯老。何處討烟波。江上釣魚舟。夾岸荻花。○師款正好。殘更不必着精神。伸脚莫愁天地窄。

因問王封柑橘各一顆。遣使送至東。問既是一般顏色。爲甚名字不同。師遂依舊封回。王復馳問玄沙。玄沙將一張紙蓋却。○問僧近離甚處。曰。覆船師。曰。生死海未渡。爲甚麼。覆却船。僧無語。乃回。舉似覆船覆。

船曰。何不道渠無生死。僧再至。進此語。師曰。此不是汝語。曰。是覆船。恁麼道。師曰。我有二十棒。寄與覆船。二十棒老僧自喫。不干閣黎事。雪竇顯向。爲甚覆船老漢。擬議拂袖便行。又於末後着語。云。能區別。能殺能活。若也辨得。天下橫行。昭覺勸云。雪峯有驗人句。覆船有透關眼。雪竇有陷虎機。且道崇寧成得箇什麼邊事。徑山泉云。作家宗師。天然有在。然雖如是。也是作賊人心。豈是則不干這僧事。二十棒何須自喫。當時但添打覆船便了。且道渠過在什麼處。老大大不合與人代語。楚石琦云。覆船道渠無生死。還喫得雪峯意麼。若契得雪峯意。爲什麼道。我有二十棒。寄打覆船。二十棒老僧自喫。會麼。這裏若會。便見妙喜道。作賊人心。虛勘破雪峯了。也是則不干這僧事。二十棒何須自喫。但更添二十棒。只打覆船便了。你道。○問拈槌。豎拂。不當宗乘。未審和尚如何。師豎起拂子。僧乃抱頭出去。師不顧。看此一員戰將。○師謂鏡清曰。古來有老宿。引官人巡堂。曰。此一衆盡是學佛法僧。官人曰。金屑雖貴。又作麼生。老宿無對。鏡清代曰。比來拋輒引玉。法眼益別云。官人。○普請次。路逢一獼猴。師曰。人人有一面古鏡。這箇獼猴亦有一面古鏡。三聖曰。曠劫無名。何以彰爲古鏡。師曰。瑕生也。三聖曰。這老漢著甚麼。死急話頭也不識。師曰。老僧住持事繁。雪竇顯云。好與二十棒。這棒放過也好。免見將錯就錯。○師於僧堂前坐。衆集。

師拈拄杖曰。這箇爲中下根人。時有僧問。忽遇上上

人來時如何。師拈起拄杖。雲門偈云。我不似雪峯打

如何。師便打。護國元云。宗師家有擒有縱。有殺有活。若是蛇頭上。指痒南明。又且不然。舊拈拄杖云。我這裏爲中下機人。忽有人問。上上機人來。○閩師施銀交

牀。僧問。和尚受大王如此供養。將何報答。師以手拓

地曰。輕打我。輕打我。僧問。疎山仁云。雪峯道。輕打我。意作麼生。疎山云。頭上挿瓜。盡

垂尾脚。○上堂。我若東道西道。汝則尋言逐句。我若

羚羊挂角。汝向甚麼處捫摸。僧問。保福展。祇如雪峯有甚麼言。教便似羚羊

挂角時。保福云。我不。○師曰。飯籬邊坐。餓死人。臨河

渴死。漢玄沙云。飯籬裏坐。餓死。漢水裏沒頭浸。渴死。漢雲門云。通身是飯。通身是水。

感潭資國禪師德山鑒法嗣

洪州感潭資國禪師白兆問家內停喪。請師慰問。師

曰。苦痛蒼天。曰。死却爺死却孃。師打了。趨出。師凡接

機皆如此。

瑞龍慧恭禪師德山鑒法嗣

天台瑞龍慧恭禪師福州羅氏子。謁德山。德山問。會

麼。曰。作麼。德山曰。請相見。曰。識麼。德山大笑。遂許入

室。泊德山順世。乃開法焉。

泉州瓦棺和尚德山鑒法嗣

泉州瓦棺和尚。在德山爲侍者。一日同入山斫木。德

山將一碗水與師。師接得便喫。却德山曰。會麼。師曰。

不會。德山又將一碗水與師。師又接喫。却德山曰。會

麼。師曰。不會。德山曰。何不成。禪取不會底。師曰。不會

又成。禪箇甚麼。德山曰。子大似箇鐵櫬。○後雪峯訪

師。茶話次。雪峯問。當時在德山斫木。因緣作麼生。師

曰。先師當時肯我。雪峯曰。和尚離師太早。時面前偶

有一碗水。雪峯曰。將水來。師便度與雪峯。接得便潑

却。雲門偈云。莫壓良爲賤。

高亭簡禪師德山鑒法嗣

襄州高亭簡禪師。參德山。隔江纔見。便曰。不審。德山

乃搖扇招之。師忽開悟。乃橫趨而去。更不回顧。徑山果云。

高亭橫趨而去。許伊是箇伶俐師。僧若要法。嗣德山。則

未可。何故。猶與德山隔江在。楚石琦云。如今衆中商

量道。高亭見德山。不與他說話。便去。所以妙喜道。還與

德山隔江在。還曾夢見高亭麼。拈起拄杖云。便好喚回

賞伊。是罰。南嶽下六世
瑞巖師彥禪師巖頭意法嗣

台州瑞巖師彥禪師閩之許氏子初禮巖頭問曰如何是本常理巖頭曰動也曰動時如何巖頭曰不是本常理師良久巖頭曰肯即未脫根塵不肯即永沈生死師遂領悟便禮拜巖頭每與語微醺無忒○後謁夾山夾山問甚處來曰臥龍來夾山曰來時龍還起也未師乃顧視之夾山曰灸瘡癰上更著艾焦曰和尚又苦如此作甚麼夾山休去潯山結云瑞巖雖夾山水清不容徑山果云若不藍田射石虎幾乎誤殺李將軍○師又問夾山與麼即易不與麼即難與麼與麼即惺惺不與麼不與麼即居空界與麼不與麼請師速道夾山曰老僧謾闍黎去也師喝曰這老和尚而今是甚時節便出去後有僧學似巖頭巖頭云苦哉將我一枝佛法與麼流將去○師尋居丹丘瑞巖坐磐石終日如愚每自喚主人公復應諾乃曰惺惺著他後莫受人謾後有僧參玄沙備玄沙問近離甚處云瑞巖玄沙云有何言句示徒僧學前話玄沙云一等是弄精魂也甚奇怪乃云何不且在彼住云已遷化也玄沙云而今還喚得麼僧無對雪竇顯云蒼天蒼天保寧勇云和尚爲什麼對面不聞雲居元云天下宗師總爲這僧下語大似東家人死西家人助哀直饒巖自出頭來也是棺木裏墜眼昭覺勤云百丈寒潭徹底月在波心千尺巖松倚天風生幽谷直得凍凍孤標澄澄丰采及至月離碧潭影在雲衢遂乃當面踰過當時若是箇漢待伊道即

今還喚得麼直下便喝非唯把斷玄沙要津亦乃與瑞巖老子出氣○鏡清問天不能覆地不能載豈不是師曰若是即被覆載鏡清曰若不是瑞巖幾遭也師自稱曰師彥

羅山道閑禪師巖頭竇法嗣

福州羅山道閑禪師長溪陳氏子謁石霜問曰起滅不停時如何石霜曰直須寒灰枯木去一念萬年去函蓋相應去全清絕點去師不契却往巖頭處如前問巖頭喝曰是誰起滅師於此有省○師在禾山送同行矩長老出門次把拄杖向面前一擡矩無對師曰石牛欄古路一馬生雙駒後僧學似陳山仁陳山云石牛欄古路一馬生三○僧辭保福保福問甚處去曰禮拜羅山保福曰汝向羅山道保福秋間上府朝覲大王置四十箇問頭問和尚忽若一句不相當莫言不道僧學似師師呵呵大笑曰陳老師自入福建道洪塘橋下一窠未曾見有箇毛頭星現汝與我向從展道陳老師無許多問頭祇有一口劍一劍下須有分身之意亦有出身之路若不明便須成末僧回舉似保福保福曰我當時也祇是謔伊至秋朝覲師特爲辦茶筵請保福

保福不赴却向僧曰我中間曾有謔語恐和尚問著僧歸舉似師曰汝向他道猛虎終不食伏肉僧又去保福遂來○無軫上座問祇如巖頭道洞山好佛祇是無光未審洞山有何虧闕便道無光師召無軫無軫應諾師曰灼然好箇佛祇是無光曰大師爲甚麼撥無軫話師曰甚麼處是陳老師撥你話處快道快道無軫無語師打三十棒越出無軫舉似招慶招慶一夏罵詈至夏末自來問師乃分明舉似招慶便作禮懺悔曰泊錯怪大師

立沙師備禪師雪峯存法嗣

福州立沙師備宗一禪師闍之謝氏子與雪峯本法門昆仲而親近若師資雪峯以其苦行呼爲頭陀一日雪峰問那箇是備頭陀師曰終不敢誑於人異日雪峰召曰備頭陀何不徧參去師曰遠磨不來東土二祖不往西天雪峰然之暨登象骨山乃與師同力締構立徒臻萃師入室咨決罔替晨昏又閱楞嚴發明心地由是應機敏捷至與雪峰徵詰亦當仁不讓雪峰曰備頭陀再來人也○雪峰上堂要會此事猶

如古鏡當臺胡來胡現漢來漢現師出衆曰忽遇明鏡來時如何雪峰曰胡漢俱隱師曰老和尚脚跟猶未點地在明招謙云當與麼時莫道胡漢俱隱別作麼生道師破明招云變也 瑯琊覺云不見道驗人端的○師因參次聞燕子聲乃曰深談處下口便知音實相善說法要便下座○鼓山來師作一圓相示之鼓山曰人人出這箇不得師曰情知汝向驢胎馬腹裏作活計鼓山曰和尚又作麼生師曰人人出這箇不得鼓山曰和尚與麼道却得某甲爲甚麼道不得師曰我得汝不得昭覺勤云灼然這一條路作者方知直得窮天地亘萬古而不移消劫石空芥城而無盡便是透關底也須着眼始得一等是怎麼時節爲什麼我得汝不得切忌向驢胎馬腹裏作活計淨因成云叢林中往往作鼓山未到立沙境界會却諸人要識立沙鼓山麼不見道盡出這箇不得南華曷云振轉鼻孔換却眼睛若無這箇手段如何扶豎宗乘雖然如是直是好笑笑須三十年且道笑箇什麼情知汝在驢胎馬腹裏作活計東禪觀云某甲當時若作鼓山待立沙道人出這箇不得即云和尚元來別有長處不圖成就前功且○師嘗訪三斗庵主纔相見庵主曰莫怪住山年深無坐具師曰人人盡有庵主爲甚麼無庵主曰且坐喫茶師曰庵主元來有在○侍雪峰次有二僧從階下過雪峰曰此二人堪爲種草師曰某甲不與麼雪峰曰汝作麼生師

日便好與三十棒○因雪峰指火曰三世諸佛在火
焰裏轉大法輪師曰近日王令稍嚴雪峰曰作麼生
師曰不許攙奪行市○南際到雪峰雪峰令訪師師
問古人道此事唯我能知長老作麼生南際曰須知
有不求知者歸宗柔別師曰山頭和尚喫許多辛苦
作麼大潯真如學此云玄沙怎麼道大潯怎麼學○
雪峰普請舍田次見一蛇以杖挑起召衆曰看看以
刀芟爲兩段師以杖拋於背後更不顧視衆愕然雪
峰曰俊哉天奇瑞云當央捧出仁義之心拋向背後
釣魚勢云看看復爐云新月掛○侍雪峰遊山次雪
峰指面前地曰這一片地好造箇無縫塔師曰高多
少雪峰乃顧視上下師曰人天福報即不無和尚若
是靈山授記未夢見在雪峰曰你又作麼生師曰七
尺八尺子貴家富小兒嬌○雪峰曰世界闊一尺古
鏡闊一尺世界闊一丈古鏡闊一丈師指火爐曰火
爐闊多少雪峰曰如古鏡闊師曰老和尚脚跟未點
地在鏡清慧問僧爲復古鏡致火爐與麼闊火爐致
古鏡與麼大西院明云與麼問人也未可在
火爐即雲門偈云復飯泥茶爐元叟端云古鏡即是火爐
是古鏡不是雪峰老漢爭得頭正尾正驚峯今

日忽有人問火爐闊多少只向道隨家豐儉天奇瑞
云大衆且道世界誰世界古鏡誰古鏡不可逐境打做
兩截豎起拄杖云這是世界這是古鏡若然虛下承○
當坐斷雪峰玄沙大夫切切忌鬼窟裏虛淹歲月
閩王送師上船師扣船召曰大王爭能出得這裏去
王曰在裏許得多少時也歸宗柔別云不因○師問
文桶頭下山幾時歸曰三五日師曰歸時有無底桶
子將一擔歸文無對歸宗柔代云和尚用作甚麼○師垂語曰諸
方老宿盡道接物利生祇如三種病人汝作麼生接
患盲者拈槌豎拂他又不可見患聾者語言三昧他又
不聞患瘧者教伊說又說不得若接不得佛法無靈
驗時有僧出曰三種病人還許學人商量否師曰許
汝作麼生商量其僧珍重出師曰不是不是羅漢曰
桂琛現有眼耳口和尚作麼生接師曰慚愧便歸方
丈中塔曰三種病人即今在甚麼處又一僧曰非唯
護他兼亦自護雲門偈因僧請益雲門云汝禮拜着
雲門云汝不是患盲復喚近前來僧繞近前雲門云汝
不是患聾雲門云還會麼僧云不會雲門云汝不是患
瘧其僧於是有省法眼益云我當時見羅漢上座學
此語我便會三種病人雲居元云地藏如龍無角似
蛇有足玄沙只有先鋒且無殿後兩人病在膏肓針藥
之所不到山僧爲你諸人點破拈拄杖云棒頭有眼明
瘡瘡漢若不是雲門羅年去如今有底或拈椎豎拂他

又不曾教伊近前他又來問還會麼他又不應諸方還奈何得麼雪竇若不奈何汝這一隊驢漢又堪作什麼以拄杖一時趁散本覺一云雲門雪竇也是因風吹火見兔放鷹爭如地藏逆水之波當時聞玄沙怎麼道便出來云某甲有眼有耳有口請師接玄沙云慙愧便乃呵呵大笑非但玄沙盡西天此土諸佛諸祖被這一撥不免還身有分蓋拈拄杖云放過則不可龍門遠云好兄弟還知真實相為麼今日不惜眉毛為諸人說破只如諸人有雙眼又何曾見來有雙耳又何曾聞來有片舌又何曾說來既無說無聞無見何處有聲香味事雖然如是能有幾人到這般田地徑山杲云這僧雖然悟去只悟得雲門禪若是玄沙禪更買草鞋行脚天童華云雲門平展這僧實酬且道什麼處是這僧悟處不救之疾難為針艾楚石琦云玄沙雲門氣急殺人彼自○長慶來師問除却藥忌作麼生道無瘡勿傷之也

長慶曰放憨作麼師曰雪峰山橡子拾食來這裏雀兒放糞○普請斫柴次見一虎天龍曰和尚虎師曰是汝虎歸院後天龍問適來見虎云是汝未審尊意如何師曰娑婆世界有種種極重事若人透得不妨

出得陰界東禪齊云上座古人見了道我身心如大地虛空如今人還透得麼 徑山杲代云

也知和尚為人切笑巖寶云於今這裏虎也無面前端的是箇什麼若辯得出許你與人天為師○

師問長生維摩觀佛前際不來後際不去今則無住汝作麼生觀長生曰放皎然過有箇道處師曰放汝過作麼生道長生良久師曰教阿誰委悉長生曰徒勞側耳師曰情知汝向鬼窟裏作活計崇壽獨別長生云喚甚麼

作如○問古人皆以瞬視接人未審和尚以何接人來

師曰我不以瞬視接人曰學人為甚道不得師曰富

塞汝口爭解道得法眼益云古人怎麼道甚奇特且問上座口是甚麼○問承

古有言舉足下足無非道場如何是道場師曰沒却

你曰為甚麼得恁麼難見師曰祇為太近法眼益云也無可得

近直下○師在雪峰時光侍者謂師曰師叔若學得

禪某甲打鐵船下海去師住後問光曰打得鐵船也

未光無對法眼益代云和尚終不與麼 清涼欽代云請和尚下船 支提愛云玄沙也是貧

人思舊債汾陽昭云只見鐵頭利不見鑿頭方 雲居元云禪也未曾參得何用思量當事忽然被他擡動

鐵船玄沙○師一日遣僧送書上雪峰雪峰開紙見

堪作什麼

白紙三幅問僧會麼曰不會雪峰曰不見道君子千

里同風僧回舉似師曰山頭老漢蹉過也不知日和

尚如何師曰孟春猶寒也不解道明招謙云玄沙三幅白紙爭奈文彩

已彰雪峯千里同風何故不知蹉過不見道養子莫教

大大了作家賊五祖戒出語云將謂胡獼赤 黃龍南云雪峯不道無長處既被○問鏡清教中道不見

玄沙識破直至如今雪不出

一法為大過患且道不見甚麼法鏡清指露柱曰莫

是不見這箇法麼同安顯別云也 知和尚不造次師曰浙中清水白

米從汝喫佛法未會在雪竇顯云大小鏡清被玄沙熱護我當時若見但向道靈

山授記也未到如此。溪山結云：若不是鏡清幾平忘前失後，何故不逢別者？終不開拳。天童華云：鏡清放頭佛祖也不奈何，若非立沙深辯來風幾。○問：承和被露柱舌，却有人辯得出妙嚴兩手分付。

尚有言盡十方世界是一顆明珠，學人如何得會師

曰：盡十方世界是一顆明珠，用會作麼？僧便休。師來

曰：却問其僧，盡十方世界是一顆明珠，汝作麼生會

曰：盡十方世界是一顆明珠，用會作麼？師曰：知汝向

鬼窟裏作活計。報慈遂云：一般恁麼道。○韋監軍來

謁乃曰：曹山和尚甚奇怪。師曰：撫州取曹山幾里？韋

指傍僧曰：上座曾到曹山否？曰：曾到。韋曰：撫州取曹

山幾里？曰：百二十里。韋曰：恁麼則上座不到曹山？韋

却起禮拜。師曰：監軍却須禮此僧，此僧却具慚愧。雲

錫云：甚麼處是此僧具慚愧？若檢得出，許上座有行脚

眼。承天宗云：這僧可惡，可痛，直饒立沙具金剛眼睛，

還過韋監。○問：如何是清淨法身？師曰：膿滴滴地。○

問：如何是親切底事？師曰：我是謝三郎。○西天有聲

明三藏至閩，師請師辨驗。師以鐵火筋敲銅爐，問是

甚麼聲？三藏曰：銅鐵聲。法眼益別云：請大師為大師

曰：大王莫受外國人謾。三藏無對。雪竇顯別云：大王

清涼欽代云：却是和尚謾大王。淨因成云：既不是

銅鐵聲，立沙喚作什麼聲？然則三藏只知度水不覺濕衣，立沙偏解誣人，爭奈國有憲章，且道三藏謾大王，何似立沙謾大王。天童覺云：理契則神，實子機衣中之實情，封則物，力士失額上之珠，三藏只解瞻前不能顧後，還知麼？誣人之罪，以罪加之。高峯妙云：大小立沙，能所未忘，當時賴迴是劉大王，若撞着箇本分僧，管取一場。○師南遊莆田縣，排百戲迎接來日，師問小

塘長老：昨日許多喧鬧，向甚處去也？小塘提起袈衣

角，師曰：料掉沒交涉。法眼益別云：昨日有多少喧鬧

。溪山結云：大渴則不然，忽有問遂鳴指一下，如有箇納

子出來，云：料掉沒交涉，却肯他何故？大丈夫漢，將虎額

也是本分，且道利害在甚處。黃龍新云：奇怪，諸禪師

扶豎宗乘，須是小塘長老始得。立沙為什麼道料掉沒

交涉？我即不然。昨日許多喧鬧，向什麼處去？天共白雲

曉水和明月流。昭覺勸云：或有問山僧，只向道又是

從頭起，他若道料掉沒交涉，劈脊便棒，何故曹溪波瀾

如相似？無限平人被陸沉。南華島云：立沙恁麼道，還

有得失是非也？無若謂有，當人未具眼，在若謂無，因甚

麼道料掉沒交涉？還會麼？是非已去了，是非裏薦取。

○師示衆曰：世尊道吾有正法眼，藏付囑摩訶大迦

葉，猶如畫月。曹溪豎拂，猶如指月。時鼓山出來，曰：月

灣，師曰：這箇阿師，就我覓月，鼓山不肯，却歸衆曰：道

我就他覓月。雪竇顯云：立沙與鼓山，如排百萬大陣，

祇拋瓦礫相擊，或有稱僧，得當知正法眼藏付囑有在。

護國元云：立沙鼓山，各說道理，要且未識月在諸人要識月麼？幸無偏照處，剛有未明人

○問：僧乾闥婆，滅汝作麼生會？曰：如夢如幻。法眼益

示：○師與地藏，在方丈說話，夜深侍者閉却門，師曰：

門總閉了。汝作麼生得出去。地藏曰。喚甚麼作門。清涼

欽別云。和尚莫欲歇去。○師以杖拄地。問長生曰。僧見俗見男

見女。見汝作麼生。見曰。和尚還見皎然。見處。師曰。

相識滿天下。○師舉誌公曰。每日拈香。擇火。不知身

是道場。乃曰。每日拈香。擇火。不知真箇道場。報慈遂云。祇如

此二尊宿語。還有親疎也無。○師與韋監軍。喫果子。韋問。如何是

日用。而不知師。拈起果子。曰。喫。韋喫果子了。再問師。

曰。祇這是。日用而不知。○師問明真大師。善財參彌

勒。彌勒指歸文殊。文殊指歸佛處。汝道佛指歸甚麼

處。曰。不知。師曰。情知汝不知。法眼益別云。喚甚麼作佛。○大誓玄

通到禮覲。師曰。你在彼住。莫誑惑人家男女。曰。玄通

祇是開箇供養門。晚來朝去。爭敢作恁麼事。師曰。事

難。曰。真情是難。師曰。甚麼處是難。處曰。爲伊不肯承

當。師便入方丈。拄却門。○泉守王公。請師登樓。先語

客司曰。待我引大師到樓前。便昇却梯。客司稟旨。公

曰。請大師登樓。師視樓。復視其人。乃曰。佛法不是此

道理。法眼益云。未昇梯時。日幾度登樓。○師與泉守。在室中說話。有

一沙彌。揭簾入。見却退步而出。師曰。那沙彌好與二

十。拄杖泉守曰。恁麼。卽某甲罪過。同安顯別云。師曰。

佛法不是恁麼。鏡清慧云。不爲打水。有僧問。不爲打水。意作麼生。鏡清云。青山。碾爲塵。敢

保沒關人。

長慶慧稜禪師雪峯存法嗣

福州長慶慧稜禪師。杭州鹽官人也。姓孫氏。歷參禪

苑。後參靈雲。問。如何是佛法大意。靈雲曰。驢事未去。

馬事到來。師如是往來。雪峰玄沙。二十年。間坐破七

箇蒲團。不明此事。一日。捲簾。忽然大悟。乃有頌曰。也

大差也。大差捲起簾來。見天下有人。問我。解何宗。拈

起拂子。劈口打。雪峯舉。謂玄沙曰。此子徹去也。玄沙

曰。未可。此是意識著述。更須勘過。始得。至晚。衆僧上

來。問訊。雪峰謂師曰。備頭陀。未肯汝在。汝實有正悟。

對衆舉來。師又有頌曰。萬象之中。獨露身。唯人自肯

乃。方親昔時。謬向途中。覓今日。看來火裏。冰雪峯。乃

顧玄沙曰。不可。更是意識著述。師問雪峰曰。從上諸

聖傳受。一路請師。垂示。雪峯良久。師設禮而退。雪峯

乃微笑。師入方丈。參雪峯曰。是甚麼師。曰。今日天晴

好。普請。○師在西院。問訊上座曰。這裏有象骨山。汝

曾到麼曰不曾到師曰爲甚麼不到曰自有本分事
在師曰作麼生是上座本分事說乃提起衲衣角師
曰爲當祇這箇別更有曰上座見箇甚麼師曰何得
龍頭蛇尾○保福辭歸雪峰謂師曰山頭和尚或問
上座信作麼生祇對師曰不避腥羶亦有少許曰信
道甚麼師曰教我分付阿誰曰從展雖有此語未必
有恁麼事師曰若然者前程全自闍黎○師與保福
遊山保福問古人道妙峯山頂莫祇這箇便是也無
師曰是卽是可惜許僧問鼓山祇如長慶恁麼道意
作麼生鼓山云孫公若無此語
可謂獨據偏野 鏡清忽云若不是孫公便見獨據偏
野 雪竇顯云今日共道漢遊山圖箇什麼復云百千
年後不道全無祇是少 鼓山晏云 ○師來往雪峰
長慶若不與麼紅旗偏野白骨連山二十九載天祐三年泉州刺史王延彬請住招慶開
堂日公朝服趨隅曰請師說法師曰還聞麼公設拜
師曰雖然如此恐有人不肯○一日王太傳入院見
方丈門閉問演侍者曰有人敢道太師在否演曰有
人敢道太師不在否法眼益別云 ○上堂總似今日
太傳識太師老胡有望保福曰總似今日老胡絕望報慈遂云恁
麼道是相見
絕不是相見語 黃龍南云總似今日曹溪
絕流 天童覺云富嫌千口少貧恨一身多○安國

珎和尙得師號師去作賀珎出接師曰師號來邪珎
曰來也師曰是甚麼號曰明眞師乃展手珎曰甚麼
處去來師曰幾不問過○問古人有言相逢不拈出
舉意便知有時如何師曰知有也未僧又問保福展
保福云此是誰
語云丹霞語保福
云去莫妨我打睡○師入僧堂舉起疏頭曰見卽不
見還見麼衆無對法眼益代云縱受得
到別處亦不敢呈人○師到羅山
見製龕子以杖敲龕曰太煞預備羅山曰拙布置師
曰還肯入也無羅山乃吽吽○上堂掃潔打疊了也
却近前問我覓我劈脊與你一棒有一棒到你你須
生慚愧無一棒到你你又向甚麼處會雪竇顯云雪
竇即不然淨
潔打疊了也直須近前就我覓我劈脊與你一棒
到你你卽受屈無一棒到你與你平出但與麼會 黃
龍清云長慶只知支離擁腫不知道之根源雪竇引憂
牽枝未免隨波逐浪寶峯則不然淨潔打疊了也近前
來只向道會麼歸堂去雖然 ○師有時拈拄杖曰識
如是也須是仙陀婆始得得這箇一生參學事畢雲門偈云識得這箇爲什麼
不住 靈巖安云恁麼住者
喪我兒孫恁麼去者寒灰發焰然雖如是都未得助絕
在拈拄杖云識得這箇遂卓一下云敲出鳳凰五色髓
擊碎驪龍 明月珠○問羚羊挂角時如何師曰草裏漢曰挂
角後如何師曰亂叫喚曰畢竟如何師曰驢事未去
馬事到來雪竇顯云寧可碎身如微塵終不瞎諸衆
生眼長慶較些子復云一般漢誤使羚羊

未掛角也似萬里望鄉關天奇瑞云饒者易為食渴者易為飲尋逐機境狂分離坎空教觀面收放到底難憑信實不遇知音○僧問如何是文彩未生時事師

曰汝先舉我後舉其僧但立而已法眼益別云師曰請和尚舉

汝作麼生舉曰某甲截舌有分○保福遷化僧問保

福拋却穀漏子向甚麼處去也師曰且道保福在那

箇穀漏子裏法眼益別云那箇是保福穀漏子○閩帥夫人崔氏奉道

自稱遣使送衣物至曰練師令就大師請回信師曰

傳語練師領取回信須與使却來師前唱喏便回師

明日入府練師曰昨日謝大師回信師曰却請昨日

回信看練師展兩手帥問師曰練師適來呈信還慚

大師意否師曰猶較些法眼益別云這一轉語大王自道取曰未審

大師意旨如何師良久帥曰不可思議大師佛法深

遠

保福從展禪師雪峯存法嗣

漳州保福院從展禪師福州陳氏子年十五禮雪峰

為受業師遊吳楚間後歸執侍雪峰一日忽召曰還

會麼師欲近前雪峰以杖拄之師當下知歸嘗以古

今方便詢于長慶一日長慶謂師曰寧說阿羅漢有

三毒不可說如來有二種語不道如來無語祇是無

二種語師曰作麼生是如來語長慶曰聾人爭得聞

師曰情知和尚向第二頭道長慶曰汝又作麼生師

曰喫茶去雪居錫云甚麼處是長慶向第二頭道處雪竇顯頌云頭今第一第二臥龍不鑒

止水無處有月波澄有處無風浪起稜禪客稜禪客三

月禹門遭點額昭覺勤云如今人不古他古人轉處

看只管去句下走便道長慶當時不任用所以落第二

頭保福云喫茶去便是第一頭若只恁麼看到彌勒下

生也不見古人意若此作家終不作這般見解跳出這

窠窟向上自有一條路你若道聾人爭得聞有甚麼不

是處保福云喫茶去有甚麼是處轉因舉盤山道

沒交涉是故道他參活句不參死句

光境俱亡復是何物洞山道光境未亡復是何物師

曰據此二尊宿商量猶未得勦絕乃問長慶如今作

麼生道得勦絕長慶良久師曰情知和尚向鬼窟裏

作活計長慶却問作麼生師曰兩手扶犁水過膝雪

顯云俱忘未忘總由我保福因什麼道未得勦絕灼然

能有幾箇諸人又作麼生道免得長慶在鬼窟裏良久

云柳絮隨風自西自東大鴻秀云保福拈提頗有宗

風及乎問着又却拖泥帶水光境何物且置俱忘未忘

甚處得這消息○長慶問見色便見心還見船子麼師曰見

鵝湖僧堂前相見。卽且置祇如望州亭鳥石嶺。甚麼

處相見。鵝湖驟步歸方丈。師低頭入僧堂。

雪竇顯云。二老。是卽

是只知雪峯放行。不知雪峯把定。忽有箇衲僧出問。未審雪竇作麼生。豈不是別機宜。默休咎底。漢還有鳥石。望州亭底麼。良久云。

○上堂。此事如擊石火。似閃

電光。搆得搆不得。未免喪身失命。僧問。未審搆得底

人。還免喪身失命也。無師曰。適來且置。闍黎還搆得

麼。曰。若搆不得。未免大衆怪笑。師曰。作家作家。曰。是

甚麼心。行師曰。一杓屎攪面潑。也不知臭。

雪竇顯云。諸上座。保

福。有生擒虎。虎兇底爪牙。這僧也不易相敵。雖然如此。要且放過。保福一着。只如雪竇與大衆。還許諸方。檢責也。無若免不得。平地上死人無數。其中有得活底麼。乃拈起拄杖云。來也來也。護國元云。能擒能捉。能殺能活。保福可謂作家手段。本分鉗鎚。這僧可憐。許錯轉話頭。待他道。闍黎還搆得麼。只對他道。明眼宗師。天然猶在當時。若下得這一句。直饒保福全機。更買草鞋行脚。何故不見道。得人一牛。還人一馬。○師見

僧以杖打露柱。又打其僧頭。僧作忍痛聲。師曰。那箇

爲甚麼不痛。僧無對。

報慈遂代云。食行拄杖。

○師因僧侍立。問

曰。汝得恁麼。露心僧曰。甚麼處是某甲。露心處。師拈

一塊土。度與僧曰。拋向門前。著僧拋了。却來曰。甚麼

處是某甲。露心處。師曰。我見築著磕著。所以道。汝露

心。雪竇顯云。然則這僧被熱諍爭奈。真不掩偽。曲不藏

心。直雪竇將今視古。於理不甘。你這一隊漢。忽僧堂裏

來。寮舍內出。樂着磕着。亦乃不知近來露心。○上堂。轉盛。我若放過。便見諸方。檢責卓拄杖下座。

有人從佛殿後過。見是張三李四。從佛殿前過。爲甚

麼不見。且道佛法利害。在甚麼處。僧曰。爲有一分。露

境。所以不見。師乃叱之。自代曰。若是佛殿。卽不見。曰。

不是佛殿。還可見否。師曰。不是佛殿。見箇甚麼。○師

問。羅山巖頭道。與麼與麼。不與麼。不與麼。意作麼生。

羅山召師。師應諾。羅山曰。雙明亦雙。暗師禮謝。三日

後。却問前日。蒙和尚垂慈。祇爲看不破。羅山曰。盡情

向汝道了也。師曰。和尚是把火行。羅山曰。若與麼。據

汝疑處。問將來。師曰。如何是雙明。亦雙。暗。羅山曰。同

生亦同死。師又禮謝。而退。別有僧問。師。同生亦同死

時。如何。師曰。彼此合取。狗口。曰。和尚收取口喫飯。其

僧却問。羅山。同生亦同死。時。如何。羅山曰。如牛無角。

曰。同生不同死。時。如何。羅山曰。如虎戴角。○有尼到

參。師問。阿誰侍者。報曰。覺師姑。師曰。既是覺師姑。用

來作麼。尼曰。仁義道中。卽不無。師別曰。和尚是甚麼

心行。○師問。長生卓庵。乃往相訪。茶話。次。長生曰。嘗

有僧問。祖師西來。意某甲。舉拂子示之。不知得不得。

師曰某甲爭敢道得不得有箇問有人讚歎此事如

虎戴角有人輕毀此事分文不直一等是怎麼事因

甚麼毀讚不同長生日適來出自偶爾

老宿云毀又爭得又老宿

云惜取眉毛好太原平云若無智眼難辨得失雪竇別云若非和尚證明拂子一生無用報慈遂云

一等是與麼事爲○閩帥遣使送朱記到師上堂提

起印曰去即印住住即印破僧曰不去不住用印奚

爲師便打僧曰怎麼則鬼窟裏全因今日也師持印

歸方丈○一日示微疾僧入丈室問訊師曰吾與汝

相識年深有何方術相救曰方術甚有聞說和尚不

解忌口

清涼欽別云和尚解忌口麼雪竇別云只恐難爲和尚

鼓山神晏國師雪峯存法嗣

福州鼓山神晏與聖國師大梁李氏子杖錫徧扣禪

關而但記語言存乎知解及造雪嶺朗然符契一日

參雪峰雪峰知其緣熟忽起擲住曰是甚麼師釋然

了悟亦忘其了心唯舉手搖曳而已雪峰曰子作道

理邪師曰何道理之有雪峰審其懸解撫而印之○

後閩帥常詢法要創鼓山禪苑請舉揚宗旨師上堂

欲知此事如一口劍僧問學人是死屍如何是劍師

曰拽出這死屍著僧應喏便歸僧堂結束而去師至

晚間得乃曰好與拄杖

雪竇顯云諸方老宿總道鼓山失却一隻眼殊不知重賞

之下必有勇夫然雖如是若仔細點檢來未免一時埋

却雲居齊云這僧若不肯鼓山有什麼過若肯何得便發去又云鼓山拄杖賞伊罰伊具眼底試商量看

東禪觀云這僧將箇死屍出來弄得活鼓山好一口劍

尚欠麼○師與閩帥瞻仰佛像師問是甚麼佛師曰

請大王鑒帥曰鑒即不是佛師曰是甚麼帥無對

長慶後代云入承大師在衆何得造次

龍華靈照禪師雪峯存法嗣

杭州龍華寺靈照真覺禪師高麗人也萍遊閩越陞

雪峰之堂冥符玄旨居唯一衲服勤衆務閩中謂之

照布衲○一夕指半月問溥上座曰那一片甚麼處

去也溥曰莫妄想師曰失却一片也

翠巖令參禪師雪峯存法嗣

明州翠巖令參永明禪師安吉州人也上堂曰一夏

與兄弟東語西話看翠巖眉毛在麼

長慶稜云生也雲門偈云關

保福展云作賊人心虛翠巖芝云爲衆竭力禍出私門雲居元云翠巖知而故犯經教不原雲門按後

施行依公問罪還識長慶保福麼普州人送賊蔣山慈云翠巖坐斷天下人舌頭無路啄處長慶云生也因

事長智保福云作賊人心虛是精識精雲門云關據放結案雖則宗風就斷還截得翠巖脚跟麼不臨前蹤試

道看。薦福行云。翠巖開眼。尿牀問在答處。雲門失錢。遭罪答在問處。若問不在答處。答不在問處。東湖拄杖。穿却嘉州大像。你諸人提起坐具。且向日本國裏。作自恣佛事。雪竇宗云。盡大地是翠巖。一隻眼更說什麼。在不在。直得諸方尊宿。徹盡伎倆。出絡繹不得。所以保福云。作賊人心虛。正是上他機境。雲門云。關大似夢中爭力。長慶云。生也。隨語生解。只如宗上座。又作麼。生以拂子畫圓相云。分付海山無事客。釣鯨鯨時。下一圈國。大溈泰云。保福道作賊人心虛。可謂同道者。方知長慶云。生也。隨語作解。雲門云。關塞斷咽喉。若有問山僧見處。又作麼。生拈拄杖卓一下云。一串穿却。

鏡清道忞禪師雪峯存法嗣

越州鏡清寺道忞。順德禪師永嘉陳氏子。遊方抵閩。謁雪峰。雪峰問甚處人。曰溫州人。雪峰曰。恁麼則與一宿覺是鄉人也。曰祇如一宿覺是甚麼處人。雪峰曰。好喫一頓棒。且放過一日。師問祇如古德。豈不是以心傳心。雪峰曰。兼不立文字。語句。師曰。祇如不立文字。語句。師如何傳。雪峰良久。師禮謝。雪峰曰。更問我一轉。豈不好師。曰。就和尙請一轉問。頭雪峰曰。祇恁麼。爲別有商量。師曰。和尙恁麼。即得。雪峰曰。於汝作麼。生。師曰。孤負殺人。雪峰謂衆曰。堂堂密密地。師出問。是甚麼。堂堂密密。雪峰起立曰。道甚麼。師退步而立。雪峰垂語曰。此事得恁麼尊貴。得恁麼綿密。師

曰。道忞自到來數年。不聞和尙恁麼示誨。雪峰曰。我向前雖無如今。已有莫有所妨麼。曰。不敢。此是和尙不已而已。雪峰曰。致使我如此。師從此信入。而且隨衆時。謂之小忞布衲。普請次。雪峰舉滄山道。見色便見心。汝道還有過也。無師曰。古人爲甚麼事。雪峰曰。雖然如此。要共汝商量。師曰。恁麼則不知道。忞鉅地去。靈隱泉云。雪峯探竿在手。影草隨身。若不是鏡清普請。幾乎狼藉。師再參雪峰。雪峰問甚處來。師曰。嶺外來。雪峰曰。甚麼處逢見達磨。師曰。更在甚麼處。雪峰曰。未信汝在師曰。和尙莫恁麼粘泥好。雪峰便休。○師後遍歷諸方。益資權智。因訪先曹山曹山。問甚麼處來。師曰。昨日離明水曹山。曰。甚麼時到。明水師曰。和尙到時。到曹山。曰。汝道我甚麼時到。師曰。適來猶記得曹山。曰。如是如是。○師住菴時。有行者至。徐徐近牀。牀取拂子提起。問某用喚這箇。作拂子庵主。喚作甚麼。師曰。不可。更安名立字也。行者乃擲却拂子。曰。著甚死急。○問僧外面是甚麼聲。曰。蛇蛟蝦蟇聲。師曰。將謂衆生。苦更有苦衆生。○師問靈雲行脚事。大乞師指南靈雲曰。浙中米

作麼價師曰若不是道恁泊作米價會却

大鴻秀云曾聞鏡清

作者果然不類況常既知不作米價會必然深悟指南雲只解放去不能收來若不是某甲泊作米價會只問道你又別作麼生會從伊說

○同學人未達其源

請師方便師曰是甚麼源曰其源師曰若是其源爭

受方便僧禮拜退雪寶顯云死水裏浸却有甚用處侍者問和尚適

來莫是成禪伊麼師曰無曰莫是不成禪伊麼師曰

無曰未審意旨如何師曰一點水墨兩處成龍

雪寶顯云

猶較些子雪寶不是減鏡清威光要與這僧相見是什麼源其源三十年後與汝三十棒五祖戒云與麼道也大險雖然語險爭奈用得這一點觀要會麼莫在鏡清多意氣他家曾講聖明君昭覺勤云鏡清具本分

鉗鏈有作家爐鑪正如明鏡當臺舉無遺照雖則起威應機要且猶費葛藤若是山僧忽有問未達其源對他

是什麼源待伊道其源劈脊便棒更有問是成禪伊否無和尚尊意若何劈脊便棒非唯截斷衆流亦乃光揚

宗眼還辨○有僧引一童子到曰此童子常愛問人

佛法請和尚驗看師乃令點茶童子點茶來師啜了

過盞蒙與童子童子近前接師却縮手曰還道得麼

童子曰問將來法眼益別云和尚更喫茶否僧曰此童子見解如

何師曰也祇是一兩生持戒僧

安國弘瑄禪師雪峯存法嗣

福州安國院弘瑄明真禪師泉州陳氏子參雪峰雪

峰問甚麼處來曰江西來雪峰曰甚麼處見達磨曰

分明向和尚道雪峰曰道甚麼曰甚麼處去來一日

雪峰見師忽攔住曰盡乾坤是箇解脫門把手拽伊

不肯入曰和尚怪弘瑄不得雪峰拓開曰雖然如此

爭奈背後許多師僧何○師舉國師碑文云得之於

心猗蘭作旃檀之樹失之於旨甘露乃蒺藜之園問

僧曰一語須具得失兩意汝作麼生道僧舉拳曰不

可喚作拳頭也師不肯亦舉拳別曰祇爲喚這箇作

拳頭

雪寶顯云無繩自縛漢拳頭也不識大鴻秀云雪寶與安國盡謂孤高方外及乎臨鋒受敵

又却逐隊隨行我要箇語具得失兩意待伊堅起拳云不可喚作拳你又喚作什麼從伊說出得失兩意也要

其中見人只與麼和泥合水有甚分曉天童華云若見得雪寶徹便見得安國龍頭蛇尾若見不徹伊蘭作

旃檀之樹甘露乃蒺藜之園東禪觀云這僧不能對安國之口安國不能止雪寶之詞雪寶不能免大溪之

議可憐諸大老成羣作隊不奈一箇拳何待云我要箇語具得失兩意只向他道休何謂如此師于一滴乳逆

散十斛○師舉梭和尚住招慶時在法堂東角立謂

僧曰這裏好教一問僧便問和尚爲何不居正位梭

曰爲汝怎麼來曰即今作麼生梭曰用汝眼作麼師

舉畢乃曰他家怎麼問別是箇道理汝今作麼生道

後安國曰怎麼則大眾一時散去得也師自代曰怎

麼即大眾一時禮拜

金輪可觀禪師雪峯存法嗣

南嶽金輪可觀禪師福唐薛氏子參雪峰。雪峰曰：近前來。師方近前作禮。雪峰與一踢。師忽契悟。師事十二載。復歷叢林。○住後上堂。我在雪峰遭他一踢。直至如今。眼不開。不知是何境界。○雪峰院主有書來。招曰：山頭和尚。年尊也。長老何不再入嶺。一轉師回。書曰：待山頭和尚別有見解。即再入嶺。僧問：如何。是雪峰見解。師曰：我也驚。

長生皎然禪師雪峯存法嗣

福州長生山皎然禪師。本郡人。久依雪峰。一日與僧斫樹。次雪峯曰：斫到心。且住。師曰：斫却著。雪峯曰：古人以心傳心。汝爲甚麼道斫却。師擲下斧曰：傳雪峯打一拄杖而去。○僧問雪峯：如何是第一句。雪峯良久。僧舉似師。師曰：此是第二句。雪峯再令其僧來問。如何是第一句。師曰：蒼天蒼天。○普請次。雪峯問：占人道。誰知席帽下。元是昔愁人。古人意作麼。生師側戴笠子曰：這箇是甚麼人語。○雪峯問師：持經者能

荷擔如來作麼。生是荷擔如來。師乃捧雪峰向禪床上。○普請次。雪峯負一束藤路逢一僧。便拋下。僧擬取雪峰。便踢倒。歸謂師曰：我今日踢這僧。快。師曰：和尚却替這僧入涅槃堂。始得。雪峰便休去。雪峯顯示長生大似東家人死。西家助哀也。好與一踏。白雲端云：雪峯外面贏得五百家中失却一貫。怨中慍云：這僧喫雪峯一踏。白日見鬼。長生喫雪峯一踏。平地成仙。大小浮山。踰過不少。○雪峰問：光境俱亡。復是何物。師曰：放。皎然過有道處。雪峰曰：放汝過。作麼。生道曰：皎然亦放。和尚過。雪峰曰：放汝二十棒。師便禮拜。

鵝湖智孚禪師雪峯存法嗣

信州鵝湖智孚禪師。福州人也。因鏡清問：如何是即今底。師曰：何更即。今鏡清曰：幾就支荷。師曰：語逆言順。○師一日不赴堂。侍者來請赴堂。師曰：我今日在莊喫油糲。飽侍者曰：和尚不曾出入。師曰：你但去問取莊主侍者。方出門。忽見莊主歸。謝和尚到莊喫油糲。

漳州隆壽紹卿禪師雪峯存法嗣

漳州隆壽紹卿禪師。泉州陳氏子。因侍雪峰。山

行見芋葉動。雪峰指動葉示之。師曰。紹卿甚生怕怖。雪峰曰。是汝屋裏底。怕怖甚麼。師於此有省。

雲蓋歸本禪師雪峯存法嗣

襄州雲蓋雙泉院歸本禪師。京兆府人也。初謁雪峰。禮拜次。雪峰下禪牀。跨背而坐。師於此有省。

洛京南院和尚雪峯存法嗣

洛京南院和尚。有儒者博覽古今。時呼爲張百會。謁師。問莫是張百會麼。曰。不敢。師以手於空畫一畫。曰。會麼。曰。不會。師曰。一尙不會。甚麼處得百會來。

龍興宗靖禪師雪峯存法嗣

杭州龍興宗靖禪師。台州人也。初參雪峰。誓充飯頭。勞逾十載。嘗於衆堂中。袒一膊。釘簾。雪峰觀而記曰。汝向後住。持有千僧。其中無一人衲子也。師悔過。回浙住六通院。錢王命居龍興寺。有衆千餘。唯三學講誦之徒。果如雪峰所誌。

越山師翬禪師雪峯存法嗣

越州越山師翬鑒真禪師。初參雪峰。而染指後。因闍王請於清風樓齋坐。久舉目忽覩日光。豁然頓曉。而

有偈曰。清風樓上赴官齋。此日平生眼豁開。方信誓通年遠事。不從蔥嶺帶將來。歸呈雪峰。雪峰然之。

福清玄訥禪師雪峯存法嗣

泉州福清院玄訥禪師。高麗人也。泉守王公問。如何是宗乘中事。師叱之。

夢筆和尚雪峯存法嗣

建州夢筆和尚。閩王請齋。問師。還將得筆來也。無師曰。不是。稽山繡管。慙非月裏兔。毫大王既垂顧。問山僧敢不通呈。又問。如何是法王師。曰。不是。夢筆家風。

潮山延宗禪師雪峯存法嗣

吉州潮山延宗禪師。因資福來謁師。下禪牀。相接資福問。和尚住此山得幾年也。師曰。鈍鳥棲廬。困魚止瀨。曰。怎麼則真道人也。師曰。且坐喫茶。

太原孚上座雪峯存法嗣

太原孚上座。初在揚州光孝寺講涅槃經。有禪者阻雪。因往聽講。至二。因佛性三德法身廣談法身妙理。禪者失笑。師講罷。請禪者喫茶。白曰。某甲素志狹劣。依文解義。適蒙見笑。且望見教。禪者曰。實笑座主不

識法身師曰如此解說何處不是曰請座主更說一遍師曰法身之理猶若太虛豎窮三際橫亘十方彌綸八極包括二義隨緣赴感靡不周徧曰不道座主說不是祇是說得法身量邊事實未識法身在師曰既然如是禪德當爲我說曰座主還信否師曰焉敢不信曰若如是座主輟講旬日於室內端然靜慮收心攝念善惡諸緣一時放却師一依所教從初夜至五更聞鼓角聲忽然契悟便去扣門禪者曰阿誰師曰某甲禪者咄曰教汝傳持大教代佛說法夜來爲甚麼醉酒臥街師曰禪德自來講經將生身父母鼻孔扭捏從今已去更不敢如是禪者曰且去來日相見師遂罷講徧歷諸方名聞宇內嘗遊浙中登徑山法會一日於大佛殿前有僧問上座曾到五臺否師曰曾到曰還見文殊麼師曰見曰甚麼處見師曰徑山佛殿前見其僧後適閩川舉似雪峰雪峰曰何不教伊入嶺來師聞乃趣裝而邁初至雪峰廨院憩錫因分柑子與僧長慶問甚麼處將來師曰嶺外將來曰遠涉不易擔負得來師曰柑子柑子次日上山雪

峰聞乃集衆師到法堂上顧視雪峰便下看知事顯云一千五百人善知識被孚老一覷便高豎降旗明日却上禮拜曰某甲昨日觸忤和尚雪峰曰知是般事便休雲門偈因僧問作麼生是觸忤處雲門便打雪竇顯云打得百萬箇有甚用處直須盡大地人喫棒方可扶豎雪峰且道孚上座具什麼眼又云果然杓巖頌云壯氣如虹上法堂就誰縛縛恰相當若言觸忤老和尚雪上無端又着霜雲居舜云大小雪峯被孚上座惑亂一上只這孚上座也是擔柳過狀雪竇宗云只知其一不知其二殊不知雪峰坐籌帷幄決勝千里孚上座呈盡乃指曰示之師搖手而出雪峰曰汝不肯我那師曰和尙搖頭某甲擺尾甚麼處是不肯雪峰曰到處也須諱却○一日衆僧晚參雪峰在中庭臥師曰五州管內祇有這老和尚較些子雪峰便起去○雪峰嘗問師見說臨濟有三句是否師曰是曰作麼生是第一句師舉目視之雪峰曰此猶是第二句如何是第一句師叉手而退自此雪峰深器之更不他遊而掌浴焉○一日玄沙上問訊雪峰雪峰曰此間有箇老鼠子今在浴室裏玄沙曰待與和尚勸過言訖到浴室遇師打水玄沙曰相看上座師曰已相見了玄沙曰甚麼劫中曾相見師曰瞌睡作麼玄沙却入方丈

●歷下應有處字

●開疑機

白雪峰曰已勘破了雪峰曰作麼生勘伊立沙舉前話雪峰曰汝著賊也○鼓山問師父母未生時鼻孔在甚麼處師曰老兄先道鼓山曰如今生也汝道在甚麼處師不肯鼓山却問作麼生師曰將手中扇子來鼓山與扇子再徵前話師搖扇不對鼓山問測乃毆師一拳昭覺勸云奇特因緣須以奇特激發殊勝巧拙有異或有問崇寧父母未生○鼓山赴大王請雪峰門送回至法堂乃曰一隻聖箭直射九重城裏去也師曰是伊未在雪峰曰渠是徹底人師曰若不信待某甲去勘過遂越至中路便問師兄向甚麼處去鼓山曰九重城裏去師曰忽遇三軍圍繞時如何鼓山曰他家自有通霄路師曰怎麼則離宮失殿去也鼓山曰何處不稱尊師拂袖便回雪峰問如何師曰好隻聖箭中路折却了也遂舉前話雪峰乃曰奴渠語在師曰這老凍膿猶有鄉情在溪山結云此話衆中商量不少或云纔問甚處去這裏便好打是聖箭折處或云忽遇三軍圍繞時如何好打是聖箭折處如斯理論非唯曉他亦乃自曉要會麼相如管奪連城壁素主安然致太平寶峯文云雪峰一千五百人善知識受侯王供奉福報因緣即不無若是佛法未在山即不然待座上座云好一隻聖箭折却也却問他道甚麼待座上座舉

拽拄杖打出去一使座上座已後作箇本色衲子二與聖箭子出其鋒鏃三與禪門作箇真正宗匠爲後人眼目諸禪德是不是有眼者辨取保舉男別國師語示座上座我也知你是惡人徑山云衆中商量道什麼處是聖箭折處云鼓山不合答他話是聖箭折處鼓山不合說道理是聖箭折處怎麼批判非惟不識鼓山亦乃不識座上座不知座上座正是一枚賊漢於鼓山面前納一場敗闕懷懼而歸却來雪峰處援本大似屋裏販揚州若非雪峰有大人相這賊向甚麼處容身當時可惜放過却成箇不了底公案只今莫有爲古人出氣底麼試出來我要問你甚麼處是聖箭折處楚石云鼓山聖箭子射入九重城裏生氣聚乎上座等問接者略露鋒鏃回至法堂却云箭折誣人之罪以罪加之妙喜老人謂座上座是一枚賊漢向鼓山面前納敗闕而歸騎賊馬殺賊大凡事不孤起當時雪峰只因寶弄這一隻聖箭子勾賊破家若是咬定牙關誰敢無風起浪便是盡大地稻麻竹華化作納僧要勘鼓山也無搭口處天寧不是貶劍古人聖箭子是什麼則草草拋向垃圾堆頭着更問他○保福簽瓜次師至保福曰道得折處且莫尿沸好與汝瓜喫師曰把將來保福度與一片師接得便去雪寶顯云雖是死蛇解弄也○後歸維揚陳尙書留活誰是好手者試請看○在宅供養一日謂尙書曰來日講一遍大涅槃經報答尙書尙書致齋茶畢師遂陞座良久揮尺一下曰如是我聞乃召尙書尙書應諾師曰一時佛在便乃脫去

南嶽惟勁禪師雪峰存法嗣

南嶽般若惟勁實聞禪師福州人也師雪峰而友立

沙深入玄奧。一日問鑑上座。聞汝註楞嚴。是否。鑑曰。不敢。師曰。二文殊作麼生。註曰。請師鑑師。乃揚袂而去。

南嶽下七世

黃龍誨機禪師 玄泉 法嗣

鄂州黃龍山誨機超慧禪師。清河張氏子。初參巖頭。問。如何是祖師西來意。巖頭曰。你還解救糍麼。師曰。解。巖頭曰。且解救去。後到玄泉。問。如何是祖師西來意。玄泉拈起一茎皂角。曰。會麼。師曰。不會。玄泉放下皂角。作洗衣勢。師便禮拜。曰。信知佛法無別玄泉。曰。你見甚麼道理。師曰。某甲曾問巖頭。巖頭曰。你還解救糍麼。救糍也。祇是解粘和尙。提起皂角。亦是解粘。所以道。無別玄泉。呵呵。大笑。師遂有省。

明招德謙禪師 羅山 法嗣

明招德謙禪師。受羅山印記。激揚玄旨。諸老宿皆畏其敏捷。嘗到招慶。指壁畫問僧。那箇是甚麼神。曰。護法善神。師曰。會昌沙汰時。向甚麼處去。來僧無對。師令僧問演侍者。演曰。汝甚麼劫中遭此難。來僧回舉。

似師曰。直饒演上座。他後聚一千衆。有甚麼用處。僧禮拜。請別語。師曰。甚麼處去也。○到坦長老處。坦曰。夫參學一人所在。亦須到半人所在。亦須到師。便問一人所在。即不問作麼生。是半人所在。坦無對。後令小師問師。師曰。汝欲識半人所在麼。也祇是弄泥團漢。○清上座舉仰山插鉢話。問師。古人在叉手處插鉢。師召清。清應諾。師曰。還夢見仰山麼。清曰。不要上座下語。祇要商量。師曰。若要商量。堂頭自有一千五百人。老師在。○又到雙巖。雙巖請喫茶。次曰。某甲致一問。若道得。便捨院與闍黎住。若道不得。即不捨院。遂舉金剛經云。一切諸佛及諸佛阿耨多羅三藐三菩提法。皆從此經出。且道此經。是何人說。師曰。說與不說。拈向這邊著。祇如和尚決定喚甚麼作此經。雙巖無對。師又曰。一切賢聖。皆以無爲法而有差別。則以無爲法爲極。則還何而有差別。祇如差別是過。不是過。若是過。一切賢聖。悉皆是過。若不是過。決定喚甚麼作差別。雙巖亦無語。師曰。噫。雪峰道底。○師訪保寧於中路相遇。便問。兄是道伴中人。乃點

鼻頭曰這箇礙塞我不徹與我拈却少時得麼保寧曰和尚有來多少時師曰噫洎賺我踏破一編草鞋便回國秦代曰非但某甲諸佛亦不奈何師曰因甚麼以已方人○師在婺州智者寺居第一座尋常不受淨水主事噴曰上座不識觸淨爲甚麼不受淨水師跳下牀提起淨瓶曰這箇是觸是淨主事無語師乃撲破

西川定慧禪師羅山問法嗣

西川定慧禪師初參羅山羅山問甚麼處來師曰遠離西蜀近發開元却近前問卽今事作麼生羅山揖曰喫茶去師擬議羅山曰秋氣稍熱去師出至法堂歎曰我在西蜀峨嵋山脚下拾得一隻蓬蒿箭擬撥亂天下今日打羅山寨弓折箭盡也休休乃下參衆羅山來日上堂師出問豁開戶牖當軒者誰羅山便喝師無語羅山曰毛羽未備且去師因而擺衣久承印記○後謁台州勝光勝光坐次師直入身邊叉手而立勝光問甚處來師曰猶待答話在便出勝光拈得拂子趨至僧堂前見師乃提起拂子曰闍黎喚這

箇作甚麼師曰敢死喘氣勝光低頭歸方丈

天竺義澄禪師羅山問法嗣

虔州天竺義澄常真禪師在羅山數載後因羅山示疾師問百年後忽有人問和尚以何指示羅山乃放身便倒師從此契悟卽禮謝

羅漢桂琛禪師立沙備法嗣

漳州羅漢院桂琛禪師常山李氏子登戒學毗尼一日爲衆陞臺宣戒本布薩已乃曰持戒但律身而已非真解脫也依文作解豈發聖智乎於是訪南宗初謁雲居雪峰參訊勤恪然猶未有所見後造立沙一言啓發廓爾無惑立沙問三界唯心汝作麼生會師指倚子曰和尚喚這箇作甚麼曰倚子師曰和尚不會三界唯心曰我喚這箇作竹木汝喚作甚麼師曰桂琛亦喚作竹木曰盡大地覓一箇會佛法底人不可得師自爾愈加激勵○漳牧王公建精舍曰地藏請師開法後遷羅漢大闡玄要○一日同中塔侍立沙立沙打中塔一棒曰就名就體中塔不對立沙乃問師作麼生會師曰這僧著一棒不知來處○僧報

曰保福已遷化也。師曰保福遷化地藏入塔。僧問法眼云蒼天蒼天

人意見如何法。○保福僧到師問彼中佛法如何。曰

有時示衆道塞却你眼教你覷不見塞却你耳教你

聽不聞坐却你意教你分別不得師曰吾問你不塞

你眼見箇甚麼不塞你耳聞箇甚麼不坐你意作麼

生分別。東禪齊云那僧問了忽然省去更不他避上座如今還會麼若不

山景云富嫌千口。○請保福齋令人傳語曰請和尚

慈悲降重保福曰慈悲爲阿誰師曰和尚恁麼道渾

是不慈悲。○問僧甚處來曰秦州師曰將得甚麼物

來曰不將得物來師曰汝爲甚麼對衆謾語其僧無

對師却問秦州豈不是出鷲鷲曰鷲鷲出在隴西師

曰也不較多。嵩山結云這僧新從秦州來爲什麼道對衆謾語要會麼作客殷勤帶累主人

拖泥。○王太傳上雪峰施衆僧衣時從衆上座不在

師弟代上名受衣從衆歸弟曰某甲爲師兄上名了

從衆曰汝道我名甚麼弟無對師代曰師兄得恁麼

貪又曰甚麼處是貪處又代曰兩度上名。雲居錫云甚處處是

奔上座兩。○師與長慶保福入州見牡丹障子保福

曰好一朵牡丹花長慶曰莫眼花師曰可惜許一朵

花。戒慈遂云三等宿語還有親疎也無祇如羅漢恁麼道落在甚處處黃龍心云據此三人見處一人超佛越祖一人自利利他一人謾已却問僧你道自謾底是誰僧云莫眼華師云此去更深夜靜迥絕無人處更去共伊商量始得

安國慧球禪師玄沙備法嗣

福州安國院慧球寂照禪師亦曰泉州莆田人也玄

沙室中參訊居首因問如何是第一月玄沙曰用汝

箇月作麼師從此悟入。○梁開平二年玄沙將示滅

聞帥王氏遣子至問疾仍請密示繼踵說法者誰立

沙曰球子得王默記遺旨乃問鼓山臥龍法席孰當

其任鼓山學城下宿德具道眼者十有二人至開堂

日官僚與僧侶俱會法筵王忽問衆曰誰是球上座

於是衆人指出師王氏便請陞座。○上堂曰我此間

粥飯因緣爲兄弟舉唱終是不常欲得省要却是山

河大地與汝發明其道既常亦能究竟若從文殊門

入者一切無爲土木瓦礫助汝發機若從觀音門入

者一切音響蝦蟇蚯蚓助汝發機若從普賢門入者

不動步而到以此三門方便示汝如將一隻折箸攪

大海水令彼魚龍知水爲命會麼若無智眼而審諦

之任汝百般巧妙不爲究竟

大章契如庵主玄沙備法嗣

福州大章山契如庵主本郡人也志探祖道預玄沙之室顯悟幽旨玄沙記曰子禪已逸格則他後要一人持立也無師自此不務聚徒不畜童侍隱於小界山到大朽杉若小庵但容身而已○僧問雲臺欽和尚如何是真言欽曰南無佛陀耶師別曰作麼作麼○清豁冲煦二長老嚮師名未嘗會遇一旦同訪之值師採栗豁問道者如庵主在何所師曰從甚麼處來曰山下來師曰因甚麼得到這裏曰這裏是甚麼處所師揖曰那下喫茶去二公方省是師遂詣庵所晤坐左右不覺及夜觀豺虎奔至庵前自然馴遠

國清師靜上座玄沙備法嗣

天台國清寺師靜上座始遇玄沙示衆曰汝諸人但能一生如喪考妣吾保汝究得徹去師隣前語問曰祇如教中道不得以所知心測度如來無上知見又作麼生玄沙曰汝道究得徹底所知心還測度得及否師從此信入

招慶道臣禪師長慶後法嗣

泉州招慶院道臣禪師潮州人也稜和尚始居招慶師乃入室參侍遂作桶頭常與衆僧語話一日長慶見乃曰你每日口嘮嘮底作麼師曰一日不作一日不食長慶曰與麼則磨弓錯箭去也師曰專待尉遲來長慶曰尉遲來後如何師曰教伊筋骨遍地眼睛突出長慶便出去泊長慶被召師繼踵住持

鷲嶺明遠禪師長慶後法嗣

襄州鷲嶺明遠禪師初參長慶長慶問汝名甚麼師曰明遠長慶曰那邊事作麼生師曰明遠退兩步長慶曰汝無端退兩步作麼師無語長慶曰若不退步爭知明遠師乃諭旨

報慈光雲禪師長慶後法嗣

福州報慈院光雲慧覺禪師問僧近離甚麼處曰臥龍師曰在彼多少時曰經冬過夏師曰龍門無宿客爲甚在彼許多時曰師子窟中無異獸師曰汝試作師子吼看曰若作師子吼即無和尚師曰念汝新到放汝三十棒雪竇顯云奇恠諸禪德若平展則兩不相傷據令則彼此俱輸還檢點得麼 ○

閩王問報慈與神泉相去近遠師曰若說近遠不如親到師却問大王曰應千差是甚麼心王曰甚麼處得心來師曰豈有無心者王曰那邊事作麼生師曰請向那邊問王曰大師謾別人即得

廣嚴咸澤禪師長慶稜法嗣

杭州靈隱山廣嚴院咸澤禪師初參保福保福問汝名甚麼師曰咸澤保福曰忽遇枯涸者如何師曰誰是枯涸者保福曰我是師曰和尚莫謾人好保福曰却是汝謾我

新羅龜山和尚長慶稜法嗣

新羅國龜山和尚有人舉裴相國啓建法會問僧看甚麼經曰無言童子經公曰有幾卷曰兩卷公曰既是無言爲甚麼却有兩卷僧無對師代曰若論無言非唯兩卷

太傅王延彬居士長慶稜法嗣

太傅王延彬居士一日入招慶佛殿指鉢孟問殿主這箇是甚麼鉢殿主曰藥師鉢公曰祇聞有降龍鉢殿主曰待有龍即降公曰忽遇拏雲驤浪來時作麼

生殿主曰他亦不顧公曰話墮也玄沙僧云盡你神力走向甚麼處去

保福展云歸依佛法僧百丈恒作覆鉢勢雲門偈云他日生天莫負老僧一滴山結云殿主只知曉前不知顧後太尉神威既退殿主鉢孟猶覆大渴當時若見他道華雲饌來時如何托起鉢孟道盡汝神力直饒八大龍王來○長慶謂太傅曰雪峰豎拂子示也只得振威尼迦

僧其僧便出去若據此僧合喚轉痛與一頓公曰是甚麼心行長慶曰泊合放過○公到招慶煎茶朗上座與明招把鉢忽翻茶鉢公問茶爐下是甚麼朗曰捧爐神公曰既是捧爐神爲甚麼翻却茶朗曰事官千日失在一朝公拂袖便出明招曰朗上座喫却招慶飯了却向外邊打野糲朗曰上座作麼生招慶曰非人得其便雪竇顯云當時但踏倒茶爐湯山結云王太傅大似相如奪壁怒髮衝冠明招也是忍俊不禁難逢快便大渴若做朗上座當時見問但呵呵大笑何故見之不取千載難追

報恩道熙禪師保福展法嗣

漳州報恩院道熙禪師初與保福送書上泉州王太尉太尉問漳南和尚近日還爲人也無師曰若道爲人即屈著和尚若道不爲人又屈著太尉來問太尉曰道取一句太尉曰待鐵牛能醫草木馬解含煙師曰某甲惜口喫飯太尉良久又問驢來馬來師曰驢

馬不同途。太尉曰：爭得到這裏？師曰：特謝太尉領話。

招慶省燈禪師 保福展法嗣

泉州招慶院省燈淨修禪師初參保福。保福一日入大殿觀佛像，乃舉手問師曰：佛恁麼意？作麼生？師曰：和尚也是橫身保福。曰：一撇我自收取。師曰：和尚非唯橫身保福，然之。

天竺子儀禪師 鼓山晏法嗣

杭州天竺子儀。心印水月禪師溫州樂清陳氏子。初遊方謁鼓山，問曰：子儀三千里外遠投法席，今日非時上來乞師。非時答話。鼓山曰：不可鈍置仁者。師曰：省力處如何？鼓山曰：汝何費力？師於此有省。

白雲智作禪師 鼓山晏法嗣

建州白雲智作真寂禪師。永真朱氏子。禮鼓山披剃。一日鼓山上堂，召大眾。衆皆回眸。鼓山披襟示之。衆罔措。唯師朗悟厥旨，入室印證。又參次鼓山，召曰：近前來。師近前。鼓山曰：南泉喚院主，意作麼生？師斂手端容退身而立。鼓山莞然奇之。

鼓山智岳禪師 鼓山晏法嗣

福州鼓山智岳了宗禪師。本郡人也。初遊方至鄂州黃龍，問久嚮黃龍及手到來，祇見赤斑蛇。黃龍曰：汝祇見赤斑蛇，且不識黃龍？師曰：如何是黃龍？黃龍曰：沼沼地。師曰：忽遇金翅鳥來，又作麼生？黃龍曰：性命難存。師曰：恁麼則被他吞却去也？黃龍曰：謝闍黎供養，師便禮拜。

報國照禪師 龍華照法嗣

福州報國院照禪師。佛塔被雷霹，有問祖佛塔廟爲甚麼却被雷霹？師曰：通天作用。曰：既是通天作用，爲甚麼却霹佛師？曰：作用何處見有佛？曰：爭奈狼籍何？師曰：見甚麼？
徑山信云：不霹佛祖，更教伊霹阿那箇。靈頌云：煮地青天霹，塵來萬萬粉碎塔。門開家私未許庸人。騰佛塔沉沉空劫灰。

資福智遠禪師 鏡清愆法嗣

福州資福院智遠禪師。福州人也。參鏡清問：如何是諸佛出身處？鏡清曰：大家要知。師曰：如斯則衆眼難瞞去也。鏡清曰：理能縛豹，師因此發悟玄旨。

烏巨儀晏禪師 鏡清愆法嗣

衢州烏巨山儀晏。開明禪師吳興許氏子。光啓中隨

父鎮信安強爲娶師不願遂遊歷諸方機契鏡清歸省父母乃於郭南剏別舍以遂師志舍旁陳司徒廟有凜禪師像師往瞻禮失師所之後郡守展祀祠下見師入定于廟後叢竹間蟻蠹其衣敗棄沒胙或者云是許鎮將之子也自此三昧或出或入子湖訥禪師未知師所造淺深問曰子所住定蓋小乘定耳時方啜茶師呈起彙曰是大是小訥駭然尋謁枯蒼唐山德嚴禪師嚴問汝何姓曰姓許嚴曰誰許汝曰不別嚴默識之遂與剏染管令摘桃決旬不歸往尋見師攀桃倚石泊然在定嚴鳴指出之開運中遊江郎巖觀石龕謂弟子慧與曰予入定此中汝當壘石塞門勿以吾爲念慧與如所戒明年慧與意師長往啓龕視師素髮被肩胸臆尙暖徐自定起了無異容復回烏巨侍郎慎公鎮信安覩師之道命義學僧守榮詰其定相師不與之辯榮意輕之時信安人競圖師像而尊事皆獲舍利榮因媿服禮像謝懋亦獲舍利歎曰此後不敢以淺解測度矣錢忠懿王感師見夢遣使圖像至適王患目疾展像作禮如夢所見隨雨

舍利目疾頓廖因錫號開明端拱初太宗聞師定力詔本州加禮津發赴闕師力辭僧再至諭旨特令肩輿入對便殿命坐賜茗咨問禪定奏對簡盡深契上旨

瑞峯志端禪師

安國珎法嗣

福州林陽瑞峰院志端禪師本州人也初參安國見僧問如何是萬象之中獨露身安國舉一指其僧不薦師於是冥契玄旨乃入室白曰適來見那僧問話志端有箇省處安國曰汝見甚麼道理師亦舉一指曰這箇是甚麼安國然之師禮謝

保福清豁禪師

睡龍湫法嗣

漳州保福院清豁禪師福州人也謁大章山如庵主語具如後參睡龍睡龍問曰豁闍黎見何尊宿來還庵主韋悟也未曰清豁嘗訪大章得箇信處睡龍於是上堂集衆召曰豁闍黎出來對衆燒香說悟處老僧與汝證明師出衆乃拈香曰香已拈了悟卽不悟睡龍大悅而許之

南嶽下八世

嘉州黑水和尙黃龍機法嗣

嘉州黑水和尙初參黃龍便問雪覆蘆花時如何黃龍曰猛烈師曰不猛烈黃龍又曰猛烈師又曰不猛烈黃龍便打師於此有省即便禮拜

呂巖真人黃龍機法嗣

呂巖真人字洞賓京川人也唐末三舉不第偶於長安酒肆遇鍾離權授以延命術自爾人莫之究嘗遊廬山歸宗書鍾樓壁曰一日清閑自在身六神和合報平安丹田有寶休尋道對境無心莫問禪未幾道經黃龍山觀紫雲成蓋疑有異人乃入謁值黃龍擊鼓陞堂黃龍見意必呂公也欲誘而進厲聲曰座傍有竊法者呂毅然出問一粒粟中藏世界半升鐘內養山川且道此意如何黃龍指曰這守屍鬼呂曰爭奈囊有長生不死藥黃龍曰饒經八萬劫終是落空亡呂薄訝飛劍脅之劍不能入遂再拜求指歸黃龍詰曰半升鐘內養山川即不問如何是一粒粟中藏世界呂於言下頓契作偈曰棄却瓢囊擲碎琴如今不戀承中金自從一見黃龍後始覺從前錯用心黃

龍囑令加護

清谿洪進禪師羅漢琛法嗣

襄州清谿山洪進禪師在地藏時居第一座一日地藏上堂二僧出禮拜地藏曰俱錯二僧無語下堂請益修山主修曰汝自巍巍堂堂却禮拜擬問他人豈不是錯師聞之不肯修乃問未審上座又作麼生師曰汝自迷暗焉可爲人修憤然上方丈請益地藏指廊下曰典座入庫頭去也修乃省過○又一日師問修山主曰明知生是不生之理爲甚麼爲生死之所流修曰箇畢竟成竹去如今作麼使還得麼師曰汝向後自悟去在修曰某所見祇如此上座意旨又如何師指曰這箇是監院房那箇是典座房修即禮謝

清涼休復禪師羅漢琛法嗣

昇州清涼院休復悟空禪師北海王氏子參尋宗匠依地藏經年不契直得成病入涅槃堂一夜地藏去看乃問復上座安麼師曰某甲爲和尙因緣背地藏指燈籠曰見麼師曰見地藏曰祇這箇也不背師於言下有省後修山主問訊地藏乃曰某甲百劫千

生曾與和尚違背來。此者又值和尚不安地藏遂豎起拄杖曰。祇這箇也不背師。忽然契悟。○問忠座主講甚麼經。曰法華經。師曰。若有說法華經處。我現寶塔當爲證明。大德講甚麼人證明。忠無對。清涼欽代云謝和尚明證

龍濟紹修禪師羅漢琛法嗣

撫州龍濟紹修禪師。初與法眼同參。地藏所得謂曰。臻極。暨同辭至建陽途中。譚次。法眼忽問。古人道萬象之中。獨露身是撥萬象。不撥萬象。師曰。不撥法眼曰。說甚麼。撥不撥。師懵然不知。却回地藏。地藏問。子去未久。何以却來。師曰。有事未決。豈憚跋涉山川。地藏曰。汝跋涉許多山川。也還不惡。師未喻旨。乃問。古人道萬象之中。獨露身。意旨如何。地藏曰。汝道古人撥萬象。不撥萬象。師曰。不撥地藏曰。兩箇也。師駭然沈思。而却問。未審古人撥萬象。不撥萬象。地藏曰。汝喚甚麼作萬象。師方省悟。再辭地藏。觀于法眼。法眼語意與地藏開示前後如一。○師後居龍濟山上堂。具足凡夫法。凡夫不知具足聖人法。聖人不會聖人

若會。卽是凡夫。凡夫若知。卽是聖人。此兩語一理二義。若人辨得。不妨於佛法中有箇入處。若辨不得。莫道不疑好珍重。黃龍清云。修山主只知布網張羅。不覺自遭籠罩。要得出身。此亦有一理。二義。若人辨得。永墮阿鼻。經山泉云。點鐵化爲金玉。易勸人除却是非。難淨慈云。直饒有箇入路。要作什麼。凡夫則是凡夫。聖人則是聖人。且道凡聖兩亡一句。作麼生道。開持經卷。倚松立笑。問客從何處來。楚石琦云。脩山主熟處難忘。也是胡地冬抽笋。天奇瑞云。若然有箇入處。莫道十方衲子。管取山主未出聖凡。更要利益諸人。特引諸人入生陷地獄。更說什麼知與不知。會與不會。雖然爲衆竭力。爭奈禍出私門。直乃錐破封文。免得鑽龜打瓦。○問僧甚麼處來。曰翠巖。師曰。翠巖有何言句。示徒曰。尋常道出門逢彌勒。入門見釋迦。師曰。與麼道。又爭得曰。和尚又如何。師曰。出門逢河誰入門。見甚麼僧於言下有省。

酒仙遇賢禪師龍華球法嗣

酒仙遇賢禪師。姑蘇長洲林氏子。貌偉怪。口容雙拳。七歲嘗沈大淵。而衣不潤。往參龍華。發明心印。回居明覺院。唯事飲酒。醉則成歌。蹟警道俗。因號酒仙。偈曰。綠水紅桃華前街後巷。走百餘遭。張三也識我。李四也識我。我識我不識我。兩箇拳頭。那箇大兩箇之中。一箇大曾把虛空一敲。破摩訶令教却恁麼拈取。須

彌枕頭臥楊子江頭浪最深行人到此盡沈吟他時
若到無波處還似有波時用心金聲又聞泛玉山還
報顏莫教更漏促趁取月明回貴買朱砂畫月算來
枉用工夫醉臥綠楊陰下起來強說真如泥人再三
叮囑莫教失却衣珠一六二六其事已足一九二九
我要喫酒長伸兩脚眠一寤起來天地還依舊門前
綠樹無啼鳥庭下蒼苔有落花聊與東風論箇事十
分春色屬誰家秋至山寒水冷春來柳綠花紅一點
動隨萬變江村煙雨濛濛有不有空不空策籬撈取
西北風生在閭浮世界人情幾多愛惡祇要喫些酒
子所以倒街臥路死後却產娑婆不願超生淨土何
以故西方淨土且無酒沽

南嶽下九世

圓通緣德禪師

清溪進
法嗣

廬山圓通緣德禪師臨安黃氏子徧遊諸方江南國
主於廬山建院請師開法○大將軍曹翰部曲渡江
入寺禪者驚走師淡坐如平日翰至不起不揖翰怒
訶曰長老不問殺人不眨眼將軍乎師熟視曰汝安

知有不懼生死和尚邪翰大奇敬敬而已曰禪者何
爲而散師曰擊鼓自集翰遣裨校擊之禪無至者翰
曰不至何也師曰公有殺心故爾師自起擊之禪者
乃集

教外別傳卷七

教外別傳卷八臨濟宗

南嶽下四世

臨濟義立禪師

黃栗運
法嗣

鎮州臨濟義立禪師曹州南華邢氏子幼負出塵之
志及落髮進具便慕禪宗初在黃栗會中行業純一
時睦州爲第一座乃問上座在此多少時師曰三年
睦州曰曾參問否師曰不曾參問不知問箇甚麼睦
州曰何不問堂頭和尚如何是佛法的大意師便
去問聲未絕黃栗便打師下來睦州曰問話作麼生
師曰某甲問聲未絕和尚便打某甲不會睦州曰但

更去問師。又問黃檗。又打如是三度。問三度被打。師白睦州曰。早承激勸。問法累蒙和尚賜棒。自恨障緣不領深旨。今且辭去。睦州曰。汝若去。須辭和尚了去。師禮拜退。睦州先到黃檗處。曰。問話上座。雖是後生。却甚奇特。若來辭。方便接伊。已後爲一株大樹。覆蔭天下人去。在師來。曰。辭黃檗。黃檗曰。不須他去。祇往高安灘頭參大愚。必爲汝說。師到大愚。大愚曰。甚處來。師曰。黃檗來。大愚曰。黃檗有何言句。師曰。某甲三度問佛法的大意。三度被打。不知某甲有過無過。大愚曰。黃檗與麼老婆心切。爲汝得徹困。更來這裏問有過無過。師於言下大悟。乃曰。元來黃檗佛法無多子。大愚攔住曰。這尿牀鬼子。適來道有過無過。如今却道黃檗佛法無多子。你見箇甚麼道理。速道。速道。師於大愚肋下第三拳。大愚拓開曰。汝師黃檗非干我事。師辭大愚。却回黃檗。黃檗見便問。這漢來來去去。有甚了期。師曰。祇爲老婆心切。便人事了侍立。黃檗問甚處去來。師曰。昨蒙和尚慈旨。令參大愚去。來黃檗曰。大愚有何言句。師舉前話。黃檗曰。大愚老

●開闢

漢饒舌待來痛與一頓。師曰。說甚待來。即今便打。隨後便掌。黃檗曰。這風顛漢來。這裏捋虎鬚。師便喝。黃檗喚侍者曰。引這風顛漢參堂去。漢山祐舉問仰山。臨濟當時得大愚力得黃檗力。仰山云。非但騎虎頭。亦解把虎尾。白雲端頌云。一拳拳倒黃鶴樓。一躍躍翻鷗鷺洲。有意氣時添意氣。不風流處也風流。保寧勇頌云。雷電喧轟海岳昏。一家愁閉兩中門。狂風忽起烏雲散。白日滿天星斗。○黃檗一日普請次。師隨後行。黃檗回頭見師空手。乃問。鑊在何處。師曰。有一人將去了也。黃檗曰。近前來。共汝商量箇事。師便近前。黃檗豎起鑊曰。祇這箇天下人拈掇不起。師就手掇得。豎起曰。爲甚麼却在某甲手裏。黃檗曰。今日自有人普請便回寺。仰山侍漢山次。漢山舉此話未了。仰山便問。鑊在黃檗手裏爲甚麼却被臨濟奪却。漢山云。賊是小人。智過君子。○師普請鋤地。次見黃檗來。拄鑊而立。黃檗曰。這漢困那。師曰。鑊也。承舉困箇甚麼。黃檗便打師。接住棒一送。送倒黃檗。呼維那扶起。我來維那扶起。曰。和尚爭容得這風顛漢無禮。黃檗纔起。便打維那。師鑊地曰。諸方火墜。我這裏活埋。漢山問仰山。黃檗打維那意作麼生。仰山云。正賊走却。還賊人喫棒。真淨文頌云。奪旗掣鼓着精神。父子雖親法不親。爲報四方禪客道。等閒莫作守株人。月堂昌頌云。黃檗活作死。臨濟死作活。用維那聽事。不具未免喚鐘作甕。○師一日在僧堂

裏睡黃檗入堂見以拄杖打板頭一下師舉首見是黃檗却又睡黃檗又打板頭一下却往上間見首座坐禪乃曰下間後生却坐禪汝在這裏妄想作麼首座曰這老漢作甚麼黃檗又打板頭一下便出去山
舉問仰山祇如黃檗意作麼生仰山云兩彩一裘 ○師栽松次黃檗曰深山裏栽許多松作甚麼師曰一與山門作境致二與後人作標榜道了將鑊頭壓地三下黃檗曰雖然如是子已喫吾三十棒了也師又壓地三下噓一噓黃檗曰吾宗到汝大興於世山
云有祇是年代深遠不欲舉似和尚 仰山云雖然如是吾亦要知汝但舉看仰山云一人指南吳越令行遇大風即止山
是臨危不變方稱丈夫 黃檗云吾宗到汝大興於世也是憐兒不覺醜天童華云黃檗道雖然如是子已喫吾三十棒了也 養子之緣故當如是臨濟正令雖行可惜甘自向饒頭邊活埋仰山見解未出常流豈止遇大風則止當時何不道直待虛空界盡此話方始大行豈不頭正尾正應庵今日將下面皮要與諸人相見去也蕭拈拄杖卓一下云 嘉羣須是英雄漢敵勝還他師子兒 ○黃檗因入厨下問飯頭作甚麼飯頭曰揀衆僧飯米黃檗曰一頓喫多少飯頭曰二石五黃檗曰莫大多麼飯頭曰猶恐少在黃檗便打飯頭舉似師師曰我與汝勘這老漢纔到侍立黃檗舉前話師曰飯

頭不會請和尚代一轉語黃檗曰汝但舉師曰莫太多麼黃檗曰來日更喫一頓師曰說甚麼來日即今便喫隨後打一掌黃檗曰這風顛漢又來這裏捋虎鬚師喝一喝便出去山
云養子方知父慈仰山云不然 黃檗云云 ○師半夏上子又作麼生仰山云大似勾賊破家山
黃檗山見黃檗看經師曰我將謂是箇人元來是噉黑豆老和尚住數日乃辭黃檗曰汝破夏來何不終夏去師曰某甲暫來禮拜和尚黃檗便打趁令去師行數里疑此事却回終夏後又辭黃檗黃檗曰甚處去師曰不是河南便歸河北黃檗便打師約住與一掌黃檗大笑乃喚侍者將百丈先師禪板几案來師曰侍者將火來黃檗曰不然子但將去已後坐斷天下人舌頭去在山
仰山云云知恩方解報恩 仰山云云從上莫有報恩事不仰山云有只是年代深遠不欲舉似山
但舉看仰山云云如佛恩會上阿難讚佛云將此深心奉塵刹是則名爲報佛恩豈不是報恩之事 黃檗云云如是如是見過於師方堪傳受 ○到達磨塔頂塔主問先禮佛先禮祖師曰祖佛俱不禮塔主曰祖佛與長老有甚冤家師拂袖使出 ○師爲黃檗馳書至潯山與仰

山語次仰山曰汝向後北去有箇住處師曰豈有與麼事仰山曰但去已後有一人佐輔汝此人祇是有頭無尾有始無終懸記○師後住鎮州臨濟學侶雲

集一日謂普化克符二上座曰我欲於此建立黃檗

宗旨汝且成禪我二人珍重下去三日後普化却上

來問和尚三日前說甚麼師便打三日後克符上來

問和尚前日打普化作甚麼師亦打長蘆仁云普化

臨濟老人放過不可若是且庵一生擔板無○至晚

小參曰有時奪人不奪境有時奪境不奪人有時人

境兩俱奪有時人境俱不奪問答語具克符章中

時奪境錯有時人境兩俱奪錯有時人境俱不奪錯臨濟大師到這裏鎖却咽喉了也真有爲伊出氣者麼切

忌將錯就錯○同普化赴施主齋次師問毛吞巨海芥納

須彌爲復是神通妙用爲復是法爾如然普化趺倒

飯牀師曰太麤生曰這裏是甚麼所在說麤說細次

日又同赴齋師復問今日供養何似昨日普化又趺

倒飯牀師曰得即得太麤生普化喝曰瞎漢佛法說

甚麼麤細師乃吐舌雪竇顯云兩箇老賊喫飯也不

是正賊昭覺勸云精金不百煉爭見光輝至寶不酬了好與三十棒棒雖行且那箇

抗他臨濟所謂如水入水如金博金雖然如是放過則彼此作家點檢則二俱失利具擇法眼者試請辨看南堂靜云二尊宿如二龍爭珠拳雲擾霧不動波瀾如二虎爭餐活捉生擒不傷物命或有人問毛吞巨海芥納須彌爲復神通妙用爲復法爾如然只向道不見先師發云一掌拳倒黃鶴樓一踢踢翻鸛鷀洲有意氣時添意氣不風流處也風流南華島云臨濟觀面提撕普化全機酬酢直得南山隨鼻吞却東海鯉魚陝府鐵牛觸倒嘉州大像爲甚如此相逢不下馬各自奔前程天童華云一出沒一往一來猛虎口裏奪餐毒蛇頭上揩痒要且未稱大丈夫事二老名喧宇宙價重當時山僧豈可謹密三寸二俱放過爲他弄假像真二俱不放過爲他搥搥太甚是汝諸人若○僧問如何是真佛真法真道乞師開示師曰佛者心清淨是法者心光明是道者處處無礙淨光是三即一皆是空名而無實有如真正作道人念念心不間斷自達磨大師從西土來祇是覓箇不受人惑底人後遇二祖一言便了始知從前虛用工夫山僧今日見處與祖佛不別若第一句中薦得堪與祖佛爲師若第二句中薦得堪與人天爲師若第三句中薦得自救不了僧便問如何是第一句師曰三要印開朱點窄未容擬議主賓分曰如何是第二句師曰妙解豈容無著問溫和平負截流機曰如何是第三句師曰但看棚頭弄傀儡抽牽全藉裏頭人乃曰大凡演唱宗乘一句

中須具三玄門一玄門須具二要有權有實有照有
用汝等諸人作麼生會○師謂僧曰有時一喝如金
剛王寶劍有時一喝如踞地師子有時一喝如探竿
影草有時一喝不作一喝用汝作麼生會僧擬議師
便喝○示衆參學之人大須子細如賓主相見便有
言論往來或應物現形或全體作用或把機權喜怒
或現半身或乘師子或乘象王如有真正學人便喝
先拈出一箇膠盆子善知識不辨是境便上他境上
作模樣樣便被學人又喝前人不肯放下此是膏肓
之病不堪醫治喚作賓看主或是善知識不拈出物
祇隨學人問處即奪學人被奪抵死不肯放此是主
看賓或有學人應一箇清淨境出善知識前知識辨
得是境把得拋向坑裏學人言大好善知識知識即
云咄哉不識好惡學人便禮拜此喚作主看主或有
學人披枷帶鎖出善知識前知識更與安一重枷鎖
學人歡喜彼此不辨喚作賓看賓大德山僧所舉皆
是辨魔揀異知其邪正○師問洛浦從上來一人行
棒一人行喝阿那箇親曰總不親師曰親處作麼生

洛浦便喝師乃打○上堂有一人論劫在途中不離
家舍有一人離家舍不在途中那箇合受人天供養
徑山杲云賊身已露 雲巖游云識取鉤頭意莫
認定盤星 楚石琦云天共白雲曉水和明月流 ○
師問院主甚處去來曰州中糶黃米來師曰糶得盡
麼院主曰糶得盡師以拄杖畫一畫曰還糶得這箇
麼院主便喝師便打典座主師舉前話典座曰院主
不會和尚意師曰你又作麼生典座禮拜師亦打黃龍
南云寺主下喝不可放過典座禮拜放過不可臨濟令
行歸宗放過三十年後有人說破 黃龍新云典座禮
拜有過無功寺主一喝有功無過既是有功爲甚麼却
被打棒頭有眼明如日要識真金火裏看 徑山杲頌
云一堆紅綻亘晴空不問金銀鍍錫同入裏盡教成水
去那容蚊蚋泊其中 天童華云二尊宿雖則力提綱
要檢點將來未免依草附木殊不知大小臨濟 ○上
被這兩箇漢破家散宅還會麼殺人刀活人劍 ○上
堂一人在孤峰頂上無出身路一人在十字街頭亦
無向背且道那箇在前那箇在後不作維摩詰不作
傳大士珍重○有一老宿參便問禮拜即是不禮拜
即是師便喝老宿便拜師曰好箇草賊老宿曰賊賊
便出去師曰莫道無事好時首座侍立師曰還有過
也無首座曰有師曰賓家有過主家有過曰二俱有
過師曰過在甚麼處首座便出去師曰莫道無事好

南泉願聞云官馬相踏保率勇云這一羣賊其中有正賊有草賊那箇是正賊那箇是草賊還辨得麼口款易招賊物難認護國元云這僧身挨白刃臨濟劍不虛施首座不善傍觀惹得一身泥水雖然如是且道前頭無事與後頭無事相較幾何於此細素分明不但穿却臨濟鼻孔亦許你眼光燦破四天下其或未然莫道無好

○師到京行化至一家門首曰家常添鉢有婆曰太無厭生師曰飯也未嘗得何言太無厭生婆便

閉却門○師陞堂有僧出師便喝僧亦喝便禮拜師

便打翠巖芝云臨濟也心裏好彩賴是這僧若是今時和尚且作麼生出得東禪觀云臨濟除是不作作則高致怒號這○趙州游方到院在後架洗

僧搏扶搖而上九萬里

脚次師便問如何是祖師西來意趙州曰恰遇山僧

洗脚師近前作聽勢趙州曰會即便會啗啄作什麼

師便歸方丈趙州曰三十年行脚今日錯爲人下註

脚一作趙州行脚時參師遇師洗脚次趙州問如何是祖師西來意師云恰值老僧洗脚趙州近前作聽勢師云更要第二杓惡水澆在趙州便下去法雲秀云衆中商量道趙州不識臨濟作賊却爲他下箇註脚

臨濟當時作聽勢何不劈耳便掌若恁麼商量何曾夢見趙州識得臨濟殊不知兩箇盡是老賊須知一箇好

手敢問諸人那箇是好手具眼者採取教忠光云臨濟有驗人眼趙州又飽叢林等閑略露風規自然頭正

尾正還會麼若不得（問僧甚處來曰定州來師拈

棒僧擬議師便打僧不肯師曰已後遇明眼人去在

僧後參三聖纔舉前話三聖便打僧擬議三聖又打

天童華云臨濟三聖當時若有轉身句後代兒孫未至掃土薦拈拄杖更有一箇甚處去卓拄杖一下○

師應機多用喝當下參徒亦學師喝師曰汝等總學

我喝我今問汝有一人從東堂出一人從西堂出兩

人齊喝一聲這裏分得賓主麼汝且作麼生分若分

不得已後不得學老僧喝○示衆我有時先照後用

有時先用後照有時照用同時有時照用不同時先

照後用有人在先用後照有法在照用同時駢耕夫

之牛奪饑人之食敲骨取髓痛下針錐照用不同時

有問有答立賓立主合水和泥應機接物若是過量

人向未舉已前掣起便行猶較些子汾陽昭云先照後用且共汝商

量先用後照汝也是箇人始得照用同時汝作麼生當

抵照用不同時汝作麼生湊泊瑯琊覺云先照後用

露師子之爪牙先用後照縱象王之威猛照用同時如

龍得水致雨騰雲照用不同時提獎要兒俯仰赤子此

是古人建立法門爲合如是不合如是若合如是紀信

乘九龍之輦不合如是頃羽失千里之離還有爲瑯琊

出氣底麼如無山僧自道去也卓拄杖下座慈明圓

云有時先照後用有時先用後照有時照用同時有時

照用不同時所以道有明有暗有起有倒乃喝一喝云

且道是照是用還有細素得出底麼若有試出來呈醜

拙看若無山僧今日失利徑山杲云也先照後用

則瞎一切人眼若也先用後照則開一切人眼若也照

用同時則半瞎半開若也照用不同時則全瞎此

四則語有一則有實無主有一則有主無實有一則實

主俱無有一則全具實主即今衆中或有箇不愛人瞎

底漢來道這裏是甚麼所在說有說無說虛說實說照

說用說主說實攔臂擲住拽下禪牀痛椎一頓也恠伊不得○師行脚時到龍光

值上堂師出問不展鋒鈍如何得勝龍光據坐師曰

大善知識豈無方便龍光瞪目曰嗔師以手指曰這

老漢今日敗缺也徑山杲云可惜龍光放過這漢雖然如是也須取取臨濟老漢始得

○次到三峰平和尙處平問甚處來師曰黃檗來平

曰黃檗有何言句師曰金牛昨夜遭塗炭直至如今

不見蹤平曰金風吹玉管那箇是知音師曰直透萬

重關不住青霄內平曰子這一問太高生師曰龍生

金鳳子衝破碧琉璃平曰且坐喫茶又問近離甚處

師曰龍光平曰龍光近日如何師便出去○又往鳳

林路逢一婆子婆問甚處去師曰鳳林去婆曰恰值

鳳林不在師曰甚處去婆便行師召婆婆回首師便

行一作師曰到鳳林鳳林曰有事相借問得麼師曰

何得剗肉作瘡鳳林曰海月澄無影游魚獨自迷師

曰海月既無影游魚何得迷鳳林曰觀風知浪起旣

水野帆飄師曰孤蟾獨耀江山靜長嘯一聲天地秋

鳳林曰任張三寸揮天地一句臨機試道看師曰路

逢劍客須呈劍不是詩人不獻詩鳳林便休師乃有

頌曰大道絕同任向西東石火莫及電光閃通滿山

仰山石火莫及電光閃通從上諸聖以何爲人仰山云

和尚意作麼生滿山云但有言說都無實義仰山云不

然滿山云子又作麼生仰山云官不容針私通車馬

○師侍德山次德山曰今日困師曰這老漢寐語作麼德山便打師掀倒禪牀

雪竇顯云二員作者具啐啄同時眼有啐啄同時用雪

竇擬向飢鷹爪下奪肉餓虎口裏爭餐放謂德山臨濟

俱是瞎漢有人辯得天下橫行雲峯悅云奇在諸德

看此二員作家一撥一搖略露風規大似把手上高山

雖然如是未免傍觀者哂且道誰是傍觀者喝一喝下

座徑山杲云雲峯與麼批判大似普州人徑山若見

縛作一束送在河裏不見道蚌鵲相持俱落漁人之手

西堂顯云然則德山門下草偃風行爭奈臨濟當機

不讓雖然如是未出葛藤窠裏護國元云奇在諸禪

德二老漢忒煞傍若無人當時真如若見每人與二十

棒且道利害在什麼處有人明得許汝親見臨濟德山

要見真如亦未可何故鶴有九臯難羈翼馬無千里護

追風楚石琦云衆中道德山臨濟好手中呈好手

紅心心裡中紅心殊不知用盡自己心笑破他人口

○麻谷問十二面觀音那箇是正面師下禪牀擒住

曰十二面觀音甚處去也速道速道麻谷轉身擬坐

師便打麻谷接住棒相捉歸方丈○師問一尼善來

惡來尼便喝師拈棒曰更道更道尼又喝師便打○

師一日拈餅餅示洛浦曰萬種千般不離這箇其理

不二洛浦曰如何是不二之理師再拈起餅示之洛

浦曰與麼則萬種千般也師曰屙屎見解洛浦曰羅

公照鏡渴山結云臨濟便風帆掛洛浦鼓棹揚波然雖如是臨濟門下則得渴山門下不得○

師見僧來舉起拂子僧禮拜師便打又有僧來師亦

舉拂子僧不顧師亦打又有僧來參師舉拂子僧曰

謝和尚指示師亦打雲門偈代云祇宜老漢大覺

徑山杲頌云五月五日午時書赤口毒舌盡消除更饒急急如律令不須門上畫蜘蛛○麻谷

問大悲千手眼那箇是正眼師擗住曰大悲千手眼作麼生是正眼速道速道麻谷拽師下禪牀却坐師

問訊曰不審麻谷擬議師便喝拽麻谷下禪牀却坐

麻谷便出因聖頌云諸德此二尊宿如此且道怎生今時人總道照用照什麼枕一切人只解

自騎馬去捉賊自持刀去殺賊此二人便能奪賊馬捉賊奪賊刀殺賊雖然如是臨濟雖是得便宜却是失便宜○上堂僧問如何是佛法大意師豎起拂子僧便

喝師便打又僧問如何是佛法大意師亦豎拂子僧

便喝師亦喝僧擬議師便打乃曰大衆夫爲法者不

避喪身失命我於黃檗先師處三度問佛法的大

意三度被打如蒿枝拂相似如今更思一頓誰爲下

手時有僧出曰某甲下手師度與拄杖僧擬接師便

打雪竇頌云臨濟放去較危收來太速五祖戒云臨濟大似貧兒思舊債雪竇宗云且道臨濟今日用

底棒與當時喫底棒是同是別若道同孤負他黃檗若道別屈他臨濟若也盡其機來且道在阿誰分上乃拈

拄杖云退後退後天童華云臨濟在黃檗處三度喫棒底意旨諸人還覩得透也未直饒一喫便斷也未

大丈夫漢三世諸佛口挂壁上天下老和尚將什麼喫飯靈隱嶽舉雪竇語了拈拄杖云臨濟據令而行不

知孤負黃檗雪竇盡力撐板也只見一邊且道臨濟文在甚處擗下拄杖千巖長云二尊宿一人雙雙耳

朵一人瞎隻眼睛不惟孤負臨濟亦乃喪我兒孫無明

今日路見不平且要與渠雪屈良久云不得動着動着打折你驢腰天奇瑞云臨濟鉤頭着餌爲釣錦鱗這

僧不識騰腰自取喪身若是作家擒縱殺活一一現成須然他得便宜也是李廣陷番死中得活雪竇也是扶強不扶弱汝等諸人到這裏如何即是爲慈出從若

針度與人○師示衆曰有一無位真人常向汝等諸人面門出入未證據者看看時有僧出問如何是無

位真人師下繩牀擗住曰道道僧無語師拓開曰無

位真人是什麼乾屎橛雪竇存云臨濟大似白拈賊莫知既被雪峯覷破臨濟不是好手復召大衆雪竇今

日換却你諸人眼睛了也你若不信各歸寮舍自摸索看

身○師與王常侍到僧堂王問這一堂

僧還看經麼師曰不看經曰還習禪麼師曰不習禪

曰既不看經又不習禪畢竟作箇甚麼師曰總教伊

成佛作祖去曰金屑雖貴落眼成翳師曰我將謂你

是箇俗漢○師上堂次兩堂首座相見同時下喝廣

連云諸人且道還有賓主也無若道有賓主只是箇瞎漢若道無賓主亦是箇瞎漢不有不無萬里崖州若向

這裏道得也好與三十棒若道不得亦與三十棒納僧家到這裏作麼生出得山僧團積去良久云苦哉蝦蟇蚯蚓踴躍上三十三天撞着須彌山百雜僧問師還碎遂拈拄杖云一隊無孔鐵鎚速退速退

有賓主也無師曰賓主歷然師召衆曰要會臨濟賓

主句問取堂中二首座承天宗云臨濟此語走殺天下納僧我即不然當時見僧

學但云一對無孔鐵鎚昭覺勤云正勅既行諸侯避道大酒智云作麼生是賓主歷然底道理若也會得一雙孤鷹撲地高飛其或未然一對鴛鴦池中獨立○師後居大名府興化寺

東堂咸通八年丁亥四月十日將示滅說傳法偈曰

汾流不止問如何真照無邊說似他離相離名人不

稟吹毛用了急須磨復謂衆曰吾滅後不得滅却吾

正法眼藏三聖出曰爭敢滅却和尚正法眼藏師曰

已後有人問你向他道甚麼三聖使喝師曰誰知吾

正法眼藏向這瞎驢邊滅却言訖端坐而逝潯山秀云古者

忍死待來因何正法眼藏却向瞎驢邊滅臨濟行計速速三聖又却忽忽因斯父子情忌遂使後人失望若不得流水多應過別山

南嶽下五世臨濟下一世

興化存獎禪師臨濟玄法嗣

魏府興化存獎禪師在三聖會裏爲首座常曰我向南方行脚一遭拄杖頭不曾撥著一箇會佛法底人

三聖聞得問曰你具甚麼眼便恁麼道師便喝三聖曰須是你始得後大覺聞舉遂曰作麼生得風吹到大覺門裏來師後到大覺爲院主一日大覺喚院主我聞你道向南方行脚一遭拄杖頭不曾撥著一箇會佛法底你憑箇甚麼道理與麼道師便喝大覺便打師又喝大覺又打師來日從法堂過大覺召院主我直下疑你昨日這兩喝師又喝大覺又打師再喝大覺又打師曰某甲於三聖師兄處學得箇賓主句總被師兄折倒了也願與某甲箇安樂法門大覺曰這瞎漢來這裏納敗缺脫下衲衣痛打一頓師於言下薦得臨濟先師於黃檗處喫棒底道理師後開堂日拈香曰此一炷香本爲三聖師兄三聖於我太孤本爲大覺師兄大覺於我太賒不如供養臨濟先師○師有時喚僧僧應諾師曰點即到又喚一僧僧應諾師曰到即到不點○僧問四方八面來時如何師曰打中問底僧便禮拜師曰昨日赴箇村齋中途遇一陣卒風暴雨却向古廟裏避得過晦堂心頌云一不是二不成落花芳草半啼開庭雨歇夜初靜片月還從海上生徑山杲頌云古廟裏頭回避得紙錢堆裏暗嗟吁

開神野鬼都驚怕。只爲渠儂識梵書。天童華云。衆中商量道。向古廟裏避得過。是空劫已前自己。又道便是他安身立命處。殊不知。腰纏十萬貫。騎鶴上揚州。又云。我見燈明佛。本光瑞如此。

○示衆我

聞前廊下也。喝後架裏也。喝諸子。汝莫盲喝亂喝。直饒喝得與化向虛空裏。却撲下來一點氣也。無待我

蘇息起來。向汝道。未在何故。我未曾向紫羅帳裏撒

眞珠與汝。諸人去在。胡喝亂喝。作麼。

經山果頌云。對衆全提摩竭令。

豈是開開兩片皮。喝下瞎驢。
成隊走夢中。推倒五須彌。

○雲居住三峰庵時師

問權借一問。以爲影草。時如何。雲居無對。師曰。想和

尙答這話。不得不。不如禮拜了。退二十年後。雲居曰。如

今思量當時。不消道箇。何必後遣化主到師。應師問。

和尚住三峰庵時。老僧問伊。話對不得。如今道得也。

未化主舉前話。師曰。雲居二十年祇道得箇。何必與

化卽不然。爭知道箇不必。

三聖然云。雲居二十年道得底。猶較他與化半月程。

保寧勇云。明月照見夜行人。
經山果云。何必不必。

綿綿密密。觀面當機。有人續得末後句。許伊親見一尊

宿。○師謂克賓維那曰。汝不久爲唱導之師。克賓曰。

不入這保社。師曰。會了。不入。不會了。不入。曰。總不與

麼師便打。曰。克賓維那法戰不勝。罰錢五貫。設饋飯

一堂。次日師自白椎曰。克賓維那法戰不勝。不得喫。

飯卽便出院。

雪竇與云。克賓要承嗣。與化罰錢出院。且置却須索這一頓棒始得。且問諸人。

棒既喫了。作麼生。索。要斷不平之事。今夜與克賓

維那雪屈。以拄杖一時打散。雲居舜云。大治精金。應

無變色。其奈與化令行大嚴。不是克賓維那也。大難承

當若是。如今汎汎之徒。翻轉面皮。多少時也。經山果

云。雲居拗曲作直。妙喜道。要作臨濟。短絛兒孫。直須翻

轉面皮。始得。楚石琦云。克賓法戰不勝。與化據令而

行。稱提臨濟。宗風。揭示正法。眼藏棒頭出孝子。佛法無

人情。當時將謂茅長短。燒却元來地。不平。經山信云。

賊是小人。智過君子。與化脚眼被克賓掀起。半空過一

小劫。方得着地。克賓古佛。其心安如海。會麼。賣盡衣單。

終不赤膊。好則好矣。美則盡。○師在臨濟爲侍者。洛

美生鐵榔子。只不得飯喫。

浦來參臨濟。問甚處來。洛浦曰。變城來。臨濟曰。有事

相借問。得麼。洛浦曰。新戒不會。臨濟曰。打破大唐國

覓箇不會底人也。無參堂去。師隨後請問曰。適來新

到。是成他禪。不成禪。他臨濟曰。我誰管你。成禪不成

禪。師曰。和尚祇解將死雀就地彈。不解將一轉語蓋

覆却。臨濟曰。你又作麼生。師曰。請和尚作新到。臨濟

遂曰。新戒不會。師曰。却是老僧罪過。臨濟曰。你語藏

鋒。師擬議。臨濟便打。至晚臨濟又曰。我今日同新到

是將死雀就地彈。就窠子裏打。及至你出得語。又喝

起了。向青雲裏打。師曰。草賊大敗。臨濟便打。○示衆

曰。若是作家戰。將便請單刀直入。更莫如何。若有

旻德禪師出禮拜起便喝師亦喝旻德又喝師亦喝旻德禮拜歸衆師曰適來若是別人三十棒一棒也較不得何故爲他旻德會一喝不作一喝用首山念云看他

與化與麼用爲甚麼放得他過諸上座且道甚麼處是一喝不作一喝用前一喝後一喝且道那箇是實那箇

是主雖然如是亦須仔細便下座又云二俱有過二俱無過瑯琊覺云且道那一喝不作一喝用與化若無

後語疑殺天下人雖然如是曉者還稀昭覺勸云作

家相見須是怎麼機如掣電眼似流星原始要終決頭

接尾所謂羽毛相似言氣相合只如兩家互換相喝且

作麼生辨得一喝不作一喝用要承當臨濟正法眼藏

須明取二老宿意且道意作麼生百尺竿頭須進步紫

羅帳裏撒真珠致忠光云與化與旻德各出隻手要

發明臨濟正法眼藏殊不知臨濟一宗掃師見同

土而盡且道利害在什麼處具眼者辨取

參來纔上法堂師便喝僧亦喝師又喝僧亦喝師近

前拈棒僧又喝師曰你看這瞎漢猶作主在僧擬議

師直打下法堂侍者請問適來那僧有甚觸忤和尚

師曰他適來也有權也有實也有照也有用及乎我

將手向伊面前橫兩橫到這裏却去不得似這般瞎

漢不打更待何時昭覺勸云辨王庫刀振盪森嚴擊

其威可謂善驅耕夫之牛能奪饑人之食只如主賓互

換有照有用有權有實則且置處處是與化將手向伊

面前劃兩遭處若這裏洞明可以荷負臨濟正法眼藏

如或泥水未分未免瞎驢隨大隊天童華云與化門

牆千仞從來家法森嚴這僧暗透重關要看洞中春色

好則好未免二俱失利只如與化道我將手向伊面前

橫兩橫又作麼生天堂未就地獄先成育王光云高

提祖印獨耀寰中大啓洪爐烹凡煨聖非與化不能驗

同參非同參不能見與化直得主賓互換照用雙行且

道那裏是與化將手向伊面前橫兩橫處處這裏明得臨

濟一宗掃土而盡脫或未然卓拄杖一後唐莊宗

下金鑊價調曾百戰鐵鞭多力恨無營

車駕幸河北回至魏府行宮詔師問曰朕收中原獲

得一寶未曾有人酬價師曰請陛下寶看帝以兩手

舒幘頭脚師曰君王之寶誰敢酬價報慈遂徵云且

不肯莊宗若肯莊宗與化眼在甚麼處若不肯莊宗過

在甚麼處雪竇顯云至尊所得只可傍觀若非與化

作家往往高價酬却翠巖芝云與化當時下一首可

謂駱師如今作麼生斷雲峯悅云真不掩偽曲不藏

直有眼底辨取黃龍心云與化一期見機而作爭奈

埋沒伊一朝天子當時若但向道蚌蛤之珠收得也無

用處致伊向後別有生涯免得通相龍顏大悅賜紫

鉞置而今若有人問又作麼生酬價

衣師號師皆不受乃賜馬與師乘騎馬忽驚師墜傷

足師喚院主與我做箇木柅子院主做了將來師接

得遶院行問僧曰汝等還識老僧麼曰爭得不識和

尚師曰踉脚法師說得行不得又至法堂令維那聲

鐘集衆師曰還識老僧麼衆無對師擲下柅子端然

而逝

寶壽沼禪師臨濟立法嗣

鎮州寶壽沼禪師世第一因僧問訊次師曰百千諸聖

盡不出此方丈內。曰：祇如古人道大千沙界海中漚，未審此方丈向甚麼處著？師曰：千聖現在，曰：阿誰證明？師便擲下拂子，僧從西過東立，師便打。僧曰：若不久參焉？知端的。師曰：三十年後此話大行。昭覺勸云：丈裏布網張羅，這僧向鈎餌邊擎頭帶角，三度衝浪上來，三度被來籠罩，且道他得箇甚麼，還會麼？重賞之下必有勇夫。○趙州來師在禪牀背面而坐，趙州展坐具禮拜，師起入方丈。趙州收坐具而出。○胡釘鉸參師問：汝莫是胡釘鉸麼？曰：不敢。師曰：還釘得虚空麼？曰：請和尚打破。師便打。胡曰：和尚莫錯打某甲。師曰：向後有多口阿師與你點破。在胡後到趙州，舉前話。趙州曰：汝因甚麼被他打？胡曰：不知。過在甚麼處？趙州曰：祇這一縫，尚不奈何。胡於此有省。趙州曰：且釘這一縫。雪竇顯云：我要打這三箇漢，一打趙州不合，瞎却胡釘鉸眼；二打保壽不能塞斷趙州口；三打胡釘鉸不合，放過保壽，拈拄杖云：更有一箇大眾一時退，乃擊禪牀一下。馮山結云：這漢雖然省去，可惜趙州當時待他道某甲過在甚麼處，劈便棒，非但承他保壽威光，亦乃與叢林為龜為鑑。馮山果云：保壽大似無風起浪平地生堆，胡釘鉸食程太速，不覺墮坑落壑，若不遇趙州點破，爭得歸家穩坐？大眾且道：那裏是趙州點破處？要會麼？良久云：斬新日月特地乾坤。徑山杲云：直饒釘得這一縫，點檢將來亦非好手。可憐兩箇老禪翁，却對俗人說家醜。鼓山永云：保壽雖具打破虚空底鉗鎚，未免傷鋒犯手。胡公末後悟去，誰知眼尚瞎睡。

○西院來參問，踏倒化城來時如何？師曰：不斬死漢。西院曰：斬師便打。西院連道斬斬師，又隨聲打。師却回方丈曰：適來這僧將赤肉抵他乾棒，有甚死急。

三聖慧然禪師臨濟玄法嗣

鎮州三聖院慧然禪師，自臨濟受訣，遍歷叢林，至仰山。仰山問：汝名甚麼？師曰：慧寂。仰山曰：慧寂是我名。師曰：我名慧然。仰山大笑而已。雪竇顯頌云：雙收雙放，若為宗騎虎由來。要絕功笑罵，不知何處去；只應千古動悲風。昭覺勸云：這箇笑與巖頭笑不同，巖頭笑有毒藥，這箇笑千古萬古清風凜凜地，為甚麼雪竇末後却道：只應千古動悲風，也是死而不用的。一時與你註解了也，爭奈天下人喏喏不入，不知落處。經是山僧也不知落處，諸人還知麼？徑山杲云：兩箇藏身露影，漢殊不願旁觀者。○仰山因有官人相訪，仰山問官人：居何位？曰：推官。仰山豎起拂子曰：還推得這箇麼？官人無對。仰山令衆下語，皆不契。時師不安，在涅槃堂內將息。仰山令侍者去請下語。師曰：但道和尚今日有事。仰山又令侍者問：未審有甚麼事？師曰：再犯不容。○到香嚴香嚴問：甚處來？師曰：臨濟。香嚴曰：將得臨濟喝來麼？師以坐具薦口打。○又到德山，纔展坐具，德山曰：莫展炊巾，這裏無殘羹餽飯。師曰：縱有也無著處。德山便打。

師接住棒推向禪牀上。德山大笑。師哭蒼天。便下參堂。馮山行云。三聖撥草瞻風。有舒有卷。德山看凡驗聖。有放有收。德山笑去。即且置。三聖哭蒼天。便出。意作麼生。不食香餌。味可謂碧潭龍。雲巖游云。三聖便展坐具。作賊人心虛。德山云。不用展。炊巾尾巴露也。三聖云。設有向什麼處着口。是禍門。德山便打裂破。古今三聖接住棒。推德山向繩牀上。老鼠入牛角。更有一轉語。待無舌人思。堂中首座號踢天。秦問行脚高士。須得口却向汝道。本道公驗作麼生。是本道公驗。師曰。道甚麼。首座再問。師打一坐具曰。這漆桶前後觸忤多少賢良。首座擬人事。師便過第二座人事。○又到道吾道吾。預知以緋抹額。持神杖於門下立。師曰。小心祇候。道吾應喏。師參堂了。再上人事。道吾具威儀。方丈內坐。師纔近前。道吾曰。有事相借。問得麼。師曰。也是適來野狐精。便出去。○住後上堂。我逢人即出。出則不爲人便下座。興化樊云。我逢人則不出。出則便爲人。白雲端云。此二尊宿各有一處打得着。且道。那箇在前。那箇在後。還有人向這裏定當得麼。良久云。妙舞真誇回雪手。三臺須是大家催。保舉勇云。此二尊宿恁麼爲人。猶在半途。保舉今日路見不平。拈拄杖下座。大眾一時走散。擲下歸方丈。寶峯文云。這兩箇老古錐。竊得臨濟些子活計。各自分疆列界。氣衝宇宙。使明眼衲僧只得好笑。諸禪德且道。笑箇甚麼。還知落處麼。若知一任七顛八倒。若不知且向三聖與化萬藤裏咬嚼。五祖演云。大眾此二尊宿。一人文章浩渺。一人武藝全施。若道與化是文。亦不得。若道三聖是武。亦不得。若於此辨得出。許你通身是眼。若辨不出。你自相度。昭

覺動云。一人在孤峯頂上。土面灰頭。一人在十字街頭。斬釘截鐵。有頭有尾。同死同生。且道。出即不爲人底。是出即便爲人底。是萬古碧潭空界。月再三撈。撈始應知。徑山果云。真淨老人。大似欺誣。亡沒杲上座。即不然。豁開三要。三玄路坐斷。須彌第一峯。且道在三聖分上。耶在與化分上。耶具眼者。辨取。天童傑舉白雲端語。了云。大眾白雲端和尚。錯下名言。殊不知二尊宿前不構村後不迭店。直至如今。翻成話柄。何故。字經三寫。焉成馬。靈隱嶽云。二老漢滅却臨濟正法眼。却向長安路上。把手共行。直至如今。逢相錯。置且如何。是共行一句。掣開金殿鎖。撞動玉樓鐘。楚石琦云。三聖與化明眼宗師。因什麼活計。本同生涯。迥異但有路可上。更高人也行。金粟悟云。古今拈提未有。出他圈。積金粟路見不平。每人與二十棒。更與二十棒。待打箇人。○僧問。如何是祖師西來意。師曰。臭肉來。蠅。興化樊云。蠅上之。○問。僧近離甚處。僧便喝。師亦喝。僧又喝。師又喝。僧曰。行棒。即瞎便喝。師拈棒。僧乃轉身作受棒勢。師曰。下坡不走。快便難逢。便棒。僧曰。這賊便出去。師遂拋下棒。次有僧問。適來爭容得這僧。師曰。是伊見先師來。魏府大覺和尚。臨濟玄法嗣。

魏府大覺和尚參臨濟。臨濟纔見。豎起拂子。師展坐具。臨濟擲下拂子。師收坐具。參堂去。時僧衆曰。此僧莫是和尙親故。不禮拜。又不喫棒。臨濟聞說。令侍者喚適來新到上來。師隨侍者到方丈。臨濟曰。大眾道。

汝來參長老又不禮拜又不喫棒莫是長老親故師乃珍重下去○臨終時謂衆曰我有一隻箭要付與人時有一僧出曰請和尚箭師曰汝喚甚麼作箭僧喝師打數下便歸方丈却喚其僧入來問曰汝適來會麼曰不會師又打數下擲却拄杖曰已後遇明眼人分明舉似便乃告寂

灌谿志閑禪師臨濟玄法嗣

灌谿志閑禪師魏府館陶史氏子幼從栢巖禪師披剃受具後見臨濟臨濟慕胸襟住師曰領領臨濟拓開曰且放汝一頓師離臨濟至末山○住後上堂曰我在臨濟爺爺處得半杓末山孃孃處得半杓共成一杓喫了直至如今飽不飢天童華云灌溪氣字如王被臨濟活埋在鎮州城裏十字街頭當時若是光孝棒折也未放你在何故家肥生孝子國霸有謀臣靈隱錄云爐鑪之所鍾鑪尤多雖然如是不因○師會下一僧去參石霜石霜夜來鴈爭見海門秋○師會下一僧去參石霜石霜問甚處來曰灌谿來石霜曰我南山不如他北山僧無對僧回舉似師師曰何不道灌谿修涅槃堂了也○問久嚮灌谿到來祇見漚麻池師曰汝祇見漚麻池且不見灌谿曰如何是灌谿師曰劈箭急後人學似玄沙

備玄沙云更學三十年未會禪

涿州紙衣和尚臨濟玄法嗣

涿州紙衣和尚即克符道者初問臨濟如何是奪人不奪境臨濟曰煦日發生鋪地錦嬰兒垂髮白如絲師曰如何是奪境不奪人臨濟曰王令已行天下遍將軍塞外絕煙塵師曰如何是人境俱奪臨濟曰并汾絕信獨處一方師曰如何是人境俱不奪臨濟曰王登寶殿野老謳哥師於言下領旨

定州善崔禪師臨濟玄法嗣

定州善崔禪師州將王令公於衙署張座請師說法師陞座拈拄杖曰出來也打不出來也打僧出曰崔禪師擲下拄杖曰久立令公伏惟珍重歸宗一云得一語教得崔禪清涼欽云和尚且自教好是背他不肯他瑯琊覺云久經行陣者終不展槍旗雲蓋智云身挨白刃不懼死生也須是這僧始得崔禪爲甚麼當機放過要會麼範輝曰得休勞力收取絲綸歸去休薦福行云崔禪上堂美則美矣善則未善何故大似放過這僧山僧曰不然待這僧出來問未開口已前與他痛棒若是皮下有血必然別有生涯龜峯光云崔禪布長蛇偃月大陣欲統四大部洲爲一世界不是這僧攪旗拿鼓未免陷在虜庭且道坐籌帷幄靜八方水乳和同風雲會合一句作麼生道若不藍田射石虎幾平悞殺李將軍

鎮州萬壽和尚臨濟玄法嗣

鎮州萬壽和尚訪寶壽寶壽坐不起師展坐具寶壽下禪牀師却坐寶壽驟入方丈閉却門知事見師坐不起曰請和尚庫下喫茶師乃歸院翌日寶壽來復謁師踞禪牀寶壽展坐具師亦下禪牀寶壽却坐師歸方丈閉却門寶壽入侍者寮取灰圍却方丈門便歸去師遂開門見曰我不恁麼他却恁麼

幽州譚空和尚臨濟玄法嗣

幽州譚空和尚鎮州牧有姑爲尼行脚回欲開堂爲人牧令師勘過師問曰見說汝欲開堂爲人是否尼曰是師曰尼是五障之身汝作麼生爲人尼曰龍女八歲南方無垢世界成正覺又作麼生師曰龍女有十八變你試一變看尼曰設使變得也祇是箇野狐精師便打牧聞舉乃曰和尚棒折那翠巖芝云且道尼其眼麼只擔得斷貫索且作麼生會○寶壽和尚問除却中上二根人來時師兄作麼生師曰汝適來舉早錯也寶壽曰師兄也不得無過師曰汝却與我作師兄寶壽側掌曰這老賊

米倉和尚臨濟玄法嗣

滄州米倉和尚州牧請師與寶壽入廳供養令人傳語請二長老譚論佛法寶壽曰請師兄答話師便喝寶壽曰某甲話也未問喝作麼師曰猶嫌少在寶壽却與一喝

虎谿庵主臨濟玄法嗣

虎谿庵主有僧問和尚何處人事師曰隴西人曰承聞隴西出鸚鵡是否師曰是曰和尚莫不是否師便作鸚鵡聲僧曰好箇鸚鵡師便打

定上座臨濟玄法嗣

定上座初參臨濟問如何是佛法大意臨濟下禪牀擒住師擬議臨濟與一掌師佇思傍僧曰定上座何不禮拜師方作禮忽然大悟○後南游路逢巖頭雪峰欽山三人巖頭問上座甚處來師曰臨濟來巖頭曰和尚萬福師曰和尚已順世也巖頭曰某甲三人特去禮拜薄福不遇不知和尚在日有何言句請上座舉一兩則師遂舉臨濟上堂曰赤肉團上有一無位真人常在汝等諸人面門出入未證據者看看時

有僧問如何是無位真人。臨濟下禪牀。搗住曰。道道。僧擬議。臨濟拓開曰。無位真人是甚麼。乾屎橛。巖頭不覺吐舌。雪峯曰。臨濟大似白拈賊。欽山曰。何不道。赤肉團上。非無位真人。師便擒住曰。無位真人。與非無位真人。相去多少。速道。速道。欽山被擒。直得面黃。面青。語之不得。巖頭雪峯曰。這新戒。不識好惡。觸忤上座。且望慈悲。師曰。若不是這兩箇。老漢壓殺這尿牀鬼子。○師在鎮府。齋回到橋上。坐次。逢三人。座主一人。問如何是禪河深處。須窮到底。師擒住。擬拋向橋下。二座主近前諫曰。莫怪觸忤上座。且望慈悲。師曰。若不是這兩箇。座主直教他窮到底。

齋上座臨濟玄法嗣

齋上座。離臨濟。參德山。德山纔見下禪牀。作抽坐具。勢師曰。這箇且置。或遇心境一如底人來。向伊道箇甚麼。免被諸方檢責。德山曰。猶較昔日三步在。別作箇主人。公來。師便喝。德山默然。師曰。塞却這老漢咽喉也。拂袖便出。瀉山佑聞學云。齋上座雖得便宜。爭奈掩耳偷鈴。蔣山勸云。齋公一喝。實主歷然。德山無語。言徧天下。瀉山老子雪上加霜。仔細檢點。將來總不可放過。乃擲下拄杖。○又

參百丈茶罷。百丈曰。有事相借問。得麼。師曰。幸自非言。何須。甌茶。百丈曰。與麼則許借問。百丈曰。收得安南。又憂塞北。師肇開胃曰。與麼不與麼。百丈曰。要且難搆。要且難搆。師曰。知即得。知即得。師山寂云。若有人知得此二人。落處不妨奇特。若辨不得。大似日中迷路。

南嶽下六世臨濟下二世

南院慧顒禪師與化獎法嗣

汝州南院慧顒禪師。亦曰上堂。赤肉團上。壁立千仞。僧問。赤肉團上。壁立千仞。豈不是和尚道。師曰。是僧便掀倒禪牀。師曰。這瞎驢。亂作僧擬議。師便打。徑山云。吾今爲汝保任此事。終不虛也。天童華云。也是勾賊破家。若非這僧。敢將虎鬚。爭見南院汗馬功高。雖然如是。山僧更資一路。赤肉團上。壁立千仞。若有僧出。劈脊便打。何故。殺人刀。活人劍。具眼者看。楚石琦云。這僧敢在毒蛇頭上。揩痒。蒼龍領下。批鱗。誰不賞他。大膽只是末上。少了一着。自出洞來。無敵手。得饒人處。且饒人。○問僧近離甚處。曰。長水。師曰。東流西流。曰。總不恁麼。師曰。作麼。生僧珍重。師便打。○僧參師。舉拂子。僧曰。今日敗缺。師放下拂子。僧曰。猶有這箇在。師便打。○問僧近離甚處。曰。襄州。師曰。來作甚麼。曰。特來禮拜和尚。師曰。恰遇寶應老。不在。僧便喝。師曰。向汝道。

不在又喝作甚麼僧又喝師便打僧禮拜師曰這棒

本是汝打我我且打汝要此話大行瞎漢參堂去○

僧問從上諸聖甚麼處去師曰不上天堂卽入地獄

日和尙作麼生師曰還知寶應老落處麼僧擬議師

以拂子焉口打復喚僧近前曰令合是汝行又打一

拂子雪竇顯云令既自行且拂子不知來處雪竇道箇瞎且要雪上加霜徑山杲云權衡臨濟三

要三玄須還他南院始得雪竇爲甚麼却道拂子不知來處妙喜亦道箇瞎且圖兩得相見○思

明和尚未住西院時到參禮拜了曰無可人事從許

州來收得江西剃刀一柄獻和尚師曰汝從許州來

爲甚却收得江西剃刀思明把師手拈一指師曰侍

者收取思明以衣袖拂一拂便行師曰阿刺刺阿刺

刺○上堂諸方祇具啐啄同時眼不具啐啄同時用

僧便問如何是啐啄同時用師曰作家不啐啄啐啄

同時失曰此猶未是某甲問處師曰汝問處作麼生

僧曰失師便打其僧不肯翠巖真云運籌帷幄決勝千里南院雖則全機受敵

其奈土驢人稀渴山結云南院高提祖印縱奪當機這僧善能當機抗敵爭奈力竭計窮如今還有本色衲

僧麼出來與大溪相見不圖鼓舞揚聲貴要宗風不墮有麼有麼如無大溪今日大似索戰無功淨因成云

全軍制勝草偃風行南院後於雲門會下問一僧舉如師子搏兔亦至其力

此話一僧曰當時南院棒折那其僧忽契悟遂奔回

省觀師已圓寂乃謁風穴風穴一見便問上座莫是

當時問先師啐啄同時話底麼僧曰是師曰汝當時

作麼生會曰某甲當時如在燈影裏行相似風穴曰

汝會也翠巖具出風穴語云當時待這僧擬議對以坐具劈口撼

惡水潑人大溪卽不然問你當時作麼生待云某甲當時如燈影裏行先師肉猶暖在你作這箇見解以拄杖

打下法堂免見孤他南院東禪觀云扶南院門風還他風穴諸方往往道伊肯這僧殊不知這僧被伊推在

萬丈○問祖意教意是同是別師曰王尙書李僕射

抗裏日意旨如何牛頭南馬頭北徑山杲云前頭答得着後頭答不着

守廓侍者與化獎法嗣

守廓侍者問德山曰從上諸聖向甚麼處去德山曰

作麼作麼師曰勅點飛龍馬跛鼈出頭來德山便休

去來日浴出師過茶與德山德山於背上拈一下曰

昨日公案作麼生師曰這老漢今日方始瞥地德山

又休去雪竇顯云然精金百鍊須要本分錯認德山

云適來公案且置從上諸聖什麼處去大衆擬議一時趁出黃龍南云德山持壁作壁雖然暗得便宜廓公

掩耳偷鈴爭奈傍觀者哂渴山結云若不登龍門焉知滄海寬直饒浪激千尋爭奈龍王不顧雲居元云

大凡一賓一主須是知音同死同生方堪受敵廓侍者獨立於懸崖石上翻身倒持虎鬚周金剛安坐於大海

波心背手過嶺角在樓待山前列陣向占波國裏爭鋒分明有驗有贏且道誰得誰失請諸人斷看

○師行脚到襄州華嚴和尚會下一日華嚴上堂曰大衆今日若是臨濟德山高亭大愚烏窠船子兒孫不用如何若何便請單刀直入華嚴與汝證據師出禮拜起便喝華嚴亦喝師又喝華嚴亦喝師禮拜起曰大衆看這老漢一場敗缺又喝一喝拍手歸衆華嚴下座歸方丈時風穴作維那上去問訊華嚴曰維那汝來也叵耐守廓適來把老僧扭捏一上待集衆打一頓趨出風穴曰趨他遲了也自是和尙言過他是臨濟下兒孫本分恁麼華嚴方息怒風穴下來舉似師師曰你著甚來由勸這漢我未問前早要棒喫得我話行如今不打搭却我這話也風穴曰雖然如是已遍天下也

西院思明禪師實壽沼
法嗣

汝州西院思明禪師從潞上座到法席旬日常自曰莫道會佛法人覓箇舉話底人也無師聞而默之潞異日上法堂次師召從潞潞舉首師曰錯潞進三兩步師又曰錯潞近前師曰適來兩錯是上座錯是思

明老漢錯曰是從潞錯師曰錯錯乃曰上座且在這裏過夏共汝商量這兩錯潞不肯便去後住相州天平山每舉前話曰我行脚時被惡風吹到汝州有西院長老勸我連下兩錯更留我過夏待共我商量我不道恁麼時錯我發足南方去時早知錯了也首山念云據天平作恁麼解會未夢見西院在何故話在昭覺勸云如今人聞他道發足向南方去時早知道錯了也便去卜度道未行脚時自無許多佛法禪道及至行脚被諸方熱瞞不可未行脚時喚地作天喚山作水幸無一星事若恁麼作流俗見解何不買一片帽戴大家過時有什麼用處佛法不是這箇道理

寶壽和尚實壽沼
法嗣

寶壽和尚世第二在先寶壽爲供養主寶壽問父母未生前還我本來面目來師立至夜深下語不契翌日辭去寶壽曰汝何往師曰昨日蒙和尚設問某甲不契往南方參知識去寶壽曰南方禁夏不禁冬我此間禁冬不禁夏汝且作街坊過夏若是佛法閑閑之中浩浩紅塵常說正法師不敢違一日街頭見兩人交爭揮一拳曰你得恁麼無面目師當下大悟走見寶壽未及出語寶壽便曰汝會也不用說師便禮拜昭覺勸云築着磕着當頭彰本地風光應聲應色直下無絲毫透漏還會他道得恁麼無面目麼龍袖拂開全

現○寶壽臨遷化時囑三聖請師開堂師開堂日三

聖推出一僧師便打三聖曰與麼爲人非但瞎却這

僧眼瞎却鎮州一城人眼去在師擲下拄杖便歸方

丈雪竇顯云保壽三聖雖發明臨濟正法眼藏要且只

解無佛處稱尊當時這僧若是箇漢纔被推出便掀

倒禪牀直饒保壽全機也較三千里法眼益云什麼

處是瞎却人眼處雲居元云衆中盡道此語奇特大

似韓獩逐塊殊不知保壽正賊不識誤罪乎人這僧有

理不伸至今受屈承天欲斷不平之事拈拄杖云要爲

天下宗師此棒別有分付黃龍新云保壽見機而作

其奈三聖不甘直饒甘去未免瞎却鎮州一城人眼

昭覺勸云保壽大似海龍提海兩似盆傾三聖雖然雷

震青霄未助得威光一半在可中有箇直下承當底非

但瞎鎮州一城人眼瞎却天下人眼去在天童華云

叢林中商量盡道保壽三聖是作家爐鑪本分錯鍵有

甚交涉殊不知二大老被這僧一撥直至如今扶不起

今日莫有爲二老雪屈底麼出來與明果相見有麼

拈拄杖擲下云龍蛇易辨子難瞞天童傑云二尊

宿美則美矣若要扶臨濟正宗每人合喫一頓棒在且

道那裏是欠處具擇

法眼者試定當看

際上座 紙衣 法嗣

際上座行脚到洛京南禪時有朱行軍設齋入僧堂

顧視曰直下是遂行香口不住道至師面前師便問

直下是箇甚麼行軍便喝師曰行軍幸是會佛法底

人又惡發作甚麼行軍曰喚作惡發即不得師便喝

行軍曰鉤在不疑之地師又喝行軍便休齋退令客

司請適來下喝僧來師至便共行軍言論並不顧諸

人僧錄曰行軍適來爭容得這僧無禮行軍曰若是

你諸人喝下官有劔僧錄曰某等固是不會須是

師長老始得行軍曰若是南禪長老也未夢見在天

華云行軍拈出倚天長劍這僧披襟散衝白刃雖然兩

不相傷爭奈二俱弄險致忠光云朱行軍傍若無人

這僧撥行奪市雖然鉤在不疑之地爭奈

二俱失利且道甚處是失利處喝一喝

南嶽下七世臨濟下

風穴延沼禪師南院頤

汝州風穴延沼禪師餘杭劉氏子幼習儒典應進士

一舉不遂乃出家依本州開元智恭律師被削受具

習天台止觀年二十五謁鏡清鏡清問近離甚處師

曰自離東來鏡清曰還過小江也無師曰大鵬獨翼

空小江無可濟鏡清曰鏡水秦山鳥飛不度子莫道

聽途言師曰滄溟尚怯鱗鱗勢列漢飛帆渡五湖鏡

清豎拂子曰爭奈這箇何師曰這箇是甚麼鏡清曰

果然不識師曰出沒卷舒與師同用鏡清曰杓卜聽

虛聲熟睡饒調語師曰澤廣藏山理能伏豹鏡清曰

捨罪放愆速須出去師曰出去即失便出到法堂乃

曰夫行脚人因緣未盡其善不可便休去却回曰某甲適來輒陳小駭冒瀆尊顏伏蒙慈悲未賜罪責鏡清曰適來言從東來豈不是翠巖來師曰雪竇親棲寶蓋東鏡清曰不逐忘半狂解息却來這裏念篇章師曰路逢劒客須呈劒不是詩人莫獻詩鏡清曰詩速祕却略借劒看師曰景首誼人攜劒去鏡清曰不獨觸風化亦自顯顛預師曰若不觸風化爭明古佛心鏡清曰如何是古佛心師曰再許允容師今何有鏡清曰東來衲子菽麥不分祇聞不已而已何得抑已而已師曰巨浪涌千尋澄波不離水鏡清曰一句截流萬機寢削師便禮拜鏡清曰衲子俊哉衲子俊哉○師到華嚴華嚴問我有牧牛歌輒請闍黎和師曰羯鼓掉鞭牛豹跳遠村梅樹背盧都○師參南院入門不禮拜南院曰入門須辨主師曰端的請師分南院於左膝拍一拍師便喝南院於右膝拍一拍師又喝南院曰左邊一拍且置右邊一拍作麼生師曰瞎南院便拈棒師曰莫盲枷瞎棒奪打和尚莫言不道南院擲下棒曰今日被黃面浙子鈍置一場師曰

和尚大似持鉢不得詐道不飢南院曰闍黎曾到此間麼師曰是何言歟南院曰老僧好好相借問師曰也不得放過便下參衆了却上堂頭禮謝南院曰闍黎曾見甚麼人來師曰在襄州華嚴與廓侍者同夏南院曰親見作家來南院問南方一棒作麼商量師曰作奇特商量師却問和尚此間一棒作麼商量南院拈拄杖曰棒下無生忍臨機不見師師於言下大徹立旨遂依止六年四衆請主風穴徑山杲云風穴當時好大展坐具禮三拜不然與掀倒禪牀乃同顧冲密云你道風穴當時禮拜即是掀倒禪牀即是冲密云草賊大敗妙喜云你看這○師因兵寇避地郢州謁李使君留於衙瞎漢便打○師因兵寇避地郢州謁李使君留於衙內度夏普設大會請師上堂纔陞座乃曰祖師心印狀似鐵牛之機去即印住住即印破祇如不去不住印即是不印即是還有人道得麼時有盧陂長老出問學人有鐵牛之機請師不搭印師曰慣釣鯨鯢澄巨浸却嗟蛙步躡泥沙陂佇思師喝曰長老何不進語陂擬議師便打一拂子曰還記得話頭麼試舉看陂擬開口師又打一拂子牧主曰信知佛法與王法一般師曰見甚麼道理牧主曰當斷不斷反招其亂

師便下座

昭覺勳云風穴撰三玄戈甲施四種主賓明立信旗密排陣敵及至盧陂攪跨鐵牛

割時擒下遂令牧主知歸所謂龍馳虎驟鳳翥鸞翔雖然若是崇寧待伊道有鐵牛之機劈脊便棒殺人刀活人劍還知

○問古曲無音韻如何和得齊師曰木鷄啼子夜蜀狗吠天明

徑山杲云這黃面浙子恁麼答話也做他臨濟兒孫未得在今

日有人問徑山古曲無音韻如何和得齊只向他道木鷄啼子夜蜀狗吠天明

○上堂若立一塵家國與盛野老顰蹙不立一塵家國喪亡野老

安貼於此明得闍黎無分全是老僧於此不明老僧

却是闍黎闍黎與老僧亦能悟却天下人亦能瞎却

天下人欲識闍黎麼右邊一拍曰這裏是欲識老僧

麼左邊一拍曰這裏是

雲門偃云這裏即易那裏即難那裏覺云杓卜聽虛聲

白雲端云大衆立即是不立即是良久云心不負人面無慚色拍禪牀一下五祖演學了云山僧即不然

若立一塵法堂前草深一丈不立一塵錦上鋪花何也不見道九九八十一窮漢受罪畢纔擬展脚眠蚊蟲螻

蚤出天童華云大小風穴不會轉身句靈隱錄云大小風穴醋氣猶在何故始作翕如也縱之純如也噉

如也釋如也以成喝一喝

顓橋安禪師南院願法嗣

顓橋安禪師

號鐵與鍾司徒向火次鍾忽問三界焚

燒時如何出得師以香匙撥開火鍾擬議師曰司徒

司徒鍾忽有省

興陽歸靜禪師西院明法嗣

郢州興陽歸靜禪師初參西院便問擬問不問時如

何西院便打師良久西院曰若喚作棒眉鬚墮落師

於言下大悟

南嶽下八世臨濟下四世

首山省念禪師風穴沼法嗣

汝州首山省念禪師萊州狄氏子常密誦法華經衆

目爲念法華也晚於風穴會中充知客一日侍立次

風穴乃垂涕告之曰不幸臨濟之道至吾將墜於地

矣師曰觀此一衆豈無人邪風穴曰聰明者多見性

者少師曰如某者如何風穴曰吾雖望子之久猶恐

耽著此經不能放下師曰此亦可事願聞其要風穴

遂上堂舉世尊以青蓮目顧視大衆乃曰正當恁麼

時且道說箇甚麼若道不說而說又是埋沒先聖且

道說箇甚麼師乃拂袖下去風穴擲下拄杖歸方丈

侍者隨後請益曰念法華因甚不祇對和尚風穴曰

念法華會也○次日師與真園頭同上問訊次風穴

問真曰作麼生是世尊不說說真曰鶻鳩樹頭鳴風

穴曰汝作許多癡福作麼何不體究言句又問師曰

汝作麼生師曰動容揚古路不墮悄然機風穴謂真

曰汝何不看念法華下語徑山杲云我當時若見這老漢怎麼道深掘一坑一時埋却更牽牛在上踢過却須放真公出一頭始得山僧怎麼道且不是抑強扶弱亦不是杜撰差排你若識得鴛鴦樹頭鳴意在麻舍裏便識得動容揚古路不墮悄然機這兩轉語畢竟是一耶是二耶若道是一爲甚麼風穴只肯念法華不肯真圓頭若道是二爭奈落霞與孤鶩齊飛秋水共長天一色參○因白

兆楚和尚至汝州宣化風穴令師往傳語纔相見提起坐具便問展卽是不展卽是白兆曰自家看取師便喝白兆曰我會親近知識來未嘗輒敢怎麼造次

師曰草賊大敗白兆曰來日若見風穴和尚待一一

舉似師曰一任一任不得忘却師乃先回舉似風穴

風穴曰今日又被你收下一員草賊師曰好手不張

名白兆次日纔到相見便舉前話風穴曰非但昨日

今日和賊捉敗師於是名振四方開法首山

廣慧真禪師風穴沼法嗣

汝州廣慧真禪師嘗在風穴作園頭風穴問曰會昌

沙汰時護法善神向甚麼處去師曰常在闌闌中要

且無人識風穴曰汝徹也師禮拜徑山杲云汝道風穴自徹也未

南嶽下九世臨濟下五世

汾陽善昭禪師首山念法嗣

汾州太子院善昭禪師太原俞氏子杖策遊方歷參

知識七十一員後到首山問百文卷席意旨如何首

山曰龍袖拂開全體現曰師意如何首山曰象王行

處絕狐蹤師於言下大悟拜起而曰萬古碧潭空界

月再三撈攬始應知有問者曰見何道理便爾自肯

師曰正是我放身命處後遊衡湘及襄沔間每爲郡

守以名利力致前後入請堅臥不答泊首山歿西河

道俗遣僧契聰迎請住持師閉關高枕聰排闥而入

讓之曰佛法大事請退小節風穴懼應識憂宗旨墜

滅幸而有先師先師已棄世汝有力荷擔如來大法

者今何時而欲安眠哉師矍起握聰手曰非公不聞

此語趣辦嚴吾行矣○問如何是學人著力處師曰

嘉州打大像曰如何是學人轉身處師曰陝府灌鐵

牛曰如何是學人親切處師曰西河弄師子乃曰若

人會得此三句已辨三玄更有三要語在切須薦取

不是等閑與大衆頌出三玄三要事難分得意忘言

道易親一句明明該萬象。重陽九日菊花新。○師爲并汾苦寒。乃罷夜參。有異比丘振錫而至。謂師曰。會中有大士六人。奈何不說法言訖而去。師密記以偈。曰。胡僧金錫光。爲法到汾陽。六人成大器。勸請爲敷揚。○鄭工部到茶話次。鄭示師偈曰。黃紙休遮眼。青雲自有陰。莫將閑學解。埋沒祖師心。復曰。只將此偈驗天下長老師。曰。與麼則汾陽也在裏頭。曰。擔枷過狀。師曰。更不再勘。鄭曰。兩重公案。師曰。知卽得。鄭良久。師噓一聲。鄭曰。文寶文寶。師曰。在甚所在。鄭曰。不容某甲出氣。爭得。噯他道淹滯。長老在此。師曰。是何言歟。鄭曰。實。師曰。也不得放過。鄭曰。請師一偈。師曰。不閑紙墨。隨示偈曰。荒草尋幽徑。巖松迥布陰。幾多玄學客。失却本來心。○上堂。謂衆曰。夫說法者。須具十智同真。若不具十智同真。邪正不辨。縹素不分。不能與人天爲眼目。決斷是非。如鳥飛空而折翼。如箭射的而斷弦。斷故射的不中。翼折故空不可飛。弦壯翼牢空的。俱微作麼生。是十智同真。與諸上座點出一同一質。二同大事。三總同參。四同真志。五同偏。

普六同具足。七同得失。八同生殺。九同音吼。十同得入。又曰。與甚麼人同得入。與阿誰同音吼。作麼生是同生殺。甚麼物同得失。阿那箇同具足。是甚麼同偏。普何人同真志。孰能總同參。那箇同大事。何物同一質。有點得出底麼。點得出者。不惘慈悲。點不出來。未有參學眼。在切須辨取要識。是非面目。見在不可久立珍重。
徑山杲云。汾陽老子末後。若無箇面目。見在一場敗闕。雖然如是。未免喪我兒孫。喝一喝。
頌云。兎角龜毛。眼裏栽鐵山。當面劈崖。
崑東西南北無門入。曠劫無明當下灰。
 ○龍德府尹李侯與師有舊。虛承天寺致之。使三反不赴。使者受罰。復至曰。必欲得師俱往。不然有死而已。師笑曰。老病業已不出山。借往當先後之。何必俱邪。使曰。師諾則先後。唯所擇。師令饌設。且假裝曰。吾先行矣。停箸而化。

葉縣歸省禪師首山念法嗣

汝州葉縣廣教院歸省禪師。冀州賈氏子。遊方參首山。首山一日舉竹筴問曰。喚作竹筴。卽觸。不喚作竹筴。卽背。喚作甚麼。師掣得擲地上曰。是甚麼。首山曰。瞎師於言下豁然頓悟。○僧請益栢樹子話。師曰。我

不辭與汝說還信麼。曰和尚重言爭敢不信。師曰汝還聞簷頭水滴聲麼。其僧豁然不覺失聲云。哪師曰你見箇甚麼道理。僧便以頌對曰。簷頭水滴分明歷歷打破乾坤當下。心息師乃忻然。○師因去將息寮看病。僧乃問曰和尚四大本空。病從何來。師曰從閣黎問處來。僧喘氣又問曰不問時如何。師曰撒手臥長空。僧曰哪便脫去。○師到洞山問洞山。廓然無依法歸何處。洞山曰三番羯磨。師曰恁麼即知音不和也。洞山曰知音不和底事作麼生。師曰龜毛拂子長三尺。洞山曰你因什麼眉鬚墮落。師便禮拜。

神鼎洪謹禪師 首山念法嗣

潭州神鼎洪謹禪師。襄水扈氏子。嘗與數耆宿主襄沔間一僧舉論宗乘。頗敏捷。會野飯山店中。供辦而僧論說不已。師曰三界唯心。萬法唯識。唯識唯心。眼聲耳色是甚麼人語。僧曰法眼語。師曰其義如何。曰唯心故。根境不相到。唯識故。聲色縱然。師曰舌味是根境否。曰是。師以筴菜置口中含胡而語曰。何謂相人邪。坐者駭然。僧不能答。師曰途路之樂。終未到。

家見解入微。不名見道。參須實參。悟須實悟。闍羅大王不怕多語。僧拱而退。○後隱衡嶽。三生藏有湘陰豪貴來遊。福嚴即師之室。見其氣貌閑靜。一鉢挂壁。餘無長物。傾愛之。遂拜跪請往。神鼎師笑而諾之。至十年始成叢席。一朽牀爲說法座。其甘枯淡無比。又以德臘俱高。諸方尊之。如古趙州。

谷隱蘊聰禪師 首山念法嗣

襄州谷隱山蘊聰慈照禪師。初參百丈。恒和尚因結夏。百丈上堂。舉中觀論曰。正覺無名。相隨緣。即道場。師便出問。如何是正覺無名。相百丈曰。汝還見露柱麼。師曰。如何是隨緣。即道場。百丈曰。今日結夏。○次參首山。問學人親到寶山。空手回時如何。首山曰。家門前火把子。師於言下大悟。呈偈曰。我今二十七。訪道曾尋覓。今朝喜得逢。要且不相識。○後到大陽。立和尚問。近離甚處。師曰。襄州大陽。曰作麼生。是不隔底句。師曰。和尚住持不易。大陽曰。且坐喫茶。師便參衆去。侍者問。適來新到。祇對住持。不易和尚爲甚麼。教坐喫茶。大陽曰。我獻他新羅附子。他醜我船上。

面香你去問他有語在侍者請師喫茶問適來祇對和尚道住持不易意旨如何師曰真箇不博金

廣慧元璉禪師 首山念法嗣

汝州廣慧院元璉禪師泉州陳氏到首山首山問近離甚處師曰漢上首山豎起拳曰漢上還有這箇麼師曰這箇是甚麼盤鳴聲首山曰瞎師曰恰是拍一拍便出他日又問學人親到寶山空手回時如何首山曰家家門前火把子師當下大悟曰某甲不疑天下老和尚舌頭也首山曰汝會處作麼生與我說來看師曰祇是地上水碓砂也首山曰汝會也師便禮拜徑山杲云你道念和尚還肯他廣慧也無若道肯他何故不與一棒若道不肯他何故不與一棒有人於此道得妙喜○住後楊億侍郎問天上無彌勒地下無彌勒未審在甚麼處師曰敲磬打瓦又問風穴道金沙灘頭馬郎婦意旨如何師曰更道也不及○許式郎中漕西蜀經由謁師適接見於佛前式曰先拜佛先拜長老師曰蝦蟇吞大虫式曰恁麼則總不拜去也師曰運使話墮式曰許長老具一隻眼師以衣袖便拂式曰今日看破便禮拜

三交智嵩禪師 首山念法嗣

并州承天院三交智嵩禪師參首山問如何是佛法的大意首山曰楚王城畔汝水東流師於此有省頓契佛意乃作三玄偈曰須用直須用心意莫定動三歲師子吼十方沒狐種我有真如性如同幕裏隱打破六門關顯出毗盧印眞骨金剛體可誇六塵一拂永無遮廓落世界空爲體體上無爲眞到家首山聞乃請喫茶問這三頌是汝作來邪師曰是首山曰或有人教汝現三十二相時如何師曰某甲不是野狐精首山曰惜取眉毛師曰和尚落了多少首山以竹筴頭上打曰這漢向後亂作去在○鄭工部問百尺竿頭獨打毬萬丈懸崖絲繫腰時如何師曰幽州著脚廣南厮撲鄭無語師曰勘破這胡漢鄭曰二十年江南界裏這回却見禪師師曰瞎老婆吹火

仁王處評禪師 首山念法嗣

池州仁王院處評禪師問首山如何是佛法大意首山便喝師禮拜首山拈棒師曰老和尚沒世界那首山拋下拄杖曰明眼人難護師曰草賊大敗

智門迴罕禪師首山念法嗣

隨州智門迴罕禪師爲北塔僧使點茶次師起揖曰僧使近上坐使曰鷄子頭上爭敢安巢師曰棒上不成龍隨後打一坐具使茶罷起曰適來却成觸忤和尚師曰江南杜禪客覓甚麼第二盤

鹿門慧昭山主首山念法嗣

襄州鹿門慧昭山主楊億侍郎問曰入山不畏虎當路却防人時如何師曰君子坦蕩蕩

南嶽下十世臨濟下六世

石霜楚圓禪師汾陽昭法嗣

潭州石霜楚圓慈明禪師全州李氏子少爲書生年二十二依湘山隱靜寺出家其母有賢行使之遊方聞汾陽道望遂往謁焉汾陽顧而默器之經二年未許入室每見必罵詈或毀謗諸方及有所訓皆流俗鄙事一夕訴曰自至法席已再夏不蒙指示但增世俗塵勞念歲月飄忽已事不明失出家不利語未卒汾陽熟視罵曰是惡知識敢裨販我怒舉杖逐之師擬伸救汾陽掩師口乃大悟曰是知臨濟道出常情

服役七年辭去○謁唐明嵩禪師嵩謂師曰楊大年內翰知見高入道穩實子不可不見師乃往見大年大年問曰對面不相識千里却同風師曰近奉山門請大年曰眞箇脫空師曰前月離唐明大年曰適來悔相問師曰作家大年便喝師曰恰是大年復喝師以手劃一劃大年吐舌曰眞是龍象師曰是何言歟大年喚客司點茶來元來是屋裏人師曰也不消得茶罷又問如何是上座爲人一句師曰切大年曰與麼則長裙新婦拖泥走師曰誰得似內翰大年曰作家作家師曰放你二十棒大年搥膝曰這裏是甚麼所在師拍掌曰也不得放過大年大笑又問記得唐明當時悟底因緣麼師曰唐明問首山如何是佛法的大意首山曰楚王城畔汝水東流大年曰祇如此語意旨如何師曰水上挂燈毬大年曰與麼則孤負古人去也師曰內翰疑則別參大年曰三脚蝦蟇跳上天師曰一任踴跳大年乃大笑館於齋中日夕質疑智證因聞前言往行恨見之晚朝中見駙馬都尉李公遵勗曰近得一道人眞西河師子李曰我以

拘文不能就謁。奈何。大年默然歸。語師曰。李公佛法中人。聞道風遠。至有願見之心。政以法不得與侍從。過從師。於是遂明謁李公。公閱謁使童子問曰。道得。卽與上座相見。師曰。今日特來相看。又令童子曰。碑文刊白字。當道種青松。師曰。不因今日節餘。日定難逢童子。又出曰。都尉言與麼。則與上座相見去也。師曰。脚頭脚底。公乃出。坐定。問曰。我聞西河有金毛師。子是否。師曰。甚麼處得這消息。公便喝。師曰。野干鳴。公又喝。師曰。恰是公大笑。師辭公。問如何。是上座臨行一句。師曰。好將息。公曰。何異。諸方師曰。都尉又作麼。生公曰。放上座二十棒。師曰。專爲流通。公又喝。師曰。瞎公曰。好去。師應喏。喏。自是往來楊李之門。以法爲友。久之辭還河東。大年曰。有一語寄與唐明得麼。師曰。明月照見夜行人。大年曰。却不相當。師曰。更深猶自可。午後更愁人。大年曰。開寶寺前金剛。近日因甚麼汗出。師曰。知大年曰。上座臨行。豈無爲人底句。師曰。重疊關山路。大年曰。與麼。則隨上座去也。師噓一聲。大年曰。眞師子兒。大師子吼。師曰。放去。又收來。

大年曰。適來失腳踏倒。又得家童扶起。師曰。有甚麼了期。大年大笑。師還唐明。李公遣兩僧訊師。師於書尾畫雙足。寫來。僧名以寄之。公作偈曰。黑毫千里餘。金襴示雙趺。人天渾莫測。珍重赤鬚胡。○師以母老。南歸至瑞州。首衆於洞山。時聰禪師居焉。先是汾陽謂師曰。我徧參雲門兒孫。特以未見聰爲恨。故師依止三年。○謁神鼎。謹禪師。神鼎首山高第望尊。一時褻子。非人類。精奇無敢登其門者。住山三十年。門弟子氣吞諸方。師髮長不剪。弊衣楚音。遍謁稱法姪。一衆大笑。神鼎遣童子問長老。誰之嗣。師仰視屋曰。親見汾陽來。神鼎杖而出。顧見頽然。問曰。汾州有西河師子。是否。師指其後絕叫曰。屋倒矣。童子返走。神鼎回顧相。矍鑠師地坐。脫隻履而視之。鼎老忘所問。又失師所在。師徐起整衣。且行且語曰。見面不如聞名。遂去。神鼎遣人追之。不可。歎曰。汾州乃有此兒邪。師自是名重叢林。○師到大愚。芝和尚處。芝坐間。開合子。取香燒。師問作麼。生燒芝便放香爐中。燒師指曰。訝郎當漢。又恁麼去也。○師室中插劍一口。以草鞋

一對水一盆置在劍邊。每見入室。卽曰看看有至劍邊。擬議者師曰。險喪身。失命了也。便喝出。

天童華云。我當時若

見便去。左耳邊低聲地下一轉語。待他貪觀天上。却與一指。擬議。拔劍便斬。蓋拈拄杖下座。大眾一時趕散。

○師冬日。榜僧堂作此字。三三三三。其下注

曰。若人識得不離四威儀中。首座見曰。和尚今日放參。師聞而笑之。○寶元戊寅。李都尉遣使邀師曰。海內法友。唯師與楊大年耳。大年棄我而先。僕年來頓覺衰落。忍死以一見公。仍以書抵潭帥。敦遣之。師惻然與侍者舟而東。下舟中作偈曰。長江行不盡。帝里到何時。旣得涼風便。休將轉棹施。至京師。與李公會。月餘而李公果歿。臨終畫一圓相。又作偈獻師。世界無依山河。匪礙大海微塵。須彌納芥。拈起幞頭。解下腰帶。若覓死生。問取皮袋。師曰。如何是本來佛性。公曰。今日熱如昨日。隨聲便問。師臨行一句作麼生。師曰。日本來無罣礙。隨處任方圓。公曰。晚來困倦。更不答話。師曰。無佛處作佛。公於是泊然而逝。仁宗皇帝尤留神。空宗聞李公之化。與師問答。加歎久之。師哭之。慟臨壙而別。有旨賜官舟南歸。中途謂侍者曰。我忽

得風痺疾。視之口吻已喎斜。侍者以足頓地曰。當奈何。平生呵佛罵祖。今乃爾。師曰。無憂爲汝正之。以手整之。如故曰。而今而後。不鈍置汝。

法華全舉禪師汾陽昭法嗣

舒州法華院全舉禪師到公安。遠和尚處。遠問作麼生。是伽藍師曰。深山藏獨虎。淺草露羣蛇。曰。作麼生。是伽藍中人。師曰。青松蓋不得黃葉。豈能遮曰。道甚麼。師曰。少年翫慧。天邊月。潦倒扶桑沒。曰。頭曰。一句兩句。雲開月露。作麼生。師曰。照破佛祖。○到大愚芝和尚處。芝問。古人見桃花。意作麼生。師曰。曲不藏直。曰。那箇且從這箇作麼生。師曰。大街拾得金四隣爭得。知曰。上座還知麼。師曰。路逢劍客須呈劍。不是詩人不獻詩。曰。作家詩。客師曰。一條紅線兩人牽。曰。玄沙道諦。當甚諦。當敢保老兄未徹。在又作麼生。師曰。海枯終見底。人死不知心。曰。却是師曰。樓閣凌雲勢。峰巒疊翠層。○到琅邪覺和尚處。覺問。近離甚處。師曰。兩浙。曰。船來陸來。師曰。船來。曰。船在甚處。師曰。步下。曰。不涉程途。一句作麼生。道師以坐具。撼一撼曰。

杜撰長老如麻似粟拂袖而出覺問侍者此是甚麼人侍者曰舉上座覺曰莫是舉師叔麼先師教我尋見伊遂下且過問上座莫是舉師叔麼莫怪適來相觸忤師便喝復問長老何時到汾陽覺曰某時到師曰我在浙江早聞你名元來見解祇如此何得名播寰宇覺遂作禮曰某甲罪過經山泉云寶則始終寶主則始終主二大士終割相盜主寶互換直下發明臨濟心髓苟非徹證向上巴鼻具出常情正眼未免作得失論量經山信云拳來脚去此是初僧家本分錯錯若將破提籃盛水救火非惟不能息其然笑殺傍觀者三十年後有人說破

○示衆云釋迦不出世達磨不西來佛法遍天下譚玄口不開經山泉云作賊人心虛○師到杭州西菴菴主曾見

明招菴主學頌曰絕頂西峯上峻機誰敢當超然凡聖外瞥起兩重光師曰如何是兩重光菴主曰月從東出日向西沒師曰菴主未見明招時如何菴主曰滿盞油難澆師曰見後如何菴主曰多心易得乾

芭蕉谷泉禪師汾陽昭法嗣

南嶽芭蕉菴大道谷泉禪師泉州人也受法汾陽放蕩湖湘後省同參慈明禪師慈明問白雲橫谷口道人何處來師左右顧視曰夜來何處火燒出古人墳

慈明曰未在更道師作虎聲慈明以坐具便撼師接住推慈明置禪牀上慈明却作虎聲師大笑曰我見七十餘員善知識今日始遇作家○山有秋毒龍所蟄墮葉觸波必雷雨連日過者不敢喘師與慈明暮歸捉慈明衣曰可同浴慈明掣肘徑去於是師解衣躍入霹靂隨至腥風吹雨林木振搖慈明蹲草中意師死矣須臾晴霽忽引頸出波間曰因經山信云谷泉作風作蟻毒龍不敢動其一毫毛慈明老大大猶有這箇在頌云谷泉或殺作風顛一撥龍浪浪括天雷雨至今如不息慈明抱死草中眠○師因倚遇上座來參問菴主在麼師曰誰曰行脚僧師曰作甚麼曰禮拜菴主師曰恰值菴主不在曰你嚮師曰向道不在說甚麼你我拽棒趁出遇次日再來師又趁出過一日又來問菴主在麼師曰誰曰行脚僧揭簾便入師攔臂留住曰我這裏狼虎縱橫尿牀鬼子三回兩度來討甚麼曰人言菴主親見汾陽來師解衣抖擻曰你道我見汾陽有多少奇特曰如何是菴中主師曰入門須辨取曰莫祇這便是麼師曰賺却幾多人曰前言何在師曰聽事不真喚鐘作甕曰萬法泯時全體現君臣合處正中

邪去也。師曰：驢漢不會便休，亂統作麼？曰：未審客來將何祇待？師曰：雲門餠餅趙州茶。曰：恁麼則謝師供養去也？師叱曰：我這裏火種也未，有早言謝供養。

龍華曉愚禪師 汾陽昭法嗣

蘄州黃梅龍華寺曉愚禪師到五祖戒和尚處。五祖問曰：不落唇吻一句作麼生？道師曰：老老大大話頭，也不照顧。五祖便喝。師亦喝。五祖拈棒，師拍手便出。五祖召曰：闍黎且住，話在。師將坐具搭在肩上，更不回首。

天聖皓泰禪師 汾陽昭法嗣

安吉州天聖皓泰禪師到琅邪。琅邪問埋兵掉鬪，未是作家。匹馬單鎗，便請相見。師指琅邪曰：將頭不猛，帶累三軍。琅邪打師一坐具。師亦打琅邪一坐具。琅邪接住曰：適來一坐具是山僧，令行上座一坐具，落在甚麼處？師曰：伏惟尚饗。琅邪拓開曰：五更侵早起，更有夜行人。師曰：賊過後張弓。琅邪曰：且坐喫茶。

龍潭智圓禪師 汾陽昭法嗣

唐州龍潭智圓禪師辭汾陽。汾陽曰：別無送路與子。

一枝拄杖一條手巾。師曰：手巾和尚受用，拄杖即不消得。汾陽曰：汝但將去，有用處在。師便收。汾陽曰：又道不用。師便喝。汾陽曰：已後不讓臨濟師。曰：正令已行，汾陽來日送出三門。乃問汝介山逢尉遲時如何？師曰：一刀兩段。汾陽曰：彼現那叱又作麼生？師便拽拄杖。汾陽喝曰：這回全體分付。

浮山法遠禪師 葉縣省法嗣

舒州浮山法遠圓鑒禪師，鄭州人也。投三交嵩和尚出家，幼爲沙彌，見僧入室，請問趙州庭栢因緣。嵩詰其僧，師傍有省，進具後，謁汾陽。葉縣皆蒙印可。嘗與達觀顯薛大頭七八輩遊蜀，幾遭橫逆。師以智脫之。衆以師曉吏事故，號遠錄公。○師與王質待制論道，畫一圓相，問曰：一不得匹馬單鎗，二不得衣錦還鄉，鵲不得喜鵲，不得殃。速道速道。王罔措。師曰：勘破了也。○歐陽文忠公聞師奇逸，造其室，未有以異之與客。基師坐其旁，文忠遽收局，請因基說法。師卽令搥鼓，陞座曰：若論此事，如兩家著碁，相似何謂也？敵手知音，當機不讓。若是綴五饒三，又通一路，始得有一。

般底祇解閉門作活。不會奪角。衝關硬節。與虎口齊。彰局破後。徒勞綽幹。所以道肥邊易得。瘦肚難求。思行則往往失粘心。而時時頭撞休誇國手。謾說神仙。羸局輸籌。卽不問且道。黑白未分時。一著落在甚麼處。良久曰。從來十九路。迷悟幾多人。文忠嘉歎。從容謂同僚曰。脩初疑禪語爲虛誕。今日見此老機緣。所得所造。非悟明於心地。安能有此妙旨哉。

金山曇穎禪師谷隱聰法嗣

潤州金山曇穎達觀禪師。首謁大陽玄禪師。遂問洞山。特設偏正。君臣意。明何事。大陽曰。父母未生時。事師曰。如何。體會大陽曰。夜半正明。天曉不露。師罔然。遂謁谷隱。舉前話。谷隱曰。大陽不道。不是祇是口門窄。滿口說未盡。老僧卽不然。師問如何。是父母未生時。事谷隱曰。糞壑子。師曰。如何。是夜半正明。天曉不露。谷隱曰。牡丹花下睡。貓兒師愈疑駭。一日。普請谷隱問。今日運薪。邪。師曰。然。谷隱曰。雲門問僧人搬柴。搬柴人如何。會。師無對。谷隱曰。此事如人學書點畫。可効者工。否者拙。蓋未能忘法耳。當筆忘手。手忘心。

乃可也。師於是默契。良久曰。如石頭曰。執事元是迷契。理亦非悟。谷隱曰。汝以爲藥語爲病。語師曰。是藥語。谷隱呵曰。汝以病爲藥。又安可哉。師曰。事如函得。蓋理如箭直。鋒妙寧有加者。而猶以爲病。實未喻旨。谷隱曰。妙至亦是祇名。理事祖師意旨。智識所不能到。矧事理能盡乎。故世尊曰。理障礙正見。知事障續諸生死。師恍如夢覺。曰。如何。受用。谷隱曰。語不離窠臼。安能出蓋。纏師歎曰。纔涉唇吻。便落意思。盡是死門。終非活路。○上堂。三世諸佛是奴婢。一大藏教是涕唾。良久曰。且道。三世諸佛是誰。奴婢乃將拂子畫一畫曰。三世諸佛過這邊。且道。一大藏教是誰。涕唾師乃自唾一唾。

大乘德遵禪師谷隱聰法嗣

唐州大乘山德遵禪師。問谷隱曰。古人索火。意旨如何。曰。任他滅。師曰。滅後如何。曰。初三十一。師曰。恁麼則好時節也。曰。汝見甚麼道理。師曰。今日一場困。谷隱便打。師乃有頌曰。索火之機。實快哉。藏鋒妙用。少人猜。要會我師親的旨。紅爐火盡不添柴。

永慶光普禪師谷隱聽法嗣

果州永慶光普禪師初問谷隱古人道來日大悲院裏有齋意旨如何曰日出隈陽坐天寒不舉頭師入室次谷隱曰適來因緣汝作麼生會師曰會則途中受用不會則世諦流布曰未在更道師拂袖便出

駙馬李遵勗居士谷隱聽法嗣

駙馬都尉李遵勗居士謁谷隱問出家事谷隱以崔趙公問徑山公案答之公於言下大悟作偈曰學道須是鐵漢著手心頭便判直趣無上菩提一切是非莫管○公一日與堅上座送別公問近離上黨得屈中都方接塵談遽回虎錫指雪屏之翠嶠訪雪嶺之清流未審此處彼處的事作麼生堅曰利劍拂開天地靜霜刀繞舉斗牛寒公曰恰直今日耳聾堅曰一箭落雙鷗公曰上座爲甚麼著草鞋睡堅以衣袖一拂公低頭曰今日可謂降伏也堅曰普化出僧堂○公臨終時膈胃躁熱有尼道堅謂曰衆生見劫盡大火所燒時都尉切宜照管主人公曰大師與我煎一服藥來尼無語公曰這師姑藥也不會煎得公

與慈明問答罷泊然而終語見慈明傳中

英公夏竦居士谷隱聽法嗣

英公夏竦居士字子喬自契機於谷隱日與老衲遊偶上藍薄禪師至公問百骸潰散時那箇是長老自家底上藍曰前月二十離斬陽公休去上藍却問百骸潰散時那箇是相公自家底公便喝上藍曰喝則不無畢竟那箇是相公自家底公對以偈曰休認風前第一機太虛何處著思惟山僧若要通消息萬里無雲月上時上藍曰也是弄精魂

華嚴道隆禪師廣慧聽法嗣

東京華嚴道隆禪師初參石門徹和尚問曰古者道但得隨處安閑自然合他古轍雖有此語疑心未歇時如何石門曰知有乃可隨處安閑如人在州縣住或聞或見千奇百怪他總將作尋常不知有而安閑如人在村落住有少聲色則驚怪傳說師於言下有省石門盡授其洞上厥旨後爲廣慧嗣一日福嚴承和尚問曰禪師親見石門如何却嗣廣慧師曰我見廣慧渠欲剃髮使我擎凳子來廣慧曰道者我有凳

子詩聽取。乃曰。放下便平穩。我時便肯伊。因敘在石門處所得。廣慧曰。石門所示。如百味珍羞。祇是飽人不得。

文公楊億居士 廣慧璉法嗣

文公楊億居士。字大年。幼舉神嬰。及壯。負才名。而未知有佛。一日。過同僚。見讀金剛經。笑且罪之。彼讀自若。公疑之。曰。是豈出孔孟之右乎。何佞甚。因閱數板。憮然始少敬。信後。會翰林李公維勉。令參問。及由秘書監出守汝州。首謁廣慧。廣慧接見。公便問。布鼓當軒擊。誰是知音者。廣慧曰。來風深辨。公曰。怎麼則禪客相逢。祇彈指也。廣慧曰。君子可入。公應喏。廣慧曰。草賊大敗。夜語。次廣慧曰。秘監曾與甚人道話來。公曰。某曾問雲巖諒監寺。兩箇大虫相較時。如何諒曰。一合相。某曰。我祇管看未審。怎麼道還得麼。廣慧曰。這裏即不然。公曰。請和尚別一轉語。廣慧以手作拽鼻勢曰。這畜生更踈跳。在公於言下。脫然無疑。有偈曰。八角磨盤空裏走。金毛獅子變作狗。擬欲將身北斗藏。應須合掌南辰後。○公問廣慧曰。承和尚有

言一切罪業。皆因財寶所生。勸人踈於財利。況南閻浮提衆生。以財爲命。邦國以財聚。人教中有財法二施。何得勸人踈財乎。廣慧曰。幡竿尖上鐵龍頭。公曰。佛海壇馬子。似驢大。廣慧曰。楚鷄不是丹山鳳。公曰。佛滅二千歲。比丘少慚愧。○公因微恙。問環大師曰。某今日忽違和。大師慈悲。如何醫療。環曰。丁香湯一盃。公便作吐勢。環曰。恩愛成煩惱。環爲煎藥。次公叫曰。有賊。環下藥於公前。又手側立。公瞠目。眎之曰。少叢林。漢環拂袖而出。又一日。問曰。某四大將欲離。散大師如何相救。環乃撻臂三下。公曰。賴遇作家。環曰。幾年學佛法。俗氣猶未除。公曰。禍不單行。環作嘯嘯聲。公書偈遺李都尉曰。漚生與漚滅。二法本來齊。欲識真歸處。趙州東院西。都尉見遂曰。泰山廟裏賣紙錢。都尉即至。公已逝矣。

教外別傳卷八

教外別傳卷九臨濟宗

南嶽下十一世臨濟下七世

楊岐方會禪師石霜國法嗣

袁州楊岐方會禪師。郡之宜春冷氏子。少警敏。及冠。不事筆硯。繫名征商。課最坐不職。乃宵遁。入瑞州九峯。恍若舊遊。眷不忍去。遂落髮。每閱經。心融神會。能折節扣參。老宿慈明。自南源徙道吾石霜。師皆佐之。總院事依之。雖久。然未有省發。每咨慈明。曰。庫司事繁。且去他日。又問慈明。曰。監寺異時兒孫徧天下。在何用忙。爲一日慈明適出。雨忽作。師偵之。小徑既見。遂擲住。曰。這老漢。今日須與我說。不說打你去。慈明曰。監寺知是般事。便休語。未卒。師大悟。卽拜於泥途。問曰。狹路相逢時。如何。慈明曰。你且躡避。我要去。那裏去。師歸來。日具威儀。詣方丈。禮謝慈明。呵曰。未。在。自是慈明每山行。師輒瞰其出。雖晚。必擊鼓集衆。慈明遽還。怒曰。少叢林暮而陞座。何從得此規繩。師曰。汾陽晚參也。何謂非規繩乎。一日慈明上堂。師出。

問幽鳥語喃喃。辭雲入亂峯時。如何。慈明曰。我行荒草裏。汝又入深村。師曰。官不容鍼。更借一問。慈明便喝。師曰。好喝。慈明又喝。師亦喝。慈明連喝兩喝。師禮拜。慈明曰。此事是箇人方能擔荷。師拂袖便行。慈明移輿化師辭歸九峯。○後道俗迎居楊岐。次遷雲蓋。受請。曰。拈法衣示衆。曰。會麼。若也不會。今日無端走入水牯牛隊裏去也。還知麼。筠陽九岫萍實。楊岐遂陞座。時有僧出。師曰。漁翁未擲釣。躍鱗衝浪來。僧便喝。師曰。不信道。僧拈掌歸衆。師曰。消得龍王多少風。問師唱誰家曲。宗風嗣阿誰。師曰。有馬騎馬。無馬步行。曰。少年長老。足有機籌。師曰。念汝年老。放汝三十棒。問如何。是佛。師曰。三脚驢子弄蹄行。曰。莫祇這便是麼。師曰。湖南長老。乃曰。更有問話者麼。試出來。相見。楊岐今日性命在汝諸人手裏。一任橫拖倒拽。爲甚麼如此大丈夫兒。須是當衆決擇。莫背地裏似水底按葫蘆相似。當衆引驗。莫便面亦有麼。有麼。出來決擇看。如無。楊岐今日失利。師便下座。九峯勤和尚把住。曰。今日喜得箇同參。師曰。作麼生。是同參底事。

勤曰九峯牽犁楊岐授耙師曰正恁麼時楊岐在前九峯在前勤擬議師拓開曰將謂同參元來不是○慈明忌辰設齋衆纔集師於真前以兩手捏拳安頭上以坐具畫一畫打一圓相便燒香退身三步作女人拜首座曰休捏怪師曰首座作麼生首座曰和尚休捏怪師曰鬼子喫牛糞第二座近前打一圓相便燒香亦退身三步作女人拜師近前作聽勢首座擬議師打一掌曰這漆桶也亂做徑山果云楊岐老漢大似翻却一船麻却裏掃○龍興孜和尚遷化僧至下遺書師問世尊入滅梯示雙趺和尚歸真有何相示僧無語師提臂曰蒼天蒼天○室中問僧栗棘蓬你作麼生吞金剛圈你作麼生透徑山果頌云金剛圈栗棘蓬立沙三種病石鞮一張弓直截爲君說新羅在海○一日三人新到師問三人同行必有一智提起坐具曰參頭上座喚這箇作甚麼僧曰坐具師曰眞箇那日是師復曰喚作甚麼曰坐具師顧視左右曰參頭却具眼問第二人欲行千里一步爲初如何是最初一句曰到和尚這裏爭敢出手師以手畫一畫僧曰了師展兩手僧擬議師曰了問第三人近離

甚處曰南源師曰楊岐今日被上座勘破且坐喫茶黃龍慧南禪師石霜圖法嗣隆興府黃龍慧南禪師信州章氏子依泐潭澄禪師分座接物名振諸方偶同雲峯悅禪師遊西山夜話雲門法道雲峯曰澄公雖是雲門之後法道異矣師詰其所以異雲峯曰雲門如九轉丹砂點鐵成金澄公藥汞銀徒可駝入煨則流去師怒以枕投之明日雲峯謝過又曰雲門氣宇如玉甘死語下乎澄公有法授人死語也死語其能活人乎即背去師挽之曰若如是則誰可汝意雲峯曰石霜圓手段出諸方子宜見之不可後也師默計之曰悅師翠巖使我見石霜於悅何有哉即遣石霜中途問慈明不事事忽叢林遂登衡嶽乃謁福嚴賢賢命掌書記俄賢卒郡守以慈明補之既至目其貶剝諸万件件數爲邪解師爲之氣索遂造其室慈明曰書記領徒遊方借使有疑可坐而商略師哀懇愈切慈明曰公學雲門禪必善其旨如云放洞山三頓棒是有喫棒分無喫棒分師曰有喫棒分慈明色莊曰從朝至暮鵲噪鴉鳴皆

應契棒慈明卽端坐受師炷香作禮慈明復問趙州道臺山婆子我爲汝勘破了也且那裏是他勘破婆子處師汗下不能加答次日又詣慈明詬罵不已師曰罵豈慈悲法施耶慈明曰你作罵會那師於言下大悟作頌曰傑出叢林是趙州老婆勘破沒來由而今四海清如鏡行人莫與路爲讐呈慈明慈明領之○後開法同安初受請曰泐潭遣僧來審師提唱之語有曰智海無性因覺妄而成凡覺妄元虛卽凡心而見佛便爾休去將謂同安無折合隨汝顛倒所欲南斗七北斗八僧歸舉似澄澄不懌自是泐潭舊好絕矣○因化主歸上堂世間有五種不易一化者不易二施者不易三變生爲熟者不易四端坐喫者不易更有一種不易是甚麼人良久云嚮便下座時翠巖爲首座藏主問云適來和尚道第五種不易是甚麼人翠巖云腦後見腮莫與往來○師室中常問僧曰人人盡有生緣上座生緣在何處正當問答交鋒却復伸手曰我手何似佛手又問諸方參請宗師所得却復垂脚曰我脚何似驢脚三十餘年示此三問學者莫有契其旨脫有酬者師未嘗可否叢

林目之爲黃龍三關師自頌曰生緣有語人皆識水母何曾離得鰕但見日頭東畔上誰能更喫趙州茶我手佛手兼舉禪人直下薦取不動干戈道出當處超佛越祖我脚驢脚竝行步步踏著無生會得雲收日卷方知此道縱橫總頌曰生緣斷處伸驢脚驢脚伸時佛手開爲報五湖參學者三關一一透將來

翠巖可真禪師石霜圖法嗣

洪州翠巖可真禪師福州人也嘗參慈明因之金鑾同善侍者坐夏善乃慈明高第道吾真楊岐會皆推伏之師自負親見慈明天下無可意者善與語知其未徹笑之一日山行舉論鋒發善拈一片瓦礫置磐石上曰若向這裏下得一轉語許你親見慈明師左右視擬對之善叱曰好思停機情識未透何曾夢見師自愧悚卽還石霜慈明見來叱曰本色行脚人必知時節有甚急事夏未了早已至此師泣曰被善兄毒心終礙塞人故來見和尚慈明遽問如何是佛法大意師曰無雲生嶺上有月落波心慈明噴目喝曰頭白齒豁猶作這箇見解如何脫離生死師悚然求

指示慈明曰。汝問我師理前語問之。慈明震聲曰。無雲生嶺上。有月落波心。師於言下大悟。師爽氣逸出。機辯迅捷。叢林憚之。

蔣山贊元禪師 石霜圖法嗣

蔣山贊元覺海禪師。婺州義烏人。姓傅氏。乃大士之裔也。夙修種智。七歲爲僧。十五游方。遠造石霜。陞於丈室。慈明一見曰。好好著。槽廠師遂作驢鳴。慈明曰。眞法器耳。俾爲侍者。二十年中。運水搬柴。不憚寒暑。悉已躬親求道。

靈隱德章禪師 石霜圖法嗣

靈隱德章禪師。初住大相國寺西經藏院。慶曆八年九月一日。仁宗詔師於延春閣下。齋宣普照大師問。如何是當機一句。師曰。一言迺出青霄外。萬仞峰前。嶮處行。曰。作麼生。是嶮處。行師便喝曰。皇帝面前。何得如此。師曰。也不得放過。○明年又宣入內。齋復宣普照問。如何是奪人不奪境。師曰。雷驚細草萌芽發。高山進步莫遲遲。曰。如何是奪境不奪人。師曰。戴角披毛異。來往任縱橫。曰。如何是人境兩俱奪。師曰。出

門天外。迴流光影不眞。曰。如何是人境俱不奪。師曰。寒林無宿客。大海聽龍吟。○後再宣入化成殿。齋宣守賢問。齋筵大啓。如何報答聖君。師曰。空中求鳥跡。曰。意旨如何。師曰。水內覓魚踪。

眞如方禪師 瑯琊覺法嗣

眞州眞如院方禪師。參瑯琊。唯看柏樹子。話每入室。陳其所見。不容措詞。常被喝出。忽一日。大悟。直入方丈。曰。我曾也。瑯琊曰。汝作麼生。會。師曰。夜來牀薦暖。一覺到天明。瑯琊可之。

興教坦禪師 瑯琊覺法嗣

宣州興教院坦禪師。永嘉牛氏子。業打銀。因淬礪瓶器。有省。卽出家。參瑯琊。機語頓契。後依天衣懷禪師。時住興教。擢爲第一座。天衣受他請。欲聞州乞師繼之時。刁景純學士守宛陵。天衣恐景純涉外議。乃於觀音前祝曰。若坦首座道眼明白。堪任住持。願示夢於刁學士。景純夜夢牛在興教法座上。天衣凌晨辭州。景純舉所夢。天衣大笑。景純問其故。天衣曰。坦首座姓牛。又屬牛。景純就座。出帖請之。師受請。陞座。有

雪竇化主省。宗出問諸佛。未出世人人鼻孔遼天出。世後爲甚麼。杳無消息。師曰。鷄足峰前風悄然。省宗曰。未在這道。師曰。大雪滿長安。省宗曰。誰人知此意。令我憶南泉。拂袖歸衆。更不禮拜。師曰。新興教今日失利。便歸方丈。令人請省宗至。師曰。適來錯祇對一轉語。人天衆前何不禮拜。蓋覆却省宗曰。大丈夫膝下有黃金。爭肯禮拜無眼長老。師曰。我別有語在省宗。乃理前語。至未在這道處。師曰。我有三十棒寄你打雪竇。省宗乃禮拜。

歸宗可宣禪師 瑯琊覺法嗣

江州歸宗可宣禪師。漢州人也。壯爲僧。卽出峽。依琅邪。一語忽投。群疑頓息。琅邪可之。未幾。令分座淨空居士郭功甫。過門問道。與厚。及師領歸宗。時功甫任南昌尉。俄郡守恚師不爲禮。据甚。遂作書寄功甫曰。某世緣尙有六年。奈州主抑逼。當棄餘喘。託生公家。願無見阻。功甫閱書。驚喜。且領之中。夜其妻夢。見師入其寢。失聲曰。此不是和尚來處。功甫撼而問之。妻詳以告。呼燈取書示之。相笑不已。遂孕及生。乃名。

卷二 二

宣老期年。記問如昔。至三歲。白雲端禪師抵其家。始見之。曰。吾姪來也。白雲曰。與和尚相別幾年。宣倒指曰。四年矣。蓋與相別一年方死。白雲曰。甚處相別。曰。白蓮莊上。白雲曰。以何爲驗。曰。爹爹媽媽。明日請和尚齋。忽聞推車聲。白雲問門外。是甚麼聲。宣以手作推車勢。白雲曰。過後如何。曰。平地兩條溝。果六周無疾而逝。

長水子璿講師 瑯琊覺法嗣

秀州長水子璿講師。郡之嘉興人也。自落髮。誦楞嚴。不輟。從洪敏法師講。至動靜二相了然不生。有省。謂敏曰。敲空擊木。木二。尙落筌蹄。舉目揚眉。已成擬議。去此二途。方契斯旨。敏拊而證之。然欲探禪源。罔知攸往。聞琅邪道重。當世卽趨其席。值上堂。次出。問清淨本然。云何忽生山河大地。琅邪憑陵答曰。清淨本然。云何忽生山河大地。師領悟。

雲峯文悅禪師 大愚芝法嗣

南嶽雲峯文悅禪師。南昌徐氏子。初造大愚。聞示衆曰。大家相聚。喫莖壘。若喚作一莖壘。入地獄。如箭射便下。座師大駭。夜造方丈。大愚問來何所求。師曰。求。

心法大愚曰。法輪未轉。食輪先轉。後生趣色力健。何不爲衆乞食。我忍飢不暇。何暇爲汝說禪乎。師不敢違。未幾大愚移翠巖。師納疏。罷復過翠巖。求指示。翠巖曰。佛法未到。爛却雪寒。宜爲衆乞食。師亦奉命。能事罷。復造方丈。翠巖曰。堂司闕人。今以煩汝。師受之不樂。恨翠巖不去心地。坐後架桶。籊忽散自架墮落。師忽然開悟。頓見翠巖用處。走搭伽黎上寢堂。翠巖迎笑曰。維那且喜大事了畢。師再拜不及吐一辭而去。服勤八年。後出世翠巖。○僧問巖山巖崖。還有佛法也無。師曰。有。僧曰。如何是巖山巖崖佛法。師曰。胡孫倒上樹。經山果云。若人信受奉行。一生參學事畢。○俗士問。如何是佛。師曰。著衣喫飯。量家道。曰。恁麼則退身三步叉手當胷去也。師曰。醉後添杯不如無。

淨住居說禪師 金山頌法嗣

杭州淨住院居說眞淨禪師。參達觀。遂問曰。某甲經論粗明。禪直不信。願師決疑。達觀曰。既不信。禪豈可明。經禪是經綱。經是禪網。提綱正綱了。禪見經。師曰。爲某甲說禪。看達觀曰。向下文長。師曰。若恁麼。經與

禪乃一體。達觀曰。佛及祖非二心。如手搦拳。如拳搦手。師因而有省。乃成偈曰。二十餘年用意猜。幾番曾把此心灰。而今潦倒逢知己。李白元來是秀才。

節使李端愿居士 金山頌法嗣

節使李端愿居士。兒時在館舍。常閱禪書。長雖婚宦。然篤志祖道。遂於後園築室。類蘭若。邀達觀處之。朝夕咨參。至忘寢食。達觀一日視公曰。非示現力。豈致爾哉。奈無箇所入。何。公問曰。天堂地獄畢竟是有。是無。請師明說。達觀曰。諸佛向無中說。有眼見空花。太尉就有裏尋。無手攬水月。堪笑眼前見牢獄。不避心外聞天堂。欲生殊不知所怖。在心善惡成境。太尉但了自心。自然無惑。公曰。心如何了。達觀曰。善惡都莫思量。公曰。不思量後。心歸何所。達觀曰。且請太尉歸宅。公曰。祇如人死後。心歸何所。達觀曰。未知生焉知死。公曰。生則某已知之。達觀曰。生從何來。公問措達觀起。搭其胷曰。祇在這裏。更擬思量箇甚麼。公曰。會得也。達觀曰。作麼生。會公曰。祇知食程不覺蹉路。達觀拓開曰。百年一夢。今朝方省。既而說偈曰。三十八

歲憤然無知。及其有知。何異無知。滔滔汴水。隱隱隋堤。師其歸矣。箭浪東馳。

西余淨端禪師龍華岳法嗣

安吉州西余師子淨端禪師。本郡人也。姓丘氏。始見弄師子。發明心要。往見龍華蒙印。可遂旋里。合綵爲師子皮。時被之。因號端師子。○有狂僧回頭對丹陽守呂公肉食師。徑至指曰。正當與麼時。如何是佛。回頭不能對師。捶其頭。推倒乃行。○又有妖人號不托。掘秀州城外。地有佛像。建塔其上。傾城信敬。師見。堪住曰。如何是佛。不托擬議。師趨之而去。○丞相章惇慕其道。躬請開法。吳山化風盛播。開堂日。僧宣疏至。推倒回頭。趨翻不托。七軸之蓮經未誦。一聲之漁父先聞。師止之。遂登座拈香祝聖。罷引聲吟曰。本是瀟湘一釣客。自西自東。自南自北。大衆雜然稱善。師顧笑曰。諦觀法王法。法王法如是。便下座。○一日章丞相留飯。師瞋說偈曰。章惇章惇。請我看境。我却喫素。汝却喫葷。惇爲大笑。○又因惇請供。賺下餛飩。師偈曰。腥餛飩素餛飩。滿碗盛來渾崙吞。垃圾打從灘上過。

龍宮海藏自分明。○惇赴召別師。師曰。且爲愛護佛法。惇曰。不與不廢。愛護佛法也。師令侍者取糖與相公送路。喫糖次。師問甜麼。惇曰。甜。師曰。甜便住。惇一笑遂起。○師在京師。王荊公請講禪。就大相國寺設齋。看經次。荊公入院焚香畢。問諸方曰。佛未出世時。看甚麼經。衆無語。師曰。相公周孔未出世時。讀甚麼書。公曰。伶仃。僧又曰。南無觀世音。說出種種法。古今沉沒者。聲聲怨菩薩。○師到華亭。衆請上堂。靈山師子雲間哮吼。佛法無可商量。不如打箇筋斗。便下座。○元祐初。圓照禪師自京師慧林退歸姑蘇。見師於甘露。曰。汝非端師子乎。曰。是。圓照戲之曰。村裏師子耳。師應聲曰。村裏師子。村裏弄眉毛。眼睛一齊動。開却口肚裏直籠。侗不管人取奉。直饒弄到帝王宮。也是一場乾打閤。○上堂。二月二禪翁有何謂。春風觸目百花開。公子王孫日日醺醺醉。唯有殿前陳朝檜。不入時人意。禪家流祇這是。莫思慮。坦然齋後一甌茶。長連牀上伸脚睡。咄。○問。羚羊未挂角時如何。師曰。怕。曰。既是善知識。因何却怕。師曰。山僧不曾見。

怎麼差異畜生。○師抵障南見上方超和尚有一尼來參師曰。待來日五更三點入來。師侵早紅粉搽面而坐。尼入見驚而遂悟。○偶病牙。謂衆僧曰。明日遷化去。衆以爲戲語。請說偈。師索筆大書曰。端師子太慵懶。未死牙齒先壞爛。二時伴衆赴堂粥飯。都趕不辦。如今得死是便宜。長眠百事皆不管。第一不著看官。第二不著喫粥飯。五更遂化。

南嶽下十二世臨濟下八世

白雲守端禪師楊岐會法嗣

舒州白雲守端禪師。衡陽葛氏子。往參楊岐楊岐一日忽問。受業師爲誰。師曰。茶陵郁和尚。楊岐曰。吾聞伊過橋。遭攔有省作。偈甚奇。能記否。師誦曰。我有明珠一顆。久被塵勞闕。鑲今朝塵盡光生。照破山河萬朵。楊岐笑而趨起。師愕然。通夕不寐。黎明咨詢之。適歲暮。楊岐曰。汝見昨日打毆。儻者麼。曰。見。楊岐曰。汝一籌不及渠。師復駭曰。意旨如何。楊岐曰。渠愛人笑。汝怕人笑。師大悟。巾侍久之。

保寧仁勇禪師楊岐會法嗣

金陵保寧仁勇禪師。四明竺氏子。謁雪竇明覺禪師。明覺意其可任大法。謂之曰。央庠座主。師憤悱下山。望雪竇拜曰。我此生行脚參禪。道不過雪竇。誓不歸鄉。卽往泐潭。踰紀疑情未泮。聞楊岐移雲蓋。能鈴鍵學者。直造其室。一語未及。頓明心印。楊岐歿。從同參白雲端禪師遊。研極玄奧。

黃龍祖心禪師黃龍南法嗣

隆興府黃龍祖心寶覺禪師。南雄鄒氏子。參雲峯悅禪師。三年無所得辭。去雲峯曰。必往依黃檗。南禪師師至黃檗。四年不大發明。又辭。再上雲峯。會雲峯謝世。就止石霜。因閱傳燈。至僧問多福。如何是多福。一叢竹多福曰。一莖兩莖斜。曰。不會。多福曰。三莖四莖曲。師於此開悟。徹見二師用處。徑回黃檗。方展坐具。黃檗曰。子已入吾室矣。師踴躍曰。大事本來如是。和尚何得教人看話。百計搜尋。黃檗曰。若不教你如此。先尋到無人處。自見自肯。卽吾埋沒汝也。○師室中常舉拳問僧曰。喚作拳頭。則觸不喚作拳頭。則背喚作甚麼。

寶峯克文禪師 黃龍南法嗣

隆興府寶峯克文雲庵眞淨禪師陝府鄭氏子坐夏大滙聞僧舉僧問雲門佛法如水中月是否雲門曰清波無透路師乃領解往見黃龍不契却曰我有好處這老漢不識我遂往香城見順和尚順問甚處來師曰黃龍來曰黃龍近日有何言句師曰黃龍近日州府委請黃檗長老黃龍垂語曰鐘樓上念讚牀脚下種菜有人下得語契便往往住持勝上座曰猛虎當路坐黃龍遂令去住黃檗順不覺曰勝首座祇下一轉語便得黃檗住佛法未夢見在師於言下大悟方知黃龍用處遂回見黃龍黃龍問甚處來師曰特來禮拜和尚黃龍曰恰值老僧不在師曰向甚麼處去黃龍曰天台普請南嶽遊山師曰恁麼則學人得自在去也黃龍曰脚下鞋甚處得來師曰廬山七百五十文唱來黃龍曰何曾得自在師指鞋曰何嘗不自在黃龍駭之○開堂曰拈香祝聖問答罷乃曰問話且止祇知問佛問法殊不知佛法來處且道從甚麼處來垂一足曰昔日黃龍親行此令十方諸佛無

敢違者諸代祖師一切聖賢無敢越者無量法門一切妙義天下老和尚舌頭始終一印無敢異者無異則且置印在甚麼處還見麼若見非僧非俗無偏無黨一分付若不見而我自收遂收足喝一喝曰兵隨印轉將逐符行佛手驢脚生緣老好痛與三十棒而今會中莫有不甘者麼若有不妨奇特若無新長老謾你諸人去也

黃檗惟勝禪師 黃龍南法嗣

瑞州黃檗惟勝眞覺禪師潼川羅氏子居講聚時偶以扇勑窻欄有聲忽憶教中道十方俱擊鼓十處一時聞因大悟白本講本講令參問師徑往黃龍後因瑞州太守委黃龍選黃檗主人黃龍集衆垂語曰鐘樓上念讚牀脚下種菜若人道得乃往往住持師出答曰猛虎當路坐黃龍大悅遂令師往由是諸方宗仰之

開元子琦禪師 黃龍南法嗣

蘄州開元子琦禪師泉州許氏子精楞嚴圓覺棄謁翠巖眞禪師問佛法大意翠巖睡地曰這一滴落在

甚麼處師捫膺曰學人今日脾疼翠巖解頰辭參積翠歲餘盡得其道乘間侍積翠商榷古今適大雪積翠指曰斯可以一致君帶否師曰不能然則天霽日出雲物解駁豈復有哉知有底人於一切言句如破竹雖百節當迎刃而解詎容聲於擬議乎一日積翠遣僧逆問老和尚三關語如何師厲聲曰你理會久遠時事作麼積翠聞益奇之於是名著叢席積翠歿四祖演禪師命分座○室中垂語曰一人有口道不得姓字爲誰後傳至東林總禪師歎曰琦首座如鐵山萬仞卒難逗他語脈未幾以開元爲禪林請師爲第一世

仰山行偉禪師 黃龍南法嗣

袁州仰山行偉禪師河朔人也習圓覺微有所疑挈囊遊方專扣祖意至南禪師法席六遷星序一日扣請尋被喝出足擬跨門頓省玄旨出世仰山道風大著

雲蓋守智禪師 黃龍南法嗣

潭州雲蓋守智禪師劍州陳氏子遊方至豫章大寧

時法昌遇禪師韜藏西山師聞其飽參卽之法昌問曰汝何所來師曰大寧又問三門夜來倒汝知麼師愕然曰不知法昌曰吳中石佛大有人不曾得見師惘然卽展拜法昌使謁翠巖眞禪師雖久之無省且不舍寸陰及謁黃龍於積翠始盡所疑○師居院之東堂政和辛卯死心謝事黃龍由湖南入山奉覲曰已夕矣侍僧通謁師曳履且行且語曰將燭來看其面目何似生而致名喧宇宙死心亦絕叫把近前來我要照是真師叔是假師叔師卽當曾毆一拳死心曰却是眞箇遂作禮賓主相得歡甚

隆慶慶閑禪師 黃龍南法嗣

吉州仁山隆慶院慶閑禪師福州卓氏子二十徧參後謁黃龍於黃檗黃龍問甚處來師曰百丈曰幾時離彼師曰正月十三黃龍曰脚跟好痛與三十棒師曰非但三十棒黃龍喝曰許多時行脚無點氣息師曰百千諸佛亦乃如是曰汝與麼來何曾有纖毫到諸佛境界師曰諸佛未必到慶閑境界黃龍問如何是汝生緣處師曰早晨喫白粥如今又覺饑問我手

何似佛手師曰月下弄琵琶問我脚何似驢脚師曰驚鷺立雪非同色黃龍嗟咨而視曰汝剷除鬚髮當爲何事師曰祇要無事曰與麼則數聲清磬是非外一箇閑人天地間也師曰是何言歟曰靈利衲子師曰也不消得黃龍曰此間有辯上座者汝著精彩師曰他有甚長處曰他拈汝背一下又如何師曰作甚麼曰他展兩手師曰甚處學這虎頭來黃龍大笑師却展兩手黃龍喝之又問懽懽鬆鬆兩人共一挽作麼生會師曰百雜碎曰盡大地是箇須彌山撮來掌中汝又作麼生會師曰兩重公案曰這裏從汝胡言漢語若到同安如何過得時英邵武在同安作首座師欲往見之師曰渠也須到這箇田地始得曰忽被渠指火鑪曰這箇是黑漆火鑪那箇是黑漆香卓甚處是不到處師曰慶閑面前且從恁麼說話若是別人笑和尚去黃龍拍一拍師便喝明日同看僧堂曰好僧堂師曰極好工夫曰好在甚處師曰一梁挂一柱曰此未是好處師曰和尚又作麼生黃龍以手指曰這柱得與麼圓那枋得與麼匾師曰人天大善知識須是和尙始得

卽趨去明日侍立黃龍問得坐披衣向後如何施設師曰遇方卽方遇圓卽圓曰汝與麼說話猶帶唇齒在師曰慶閑卽與麼和尚作麼生曰近前來爲汝說師拈掌曰三十年用底今朝捉敗黃龍大笑曰一等是精靈師拂袖而去由是學者爭歸之

渤潭洪英禪師黃龍南法嗣

隆興府渤潭洪英禪師閱華嚴十明論乃證宗要卽詣黃檗南禪師席黃檗與語達旦曰荷擔大法盡在爾躬厚自愛○又往見翠巖眞點曾方入室眞問曰女子出定意旨如何師引手指眞膝而去眞笑曰賣匙箸客未在眞自是知其機辯脫略窠臼大稱賞之

雪峯道圓禪師黃龍南法嗣

南安軍雪峯道圓禪師南雄人也依積翠日宴坐下板時二僧論野狐話一云不昧因果也未脫得野狐身一云不落因果又何曾墮野狐來師聞之悚然因詣積翠庵渡澗猛省述偈曰不落不昧僧俗本無忌諱丈夫氣宇如王爭受囊藏被蓋一條柳栗任縱橫野狐跳入金毛隊積翠見爲助喜

穹窿智圓禪師定慧信法嗣

蘇州穹窿智圓禪師上堂。福臻不說禪。無事日高眠。有問祖師意。連擲兩三拳。大眾且道爲甚麼如此不合。惱亂山僧睡。

南嶽下十三世臨濟下九世

五祖法演禪師白雲端法嗣

蘄州五祖法演禪師。綿州鄧氏子。祝髮受具。習唯識百法論。因聞菩薩入見道時。智與理冥。境與神會。不分能證所證。西天外道。管難比丘曰。既不分能證所證。却以何爲證。無能對者。外道貶之。令不鳴鐘鼓。反披袈裟。三藏笑法師至彼。救此義曰。如人飲水。冷暖自知。乃通其難。師曰。冷暖則可知矣。作麼生是自知底事。遂質本講曰。不知自知之理如何。本講莫疏其問。但誘曰。汝欲明此。當往南方。扣傳佛心宗者。師即負笈出關。所見尊宿。無不以此咨決。所疑終不破。泊謁圓照本禪師。古今因緣會盡。唯不會僧問興化云。四方八面來時如何。興化云。打中間底。僧作禮。興化云。我昨日赴簡村齋。中途遇一陣卒風暴雨。却向古廟裏避得過。請益圓照。圓照曰。此是臨濟下。因緣須是問他家兒孫始得。師遂謁浮山遠禪師。請益前話。浮山曰。我有箇譬喻。說似你。你一似箇三家村裏賣柴漢子。把箇匾擔向十字街頭立地。問人中書堂。今日商量甚麼事。師默計曰。若如此大故。未在浮山一日。語師曰。吾老矣。恐虛度子光陰。可往依白雲。此老雖後生。吾未識面。但見其頌臨濟三頓棒話。有過人處。必能了子大事。師潸然禮辭。至白雲。遂舉僧問南泉摩尼珠話。請問白雲。叱之。師領悟。獻投機偈曰。山前一片閑田地。叉手叮嚀問祖翁。幾度賣來還自買。爲憐松竹引清風。白雲特印可。令掌磨事。未幾白雲至。語師曰。有數禪客自廬山來。皆有悟入。處教伊說。亦說得有來由。舉因緣問伊。亦明得教伊下語。亦下得。祇是未在師於是大疑。私自計曰。既悟了。說亦說得。明亦明得。如何却未在。遂參究累日。忽然省悟。從前寶惜一時放下。走見白雲。白雲爲手舞足蹈。師亦一笑而已。師後曰。吾因茲出一身白汗。便明得下。載清風白雲。一日示衆曰。古人道。如鏡鑄像。像成後。鏡在

甚麼處衆下語皆不契。舉以問師。師近前問訊曰。也不較多。白雲笑曰。須是道者始得。乃命分座。開示方來。○問。如何是臨濟下事。師曰。五逆聞雷。曰。如何是雲門下事。師曰。紅旗閃爍。曰。如何是曹洞下事。師曰。馳書不到家。曰。如何是潞仰下事。師曰。斷碑橫古路。僧禮拜。師曰。何不問法眼。下事曰。留與和尚。師曰。巡人犯夜。○問。牛頭未見四祖時。如何。師曰。頭上戴纍。垂曰。見後如何。師曰。青布遮前。曰。未見時爲甚麼。百鳥銜華獻。師曰。富與貴。是人之所欲。曰。見後爲甚麼。不銜華獻。師曰。貧與賤。是人之所惡。○問。如何是佛。師曰。露曾跣足。曰。如何是法師。曰。太赦不放。曰。如何是僧。師曰。釣魚船上謝三郎。徑山杲云。此三轉語。一四寶主洞山五位雲門三句。百千法門。轉具三玄三要。四料揀無量妙義。若人揀得。許你具一隻眼。○三佛侍師於一亭上。夜話及歸。燈已滅。師於暗中曰。各人下一轉語。佛鑑曰。彩鳳舞丹霄。佛眼曰。鐵地橫古路。佛果曰。看脚下。師曰。滅吾宗者。乃克勤爾。

提刑郭祥正居士

白雲端
法嗣

提刑郭祥正字功甫號淨空居士志樂泉石不羨紛

華因謁白雲。白雲上堂曰。夜來枕上作得箇山頌。謝功甫大儒。廬山二十年之舊。今日遠訪白雲之勤。當須舉與大眾。請已後分明舉似諸方。此頌豈唯謝功甫大儒直要與天下有鼻孔。衲僧脫却著肉汗衫。莫言不道。乃曰。上大人丘乙巳。化三千七十七。爾小生八九子。佳作仁。可知禮也。公切疑後聞小兒誦之。忽有省。以書報白雲。白雲以偈答曰。藏身不用縮頭歛跡。何須收脚金烏。半夜遶天玉兔。趕他不著。○元祐中。往衢之南。禪謁泉萬卷。請陞座。公趨前拈香曰。海邊枯木。入手成香。爇向爐中。橫穿香積。如來鼻孔。作此大事。須是對衆。白過始得。雲居老人有箇無縫布衫。分付南禪。禪師著得不長。不短。進前則諸佛讓位。退步則海水澄波。今日嘖呻六種震動。遂召曰。大眾還委悉麼。有意氣時添意氣。不風流處也風流。泉曰。遙相鈍置。公曰。因誰致得。○崇寧初。到五祖。命五祖陞座。公趨前拈香曰。此一瓣香。爇向爐中。供養我堂頭法兄禪師。伏願於方廣座上。擘開面門。放出先師形相。與他諸人描邈。何以如此。白雲巖畔舊相逢。往

日今朝事不同。夜靜水寒魚不食。一爐香散白蓮峯。
五祖遂曰。曩謨薩怛哆鉢囉野。怎麼麼。幾度白雲。
谿上望黃梅。華向雪中開。不怎麼麼。不怎麼麼。歟。柳垂金
線。且要應時來。不見龐居士問馬大師云。不與萬法
爲侶者。是甚麼人。大師云。待汝一口吸盡西江水。卽
向汝道。大衆一口吸盡西江水。萬丈深潭窮到底。掠
約不是趙州橋。明月清風安可比。○後又到保寧。亦
請陞座。公拈香曰。法鼓既鳴。寶香初爇。楊岐頂顙。門
請師重著。楔保寧卓拄杖一下曰。著楔已竟。大衆證
明。又卓一下。便下座。○又到雲居。請佛印陞座。公拈
香曰。覺地相逢。一何早。鶻臭布衫。今脫了。要識雲居
一句。立珍重。後園驢喫草。召大衆曰。此一瓣香。熏天
炙地去也。佛印曰。今日不著。便被這漢當面塗糊。便
打。乃曰。謝公千里來相訪。共話東山竹徑深。借與一
龍騎出洞。若逢天旱。便爲霖。擲拄杖下座。公拜起。佛
印曰。收得龍麼。公曰。已在這裏。佛印曰。作麼生。騎公
擺手作舞。便行。佛印拈掌曰。祇有這漢。猶較些子。

黃龍悟新禪師 黃龍心
法嗣

隆興府黃龍死心悟新禪師。韶州黃氏子。生有紫肉
幕左肩。右袒如僧伽黎狀。遊方至黃龍。謁晦堂。晦堂
豎拳問曰。喚作拳頭。則觸。不喚作拳頭。則背。汝喚作
甚麼。師罔措。經二年。方領解。然尙談辯無所抵牾。晦
堂患之。偶與語。至其銳。晦堂遽曰。住住。說食豈能飽。
人師窘。乃曰。某到此。弓折箭盡。望和尙慈悲。指箇安
樂處。晦堂曰。一塵飛而翳天。一芥墮而覆地。安樂處
政忌上座。許多骨董。直須死却。無量劫來。全心乃可。
耳師趨出。一日。聞知事捶行者而迅雷忽震。卽大悟。
趨見晦堂。忘納其屨。卽自譽曰。天下人總是參得底。
禪某是。悟得底。晦堂笑曰。選佛得甲科。何可當也。因
號死心叟。

黃龍惟清禪師 黃龍心
法嗣

隆興府黃龍靈源惟清禪師。本州陳氏子。印心於晦
堂。每謂人曰。今之學者。未脫生死病。在甚麼處。病在
偷心未死耳。然非其罪。爲師者之罪也。如漢高帝。給
韓信而殺之。信雖死。其心果死乎。古之學者。言下脫
生死。效在甚麼處。在偷心已死。然非學者自能爾。實

爲師者鉗鎚妙密也。如梁武帝御大殿見侯景不動聲氣而景之心已枯竭無餘矣。諸方所說非不美麗要之如趙昌畫華華雖逼真而非真華也。

勸潭善清禪師 黃龍心法嗣

隆興府勸潭草堂善清禪師南雄州何氏子。初謁大滄詰禪師無所得。後謁黃龍。黃龍示以風幡話。話久而不契。一日黃龍問風幡話子作麼生。會師曰。迥無入處。乞師方便。黃龍曰。子見貓兒捕鼠乎。目睛不瞬。四足踞地。諸根順向。首尾一直。擬無不中。子誠能如是。心無異緣。六根自靜。默然而究。萬無失一也。師從是屏去閑緣。歲餘豁然契悟。以偈告黃龍曰。隨隨隨。昔昔隨隨。隨後無人識。夜來明月上高峯。元來祇是這箇賊。黃龍領之復告之曰。得道非難。弘道爲難。弘道猶在。已說法爲人難。既明之後。在力行之大。凡宗師說法一句中具三玄。一玄中具三要。子入處真實。得坐披衣。向後自看自然。七通八達。去師復依止七年。乃辭徧訪叢林。後出世黃龍終于勸潭。

青原惟信禪師 黃龍心法嗣

吉州青原惟信禪師上堂。老僧三十年前未參禪時。見山是山。見水是水。及至後來親見知識。有箇入處。見山不是山。見水不是水。而今得箇休歇處。依前見山祇是山。見水祇是水。大衆這三般見解。是同是別。有人縊素得出。許汝親見老僧。

夾山曉純禪師 黃龍心法嗣

澧州夾山靈泉院曉純禪師。嘗以木刻作一獸。師子頭。牛足。馬身。每陞堂時。持出示衆曰。喚作師子。又是馬身。喚作馬身。又是牛足。且道畢竟喚作甚麼。令僧下語。莫有契者。

保福本權禪師 黃龍心法嗣

漳州保福本權禪師。臨漳人也。性質直而勇於道。乃於晦堂舉拳處。徹證根源。機辯捷出。黃山谷初有所入。問晦堂。此中誰可與語。晦堂曰。漳州權師。方督役開田。山谷同晦堂往。致問曰。直歲還知露柱生兒麼。師曰。是男是女。山谷擬議。師揮之。晦堂謂曰。不得無禮。師曰。這木頭不打。更待何時。山谷大笑。

太史黃庭堅居士 黃龍心法嗣

太史山谷居士黃庭堅字魯直以般若夙習雖臘仕澹如也出入宗門未有所向好作艷詞嘗謁圓通秀禪師秀呵曰大丈夫翰墨之妙甘施於此乎秀方戒李伯時畫馬事公謂之曰無乃復置我於馬腹中邪秀曰汝以艷語動天下人姪心不止馬腹中正恐生泥犁耳公悚然悔謝由是絕筆惟孝於道著發願艾痛戒酒色但朝粥午飫而已往依晦堂乞指徑捷處晦堂曰祇如仲尼道二三子以我爲隱乎吾無隱乎爾者太史居常如何理論公擬對晦堂曰不是不是公迷悶不已一日侍晦堂山行次時巖桂盛放晦堂曰聞木樨華香麼公曰聞晦堂曰吾無隱乎爾公釋然卽拜之曰和尚得恁麼老婆心切晦堂笑曰祇要公到家耳久之謁雲巖死心新禪師隨入室死心見張目問曰新長老死學士死燒作兩堆灰向甚麼處相見公無語死心約出曰晦堂處參得底使未著在後左官黔南道力愈勝於無思念中頓明死心所問報以書曰往年嘗蒙苦苦提撕長如醉夢依稀在光影中蓋疑情不盡命根不斷故望崖而退耳謫

官在黔南道中晝臥覺來忽爾尋思被天下老和尚謾了多少惟有死心道人不肯乃是第一相爲也

秘書吳恂居士 黃龍心法嗣

秘書吳恂居士字德夫居晦堂入室次晦堂謂曰平生學解記憶多聞卽不問你父母未生已前道將一句來公擬議晦堂以拂子擊之卽領深旨連呈三個其後曰咄這多知俗漢較盡古今公案忽於狼藉堆頭拾得蟻蜋羹彈別明不直分文萬兩黃金不換等閑拈出示人祇爲走盤難看嘆

褒親有瑞禪師 東林總法嗣

東京褒親旌德院有瑞佛海禪師興化軍陳氏子初參黃龍南禪師黃龍問汝爲人事來爲佛法來師曰爲佛法來黃龍曰若爲佛法來卽今便分付遂打一拂子師曰和尚也不得惱亂人黃龍卽器之後依照覺深悟玄奧

萬杉紹慈禪師 東林總法嗣

廬山萬杉院紹慈禪師桂州趙氏子參照覺問曰世尊付金襴外別傳何物照覺舉拂子師曰畢竟作麼

生照覺以拂子蓋口打師。擬開口。照覺又打師。於是
有省。遂奪拂子。便禮拜。照覺曰。汝見何道理。便禮拜。
師曰。拂子蓋某甲了也。照覺曰。三十年老將。今日被
小卒折倒。自此立風大振。推爲東林上首。

慧圓上座東林總
法嗣

慧圓上座。開封酸棗千氏子。性椎魯。然勤渠祖道。堅
坐不臥。居數歲。得度。出遊廬山。至東林。每以已事請
問朋輩。見其貌陋。舉止乖疎。皆戲侮之。一日行殿庭
中。忽足顛而仆。了然開悟。作偈。俾行者書於壁曰。這
一交這一交。萬兩黃金也。合消頭上笠。腰下包清風。
明月杖頭挑。即日離東林。衆傳至。照覺照覺大喜曰。
衲子參究若此。善不可加。令人迹其所往。竟無知者。
大慧武庫謂證
悟顯語非也

內翰蘇軾居士東林總
法嗣

內翰東坡居士蘇軾字子瞻。因宿東林。與照覺論無
情話。有省。黎明獻偈曰。溪聲便是廣長舌。山色豈非
清淨身。夜來八萬四千偈。他日如何舉似人。未幾抵
荊南。聞玉泉皓禪師機鋒。不可觸。公擬抑之。即微服

求見玉泉。問尊官高姓。公曰。姓秤。乃秤天下長老底。
秤玉泉。喝曰。且道這一喝重多少。公無對。徑山信代
云定鑑星
爆於是尊禮之。徑山信云何
不早怎麼後過金山。有寫公照容
者。公戲題曰。心似已灰之木。身如不繫之舟。問汝平
生功業。黃州惠州瓊州。徑山信頌云。黃州惠州瓊州。
去去來來。獨得一根秤。
子喝下。還是空手落拓。拓拓一生。妙在舌頭會操。作萬
古之斯文。同秋風之抖擻。儼似石灰布袋。狼藉不用苦
帶。更問如何。若何。不會
說禪。只會喫肉吞酒。

兜率從悅禪師寶峯文
法嗣

隆興府兜率從悅禪師。贛州熊氏子。初首衆於道吾。
頌數。納諸雲蓋。智和尚雲蓋與語。未數句。盡知所蘊。
乃笑曰。觀首座氣質不凡。奈何出言吐氣。如醉人邪。
師面熱汗下。曰。願和尚不吝慈悲。雲蓋復與語。雖割
之。師茫然。遂求入室。雲蓋曰。曾見法昌遇和尚否。師
曰。曾看他語錄。自了可也。不願見之。雲蓋曰。曾見洞
山文和尚否。師曰。關西子沒頭腦。拖一條布裙。作尿
臭氣。有甚長處。雲蓋曰。你但向尿臭氣處。參取。師依
教。即謁洞山。深領奧旨。復謁雲蓋。雲蓋曰。見關西子
後。大事如何。師曰。若不得和尚指示。泊乎蹉過一生。

遂禮謝師復謁眞淨後出世鹿苑有清素者久參慈明寓居一室未始與人交師因食蜜漬荔枝偶清素過門師呼曰此老人鄉果也可同食之清素曰自先師亡後不得此食久矣師曰先師爲誰清素曰慈明也某忝執侍十三年耳師乃疑駭曰十三年堪忍執侍之役非得其道而何遂饋以餘果稍稍親之清素問師所見者何人曰洞山文清素曰文見何人師曰黃龍南清素曰南廬頭見先師不久法道大振如此師益疑駭遂袖香詣清素作禮清素起避之曰吾以福薄先師授記不許爲人師益恭清素乃曰憐子之誠違先師之記子平生所得試語我師具通所見清素曰可以入佛而不能入魔師曰何謂也清素曰豈不見古人道末後一句始到牢關如是累月清素乃印可仍戒之曰文示子者皆正知正見然子離文太早不能盡其妙吾今爲子點破使子受用得大自在他日切勿嗣吾也師後嗣眞淨如素所戒○一日漕使無盡居士張公商英按部過分寧請五院長老就雲巖說法師最後登座橫拄杖曰適來諸善知識橫

◆附錄

拈豎放直立斜拋換步移身藏頭露角既於學士面前各納敗闕未免喫兜率手中痛棒到這裏不由甘與不甘何故見事不平爭忍得衲僧正令自當行卓拄杖下座○室中設三語以驗學者一曰撥草撥風祇圖見性即今上人性在甚麼處二曰識得自性方脫生死眼光落地時作麼生脫三曰脫得生死便知去處四大分離向甚麼處去○元祐六年冬浴訖集衆說偈曰四十有八聖凡盡殺不是英雄龍安路滑奄然而化

法雲果禪師實峯文法嗣

東京法雲佛照果禪師自妙年遊方謁圓通我禪師入室次圓通舉僧問投子大死底人却活時如何投子曰不許夜行投明須到意作麼生師曰恩大難酬圓通大喜遂命首衆至晚爲衆秉拂機遲而訥衆笑之師有絳色次日於僧堂點茶因觸茶瓢墜地見瓢跳乃得應機三昧後依眞淨因讀祖偈曰心同虛空界示等虛空法證得虛空時無是非法豁然大悟每謂人曰我於紹聖三年十一月二十一日悟得方

寸禪

勸潭文準禪師 寶峯文法嗣

隆興府勸潭湛堂文準禪師興元府梁氏子初謁眞淨眞淨問近離甚處師曰大仰眞淨曰夏在甚處師曰大滄眞淨曰甚處人師曰興元府眞淨展手曰我手何似佛手師罔措眞淨曰適來祇對一一靈明一天眞及乎道箇我手何似佛手便成窒礙且道病在甚處師曰某甲不會眞淨曰一切見成更教誰會師當下釋然服勤十載紹聖三年眞淨移石門衆益盛凡衲僧扣問但瞑目危坐無所示見來學則往治蔬圃率以爲常師謂同行恭上座曰老漢無意於法道乎一日舉杖決渠水潑衣忽大悟眞淨詰曰此乃敢爾嘉直邪自此迹愈晦而名益著○師自浙回勸潭謁深禪師尋命分座聞有悟侍者見所擲屢餘有省詣方丈通所悟深喝出因喪志自經於延壽堂厠後出沒無時衆憚之師聞半夜特往登闔方脫衣悟卽提淨水至師曰待我脫衣脫罷悟復到未幾悟供籌子師滌淨已召接淨桶去悟纔接師執其手問曰

汝是悟侍者那悟曰諾師曰是當時在知客寮見掉火柴頭有箇悟處底麼參禪學道祇要知箇本命元辰下落處汝剗地作此去就汝在藏殿移首座鞋豈不是汝當時悟得底又在知客寮移他椅子豈不是汝當時悟得底汝每夜在此提水度籌豈不是汝當時悟得底因甚麼不知下落却在這裏惱亂大衆師猛推之索然如倒壘壁由是無復見者

寶華普鑑禪師 寶峯文法嗣

平江府寶華普鑑佛慈禪師本郡周氏子十七遊方初謁覺印英禪師不契遂扣眞淨之室眞淨舉石霜虔侍者話問之釋然契悟作偈曰枯木無華幾度秋斷雲猶挂樹梢頭自從闢折泥牛角直至今水遊流眞淨肯之命侍巾鉢

九峯希廣禪師 寶峯文法嗣

瑞州九峯希廣禪師遊方日謁雲蓋智和尚乃問興化打克賓意旨如何雲蓋下禪牀展兩手吐舌示之師打一坐具雲蓋曰此是風力所轉又問石霜琳禪師石霜曰你意作麼生師亦打一坐具石霜曰好一

坐具祇是不知落處。又問真淨。真淨曰：你意作麼生？師復打一坐具。真淨曰：他打你也打師於言下大悟。

清涼慧洪禪師實峯文法嗣

瑞州清涼慧洪覺範禪師。郡之彭氏子。年十四依三峯。詔禪師爲童子。日記數千言。十九試經於東京天王寺。得度。從宣秘講。成實唯識論。逾四年。棄謁真淨。於歸宗。真淨遷石門。師隨至。真淨患其深聞之弊。每舉玄沙未徹之語。發其疑。凡有所對。真淨曰：你又說道理耶？一日頓脫。所疑述偈曰：靈雲一見不再見。紅白枝枝不著華。耐耐釣魚船上客。却來平地擺魚鰕。真淨見爲助喜。命掌記。未久去謁諸老。皆蒙賞音。由是名振叢林。○崇寧二年。會無盡居士張公於峽之善溪。無盡嘗自謂得龍安悅禪師末後句。叢林畏與語。因夜話及之。曰：可惜雲庵不知此事。師問所以。無盡曰：商英頃自金陵酒官移知豫章。過歸宗。見之。欲爲點破。方敘悅末後句。未卒。此老大怒罵曰：此吐血禿丁脫空妄語。不得信。既見其盛怒。更不欲敘之。師笑曰：相公但識龍安口傳末後句。而真藥現前不能

辨也。無盡大驚起。執師手曰：老師真有此意耶？曰：疑則別參。乃取家藏雲庵頂相。展拜贊之。書以授師。其詞曰：雲庵綱宗能用。能照天鼓。希聲不落。凡調冷面。嚴眸神光獨耀。孰傳其真。覲面爲肖。前悅後洪。如融如鑒。大慧處衆。日嘗親依之。每歎其妙悟辯慧。

石頭懷志庵主實峯文法嗣

南嶽石頭懷志庵主。婺州吳氏子。肆講十二年。宿學敬慕。嘗欲會通諸宗。正一代時教。有禪者問曰：杜順乃賢首宗祖師也。談法身則曰：懷州牛喫禾。益州馬腹脹。此偈合歸天台何義耶？師無對。卽出遊。方晚至洞山。謁真淨。問古人一喝不作一喝。用意旨如何。真淨叱之。師趨出。真淨笑呼曰：浙子齋後遊山。好師忽領悟久之。辭去。真淨曰：子所造雖逸。格情緣不勝耳。因識其意。自爾諸方力命出世。師却之。庵居二十年。不與世接。士夫踵門略不顧。

尊勝有朋講師開元諸法嗣

泉州尊勝有朋講師。本郡蔣氏子。嘗疏楞嚴維摩等經學者。宗之。每疑祖師直指之道。故多與禪衲遊。一

日謁開元跡未及閭心忽領悟開元出遂問座主來作甚麼師曰不敢貴耳賤目開元曰老老大大何必如是師曰自是者不長開元曰朝看華嚴夜讀般若則不問如何是當今一句師曰日輪正當午開元曰閑言語更道來師曰平生仗忠信今日任風波然雖如是祇如和尚恁麼道有甚交涉須要新戒草鞋穿開元曰這裏且放你過忽遇達磨問你作麼生道師便喝開元曰這座主今日見老僧氣衝牛斗師曰再犯不容開元拊掌大笑

泗洲用元禪師 建隆慶法嗣

平江府泗洲用元禪師一日問建隆曰臨濟在黃檗三回問佛法大意三回被打意旨如何語猶未了被打一拂子師頓領宗旨

光孝慧蘭禪師 大漢詰法嗣

和州光孝慧蘭禪師不知何許人也自號碧落道人嘗以觸衣書七佛名叢林稱為蘭布襪○建炎末逆虜犯淮執師見會長會長曰聞我名否師曰我所聞者唯大宋天子之名會長悲令左右以鐵鑿之鑿至

輒斷壞會長驚異延麾下敬事之經旬師索薪自焚無敢供者親拾薪成龕怡然端坐煙焰一起流光四騰虜跪伏灼膚者多火絕得五色舍利

南嶽下十四世 臨濟下十世

昭覺克勤禪師 五祖演法嗣

成都府昭覺寺克勤佛果禪師彭州駱氏子世宗儒師兒時日記千言偶遊妙寂寺見佛書三復悵然如獲舊物曰予殆過去沙門也即去家依自省祝髮從文照通講說又從敏行授楞嚴俄得病瀕死歎曰諸佛涅槃正路不在文句中吾欲以聲求色見宜其無以死也遂棄去至真覺勝禪師之席勝方創臂出血指示師曰此曹谿一滴也師矍然良久曰道固如是乎即徙步出蜀首謁玉泉皓次依金鑾信大漢詰黃龍心東林度僉指為法器而晦堂稱他日臨濟一派屬子矣最後見五祖盡其機用五祖皆不諾乃謂五祖強移換人出不遜語忿然而去五祖曰待你著一頓熱病打時方思量我在師到金山染傷寒困極以平日見處試之無得力者追繹五祖之言乃自誓曰

我病稍間。即歸五祖。病痊尋歸五祖。一見而喜。令即參堂。便入侍者寮。方半月。會部使者解印還蜀。詣五祖問道。五祖曰。提刑少年。曾讀小艷詩否。有兩句頗相近。頻呼小玉元無事。祇要檀郎認得聲。提刑應喏。喏。五祖曰。且子細師適歸。侍立次。問曰。聞和尚擊小艷詩。提刑會否。五祖曰。他祇認得聲。師曰。祇要檀郎認得聲。他既認得聲。爲甚麼却不是。五祖曰。如何是。祖師西來意。庭前栢樹子。響師忽有省。遽出見鷄飛上欄干。鼓翅而鳴。復自謂曰。此豈不是聲。遂袖香入室。通所得呈偈曰。金鴨香銷錦繡幃。笙歌叢裏醉扶歸。少年一段風流事。祇許佳人獨自知。五祖曰。佛祖大事。非小根劣器所能造詣。吾助汝喜。五祖徧謂山中耆舊曰。我侍者參得禪也。由此所至。推爲上首。崇寧中。還里省親。四衆送拜。○政和間。謝事。復出峽南遊。時張無盡寓荊南。以道學自居。少見推許。師艤舟謁之。劇談華嚴旨要。曰。華嚴現量境界。理事全真。初無假法。所以卽一而萬。了萬爲一一。復一萬復萬。浩然莫窮心。佛衆生三無差別。卷舒自在。無礙圓融。此

雖極則終是無風。巾巾之波。公於是不覺促榻。師遂問曰。到此與祖師西來意爲同。爲別。公曰。同矣。師曰。且得沒交涉。公色爲之慍。師曰。不見雲門道。山河大地無絲毫過患。猶是轉句。直得不見一色。始是半提。更須知有向上全提時節。彼德山臨濟。豈非全提乎。公乃首肯。翌日復舉事。法界理法界至。理事無礙法界。師又問。此可說禪乎。公曰。正好說禪也。師笑曰。不然。正是法界量裏在。蓋法界量未滅。若到事事無礙法界。法界量滅。始好說禪。如何是佛。乾屎橛。如何是佛。麻三斤。是故眞淨偈曰。事事無礙。如意自在。手把豬頭口誦淨戒。越出好坊。來還酒債。十字街頭。解開布袋。公曰。美哉之論。豈易得聞乎。於是以師禮留居碧巖。

太平慧懃禪師

五祖演法嗣

舒州太平慧懃佛鑑禪師。本郡汪氏子。每以唯此一事實。餘二則非眞味之有省。乃徧參名宿。往來五祖之門。有年。患五祖不爲印據。與圓悟相繼而去。及圓悟歸五祖。方丈徹證。而師忽至。意欲他遷。圓悟勉令

挂搭且曰某與兄相別始月餘比舊相見時如何師曰我所疑者此也遂參堂一日聞五祖舉僧問趙州如何是和尙家風趙州曰老僧耳聾高聲問將來僧再問趙州曰你問我家風我却識你家風了也師即大豁所疑曰乞和尙指示極則五祖曰森羅及萬象一法之所印師展拜五祖令主翰墨後同圓悟語話次學東寺問仰山鎮海明珠因緣至無理可伸處圓悟徵曰既曰收得逮索此珠又道無言可對無理可伸師不能加答明日謂圓悟曰東寺祇索一顆珠仰山當下傾出一栲栳圓悟深肯之乃告之曰老兄更宜親近老和尙去師一日造方丈未及語被五祖詬罵懷懼而退歸寮閉門打睡恨五祖不已圓悟已密知卽往扣門師曰誰圓悟曰我師卽開門圓悟問你見老和尙如何師曰我本不去被你賺累我遭這老漢詬罵圓悟呵呵大笑曰你記得前日下底語麼師曰是甚麼語圓悟曰你又道東寺祇索一顆仰山傾出一栲栳師當下釋然圓悟遂領師同上方丈五祖纔見遽曰懃兄且喜大事了畢○師室中以木斲子

六隻面面皆書么字僧纔入師擲曰會麼僧接不擬師卽打出

龍門清遠禪師 五祖演法嗣

舒州龍門清遠佛眼禪師臨卽李氏子因讀法華經至是法非思量分別之所能解持以問講師講師莫能答師嘆曰義學名相非所以了生死大事遂卷衣南遊造舒州太平演禪師法席因丐於廬州偶雨足跌仆地頰懣間聞二人交相惡罵諫者曰你猶自煩惱在師於言下有省及歸凡有所問演卽曰我不如你你自會得好或曰我不會我不如你師愈疑遂咨決於元禮首座元禮乃以手引師之耳繞圍爐數匝且行且語曰你自會得好師曰有冀開發乃爾相戲耶元禮曰你他後悟去方知今日曲折耳太平將遷海會師慨然曰吾持鉢方歸復參隨往一荒院安能究決已事耶遂作偈告辭之蔣山坐夏邂逅靈源禪師從容言語問師曰比見都下一尊宿語句似有緣靈源曰演公天下第一等宗師何故捨而事遠遊所謂有緣者蓋知解之師與公初心相應耳師從所勉

經趨海會。後命典謁。適寒夜孤坐。撥爐見火一豆許。恍然自喜。曰。深深撥。有些子平生事。只如此遽起。閱几上傳燈錄。至破竈墮。因緣。忽大悟。作偈曰。刀刀林鳥啼。披衣終夜坐。撥火悟平生。窮神歸破墮。事皎人自迷。曲淡誰能和。念之永不忘。門開少人過。圓悟因詣其寮。舉青林搬土話。驗之。且謂古今無人出得你。如何。會師曰。也有甚難。圓悟曰。祇如他道。鐵輪天子。寰中旨意。作麼。生師曰。我道帝釋宮中。放赦書。圓悟退。語人曰。且喜遠兄便有活人句也。

開福道寧禪師 五祖演法嗣

潭州開福道寧禪師。歛溪汪氏子。壯爲道人。於崇果寺執浴。一日將濯足。偶誦金剛經。至於此章。句能生信心。以此爲實。遂忘所知。忽垂足沸湯中。發明已見。後祝髮。蔣山依雪竇老良禪師。踰一年。徧歷叢林。參諸名宿。晚至白蓮。聞五祖小參。舉忠國師古佛淨瓶。趙州狗子無佛性話。頓徹法源。

大隨元靜禪師 五祖演法嗣

彭州大隨南堂元靜禪師。後名闔之玉山。大儒趙公

約仲之子也。十歲病甚。捨令出家。首參永安恩禪師。於臨濟三頓棒話發明。次依諸名宿。無有當意者。聞五祖機峻。欲仰之。遂謁五祖。五祖乃曰。我此間不比諸方。凡於室中。不要汝進前退後。豎指擎拳。繞禪牀。作女人拜提起。坐具。千般伎倆。祇要你一言下諦當。便是。汝見處。師茫然。退參三載。一日入室。罷。五祖謂曰。子所下語。已得十分。試更與我說看。師卽剖而陳之。五祖曰。說亦說得十分。更與我斷看。師隨所問而判之。五祖曰。好好祇是。未曾得。老僧說話。在齋後。可來祖師塔所。與汝一一按過。始得。及至彼。五祖便以卽心卽佛。非心非佛。睦州擔板漢。南泉斬貓兒。趙州狗子無佛性。有佛性之語。編辟之。其所對了無礙。滯至子胡狗話。五祖遽轉面曰。不是。師曰。不是却如何。五祖曰。此不是。則和前面皆不是。師曰。望和尚慈悲指示。五祖曰。看他道子。胡有一狗。上取人頭中。取人腰下。取人脚入門者。好看纔見。僧入門。便道看狗。向子胡道。看狗處。下一轉語。教子胡結舌。老僧鈴口。便是你了。當處。次日入室。師默啓其說。五祖笑曰。不

道你不是千了百當底人。此語祇似先師下底語。師曰。某何人得似端和尚。五祖曰。不然。老僧雖承嗣。他謂他語拙。蓋祇用遠錄公手段接人。故也。如老僧共遠錄公。便與百丈黃檗南泉趙州輩把手共行。纔見語拙。卽不堪師以爲不然。乃曳杖渡江。適大水泛漲。因留四祖。儕輩挽其歸。又二年。五祖方許可。嘗商略古今。次執師手曰。得汝說。須是吾舉得汝。舉須是吾說。而今而後。佛祖祕要。諸方關鍵。無逃子掌握矣。○有一老宿垂語曰。十字街頭起一間茅廬。祇是不許人。扇僧舉。以扣師。師曰。是你先扇了。更教甚麼人扇。老宿聞。焚香遙望大隨再拜謝之。

無爲宗泰禪師五祖演法嗣

漢州無爲宗泰禪師。涪城人。自出關。偏遊叢社。至五祖告香曰。五祖舉趙州洗鉢孟話。傳參洎入室。舉此話問師。你道趙州向伊道甚麼。這僧便悟。去師曰。洗鉢孟去。響五祖曰。你祇知路上事。不知路上滋味。師曰。旣知路上事。路上有甚麼滋味。五祖曰。你不知耶。又問。你曾遊測否。師曰。未也。五祖曰。你未悟。在師自此。

凡五年不能對五祖。一日陞堂。顧衆曰。八十翁。翁觀繡毬。便下座。師欣然出衆。曰。和尚試觀。一觀看五祖以手作打仗鼓勢。操蜀音唱。綿州巴歌曰。豆子山打瓦鼓。楊平山撒白雨。白雨下。取龍女織得絹二丈五。一半屬羅江。一半屬玄武。師聞大悟。掩五祖口曰。祇消唱到這裏。五祖大笑而歸。

五祖表自禪師五祖演法嗣

廬州五祖表。自禪師懷安人也。初依五祖。最久。未有省時。圓悟爲座元師。往請益。圓悟曰。兄有疑處。試語我。師遂舉德山小參。不答。話問話者。三十棒。圓悟曰。禮拜著。我作得你。師舉話。尙不會。師作禮竟。圓悟令再舉。前話。師曰。德山小參。不答。話。圓悟掩其口曰。但恁麼看。師出揚聲曰。屈屈豈有公案。祇教人看一句底道理。有僧謂師曰。兄不可如此說。首座須有方便。因靜坐體究。及旬。頓釋所疑。詣圓悟。禮謝。圓悟曰。兄始知吾不汝欺。又詣方丈。五祖迎笑。自爾日深玄奧。

九頂清素禪師五祖演法嗣

嘉州九頂清素禪師。本郡郭氏子。徧扣禪。肩晚謁五

祖聞舉首山答西來意語。倏然契悟。述偈曰。顛倒顛。顛倒顛。新婦騎驢阿家牽。便恁麼太無端。回頭不覺布衫穿。五祖見。乃問百丈野狐話。又作麼。生師曰。來說是非者。便是是非人。五祖大悅。久之辭歸。住清溪。次遷九項。○太守呂公來瞻大像。問曰。既是大像。因甚麼肩負兩楹。師曰。船上無散工。至閣下觀觀音像。又問。彌勒化境。觀音何來。師曰。家富小兒嬌。太守乃禮敬。○勤老宿至。師問舞劍當咽時如何。曰。伏惟尙。變師話曰。老賊死。去。你問我勤理前語。問之師。又手拈曰。拽破。

元禮首座

五祖演法嗣

元禮首座。閩人也。初參演和尚於白雲。凡入室。必謂曰。諸僧家。明取經。素好師疑之不已。一日五祖陞堂。舉首山新婦騎驢阿家牽。話乃曰。諸人要會麼。莫問新婦阿家。免煩路上波吒。遇飯即飯。遇茶即茶。同門出入。宿世冤家。師於言下豁如。且曰。今日經素明矣。

普融知藏

五祖演法嗣

普融知藏。福州人也。至五祖入室。次五祖舉倩女離魂話。問之。有契呈偈曰。二女合爲一媳婦。機輪截斷難回互。從來往返絕蹤由。行人莫問來時路。凡有鄉僧來謁。則發閨音。誦偈語曰。書頭教娘勤作息。書尾教娘莫瞌睡。且道中間說箇甚麼。僧擬對師。即推出。

法闕上座

五祖演法嗣

法闕上座。久依五祖。未有所入。一日造室。五祖問。不與萬法爲侶者。是甚麼人。曰。法闕。即不然。五祖以手指曰。住住。法闕。即不然。作麼。生師於是啓悟。○後至東林。宣密度禪師席下。見其得平實之旨。一日拈華繞度禪牀。一帀背手。插香爐中。曰。和尚且道。意作麼生。度屢下語。皆不契。踰兩月。遂問師。令試說之。師曰。某祇將華插香爐中。和尚自疑有甚麼事來。

金陵俞道婆

瑯琊起法嗣

俞道婆。金陵人也。市油糞爲業。常隨衆參問瑯琊。瑯琊以臨濟無位真人話示之。一日聞丐者唱蓮華樂云。不因柳毅傳書信。何緣得到洞庭湖。忽大悟。以糞盤投地。夫傍睨曰。你。瑯琊婆。掌曰。非汝境界。往見瑯琊。瑯琊望之。知其造詣。問那箇是無位真人。婆應聲。

日有一無位人六臂三頭努力瞋一壁華山分兩路。萬年流水不知春。由是聲名藹著。○凡有僧至則曰。兒兒僧擬議。即拖門。佛燈珣禪師往勸之。婆見如前所問。佛燈曰。爺在甚麼處。婆轉身拜露柱。佛燈即踏倒。曰。將謂有多少奇特。便出婆蹉。起曰。兒兒來。惜你則箇佛燈竟不顧。○安首座至。婆問甚麼處來。首座曰。德山婆曰。德山泰乃老婆兒子。首座曰。婆是甚人兒。子婆曰。被上座一問。直得立地放尿。○婆嘗頌馬祖不安。因緣曰。日面月面。虛空閃電。雖然截斷天下。衲僧舌頭分明。祇道得一半。

性空妙普庵主 黃龍新法嗣

嘉興府華亭性空妙普庵主。漢州人。久依死心。獲證。乃抵秀水。造船子遣風。結茅青龍之野。吹鐵笛自娛。多賦詠。○建炎初。徐明叛。道經烏鎮。民多逃亡。師獨荷策而往。賊怒欲斬之。師曰。大丈夫要頭便斫。取笑以怒爲吾死。必矣。願得一飯。以爲送終。賊奉肉食。師如常齋。出生畢。乃曰。孰當我文。以祭賊笑。而不答。師索筆大書曰。嗚呼。惟靈勞我以生。則大塊之過役我。

以壽則陰陽之失。乏我以貧則五行不正。困我以命則時日不吉。吁哉。至哉。賴有出塵之道。悟我之性。與其妙心。則其妙心。孰與爲隣。上同諸佛之眞化。下合凡夫之無明。纖塵不動。本自圓成。妙矣哉。妙矣哉。日月未足以爲明。乾坤未足以爲大。磊磊落落。無望無礙。六十餘年。和光混俗。四十二臘。逍遙自在。逢人則喜。見佛不拜。笑矣乎。笑矣乎。可惜少年。郎風流太光。彩坦然歸去。付春風。體似虛空。終不壞。尙饗。遂舉箸。飫餐。賊徒大笑。食罷。復曰。劫數既遭。離亂我是。快活烈漢。如今正好乘時。便請一刀兩段。乃大呼斬。斬賊方駭異。稽首謝過。令衛而出。烏鎮之廬。舍免焚。實師之惠也。○有僧睹師。見佛不拜。歌逆問曰。既見佛爲甚麼不拜。師掌之曰。會麼。曰。不會。師又掌。曰。家無二主。○紹興庚申冬。造大盆穴而塞之。修書寄雪竇。持禪師曰。吾將水葬矣。壬戌歲。持至。見其尙存。作偈嘲之曰。咄哉老性空。剛要餞魚鼈。去不索性去。祇管向人說。師聞偈笑曰。待兄來證明耳。令徧告四衆。衆集師爲說法。要仍說偈曰。坐脫立亡。不若水葬。一省柴。

燒二省開壙撒手便行不妨快暢誰是知音船子和
尚高風難繼百千年一曲漁歌少人唱遂盤坐盆中
順潮而下衆皆隨至海濱望欲斷目師取塞罽水而
回衆擁觀水無所入復乘流而往唱曰船子當年返
故鄉沒蹤跡處妙難量眞風徧寄知音者鐵笛橫吹
作散場其笛聲嗚咽頃於蒼茫間見以笛擲空而沒
後三日於沙上趺坐如生

鍾山道隆首座

黃龍新法嗣

嚴州鍾山道隆首座。祠廬董氏子。晚抵黃龍死心。延
爲座元死心順世。遂歸隱鍾山。慕陳尊宿高世之風。
日警撒簍。自適人無識者。手常穿一襖。凡有禪者至。
提以示之曰。老僧這襖著三十年了也。

空室智通道人

黃龍新法嗣

空室道人智通者。龍圖范珣女也。幼聰慧。長歸丞相
蘇頌之孫。悌未幾。厭世相還家。求祝髮。父難之。遂清
修。因看法界觀。頓有省。連作二偈見意。一曰。浩浩塵
中體一如。縱橫交互印。毗盧全波是水波。非水全水
成波。水自殊。次曰。物我元無異。森羅鏡像同。明明超

主伴了了徹。眞空一體含多法。交參帝網中。重重無
盡處。動靜悉圓通。後父母俱亡。兄涓領分寧尉。通偕
行。聞死心名。重往謁之。死心見知。其所得便問。常啼
菩薩賣却心肝教誰學。般若智通曰。你若無心。我也
休。又問。一雨所滋。根苗有異。無陰陽地上生。箇甚麼。
智通曰。一華五葉。復問。十二時中。向甚麼處安身立
命。智通曰。和尚惜取眉毛好。死心打曰。這婦女亂作
次第。智通禮拜死心。然之。於是道聲籍甚。○政和間。
居金陵。嘗設浴於保寧。揭榜于門曰。一物也。無洗箇
甚麼。纖塵若有起。自何來。道取一句子。立乃可。大家
入浴。古靈祇解揩背。開士何曾明心。欲證離垢地時。
須是通身汗出。盡道水能洗垢焉。知水亦是塵。直饒
水垢頓除。到此亦須洗却。後爲尼名。惟久挂錫姑蘇。
之西竺經。白日夕師問得其道者。願衆俄示疾書偈
趺坐而終。

上封本才禪師

黃龍清法嗣

潭州上封佛心才禪師。福州姚氏子。遊方至大中。依
海印隆禪師。見老宿達道者。看經至一毛頭師子百

億毛頭一時現。師指問曰：「一毛頭師子作麼生得百億毛頭？」一時現。遂曰：「汝乍入叢林，豈可便理會？事師因難之，遂發心領淨頭職。一夕汛掃次海印，適夜參至，則遇結座，擲拄杖曰：『了！』即毛端吞巨海，始知大地一微塵。師豁然有省，及出閩，造豫章黃龍山，與死心機不契，乃參靈源。凡入室，出必揮淚，自訟曰：「此事我見得甚分明，祇是臨機吐不出。若爲奈何？」靈源知師勤篤，告以須是大徹方得自在。也未幾，竊觀鄰案僧讀曹洞廣錄，至藥山採薪歸，有僧問：「甚麼處來？」藥山曰：「討柴來。」僧指腰下刀曰：「鳴剝剝，是箇甚麼？」藥山拔刀作斫勢，師忽然擲鄰案僧一掌，揭簾趨出，衝口說偈曰：「徹徹大海乾，枯虛空迸裂，四方八面絕遮攔。萬象森羅齊漏泄。」

法輪應端禪師 黃龍清法嗣

潭州法輪應端禪師南昌徐氏子，謁眞淨文禪師，機不諧。至雲居會靈源，分座爲衆激昂。師扣其旨，然以妙入諸經，自負靈源膏肓劑之師。乃援馬祖百丈機語及華嚴宗旨爲表靈源笑曰：「馬祖百丈固錯矣，而

華嚴宗旨與箇事喜沒交涉。師憤然欲他往，因請辭。乃揭簾忽然大悟，汗流浹背，靈源見乃曰：「是子識好惡矣。」馬祖百丈文殊普賢幾被汝帶累，後開法百丈。

黃龍道震禪師 潯潭清法嗣

隆興府黃龍山堂道震禪師金陵趙氏子，少依覺印英禪師爲童子。英移居泗之普照，適淑妃擇度童行，師得圓具，久之辭謁丹霞淳禪師。一日與論洞上宗旨，師呈偈曰：「白雲深覆古寒巖，異草靈華彩鳳銜。夜半天明日當午，騎牛背面著靴衫。淳器之師自以爲礙，棄依草堂。一見契合，日取藏經讀之。一夕聞晚參鼓步出經堂，舉頭見月，遂大悟。亟趨方丈草堂望見，卽爲印可。」

萬年法一禪師 潯潭清法嗣

台州萬年雪巢法一禪師太師襄陽郡王李公遵勉之玄孫也。世居開封祥符縣，母夢一老僧至而產，年十七試上庠，從祖仕淮南，欲官之，不就。將棄家事，長蘆慈覺蹟禪師祖弗許，母曰：「此必宿世沙門，願勿奪其志。」未幾慈覺沒，大觀改元，禮靈巖通照愿禪師祝

髮登具。依愿十年迷悶。不能入謁。圓悟於蔣山。圓悟曰。此法器也。圓悟奉詔。徙京師。天寧師侍行。靖康末。謁草堂於疎山。一語之及。大法頓明。

天童普交禪師泐潭乾法嗣

慶元府天童普交禪師。郡之萬齡畢氏子。往南屏聽台教。因爲檀越修懺摩。有問曰。公之所懺。罪爲自懺耶。爲他懺耶。若自懺。罪性何來。若懺他罪。他罪非汝。烏能懺之。師不能對。遂改服遊方。造泐潭。足纔踵門。泐潭卽呵之。師擬問。泐潭卽曳杖逐之。一日忽呼師至丈室曰。我有古人公案。要與你商量。師擬進語。泐潭遂喝。師豁然領悟。乃大笑。泐潭下繩牀。執師手曰。汝會佛法耶。師便喝。後拓開。泐潭大笑。於是名聞四馳。學者宗仰。後歸桑梓。留天童掩關。却掃者八年。○師凡見僧來。必叱曰。柳栗未擔。時爲汝說了也。且道。說箇甚麼。招手洗鉢。拈扇張弓。趙州柏樹子。靈雲見桃花。且擲放一邊。山僧無恁麼閑。唇吻與汝打葛藤。何不休歇去。拈拄杖逐之。

圓通道旻禪師泐潭乾法嗣

江州圓通道旻禪師。世稱古佛。與化蔡氏子。生五歲。足不履口。不言。母抱遊西明寺。見佛像。遽履地。合爪稱南無佛。仍作禮。人大異之。及宦學。大梁依景德寺德祥出家。試經。得度。徧往參。激皆染指。親焉山結禪師。最久。晚慕泐潭。往謁。泐潭見。默器之。師陳歷參所得。不蒙印可。泐潭舉世尊拈華迦葉微笑語。以問。復不契。後侍泐潭行次。泐潭以拄杖架肩。長嘯曰。會麼。師擬對。泐潭便打。有頃。復拈卓示之。曰。是甚麼。師亦擬對。泐潭遂喝。於是頓明。大法作拈華勢。乃曰。這回瞞旻上座不得也。泐潭挽曰。更道。更道。師曰。南北起雲。北山下雨。卽禮拜。泐潭首肯。

二靈知和庵主泐潭乾法嗣

慶元府二靈知和庵主。蘇臺玉峯張氏子。兒時嘗習坐垂堂。堂傾。父母意其必死。師瞑目自若。因使出家。年滿得度。趨謁泐潭。泐潭見。乃問。作甚麼。師擬對。泐潭便打。復喝曰。你喚甚麼作禪。師薦領旨。卽曰。禪無後。無先。波澄大海。月印青天。又問。如何是道。師曰。道紅塵浩浩。不用安排。本無欠少。泐潭然之。次謁衡嶽。

辯禪師辯尤器重○師初偕天童交禪師問道盟曰他日吾二人宜踞孤峯絕頂目視霄漢爲世外之人不可作今時籍名官府屈節下氣於人者後交爽盟至則師竟不接正言陳公以計誘師出山住二靈三十年間居無長物唯二虎侍其右一日威於人以偈遣之

慈氏瑞仙禪師

開先瑛法嗣

紹興府慈氏瑞仙禪師本郡人年二十去家以試經披削習毗尼因覩戒性如虛空持者爲迷倒師謂戒者束身之法也何自縛乎遂探台教又閱諸法不自生亦不從他生不共不無因是故說無生疑曰又不自他不共不無因生畢竟從何而生卽省曰因緣所生空假三觀抑揚性海心佛衆生名異體同十境十乘轉識成智不思議境智照方明非言詮所及棄謁諸方後至投子廣鑑問鄉里甚處師曰兩浙東越鑑曰東越事作麼生師曰秦望峯高鑑湖水闊鑑曰秦望峯與你自己是同是別師曰西天梵語此土唐言鑑曰此猶是叢林祇對畢竟是同是別師便喝鑑便

打師曰恩大難酬便禮拜

丞相張商英居士

兜率悅法嗣

丞相張商英居士字天覺號無盡年十九應舉入京道由向氏家向預夢神人報曰明日接相公凌晨公至向異之勞問勤腴乃曰秀才未娶當以女奉灑掃公謙辭再三向曰此行若不了當吾亦不爽前約後果及第乃娶之初任主簿因入僧寺見藏經梵夾金字齊整乃怫然曰吾孔聖之書不如胡人之教人所仰重夜坐書院中研墨吮筆憑紙長吟中夜不眠向氏呼曰官人夜深何不睡去公以前意白之正此著無佛論向應聲曰既是無佛何論之有當須著有佛論始得公疑其言遂已之後訪一同列見佛龕前經卷乃問曰此何書也同列曰維摩詰所說經公信手開卷閱到此病非地大亦不離地大處歎曰胡人之語亦能爾耶問此經幾卷曰三卷乃借歸閱次向氏問看何書公曰維摩詰所說經向曰可熟讀此經然後著無佛論公悚然異其言由是深信佛乘留心祖道元祐六年爲江西漕首謁東林照覺總禪師照覺

詰其所見處與已符合乃印可。照覺曰：吾有得法弟子住玉谿，乃慈古鏡也，亦可與語。公復因按部過分寧，諸禪迂之公到先致敬。玉谿慈次及諸山，最後問兜率悅禪師。悅爲人短小，公曾見龔德莊說其聰明可人，乃曰：聞公善文章，悅大笑曰：運使失却一隻眼了也。從悅臨濟九世孫對運使論文，章政如運使對從悅論禪也。公不然其語，乃強屈指曰：是九世也。問玉谿去此多少，曰：三十里。曰：兜率，嚮曰五里，公是夜乃至兜率。悅先一夜夢日輪昇天，被悅以手搏取，乃說與首座曰：日輪運轉之義，聞張運使非久過此。吾當深錐痛割，若肯回頭，則吾門幸甚。首座曰：今之士大夫受人取奉，慣恐其惡發，別生事也。悅曰：正使煩惱祇退得我說也，別無事。公與悅語次，稱賞東林悅未肯其說，公乃題寺後擬瀑軒詩其略曰：不向廬山尋落處，象王鼻孔護遼天。意譏其不肯東林也。公與使語至更深，論及宗門事。悅曰：東林既印可，運使運悅於佛祖言教，有少疑否？公曰：有悅曰：疑何等語？公曰：疑香嚴獨脚頌，德山拓鉢話。悅曰：既於此有疑，其

餘安得無耶？祇如巖頭言末後句，是有耶？是無耶？公曰：有悅大笑，便歸。方丈閉却門，公一夜睡不穩，至五更下牀觸飄颻器，乃大徹猛省。前話遂有頌曰：鼓寂鐘沉，拓鉢回巖頭一拶語，如雷果然。祇得三年活，莫是遭他授記來。遂扣方丈門曰：某已捉得賊了。悅曰：賊在甚處？公無語。悅曰：都運且去來，日相見。翌日公遂舉前頌，悅乃謂曰：參禪祇爲命根不斷，依語生解如是之說，公已深悟。然至極微細處，使人不覺不知墮在區宇，乃作頌證之曰：等閑行處步步皆如，雖居聲色寧滯有無，一心靡異。萬法非殊，休分體用。莫擇精麤，臨機不礙。應物無拘，是非情盡。凡聖皆除，誰得誰失？何親何疎？拈頭作尾，指實爲虛。飄身魔界，轉脚邪塗了無逆順，不犯工夫。公邀悅至建昌途中，一伺察有十頌敘其事。悅亦有十頌酬之時。元祐八年八月也。○公一日謂大慧曰：余閱雪竇拈古至百丈再參馬祖，因緣曰：大治精金，應無變色。投卷歎曰：審如是，豈得有臨濟今日耶？遂作一頌曰：馬師一喝大雄峯，深入觸髅三日。顰黃檗聞之驚吐舌，江西從此

立宗風。後平禪師致書云。去夏讀臨濟宗派。乃知居士得大機大用。且求頌本。余作頌寄之。曰。吐舌耳聾。師已曉。提督祇得哭蒼天。盤山會裏。鬚筋斗到此方知。普化顛諸方。往往以余聰明博記。少知余者。師自江西法窟來。必辨優劣。試爲老夫言之。大慧曰。居士見處與真淨死心合。公曰。何謂也。大慧舉真淨頌曰。客情步步隨人轉。有大威光不能現。突然一喝。雙耳聾。那吒眼開黃葉面。死心拈曰。雲巖要問雪竇。旣是大冶精金。應無變色。爲甚麼却三日耳聾。諸人要知麼。從前汗馬無人識。祇要重論蓋代功。公拈几曰。不因公語。爭見真淨死心用處。若非二大老。難顯雪竇馬師爾。

西蜀鑾法師 法雲泉

西蜀鑾法師。通大小乘。佛照謝事。居景德師。問佛照曰。禪家言多不根何也。佛照曰。汝習何經。論曰。諸經粗知。頗通百法。佛照曰。祇如昨日雨。今日晴。是甚麼法中。收師。懽然佛照舉。養和子擊曰。莫道禪家所言不根好。師憤曰。昨日雨。今日晴。畢竟是甚麼法中。收。

佛照曰。第二十四時分。不相應法中。收師恍悟。即禮謝。

雲巖天遊禪師 法潤準

隆興府雲巖典牛天遊禪師。成都鄭氏子。首參死心。不契。遂依湛堂於泐潭。一日。泐潭曾說曰。諸人苦苦就準上座。覓佛法。遂搯膝曰。會麼。雪上加霜。又搯膝曰。若也不會。豈不見乾峯示衆曰。舉一不得。舉二放過。一著落在第二。師聞脫然。穎悟出世。雲蓋次遷雲巖。嘗和忠道者。收牛頌曰。兩角指天。四足踏地。技斷鼻繩。牧甚屎屁。張無盡見之甚。擊節後退。雲巖過廬山。棲賢主翁意不欲納。乃曰。老老大大。正是質庫中典牛也。師聞之。述一偈而去。曰。質庫何曾解典牛。祇緣價重實難酬。想君本領無多子。畢竟難禁這一頭。因庵于武寧。扁曰。典牛終身不出塗毒見之。已九十有三矣。

九僊法清禪師 慧日雅

隆興府九僊法清祖鑑禪師。嚴陵人也。嘗於池之天寧以伽梨覆頂而坐。侍郎曾公開問曰。上座僊鄉甚。

處曰嚴州曰與此問是同是別師拽伽黎下地揖曰
官人曾到嚴州否開罔措師曰待官人到嚴州時却
向官人道

覺海法因庵主慧日雅
法嗣

平江府覺海法因庵主郡之嵎山朱氏子遊方至東
林謁慧曰慧曰舉靈雲悟道機語問之師擬對慧曰
曰不是不是師忽有所契

中巖蘊能禪師大瀉琦
法嗣

眉州中巖慧目蘊能禪師本郡呂氏子首參寶勝澄
甫禪師所趣頗異至荊湖謁永安喜真如詰德山繪
造詣益高迨抵大瀉問上座桑梓何處師曰西
川曰我聞西川有普賢菩薩示現是否師曰今日得
瞻慈相曰白象何在師曰爪牙已具曰還會轉身麼
師提坐具繞禪牀一匝大瀉曰不是這箇道理師趨
出一日大瀉爲衆入室問僧黃巢過後還有人收得
劒麼僧豎起拳大瀉曰菜刀子僧曰爭奈受用不盡
大瀉喝出次問師黃巢過後還有人收得劒麼師亦
豎起拳大瀉曰也祇是菜刀子師曰殺得人卽休遂

近前攔臂築之大瀉曰三十年弄馬騎今日被驢子
撲○室中問崇真鼈頭如何是你空劫已前父母真
領悟曰和尚且低聲遂獻投機頌曰萬年倉裏曾饑
饉大海中住儘長渴當初尋時尋不見如今避時避
不得師爲印可○一日與黃提刑奕棊次黃問數局
之中無一局同千著萬著則故是如何是那著師
提起棊子示之黃佇思師曰不見道從前十九路迷
殺幾多人

信相宗顯禪師昭覺白
法嗣

成都府信相宗顯正覺禪師潼川王氏子少爲進士
有聲嘗畫掬溪水爲戲至夜思之遂見水泠然盈室
欲汲之不可而塵境自空曰吾世網裂矣往依昭覺
得度具滿分戒後隨衆咨參昭覺一日問師高高峯
頂立深深海底行汝作麼生會師於言下頓悟曰鈎
殺脚跟也照覺拈起拂子曰這箇又作麼生師一笑
而出服勤七祀南遊至京師歷淮淞晚見五祖演和
尚於海會出問未知關棧子難過趙州橋趙州橋卽
不問如何是關棧子五祖曰汝且在門外立師進步

一踏而退。五祖曰：許多時茶飯元來也有人知滋味。明日入室。五祖曰：你便是昨日問話底僧否？我固知你見處祇是未過得白雲關。在師珍重。便出。時圓悟爲侍者。師以白雲關意扣之。圓悟曰：你但直下會取。師笑曰：我不是不會。祇是未諳待見這老漢。共伊理會。一上。明日五祖往舒城。師與圓悟繼往。適會於興化。五祖問師：記得曾在郡裏相見來。師曰：全火祇候。五祖顧圓悟曰：這漢饒舌。自是機緣相契。遊廬阜。回師以高高峯頂立深深海底行所得之語告五祖。五祖曰：吾嘗以此事詰先師。先師曰：我曾問遠和尚。遠曰：貓有軟血之功。虎有起屍之德。非素達本源不能到也。師給侍之久。五祖鍾愛之後。辭西歸爲小參。復以頌送曰：離鄉四十餘年。一時忘却蜀語。禪人回到成都。切須記取魯語。

淨因繼成禪師 智海平法嗣

東京淨因踊菴繼成禪師袁之宜春劉氏子。師同圓悟法真慈受并十大法師禪講千僧。赴太尉陳公良弼府齋時。徽宗皇帝私幸觀之。太師魯國公亦與焉。

有善華嚴者。乃賢首宗之義虎也。對衆問諸禪曰：吾佛設教。自小乘至于圓頓。掃除空有。獨證真常。然後萬德莊嚴。方名爲佛。常聞禪宗一喝。能轉凡成聖。則與諸經論似相違背。今一喝若能入吾宗。五教是爲正說。若不能入。是爲邪說。諸禪視師曰：如法師所問。不足三大禪師之酬淨因。小長老可以使法師無惑也。師召善善應諾。師曰：法師所謂愚法小乘教者。乃有義也。大乘始教者。乃空義也。大乘終教者。乃有不空義也。大乘頓教者。乃卽有卽空義也。一乘圓教者。乃不有而有。不空而空。或作空而不空。有而不空。如我一喝。非唯能入五教。至於工巧技藝諸子百家。悉皆能入。師震聲喝。一喝問善曰：聞麼？師曰：汝旣聞此。一喝是有能入小乘教。須臾又問善曰：聞麼？師曰：汝旣聞師曰：汝旣不聞。適來一喝。是無能入。始教遂顧善曰：我初一喝。汝旣道有。喝久聲銷。汝復道無。道無則元初實有道。有則而今實無。不有不無。能入終教。我有一喝之時。有非是有。因無故有。無一喝之時。無非是無。因有故無。卽有卽無。能入頓教。須知我此一喝。

不作一喝用有無不及情解俱忘道有之時纖塵不立道無之時橫徧虛空卽此一喝入百千萬億喝百千萬億喝入此一喝是故能入圓教善乃起再拜師復謂曰非唯一喝爲然乃至一語一默一動一靜從古至今十方虛空萬象森羅六趣四生三世諸佛一切聖賢八萬四千法門百千三昧無量妙義契理契機與天地萬物一體謂之法身三界唯心萬法唯識四時八節陰陽一致謂之法性是故華嚴經云法性徧在一切處有相無相一聲一色全在一塵中含四義事理無邊周徧無餘參而不雜混而不一於此一喝中皆悉具足猶是建化門庭隨機方便謂之小歇場未至寶所殊不知吾祖師門下以心傳心以法印法不立文字見性成佛有千聖不傳底向上一路在善又問曰如何是向上一路師曰汝且向下會取善曰如何是寶所師曰非汝境界善曰望禪師慈悲師曰任從滄海變終不爲君通善膠口而退聞者靡不歎仰皇帝顧謂近臣曰禪宗玄妙深極如此淨因才辯亦罕有也近臣奏曰此宗師之緒餘也

景淳知藏
泐潭詳法嗣

景淳知藏梅州人於化度寺得度往依泐潭入室次泐潭問陝府鐵牛重多少師叉手近前曰且道重多少泐潭曰尾在黃河北頭枕黃河南善財無鼻孔依舊向南參師擬議泐潭便打忽頓徹巾侍有年竟隱居林壑

懷玉用宣首座
泐潭詳法嗣

信州懷玉用宣首座四明彭氏子幼爲僧徑趨叢席侍泐潭於黃檗一日自臨川持鉢歸值泐潭晚參有云一葉飄空便見秋法身須透關啾啾師聞領旨泐潭爲證據後依大慧大慧亦謂其類已嘗有頌大愚答佛話曰鋸解秤鎚出老杜詩紅稻啄殘鸚鵡碧梧棲老鳳凰枝

教外別傳卷九

教外別傳卷十臨濟宗

南嶽下十五世臨濟下十一世

徑山宗杲禪師昭覺勤法嗣

臨安府徑山宗杲大慧普覺禪師宣城奚氏子年十二入鄉校一日因與同憲戲以硯投之俟中先生帽償金而歸曰大丈夫讀世間書曷若究出世法卽詣東山慧雲院事慧齊年十七薙髮具毗尼偶閱古雲門錄恍若舊習往依廣教程禪師棄遊四方從曹洞諸老宿旣得其說去登寶峯謁湛堂準禪師湛堂一見異之俾侍巾襪指以入道捷徑師橫機無所讓湛堂訶曰汝曾未悟病在意識領解則爲所知障湛堂疾革囑師曰吾去後當見川勤必能盡子機用勤卽圓悟湛堂卒師趨謁無盡居士求湛堂塔銘無盡門庭高少許可與師一言相契下榻延之名師庵曰妙喜泊後再謁且囑令見圓悟師至天寧一日聞圓悟陞堂舉僧問雲門如何是諸佛出身處雲門曰東山水上行若是天寧卽不然忽有人問如何是諸佛出身處

只向他道薰風自南來殿閣生微涼師於言下忽然前後際斷雖然動相不生却坐在淨裸處圓悟謂曰也不易你得到這田地可惜死了不能得活不疑言句是爲大病不見道懸崖撒手自肯承當絕後再蘇欺君不得須信有這箇道理遂令居擇木堂爲不齋務侍者曰同士大夫入室擇木乃朝土止息處圓悟每舉有句無句如藤倚樹問之師纔開口圓悟便曰不是不是經半載遂問圓悟曰聞和尚當時在五祖曾問這話不知五祖道甚麼圓悟笑而不答師曰和尚當時須對衆問如今說亦何妨圓悟不得已謂曰我問有句無句如藤倚樹意旨如何五祖曰描也描不成畫也畫不就又問樹倒藤枯時如何五祖曰相隨來也師當下釋然曰我會也圓悟遂舉數因緣詰之師酌對無滯圓悟曰始知吾不汝欺遂著臨濟正宗記付之俾掌記室未幾令分座室中握竹篋以驗學者叢林浩然歸重名振京師右丞相呂公舜徒奏賜紫衣佛日之號會女眞之變其酋欲取禪僧十數人師在選得免趨吳虎丘度夏因閱華嚴至菩薩登第七地

證無生法。忍洞曉向所請問。湛堂映嶠摩羅持鉢至。產婦家因緣。○圓悟詔住雲居。師往省覲。至山次日。卽請爲第一座。時會中多龍象。以圓悟久虛座。元俟師之來。頗有不平之心。及冬至。秉拂昭覺元禪師出衆。問曰。眉間挂劒時如何。師曰。血濺梵天。圓悟於座下。以手約曰。住。住。問得極好。答得更奇。元乃歸衆。叢林由是改觀。○師每入室。圓悟時來聽其語。一日入室。罷上方丈。圓悟曰。或有箇禪和子。得似老僧。汝又如何支遣。師曰。何幸如之。正如東坡說作劒子。手一生得遇一箇肥漢。圓悟呵呵大笑曰。你倒與我入室。拶得我上壁也。圓悟又問。達磨西來。將何傳授。師曰。不可總作野狐精見解。又問。據虎頭收虎尾。第一句下明宗旨。如何是第一句。師曰。此是第二句。○圓悟常言。近來諸方盡成窠臼。五祖下我與佛鑑。佛眼三人結社參禪。如今早見逗漏出來。佛鑑下有一種。作狗子叫鶻。鳴取笑人。佛眼下有一種。說燈籠露柱。指東畫西。如眼見鬼一般。我這裏且無這兩般病。師曰。擊石火閃電光。引得無限人弄業識。舉了便會。

了。豈不是佛法大窠窟。圓悟不覺吐舌。乃曰。休管他。我只以契證爲期。若不契證。斷不放過。師曰。契證卽得。第恐只恁麼傳。將去舉了。便悟了。硬主張。擊石火閃電光。業識茫茫。未有了。曰。圓悟深肯之。○圓悟歸蜀。師於雲居山後古雲門舊址創庵。以居學者。雲集久之。入閩。結茅於長樂洋嶼。從之得法者十有三人。又徙小溪雲門庵後。應張丞相魏公浚徑山之命。○上堂。水底泥牛嚼生鐵。橋梵鉢提咬著舌。海神怒把珊瑚鞭。須彌燈王痛不徹。○室中問僧。我前日有一問在你處。你先前日答我了也。卽今因甚麼瞌睡。僧曰。如是如是。師曰。道甚麼。僧曰。不是不是。師連打兩棒。曰。一棒打你如是一棒打你不是。○舉竹筴問僧。曰。喚作竹筴則觸。不喚作竹筴則背。不得下語。不得無語。速道。速道。僧曰。請和尚放下竹筴。卽與和尚道。師放下竹筴。僧拂袖便出。師曰。侍者。認取這僧著。又舉問僧。僧曰。甕裏怕走却鼈。那師下禪牀。擒住曰。此是誰語。速道。僧曰。實不敢謾昧。老師。此是竹庵和尚教某恁麼道。師連打數棒。曰。分明舉似諸方。○師年

遇求解退居明月堂。尋示微恙。學徒問安。師勉以弘道。徐曰。吾翌日始行。至五鼓。親書遺奏。又貽書辭紫巖居士侍僧了賢。請偈。復大書曰。生也祇恁麼死也。祇恁麼有偈與無偈。是甚麼熱大。擲筆委然而逝。

虎丘紹隆禪師 昭覺勤法嗣

平江府虎丘紹隆禪師。和之含山人也。謁長蘆信禪師。得其大略。有傳圓悟語。至者師讀之。嘆曰。想醉生液。雖未澆腸沃胃。要且使人慶快。第恨未聆警欬耳。遂由寶峯依湛堂。客黃龍。叩死心禪師。次謁圓悟。一日入室。圓悟問曰。見見之時。見非是見。見猶離見。見不能及。舉拳曰。還見麼。師曰。見。圓悟曰。頭上安頭。師聞脫然契證。圓悟叱曰。見箇甚麼。師曰。竹密不妨流水過。圓悟肯之。尋俾掌藏教。有問圓悟曰。隆藏主柔易若此。何能爲哉。圓悟曰。瞌睡虎耳。

育王端裕禪師 昭覺勤法嗣

慶元府育王山佛智端裕禪師。吳越王之裔也。十八得度。受具。往依淨慈。一禪師未幾。偶聞僧擊露柱曰。你何不說禪。師忽微省。去謁龍門。遠甘露卓。泐潭祥。

皆以顯邁見。推晚見。圓悟於鍾阜。一日圓悟問。誰知正法眼藏。向這瞎驢邊滅却。卽今是滅不滅。曰。請和尚合取口。好。圓悟曰。此猶未出常情。師擬對。圓悟擊之。師頓去所滯。

護國景元禪師 昭覺勤法嗣

台州護國此庵景元禪師。永嘉楠溪張氏子。習台教。三禪。棄謁圓悟於鍾阜。因僧讀死心小參語云。既迷須得箇悟。既悟須識悟。中迷迷中悟。迷悟雙忘。却從無迷悟處。建立一切。法師聞而疑。卽趨佛殿。以手托開門扉。豁然大徹。繼而執侍機辯。逸發。圓悟目爲聲頭元侍者。

南峯雲辯禪師 昭覺勤法嗣

平江府南峯雲辯禪師。本郡人。依國之瑞峯章得度。旋里。謁穹窿圓忽。有得。遂通所見。圓曰。子雖得入。未至當也。切宜著鞭。乃辭扣諸席。後參圓悟。值入室。纔踵門。圓悟曰。看脚下。師打露柱一下。圓悟曰。何不著實道取一句。師曰。師若搖頭。弟子擺尾。圓悟曰。你試擺尾看。師擺筋斗而出。圓悟大笑。由是知名。

靈隱慧遠禪師昭覺勤法嗣

臨安府靈隱慧遠佛海禪師眉山彭氏子年十三從藥師院宗辯爲僧詣大慈聽習棄依靈巖徽禪師微有省會圓悟復領昭覺師卽之聞圓悟普說舉龐居士問馬祖不與萬法爲侶因緣師忽頓悟仆於衆衆掖之師乃曰吾夢覺矣至夜小參師出問曰淨裸裸空無一物赤骨力貧無一錢戶破家亡乞師賑濟圓悟曰七珍八寶一時拏師曰禍不入謹家之門圓悟曰機不離位墮在毒海師隨聲便喝圓悟以拄杖擊禪牀曰喫得棒也未師又喝圓悟連喝兩喝師便禮拜自此機鋒峻發無所抵牾○一日鳴鼓陞堂師潛坐帳中侍僧尋之師忽撥開帳曰祇在這裏因甚麼不見僧無對

華藏安民禪師昭覺勤法嗣

建康府華藏密印安民禪師嘉定府朱氏子初講楞嚴於成都爲義學所歸時圓悟居昭覺師與勝禪師爲友因造焉聞圓悟小參舉國師三喚侍者因緣趙州拈云如人暗中書字字雖不成文彩已彰那裏是

文彩已彰處師心疑之告香入室圓悟問座主講何經師曰楞嚴圓悟曰楞嚴有七處徵心八還辨見畢竟心在甚麼處師多呈藝解圓悟皆不肯師復請益圓悟令一切處作文彩已彰會偶僧請益十玄談方舉問君心印作何頌圓悟厲聲曰文彩已彰師聞而有省遂求印證圓悟示以本色鉗鎚師則罔措一日白圓悟曰和尚休舉話待某說看圓悟諾師曰尋常拈槌豎拂豈不是經中道一切世界諸所有相皆卽菩提妙明真心圓悟笑曰你元來在這裏作活計師又曰下喝敲牀時豈不是返聞聞自性性成無上道圓悟曰你豈不見經中道妙性圓明雖諸名相師於言下釋然圓悟出蜀居夾山師罷講侍行圓悟爲衆夜參舉古帆未挂因緣師聞未領遂求決圓悟曰你問我師舉前話圓悟曰庭前柏樹子師卽洞明謂圓悟曰古人道如一滴投於巨壑殊不知大海投於一滴圓悟笑曰柰這漢何未幾令分座○師後謁佛鑑於蔣山佛鑑問佛果有不曾亂爲人說底句曾與你說麼師曰合取狗口佛鑑震聲曰不是這箇道理師

曰無人奪你鹽茶袋。叫作甚麼。佛鑑曰。佛果若不爲你說。我爲你說。師曰。和尚疑時。退院別參去。佛鑑呵呵大笑。

昭覺道元禪師 昭覺勤法嗣

成都府昭覺徹庵道元禪師。綿州鄧氏子。幼於隆寂寺。圓具。東遊謁大別道禪師。因看廓然無聖之語。忽爾失笑。曰。達磨元來在這裏。道譽之往參佛鑑。佛眼蒙賞識。依圓悟於金山。以所見告圓悟。弗之許。圓悟被詔住雲居。師從之。雖有信入。終以鯁骨之物。未去爲疑。會圓悟問參徒。生死到來時如何。僧曰。香臺子笑和尚。次問師。汝作麼。生師曰。草賊大敗。圓悟曰。有人問你時如何。師擬答。圓悟憑陵曰。草賊大敗。師卽微證。圓悟以拳擊之。師拊掌大笑。圓悟曰。汝見甚麼。便如此。師曰。毒拳未報。永劫不忘。

中竺中仁禪師 昭覺勤法嗣

臨安府中天竺伽堂中仁禪師。洛陽人也。來三藏譯經所。諦窮經論。特於宗門未之信。時圓悟居天寧。凌晨謁之。圓悟方爲衆入室。師見敬服。奮然造前。圓悟

曰。依經解義。三世佛冤。離經一字。卽同魔說。速道速道。師擬對。圓悟劈口擊之。因墜一齒。卽大悟。○上堂。舉狗子無佛性話。乃曰。二八佳人。刺繡遲。紫荊華下。轉黃鸝。可憐無限傷春意。盡在停鍼不語時。○淳熙甲午四月八日。孝宗皇帝。詔入賜座說法。帝舉不與萬法爲侶。因緣。俾拈提。師拈罷。頌曰。秤鎚擲出。油閑言長語。休腰纏十萬貫。騎鶴上揚州。

象耳袁覺禪師 昭覺勤法嗣

眉州象耳山袁覺禪師。郡之袁氏子。試經得度。本名圓覺。郡守填詞牒。誤作袁字。疑師憊然。戲謂之曰。一字名可乎。師笑曰。一字已多。郡守異之。旣受具。出蜀徧謁有道尊宿。後往大瀋。依佛性。頃之入室。陳所見。佛性曰。汝忒煞遠。在然知其爲法器。俾充侍者。掌賓客。師每侍佛性。佛性必舉法華開示悟入四字。令下語。又曰。直待我豎點頭時。汝方是也。偶不職被斥。制中無依。寓俗士家。一日誦法華至亦復不知何者是。火何者爲舍。乃豁然制罷。歸省佛性。見首肯之。圓悟再得旨住雲居。師至。彼以所得白圓悟。圓悟呵曰。本

是淨地。屙屎作麼。師所疑頓釋。

華嚴祖覺禪師昭覺勤法嗣

眉州中巖華嚴祖覺禪師。嘉州楊氏子。幼聰慧。書史過目成誦。著書排釋氏惡境。忽現悔過出家。依慧日能禪師。未幾疽發膝上。五年醫莫愈。因書華嚴合論。畢夜感異夢。旦即捨杖步趨。一日誦至現相品。曰。佛身無有生。而能示出生法。性如虛空。諸佛於中住。無住亦無去。處處皆見佛。遂悟華嚴宗旨。洎登僧籍。府帥請講于千部堂。詞辯宏放。衆所歎服。適南堂靜禪師過門。謂師曰。觀公講說。獨步西南。惜未解離文字相耳。儻問道方外。即今之周金剛也。師欣然罷講。南遊。依圓悟於鍾阜。一日入室。圓悟舉羅山道有言。時踞虎頭收虎尾。第一句下。明宗旨。無言時。觀露機鋒。如同電拂。作麼生。會師莫能對。夙夜參究。忽然有省。作偈呈圓悟曰。家住孤峯頂。長年半掩門。自嗟身已老。活計付兒孫。圓悟見許。可次日入室。圓悟又問。昨日公案作麼生。師擬對。圓悟便喝曰。佛法不是這箇道理。師復留五年。愈更迷悶。後於廬山棲賢閣。浮山

遠禪師創執論云。若道悟有親疎。豈有旃檀林中却生臭草。豁然契悟。作偈寄圓悟曰。出林依舊入蓬蒿。天網恢恢不可逃。誰信業緣無避處。歸來不怕語聲高。圓悟大喜。持以示衆曰。覺華嚴徹矣。

明因曇玩禪師昭覺勤法嗣

平江府西山明因曇玩禪師。溫州黃氏子。徧參叢席。宣和庚子。回抵鍾阜。適朝廷改僧爲德士。師與同志數人入頭陀巖。食松自處。久之。圓悟被旨居是山。親至巖所。令去鬚髮。及圓悟詔補京師天寧。與師俱往。命掌香水海。未幾。因舉枹擊鼓。頓明大法。凡有所問。皆對曰。莫理會。故流輩咸以莫理會稱之。

道祖首座昭覺勤法嗣

成都府昭覺道祖首座。初見圓悟於卽心。是佛語下發明。久之。圓悟命分座。一日爲衆入室。餘二十許人。師忽問曰。生死到來如何。回避。曾無對。師擲下拂子。奄然而逝。衆皆愕眙。亟以聞圓悟。圓悟主召曰。祖首座。師張目眎之。圓悟曰。抖擻精神。透關去。師點頭竟爾趨寂。

宗振首座昭覺勤法嗣

南康軍雲居宗振首座丹丘人也。依園悟於雲居。一日仰瞻鐘閣。倏然契證。有詰之者。首座酌以三偈。其後曰。我有一機。直下示伊。青天霹靂。電卷星馳。德山臨濟。棒喝徒施。不傳之妙。於汝何虧。圓悟見大悅。

樞密徐俯居士昭覺勤法嗣

樞密徐俯字師川。號東湖居士。每侍先龍圖謁法昌及靈源語論。終日公聞之。貌如也。及法昌歸寂。在笑談間。公異之。始篤信此道。後丁父憂。念無以報罔極命。靈源歸孝。址說法。靈源登座問答。已乃曰。諸仁者。祇如龍圖平日讀萬卷書。如水傳器涓滴不遺。且道尋常著在甚麼處。而今捨識之後。這著萬卷書底。又却向甚麼處著。公聞灑然有得。遂曰。吾無憾矣。靈源下座問曰。學士適來見箇甚麼。便恁麼道。公曰。若有所見。則鈍置和尚去也。靈源曰。恁麼則老僧不如公。曰。和尚是何心行。靈源大笑。靖康初。爲尙書外郎。與朝士同志者。挂鉢於天寧寺。之擇木堂。力參圓悟。圓悟亦喜其見地超邁。一日至書記寮。指圓悟頂相曰。

這老漢脚跟猶未點地。在圓悟顙面曰。甕裏何曾走却鼈。公曰。且喜老漢脚跟點地。圓悟曰。莫謗他好公休去。

郡王趙令衿居士昭覺勤法嗣

郡王趙令衿字表之。號超然居士。任南康政成事簡。多與禪衲遊。公堂間爲摩詰丈室。適圓悟居甌阜。公欣然就其鑪。鍾圓悟不少假。公固請圓悟曰。此事要得相應。直須是死一回。始得公默契。嘗自疏之。其略曰。家貧遭劫。誰知盡底不存。空屋無人。幾度賊來。亦打圓悟見。囑令加護。紹興庚申冬。公與汪內翰藻李參政。邵曾侍郎。開詣徑山謁大慧。大慧聞至。乃令擊鼓入室。公欣然袖香趨之。大慧曰。趙州洗鉢。孟詵居士作麼生會。公曰。討甚麼碗。拂袖便出。大慧起。揭住曰。古人向這裏悟去。你因甚麼却不悟。公擬對大慧撥之曰。討甚麼碗。公曰。還這老漢始得。

侍郎李彌遜居士昭覺勤法嗣

侍郎李彌遜號普現居士。少時讀書。五行俱下。年十八中鄉舉。登第京師。旋歷華要。至二十八歲爲中書。

舍人常入圓悟室。一日早朝回。至天津橋馬躍。忽有省通身汗流直造天寧。適圓悟出門遙見。便喚曰。居士且喜大事了畢。公厲聲曰。和尚眼華作甚麼。圓悟便喝。公亦喝。於是機鋒迅捷。凡與圓悟問答。當機不讓。公後遷吏部乞祠。祿歸閩。連江築庵自娛。忽一日示微恙。遽索湯沐浴畢。遂趺坐作偈曰。謾說從來牧護。今日分明呈露。虛空拶倒。須彌說甚。向上一路。擲筆而逝。

覺庵道人祖氏昭覺勤法嗣

覺庵道人祖氏建寧游察院之姪女也。幼志不出適。留心祖道。於圓悟示衆語。下了然明白。圓悟曰。更須颺却所見。始得自由。祖答偈曰。露柱抽橫骨。虛空弄爪牙。直饒玄會得。猶是眼中沙。

成都范縣君昭覺勤法嗣

成都府范縣君者。娶居歲久。常坐而不臥。聞圓悟住。昭覺往禮拜。請示入道因緣。圓悟令看不是。心不是。佛不是。物是箇甚麼。久無所契。范泣告圓悟曰。和尚有何方便。令某易會。圓悟曰。却有箇方便。遂令祇看

是箇甚麼。後有省曰。元來恁麼地近那。

文殊心道禪師太平懃法嗣

常德府文殊心道禪師眉州徐氏子。年三十得度。詣成都習唯識。自以爲至同舍諸之曰。三界唯心。萬法唯識。今日前萬象縱然。心識安在。師茫然不知。對遂出關。周流江淮。既抵舒之太平。聞佛鑑禪師夜參舉趙州栢樹子話。至覺鐵觜曰。先師無此語。莫謗先師。好因大疑提撕。既久。一夕豁然。卽趨丈室。擬敘所悟。佛鑑見來。便閉門。師曰。和尚莫謾某甲。佛鑑曰。十方無壁落。何不入門來。師以拳擲破窗紙。佛鑑卽開門。擲住曰。道道師以兩手捧佛鑑頭。作口啐而出。遂呈偈曰。趙州有箇栢樹話。禪客相傳徧天下。多是摘葉與尋枝。不能直向根源會。覺公說道無此語。正是惡言當面罵。禪人若具通方眼。好向此中辨真假。佛鑑深然之。每對客稱賞。○建炎三年春。示衆舉臨濟入滅囑三聖因緣。師曰。正法眼藏。瞎驢滅。臨濟何曾有。是說今古時人。皆妄傳不信。但看後三月至閏三月。賊鍾相叛。其徒欲舉師。南奔者。師曰。學道所以了生。

死何避之有。賊至。師曰。速見殺。以快汝心。賊即舉槊。殘之。血皆白。乳賊駭。引席覆之而去。

龍牙智才禪師 太平勸法嗣

潭州龍牙智才禪師。舒州施氏子。早服勤於佛鑑法席。而局務不辭。難名已聞於叢林。及遊方。迫暮至黃龍。適死心在三門。問其所從來。既稱名。則知爲舒州太平才莊主矣。翌日入室。死心問曰。會得最初句。便會末後句。會得末後句。便會最初句。最初末後拈放一邊。百丈野狐話。作麼生。會師曰。入戶已知來見解。何須更舉轢中泥。死心曰。新長老死在上座手裏也。師曰。語言雖有異。至理且無差。死心曰。如何是無差底事。師曰。不扣黃龍角。焉知領下珠。死心便打。○初住嶽麓開堂。日僧問德山棒。臨濟喝。今日請師爲拈。撥師曰。蘇嚕蘇嚕。日蘇嚕蘇嚕。還有西來意也。無師曰。蘇嚕蘇嚕。由是叢林呼爲才蘇嚕。

何山守珣禪師 太平勸法嗣

安吉州何山佛燈守珣禪師。郡之施氏子。參廣鑑瑛禪師。不契。遂造太平。隨衆咨請。邈無所入。乃封其衾。

曰。此生若不徹去。誓不展此。於是晝坐宵立。如喪考妣。逾七七。日忽佛鑑上堂。曰。森羅及萬象。一法之所印。師聞頓悟。往見佛鑑。佛鑑曰。可惜一顆明珠。被這風顛漢拾得。乃詰之曰。靈雲道。自從一見桃華。後直至如今。更不疑。如何是他不疑處。師曰。莫道靈雲不疑。只今覓箇疑處。了不可得。佛鑑曰。玄沙道。諦當甚諦。當敢保老兄未徹。在那裏。是他未徹處。師曰。深知和尚老婆心。切佛鑑然之。師拜起。呈偈曰。終日看天不舉頭。桃華爛熳始擡眸。饒君更有遮天網。透得牢關即便休。佛鑑囑令護持。是夕厲聲謂衆曰。這回珣上座穩睡去也。圓悟聞得。疑其未然。乃曰。我須勸過始得。遂令人召至。因與遊山。偶到一水潭。圓悟推師入水。遽問曰。牛頭未見四祖時。如何。師曰。潭深魚聚。圓悟曰。見後如何。師曰。樹高招風。圓悟曰。見與未見時。如何。師曰。伸脚在縮脚裏。圓悟大稱之。

祥符清海禪師 太平勸法嗣

吉州大中祥符清海禪師。初見佛鑑。佛鑑問三世諸佛。一口吞盡。何處更有衆生。可教化。此理如何。師擬

進語佛鑑喝之師忽領旨

龍翔士珪禪師龍門遠法嗣

溫州龍翔竹庵士珪禪師成都史氏子初依大慈宗雅心醉楞嚴逾五秋南遊謁諸尊宿始登龍門即以平時所得白佛眼佛眼曰汝解心已極但欠著力開眼耳遂俾職堂司一日侍立次問曰絕對待時如何佛眼曰如汝僧堂中白椎相似師罔措佛眼至晚抵堂司師理前話佛眼曰閑言語師於言下大悟

雲居善悟禪師龍門遠法嗣

南康軍雲居高庵善悟禪師洋州李氏子年十一去家業經得度有夙慧聞冲禪師舉武帝問達磨因緣如獲舊物遽曰我既廓然何勝之有冲異其語勉之南詢蒙授記於龍門一日有僧被蛇傷足佛眼問曰既是龍門爲甚麼却被蛇咬師卽應曰果然現大人相佛眼益器之後傳此語到昭覺圓悟曰龍門有此僧耶東山法道未寂寥爾

黃龍法忠禪師龍門遠法嗣

隆興府黃龍牧庵法忠禪師四明姚氏子習台教悟

一心三觀之旨未能泯跡徧參名宿至龍門觀水磨旋轉發明心要乃述偈曰轉大法輪目前包裹更問如何水推石磨呈佛眼佛眼曰其中事作麼生師曰瀾下水長流佛眼曰我有末後一句待分付汝師卽掩耳而去

烏巨道行禪師龍門遠法嗣

衢州烏巨雪堂道行禪師處州葉氏子依泗州普照英禪師得度去參佛眼一日聞學立沙築著脚指話遂大悟

白楊法順禪師龍門遠法嗣

撫州白楊法順禪師綿州文氏子依止佛眼聞普說舉傳大士心王銘云水中鹽味色裏膠青決定是有不見其形師於言下有省後觀寶藏迅轉頓明大法趨丈室作禮呈偈曰頂有異峯雲冉冉源無別派水泠泠遊山未到山窮處終被青山礙眼晴佛眼笑而可之

雲居法如禪師龍門遠法嗣

南康軍雲居法如禪師丹丘胡氏子依護國瑞禪師

祝髮登具。徧參澗右諸宗匠。晚至龍門。以平日所證。白佛眼。佛眼曰。此皆學解。非究竟事。欲了生死。當求妙悟。師駭然諦信。一日。命主香積。以道業未辦。固辭。佛眼勉曰。姑就職。其中大有人爲汝說法。未幾晨興。開廚門望見聖僧。契所未證。卽白佛眼。佛眼曰。這裏還見聖僧麼。師詣前問訊。叉手而立。佛眼曰。向汝道大有人爲汝說法。

歸宗正賢禪師龍門遠法嗣

南康軍歸宗眞牧正賢禪師。潼川陳氏子。遊成都。依大慈秀公。習經論。凡典籍過目。成誦。秀稱爲經藏子。出蜀。謁諸尊宿。後扣佛眼。一日入室。佛眼舉殷勤抱得旃檀樹。語聲未絕。師頓悟。佛眼曰。經藏子漏逗了也。自是與師商確淵奧。亶亶無盡。佛眼稱善。因手書眞牧二字授之。

道場明辯禪師龍門遠法嗣

安吉州道場正堂明辯禪師。本郡俞氏子。謁諸名宿。至西京少林。聞僧舉佛眼。以古詩發明。厠賓王。斬師子尊者話曰。楊子江頭楊柳春。楊華愁殺渡江人一。

聲筓笛離亭。晚君向瀟湘。我向秦師默。有所契。卽趨龍門。求入室。佛眼問。從上祖師方冊。因緣許你。會得。忽舉拳曰。這箇因何喚作拳。師擬對。佛眼築其口曰。不得作道理。於是頓去。知見。○室中垂問曰。貓兒爲甚麼愛捉老鼠。又曰。板鳴因甚麼狗吠。○師家風嚴冷。初機多憚之。因贊遠。磨曰。昇元閣前。懺懺洛陽峯畔。乖張皮髓。傳成話。欄隻履。無處埋藏。不是一番寒徹骨。爭得梅華撲鼻香。雪堂行一見。大稱賞曰。先師猶有此人在。只消此贊。可以坐斷天下人舌頭。

世奇首座龍門遠法嗣

世奇首座者。成都人也。徧依師席。晚造龍門。一日燕坐。瞌睡間。羣蛙忽鳴。誤聽爲浮髮。版響亟趨。往有曉之者曰。蛙鳴非版也。師恍然。詣方丈。剖露佛眼曰。豈不見羅睺羅。師遽止曰。和尚不必舉。待去。自看。未幾有省。乃占偈曰。夜中聞版響。覺後蝦蟇啼。蝦蟇與版響。山嶽一時齊。由是益加參究。洞臻玄奧。佛眼命分座。師固辭曰。此非細事也。如金針刺眼。毫髮若差。眼則破矣。願生生居學地。而自煅煉佛眼。因以偈美之。

給事馮楫居士龍門遠法嗣

給事馮楫。齊川居士。自壯扣諸名宿。最後居龍門。從佛眼遠禪師。再歲一日。同遠經行法堂。偶童子趨庭吟曰。萬象之中。獨露身。遠拈公背曰。好。贊公於是契入。紹興丁巳。除給事。會大慧禪師就明慶開堂。大慧下座。公挽之曰。和尚每言於士大夫前曰。此生決不作這蟲豸。今日因甚。却納敗缺。大慧曰。盡大地是箇果上座。你向甚處見他。公擬對。大慧便掌。公曰。是我招得。越月。特丐祠坐。夏。徑山榜其室曰。不動軒。一日。大慧陞座。舉藥山問石頭曰。三乘十二分教。某甲粗知承聞。南方直指人心。見性成佛。實未明了。伏望慈悲。示誨。石頭曰。恁麼也不得。不恁麼也不得。恁麼不恁麼。總不得。你作麼生。藥山問措石頭曰。子緣不在此。可往江西見馬大師去。藥山至馬祖處。亦如前問。祖曰。有時教伊揚眉。瞬目。有時不教伊揚眉。瞬目。有時教伊揚眉。瞬目者。是有時教伊揚眉。瞬目者。不是。藥山大悟。大慧拈罷。公隨至方丈。曰。適來和尚所舉底。因緣某理會得了。大慧曰。你如何。會公曰。恁麼也。

不得。噯。噯。娑婆訶。不恁麼也不得。噯。喇。娑婆訶。恁麼不恁麼。總不得。蘇。噯。噯。娑婆訶。大慧印之以偈曰。梵語唐言打成一塊土。哉俗人得此三昧。公後知印州所至。宴晦無倦。嘗自詠曰。公事之餘。喜坐禪。少曾將脇到牀眠。雖然現出宰官相。長老之名四海傳。至二十三年秋。乞休致。預報親知。期以十月三日。報終至日。令後廳置高座。見客如平時。至辰巳間。降階望闕。肅拜。請漕使攝印事。著僧衣。履踞高座。囑諸官吏及道俗各宜向道。扶持教門。建立法幢。遂拈拄杖。按膝。蛻然而化。漕使請曰。安撫去住如此。自由。何不留一頌以表罕聞。公張目索筆書曰。初三十一。中九下七。老人言盡。龜哥眼赤。竟爾長往。

石頭自回禪師大隨靜法嗣

台州釣魚臺石頭自回禪師。本郡人也。世爲石工。雖不識字。志慕空宗。每求人口授法華。能誦之。棄家投大隨。供掃灑。寺中令取崖石。師手不釋鎚鑿。而誦經不輟口。大隨見而語曰。今日。磋。磋。明日。磋。磋。死生到來。作甚。折合。師愕然。釋其器。設禮。願聞究竟法。因隨。

至方丈大隨令且罷誦經看趙州勘婆因緣師念念不去心久之因鑿石石稍堅盡力一鎚瞥見火光忽然省徹走至方丈禮拜呈頌曰用盡工夫渾無巴鼻火光迸散元在這裏大隨忻然曰子徹也復獻趙州勘婆頌曰三軍不動旗閃爍老婆正是魔王脚趙州無柄鐵掃帚掃蕩煙塵空索索大隨可之遂授以僧服人以其爲石工故有回石頭之稱也

護聖居靜禪師

大隨靜法嗣

潼川府護聖愚丘居靜禪師成都楊氏子年十四禮白馬安慧爲師聞南堂道望遂往依焉南堂舉香巖枯木裏龍吟話往返耐詰師於言下大悟一日南堂問曰莫守寒巖異草青坐却白雲宗不妙汝作麼生師曰直須揮劍若不揮劍漁父棲巢南堂矍然曰這小廝兒師珍重便行

劍門南修道者

大隨靜法嗣

劍門南修道者淳厚之士也自大隨一語契投服勤不怠歸謁崇化贊禪師坐次贊以宗門三印問之南曰印空印泥印水平地寒濤競起假饒去就十分也

是靈龜曳尾

尙書莫將居士

大隨靜法嗣

莫將尙書字少虛家世豫草分寧因官西蜀謁南堂靜禪師咨決心要南堂使其向好處提撕適如團餓聞穢氣急以手掩鼻遂有省卽呈以偈曰從來姿韻愛風流幾笑時人向外求萬別千差無覓處得來元在鼻尖頭南堂答曰一法纔通法法周縱橫妙用更何求青蛇出匣魔軍伏碧眼胡僧笑點頭

徑山信云莫尙書向

鼻尖頭摸得些臭氣便揚出熏人南堂老漢好與三十棒何故養子不教父之過頌云摸得黃金特地愁支離經好漫風流當時若作今時用截斷尙書臭鼻頭

龍圖王蕭居士

大隨靜法嗣

龍圖王蕭居士字觀復留昭覺日聞開靜板聲有省問南堂曰某有箇見處纔被人問却開口不得未審過在甚處南堂曰過在有箇見處南堂却問朝旆幾時到任公曰去年八月四日南堂曰自按察幾時離衙公曰前月二十南堂曰爲甚麼道開口不得公乃契悟

徑山智策禪師

雲巖游法嗣

臨安府徑山塗毒智策禪師。天台陳氏子。十九造國清謁寂室光灑。然有省。次謁大圓於明之萬壽。大圓問曰。甚處來。師曰。天台來。曰。見智者大師麼。師曰。卽今亦不少。曰。因甚在汝脚。跟下。師曰。當面蹉過。大圓曰。上人不耘而秀。不扶而直。一日辭去。大圓送之門。指師背曰。實所在。近此城非實。師領之往豫章。謁典牛道由雲居。風雪塞路。坐閱四十二日。午初版聲鏗然。豁爾大悟。及造門典牛。獨指師曰。甚處見神兒鬼來。師曰。雲居聞版聲來。典牛曰。是甚麼。師曰。打破虛空。全無柄。輒典牛曰。向上事未。在師曰。東家暗坐。西家厮罵。典牛曰。巍然超出佛祖。他日起家一麟足矣。

左丞范冲居士 圓通旻法嗣

左丞范冲居士。字致虔。由翰苑守豫章。過圓通謁旻禪師。茶罷曰。某行將老矣。曠在金紫行中。去此事稍遠。圓通呼內翰公。應喏。圓通曰。何遠之有。公躍然曰。乞師再垂指誨。圓通曰。此去洪都有四程。公佇思。圓通曰。見卽便見。擬思卽差。公乃豁然有省。

樞密吳居厚居士 圓通旻法嗣

樞密吳居厚居士。擁節歸鍾陵。謁圓通旻禪師。曰。某頃赴省。試過此過。趙州關因問。前住訥老透關底事。如何。訥曰。且去做官。今不覺五十餘年。旻曰。曾明得透關底事麼。公曰。八次經過。常存此念。然未甚脫灑。在旻度扇與之曰。請使扇。公卽揮扇。旻曰。有甚不脫灑處。公忽有省。曰。便請末後句。旻乃揮扇。兩下。公曰。親切親切。旻曰。吉獠舌頭三千里。

中丞盧航居士 圓通旻法嗣

中丞盧航居士。與圓通擁爐。次公問。諸家因緣。不勞拈出。直截一句。請師指示。圓通厲聲指曰。看火。公急撥衣。忽大悟。謝曰。灼然佛法無多子。圓通喝曰。放下。著公應喏喏。

左司都貺居士 圓通旻法嗣

左司都貺居士。問圓通曰。是法非思量分別之所能解。當如何。湊泊。圓通曰。全身入火聚。公曰。畢竟如何。曉會。圓通曰。驀直去。公沈吟。圓通曰。可更喫茶麼。公曰。不必。圓通曰。何不恁麼會。公契旨。曰。元來太近。圓通曰。十萬八千。公占偈曰。不可思議是大火聚。使恁。

麼去不離當處。圓通曰：「咦！猶有這箇在。」公曰：「乞師再垂指示。」圓通曰：「便恁麼去？」鑑是鐵鑄，公頓首謝之。

治父道川禪師淨因成法嗣

無爲軍治父實際道川禪師，崑山狄氏子。初爲縣之弓級，聞東齋謙首座爲道俗演法，往從之。習坐不倦，一日因不職，遭笞忽於杖下，大悟，遂辭職，依謙。

南嶽下十六世臨濟下十二世

教忠彌光禪師徑山果法嗣

泉州教忠晦庵彌光禪師，閩之李氏子。出嶺，謁圓悟禪師於雲居，次參黃檗祥高庵，悟機語皆契。以淮楚盜起，歸謁佛心會大慧，寓廣因，往從之。大慧謂曰：「汝在佛心處所得者，試舉一二看。」師舉佛心上堂拈普化公案曰：「佛心卽不然，總不恁麼來。」時如何劈脊便打，從教徧界。身大慧曰：「汝意如何？」師曰：「某不肯他。」後頭下箇注脚，大慧曰：「此正是以病爲法。」師毅然無信，可意。大慧曰：「汝但揣摩看。」師竟以爲不然。經旬，因記海印信禪師拈曰：「雷聲浩大雨點全無，始無滯。」趨告大慧。大慧以舉道者見琅邪并立沙米微語詰之。

師對曰：「大慧笑曰：『雖進得一步，祇是不著所在。』如人斫樹根下一刀，則命根斷矣。汝向枝上斫，其能斷命根乎？」今諸方浩浩說禪者，見處總如此，何益於事？其楊岐正傳三四人而已。師愠而去。翌日，大慧問汝還疑否？師曰：「無可疑者。」大慧曰：「祇如古人相見，未開口時，已知虛實，或聞其語，便識淺深。此理如何？」師悚然汗下，莫知所詣。大慧令究有句無句。大慧過雲門庵，師侍行。一日，問曰：「某到這裏，不能得徹病在甚處？」大慧曰：「汝病最癢，世醫拱手，何也？」別人死了，活不得。汝今活了，未曾死，要到大安樂田地，須是死一回，始得。師疑情愈深，後入室，大慧問：「喫粥了也？」洗鉢盂了也。去却藥忌道：「將一句來。」師曰：「裂破大慧震威喝。」曰：「你又說禪也。」師卽大悟。大慧搥鼓告衆曰：「龜毛拈得笑，哈哈一擊，萬重關鎖，開慶快平生。在今日，孰云千里賺吾來。」師亦以頌呈之曰：「一拶當機怒雷吼，驚起須彌藏北斗。洪波浩渺浪滔天，拈得鼻孔失却口。」

東林道顏禪師徑山果法嗣

江州東林已庵道顏禪師，潼川人。久參圓悟，微有省。

發洩圓悟還蜀。囑依妙喜。仍以書致妙喜。曰。顏川彩繪已畢。但欠點眼耳。他日嗣其後。未可量也。妙喜居雲門及洋嶼。師皆在焉。朝夕質疑。方大悟。

西禪鼎需禪師 徑山泉法嗣

福州西禪懶庵鼎需禪師。本郡林氏子。幼舉進士。有聲年二十五。因讀遺教經。忽曰。幾爲儒冠誤。欲去家。母難之。以親迎。在期師乃絕之。曰。天桃紅杏。一時分付春風。翠竹黃華。此去永爲道伴。竟依保壽樂禪師爲比丘。一錫湖湘。偏參名宿。法無異味。歸里結庵於美峯絕頂。不下山者三年。佛心才禪師。挽出首衆於大乘。嘗問學者。卽心卽佛。因緣時妙喜庵于洋嶼。師之友彌光與師書云。庵主手段與諸方別。可來少欵。如何師不答彌光。以計邀師飯。師往赴之。會妙喜爲諸徒入室。師隨喜焉。妙喜舉僧問馬祖。如何是佛祖。曰。卽心是佛。作麼生。師下語。妙喜詰之。曰。你見解如此。敢妄爲人師耶。鳴鼓普說。許其平生珍重得力處。排爲邪解。師淚交頤。不敢仰視。默計曰。我之所得。既爲所排。西來不傳之旨。豈止此耶。遂歸心弟子之列。

一日妙喜問曰。內不放出。外不放入。正恁麼時。如何。師擬開口。妙喜拈竹篋。劈脊連打三下。師於此大悟。厲聲曰。和尚已多了也。妙喜又打一下。師禮拜。妙喜笑曰。今日方知吾不汝欺也。遂印以偈曰。頂門豎亞摩醯眼。肘後斜懸奪命符。瞎却眼。卸却符。趙州東壁挂葫蘆。於是聲名噴動叢林。

開善道謙禪師 徑山泉法嗣

建寧府開善道謙禪師。本郡人。初之京師。依圓悟無所省發。後隨妙喜庵居泉南。及妙喜領徑山。師亦侍行。未幾。令師往長沙通紫巖居士張公書師。自謂我參禪二十年。無入頭處。更作此行。決定荒廢。意欲無行。友人宗元者。叱曰。不可。在路便參禪。不得也。去吾與汝俱往。師不得已。而行在路。泣語元曰。我一生參禪。殊無得力處。今又途路奔波。如何得相應。去宗元告之曰。你但將諸方參得底。悟得底。圓悟妙喜爲你說得底。都不要理會。途中可替底事。我盡替你。只有五件事。替你不得。你須自家支當。師曰。五件事。何事。願聞其要。宗元曰。著衣喫飯。屙屎放尿。獻箇死屍路。

上行師於言下。領旨不覺手舞足蹈。宗元曰。你此同方可通書。宜前進。吾先歸矣。宗元卽回徑山。師半載方返。妙喜一見而喜曰。建州子。你這回別也。

育王德光禪師 徑山景法嗣

慶元府育王佛照德光禪師。臨江軍彭氏子。志學之年。依本郡東山光化寺吉禪師落髮。一日入室。吉問。不是心。不是佛。不是物。是甚麼。師罔措。遂致疑。通夕不寐。次日詣方丈請益。昨日蒙和尚垂問。既不是心。又不是佛。又不是物。畢竟是甚麼。望和尚慈悲指示。吉震威一喝曰。這沙彌更要我與你下注脚。在拈棒劈脊打出。師於是有省。後謁月庵杲。應庵華。百丈震終不自肯適。大慧領育王四海英材。鱗集師亦與焉。大慧室中問師。喚作竹篋。則觸。不喚作竹篋。則背。不得下語。不得無語。師擬對大慧。便棒師豁然大悟。從前所得。瓦解冰消。

玉泉曇懿禪師 徑山杲法嗣

福州玉泉曇懿禪師。久依圓悟。自謂不疑。紹興初。出住興化祥雲法席。頗盛大。慧入閩。知其所見未諦。致

書令來。師遲遲大慧。小參且痛斥。仍榜告四衆。師不得已。破夏謁之大慧。鞠其所證。既而曰。汝恁麼見解。敢嗣圓悟老人。邪。師退院。親之一日入室。大慧問我。要箇不會禪底。做國師。師曰。我做得國師去也。大慧喝出。居無何。語之曰。香嚴悟處。不在擊竹邊。俱胝得處。不在指頭上。師乃頓明。

薦福悟本禪師 徑山杲法嗣

饒州薦福。悟本禪師。江州人也。自江西雲門參侍妙喜。至泉南小谿。于時英俊畢集。受印可者多矣。師私謂其棄已。且欲發去。妙喜知而語之曰。汝但專意參究。如有所得。不待開口。吾已識也。既而有聞。師入室者。故謂師曰。本侍者參禪許多年。逐日只道得箇不會。師詬之曰。這小鬼。你未生時。我已三度霍山廟裏退牙了。好教你知由是益銳志。以狗子無佛性話。畢無字而提撕。一夕將三鼓。倚殿柱昏寐。間不覺無字出口。吻忽爾頓悟。後三日。妙喜歸自郡城。師趨丈室。足纔趨。闔未及吐詞。妙喜曰。本驢子這回方是徹頭也。

育王遵璞禪師

徑山杲
法嗣

慶元府育王大圓遵璞禪師。福州人。幼同玉泉懿。問道圓悟。數載後。還里。佐懿於莆中。祥雲紹興甲寅。大慧居洋嶼。師往訊之。入室。次大慧問三聖與化出。不出。爲人不爲人。話你道這兩箇老漢。還有出身處也。無師於大慧膝上打一拳。大慧曰。祇你這一拳。爲三聖出氣。爲與化出氣。速道。速道。師擬議。大慧便打。復謂曰。你第一不得忘了這一棒。後因大慧室中問僧曰。德山見僧入門。便棒。臨濟見僧入門。便喝。雪峯見僧入門。便道。是甚麼。睦州見僧。便道。現成公案。放你三十棒。你道這四箇老漢。還有爲人處也。無僧曰。有大慧曰。割僧擬議。大慧便喝。師聞遽領微旨。大慧欣然許之。

能仁祖元禪師

徑山杲
法嗣

溫州鴈山能仁枯木祖元禪師。七閩林氏子。初謁雪峯。預次。依佛心。才皆已機契。及依大慧於雲門庵。夜坐。次睹僧剔燈始徹。證有偈曰。剔起燈來。是火歷劫無明。照破歸堂。撞見聖僧。幾乎當面。蹉過不蹉過。是

甚麼。十五年前奇特。依前祇是這箇。大慧以偈贈之曰。萬仞崖頭解放身。起來依舊却惺惺。饑餐渴飲渾無事。那論昔人非昔人。

蔣山善直禪師

徑山杲
法嗣

建康府蔣山一庵善直禪師。德安雲夢人。初參妙喜於回鴈峯。下一日妙喜問之曰。上座甚處人。師曰。安州人。妙喜曰。我聞你安州人。會厮撲。是否。師便作相撲勢。妙喜曰。湖南人喫魚。因甚。湖北人著屨。師打筋斗而出。妙喜曰。誰知冷灰裏有粒豆爆。○一日留守陳丞相俊卿會諸山茶話。次舉有句無句。如藤倚樹。公案令諸山批判。皆以奇語取奉。師最後曰。張打油李打油。不打渾身只打頭。陳大喜。

近禮侍者

徑山杲
法嗣

近禮侍者三山人。久侍大慧。嘗默究竹筴話。無所入。一日入室。罷求指示。大慧曰。你是福州人。我說箇喻向你。如將名品荔枝和皮殼一時剝了。以手送在你口裏。祇是你不解。吞師不覺失笑曰。和尚吞却。卽禪事。大慧後問師曰。前日吞了底荔枝。祇是你不知滋

味師曰。若知滋味。轉見禍事。

資壽尼妙總禪師 徑山泉法嗣

平江府資壽尼無著妙總禪師。丞相蘇公頌之孫女也。年三十許。厭世浮休。脫去緣飾。咨參諸老。已入正信。作夏徑山大慧院。堂舉藥山初參石頭後見馬祖。因緣師聞。豁然省悟。大慧下座。不動居士。馮公機隨至。方丈曰。某理會得。和尚適來所舉公案。大慧曰。居士如何。曰。恁麼也。不得。囉哩娑婆訶。不恁麼也。不得。噫哩娑婆訶。恁麼不恁麼。總不得。囉哩娑婆訶。大慧舉似師。師曰。曾見郭象註莊子。識者曰。却是莊子註郭象。大慧見其語。異復舉巖頭婆子話。問之師。答偈曰。一葉扁舟泛渺茫。呈機舞棹別官商。雲山海月都拋却。贏得莊周蝶夢長。大慧休去。馮公疑其所悟。不根後。過無錫。招至舟中。問曰。婆生。七子六箇。不遇知音。祇這一箇。也不消得。便棄水中。大慧老師言道。人理會得。且如何。會師曰。已上供通。並是詣實。馮公大驚。大慧挂牌次。師入室。大慧問古人。不出方丈。爲甚麼。却去莊上喫油糞。師曰。和尚放妙總過妙總。

方敢通箇消息。大慧曰。我放你過。你試道看。師曰。妙總亦放。和尚過。大慧曰。爭奈油糞。何。師喝一喝而出。於是聲聞四方。

侍郎張九成居士 徑山泉法嗣

侍郎無垢居士張九成。未第時。因客談楊文公呂獻可諸名儒所造精妙。皆由禪學而至也。於是心慕之。聞寶印楚明禪師道傳大通居淨慈。卽之請問入道之要。明曰。此事唯念念不捨。久久純熟。時節到來。自然證入。復舉趙州栢樹子話。令時時提撕。公久之無省辭。謁善權禪師。公問此事。人人有分。箇箇圓成。是否。清曰。然。公曰。爲甚麼某無箇入處。清於袖中出數珠示之。曰。此是誰底。公俛仰無對。清復袖之曰。是汝底。則拈取去。纔涉思惟。卽不是。汝底公悚然未幾。留蘇氏館。一夕如廁。以栢樹子話究之。聞蛙鳴。釋然契入。有偈曰。春天月夜一聲蛙。蛙撞破乾坤共一家。正恁麼時。誰會得。嶺頭脚痛有玄沙。屈明謁法印一禪師。機語頗契。適私忌。就明靜庵供雲水。主僧惟衡禪師。纔見乃展手。公便喝。尙批公頰。公趨前。尙曰。張學。

錄何得謗大般若公曰某見處祇如此和尚又作麼生尙舉馬祖陞堂百丈卷席話詰之敘語未終公推倒卓子尙大呼張學錄殺人公躍起問傍僧曰汝又作麼生僧罔措公毆之顧尙曰祖禪不了殃及兒孫尙大笑公獻偈曰卷席因緣也大奇諸方聞舉盡攢眉臺盤遽倒人星散直漢從來不受欺尙答曰從來高價不饒伊百戰場中奮兩眉奪角衝關君會也叢林誰敢更相欺紹興癸丑魁多士復謁尙於東庵尙曰浮山圓鑑云饒你入得汾陽室始到浮山門亦未見老僧在公作麼生公叱侍僧曰何不祇對僧罔措公打僧一掌曰蝦蟆窟裏果沒蛟龍丁巳秋大慧禪師董徑山學者仰如星斗公閱其語要歎曰是知宗門有人持以語尙恨未一見及爲禮部侍郎偶參政劉公請大慧說法于天竺公三往不值暨大慧報謁公見但寒暄而已大慧亦默識之尋奉祠還里至徑山與馮給事諸公議格物大慧曰公祇知有格物而不知有物格公茫然大慧大笑公曰師能開諭乎大慧曰不見小說載唐人有與安祿山謀叛者其人先

爲閬守有畫像在焉明皇幸蜀見之怒令侍臣以劍鑿其像首時閬守居陝西首忽墮地公聞頓領深旨題不動軒壁曰子韶格物妙喜物格欲識一貫兩箇五百大慧始許可後守邵陽丁父難過徑山飯僧秉釣者意大慧議及朝政遂竄大慧於衡陽令公居家守服服除安置南安丙子春蒙恩北還道次新淦而大慧適至與聯舟劇談宗要未嘗語往事于氏心傳錄曰憲自嶺下侍舅氏歸新淦因會大慧舅氏令拜之憲曰素不拜僧舅氏曰汝姑扣之憲知其嘗執卷遂舉子思中庸天命之謂性率性之謂道修道之謂教三句以問大慧曰凡人既不知本命元辰下落處又要牽好人入火坑如何聖賢於打頭一著不鑿破憲曰吾師能爲聖賢鑿破否大慧曰天命之謂性便是清淨法身率性之謂道便是圓滿報身修道之謂教便是千百億化身憲得以告舅氏曰子拜何辭繼鎮永嘉丁丑秋丐祠枉道訪大慧於育王越明年大慧得旨復領徑山謁公於慶善院曰某每於夢中必誦語孟何如大慧舉圓覺曰由寂靜故十方世界諸

如來心於中顯現如鏡中像。公曰：非老師莫聞此論也。其頌黃龍三關曰：我手何似佛手？天下衲僧無口。縱饒撩起便行，也是鬼窟裏走。諱不我脚何似驢脚。又被藕膠粘著，驢身直上兜率天。已是遭他老鼠藥，吐不人人有箇生緣處。鐵圍山下幾千年，三灾直到四禪天。這驢猶自在旁邊。無得工夫

提刑吳偉明居士徑山泉法嗣

提刑吳偉明居士字元昭，久參真歇了禪師，得自受用。三昧爲極，致後訪大慧於洋嶼庵。隨衆入室，大慧舉狗子無佛性話，問之公。擬答大慧以竹篋便打，公無對。遂留咨參一日。大慧謂曰：不須呈伎倆，直須啐地折噪地斷方敵得。生死若祇呈伎倆，有甚了期？卽辭去。道次延平倏然契悟，連書數頌寄大慧。皆室中所問者。有曰：不是心，不是佛，不是物。通身一具金鎖骨。趙州親見老南泉，解道鎮州出蘿蔔。大慧卽說偈證之曰：通身一具金鎖骨，堪與人天爲軌則。要識臨濟小厮兒，便是當年白拈賊。

門司黃彥節居士徑山泉法嗣

門司黃彥節居士字節夫，號妙德。於大慧一喝下，疑情頓脫。大慧以衣付之，嘗舉首山竹篋話。至葉縣近前，奪得拗折擲向堦下，曰：是甚麼首山？曰：瞎公曰：妙德到這裏，百色無能，但記得曾作蠟梅絕句。曰：擬嚼枝頭蠟，驚香却肖蘭。前村深雪裏，莫作嶺梅看。

天童曇華禪師虎丘隆法嗣

明州天童應庵曇華禪師，蘄州江氏子。首依水南菴禪師，染指法味，因徧歷江湖，與諸老激揚，無不契者。至雲居禮圓悟禪師，圓悟一見痛與提策，及入蜀，指見彰教。彰教移虎丘，師侍行，未半載，頓明大事。去謁此庵，分座連雲，開法妙嚴。後遷諸巨刹，住歸宗。曰：大慧在梅陽，有僧傳師垂示語句，大慧見之，極口稱歎。後以偈寄曰：坐斷金輪第一峯，千妖百怪盡潛蹤。年來又得真消息，報道楊岐正脉通。其歸重如此。

淨慈師一禪師育王諸法嗣

臨安府淨慈水庵師一禪師，婺州馬氏子。十六披削，首參雪峯慧照禪師。慧照舉藏身無迹話，問之師。數日方明，呈偈曰：藏身無迹更無藏，脫體無依便斷當。

古鏡不勞還自照。淡煙和霧濕秋光。慧照質之曰。畢竟那裏是藏身無迹處。師曰。噯。慧照曰。無蹤迹處。因甚麼。莫藏身。師曰。石虎吞却木羊兒。慧照深肯之。

道場法全禪師育王裕法嗣

安吉州道場無庵法全禪師。姑蘇陳氏子。久依佛智。每入室。佛智以狗子無佛性話問之。師罔對。一日。聞僧舉五祖頌云。趙州露刃劍。忽大悟。有偈曰。鼓吹轟轟。袒半肩。龍樓香噴。益州船。有時赤脚弄明月。踏破五湖波底天。

慧通清旦禪師大瀉泰法嗣

潭州慧通清旦禪師。蓬州嚴氏子。初出關。至德山。值秦上堂。舉趙州曰。臺山婆子。已爲汝勘破了也。且道意在甚麼處。良久。曰。就地撮將黃葉去。入山推出白雲來。師聞釋然。翌日入室。德山問。前百丈不落因果。因甚麼墮野狐。後百丈不昧因果。因甚麼脫野狐。師曰。好與一坑埋却。

靈巖仲安法師大瀉泰法嗣

澧州靈巖仲安禪師。幼爲比丘。壯遊講肆。後謁圓悟。

於蔣山時。佛性爲座元。師扣之。卽領旨。逮佛性住德山。遣師至鍾阜通嗣書。圓悟問曰。千里馳來。不辱宗風。公案現成。如何通信。師曰。覲面相呈。更無回互。曰。此是德山底。那箇是上座底。師曰。豈有第二人。曰。背後底。灣師投書。圓悟笑曰。作家禪客。天然有在。師曰。付與蔣山。次至僧堂前。師捧書問訊。首座首座曰。立沙白紙。此自何來。師曰。久默斯要不務速說。今日拜呈。幸希一覽。首座便喝。師曰。作家首座。首座又喝。師以書便打。首座擬議。師曰。未明三八九。不免自沈吟。師以書復打一下。曰。接時。圓悟與佛眼見。圓悟曰。打我首座死了也。佛眼曰。官馬斯踢有甚憑據。師曰。說甚官馬斯踢。正是龍象蹴踏。圓悟喚師至曰。我五百人首座。你爲甚麼打他。曰。和尚也須喫一頓始得。圓悟顧佛眼吐舌。佛眼曰。未在。却顧師問曰。空手把鉏頭。步行騎水牛。人從橋上過。橋流水不流。意作麼生。師鞠躬曰。所供並是詣實。佛眼笑曰。元來是屋裏人。○又往見五祖自和尙。通法眷書。五祖曰。書裏說箇甚麼。師曰。文彩已彰。曰。畢竟說箇甚麼。師曰。當陽揮。

寶劍曰近前來這裏不識幾箇字師曰莫詐敗五祖顧侍者曰是那裏僧曰此上座向曾在和尚會下去五祖曰怪得恁麼滑頭師曰被和尚鈍置來五祖乃將書於香爐上熏曰南無三曼多沒陀南師近前彈指而已五祖便開書曰德山曰佛果佛眼皆有偈送之未幾靈巖處席衲子投牒乞師住持遂師法焉

國清行機禪師護國元法嗣

台州國清簡堂行機禪師本郡人姓楊氏才慤儒林年二十五棄妻孥學出世法晚見此庵密有契證出應莞山刀耕火種單丁者一十七年嘗有偈曰地爐無火客囊空雪似楊華落歲窮拾得斷麻穿壞衲不知身在寂寥中每謂人曰某猶未穩在豈以住山樂吾事邪一日偶看斫樹倒地忽然大悟平昔礙膺之物泮然冰釋未幾有江州圓通之命乃曰吾道將行即欣然曳杖而去登座說法曰圓通不開生藥鋪單單只賣死貓頭不知那箇無思算喫著通身冷汗流○室中常學苾芻病問學者曰依係苾芻病髮髯赤斑地衆皆下語不契有僧請益師示以頌曰依係苾

芻病髮髯赤斑地捧下無生忍臨機不識爺○淳熙己亥八月朔示微疾染翰別郡守曾公逮夜半書偈辭衆曰鐵樹開華雄雞生卯七十二年搖籃繩斷擲筆示寂

覺阿上人靈隱遠法嗣

覺阿上人日本國勝氏子也十四得度受具習大小乘有聲二十九屬商者自中都回言禪宗之盛覺阿奮然拉法弟金慶航海而來袖香拜靈隱佛海禪師佛海問其來覺阿輒書而對復書曰我國無禪宗唯講五宗經論國主無姓氏號金輪王以嘉應改元捨位出家名行眞年四十四王子七歲令受位今已五載度僧無進納而講義高者賜之某等仰服聖朝遠公禪師之名特詣丈室禮拜願傳心印以度迷津且如心佛及衆生是三無差別離相離言假言顯之禪師如何開示佛海曰衆生虛妄見見佛見世界覺阿書曰無明因何而有佛海便打覺阿即命佛海陞座決疑明年秋辭避金陵抵長蘆江岸聞鼓聲忽大悟始知佛海垂手旨趣

內翰曾開居士靈隱遠法嗣

內翰曾開居士字天游久參圓悟。暨往來大慧之門。有日矣。紹興辛未。佛海補三衢光孝公。與超然居士趙公訪之。問曰。如何是善知識。佛海曰。燈籠露柱。貓兒狗子。公曰。爲甚麼贊卽歡喜。毀卽煩惱。佛海曰。侍郎曾見善知識否。公曰。某三十年參問。何言不見。佛海曰。向歡喜處見。煩惱處見。公擬議。佛海震聲便喝。公擬對。佛海曰。開口底不是。公罔然。佛海召曰。侍郎向甚麼處去也。公猛省。遂點頭說偈曰。咄哉瞎驢叢林妖孽。震地一聲。天機漏泄。有人更問。意如何。拈起拂子。劈口截。佛海曰。也祇得一概。

知府葛鄰居士靈隱遠法嗣

知府葛鄰居士字謙問。號信齋。少擢上第。玩意禪悅。首謁無庵全禪師求指南。無庵令究卽心。卽佛。久無所契。請曰。師有何方便。使某得入。無庵曰。居士太無厭生。已而佛海來居劔池。公因從遊。乃舉無庵所示之語。請爲衆普說。佛海發揮之曰。卽心卽佛。眉拖地。非心非佛。雙眼橫。蝴蝶夢中家。萬里子規枝上月。三

更留旬日而後返。一日舉不是心。不是佛。不是物。豁然頓明。頌曰。非心非佛。亦非物。五鳳樓前山突兀。艷陽影裏倒翻身。野狐跳入金毛窟。無庵肯之。卽遣書頌呈佛海。佛海報曰。此事非紙筆可旣。居士能過我。當有所聞矣。遂復至虎丘。佛海迎之曰。居士見處止。可入佛境界。入魔境界。猶未得在。公加禮不已。佛海正容曰。何不道金毛跳入野狐窟。公乃痛領。嘗問諸禪曰。夫婦二人相打。通兒子作證。且道證父卽是。證母卽是。或庵體禪師著語曰。小出大遇。淳熙六年守臨川。八年感疾。一夕忽索筆書偈曰。大洋海裏打鼓。須彌山上聞鐘。業鏡忽然撲破。驪身透出虛空。召僚屬示之曰。生之與死。如晝與夜。無足怪者。若以道論。安得生死。若作生死會。則去道遠矣。語畢端坐而化。

徑山寶印禪師華藏民法嗣

臨安府徑山別峯寶印禪師。嘉州李氏子。從德山清素得度。具戒後。聽華嚴起信。旣盡其說。棄依密印於中峯。一日密印學僧問。嚴頭起滅不停時。如何嚴頭叱曰。是誰起滅。師啓悟。卽首肯。會圓悟歸昭覺。密印

遣師往省因隨衆入室圓悟問從上諸聖以何接人師豎拳圓悟曰此是老僧用底作麼生是從上諸聖用底師以拳揮之圓悟亦舉拳相交大笑而止○後至徑山謁大慧大慧問甚處來師曰西川大慧曰未出劒門關與汝三十棒了也師曰不合起動和尚大慧忻然掃室延之

楚安慧方禪師文殊道
法嗣

潭州楚安慧方禪師本郡許氏子參道禪師於大別未幾改寺爲神霄宮附商舟過湘南舟中聞岸人操鄉音厲聲云叫那由是有省卽說偈曰汚水江心喚一聲此時方得契平生多年相別重相見千聖同歸一路行

文殊思業禪師文殊道
法嗣

常德府文殊思業禪師世爲屠宰一日戮豬次忽洞徹心源卽棄業爲比丘述偈曰昨夜叉心今朝菩薩面菩薩與夜叉不隔一條線往見文殊文殊曰你正殺豬時見箇甚麼便乃剃頭行脚師遂作鼓刀勢文殊喝曰這屠兒參堂去師便下參堂

待制潘良貴居士佛燈珣
法嗣

待制潘良貴居士字義榮年四十回心祖闢所至挂鉢隨衆參扣後依佛燈久之不契因訴曰某祇欲死去時如何佛燈曰好箇封皮且留著使用而今不了不當後去忽被他換却封皮卒無整理處公又以南泉斬貓兒話問曰某看此甚久終未透徹告和尚慈悲佛燈曰你祇管理會別人家貓兒不知走却自家狗子公於言下如醉醒

無爲守緣禪師潯潭明
法嗣

漢州無爲隨庵守緣禪師本郡人姓史氏年十三病日去依棲禪慧目能禪師圓具出峽至寶峯值寶峯上堂舉永嘉曰一月普現一切水一切水月一月攝師聞釋然領悟

雲居德昇禪師龍淵珪
法嗣

南康軍雲居頑庵德昇禪師漢州何氏子謁文殊道禪師問佛法省要文殊示偈曰契丹打破波斯寨奪得寶珠村裏賣十字街頭窮乞兒腰間挂箇風流袋師擬對文殊曰莫錯師退參三年方得旨趣往見佛

性機不投入。閩至鼓山禮觀。便問。國師不踏石門句。意旨如何。竹庵應聲喝曰。閑言語。師即領悟。

狼山慧溫禪師 龍翔珪法嗣

通州狼山蘿庵慧溫禪師。福州人。姓鄭氏。徧參諸老。晚依竹庵於東林。未幾。竹庵謝事。復謁高庵。悟南華。曷草堂清皆蒙賞識。會竹庵徙閩。之乾元。師歸省次。竹庵問情。生智隔想。變體殊不用停囚。長智道將一句來。師乃釋然述偈曰。拶出通身是。口何妨。罵雨訶風。昨夜前村猛虎咬殺南山大蟲。竹庵首肯。

中際善能禪師 雲居悟法嗣

福州中際善能禪師。嚴陵人。往來龍門。雲居有年。未有所證。一日。普請擇菜。次高庵忽以貓兒擲師懷中。師擬議。高庵攔臂踏倒。於是大事洞明。

雲居自圓禪師 雲居悟法嗣

南康軍雲居普雲自圓禪師。綿州雍氏子。出關南下。歷扣諸大尊宿。始詣龍門。一日於廊廡間。覩繪胡人有省。夜白高庵。高庵舉法眼偈曰。頭戴貂鼠帽。腰懸羊角錘。語不令人會。須得人譯之。復笑火示之曰。我

爲汝譯了也。於是大法明了。呈偈曰。外國言音不可窮。起雲亭下一時通。口門廣大無邊際。吞盡楊岐栗棘蓬。高庵遣師依佛眼。佛眼謂曰。吾道東矣。

長蘆守仁禪師 烏巨行法嗣

眞州長蘆。且庵守仁禪師。越之上虞人。依雪堂於烏巨。聞普說曰。今之兄弟做工夫。正如習射。先安其足。後習其法。後雖無心。以久習故。箭發皆中。喝一喝曰。只今箭發也。看看師不覺倒身。作避箭勢。忽大悟。

何山然首座 道場辯法嗣

安吉州何山然首座。姑蘇人。侍正堂之久。入室次正堂。問貓兒爲甚麼偏愛捉老鼠。曰。物見主。眼卓。正堂欣然。因命分座。

東山吉禪師 道場琳法嗣

臨江軍東山吉禪師。因李朝請與甥。藕林居士向公子。謹謁之。遂問家賊惱人時如何。師曰。誰是家賊。李豎起拳。師曰。賊身已露。李曰。莫茶糊人好。師曰。賊證見在。李無語。

南嶽下十七世 臨濟下十三世

淨慈曇密禪師教忠光法嗣

臨安府淨慈混源曇密禪師天台盧氏子習台教棄參大慧於徑山謁雪巢一此庵元入閩留東西禪無省發之泉南教忠俾悅衆解職歸前資偶舉香巖擊竹因緣豁然契悟述偈呈教忠教忠舉玄沙未徹語詰之無滯教忠曰子方可見妙喜卽辭往梅陽服勤四載

淨慈彥充禪師東林顏法嗣

臨安府淨慈肯堂彥充禪師於潛盛氏子首參大愚宏智正堂大圓後聞東林謂衆曰我此間別無玄妙祇有木札羹鐵釘飯任汝咬嚼師竊喜之直造謁陳所見解東林曰據汝見處正坐在鑑覺中師疑不已將從前所得底一時颺下一日聞僧舉南泉道時人見此一株華如夢相似默有所覺曰打草祇要虵驚次日入室東林問那裏是巖頭密啓其意處師曰今日捉敗這老賊東林曰達磨大師性命在汝手裏師擬開口鶻被攔臂一拳忽大悟直得汗流浹背點首自謂曰臨濟道黃檗佛法無多子豈虛語邪遂呈頌

曰爲人須爲徹殺人須見血德山與巖頭萬里一條鐵東林然之

智者眞慈禪師東林顏法嗣

婺州智者元庵眞慈禪師潼川人姓李氏遊譚肆聽講圓覺至四大各離今者安身當在何處畢竟無體實同幻化因而有省作頌曰一顆明珠在我這裏撥著動著放光動地以呈諸講師無能曉之者歸以呈其師遂舉狗子無佛性話詰之師曰雖百千萬億公案不出此頌也其師以爲不遜乃叱出師因南遊至廬山圓通挂搭時已庵爲西堂爲衆入室舉僧問雲門撥塵見佛時如何雲門曰佛亦是塵師隨聲便喝以手指僧曰佛亦是塵師復頌曰撥塵見佛佛亦是塵問了答了直下翻身勸君更盡一杯酒西出陽關無故人又頌塵塵三昧曰鉢裏飯桶裏水別寶崑崙坐潭底一塵塵上走須彌明眼波斯笑彈指笑彈指珊瑚枝上清風起已庵深肯之

鼓山安永禪師西禪需法嗣

福州鼓山木庵安永禪師閩縣吳氏子謁懶庵於雲

門一日入室。懶庵曰：「不問有言，不問無言，世尊良久，不得向世尊良久處。」會隨後便喝。條然契悟。作禮曰：「不因今日問爭喪，目前機懶庵許之。」

劔門安分庵主 西禪需法嗣

南劔州劔門安分庵主。少與木庵同隸業安國。後依懶庵。未有深證。辭謁徑山大慧。行次江干。仰瞻宮闕。聞街司喝侍郎來。釋然大悟。作偈曰：「幾年箇事挂胷懷。問盡諸方眼不開。肝膽此時俱裂破。一聲江上侍郎來。」遂徑回西禪。懶庵迎之。付以伽黎。

吳十三道人 開善諫法嗣

建寧府仙州山吳十三道人。每以已事扣諸禪。及開善歸結茆於其左。遂往給侍。紹興庚申三月八日夜。適然啓悟。占偈呈開善曰：「元來無縫罅。觸著便光輝。既是千金寶。何須彈雀兒。」開善答曰：「啐。」地折時。眞慶快死。生凡聖盡平。沉僊州山下。呵呵笑。不負相期宿昔心。

天童咸傑禪師 天童華法嗣

慶元府天童密庵咸傑禪師。福州鄭氏子。徧參知識。

後謁應庵於衢之明果。應庵孤硬難入。屢遭呵。一日應庵問：「如何？」正法眼。師遽答曰：「破沙盆。」應庵頷之。

侍郎李浩居士 天童華法嗣

侍郎李浩居士。字德遠。號正信。幼閱首楞嚴經。如遊舊國。志而不忘。持槩後。造明果。投誠入室。應庵提其胷曰：「侍郎死後。向甚麼處去？」公駭然汗下。應庵喝出。公退。參不旬日。竟躋堂奧。以偈寄同參嚴康朝曰：「門有孫臏。鋪家存甘贄。妻夜眠還早起。誰悟復誰迷。應庵見稱善。有鸞胭脂者。亦久參應庵。頗自負。公贈之偈曰：「不塗紅粉白風流。往往禪徒到此休。透過古今圈。積後却來這裏喫拳頭。」

華藏有權禪師 道場全法嗣

常州華藏伊庵有權禪師。臨安昌化郝氏子。十八歲禮佛智裕禪師于靈隱。時無庵爲第一座。室中以從。無住本。建一切法。問之師。久而有省。答曰：「暗裏穿針耳。中出氣無庵可之。」遂密付心印。嘗夜坐達旦。行粥者。至忘展鉢。鄰僧以手觸之。師感悟。爲偈曰：「黑漆崑崙把釣竿。古帆高挂下驚湍。蘆華影裏弄明月。引得。」

盲龜上釣。佛智嘗問。心包太虛。量廓沙界。時如何。師曰。大海不宿死屍。佛智撫其座曰。此子他日當據此座。呵佛罵祖。去在師自是埋藏頭角。益自韜晦。遊歷湖湘。江湖幾十年。依應庵於歸宗。參大慧於徑山。無庵住道場。招師分座說法。於是聲名隱然。

教外別傳卷十

教外別傳卷十一 滴仰宗

南嶽下三世

潯山靈祐禪師 百丈海
法嗣

潭州潯山靈祐禪師。福州趙氏子。二十三遊江西。參百丈百丈一見許之。入室遂居參學之首。侍立次百丈。問誰師曰。某甲百丈曰。汝撥爐中有火否。師撥之曰。無火。百丈躬起。深撥得少火。舉以示之曰。汝道無。這箇響。師由是發悟。禮謝陳其所解。百丈曰。此乃暫時岐路耳。經云。欲識佛性。義當觀時節。因緣時節既

至如迷忽悟。如忘忽憶。方省己物。不從他得。故祖師

云。悟了同未悟。無心亦無法。祇是無虛妄。凡聖等心。

本來心。法元自備足。汝今既爾。善自護持。次日同百

丈入山作務。百丈曰。將得火來麼。師曰。將得來。百丈

曰。在甚處。師乃拈一枝柴。吹兩吹。度與百丈。百丈曰。

如蟲禦木。徑山泉云。百丈若無後語。泊被典座瞞。楚石琦云。百丈却因後語。被人瞞。破帶累。

典座。隨邪逐惡。天寧幸是無事。汝等諸人來這裏覓箇什麼。一盲引衆。盲相牽入火坑。以拄杖一時趕散。

○司馬頭陀自湖南來。謂百丈曰。頃在湖南尋得一

山名大潯。是一千五百人善知識所居之處。百丈曰。

老僧住得否。頭陀曰。非和尚所居。百丈曰。何也。頭陀

曰。和尚是骨人。彼是肉山。設居徒不盈千百丈。曰。吾

衆中莫有人住得否。頭陀曰。待歷觀之時。華林覺爲

第一座。百丈令侍者請至。問曰。此人如何。頭陀請警

欵一聲。行數步。頭陀曰。不可。百丈又令喚師。師時爲

典座。頭陀一見。乃曰。此正是潯山主人也。百丈是夜

召師入室。囑曰。吾化緣在此。潯山勝境。汝當居之。嗣

續吾宗。廣度後學。而華林聞之。曰。某甲忝居上首。典

座。何得住持。百丈曰。若能對衆下一語。出格當與

住持卽指淨瓶問曰不得喚作淨瓶汝喚作甚麼華林曰不可喚作木椀也百丈乃問師師踢倒淨瓶便出去百丈笑曰第一座輸却山子也師遂往焉是山峭絕無人煙猿獐爲伍橡栗充食經五七載絕無來者師自念言我本住持爲利益於人既絕往還自善何濟卽捨庵欲他往行至山口見虵虎狼豹交橫在路師曰汝等諸獸不用攔吾行路吾若於此山有緣汝等各自散去吾若無緣汝等不用動吾從路過一任汝喫言訖蟲虎四散而去師乃回庵未及一載安上座卽懶安也同數僧從百丈來輔佐師安曰某與和尚作典座待僧及五百人不論時節卽不造粥便放某甲下自後山下居民率衆共營梵宇連帥李景讓奏號同慶寺相國裴公休嘗咨玄奧繇是天下禪學輻輳焉○上堂夫道人心質直無僞無背無面無詐妄心一切時中視聽尋常更無委曲亦不閉眼塞耳但情不附物卽得從上諸聖祇說濁邊過患若無如許多惡覺情見想習之事譬如秋水澄淨清淨無爲澹泞無礙喚他作道人亦名無事人時有僧問頓

悟之人更有修否師曰若眞悟得本他自知時修與不修是兩頭語如今初心雖從緣得一念頓悟自理猶有無始曠劫習氣未能頓淨須教渠淨除現業流識卽是修也不可別有法教渠修行趣向從聞入理當時此乃得坐披衣自解作活計始得以要言之則實際理地不受一塵萬行門中不捨一法若也單刀直入則凡聖情盡體露眞常理事不二卽如如佛○仰山問百千萬境一時來作麼生師曰青不是黃長不是短諸法各住自位非干我事仰山作禮○仰山問如何是祖師西來意師指燈籠曰大好燈籠仰山曰莫祇這便是麼師曰這箇是甚麼仰山曰大好燈籠師曰果然不見雪巖欽頌云靦面提來付與伊分明此意沒東西腕頭有力千鈞重誰道通身是水泥○一日師謂衆曰如許多人祇得大機不得大用仰山舉此語問山下庵主曰和尚恁麼道意旨如何庵主曰更舉看仰山擬再舉被庵主踏倒仰山歸舉似師師呵呵大笑○師在法堂坐庫頭擊木魚火頭擲却火杪拈掌大笑師曰衆中也有恁麼人

遂喚來問你作麼生。火頭曰：某甲不喫粥肚飢，所以歡喜。師乃點頭。○師摘茶次，謂仰山曰：終日摘茶，祇聞子聲不見子形。仰山撼茶盞，師曰：子祇得其用，不得其體。仰山曰：未審和尚如何。師良久，仰山曰：和尚祇得其體，不得其用。師曰：放子三十棒。仰山曰：和尚棒某甲喫。某甲棒教誰喫。師曰：放子三十棒。首山念云：夫爲宗師，須具擇法眼，始得當時不是。渴山便見扶鉢喫壁報慈遂云：且道過在甚麼處。鄧瑠覺云：五更侵早起，更有夜行人。又云：若不是渴山，泊合打破蔡州。白雲端云：父子相投，意氣相合，機鋒互換，碎啄同時。雖然如是，畢竟如何。道得體用，雙全去。渴山放子三十棒，也是養子之緣。蔣山勸云：張公手與李公友，待罰李公一盞酒。倒被李公罰一盞好手。中呈好手。玉泉連云：直饒體用兩全，爭奈當頭踉蹌過，則且止。放子三十棒。又作麼生。三盞酒，粧公子面一枝華，掃美人頭。○上堂，僧出曰：請和尚爲衆說法。師曰：我爲汝得微困也。僧禮拜。後人舉似雪峯存雪峯云：古人得恁麼老婆心，切玄沙備云：山頭和尚踉蹌過古人，事也。雪峯聞之，乃問玄沙云：甚麼處是老僧踉蹌過古人。事處。玄沙云：大小渴山被那僧一問，直得百雜碎。雪峯乃駭然。○師坐次，仰山入來。師曰：寂于速道，莫入陰界。仰山曰：慧寂信亦不立。師曰：子信了不立，不信不立。仰山曰：祇是慧寂更信阿誰。師曰：若恁麼，卽是定性聲聞。仰山曰：慧寂佛亦不立。○師問仰山：涅槃經四十卷，多少是佛說，多少是

魔說。仰山曰：總是魔說。師曰：已後無人奈子何。仰山曰：慧寂卽一期之事，行履在甚麼處。師曰：祇貴子眼正，不說子行履。○仰山蹋衣次，提起問師曰：正恁麼時，和尚作麼生。師曰：正恁麼時，我這裏無作麼生。仰山曰：和尚有身而無用，師良久，却拈起問曰：汝正恁麼時，作麼生。仰山曰：正恁麼時，和尚還見伊否。師曰：汝有用而無身，師後忽問仰山：汝春間有話未圓，今試道看。仰山曰：正恁麼時，切忌勦訴。師曰：停囚長智。○師一日喚院主，院主便來。師曰：我喚院主，汝來作甚麼。院主無對。曹山寂代云：也知和尚不喚某甲。又令侍者喚第一座，座便至。師曰：我喚第一座，汝來作甚麼。座亦無對。曹山寂代云：若令侍者喚，恐不來。法眼益云：適來侍者喚。○師問雲巖，聞汝久在藥山，是否。雲巖曰：是。師曰：如何是藥山大人相。雲巖曰：涅槃後有。師曰：如何是涅槃後有。雲巖曰：水漚不著雲巖，却問師百丈大人相如何。師曰：巍巍堂堂，燁燁煌煌，聲前非聲，色後非色。蚊子上鐵牛，無汝下嘴處。○師過淨瓶，與仰山仰山擬接，師却縮手，曰：是甚麼。仰山曰：和尚還見箇甚麼。師曰：若恁麼，何用更

就吾覓仰山曰雖然如此仁義道中與和尚提瓶挈水亦是本分事師乃過淨瓶與仰山○師與仰山行次指栢樹子問曰前面是甚麼仰山曰栢樹子師却問耘田翁翁亦曰栢樹子師曰這耘田翁向後亦有五百衆澗山結云山僧則不然耘田公子吾不如汝且道大圓是山僧是若人辨得許汝具擇法眼若也不辨佛法熾然生滅神鼎譚云爲復意在耘田處爲復意在仰山分上爲復總不恁麼諸上座一切諸法縱然更不用生事他○師問仰山何處來仰山

曰田中來師曰禾好刈也未仰山作刈禾勢師曰汝適來作青見作黃見作不青不黃見仰山曰和尚背後是甚麼師曰子還見麼仰山拈禾穗曰和尚何曾問這箇師曰此是鵝王擇乳○師問仰山天寒人寒仰山曰大家在這裏師曰何不直說仰山曰適來也不曲和尚如何師曰直須隨流○上堂仲冬嚴寒年年事暑運推移事若何仰山進前叉手而立師曰我情知汝答這話不得香嚴曰某甲偏答得這話師蹣前問香嚴亦進前叉手而立師曰賴遇寂子不會○師謂仰山曰汝須獨自回光返照別人不知汝解處汝試將實解獻老僧看仰山曰若教某甲自看到這

裏無圓位亦無一物一解得獻和尚師曰無圓位處元是汝作解處未離心境在仰山曰既無圓位何處有法把何物作境師曰適來是汝作與麼解是否仰山曰是師曰若恁麼是具足心境法未脫我所心在元來有解獻我許汝信位顯人位隱在○師一日見劉鐵磨來師曰老特牛汝來也劉曰來日臺山大會齋和尚還去麼師乃放身作臥勢劉便出去雪竇顯頌云會騎鐵馬入重城勅下傳聞六國清猶握金轡問歸客夜深誰共御街行淨慈一云衆中道放身便臥是不去劉鐵磨懷驪而行有甚交涉殊不知馮山老漢平生一條脊梁拗不曲被劉鐵磨一推推倒直至如今起不得若要扶起馮山請大衆下一轉語衆無語師以拄杖一時趕散中峯本云馮山被鐵磨一撥撥倒要起不得鐵磨被馮山一推推轉要住住不得本上座與麼批判多少人在背後咬斷拇指○師坐次仰山從方丈前過師曰若是百丈先師見子須喫痛棒始得仰山曰卽今事作麼生師曰合取兩片皮仰山曰此恩難報師曰非子不才廼老僧年邁仰山曰今日親見百丈師翁來師曰子向甚麼處見仰山曰不道見祇是無別師曰始終作家○師問仰山卽今事且置古來事作麼生仰山叉手近前師曰猶是卽今事古來事作麼生仰山退後立師曰汝屈我我屈

汝仰山便禮拜

蔣山勸云仰山雖善進前退後發明古今其奈渴山向胡餅裏呷汁壓沙

覓油雖然如是且道仰山父手意作麼生若也知得行脚事辦其或未然老僧不曾孤負諸人自是諸人孤負

老僧

○仰山香嚴侍立次師舉手曰如今恁麼者少不

恁麼者多香嚴從東過西立仰山從西過東立師曰

這箇因緣三十年後如金擲地相似仰山曰亦須是

和尚提唱始得香嚴曰即今亦不少師曰合取口

南堂

靜云象王喚呻師子哮吼踞地盤空移星換斗坐斷舌頭合取狗口一回擲地作金聲九曲黃河徹底清

○師坐次仰山入來師以兩手相交示之仰山作女

人拜師曰如是如是○師方丈內坐次仰山入來師

曰寂子近日宗門令嗣作麼生仰山曰大有人疑著

此事師曰子作麼生仰山曰慧寂祇管困來合眼健

即坐禪所以未曾說著在師曰到這田地也難得仰

山曰據慧寂所見祇如此一句也著不得師曰汝爲

一人也不得仰山曰自古聖人盡皆如此師曰大有

人笑汝恁麼祇對仰山曰解笑者是慧寂同參師曰

出頭事作麼生仰山繞禪牀一匝師曰裂破古今

蔣山

勸云動絃別曲葉落知秋自古自今築着磻着鳥道玄路許他父子親遊若是荆棘林中猶欠語在以何爲驗只如仰山遶禪牀一匝渴山云裂破古今若是明眼衲僧瞞他一點不得

○仰山香嚴侍

立次師曰過去現在未來佛佛道同人人得箇解脫

路仰山曰如何是人人解脫路師回顧香嚴曰寂子

借問何不答伊香嚴曰若道過去未來現在某甲却

有箇祇對處師曰子作麼生祇對香嚴珍重便出師

却問仰山曰智閑恁麼祇對還契寂子也無仰山曰

不契師曰子又作麼生仰山亦珍重出去師呵呵大

笑曰如水乳合○因僧問如何是祖師西來意師豎

起拂子後僧遇王常侍王問渴山近日有何言句僧

舉前話王曰彼中兄弟如何商量僧曰借色明心附

物顯理王曰不是這箇道理上座快回去好某甲敢

寄一書到和尚僧得書遂回持上師拆開見畫一圓

相內寫箇日字師曰誰知千里外有箇知音仰山侍

次乃曰雖然如是也祇是箇俗漢師曰子又作麼生

仰山畫一圓相於中書日字以脚抹却師乃大笑○

一日師翹起一足謂仰山曰我每日得他負載感伊

不徹仰山曰當時給孤園中與此無別師曰更須道

始得仰山曰寒時與他襪著也不爲分外師曰不負

當初子今已徹仰山曰恁麼更要答話在師曰道看

仰山曰誠如是言師曰如是如是○師問仰山生住異滅汝作麼生會仰山曰一念起時不見有生住異滅師曰子何得遣法仰山曰和尚適來問甚麼師曰生住異滅仰山曰却喚作遣法○師問仰山妙淨明心汝作麼生會仰山曰山河大地日月星辰師曰汝祇得其事仰山曰和尚適來問甚麼師曰妙淨明心仰山曰喚作事得麼師曰如是如是○石霜曾下有二禪客到曰此間無一人會禪後普請搬柴仰山見二禪客歇將一檟柴問曰還道得麼俱無對仰山曰莫道無人會禪好仰山歸舉似師曰今日二禪客被慧寂勘破師曰甚麼處被子勘破仰山舉前話師曰寂子又被吾勘破雲居錫云甚處是○師睡次仰山問訊師便回面向壁仰山曰和尚何得如此師起曰我適來得一夢你試爲我原看仰山取一盆水與師洗面少頃香嚴亦來問訊師曰我適來得一夢寂子爲我原了汝更與我原看香嚴乃點一碗茶來師曰二子見解過於驚子蔣山勸云夢中說夢深許渴山妙用神通須還二子傳茶度水外一人在門裏更有一人遍界不曾藏佛眼覷不見

南堂靜云撥草瞻風孤峯獨宿鼓無絃琴唱無生曲倚香嚴鼎之三足臨機不費纖毫力任運分身千百億○師因泥壁次李軍容來具公裳直至師背後端笏而立師回首見便側泥盤作接泥勢李便轉笏作進泥勢師便拋下泥盤同歸方丈巖頭齋問云噫佛法澹泊也大小溪山泥壁也不了明招謙云當時合作麼生免被巖頭點檢代云却轉泥盤作泥壁勢便拋下歸去黃龍新云巖頭錯下名言殊不知○上堂老僧百年後向山下作一頭水牯牛左脇下書五字曰溪山僧某甲當恁麼時喚作溪山僧又是水牯牛喚作水牯牛又是溪山僧畢竟喚作甚麼即得仰山出禮拜而退雲居膺代號資福寶云當時但作此○相拓呈之新羅和尚作此○相拓呈之又云同道者方知芭蕉微作此○相拓呈之又云說也說了也注也注了也悟取好乃述偈云不是溪山不是牛一身兩號寶難離却兩頭應須道如何道得出常流金粟悟云溪山大似不打自招復云還知金粟落處麼

南嶽下四世

仰山慧寂禪師溪山祐法嗣

袁州仰山慧寂通智禪師韶州懷化葉氏子年九歲於廣州和安寺投通禪師出家語通不十四歲父母取歸欲與婚媾師不從遂斷手二指跪致父母前誓求正法以答劬勞父母乃許再詣通處而得披剃未登

具卽遊方。初謁耽源。已悟玄旨。後參滄山。遂升堂奧。耽源謂師曰。國師當時傳得六代祖師圓相。共九十七箇。授與老僧。乃曰。吾滅後三十年。南方有一沙彌到來。大與此教。次第傳受。無令斷絕。我今付汝。汝當奉持。遂將其本。過與師。師接得一覽。便將火燒。却耽源一日。問前來諸相。甚宜秘惜。師曰。當時看了。便燒却也。耽源曰。吾此法門。無人能會。唯先師及諸祖師。諸大聖人。方可委悉。子何得焚之。師曰。慧寂一覽。已知其意。但用得不可執本也。耽源曰。然雖如此。於子卽得。後人信之不及。師曰。和尚若要重錄。不難。卽重集一本。呈上。更無遺失。耽源曰。然耽源上堂。師出衆作此。○相以手拓呈了。却又手立。耽源以兩手相交。作拳示之。師進前三步。作女人拜。耽源點頭。師便禮拜。師浣衲次。耽源曰。正恁麼時。作麼生。師曰。正恁麼時。向甚麼處見。後參滄山。滄山問汝。是有主沙彌。無主沙彌。師曰。有主。曰。主在甚麼處。師從西過東。立滄山異之。師問如何。是真佛住處。滄山曰。以思無思之妙。返思靈識之無窮。思盡還源。性相常住。事理不二。

眞佛如如。師於言下頓悟。自此執侍前後。盤桓十五載。○後參巖頭。巖頭舉起拂子。師展坐具。巖頭拈拂子。置背後。師將坐具搭肩而上。出巖頭曰。我不肯汝放。祇肯汝收。○掃地。次滄山問。塵非掃得。空不自生。如何是塵。非掃得。師掃地一下。滄山曰。如何是空。不自生。師指自身。又指滄山。滄山曰。塵非掃得。空不自生。離此二途。又作麼生。師又掃地一下。又指自身。并指滄山。○滄山一日。指田間。師這丘田。那頭高。這頭低。師曰。却是這頭高。那頭低。滄山曰。你若不信。向中間立看。兩頭。師曰。不必立中間。亦莫住兩頭。滄山曰。若如是。著水看水。能平。物師曰。水亦無定。但高處高。平低處低。平滄山便休。徑山泉云。顯諸仁藏諸用。鼓萬物而不與聖人同憂。盛德大業至矣。○有施主送絹與滄山。師問和尚受施主如是供養。將何報答。滄山敲禪牀示之。師曰。和尚何得將衆人物作自己用。○師在滄山爲直歲。作務歸滄山問。甚麼處去來。師曰。田中來。滄山曰。田中多少人。師插鉢叉手。滄山曰。今日南山大有人。刈茅師拔鉢便行。玄沙備云。我若見卽踏倒鉢子。僧問。鏡清。慈仰山。插鉢意旨如何。鏡清云。狗銜救書諸。

候避道云。砥如玄沙。踏倒意旨如何。鏡清云。不奈船何。打破屏斗云。南山刈茅意旨如何。鏡清云。李靖三兄久。經行陣。雲居錫云。且道鏡清下此一判。著不著。雪竇云。諸方咸謂插。殊奇。特大似。隨邪逐惡。據雪竇見處。仰山被。溪山一問。直得草繩自縛。去死十分。翠巖云。仰山只得一概。諸人別有會麼。徑山杲云。仁者見之謂之仁。智者見之謂之智。百姓日用而不知。故君子之道鮮矣。金粟悟云。我若作仰山。待。溪山問。田中多少人。便乃出不推。截斷。溪山後來老婆。○師在教伊許。大溪山討鼻頭不着。亦作天下榜樣。○師在

溪山牧牛時。踢天泰上座。問曰。一毛頭師子。現卽不

問百億毛頭百億師子。現又作麼生。師便騎牛歸侍

立。溪山次舉前話。方了。却見泰來。師曰。便是這箇上

座。溪山遂問百億毛頭百億師子。現豈不是上座道

泰曰。是師曰。正當現時。毛前現毛後。現泰曰。現時不

說前後。溪山大笑。師曰。師子腰折也。便下去。○一日

第一座舉起拂子。曰。若人作得道理。卽與之師曰。某

甲作得道理。還得否。座曰。但作得道理。便得。師乃掣

將拂子去。雲居錫云。甚麼處是仰山道理。○一日。雨下。天性上座謂

師曰。好雨。師曰。好在甚麼處。天性無語。師曰。某甲却

道得天性曰。好在甚麼處。師指雨。天性又無語。師曰。

何得大智而默。徑山杲云。一人只知看雨。一人只知指雨。仔細點檢將來。大似釘椿搖櫓。

育王當時待他道好在甚麼處。只向他道。滿穿眼睛。浸爛鼻孔。或有箇衲僧出來。道育王也是釘椿搖櫓。却許

他具。○師隨溪山遊山。到磐陀石上。坐師侍立。次忽

鷄銜一紅柿。落在面前。溪山拾與師。師接得。洗了。度

與溪山。溪山曰。子甚處得來。師曰。此是和尙道德所

感。溪山曰。汝也不得無分。卽分半與師。玄沙備云。大山一坐至今。起不得。金粟悟云。玄沙抵知溪山被仰

山一坐至今。起不得。竟不知仰山被溪山半箇柿子塞却咽喉。至今轉氣不得。徑山信云。你看溪山父子。譚禪盡是平實語。言着着不離紅柿一枚。何似大地衆生性命不出溪山父子舌尖上。吞吐鷄子供養序品第一。可謂佛法人情。事事皆到。○溪山問

師。忽有人問汝。汝作麼生。祇對師曰。東寺師叔若在

某甲不致寂寞。溪山曰。放汝一箇不祇對罪。師曰。生

之與殺。祇在一言。溪山曰。不負汝見。別有人不肯。師

曰。阿誰。溪山指露柱曰。這箇師曰。道甚麼。溪山曰。道

甚麼。師曰。白鼠推遷。銀臺不變。○師問溪山大用。現

前請師辨白。溪山下座。歸方丈。師隨後入。溪山問子

適來問甚麼話。師再舉。溪山曰。還記得吾答語否。師

曰。記得。溪山曰。你試舉看。師便珍重出去。溪山曰。錯

師回首曰。閑師弟若來。莫道某甲無語好。○師問東

寺曰。借一路過那邊。還得否。東寺曰。大凡沙門不可

祇一路也。別更有麼。師良久。東寺却問。借一路過那

邊得否。師曰：大凡沙門不可祇一路也。別更有麼？東寺曰：祇有此。師曰：大唐天子決定姓金。○師在嵩山前坡牧牛，次見一僧上山，不久便下來。師乃問：上座何？不且留山中。僧曰：祇爲因緣不契。師曰：有何因緣？試舉看。曰：和尚問某甚麼？某答歸真。和尚曰：歸真何在？某甲無對。師曰：上座却回。和尚道：某甲道得也。和尚問作麼？生道：但日眼裏耳裏鼻裏，僧回一如所教。嵩山曰：脫空謾語。漢此是五百人善知識語。○師臥次，夢入彌勒內院，衆堂中諸位皆足。惟第二位聖師遂就座。有一尊者白：禪曰：今當第二座說法。師起，白：禪曰：摩訶衍法，離四句絕百非。諦聽諦聽。衆皆散去。及覺，舉似嵩山。嵩山曰：子已入聖位。師便禮拜。○瑯琊覺云：且道聖衆是肯仰山，是不肯仰山？若肯又孤負仰山，若不肯仰山，猶如平地喫交。山僧今日不惜眉毛，與諸人說破摩訶衍法。離四句絕百非。你若舉似諸方，諸方怎麼會入地獄？如箭射天童，覺舉登聖位了。云：玉女依窻夜動機，錦繡歷歷吐梭。○齊水天湛碧，全功塵雪月寒清。一色迷諸禪德，全功負墮一色猶迷。作麼生體悉得相應？去權挂垢次云：是佛却披珍御，復名誰東禪觀云：尊者白：惟聖衆便散，不妨使人疑着。却待第二杓惡水潑了，方始慳慳。通也。且如摩訶衍法，離四句絕百非。道已道了，諸人還識仰山麼？金粟偈云：古今尊宿都向仰山白，惟處拈提殊不知。仰山當時刺腦入膠盆，被尊者白：惟云：今當第二座說法。腦門粉碎了。

也。若拂袖便行，直令一院聖衆疑着。猶更白：徒逐塊不少。且當時聖衆散去，是聽仰山散去，不聽仰山散去。又且仰山入內院居第二位，是夢耶？不是夢耶？若是夢，嵩山因甚？道子曰：登聖位，今日有爲古人作主者試出來與金粟相見。○師侍嵩山行次，忽見前面塵起。嵩山曰：面前提是甚麼？師近前看了，却作此。○相：嵩山點頭。○嵩山示衆曰：一切衆生皆無佛性。鹽官示衆曰：一切衆生皆有佛性。鹽官有二僧往探問。既到嵩山，問嵩山：舉揚莫測其涯。若生輕慢，因一日與師言語，次乃勸曰：師兄須是勤學佛法，不得容易。師乃作此。○相以手拓呈了，却拋向背後。遂展兩手，就二僧索。二僧問：措師曰：吾兄直須勤學佛法，不得容易。便起去時，二僧却回鹽官行三十里。一僧忽然有省，乃曰：當知嵩山道一切衆生皆無佛性，信之不錯。便回嵩山。一僧更前行數里，因過水，忽然有省，自歎曰：嵩山道一切衆生皆無佛性，灼然有他。怎麼道亦回嵩山。久依法席。○嵩山同師牧牛，次嵩山曰：此中還有菩薩也。無師曰：有。嵩山曰：汝見那箇是？試指出看。師曰：和尚疑那箇不是？試指出看。嵩山便休。○師送果子上嵩山。嵩山接得，問子甚麼處得來。師曰：家園底。嵩山曰：堪

喫也未。師曰：未敢嘗先獻和尚。滄山曰：是阿誰底？師曰：慧寂底。滄山曰：既是子底，因甚麼教我先嘗？師曰：和尚嘗千嘗萬嘗，山便喫。曰：猶帶酸澀。在師曰：酸澀莫非自知？滄山不答。○亦干行者聞鐘聲，乃問：有耳打鐘無耳打鐘？師曰：汝但問莫愁。我答不得。干曰：早箇問了也。師喝曰：去。○師夏末問訊滄山。次滄山曰：子一夏不見上來，在下面作何所務？師曰：某甲在下面鉏得一片畚，下得一籬種。滄山曰：子今夏不虛過。師却問：未審和尚一夏之中作何所務？滄山曰：日中一食，夜後一寢。師曰：和尚今夏亦不虛過。道了，乃吐舌。滄山曰：寂子何得自傷？已命。滄山詰云：仰山眠照却向淨地喫交，大圓可謂養子之緣，不免掛後人唇邊。龍門遠云：滄仰父子尋常相見，遊戲神通，不同小小。還有知得底麼？若無山僧與汝諸人說，看開得一片畚，綿綿密密兩頓粥飯，其道自辨。山僧一夏與諸人相見，自是諸人不薦，若也薦成一片，是什麼一片？看取當門箭。西碑需云：滄仰父子出入卷舒，得能自在，諸人切不得作世諦商量。又不得作佛法解會，既總不許與麼商量，畢竟如何？會開得一片畚，種得一籬，果回頭開一望山青水又綠，終日只一餐，夜後只一宿，困來伸脚眠，千足與萬足相將。八月九月來，籬邊爛熳鋪黃菊。東林顏云：今時師僧千百成羣，經冬過夏，虛消歲月，深屈古人。東林不是檢點先聖，仰山逞俊太過，吐舌只得一半。

○滄山一日見師來，即以兩手相交過各撥三下。

却豎一指，師亦以兩手相交過各撥三下，却向胸前仰一手覆一手，以目瞻視。滄山休去。○滄山餒鴉生飯，回頭見師曰：今日爲伊上堂。一上師曰：某甲隨例得聞。滄山曰：聞底事作麼？生師曰：鴉作鴉，鳴作鳴，噪。滄山曰：爭奈聲色何？師曰：和尚適來道甚麼？滄山曰：我祇道爲伊上堂。一上師曰：爲甚麼喚作聲色？滄山曰：雖然如此，驗過也無妨。師曰：大事因緣又作麼？生驗。滄山豎起拳，師曰：終是指東畫西。滄山曰：子適來問甚麼？師曰：問和尚大事。因緣滄山曰：爲甚麼喚作指東畫西？師曰：爲著聲色。故某甲所以問過。滄山曰：竝未曉了。此事。師曰：如何得曉了？此事。滄山曰：寂子聲色老僧東西。師曰：一月千江，體不分水。滄山曰：應須與麼始得。師曰：如金與金，終無異色，豈有異名？滄山曰：作麼？生是無異名底道理。師曰：瓶盤釵鈿券孟盆。滄山曰：寂子說禪如師子吼，驚散狐狼野干之屬。○師後開法王莽山，問僧近離甚處。曰：廬山。師曰：曾到五老峯麼？曰：不曾到。師曰：閣黎不曾遊山。雲門此語皆爲慈悲之故，有落草之談。只知捉月不覺水深，忽若雲道慈悲之故，有落草之談。只知捉月不覺水深，忽若雲

門當時謹慎。辱物未嘗後人若爲話會。然水母無目。求食須假於蝦。黃龍云。雲門仰山。只有受壁之心。且無割城之意。殊不知被這僧一時領過。黃龍今日更作死馬醫。乃拈拂子度與僧。僧擬接便打。溪山詰云。仰山可謂光前絕後。雲門雖然提綱宗要。鉗鎚天下。初僧爭奈無風起浪。諸人還識這僧麼。親從廬山來。黃龍震云。仰山已是失却鼻孔。雲門更下註脚。有什麼救處。我即不然。近離甚處。云。廬山。會到五老峯麼。云。不曾到。只向道別。吹。○師因歸滄山。省覲滄山。問子既稱香供養此人。

善知識。爭辨得諸方來者。知有不知。有有師承。無師承。是義學。是立學。子試說看。師曰。慧寂有驗處。但見僧來。便竖起拂子。問伊。諸方還說這箇不說。又曰。這箇且置。諸方老宿。意作麼生。滄山歎曰。此是從上宗門中牙爪。○滄山問大地衆生。業識茫茫。無本可據。子作麼生。知他有之與無。師曰。慧寂有驗處。時有一僧從面前過。師召曰。闍黎。僧回首。師曰。和尚。這箇便是。業識茫茫。無本可據。滄山曰。此是師子一滴乳。迸散六斛驢乳。○有梵師從空而至。師曰。近離甚處。曰。西天。師曰。幾時離彼。曰。今早。師曰。太遲。生曰。遊山。旣水。師曰。神通遊戲。則不無。闍黎佛法。須還老僧。始得。曰。特來東土。禮文殊。却遇小釋迦。遂出梵書。貝多葉。與師作禮。乘空而去。自此號小釋迦。東林總云。諸方商量。如麻。

似栗盡道這碧眼胡兒。來無蹤去無迹。直是光前絕後。若不是仰山。也難爲經。奪諸禪德。殊不知這碧眼胡兒。騰空而來。騰空而去。一生只在虛空裏作活計。有什麼光前絕後。大小仰山。被他將兩杓惡水。灑頭澆了。也當時集雲峯下。自有正令。何不施行。大衆且道。作麼生是正令。咄。黃龍新云。大小仰山。被這僧熱。賺更出。見多梵書。塗糊一上。如今更有異僧。乘空而至。雲巖門下。喚來洗脚。○師因歸滄山。省覲滄山。問子既稱香供養此人。善知識。爭辨得諸方來者。知有不知。有有師承。無師承。是義學。是立學。子試說看。師曰。慧寂有驗處。但見僧來。便竖起拂子。問伊。諸方還說這箇不說。又曰。這箇且置。諸方老宿。意作麼生。滄山歎曰。此是從上宗門中牙爪。○滄山問大地衆生。業識茫茫。無本可據。子作麼生。知他有之與無。師曰。慧寂有驗處。時有一僧從面前過。師召曰。闍黎。僧回首。師曰。和尚。這箇便是。業識茫茫。無本可據。滄山曰。此是師子一滴乳。迸散六斛驢乳。○有梵師從空而至。師曰。近離甚處。曰。西天。師曰。幾時離彼。曰。今早。師曰。太遲。生曰。遊山。旣水。師曰。神通遊戲。則不無。闍黎佛法。須還老僧。始得。曰。特來東土。禮文殊。却遇小釋迦。遂出梵書。貝多葉。與師作禮。乘空而去。自此號小釋迦。東林總云。諸方商量。如麻。

○師住東平時。滄山令僧送書并鏡與師。師上堂提起示衆曰。且道是滄山鏡。東平鏡。若道是東平鏡。又是滄山送來。若道是滄山鏡。又在東平手裏。道得則留。取道不得則撲破去也。衆無語。師遂撲破。便下座。五祖戒云。更請和尙說道理看。○師坐次。有僧來作禮。師不顧。其僧乃問。師識打破。○師曰。隨分。僧乃右旋一匝。曰。是甚麼字。師於地上書十字。酬之。僧又左旋一匝。曰。是甚麼字。師改十字作卍字。僧畫此。○相以兩手拓如脩羅掌。日月勢。曰。是甚麼字。師乃畫此。○相對之僧。乃作婁至德勢。師曰。如是如是。此是諸佛之所護念。汝亦如是。吾亦如是。

是善自護持其僧禮謝騰空而去

笑巖寶云大小師山泥水不分我則不然待這僧第四度作樓至勢勢奔便打云

這野狐精何故如此是真難滅是偽不昌

日在法堂上坐見一僧從外來便問訊了向東邊叉

手立以目視師師乃垂下左足僧却過西邊叉手立

師垂下右足僧向中間叉手立師收雙足僧禮拜師

曰老僧自住此未曾打著一人拈拄杖便打僧便騰

空而去○陸希聲相公欲謁師先作此○相封呈師

開封於相下面書云不思而知落第二頭思而知之

落第三首遂封回

韋宙相公機語相似茲不重出

公見即入山師乃

門迎公纔入門便問三門俱開從何門入師曰從信

門入公至法堂又問不出魔界便入佛界時如何師

以拂子倒點三下公便設禮又問和尚還持戒否師

曰不持戒曰還坐禪否師曰不坐禪公良久師曰會

麼曰不會師曰聽老僧一頌滔滔不持戒兀兀不坐

禪齏茶三兩碗意在饅頭邊師却問承聞相公看經

得悟是否曰弟子因看涅槃經有云不斷煩惱而入

涅槃得箇安樂處師豎起拂子曰祇如這箇作麼生

入曰入之一字也不消得師曰入之一字不為相公

公便起去

清涼欽云上座且道入之一字為甚麼人又云相公且莫煩惱

拂處別云拂子到某甲手裏也又別後語云我將謂你是箇俗漢

○龐居士問久嚮

仰山到來為甚麼却覆師豎起拂子居士曰恰是師

曰是仰是覆居士乃打露柱曰雖然無人要露柱

證明師擲拂子曰若到諸方一任學似

隱靜岑云大

龐居士一撥直得手忙脚亂只如居士打露

柱一下又作麼生鯨吞海水盡露出珊瑚枝

雪師子問衆有過得此色者麼衆無對

雲門偈云當時好便與推

倒雪竇顯云雲門只解推倒不解扶起

即今問汝諸人推倒扶起相去多少拄杖後過眉毛鼻

孔呵呵大笑擲下拄杖淨慈昌云推

倒也錯扶起也錯還有過得此色者麼

師弟近日見處如何曰據某見處實無一法可當情

師曰汝解猶在境曰某祇如此師兄又如何師曰汝

豈不知無一法可當情者為山聞曰寂子一句疑殺

天下人

報慈遂云經道實無有法然燈佛與我授記他道實無一法可當情為甚麼道解猶在境且道利害

曰我說不得別有一人說得曰說得底人在甚麼處

師推出枕子為山聞曰寂子用劍刃上事

徑山景云

釋兄不覺醜仰山推出枕子已是漏逗更着箇名字喚作劍刃上事誤他學語之流便恁麼承虛接響流通將

去妙喜雖則借水獻華要且理無曲斷即今莫有傍不肯底出來我要問你推出枕子還當得法身說法也無

天童華云若是劍刃上事。寂子何曾會用。忽有箇僧出來問法。身還解說法也。無向他道。我說不得。別有一人說得。又問說得底人在甚麼處。只向他道。三生六十劫。靈隱巖云。仰山從前一條脊梁硬。硬如鐵。被這僧連接。便乃四擲。場地。溪山一期忍。後不禁不知失却一隻眼。忽有僧問。治父法身還解說法也。無便與擺臂。一踏踏。倒教伊起來作箇灑灑落落底漢。不見道。厚因。既月秋。生角家被雷驚。華入牙。楚石琦云。這僧問法身說法。差過也。不知仰山推出枕子。又何曾見大小溪山。將錯就錯。配作劍刃上事。縛作一束秤上秤來。八兩半。勛如無輕重。若也當時纔見這僧道法身還解說法也。無便驟步歸。力丈堂不是出格。宗師免得天下衲僧貶削。

○師住觀音時。出勝曰。看經次不得問事。有僧來問。訊見師看經旁立而待。師卷却經問會麼。曰。某甲不看經。爭得會。師曰。汝已後會去。在其僧到巖頭。巖頭問甚麼處來。曰。江西觀音來。巖頭曰。和尚有何言。句僧舉前話。巖頭曰。這箇老師。我將謂被故紙埋却。元來猶在。○將順寂教。僧侍立。師以偈示之。曰。一二三。子平日復仰視。兩口一無舌。卽是吾宗旨。

香嚴智閑禪師 漢山祐法嗣

鄧州香嚴智閑禪師。青州人也。在百丈時。性識聰敏。參禪不得。泊百丈遷化。遂參漢山。漢山問。我聞汝在百丈先師處。問一答十。問十答百。此是汝聰明靈利意。解識想生死根本。父母未生時。試道一句。看師被

一問直得茫然。歸寮將平日看過底文字。從頭要尋一句。酬對竟不能得。乃自歎曰。畫餅不可充飢。屢乞漢山說破。漢山曰。我若說似汝。汝已後罵我去。我說底是我底。終不干汝事。師遂將平昔所看文字。燒却。曰。此生不學佛法也。且作箇長行粥飯僧。免役心脾。乃泣辭漢山。直過南陽。觀忠國師遺跡。遂憩止焉。一日。芟除草木。偶拋瓦礫。擊竹作聲。忽然省悟。遽歸沐浴焚香。遙禮漢山。讚曰。和尚大慈恩。逾父母。當時若爲我說破。何有今日之事。乃有頌曰。一擊忘所知。更不假修持。動容揚古路。不墮悄然機。處處無蹤跡。聲色外威儀。諸方達道者。咸言上上機。漢山聞得。謂仰山曰。此子徹也。仰山曰。此是心機。意識著述得。或待某甲親自勸過。仰山後見師曰。和尚讚歎師弟發明大事。你試說看。師舉前頌。仰山曰。此是夙習記持而成。若有正悟。別更說看。師又成頌曰。去年貧未是貧。今年貧始是貧。去年貧猶有卓錫之地。今年貧雖也無。仰山曰。如來禪許師弟會祖師禪。未夢見在。師復有頌曰。我有一機。瞬目視伊。若人不會。別喚沙彌。仰

山乃報溪山曰且喜閑師弟會祖師禪也

報慈遂云且道如來

禪與祖師禪分不分長慶稜云一時坐却雲居錫杖云衆中商量如來禪淺祖師禪深只如香嚴當時何不問如何是祖師禪若置此一問何處有也溪山詰云香嚴可謂上無片瓦下無卓錫露露赤灑灑沒可把若不是仰山幾乎放過這漢何故不得雪霜力焉知枯栢操徑山果云溪山晚年好則極欲得一棚肉使偏直是可愛且作麼生是可愛處處面面相看手脚動爭知語語是他人楚石瑋云師兄師弟去年今年論甚麼道說甚麼禪總是棒打月何異掘地討天禪禪也無妙也無玄莫把封皮作信傳徑山信云仰山通師弟落水香嚴一命償一命若不著無底靴怎解入龍宮頭云無事長林掃地來蒼烟翠竹頂門開溪山今日分明道五月霜○師初開堂溪山令僧送香并拄杖至花照石苔

師接得便哭蒼天蒼天僧曰和尚爲甚麼如此師曰

祇爲春行秋令○上堂若論此事如人上樹口銜樹

枝脚不踏枝手不攀枝樹下忽有人問如何是祖師

西來意不對他又違他所問若對他又要身失命當

怎麼時作麼生即得時有虎頭招上座出衆曰樹上

即不問未上樹時請和尚道師乃呵呵大笑雪竇顯云樹上

道即易樹下道即難老僧上樹也致將一問來翠巖芝云問者對者不免喪身失命如今衲僧作麼生徑

山果云若得栗棘蓬透得金剛圈看這般說話也是酒

洲人見大聖大滌果云香嚴慈悲之故有落草之談

仔細檢點將來未免弄巧成拙楚石瑋云香嚴老人曲說方便虎頭上座未辨端倪若論激揚此事三生六

十劫笑嚴實云香嚴此箇公案拈提者實多直截者似少我當時若見香嚴疑云若論此事如人上樹便與

一喝非直教香嚴做伎倆不成亦免使諸老夢中作夢還委悉麼未能言外超方便萬別千差逐水波○師問僧甚處來曰溪山來師曰和尚近日有何言句

曰有僧問如何是西來意和尚豎起拂子師曰彼中

兄弟作麼生會曰彼中商量道即色明心附物顯理

師曰會即便會著甚死急僧却問師意如何師亦豎

起拂子玄沙備云祇這香嚴與眼未點地

居錫云甚麼處是香嚴與眼未點地處

杭州徑山洪謹禪師吳興人也僧問掩息如灰時如

何師曰猶是時人功幹曰幹後如何師曰耕人田不

種曰畢竟如何師曰禾熟不臨場天堂華云鳳閣香沉雪巢夜冷半窗

明月和氣霽然正與麼時且道歸宗與徑山還有相見

分也無見與不見且止只知這僧與麼問還具眼麼苟

或未然雲藏無縫○許州全明上座元問石霜一毫

穿衆穴時如何石霜曰直須萬年去曰萬年後如何

石霜曰登科任汝登科拔萃任汝拔萃後問師曰一

毫穿衆穴時如何師曰光靴任汝光靴結果任汝結

果○問如何是長師曰千聖不能量曰如何是短師

曰蟬頓眼裏著不滿其僧不肯便去學似石霜石霜

曰祇爲太近實頭僧却問石霜如何是長石霜曰不

屈曲曰如何是短石霜曰雙陸盤中不喝彩○佛曰長老訪師師問伏承長老獨化一方何以薦遊峰頂佛曰曰朗月當空挂冰霜不自寒師曰莫是長老家風也無佛曰曰峭峙萬重關於中含寶月師曰此猶是文言作麼生是長老家風佛曰曰今日賴遇佛曰却問隱密全真時人知有道不得太省無事時人知有道得於此二途猶是時人升降處未審和尚親道自道如何道師曰我家道處無可道佛曰曰如來路上無私曲便請立音和一場師曰任汝二輪更互照碧潭雲外不相關佛曰曰為報白頭無限客此回年少莫歸鄉師曰老少同輪無向背我家立路勿參差佛曰曰一言定天下四句為誰宣師曰汝言有三四我道其中一也無

定山神英禪師 嵩山祐法嗣

潞州定山神英禪師因樸樹省和尚行脚時參問不落數量請師道師提起數珠曰是落不落省曰圓珠三數時人知有請師圓前話師便打省拂袖便出師曰三十年後槌胸大哭去在省住後示衆曰老僧三

十年前至定山被他熱謾一上不同小小 雪竇要云定山用即
用爭奈險神樹知即知要
且未具擇法眼試請辨看

延慶法端禪師 嵩山祐法嗣

襄州延慶山法端禪師僧問蚯蚓斬為兩段頭俱動佛性在阿那頭師展兩手 嵩山俗別云阿底在阿那頭

九峯慈慧禪師 嵩山祐法嗣

福州九峰慈慧禪師初在嵩山嵩山上堂曰汝等諸人祇得大機不得大用師便抽身出去嵩山召之師更不回顧嵩山曰此子堪為法器 保福展云次希一似曲失前忘後
日辭嵩山曰某甲辭違和尚千里之外不離左右嵩山動容曰善為

京兆府米和尚 嵩山祐法嗣

京兆府米和尚 亦開七師參學後歸受業寺有老宿問月中斷井索時人喚作蛇未審七師見佛喚作甚麼師曰若有佛見即同衆生老宿曰千年桃核○師令僧去問仰山曰今時還假悟也無仰山曰悟即不無爭奈落在第二頭師深肯之 潞澤清云門庭施設米胡深肯仰山第二頭若是入理深談第一頭未悟在天童華云米胡提本分錯認仰山展劍刃上事二老於唱教門中足可稱尊若是

衲僧門下總又令僧問洞山曰那箇究竟作麼生洞

山曰却須問他始得師亦肯之○僧問自古上賢還

達真正理也無師曰達曰祇如真正理作麼生達師

曰當時霍光賣假銀城與單于契書是甚麼人做曰

某甲直得杜口無言師曰平地教人作保

經山果舉此語至契書是甚麼人做云經山當時若作這僧即下一轉語塞却這老漢口且道下甚麼語良久云若教容易得便作

等閑

晉州霍山和尚法嗣

晉州霍山和尚因仰山一僧到自稱集雲峯下四藤

條天下大禪佛參師乃喚維那打鐘著大禪佛驟步

而去雪竇顯云這漢雖見機而變爭奈有頭無尾昭覺勤云這漢擔却仰山冬瓜印子向人前賣

弄若不是霍山幾被塗糊雖然如是可惜令行一半當時不用喚維那好與擒住更打四藤條且聽這漢疑二

年十

元康和尚法嗣

元康和尚因訪石樓石樓纔見便收足坐師曰得怎

麼威儀周足石樓曰汝適來見箇甚麼師曰無端被

人領過石樓曰須是與麼始為真見師曰苦哉賺殺

幾人來石樓便起身師曰見則見矣動則不動石樓

曰盡力道不出定也師擗掌三下南泉顯云天下人斷這兩箇是非不得若斷得與他同參

常侍王敬初居士法嗣

襄州王敬初常侍視事次米和尚至公乃舉筆示之

米曰還判得虛空否公擲筆入宅更不復出米致疑

明日憑鼓山供養主入探其意米亦隨至潛屏蔽

間偵伺供養主纔坐問曰昨日米和尚有甚麼言句

便不相見公曰師子較人韓驢逐塊米聞此語即省

前謬遽出朗笑曰我會也我會也公曰會即不無你

試道看米曰請常侍舉公乃豎起一隻筍米曰這野

狐精公曰這漢徹也大潯結云米胡雖然如是且只看樓打樓大潯即不然常侍雖是箇俗漢筆下有生殺之權米胡是一方善知識要且出他圈積不得當時待

他擲下筆但向道我從來疑着這漢

南嶽下五世

南塔光涌禪師法嗣

袁州仰山南塔光涌禪師豫章豐城章氏子依仰山

剃度北遊謁臨濟復歸侍仰山仰山曰汝來作甚麼

師曰禮覲和尚仰山曰還見和尚麼師曰見仰山曰

和尙何似驢師曰某甲見和尙亦不似佛仰山曰若不似佛似箇甚麼師曰若有所似與驢何別仰山大驚曰凡聖兩忘情盡體露吾以此驗人二十年無決了者子保任之仰山每指謂人曰此子肉身佛也

霍山景通禪師
法嗣
仰山寂

晉州霍山景通禪師。初參仰山。仰山閉目坐。師乃翹起右足。曰。如是如是。西天二十八祖亦如是。中華六祖亦如是。和尚亦如是。景通亦如是。仰山起來打四藤條。師因此自稱集雲峰下四藤條。天下大禪師。

下亦有禪
佛名智通

○住後有行者問。如何是佛法大意。師

乃禮拜行者曰。和尚爲甚麼禮俗人。師曰。汝不見道。尊重弟子。○師問僧甚麼處來。僧提起坐具。師曰。龍頭蛇尾。○問如何是佛。師便打。僧亦打。師曰。汝打我。有道理。我打汝無道理。僧無語。師又打。趨出。○師化緣將畢。先備薪於郊野。徧辭檀信。食訖。至薪所謂。弟子曰。日午當來報。至日午。師自執炬登積薪上。以笠置頂。後作圓光相。手執拄杖。作降魔杵勢。立終於紅焰中。

無著文喜禪師仰山寂

杭州無著文喜禪師嘉禾語溪人也。往五臺山華嚴寺。至金剛窟禮謁。遇一老翁牽牛而行。邀師入寺。翁呼均提。有童子應聲出迎。翁縱牛引師陞堂堂宇。皆耀金色。翁踞牀指繡塹。命坐。翁曰。近自何來。師曰。南方。翁曰。南方佛法如何。住持師曰。末法比丘少奉戒律。翁曰。多少。衆師曰。或三百或五百。師却問此間佛法如何。住持翁曰。龍蛇混雜。凡聖同居。師曰。多少。衆翁曰。前三三後三三。汾陽昭代云。識得你雪峯存三意旨如何。靈雲云。水中魚山上鳥。雪峯云。意作麼生。會靈雲云。高可射。弓深可鉤。徑山杲云。當時若見。只向他道和尚如是住持。直是不易。天童傑云。大眾或三百或五百置之勿論。只如文殊道前三三後三三。如何話會。良久云。竹影掃地塵不動。月穿潭底水無痕。楚石琦云。畢竟前三三後三三。是少多少。有底道。前三三後三三。我不如。翁呼童子致茶。并進酥酪。師納其味。你你自會得好。心意豁然。翁拈起玻璃盞。問曰。南方還有這箇否。師曰。無。翁曰。尋常將甚麼喫茶。師無對。洞山价代展兩手云。有無且置。借取這箇看得否。曹山寂代云。久承大士按劍爲什麼處。在一塵。長慶稜代云。若與麼癡客勸主人。瑯琊覺云。若也是去。可謂虎口裏奪食。若也不是去。移舟踏水勢。舉權別波瀾。汾陽昭云。謝顧問。師觀日色稍晚。遂問翁擬投一宿得否。翁曰。汝有執心。

在不得宿師曰某甲無執心翁曰汝曾受戒否師曰

受戒久矣翁曰汝若無執心何用受戒師辭退翁令

童子相送師問童子前三三後三三是多少童子召

大德師應諸童子曰是多少洞山价云欲觀其父先用受戒處云每出前言於童子復問曰此為何處童子道是多少處云識得你師復問曰此為何處童子

曰此金剛窟般若寺也師悽然悟彼翁者即文殊

也不可見即稽首童子願乞一言為別童子說偈

曰面上無嗔供養具口裏無嗔吐妙香心裏無嗔是

珍寶無垢無染是真常言訖均提與寺俱隱師因駐

錫五臺咸通三年至洪州觀音參仰山頓了心契令

充典座文殊嘗現於粥饌上師以攪粥筴便打曰文

殊自文殊文喜自文喜又殊乃說偈曰苦瓠連根苦

甜瓜徹蒂甜修行三大劫却被老僧嫌○一日有異

僧來求齋食師減已分饋之仰山預知問曰適來果

位人至汝給食否師曰輟已回施仰山曰汝大利益

洪州米嶺和尚徑山謹法嗣

洪州米嶺和尚常語曰莫過於此僧問未審是甚麼

莫過於此師曰不出是僧後問長慶甚為麼不出是

長慶曰汝擬喚作甚麼

雙峯古禪師雙峯法嗣

福州雙峰古禪師本業講經因參先雙峰雙峰問大

德甚麼處住曰城裏雙峰曰尋常還思老僧否曰常

思和尚無由禮覲雙峰曰祇這思底便是大德師從

此領旨即罷講席侍奉數年後到石霜但隨衆而已

更不參請衆謂古侍者嘗受雙峰印記往往聞于石

霜石霜欲詰其所悟而未得其便師因辭去石霜將

拂子送出門首召曰古侍者師回首石霜曰擬著即

差是著即乖不擬不是亦莫作箇會除非知有莫能

知之好去好去師應喏喏即前邁尋屬雙峰示寂師

乃繼續住持僧問和尚當時辭石霜石霜怎麼道意

作麼生師曰祇教我不著是非報慈遂云且道他會石霜意不會

南嶽下六世

芭蕉慧清禪師南塔涌法嗣

鄂州芭蕉山慧清禪師新羅國人也上堂拈拄杖示

衆曰你有拄杖子我與你拄杖子你無拄杖子我奪

却你拄杖子靠拄杖下座○師謂衆曰我年二十八

到仰山參見南塔。見上堂曰：汝等諸人若是箇漢，從孃肚裏出來，便作師子吼好麼？我於言下歇得身心，便住五載。

清化全愈禪師 南塔涌法嗣

越州清化全愈禪師吳郡崑山人也。初參南塔。南塔問從何而來。師曰：鄂州南塔曰：鄂州使君名甚麼？師曰：化下不敢相觸忤。曰：此地道不畏師曰：大丈夫何必相試。南塔驤然而笑，遂乃印可。

南嶽下七世

鄂州繼徹禪師 芭蕉清法嗣

鄂州芭蕉山繼徹禪師初參風穴。風穴問：如何是正法眼？師曰：泥彈子。風穴異之。次謁先芭蕉。芭蕉上堂，舉仰山道：兩口一無舌。此是吾宗旨。師豁然有省。

教外別傳卷十一

教外別傳卷十一 雲門宗

南嶽下六世

雲門文偃禪師 雪峯存法嗣

韶州雲門山光奉院文偃禪師嘉興人也。敏實生知，慧辯天縱。及長，落髮稟具於毗陵壇，侍志澄數年。探窮律部，以已事未明，往參睦州。睦州纔見來，便閉却門。師乃扣門。睦州曰：誰？師曰：某甲。睦州曰：作甚麼？師曰：已事未明，乞師指示。睦州開門，一見便閉却。師如是連三日扣門。至第三日，睦州開門。師乃拶入。睦州便擒住，曰：道道。師擬議。睦州便推出，曰：秦時轆轤，遂掩門。損師一足。師從此悟入。睦州指見雪峯。師到雪峯，莊見一僧，廼問上座。今日上山去，那僧曰：是師。曰：寄一則。因緣問堂頭和尚，祇是不得道。是別人語。僧曰：得師。曰：上座到山中見和尚，上堂衆纔集，便出握腕立地。曰：這老漢，頂上鐵枷何不脫却？其僧一依師教。雪峯見這僧與麼道，便下座攔臂把住，曰：速道。僧無對。雪峯拓開曰：不是汝語。僧曰：是某甲語。

雪峰曰侍者將繩棒來僧曰不是某語是莊上一浙中上座教某甲來道雪峰曰大衆去莊上迎取五百人善知識來師次日上雪峰雪峰纔見便曰因甚麼得到與麼地師乃低頭從茲契合溫研積秘密以宗印授焉○師出嶺徧謁諸方覈窮殊軌鋒辯險絕世所盛聞後抵靈樹冥符知聖禪師接首座之說初知聖住靈樹二十年不請首座常曰我首座生也我首座牧牛也我首座行脚也一日令擊鐘三門外接首座衆出迓師果至直請入首座寮解包人天眼目見靈樹章○後廣主命師出世靈樹開堂曰廣主親臨曰弟子請益師曰目前無異路法眼益別云不可無益於人○畢世尊初生下一手指天一手指地周行七步目顧四方云天上天下唯我獨尊師曰我當時若見一棒打殺與狗子喫却貴圖天下太平○師在文德殿赴齋有鞠常侍問靈樹果子熟也未師曰甚麼年中得信道生○學雪峯云三世諸佛向火燄上轉大法輪師曰火燄爲三世諸佛說法三世諸佛立地聽黃龍新云雪峯雲門交互爭輝新盡火滅三世諸佛向甚麼處聽莫惡白雪深處坐切忌寒灰燒殺人天童華云三世諸佛與火燄說法火燄燒

經三世諸佛元更端云若向雪峯言下應得笑殺旁觀若向雲門言下應得自教不了若向應庵言應庵得盡大地人○僧問靈樹如何是祖師西來意靈樹默然遷化後門人立行狀碑欲入此語問師曰先師默然處如何上碑師對曰師上堂佛法也太然有祇是舌頭短良久曰長也○普請搬柴次師遂拈一片拋下曰一大藏教祇說這箇○見僧量米次問米籬裏有多少達磨眼睛僧無對師代曰斗量不盡○師一日以手入木師子口呌曰較殺我也相教歸宗柔代云和尚出殺○上堂聞聲悟道見色明心遂舉起手曰觀世音菩薩將錢買餅放下手曰元來祇是饅頭白雲端舉了展兩手云有麼有麼又搖手云無也無也乃云曾經大海難爲水除却巫山總是烟注雲秀拈拄杖卓一下云這箇是聲色那箇是心良久云世間無限丹青手到此都虛畫不成黃龍清云雲門可謂實箇傷心語人切忌向胡餅裏討汁五祖演云我師不然乃以手作打杖鼓勢云棚入囉扎囉南堂靜云老僧即不然張公喫酒李公醉李公喫酒張公醉張公李公醉時鼻息如雷變裏脛徑山景拈拄杖云這箇是色是聲是底道喝一喝云食他一粒米失却半年糧復卓一下靈隱嶽云治父有緣活路要與諸人共行拈拄杖云穿入諸人鼻孔燈籠露柱直得眼請突出卓拄杖下座楚石琦云汝等諸人不是不聞聲因甚麼不悟道不是不見色因甚麼不明心雲門答云提撕妙喜處處到爾一曲兩曲無人會○上堂乾坤之內宇宙之間中有雨過夜塘秋水深

一寶秘在形山拈燈籠向佛殿裏將三門來燈籠上

作麼生自代曰逐物意移又曰雲起雷興○示衆曰

十五日已前不問汝十五日已後道將一句來衆無

對自代曰日日是好日雪竇顯云云去却一拈却七上下四維無等匹徐行踏踏

流水聲絕觀寫出飛禽跡草草烟霧羣空生巖○

昨花浪蕩指地悲癡若多莫動着動着三十棒

上堂拈拄杖曰凡夫實謂之有一乘析謂之無緣覺

謂之幻有菩薩當體即空衲僧家見拄杖便喚作拄

杖行但行坐住坐不得動著徑山杲云我不似雲門老人將虛空割窟籠著

拈拄杖云拄杖子不屬有不屬無不屬幻不屬空卑一

下云凡夫二乘緣覺菩薩遠向這裏各隨根性悉得受

用惟於稍分上爲害爲冤要行不得行要坐不得坐

進一步則被拄杖子迷了路頭退一步則被拄杖子穿

却鼻孔只今莫有不甘底麼試出來與拄杖子相見如

無來年更有新條在欄欄春風卒未休楚石琦云凡

夫不合起有見二乘不合起無見緣覺不合起幻有見

菩薩不合起當體即空見不可放過雲門老漢食觀白

雲失却手燒異他天下納僧總落柱○問父母不聽

不得出家如何得出家師曰淺曰學人不曾師曰深

○問樹凋葉落時如何師曰體露金風○問如何是

佛師曰乾屎橛萬峯蔚云雲門大師不妨奇特看他

疑乾屎橛法突然一句子疑殺天下熱僧若道不

作麼生會○問如何是諸佛出身處師曰東山水

上行元覺端云古今見亡佛法情盡則不無雲門大

師中峯門下則不然如何是諸佛出身處冬至

前後沙○僧問如何是和尙家風師曰有讀書人來

銀○問如何是透法身句師曰北斗裏藏身徑山杲

老人想麼道只答得法身句未答得透法身句今日或

有人問徑山如何是透法身句師曰向道無眼裏要放夜

市大虫舌○問僧甚處來曰禮塔來師曰禮我曰實

上打鐵聲○問僧甚處來曰禮塔來師曰禮我曰實

禮塔來師曰五戒也不持保福展云智不實思

問如何是法身向上事師曰向上與汝道即不難作

麼生會法身曰請和尙鑒師曰鑒即且置作麼生會

法身曰與麼與麼師曰這箇是長連牀上學得底我

且問你法身還解喫飯麼僧無對雲竇顯云將成九

之土過在什麼處庵主永云雲門直得入泥入水

保福展云欠他一粒也不得昭覺顯云雲門可謂

耕夫之牛奪飢人之食權衡佛祖龜鑒衆乘所以後來

尊宿各出眼目扶豎大教雖然如是只明得法身事

未明得法身向上事且如何是法身向上事城中無貴

面國外有威權南堂靜云這僧敢將游蹤子掠撥河

庭湖殊不知雲門金鑪價調曾百戰戰戰多方恨無

若是大德即不然這僧也拈却雲門也架面且作麼生

會法身良久云任從諸無礙終不爲君通天童雲云

雲門潭剛打就生鐵鑄成不動錯錯火星是迷散永

冷處看把火義出豐年保福關處愛入頭未免傍觀者

晒天童據款結案也要諸方檢點若檢點得出生陷無

問地○師嘗學馬大師道一切語言是提婆宗以通

箇爲主乃曰好語祇是無人問我時有僧問如何是

提婆宗師曰西天九十六種你是最下種○問僧近

離甚處曰西禪師曰西禪近日有何言句僧展兩手師打一掌僧曰某甲話在師却展兩手僧無語師又打○問如何是端坐念實相師曰河裏失錢河裏攪○上堂函蓋乾坤目機鉢兩不涉世緣作麼生承當衆無對自代曰一鏃破三關○僧問如何是雲門劍師曰祖○問如何是玄中的師曰壑○問如何是吹毛劍師曰豁又曰齒○問如何是正法眼師曰普○問如何是啐啄機師曰響○問如何是雲門一路師曰親○問殺父殺母向佛前懺悔殺佛殺祖向甚麼處懺悔師曰露○問鑿壁偷光時如何師曰恰○問三身中那身說法師曰要○問承古有言了即業障本來空未了應須償宿債未審二祖是了未了師曰確○師垂語曰會佛法如河沙百草頭上道將一句來自代曰俱○問直說甚處去來曰刈茆來師曰刈得幾箇祖師曰三百箇師曰朝打三千暮打八百東家約柄長西家約柄短又作麼生直說無語師便打

馮山結云直歲爲衆竭力到雲門面前乃力盡神疲何故某逢敵手難行水到滄溟始是波 徑山果云直歲無語有三百箇祖師證明雲門令雖行要且棒頭無眼 馮山果云這僧若具眼見雲門怎麼道但云和尚

休要把髻投衙擬議之間坐具便擺不唯慢快平生亦乃參學眼正 楚石琦云大小雲門却被直歲敲破金粟悟云惜乎徑山不與山僧同時若同即 ○僧問代雲門與伊一頓何以要知雲門棒頭有眼 秋初夏末前程若有人問作麼生祇對師曰大家退後曰未審過在甚麼處師曰還我九十日飯錢來

結云這僧食程太速致使雲門隨索飯錢而今還有餘雲門者麼出來與大鴻相見良久云不是弄潮人休入洪波裏 昭覺勸云這僧食觀白浪雲門見機而作雖然斬釘截鐵未是本分草料有問崇寧只對道驢事未去馬事到來待伊如之若何劈脊便打 護國元云據虎頭收虎尾則不無斬釘截鐵猶欠一着忽有人問國勢脊便打待伊道過在什麼處向他道不似雲門索飯錢 天童覺云大衆退後熱僧去就堂用機關那容體究裏翁老熟慣波瀾繞棒不施船放流 天童華云這僧有迎刃底謀略雲門具殺活底手段雖然如是報恩門下更須勘過了打 天童傑云平如鏡面險似刀山這僧有破關底機謀雲門善用不戰屈人兵底手段雖然如是鼻孔 ○有講僧參經時乃曰未到雲門時在靈隱手裏 恰似初生月及乎到後曲彎彎地師得知乃召問是你道否曰是師曰甚好吾問汝作麼生是初生月僧乃斫額作望月勢師曰你如此已後失却目在僧經旬日復來師又問你還會也未曰未曾會師曰你問我僧便問如何是初生月師曰曲彎彎地僧問措後果然失日 耶那覺云且道佛法有靈驗麼如今若有人問耶那如何是初生月向道經堂前打板聲 白雲端云這僧失却目雲門和鼻孔不見雖然如是家住州西 黃龍新云語驚時聽得無動機若謂這僧

失雙目入地獄如箭射。東禪觀云：這僧雖失雙目，光射九天，雲門兩眼雖存，前明後暗。○上堂

你若不相當，且覓箇入頭處。微塵諸佛在你舌頭上。

三藏聖教在你脚跟底，不如悟去好。還有悟得底麼？

出來對衆道看。雪竇顯云：然則養子之緣，爭奈壓其爲賤，其間忽有不甘底出來，掀倒禪

牀，豈不是大丈夫漢？雖然如是，且問：據箇什麼？○示

乃落拈拄杖云：泊合停因，長智擊禪牀下座。雪竇

衆盡十方世界乾坤大地，以拄杖畫曰：百雜碎。雪竇

這老漢是即是要，且未有出身之路，如今拄杖。又曰：

在雪竇手裏，復橫按云：東西南北，甚處得來。三乘十二分教，達磨西來，放過即不可，若不放過，不

消一喝。雪竇顯云：了隨後喝一喝云：大衆好喝。○上

堂平地上死人無數，過得荊棘林者，是好手。時有僧

出曰：與麼則堂中第一座有長處也。師曰：蘇嚕蘇嚕。

嵩山詰云：若不是雲門被這僧一問，幾乎將南作北。大

爲即不然，忽有人道：怎麼則堂中第一座有長處也？乃

拈拄杖云：你喚這箇作什麼？喚作拄杖子，眉鬚墮落

黃龍南拈起拂子云：大衆若喚作拂子，是平地上死

人不喚作拂子，未透荊棘林裏，坐得是好手。何故？格

然平地上箇箇丈夫，荊棘林裏，諸人作麼生過？直饒過

淵潭清云：只這拂子是荊棘林，諸人作麼生過？直饒過

得也是胡孫繫露柱。笑巖實云：雲門被這僧一拶，輒

自先跳入荊棘林，中坐地，我若是雲門，待這

○瑄長

老舉菩薩手中赤幡，問師作麼生。師曰：你是無禮漢。

瑄曰：作麼生無禮？師曰：是你外道奴也，作不得。○上

堂要識祖師麼？以拄杖指曰：祖師在你頭上，踣跳要

識。祖師眼睛麼？在你脚跟下。又曰：這箇是祭鬼神茶。

飯雖然如此，鬼神也無厭足。徑山杲云：不見道留或

一聲妙喜云：老漢怎麼道？○上堂：光不透脫，有兩般

病。一切處不明，面前有物，是一；又透得一切法空，隱

隱地似有箇物相似，亦是光不透脫。又法身亦有兩

般病：得到法身爲法執，不忘已見，猶存坐在法身邊。

是一直饒透得法身去，放過即不可。子細點檢將來，

有甚麼氣息，亦是病。徑山杲云：不用作禪會，不用作

門老漢據實而論，我怎麼道？有沒量罪過，汝若點檢得

出許汝具擇法眼，若點檢不出，且向雲門葛藤裏參。

○上堂：眼睫橫亘十方，眉毛上透乾坤，下透黃泉，須

彌塞却汝咽喉，還有人會得麼？若有人會得，拽取占

波共新羅鬪額。徑山杲云：是大神呪，是大明呪，是無上

諸人要識雲門麼？不見○一日拈起拂子曰：這裏得

道三臺，須是大家催。○一日拈起拂子曰：這裏得

箇入處去，捏怪也。日本國裏說禪三十三天有箇人

出來喚曰：吽吽，特舍兒擔枷過狀。徑山杲云：這老漢

官田更不○示衆曰：燈籠是你自己，把鉢盂噉飯飯

不是自己，有僧便問：飯是自己，時如何？師曰：這野狐

精三家村裏漢復曰來來不是你道飯是自己僧曰
經山果云用盡自己心笑破他人口

是師曰驢年夢見三家村裏漢

問僧甚處來僧曰江西師曰江西一隊老漢寐語住

也未僧無語法眼益因僧舉法眼云大小雲門被這僧勘破五雲逢云什麼處是勘破雲

門處要會麼法眼亦被這僧勘破也○問僧光明寂照遍河沙豈不是

張拙秀才語曰是師曰話墮也○問不起一念還有

過也無師曰須彌山○問一切智通無障礙時如何

師曰掃地撥水相公來○師到天童天童曰你還定

當得麼師曰和尚道甚麼天童曰不會則目前包裹

師曰會則目前包裹徑山果云十字街頭石敢當○師到曹山見

示衆曰諸方盡把格則何不與他道却令他不疑去

師問密密處爲甚麼不知有曹山曰祇爲密密所以

不知有師曰此人如何親近曹山曰莫向密密處親

近師曰不向密密處親近時如何曹山曰始解親近

師應喏喏徑山果云濁油更着溫爐心○師到鵝湖

開上堂曰莫道未了底人長時浮逼逼地設使了得

底明明得知有去處尙乃逼浮逼地師下問首座適

來和尚意作麼生曰浮逼逼地師曰首座久在此住

頭白齒黃作這箇語話曰上座又作麼生師曰要道

卽得見卽便見若不見莫亂道曰祇知道浮逼逼地

又作麼生師曰頭上著枷脚下著扭曰與麼則無佛

法也師曰此是文殊普賢六人境界鴻山詰云大凡撥草瞻風須是

其人雲門可謂青天霹靂旱地震雷直得百里魂魔變

攝不見道驚羣須是英靈漢敵勝還他師子兒黃龍

新云雲門以錐錐地首座以刀剗空直饒奔下錐刀未免頭上着枷脚下着扭○僧舉灌溪

上堂曰十方無壁落四面亦無門淨裸裸赤漚漚沒

可把師曰舉卽易出也大難曰上座不肯和尚與麼

道那師曰你適來與麼舉那曰是師曰你驢年夢見

灌溪曰某甲語在師曰我問你十方無壁落四面亦

無門你道大梵天王與帝釋天商量甚麼事曰豈干

他事師喝曰逐隊喫飯漢○師到江州有陳尙書者

請齋纔見便問儒書中卽不問三乘十二分教自有

座主作麼生是衲僧行脚事師曰曾問幾人來陳曰

卽今問上座師曰卽今且置作麼生是教意陳曰黃

卷赤軸師曰這箇是文字語言作麼生是教意陳曰

口欲談而辭喪心欲緣而慮忘師曰口欲談而辭喪

爲對有言心欲緣而慮忘爲對妄想作麼生是教意

陳無語師曰見說尙書看法華經是否陳曰是師曰經中道一切治生產業皆與實相不相違背且道非非想天有幾人退位陳無語師曰尙書且莫草草三經五論師僧拋却特入叢林十年二十年尙不奈何尙書又爭得會陳禮拜曰某甲罪過

南嶽下七世

巴陵顯鑒禪師雲門偃法嗣

岳州巴陵新開院顯鑒禪師初到雲門雲門曰雪峯和尚道開却門達磨來也我問你作麼生師曰策著和尚鼻孔雲門曰地神惡發把須彌山一擲踣跳上梵天搗破帝釋鼻孔你爲甚麼向日本國裏藏身師曰和尚莫瞞人好雲門曰策著老僧鼻孔又作麼生師無語雲門曰將知你祇是學語之流徑山杲云擔得一擔骨董無星秤子秤來付與無知漆桶且道無知漆桶將作何用你若道得活脫句許你親見雲門○住後更不作法嗣書祇將三轉語上雲門僧問如何是道師曰明眼人落井保寧永頌云秋夜霜天月正明仰觀星象約三更一條大路平如掌歸去問如何是吹毛劍師曰珊瑚枝枝撐何妨微曉行著月雪竇顯頌云要平不平大巧若拙或指或掌倚天照雪大冶兮磨礱不下夏工兮拂拭未歇別

別珊瑚枝問如何是提婆宗師曰銀碗裏盛雪雪安枝撐着月云老新開端的別解道銀盤裏盛雪九十六箇應自知不知却問天邊月提婆宗提婆宗赤旛之下起清風雲門見曰他後老僧忌日祇消舉此三轉語足以報恩自後忌辰果如所囑

雙泉師寬禪師雲門偃法嗣

隨州雙泉山師寬明教禪師僧問洞山初和尚如何是佛初曰麻三斤師聞之乃曰向南有竹向北有木○師遊山回首座同衆出接首座曰和尚遊山巉巖不易師提起拄杖曰全得這箇力首座乃奪却師放身便倒大衆皆進前扶起師拈拄杖一時趨散回顧侍者曰向道全得這箇力黃龍南云明教雖然會起會倒不覺弄巧成拙○師一日訪白兆白兆曰老僧有箇木魚頌師曰請舉看白兆曰伏惟爛木一椶佛與衆生不別若以杖子擊著直得聖凡路絕師曰此頌有成禪無成禪白兆曰無成禪師曰佛與衆生不別嚮侍僧救曰有成禪師曰直得聖凡路絕嚮當時白兆一衆失色

香林澄遠禪師雲門偃法嗣

益州青城香林院澄遠禪師漢州綿竹人在衆日嘗

請鉏草次有一僧曰看俗家失火師曰那裏火曰不見那師曰不見曰這瞎漢是時一衆皆言遠上座敗關後明教寬聞舉歎曰須是我遠兄始得○師將示寂辭知府宋公瑄曰老僧行脚去通判曰這僧風狂八十歲行脚去那裏宋曰大善知識去住自由師謂衆曰老僧四十年方打成一片言訖而逝有僧參學道者一日遊山次僧云香林道老僧三十年求成一片不可得此意如何學云老僧也恁麼却問其僧會麼云不會學示偈云香林成一片老僧也恁麼不待此月終重爲子決破至月未舉遂遷化

洞山守初禪師雲門便法嗣

襄州洞山守初宗慧禪師初參雲門雲門問近離甚處師曰查渡雲門曰夏在甚處師曰湖南報慈曰幾時離彼師曰八月二十五雲門曰放汝三頓棒師至明日却上問訊昨日蒙和尚放三頓棒不知過在甚麼處雲門曰飯袋子江西湖南便恁麼去師於言下大悟遂曰他後向無人煙處不著一粒米不種一莖菜接待十方往來盡與伊抽釘拔楔拈却炙脂帽子脫却鶻鼻布衫教伊洒洒地作個無事衲僧豈不快哉雲門曰你身如椰子大開得如許大口師便禮拜

雪竇顯云雲門氣宇如王接著便冰消瓦解當時若據令而行子孫也未到斷絕浮山遠云把定乾坤佛祖無進入之略放開江海魚龍得游泳之方雲門老人不妨奇特雲竇云雲門氣宇如王接著便冰消瓦解解盡好惡當時若據令而行時却天下人眼白雲端云大小雲門被洞山一問直得額頭汗出口裏膠生保寧勇別雲門後語云這瞎漢將爾你是箇人便打天童傑云雲門放去太著收來太微末後朕斷何不與他本分草料致令和泥合水洞山恁麼語去也是杓下匙聲雲門正令不行却向草裏裏觀我今洞山打失鼻孔直至于今無摸索處恕中慍云雲門放洞山三頓棒汝諸人作麼生會諸人會處便道洞山實會客少遇知香雲門食店雖開不許人喫所以雲竇抑雲門而出洞山浮山小雪竇而扶雲門與麼見解天地歷歷諸人妄會歷年年八月二十五查渡依然冷浸秋萬峯附云雲門把住放行洞山不知失禮來朝案款重供當下一施華碎雖然得箇悟處未免落在雲門坑裏當時震聲便喝不到○都監太保問眼處入正受諸塵三昧起來朝結罪

奉先深禪師雲門便法嗣

金陵奉先深禪師同明和尚在衆時問僧問法眼如何是色法眼豎起拂子或曰鷄冠老或曰貼肉汗衫三人特往請益問曰承聞和尚有三種色語是否法眼曰是師曰鷄子過新羅便歸來時李王在座下不

肯乃白法眼曰。寡人來日致茶筵請二人重新問話。明日茶罷。備綵一箱。劍一口。謂二師曰。上座若問話得是。奉賞雜綵一箱。若問不是。祇賜一劍。法眼陞座。師復出問。今日奉教問話。師還許也。無法眼曰。許曰。師子過新羅。捧綵便行。大眾一時散去。時法燈作維那。乃鳴鐘集衆。僧堂前勸師衆集。法燈問承聞。二上座久在雲門。有甚奇特。因緣。舉一兩則來商量。看師曰。古人道。白鷺下田。千點雪。黃鸝上樹。一枝花。維那作麼生商量。法燈擬議。師打一座。具便歸衆。○師同明和尚到淮河。見人牽網。有魚從網透出。師曰。明兄。僕我。一似箇禪僧相似。明曰。雖然如此。爭如當初不撞入網羅。好師曰。明兄。你欠悟。在明至中夜方省。

洞山清裏禪師雲門偃法嗣

瓊州洞山清裏禪師。泉州李氏子。參雲門。雲門問。今日離甚處。曰。慧林。雲門舉拄杖曰。慧林大師。怎麼去。汝見麼。曰。深領此問。雲門顧左右。微笑而已。師自此入室印悟。

雲門明上座雲門偃法嗣

韶州雲門山明上座。自幼肄業。講肆。聞僧問雲門。如何是透法身句。雲門曰。北斗裏藏身。師問。測微旨。遂造雲門。雲門纔見。便把住曰。道道。師擬議。雲門云。開乃示頌曰。雲門豈較白雲低。水急遊魚不敢棲。入戶已知來見解。何勞再舉轅中泥。師因斯大悟。即便禮拜。自此依雲門爲上座。

南嶽下八世

韶州大歷和尚白雲祥法嗣

韶州大歷和尚。初參白雲。白雲舉拳曰。我近來不恁麼也。師領旨禮拜。自此入室。

連州寶華和尚白雲祥法嗣

連州寶華和尚。因有僧問大容曰。天賜六銖披挂後。將何報答我皇恩。大容曰。來披三事。被懸挂六銖衣。師聞之。乃曰。這老凍驢。作怎麼話。話大容問。令人傳語曰。何似奴緣。不斷。師曰。此爲拋擲。祇圖引玉。○師有時戴冠子。謂衆曰。若道是俗。且身披袈裟。若道是僧。又頭戴冠子。衆無對。

月華山月禪師白雲祥法嗣

韶州月華山月禪師初謁白雲白雲問業箇甚麼曰念孔雀經白雲曰好箇人家男女隨鳥雀後走師聞語驚異遂依附久之乃契旨

勸潭靈澄散聖已變聖法嗣

勸潭靈澄散聖因智門寬禪師問曰甚處來師曰水清月現智門曰好好借問師曰褊衫不染皂智門曰喫茶去○師有西來意頌曰因僧問我西來意我話居山七八年草履祇栽三箇耳麻衣曾補兩番肩東菴每見西菴雪下澗長流上澗泉半夜白雲消散後一輪明月到牀前

福嚴良雅禪師洞山初法嗣

潭州福嚴良雅禪師居洞山第一座洞山參次僧出問如何是佛洞山答曰麻三斤參罷洞山至寮謂師曰我今日答這僧話得麼曰恰值某淨髮洞山曰你元來作這去就拂袖便出師曰這老漢將謂我明他這話頭不得因作偈呈曰五彩畫牛頭黃金爲點額春晴二月初農人皆取則寒食賀新正鐵錢三五百洞山見深肯之

乾明睦禪師洞山初法嗣

岳州乾明睦禪師問洞山停機罷賞時如何洞山曰水底弄傀儡師曰誰是看翫者洞山曰停機罷賞者師曰恁麼則知音不和也洞山曰知音底事作麼生師曰大盡三十日洞山曰未更道師曰某甲合喫和尚手中痛棒洞山休去

西峯雲豁禪師清涼明法嗣

吉州西峯雲豁禪師郡之曾氏子早扣諸方晚見清涼問佛未出世時如何清涼曰雲遮海門樹曰出世後如何清涼曰壁破鐵圍山師於言下大悟清涼印可之

南嶽下九世

洞山曉聰禪師文殊真法嗣

瑞州洞山曉聰禪師遊方時在雲居作燈頭見僧說泗州大聖近在揚州出現有設問曰既是泗州大聖爲甚麼却向揚州出現師曰君子愛財取之以道後僧舉似蓮華峯祥庵主庵主大驚曰雲門兒孫猶在中夜望雲居拜之○師嘗負柴上山路逢一僧問山

上有柴何故向山下擔柴師放柴於地曰會麼曰不

會師曰我要燒

石林羣頌云柴火煎熬擔在身相違
欲路不堪論淡烟落日青山外滿地

難收刀斧痕

○師手植萬松於東嶺而恒誦金剛般若經

山中人因名其嶺曰金剛方植松而寶禪師至時親

自五祖來師問上嶺一句作麼生道寶曰氣急殺人

師挂鏝呵曰從何得此隨語生解阿師見問上嶺便

言氣急佛法却成流布寶請代語師曰氣喘殺人○

師一日不安上堂辭衆述法身頌曰參禪學道莫茫

茫問透法身北斗藏余今老倒庭廡甚見人無力得

商量唯有鏝頭知我意栽松時復上金剛言訖而寂

雪竇重顯禪師

智門詐
法嗣

明州雪竇重顯禪師遂寧府李氏子橫經講席究理

窮玄詰問鋒馳機辯無敵咸知法器僉指南遊首造

智門即伸問曰不起一念云何有過智門召師近前

師纔近前智門以拂子蘸口打師擬開口智門又打

師豁然開悟○洞山聰禪師每新到參便問瀉山水

牯牛意作麼生對者多不契洞山旨師到亦如前問

師曰作後人標榜洞山擬道師以坐具拂一下便行

洞山曰且來上座師曰未參堂○師到大龍爲知客

一日問曰語者默者不是非語非默更非總是絕不

是拈却大用現前時人知有未審大龍如何大龍曰

子有如是見解師曰這老漢瓦解冰消大龍曰放你

三十棒師禮拜歸衆大龍却喚適來問話底僧來師

便出大龍曰老僧因甚麼瓦解冰消師曰轉見敗關

大龍作色曰耐耐耐耐師休去後舉似南嶽雅和尚

雅曰大龍何不與本分草料師曰和尚更須行脚○

寶華侍者來看師師問寶華多少衆侍者曰不勞和

尙如此師曰我好好問爾爾跨跳作甚麼侍者曰也不

得放過師曰眞師子兒喫茶了師把住曰適來得怎

麼無禮侍者擬議被師一掌曰歸去分明舉似寶華

○宗首座到方擬人事師約住曰既知信之略略便

須拱手歸降宗曰今日敗闕師曰劒刃未施賊身已

露宗曰氣急殺人師曰敗將不斬宗曰是師曰禮拜

著宗曰三十年後有人舉在師曰已放你過○修撰

曾會居士天禧間守池州一日會于景德寺引中庸

大學參以標嚴符宗門語句質師師曰這箇尙不與

教乘合況中庸大學邪學士要徑捷理會此事乃彈指一下曰但怎麼薦取曾於言下領旨天聖初曾守四明以書幣迎師補雪竇既至曾曰某近與清長老商量趙州勘婆子話未審端的有勘破處也無師曰清長老道箇甚麼曾曰又與麼去也師曰清長老且放過一著學士還知天下衲僧出這婆子圈積不得麼曾曰這裏別有箇道處趙州若不勘破婆子一生受屈師曰勘破了也曾大笑

雲蓋繼鵬禪師 智門詐法嗣

潭州雲蓋繼鵬禪師初謁雙泉雅禪師雅令克侍者示以芭蕉拄杖話經久無省發一日雅向火次師侍立雅忽問拄杖子話試舉來與子商量師擬舉雅拈火筴便撼師豁然大悟

北禪智賢禪師 福嚴雅法嗣

潭州北禪智賢禪師歲夜小參曰年窮歲盡無可與諸人分歲老僧烹一頭露地白牛炊黍米飯煮野菜羹燒槽榼火大家喫了唱村田樂何故免見倚他門戶傍地牆剛被時人喚作郎便下座歸方丈至夜深

維那入方丈問訊曰縣裏有公人到勾和尙師曰作甚麼維那曰道和尚宰牛不納皮角師遂將下頭帽擲在地上維那便拾去師跳下禪牀攔胸擒住叫曰賊賊維那將帽子覆師頂曰天寒且還和尚師呵呵大笑維那便出去時法昌爲侍者師顧法昌曰這公案作麼生法昌曰潭州紙貴一狀領過

開先善暹禪師 德山遠法嗣

廬山開先善暹禪師臨江軍人也參德山見德山上堂顧視大衆曰師子嘯呻象王回顧師忽有省入室陳所解德山曰子作麼生會師回顧曰後園驢喫草德山然之後至雪竇雪竇與語喜其超邁目曰海上橫行暹道者

南嶽下十世

雲居曉舜禪師 洞山應法嗣

南康軍雲居曉舜禪師瑞州人也參洞山一日如武昌行乞首謁劉居士師時年少不知其飽參頗易之居士曰老漢有一問若相契即開疏如不契即請還山遂問古鏡未磨時如何師曰黑似漆居士曰磨後

如何師日照天照地居士長揖曰且請上人還山拂袖入宅師憮憮即還洞山洞山問其故師具言其事洞山曰你問我我與你道師理前問洞山曰此去漢陽不遠師進後語洞山曰黃鶴樓前鸚鵡洲師於言下大悟○上堂諸方有弄蛇頭撥虎尾跳大海劒刃裏藏身雲居這裏寒天熱水洗脚夜間脫鞋打睡早朝旋打行纏風吹籬倒喚人夫劈篾縛起○翠巖真點曾常罵師說無事禪石霜永和尙令人傳語曰舜在洞山悟古鏡因緣豈是說無事禪你罵他自失却一隻眼師聞之作頌曰雲居不會禪洗脚上牀眠冬瓜直籠何瓠子曲彎彎永和尙亦作頌曰石霜不會禪洗脚上牀眠枕头撲落地打波常住磚

佛日契嵩禪師

洞山應法嗣

杭州佛日契嵩禪師藤州譚李氏子十九遊方徧參知識得法于洞山師夜則頂戴觀音像而誦其號必滿十萬乃寢作原教論十餘萬言後居永安蘭若著禪門定祖圖傳法正宗記輔教編上進仁宗覽之加歎付傳法院編次入藏下詔褒寵賜號明教宰相

韓琦大參歐陽脩皆延見而尊禮之泊東還熙寧四年六月四日晨輿寫偈曰後夜月初明吾今喜獨行不學大梅老貪隨鼃鼠聲至中夜而化

太守許式

洞山應法嗣

洪州太守許式參洞山得正法眼一日與泐潭澄上藍溥坐次澄問聞郎中道夜坐連雲石春栽帶雨松當時答洞山甚麼話公曰今日放衙早澄曰聞答泗州大聖在揚州出現底是否公曰別點茶來澄曰名不虛傳公曰和尙早晚回山澄曰今日被上藍覷破溥便喝澄曰須是你始得公曰不奈船何打破屎斗

育王懷璉禪師

泐潭澄法嗣

明州育王山懷璉大覺禪師漳州龍溪陳氏子一日洗面潑水于地微有省發即募參尋遠造泐潭法席投機印可師事之十餘年○皇祐中仁廟召對化成殿問佛法大意賜號大覺禪師後遣中使問曰才去豎拂人立難當師即以頌回進曰有節非干竹三星偃月宮一人居日下弗與衆人同帝覽大悅既而遣使賜龍腦鉢師謝恩罷捧鉢曰吾法以壞色衣以瓦

鐵食此鉢非法遂焚之中使回奏上加歎不已

令滔首座法嗣

令滔首座久參泐潭泐潭因問祖師西來單傳心印直指人心見性成佛子作麼生會師曰某甲不會泐潭曰子未出家時作箇甚麼師曰牧牛泐潭曰作麼生牧師曰早朝騎出去晚後復騎歸泐潭曰子大好不會師於言下大悟遂成頌曰放却牛繩便出家剃除鬚髮著袈裟有人問我西來意拄杖橫挑囉哩囉

玉泉承皓禪師北塔廣法嗣

荊門軍玉泉承皓禪師眉州丹稜人也遊方參北塔發明心要得大自在三昧製犢鼻褌書歷代祖師名字乃曰唯有文殊普賢較些子且書於帶上故叢林目爲皓布褌有鄉僧亦効之師見而詰曰汝具何道理敢以爲戲事耶嘔血無及耳尋於鹿門如所言而逝○張無盡奉使京西南路就謁之致開法於郢州大陽時谷隱士者私爲之喜師受請陞座曰某在谷隱十年不曾飲谷隱一滴水嚼谷隱一粒米汝若不會來大陽爲汝說破携拄杖下座傲然而去○師示

法身頌曰一夜雨露烹打倒蒲萄棚知事頭首行者人力拄底拄撐底撐撐拄到天明依舊可憐生

天衣義懷禪師雪竇顯法嗣

越州天衣義懷禪師永嘉樂清陳氏子也天聖中試經得度謁金鑾善葉縣省皆蒙印可遂由洛抵龍門復至都下忽遇言法華拈師背曰雲門臨濟去及三姑蘇禮明覺於翠峰明覺問汝名甚麼曰義懷明覺曰何不名懷義曰當時致得明覺曰誰爲汝立名曰受戒來十年矣明覺曰汝行脚費却多少草鞋曰和尚莫瞞人好明覺曰我也沒量罪過汝也沒量罪過你作麼生師無語明覺打曰脫空謾語漢出去入室次明覺曰恁麼也不得不恁麼也不得恁麼不恁麼總不得師擬議明覺又打出如是者數四尋爲水頭因汲水折擔忽悟作投機偈曰一二三四五六七萬仞峰頭獨足立驪龍領下奪明珠一言勘破維摩詰明覺聞拈几稱善後七坐道場化行海內嗣法者甚衆○上堂鴈過長空影沉寒水鴈無遺蹤之意水無留影之心若能如是方解向異類中行不用續鳬截

鶴夷嶽盈壑放行也百醜千拙收來也攀攀拳拳用之則敢與八大龍王鬪富不用都來不直半分錢參○室中問僧無手人能行拳無舌人解言語忽然無手人打無舌人道箇甚麼又曰蜀魄連宵叫鷄鳴終夜啼圓通門大啓何事隔雲泥

水月惠金典座雪竇顯法嗣

平江府水月寺惠金典座依明覺於雪竇聞舉須彌山話默有契一日欲往訊遇之殿軒明覺問汝名甚麼曰惠金明覺曰阿誰惠汝金曰容少間去方丈致謝明覺曰卽今響曰這裏容和尚不得

法昌倚遇禪師北禪黃法嗣

洪州法昌倚遇禪師漳州林氏子自受具游方名著叢席浮山遠和尚嘗指謂人曰此後學行脚樣子也參北禪北禪問近離甚麼處師曰福嚴北禪曰思鼻孔長多少師曰與和尚當時見底一般北禪曰汝道我見時長多少師曰和尚大似不曾到福嚴北禪曰學語之流又問來時馬大師安樂否師曰安樂北禪曰向汝道甚麼師曰教和尚莫亂統北禪曰念汝新

到不能打得你師曰某甲亦放和尚過茶罷北禪問鄉里甚麼處師曰漳州北禪曰三平在彼作甚麼師曰說禪說道北禪曰年多少師曰與露柱齊年北禪曰有露柱且從無露柱年多少師曰無露柱一年也不少北禪曰夜半放烏鷄師留北禪最久於是師資敲唱妙出一時晚至西山瞻雙嶺深窈棲息三年○師在雙嶺受法昌請與英勝二首座相別曰三年聚首無事不知檢點將來不無滲漏以拄杖畫一畫曰這箇卽且止宗門事作麼生英曰須彌安鼻孔師曰恁麼則臨崖看潚眼特地一場愁英曰深沙努眼睛師曰爭奈聖凡無異路方便有多門英曰鐵蛇鑽不入師曰這般漢有甚共語處英曰自緣根力淺莫怨太陽春却畫一畫曰宗門事且止這箇事作麼生師便掌英曰這漳州子莫無去就師曰你這般見解不打更待何時又打英曰也是老僧招得○上堂法昌今日開爐行脚僧無一箇唯有十八高人緘口團爐打坐不是規矩嚴難免見諸人話墮直饒口似秤鎚未免燈籠勘破不知道絕功勳妄自修因證果喝曰但

能一念回光定脫三乘羈鎖○師與感首座歲夜喫湯次感曰昔日北禪分設會烹露地白牛和尚今夜分歲有何施設師曰臘雪連山白春風透戶寒感曰大眾喫箇甚麼師曰莫嫌冷淡無滋味一飽能消萬劫飢感曰未審是甚麼人置辦師曰無慚愧漢來處也不知○英勝二首座到山相訪英曰和尚尋常愛點檢諸方今日因甚麼却來古廟裏作活計師曰打草祇要蛇驚師曰莫塗糊人好師曰你又刺頭入膠盆作甚麼英曰古人道我見兩個泥牛鬪入海所以住此山未審和尚見箇甚麼師曰你他時異日有把茆蓋頭人或問你作麼生祇對英曰山頭不如嶺尾師曰你且道還當得住山事也無英曰使錢不及拖犁師曰還曾夢見古人麼英曰和尚作麼生師展兩手英曰鰕跳不出斗師曰休將三寸燭擬比太陽輝英曰爭奈公案見在師曰亂統禪和如麻似粟○師栽松次黃龍南禪師至南曰小院子栽許多松作麼師曰臨濟道底曰栽得多少師曰但見猿啼鶴宿聲漢侵雲南指石曰這裏何不栽師曰功不浪施曰也

知無下手處師指石上松曰從何處得來南大笑曰蒼天蒼天乃作偈曰頭戴華巾離少室手携席帽出長安驚峯峯下重相見鼻孔原來總一般又畫此○相示師師和曰葫蘆棚上掛冬瓜麥浪堆中釣得蝦誰在畫樓沽酒處相要來喫趙州茶又畫此○相答之南又作偈曰鐵牛對對黃金角木馬雙雙白玉蹄爲愛雪山香草細夜深乘月過前谿又畫此○相示師師復和偈曰玉麟帶月離霄漢金鳳銜花下彩樓野老不嫌公子醉相將携手御街遊復畫此○相答之○大寧寬禪師至師畫地作此○相便曳錢出翌日未陞座謂寬曰昨日公案如何寬畫此○相卽抹撒之師曰寬禪頭名下無虛人乃陞座曰忽地晴天霹靂聲禹門三級浪崢嶸幾多頭角爲龍去蝦蟹依然努眼睛○龍圖徐公禱布衣時與師往來爲法喜之游師將化前一日作偈遺之曰今年七十七出行須擇日昨夜問龜哥報道明朝吉徐覽偈然邀靈源清禪師同往師方坐寢室以院務誡知事曰吾住此山二十三年護惜常住每自蒞之今行矣言畢舉

拄杖曰。且道這箇分付阿誰。徐與靈源皆屏息。遂擲杖投牀。枕臂而化。

雲居了元禪師開先遷法嗣

南康軍雲居山了元佛印禪師。饒州浮梁林氏子。感悟夙習。卽徧參尋。投機於開先法席。出爲宗匠。九坐道場。四衆傾向。○一日與學徒入室。次適東坡居士到面前。師曰。此間無坐榻。居士來此作甚麼。居士曰。暫借佛印。四大爲坐榻。師曰。山僧有一問。居士若道得。卽請坐。道不得。卽輸腰下玉帶。子居士欣然曰。便請師曰。居士適來道。暫借山僧四大爲坐榻。祇如山僧四大本空。五陰非有。居士向甚麼處坐。居士不能答。遂留玉帶。師却贈以雲山衲衣。居士乃作偈曰。百千燈作一燈光。盡是恒沙妙法王。是故東坡不敢惜。借君四大作禪牀。病骨難堪玉帶圍。鈍根仍落箭鋒機。會當乞食歌姬院。奪得雲山舊衲衣。此帶閱人如傳舍。流傳到我亦悠悠。哉錦袍錯落猶相稱。乞與佯狂老鶻回。

南嶽下十一世

大梅法英禪師九峯韶法嗣

明州大梅法英祖鏡禪師本郡張氏子。參九峯九峯見器之。與語若久在叢席。因痛割之。師領旨。○宣和初。敕天下僧尼爲德士。師肆筆解老子詣進上。覽謂近臣曰。法英道德經解。言簡理詣。於古未有。宜賜入道藏。流行明年。秋詔復天下僧尼。師獨無改志。至紹興初。晨起戴樺皮冠。披鶴氅。執象簡。穿朱履。使擊鼓集衆。陞座。召大眾曰。蘭芳春谷。菊秋籬物。必榮枯。各有時。昔毀僧尼。專奉道後。平道復僧尼。且道僧尼形相作麼生。復取冠示衆曰。吾頂從來似月圓。雖冠其髮不成仙。今朝拋下無遮障。放出神光透碧天。擲之于地。隨易僧服。提鶴氅曰。如來昔日貿皮衣。數載慚將鶴氅披。還我丈夫調御服。須知此物不相宜。擲之舉象簡曰。爲嫌禪板太無端。豈料遭他象簡瞞。今日因何忽放下。普天致仕老仙官。擲之提朱履曰。達磨攜將一隻蹄。兒孫從此亦脚走。借他朱履代麻鞋。休道時難事。掣肘化鵬未遇不如鷄。畫虎不成反類狗。擲之橫拄杖曰。今朝拄杖化爲龍。分破華山千萬

重復倚肩曰珍重佛心眞聖主好將堯德振吾宗擲下拄杖斂目而逝

慧林圓照禪師 天衣懷法嗣

東京慧林宗本圓照禪師常州無錫管氏子遊方至池陽謁振宗振宗舉天親從彌勒內官而下無著問云人間四百年彼天爲一晝夜彌勒於一時中成就五百億天子證無生法忍未審說甚麼法天親曰祇說這箇法如何是這箇法師久而開悟一日室中問師卽心卽佛時如何曰殺人放火有甚麼難於是名播寰宇○元豐五年神宗召師爲慧林第一祖對延和殿問道賜坐師卽跏趺帝問卿受業何寺奏曰蘇州承天永安帝大悅賜茶師卽舉盞長吸又蕩而撼之帝曰禪宗方興宜善開導師奏曰陛下知有此道如日照臨臣豈敢自怠卽辭退帝目送之謂左右曰眞福慧僧也

法雲法秀禪師 天衣懷法嗣

東京法雲寺法秀圓通禪師秦州隴城辛氏子先是麥積山老僧與應乾寺魯和尚者善嘗欲從魯游方

魯老之旣去緒語曰他日當尋我竹鋪坡前鐵場嶺下魯後聞其所俄有兒生卽往觀焉兒爲一笑三歲願隨魯歸遂從魯姓因聞無爲軍鐵佛寺懷禪師法席之盛徑往參謁懷問曰座主講甚麼經師曰華嚴曰華嚴以何爲宗師曰法界爲宗曰法界以何爲宗師曰以心爲宗曰心以何爲宗師無對懷曰毫釐有差天地懸隔汝當自看必有發明後聞僧舉白兆參報慈情未生時如何報慈曰隔師忽大悟直詣方丈陳其所證懷曰汝眞法器吾宗異日在汝行矣

侍郎楊傑居士 天衣懷法嗣

禮部楊傑居士字次公號無爲歷參諸名宿晚從天衣遊天衣每引老龐機語令研究深造後奉祠泰山一日鷄一鳴曙日如盤湧忽大悟乃別有男不婚有女不嫁之偈曰男大須婚女長須嫁討甚閑工夫更說無生話書以寄天衣天衣稱善○會芙蓉楷禪師公曰與師相別幾年芙蓉曰七年公曰學道來參禪來芙蓉曰不打這鼓笛公曰恁麼則空遊山水百無所能也芙蓉曰別來未久善能高鑒公大笑○公有

辭世偈曰。無一可戀。無一可捨。大虛空中之乎者也。將錯就錯。西方極樂。

法明上座 報本蘭法嗣

荊州開元法明上座。依報本未久。深得法忍。後歸里。事落魄多嗜酒。呼盧每大醉。唱柳詞數闋。曰。以爲常。鄉民侮之。召齋則拒。召飲則從。如是者十餘年。咸指曰。醉和尚。一日謂寺衆曰。吾明日當行。汝等無他往。衆竊笑之。翌晨攝衣就座。大呼曰。吾去矣。聽吾一偈。衆聞奔視師。乃曰。平生醉裏顛。醉裏却有分別。今宵酒醒何處。楊柳岸。曉風殘月。言訖寂然。據之已委蛻矣。

簽判劉經臣居士 智海逸法嗣

簽判劉經臣居士。字與朝。少以逸才登仕版。於佛法未之信。年三十二。會東林照覺總禪師與語。啓迪之。乃敬服。因醉心祖道。既而抵京師。謁慧林冲禪師。於僧問雪竇如何。是諸佛本源。答曰。千峯寒色。語下有省。歲餘官維幕。就參韶山杲禪師。將去任。辭韶山。韶山囑曰。公如此用心。何愁不悟。爾後或有非常境界。

無量歡喜。宜急收拾。若收拾得去。便成法器。若收拾不得。則有不寧之疾。成失心之患。矣。未幾復至京師。趨智海。依正覺逸禪師。請問因緣。智海曰。古人道。平常心是道。你十二時中。放光動地。不自覺知。向外馳求。轉疎轉遠。公益疑不解。一夕入室。智海舉傳燈所載。香至國王問波羅提尊者何者是佛尊者曰。見性是佛之語。問之公不能對。疑甚。遂歸就寢。熟睡至五鼓覺來。方追念。問見種種異相。表裏通徹。六根震動。天地回旋。如雲開月現。喜不自勝。忽憶韶山臨別所囑之言。姑抑之。返明。趨智海。悉以所得告智海。爲證據。且曰。更須用得始得。公曰。莫要踐履。否。智海厲聲曰。這箇是甚麼事。却說踐履。公默契。乃作發明心地頌八首。及著明道論。儒篇以警世。

南嶽下十二世

清獻趙忬居士 蔣山泉法嗣

清獻公趙忬居士。字悅道。年四十餘。擯去聲色。系心宗教。會佛慧來居衢之南禪公。日親之。佛慧未嘗容措一詞。後典青州政事之餘。多宴坐。忽大雷震。驚即

契悟作偈曰。默坐公堂。虛隱凡心。源不動湛如水。一聲霹靂。頂門開。喚起從前自家底。佛慧聞笑曰。趙悅道撞彩耳。公年七十有二。以太子少保致仕而歸。作高齋以自適。題偈見意曰。腰佩黃金已退藏。箇中消息也尋常。世人欲識高齋老。祇是柯村趙四郎。復曰。切忌錯認。

南嶽下十三世

寶林果昌禪師 法雲本
法嗣

婺州寶林果昌寶覺禪師。安州時氏子。師與提刑楊次公入山同遊。山次楊拈起大士飯石。問既是飯石。爲甚麼較不破。師曰。祇爲太硬。楊曰。猶涉繁詞。師曰。未審提刑作麼生。楊曰。硬師曰。也是。第二月楊爲寫七佛殿額。乃問七佛重出世時。如何。師曰。一回相見。一回新。

天竺從諫講師 法雲本
法嗣

臨安府上天竺從諫慈辯講師。處之松陽人也。於止觀深有所契。嘗以道力扣大通。大通一日作書寄之。師發緘。睹黑白二圓相。乃悟。

天台如庵主 本覺一
法嗣

台州天台如庵主。久依法真。因看雲門東山水上行語發明。已見歸隱。故山猿鹿爲伍。郡守聞其風。遣使逼令住持。師作偈曰。三十年來住此山。郡符何事到林間。休將瑣瑣塵寰事。換我一生閑。又閑遂焚其廬。竟不知所止。

丞相富弼居士 投子願
法嗣

丞相富弼居士。字彥國。由清獻公警勸之後。不舍晝夜力進此道。聞願禪師主投子法席。冠淮甸。往質所疑。會願爲衆登座。見其顧視如象王回旋。公微有得。因執弟子禮。趨函丈。命侍者請爲入室。願見即曰。相公已入來。富弼猶在外。公聞汗流浹背。即大悟。

慧林懷深禪師 長蘆信
法嗣

東京慧林懷深。慈受禪師壽春府夏氏子。訪道方外。依淨照於嘉禾資聖淨照。舉夏遂見麻谷。因緣問曰。如何是良遂知處。師即洞明。出住資福。屢滿戶外。蔣山佛鑑勲禪師行化至茶退。師引巡察。至千人街坊。勲問。既是千人街坊。爲甚麼祇有一人。師曰。多虛不。

如少實。歎曰。怎麼那師。赧然偶朝廷。以資福爲神霄官。因乘往蔣山。留西庵。陳請益。歎曰。資福知是般事。便休。師曰。其實未穩。望和尚不。外勲。學倩女離魂話。反覆窮之。大豁疑礙。呈偈曰。祇是舊時行履處。等閑舉著。便諸訛。夜來一陣狂風起。吹落桃花知幾多。歎指几曰。這底豈不是活祖師意。

萬壽如瓚禪師 長蘆信法嗣

平江府萬壽如瓚證悟禪師。凡見僧必問。近日如何。僧擬對。卽指其背曰。不可思議。將示寂。衆集。復曰。不可思議。乃合掌而終。

廣福惟尚禪師 保寧英法嗣

臨安府廣福院惟尚禪師。初參覺印。問曰。南泉斬貓兒。意旨如何。覺印曰。須是南泉始得。覺印以前語詰之。師不能對。至僧堂。忽大悟曰。古人道。從今日去。更不疑天下老和尚。舌頭信有之矣。述偈呈覺印曰。須是南泉第一機。不知不覺。鸞頭雖覲面。若無青白眼。還如鸞鵲守空池。舉未絕。覺印堅拳曰。正當怎麼時。作麼生。師掀倒禪牀。覺印遂喝。師曰。賊過後張弓。便

出

衛州王大夫 元豐滿法嗣

衛州王大夫。遺其名。以喪偶。默世相。遂參元豐。於言下。知歸元豐。一日。謂曰。子乃今之陸亘也。公便掩耳。旣而回壇山之陽。縛茅自處。者三載。偶歌曰。壇山裏。日何長。青松嶺白雲鄉。吟鳥啼猿作道場。散髮采薇歌。又笑從教人道野夫狂。

教外別傳卷十二

教外別傳卷十三 法眼宗

南嶽下八世

清涼文益禪師 羅漢深法嗣

金陵清涼院文益禪師。餘杭魯氏子。抵福州。參長慶。不大發明。後同紹修。法進三人。欲出嶺。過地藏院。阻雪。少憩。附爐。次地藏。問此行何之。師曰。行脚去。地藏曰。作麼生。是行脚事。師曰。不知地藏曰。不知最親切。

又同三人舉肇論至天地與我同根處。地藏曰：山河大地與上座自己是同是別？師曰：別。地藏豎起兩指，師曰：同。地藏又豎起兩指，便起去。雪霽辭去。地藏門送之，問曰：上座尋常說三界唯心，萬法唯識，乃指庭下片石曰：且道此石在心內，在心外？師曰：在心內。地藏曰：行脚人著甚麼來？由安片石在心頭？師窘無以對，卽放包依席下求決擇。近一月餘，日呈見解說道理。地藏語之曰：佛法不恁麼。師曰：某甲詞窮理絕也。地藏曰：若論佛法，一切見成。師於言下大悟。○子方上座自長慶來，師舉長慶偈問曰：作麼生是萬象之中獨露身子？子方舉拂子。師曰：恁麼會？又爭得？曰：和尚尊意如何？師曰：喚甚麼作萬象？曰：古人不撥萬象。師曰：萬象之中獨露身，說甚麼撥不撥？子方豁然悟解，述偈投誠。自是諸方會下有存知解者，翕然而至。始則行行如也，師微以激發，皆漸而服膺。海參之衆常不減千計。○師問修山主：毫釐有差，天地懸隔。兄作麼生會？修曰：毫釐有差，天地懸隔。師曰：恁麼會？又爭得？修曰：和尚如何？師曰：毫釐有差，天地懸隔。修便禮。

拜東禪齊云：山主恁麼，祇對爲甚麼不肯及乎再請？得透道上座有來由。五祖戒出法眼，勢習便打。保寧勇云：修山主當時也好向法眼道與麼會？又爭得？徑山杲云：法眼與修山主絲來線去，綿綿密密，扶起地藏門風，可謂滿目光生。若是徑山門下，更買草鞋行脚，始得。何故？毫釐有差，天地懸隔。甚處得道消息來？楚石琦云：二老漢不會轉身句，如今忽問天寧，寧有差？天地懸隔時如何？向他道：昨日。○師與悟生禪師向火拈起香匙，問曰：不得喚作香匙，兄喚作甚麼？悟生曰：香匙。師不肯，悟生後二十餘日，方明此語。○僧參次，師指簾時有二僧同去，捲師曰：一得一失。東禪齊云：上座作麼生會？有云：爲伊不明，便去捲簾，亦有道理。若卽會，不指而去者，卽失。恁麼會還可，不可？旣不許恁麼會，且問上座：阿那箇得阿那箇失？黃龍清云：法眼如來，歸在手裏，活臨時二僧旣齊捲簾，且道那箇得那箇失？還會麼？世事但將公道斷。人心難與月輪齊。○問寶資長老：古人道「山河無隔礙，光明處處透」，且作麼生是處處透？底光明寶資曰：東畔打雜聲。歸宗柔別云：和尚提腰發。○師指竹問僧：還見麼？曰：見。師曰：竹來眼裏，眼到竹邊，曰：總不恁麼。法燈云：當時但擊眼向師，歸宗柔別云：和尚祇是不信某甲。○有俗士獻畫障子，師看了問曰：汝是手巧，心巧？曰：心巧。師曰：那箇是汝心？俗士無對。歸宗柔代云：某甲今日却成容易。○上堂：盡十方世界，被破地無一絲頭。若有一絲頭，卽是一絲頭。法燈云：若有一絲

頭不是。○師指凳子曰：識得凳子，周匝有餘。雲門云：一絲頭。子天地懸殊，雪竇顯云：澤廣藏山，理能伏豹。雲峯悅云：官不容針，私通車馬。薦福懷云：識得凳子，是楠木做。五祖演云：這兩箇漢，一入過船，一人渡水。若檢點得出，許你具正法眼。圓通秀曇法眼，雲門天衣語了云：山僧道識得凳子，四脚着地，大眾其間一出，一沒半台半開，有得有失，有親有疎，具眼禪人，一任驗取。潞潭清學法眼，雲門雪竇語了云：三箇漢總是依他作解，明昧兩歧，不脫見聞，如水中月，貴龍即不然，通塞乾坤外開張，日月前。徑山杲云：識得凳子，好剃頭洗脚，雖然如是，錯會者多。天童華云：向周匝有餘處會理，上偏枯向天地懸殊處會事，上偏枯且道：歸宗爲人在什麼處？犀因飯月紋生，角象被雷驚，花入牙。楚石琦云：莫將閑話當閑話，往往事從閑話。○因開井被沙塞却泉眼，師曰：泉眼不通，被沙礙道，眼不通，被甚麼礙？僧無對。師代曰：被眼礙。○問僧甚處來，曰：泗州禮拜大聖來。師曰：今年大聖出塔否？曰：出。師却問傍僧曰：汝道伊到泗州不到？浮山遠云：這僧到即到泗州，只是不見大聖。道場全云：這僧見即見大聖，不曾識法眼。東禪觀云：這僧到也到泗州，見也見大聖，識也識法眼，只是自討頭不見。○師謂小兒子曰：因子識得你爺，你爺名甚麼兒？無對。法燈欽代云：但將衣袖掩面。師却問僧：若是孝順之子，合下一轉語，且道合下得甚麼語？僧無對。師代曰：他是孝順之子。○師問講百法論僧曰：百法是體用，雙陳明門是能所，兼舉座主是能法座，是所作，麼生說兼舉

有老宿代云：某甲喚作箇法座。○師因患脚，僧問訊。歸宗柔云：不勞和尚如此。次師曰：非人來時不能動，及至人來動不得，且道佛法中下得甚麼語？曰：和尚且喜得較師不肯自別。曰：和尚今日似減。○師一日與李王論道，罷同觀牡丹。花王命作偈，師即賦曰：擁毳對芳叢，由來趣不同。髮從今日白花，是去年紅。豔冶隨朝露，馨香逐晚風。何須待零落，然後始知空。王頓悟其意。

南嶽下九世

天台德韶國師清涼益法嗣

天台山德韶國師處州龍泉陳氏子也。後唐同光中，遊方首詣投子，見同禪師。次謁龍牙，乃問：雄雄之尊，爲甚麼近之不得？龍牙曰：如火與火。師曰：忽遇水來，又作麼生？龍牙曰：去。汝不會我語。師又問：天不蓋地，不載此理，如何？龍牙曰：道者合如是。師經十七次問龍牙，祇如此答。師竟不諭旨，再請垂誨。龍牙曰：道者，汝已後自會去。師後於通玄峯澡浴次，忽省前話，遂具威儀焚香，遙望龍牙禮拜曰：當時若向我說今日決定罵也。又問疎山百匠，千重是何人境。疎山曰：

左搓芒繩縛鬼子。師曰：不落古今。請師說。曰：不說。師曰：爲甚麼不說？曰：箇中不辯。有無。師曰：師今善說。疎山駭之。如是歷參五十四員。善知識皆法緣未契。最後至臨川謁法眼。法眼一見深器。之一日。法眼上堂。僧問：如何是曹源一滴水？法眼曰：是曹源一滴水。僧惘然而退。師於坐側豁然開悟。平生凝滯渙若冰釋。遂以所悟聞於法眼。法眼曰：汝向後當爲國王所師。致祖道光。大吾不如也。尋回本道遊天台山。觀智者顓禪師遺蹤。有若舊居。師復與智者同姓。時謂之後身也。初止白沙時。忠懿王爲王子。時刺台州。嚮師之名。延請問道。師謂曰：他日爲霸王。無忘佛恩。漢乾祐元年。戊申。王嗣國位。遣使迎之。伸弟子之禮。有傳天台智者教義寂者。即螺髻也。屢言於師曰：智者之教。年祀浸遠。慮多散落。今新羅國其本甚備。自非和尚慈力。其孰能致之乎？師於是聞於王。王遣使及齋師之書。往彼國繕寫備足。而回。迄今盛行於世。○師有偈曰：通玄峯頂。不是人間心。外無法。滿目青山法。眼聞曰：卽此一偈。可起吾宗。徑山杲云：滅却法眼宗。只緣這一頌。○師因與教。

明和尚問曰：飲光持釋迦丈六之衣。在鷄足山。候彌勒下生。將丈六之衣。披在千尺之身。應量恰好。祇如釋迦身長丈六。彌勒身長千尺。爲復是身解短。邪？衣解長。邪？師曰：汝却會明拂袖便出去。師曰：小兒子。山僧若答汝。不是當有因果。汝若不是吾當見之。明歸七日吐血。浮光和尙勸曰：汝速去懺悔。明乃至師方丈。悲泣曰：願和尚慈悲。許某懺悔。師曰：如人倒地。因地而起。不會教汝起。倒明又曰：若許懺悔。某當終身給侍師。爲出語曰：佛佛道齊。宛爾高低。釋迦彌勒。如印印泥。

清涼泰欽禪師清涼益法嗣

金陵清涼泰欽法燈禪師。在衆曰：性豪逸。不事事衆。易之法眼。獨契重法眼。一日問衆曰：虎頂金鈴。是誰解得。衆無對。師適至。法眼舉前語問。師曰：緊者解得。法眼曰：汝輩輕渠不得。○上堂。某甲本欲居山。藏拙養病。過時奈緣。先師有未了底公案。出來與他了却。時有僧問：如何是先師未了底公案。師便打曰：祖禪不了殃及兒孫。曰：過在甚麼處。師曰：過在我殃及你。

江南國主爲鄭王時。受心法於法眼之室。暨法眼入滅。復嘗問師曰。先師有甚麼不了底公案。師曰。見分

拈次。翠巖芝云。爲衆竭力。講出私門。天童覺云。這僧若是箇漢。出來便與掀倒禪牀。不惟自有出身之路。亦免祖禪不了。殃及兒孫。昭覺勸學云。山僧身志本亦如斯。今日出來。祇爲五祖先師有箇現成公案。對衆舉揚。有不惜性命。底試出來。挨拶看。如無不免自拈自弄去也。喝一喝。以拂子擊禪牀下座。

靈隱清聳禪師清涼益法嗣

杭州靈隱清聳禪師。福州人也。初參法眼。法眼指兩謂師曰。滴滴落在上座眼裏。師初不喻旨。後因閱華嚴。感悟承法眼印可。

百丈道恒禪師清涼益法嗣

洪州百丈道恒禪師。參法眼。因請益。外道問佛。不問有言。不問無言。敘語未終。法眼曰。住住。汝擬向世尊良久處會。那師從此悟入。

永明道潛禪師清涼益法嗣

杭州永明寺道潛禪師。河中府武氏子。初謁法眼。法眼問曰。子於參請外。看甚麼經。師曰。華嚴經。法眼曰。總別同異。成壞六相。是何門攝。屬師曰。文在十地品中。據理則世出世間一切法。皆具六相也。法眼曰。空

還具六相也。無師懵然。無對法眼曰。汝問我。我向汝道。師乃問。空還具六相也。無法眼曰。空師於是開悟。踊躍禮謝。法眼曰。子作麼生。會師曰。空法眼然之。異日因四衆士女入院。法眼問師曰。律中道。隔壁聞鉦。鉦聲卽名破戒。見觀金銀合雜。朱紫駢闐。是破戒。不是破戒。師曰。好箇入路。法眼曰。子向後有五百義徒。爲王侯所重在。

報恩慧明禪師清涼益法嗣

杭州報恩慧明禪師。姓蔣氏。南遊於闐。越間歷諸禪會。莫契本心。後至臨川。謁法眼。師資道合。○一日有新到參師。問近離甚處。曰。都城。師曰。上座離都城到此山。則部城。少上座此間。剩上座剩。則心外有法。少則心法。不周說得道理。卽住。不會卽去。僧無對。徑山杲代云。和尚謾某甲不得。某甲亦謾和尚不得。復云。卽今莫有道得相謾句者麼。若也道得。許汝跳得金剛圈。吞得栗棘。○師尋遷天台。山白沙卓庵。有朋彥上座博學強記。來訪師。敵論宗乘。師曰。言多去道。轉遠。今有事借問。祇如從上諸聖及諸先德。還有不悟者也。無彥曰。若是諸聖先德。豈有不悟者。哉。師曰。一人發真歸

源十方虛空悉皆消殞。今天台山巖然如何得消殞。去彥無對。○漢乾祐中。忠懿王延入府中。問法命住資崇院。師盛談玄沙及地藏法。眼宗旨。臻極。王因命翠巖令參等諸禪匠。及城下名公。定其勝負。天龍禪師問曰。一切諸佛及諸佛法。皆從此經出。未審此經從何而出。師曰。道甚麼。天龍擬進語。師曰。過也。資嚴長老問。如何是現前三昧。師曰。還聞麼。資嚴曰。某甲不患。師曰。果然患。師復舉雪峰塔銘。問諸老宿。夫從緣有者。始終而成。壞非從緣有者。歷劫而長。堅堅之與壞。卽且置。雪峰卽今在甚麼處。法眼益別云。壞老宿無對。設有對者。亦不能當其徵詰。時羣彥弭伏。王大喜悅。

雲居清錫禪師 清涼益法嗣

南康軍雲居山清錫禪師。泉州人。也有麼。天使入院。見供養法眼和尚。真乃問曰。真前是甚麼果子。師曰。假果子。天使曰。既是假果子。爲甚麼將供養真。師曰。也祇要天使識假。

羅漢智依禪師 清涼益法嗣

漳州羅漢智依宣法禪師。與彥端長老喫餅。餅端曰。百種千般。其體不二。師曰。作麼生是不二。體端拈起餅。餅端曰。祇守百種千般。端曰。也是和尚見處。師曰。汝也是羅公詠梳頭樣。○師將示滅。乃謂衆曰。今晚四大不和。暢雲騰鳥飛。風動塵起。浩浩地。還有人治得麼。若治得。永劫不相識。若治不得。時常見我。言訖告寂。

報慈文遂禪師 清涼益法嗣

金陵報慈文遂禪師。杭州陸氏子。嘗究首楞嚴。甄會真妄緣起本末。精博。於是節科注釋。文句交絡。厥功既就。謁於法眼。述已所業。深符經旨。法眼曰。楞嚴豈不是有八還義。師曰。是曰。明還甚麼。師曰。明還日輪。曰。日還甚麼。師憮然無對。法眼誠令焚其所注之文。師自此服膺請益。始忘知解。

報恩立則禪師 清涼益法嗣

金陵報恩院立則禪師。滑州衛南人也。初問青峰。如何是學人自己。青峰曰。丙丁童子來求火。後謁法眼。法眼問甚麼處來。師曰。青峰。法眼曰。青峰有何言句。師

舉前話法眼曰上座作麼生會師曰丙丁屬火而更求火如將自己求自己法眼曰與麼會又爭得師曰某甲祇與麼未審和尙如何法眼曰你問我我與你道師問如何是學人自己法眼曰丙丁童子來求火師於言下頓悟○開堂日李王與法眼俱在會僧問龍吟霧起虎嘯風生學人知是出世邊事到此爲甚麼不會師曰會取好僧舉頭看師又看法眼乃抽身入衆法眼與李王當時失色法眼歸方丈令侍者喚問話僧至法眼曰上座適來問底話許你具眼人天衆前何不禮拜蓋覆却法眼撼一坐具其僧三日後吐光而終

歸宗策真禪師 清涼益法嗣

廬山歸宗策真法施禪師曹州魏氏子也初名慧超謁法眼問曰慧超咨和尙如何是佛法眼曰汝是慧超師從此悟入 昭覺勤云有者道慧超便是佛所以法眼怎麼答有者道大似騎牛覓牛有者道問處便是有甚麼交涉若怎麼會去不惟孤負自己亦乃深屈古人 雪竇顯頌云江國春風吹不起鷓鴣啼在深花裏三級浪高魚化龍癡人猶辱夜塘水

古賢謹禪師 清涼益法嗣

澤州古賢院謹禪師侍立法眼次法眼問一僧曰自離此間甚麼處去來曰入嶺來法眼曰不易曰虛涉他如許多山水法眼曰如許多山水也不惡其僧無語師於此有省

南嶽下十世

永明延壽禪師 天台韶法嗣

杭州永明延壽禪師餘杭王氏子往天台山天柱峰九旬習定暨謁韶國師一見而深器之密授玄旨仍謂師曰汝與元帥有緣他日大興佛事忠懿王請開山靈隱新寺明年遷永明大道場衆盈二千○僧問如何是永明妙旨師曰更添香著曰謝師指示師曰且喜沒交涉僧禮拜師曰聽取一偈欲識永明旨門前一湖水日照光明生風來波浪起○問如何是大圓鏡師曰破砂盆

廣平守威禪師 天台韶法嗣

福州廣平院守威宗一禪師本州人也參天台國師得旨乃付衣法時有僧問大庾嶺頭提不起如何今日付於師師提起曰有人敢道天台得麼

五雲志逢禪師 天台紹法嗣

杭州五雲山華嚴院志逢禪師。餘杭人也。通貫三學。了達性相。嘗夢陞須彌山。觀三佛列坐。初釋迦次彌勒。皆禮其足。唯不識第三尊。但仰視而已。釋尊謂之曰。此是補彌勒處。師子月佛。師子月佛。方作禮。覺後因閱大藏經。乃符所夢。天福中遊方。抵天台。雲居參國師。賓主緣契。頓發玄祕。一日入普賢殿中宴坐。倏有一神人跪膝於前。師問汝其誰乎。曰護戒神也。師曰吾患有宿愆。未殄汝知之乎。曰師有何罪。唯一小過耳。師曰何也。曰凡折鉢水。亦施主物。師每傾棄。非所宜也。言訖而隱。師自此洗鉢水盡飲之。積久因致脾疾。十載方愈。凡折退飲食及涕唾便利等。並宜鵬指默念呪。發施心而傾棄之。

智者全肯禪師 天台紹法嗣

婺州智者寺全肯禪師。初參國師。國師問汝名甚麼。師曰全肯。國師曰肯箇甚麼。師於言下有省。乃禮拜。

瑞鹿遇安禪師 天台紹法嗣

温州瑞鹿寺上方遇安禪師。福州人也。得法於天台。又常閱首楞嚴經。到知見立知。即無明本。知見無見。斯即涅槃。師乃破句讀曰。知見立。知即無明本。知見無見。斯即涅槃。於此有省。有人語師曰。破句了也。師曰。此是我悟處。畢生不易。時謂之安禪。

瑞鹿本先禪師 天台紹法嗣

温州瑞鹿寺本先禪師。本州鄭氏子。參天台國師。導以非風幡動。仁者心動之語。師即悟解。爾後示徒曰。吾初學天台法門。語下便薦。然千日之內。四儀之中。似物礙膺。如響同所。一日忽然猛省。譬如洗面摸著鼻孔。

興教洪壽禪師 天台紹法嗣

杭州興教洪壽禪師。同國師普請次。聞墮薪有省。作偈曰。撲落非他物。縱橫不是塵。山河及大地。全露法王身。

雲居道齊禪師 海涼欽法嗣

洪州雲居道齊禪師。本州金氏子。徧歷禪會。學心未息。後於上藍院主經藏。法燈一日。謂師曰。有人問我。西來意。答它曰。不東不西。藏主作麼生會。師對曰。不東不西。法燈曰。與麼會。又爭得。曰。道齊祇恁麼未審。

和尚尊意如何。法燈曰：他家自有兒孫在。師於是頓明歌旨。

千光瓊省禪師 永明潛法嗣

杭州千光王寺瓊省禪師。温州鄭氏子。幼歲出家。精究律部。聽天台文句。棲心於圓頓止觀。後閱楞嚴文理宏澤。未能洞曉。一夕誦經既久。就案假寐。夢中見日輪自空而降。開口吞之。自是倏然發悟。差別義門。渙然無滯。後參永明。永明唯印前解。無別指喻。

南嶽下十一世

瑞巖義海禪師 雲居齊法嗣

明州瑞巖義海禪師。雪川人也。造雲居法席。雲居問甚麼物。恁麼來。師於言下大悟。遂有頌曰：雲居甚麼物。問著頭恍惚。直下便承當。猶是生埋沒。

淨土惟正禪師 淨土素法嗣

杭州淨土院惟正禪師。秀州華亭黃氏子。提策東引。學三觀於天台。復旋徑山。咨單傳之旨於老宿惟素。惟素董臨安功臣山淨土院師。輔相之久而繼席焉。○葉內翰清臣牧金陵。迎師語道。一日。葉曰：明日府

有燕飲。師固奉律。能爲我少留一日。款清話否。師諾之。翌日遣使邀師。留一偈而返。曰：昨日曾將今日期。出門倚杖又思惟。爲僧祇合居巖谷。國土庭中甚不宜。坐客皆仰其標致。○師雅愛踏黃犢。出入軍持巾鉢。悉挂角上市人爭觀之。○杭守蔣侍郎嘗與師爲方外友。每往謁。至郡庭下。犢譚笑終日而去。蔣有詩曰：禪客尋常入舊都。黃牛角上挂餅盂。有時帶雪穿雲去。便好和雲畫作圖。○師嘗作山中偈曰：橋上山萬層。橋下水千里。唯有白鷺鷥。見我常來此。

教外別傳卷十三

教外別傳卷十四

六祖大鑒禪師法嗣

青原行思禪師

吉州青原山靜居寺行思禪師。本州安城劉氏子。幼歲出家。每羣居論道。師唯默然。聞曹谿法席。乃往參。

禮問曰當何所務。師曰不落階級。祖曰汝曾作甚麼來。師曰聖諦亦不爲。祖曰落何階級。師曰聖諦尚不爲。何階級之有。祖深器之。徑山果云莫將閑話爲閑話。往往事從閑話生。楚石琦云弄泥團漢。會下學徒雖衆。師居首焉。亦猶二祖不有什麼眼。言少林謂之得髓矣。一日祖謂師曰從上衣法。雙行師資。遞授衣以表信法。乃印心。吾今得人。何患不信。吾受衣以來。遭此多難。況乎後代爭競。必多衣。卽留鎮山門。汝當分化一方。無令斷絕。師既得法。歸住青原。○六祖將示滅。有沙彌希遷。卽石頭和尚。問曰和尚百年後。希遷未審當依附何人。祖曰尋思去。及祖順世。遷每於靜處端坐。寂若忘生。第一座問曰。汝師已逝。空坐奚爲。遷曰。我稟遺誠。故尋思爾。座曰。汝有師兄。思和尚。今住吉州。汝因緣在彼。師言甚直。汝自迷耳。遷聞語。便禮辭祖。龜直詣靜居。參禮師曰。子何方來。遷曰。曹谿師曰。將得甚麼來。曰未到。曹谿亦不失師。曰若怎麼用去。曹谿作甚麼。曰若不到曹谿。爭知不失。遷又曰。曹谿大師還識和尚否。師曰。汝今識吾否。曰識。又爭能識得。師曰。衆角雖多。一麟足矣。遷又問。

和尚自離曹谿甚麼時。至此間。師曰。我却知汝早晚離曹谿。曰希遷不從曹谿來。師曰。我亦知汝去處。曰和尚。幸是大人莫造次。他日師復問遷。汝甚麼處來。曰曹谿。師乃舉拂子曰。曹谿還有這箇麼。曰非但曹谿。西天亦無師。曰子莫曾到西天否。曰若到卽有也。師曰。未得更道。曰和尚也須道取一半。莫全靠學人。師曰。不辭向汝道。恐已後無人承當。○師令遷持書與南嶽讓和尚。曰。汝達書了。速回。吾有箇鈍斧子。與汝住山。遷至彼。未呈書。便問不慕諸聖。不重己靈。時如何。南嶽曰。子問太高。生何不向下問。遷曰。寧可永劫受沉淪。不從諸聖求解脫。南嶽便休。玄沙備云。被南嶽批倒。直至如今起不得。雪竇顯云。石頭道。板過却又云。大小大慧不解。據令。天奇瑞云。前村後。揚東店。西街酒館。花樓星岩。月窟。遇歌時。水仙子。騰兒落一任。婆和遇儒時。傳以文約。以禮堂有差殊。大衆我怎麼拈提。且道與他合否。豈不見道。野老門前別有條章。遷便回。師問子返何速。書信達否。遷曰。書亦不達。信亦不達。去日蒙和尚許箇鈍斧子。祇今便請師垂一足。遷便禮拜。尋辭往南嶽。翠巖芝云。思和尚垂足。石頭禮拜。要且不得斧子。且嶽道。後來使箇什麼。黃龍南云。石頭雖然善。能馳達不辱宗風。其奈遷後太忙。不知落。○荷澤神會來參。師既是落節。回來因什麼得斧子。

師問甚處來曰曹谿師曰曹谿意旨如何會振身而立師曰猶帶瓦礫在曰和尚此間莫有真金與人麼師曰設有汝向甚麼處著玄沙備云果然雲居錫云祇如玄沙道果然是真金是瓦礫金粟悟云諸禪德神會恁麼也不無見處因甚思和尚道猶帶瓦礫在當時合下什麼語免爲點罰何不待伊道曹谿意旨如何但向道合取狗口伊若凝議審面一睡便行豈不俊哉乃振身而立可謂隨邪逐惡更云和尚此間莫有真金與人益見不啻啗然則即今莫有振身而立者麼盧慧要與伊三十棒且道貴伊罰○僧問如何是佛法大意師曰廬陵米作麼價

青原下一世

石頭希遷禪師青原思法嗣

南嶽石頭希遷禪師端州高要陳氏子造曹谿得度未具戒屬祖圓寂稟遺命謁青原青原問曰有人道嶺南有消息師曰有人不道嶺南有消息曰若恁麼大藏小藏從何而來師曰盡從這裏去青原然之○師於唐天寶初荐之衡山南寺寺之東有石狀如臺乃結庵其上時號石頭和尚○師因看肇論至會萬物爲已者其唯聖人乎師乃拈几曰聖人無已靡所不已法身無象誰云自他圓鑑靈照於其間萬象體立而自現境智非一執云去來至哉斯語也遂掩卷

談經語

不覺寢夢自身與六祖同乘一龜游泳深池之內覺而詳之靈龜者智也池者性海也吾與祖師同乘靈智遊性海矣遂著參同契曰竺土大仙心東西密相付人根有利鈍道無南北祖靈源明皎潔枝派暗流注執事元是迷契理亦非悟門門一切境回互不回互回而更相涉不爾依位住色本殊質象聲元異樂苦暗合上中言明明清濁句四大性自復如子得其母火熱風動搖水濕地堅固眼色耳音聲鼻香舌識醋然依一一法依根葉分布本末須歸宗尊卑用其語當明中有暗勿以暗相遇當暗中有明勿以明相觀明暗各相對比如前後步萬物自有功當言用及處事存函蓋合理應箭鋒拄承言須會宗勿自立規矩觸目不會道運足焉知路進步非近遠迷隔山河固謹白參玄人光陰莫虛度○門人道悟問曹谿意旨誰人得師曰會佛法人得曰師還得否師曰不得曰爲甚麼不得師曰我不會佛法○僧問如何是解脫師曰誰縛汝問如何是淨土師曰誰垢汝問如何是涅槃師曰誰將生死與汝○師問新到從甚麼處

來曰江西來師曰見馬大師否曰見師乃指一撇柴

曰馬師何似這箇僧無對却回舉似馬祖祖云汝見

汝甚有力僧云何也祖云汝從撇柴大小云汝量

南嶽負一撇柴來豈不是有力○大顓問古人云道

有道無俱是謗請師除師曰一物亦無除箇甚麼師

却問併却咽喉脣吻道將來大顓曰無這箇師曰若

怎麼汝即得入門○道悟問如何是佛法大意師曰

不得不知悟曰向上更有轉處也無師曰長空不礙

白雲飛○問如何是禪師曰碌顓○問如何是道師

曰木頭

青原下二世

藥山惟儼禪師石頭遷

澧州藥山惟儼禪師絳州韓氏子年十七依朝陽西

山慧照禪師出家納戒于衡嶽希操律師博通經論

嚴持戒律一日自歎曰大丈夫當離法自淨誰能屑

屑事細行於布巾邪首造石頭之室便問三乘十二

分教某甲粗知嘗聞南方直指人心見性成佛實未

明了伏望和尚慈悲指示石頭曰怎麼也不得不怎

麼也不得怎麼不怎麼總不得子作麼生師罔措石

頭曰子因緣不在此且往馬大師處去師稟命恭禮

馬祖仍伸前問祖曰我有時教伊揚眉瞬目有時不

教伊揚眉瞬目有時揚眉瞬目者是有時揚眉瞬目

者不是子作麼生師於言下契悟便禮拜祖曰你見

甚麼道理便禮拜師曰某甲在石頭處如蚊子上鐵

牛祖曰汝既如是善自護持侍奉三年法雲秀云石

鐵鎚大似分付不着藥山雖然過江西悟去爭奈平地

上喫交有什麼扶策處具眼者試辨看五祖演云老

僧在衆日聞兄弟商量道即心即佛也不得不即心即

佛也不得若怎麼說話敢稱禪客殊不知古人文武氣

備略略全山僧見處也要諸人共知只見波波湧湧不

見海龍宮大鴻智云說什麼在石頭時如蚊子上鐵

牛只今又阿曾吐露得出鴻山果云前箭猶自可後

箭射人深藥山直饒恁麼悟去也落第二月 徑山果

云好箇話端阿誰會舉得十分未敢相許楚石瑞

云藥山只知蚊子上鐵牛不知鐵牛叮蚊子露柱親道

一口燈籠無地藏身嚇得馬大師變作老妙喜且問

你話端從甚麼處說起相罵饒你掃帚相睡饒你灑水

一日祖問子近日見處作麼生師曰皮膚脫落盡唯

有一真實祖曰子之所得可謂協於心體布於四肢

既然如是將三條篋束取肚皮隨處住山去師曰某

甲又是何人敢言住山祖曰不然未有常行而不住

未有常住而不行欲益無所益欲爲無所爲宜作舟

航無久住此師乃辭祖返石頭一日在石上坐次石

頭問曰汝在這裏作麼曰一物不爲石頭曰恁麼卽
閑坐也曰若閑坐卽爲也石頭曰汝道不爲不爲箇
甚麼曰千聖亦不識石頭以偈讚曰從來共住不知
名任運相將祇麼行自古上賓猶不識造次凡流豈
可明鄧山泉云物是實價錢是足陌○石頭垂語曰言語動用沒交
涉師曰非言語動用亦沒交涉石頭曰我這裏針劑
不入師曰我這裏如石上栽華石頭然之○後居澧
州藥山海衆雲會師與道吾說若谿上世爲節察來
道吾曰和尚上世曾爲甚麼師曰我痿痿羸羸且恁
麼過時道吾曰恁何如此師曰我不曾展他書卷諸別云書卷不曾展○謂雲巖曰與我喚沙彌來雲巖曰喚他
來作甚麼師曰我有箇折脚鐺子要他提上挈下雲
巖曰恁麼則與和尚出一隻手去也師便休馮山結云藥山
若不得雲巖折脚鐺子幾成廢器大馮折脚鐺子也與
諸人共出一隻手何故且圖古風不墜昭覺勸云學
一明三是納僧尋常行履雲巖既告往知來藥山亦不
謬分付樂寧雖百曉千拙有箇沒底籃子更望諸人兩
手提掣何故有餘天童華云藥山道○道吾
頭雲巖知尾雖然頭尾相稱要且不識羞耻
雲巖侍立次師指按山上枯榮二樹問道吾曰枯者
是榮者是道吾曰榮者是師曰灼然一切處光明燦

爛去又問雲巖枯者是榮者是雲巖曰枯者是師曰
灼然一切處放教枯淡去高沙彌忽至師曰枯者是
榮者是高曰枯者從他枯榮者從他榮師顧道吾雲
巖曰是不是○師久不陞堂院主白曰大衆久思
和尚示誨師曰打鐘著衆纔集師便下座歸万文院
主隨後問曰和尚既許爲大衆說話爲甚麼一言不
措師曰經有經師論有論師爭怪得老僧雪竇云可憐藥山
老漢平地上喫糞盡大地人扶不起鄧師覺云藥山
下座不妨疑着及乎院主接着一隻眼翠嚴云
云藥山下座院主當初在不爲說法可謂誤他三軍
藥福懷云藥山還見院主應院主還見藥山應三十年
後遇着作家不得錯舉五祖演云雖然以已妨人爭
奈賊身已露諸人要識藥山應問時經卷倚樹立笑問
客從何處來開福寧云藥山當初護木佛眼難窺院
主狹路相逢等閑錯過雲巖宗云或言劫外攜手誰
肯同歸十字街頭金幾人踏著敢問大衆且道藥山
香說不香說若道香說是誘藥山若道不香說是孤負
藥山且道畢竟爲人在甚處處瓦久云須知雲外千峯
上別有靈松帶雨寒天童傑舉舉巖拈了云翠巖只
其一隻眼殊不知藥山歸方丈正是劈他三軍資福
先云藥山竟歸方丈却似箇好人只被他輕輕一捉便
見忘前○師問雲巖作甚麼雲巖曰擔屎師曰那箇
擔屎雲巖曰在師曰汝來去爲誰曰替他東西師曰何
不教並行曰和尚莫誘他師曰不合恁麼道曰如何
道師曰還會擔麼○問僧是處來曰湖南來師曰湖南

庭湖水滿也未曰未師曰許多時雨水為甚麼未滿

僧無語

道吾智云滿也 雲巖展云滿地 洞山云甚麼劫中曾增減來 雲門偈云祇在

這○問龐居士一乘中還著得這箇事麼居士曰某

甲祇管日求升合不知還著得麼師曰道居士不見

石頭得麼居士曰拈一放一未為好手師曰老僧住

持事繁居士珍重便出師曰拈一放一的是好手居

士曰好箇一乘問宗今日失却也師曰是是○師與

雲巖遊山腰間刀響雲巖問甚麼物作聲師抽刀驚

口作研勢

洞山俗學示衆云看他藥山橫身為這箇事今時人欲明向上事須體此意始得

○遵布衲浴佛師曰這箇從汝浴還浴得那箇麼遵

曰把將那箇來師乃休

長慶稜云邪法難扶 報慈遂云且道長慶怎麼道在賓

在法衆中喚作浴佛語亦云兼帶語且道盡善不盡善

○問學人有疑請師決

師曰待上堂時來與閣黎決疑至晚上堂衆集師曰

今日請決疑上座在甚麼處其僧出衆而立師下禪

牀把住曰大衆這僧有疑便與一推却歸方丈

報慈遂云

且道與伊決疑否若決疑甚麼處是決疑若不與決疑又待上堂時與汝決疑 翠巖芝云藥山與麼決疑

土上更加泥雖然如是這僧也不得孤負 藥山雲居元云大小藥山被這僧勘破

○師令供

養主抄化甘行者問甚麼處來曰藥山來甘曰來作麼

日教化甘曰將得藥來麼曰行者有甚麼病甘便捨

銀兩錠意山中有人此物却回無人即休化主便歸

納疏師問曰子歸何速化主曰問佛法相當得銀兩

錠師令舉其語化主舉已師曰速送還他子著賊了

也化主便送還甘曰由來有人遂添銀施之

同安顯云早知

行者怎麼問終不道藥山來 雪峯云云藥山老漢亦自小膽若是東山即便收下何故且教甘贊老漢疑三

十○問僧見說汝解算是否曰不敢師曰汝試算老

僧看僧無對

雲巖最舉問洞山汝作麼生洞山云請和尚生月

○師書佛字

問道吾是甚麼字道吾曰佛字師曰多口阿師○夜

參不點燈師垂語曰我有一句子待特牛生兒即向

你道有僧曰特牛生兒也祇是和尚不道師曰侍者

把燈來其僧抽身入衆

洞山俗云這僧會只是不肯禮拜 清涼欽云特牛生兒也

牛兒又代云發生 翠巖芝云我即不然特牛生兒也不向你道何故如此若向你道何處更有王老師 投

子青云且道甚麼處是這僧會底道理若道得可為這僧雪屈若道不得却被藥山噉 浮山遠云我有一句子

待無舌人問即道 昭覺勤云藥山垂釣意在銀絲這僧吞鉤三千激浪洞山眼正千里同風法燈重疊檣旗

再裝甲宵夾山即不然有一句子威音已前道與諸人丁或有問明頭合暗頭合只向他道龍得水時添意氣

虎添山色長威輝 黃龍震云會麼如人暗中書字字雖不成文彩已彰 文彩既彰點燈為甚不見不見這賊

是小人智過君子 天奇瑞云藥山當時滿口道出又言特牛生兒正是揚聲止響欲隱彌彌這僧全身獨露

却又歸衆而顯亦是靈龜曳尾拂迹成痕洞山就事傳聲未有師資之禮山僧不然當時只道低聲免得這些格○看經次僧問和尚尋常不許人看經爲甚麼却

自看師曰我祇圖遮眼曰某甲學和尚還得也無師

曰汝若看牛皮也須穿長慶稜云眼有何通 報慈

會藥山意 雪竇宗云真心不動教海澄明得用如如義天炳煥正恁麼時且道是經是眼若向這裏見得微更不用循行數墨逐妄迷其或未然牛皮穿透猶自可體體徧野幾人知 金粟悟云藥山豈只遮眼直得通身爨却這儘若看豈只牛皮須 ○問平田淺草壁穿直得撞破乾坤始得不被瞞却

鹿成群如何射得壘中主師曰看箭僧放身便倒師

曰侍者拖出這死漢僧便走師曰弄泥團漢有甚麼

限雪竇頤云三步雖活五步須死頤云壘中主君看取限下一箭走三步五步若活成羣趁虎正眼從來付獵人復高聲云看箭 雪居元云藥山千鈞之弩不爲腰鼠發機這僧帶箭出門一死更不再活 淨慈昌云這僧趁得獼猴入他關市藥山騎箇猛虎直

上山若作一處商量終是遭人檢點 ○院主報

打鐘也請和尚上堂師曰汝與我擎鉢孟去曰和尚

無手來多少時師曰汝祇是枉披袈裟曰某甲祇恁

麼和尚如何師曰我無這箇眷屬○園頭栽菜次師

曰栽卽不障汝栽莫教根生曰既不教根生大衆喫

甚麼師曰汝還有口麼園頭無對○師坐次僧問兀

兀地思量甚麼師曰思量箇不思量底曰不思量底

如何思量師曰非思量無準範頤云兀兀地思量無可得思量無可思量處真箇

好思量大庾嶺頭逢六 ○問學人擬歸鄉時如何師

曰汝父母偏身紅爛臥在荆棘林中汝歸何所曰恁

麼則不歸去也師曰汝却須歸去汝若歸鄉示汝箇

休糧方子曰便請師曰二時上堂不得較破一粒米

○朗州刺史李翱問師何姓師曰正是時李不委却

問院主某甲適來問和尚姓和尚曰正是時未審姓

甚麼院主曰恁麼則姓韓也師聞乃曰得恁麼不識

好惡若是夏時對他便是姓熱○李初謁師立化屢

請不赴乃別謁之師執經卷不顧侍者曰太守在此

李性褻急乃曰見面不如聞名拂袖便出師曰太守

何得貴耳賤目李回拱謝問曰如何是道師以手指

上下曰會麼李曰不會師曰雲在青天水在瓶李忻

愜作禮而述偈曰鍊得身形似鶴形千株松下兩函

經我來問道無餘說雲在青天水在瓶報慈灌云且

讀他語明他語須李又問如何是戒定慧師曰貧道

是行脚眼始得 這裏無此閑家具李莫測立旨師曰太守欲得保任

此事直須向高高山頂立深深海底行闔闔中物捨

不得便為參禪

張無盡頭云雪在青天水在瓶眼光隨指落深其溪花不謝風霜苦說甚

深深海

○師一夜登山經行忽雲開見月大囑一聲

應澄陽東九十里許居民盡謂東家明晨迭相推問

直至藥山徒衆曰昨夜和尚山頂大囑

丹霞天然禪師

石頭遷法嗣

鄧州丹霞天然禪師本習儒業將入長安應舉方宿於逆旅偶禪者問曰仁者何往曰選官去禪者曰選官何如選佛曰選佛當往何所禪者曰今江西馬大師出世是選佛之場仁者可往遂直造江西纔見祖師以手拓幞頭額祖顧視良久曰南嶽石頭是汝師也據抵石頭還以前意投之石頭曰著槽廠去師禮謝入行者房隨次執爨役凡三年忽一日石頭告衆曰來日刻佛殿前草至來日大衆諸童行各備鐵鑊剗草獨師以盆盛水沐頭於石頭前胡跪石頭見而笑之便與剃髮又爲說戒師乃掩耳而出再往江西謁馬祖未參禮便入僧堂內騎聖僧頭而坐時大衆驚愕遽報馬祖祖躬入堂視之曰我子天然師卽下地禮拜曰謝師賜法號因名天然祖問從甚處來師

曰石頭祖曰石頭路滑還墮倒汝麼師曰若墮倒即

不來也乃杖錫觀方○遇慧林寺遇天大寒取木佛

燒火向院主訶曰何得燒我木佛師以杖子撥灰曰

吾燒取舍利院主曰木佛何有舍利師曰既無舍利

更取兩尊燒院主自後眉鬚墮落

大率寬因僧問丹霞

主眉鬚墮落寬云賊不打貧兒家

投子青云不會作客勞煩主人

保舉勇云院主眉鬚墮落即且置且置

丹霞眉毛在也無若也見得與古佛同參若也不見切

思撥無因果

寶峯文云丹霞燒木佛院主眉鬚墮落

拈拄杖云不是木佛擲下拄杖云誰敢燒你疑即眉鬚

落不疑又且如何高聲云行者拈起拄杖

東禪雲古人做處令人合知如展一面皂纛旗殺一有罪而天

下威服如其無罪法亦難施直饒千聖出頭來安排一

字也不得

天童華云諸方商量道院主忽起疑心而致斯禍又云院主天寒不與丹霞火向致令燒却不佛

遂乃眉鬚墮落殊不知院主買鐵得金一場富貴

隱巖云諸人要知麼大小丹霞向深村裏失却一隻眼院主也是如蟲禦木偶爾成文光孝門下也無木佛得

燒只有一星無烟火直是難近傍燒之則燎却面門諸人須是退步看無地冷灰裏豆爆爆

○謁忠國師問侍者國師在否曰在卽在不見客師曰太深遠生曰佛眼亦覷不見師曰龍生龍子鳳生鳳兒國師睡起侍者以告國師乃打侍者二十棒遣出師聞曰不謬爲南陽國師○明日再往禮拜見國師便展坐具國師曰不用不用師退後國師曰如是如是師却進前

國師曰不是不是師遠國師一而便出國師曰去聖時遙人多懈怠三十年後覓此漢也難得

保羅展云丹霞食程

不覺行因 溪山詰云丹霞可謂懷藏至寶遇智者乃增輝國師禪門大醫者須是奇人如今還有為丹霞作主者麼出來與大溪相見有麼不是龍門客切忌遺點額 潮潭準云客路如天遠侯門似海深登彌天釋之門者須是奇人接待高賓應有孟嘗君之度量荷不如是便見主賓道異雲泥不合 大溪果云丹霞一進一退暗中贏得一着國師倒東播西未免傍觀者哂蔣山勸云賓主相見欲展不展退後進前適成語滯幸南陽老而不耄 東禪觀云明鏡當臺胡來胡現漢來漢現霜鍾在架大扣大鳴小扣小鳴一卷一舒一擒一縱可謂照用兩全行說俱到且如國師道去聖時遙人多懈怠三十年後討箇師僧也難得畢竟是妄是貶天奇瑞云三陽而骨髓親見三答而命脉全彰不犯風烟自然契合乾坤之內寬行大步海嶽之中悍尋獨貴

○訪龐居士見女子靈照洗菜次師曰居士在否

女子放下菜籃斂手而立師又問居士在否女子提

籃便行師遂回須臾居士歸女子乃舉前話居士曰

丹霞在麼女曰去也居士曰赤土塗牛妹

溪山詰云大小丹霞

被居士女子勤破山僧當時若作丹霞但與呵呵大笑待他問長老笑箇甚麼却向道不是冤家不聚頭 蔣山勸云丹霞從苗辨地靈照因語識人放下菜籃當處發生提起菜籃隨處滅盡居士云赤土塗牛婦屋裏販揚州且道畢竟如何

○又一曰訪龐居士至門首相

見師乃問居士在否居士曰饑不擇食師曰龐老在

否居士曰蒼天蒼天便入宅去師曰蒼天蒼天便回

○師因去馬祖處路逢一老人與一童子師問公住何處老人曰上是天下是地師曰忽遇天崩地陷又

作麼生老人曰蒼天蒼天童子噓一聲師曰非父不

生其子老人便與童子入山去

正覺顯云上天下地不妨聰明蒼天蒼天

臨語生解是父是子喪貶

○師問龐居士昨日相見分明臨一聲却較些子

何似今日居士曰如法舉昨日事來作箇宗眼師曰

祇如宗眼還著得龐公麼居士曰我在你眼裏師曰

某甲眼窄何處安身居士曰是眼何窄是身何安師

休去居士曰更道取一句便得此話圓師亦不對居

士曰就中這一句無人道得

蔣山勸云是眼何窄是身何安昨日今日事無兩般淮南兩浙秋熟春寒怎麼會得也大無端三十年後莫受人瞞

○師與龐居士行次見一泓水居士以手指曰便與麼也還辨不出師

曰灼然是辨不出居士乃厚水潑師二搨師曰莫與

麼莫與麼居士曰須與麼須與麼師却厚水潑居士

三搨師曰正與麼時堪作甚麼居士曰無外物師曰

得便宜者少居士曰誰是落便宜者○元和三年於

天津橋橫臥會留守鄭公出呵之不起更問其故師

徐曰無事僧留守異之○問僧甚麼處宿曰山下宿

師曰甚麼處喫飯曰山下喫飯師曰將飯與闍黎喫
底人還具眼也無僧無對長慶稜問保福將飯與人喫感思有分爲甚麼不具眼保福云施者受者二俱瞎漢長慶云盡其機來還成瞎不保福云道某甲得麼報慈遂微云且道長慶明丹微意爲復自用家財芭蕉微云各具一得一失又代僧云爭不足讓有餘又代丹霞云施受俱無利益汾陽昭代云若不上山爭織丹霞保寧勇代云今日被和尚勘破天童華云丹霞既已龍頭蛇尾長慶保福只得將錯就錯雖然二三老宿要且不知老僧落處具擇法眼者試請辨看

潭州大川禪師石頭遷法嗣

潭州大川禪師亦曰大湖江陵僧參師問幾時發足江陵

僧提起坐具師曰謝子遠來下去僧繞禪牀一巾便出師曰若不恁麼爭知眼目端的僧拈掌曰苦殺人泊合錯判諸方師曰甚得禪宗道理僧舉似丹霞丹霞云於大川法道即得我這裏不然云未審此間作麼生丹霞云猶較大川三步在僧禮拜丹霞云錯判諸方者多洞山份云不是丹霞難分玉石金粟悟云洞山老漢失却一隻眼須知這僧禮拜不是好心只是後來少一轉語前話不圓所以遭人箇點當時待丹霞云錯判諸方底甚多但拈掌笑云這老漢大似不打自招如此則是老丹霞也未免疑着

大顛寶通禪師石頭遷法嗣

潮州靈山大顛寶通禪師初參石頭石頭問那箇是汝心師曰見言語者是石頭便喝出經旬曰師却問

前者既不是除此外何者是心石頭曰除却揚眉瞬目將心來師曰無心可將來石頭曰元來有心何言無心無心盡同謗師於言下大悟徑山杲云且道大顛得箇甚麼異日侍立次石頭問汝是參禪僧是州縣白頭僧師曰是參禪僧石頭曰何者是禪師曰揚眉瞬目石頭曰除却揚眉瞬目外將你本來面目呈看師曰請和尚除却揚眉瞬目外鑒石頭曰我除竟師曰將呈了也石頭曰汝既將呈我心如何師曰不異和尚石頭曰不關汝事師曰本無物石頭曰汝亦無物師曰既無物即真物石頭曰真物不可得汝心見量意旨如此也大須護持○韓文公一日相訪問師春秋多少師提起數珠曰會麼公曰不會師曰晝夜一百八公不曉遂回次日再來至門前見首座舉前話問意旨如何首座扣齒三下及見師理前問師亦扣齒三下

公曰原來佛法無兩般師曰是何道理公曰適來問首座亦如是師乃召首座是汝如此對否首座曰是師便打趣出院保福展云首座知前不知後大顛令不單行徑山信云大顛和尚賊過後張弓活埋他俗人雖然如是祇救得一半頭云夜深賊被狗子咬墮洞能忙誰得好誰不好長安幾箇知天

慶○文公又一日白師曰弟子軍州事繁佛法省要處乞師一語師良久公問措時三平爲侍者乃敲禪牀三下師曰作麼三平曰先以定動後以智拔公乃曰和尚門風高峻弟子於侍者邊得箇入處五祖成代大願拈拄杖打侍者笑巖實云侍者雖善輔弼也是因邪打正文公得箇入處終爲臣子戒代顛打侍者總不如放過好乃良久云還知麼赤心片片知人少觀面堆堆味者多

長髭曠禪師石頭遷法嗣

潭州長髭曠禪師曹谿禮祖塔回參石頭石頭問甚麼處來曰嶺南來石頭曰大庾嶺頭一鋪功德成就也未師曰成就久矣祇欠點眼在石頭曰莫要點眼麼師曰便請石頭乃垂下一足師禮拜石頭曰汝見箇甚麼道理便禮拜師曰據某甲所見如紅爐上一點雪報慈遂云且道長髭具眼祇對不具眼祇對若具眼爲甚麼請道點眼若不具眼又道成就久矣且作麼生商量清涼欽代云和尚可謂眼昏雪裏顯云無眼功德有什麼點處雲居元云可憐勞而無功徑山果云衆中商量甚多或云無眼功德有甚麼處或云要點眼麼待他道便請好劈脊便打若恁麼未免動和尙楚石琦云長髭親從大庾嶺來平白被石頭熱謾一上見箇什麼便問一鋪功德成就也未虛空裏釘鐵又有長髭把不定便道成就久矣只欠點眼在不惺惺兩箇更是惺惺如紅爐一點雪果然諸人切忌

接響承虛 ○龐居士到師陞座衆集定居士出曰各脫空妄語

請自檢好却於禪牀右立時有僧問不觸主人翁請師答話師曰識龐公麼曰不識居士便攜住曰苦哉苦哉僧無對居士便拓開師少問却問適來這僧還喫棒否居士曰待伊甘始得師曰居士祇見錐頭利不見鑿頭方居士曰怎麼說話某甲卽得外人聞之要且不好師曰不好箇甚麼居士曰阿師祇見錐頭尖不見鑿頭利○李行婆來師乃問憶得在絳州時事麼婆曰非師不委師曰多虛少實在婆曰有甚諱處師曰念你是女人放你拄杖婆曰某甲終不見尊宿過師曰老僧過在甚麼處婆曰和尚無過婆豈有過師曰無過的人作麼生婆乃豎拳曰與麼總成顛倒師曰實無諱處

京兆尸利禪師石頭遷法嗣

京兆府尸利禪師問石頭如何是學人本分事石頭曰汝何從去覓曰不從師覓如何卽得石頭曰汝還曾失麼師乃契會厥旨

招提慧朗禪師石頭遷法嗣

潭州招提寺慧朗禪師始與曲江人也。初參馬祖。祖問汝來何求。曰求佛知見。祖曰佛無知見。知見乃魔耳。汝自何來。曰南嶽來。祖曰汝從南嶽來。未識曹谿。心要汝速歸。彼不宜他往。師請石頭便問。如何是佛。石頭曰汝無佛性。師曰蠢動含靈又作麼生。石頭曰蠢動含靈却有佛性。曰慧朗爲甚麼却無。石頭曰爲汝不肯承當。師於言下信入。住後凡學者至皆曰去汝無佛性。時謂大朗

奧國振朗禪師石頭遷法嗣

長沙奧國寺振朗禪師初參石頭便問如何是祖師西來意。石頭曰問取露柱。曰振朗不會。石頭曰我更不會。師俄省悟。

法門佛陀禪師石頭遷法嗣

鳳翔府法門寺佛陀禪師尋常持一串數珠念三種名號曰一釋迦二元和三佛陀。自餘是甚麼。碗墜丘乃過一珠終而復始。事跡異常。時人莫測。

大同濟禪師石頭遷法嗣

潭州大同濟禪師米胡領衆來。纔欲相見。師便拽轉

禪牀面壁而坐。米胡於背後立少時。却回客位。師曰是即是。若不驗。破已後。遭人貶剝。令侍者請米胡來。却拽轉禪牀。便坐。師乃遷禪牀一匝。便歸。方丈米胡却拽倒禪牀。領衆便出。○師訪龐居士。居士曰憶在母胎時。有一則語。學似阿師。切不得作道理。主持師曰猶是隔生也。居士曰向道不得。作道理。師曰驚人之句。爭得。不怕居士曰如師見解。可謂驚人。師曰不作道理。却成作道理。居士曰不但隔一生。兩生。師曰粥飯底僧。一任檢責。居士鳴指三下。○師一日見龐居士來。便掩却門。曰多知老翁。莫與相見。居士曰獨坐獨語。過在阿誰。師便開門。纔出。被居士把住。曰師多知我。多知師曰多知。且置。開門。問門卷之與舒。相較幾許。居士曰祇此一問。氣急殺人。師默然。居士曰弄巧成拙。

青原下三世

道吾宗智禪師栗山僊法嗣

潭州道吾山宗智禪師。豫章海昏張氏子。預藥山法會。密契心印。一日藥山問子去何處來。師曰遶山來。

藥山曰不離此室。速道將來。師曰山上烏兒頭似雪。澗底遊魚忙不徹。○師離藥山見南泉。南泉問闍黎。名甚麼。師曰宗智。南泉曰智不到處作麼生。宗師曰切忌道著。南泉曰灼然道著。卽頭角生。三日後師與雲巖在後架把針。南泉見乃問智頭陀。前日道智不到處切忌道著。道著卽頭角生。合作麼生行履。師便抽身入僧堂。南泉便歸方丈。師又來把針。雲巖曰師弟適來爲甚。不祇對和尚。師曰你不妨靈利。雲巖不薦。却問南泉。適來智頭陀爲甚。不祇對和尚。某甲不會。乞師垂示。南泉曰他却是異類中行。雲巖曰如何。是異類中行。南泉曰不見道。智不到處切忌道著。道著卽頭角生。直須向異類中行。雲巖亦不會。師知雲巖不薦。乃曰此人因緣不在此。却同回藥山。藥山問汝回何速。雲巖曰祇爲因緣不契。藥山曰有何因緣。雲巖舉前話。藥山曰子作麼生。會他這箇時節。便回。雲巖無對。藥山乃大笑。雲巖便問如何。是異類中行。藥山曰吾今日困倦。且待別時來。雲巖曰某甲特爲此事歸來。藥山曰且去。雲巖便出。師在方丈外聞雲

巖不薦。不覺較得指頭血出。師却下來問雲巖。師兄去問和尚。那因緣作麼生。雲巖曰和尚不與某甲說。師便低頭。僧問雲居切忌道著。意作麼生。雲居云此語最毒。云如何是最毒底。語雲居云一棒打殺。龍蛇。○雲巖臨遷化。遣書辭師。師覽書了。謂洞山密師伯曰。雲巖不知有我。悔當時不向伊道。雖然如是。要且。不違藥山之子。報慈遂云古人怎麼道。還知有也未。又云雲巖當時不會且道。甚麼處是伊不會處。翠巖云云道吾道雲巖不知有悔當時不向伊說。只如與麼道道吾還知有也。無。○藥山上堂曰。我有一句子。未曾說向人。師出曰。相隨來也。僧問藥山。一句子如何。說藥山曰。非言說。師曰。早言說了也。○師一日提笠出。雲巖指笠曰。用這箇作甚麼。師曰。有用處。雲巖曰。忽遇黑風猛雨來時如何。師曰。蓋覆著。雲巖曰。他還受蓋覆麼。師曰。然雖如是。且無滲漏。○潞山問雲巖。菩提以何爲座。雲巖曰。以無爲爲座。雲巖却問潞山。潞山曰。以諸法空爲座。又問師作麼生。師曰。坐也。聽伊坐臥也。聽伊臥有一人不坐不臥。速道速道。潞山休去。○潞山問師。甚麼處去來。師曰。看病來。潞山曰。有幾人病。師曰。有病底有不病底。潞山曰。不病底。莫是智頭陀麼。師曰。病與不

病總不干他事。速道。滬山曰。道得也。與他沒交涉。○雲巖問師。弟家風近日如何。師曰。教師兄指點。堪作甚麼。雲巖曰。無這箇來多少時也。師曰。牙根猶帶生澁在。○有施主施視藥山。提起示衆曰。法身還具四大也。無有人道得。與他一腰視。師曰。性地非空。空非性地。此是地大。三大亦然。藥山曰。與汝一腰視。○雲巖不安。師乃謂曰。離此殼漏子。向甚麼處相見。雲巖曰。不生不滅處。相見。師曰。何不道。非不生不滅處。亦不求相見。雲巖云。待者與我記取這一問。昭覺云。何處不逢渠。○雲巖補鞋。次師問作甚麼。雲巖曰。將敗壞補敗壞。師曰。何不道。即敗壞。非敗壞。○師聞僧念維摩經云。八千菩薩五百聲聞。皆欲隨從文殊師利。師問曰。甚麼處去。其僧無對。師便打。後僧問。示山殷禾。山云。給侍者方語。○師到五峰。五峰問。還識藥山老宿否。師曰。不識。五峰曰。爲甚麼不識。師曰。不識。○石霜問和尚。一片骨敲著。似銅鳴。向甚麼處去也。師喚侍者。侍者應諾。師曰。驢年去。

雲巖曇晟禪師藥山儼法嗣

潭州雲巖曇晟禪師鍾陵建昌王氏子參百丈海禪

師二十年因緣不契。後造藥山。藥山問甚麼來。曰。百丈來。藥山曰。百丈有何言。句示徒。師曰。尋常道。我有一句子。百味具足。藥山曰。鹹則鹹。味淡則淡。味不鹹不淡。是常味。作麼生。是百味具足底。句。師無對。藥山曰。爭奈目前生死。何。師曰。目前無生死。藥山曰。在百丈多少時。師曰。二十年。藥山曰。二十年在百丈。俗氣也不除。他日侍立。次藥山又問。百丈更說甚麼法。師曰。有時道三句。外省去六句。內會取。藥山曰。三千里外。且喜沒交涉。藥山又問。更說甚麼法。師曰。有時上堂。大眾立定。以拄杖一時趨散。復召大眾。衆回首。百丈曰。是甚麼。藥山曰。何不早恁麼道。今日因于得見。海兄師於言下頓省。便禮拜。徑山杲云。省去即不無。爭奈未出舊窠案。笑。巖實云。雲巖在百丈二十年。懵然無悟。入處剛被藥山隨手提起。云。何不早恁麼道。雲巖便悟。旨諸禪者。還知雲巖悟處。歷十年花。下路遊徧洞中春。○一日藥山問汝除在百丈。更到甚麼處來。師曰。曾到廣南來。曰。見說廣州城東門外。有一片石。被州主移去。是否。師曰。非。但州主闔國人移亦不動。○藥山又問。聞汝解弄師子。是否。師曰。是。曰。弄得幾出。師曰。弄得六出。曰。我亦弄得。師曰。和

尙弄得幾出曰我弄得一出師曰一卽六六卽一後到瀉山瀉山問承聞長老在藥山弄師子是否師曰是曰長弄有置時師曰要弄卽弄要置卽置曰置時師子在甚麼處師曰置也置也法昌遇云好一場師子只是有頭無尾我

當時若見瀉山道置時師子在甚麼處便與放出踞地金毛直教瀉山藏身無路泐澤準云藥山雲巖鈍置殺人兩父子弄一箇師子也弄不出若是準上座只消自弄拽得來拈頭作尾拈尾作頭轉兩箇金睛攫幾箇鐵爪吼一聲直教百里內猛獸潛蹤滿空裏飛禽亂墜準上座米弄師子請大衆高着眼先做一箇定場擲下拄杖云箇中消息子能有幾人知笑巖實云這夥老漢只解弄假師子不解弄真師子我若是雲巖待藥山問開汝會弄師子是否巖威與一喝非只截斷藥山脚頭直教影響之流聞之腦裂以致瀉山云正值睡時師子在什麼處劈面便掌的使他不思量○師煎茶次者便見弄真師子全威不欺之力也

道吾問煎與阿誰師曰有一人要曰何不教伊自煎師曰幸有某甲在○問石霜甚麼處來曰瀉山來師曰在彼中得多少時曰粗經冬夏師曰恁麼卽成山長也曰雖在彼中却不知師曰他家亦非知非識石霜無對道吾智聞云得恁麼無佛法身心○住後上堂示衆曰有箇人家兒子問著無有道不得底洞山出問曰他屋裏有多少典籍師曰一字也無曰爭得恁麼多知師曰日夜不曾眠洞山曰問一段事還得否師曰道得却

不道○道吾問大悲千手眼那箇是正眼師曰知人夜間背手摸枕头道吾曰我會也師曰作麼生會道吾曰遍身是手眼師曰道也太煞道祇道得八成道吾曰師兄作麼生師曰通身是手眼○掃地次道吾曰太區區生師曰須知有不區區者道吾曰恁麼則有第二月也師豎起掃帚曰是第幾月道吾便行沙備云正是第二月長慶稜問玄沙云被他倒轉掃帚欄面槌又作麼生玄沙休去羅山問云曉兩箇漢不識好惡雲巖箇漢縛手脚死來多少時也雲門偈云奴見婢慙慙保羅展云雲巖大似泥裏推車步步區區雪竇顯向有第二月也處別云泊合放過瀉山行云道吾平地生堆雲巖因行掉臂玄沙道正是第二月面皮厚多少且道雲巖豎起掃帚意作○師作草屨次洞山近前曰乞師眼睛得麼師曰汝底與阿誰去也曰良价無師曰設有汝向甚麼處著洞山無語師曰乞眼睛底是眼否洞山曰非眼師便喝出○尼僧禮拜師問汝爺在否曰在師曰年多少曰年八十師曰汝有箇爺不年八十還知否曰莫是怎麼來者師曰恁麼來者猶是兒孫洞山外代云直是不恁麼來者亦是兒孫瀉山果云恁麼也不得不恁麼也不得畢竟作麼生良久云從來無位次不用強安排○院主遊石室回師問汝去入到石室裏許爲祇恁麼便回院主

無對洞山代曰彼中已有人占了也師曰汝更去作甚麼洞山曰不可人情斷絕去也

船子德誠禪師藥山儼法嗣

秀州華亭船子德誠禪師節操高邁度量不羣自印心於藥山與道吾雲巖爲同道交泊離藥山乃謂二同志曰公等應各據一方建立藥山宗旨予率性疎野唯好山水樂情自遣無所能也他後知我所止之處若遇靈利座主指一人來或堪雕琢將授生平所得以報先師之恩遂分攜至秀州華亭泛一小舟隨緣度日以接四方往來之者時人莫知其高蹈因號船子和尙一日泊船岸邊閑坐有官人問如何是和尙日用事師豎橈子曰會麼官人曰不會師曰棹撥清波金鱗罕遇道吾後到京口遇夾山上堂僧問如何是法身夾山曰法身無相曰如何是法眼夾山曰法眼無瑕道吾不覺失笑夾山便下座請問道吾某甲適來祇對這僧話必有不是致令上座失笑望上座不吝慈悲道吾曰和尙一等是出世未有師在夾山曰某甲甚處不是望爲說破道吾曰某甲終不說

請和尙却往華亭船子處去夾山曰此人如何道吾曰此人上無片瓦下無卓錫和尙若去須易服而往夾山乃散衆束裝直造華亭船子纔見便問大德住甚麼寺夾山曰寺卽不住住卽不似師曰不似似箇甚麼夾山曰不是目前法師曰甚麼學得來夾山曰非耳目之所到師曰一句合頭語萬劫繫驢轡師又問垂絲千尺意在深潭離鉤三寸子何不道夾山擬開口被師一橈打落水中夾山纔上船師又曰道道夾山擬開口師又打夾山豁然大悟乃點頭三下師曰竿頭絲線從君弄不犯清波意自殊天奇瑞云句下精通只是事上明白更在此念下生萬劫豈不是繫驢轡所以華亭當堂直截免成懸懸不借眉毛果然脫落方見從前不是古云不因樵夾山遂開拋綸擲釣師意如何師曰絲懸深水浮定有無之意夾山曰語帶玄而無路舌頭談而不談師曰釣盡江波金鱗始遇夾山乃掩耳師曰如是如是遂囑曰汝向去直須藏身處沒蹤迹沒蹤迹處莫藏身吾三十年代在藥山祇明斯事汝今已得他後莫住城隍聚落但向深山裏鑊頭邊覓取一箇半箇接續無令斷絕夾山乃辭行頻頻回顧

師遂喚闍黎來山乃回首師豎起橈子曰汝將謂別

有乃覆船入水而逝長蘆丁云棹頭撥轉河漢星輝船子踏翻天地黯黑豎起拂子

云這箇是鐵頭湯乾白露淨底還知沒蹤跡處隱身不得底麼

檣樹慧省禪師藥山僊法嗣

宣州檣樹慧省禪師洞山參師問來作甚麼洞山曰

來親近和尚師曰若是親近用動這兩片皮作麼洞

山無對曹山寂云一子親得昭覺勳云棹樹臥起道吾蓋覆一喝當頭掀翻露布洞山智云

相逢不相避箇裏聊遊戲喝一喝翻天覆地

百巖明哲禪師藥山僊法嗣

鄂州百巖明哲禪師藥山看經次師曰和尚休緣人

好藥山置經曰日頭早晚也師曰正當午藥山曰猶

有文彩在師曰某甲無亦無藥山曰汝太煞聰明師

曰某甲祇恁麼和尚作麼生藥山曰跋跋擊擊百醜

千拙且恁麼過○洞山與密師伯到參師問二上座

甚處來洞山曰湖南師曰觀察使姓甚麼曰不得姓

師曰名甚麼曰不得名師曰還治事也無曰自有郎

幕在師曰還出入也無曰不出入師曰豈不出入洞

山拂袖便出師次早入堂召二上座曰昨日老僧對

闍黎一轉語不相契一夜不安今請闍黎別下一轉

語若恁老僧意便開粥相伴過夏洞山曰請和尚問

師曰豈不出入洞山曰太尊貴生師乃開粥同共過

夏昭覺勳云正偏回互只要圓融直截當機惟崇尊貴洞山觀機而作百巖理長則就雖然如是曹洞門下

即得若於臨濟宗中須別作箇眼目始得當時待伊道

不委名便向伊道他不委你你不委他故問合道得什

麼語還有人道得麼若有山僧也不開粥只分付箇龜

毛拂子若道不得且參三十年天臺係云明投暗台八面玲瓏不犯當頭轉身有路曹洞門下足可觀光若

是臨濟兒孫棒折也未放在當時若見他道不委姓勞

脊便與一掌這裏接得身轉非但開粥相延亦可明

憲下安排有麼有麼洞云漆桶參堂去

澧州高沙彌藥山僊法嗣

澧州高沙彌初參藥山藥山問甚處來師曰南嶽來

藥山曰何處去師曰江陵受戒去藥山曰受戒圖甚

麼師曰圖免生死藥山曰有一人不受戒亦無生死

可免汝還知否師曰恁麼則佛戒何用藥山曰這沙

彌猶挂唇齒在師禮拜而退道吾來侍立藥山曰適

來有箇跛脚沙彌却有些子氣息道吾曰未可全信

更須勸過始得至晚藥山上堂召曰早來沙彌在甚

麼處師出衆立藥山問我聞長安甚闊你還知否師

曰我國晏然法眼益別云見誰說藥山曰汝從看經得請益得

師曰不從看經得亦不從請益得藥山曰大有人不看經不請益爲甚麼不得師曰不道他不得祇是不肯承當藥山顧道吾雲巖曰不信道○一日辭藥山藥山問甚麼處去師曰某甲在衆有妨且往路邊草庵接待往來茶湯去藥山曰生死事大何不受戒去師曰知是般事便休更喚甚麼作戒藥山曰汝既如是不得離吾左右時復要與子相見○師住菴後一日歸來值雨藥山曰你來也師曰是藥山曰可煞濕師曰不打這箇鼓笛雲巖曰皮也無打甚麼鼓道吾曰鼓也無打甚麼皮藥山曰今日大好一場曲調天奇瑞云藥山爲子情深恐有隨緣不備雖乃密密提持不防壓良爲賤三子人中之傑匪肯濕濕猶猶不犯鋒銳善能宛轉所以撥轉船頭飽載風月○藥山齋時自打鼓師捧鉢作舞入堂藥山便擲下鼓槌曰是第幾和師曰是第二和藥山曰如何是第一和師就桶舀一杓飯便出

翠微無學禪師丹霞然法嗣

京兆府翠微無學禪師初問丹霞如何是諸佛師丹霞咄曰幸自可憐生須要執巾帶作麼師退身三步丹霞曰錯師進前丹霞曰錯錯師翹一足旋身一轉

而出丹霞曰得卽得孤他諸佛師由是領旨○住後投子問未審二祖初見達磨有何所得師曰汝今見吾復何所得投子頓悟玄旨○一日師在法堂內行投子進前接禮問曰西來密旨和尚如何示人師駐步少時投子曰乞師垂示師曰更要第二杓惡水那投子便禮謝師曰莫墜根投子曰時至根苗自生○師因供養羅漢僧問丹霞燒木佛和尚爲甚麼供養羅漢師曰燒也不燒著供養亦一任供養曰供養羅漢羅漢還來也無師曰汝每日還喫飯麼僧無語師曰少有靈利底

仙天禪師潭州川法嗣

仙天禪師披雲和尚來纔入方丈師便問未見東越老人時作麼生爲物披雲曰祇見雲生碧嶂焉知月落寒潭師曰祇與麼也難得曰莫是未見時麼師便喝披雲展兩手師曰錯怪人者有甚麼限披雲掩耳而出師曰死却這漢平生也○洛瓶和尚參師問甚處來洛瓶曰南溪師曰還將南溪消息來麼曰消即消已息卽未息師曰最苦是未息洛瓶曰且道未息

箇甚麼師曰一回見面千載忘名洛瓶拂袖便出師曰弄死蛇手有甚麼限

三平義忠禪師 大願通法嗣

漳州三平義忠禪師福州楊氏子初參石鞏石鞏常張弓架箭接機師詣法席石鞏曰看箭師乃撥開臂曰此是殺人箭活人箭又作麼生石鞏彈弓弦三下師乃禮拜石鞏曰三十年張弓架箭祇射得半箇聖人遂拗折弓箭後參大願學前話大願曰既是活人箭爲甚麼向弓弦上辨師無對大願曰三十年後要人舉此話也難得 雲門偈問長慶作麼生道免得他道半箇聖人長慶云若不還價爭辨真偽雲門云入水見長人雪竇云要先拗折不難爭奈三平中的了然則老宿要活三平且未免張弓架箭 首山念云人人盡道三平中的莫屈佗也無長久云機關不是韓光作莫把智慈當等閑 文提愛云射虎不真徒勞沒羽 高峯妙云石鞏張弓傍若無人三平承箭弄巧成拙然雖如是半箇聖人又作麼生落花片片隨流水 ○師問大願不用指東劃西便請直指大願曰幽州江口石人蹲師曰猶是指東劃西大願曰若是鳳凰兒不向那邊討師作禮大願曰若不得後句前話也難圓 昭覺勸云徹底老婆心不向那邊討父子要投機無端入 荒 ○師有偈曰卽此見聞非見聞無餘聲色可呈君

箇中若了全無事體用何妨分不分

石室善道禪師 長髯法嗣

潭州石室善道禪師作沙彌時長髯遣令受戒謂曰汝回日須到石頭和尚處禮拜師受戒後乃參石頭一日隨石頭遊山次石頭曰汝與我斫却面前樹子免礙我師曰不將刀來石頭乃抽刀倒與師曰何不過那頭來石頭曰你用那頭作甚麼師卽大悟便歸長髯長髯問汝到石頭否師曰到卽到祇是不通號長髯曰從誰受戒師曰不依他長髯曰在彼卽恁麼來我這裏作麼生師曰不違背長髯曰太忉忉生師曰舌頭未曾點著在長髯喏曰沙彌出去師便出長髯曰爭得不遇於人 ○師尋值沙汰乃作行者居于石室每見僧便豎起杖子曰三世諸佛盡由這箇對者少得冥契長沙聞乃曰我若見卽令放下拄杖別通箇消息三聖將此語祇對被師認破是長沙語否山聞三聖失機乃親到石室師見杏山僧衆相隨潛入碓坊碓米杏山曰行者接待不易貧道難消師曰開心碗子盛將來無蓋盤子合取去說甚麼難消杏

山便休○仰山問佛之與道相去幾何師曰道如展手佛似握拳曰畢竟如何的當可信可依師以手撥空三下曰無怎麼事無怎麼事曰還假看教否師曰三乘十二分教是分外事若與他作對即是心境兩法能所雙行便有種種見解亦是狂慧未足爲道若不與他作對一事也無所以祖師道本來無一物汝不見小兒出胎時可道我解看教不解看教當怎麼時亦不知有佛性義無佛性義及至長大便學種種知解出來便道我能我解不知總是客塵煩惱十六行中嬰兒行爲最哆哆和和時喻學道之人離分別取捨心故讚歎嬰兒可況喻取之若謂嬰兒是道今時人錯會○師一夕與仰山翫月仰山問這箇月尖時圓相甚麼處去圓時尖相又甚麼處去師曰尖時圓相隱圓時尖相在雲巖云尖時圓相在圓時無尖相道言智云尖時亦不尖不圓圓時亦不圓

青原下四世

石霜慶諸禪師道言智法嗣

潭州石霜山慶諸禪師廬陵新淦陳氏子抵潯山爲

米頭一日篩米次潯山曰施主物莫拋撒師曰不拋撒潯山於地上拾得一粒曰汝道不拋撒這箇是甚麼師無對潯山又曰莫輕這一粒百千粒盡從這一粒生師曰百千粒從這一粒生未審這一粒從甚麼處生潯山呵呵大笑歸方丈潯山至晚上堂曰大眾米裡有蟲諸人好看後參道吾問如何是觸目菩提道吾喚沙彌沙彌應諾道吾曰添淨瓶水著良久却問師汝適來問甚麼師擬舉道吾便起去師於此有省道吾將順世垂語曰我心中有有一物久而爲患誰能爲我除之師曰心物俱非除之益患道吾曰賢哉賢哉○因偈自洞山來師問和尚有何言句示徒曰解夏上堂云秋初夏末兄弟或東去西去直須向萬里無寸草處去良久曰祇如萬里無寸草處作麼生去師曰有人下語否曰無師曰何不道出門便是草偈回舉似洞山洞山曰此是一千五百人善知識語因茲囊錫始露果熟香飄大陽云如今直道不出門亦草漫漫地且道合向甚麼處行履良久云莫守裏巖巖異草青坐著白雲索不妙白雲端云若見得庵主便見得洞山若見得洞山便見得庵主見洞山即見庵主即離爲他不爲住持之絆不見道雲在巖頭閣不礙水流澗底太忙生

山果云斬釘截鐵豁開向上玄關語誠且指當人要路且道你作麼生會出門便是草石霜恁麼道上封恁麼舉你諸人不得動着動着三十棒徑山杲云師子一滴乳迸散十斛驢乳頌云萬里無寸草但請恁麼去出門便是草各自有公據有公據何拘束清風月下守株人涼兔漸遙春草綠楚石琦云賊是小人智過君○師在方丈內僧在廳外問咫尺之間爲甚麼不觀師顏師曰徧界不曾藏僧舉問雪峰徧界不曾藏意旨如何雪峰曰甚麼處不是石霜師聞曰這老漢著甚麼死急雪峰聞曰老僧罪過東禪齊云極如雪會石霜意若會他爲甚麼道死急若不雪峰作麼不會然法且無異奈以師承不同解之差別他云徧界不曾藏也須會學來始得會亂說即不可立沙備云山頭老漢踉蹌過也河山俗云笑殺土地五祖戒云着甚來由鄧綬覺云雪峯雖有利人之心且無出人之眼石霜雖有出人之眼且未知向上一竅法雲秀云要見石霜麼富嫌千口少資恨一身多太陽立云今時人要明此事大須仔細只如石霜恁麼道落在甚處若不仔細非但累及石霜和他雪峯累及淨因成云諸人要識石霜雪峯麼天共白雲曉水和明月流天童覺云雪峯石霜相去多少直是千里萬里若有人問長蘆徧界不曾藏意旨如何向道什麼處是石霜

○裴相公來師拈起裴笏問在天子手中爲甚在官人手中爲甚在老僧手中且道喚作甚麼裴無對師乃留下笏雪竇顯云弄巧成拙保寧勇云只恐和尚使不着○示衆初機未觀大事先須識取頭其尾自至○疎山仁參問如何是頭師曰直須知有曰如何是尾師曰盡却今時曰

有頭無尾時如何師曰吐得黃金堪作甚麼曰有尾無頭時如何師曰猶有依倚在曰直得頭尾相稱時如何師曰渠不作箇解會亦未許渠在○問如何是祖師西來意師乃敲齒示之僧不會後問九峯曰先師敲齒意旨如何九峯曰我寧可截舌不犯國諱又問雲蓋雲蓋曰我與先師有甚麼冤讐○洞山問向前一箇童子甚了事如今向甚處去也師曰火焰上泊不得却歸清涼世界去也○僧辭師問船去陸去曰遇船卽船遇陸卽陸師曰我道半途稍難僧無對雲門偈代云三十年後此話大○師居石霜山二十年間學衆有長坐不臥屹若株杌天下謂之枯木衆

漸源仲興禪師道吾智法嗣

潭州漸源仲興禪師在道吾爲侍者因過茶與道吾道吾提起盞曰是邪是正師叉手近前目視道吾道吾曰邪則總邪正則總正師曰某甲不恁麼道道吾曰汝則麼生師奪盞子提起曰是邪是正道吾曰汝不虛爲吾侍者師便禮拜○一日侍道吾往檀越家弔慰師撫棺曰生邪死邪道吾曰生也不道死也不

口疑

道師曰爲甚麼不道道吾曰不道不道歸至中路師曰和尚今日須與某甲道若不道打和尚去也道吾曰打即任打道即不道師便打道吾歸院曰汝宜離此去恐知事得知不便師乃禮辭隱于村院經三年後忽聞童子念觀音經至應以此丘身得度者即現此丘身忽然大省遂焚香遙禮曰信知先師遺言終不虛發自是我不會却怨先師先師既沒唯石霜是嫡嗣必爲證明乃造石霜石霜見便問離道吾後到甚處來師曰祇在村院寄足石霜曰前來打先師因緣會也未師起身進前曰却請和尚道一轉語石霜曰不見道生也不道死也不道師乃述在村院得底因緣遂禮拜石霜設齋懺悔大溪秀云大凡言論須有轉身之謀道吾既無便喫他痛棒且道漸源具什麼眼雲居元云石霜口上加尖喚醒千箇漸源也無用處當初待伊學了以棒打出非唯作天下宗師亦乃爲道吾雪屈固知當斷不斷返招其亂五祖演云白雲今日憤氣不平須要斷這公案道吾第一不解爲身作主第二不能隨機入俗當時待伊問生死耶但向伊道等歸院裏向伊道若着得此語恰似漢一踏踏着小道吾和尚也免一頓拳頭有眼者辨取昭覺勸云道吾橫身爲物指出生死根源漸源親到寶山當面踉蹌過若不是金剛正性夙植根深爭得向平坦草蔴地回光見得道吾着力相爲處且作麼生是道吾相爲處試請道看徑山杲云生也不道死也不道公案兩重一狀領到露刃吹毛截

斷綱要脫却鵝吳衫拈却炙脂帽大坐當軒氣浩浩喝一喝楚石琦云生耶死耶動念即乖不道不道何處尋討披脫鼻孔打破個腰纏十萬貫騎鶴上揚州有意氣時添意氣不風流處也風流他日持鉢復到石霜於法堂上從東過西從西過東石霜曰作麼師曰覓先師靈骨石霜曰浩浩渺渺白浪滔天覓甚先師靈骨師曰正好著力石霜曰這裏針劄不入著甚麼力師持鉢肩上使出太原平云先師靈骨猶在明招謙云莫道作什麼別下得什麼語代云鷓鴣語鷓鴣又代漸源便擲却鉢子云淺水無魚源一日在紙帳內坐有僧來撥開帳曰不審師以目視之良久曰會麼曰不會師曰七佛已前事爲甚麼不會僧舉似石霜石霜曰如人解射箭不虎發東林總云漸源云七佛已前事且從石霜喚什麼作詞良久云漸源頭白石霜頭黑七佛已前會漏泄既漏泄不得南海波斯生白澤大渴智云要知歷空劫迥無向背展開春色共依依這僧正是執持千里鈔林下道人悲更久云赤脚人趁兔着靴人喫肉鼓山永云○一漸源夢中說夢石霜接響承虛要且二俱不了○一日寶蓋和尚來訪師便捲起簾子在方丈內坐寶蓋一見乃下却簾便歸客位師令侍者傳語長老遠來不易猶隔津在寶蓋擒住侍者與一掌侍者曰不用打某甲有堂頭和尚在寶蓋曰爲有堂頭老漢所以打你侍者回舉似師師曰猶隔津在蔣山勸云老漢一舒一卷寶主

歷然隔津通津彼此相照待者親蒙賜掌
恩大難酬實蓋到處垂慈費盡腕頭氣力

杏山鑒洪禪師雲巖展法嗣

涿州杏山鑒洪禪師臨濟問如何是露地白牛師曰
咩咩臨濟曰瘧却杏山口師曰老兄作麼生臨濟曰
這畜生師便休

神山僧密禪師雲巖展法嗣

潭州神山僧密禪師師在南泉打羅次南泉問作甚
麼師曰打羅曰手打脚踏師曰却請和尚道南泉曰
分明記取向後遇明眼作家但怎麼舉似雲巖展代云無手脚

者始○師與洞山渡水洞山曰莫錯下脚師曰錯即
過不得也洞山曰不錯底事作麼生師曰共長老過
水○一日與洞山鋤茶園洞山擲下攪頭曰我今日
一點氣力也無師曰若無氣力爭解怎麼道洞山曰
汝將謂有氣力底是○裴大夫問僧供養佛佛還喫
否僧曰如大夫祭家神大夫學似雲巖雲巖曰這僧
未出家在曰和尚又如何雲巖曰有幾般飯食但一
時下來雲巖却問師一時下來又作麼生師曰合取
鉢盂雲巖肯之○師與洞山行次忽見白兔走過師

曰俊哉洞山曰作麼生師曰大似白衣拜相洞山曰
老老大大作這箇說話師曰你作麼生洞山曰積代
簪纓暫時落魄○師把針次洞山問曰作甚麼師曰
把針洞山曰把針事作麼生師曰針針相似洞山曰
二十年同行作這箇語話豈有與麼工夫師曰長老
又作麼生洞山曰如大地火發底道理○師問洞山
智識所通莫不遊踐徑截處乞師一言洞山曰師估
意何得取功師因斯頓覺下語非常○後與洞山過
獨木橋洞山先過了拈起木橋曰過來師喚价闍黎
洞山乃放下橋木

夾山善會禪師船子誠法嗣

澧州夾山善會禪師廣州廖氏子因道吾勸發往見
船子由是師資道契微朕不留語見船子章○西川座主
罷講徧參到襄州華嚴和尚處問曰祖意教意是同
是別華嚴曰如車二輪如鳥二翼座主曰將爲禪門
別有長處元來無遂歸蜀後聞師道播諸方令小師
持此語問師曰雕砂無鏤玉之談結草乖道人之意
座主聞畢遙禮曰元來禪門中別有長處○問撥塵

見佛時如何師曰直須揮劍若不揮劍漁父棲巢僧後問石霜撥塵見佛時如何石霜曰渠無國土甚處逢渠僧回舉似師師上堂舉了乃曰門庭施設不如老僧入理深談猶較石霜百步護國元云參須實參之本末皆為自欺今夜忽有人問三峯撥塵見佛時如何和聲便打還會麼真金自有真金價終不和沙賣與人○師在潯山作典座潯山問今日喫甚菜師曰二年同一春潯山曰好好修事著師曰龍宿鳳巢○上

堂百草頭薦取老僧開市裏識取天子雲門偈云蝦蟇蛇穿你眼睛且向葛藤裏會取雲峯悅云雲門與麼道大似和泥脫墜若無後語疑殺天下人山僧今日因行不妨掉臂乃豎起拄杖云還見雲門麼保寧勇云百草頭上分明顯露為甚不薦開市裏終日相逢為甚不識未開眼者且莫錯恠夾山雖然如是子保寧什麼事雲居舜云古人與麼實為慈悲大眾且作麼生是開市門頭天子會麼愁人莫向愁人說說向愁人愁殺人又舉了云我則不然婦搖機札兒弄口啞嘴

徑山果云夾山採生招箭雲門認賊為子雖然如是知恩者少負恩者多楚石琦云百草頭薦阿誰開市裏識什○虎頭上座參師問甚處來曰湖南來師曰曾到石霜麼曰要路經過爭得不到師曰聞石霜有毯子話是否曰和尚也須急著眼始得師曰作麼生是毯子曰跳不出師曰作麼生是毯杖曰沒手是師曰且去老僧未與闍黎相見雲安顯云親見這僧從石霜來夾山因什麼道不相

識智海逸云夾山怎麼道肯這僧不肯這僧若辨得出許你具擇法眼徑山策云入虎穴者不畏死登危竿者不怕險這僧要路經過夾山因茲落草檢點將來未免如猫弄鼠豈毒若作夾山待他道和尚也須急著眼即和聲打出便向道淨地上不要明日陞座師曰放歸還知麼傷龜怨龜殺活由我昨日新到在麼虎頭出應諸師曰目前無法意在目前不是目前法非耳目之所到虎頭曰今日雖問要且不是師曰片月難明非關天地虎頭曰莫象沸便作掀禪牀勢師曰且緩緩虧著上座甚麼處虎頭豎起拳曰目前還著得這箇麼師曰作家作家虎頭又作掀禪牀勢師曰大眾看這一員戰將若是門庭布列山僧不如他若據入理之談也較山僧一級地東嶽云夾山口吹無孔笛手提響拍板大家唱云去年梅今歲柳顏色馨依酒且道是何曲調還會麼曲終人不見江上○問如何是夾山境師曰猿抱子歸青嶂裏數峯青

鳥銜華落碧巖前法眼益云我二十年祇作境話會米會在何故犀因玩月敘生角象被雷驚華入牙黃龍心拈拂子云看看拂子變作夾山老子出不見麼有僧云謝和尚指示心云見你不顧而今却入露柱中去也黃龍新云這僧分明問境法眼因甚不作境會既不作境會作麼生會長憶江南三月裏鷓鴣啼處百花香黃龍震云直饒法眼盡力踰跳也出夾山終繞不得法眼既出不得且道是什麼人出得乃豎起拂子云須是這老漢始得高峯妙云大眾還會麼直饒向這裏會得見法眼則○師問僧甚麼處來曰洞山來師

曰洞山有何言句示徒曰尋常教學人三路學師曰何者三路曰立路鳥道展手師曰實有此語否曰實有師曰執持千里鈔林下道人悲

清平令遵禪師翠微學法嗣

鄂州清平山安樂院令遵禪師東平人也初參翠微便問如何是西來的意翠微曰待無人即向汝說師良久曰無人也請和尚說翠微下禪牀引師入竹園師又曰無人也請和尚說翠微指竹曰這竿得恁麼長那竿得恁麼短師雖領其微言猶未徹其立旨○出住大通上堂舉初見翠微機緣謂衆曰先師入泥入水爲我自是不識好惡○僧問如何是大乘師曰井索曰如何是小乘師曰錢貫曰如何是有漏師曰箆籬曰如何是無漏師曰木杓法雲秀云大乘小乘井索錢索有漏無漏箆籬木杓徑山杓云且道是醍醐句毒藥句○問如何是清平家風師曰一斗麪作三箇蒸餅○問如何是禪師曰獼猴上樹尾連顛

投子大同禪師翠微學法嗣

舒州投子山大同禪師本州懷寧劉氏子初習安般

觀次閱華嚴教發明性海復謁翠微頓悟宗旨語見翠微

章後旋故土隱投子山結茅而居○一日趙州和尚

至桐城師亦出山途中相遇乃逆而問曰莫是投子

山主麼師曰茶鹽錢布施我趙州先歸庵中坐師後

攜一餅油歸趙州曰久嚮投子及乎到來祇見箇賣

油翁師曰汝祇識賣油翁且不識投子趙州曰如何

是投子師提起油餅曰油油南堂靜云趙州作家爐本分錯鎚不免途中受用諸人還見二老落處歷十年辛苦無人問一旦成名天下知趙州問

大死底人却活時如何師曰不許夜行投明須到趙

州曰我早候白伊更候黑○師指庵前一片石謂雪

峰曰三世諸佛總在裏許雪峰曰須知有不在裏許

者師曰不快漆桶師與雪峰遊龍眠有兩路雪峰問

那箇是龍眠路師以杖指之雪峰曰東去西去師曰

不快漆桶問一槌便就時如何師曰不是性燥漢曰

不假一槌時如何師曰不快漆桶雪峰問此間還有人

參也無師將饅頭拋向雪峰面前雪峰曰恁麼則

當處掘去也師曰不快漆桶雪峰辭師送出門召曰

道者雪峰回首應諾師曰途中善爲雪竇顯云然則一期折挫雪峰

且投子是作家。鑑藉我當時若作雪峯待投子道不是性。慇懃只向伊道。鑑藉在我手裏。諸上座合與投子着。得箇甚麼語。若能道得。便乃性懃平生光揚宗眼。若也。諸預頂上一椎。莫言不道。 溪山語云。雪峯雖是本分。鑑藉爭奈投子是作家。鑑藉山僧今日亦爲諸人開箇。鑑藉衆中還有本分。鑑藉者麼。如無山僧爲你。諸人下一。鑑藉直是火星迸散。乃卓拄杖云。看看。諸人護取眉毛。好。東禪觀云。與麼。對喚作作家。鑑藉正是認狸爲虎。自取疑怖。若據性空見處。投子心肝五臟。被雪峯盡情搜出。 ○巨榮禪客參次師

曰。老僧未曾有一言半句。挂諸方唇齒。何用要見老僧。巨榮曰。到這裏不施三拜。要且不甘。師曰。出家兒得恁麼沒碑記。巨榮乃遶禪牀一匝而去。師曰。有眼無耳。朶六月火邊坐。 雪竇顯云。也不得放過。纔轉便擒住。是誰不甘。若跳得出。不妨。是一員衲僧。溪山語云。這僧雖是慣戰沙場。爭奈投子善能折挫。何故真金若不經爐冶。爭得光華徹底鮮。

○問如何是十身調御。師下禪牀立。又有問。凡聖相

去多少。師下禪牀立。 雪竇顯云。此公案諸人無不委知。若與麼學。天下衲僧盡爲念話。肚家雪竇還有長處也。無試爲大衆舉看。凡聖相去多少。投子下禪牀立。如何是十身調御。投子下禪牀立。

且道與前來學底是同是別。若道一般。許上座具一隻眼。若道別有奇特也。許上座具一隻眼。復更開一線道。凡聖相去多少。請上座下一轉語。如何是十身調御。請上座答一轉語。非但參見投子。亦乃知雪竇長處。或者總道下禪牀立。爲什麼却依樣畫貓兒。待我計較得成。你却向。○問一等是水爲甚麼。海鹹河淡。師曰。天上星

地下木。 法眼益別云。大似相違。○問僧甚麼處來。曰。東西山禮。

祖師來。師曰。祖師不在。東西山僧無語。 法眼益代云。和尚識祖師。

白雲山約禪師 翠微學法嗣

建州白雲約禪師。韶國師參師。問甚麼處來。韶曰。江北來。師曰。船來。陸來。曰。船來。師曰。還逢見魚鱉麼。曰。往往遇之。師曰。遇時作麼生。韶曰。咄。縮頭去。師大笑。

歙州茂源禪師 孝義空法嗣

歙州茂源禪師。因平田參師。欲起身。平田乃把住曰。開口卽失。閉口卽喪。去此二途。請師速道。師以手掩耳。平田放手曰。一步易。兩步難。師曰。有甚麼死急。平田曰。若非此箇師。不免諸方點檢。師不對。

青原下五世

大光居誨禪師 石霜諸法嗣

潭州大光山居誨禪師。京兆人也。初造石霜。長坐不臥。麻衣草履。亡身爲法。石霜遂令主性空塔院。一日。石霜知緣熟。試其所得。問曰。國家每年放舉人及第。朝門還得拜也。無師曰。有一人不求進。石霜曰。憑何。師曰。他且不爲名。石霜曰。除却今日。別更有時也。無師曰。他亦不道。今日是如是。酬問往復。無滯盤桓。二

十餘祀衆請出世

九峯道虔禪師石霜諸法嗣

瑞州九峯道虔禪師福州人也嘗爲石霜侍者泊石霜歸寂衆請首座繼住持師曰衆曰須明得先師意始可首座曰先師有甚麼意師曰先師道休去歇去冷湫湫地。去一念萬年去寒灰枯木去古廟香爐去一條白練去其餘則不問如何是一條白練去首座曰這箇祇是明一邊事師曰元來未曾先師意在首座曰你不肯我那但裝香來香煙斷處若去不得即不會先師意遂焚香香煙未斷首座已脫去師拈首座背曰坐脫立亡即不無先師意未夢見在開福大衆且道首座是會先師意不會先師意若道會爭奈虔侍者撫背云坐脫立亡即不無首座先師意未夢見在若道不會其奈首座良哉快便撒手便行且道利害在什麼處會麼路遠夜長休把火大家吹滅暗中行南華曷云透生死關高超出表乘殺活劍獨據寰中若非智眼洞明未免扶籬摸壁要會麼春蘭與秋菊各自一時榮薦福行云大凡本分法席肘臂欲其重非重不能權衡佛祖爪牙欲其利非利無以開托人天看他石霜遷化首座侍者各出一隻手扶持石霜宗旨直是光前絕後今古罕聞諸人要辨來端各請勘折弓箭路翻射塚來與老僧相見徑山杲云兩箇無孔鐵鎚就中一箇最重楚石琦云首座坐脫立亡侍者說黃道黑先師意在鈎頭須信曲中有直若在臨濟門下三十棒教誰喫纔說是非者便是是非人天奇瑞云當時

待九峯道盡答他一箇着甚死急使他左右侍候不敢不依却不向活處行機恰似箇趕山獐犬自己尚不能了如何與人爲師蓋因二六時中趣寂惟求速生速死不知情沉有作返認爲奇所以古云冤家月殿驚情雪巢被此換却眼睛墮在大功雖要轉身方見利塵受用免滯孤塵大衆如何即是錢湯爐炭馬面牛頭

涌泉景欣禪師石霜諸法嗣

台州涌泉景欣禪師泉州人也自石霜開示而止涌泉○彊德二禪客於路次見師騎牛不識師忽曰蹄角甚分明爭柰騎者不鑒師驟牛而去彊德憩於樹下煎茶師回却下牛問曰二禪客近離甚麼處彊曰那邊師曰那邊事作麼生彊提起茶盞師曰此猶是這邊事那邊事作麼生彊無對師曰莫道騎者不鑒好保寧勇代師指參人云歸到山中分明舉似

雲蓋志元禪師石霜諸法嗣

潭州雲蓋山志元圓淨禪師遊方時問雲居曰志元不奈何時如何雲居曰祇爲闍黎功力不到師不禮拜直造石霜亦如前問石霜曰非但闍黎老僧亦不奈何師曰和尚爲甚麼不奈何石霜曰老僧若奈何拈過汝不奈何師便禮拜僧問石霜萬戶俱閉即不問萬戶俱開時如何石霜曰堂中事作麼生僧無對

經半年方始下一轉語曰無人接得渠石霜曰道即太煞道祇道得八成曰和尚又且如何石霜曰無人識得渠師知乃禮拜乞爲舉石霜不肯師乃抱石霜上方丈曰和尚若不道打和尚去在石霜曰得在師

頻禮拜石霜曰無人識得渠師於言下頓省翠巖芝云先行

不到末後太過天童覺云穩密田地忌墮功勳貼肉衣裳會須脫去資中辨的量外之機須仔細始得同中之異灼然尙帶依稀異中之同直是難臻妙極還知石霜父子轉側處麼燭曉玉人初夢破夜寒青女未登機

○潭州道正表聞馬王乞師論義王請師上殿相見

茶罷師就王乞劍師握劍問道正曰你本教中道恍恍惚惚其中有物是何物杳杳冥冥其中有精是何精道得不斬道不得即斬道正茫然便禮拜懺悔師謂王曰還識此人否王曰識師曰是誰王曰道正師曰不是其道若正合對得臣僧此祇是箇無主孤魂因茲道士更不紛紜

覆船洪薦禪師石霜諸法嗣

福州覆船山洪薦禪師道吾問久嚮和尚會禪是否師曰蒼天蒼天道吾近前掩師口曰低聲低聲師與一掌道吾曰蒼天蒼天師把住曰得恁麼無禮道吾

却與一掌師曰老僧罪過道吾拂袖便行師呵呵大笑曰早知如是不見如是○僧參師便作起勢僧便出師曰闍黎且來人事僧回作抽坐具勢師却歸方丈僧曰蒼天蒼天師曰龍頭蛇尾僧近前叉手立師曰敗將投王不存性命

鳳翔石柱禪師石霜諸法嗣

鳳翔府石柱禪師遊方時到洞山時虔和尚垂語曰有四種人一人說過佛祖一步行不得一人行過佛祖一句說不得一人說得行得一人說不得行不得阿那箇是其人師出衆曰一人說過佛祖行不得者祇是無舌不許行一人行過佛祖一句說不得者祇是無足不許說一人說得行得者祇是函蓋相稱一人說不得行不得者如斷命求活此是石女兒披枷帶鎖洞山曰闍黎分上作麼生師曰該通分上卓卓寧彰洞山曰祇如海上明公秀又作麼生師曰幻人相逢拈掌呵呵

龍湖普聞禪師石霜諸法嗣

邵武軍龍湖普聞禪師唐僖宗太子也幼不茹葷長

無經世意。僖宗鍾愛之。然百計陶寫。終不能回中和。初僖宗幸蜀。師斷髮。逸遊人無知者。造石霜問曰。祖師別傳事。肯以相付乎。石霜曰。莫謗祖師。師曰。天下宗旨盛大。豈妄爲之邪。石霜曰。是實事。那師曰。師意如何。石霜曰。待案山點頭。卽向汝道。師於言下頓省。

張拙秀才
石霜諸法嗣

張拙秀才因禪月大師指參。石霜石霜問秀才何姓。曰。姓張名拙。石霜曰。覓巧尙不可得。拙自何來。公忽有省。乃呈偈曰。光明寂照徧河沙。凡聖含靈共我家。一念不生全體現。六根纔動被雲遮。遮斷除煩惱。重增病趣向。眞如亦是邪。隨順世緣無罣礙。涅槃生死等空花。

洛浦元安禪師
夾山會法嗣

澧州洛浦山元安禪師。鳳翔麟遊人也。問道臨濟後。爲侍者。臨濟嘗對衆美之曰。臨濟門下一隻箭。誰敢當鋒。師蒙印可。自謂已足。一日侍立。次有座主參臨濟。臨濟問有一人於三乘十二分教。明得有一人不於三乘十二分教。明得且道。此二人是同是別。座主

曰。明得卽同。明不得卽別。師曰。這裏是甚麼所在。說同說別。臨濟顧師曰。汝又作麼。生師便喝。臨濟送座主回問。師汝豈不是適來喝老僧者。師曰。是。臨濟便打。師後辭臨濟。臨濟問甚麼處去。師曰。南方去。臨濟以拄杖畫一畫曰。過得這箇便去。師乃喝。臨濟便打。師作禮而去。臨濟明日陞堂曰。臨濟門下有箇赤梢鯉魚。搖頭擺尾向南方去。不知向誰家盡裏淹殺。師遊歷罷。直往夾山卓庵。經年不訪。夾山夾山乃修書令僧馳往。師接得便坐。却再展手。索僧無對。師便打曰。歸去。舉似和尚。僧回舉似夾山曰。這僧若開書三日內必來。若不開書。斯人救不得也。師果三日後至。見夾山不禮拜。乃當面叉手而立。夾山曰。鸞棲鳳巢。非其同類。出去。師曰。自遠趨風。請師一接。夾山曰。目前無閹黎。此間無老僧。師便喝。夾山曰。住住。且莫草草忽忽。雲月是同。谿山各異。截斷天下人舌頭。卽不無閹黎。爭教無舌人解語。師佇思。夾山便打。因茲服膺。 與化獎云。但知作佛。愁什麼。衆生雪竇云。這漢可悲。可痛。鈍置他。臨濟他既雲。月是同。我亦溪山各異。說什麼。無舌人不解語。以坐具劈口便橫。夾山若是箇知方漢。必然明窓下安排。五祖戒出洛

浦語云更說道理看便出去。大陽玄代云也要和尚證明。昭覺勤云雪竇雖是賊過後張弓不妨與臨濟待伊道爭教無舌人解語便與掀倒禪林喝散大眾更待什麼明窓下安排剔起便行直饒機如掣電眼似流星辯瀉懸河也卒着手脚不得且道說說在甚麼處乃云○師問夾山佛魔不到處如何體會夾山曰燭明千里像闇室老僧迷又問朝陽已昇夜月不現時如何夾山曰龍銜海珠游魚不顧○夾山將示滅垂語曰石頭一枝看看即滅矣師曰不然夾山曰何也師曰他家有青山在夾山曰苟如是即吾宗不墜矣○問僧近離甚處曰荆南師曰有一人與麼去還逢麼曰不逢師曰爲甚不逢曰若逢即頭粉碎師曰闍黎三寸甚密雲門於江西見其僧乃問還有此語否曰是雲門曰洛浦倒退三千里○上堂孫臏收鋪去也有卜者出來僧曰請和尚卜師曰汝家爺死僧無對法眼益代拈掌三下徑山杲云這僧沒興死却爺又被他人拈掌信知禍不單行福無雙至然洛浦善下法眼善斷若仔細思量交象吉凶二老一時漏逗既占得火風鼎卦何故斷作地火明夷雲門却不然○拈拄杖云孫臏門下死却即羅連卓三下云會麼內屬良宮再求外象又卓三下云千靈萬聖萬聖千靈莫順人情復卓一下云吉凶上卦楚石琦云洛浦道汝家爺死拈却舌頭妙喜牙上生牙角上生角妄譚休咎強說是非一時抖○問一毫吞盡巨海於中更復何亂六十四卦了也

言師曰家有白澤之圖必無如是妖怪保福展別云家無白澤之圖亦無如○侍者謂師曰肇法師制得四論甚奇怪是妖怪師曰肇公甚奇怪要且不見祖師侍者無對清涼欽代云和尚甚麼處是雲居錫云甚麼處是肇公不見祖師處莫是有許多言語麼又云肇公有多少言語○十二月一日告衆曰吾非明即後也今有一事問汝等若道這箇是即頭上安頭若道不是即斬頭求活第一座對曰青山不舉足日下不挑燈師曰是甚麼時節作這箇語話時有彥從上座對曰離此二途請和尚不問師曰未在更道曰彥從道不盡師曰我不管汝盡不盡曰彥從無侍者祇對和尚師便休至夜令侍者喚從問曰闍黎今日祇對甚有道理汝合體得先師意先師道目前無法意在目前不是目前法非耳目之所到且道那句是賓那句是主若擇得出分付鉢袋子曰彥從不會師曰汝合會曰彥從實不會師喝出乃曰苦苦報慈遂云且道從上座實不二會是怕見鉢袋子拈著伊日午時別僧舉前話問師師曰慈舟不棹清波上劍峽徒勞放木鷁便告寂

黃山月輪禪師夾山會法圖

撫州黃山月輪禪師福唐許氏子。初謁三峯機緣。契尋聞夾山盛化。乃往叩之。夾山問名。甚麼師曰。月輪夾山作一圓相。曰。何似這箇。師曰。和尚恁麼語話。諸方大有人不肯在夾山。曰。闍黎作麼生。師曰。還見月輪麼。夾山曰。闍黎恁麼道。此間大有人不肯。諸方師乃服膺參訊。一日夾山抗聲問曰。子是甚麼處人。師曰。閩中人。夾山曰。還識老僧麼。師曰。和尚還識學人麼。夾山曰。不然。子且還老僧草鞋錢。然後老僧還子廬陵米價。師曰。恁麼則不識和尚也。未委廬陵米作麼價。夾山曰。眞師子兒。善能哮吼。乃入室受印。依附七年。

天奇瑞云。神之通也。虎穴魔宮。無不自在用之妙也。海角天涯。有何障礙。縱之星布高穹。奪之風搖殘雲。自古明鑰易。鑰至今暗箭難防。恁哉。饑口風食。人不覺。若人會得。入表橫行。

韶山寰普禪師夾山會法嗣

洛京韶山寰普禪師僧參師問。莫是多口白頭因麼。因曰。不敢。師曰。有多少口。曰。通身是師。曰。尋常向甚麼處。曰。向韶山口裏。師曰。有韶山口。卽得無韶山口。向甚麼處。因無語。師便打。雲門偈代云。這話棒又云。韶山今。隨阿師放你三十日瓦解冰消。○遵布衲訪師在山下相見。遵問韶

山路向甚麼處去。師以手指曰。鳴那青青黯黯處去。遵近前把住曰。久嚮韶山。莫便是否。師曰。是卽是。闍黎有甚麼事。遵曰。擬伸一問。師還答否。師曰。看君不是金牙。作爭解。彎弓射尉遲。遵曰。鳳凰直入煙霄去。誰怕林間野雀兒。師曰。當軒畫鼓從君擊。試展家風。似老僧遵曰。一句迴超千聖外。松蘿不與月輪齊。師曰。饒君直出威音外。猶較韶山半月程。遵曰。過在甚處。師曰。個儂之辭。時人知有遵曰。恁麼則眞玉泥中。異不撥萬機塵。師曰。魯般門下徒。施巧妙。遵曰。學人卽恁麼未審。師意如何。師曰。玉女夜拋梭。織錦於西舍。遵曰。莫便是和尚家風也。無師曰。耕夫製玉漏。不是行家作。遵曰。此猶是文言。如何是和尙家風。師曰。橫身當宇宙。誰是出頭人。遵無語。師遂同歸山。纔入事了。師召近前曰。闍黎有衝天之氣。老僧有入地之謀。闍黎橫吞巨海。老僧背負須彌。闍黎按劍上來。老僧捏鎗相待。向上一路。速道速道。遵曰。明鏡當臺。請師一鑒。師曰。不鑒。遵曰。爲甚不鑒。師曰。水淺無魚。徒勞下釣。遵無對。師便打。

黃龍新云。好打這般漢。打百千萬箇。有什麼過。當時若在

黃龍手裏棒折也未放過在何山詢云接天布網打
羅龍主則琢玉鑲冰賓則接花簇錦當機不讓親面
爭先結角羅紋互存互奪諸方咸謂好手中呈好手
還端的也無若約瑟日見處處布衲若能保初護末待
韶山指出路頭驟步便墮堂奧管取明窓下安排非唯
截斷葛藤亦免上他鈎線河也一着不到處滿盤空用
了云死心和尙一期大驚小怖殊不知韶山自遭違布
衲毒手之後至今無人檢得出且道語說在甚麼處

太原海湖禪師夾山會法嗣

太原海湖禪師因有人請灌頂三藏供養敷坐訖師
乃就彼位坐時有雲涉座主問日和尙甚麼年行道
師曰座主近前來涉近前師曰祇如橋陳如是甚麼
年行道涉茫然師喝曰這尿牀鬼

三角令珪禪師清平遷法嗣

蘄州三角山令珪禪師初參清平清平問來作麼師
曰來禮拜清平曰禮拜阿誰師曰特來禮拜和尙清
平咄曰這鈍根阿師師乃禮拜清平以手斫師頸一
下從此領旨

投子感溫禪師投子同法嗣

投子感溫禪師遊山見蟬蛻侍者問曰殼在這裏蟬
向甚麼處去也師拈殼就耳畔搖三五下作蟬聲侍

者於是開悟

觀音巖俊禪師投子同法嗣

東京觀音院巖俊禪師者邢臺廉氏子謁投子投子
問昨夜宿何處師曰不動道場投子曰既言不動曷
由至此師曰至此豈是動邪投子曰元來宿不著處
投子默許之尋住觀音衆常數百周高祖世宗二帝
潛隱時每登方丈必施禮及卽位特賜紫衣署淨戒
大師

青原下六世

禾山無殷禪師九峯虔法嗣

吉州禾山無殷禪師福州吳氏子七歲從雪峰出家
依年受具謁九峰九峰問汝遠遠而來暉暉言隨衆
是何境界而可修行由何徑路而能出離師曰重昏
廓闢盲者自盲九峰乃許入室○後住禾山江南李
氏召而問曰和尙何處來師曰禾山來曰山在甚麼
處師曰人來朝鳳闕山嶽不曾移國主重之

六通院紹禪師泐泉欣法嗣

台州六通院紹禪師一日泐泉問甚麼處去來師曰

燒畚來涌泉曰火後事作麼生師曰鐵蛇鑽不入

青峯傳楚禪師洛浦安法嗣

鳳翔府青峯傳楚禪師涇州人也一日洛浦問曰院主去甚麼處來師曰掃雪來洛浦曰雪深多少師曰樹上總是洛浦曰得即得汝向後住箇雪窟定矣○訪白水白水曰見說洛浦有生機一路是否師曰是白水曰止却生路向熟路上來師曰生路上死人無數熟路上不著活漢白水曰此是洛浦底你底作麼生師曰非但洛浦夾山亦不奈何白水曰夾山爲甚麼不奈何師曰不見道生機一路

永安善靜禪師洛浦安法嗣

京兆府永安院善靜禪師郡之王氏子唐天復中南謁洛浦洛浦器之容其入室乃典園務力營衆事一日有僧辭洛浦洛浦曰四面是山閣黎向甚麼處去僧無對洛浦曰限汝十天下語得中即從汝去其僧經行冥搜偶入園中師問曰上座既是辭去今何在此僧具陳所以堅請代語師曰竹密豈妨流水過山高那阻野雲飛其僧喜踊師囑之曰不得道是某甲

語僧遂白洛浦曰誰語曰某甲語洛浦曰非汝語僧具言園頭見教洛浦至晚上堂謂衆曰莫輕園頭他日座下有五百人在後住永安衆餘五百果符洛浦之記

洞谿戒定禪師洛浦安法嗣

嘉州洞谿戒定禪師初問洛浦月樹無枝長覆蔭請師直指妙玄微洛浦曰森羅秀處事不相依淥水干波孤峯自異師於是領旨

木平善道禪師蟠龍文法嗣

袁州木平山善道禪師初謁洛浦問一漚未發已前如何辨其水脉洛浦曰移舟諸水脉舉棹別波瀾師不契乃參蟠龍語同前問蟠龍曰移舟不別水舉棹即还源師從此悟入雲峯悅云木平若於洛浦言下會去猶較些子可憐許向蟠龍死水裏淹殺後有問如何是木平對云不勞斤斧果然只在這裏諸禪德大凡發言超方也須認別邪正識無真偽帶些子眼筋始得雖然如是也是賊過後張弓涇山泉云雲峯此語亦能瞎人眼亦能開人眼○凡有新到未許參禮先令運土三擔而示偈曰南山路側東山低新到莫辭三轉泥嗟汝在途經日久明明不曉却成迷○金陵李氏嚮其道譽迎請供養

待以師禮。嘗問如何是木平師。曰不勞斤斧。曰爲甚麼不勞斤斧。師曰木平。

鄧州桐泉禪師 黃山輪法嗣

鄧州桐或作達泉山禪師參黃山。黃山問天門一合十方無路。有人道得。擺手出漳江。師曰。蟄戶不開。龍無

龍句。黃山曰。是你怎麼道。師曰。是卽直言。是不是直言。不是。黃山曰。擺手出漳江。黃山復問。卞和到處。荆山秀玉。印從他。天子傳時如何。師曰。靈鷲不於林下。總野老不重太平。年黃山深肯之。

教外別傳卷十四

教外別傳卷十五 洞曹宗

青原下四世

洞山良价禪師 雲巖展法嗣

瑞州洞山良价。悟本禪師會稽俞氏子。幼歲從師。念般若心經。至無眼耳鼻舌身意處。忽以手捫面問師。

曰某甲有眼耳鼻舌等。何故經言無其師。駭然異之。曰吾非汝師。年二十一詣嵩山具戒。遊方首詣南泉。值馬祖諱辰。修齋。南泉問衆曰。來日設馬祖齋。未審馬祖還來否。衆皆無對。師出對曰。待有伴卽來。南泉曰。此子雖後生。甚堪雕琢。師曰。和尚莫壓良爲賤。次參潯山。問曰。頃聞南陽忠國師。有無情說法話。某甲未究其微。潯山曰。闍黎莫記得麼。師曰。記得。潯山曰。汝試舉一徧看。師遂舉。僧問如何。是古佛心。國師曰。牆壁瓦礫。是僧曰。牆壁瓦礫。豈不是無情。國師曰。是。僧曰。還說法否。國師曰。常說熾然說。無間歇。僧曰。某甲爲甚麼不聞。國師曰。汝自不聞。不可妨他聞者。也。僧曰。未審甚麼人得聞。國師曰。諸聖得聞。僧曰。和尚還聞否。國師曰。我不聞。僧曰。和尚既不聞。爭知無情說法。國師曰。賴我不聞。我若聞。卽齊於諸聖。汝卽不聞我說法也。僧曰。怎麼則衆生無分去也。國師曰。我爲衆生說。不爲諸聖說。僧曰。衆生聞後如何。國師曰。卽非衆生。僧曰。無情說法。據何典。教國師曰。灼然言不該典。非君子之所談。汝豈不見華嚴經云。刹

說衆生說三世一切說師學了。瀉山曰。我這裏亦有。祇是罕遇其人。師曰。某甲未明。乞師指示。瀉山豎起拂子曰。會麼。師曰。不會。請和尚說。瀉山曰。父母所生口。終不爲子說。師曰。還有與師同時慕道者否。瀉山曰。此去邊陵攸縣石室相連。有雲巖道人。若能撥草瞻風。必爲子之所重。師曰。未審此人如何。瀉山曰。他曾問老僧。學人欲奉師去。時如何。老僧對他道。直須絕滲漏。始得他道。還得不違師旨也。無老僧道第一。不得道老僧在這裏。師遂辭瀉山。徑造雲巖。舉前因緣了。便問無情說法。甚麼人得聞。雲巖曰。無情得聞。師曰。和尚聞否。雲巖曰。我若聞。汝即不聞。吾說法也。師曰。某甲爲甚麼不聞。雲巖豎起拂子曰。還聞麼。師曰。不聞。雲巖曰。我說法。汝尚不聞。豈況無情說法乎。師曰。無情說法。該何典教。雲巖曰。豈不見彌陀經云。水鳥樹林。悉皆念佛念法。師於此有省。乃述偈曰。也大奇也大奇。無情說法不思議。若將耳聽終難會。眼處聞時方得知。師問雲巖。某甲有餘習未盡。雲巖曰。汝曾作甚麼來。師曰。聖諦亦不爲。雲巖曰。還歡喜也。

未師曰。歡喜則不無。如糞掃堆頭拾得一顆明珠。師問雲巖。擬欲相見時。如何。曰。問取通事舍人。師曰。見問次。曰。向汝道甚麼。師辭雲巖。雲巖曰。甚麼處去。師曰。雖離和尚未卜所止。曰。莫湖南去。師曰。無曰。莫歸鄉去。師曰。無曰。早晚却回。師曰。待和尚有住處。即來。曰。自此一別。難得相見。師曰。難得不相見。臨行又問。百年後。忽有人問。還認得師。真否。如何。祇對雲巖良久。曰。祇這是師。沈吟雲巖曰。价闍黎承當箇事。大須審細。師猶涉疑。後因過水。睹影大悟。前旨有偈曰。切忌從他覓。迢迢與我疎。我今獨自往。處處得逢渠。渠今正是我。我今不是渠。應須怎麼會。方得契如如。○他日因供養雲巖。眞次僧問。先師道。祇這是。莫便是。否。師曰。是。曰。意旨如何。師曰。當時幾錯過。先師意曰。未審先師還知有也。無。師曰。若不知有。爭解怎麼道。若知有。爭肯怎麼道。長慶後云。既知有。爲甚麼恁麼道。又云。養子方知父慈。○師在泐潭。見初首座有語曰。也大奇也大奇。佛界道界。不思議。師遂問曰。佛界道界。即不問。祇如說佛界道界底。是甚麼人。初良久無對。師曰。何不速道。初曰。

爭即不得師曰道也未嘗道說甚麼爭即不得初無對師曰佛之與道俱是名言何不引教初曰教道甚麼師曰得意忘言初曰猶將教意向心頭作病在師曰說佛界道界底病大小初又無對次日忽遷化時稱師為圓殺首座价○師因雲巖諱曰營齋僧問和尚於雲巖處得何指示師曰雖在彼中不蒙指示曰既不蒙指示又用設齋作甚麼師曰爭敢違背他日和和尚初見南泉為甚麼却與雲巖設齋師曰我不重先師道德佛法祇重他不為我說破曰和尚為先師設齋還肯先師也無師曰半肯半不肯曰為甚麼不全肯師曰若全肯即孤負先師也○問欲見和尚本來師如何得見師曰年牙相似即無阻矣僧擬進語師曰不躍前蹤別請一問僧無對雲居膺代云恁麼師也 僧問長慶後如何是年牙相似者長慶云古人恁麼道闍黎又向這裏覓箇甚麼○問寒暑到來如何回避師曰何不向無寒暑處去曰如何是無寒暑處師曰寒時寒殺闍黎熱時熱殺闍黎子投同云幾乎與麼去 瑯琊覺云我即不然如何是無寒暑處僧堂裏去 雲居舜云大小瑯琊作這箇去就山僧即不然如何是無寒暑處三冬向暖火九夏取涼風寶峯文云大眾若也會得不妨神通遊戲一切臨時

寒暑不相干若也不會且向寒暑裏經冬過夏上封才云洞山一句可謂主賓交參正偏涉入諸人如今向甚處回避無事上山行一轉借問諸人會也無○
○ 師與泰首座冬節喫果子次乃問有一物上拄天下拄地黑似漆常在動用中動用中收不得且道過在甚麼處泰曰過在動用中同安顯別 師喚侍者撥退果卓五祖戒別首座云朝來更歇楚王看 瑯琊覺云若不是洞山老人焉能辨得雖然如是洞山猶欠一着在 洞山詰云諸人還知洞山落處麼若也
不知往往作是非得失會去山僧道這果子非但首座不得喫假使盡大地人來亦不得正眼覷着 雲蓋本云洞山雖有打破處空鉗鎚而無補綴底針線待伊道過了也須吐出 南堂靜云洞山坐籌帷幄決勝千里泰首座通身是口有理難伸 洞山果云洞山歷夏為踐泰首座有理難伸山僧路見不平要為雪耻當時纔見與麼問只向道靈山授記未到如此待他疑議拈果子劈面便擲不唯塞斷咽喉免見後人妄生卜度淨慈昌云洞山雖然撥得果卓 ○問雪峯從甚麼處來曰天台來師曰見智者否曰義存喫鐵棒有分○有僧不安要見師師遂往僧曰和尚何不救取人家男女師曰你是甚麼人家男女曰某甲是大闍提人家男女師良久僧曰四山相逼時如何師曰老僧日前也向人家屋簷下過來曰回互不回互師曰不回互曰教某甲向甚麼處去師曰栗舍裏去僧噓一聲曰珍重

便坐脫師以拄杖敲頭三下曰汝祇解與麼去不解

與麼來昭覺勸云大凡行脚人正要透脫這一件事這僧既是大關提人家男女直至四山相逼

手開忙亂若不是洞山具大慈悲放一線道與他平展爭解怎麼去所以古人道臨終之際若一毫頭緊凡情量未盡未免入驢胎馬腹裏去只如洞山道我也亦從人家簷下過栗舍裏去鼎鼎礙四山不礙四山到這裏須是桶底子脫始得且道洞山意作麼生還○因夜會麼金雞啄破琉璃殼玉兔挨開碧海門

參不點燈有僧出問話退後師令侍者點燈乃召適

來問話僧出來其僧近前師曰將取三兩粉來與這

箇上座其僧拂袖而退自此省發遂罄捨衣資設齋

得三年後辭師師曰善爲時雪峯侍立問曰祇如這

僧辭去幾時却來師曰他祇知一去不解再來其僧

歸堂就衣鉢下坐化雪峯上報師師曰雖然如此猶

較老僧三生在○雪峯上問訊師曰入門來須有語

不得道早箇入了也雪峯曰某甲無口師曰無口且

從還我眼來雪峯無語雲居膺別前語云待某甲有口即道長慶殘別云怎麼則

某甲○雪峯搬柴次乃於師面前拋下一束師曰重

多少雪峯曰盡大地人提不起師曰爭得到這裏雪

峯無語○問時時勤拂拭爲甚麼不得他衣鉢未審

甚麼人合得師曰不入門者曰祇如不入門者還得

也無師曰雖然如此不得不與他却又曰直道本來

無一物猶未合得他衣鉢汝道甚麼人合得這裏合

下得一轉語且道下得甚麼語時有一僧下九十六

轉語並不契末後一轉始愜師意師曰闍黎何不早

恁麼道別有一僧密聽祇不聞末後一轉遂請益其

僧僧不肯說如是三年相從終不爲舉一日因疾其

僧曰某三年請舉前話不蒙慈悲善取不得惡取去

遂持刀白曰若不爲某舉卽殺上座去也其僧悚然

曰闍黎且待我爲你舉乃曰直饒將來亦無處著其

僧禮謝雪竇顯云他既不受是眼將來必應是瞎還見祖師衣鉢麼若於此入門便乃兩手分付

非但大庾嶺頭一箇提不起設使合國人來且款款將去翠巖芝云總不合得他衣鉢却與古佛同參且道

參阿誰天童覺云長蘆則不然直須將來若不將來爭知不受將來底必應是眼不受底真箇是瞎還會麼

照盡體無依通身合大道靈隱嶽舉○有菴主不

翠巖語了云到江吳地盡隔岸越山多

安凡見僧便曰相救相救多下語不契師乃去訪之

菴主亦曰相救師曰甚麼相救菴主曰莫是藥山之

孫雲巖嫡子麼師曰不敢菴主合掌曰大家相送便

遷化僧問亡僧遷化向甚麼處去師曰火後一莖茹

○師謂衆曰知有佛向上人方有語話分僧問如何

是佛向上人師曰非佛

保福展別云佛非雲門偈云名不得狀不得所以言非

法眼益別云

○師與密師伯過水乃問過水事作方便呼爲佛

麼生密曰不濕脚師曰老老大大作這箇語話密曰

你又作麼生師曰脚不濕○僧問茶黃如何是沙門

行茶黃曰行則不無有覺即乖別有僧舉似師師曰

他何不道未審是甚麼行僧遂進此語茶黃曰佛行

佛行僧回舉似師師曰幽州猶似可最苦是新羅

齊云此語還有疑訛也無若有且道甚麼處不得若無

他又道最苦是新羅還點檢得出麼他道行則不無有

覺即乖却令再問是甚麼行又道佛僧却問如何是

行那僧是會了問不會了問請斷看

沙門行師曰頭長三尺頸長二寸師令侍者持此語

問三聖然和尚然於侍者手上指一指侍者回舉似

師師肯之○師見幽上座來遽起向禪牀後立幽曰

和尚爲甚麼回避學人師曰將謂闍黎不見老僧○

問三身之中阿那身不墮衆數師曰吾常於此切問僧

曹山先師道吾常於此切意作麼生曹山云要頭便研

去又問雪峯雪峯以拄杖劈口打云我亦曾到洞山來

承天宗云一轉語海晏河清一轉語風高月冷一轉

語騎賊馬趁賊試請辨看忽有箇衲僧出來道總不與

麼也許伊具一隻眼徑山果云怎麼高藤也未

夢見三箇老漢在復云何不向膏肓穴上下一針

曾下有老宿去雲巖回師問汝去雲巖作甚麼老宿

曰不會師代曰堆堆地○師行脚時會一官人曰三

祖信心銘弟子擬註師曰纔有是非紛然失心作麼

生註法眼益代云怎麼○師看稻次見朗上座牽牛

師曰這箇牛須好看恐傷人苗稼朗曰若是好牛應

不傷人苗稼○師作五位君臣頌曰正中偏三更初

夜月明前莫怪相逢不相識隱隱猶懷舊日嫌偏中

正失曉老婆逢古鏡分明覲面別無真休更迷頭總

認影正中來無中有路隔塵埃但能不觸當今諱也

勝前朝斷舌才兼中至兩刃交鋒不須避好手猶如

火裏蓮宛然自有冲天志兼中到不落有無誰敢和

人人盡欲出常流折合還歸炭裏坐○師因曹山辭

遂囑曰吾在雲巖先師處親印寶鏡三昧事窮的要

今付於汝詞曰如是之法佛祖密付汝今得之宜善

保護銀盃盛雪明月藏鷺類之弗齊混則知處處不

在言來機亦赴動成窠臼差落顧佇背觸俱非如大

火聚但形文彩即濕染汗夜半正明天曉不露爲物

作則用拔諸苦雖非有爲不是無語如臨寶鏡形影

相觀汝不是渠渠正是汝如世嬰兒五相完具不去

不來不起不住婆娑和有句無句終不得物語未
正改重離六爻偏正回互疊而爲三變盡成五如望
草味如金剛杵正中妙挾敲唱雙舉通宗通塗挾帶
挾路錯然則吉不可犯忤天真而妙不屬迷悟因緣
時節寂然昭著細入無間大絕方所毫忽之差不應
律呂今有頓漸緣立宗趣宗趣分矣即是規矩宗通
趣極真常流注外寂中搖係駒伏鼠先聖悲之爲法
檀度隨其顛倒以經爲素顛倒想滅肯心自許要合
古轍請觀前古佛道垂成十劫觀樹如虎之缺如馬
之鼻以有下劣寶几珍御以有驚異狸奴白牯以
巧力射中百步箭鋒相直巧力何預木人方歌石女
起舞非情識到寧容思慮臣奉於君子順於父不順
非孝不奉非輔潛行密用如愚若魯但能相續名主
中主○師又曰末法時代人多乾慧若要辨驗真僞
有三種滲漏一曰見滲漏機不離位墮在毒海二曰
情滲漏滯在向背見處偏枯三曰語滲漏究妙失宗
機昧終始濁智流轉於此三種子宜知之○又綱要
偈三首一敲唱俱行偈曰金針雙鎖備叶路隱全該

寶印當風妙重重錦縫開二金鎖玄路偈曰交互明
中暗功齊轉覺難力窮忘進退金鎖網鞅鞅三不墮
凡聖亦名理事不涉偈曰事理俱不涉回照絕幽微背風無
巧拙電火燦難追○上堂道無心合人人無心合道
欲識箇中意一老一不老後僧問曹山如何是一老曹山云不扶持云如何是一不老曹山云枯木僧又舉○師與密師伯行次指
路傍院曰裏面有人說心說性密曰是誰師曰被師
伯一問直得去死十分密曰說心說性底誰師曰死
中得活○師不安令沙彌傳語雲居乃囑曰他或問
和尚安樂否但道雲巖路相次絕也汝下此語須遠
立恐他打汝沙彌領旨去傳語聲未絕早被雲居打
一棒沙彌無語同安顯代云怎麼則雲巖一技不堅也雲居錫云上座且道雲巖路經
不絕崇壽彌云古人○師將圓寂謂衆曰吾有閑
打此一棒意作麼生
名在世誰人爲吾除得衆皆無對時沙彌出曰請和
尚法號師曰吾閑名已謝石霜諸云無人得他肯雲居膺云若有閑名非吾
先師曹山寂云從古至今無人辨得
疎山仁云龍有出水之機無人辨得
青原下五世

曹山本寂禪師洞山份法嗣

撫州曹山本寂禪師。泉州莆田黃氏子。少業儒。年二十五登戒。尋謁洞山。洞山問。閣黎名甚麼。師曰。本寂。洞山曰。那箇。師曰。不名本寂。洞山深器之。自此入室。盤桓數載。乃辭去。洞山遂密授洞上宗旨。復問曰。子向甚麼處去。師曰。不變異處。去洞山曰。不變異處。豈有去邪。師曰。去亦不變異。遂往曹溪禮祖塔。回吉水。衆嚮師名。乃請開法師志。慕六祖。遂名山爲曹尋。值賊亂。乃之宜黃。由是法席大興。學者雲萃。洞山之宗至師爲盛。○稠布禪問。披毛帶角。是甚麼。墮師曰。是類。墮曰。不斷聲色。是甚麼。墮師曰。是隨。墮曰。不受食。是甚麼。墮師曰。是尊貴。墮乃曰。食者卽是本分事。知有不取。故曰尊貴。墮若執初心。知有自己及聖位。故曰類。墮若初心。知有已事。回光之時。擯却色聲香味觸法。得寧謐。卽成功勳。後却不執六塵等事。隨分而昧任之。則礙。所以外道六師是汝之師。彼師所墮。汝亦隨墮。乃可取食。食者卽是正命食也。亦是就六根門頭。見聞覺知。祇是不被他染汙。將爲墮。且不是同向前。均他本分事。尙不取。豈況其餘事邪。師凡言

墮。謂混不得類。不齊。凡言初心者。所謂悟了。同未悟耳。○僧問。學人通身是病。請師醫。師曰。不醫。曰。爲甚麼。不醫。師曰。教汝求生不得。求死不得。○問。沙門豈不是具大慈悲底人。師曰。是。曰。忽遇大賊來時。如何。師曰。亦須具大慈悲。曰。如何。具大慈悲。師曰。一劍揮盡。曰。盡後如何。師曰。始得和同。○僧問。具何知解。善能問難。師曰。不呈句。曰。問難箇甚麼。師曰。刀斧斫不入。曰。恁麼問難。還有不肯者麼。師曰。有。曰。是誰。師曰。曹山。○師聞鐘聲。乃曰。阿哪阿哪。僧問。和尚作甚麼。師曰。打著我心。僧無對。五祖戒代云。作賊人心虛。○問。維那甚麼處來。曰。牽醋槽去來。師曰。或到險處。又作麼生牽。維那無對。雲居膺代云。正好著力。疎。山仁代云。切須放却始得。○問。金峯志。曰。作甚麼來。曰。蓋屋來。師曰。了也未。曰。這邊則了。師曰。那邊事作麼生。曰。候下工。曰。白和尚。師曰。如是如是。○師一日入僧堂。向火。有僧曰。今日好寒。師曰。須知有不寒者。曰。誰是不寒者。師笑。火示之。僧曰。莫道無人。好師拋下火。僧曰。某甲到這裏。却不會。師曰。日照寒潭。明更明。○僧問。清稅孤貧。乞師賑濟。師召稅。關黎

稅應諾師曰清原白家酒三盞喫三猶道未沾唇報慈

是與他酒喫○鏡清問清虛之理畢竟無身時如何

師曰理即如此事作麼生日如理如事師曰謾曹山

一人即得爭奈諸聖眼何曰若無諸聖眼爭鑑得箇

不恁麼師曰官不容針私通車馬馮山結云曹山雖

其奈鏡清王本無瑕宴會○雲門問不改易底人來

師還接否師曰曹山無恁麼閑工夫○問子歸就父

爲甚麼父全不顧師曰理合如是曰父子之恩何在

師曰始成父子之恩曰如何是父子之恩師曰刀斧

所不開○問靈衣不挂時如何師曰曹山孝滿曰孝

滿後如何師曰曹山好顛酒○問世間甚麼物最貴

師曰死猪兒頭最貴曰爲甚麼死猪兒頭最貴師曰

無人著價○師問德上座菩薩在定聞香象渡河出

甚麼經曰出涅槃經師曰定前聞定後聞曰和尚流

也師曰道也太煞道祇道待一半曰和尚如何師曰

灘下接取徑山果云甚○問學人十二時中如何保

任師曰如經蠱毒之鄉水也不得沾著一滴○問國

內按劍者是誰師曰曹山清涼欽別云汝曰擬殺何

人師曰一切總殺曰忽逢本生父母又作麼生師曰

揀甚麼曰爭奈自己何師曰誰奈我何曰何不自殺

師曰無下手處○紙衣道者參師問莫是紙衣道者

否道者曰不敢師曰如何是紙衣下事曰一裘纔挂

體萬法悉皆如師曰如何是紙衣下用道者近前應

諾便立脫師曰汝祇解恁麼去何不解恁麼來道者

忽開眼問曰一靈真性不假胞胎時如何師曰未是

妙道者曰如何是妙師曰不借借道者珍重便化○

問強上座曰佛真法身猶若虛空應物現形如水中

月作麼生說箇應底道理曰如驢觀井師曰道則太

煞道祇道得八成曰和尚又如何師曰如井觀驢○

雲門問如何是沙門行師曰喫常住苗稼者是曰便

恁麼去時如何師曰你還畜得麼曰畜得師曰你作

麼生畜曰著衣喫飯有甚麼難師曰何不道披毛戴

角雲門便禮拜徑山果云二尊宿恁麼問答未免在

驢胎馬腹裏作活計雖然如是狗銜

故書諸○陸亘大夫問南泉姓甚麼南泉曰姓王曰

王還有眷屬也無南泉曰四臣不昧曰王居何位南

泉曰玉殿蒼生後僧舉問師玉殿蒼生意旨如何師

曰不居正位曰八方來朝時如何師曰他不受禮曰
何用來朝師曰遠則斬曰遠是臣分上未審君意如
何師曰樞密不得旨曰怎麼則變理之功全歸臣相
師曰你還知君意麼曰外方不敢論量師曰如是
如是○僧問香嚴如何是道香嚴曰枯木裏龍吟曰
如何是道中人香嚴曰觸體裏眼睛玄沙備別云僧
龍藏枯木
不領乃問石霜如何是枯木裏龍吟石霜曰猶帶喜
在曰如何是觸體裏眼睛石霜曰猶帶識在又不領
乃問師如何是枯木裏龍吟師曰血脉不斷曰如何
是觸體裏眼睛師曰乾不盡曰未審還有得聞者麼
師曰盡大地未有一人不聞曰未審枯木裏龍吟是
何章句師曰不知是何章句聞者皆喪遂示偈曰枯
木龍吟真見道觸體無識眼初明喜識盡時消息盡
當人那辨濁中清神鼎譚云石霜一向打撲向真界
裏作活計又學曹山云怎麼會取
好昭覺勸云念不異心不差國融五位君臣跳過無
明三毒便可以向枯木上生華寒巖中吹律看他三箇
老宿一人透語滲漏一人透情滲漏一人透見滲漏若
善參詳便可玄關獨步還委悉麼莫守寒巖異草青坐
斷白雲機不妙徑山果舉圓悟透三種滲漏語了云
諸人還揀得出麼若揀不出妙喜不惜眉毛爲諸人說
破香嚴透語滲漏被語縛殺石霜透情滲漏被情識
使殺曹山透見滲漏被見聞覺知縛殺分明說了具眼

者辨楚石琦云妙喜老人全身坐在三種滲漏裏却
不被三種滲漏所拘雖然要見古人直是遠在爲什麼
如此無事教壞人家男女天奇瑞云觸體裏露出兩
箇眼睛牙脰裏拍搭一條舌頭却如做夢猶自不知這
老子只道這僧鼻孔通氣固向命根上一抬所以師子
捉象全用其力捉兔亦全用其力引得這僧轉生狐疑
這老子亦拗撒不下當時待他開口便劈口○問朗
打着他知不知大蓋當斷不斷返招其亂
月當空時如何師曰猶是塔下漢曰請師接上塔師
曰月落後來相見

雲居道膺禪師洞山价
法嗣

洪州雲居道膺禪師幽州玉田王氏子遊方至翠微
問道會有僧自豫章來盛稱洞山法席師遂造焉洞
山問甚處來師曰翠微來洞山曰翠微有何言句示
徒師曰翠微供養羅漢某甲問供養羅漢羅漢還來
否翠微曰你每日噉箇甚麼洞山曰實有此語否師
曰有洞山曰不虛參見作家來洞山問汝名甚麼師
曰道膺洞山曰向上更道師曰向上卽不名道膺洞
山曰與老僧祇對道吾底語一般師問如何是祖師
意洞山曰闍黎他後有把茅蓋頭忽有人問如何祇
對師曰道膺罪過○洞山問師吾聞思大和尚牛倭
國作王是否師曰若是思大佛亦不作洞山然之○

洞山問師甚處去來師曰蹋山來洞山曰那箇山堪住師曰那箇山不堪住洞山曰恁麼則國內總被闍黎占却師曰不然洞山曰恁麼則子得箇入路師曰無路洞山曰若無路爭得與老僧相見師曰若有路卽與和尚隔山山或作生去也洞山乃曰此子已後千人萬人把不住去在○師隨洞山渡水次洞山問水深多少師曰不濕洞山曰麤人師曰請師道洞山曰不乾五祖演云二人恁麼說話還有優劣也無山僧今日因行掉臂爲你諸人說破過水一句不漏庫藏真珠堆積過水一句不乾無雜說甚貧寒乾濕二途俱不涉任他綠水與青山○南泉問僧講甚麼經曰彌勒下生經南泉曰彌勒幾時下生曰見在天宮當來下生南泉曰天上無彌勒地下無彌勒勒師問洞山天上無彌勒地下無彌勒未審誰與安名洞山被問直得禪牀震動乃曰膺闍黎吾在雲巖曾問老人直得火爐震動今日被子一問直得通身汗流大陽立云如今老僧舉起也有解問者致將一問來乃云地動也徑山泉云禪牀動火爐動地動卽不無這三箇老漢要見南泉直待彌勒下生始得忽有箇漢出來道天上無彌勒地下無彌勒却欲趁麼人下生久作麼生祇對但向他道老僧罪過楚石琦云啼得血流無用處不如絨口過殘春○師後結庵于三峯經旬不赴堂洞山問子近日何不

赴齋師曰每日自有天神送食洞山曰我將謂汝是箇人猶作這箇見解在汝晚間來師晚主洞山召膺庵主師應諾洞山曰不思善不思惡是甚麼師回庵寂然宴坐天神自此竟尋不見如是三日乃絕○洞山問師作甚麼師曰合醬洞山曰用多少鹽師曰旋入洞山曰作何滋味師曰得○洞山問大闍提人作五逆罪孝養何在師曰始成孝養自爾洞山許爲室中領袖天奇瑞云擔板漢只解恁麼去不解恁麼來直饒聖凡不遇陰陽難判也墮在孤虛地祇開春散漫轆轤墮在柳陰中○劉禹端公問雨從何來師曰從端公問處來公歡喜讚歎師却問公雨從何來公無語有老宿代云邇來道甚麼歸宗采別云謝和尚再三○問如何是諸佛師師喝曰這田庫兒僧禮拜師曰你作麼生會僧喝曰這老和尚師曰元來不會僧作舞出去師曰公臺盤乞兒昭覺勸云識機宜別休咎有回互轉關底眼千百人中難得一箇半箇爲什麼却成公臺盤乞兒去也是憐兒不覺醜何山到云翻手爲雲覆手爲雨主賓互換當機作舞堪笑公臺盤乞兒也是○師曾令侍者送袴與一住庵道者道者曰自有煖生袴竟不受師再令侍者問煖未生時著箇甚麼道者無語後遷化有舍利持似於師師曰

直饒得八斛四斗不如當時下得一轉語好○師在洞山作務。誤割殺蚯蚓。洞山曰：「這箇師。他不死。」洞山曰：「二祖往鄴都。又作麼生？」師不對。後有僧問和尚在洞山。割殺蚯蚓。因緣和尚豈不是無語？師曰：「當時有語。祇是無人證明。」問：「山河大地從何而有？」師曰：「從妄想有。」曰：「與某甲想出一錠金得麼？」師便休去。僧不肯。雲門偈云：「已是萬藤不能折。合得待伊道。想出一錠金得麼？」以拄杖便打。○師問雪峯：「門外雪消也未？」曰：「一片也無。」消箇甚麼？師曰：「消也。」保福展云：「要且。」○上堂：「如人將三貫錢買箇獵狗。祇解尋得有蹤跡。底忽遇羚羊挂角。莫道蹤跡氣息也無。」僧問：「羚羊挂角時如何？」師曰：「六六三十六。」挂角後如何？師曰：「六六三十六。」僧禮拜。師曰：「會麼？」曰：「不會。」師曰：「不見道無蹤跡。」其僧舉似趙州。趙州曰：「雲居師兄。猶在僧便問羚羊挂角時如何？」趙州曰：「九九八十一。」挂角後如何？趙州曰：「九九八十一。」得恁麼難會？趙州曰：「有甚麼難會？」曰：「請和尚指示。」趙州曰：「新羅新羅。」又問：「長慶羚羊挂角時如何？」長慶曰：「草裏漢。」曰：「挂後如何？」長慶曰：「亂叫喚。」曰：「畢竟如何？」長慶曰：「驢。」

事未去。馬事到來。○問：「教中道是人先世罪業。應墮惡道。以今世人輕賤。故此意如何？」師曰：「動則應墮。惡道靜則為人輕賤。」崇壽稱別云：心外有法。應墮惡道。守住自己。為人輕賤。○有僧在房內念經。師隔窓問：「闍黎念者是甚麼經？」僧曰：「維摩經。」師曰：「不問維摩經。念者是甚麼經？」其僧從此得入。○荊南節度使成納入山。設供問曰：「世尊有密語。迦葉不覆藏。如何？」是世尊密語。師召和尚。書成應諾。師曰：「會麼？」成曰：「不會。」師曰：「汝若不會。世尊有密語。汝若會。迦葉不覆藏。」清涼欽云：且道喚底是密語。應底是密語。若也應喚。總是去。即不密也。且道作麼生是密語？時有僧問清涼云：何曾得密來？東林總云：恁哉。弘覺二十年。經羊掛角。經跡亡蹤。及乎被和尚書一問。直得帶水拖泥。遭人笑。恁法燈也是。日午點燈。夜半撥墨。東林不然。如何是密語？却向伊道：「甚處不密？」且道與麼道。還有過也無？良久云：「更不用別。」東禪觀云：「逢人且說三分話。未可全拋一片心。」

疎山匡仁禪師
洞山份法嗣

撫州疎山匡仁禪師。吉州新淦人造洞山。值洞山早參。出問：「未有之言。請師示誨。」洞山曰：「不諸無人肯師。」曰：「還可功也無？」洞山曰：「你即今還功得麼？」師曰：「功不得。即無諱。」處洞山他日上堂曰：「欲知此事。直須如枯木。生花。方與他合。」師問一切處不乖時如何？洞山曰：「

闍黎此是功勳邊事。幸有無功之功。子何不問師曰。無功之功。豈不是那邊人。洞山曰。大有人笑子。怎麼問師曰。怎麼則迢然去也。洞山曰。迢然非迢然。非不迢然。師曰。如何是迢然。洞山曰。喚作那邊人。即不得。師曰。如何是非迢然。洞山曰。無辨處。洞山問師。空劫無人家。是甚麼人住。處師曰。不識。洞山曰。人還有意旨也。無師曰。和尚何不問他。洞山曰。現問。次師曰。是何意旨。洞山不對。泊洞山。順世弟子禮終。乃到潭州。大滙。值滙山示衆曰。行脚高士。直須向聲色裏。睡眠聲色裏。坐臥始得。師出問。如何是不落聲色句。滙山豎起拂子。師曰。此是落聲色句。滙山放下拂子。歸方丈。師不契。便辭香嚴。香嚴曰。何不且住。師曰。某甲與和尚無緣。香嚴曰。有何因緣。試舉看。師遂舉前話。香嚴曰。某甲有箇語。師曰。道甚麼。香嚴曰。言發非聲。色前不物。師曰。元來此中有人。遂囑香嚴曰。向後有住處。某甲却來相見。乃去。滙山問香嚴曰。問聲色話底。矮闍黎在麼。香嚴曰。已去也。滙山曰。曾學向子麼。香嚴曰。某甲亦曾對他來。滙山曰。試學看。香嚴舉前話。

滙山曰。他道甚麼。香嚴曰。深肯某甲。滙山失笑曰。我將謂這矮子有長處。元來祇在這裏。此子向去。若有箇住處。近山無柴燒。近水無水喫。天童華云。在今天聲色前。不物底。正如掘地。覓天何元更。下覓一箇言發非。要會他。滙山說話。雖然。切忌鑽龜打瓦。師聞。福州大滙安和尚示衆曰。有句無句。如藤倚樹。師特入嶺。到彼。值安泥壁。便問。承聞和尚道有句無句。如藤倚樹。是否。安曰。是。師曰。忽遇樹倒。藤枯。句歸何處。安放下泥盤。呵呵大笑。歸方丈。師曰。某甲三千里賣却布單。特爲此事而來。和尚何得相弄。安喚侍者。取二百錢。與這上座去。遂囑曰。向後有獨眼龍。爲子點破。在安次日上堂。師出問。法身之理。理絕玄微。不奪是非之境。猶是法身邊事。如何是法身向上事。安舉起拂子。師曰。此猶是法身邊事。安曰。如何是法身向上事。師奪拂子。摺折擲向地上。便歸衆。安曰。龍蛇易辨。褊子難瞞。後聞婺州明招謙和尚出世。謙一目。徑往禮拜。謙問甚處來。師曰。閩中來。謙曰。曾到大滙否。師曰。到。謙曰。有何言句。師舉前話。謙曰。滙山可謂頭正尾正。祇是不遇知音。師亦不省。復問。忽遇樹倒。藤枯。句歸何處。

處謙曰。却使瀉山笑轉新師於言下。大悟。乃曰。瀉山元來笑裏有刀。遙望禮拜。悔過。○謙一日問虎生七子。那箇無尾巴。師曰。第七箇無尾巴。○香巖出世。師不爽前約。遂往訪之。香巖上堂。僧問。不求諸聖。不重已靈。時如何。香巖曰。萬機休罷。千聖不攜。師在衆作。謳聲曰。是何言歟。香巖聞。便下座曰。適對此僧。語必有不是。致招師叔。如是未審。過在甚麼處。師曰。萬機休罷。猶有物在。千聖不攜。亦從人得。如何。無過。香巖曰。却請師叔道。師曰。若教某甲道。須還師資禮。始得。香巖乃禮拜。師問。師曰。何不道肯諾。不得全。香巖曰。肯又肯箇甚麼。諾又諾於阿誰。師曰。肯即肯他。千聖諾。即諾於已靈。香巖曰。師叔。怎麼道。向去倒屣三十年在。○師到來。山夾山上堂。師問。承師有言。目前無法。意在目前。如何。是非目前。法夾山曰。夜月流輝。澄潭無影。師作掀禪牀勢。夾山曰。闍黎作麼。生。師曰。目前無法了。不可得夾山曰。大衆看取這一員戰將。○師參巖頭。巖頭見來。乃低頭伴睡。師近前而立。巖頭不顧。師拍禪牀一下。巖頭回首曰。作甚麼。師曰。和

尙且瞌睡。拂袖便行。巖頭呵呵大笑曰。三十年弄馬騎。今日被驢撲。○上堂。病僧咸通年前。會得法身邊事。咸通年後。會得法身。向上事。雲門出問。如何。是法身邊事。師曰。枯椿曰。如何。是法身。向上事。師曰。非枯椿曰。還許某甲說道理也。無師曰。許曰。枯椿豈不是明法身邊事。師曰。是曰。非枯椿豈不是明法身。向上事。師曰。是曰。祇如法身。還該一切也。無師曰。法身周徧。豈得不該。雲門指淨瓶曰。祇如淨瓶。還該法身麼。師曰。闍黎莫向淨瓶邊覓。雲門便禮拜。徑山杲云。雲門禮拜。不是好心上。還曾會得也。未大慧只知雲門禮拜。不是好心上。不知疎山老漢打初頭已着。賊了也。○有僧爲師造壽塔。畢。白師曰。將多少錢與匠人。曰。一切在和尙。師曰。爲將二錢與匠人。爲將兩錢與匠人。爲將一錢與匠人。若道得與吾親造塔來。僧無語。後僧舉似大嶺庵閑和尚。即羅山也。閑曰。還有人道得麼。僧曰。未有人道得。閑曰。汝歸與疎山道。若將三錢與匠人。和尚此生決定不得塔。若將兩錢與匠人。和尚與匠人共出一隻手。若將一錢與匠人。累他匠人眉鬚墮落。僧回如教而說。師具

威儀望大嶺作禮歎曰將謂無人大嶺有古佛放光射到此間雖然如是也是臘月蓮花大嶺後聞此語

曰我怎麼道早是龜毛長三尺浮山遠云陳山以龜雖地大嶺用刀剗空

雖然二古德錯下錐刀今時人亦難辨剛何故後語中有稍有殺然雖如是河裏失錢河裏擲雪寶宗云說甚麼龜毛長三尺臘月蓮華盡是和衣草裏覷直饒向這裏分三列四說得個儘分明祖師正眼未夢見在我當時若見陳山怎麼道只向道一文也無待他更說道理便與掀倒禪牀拆卸壽塔教這老漢無依倚處爲甚如此知恩○師常握木蛇有僧問手中是甚麼師提方解報恩

起曰曹家女○因鼓山參威音王佛師師乃問作麼生是威音王佛師鼓山曰莫無慚愧好師曰闍黎怎麼道即得若約病僧即不然鼓山曰作麼生是威音王佛師師曰不坐無貴位

青林師虔禪師洞山外法嗣

青林師虔禪師初參洞山洞山問近離甚處師曰武陵曰武陵法道何似此間師曰胡地冬抽笋洞山曰別甌炊香飯供養此人師拂袖便出洞山曰此子向後走殺天下人在○師在洞山栽松次有劉翁者求偈師作偈曰長長三尺餘鬱鬱覆青草不知何代人得見此松老劉得偈呈洞山洞山謂曰此是第三代

洞山主人○師辭洞山洞山曰子向甚麼處去師曰

金輪不隱的徧界絕紅塵洞山曰善自保任師珍重

而出洞山門送謂師曰怎麼去一句作麼生道師曰

步步踏紅塵通身無影像洞山良久師曰老和尚何

不速道洞山曰子得怎麼性急師曰某甲罪過便禮

辭○師住青林後遷洞山凡有新到先令殷柴三轉

然後參堂有一僧不肯問師曰三轉內即不問三轉

外如何師曰鐵輪天子寰中旨僧無對師便打越出

大渴秀云夫欲君臣道合應須水乳和同這僧既抗節

朝堂不覺喪身失命當時見道鐵輪天子寰中勅將坐

具便撼待伊○上堂祖師門下鳥道玄微功窮皆轉

不究難明汝等諸人直須離心意識參出凡聖路學

方可保任若不如是非吾子息經山果云朕你離心是雪峯道底

白水本仁禪師洞山外法嗣

高安白水本仁禪師因設先洞山忌齋僧問供養先師先師還來也無師曰更下一分供養著○上堂老僧尋常不欲向聲前色後鼓弄人家男女何故且聲不是聲色不是色僧問如何是聲不是聲師曰喚作

色得麼曰如何是色不是色師曰喚作聲得麼僧作禮師曰且道爲汝說答汝話若向這裏會得有箇入

處雪竇云本仁也甚奇性要且貪觀天上既非聲前句後且作麼生入大溪秀云本仁只知橫千不會豎百如何是聲不是聲莫逐音響如何是色不是色莫逐青黃且從伊向聲前句後覓箇安身自然別有生涯

徑山果云本仁將一穿雲居于換却天下人眼晴却被這僧將一條斷貫索不動干戈穿却鼻孔後來舜老

夫拈云本仁既已入草這僧又落深村然則陽春雪曲時人難和卽歌社舞到處與人合得着妙喜云舜老夫

是則也是未免隨摸摸果上座不惜眉毛爲諸人說破聲不是聲色不是色馬後驢前神出鬼沒雪曲陽春和

不齊卽歌社舞且混酒以拂子擊禪牀云這箇決定不是聲復舉起云這箇決定不是色且畢竟是箇甚麼

一喝云此時若不究根源直待當來問彌勒楚石琦云本仁也只道得箇聲不是聲色不是色別有甚麼

特白雪陽春雖唱得爭奈時人和不得話說在甚麼處聲不是聲色不是色天奇瑞云三箇老漢皆明物外

就裏掬水月在手弄花香滿衣不知放倒旗槍和泥合水免得強生枝節反陷自身且道色卽是色聲卽是聲

要不問依本分會麼萬頃荷花遮碧水○師謂鏡清一羣練雀噪青林他日逢人不得錯舉

日時寒道者鏡清曰不敢師曰還有臥單也無曰設有亦無展底工夫師曰直饒道者滴水冰生亦不干

他事曰滴水冰生事不相涉師曰是曰此人意作麼生師曰此人不落意曰不落意此人齋師曰高山頂

上無可與道者啗啄○長生然和尚問如何是西來意師曰還見庭前杉檟樹否曰怎麼則和尚今日因

學人致得是非師曰多口座主然去後師方知是雪峰禪客乃曰盜法之人終不成器然住後衆緣不備果符師記因僧問

從上宗乘如何舉唱然云不可爲闍黎一人荒却長生山也玄沙問云然師兄佛法卽大行受記之緣亦就

白馬遁儒禪師洞山价法嗣

洛京白馬遁儒禪師僧問如何是法身上事師曰

井底蝦蟆吞却月僧問黃龍如何是井底蝦蟆吞却月黃龍云不奈何云怎麼則吞却

去也黃龍云一任吞云吞後如何黃龍云好蝦蟇

龍牙居遁禪師洞山价法嗣

潭州龍牙山居遁證空禪師撫州人也因參翠微乃問學人自到和尚法席一箇餘月不蒙一法示誨意

在於何翠微曰嫌甚麼師又問洞山洞山曰爭怪得老僧法眼益別云祖師來也雲居齊云此三人尊宿還有親疎也無若有那箇親若無親疎眼在

甚麼○師又問翠微如何是祖師意翠微曰與我將

禪板來師遂過禪板翠微接得便打師曰打卽任打

要且無祖師意又問臨濟如何是祖師意臨濟曰與

我將蒲團來師乃過蒲團臨濟接得便打師曰打卽

任打要且無祖師意後有僧問和尚行脚時間二尊

宿祖師意未審二尊宿明也未師曰明卽明也要且

無祖師意

東禪齊云衆中道佛法即有祇是無祖師意若怎麼會有何交涉別作麼生會無祖師意底道理

五祖戒云祖師土宿臨頭又云和尚得與麼面長雪竇顯云臨濟翠微只解放不解收我當時若作龍牙待伊索蒲團禪板拈得劈劈便歸翠微芝云當初如是今時熟僧皮下還有血麼溪山結云翠微臨濟可謂本分宗師龍牙一等是撥草瞻風與他後人爲龜鑒又學住後僧問處乃云龍牙瞻前顧後應病與藥大瀉則不然待問當年二尊宿明不明劈劈便棒非唯扶翠微臨濟亦乃不孤他來問石門聰云龍牙無人接看猶可繞被箇衲子揆着失却一隻眼昭覺勸云這僧參來弄處顛顛顛然顧後瞻前爭奈藏身露影既是無祖師西來意用明作麼若向這裏辨得出山僧與你拄杖子若辨不出和鼻孔一時穿却師復舉德山頭落底語因自省過遂止于洞山隨衆參請一日問如何是祖師西來意洞山曰待洞水逆流卽向汝道師始悟厥旨服勤八稔○問十二時中如何著力師曰如無手人欲行拳始得○問終日區區如何頓息師曰如孝子喪却父母始得東禪齊云喪父母向有開眼怎麼會還息得人○問如何是祖師西來意師曰待石鳥龜解語卽向汝道曰石鳥龜語也師曰向汝道甚麼○問無邊身菩薩爲甚麼不見如來頂相師曰汝道如來還有頂相麼○問大庾嶺頭提不起時如何師曰六祖爲甚麼將得去○問維摩掌擎世界未審維摩向甚麼處立師曰道者汝

道維摩掌擎世界○問如何是西來意師曰此一問

最苦○問如何是無事沙門師曰若是沙門不得無

事曰爲甚麼不得無事師曰覓一箇也難得○報慈

嶼讚師眞曰日出連山月圓當戶不是無身不欲全

露師一日在帳中坐僧問不是無身不欲全露請師

全露師撥開帳子曰還見麼曰不見師曰不將眼來

報慈嶼聞云龍牙祇道得一半法眼益別云飽叢林

華嚴休靜禪師洞山份法嗣

京兆華嚴寺休靜禪師在洛浦作維那時一日白龍

普請曰上間般柴下間鋤地第一座問聖僧作甚麼

師曰當堂不正坐不赴兩頭機潞澤準云也好箇消

時對答應用不識其宜只解順水撐船不解逆風把舵

當時若是準上座卽不然纔見首座云聖僧作麼生便

打一槌云大衆普請罷首座當出院謹白諸禪德且道

因什麼如此不見道一朝權在手看取令行時昭覺

勸云珠璣九曲休靜可謂神功玉解連環山僧更責一

路或有問聖僧作箇甚麼只對他道廓如明鏡當堂照

不動形聲○師問洞山學人無箇理路未免情識運

爲洞山曰汝還見有理路也無師曰見無理路洞山

曰甚處得情識來師曰學人實問洞山曰怎麼則直

須向萬里無寸草處去師曰萬里無寸草處還許某

甲去也。無洞山曰：直須怎麼去？○師般柴次洞山，把住曰：狹路相逢時，如何？師曰：反側反側。洞山曰：汝記吾言，向南住有一千人，向北住止三百，而已。初住福州東山之華嚴，衆滿一千，未幾屬後唐莊宗徵入，輦下大關，玄風其徒果止三百。○莊宗問祖意教意，是同是別？師曰：探盡龍宮，藏衆義不能詮。○問：大悟底人爲甚麼却迷？師曰：破鏡不重照，落花難上枝。○問：大軍設天王齋，求勝賊軍亦設天王齋，求勝未審天王赴阿誰？願師曰：天垂雨露不揀榮枯。○莊宗請入內齋，見大師，大德總看經，唯師與徒衆不看經。帝問師爲甚麼不看經？師曰：道泰不傳天子令，時清休唱太平歌。帝曰：師一人卽得徒衆爲甚麼也不看經？師曰：師子窟中無異獸，象王行處絕狐蹤。帝曰：大師大德爲甚麼總看經？師曰：水母元無眼，求食須賴鰕。帝曰：既是後生爲甚麼却稱長老？師曰：三歲國家龍鳳子，百年殿下老朝臣。

北院通禪師 洞山 法嗣

益州北院通禪師初參夾山，問曰：目前無法，意在目

前不是目前法，非耳目之所到，豈不是和尚語？夾山曰：是師乃掀倒禪牀叉手而立。夾山起來打一拄杖，師便下去。法眼益云：是他掀倒禪牀，何不便去？次參須待他打一棒了，去意在甚麼處。洞山洞山上堂曰：坐斷主人公，不落第二見。師出衆曰：須知有一人不合伴洞山。曰：猶是第二見。師便掀倒禪牀。洞山曰：老兄作麼？生師曰：待某甲舌頭爛，卽向和尚道。後辭洞山，擬入嶺。洞山曰：善爲飛猿猿峻，好看師良久。洞山召達闍黎，師應諾。洞山曰：何不入嶺去？師因有省，更不入嶺。

洞山道全禪師 洞山 法嗣

洞山道全禪師問先洞山如何是出離之要。洞山曰：闍黎足下煙生，師當下契悟，更不他遊。雪屈進語曰：終不敢孤負和尚足下煙生。洞山曰：步步立者卽是功，到暨洞山圓寂，衆請踵迹住持。

京兆峴子和尚 洞山 法嗣

京兆府峴子和尚不知何許人也，事迹頗異，居無定所，自印心於洞山，混俗閭川，不畜道具，不循律儀，冬夏唯披一衲，逐日沿江岸採掇鰕蜆，以充其腹，暮卽

宿東山白馬廟紙錢中居民目爲蜆子和尙華嚴靜禪師聞之欲決真假先潛入紙錢中深夜師歸靜把住曰如何是祖師西來意師遽答曰神前酒臺盤靜放手曰不虎與我同根生

幽棲道幽禪師洞山价法嗣

台州幽棲道幽禪師鏡清問如何是少父師曰無標的曰無標的以爲少父邪師曰有甚麼過曰祇如少父作麼生師曰道者是甚麼心行

越州乾峯和尙洞山价法嗣

越州乾峯和尙上堂法身有三種病二種光須是一透得始解歸家穩坐須知更有向上一竅在雲門出問庵內人爲甚麼不知庵外事師呵呵大笑雲門曰猶是學人疑處師曰子是甚麼心行雲門曰也要和尙相委師曰直須與麼始解穩坐雲門應喏喏雪竇顯云若明得裏貶何未必善因而招惡果昭覺顯云動絃別曲問一知十手搦手搖以膠投漆庵內不見庵外無孔鐵鎚不會人生相識貴知音水入水兮金博金溪山果云乾峯平地生堆紹陽因風起浪然雖合水和泥千古叢林榜樣既是合水和泥爲甚麼是叢林榜樣不入洪波裏爭見弄潮人天童覺云坐着病在青育用着光不透脫直鏡縱橫十字圓轉一機也未知有向上一竅在還得穩坐地麼到頭霜夜月任運落前溪

○上堂舉一不得學二放過一著落在第二雲門出衆曰昨日有人從天台來却往徑山去師曰典座來日不得普請便下座雪竇顯云諸德雲門老只解一手搥不能一手搥還有一手搥

力底麼試露爪牙看雲居元云此語衆中商量甚多會者極少乾峯夢裏合眼跳黃河覺來身在牀上雲門醉後扶人倒上樹醒來只在座中二人打作一團至今分疎不下若人知得落處許你解空第一洞山語云乾峯善唱雲門善拍唱拍相隨風清古格還有知音者麼一堂風冷淡千古意分明徑山呆云乾峯洗面摸著鼻雲門喫飯咬著砂二人舊地相逢着元來却是舊怨家雖然如是只許老胡知不許老胡會又云彼此揚家醜醜然遇無傍觀者育王光云眼親手搥彼此作家檢點將來猶欠一着在鶻福即不然學一不得學二放過一着落在第二忽有人出劈脊便打何故擊碎醜體消息盡從大地黑漫漫天奇瑞云雖然片雲願月就裏光灼乾坤所以明眼人前三尺暗誠不虛也休誇露塵鉤空到底絲毫毫露不露也是雉鷄藏山鑽頭不顧尾山僧既乃割判爭肯輕存曲直豈不見道擒縱在我殺活非他笑巖實云拾得酒酣寒山醉倒相扶相挽和泥臥草天明携手出松○問十方薄伽梵一路涅槃門未審路頭在甚麼處師以拄杖畫曰在這裏僧後請益雲門偈雲門拈起扇子云扇子踰跳上三十三天築著帝釋鼻孔東海鯉魚打一棒兩似盆傾會麼雪竇顯代僧便喝又有僧請益長慶長慶云問取堂中第二座雪竇代僧云錯尋有僧問雪竇雪竇云墮坑落澗又自機雲門乃通其變故使後人不倦大滄秀云今古盡道乾峯安居祖師之堂開後人之徑路殊不知乾峯老漢被這僧一問直得手忙脚亂諸德且道說在甚麼處真久云不在水兮不在山只在人心返覆間南華昌云乾峯曲盡慈悲當機提掇雲門巧開方便觀面發機

直得枯木生華。冷灰騰焰。且道東海鯉魚打一棒。兩似盆傾。明什麼邊事。因風吹火。用力不多。溪山素云。把定乾坤。眼綿綿不漏絲毫。游戲語塵中的。的全妙。用穩密處。三界顯露。孤危處。八面坦平。須彌山上。走馬日。本國裏藏身。却不問你。且道路頭在什麼處。或若總道在這裏。我也知你在鬼窟裏作活計。徑山瑛云。唱愈高。和愈峻。還他二老。若是十方薄伽梵。一路涅槃門。總未踏着在。靈隱嶽云。乾峯也是釘椿搖樞。

欽山文邃禪師河山份法嗣

澧州欽山文邃禪師。福州人也。少依杭州大慈山寶中禪師受業。時巖頭雪峯在衆。觀師吐論。知是法器。相率遊方。二大士各承德山印記。師雖屢激揚而終然凝滯。一日問德山曰。天王也。怎麼道龍潭也。怎麼道未審和尚作麼生道。德山曰。汝試舉天王龍潭道底看。師擬進語。德山便打。師被打歸延壽堂。曰。是則是打我。太煞巖頭。曰。汝恁麼道。他後不得道見德山來。法眼益別云。是則是錯打我。雪竇顯云。諸德欽山。置箇問端。甚是奇特。爭奈龍頭蛇尾。汝試舉天王龍潭底看。以坐具便擲。大丈夫漢。持虎鬚。也是本分。他既不能。德山令行一半。令若盡行。雪峯巖頭總是涅槃堂裏漢。翠巖芝云。欽山只顧其前。不顧其後。如今作麼生與欽山出氣。五祖戒云。德山只解打死欽山。不會打活欽山。溪山結云。德山門下草屢風行。大溪不然。待問未審和尚作麼生道。旁便打。且道德山是大溪。是會麼。橫按鐵錘。全正令。太平寰宇斬癡頭。天童華云。宗師非具透關眼。有格外機。臨垂手之際。又焉能辨其纖素。只如德山門下過。也是喫棒底漢。還見德山麼。蓋免當時從德山門下過。也是喫棒底漢。還見德山麼。蓋

拈拄杖卓一後於洞山言下發解。乃爲之嗣。年二十卓。賊是。小人。七止于欽山。對大衆前。自省過舉。參洞山時。語洞山問甚麼處來。師曰。大慈來。曰。還見大慈麼。師曰。見曰。色前見。色後見。師曰。非色。前後見洞山默置。師乃曰。離師太早。不盡師意。法眼益云。不盡師意。不易承嗣得他。○德山侍者來參。纔禮拜。師把住曰。還甘欽山與麼也。無侍者曰。某甲却悔。久住德山。今日無言可對。師乃放手曰。一任祇對侍者撥開。曾曰。且聽某通氣。一上師曰。德山門下。卽得這裏一點用。不著侍者曰。久聞欽山不通人情。師曰。累他德山。眼目參堂去。○師與巖頭雪峯坐次。洞山行茶來。師乃閉眼。洞山曰。甚麼處去來。曰。入定來。洞山曰。定本無門。從何而入。○入浴院。見僧踏水輪。僧下問訊。師曰。幸自轆轤地轉。何須恁麼。曰。不恁麼。又爭得。師曰。若不恁麼。欽山眼堪作甚麼。曰。作麼生。是師眼。師以手作撥眉勢。曰。和尚又何得恁麼。師曰。是我恁麼。你便不恁麼。僧無對。師曰。索戰無功。一場氣悶。良久乃問曰。會麼。曰。不會。師曰。欽山爲汝擔取一半。○師與巖頭雪峯過江西。到一茶店裏。

茶次師曰：不會轉身通氣者，不得茶喫。巖頭曰：若恁麼，我定不得茶喫。雪峯曰：某甲亦然。師曰：這兩箇老漢話頭，也不識。巖頭曰：甚處去也？師曰：布袋裏老鴉，雖活如死。巖頭退後，曰：看看。師曰：巖公且置，存公作麼？生雪峯以手畫一圓相。師曰：不得不問。巖頭呵呵曰：太遠。生師曰：有口不得茶喫者多。蔣山勣云：欽山雖解轉身吐氣，亦未有喫茶分何也。話在。○巨良禪客參禮拜了，便問：一鏃破三關時如何？師曰：放出關中主。看良曰：恁麼則知過必改？師曰：更待何時？良曰：好隻箭，放不著所在，便出去。師曰：且來闍黎。良回首，師下禪牀擒住，曰：一鏃破三關，卽且置。試爲欽山發箭。看良擬議，師打七棒，曰：且聽箇亂統。漢疑三十年有僧，舉似同安。察察曰：良公雖解發箭，要且未中的。僧便問：未審如何得中的去？察曰：關中主是甚麼人？僧回舉似師。師曰：良公若解恁麼，也免得欽山口。然雖如此，同安不是好心，亦須看始得。○上堂橫按拄杖，顧視大衆，曰：有麼？有麼？如無，欽山唱菩薩蠻去也。囉囉哩哩，便下座。

青原下六世

洞山道延禪師 曹山寂法嗣

瑞州洞山道延禪師，因曹山垂語曰：有一人向萬丈崖頭，騰身直下。此是甚麼人？衆無對。師出曰：不存曹山，曰：不存箇甚麼？師曰：始得撲不碎。曹山深肯之。

金峰從志禪師 曹山寂法嗣

撫州金峰從志，立明禪師。僧問：訊次師把住，曰：輒不得向人道。我有一則因緣，舉似你。僧作聽勢。師與一掌。僧曰：爲甚麼打某甲？師曰：我要這話行。明招錄云：掌好一則，因緣被這僧場却。若要話行這一掌，須是金峯自喫始得。昭覺勣云：六耳不同謀。○師一日拈起枕头，示僧曰：一切人喚作枕头。金峰道：不是。僧曰：未審和尚喚作甚麼？師拈起枕头，僧曰：恁麼則依而行之。師曰：你喚作甚麼？曰：枕头。師曰：落在金峰窠裏。法雲秀云：買賣不相當。牛頭南馬頭，北與麼。說話也未出得金峯窠。窠在畢竟如何？心不負人面，無慙色。雪竇本云：寶實遇着瞎波斯。昭覺勣云：渾命無縫罅，綿密不通風。盡也盡不成，描也描不就。喚作枕头，故是落在金峯窠裏。盡也盡不成，喚作枕头，未免亦落在金峯窠裏。且作麼？生出得金峯窠，窠識取鈎頭意。莫認。○看經次，駢道者來，師擎起經作攬衣勢，以目視之。駢提起坐具，以目視師。師曰：一切人道你會禪，曰：和尚作麼？生師笑曰：草賊大敗。○問：是身無

知如土木瓦石此意如何師下禪牀扭僧耳眾僧負痛作聲師曰今日始捉著箇無知漢僧作禮出去師召闍黎僧回首師曰若到堂中不可舉著曰何故師曰大有人笑金峰老婆心○上堂老僧二十年前有老婆心二十年後無老婆心僧問如何是二十年前有老婆心師曰問凡答凡問聖答聖曰如何是二十年後無老婆心師曰問凡不答凡問聖不答聖

曹山慧霞禪師 曹山寂法嗣

撫州曹山慧霞了悟禪師僧侍立師曰道者可煞熱曰是師曰祇如熱向甚處回避曰向鑊湯鑪炭裏回避師曰祇如鑊湯鑪炭又作麼生回避曰衆苦不能到

曹山智炬禪師 曹山寂法嗣

撫州曹山羌慧智炬禪師初問先曹山曰古人提持那邊人學人如何體悉曹山曰退步就已萬不失一師於言下頓忘立解乃辭去徧參

嵇山章禪師 雲居膺法嗣

池州嵇山章禪師在投子作柴頭投子同喫茶次謂

師曰森羅萬象總在裏許師潑却茶曰森羅萬象在甚麼處投子曰可惜一碗茶 明招謙云嵇山未灑茶前合下得什麼語免他道可惜 師後謁雪峰雪峰問莫是章柴頭麼師乃作輪椎勢雪峰肯之

佛日本空禪師 雲居膺法嗣

杭州佛日本空禪師初遊天台山嘗曰如有人奪得我機者即吾師矣尋謁雲居作禮問曰二龍爭珠誰是得者雲居曰卸却業身來與子相見師曰業身已卸雲居曰珠在甚麼處師無對 同安代云回頭即沒交涉 遂投誠入室時始年十三後四年參夾山纔入門見維那維那曰此間不著後生師曰某甲不求挂搭暫來禮謁和尚維那曰夾山夾山許相見師未陞塔夾山便問甚處來師曰雲居來曰即今在甚麼處師曰在夾山頂額上夾山曰老僧行年在坎五鬼臨身師擬上塔夾山曰三道寶塔從何而上師曰三道寶塔曲爲今時向上一路請師直指夾山便揖師乃上塔禮拜夾山問闍黎與甚麼人同行師曰木上座夾山曰何不來相看老僧師曰和尚看他有分夾山曰在甚麼處師

曰在堂中夾山便同師下到堂中師遂取拄杖擲在夾山面前夾山曰莫從天台得否師曰非五嶽之生夾山曰莫從須彌得否師曰月宮亦不逢夾山曰怎麼則從人得也師曰自己尙是冤家從人得堪作甚麼夾山曰冷灰裏有粒豆爆乃喚維那明窓下安排著師曰未審明窓還解語也無夾山曰待明窓解語卽向汝道夾山來日上堂問昨日新到在甚麼處師出應喏夾山曰子未到雲居已前在甚麼處師曰天台國清夾山曰吾聞天台有瀑瀑之瀑淅淅之波謝子遠來此意如何師曰久居巖谷不挂松蘿夾山曰此猶是春意秋意作麼生師良久夾山曰看君祇是撐船漢終歸不是弄潮人來日普請維那令師送茶師曰某甲爲佛法來不爲送茶來維那曰奉和尚處分師曰和尚尊命卽得乃將茶去作務處搖茶甌作聲夾山回顧師曰釀茶三五盤意在饅頭邊夾山曰瓶有傾茶勢甌中幾箇甌師曰瓶有傾茶勢甌中無一甌便行茶時衆皆舉目師曰大衆鶴望請師一言夾山曰路逢死蛇莫打殺無底籃子盛將歸師曰

手執夜明符幾箇知天曉夾山曰大衆有人也歸去來歸去來遂住普請歸院衆皆仰嘆

朱谿謙禪師雲居膺法嗣

歙州朱谿謙禪師韶國師到參次聞犬較鼯鼠聲國師便問是甚麼聲師曰犬較鼯鼠聲國師曰既是鼯鼠爲甚麼却被犬較師曰較殺也國師曰好箇犬師便打國師曰莫打某甲話在師休去昭覺勤云朱溪入面受敵故宜委曲接人國師一著當機未免承虛接響當時待他道莫打某甲話在但向道已後須遇人始得佛燈珣頌云風既不靈官馬相踏借使乘風駟埃塵撥于文中立太平基源源嘉聲振闍闍

靈泉歸仁禪師疎山仁法嗣

洛京靈泉歸仁禪師初問疎山枯木生花始與他合是這邊句是那邊句疎山曰亦是這邊句師曰如何是那邊句疎山曰石牛吐出三春霧靈雀不棲無影林

疎山證禪師疎山仁法嗣

撫州疎山證禪師初參先疎山得旨後歷諸方謁投子投子問近離甚處曰延平投子曰還將得劍來麼曰將得來投子曰呈似老僧看師乃指面前地投子

便休至晚問侍者新到在麼侍者曰當時去也投子曰三十年弄馬騎今日被驢撲

黃檗慧禪師 諱山仁 法嗣

瑞州黃檗山慧禪師洛陽人也少出家業經論因增受菩薩戒而歎曰大士攝律儀與吾本受聲聞戒俱止持作犯也然於篇聚增減支本通別制意且殊既微細難防復於攝善中未嘗行於少分況饒益有情乎且世間泡幻身命何可留戀哉由是置講課欲以身捐於水中飼鱗甲之類念已將行偶二禪者接之款話說南方頗多知識何帶於一隅師從此回志參尋直造疎山時仁和尙坐法堂受參師先顧視大眾然後致問曰剎那便去時如何仁曰畱塞虛空汝作麼生去師曰畱塞虛空不如不去仁便休師下堂參第一座第一座曰適來祇對甚奇特師曰此乃率爾敢望慈悲開示愚昧第一座曰一剎那間還有擬議否師於言下頓省禮謝

石門獻蘊禪師 諱青林 虔 法嗣

襄州石門獻蘊禪師京兆人初問青林如何用心得

齊於諸聖青林仰面良久曰會麼師曰不會青林曰去無子用心處師禮拜乃契悟更不他遊遂作園頭一日歸侍立次青林曰子今日作甚麼來師曰種菜來青林曰徧界是佛身子向甚麼處種師曰金鉏不動土靈苗在處生青林欣然來日入園喚蘊闍黎師應喏青林曰剎栽無影樹留與後人看師曰若是無影樹豈受栽邪青林曰不受栽且止你會見他枝葉麼師曰不會見青林曰既不會見爭知不受栽師曰祇爲不會見所以不受栽青林曰如是如是○青林將順寂召師師應諾青林曰日轉西山後不須取次安師曰雪滿金檀樹靈枝萬古春青林曰或有人問你金針線囊事子道甚麼師曰若是毛羽相似者某甲終不敢造次○初住南嶽蘭若未幾遷夾山道由潭州時楚王馬氏出城延接便問如何是祖師西來大道師曰好大哥御駕六龍千古秀玉街排仗出金門王大喜延入天冊府供養數日方至夾山

紫陵匡一禪師 諱嚴 靜 法嗣

鳳翔府紫陵匡一一定覺禪師初到蟠龍見僧問碧潭

清似鏡。蟠龍何處安。蟠龍曰：沈沙不見底，浮浪足嶺。屹師不肯。蟠龍請師道。師曰：金龍迴透青霄外，潭中豈滯玉輪機。蟠龍肯之。

京兆香城和尚北院通法嗣

京兆府香城和尚初參北院。問曰：一似兩箇時如何。北院曰：一箇賺汝師，乃有省。

青原下七世

上藍院慶禪師洞山延法嗣

瑞州上藍院慶禪師初遊方。問雪峰：如何是雪峰的意。雪峰以杖子敲師頭。師應諾。雪峰大笑。師後承洞山印。解開法上藍。

同安慧敏禪師洞山延法嗣

洪州同安慧敏禪師初參洞山。問諸聖以何爲命。洞山曰：以不問。斷師曰：還有向上事也。無洞山曰：有。師曰：如何是向上事。洞山曰：不從問。斷師於言下有省。

天池智隆禪師金峯志法嗣

廬山天池智隆禪師在金峯。普請般柴。次金峯問般柴人過水否。師曰：有一人。不過水。曰：不過水。還般柴。

否。師曰：雖不般柴，也不得動著他。

龜洋慧忠禪師草庵義法嗣

泉州龜洋慧忠禪師本州陳氏子。謁草庵。草庵問：何方來。師曰：六眸峰。草庵曰：還見六眸否。師曰：患非重瞳草庵然之。師尋回故山。屬唐武宗廢教。例民其衣。暨宣宗中。興師曰：古人有言：上昇道士不受錄。成佛沙彌不具戒。祇爲白衣。過中不食。不字而禪。迹不出山者三十年。

同安志禪師同安丕法嗣

洪州同安志禪師先同安將示寂。上堂曰：多子塔前。宗子秀。五老峰前。事若何。如是三舉。未有對者。末後師出。曰：夜明簾外。排班立。萬里歌謠。道太平。同安曰：須是這驢漢始得。

大陽慧堅禪師靈泉仁法嗣

鄧州大陽慧堅禪師初在靈泉。入室。次靈泉問：甚麼處來。師曰：僧堂裏來。靈泉曰：爲甚麼不築著露柱。師於言下有省。

廣德義禪師廣德延法嗣

襄州廣德義禪師謁先廣德作禮問曰如何是和尙密密處廣德曰隱身不必須巖谷闌闌堆堆觀者稀師曰恁麼則酌水獻華去也廣德曰忽然雲霧闌黎作麼生師曰採汲不虛施廣德忻然曰大眾看取第二代廣德師次躍住持聚徒開法

紫陵微禪師紫陵一法嗣

紫陵微禪師初到夾山夾山問近離甚處師曰向北夾山曰是何宗徒師曰昔日老胡師子吼頂門一裂至如今

青原下八世

梁山緣觀禪師同安志法嗣

鼎州梁山緣觀禪師僧問如何是和尙家風師曰益陽水急魚行澀白鹿松高鳥泊難○問家賊難防時如何師曰識得不爲冤曰識得後如何師曰貶向無生國裏曰莫是他安身立命處也無師曰死水不藏龍曰如何是活水龍師曰興波不作浪曰忽然傾湫倒嶽時如何師下座把住曰莫教濕却老僧袈裟角黃龍清云梁山老漢洞達機宜堪稱作者爭奈借便開門展轉令人著賊黃龍即不然繞見伊問家賊難防時

如何便與一刀兩段教伊永絕窺竊之地雖然如是忽有箇和尚出來却指山僧云賊賊又作麼生支遣具眼者辨取護國云梁山只解步步登高不解從空放下若是山僧即不然待他道忽遇傾湫倒嶽時如何只向他道雲在嶺頭開不徹天童華云梁山和尚與賊相戰兵刀交接堪然鼓之雖不棄甲曳兵而走要且只解戰賊不解殺賊有問山僧家賊難防時如何劈脊便打何故不見道齊之以禮

雲頂德敷禪師護國遠法嗣

懷安軍雲頂德敷禪師初參護國問曰直截根源佛所印摘葉尋枝我不能時如何護國曰罷攀雲樹三秋果休弄碧潭孤月輪師乃頓釋所疑

石門紹遠禪師石門微法嗣

襄州石門紹遠禪師初在石門作田頭石門問如何是田頭水牯牛師曰角轉轟天地朝陽處處春他日石門又問水牯牛安樂否師曰水草不曾虧曰田中事作麼生師曰深耕淺種曰如法著師曰某甲不曾取次

石門筠首座石門微法嗣

筠首座者太原人也自至石門逾三十年叢林慕之有僧請喫茶次問如何是首座爲人一著子師曰適來猶記得曰即今又如何師曰好生點茶來○一日

荷鉏入園。僧問三身中那一身去。作務師拄鉏而立。僧曰。莫便當也。無師攜鉏便行。

青原下九世

大陽警玄禪師 梁山觀法嗣

鄧州大陽山警玄禪師。江夏張氏子。十九爲大僧。聽圓覺了義講。席無能及者。遂遊方。初到梁山。問如何。是無相道場。梁山指觀音曰。這箇是吳處士。畫師擬進語。梁山急索曰。這箇是有相底。那箇是無相底。師遂有省。便禮拜梁山曰。何不道取一句。師曰。道卽不辭。恐上紙筆。梁山笑曰。此語上碑去。在。師獻偈曰。我昔初機學道迷。萬水千山覓見知。明今辨古終難會。直說無心轉更疑。蒙師點出秦時鏡。照見父母未生時。如今覺了何所得。夜放烏雞帶雪飛。梁山謂洞上之宗可倚。一時聲價籍籍。梁山歿。辭塔至大陽。謁堅禪師。堅讓席使主之。

青原下十世

投子義青禪師 大陽玄法嗣

舒州投子義青禪師。青社李氏子。試經得度。習百法。

論未幾歎曰。三祇塗遠。自困何益。乃入洛。聽華嚴義。若貫珠。嘗讀諸林菩薩偈。至卽心自性。猛省曰。法離文字。寧可講乎。卽棄游宗席。時圓鑑禪師居會聖巖。一夕夢畜青色鷹。爲吉徵。屈旦師來。圓鑑禮延之。令看外道。問佛不問有言。不問無言。因緣經三載。一日問曰。汝記得話頭麼。試舉看。師擬對。圓鑑掩其口。師了然開悟。遂禮拜圓鑑曰。汝妙悟玄機。邪師曰。設有也。須吐却。時資侍者在旁曰。青華最。今日如病得汗。師回顧曰。合取狗口。若更怱怱。我卽便嘔。自此復經三年。圓鑑時出洞下。宗旨示之。悉皆妙契。付以大陽頂相皮履。直綴囑曰。代吾續其宗風。無久滯此。善宜護持。遂書偈送曰。須彌立太虛。日月輔而轉。羣峰漸倚他。白雲方改變。少林風起叢。曹溪洞簾卷。金鳳宿龍巢。宸苔豈車碾。令依圓通秀。禪師至彼。無所參問。唯嗜睡而已。執事白通曰。堂中有僧曰睡。當行規法。通曰。是誰。曰。青上座。通曰。未可待與。按過。通卽曳杖入堂。見師正睡。乃擊牀呵曰。我這裏無閑飯。與上座喫了。打眠。師曰。和尚教某何。爲通曰。何不參禪去。

師曰美食不中飽人喫通曰爭奈大有人不肯上座師曰待肯堪作甚麼通曰上座曾見甚麼人來師曰浮山通曰怪得恁麼頑賴遂握手相笑歸方丈由是道聲籍甚

興陽清剖禪師大陽立法嗣

鄂州興陽清剖禪師在大陽作園頭種瓜次大陽問甜瓜何時得熟師曰卽今熟爛了也曰揀甜底摘來師曰與甚麼人喫曰不入園者師曰未審不入園者還喫也無曰汝還識伊麼師曰雖然不識不得不與大陽笑而去○鄭金部問和尚甚麼時開堂師曰不歷僧祇數日月未生前○師臥疾次大陽問是身如泡幻泡幻中成辦若無箇泡幻幻大事無由辦若要大事辦識取箇泡幻作麼生師曰猶是這邊事大陽曰那邊事作麼生師曰匝地紅輪秀海底不栽花大陽笑曰乃爾惺惺邪師喝曰將謂我忘却竟爾趨寂

福嚴審承禪師大陽立法嗣

南嶽福嚴審承禪師侍立大陽次大陽曰有一人偏身紅爛臥在荊棘林中周匝火圍若親近得此人大

敵鄺開若親近不得時中以何爲據師曰六根不具七識不全大陽曰你教伊出來我要見伊師曰適來別無左右祇對和尚大陽曰官不容針師便禮拜後師至華嚴隆和尚處舉前話○李相公特上山問如何隆云冷如毛栗細如冰雪是祖師西來意師指庭前栢樹公如是三問師如是三答公欣然乃有頌曰出沒雲閑滿太虛元來真相一塵無重重請問西來意唯指庭前栢一株

羅浮顯如禪師大陽立法嗣

惠州羅浮山顯如禪師初到大陽大陽問汝是甚麼人曰益州大陽曰此去幾里曰五千里大陽曰你與麼來還曾踏著麼曰不曾踏著大陽曰汝解騰空那曰不解騰空大陽曰爭得到這裏曰步步不迷方遁身無辨處大陽曰汝得超方三昧邪曰聖心不可得三昧豈彰名大陽曰如是如是汝應信此卽本體全彰理事不二善自護持

白馬歸喜禪師大陽立法嗣

襄州白馬歸喜禪師初問大陽學人蒙昧乞指箇入路大陽曰得良久乃召師師應諾大陽曰與你箇入

路師於言下省

青原下十一世

芙蓉道楷禪師投子青
法嗣

東京天寧芙蓉道楷禪師沂州崔氏子自幼學辟穀隱伊陽山後遊京師籍名術臺寺試法華得度謁投子於海會乃問佛祖言句如家常茶飯離此之外別有爲人處也無投子曰汝道寰中天子敕還假堯舜禹湯也無師欲進語投子以拂子撼師口曰汝發意來早有三十棒也師卽開悟再拜便行投子曰且來闍黎師不顧投子曰汝到不疑之地邪師卽以手掩耳後作典座投子曰厨務勾當不易師曰不敢投子曰羹粥邪蒸飯邪師曰人工淘米著火行者羹粥蒸飯投子曰汝作甚麼師曰和尚慈悲放他閑去○一日侍投子遊菜園投子度拄杖與師師接得便隨行投子曰理合恁麼師曰與和尚提鞋挈杖也不爲分外投子曰有同行在師曰那一人不受教投子休去至晚問師早來說話未盡師曰請和尚舉投子曰卯生日戌生月師卽點燈來投子曰汝上來下去總不

徒然師曰在和尙左右理合如此投子曰奴兒婢子誰家屋裏無師曰和尚年尊闍他不可投子曰得恁麼殷勤師曰報恩有分

青原下十二世

寶峯惟照禪師芙蓉楷
法嗣

洪州寶峯闍提惟照禪師簡州李氏子幼超邁而惡俗一日授書至性相近也習相遠也遽曰凡聖本一體以習故差別我知之矣卽趨成都師鹿苑清泰年十九剃染登具秦令聽起信於大慈師輒歸臥秦詰之師曰旣稱正信大乘豈言說所能了乃虛心游方謁芙蓉於大洪嘗夜坐闍道適風雪震薄聞警盜者傳呼過之隨有所得辭去大觀中芙蓉嬰難師自三吳欲趨沂水僕夫迷道師舉杖擊之忽大悟嘆曰是地非鼇山也邪比至沂芙蓉望而喜曰紹隆吾宗必子數輩矣因留躬耕湖上累年智證成就

鹿門法燈禪師芙蓉楷
法嗣

襄州鹿門法燈禪師成都劉氏子依大慈寶範爲僧俾聽華嚴得其要稟謁芙蓉芙蓉問曰如何是空劫

已前自己師於言下心跡泯然從容進曰靈然一句超羣象迥出三乘不假修芙蓉撫而印之

青原下十三世

長蘆清了禪師丹霞淳法嗣

眞州長蘆眞歇清了禪師左綿雍氏子襁褓入寺見佛喜動眉睫咸異之年十八試法華得度往成都大慈習經論領大意出蜀至沔漢扣丹霞之室丹霞問如何是空劫已前自己師擬對丹霞曰你鬧在且去一日登鉢孟峰豁然契悟徑歸侍立丹霞掌曰將謂你知有師欣然拜之翌日丹霞上堂曰日照孤峰翠月臨溪水寒祖師玄妙訣莫向寸心安便下座師直前曰今日陞座更瞞某不得也丹霞曰你試舉我今日陞座看師良久丹霞曰將謂你瞞地師便出

天童正覺禪師丹霞淳法嗣

明州天童宏智正覺禪師隰州李氏子十四具戒十八遊方訣其祖曰若不發明大事誓不歸矣及至汝州香山成枯木一見深所器重一日聞僧誦蓮經至父母所生眼悉見三千界瞥然有省卽詣丈室陳所

悟香山指臺上香合曰裏面是甚麼物師曰是甚麼心行香山曰汝悟處又作麼生師以手畫一圓相呈之復拋向後香山曰弄泥團漢有甚麼限師曰錯香山曰別見人始得師應喏喏卽造丹霞丹霞問如何是空劫已前自己師曰井底蝦蟆吞却月三更不借夜明簾丹霞曰未在更道師擬議丹霞打一拂子曰又道不借師言下釋然遂作禮丹霞曰何不道取一句師曰某甲今日失錢遭罪丹霞曰未暇打得你且去

圓通德止禪師寶峯照法嗣

江州圓通青谷眞際德止禪師金紫徐閔中之季子也世居歷陽師雙瞳紺碧神光射人弱冠夢異僧授四句偈已而有以南安巖主像遺之者卽傍所載聽明偈自是持念不忘後五年隨金紫將漕西洛一夕忽大悟連作數偈每嘯歌自若衆莫測之乃力求出家父弗許欲以官授之師曰某方將脫世網不著三界豈復刺頭於利名中邪請移授從兄王遂祝髮受具未數載名振京師宣和三年春徽宗皇帝賜號眞

際俾居圓通

華藥智朋禪師 實峯照法嗣

衡州華藥智朋禪師四明黃氏子。依寶峰有年。無省因爲衆持鉢寶峰。自題其像曰。雨洗淡紅桃。蕚嫩風搖淺碧柳。絲輕白雪影裏怪石。露絲水光中。古木清噫。你何人。至焦山枯木成禪師。見之歎曰。今日方知此老親見先師來。師遂請益其贊。成曰。豈不見法眼拈夾山境話曰。我二十年祇作境會師。卽契悟。羅野錄云。成指以問師曰。汝會麼。師曰。不會。成曰。汝記得法燈擬寒山否。師遂誦至誰人知此意。令我憶南泉。於憶字處。成遽以手掩師口。曰。住。住。師豁然有省。乃曰。元來恁麼地。成曰。汝作麼。生會師曰。春生夏長。秋收冬藏。成曰。直須保任。師應喏。

青原齊禪師 石門易法嗣

吉州青原齊禪師福州陳氏子。從雲蓋智禪師出家。執事首座。首座一日秉拂罷。師問曰。某聞首座所說。莫曉其義。伏望慈悲指示。首座諄諄誘之。使究無著。說這箇法。踰兩日有省。以偈呈曰。說法無如這箇親。十方刹海一微塵。若能於此明眞理。大地何曾見一

人首座駭然。因語智得度。徧扣諸方。後至石門。深蒙器可。

尼佛通禪師 石門易法嗣

遂寧府香山尼佛通禪師。因誦蓮經有省。往見石門。乃曰。成都喫不得也。遂寧喫不得也。石門拈拄杖打。出通。忽悟曰。榮者自榮。謝者自謝。秋露春風。好不著。便石門拂袖歸方丈。師亦不顧而出。

青原下十四世

雪竇嗣宗禪師 天童覺法嗣

明州雪竇開庵嗣宗禪師。徽州陳氏子。幼業經圖具。依妙湛慧禪師。詰問次。釋然契悟。慧以麈尾拂付之。後謁宏智蒙印。可其道。愈尊。

善權法智禪師 天童覺法嗣

常州善權法智禪師。陝府栢氏子。壯於西京聖果寺。祝髮習華嚴。棄謁南陽謹次。參大洪智踰十年。無所證。後於宏智言下。豁然出居善權。次遷金粟。

淨慈慧暉禪師 天童覺法嗣

杭州淨慈自得慧暉禪師。會稽張氏子。甫二十扣眞

歌於長蘆微有所證旋里謁宏智宏智舉當明中有暗不以暗相遇當暗中有明不以明相觀問之語不契初夜定回往聖僧前燒香而宏智適至師見之頓明前話次日入室宏智舉堪嗟去日顏如玉却歎回時鬢似霜詰之師曰其入離其出微自爾問答無滯宏智許爲室中眞子紹興丁巳開法補陀徙萬壽及吉祥雪竇

瑞巖法恭禪師

天童覺法嗣

明州瑞巖石憲法恭禪師郡之奉化林氏子往延慶講下一夕誦法華至父母所生眼悉見三千界時聞風刺樓欄棄聲忽然有省棄依天童始明大旨

吉祥元實禪師

天衣聰法嗣

無爲軍吉祥元實禪師高郵人自到天衣蚤夜精勤脇不至席一日偶失笑喧衆天衣擯之中夜宿田里覩星月粲然有省曉歸趨方丈天衣見乃問洞山五位君臣如何話會師曰我這裏一位也無天衣令參堂謂侍僧曰這漢却有箇見處奈不識宗旨何入室次天衣預令行者五人分序而立師至俱召實上座

師於是密契奧旨述偈曰一位纔彰五位分君臣叶處紫雲屯夜明簾卷無私照金殿重重顯至尊天衣稱善

投子道宣禪師

天衣聰法嗣

舒州投子道宣禪師久侍天衣無所契天衣叱之師忘寢食者月餘一夕聞巡更鈴聲忽猛省曰住住一聲直近青霄路寒潭月皎有誰知泥牛觸折珊瑚樹天衣聞命職藏司住後凡有所問以拂子作搖鈴勢

青原下十五世

雪竇智鑒禪師

天童珙法嗣

明州雪竇智鑒禪師滁州吳氏子兒時母與洗手瘍因曰是甚麼對曰我手似佛手長失恃怙依眞歇於長蘆大休首衆卽器之後遯象山百怪不能惑深夜開悟求證於延壽然後見大休

教外別傳卷十五

教外別傳卷十六

過去六佛

毗婆尸佛

毗婆尸佛過去莊嚴劫第九百九十八尊偈曰身從無相中受生猶如幻出諸形象幻人心識本來無罪福皆空無所住

尸棄佛

尸棄佛莊嚴劫第九百九十九尊偈曰起諸善法本是幻造諸惡業亦是幻身如聚沫心如風幻出無根無實性

毗舍浮佛

毗舍浮佛莊嚴劫第一千尊偈曰假借四大以為身心本無生因境有前境若無心亦無罪福如幻起亦滅

拘留孫佛

拘留孫佛見在賢劫第一尊偈曰見身無實是佛身了心如幻是佛幻了得身心本性空斯人與佛何殊別

拘那含牟尼佛

拘那含牟尼佛賢劫第二尊偈曰佛不見身知是佛若實有知別無佛智者能知罪性空坦然不怖於生死

迦葉佛

迦葉佛賢劫第三尊偈曰一切衆生性清淨從本無生無可滅即此身心是幻生幻化之中無罪福

西天東土應化聖賢

文殊菩薩

文殊菩薩一日令善財採藥曰是藥者採將來善財徧觀大地無不是藥却來白曰無有不是藥者文殊曰是藥者採將來善財遂於地上拈一莖草度與文殊文殊接得呈起示衆曰此藥亦能殺人亦能活人

五祖戒出善財語云慙愧首山念云文殊大似掩耳偷鈴瑯琊覺云文殊可謂誠實之言要且額頭汗出口裏膠生潏山結云善財能採文殊善財非但瘡疾毗耶直饒盡大地人抱必死之疾到文殊所教他箇箇脫體而去何故解用不須霜刃劍延齡何必九還丹梁山遠云得之於心伊蘭作旃檀之樹失之於旨甘露乃美藜之園文殊當時與麼舉揚若不是善財同聲相應同氣相求未免一場懷懼還知二大老落處處處處緣楊堪繫馬家家門首逐長安天童華云大小文殊被善財換却眼睛元叟端云善財解採不解用文殊解用不解採以致盡大地人病在膏肓大衆且道諸說在甚麼處猴愁搜搜頭狗走抖擻口萬峯蔚云善財拈起藥草家醜無端露盡文殊舉示諸方文殊漏逗不少嵩山不令人知且道有何玄妙千年松下茯苓得者自然○菴提遮女問文殊曰明知生是不生之理爲甚麼却被生死之所流轉文殊曰其力未充

天親菩薩

天親菩薩從彌勒內宮而下無著菩薩問曰人間四百年彼天爲一晝夜彌勒於一時中成就五百億天子證無生法忍未審說甚麼法天親曰祇說這箇法祇是梵音清雅令人樂聞廣福懷云彌勒已是錯說天親已是錯傳山僧今日將錯就錯與你諸人註破良久云諦聽諦聽向下文長付在來日

維摩大士

維摩會上三十二菩薩各說不二法門文殊曰我於一切法無言無說無示無識離諸問答是爲菩薩入不二法門於是文殊又問維摩仁者當說何等是菩薩入不二法門維摩默然文殊讀曰乃至無有語言文字是菩薩真入不二法門保福展云文殊也似掩耳偷鈴力盡烏江維摩一默未出化門又云大小維摩被文殊一坐直至如今起不得雪竇顯云維摩道什麼復云勤破了也瑯琊覺云文殊與麼讚善也是杓下聽虛聲維摩默然你等諸人不得鑽龜打瓦昭覺勸云這一轉語叢林話會不少有道默然有道長久有道據坐有道不對要且摸索不若直得其聲如雷驚群動自古及今前聖後聖所說法門只向維摩片時之間一時顯現且道正當恁麼時作箇甚麼得見維摩溪山果云大衆居士門高可謂壁立萬仞水泄不通擬心則差動念則隔不擬不動落在無事界中諸人作麼生入良久云退後退後大湏智云不二法門是默然不是默然若是默然文殊則爲剩語若不是默然維摩一場虛設畢竟如何具

眼者辨金粟悟云不二與默然廣慧與諸人站過一邊還見維摩做處麼當堂體正坐全體本無餘

善財童子

善財參五十三員善知識末後到彌勒閣前見樓閣門閉瞻仰讚嘆見彌勒從別處來善財作禮曰願樓閣門開令我得入尋時彌勒至善財前彈指一聲樓閣門開善財入已閣門即閉見百千萬億樓閣一一樓閣內有一彌勒領諸眷屬并一善財而立其前○善財因無著菩薩問曰我欲見文殊何者卽是善財曰汝發一念心清淨卽是無著曰我發一念心清淨爲甚麼不見善財曰是真見文殊

須菩提尊者

須菩提尊者在巖中宴坐諸天雨華讚嘆尊者曰空中雨華讚嘆復是何人云何讚嘆天曰我是梵天敬重尊者善說般若尊者曰我於般若未嘗說一字汝云何讚嘆天曰如是尊者無說我乃無聞無說無聞是真說般若雪竇顯云避喧求靜處世未有其方他在巖中宴坐也被這一隊漢塗糊伊更有這老漢把不住問空中雨華讚嘆復是何人早見敗關了也我重尊者善說般若惡水灘頭渡又云我於般若未嘗說一字草裏走尊者無說我乃無聞讚嘆好惡總似這般底何處有今日復召大衆雪竇幸是無事人

你來這裏覓箇什麼。○尊者一日說法次帝釋雨華以拄杖一時趁下。

尊者乃問此輩從天得邪從地得邪從人得邪帝釋曰弗也尊者曰從何得邪帝釋乃舉手尊者曰如是如是雲門偈云帝釋舉手處作麼生與你四大五蘊釋迦老子是同是別

舍利弗尊者

舍利弗尊者因入城遙見月上女出城舍利弗心口思惟此姊見佛不知得忍不得忍否我當問之纔近便問大姊往甚麼處去女曰如舍利弗與麼去舍利弗曰我方入城汝方出城何言如我怎麼去女曰諸佛弟子當依何住舍利弗曰諸佛弟子依大涅槃而住女曰諸佛弟子既依大涅槃而住而我亦如舍利弗與麼去溪山結云一人入城一人出城何言如舍利弗與麼去若人知得舍利弗月上女二人去處十二時中動轉施爲無非住諸佛大涅槃若也未知業識茫茫無本可據東禪觀云舍利弗依大涅槃而住坐在解脫深坑月上女如舍利弗與麼去也是隨邪逐惡昭覺勤云住無所住行無所行見無所見用無所用各人脚跟下廓同太虛如十日並照觸處光輝苟知怎麼則與月上女同證無生得不退轉隨去來處無不皆在大解脫中三世諸佛鼻孔一時穿却說甚麼如舍利弗怎麼去佛慧泉頌云淡籠烟深瑤霧驚子寧知此條路直饒撞入涅槃城未免隨他○舍利弗問須菩提夢中說六波羅蜜與覺時同異須菩提

曰此義深遠吾不能說會中有彌勒大士汝往彼問舍利弗問彌勒彌勒曰誰名彌勒誰是彌勒○舍利弗問天女曰何以不轉女身天女曰我從十二年來求女人相了不可得當何所轉即時天女以神通力變舍利弗令如天女天女自化身如舍利弗乃問言何以不轉女身舍利弗以天女像而答言我今不知云何轉面而變爲女身白雲端代云吾不如汝

殃崛摩羅尊者

殃崛摩羅尊者未出家時外道受教爲嬌尸迦欲登王位用千人拊指爲花冠已得九百九十九唯欠一指遂欲殺母取指時佛在靈山以天眼觀之乃作沙門在殃崛前殃崛遂釋母欲殺佛佛徐行殃崛急行追之不及乃喚曰瞿曇住住佛告曰我住久矣是汝不住殃崛聞之心忽開悟遂棄刀投佛出家

賓頭盧尊者

賓頭盧尊者因阿育王內宮齋三萬大阿羅漢躬自行香見第一座無人王問其故海意尊者曰此是賓頭盧位此人近見佛來王曰今在何處海意曰且待

須臾言訖賓頭盧從空而下王請就座禮敬尊者不

顧王乃問承聞尊者親見佛來是合尊者以手策起

肩曰會麼王曰不會尊者曰阿耨達池龍王曾請佛

齋吾是時亦預其數羣魔真云且道什麼處見直饒

保寧勇代王云希有希有溪山結云無愛王飯三

萬阿羅漢要且不論賓頭盧當時待他策起眉毛云會

麼便與作證非唯識賓頭盧亦乃同參古佛雲居元

代王云當時面便隨鹿丘隆云賓頭盧得大機顯

大用不觀親見佛來雖然賴阿育王放過若不放過泊

合打失眉毛放過則且置尊者策起眉毛又作麼生還

會麼當臺一鑑明如日萬古晴空絕是非梁山遠云

阿育王經輕借問賓頭盧草草承當仔細檢點將來不

勝漏逗且那裏是漏逗處處清才子貴家富小兒嬌

薦福行云大王七寶隨身尊者作龍擁衛然狹路相

逢彼此難爲回避且道其中事作麼生

闊浮接得真天子同路毗盧頂上行

障蔽魔王

障蔽魔王領諸眷屬一千年隨金剛齊菩薩覓起處

不得忽一日得見乃問曰汝當依何而住我一千年

覓汝起處不得金剛齊曰我不依有住而住不依無

住而住如是而住法眼益云障蔽魔王不見金剛齊

王麼徑山泉云既覓起處不得一千年隨從底是甚

麼金剛齊云我不依有住而住不依無住而住如是而

住互相熱瞞法眼道障蔽魔王不見金剛齊即且從只

如金剛齊還見障蔽魔王麼麼批判也是看孔著便

即今莫有知妙喜起處麼喝云探語作麼東禪嶽

云富貴即易貧窮即難虛空無心牆壁有耳二老漢不

得無過且道過在於何從平處險人向靜中忙王曰今五百萬萬意日且

那叱太子

那叱太子析肉還母析骨還父然後現本身運大神

力爲父母說法

秦跋陀禪師

秦跋陀禪師問生法師講何經論生曰大般若經師

曰作麼生說色空義曰衆微聚曰色衆微無自性曰

空師曰衆微未聚喚作甚麼生問措師又問別講何

經論曰大涅槃經師曰如何說涅槃之義曰涅槃不

生槃而不滅不生不滅故曰涅槃師曰這箇是如來

涅槃那箇是法師涅槃

寶誌禪師

寶誌禪師初金陵東陽民朱氏之婦上巳日聞兒啼

鷹巢中梯樹得之舉以爲子七歲依鍾山大沙門僧

儉出家專修禪觀宋太始二年髮而徒跣著錦袍往

來皖山劒水之下以翦尺拂子拄杖頭負之而行○

天鑑二年梁武帝詔問弟子煩惑未除何以治之答

曰十二帝問其旨如何答曰在書字時節刻漏中帝

益不曉○帝嘗詔畫工張僧繇寫師像僧繇下筆輒不自定師遂以指勢面門分披出十二面觀音妙相殊麗或慈或威僧繇竟不能寫他日與帝臨江縱望有物奔流而上師以杖引之隨杖而至乃紫旛檀也即以屬供奉官俞紹令雕師像頃刻而成神采如生○師垂語曰終日拈香擇火不知身是道場雪竇頌云一對無孔鐵鎚 昭覺勸云終日拈香擇火不知拈香擇火○又曰大道祇在目前要且目前難覩欲識大道真體不離聲色言語○又曰京都鄴都浩浩還是菩提大道法眼益云京都鄴都浩浩不是菩提○十二時歌平旦寅狂機內有道人身窮苦枉經無數劫不信常聲如意珍若捉物入迷津但有纖毫即是塵不住舊時無相貌外尋知識也非眞日出卯出處不須生善巧縱使神光照有無舉意便遭魔境燒若施功終不了曉夜被他人我拗不用安排祇麼從何管心地生煩惱食時辰無明本是釋迦身坐臥不知元是道祇麼忙忙受苦辛認聲色竟疎親盡是他家染汚人若擬痴心求作佛問取虛空始出塵禹中已求了之人爭爲計假饒特達祖師言莫向心頭

安了義祇守玄沒文字認著依前還不是靈時自肯不追尋永劫不遭魔境使日南午四大身中無價寶陽燄空華不肯拋作意脩行受辛苦不曾迷莫求悟任你朝陽幾回暮有相身中無相身無明路上無生路日昃未心地何曾安了義他家文字有疎親不用工夫求的意任縱橫絕忌諱長在人間不居世運用元來聲色中迷夫未識爭爲計晡時申學道先須不厭塵有相本來權積聚無形不用更安眞作淨潔却勞神莫認痴強作近隣言下不求無住處暫時喚作出家人日入西虛幻聲香不長久禪悅珍羞尙不淡誰能更飲無明酒沒可把沒可守蕩蕩逍遙未曾有縱使多聞達古今也是痴狂外邊走黃昏戊戌狂子吳功投暗室假使心通無量時歷劫何曾異今日擬思量却嗽唧轉使心頭黑如漆晝夜舒光照有無痴人喚作波羅蜜人定亥勇猛精進成懈怠不起纖毫脩學心無相光中常自在超釋迦越祖代心有微塵量望礙放蕩長如痴兀人他家自有通人愛半夜子心住無生卽生死心法何曾屬有無用時便用勿文字

佛祖言外邊事。識取起時。還不是。作境。搜求實總。無生死魔來任相試。鷄鳴丑。一顆圓光明已久。內外追尋。覓總無。境上施為。渾大有不見頭也。無手。世界壞時。渠不朽。未了之人。聽一言。祇這如今。誰動口。

善慧大士

善慧大士者。婺州義烏縣人也。齊建武四年丁丑五月八日。降于雙林鄉。傳宣慈家。本名翕。年十六。納劉氏女名妙光。生普建。普成二子。二十四。與里人稽亭浦漁魚。獲已沈籠水中。祝曰。去者適止者留。人或謂之愚。會有天竺僧。嵩頭陀曰。我與汝毗婆尸佛所發誓。今兜率宮衣鉢。見在何日。當還因命。臨水觀影。見圓光寶蓋。大士笑謂之曰。鑪輔之所多鈍。鐵良醫之門足病人。度生為急。何思彼樂乎。嵩指松山頂曰。此可棲矣。大士躬耕而居之。有人盜菽麥瓜果。大士即與籃籠盛去。日常營作。夜則行道。見釋迦金粟定光三如來。放光襲其體。大士乃曰。我得首楞嚴定。天嘉二年。感七佛相。隨釋迦引前維摩接後。唯釋尊數顧共語。為我補處也。其山頂黃雲盤旋若蓋。因號雲黃。

山○梁武帝請講金剛經。大士纔陞座。以尺揮案。一下。便下座。帝愕然。聖師曰。陛下還會麼。帝曰。不會。聖師曰。大士講經竟。汾陽昭云。講得甚好。白雲端云。傳大士與誌公。被武帝一狀。領過。本覺一云。傳大士已是萬藤誌公。重下註。脚諸人如今樂聞。歷良久云。兩段不同。老宿云。大士不得誌公。泊成。○又一曰。講經次。帝至大衆皆起。唯大士端坐不動。近臣報曰。聖駕在此。何不起。大士曰。法地若動。一切不安。○大士一日披衲頂冠。靴履朝。見帝問是僧邪。大士以手指冠。帝曰。是道邪。大士以手指靴履。帝曰。是俗邪。大士以手指衲衣。○心王銘曰。觀心空。王玄妙難測。無形無相。有大神力。能滅千災。成就萬德。體性雖空。能施法則。觀之無形。呼之有聲。為大法。將心戒傳。經水中鹽。味色裏膠。青決定是有。不見其形。心王亦爾。身內居停。面門出入。應物隨情。自在無礙。所作皆成了。本識心。識心見佛。是心是佛。是佛是心。念念佛心。佛心念佛。欲得早成。戒心自律。淨律淨心。心即是佛。除此心王。更無別佛。欲求成佛。莫染一物。心性雖空。貪嗔體實。入此法門。端坐成佛。到彼岸。已得波羅蜜。慕道真士。自觀自心。知佛在內。不向外。

尋即心即佛即佛即心心明識佛曉了識心離心非
佛離佛非心非佛莫測無所堪任執空滯寂於此漂
沉諸佛菩薩非此安心明心大士悟此玄音身心性
妙用無更改是故智者放心自在莫言心王空無體
性能使色身作邪作正非有非無隱顯不定心性離
空能凡能聖是故相勸好自防慎剎那造作還復漂
沉清淨心智如世黃金般若法藏並在身心無為法
寶非淺非深諸佛菩薩了此本心有緣遇者非去來
今○有偈曰夜夜抱佛眠朝朝還共起起坐鎮相隨
語默同居止纖毫離不相離如身影相似欲識佛去處
祇這語聲是

玄沙備云大小傳大士祇認得箇昭昭
鏡口挂壁上漢別有一發勒過了打又云玄沙也是打
草蛇驚九峯勸云大小傳大士奈一法中而有異九
峯即不然夜夜因即眠朝朝覺即起洞山聽云九峯
和尚是大力量人言不虛發洞山道困來即便眠覺來
即便起只如你衲僧家白日還打睡麼雖然如是三十
年後且莫和泥合水法昌遇云此是古佛垂慈不無
方便爭奈善因而招惡果傳大士如張漫天網羅龍打
鳳奈何麟甲羽毛總在裏許逃生無路若是靈禽異獸
決定別有生涯保寧勇云大衆傳大士此頌古今不
墜一切人知向此督地者亦多錯會者不少玄沙云大
小傳大士只認得箇昭昭靈靈洞山總云且道衲僧家
日裏還管睡也無此兩轉語誰言世上無仙客須信靈
中別有天保寧亦有一頌要眠時即眠要起時即起水
洗面皮光暖茶濕却臂大海紅塵飛平地波濤起河阿

阿呵囉哩囉哩千巖長云三尊宿大似徐六擔
板傳大士又俗氣未除若論向上宗乘總欠悟在且道
無明具甚麼眼目不見道直須揮劍若不揮劍漁父樓巢
行騎水牛人從橋上過橋流水不流

天奇瑞云曾禪
可辭白刃可蹈
此語難得也何故五更鷄唱兮花
開上苑三秋葉落兮雲罩前溪

○又曰有物先天
地無形本寂寥能爲萬象主不逐四時凋

南嶽慧思禪師

南嶽慧思禪師武津李氏子因誌公令人傳語曰何
不下山教化衆生目視雲漢作甚麼師曰三世諸佛
被我一口吞盡何處更有衆生可化

五祖戒云更說
道理看報慈

遂微云且道山上語山下語

雪竇顯云有什麼屎臭
氣耶瑯琊覺云驗人端的處
雲居舜云思大和尚實
公未傳語時猶較些子
翠巖芝云思大祇見雞頭利
不見雞頭方
芭蕉微云更進一步又云雖是入泥入
水幾人擔得
天聖泰云思大祇知開口實公平
地喫交
保寧勇別思大云傳語法師合取狗口

天台智者禪師

天台山修禪寺智者禪師諱智顗荊州華容陳氏子
在南嶽誦法華經至藥王品曰是真精進是真法
供養如來於是悟法華三昧獲旋陀羅尼見靈山一
會儼然未散

徑山杲云而今未獲旋陀羅尼者還見
靈山一會否若見以何爲證若不見是
其精進是真法供養如來
只恁麼念過却成剎法矣

泗州僧伽大聖

泗州僧伽大聖。或問師何姓。師曰。姓何。曰。何國人。師曰。何國人。

天台豐干禪師

天台山豐干禪師。因寒山問古鏡未磨時。如何照燭。師曰。冰壺無影像。猿猴探水。月曰。此是不照燭也。更請道。看師曰。萬德不將來。教我道甚麼。寒山拾得。俱作禮而退。○師欲遊五臺。問寒山拾得曰。汝共我去遊五臺。便是我同流。若不共我去遊五臺。不是我同流。寒山曰。你去遊五臺。作甚麼。師曰。禮文殊。寒山曰。你不是我同流。翠巖之云。大似。辨才見蕭雲。師尋獨入五臺。逢一老人。便問。莫是文殊麼。曰。豈可有二文殊。師作禮未起。忽然不見。趙州語代云。文殊文殊。

天台寒山子

天台山寒山子。因來僧灸茄。次將茄串向一僧背上打一下。僧回首。寒山呈起茄串。曰。是甚麼。僧曰。這風顛漢。寒山向傍僧曰。你道這僧費却我多少鹽醋。實文云。寒山打這僧。實為費鹽醋多。莫別有道理。黃龍將云。寒山子只知這僧費多少鹽醋。不知自己拋撒。更

多且道。什麼處是拋撒處。良久云。十。○因趙州遊天台。路次相逢寒山。見牛跡。問趙州曰。上座還識牛麼。

趙州曰。不識。寒山指牛跡曰。此是五百羅漢遊山。趙州曰。既是羅漢。爲甚麼却作牛去。寒山曰。蒼天蒼天。趙州呵呵大笑。寒山曰。作甚麼。趙州曰。蒼天蒼天。寒山曰。這厮兒。宛有大人之作。

天台拾得子

天台山拾得子。一日掃地。寺主問。汝名拾得。因豐干拾得。汝歸汝。畢竟姓箇甚麼。拾得放下掃帚。叉手而立。寺主再問。拾得。拾得。掃帚掃地而去。寒山提胸曰。蒼天。蒼天。拾得曰。作甚麼。寒山曰。不見道。東家人死。西家人助哀。二人作舞笑哭而出。○國清寺半月念戒。衆集拾得拍手曰。聚頭作想。那事如何。維那叱之。拾得曰。大德且住。無瞋。卽是戒心淨。卽出家。我性與你合。一切法無差。

明州布袋和尚

明州奉化縣布袋和尚。形裁駸駸。腰纏額。腹出。話無定。寢臥隨處。常以杖荷一布囊。并破席。凡供身之具。

盡貯囊中入鄆肆聚落見物則乞或醢醢魚蔬纔接入口分少許投囊中時號長汀子○一日有僧在師前行師乃拊其背僧回首師曰乞我一文錢曰道得卽與汝一文師放下布袋叉手而立○白鹿和尚問如何是布袋師便放下布袋曰如何是布袋下事師負之而去○先保福和尚問如何是佛法大意師放下布袋叉手保福曰爲祇如此爲更有向上事師負之而去○師在街衢立有僧問和尚在這裏作甚麼師曰等箇人曰來也來也歸宗柔別云歸去來師曰汝不是這箇人曰如何是這箇人師曰乞我一文錢○有偈曰吾有一軀佛世人皆不識不塑亦不裝不雕亦不刻無一滴灰泥無一點彩色人畫畫不成賊偷偷不得體相本自然清淨非拂拭雖然是一軀分身千百億○又有偈曰一鉢千家飯孤身萬里遊青目觀人少問路白雲頭○梁貞明三年丙子三月師將示滅於岳林寺東廊下端坐磐石而說偈曰彌勒眞彌勒分身千百億時時示時人時人自不識偈畢安然而化其後復現于他州亦負布袋而行

法華志言大士

法華志言大士壽春許氏子留講肆久之一日讀雲門錄忽契悟未幾宿命遂通獨語笑口吻囁嚅日常不輟世傳誦法華因以名之○丞相呂許公問佛法大意師曰本來無一物一味却成真○集仙王質問如何是祖師西來意師曰青山影裏潑藍起寶塔高吟撼曉風又曰請法華燒香師曰未從齋戒竟不向佛邊求○國子助教徐岳問祖師西來意師曰街頭東畔底徐曰某甲未會師曰三般人會不得○僧問師凡邪聖邪遂舉手曰我不在此住

扣冰澡先古佛

扣冰澡先古佛建寧新豐翁氏子初以講說爲衆所歸棄謁雪峯手携鳬茈一包醬一器獻之雪峯曰包中是何物師曰鳬茈雪峯曰何處得來師曰泥中得雪峯曰泥深多少師曰無丈數雪峯曰還更有麼曰轉有轉深又問器中何物曰醬雪峯曰何處得來曰自合得雪峯曰還熟也未曰不較多雪峯異之曰子異日必爲王者師○後自鷺湖歸溫嶺結庵今爲永豐寺

繼居將軍巖二虎侍側。神人獻地爲瑞巖院。夏則衣
絺。冬則扣冰而浴。故世人號爲扣冰古佛。○後住靈
曜上堂。四衆雲臻。教老僧說箇甚麼。便下座。○有僧
燒炭積成火龕。曰。請師入此修行。曰。眞玉不隨流水
化。琉璃爭奪衆星明。曰。莫祇這便是麼。曰。且莫認奴
作郎。曰。畢竟如何。曰。梅華臘月開。○天成戊子。應閩
主之召。延居內堂。敬拜曰。謝師遠降。賜茶太師。提起
橐子。曰。大王會麼。曰。不會。曰。人王法王。各自照了。留
十日。以疾辭。至十二月二日。沐浴陞堂告衆而逝。

千歲寶掌和尚

千歲寶掌和尚。中印度人也。周威烈十二年丁卯降
神受質。左手握拳。七歲祝髮。乃展因名寶掌。魏晉間
東遊此土。入蜀禮普賢。留大慈常不食。日誦般若等
經千餘卷。有詠之者。曰。勞勞玉齒寒。似進巖泉急。有
時中夜坐。塔前神鬼泣。一日謂衆曰。吾有願住世千
歲。今年六百二十有六。故以千歲稱之。次遊五臺。從
居祝融峯之華嚴黃梅之雙峯。廬山之東林。尋抵建
鄴。會達磨入梁。師就扣其旨。開悟武帝。高其道。臘延

入內庭。未幾如吳。有偈曰。梁城遇導師。參禪了心地。
飄零二浙遊。更盡佳山水。順流東下。由千頃至天竺。
往鄒峯。登太白穿鴈蕩。盤礴於翠峯七十二庵。回赤
城憩雲門。法華諸暨漁浦。亦符大巖等處。返飛來棲
止石竇。有行盡支那四百州。此中徧稱道人遊之句。
時貞觀十五年也。後居浦江之寶巖。與朗禪師友善。
每通問遣白犬馳往。朗亦以青猿爲使。令故題朗壁。
曰。白犬銜書至青猿。洗鉢回巖慶二年。正旦手塑一
像。至九日像成。問其徒慧雲曰。此肖誰。雲曰。與和尚
無異。卽澡浴易衣。趺坐謂雲曰。吾住世已一千七十
二年。今將謝世。聽吾偈曰。本來無生死。今亦示生死。
我得去住心。他生復來此。頃時囑曰。吾滅後六十年。
有僧來取吾骨。勿拒言訖而逝。入滅五十四年。有刺
浮長老自雲門至塔所。禮曰。冀塔洞開。少選塔戶。果
啓其骨。連環若黃金。浮卽持往秦望山。建窣堵波奉
藏。以周威烈丁卯至。唐高宗顯慶丁巳。攷之實一千
七十二年。抵此土。歲歷四百餘。

法順大師

法順大師姓杜氏世傳文殊化身也降靈於雍州萬年縣神迹炳著不可勝紀嘗作法身頌曰懷州牛喫禾益州馬腹脹天下覓醫人灸猪左膊上天奇瑞云金剛之堅未爲堅如意之貴未爲貴左右觀之風吹不入前後觀之雨洒不着所以法華云幽固深遠無人能到

未詳法嗣

實性大師

實性大師因同參芙蓉訓禪師至上堂以右手拈拄杖倚放左邊良久曰此事若不是芙蓉師兄也大難委悉便下座

茶陵郁山主

茶陵郁山主不曾行脚因廬山有化士至論及宗門中事教令看僧問法燈百尺竿頭如何進步法燈曰噫凡三年一日乘驢度橋一踏橋板而墮忽然大悟遂有頌曰我有神珠一顆久被塵勞關鎖今朝塵盡光生照破山河萬朵因茲更不遊方師乃白雲端和尚得度師端有贊曰百尺竿頭曾進步溪橋一踏沒山河從茲不出茶川上吟嘯無非囉哩囉

僧肇法師

僧肇法師遺秦王難臨就刑說偈曰四大元無主五陰本來空將頭臨白刃猶似斬春風玄沙僊云大小乘法師臨死適語

禪月貫休禪師

禪月貫休禪師有詩曰禪客相逢祇彈指此心能有幾人知大隨和尚舉問曰如何是此心師無對歸宗柔代云能有幾人知

先淨照禪師

先淨照禪師問楞嚴大師經中道若能轉物卽同如來若被物轉卽名凡夫祇如昇元閣作麼生轉嚴無對汾陽昭代云彼此老大

公期和尙

公期和尙因往羅漢路逢一騎牛公子師問羅漢路向甚麼處去公拍牛曰道道師喝曰這畜生公曰羅漢路向甚麼處去師却拍牛曰道道公曰直饒恁麼猶少蹄角在師便打公拍牛便走

唐朝因禪師

唐朝因禪師微時嘗運槌擊土次見一大塊戲槌猛

擊之應碎豁然大悟

後有老宿聞云盡山河大地被因禪師一擊百雜碎

法海立禪師

處州法海立禪師因朝廷有旨革本寺爲神霄官師
陞座謂衆曰都緣未徹所以說是說非蓋爲不真便
乃分彼分此我身尙且不有身外鳥足道哉正眼觀
來一場笑具今則聖君垂旨更僧寺作神霄佛頭上
添箇冠兒算來有何不可山僧今日不免橫擔拄杖
高挂鉢囊向無縫塔中安身立命於無根樹下嘯月
吟風一任乘雲仙客駕鶴高人來此呪水書符叩牙
作法他年成道白日上昇堪報不報之恩以助無爲
之化祇恐不是玉是玉也大奇然雖如是且道山僧
轉身一句作麼生道還委悉麼擲下拂子竟爾趨寂

樓子和尙

樓子和尙不知何許人也遺其名氏一日偶經遊街
市間於酒樓下整襪帶次聞樓上人唱曲云你既無
心我也休忽然大悟因號樓子焉

神照本如法師

神照本如法師嘗以經王請益四明尊者尊者震聲

曰汝名本如師卽領悟作偈曰處處逢歸路頭頭達
故鄉本來成現事何必待思量

上竺證悟法師

臨安府上竺圓智證悟法師台州林氏子依白蓮僊
法師問具變之道僊指行燈曰如此燈者離性絕非
本自空寂理則具矣六凡四聖所見不同變則在焉
師不契後因掃地誦法華經至知法常無性佛種從
緣起始諭旨告僊僊然之師嘗患學者囿於名相至
以天台爲文字之學南宗鄙之乃謁護國此庵元禪
師夜語次師舉東坡宿東林偈且曰也不易到此田
地元曰尙未見路徑何言到耶曰祇如他道溪聲便
是廣長舌山色豈非清淨身若不到此田地如何有
這箇消息元曰是門外漢耳曰和尙不吝可爲說破
元曰却祇從這裡猛著精彩覷捕看若覷捕得他破
則亦知本命元辰落著處師通夕不寐及曉鍾鳴去
其秘密以前偈別曰東坡居士太饒舌聲色關中欲
透身溪若是聲山是色無山無水好愁人特以告元
元曰向汝道是門外漢師禮謝未幾有化馬祖殿瓦

者求語發揚師書曰寄語江西老古雖從教日久與風吹兒孫不是無料理要見冰消瓦解時此庵見之笑曰須是這闍黎始得

淨居尼玄機

温州淨居尼玄機唐景雲中得度常習定於大日山石窟中一日忽念曰法性湛然本無去住厭喧移寂豈為達邪乃往參雪峯雪峯問甚處來曰大日山來雪峯曰日出也未師曰若出則鎔却雪峯雪峯曰汝名甚麼師曰玄機雪峯曰日織多少師曰寸絲不挂遂禮拜退纔行三五步雪峯召曰袈裟角拖地也師回首雪峯曰大好寸絲不挂世傳玄機乃永嘉大師女弟嘗同遊方以景雲歲日考之是矣第所見雪峯非真覺存也永嘉既到曹經必微下雪峯也未詳法嗣故附於此

亡名老宿

二十
六則

昔有一老宿一夏不為師僧說話有僧歎曰我祇恁麼空過一夏不敢望和尚說佛法得聞正因兩字也得老宿聞乃曰闍黎莫暫速若論正因一字也無道了叩齒曰適來無端不合與麼道隣壁有一老宿聞曰好一釜羹被一顛鼠糞汚却報慈遂微云且道讚歎語不肯語若是讚

歎為甚道風糞汚却若不肯他有何麼過驗得麼雪寶顯云誰家釜裏無一兩顆黃龍清云二老宿只見雖頭利不見鑿頭方只如這僧道不致望和尚說佛法得聞正因兩字也得是會不會參玄要具通方眼好向言中辨古今

昔有一僧在經堂內不看經每日打坐藏主曰何不

看經僧曰某甲不識字藏主曰何不問人僧近前又

手鞠躬曰這箇是甚麼字藏主無對大通本代云又道不識

昔有一老宿住菴於門上書心字於牕上書心字於

壁上書心字法眼益云門上但書門字牕上但書心字壁上但書壁字報慈遂云門上不

要書門字牕上不要書壁字壁上不要書壁字何故字義炳然

昔有二庵主住庵旬日不相見忽相會上庵主問下

庵主多時不相見向甚麼處去下庵主曰在庵中造

箇無縫塔上庵主曰某甲也要造一箇就兄借取塔

樣子下庵主曰何不早說恰被人借去了也法眼益云且道

是借他樣不借他樣

昔有一庵主見僧來豎起火筒曰會麼曰不會庵主

曰三十年用不盡底僧却問三十年前用箇甚麼庵

主無對歸宗柔代云也要知

昔有一老宿因江南國主問予有一頭水牯牛萬里

無寸草未審向甚麼處放老宿無對歸宗柔代云好處放

昔有一老宿問僧甚麼處來僧曰牛頭山禮拜祖師

來老宿曰還見祖師麼僧無對歸宗柔代云大似不相信

昔有一老宿有偈曰五蘊山頭一段空同門出入不

相逢無量劫來賃屋住到頭不識主人公有老宿云既不識他

當初問甚麼人實

僧問老宿如何是密室中人老宿曰有客不答話玄沙

備云何曾密歸宗柔別老宿云你因甚麼得見

昔有一老宿因僧問魂兮歸去來食我家園甚如何

是家園甚報慈遂代云是亦食不得法燈欽云汚却你口

昔有一老宿曰祖師九年面壁爲訪知音若怎麼會

得喫鐵棒有日在又一老宿曰祖師九年面壁何不

慚惶若怎麼會得更買草鞋行脚三十年瑯琊覺云既不然且

道祖師面壁意作麼生良久云欲得不招無間業莫謗如來正法輪天童傑舉瑯琊語了云二老宿敲磬打

死瑯琊和尚盡虎成狸諸人要見祖師面壁底意旨麼窮坑難滿

昔有一老宿因僧問師子捉兔亦全其力捉象亦全

其力未審全箇甚麼力老宿曰不欺之力法眼益別云不會古

語人

昔有一老宿曰這一片田地分付來多時也我立地

待汝搆去法眼益云山僧如今坐地待汝搆去還

昔有老宿畜一童子並不知軌則有一行脚僧到乃

教童子禮儀晚間見老宿外歸遂去問訊老宿怪訝

遂問童子曰阿誰教你童曰堂中某上座老宿喚其

僧來問上座傍家行脚是甚麼心行這童子養來二

三年了幸自可憐生誰教上座教壞伊快束裝起去

黃昏雨淋淋地被趣出法眼益云古人怎麼顯露些子家風甚怪且道意在於何

昔有僧到曹溪時守衣鉢僧提起衣曰此是大庾嶺

頭提不起底僧曰爲甚麼在上座手裏僧無對雲門偃云

彼此不了又云將謂是師子兒

昔有老宿問一座主疏鈔解義廣略如何座主曰鈔

解疏疏解經老宿曰經解甚麼座主無對

昔高麗國來錢塘刻觀音聖像及昇上船竟不能動

因請入明州開元寺供養後有設問無利不現身聖

像爲甚不去高麗國長慶稜云現身雖普觀相生偏法眼益別云識得觀音未

泗州塔前一僧禮拜有人問上座日日禮拜還見大

聖麼法眼益代云汝道禮拜是甚麼義

泗州塔頭侍者及時鎖門有人問既是三界大師爲

甚麼被弟子鎖侍者無對

法眼益代云弟子鎖大師鎖法燈欽代云還我鎖

匙來又老宿代云吉州鎮慶州鎮

聖僧像被屋漏滴有人問僧既是聖僧爲甚麼有漏

僧無對

詔國師代云無漏不是聖僧

有人問僧點甚麼燈僧曰長明燈曰甚麼時點曰去

年點曰長明何在僧無語

長慶稜代云若不如知公不受人謾法眼益別

云利勤君子

有座主念彌陀名號次小師喚和尚及回顧小師不

對如是數四和尚叱曰三度四度喚有甚麼事小師

曰和尚幾年喚他即得某甲纔喚便發業

法燈欽代云咄叱

有僧與童子上了令持經著函內童子曰某甲念

底著向那裏

法燈欽代云汝念甚麼經

有僧入冥見地藏菩薩地藏問你平生修何業僧曰

念法華經曰止止不須說我法妙難思爲是說是不

說僧無對

歸宗柔代云此回歸去敢爲流通

鹽官會下有一主事僧忽見一鬼使來追僧告曰某

甲身爲主事未暇修行乞容七日得否使曰待爲白

王若許卽七日後來不然須與便至言訖不見至七

日後復來覓其僧了不可得後有人舉問一僧若被

覓著時如何抵擬他

洞山外代云被他覓得也

台州六通院僧欲渡船有人問既是六通爲甚麼假

船僧無對

天台詔國師代云不欲驚衆

亡名宰官

則七

洪州太守宋令公一日大寧寺僧陳乞請第二座開

堂公曰何不請第一座衆無語

法眼益代云不勞如此

江南相馮延巳與數僧遊鍾山至一人泉問一人泉

許多人爭得足一僧對曰不教欠少延巳不肯乃別

曰誰人欠少

法眼益別云誰是不足者

官人問僧名甚麼曰無揀官人曰忽然將一碗沙與

上座又作麼生曰謝官人供養

法眼益別云此猶是揀底

廣南有僧住庵國主出獵左右報庵主大王來請起

庵主曰非但大王來佛來亦不起王問佛豈不是汝

師庵主曰是王曰見師爲甚麼不起

法眼益代云未足酬恩

福州洪塘橋上有僧列坐官人問此中還有佛麼僧

無對

法眼益代云汝是甚麼人

昔有官人入鎮州天王院觀神像因問院主曰此是甚麼功德曰護國天王曰祇護此國偏護餘國曰在秦爲秦在楚爲楚曰臘月二十九日打破鎮州城天王向甚處去院主無對

昔有官人作無鬼論中夜揮毫次忽見一鬼出云汝道無我五祖演云老僧當時若見但以手作鵝鵝鵝向伊道谷呱呱

亡名行者五則

昔有道流在佛殿前背佛而坐僧曰道士莫背佛道流曰大德本教中道佛身充滿於法界向甚麼處坐得僧無對法眼益代云識得汝

有一行者隨法師入佛殿行者向佛而睡師曰行者少去就何以睡佛行者曰將無佛處來與某甲睡師無對溪山祐云仁者却不仁者不仁者却仁者即山寂代法師云但睡行者又云行者若有語即向伊道還我無行者處來

死魚浮於水上有人問僧魚豈不是以水爲命僧曰是曰爲甚麼却向水中死僧無對杭州天龍機和尚代云是伊爲甚麼不去岸上死

鷓子越鷓子飛向佛殿欄干上顧有人問僧一切衆

生在佛影中常安常樂鷓子見佛爲甚麼却顧僧無對法燈欽代云怕佛

昔有一僧去覆船路逢一賣鹽翁僧問覆船路向甚麼處去翁良久僧再問翁曰你患鹽那僧曰你向我道甚麼翁曰向你道覆船路僧曰翁莫會禪麼翁曰莫道會禪佛法也會盡僧曰你試說看翁挑起鹽籃僧曰難翁曰你喚這箇作甚麼僧曰鹽翁曰有甚麼交涉僧曰你喚作甚麼曰不可更向你道是鹽

亡名道婆五則

昔有婆子供養一庵主經二十年常令一二八女子送飯給侍一日令女子抱定曰正恁麼時如何庵主曰枯木倚寒巖三冬無暖氣女子舉似婆婆曰我二十年祇供養得箇俗漢遂遣出燒却庵徑山信云冷地看來婆婆子也不唧啗何待遣出遣僧方覺却且道雙髻意落在甚麼處具眼者辨看

昔有一僧參米胡路逢一婆住庵僧問婆有眷屬否曰有僧曰在甚麼處曰山河大地若草若木皆是我眷屬僧曰婆莫作師姑來否曰汝見我是甚麼僧曰俗人婆曰汝不可是僧僧曰婆莫混濫佛法好婆曰

我不混蓋佛法僧曰汝怎麼豈不是混蓋佛法婆曰
你是男子我是女人豈會混蓋

龐行婆入鹿門寺設齋維那請意旨婆拈梳子挿向
髻後曰回向了也便出去

温州陳道婆嘗徧扣諸方名宿後於長老山淨和尚
語下發明有偈曰高坡平頂上盡是採樵翁人人盡
懷刀斧意不見山花映水紅

昔有施主婦人入院行衆僧隨年錢僧曰聖僧前著
一分婦人曰聖僧年多少僧無對法眼益代云心明滿處即知

宋世玉音

宋太宗皇帝

宋太宗皇帝一日幸相國寺見僧看經問曰是甚麼
經僧曰仁王經帝曰既是寡人經因甚却在卿手裏
僧無對雪竇顯代云皇天無親唯德是輔○幸開寶塔問僧卿是甚

人對曰塔主帝曰朕之塔爲甚麼卿作主僧無對雪竇顯代云令○一日因僧朝見帝問甚處來對曰廬山

臥雲庵帝曰朕聞臥雲深處不朝天爲甚到此僧無
對雪竇顯代云○僧入對次奏曰陛下還記得麼帝

曰甚處相見來奏曰廬山一別直至今帝曰卿以
何爲驗僧無對雪竇顯代云貧道得得而來○京寺回祿藏經悉
爲煨燼僧欲乞宣賜召問昔日摩騰不燒如今爲甚
却燒僧無對雪竇顯代云陛下不忘付囑○帝嘗夢神人報曰請
陛下發菩提心因早朝宣問左右街菩提心作麼生
發皆無對雪竇顯代云實○智寂大師進三界圖帝
問朕在那一界中智寂無對保寧勇代云陛下何處不稱尊○一日
朝罷帝擊鉢問丞相王隨曰既是大庾嶺頭提不起
爲甚麼却在朕手裏隨無對

徽宗皇帝

徽宗皇帝政和三年嘉州巡捕官奏本部路傍有大
古樹因風摧折中有一僧禪定髮髮被體指爪遶身
帝降旨令肩輿入京命西天總持三藏以金鑿出其
定遂問何代僧曰我乃東林遠法師之弟名慧持因
遊峨嵋入定於樹遠法師無恙否三藏曰遠法師晉
人也化去七百年矣持不復語三藏問師既至此欲
歸何所持曰陳留縣復入定帝製三偈令繪像頒行
偈曰七百年來老古雖定中消息許誰知爭如隻履

西歸去生死何勞木作皮藏山於澤亦藏身天下無藏道可親寄語莊周休擬議樹中不是負移人有情身不是無情彼此人人定裏身會得菩提本無樹不須辛苦問盧能

孝宗皇帝

孝宗皇帝宣問靈隱佛照光禪師曰釋迦佛入山修道六年而成所成者何事請師明說對曰將謂陛下忘却

教外別傳卷十六終